

250
L

12

NILI MYSTICI
EX PARADISO VOLUPTATIS,
SIVE VERBI DIVINI, SEPTEMPlici
ALVEO DEFLUENTIS,

Et

Totidem Effusionibus Preciosi Sanguinis

D. N. JESU CHRISTI
SACRI

ALVEUS
TERTIUS,

Sive

TERTIUS ANNUS
Concionum in Dominicas

& Festa per Annum,

AUCTORE

R. P. PHILIPPO KISELIO,
Fuldensi è Soc. Jesu.

Cum Privilegio Sacrae Caesaræ Majestatis.

BAMBERGÆ,

Sumptibus JOANNIS ARNOLDI CHOLINI.

ANNO M. DC. LXIX.

EMANUELE



NILI
MYSTICI
ALVEUS
tertius

SS. Sanguis. IESU. Agellati

Auctore R. P. PHILIPPO KISELLO è Societate IESU.







Joan. Bay. de Rull. ac vivum pinxit

Anno 1669.

Jacob Sandrart sculp. Norimb.



REVERENDISSIMO

Et Perillustri DOMINO,

D. FRANCISCO
CONRADO
à Stadion,

Ecclesiarum Imperialis Bambergensis, Cathedralis
Herbipolensis, Equestris Comburgensis, & Colle-
giatæ ad S. Gangolphi, juxta Bambergam respecti-
vè Præposito, Custodi, Seniori, Canonico Capitu-
lari; nec non Eminentissimi Electoris Moguntini
ad Ratisponensem Diætam Imperialem Le-
gato Principali, ac Consiliario
intimo &c.



Domino meo perquam gratioso.



Aveus Nili mei Mystici ter-
tius, Reverendissime Prænobilis ac
Gratiosè Domine, diuturnioris impa-
tiens moræ, ruptis, quibus hactenus te-
nebatur, repagulis, in Ecclesiæ Catho-
licæ

DEDICATIO.

licæ agros totum se effundere gestit; & ut hoc majore cum fructu consequatur, amicum votis omnibus **SIDUS** exposcit, quod gratiosis virtutis nativæ radiis illum foveat, dilatet, fœcundet, itaque liberalius fluere, irrigare uberius, & fructuosius faciat inundare: haud immemor quantum *Alveus Primus à Speciosi Fontis* affluxu ubertatis, & quantum secundus, in hoc vere secundus, ab Illustrissimi **ARIETIS** influxu splendoris hauserit & utilitatis. Neque operosum fuit ejuscemodi astrum reperire, quando te, Reverendissime Prænobilis & Gratiose Domine, perillustre Sidus esse non unum comprobat argumentum. Sidus es sublime, quod in honorum & dignitatum fastigio collocatum orbi nostro fulget conspicuum. Sidus es pretiosum, quod admirabili virtutum variarum fulgore, animi celsitate, morum integritate, æquitatis studio, Religionis orthodoxæ ardore quam instructissimum, ceu lucidissimis radiis oculorum nostrorum acies non absque congratulantis animi gaudio perstringit. Sidus es coruscum, quod omnigenis corporis & animi excultum dotibus, ingenii claritate, sapientiæ lumine, judicii perspicacia, consiliorum profunditate nos attonitos in nominis sui amorem reverentiamque suaviter compellit. Sidus es salutare, quod totum in publicæ rei commodum, pacis & tran-

D E D I C A T I O.

& tranquillitatis incrementum, Principum concordiam, subditorum salutem & universi orbis Christiani bonum multis jam annis lucet feliciter & ardet utiliter. *Sidus* denique es verè gloriosum; gloriosum amplissimo tuo & prænobili stemmati, quod accessione gloriæ tuæ radiare pulchrius & splendidius pergit inclarescere: gloriosum Cathedralibus Bamberg. Herbipol. &c. Ecclesiis, quæ splendore hujus *sideris* non minus lætantur quàm exornantur: gloriosum Eminentissimo Archiepiscopo Moguntino, JOANNI PHILIPPO, S. R. Imperii Electori, qui hoc sidere in status consiliis, in publicis comitiis, cum nunquam intermoritura nominis ac famæ suæ gloria utitur fidenter, eoque negotia difficultate ardua, numero plurima, granditate summa aggreditur fortiter, urget constanter, exequitur laudabiliter. gloriosum postremo Ecclesiæ, Catholicæ & DEO ter optimo ter maximo, quibus sic luces in terris, ut in cœlistandem lucere merearis in omnes æternitates. Ita nimirum cum fœnore refundis acceptam à Majoribus tuis lucem, & generosi sanguinis Stadionæi non degenerem te probas hæredem. Sidera eaque perfectæ & decora vos esse voluere Majores vestri, aut quisquis Imperatorum, in rerum ab iis præclarè & fortiter contra Otto-

)(

man-

DEDICATIO.

mannicam Lunam gestarum testificationem , gentilitio vestro scuto ternas indidit lunas , pulchrè in ternario numero perfectionem , in Luna verò apte pulchritudinem exprimentes. Sidera vos ejusmodi desiderarunt, quæ fortitudine, doctrina, prudentia, pietate radiarent, familiæ splendorem luminis proprii accessione cumularent, & ad partam Majorum suorum gloriam suam quoque copiose adjicerent. Si enim Lunæ sidus fortitudinis , doctrinæ, prudentiæ, pietatis, gloriæ incrementi est symbolum: Si masculam fortitudinem & excelsam animi magnitudinem Luna ex densis & atris nubibus emergente addito hoc lemmate: post **TENEBRAS LUCEM**, ingeniose Antiquitas expressit: Si virtutis pulchritudinem ejusque comitem felicitatem Luna Soli parallela hac cum inscriptione: **SIMUL & SEMPER** artificiose adumbravit: si doctrinæ & sapientiæ studium Luna pretioso redimita diademate, cui hæc epigraphe inarata erat, **CUM PLENA EST, FIT ÆMULA SOLIS**, scitè explicuit: Si Fortunarum & gloriæ incrementum tribus semilunis inter se complicatis, & cornubus hoc hemistichium respicientibus, **DONEC TOTUM IMPLEAT ORBEM** sapienter exposuit: consilio plus quam humano ducti sunt, qui tres Lunas in perpetuum amplissi-

DEDICATIO.

plissimæ vestræ Familiæ symbolum statuerunt. Præ-
sagiit enim vero illis animus quàm plurimos hac ex
generosa stirpe Heroes catenata serie subnascituros,
qui singulari fortitudinis, magnanimitatis, pietatis,
felicitatis, doctrinæ & sapientiæ prærogativa insi-
gnes, ceu sidera perfecta & decora ad Imperii bo-
num, religionis incrementum, pacis tranquillita-
tem, in perennaturum prosapiæ suæ decus essent ar-
sura. Nec vani in hoc fuere augures; quot enim &
quàm multiplicia benè longam clarissimamque ve-
stram Genealogiam exornant lumina? quæ non mi-
nus in generosi nobilissimique sanguinis hæredita-
tem, quàm in parem, si non maiorem, per res à se præ-
clarè gestas nominis successere celebritatem. Ere-
ctis in campo Martio trophæis Fortitudo & Scientia
militaris celebrat Stadionæa belli fulmina, Heroes
bellicis titulis & honoribus eminentes, quos secundi
successus, frequentes hostium strages, crebræ victo-
riæ & hastiludia anno 1080. celebrata, vel maximè, il-
lustres reddidere. Prudentia & Justitia suis in subsel-
lis & dicasteriis vestra scripsere nomina, velut quæ-
dam sapientiæ & æquitatis numina, quia vos amplif-
sima elevati iudicii dos Principum consiliis adlegit, &
fœcunda profundorum consiliorum mens præfecit,
ut quæ solers perspicacia invenisset sapienter, eadem

DEDICATIO.

vestra dexteritas fortiter & feliciter expediret. Inter quos eminet, magnus ille per Germaniam, Italiam, partesque transmarinas Magister, cujus in regendo prudentiam, in conciliis maturitatem; in bellis fortitudinem, in expediendis quibuscunque arduis dexteritatem Illustrissimus ordo B. Mariæ Virginis Teutonicus, & uterque Ferdinandus, II. & III. S.R.I. Imperatores suspexerunt; Suis in candelabris posuere Cathedrales Ecclesiæ vos, ceu luminaria grandia, Præpositos, Decanos, imò Præsules & Episcopos, Augustana nimirum, celeberrimum illum Christophorum, quem Imperatorum legationes, eruditionis fama, & religionis Orthodoxæ studium, solidaque contra heterodoxam Lutheri hæresin doctrina, orbi Germanico reddidit Venerabilem; ita ut merito Annales Anni 1517. in ejus commendationem laudesque, pleno excurrant stylo, ut in illum, prout in Prædecessores suos fortuna nobilitatem, natura formam & majestatem, gratia suprema commendationis argumenta & omnem virtutis apparatus coegisse & liberali manu congefisse non immerito videatur. Hos inter Reverendissime Prænobilis & Gratiose Domine, virtutetua & nominis celebritate, tu mihi radiare pulchrius, lucere clarius, splendescere videris amabilius. Trahit affectus omnium quo vis magnetete

DEDICATIO.

gnete fortius illa tua excelsa mentis altitudo , tanta cum animi modestia conjuncta: rapit animos omnium suavis tua comitas & singularis qua polles majestas & humanitas : rapit in admirationē & æstimationem insignis illa prudentiæ tuæ & sapientiæ lux consiliorum grandium maturitate verè admirabilis , quares æquè difficiles ac involutas planas explicatasque mira promptitudine & facilitate reddere consuevisti. Patere ergò, Reverendissime Prænobilis & Gratiose Domine, meum ad te trahi affectum, rapi animum & totum virtutibus tuis capi, quem meritis tuis jam pridem devinctum obstrictumque tenes. Da hoc modestiæ tuæ & meæ temeritati, tribue hoc tuæ humanitati & meæ petitioni, hoc supplici confer beneficium, cui nil minus opinanti & immerenti gratiarum tuarum favores sæpe sæpius exhibuisti, & faustissimum Alveo meo SIDUS exorere: effunde in illum gratiosos Lucis tuæ radios, explica super illum Serenas benevolentiae tuæ faces, tuo à splendore decorem, à claritate tua pulchritudinem, à copiosis virtutum tuarum influentiis capeſſat augmentum, tuisque à Lunis auctus felici tandem cursu in Ecclesiæ Catholicæ agros ad majorem DEI Gloriam & plurimorum solatium remotis obicibus erumpat. Sitque , quoad perennabit, meæ in te gratitudinis & obser-

)) 3

DEDICATIO.

observantiæ exile quidem, at perpetuum monumen-
tum. Vive & vale diutissimè sospes ad Imperii Ro-
mani utilitatem, Germaniæ honorem, Tuorum Or-
namentum, bonorum salutem, omnium felicitatem.
Ita vovet

Reverendiss. & Perillustis D. T.

Bambergæ d. 4. Martii
Anno 1669.

humillimus servus

Philippus Kieselius
Soc. Jesu.

Privi-

Privilegium Cæsareum,

Et potestas Bibliopolæ facta à R. P. Provinciali Provinciae Rhenanæ superioris Societatis Jesu.

Cum Sacra Cæsarea Majestatis Decreto omnibus & singulis Typographis & Bibliopolis, ac aliis quaecunque librariam negotiationem exercentibus, serio firmiterque inhibeatur, ne quisquam ullos libros à nostris patribus hætenus editos, vel imposterum edendos intra S. R. Imperii Regnorum & Dominiorum sue Cæsarea Majestatis Hereditariorum fines, simili vel alio characteris genere aut forma, sive in toto sive in parte recudere, vel alio recudendos mittere, aut alibi etiam impressos adducere & distrabere, clam vel palam audeat, vel præsumat; Concedo ego Nicolaus Lutz Societatis Iesu per Rhent superioris Provinciam Præpositus Provincialis, potestate ad id mihi facta à Patre Ioanne Paulo Oliva Ioanni Elia Höffling Bibliop. Bambergensi facultatem excudendi Nili Mystici Alveum Tertium, seu tertium Annum Concionum in Dominicis & festa, item Ignea Specula, ardentem Amantium Iesum Crucifixum, sive exhortationes per singulos menses anni ad Sodales Congregationis Christi in cruce agonizantis à R. P. Philippo Kieselio Societatis nostræ Sacerdote conscriptas. In cuius rei fidem hoc ei testimonium dari curavi. Hagenoæ 21. Octobris Anno 1668.

(L.S.)

Nicolaus Lutz.

Prædictus D. Joannes Höffling cessit ius suum prædicti Privilegii D. Joanni Arnoldo Cholino.


APPROBATIO

*R. P. Præpositi Provincialis Provincia Rhenana
Superioris.*

Ego Nicolaus Lutz, Societatis Jesu in Provincia Rhenana Superiore Præpositus Provincialis, Potestate ad id mihi facta à Patre Joanne Paulo Oliva Præposito Generali, Nili Mystici Alveum Tertium, sive Tertium Annum in Dominicas & festa, item Ignea Specula ardentem amantium Jesum Crucifixum, sive exhortationes per singulos menses anni, ad sodales Christi in Cruce Agonizantis à R. P. Philippo Kiselio Societatis nostræ Sacerdote conscripta, atque à Deputatis ad id Societatis ejusdem Theologis lectas & approbatas typis mandari permitto. In cujus rei fidem has literas manu propria subscripsi, consuetoque officii Sigillo munitas dedi. Hagenoæ 21. Octobris Anno 1668.

(L.S.)

Nicolaus Lutz
m.p.



INDEX THEMATUM.

In Dominicas ab Adventu usque ad Pentecosten.

Thema Pro Dominica Prima Adventus. <i>Dicite filia Sion: Ecce Rex tuus venit tibi mansuetus.</i> Matth. 21. v. 5. p. 1	Thema Dominica tertia post Epiphaniam. <i>Domine, si vis, potes me mundare</i> Matth. 8. v. 2. 71
Thema Dominica secunda Adventus <i>Erunt signa in sole, & Luna & Stellis.</i> Luc. 21. v. 25. 12	Thema Dominica quarta post Epiphaniam. <i>Ecce motus magnus factus est in mari.</i> Matth. 8. v. 24. 80
Thema Dominica tertia Adventus. <i>Ecce ego mitto Angelum meum ante faciem tuam, qui preparabit viam tuam, ante te.</i> Matt. 11. v. 10. 21	Thema Dominica Septuagesimæ. <i>Exiit conducere operarios in vineam suam.</i> Matth. 20. v. 1. 90
Thema Dominica quarta Adventus. <i>Vox clamantis in deserto</i> Luc. 3. v. 4. 31	Thema Dominica Sexagesimæ. <i>Deinde venit Diabolus, & tollit verbum de corde eorum ne credentes salvi fiant</i> Luc. 8. v. 12. 100
Thema Dominica infra Octavam Nativitatis Christi. <i>Ecce hic positus est in ruinam</i> Luc. 2. v. 34. 41	Thema Dominica Quinquagesimæ. <i>Ecce ascendimus Ierosolymam</i> Matth. 20. v. 18. 109
Thema Dominica infra Octavam Epiphaniz. <i>Remansit puer Iesus in Ierusalem.</i> Luc. 2. v. 36. 50	Thema Dominica prima Quadragesimæ. <i>Cum ieiunasset quadraginta diebus & quadraginta noctibus</i> Matt. 4. v. 1. 120
Thema Dominica secunda post Epiphaniam. <i>Nuptie factæ sunt in Cana Galilee.</i> Joh. 2. v. 1. 61	Thema Dominica secunda Quadragesimæ. <i>Filia mea male vexatur à Demone.</i> Matt. 15. v. 30
) (Thema

INDEX

Thema	<i>Iesum, qui crucifixus est, queritis, non est</i>	
Dominica tertia Quadragesimæ.	<i>his, surrexit enim.</i> Matt. 28. v. 5.	217
<i>Erat Iesus ejiciens Damonium.</i> Luc. 11.	Thema	
v. 14.	Dominica in Albis.	
140	<i>Pax vobis.</i> Ioh. 20. v. 27.	224
Thema	Thema	
Dominica quarta Quadragesimæ.	Dominica secunda post Pascha.	
<i>Abus Iesus trans mare.</i> Ioan. 6. v. 1.	<i>Ego sum Pastor bonus.</i> Ioan. 10. v. 10.	233
150	Thema	
Thema	Dominica tertia post Pascha.	
Dominica Passionis.	<i>Modicum.</i> Ioan. 16. v. 16.	242
<i>Quis ex vobis arguet me de peccato.</i> Johan.	Thema	
8. v. 46.	Dominica quarta post Pascha.	
160	<i>Quia hac locutus sum vobis, tristitia imple-</i>	
Thema	<i>vit cor vestrum.</i> Ioh. 16. v. 6.	249
Dominica Palmarum.	Thema	
<i>Ecce Rex tuus venit tibi mansuetus.</i> Matt.	Dominica quinta post Pascha.	
21. v. 5.	<i>Petite & accipietis.</i> Ioh. 16. v. 24.	258
169	Thema	
Historia Passionis Domini nostri Iesu	Dominica sexta post Pascha.	
Christi die Venetis sancto.	<i>Cum veni Paracletus, quem ego mittam</i>	
<i>Apprehendit ergo Pilatus Iesum & flagel-</i>	<i>vobis à Patre.</i> Ioan. 15. v. 26.	266
<i>lavit.</i> Ioh. 19. v. 1.		
181		
Thema		
Dominica gloriæ Resurrectionis		
Christi.		



INDEX THEMATUM.

In Dominicis à Pentecoste usque ad Adventum.

Thema	Luc. 14. v. 16.	291
Pro festo Pentecostes.	Thema	
<i>Paracletus autem Spiritus S. quem mittet</i>	Dominica III. post SS. Trinit.	
<i>pater in nomine meo.</i> Ioh. 14. v. 26.	<i>Hic peccatores recipit.</i> Luc. 15. v. 2.	299
274	Thema	
Thema	Dominica IV. SS. Trinit.	
Dominica I. post SS. Trinitatem.	<i>Eadem quippe mensura, qua mensi fueri-</i>	
<i>Epulabatur quotidie splendide.</i> Luc. 16.	<i>tis, remeietur vobis.</i> Luc. 6. v. 38.	306
v. 9.	285	
Thema	Thema	
Dominica II. post SS. Trinitat.	Dominica V. post SS. Trinitat.	
<i>Homo quidem fecit canam magnam.</i>	<i>Cum turbæ irruerent in Iesum, ut audirent</i>	
	<i>verbum</i>	

T H E M A T U M.

<i>verbum Dei.</i> Luc. 5. v. 1.	313	<i>indigetis.</i> Matt. 6. v. 32.	385
Thema		Thema	
Dominica VI. post SS. Trinit.		Dominica XVI. post SS. Trinit.	
<i>Qui irascitur fratri suo, reus erit iudicio.</i>		<i>Ecce defunctus efferebatur, filius unicus</i>	
<i>Matt. 5. v. 22.</i>	310	<i>matris sue.</i> Luc. 7. v. 12.	392
Thema		Thema	
Dominica VII. post SS. Trinit.		Dominica XVII. post SS. Trinit.	
<i>Misereor super urbem.</i> Marc. 8. v. 1.	327	<i>Et ipsi observabant eum.</i> Luc. 14 v. 1.	398
Thema		Thema	
Dominica IIX. post SS. Trinit.		Dominica XIX. post SS. Trinit.	
<i>Omnis arbor, qua non facit fructum bo-</i>		<i>At illu Iesus, Diliges Dominum Deum</i>	
<i>num, excidetur & in ignem mittetur.</i>		<i>tuum, ex toto corde tuo.</i> Matth. 22. v. 37.	406
<i>Matt. 7. v. 19.</i>	335	Thema	
Thema		Dominica XIX. post SS. Trinit.	
Dominica IX. post SS. Trinit.		<i>Confide fili.</i> Matt. 9 v. 2.	414
<i>Redderationem villicationis tue.</i> Luc. 16.		Thema	
<i>v. 2.</i>	342	Dominica XX. post SS. Trin.	
Thema		<i>Ligatis manibus & pedibus projicite in te-</i>	
Dominica X. post SS. Trinit.		<i>nebras exteriores.</i> Matt. 22. v. 13.	422
<i>Videns civitatem flevit super illam.</i> Luc.		Thema	
<i>19. v. 41</i>	349	Dominica XXI. post SS. Trinit.	
Thema		<i>Erat quidam regulus, cujus filius infirma-</i>	
Dominica XI. post SS. Trinit.		<i>batur.</i> Ioh. 4. v. 46.	430
<i>Omnis, qui se exaltat, humiliabitur.</i> Luc.		Thema	
<i>18. v. 14.</i>	357	Dominica XXII. post SS. Trinit.	
Thema		<i>Sic & pater meus celestis faciet vobis</i> Matt.	
Dominica XII. post SS. Trin.		<i>18. v. 35.</i>	437
<i>Adducunt ei surdum & mutum.</i> Marc. 7.		Thema	
<i>v. 32.</i>	364	Dominica XXIII. post SS. Trinit.	
Thema		<i>Cujus est hac imago, & superscriptio.</i> Matt.	
Dominica XIII. post SS. Trinit.		<i>22. v. 20.</i>	444
<i>Diliges Dominum Deum tuum ex toto cor-</i>		Thema	
<i>de tuo.</i> Matt. 22. v. 36.	371	Dominica XXIV. post SS. Trinit.	
Thema		<i>Domine, filia mea modo defuncta est.</i> Matt.	
Dominica post XIV. post SS. Trin.		<i>9. v. 18.</i>	452
<i>Occurrerunt ei decem leprosi.</i> Luc. 17. v. 12.		Thema	
	379	Dominica XXV. post SS. Trinit.	
Thema		<i>Cum videritis abominationem.</i> Matt. 24.	
Dominica XV. post SS. Trin.		<i>v. 15.</i>	459
<i>Scit enim Pater vester, quia his omnibus</i>			INDEX

)(2

INDEX

INDEX THEMATUM.

In festa ab Adventu usque ad Pentecosten.

Thema
Pro festo S. Francisci Xaverii Ind.
Apostoli.
Sini lumbi vestii praeincti. Luc. 12. v. 35. 470

Thema
Festo immaculatæ conceptionis B.
M. Virginis.
De qua natus est Iesus, qui vocatur Christus
Matt. 1. v. 16. 479

Thema
Festo S. Thomæ Apostoli.
Affer manum tuam, & mitte in latum
meum. Ioan. 20. v. 27. 489

Thema
Festo Nativitatis Christi Domini.
Hoc vobis signum: invenietis infantem posi-
tum in praesepe. Luc. 2. v. 12. 497

Thema
Festo S. Stephani Protomartyris.
Hoc vobis signum: invenietis infantem posi-
tum in praesepe. Luc. 2. v. 12. 509

Thema
Festo S. Iohannis Evangelistæ.
Hoc vobis signum: invenietis infantem posi-
tum in praesepe. Luc. 2. v. 12. 519

Thema
Festo circumcisionis Christi Domini.
Et vocatum est nomen eius Iesus. Luc. 2.
v. 21. 528

Thema
Festo Epiphaniæ.
Obtulerunt ei munera, aurum, thuris & myr-
ram. Matt. 2. v. 11. 539

Thema
Festo Purificationis B. V. Mariæ.
Tulerunt illum in Ierusalem, ut sisterent
eum Domino. Luc. 2. v. 22. 546

Thema
Festo S. Matthiæ Apostoli.
Venite ad me omnes, qui laboratis, & one-
rati estis & ego reficiam vos. Matt. 11. v. 28. 556

Thema
Festo S. Iosephi sponsi B. Virginis.
Nemo natus est in terris ut Ioseph. Eccles.
49. v. 16. 564

Thema
Festo Annunciationis B. Virginis.
Ave gratia plena: Dominus tecum. Luc. 1.
v. 28. 569

Thema
Feria secunda Paschatis.
Nonne hac oportuit pati Christum & ita in-
trare in gloriam suam. Luc. 24. v. 26. 578


Thema
Feria tertia Paschatis.
Pax vobis. Ioan. 20. v. 27. 585

Thema
Festo SS. Apostolorum Philippi
& Jacobi.
In domo Patris mei mansiones sunt multe.
Ioan. 14. v. 2. 592

Thema
Festo Ascensionis Domini.
Dominus Iesus, postquam locutus est eis,
assumptus est in caelum. Marc. 16. v. 19. 601

INDEX

T H E M A T U M.




INDEX THEMATUM.

In festa à Pentecoste usque ad Adventum,

Thema Pro Feria secunda Pentecost. <i>Sic Deus dilexit mundum ut filium suum unigenitum daret.</i> Ioh. 3. v. 16. 611	<i>Nisi gramina frumenti cadens in terram mortuum fuerit.</i> Ioan. 12. v. 25. 683
Thema Feria tertia Pentecostes. <i>Ego veni ut vitam habeant & abundan- tius habeant.</i> Ioh. 20. v. 10. 618	Thema Festo Assumptionis B. V. Mariæ. <i>Maria optimam partem elegit.</i> Luc. 10. v. 43. 690
Thema Festo Corporis Christi. <i>Caro mea vere est cibus.</i> Ioh. 6. v. 56. 625	Thema Festo S. Bartholomæi. <i>Elegit duodecim ex ipsis, quos Apostolos no- minavit.</i> Luc. 6. v. 13. 698
Thema Festo S. Ioannis Baptistæ. <i>Ioannes est nomen eius.</i> Luc. 1. v. 63. 634	Thema Festo Nativitatis B. V. Mariæ. <i>De qua natus est Iesus qui vocatur Christus.</i> Matt. 1. v. 16. 705
Thema Festo SS. Apostolorum Petri & Pauli. <i>Tu es Petrus, & super hanc Petram ædifi- cabo Ecclesiam meam.</i> Matt. 16. v. 17. 642	Thema Festo S. Matthæi. <i>Non veni vocare justos, sed peccatores.</i> Matt. 9. v. 13. 712
Thema Festo S. Mariæ Magdalenzæ. <i>Erat in civitate peccatrix.</i> Luc. 7. v. 37. 657	Thema Festo S. Michaelis Archangeli. <i>Angeli eorum semper vident faciem Patris mei, qui in caelis est.</i> Matt. 8. v. 20. 718
Thema Festo S. Jacobi Apostoli. <i>Potestis bibere calicem.</i> Matt. 20. v. 22. 665	Thema Festo Omnium Sanctorum. <i>Gaudete & exultate, quoniam merces ve- stra copiosa est in caelis.</i> Matt. 3. v. 12. 734
Thema Festo S. Ignatii Lojolæ Fundatoris Soc. Ies. <i>Laudemus viros gloriosos, & parentes no- stros in generatione sua.</i> Eccles. 44. v. 1. 673	Thema Festo Animarum. <i>Sancta & salubris est cogitatio pro defunctis exorare.</i> Lib. 2. Mach. cap. 12. v. 46. 741
Thema Festo S. Laurentii.	Thema Festo Presentationis B. Virginis. <i>Beatus venter qui te portavit.</i> Luc. 11. v. 27. 846

INDEX.



INDEX RERUM.

A.

Primus numerus significat Concionem, Alter Paragraphum.

- A** Bominatio triplex. C. 52. §. 1. & seq.
 Abominatio est hæresis. §. 5.
 Item scelera impunita. §. 9.
 Abraham, qualis fuit erga Deum; talis fuit Deus erga illum. C. 6. §. 4.
 Generosus ejusdem animus. C. 6. §. 5.
 Absolon fuit punitus, per illa, per quæ peccavit. C. 31. §. 5.
 Cur confosus fuerit tribus lanceis. C. 31. §. 6.
 Alphabetum encomiorum, ex quibus astruitur Immaculata Virginis Conceptio. C. 54. §. 13.
 Aman cur suspensus de patibulo. C. 31. §. 8.
 Amor Christi erga peccatorem. C. 12. §. 13.
 Amor Dei fons gaudii. C. 67. §. 10.
 Amor divinus, tyrannus. C. 77. §. 5.
 Amor est omnis virtus. C. 45. §. 7.
 Amor peremit Mariam. C. 79. §. 3. & seq.
 Amor inordinatus creaturarum turbat pacem. C. 21. §. 8.
 Amorem nostrum exigit Deus pro innumeris beneficiis. C. 40. §. 2.
 S. Andreas. Vide varia in C. 78.
 Anima hominis est nummus. C. 50. §. 1.
 Signatus variis imaginibus. §. 3.
 Virtutum & vitiorum. §. 4.
 Animæ in purgatorio. Quomodo illis succurrendum. In Exhort. pag. 741.
 Quam levi precio aliqui vendant suas animas. C. 12. §. 8.
 Angeli cur eduxerint Loth ex Sodoma. C. 34 §. 8.
 Angelorum plurima beneficia, & officia. C. 83. per totam.
 Animus dispiciens fortunam. C. 21. §. 7.
 Animus invictus. C. 78. §. 3.
 Annuntiat o. B. Virginis. C. 64. per totam.
 Apostolorum varia elogia. C. 73. §. 1.
 Apostoli armati ignibus. C. 27. §. 10. 11.
 Arborem bonam non faciunt sola folia & flores, sed fructus. C. 10. §. 6.
 sub qua arbore B. Virgo quieverit in montanis Judææ. C. 74. §. 13.
 Ardens amatrix. C. 40. §. 12.
 Ascensio Christi Dom. gloriosa. C. 68. §. 1.
 Quomodo contigerit. §. 3.
 Est fons gaudii. §. 6.
 Auditio Verbi Divini est necessaria. C. 32.
 Ejus fructus. §. 4.
 Avicula mirabilis Palæstinæ. C. 20. §. 1.

S. Bar-

R E R U M.

B.

S Bartholomæus, pugil, luctator. C. 80.

Varia ejus elogia, per totam C.

Beatitudo celestis. C. 75. §. 10.

Ejus memoria, nos solatur, in tribulationibus. §. 11.

C.

Cæcitas mentis ingens impiorum supplicium. C. 12. §. 2. & seq.

Caritas Dei & dilectio proximi sunt duæ alæ. C. 84. §. 1.

Caritas est regalis purpura. C. 84. Vide ibi multa de hac virtute.

Caroli V. symbolum. C. 2. §. 14.

Christus Dominus Electos suos partim solatur, partim affligit. C. 24. §. 2.

Ejus favor erga S. Ludgardem. C. 29. §. 1.

Ejus amor erga peccatores. C. 12. §. 13.

Christus D. resurgens à mortuis, est mellullaris consolatio. C. 20. §. 5.

Pastor bonus. C. 22. §. 1.

Pascit oviculas suas delicate. C. 22. §. 3. & seq.

Christus D. in Eucharistia. C. 28. per totam.

Varii diversimode illum inveniunt, ut solem. C. 5. §. 1.

Positus fuit multis in ruinam. C. 5. per totam.

Christus D. Princeps pacis. C. 66. §. 9.

Prior nos diligit. C. 62. §. 3.

Et plus amat, quàm nos amemus. §. 4.

Immensæ ejus caritas. §. 7. & seq.

Variis modis pulsatur ad ostium cordis. §. 10.

Habuit qualitates eximii Regis. C. 1. §. 4. & 6.

Comparatur pluviz & agnæ. C. 1. §. 11.

Conversatio ejus suavissima. C. §. 13.

Christus D. timendus est ut Index, amandus ut Salvator. C. 1. §. 16.

Duos habet pedes, Justitiæ & Misericordiæ. C. 2. §. 6.

Ejus bonitas non debet esse incentivum peccati. C. 2. §. 7.

Timendus ut dominator, amandus ut agnus. C. 2. §. 9.

Christus D. omnipotens, & Salvator gentium. C. 51. §. 1. 4.

Infinite ejus bonitas. C. 51. §. 7.

Christus D. flevit super Jerosolymam. C. 18. §. 1. C. 37.

Amore fuit conatus illam ad se trahere. C. 18. §. 2.

Christus D. accusatur coram Pilato. C. 19. §. 7.

Inter contumelias silere, magna est virtus. C. 19. §. 10.

Postponitur Barrabæ. §. 15.

Mittitur ad Herodem. §. 18.

Illud turabi. lo. §. 21.

Traditur à Pilato, ut flagelleretur. §. 23.

De flagellatione vide ibi multa.

Christus D. cum peccatoribus egit suaviter. C. 30. §. 9.

Bonus & justus. C. 17. §. 1. & 5.

Christus D. silex. C. 37. §. 3.

Quovis momento paratus est, exaudire peccatores. C. 40. §. 10.

Dilexit suos obrectatores. C. 44. §. 1.

Communione menstruz laus. C. 22. §. 11.

Confessio sacramentalis est signum veræ Ecclesiæ. C. 15. §. 2.

Confessione sublata aperitur porta ad omne scelus. C. 15. §. 3.

Confessionis necessitas. C. 15. §. 5. & seq.

con-

I N D E X

Confessio peccatoribus aperit cœlum.

C. 15. §. 12.

Superat dæmones. §. 13.

Confessio generat quietem mentis. C. 15.

§. 14.

à Confessione solatium. §. 16.

Ejus utilitas. §. 17.

Confessio requirit integritatem. C. 16. §.

3. & seq.

Confitentium sacrilege miser status. C.

16. §. 7.

Agunt cum Deo dolose. §. 8.

Confessio sacrilega est gaudium dæmonum. §. 14.

Aut integre confitendum, aut ardendum §. 17. Vide ibi plura de hac materia.

Gravis in sacrilegè confitentes invectiva. C. 17. §. 9.

Sunt adversarii Jesu crucifixi. C. 17. §. 14.

Conjugati sunt subjecti variis miseriis. C. 7. §. 3.

Conscientia bona est fons veri gaudii. C. 67. §. 6.

Ejus elogia. §. 8. & seq.

Conversio latronis in cruce fuit miraculum crucifixi. C. 17. §. 8.

Cor Christi fuit speculum Mariæ. C. 61. §. 9.

Correctio sit suavis. C. 30. §. 6. & seq.

Coronatio spineæ. Vide multa. C. 19. à §. 34.

Creaturæ clamant, ut amemus Deum. C. 45. §. 1.

Cruculæ variz, Xenium anni 1666. C. 59.

Crux post Resurrectionem Christi gloriosa. C. 65. §. 1.

Varia SS Crucis elogia. C. 66. & C. 78.

Cythara coronata. C. 7. §. 13.

D.

David liberatus à Goliath fuit figura immaculatæ conceptionis. C. 54. §. 2. 3.

David justus & misericors. C. 2. §. 10.

David immutatus per pœnitentiam. C. 3. §. 9.

Dæmones credunt, non tamen salvantur C. 35. §. 8.

Deus dum punit, est memor misericordiæ. C. 52. §. 10. seq.

Dei liberalitas. C. 40. §. 1.

Deus exigit nostram gratitudinem. C. 41. §. 2. 3.

Deus diligendus est. C. 45. §. 2.

Diligenti Deum observatio mandatorum est suavis. C. 45. §. 4.

Quid sit diligere Deum ex toto corde. C. 45. §. 10. seq.

Deus à nobis vult rogari. C. 25. §. 1.

Deus rexit suam majestatem. C. 1. §. 9.

Deus quomodo excæcet peccatores. C. 12. §. 5.

Cur Deus permitrat versari diabolos in hoc mundo. C. 13. §. 1.

Deus confertur speculo. C. 6. §. 3.

Deus qualis fuerit erga Abrahamum. C. 6. §. 6.

Deus diu minatur antequam puniat. C. 3. §. 1.

Quo sensu obliviscatur peccatorum. C. 3. §. 3.

In Deo omnia delectabilia. C. 67. §. 12.

Deus non dimittit, nisi dimittamus. C. 33. §. 6.

Diabolus conatur impedire fructus verbi divini. C. 11. §. 9.

Diaboli tormentum est, si libenter audiamus verbum divinum. C. 11. §. 15.

Diabolus est hostis potens & astutus. C. 13. §. 2.

Diaboli

R E R U M.

Diaboli odium & invidia erga genus humanum. §. 4.
 Diabolorum aviditas, ut perdant animas. C. 13. §. 6.
 Diabolus potest vinci. §. 7.
 Diabolus est hostis Sacramentalis Confessionis. C. 15. §. 1.
 Diabolus operit faciem sacrilege confidentium. C. 16. §. 10.
 Differentia ingens inter novum & vetus testamentum. C. 1 §. 1. 2. 3.
 Dilectionis erga proximum aliqui actus. C. 46. §. 8. 9.
 Dilectio inimicorum est ardua. C. 49. §. 1.
 Sed imitatur præcipua Dei attributa. §. 2.
 Est virtus propria Deo. §. 3.
 Diligere inimicos, est opus divinum. §. 4.
 Dilectio hæc nos facit filios Dei. §. 5. 6.
 Est victoria, & triumphus. §. 7.
 Per illam perfecte imitamur Christum D. §. 8.
 Dilectio inimicorum est necessaria & utilis. C. 33.
 Dilectionis mutue encomia. C. 26. §. 2.
 Dilectio mutua est digna præparatio ad accipiendum Spiritum S. C. 26. §. 10.
 Dionysii Syracusani ingens amor, erga ingratum nepotem C. 12 §. 14.
 Divitiæ, inquietant cor hominis. C. 9. §. 1.
 Divitiæ sunt vermes. C. 9. §. 8.
 Cor hominis reddunt amarum. §. 9. & seq.
 Divites immisericordes damnantur C. 34. §. 5.
 Divites à neglectis pauperibus ducuntur in infernum. C. 34. §. 7.

Divites misericordes habent certam spem cæli §. 10.
 Divitum conversio pender ab eleemosynis. C. 34 §. 11.
 Dives an possit sperare æternam salutem, an timere debeat æternam damnationem. C. 34 §. 4.
 S. Dominici consolatio in die Resurrectionis Christi D. C. 20. §. 4.

E.

Ecclesia Christi se opponit Satanæ. C. 2. §. 8.
 Ecclesiæ sunt domus æterni Patris. C. 79. §. 1.
 Alia illarum encomia. Ibidem.
 Qua reverentia illas debeamus intrare. §. 13.
 Illarum violatores graviter puniuntur. §. 14.
 Electi magis amant labores, quàm delicias. C. 76. §. 4.
 Electos Christus D. partim solatur, partim affligit. C. 24. §. 2.
 Electi inter tribulationes suaviter quiescunt. §. 12.
 Emblemata varia in laudem S. Thomæ. C. 55. §. 10. seq.
 Esther fuit figura B. Virginis. C. 77. §. 3. 4.
 Eucharistia est mysterium fidei. C. 71. §. 7. seq.
 Eucharistiæ suavitas. C. 22. §. 4.
 Eucharistia pignus futuræ gloriæ. C. 29. §. 6.
 Cur instituta à Christo. Conc. 19. §. 7.
 Est testamentum Christi Domini. C. 29. §. 9.

((((

Epu-

I N D E X

Epuli Eucharistici fercula. C. 28. §. 1.

In Eucharistia Christus D. nobis offert omnes thesauros. §. 2.

Jesus in Eucharistia fons collectus. §. 3.

Offert in illa nobis, quintam essentiam omnium meritorum. §. 6.

Abundantissime omnes gratias. §. 8.

Eucharistia in nobis nutrit spem futuræ gloriæ. C. 29. §. 2.

F.

Fabula, de amore, vincente omnes Deos. C. 1. §. 14.

Fides sola, non sufficit ad salutem. C. 10. per totam.

Fides circa mysterium SS. Eucharistiæ. C. 71. §. 2.

Fiducia in Christum est fundamentum pacis. C. 21. §. 6.

Flagellatio Christi. Vide multa in C. 19. a §. 23.

Florum aspectus suggerit sanctas cogitationes. C. 23. §. 1.

Fons mirabilis Epyri. C. 55. §. 5.

Fortunæ instabilitas. C. 23. §. 6.

S. Franciscus Xaverius Apostolicus Prædicator. C. 53.

Conf. rtur cum sphaera Archimedis. §. 2.

Fuit globus solis. §. 4.

Aquila. §. 5.

Fecit magna, & pertulit ardua. §. 6.

Tentat aditum in Chinas. §. 7.

In ingressu moritur. §. 10.

Epitaphia S. Xaverii. §. 12.

G.

Gaudium summum, est videre Jesum. C. 19. §. 19.

Gaudium in Resurrectione Christi D. C. 10. §. 3.

Gaudium ineffabile Mariæ in Incarnatione. C. 64. §. 7.

Gaudium verum: gaudium falsum. C. 67.

Gaudii veri fontes. ibidem.

Gaudium sanctorum. C. 85. §. 3.

Unde verum gaudium. C. 85. §. 7.

Gloriæ cœlestis denarius, non est purum donum, sed præmium. C. 10. §. 12.

Gratitudo, impetrat nova beneficia. C. 41. §. 6.

Gratitudo, quid à nobis exigit, pro beneficio Redemptionis. C. 18. §. 14. seq.

H.

Hæresis pessima est, solam fidem sufficere ad salutem. C. 10. §. 1.

Hæresis est abominatio. C. 52. §. 5.

Herodis ingens cæcitas. C. 12. §. 7.

Historiæ Tragicæ. C. 9. §. 7. §. 13. C. 36. §. 5. C. 33. §. 5. §. 10. §. 12. C. 3. §. 10. C. 4. §. 12. & alibi.

Homo imago Dei. C. 33. §. 2.

Honores, rota. C. 23. §. 2.

Honorius Imperator felicissimus. C. 6. §. 10.

I.

Jesus natus. Vide multa C. 56. & 57.

Ejus favores erga pias animas. C. 57. §. 10. 11.

Jesus duodennis cur manserit in templo. C. 6. §. 1.

Cur venerit ad nuptias. C. 7. §. 1. 2.

Jesu parientis aspectu non moveri, est signum durissimi cordis. C. 17. §. 5.

Jesus cur moriens inclinaverit caput. C. 17. §. 15.

Jesu benignitas erga Paralyticum. C. 46. §. 1. 2.

Jesulus liberalissimus effundit se instar aquæ. C. 64. §. 9.

Jesus & Maria dulcissimi amores. C. 74. §. 14.

Jesu-

R E R U M.

Jejunium vincit diabolos. C. 13. §. 8.
 Certa dæmonia non possunt vinci, nisi
 per jejunium. §. 11.
 Per jejunium Judith triumphavit de Ho-
 loferne. §. 12.
 Jejunium nos liberat, à triplici nocivo
 igne §. 13.
 Requirit abstinentiam à vitiis. C. 14.
 §. 10.
 S. Ignatius, quantum amaverit Deum.
 C. 77. §. 4.
 Eximie ejus virtutes. per totam.
 Admirabiles visiones. §. 13.
 Impii illuminantur in agone. C. 12.
 §. 12.
 Infernus. De hoc frequenter agat Con-
 cionator. C. 47. §. 1.
 Memoria illius convertit peccatores.
 C. 47. §. 7.
 Ex inferno nulla redemptio. C. 47. §. 9.
 Ingratitudo commune vitium. C. 41.
 §. 1.
 Displicet Deo. §. 9.
 Ingratitudo hominum pro beneficio Re-
 demptionis. C. 18. §. 3.
 Injurie illatæ Christo D. in spinea coro-
 natione. C. 19. §. 44.
 Intentio bona. Vide C. 60.
 S. Joannis Baptistæ varia elogia. C. 72. §. 8.
 seq.
 S. Josephi eximias laudes vide in Exhort.
 pag. 564.
 Ira vindicativa pessima. C. 33. §. 1.
 Iris symbolum divinæ misericordiæ. C.
 78. §. 3.
 Ejus elogia. Ibidem.
 Est figura SS. Crucis. §. 5. seq.
 Judas speculum ingratiissimi hominis. C.
 18. §. 9. 10.
 Judas agnoscens suum scelus. C. 19. §. 3.

Judas desperans. C. 19. §. 5.
 Cui se suspendit. C. 31. §. 13.
 Judæi noluerant agnoscere Christum.
 C. 5. §. 2.
 Judicii dies est præveniendus. C. 2. §. 2.
 & timendus. §. 3.
 Judicia Dei abyssi multa. C. 8. §. 7.
 Variæ de illis quæstiones. C. 8. §. 8.
 Illorum abyssum scrutari est periculosum
 §. 10.
 Judicia Dei sunt obvelata. Sunt nubes
 gravida tonitruis. §. 12.
 L.
 Labia sponsi cur distillent myrrham, &
 lac. C. 24. §. 7.
 Lacrymæ Jesuli. C. 58. §. 7.
 Lacrymæ delent latam à Deo sententiam.
 C. 37. §. 8.
 Illarum elogia. §. 9. 10. seq.
 Latro in cruce, unde agnoverit Christum
 D. C. 39. §. 8.
 Latronis pii conversio fuit miraculum
 crucifixi. C. 17. §. 8.
 Latus Christi morientis quare apertum.
 C. 76. §. 7.
 S. Laurentius vicit heroes antiquitatis. C.
 78. §. 1.
 Invictus ejus animus. §. 4.
 Varia elogia. ibidem.
 Passio S. Laurencii fuit triumphus. §. 9.
 Fuit tormentorum victor. §. 12.
 Lazari suscitatio fuit figura sacramentalis
 Confessionis. C. 15. §. 8.
 Leonis Armeni mors. C. 2. §. 13.
 Leones symbolici. C. 76. §. 1.
 Lilium, symbolum spei. C. 29. §. 3.
 Lingua in homine, est signum prædesti-
 nationis, vel reprobationis. C. 39. §. 7.
 Lingua mala est causa æternæ damnatio-
 nis. C. 39. §. 9.

I N D E X

- Linguae malae effectus. C. 39. §. 12.
 Lingua indiget auxilio Spiritus S. C. 69.
 §. 3.
 Lingua hominis, est pessimum & optimum. C. 39. §. 2.
 Lingua indicat, qualis sit homo. §. 3. & seq.
 Lucrum spirituale quid sit C. 35. §. 3.
 M.
 Malitia dissimulata. C. 44. §. 6. 7.
 Mansuetudo omnes ad se trahit. C. 1. §. 10. 12.
 Majestas mansuetudini, mirabili modo conjuncta. C. 1. §. 7.
 Mariae mors preciosa. C. 79. §. 6.
 Suavis ejus dormitio. §. 7.
 Maria, nominis hujus excellentia. C. 81.
 §. 1.
 Maria stella maris. §. 2.
 Maria navis. §. 5.
 Maria dulce nomen. §. 11.
 Variarum figurarum per totam illam Conc.
 Maria comparatur arbori. C. 77. §. 1.
 Maria accensa & ignita à Spiritu S. C. 69.
 §. 9.
 Mariae praesentia S. Joanni Baptistae in ejus Nativitate fuit utilissima. C. 72.
 §. 2. & seq.
 Maria rosa sine spinis. C. 74. §. 5.
 Pulcherrima. §. 6. & seq.
 Mundi nascentis amoenitas. C. 74.
 §. 10.
 Maria immaculate concepta. Vide multa. C. 54.
 Maria mons libani. §. 9.
 Quare à sponso ter vocetur pulchra. §. 10.
 Fuit thronus custoditus à leonibus. §. 12.
 Ejus consensus in Incarnationem succurrit mundo. C. 61. §. 2.
 Mariae misericordia comparatur soli. C. 61. §. 5.
 Maria mundi oculus. §. 7. 8.
 Stella maris. §. 11.
 Sine Maria sunt tenebrae in mundo. §. 13.
 Maria Mater Dei. C. 64. §. 1.
 Mariae Purificatio. C. 61. §. 1.
 Mariae Magdalene conversio. C. 75.
 §. 2.
 Ejus immutatio. §. 4.
 Causa fuit cognitio. §. 4.
 Non distulit conversionem. §. 6.
 Prudenter se abiecit ad pedes Christi. §. 7.
 Flevit uberim. §. 9.
 Marius tribulatio uxoris. C. 7. §. 6.
 Matrimonium, quomodo reddi possit dulce. C. 7. §. 7.
 Memoria Christi D. est gemma preciosa. C. 68. §. 2.
 Mel & consolatio. §. 7.
 Misericordiae divinae, aliquarum circumstantiarum. C. 82. §. 2.
 Insequitur fugientem peccatorem. §. 5.
 Misericordia Dei nobis est indebita. §. 9.
 Misericordia satisfacit pro peccatis. C. 34. §. 5.
 Misericordia Dei triumphans. C. 40.
 §. 11.
 Misericordia tum divina, tum humana comparatur fonti. C. 34. §. 2.
 Misericordia Christi erga poenitentem peccatorem. C. 14. §. 4.
 Misericordiae soli non est fidendum. C. 2.
 §. 11.
 Misericordes sunt beati; immisericordes puniuntur. C. 46. §. 11.
 Morborum utilitas. C. 48. §. 7.

R E R U M.

Cur Deus illos immittat. §. 9.
 Quomodo tempore morbi nos debeamus gerere. §. 3.
 Et post morbum. §. 5. 6.
 Mortificatio quinque sensuum. C. 60. §. 12.
 Mortis memoria, facit nos mundum contemnere. C. 43. §. 2. seq.
 Cur aliqui diligenter se præparent ad mortem. C. 43. §. 6.
 Mortis immemores miseri moriuntur. §. 7.
 Mulier læta, & suavis, componit iras mariti. C. 7. §. 10.
 Mundus hic est tempestuosum mare. C. 9. §. 1.
 Mundi hujus bona, sunt in continuo motu. C. 23. §. 3.
 Mundi amaritudinem agnoverunt summa mundi capita. C. 9. §. 2. & 3.
 Mundus, quomodo tractet suos amatores. C. 21. §. 9.
 Myrrha symbolum mortificationis. C. 60. §. 5.

N.

Nativitas Christi D. Vide multa. C. 56. §. 7. §. 8.
 Nativitas S. Joannis Baptistæ lætissima. C. 72. §. 1.
 Nepotiani insigne encomium. C. 6. §. 9.
 Nilus conversus in sanguinem. C. 31. §. 2.
 Ninivitarum pœnitentia. C. 4. §. 4.
 Urbis Ninive excisio. C. 4. §. 5.
 Nocturæ descriptio. C. 12. §. 10.

O.

Obtrectatores sunt similes Longino. C. 44. §. 10.
 Operum bonorum necessitas. C. 35.

Orationis utilitas. C. 25. §. 2. & seq.
 Oratio nostra qualis esse debeat. C. 25. & seq.
 Oratio similis est concordia. C. 25. §. 7.
 Oratio debet esse seria & fervens. C. 25. §. 8.
 Oratio fons gaudii. C. 7. §. 11. 12.
 Oratio commendatur conjugatis. C. 7. §. 11. 12.
 Oratio perfectissima, sunt hæc verba, Domine li vis. C. 8. §. 1. & seq.
 Oratio vincit demonem. C. 14. §. 1.
 Oratio potens, & composita ad deprecandum quænam sit. C. 14. §. 3.
 Orationis suavissimus fructus. C. 4. §. 4.
 Oratio requirit solitudinem. C. 14. §. 5.
 Orationes jaculatoriæ. §. 7.
 Requirit abstinentiam à vitiis. §. 10.
 Oviculæ Christi pascuntur suaviter. C. 22. §. 2. & seq.
 Ovicula caveat, ne deserat bonum Pastorum. §. 8.

P.

Pacis descriptio. C. 21. §. 2.
 Pace Jesu nihil desiderabilius. §. 3.
 Pax Christi vera est felicitas. §. 5.
 Pax turbatur ab inordinato amore creaturarum. §. 8.
 Pacis effectus, & modus illam acquirendi. §. 10. & seq.
 Pace nihil delectabilius. C. 66. §. 2.
 Alia pacis elogia. C. 66. §. 5. & seq.
 Parvulus de Bethleem. Vide multa. C. 56. §. 7. §. 8.
 Passio Christi sanat excitatem mentis. C. 12. §. 13.
 Passio Christi emollit dura corda. C. 17. §. 3.
 Est fons veri gaudii. C. 20. §. 2.

)((3

Patien-

I N D E X

Patientia heroica unde oriatur. C. 76.
§. 11.

Patris nomen dulcissimum. C. 40. §. 4.

SS. Apostoli Petrus & Paulus sunt duæ
Stellæ. C. 73. §. 3.

Binæ portæ & propugnacula. §. 4.

Dux sagittæ. §. 5.

Pastores. §. 7.

Vinitores. §. 8.

Montes & arbores. §. 9.

Alia utriusque sancti Apostoli elogia.
§. 10. 11.

Pharao cur submersus. C. 31. §. 3.

Cur cor ejus induratum. §. 4.

Phariseorum malitia. C. 44. §. 3.

Philippus II. Rex Hisp. agnovit instabili-
tatem fortunæ. C. 23. §. 8.

Pœnitentiæ elogia. C. 3. §. 5.

Pœnitentia Davidis, non tantum fuit ver-
balis, sed actualis. C. 10. §. 10.

Pœnitentia dilata est periculosa. C. 36.
§. 3.

Serò pœnitentibus Jesus est inimicus.
C. 36. §. 4.

Pœnitentia obtinet veniam cujusvis pec-
cati. C. 3. §. 2.

Pœnitentia fortes habet humeros, ut
portet graves peccatores. C. 3. §. 7.

Pœnitentia totum peccatorem immutat.
C. 3. §. 8. 11.

Delet peccata tenacissima. C. 3. §. 14.

Restituit impium honori. §. 15.

Est fons veræ lætitiæ. C. 4. §. 1.

Est suavis. §. 2.

Habet suos defectus. §. 3.

Præparatio ad festum Nativitatis Christi.
C. 3. §. 6.

Providentia divina falli non potest. C. 42.
§. 2.

Vide varia, de hac materia, in hac

concione.

Pulcritudo mulierum reprehenditur. C.
74. §. 3.

Commendatur. §. 4.

Q.

Querela contra obstinatum cor peccato-
ris. C. 17. §. 2.

Alia. §. 7.

R.

Recidiva periculosa. C. 4. §. 7.

Recidivi comparantur canibus. C. 4.
§. 9.

Iraescitur illis Deus. §. 10.

Mentiuntur Domino. §. 11.

Regis insignes qualitates. C. 1. §. 4.

Regum prosperitas pender à religione.
C. 6. §. 8.

Religio est virtus eximia. C. 6. §. 10.

Religio & pietas sunt bases & columnæ
regnorum. C. 6. §. 11.

Religio est via ad cælum. §. 7.

Religio punit publica peccata contra cul-
tum divinum. C. 6. §. 13.

Relinatio. Vide C. 8.

Vide oriatur ejus difficultas. §. 6.

Resurrectio Christi. Vide multa in C. 20.

Resurrectio Christi confirmavit divinam
misericordiam. C. 66. §. 4.

Rex ut ametur à subditis, debet esse man-
suetus. C. 1. §. 8.

Ruina. Vocula hæc varie explicatur in
C. 5.

Ruinæ regnorum, unde? C. 6. §. 12.

S.

Sanguis Christi sanat cæcitatem mentis.
C. 12. §. 13.

Sanguis Christi emollit dura corda. C.
17. §. 6.

Sanguis Christi in vanum effusus. C. 18.
§. 7.

San-

R E R U M.

Sanguinis Christi copiosa effusio in flagellatione. C. 19. §. 30.

Et in spinea coronatione. C. 19. §. 40.

Saul speculum impiæ viræ. C. 9. §. 12.

In quo videre licet, quomodo aliqui audiant verbum Dei. C. 11. §. 4.

Saul speculum recidivi. C. 4. §. 8.

Salutem oportet nos operari cum tremore. C. 5. §. 10.

Sententia Judicis est in nostra potestate. C. 31. §. 1.

Sententia terribilis S. Chrysostomi contra divites immisericordes. C. 34. §. 9.

Signa solis in extremo die Judicii. C. 2. §. 1.

Spes præmii nos erigit. C. 80. §. 5.

Est radix veri gaudii. C. 85. §. 2.

Spes præmii est anchora. §. 11.

Tria ejus symbola. §. 12.

Spiritus Sancti igneæ operationes. C. 68. §. 2.

Accendit linguas. §. 4.

Excitat in cordibus fontem effluentem. §. 5.

Facit nos loqui sancte. §. 6.

Quare comparetur vento. §. 7. 8. 9. 11.

Spiritus Sanctus, igitur. C. 69. §. 1.

Est nobis utilis, & necessarius. §. 2.

Suggestit nobis genera desideria. §. 6.

Mirabilesejus operationes in B. Virgine. §. 7. & seq.

Quibus mediis impetranda sit gratia Spiritus S. C. 69. §. 10. & seq.

Operatur in nobis mutuam dilectionem. C. 26. §. 4. & seq.

Alii varii effectus. §. 7. & seq.

Spiritus Sanctus, quid sit. C. 27. §. 1.

Comparatur vento & columbæ. C. 27. §. 2.

Nubi. §. 3.

Igni. §. 4.

Spiritus S. accendit corda. §. 7. 8.

Si domus cur punita ignibus. C. 31. §. 10.

Stabulum Bethlemiticum potest dici cœlum. C. 58. §. 1.

Stationes passionis piæ visitandæ. C. 14. §. 6.

Stella maris. C. 81. §. 2.

Strenua Anni 1666 Variæ Cruculæ. C. 59.

Suavitas potus Eucharistiæ. C. 21. §. 4.

Superbia est trabs in oculo. C. 38. §. 1.

Eccecat hominem. §. 2.

Luciferum traxit de cœlo. §. 3.

Oppreht Madianitas. §. 4.

Prostravit Goliath. §. 5.

Saloni quam fuerit nociva. §. 7.

Superbi proximi sunt ruinae. §. 8.

Superbia est ventus & turbo. §. 10.

Superbi pereunt instar fumi. §. 11.

Superbia convertit hominem in bestiam. §. 12.

Superbiæ pestiferi fructus. §. 13.

Symbolum Ducum Burgundiæ. C. 37. §. 4.

T.

S. Thomæ felicitas. C. 1. §. 1.

Variæ ejus elogia. C. 55. §. 1.

fuit sapientissimus. §. 2.

Illuminatus à Christo D. §. 4.

In Vulneribus Salvatoris invenit divitias. §. 6.

S. Thomas pulcerrimus, fortissimus. §. 7.

Cur occuburit per fossus lancea. §. 9.

Thus symbolum devotionis. C. 60. §. 5.

Tribulatio nos compellit ad bonum. C. 48.


In tribulationibus gaudent sancti. C. 85. §. 4.

Tribu-

I N D E X R E R U M.

- Tribulatio facit sanctos gloriosos. C. 65.
 §. 2.
 Vide ibidem varia elogia, sive fructus tribulationis.
- Tribulationes Deus magni facit. C. 76.
 §. 5.
- In tribulatione constitutis adest Deus.
 C. 76. §. 10.
- Tribulationes sunt rosei funiculi. C. 76.
 §. 12.
- Triumphus Resurrectionis Christi. C.
 20. §. 7.
- Triumphus non conceditur sine pugna.
 C. 80. §. 1.
- V.
- Vanitas rerum hujus mundi. Vide varia
 C. 23.
- Verbum divinum est thesaurus. C. 11.
 §. 7.
- Verbi divini fructus conatur diabolus
 impedire. C. 11. §.
- Verbi divini necessitas. Vide C. 32.
- Verbum Dei est sigillum & speculum. C. 32. §. 5.
- Ejus efficacia in conversione alicujus
 peccatoris. C. 32. §. 6.
- Qui Verbum Dei non audiunt, ruunt in
 gravia scelera. C. 32. §. 8.
- Verba suavia sunt efficacia. C. 30. §. 10.
- Verbum Caro factum; Vide varia.
 C. 64.
- Via crucis, est compendiosa semita ad
 cælum. C. 65. §. 11.
- Vindictam spirans, crudelior est bestia.
 C. 33. §. 3.
- Similis dæmoni. §. 8.
- Vita hominis continua mortificatio. C.
 76. §. 2.
- Voluptas, est rota. C. 23. §. 2.
- SS. Vulnerum Salvatoris efficacia ad
 emolliendos peccatores. C. 17. §. 12.
- Vulnera Christi terrent impios. C. 17.
 §. 13.
- Vulnerum Christi D. magnitudo & mul-
 titudo. C. 19. §. 28.
- Uxor, tribulatio viri. C. 7. §. 4. & seq.

F I N I S.



CONCIO I.

DOMINICA I. ADVENTUS.

Dicite filie Sion; Ecce Rex tuus, venit tibi mansuetus.

Matthæi 21. cap. v. 5.

SYNOPSIS CONCIONIS.


CHristus D. fuit potentissimus & mansuetissimus. Mansuetudine & amore, sibi subjugavit mundum, & iras divinae Justitiæ placavit.

- | | |
|--|--|
| §.1. <i>Ingens differentia, inter Vetus & Novum Testamentum, ostenditur ex cap. 19. Exod.</i> | <i>debent amare.</i> |
| §.2. <i>Ex aliis S. Scriptura locis.</i> | §.9. <i>Deus infinitam suam Majestatem, tegit cælis, veluti cortinus; Christus D. id facit velo sanctissima sua Humanitatus.</i> |
| §.3. <i>Ex differentia, inter sanguinem Abelis & Christi D.</i> | §.10. <i>Declaratur simili; Mansuetudine trahi homines.</i> |
| §.4. <i>Qualitates eximii Regis ex sacris literis, qua omnes in excellenti gradu fuerunt, & sunt in Christo D.</i> | §.11. <i>Quare Christus D. comparatur pluvie & Agno.</i> |
| §.5. <i>Sapientissimum colloquium 70. Interpretum de regis virtutibus.</i> | §.12. <i>Mansuetus conciliat sibi hominum animos.</i> |
| §.6. <i>Solus Christus D. est talis Rex; & quibus titulis.</i> | §.13. <i>Quam mansuetus fuerit Christus D. dum conversaretur in terris.</i> |
| §.7. <i>In Christo D. Majestas & Mansuetudo, admirabili & amabili modo fuerunt conjunctæ.</i> | §.14. <i>Fabula de amore, vincente omnes Deos.</i> |
| §.8. <i>Ut Reges amentur à subditis; Alycus Tertius.</i> | §.15. <i>Aureum monitum S. Bernardi, & S. Augustini.</i> |
| | §.16. <i>Epilogus ex eodem S. Augustino.</i> |

A

Ingens

§. 1.
Ingens dif-
ferentia in-
ter Vetus &
Novum
Testamen-
tum osten-
ditur ex
c. 19. Exodi.



Ingens est differentia Vetus inter, & Novum Testamentum; per illud intelligimus omne illud tempus, quod fuit ab Adamo, usque ad adventum Christi Domini; hoc verò, quod fuit, est, & erit, à Christo Domino usque ad consummationem sæculi, vocamus Testamentum novum, sive Legem gratiæ. Differentia verò inde præsertim oritur, quod tempore legis naturæ, & legis scriptæ, Deus fuerit, *Deus terribilis, Dominus exercituum*; ab adventu verò Christi Domini, sive sub lege gratiæ, Deus fuit & est, bonus, suavis, benignus, misericors, mansuetus. Hunc discursum mei Exordii ex quibusdam locis sacre scripturæ clarè intelligetis. Exodi 19. v. 16. in monte Sinai à Deo datæ fuerunt Moyfi tabulæ legis; *Et cæperunt audiri tonitrua, & micare fulgura, & nubes densissima operire montem, clangorq; buccina vehementius perstrepebat*: cum tanto strepitu, tantaque majestate Deus primâ vice tradidit Moyfi tabulas legis; Scitis causam, ob quam Moyses iratus illas confregerit, ut necesse fuerit alterâ vice à Deo conscribi legem; quod contigit in silentio, sine ignibus, sine tonitruis, sine clangore tubarum. Hanc causam affert S. Augustinus; *Primâ vice solus Deus scripsit legem; altera vice Deus dictavit, & Moyses scripsit*. Itane? Deus solus? Deus infinitæ Majestatis? Deus terribilis, quid mirum quod audita fuerint tonitrua, quod micauerint fulgura, quod nubes operuerint montem! terribilis Deus erat in monte. Alterâ vice cum Deo, homo scripsit legem; in signum, quod sub alterâ lege gratiæ Deus esset futurus homo; quod venturus esset in hunc mundum, sine flammis, sine terroribus; Deus homo, Salvator suavis & mansuetus. Sanctus Augustinus in Exodum q. 166. *Cum secundo lex datur, sine terrore datur, sicut illa in tanto strepitu ignium, nubis & tubarum, unde significatur, Timor esse in Veteri Testamento, in Novo Dilectio*.

§. 2.
Et ex 1. gen
1. Reg c. 9.
& Luca.

Advertite eandem differentiam ex libro Genesis, & libris Regum; Peccata Sodomæ clamârunt in cælum, & Deus pluuit ignes super impias urbes; peccant filii Aaronis & devorantur ab igne; ut & milites, qui Eliæ violentas voluerunt in-
ferre

DOMINICA I. ADVENTUS.

3

ferre manus. Fuit tum quasi igneus Deus, quia necdum homo; Luc. 9. v. 54. dicunt discipuli Christo Domino, *vis ut jubeamus ignem descendere de caelo super ingratos Samaritanos*, sed ipse respondit, v. 55. *Nescitis cujus spiritus sitis, Filius hominis non venit animas perdere, sed salvare*, erat enim Deus & homo, proinde tuavis & mansuetus. Tertullianus l. 4. adv. Marcionem: *Qui Sodomam & Gomorrhā igneo nimbo exussit; cui cantatum est, ignis ante ipsum praeceat, & cremabit inimicos ejus. Discipulos ne ignem postularent, coercet.* In Veteri Testamento timor, in Novo Dilectio.

Ob eandem causam, (ut ex S. Paulo ex cap. 12. vers. 24. ad Hebr. eandem differentiam proponam,) habemus, *Testamenti novi mediatorem Iesum, & sanguinis asperersionem, melius loquentem quam Abel*; ideo melius & clarius, ait S. Anselmus *quia sanguis Abel, mortem parricida fratris petiit; sanguis autem Christi, vitam persecutoribus impetravit. Sanguis Abel petiit vindictam, sanguis Christi misericordiam.* Causa est; Deus factus homo, fuit & est Rex mansuetissimus. Quod Christi Domini elogium dum hac Concione paulò fusiùs expono, vos more vestro diligenter advertite.

Summo jure Christus Salvator noster dicitur, *Rex Regum, Dominus dominantium*, cœli, terræ, Angelorum, hominum, dæmonum, verbo omnium Creaturarum Dominus & Imperator. & qualis Rex? respondet Regius psalter ps. 23. v. 10. *Domine virtutum. ipse est Rex gloria*, ps. 46. v. 3. *Rex magnus super omnem terram* ps. 75. v. 13. *terribilis apud reges terræ*. ps. 88. vers. 9. *excelsus præ regibus terræ*. In tali rege requiritur potentia. Christus est rex potentissimus. Exigitur sapientia, est rex sapientissimus. Exigitur misericordia, providentia, liberalitas, mansuetudo, affabilitas, justitia; Christus est rex amantissimus, misericordissimus, liberalissimus, mansuetissimus. De potentia ipse ait Matth. 28. v. 3. *Data est mihi omnis potestas in Cælo & in terra.* De sapientia S. Paulus ad Coloss. 2. (In quo omnes thesauri sapientia & scientia sunt absconditi. De misericordia David, *Misericordia super omnia opera ejus. Misericordia Domini plena est*

est terra. Pf. 32. v. 5.) de providentiâ ait Judith cap. 9. v. 5. Omnes via tua parata sunt, & tua judicia in tua providentia constituisti. Justitiam deprædicant omnes psalmi; liberalitatem innumera beneficia; Mansuetudinem hodiernum Evangelium, Rex tunc venit tibi mansuetus. Gloria magnificentia nostri regis elevata est Pf. 8. v. 2. & quod præcipuum est, regni ejus non erit finis. Pf. 144. v. 13. Regnum hoc regnum omnium sæculorum. De latitudine regni ait Pf. 2. v. 8. dabo tibi possessionem tuam terminos terra. Pf. 71. v. 8. dominabitur à mari usq; ad mare, & à flumine usq; ad terminos orbis terrarum. De multitudine famulorum Daniel c. 7. v. 10. millia millium ministrant ei, & decies millies centena millia assistunt ei. D. Cyrillus Alex. l. 12. in Joan. advertit titulum regium, qui Cruci, dum Filius Dei in illâ penderet, fuit affixus, non sine mysterio triplici linguâ, latinâ, hebræâ, & græcâ fuisse scriptum; divinitus enim omnium gentium regnum Christo attributum esse significavit. Ut omnes populorum tribus & linguæ ei serviant. Theophylactus, hoc symbolum fuit, quod potentissimi gentium, quales Romani, & Sapientissimi, quales Græci, & religiosissimi, quales Hebraei regno Christi subijciendi essent.

§. 5.
Sapientissimum colloquium sepius gemitu interpretum de regis virtutibus.

Referunt fide digni Auctores, inter Septuaginta Sacra Scripturæ Interpretes, quos Ptolomæus Philadelphus Rex Ægypti Alexandriam evocaverat; ut divinæ legis libros ex hebraico transferrent in textum græcum, sapientissimum aliquando ad regiam mensam institutum fuisse Colloquium, quænam potissimum virtutes & dotes requirantur in aliquo Rege, vel Principe. Quæstionem hanc ipse Rex Ptolomæus proposuit. Primus ordine respondit: *Hoc maximè modo regnum optime dispones, si Dei mansuetudinem in rebus omnibus imitatus, patientia, ac longanimitate uteris.* Rex enim, debet esse mansuetus, patiens, & longanimis. Tertius regi dixit, *eris Rex gloriosissimus, si alii intelligant, te multa meditari, in populorum commodum; si illis vitæ alimenta atque alia cuncta opportunis temporibus tribueris.* Talis Rex vel Princeps amatur, qui sollicitus est, ne subditis desit panis. Undecimus respondit; *Sic est, Ptolomæe, Rex eris famosissimus, si erga populum tuum te beneficum,*
beni-

DOMINICA I. ADVENTUS.

benignumque praeberis. Vigessimus quartus dixit, si benignitate & gratia excellens erga alios, atq. magnificus extiteris. Sexagesimus sextus, si bonis affeceris subditos tuos. Quinquagesimus primus hanc Ptolomæo regulam præscripsit; Revolve animo, ut Deus deleat superbos; mansuetos verò & humiles extollat; ut & tu ames animi demissionem. Quinquagesimus tertius interrogatus, quid Regi sit maximè necessarium, respondit, subditorum amor & dilectio, per hoc namque insolubile vinculum benevolentia texitur. Subdidit quinquagesimus quintus, si præterea iustitiam ducem sequaris. Quinquagesimi noni hæc fuit sapientissima maxima; assidua tua cura & meditatio sit, ne quid committatur in plebem à rerum præpositis. Sexagesimi octavi denique monitum fuit: Excellentes super alios Reges gloriam obtinebis, si qua ad emendandos hominum mores faciunt, perquiras. Ecce regias virtutes! mansuetudinem, patientiam, curam & dilectionem subditorum, liberalitatem, clementiam, sanctitatem, iustitiam, humilitatem!

Ite & quærite talem Regem in terris; huic deerit patientia, illi liberalitas, alteri humilitas; alios aliis commaculatos esse nãvis comperiemus. Vivat Rex Regum Christus Dominus! Ecce hic venit mansuetus; hic venit in totius mundi salutem & commodum. Hic venit! totus beneficus & liberalis! Beneficiorum, quæ in nos contulit, magnitudinem & multitudinem comprehendere nemo potest. Ut ante dixi, est Rex potentissimus, sapientissimus, ditissimus, est totus suavis, totus mansuetus. Talis Rex est, titulo unionis hypostaticæ, propter quàm in unâ persona Christi Domini natura humana unita est divinæ, vi cujus Christus est Deus homo, Deo homini debetur dominium cœli & terræ. Talis Rex est Christus Dominus jure Redemptionis; dum enim homines suo sanguine redemit, omnes suæ potestati subjecit, & consequenter omnes Creaturas, quæ propter hominem creatæ sunt. Talis Rex est Christus Dominus titulo hæreditatis à Patre Cœlesti ipsi promissæ, Ps. 2. v. 8. *Dabo tibi gentes hæreditatem tuam.* Talis Rex est suo merito; humiliavit semetipsum factus obediens usque ad Crucem,

§. 6.
Solus Christi-
stus D. est
talis rex. &
quibus ti-
tulis.

propter quod Deus exaltavit illum, & dedit illi nomen ad Philip-pens. 2. v. 7. Regnum Christi ideò ab Isaia vocatur *Principatus*: in hebraico est *Missir fara*, hoc est, ex spinâ Imperium. De tam excellentibus titulis regiae Majestatis ex animo gratulamur Christo Domino, Regi nostro; gaudemus verè & exultamus, quod tantus rex ad nos veniat in hunc mundum, suavis, misericors, & mansuetus.

§. 7.
In Christo
Domino
Majestas
& mansue-
tudo admi-
rabili modo
fuerunt
conjuncta.

Pulcrè S. Bernardus ser. 3. in vigilia Nativitatis. *Nihil Deo sublimius! nihil vilius limo! nihilominus divina sapientia, tam amabile, quàm admirabili modo illa conjunxit.* Pari ratione dica-mus, Nihil sublimius Rege nostro Christo! immensa est ejus Majestas! infinitæ divitiæ! potestas divina! nihil amabilius for-moso puerulo! nihil mansuetius; mirabili tamen modo & suavi, in Christo Domino hæc duo conjuncta sunt; Majestas & man-suetudo! Rex est, sed totus mansuetus! Et quæ major fuit cau-sa tanti mysterii, nisi ut Pater mittendo Filium, & Filius venien-do in hunc mundum, nobis ostenderent suam dilectionem; sive ut Apostolus loquitur, *propter nimiam charitatem qua dilexit nos*: & ut possemus comprehendere & scire (ad Ephes. 3. v. 4.) *quæ sit latitudo, & longitudo, & sublimitas, & profundum supereminen-tis charitatis.* S. Aug. l. 1. de Tr. *Hoc opus fuit maximi amoris ex-pressivum*; sed de hoc alibi. Alteram nunc Concionis partem aggredior.

§. 8.
Vt Reges
ameantur à
subditis, de-
bent esse
mansueti.

Verùm quare Rex hic venit in hunc mundum tam man-suetus, tam humilis, sine regio apparatu? huic quæitioni satis-faciam hoc altero Concionis puncto. l. 8. c. 3. refert Josephus Judæus seniores populi suasisse regi Roboam, ut comiter po-pulum alloqueretur, & posito aliquantisper fastu regio, ad ca-ptandam multitudinis gratiam se accommodaret; hæc enim ar-te captos facile illum amatueros: quod naturâ ita comparatum est, ut subjecti delectentur regibus mansuetis, & de suo fasti-gio se non nihil demittentibus. Quid dicam de salvatore meo, Auditores? quid? an non omnes optimi Regis partes abundè explevit? dicam ego, cum Doctore gentium, *anathema sit quis-quis non diligit Iesum Christum Regem, tam mansuetum, beni-gnum,*

gnum, amabilem! Et quid non obsecro fecit, ut attraheret ad se corda hominum? ponderentur ejus sermones suavissimi, Matth. II. v. 28. *Venite ad me omnes qui laboratis.* Considerentur labores, curæ, studia: inspiciantur virtutes, nil nisi amorem ac benevolentiam spirantes. Textit omnino Majestatem suam velo humilitatis, & potentiae suae gloriam, veste Humanitatis, ne illa fortè terrorem homini incuteret, sed mansuetudinis lenitate omnes ad se traheret.

In principio Creavit Deus Cælum & terram Gen. I. v. I. Cælos David vocat tubas & linguas, ut *enarrent gloriam Dei* Ps. 18. v. I. alii illos vocant specula, in quibus intuemur Majestatem Dei. Dici possunt rotæ currus divinæ magnificentiae, Job. 40. 26. ait, quod Deus extenderit *Cælum sicut pellem.* vel ut hebraicus textus legit, tu explicas Cælos sicut cortinas. His cortinis Deus quasi textit & obduxit suam Majestatem. Cæli sunt papiliones sub quibus Deus latet; causam advertit S. Basilus. *Eam ob rem pro sua eximia humanitate Deus velum propria divinitatis obduxit, videlicet cælum, ne occideremus.* Nec existimes velim ista mea esse, sunt verba prophetæ, sic enim ait Isaias cap. 64. v. 3. *Si aperueris velum, tremor qui à te proficiscitur, invadet etiam ipsos montes, & resolventur à seipsis, & contabescant.* Idem fecit Salvator noster, dum in hunc mundum venit, Majestatem suam in virginali thalamo virgineis textit velis. Theodorus orat. de Christi Nativitate. *Propterea non venit cum imperiali fastigio, nec absequium deduxit Angelorum, non movit Archangelorum exercitus, sed venit omnium Dominus in tenui forma, paupertate circumamictus, ut venationem non effugaret.* Theodotus. *Adjungit se fugitivo; servus enim ad ipsum venire non poterat: accedit ad servum non majestate herili, non Angelorum satellitiâ pramittens, non igneos globos vibrans, non elementa concutiens (ut Deus dans legem in monte) sed quo fugitivum capiat, blandè accedit.* Jacet in Virgineo matris utero Leo de tribu Juda, sed fortitudinem suam contegit velo Humanitatis. O nobile velum! Sacrosancta Jesu Christi Humanitas! Tu ad te attrahis curiosos mortalium oculos, tu animos tibi devincis, tu regiam Dei Ma-

§. 9.

Deus infinitam suam majestatem tegit Cælis veluti cortinis, Christus Dominus sanctissima Humanitate.

jeſta.

jestatem, futuram alias terribilem, reddis amabilem, suavem, jucundam!

§ 10.
Declaratur
simili, man-
suetudine
trahi homi-
nis.

Manfuetudine rapiuntur, & capiuntur corda hominum. quod S. Ephrem hoc simili declarat. *Si quis domi columbam so-
veat, eademque forte fenestram apertam inveniat, & ex domo avo-
let, non virga, vel lapide, eam revocare conatur; Sed sparsis legumi-
num granis, prudenterque studet allicere & recipere.* Adamum
veluti columbam in paradiso collocaverat Deus, cum præce-
pto ne evolare in arborem scientiæ boni & mali, sed quia le-
gem non observavit, è loco voluptatis fuit ejecta, itaque Filius
Dei ex infinitâ misericordiâ, de cœlis descendit in hunc mun-
dum, ad reducendum genus humanum, atque ut ad se pertra-
heret filios Adæ: proinde venit non cum virgâ & lapidibus; sed
totus suavis, benignus, & mansuetus, ut etiam sua carne & san-
guine nos pasciat. Auceps ut capiat aviculam, mutat habitum,
cantillat suaviter; idem facit Christus Dominus, ut cor homi-
nis rapiat, & ad se trahat.

§ 11.
Quare
Christus
Dominus
compara-
tur pluvie
& agnol

David prævidens futurum dominium Messiae ait Psal. 71.
v. 8. *Dominabitur à mari usque ad mare, & à fluminibus usque ad
terminos orbis terrarum: coram illo præcident Æthiopes, & inimici
ejus terram lingent.* Ille scilicet, qui in hodierno Evangelio
Jerosolymam ingressus est, insidens asinæ, totam commovet
urbem, & post se trahit; isti pauperi & mansueto accinunt, *Be-
neditus, qui venit in nomine Domini.* Et quibus armis sibi
mandum subjugavit? respondet David citato Ps. v. 6. *Descen-
det sicut pluvia in vellus,* id est, in virginali utero assumet natu-
ram humanam; sive, fiet homo, fiet parvulus mitis, suavis, &
mansuetus: mansuetudo sibi subjugat corda hominum. Ut
benè dixerit Isaias c. 16. v. 1. *Emitte agnum tuum Domine, domi-
natorem terre.* An non melius dixisset, emitte leonem; cum
leo rugit, trepidant montes; cum balat agnus, quis timet? In
sensu morali & leo & agnus sunt fortissima animalia; leo forti-
tudine, agnus mansuetudine: Christus Dominus & leo fuit &
agnus; leo, erga suos hostes, leo morti, leo diabolo & peccato:
erga suos subditos est mansuetissimus agnus, & dominatur à
mari usque ad mare.

Cap. I. Judith. v. I. dicitur de Rege Arphaxado, *subjugaverat multas gentes imperio suo.* Hugo Card. legit; *Conciliavit*, quod verbum indicat benevolentiam & spontaneam subjectionem; bruta serviunt sub iugo, camo, & virgâ ab auriga coguntur ire quo vult: homo liber & ingenuus benevolentiam trahendusest, non violenter cogendus: tunc homo subjugatur, cum conciliatur; sive benevola conciliatio, subjugatio est. S. Greg. Naz. orat. I. *Præfectus non per vim coerceat, sed per persuasionem alliciat: nam quod necessitate extorquetur, præterquam quod tyrannicum est, & improbandum, ne firmum quidem & stabile est; quidquid enim violenter cogitur, non secus ac planta per vim manibus inflexa, atque distincta, simul ut dimittitur è manibus, rursus ad se redire consuevit.* Sollicita prorsus mater est Ecclesia; omnibus modis conatur extorquere poenitentiam; verberibus, morbis, minis. Ut aliquot septimanis ante Christi Domini Nativitatem nostros animos sibi conciliet, suaviter agit; dum memores nos reddit suavissimi mysterii, in quo Filius Dei in utero Virginis factus est parvulus; ut suavissimus & mitissimus puer suam mansuetudine corda nostra ad se trahat. *Ecce venit tibi mansuetus.*

S. 12.
Mansuetum
conciliat
sibi homi-
num ani-
mos.

Illo deinde tempore quo tribus ultimis vitæ annis cum hominibus, & præcipue publicanis atque peccatoribus fuit conversatus Christus Dominus, non fuit agrestis & rigidus, sed jucundus atque affabilis, ut amore omnium potiretur. S. Laurentius Novariensis, hom. de poenit. *Ut hac societate, quasi arte, omnes converteret ad salutem.* S. Cyrillus. 2. in Joannem. c. 97. *Ut misericordiam suam omnibus praberet.* B. Abb. Magnus, *ut omnibus esset gaudium.* S. Thomas. *Conveniens fuit ut familiariter cum hominibus conversaretur, ut omnibus fiduciam daret ad se accedendi.* Super verba illa S. Matthæi c. 9. v. 10. *Et factum est discumbente eo in domo, ecce multi publicani & peccatores venientes discumbabant cum Iesu, & discipulis ejus:* ait S. Hieronymus. *Videbant publicanum à peccatis ad meliora conversum locum invenisse poenitentiae, & ob id etiam ipsi non desperant salutem.* Cajet. *Benignus Iesus etiam Samaritanis se non negavit.* Joannis. I. v. 37. *Stetit Iesus, & cla-*

S. 13.
Quam
mansuetum
fuerit Chris-
tus Domi-
nus, dum
conversa-
retur in
terris.

Alveus Tertius.

B

& cla-

& clamavit dicens, si quis sitit, veniat ad me & bibat. Ponderate, si quis! ait Cajet. Nemo excipitur, sed cuilibet sitienti spirituale bonum monstratur fons, monstratur iter ad fontem. Venite Auditores, & ego vobis ostendam suavissimum & salutiferum illum fontem: notissimum est, ut Beata Virgo per hunc sacrum Adventum, ob novem menses, quibus Filium Dei in utero gestavit, appelletur Hortus voluptatis, vel Locus Voluptatis, aut amœnus hortus; fons hujus horti, cum salientibus aquis in vitam æternam, est Christus Dominus Salvator noster; imò præsens nobis est, realiter in sanctissimo sacramento Eucharistiæ; jucundus & affabilis, ut amore nostro potiatur: ut suavissimâ suâ societate, veluti arte, nos convertat ad salutem: ut omnibus præbeat suam misericordiam, Ecce, ideo Rex tuus venit tibi tam mansuetus.

§. 14.
Fabula de
amore, vin-
cente
omnes
Deos.

Fingunt Poëtæ Deos aliquando indixisse bellum hominibus; apprehenderunt itaque singuli arma sua, Jupiter fulmen, Mars ensem, Neptunus tridentem, Hercules clavam, Vulcanus malleum, Pallas hastam; ex alterâ parte pro hominibus stat solus amor, in formâ juvenis tam speciosi, tam humani & amabilis, ut mox Dii amore ejus rapti, positâ irâ, arma quoque posuerint. Et ecce ad pedes formosissimi pueri, suum abjicit fulmen Jupiter, amor triumphat! Mars suas deponit clypeos, scuta, gladios: Amor vincit! Neptunus suum cedit tridentem: Amor illum extorquet è manibus! Hercules, & ipse suam demittit clavam: fortior urget amor! Vulcanus, incudem cum malleo consecrat: Amor sollicitat! Pallas defigit in terrâ hastam puerulo sacram: Amori cedunt omnia. Omnia vincit amor! Fabulas agnosco: sed hoc certum est; fulmina, enses, flammæ, & æternos ignes minabatur mundo divina justitia; quamprimum verò vidit amorem, sive filium Dei in carne; parvulum in utero virginis, posuit iras, vicit amor & mansuetudo. Amor (inquit S. Bernardus ser. 24. in Cant.) *dignitatis nescius, dignatione dives, affectu potens, suasu efficax! & quid violentius mansuetudine? non tantum ut homines sibi subjuget, & conciliet, sed ut etiam de Deo triumphat!* Ecce ideo Rex noster mansuetus venit in terras. Itaque

Itaque Auditores, amplectamur ejus dilectionem (monet nos S. Bernardus) ne magnus Deus sine causa factus sit parvus homo; ne gratis mortuus, ne in vacuum crucifixus! Nam teste Ruperto in Genesin.) *Adventus Filii Dei, sicut est electis in multitudinem misericordiae, sic reprobis est in abundantiam irae atque vindictae.* (ut post octiduum audiemus in Evangelio de extremo die judicii.) Si magnitudinem beneficii agnoscimus, dicamus ex corde cum S. Augustino ex c. 14. l. medit. *Gratias agimus tibi clementissime & benignissime amator hominum Deus, qui per Iesum Christum Filium tuum Dominum nostrum cum perditii essemus culpa nostra, mirabiliter liberaisti nos.* Gratias agimus pietatibus, & multas tibi laudes referimus ex totis prae cordiis nostris, qui propter tuam inenarrabilem dilectionem, quā nos miseros & indignos mirabili bonitate amare dignatus es, misisti eundem unigenitum tuum, de sinu tuo salvare nos peccatores, tunc filios perditionis. Gratias tibi agimus pro tua mira & inenarrabili charitate, quā nos indignos sic amasti, & salvasti per unicum, & dilectum Filium tuum. Sic enim dilexisti mundum, ut unigenitum tuum dares, ut omnis qui credit in eum, non pereat, sed habeat vitam æternam. Hæc est autem vita æterna, ut cognoscamus te verum Deum, & quem misisti Iesum Christum, per fidem rectam, & condigna fidei opera.

S. Augustinus in med. c. 17. *Quantum à nobis miseris es timendus, amandus, benedicendus, honorandus, laudandus, glorificandus, qui nos sic amasti, sic salvasti! Liceat mihi sanctissime Praeful ex animi mei sententiā, huic tuo Problemari respondere.* (finienda enim jam est Concio, sed non nisi cum debito amoris mei affectu) *quantum à nobis miseris es timendus, quantum amandus?* In promptu est responsum. *Timendus, ut iudex es, amandus ut Salvator.* Timendus, ut Rex; amandus ut pater. Quantum benedicendus! mille laudum cumulis, mille affectibus, amoribus mille, mille cordibus. Tu, tu inquam, mi Jesu, qui nos sic amasti, sic salvasti. Accipe amantium vota, admitte cordium nostrorum affectus, ne despice laudes tibi debitas. Dum vivimus, dum morimur, nil linguae nostrae, nil corda, nil

S. 25.
Aureum
monitum
S. Bernardi
& S. Augustini.

S. 16.
Epilogus in
eodem S.
Augustino.

oculi, nil affectus animi, nisi te unum ac solum mitissimum, Regem ac patrem nostrum loquentur, cogitabunt, suspicient, anhelabunt.



CONCIO II.

DOMINICA II. ADVENTUS.

Erunt signa in sole & luna, & stellis.

LUC. 21. cap. Vers. 25.

SYNOPSIS CONCIONIS.

Christus D. ut Agnus, & mansuetissimus Rex amandus est: ut leo & severus Iudex timendus est.

- | | |
|---|--|
| <p>§.1. <i>Quatuor signa in sole; Obscuratio, Statio, percussio, retrocessio.</i></p> <p>§.2. <i>Aureum monitum B. Patrum est, ut praeveniamus diem ludicii.</i></p> <p>§.3. <i>Vt eundem timeamus.</i></p> <p>§.4. <i>Iesum: quem ob pulcritudinem amamus: eundem ob iudiciariam potestatem debemus timere.</i></p> <p>§.5. <i>Exemplo Ninivitarum; qui timuerunt & sperarunt.</i></p> <p>§.6. <i>Deus, vel Christus D. duos habet pedes, alterum iustitia, Misericordia alterum: cum Maria Magdalena, utrumq; debemus amplecti.</i></p> | <p>§.7. <i>Bonitas Dei, vel Christi D. non debet esse incentivum peccati.</i></p> <p>§.8. <i>Ecclesia incutiendo terrorem, se opponit malitia & astutiae Daemonis.</i></p> <p>§.9. <i>Christus D. ut Agnus amandus est, ut Dominator timendus.</i></p> <p>§.10. <i>David ita fuit recordatus Misericordia, ut non fuerit oblitus iustitia.</i></p> <p>§.11. <i>Quam periculosum sit, recumbere in sola Dei misericordia.</i></p> <p>§.12. <i>Quare S. Chrysostomus haec verba; Deus misericors est, vocet frigida verba.</i></p> |
|---|--|

§.13.

§.13. *Leo Armenus Imperator, in amplexu crucis fuit trucidatus.* | §.14. *Elegans symbolum Caroli V. Imperatoris.*

Super citata verba, *Erunt signa in sole*, pulchrè dixit Albertus Magnus, *Quæ futura sint illa signa in sole, non placuit Christo Domino determinare; nisi velimus accipere ex præteritis.* Tunc enim quatuor signa erunt in sole, quæ jam in præterito legimus accidisse: quæ sunt, Obscuratio, Statio, Percussio, Retrocessio. De obscuratione ait c.6. apoc. v.12. *Solfactus est niger quasi saccus cilicinus.* Idem contigit in Passione Christi. Stetit Sol, cum hoc illi imperavit Josue. De tertio signo ait c.8.v.12. Apoc. *Percussa est tertia pars solis, tertia pars luna, & tertia pars stellarum.* Ezechias denique obtinuit, ut sol fuerit retrogressus. Ita fortassis in die Judicii errabit Sol, stabit, ascendet, descendet, obscurabitur, ut ostendat se timere, tremere, trepidare ob iram judicis venientis ad judicium. Et quomodo trepidabunt impii, audituri sententiam æternæ damnationis! S. Hier. in Jer. *Iram Dei, muta sentient & pertimescent Elementa.* Quomodo sentient impii? Isaias. c.13.v.13. *super hoc, cælum turbabitur, quæ verba S. Hieronymus sic explicat, Cælum erit triste, terra movebitur, elementa quoque iram creatoris agnoscent.* Quomodo turbabuntur damnandi ad inferos. Juxta Ezechielem c.32.v.7. *Operiet cælos, & nigrescere faciet stellæ ejus: solem nube teget, luna non dabit splendorem suum, omnia luminaria cæli morere faciet;* Quæ inter damnandos erit inæstitia? Cum Christus Dominus penderet in cruce, sol materialis, quasi non valens sustinere injuriam Domini sui, factus est niger sicut saccus cilicinus, luna tota facta est sicut sanguis; tam graviter enim, & crudeliter Domino omnium creaturarum injuriato in cruce, sol extasin passus est per tres horas. Addit Auctor operis imperfecti, *aut super opera impiorum indignantes, aut novissimam in eis Dei iracundiam demonstrantes, ut adhuc viventibus impiis super terram jam gustus detur infernalium tenebrarum.* Aliæ phrasæ sanctorum Patrum sic habent; Erubescet luna, confundetur Sol; Sol apparebit teter, sed! præcipitabitur.

turne sol in infernum, ut ibi ardeat? Non! quare erubescit? quare timet? quare obscuratur? diceturne fortassis, terribilis sententia super lunam & stellas? Minimè! & cur trepidant? cur patiuntur extasin? soli, lunæ, stellis, elementis, omnibus creaturis terrorem incutiet ultima ira venturi Judicis; quis terror, quis metus erit in illis, quibus dicetur illud Matth. 25. v. 41. *Discedite maledicti in ignem æternum; & momento à dæmonibus rapientur in tartara!* Et cur iterum in adventum mater nostra Ecclesia nos terret hodierno Evangelio? Puto S. Gregorium advertisse causam, dum piè queritur super c. 27. S. Matth. *Hunc, quem omnia insensibilia elementa Dominum senserunt, adhuc infidelium Iudaorum (& pertinacium peccatorum) corda, Deum esse minimè cognoscunt, & duriora saxis, scindi ad pœnitentiam nolunt.* Itaque hodiernum Evangelium dispositio & ad agendam pœnitentiam, quam post octiduum prædicabit S. Joannes Baptista. Conabor hac Concione aliqua proponere, quæ cor etiam durissimi peccatoris concutere possint:

§. 2.
Aureum
monitum
SS. Patrum
est, ut præ-
veniamus
diem Judi-
cii.

Benè nos monet S. Augustinus in c. 13. S. Matthæi; *in quo quemque invenerit suus novissimus dies, in hoc eum comprehendet mundi novissimus dies; quoniam qualis in isto die quisque moritur, talis in die illo judicabitur.* Proinde, qui de æternâ salute solliciti sunt, semper & quotidie mortem habent præ oculis, judicium meditantur, & utrumque; mortem suam & judicium, præordinant pro viribus. Quos laudat S. Bernardus ser. 5. in vig. Nat. Domini. *Is prodest Christi mors, & Passio, qui mortem propriam prævenientes, & prævidentes, ad illam præparantur, ne inopinato intercipiat mors.* Et nos hoc sacro tempore adventus, ad festum Nativitatis Christi, salubrius nos disponere non possumus, quàm si prævideamus, & præveniamus diem Judicii. Illum diem terribilem, modò timere debemus, ut tum non timeamus. S. Augustinus l. 3. *Cessat vindicta divina, si conversio præcurrat humana. Amat Deus parcere, & eos, qui semetipsos judicant, non judicare.* Mirabilis fuit modus, quo Nathan Davidem perduxit ad pœnitentiam; causam advertit, S. Irenæus l. 4. c. 45. *Vt ipse dans sententiam, de semetipso & semetipsum judicans*
mife-

misericordiam consequeretur, & remissionem. S. Paulinus epist. 10. *Ninivita meruerunt denuntiatum evadere excidium, quia se spontaneis luctibus cruciando divinam sententiam prævenerunt.* Hoc faciemus, si vivamus in continuo timore extremi iudicii.

Habemus sane causas longè iustissimas. S. Thomas. *Quantum* ^{§. 3.} *idem iudex iustior & fortior est, tantò magis timendum est.* ^{Et ut timemus.} *Illum timere, sapiens consilium est, quo nullum melius homo peccator reperire potest.* S. Hieron. *Erige aures peccator! misericors est Dominus! sed noli esse negligens, sequitur enim, & iustus.* S. Augustinus. *Potestatem ejus time, misericordiam ejus ama; nec sic de misericordia ejus presumas, ut potestatem contemnas; nec sic potestatem timeas, ut de misericordia desperetis.* Mel est misericordia ejus infinita; est enim ei proprium, misereri semper & parcere: mel est sermo ejus, suavitate conditus cœlesti; est enim sub linguâ sponsi, mel & lac, teste sponsa, cant. 5. v. 1. & teste regio Psalte, Pl. 44. v. 3. *diffusa est gratia in labiis ejus.* Melleum est pectus ejus, & cor dulcissimum, siquidem artifex ejus est melleus Spiritus Sanctus, spiritus amoris, spiritus suavitatis. Mellea sunt quinque ejus benedicta. Vulnere, sunt enim quinque velut alvearia; sunt quinque melleæ amoris officinæ. Nolite tamen idè omnem exuere timorem; nolite nimium fidere; nam quæ mellea est, est & aculeata apicula; amorem simul gerit & dolorem; diligere novit & lædere, favos circumfert & aculeos. Time te impii, altè nimis in vestras medullas infiget furoris sui aculeos Jesus Iudex vester. Tertull. l. 2. contra Marcionem. *Deus* (dicere idem possumus de Christo Domino) *Patrem se exhibet & Dominum, Patrem clementia! Dominum disciplina; Patrem potestate blanda, Dominum severa; Patrem diligendum piè, Dominum timendum necessario. Diligendum, quia mavult misericordiam, & ut peccator vivat, quàm moriatur. Diligendum, quia vult ut peccator convertatur: timendum, quia tandem tremendus est iudex.*

Cum Act. 1. cap. v. 11. Christus Dominus gloriose ascendisset in Cœlos, & Apostoli attoniti persisterent in loco, oculos elevantes in altum, duo apparuerunt Angeli dicentes, *Hic Iesus* ^{§. 4.} *quem* ^{Iesum quem ob pulchritudinem} *vidistis* ^{qui amantissimus}

eandem ob
iudiciari-
am pote-
statem ti-
more de-
bem.

qui assumptus est à vobis in cælum, sic veniet, quemadmodum vidi-
stis eum euntem in cælum. Ruperti Abbatis observatio super
hæc verba est peculiaris, dum ait. l. i. de timore c. 8. *Hæc præ-*
nuntiatio est plena timoris, tanquam vox tubæ, grande & terribile
bellum nuntiantis. Grande & dulce gaudium intuentium, quia talis
elevatus est (sua virtute, in tantâ gloriâ.) Sed & grandis timor, ac
etremor expectantium, quia talis & sic veniet, ad judicandum vivos
& mortuos: sic est auditores, benefacimus amando Christum
Dominum, laudabilis est nostra in illum spes & fiducia; non
reprehendo, quod mel quæramus apud dulcissimum Jesum;
præsertim per adventum. Sed mater nostra Ecclesia hodie
nobis proponit terribile Evangelium de judicio; Hic Jesus ju-
dicabit! ut timeamus!

§ 5.
Exemplo
Ninivita-
rum, qui
timuerunt,
& spera-
verunt.

Cum spe, fiduciâ, & amore erga Christum Dominum de-
bet misceri timor; *Ut Ninivitis (S. Zeno ser. de Jona) nuntiatus*
fuit interitus, crediderunt & timuerunt & quanto sciverunt Domi-
num non esse mendacem, tanto propensius de ejus pietate præsumpse-
runt. Laudo omnes illos, qui de Christo Domino sentiunt in
bonitate, quod dulcis sit & misericors! sed creditisne quod hic
idem sit olim venturus, judicaturus mundum? timete! non ti-
mebitis sine fructu; de quo ait Isaias c. 26. v. 17. *A timore tuo*
Domine concepimus, & peperimus spiritum salutis. S. Thomas le-
git. *Pœnitentia salutaris.* Hanc intendit mater Ecclesia, ut ita-
que sanctè timidos nos reddat; proponit signa illa terribilia!
quæ ante adventum Judicis, erunt in sole, lunâ, & stellis.

§ 6.
Dei vel
Christus
Dominus
duos habet
pedes, lu-
stitia &
Misericor-
dia, utrum-
que cum
Magdalena
amplecti
debemus.

Clarè sacer textus Luc. 7. insinuat; Sanctam Magdale-
nam, non unum tantum pedem Domini rigasse suis lacrymis,
sed utrumque; ait enim, *cæpit rigare pedes ejus, & osculabatur pe-*
des ejus. Stans retro secus pedes. Non sine magno mysterio, quod
S. Bern. ser. 6. in Cant. advertit. *Pedes Dei, (vel Christi Domi-*
ni) alterum iustitiam, alterum Misericordiam nominemus. Meri-
to beneplacitum est Domino, super timentes eum; & in eis, qui spe-
rant super misericordia ejus. Curato, ut neutro frauderis illorum.
Alioquin alterum sine altero osculari, non expedit: quia & recordatio
solius judicii, in barathrum desperationis precipitat; & misericordia
fallax

fallax assentatio, pessimam generat securitatem. Ante octiduum duxi vos ad osculum pedis dexteri, mansuetissimi Regis; dum ostendi, quàm dulcis, & longanimis sit Dominus noster. Spero vos concepisse peculiarem amorem erga Christum Dominum. Hodie vos ducere cupio ad alterum pedem; date pedi Justitiæ demississimum osculum, & timete! hic idem Jesus veniet ut judicet mundum. Timete! justus est!

Exodi 32. cap. Moyses urgenti populo, ut à Domino impetraret veniam gravissimi peccati, idololatriæ, respondit, v. 30. *Ascendam ad Dominum si quomodo qui vero eum deprecari pro scelere vestro.* Alii vertunt. *Si forte expiationem oblineam pro peccato vestro.* Cajet. *Si forte faciam condonare peccatum vestrum.* Sic Ninivitæ dixerunt, *Quis scit si convertatur & ignoscat Deus* Abiit Moyses, & in monte, ardentissimâ illâ oratione, *aut dimitte illis hanc noxam, aut dele me de libro quem scripsisti;* placavit Dominum, & obtinuit veniam; redux tamen ad populum de monte, noluit hoc illi indicare, *ne incentivum peccati fieret postmodum venia facilitas.* Hæc fuit intentio Ecclesiæ antè octiduum; proposui nobis adventum Regis mansuetissimi, quem facillimè possumus placare, sed ne illa mansuetudo, illa bonitas nostri Salvatoris nobis sit occasio peccandi liberius: Hic Jesus, qui jam nos invisit in specie amantissimi sponsi, reviset olim in formâ severissimi Judicis. Non tum iterum equitabit in asina, non sibi olivæ, non palmæ ramos præferri tum sinet, non tum locum habebit illud amabile acroama, *Dicite filia Sion, Ecce Rex tuus venit tibi mansuetus.* Matth. 21. v. 5. Veniet! sed ut Judex! veniet! sed ut Paterfamilias, famulorum suorum operas atque labores inspecturus. Veniet! sed ut Rex, rationem initurus cum subditis. Veniet! sed ut belli Dux, duobus assclis, irâ & justitiâ comitatus. Quo tum te vertes peccator infelix? quid ages? quid senties? si iratum aspicias vultum judicis tui, Patris tui, Regis tui, Imperatoris tui? age nunc, ita spera de Dei clementia, ut non sis immemor Justitiæ.

In hoc sollicita mater Ecclesia se opponit malitiæ, & astutiæ Diaboli; nam (S. Fulgentius ep. 7. ad Venant.) *plerumque* ^{s. 8. Ecclesia, incutiendo} *pecca-*
 Alveus Tertius. C

timorem. *peccatores, sub spe indulgentia, in peccatis tentat; & compellit eos Dei*
se opponit *justitiam non metuere, & suadet, de Dei bonitate gaudere. S. Grego-*
astutia Sa- *rius Magnus. Plerumque hostis callidus, mentem, quam peccato*
thana, *supplantat, cum de ruina sua afflictam videt, respicit, securitatis pesti-*
fera blanditiis seducit. Subdit deinde. Admonendi sunt, qui pec-
cata lugent, ut de misericordia Dei, quam postulant, presumant, ne vi
immoderata afflictionis intereant. Rursumque admonendi sunt,
ut sic de spe fiduciam habeant, ne tamen incautâ securitate
torpescant: Esau Gen. 25. v. 32. abiit, parvi pendens, quod pri-
mogenita vendidisset, quia putabat (ait Pererius) patrem suum,
tale eius promissum irritum facturum, & sperabat nunquam, se fratri
suo cessurum jura primogenitura. Hanc aliqui concipiunt opi-
nionem de Christo Domino; non permissurum ut cœlum non
obtineant illi, pro quibus mortuus est; hanc opinionem fovet
& nutrit diabolus, ut decipiat. Sed in hodierno Evangelio se
opponit Ecclesia, dum proponit terribilem adventum Judicii,
ut timeamus; hoc agite auditores; amate Christum Dominum
ut benignissimum Redemptorem; sed timete eundem, ut se-
verum Judicem. Sol obscurabitur, luna non dabit splendo-
rem suum, stellæ cohorrescentes suâ discedent statione, dela-
bentur in terras; elementa suis convulsa sedibus dissolventur.
Cœlum ipsum, terribili rerum omnium conturbatarum facie
per territum contremiscet; & tum aderit hic Jesus, hic Rex!
tremendus Judex!

h. 9.
 Christus
 Dominus,
 ut agnus
 amandus
 est; ut Do-
 minator
 timendus.

Ex v. l. cap. 16. Isaïæ, *Emitte agnum Domine, dominatorem*
terra. Ostendi ante oſtiduum, Christum sua mansuetudine
subjugasse sibi mundum; Card. Jacobus de Vitriaco aliam cau-
sam advertit, ob quam Isaïas Mesſiam vocat agnum & Domi-
num sive leonem; Agnum vocat, ne desperemus; Dominatorem, ne
presumamus. Agnus est Christus Dominus Salvator noster (S. Jo-
annes Chrysost. hom. 29. in Gen.) ut qui in peccatis est, non despe-
ret, nullus qui in profundum ipsum malitie descendit, salutis sue
spem abjiciat, sed ineffabilem Dei cogites misericordiam. Sed hic
agnus, hic idem Jesus, etiam leo est, ne quis sit præsumptuosus,
sed anxius & sollicitus. Considerans misericordiam, ne de-
spera

spera; gaude & ama benignissimum agnum. Sed cogitans Justitiam, & diem judicii, time: hic quivis cum Guilhelmo I. Rege Angliæ dicat: *ad tremendum Dei examen rapiendus, quid faciam ignoro.*

Omnes sciunt; quoties Regius Psalter in psalmis sese con-
soletur, recordatione divinæ bonitatis & misericordiæ; sed ju-
stitiæ non fuit immemor, imò Pl. 70. v. 17. *Introibo in poten-* § 10. David
tias Domini? Domine memorabor justitiæ tuæ solius. Hugo Card. *fuit recor-*
Justitiæ: qua ambizioso Lucifero non pepercit: qua Adamum de Para- *datum Mi-*
diso eiecit: qua pro parva delectatione, tot myriades hominum aeterno *sericordiæ,*
deputat incendio. Itaque (ut ait S. Greg. l. 33. mor. c. 10.) *ut non fue-*
nemo sic *rit oblitus*
justitiæ *justitiæ* *timent, ut nulla spei consolatione convalescat: neque ita con-*
fidas de misericordia, ut adhibere vulneribus suis dignæ pœnitentiæ
negligat medicinam. Sed: *quem præsumpsit sibi parcere (quem amat*
ut agnum) semper etiam cogitet, & districtè judicare. Cogitet si-
mul esse leonem, sive fore aliquando terribilem Judicem. Sed
sic timendus est, ut benè monet S. Prosper, *ut ad ipsum confugia-*
tur, hoc hodie intendit Ecclesiæ: erunt signa, time, & dum tem-
pus est fuge ad Christum. Utrumque agite, amate, sperate,
& timete.

S. Hildebertus ep. 15. *In misericordia Dei sperare saluberrimum* § 11. Quam pe-
est consiliu, sed de ea totum pendere, periculosum est refugi- *riculosum*
um! de quo queritur Job. cap. 24. v. 23. Dedit ei Dominus spatium *fit, recum-*
pœnitentiæ, & ille abutitur eo in superbiam. In hebraico. *Et ille*
recumbis super misericordia Dei. S. Hieronymus. *Infelix propterea* *Dei miseri-*
Israel, & dignus maledictione perpetua, qui in tantum impietatis de- *cordia,*
scendit profundum, ut solius Dei velit salvari misericordia. Ti-
meo ne hæ querelæ proferri possint, contra illos sectarios, qui
justificationem hominis, & salutem adscribunt soli Christo
Domino.

Pulcherrium discursum, si legere vultis, invenietis in S. § 12. Quare S.
Joanne Chrysoft. hom. 23. in acta. *Fratres mei dilectissimi, clamo,* *Chrysoft.*
ex alto vocem meam, quasi tubam, moriemur! hoc certum est; quan- *hæc verba,*
do: hoc incertissimum. Pari modo hodie nos terret Ecclesiæ: *Deus miseri-*
ricors est,
vo est frigi-
da verba.
Erunt signa, sed, quid est hoc? dum ego de his ago; aliqui ex vo-

bis dicunt, at Deus misericors est! &, quamdiu frigidum hoc & ridiculum verbum dicemus, & hoc dicite, Justus est Dominus. *Misericors est, ut ametis! justus iudex est, ut eundem timeatis.* S. Aug. ser. 102. de temp. *Fratres cum ingenti tremore consideremus, de sexcentis millibus duo tantum terram promissionis ingressi sunt. Hoc ergo audiant, qui ita Dominum misericordem esse volunt, ut justum esse non credant vel non metuant.*

§. 13.
Leo Armenus Imperator, in amplexu crucis fuit cruciatus.

Leo Armenus Imperator, teste Cedreno, juratus inimicus crucis Christi, cum se vidit cinctum gladiis hostium, cerneretque mortem præ oculis, pavidus confugit ad erectam crucem, arcè eam complectens, sperans fore; ut ad hanc aram refugii sibi parcerent hostes, & vitam condonarent; sed statim scelestum hominem inter amplexus crucis innumeris plagis affectum confecerunt. O peccatores, modo dum tempus est gratiæ, per seriam pœnitentiam confugite ad Christum crucifixum, modo agnus est. Cum hoc signum apparebit in extremo die Judicii, cum in judicio tuo particulari hoc idem signum oculis tuis obversabitur; cum jam exigetur ratio, tum velle pœnitere, tum confugere ad vulnera Salvatoris, cum mors instat, cum sonat tuba Judicii, cum ultimæ fluunt arene fatalis clepsydre; actum erit; tum Iudex terribilis erit leo, tum tuum pectus patebit fatali telo fulminatricis sententiæ, *Discede maledicte!* In conspectu crucis damnaberis ad inferos. Hic Jesus, qui fuit agnus, erit leo, & Dominator Dominus, cujus potestati nemo poterit resistere.

§. 14.
Elegans symbolum Caroli V. Imperatoris.

Ex variis symbolis Caroli V. Augustissimi è Domo Austriaca Imperatoris, pro præsentī materia hoc mihi placet; pingi jussit Aquilam, dextera fulmen, sinistra ramum Olivæ præferentem, cum hac epigraphe, *suum cuique!* Loco aquilæ pingite crucem; dextera alligate agnum cum ramo Olivæ; sinistra leonem cum fulmine; talis apparebit Filius hominis in tremendâ illâ horâ. Electis erit agnus! impiis terribilis leo! O Leo de tribu Juda; O Jesu, Iudex meus! O amor meus, Deus meus! ut amem te, mille mihi stimulos addidisti; sed non minus, ut timeam. Timeo, timeo, tuam mi Jesu majestatem! timeo Iusti-

Iustitiam; tu confixisti timore tuo carnes meas. Vale immunde munde; timor Judicis mei, suadet tibi nuntium remittere. Valete impurae deliciae, valete amantissimi mei sodales, Jesum timeo, judicem meum timeo, diem illum extremum Judicii timeo.



CONCIO III.

DOMINICA III. ADVENTUS.

Ecce ego mitto Angelum meum, ante faciem tuam, qui praeprabit viam tuam ante te.

Matth. cap. II. v. 10.

SYNOPSIS CONCIONIS.

Agit de ingenti pœnitentiæ efficacia, & variis quas in anima pœnitente operatur mutationibus.

- | | |
|--|--|
| <p>§.1. Diu ante minatur Deus an-
tequam puniat, ut habeamus
spatium cogitandi de pœniten-
tia.</p> <p>§.2. Quodvis peccatum remitti
potest per pœnitentiam.</p> <p>§.3. Quo sensu dicatur, quod Deus
obliviscatur peccatorum.</p> <p>§.4. Vbi & quando debeamus ab-
scindere peccata, ut Deus illo-
rum non recordetur.</p> <p>§.5. Varia eximia elogia Pœni-
tentia.</p> <p>§.6. Digressio ad præparationem
necessariam, pro Nativitate
Christi.</p> | <p>§.7. Pœnitentia fortes habet hu-
meros: portare potest quosvis
peccatores.</p> <p>§.8. In hoc præsertim apparet ef-
ficacia pœnitentia, quod pecca-
torem totum immutet, v.g.
Magdalenam.</p> <p>§.9. Idem patet in Davide.</p> <p>§.10. Tragica historia, ex Thoma
Cantipratano.</p> <p>§.11. Mutatio, qua fit per pœni-
tentiam; declaratur similibus.</p> <p>§.12. Prosecutio.</p> <p>§.13. Gaudium Henrici Susonis,
de conversione alicujus pecca-
trici.</p> |
|--|--|

§.14. *Pœnitentia delet tenaciffi-
ma peccata.*

§.15. *Pœnitentia, regno & honori
restituit Nabuchodonoforem.*

§. 1.
Diu ante
minatur
Deus, an-
tequam
puniat, ut
habeamus
spatium
cogitandi
de pœniten-
tia.

ANte dies octo, Dominica secunda Adventus, terribilibus signis, quæ præcedent Adventum judicis, & aliis circumstantiis, quæ diem judicii facient terribilem, conatus sum impiis salutarem incutere timorem Domini, ut à peccatis desistant; timeo ne fortassis aliqui cogitent, abiere tot dies, & sol necdum est obscuratus; lucet adhuc ut ante; non vidimus adhuc lunam sanguineam, multis minus stellas decedentes de cœlo; longanimis est Dominus; fulgurat, tonat, sed non tam cito ferit & percutit; sic est! tam bonus est Deus: tardat venire, etiam de sæculo in sæculum, sed causam advertite, cum S. Ioanne Chrysoft. super cap. 25. in lib. reg. in quo narratur Ierosolymam aliquot annis fuisse obsessam à Rege Nabuchodonofore, & ait, *Nunquid statim Deus à prima die urbem poterat tradere, & facere hostibus subditam? sed propterea interim trium annorum tempus conteri permisit, & ipsos obsidione premi gravissima, ut & militum timore, & fame premente castigati, cogitarent, aliquod peccato remedium fieri.* Amos c. i. v. 14. populo minatus fuit terribilem terræ motum, biennio antequam contigit: *quia enim Deus libentius emendare, quàm punire eos voluisset, per interposita temporum spatia vindictam distulit, ut de emendatione cogitaret populus; Et fit, pompa terroris; ne molem ipsam terroris incipiant experiri.* Ita, licet & hodie terreantur impii; tamen vindictam differt Deus, ut cogitemus de pœnitentiâ. Quam rem nobis utilem simus facturi, si agamus pœnitentiam, intellegitis, cum hac Concione aliqua de ejus efficacia, & mirabilibus effectis proposuero.

§. 2.
Quodvile
peccatum
committi po-
tesse per pœ-
nitentiam.

Angelicus Doctor Sanctus Thomas 3. q. 86. art. 8. doctè ut solet, hanc quæstionem exponit; An per veram pœnitentiam, cujusvis etiam gravissimi peccati venia & remissio obtineri possit? Respondet affirmativè, si de tempore, quo peccator adhuc vivit in hoc mundo, sit quæstio: toto enim illo tempore homo est Dominus liberi sui arbitrii, quo, adjuvante Dei gratia, quæ nunquam deest, se determinare potest, ut detesteretur

ma-

malum, ut recedat à creatura, & convertat se ad creatorem. Diabolis & damnatis, quia obfirmati sunt in malo, & quia in æternum non valent dolere de peccatis, nulla pœnitentia erit salutaris; sicut nec illis, qui subinde in hoc mundo ita sunt obstinati in malo, ut non velint pœnitere. Ex suppositione verò, quod, quantumvis enormis peccator, serio agat pœnitentiam, pro tali credimus Remissionem peccatorum, in symbolo fidei nostræ; contraria aliquorum hæresis huic articulo, ait sanctus Doctor, *repugnat divina misericordia: vinceretur enim quodammodo Deus ab homine; si homo vellet peccatum deleri, quod Deus delere non vellet.* Confirmat deinde, sanctus Doctor suam sententiam. decantatissima promissione Ezechielis c. 8. v. 21. *si impius egerit pœnitentiam, ab omnibus peccatis suis, vita vivet, & non morietur. Omnium iniquitatum ejus, quas operatus est, non recordabor.* Tanta fuit iniquitas Ninivitarum, ut intra 40. dies minatus illis fuerit per Jonam ultimum urbis excidium, sed mox, suam ipsorum damnationis sententiam resciderunt; jejunii scilicet, & orationibus, addit causam S. Ephrem ser. de pœn. Ninivit. *Vt quantum pœnitentia valeret demonstraretur. Nam sententiam Dei ista immutavit, atque dissolvit.*

Potest fieri, ut nonnulli sit aliquis scrupulus, quomodo de Deo dici possit, quod obliviscatur, vel non recordetur iniquitatum; sed puto scrupulo satisfecisse Hugonis Card. glossam in citatum locum Ezechielis. *Non recordabitur scilicet ad puniendum; quia pœnitens peccator meminit ad dolendum, confitendum, satisfaciendum.* Quia cum homo punit, Deus parcat; cum homo meminit, Deus oblivioni tradit; cum homo aperit, Deus regit. S. Thomas. *Dicitur Deus oblivisci peccata eorum, qui vere pœnitent, quia non damnabit eos.* Ut demonstretur, quantum valeat pœnitentia. Nemo itaque ex me quærat, an his paucis diebus, qui adhuc residui sunt ante diem Nativitatis, omnes peccatores possint obtinere veniam peccatorum, ut in conspectu Jesuli appareant mundi; neque enim aliud cum S. Joanne Baptista respondurus sum, Matth. 3. v. 2. quàm, *pœnitentiam agite; cogitare peccata vestra, de iis ingemiscite, dolete, confitemini; accedite* §. 3.
Quo sensu
dicatur,
quod Deus
obliviscatur
peccatorum. *sacrum.*

sacrum pœnitentiæ tribunal: sedet in eo Vicarius Christi; aperite animi vestri maculas, effundite coram Domino corda vestra; nullam, quæ gravior est, peccati labem silentio involvite; inducet omnem maculam vestram non atramento, sed sanguine suo Jesus; non recordabitur scelerum, teget turpitudines vestras universas, manibus suis sanguineis.

§ 4.
Vbi & quo-
modo de-
beamus ab-
scondere
peccata, ut
Deus illo-
rum non
recordetur.

Sanctus Bernardus piissimam mihi suggerit præparationem pro instanti festo Nativitatis, dum in eadem verba Ezechielis, *Dominus non recordabitur omnium iniquitatum*, ait, de gratia & libero arbitrio. *Non quod omnino non peccaverint*, (hoc est impossibile; sed ut quoad culpam macula deleatur, aboleatur, & quoad pœnam, ad puniendum) *non imputetur: quod vel punitur condigna pœnitentia, vel in charitate absconditur*. Duplicem possumus intelligere charitatem, & illam, quâ peccator per actus veri doloris ob amorem Dei & Christi Domini ex toto corde dolet se summum bonum offendisse, & illam, quâ Christus Dominus tales pœnitentes complectitur. O pœnitentes animæ! velletisne libenter agere pœnitentiam, libenter confiteri? sed retinet vos pudor; prohibet id verecundia; venite ostendam vobis locum, ubi scelera vestra positis abscondere, ostendam locum ubi statim tegantur; Crucifixum accedite; ecce fossas charitatis! En vulnera Salvatoris! hic abscondite hoc facitis, dum detegitis Confessario, qui sedet loco Christi Domini, qui ejusdem potestate lavat vos in sanguine agni; si hoc fiat, quæcunque occurrant peccata, remittentur quoad pœnam, & quoad culpam: tales animæ super nivem dealbantur. Advertitisne quam à vobis exigam pœnitentiam, pro præparatione ad festum Nativitatis? seriam ex corde contrito Confessionem: hujus tanta est vis & efficacia, ut mereatur remissionem omnium peccatorum.

§ 5.
Varia exi-
mia elogia
Pœnitentia-
e.

Agnovit S. Thomas de Villa Nova, cum exclamavit in sermone Dom. 4. quadrag. *O eximia pœnitentia virtus! O forte lixivium, quod omnes peccatorum maculas tam facile diluit! O unctio salutaris, quæ lepram animæ tam suaviter sanat! O theriaca potentissima, quæ omne virus cordis extinguit! Pœnitentia est salutaris illa pi-
scina,*

scina, plena aquis vitæ, in quibus si laventur paralytici, hydro-
pici, &c. statim convalescunt. Pœnitentia est fragrantissimum
illud unguentum nardi pistici preciosi, quo Magdalena turpis-
simam mephitim suorum scelerum momento dissipavit: Pœni-
tentia! est mirabilis illa virga Moysis, quâ aperire possumus ma-
re rubrum sanguinis Christi, ut in illo submergamus omnia
peccata nostra. Pœnitentia, est sapientissima Domina The-
cuis l. 2. Reg. 14. v. 24. hæc fuit mediatrix inter Davidem & Ab-
solonem; hæc filio parentem reconcilavit: pœnitentia nostra
est mediatrix, inter Deum, Christum Dominum, & peccatores.
Pœnitentia filios prodigos reducit ad patrem misericordia-
rum. Ex tot eximiis elogiis pœnitentiæ sic discorro.

In cordibus, quæ contaminata sunt fœdisimis turpissimo-
rum scelerum maculis, in his inquam cordibus non nascetur
Jesulus: ite, quærite lixivium; pœnitentiam agite. In animis
leprosis NN. non nascetur Jesulus: ite, quærite salutarem un-
ctionem pœnitentiæ; sit illa præsertim, cum sacerdos ait, *absol-
vite*; tum enim anima talis inungitur oleo sanguinis Christi, &
sanatur omnis lepra: In cordibus, in quibus latet venenum
alicujus odii, in his non nascetur Jesulus; ite, quærite fortissi-
mam theriacam pœnitentiæ; per hanc prius omne virus debet
extingui. Jesulus non intrabit illas animas, quæ graviter olent
ante faciem Domini: opus prius est balsamo pœnitentiæ. Hy-
dropici, paralytici, claudi non cogitent de adventu Jesuli, nisi
prius laventur in piscina pœnitentiæ. Verbo, pœnitentia nos
prius debet reconciliare Salvatori nostro, antequam ille nos
admittat ad amantissimum suum conspectum.

Ideo pius ille Religiosus, desperandum peccatorem
valde fuit consolatus his verbis; *forti animo esto, nec de salute va-
cilles; validos habet pœnitentia vera lacertos; ipsa Majestati violen-
tiam infert, vincit invincibilem, mutat incommutabilem.* Omnes
simul peccatores, qui hæcenus salvati sunt, & salvabuntur us-
que ad diem judicii, repræsentat mihi illa ovicula, Joan. 10. v. 20.
cum quâ pingi solet Pastor bonus quam fert in suis humeris.
Omnes hæc oviculæ cum cruce fuerunt impositæ humeris

Alveus Tertius.

D

Christi

§ 6.

*Digressio
ad præpa-
rationem
necessari-
am pro Na-
tivitate
Christi.*

§ 7.

*Pœnitentia
fortes ha-
bet hume-
res. Portare
potest gra-
vissimos
peccatores.*

Christi, cum bajulavit crucem suam in monte Calvaria; ferre tantum pondus non potuisset, nisi divinos habuisset lacertos; Vicaria Christi Domini est pœnitentia! Pœnitentiam agite peccatores; hæc & vos deportabit in cœlos.

§. 8.
In hoc pa-
sertim pa-
ter efficacia
vera pœni-
tentia,
quod pecca-
torum immu-
get; v. g.
Magdale-
nam.

In hoc præterea apparet magna vis & efficacia veræ pœnitentiæ, quod peccatorem planè immutet. Hic quoque paragraphus suggeret mihi pulchrum discursum de necessariâ præparatione ad festum Nativitatis. O mi Jesu concede mihi hanc gratiam, ut peccatorum aliquorum corda tibi præparem, pro grato diversorio. Per pœnitentiam id poterit fieri. Magdalena saucia telo pœnitentiæ cerva, currit ad dulcissimos pedes Jesu Salvatoris, ibique prostrata potentissimos duos elicit affectus, amoris & doloris! doloris, de peccato! amoris, erga Deum suum. Scandalizatur Phariseus Simon, Luc. 7. Quod Christus Dominus hanc fœminam à se non rejiceret; & aperit causam Scandali, dum ait, v. 39. *quia peccatrix est*. Primâ fronte putare quis possit, Simonem benè fuisse questum, fuisse rem importunam, talem fœminam non vocatam irruere in locum talis convivii. Sed ait Christus Dominus ad Simonem deciperis Simon; fœmina, quam cernis, non est amplius illa quæ fuit; erras, non est amplius peccatrix; licet fuerit vaga, sensualis, superba; dum afflicta ad pedes meos gemit, dum plorat, non amplius dici debet peccatrix, vides hanc mulierem? Id est (sic explicat Dion. Carthus.) aspicere & considerare debes, merito personam, & facta hæc ejus. Unde & Christus notanter ait, vides hanc mulierem, quasi dicat, attende fœminam istam valde notabilem; cujus gesta hæc sunt consideratione dignissima. Viden' ejus oculos? fuerunt vagabundi, petulantes, impudici; jam per pœnitentiam conversi sunt in fontes lacrymarum! Viden' ejus comas? fuerunt funiculi vanitatis; pœnitentia commutavit illas in catenas castissimi amoris! Viden' ejus os & labia, de quibus veluti ex cloaca profluxere verba immunda; his labiis, hac linguâ, quia pœnitens est, lambit & osculatur pedes sui Salvatoris. Balsamo, quo usa fuit ad vanitatem, eisdem ungit, ut tota tua domus spiret suavissimum odorem.

Itaque

Itaque Simon, muta mentem tuam, Magdalena non est amplius peccatrix, sed mulier omni laude dignissima. O peccatrices animæ! quæritis fortassis ex me, si quæ cura salutis vestræ hoc sacro tempore vos tangit; quomodo præparare vos debeatis ad festum Nativitatis Christi? pœnitentiam agite; per pœnitentiam mores & vitam vestram mutate. O mi Jesu, veni! Ecce hæc peccatrix, hæc anima immunda, non est amplius talis; en ut jam deplorat lascivos adolescentiæ luxus, en ut cum Magdalena laxat habenas lacrymis, ut tundit reum peccus, ut omnibus membris animi sui pœnitudinem contestatur! Veni mi Jesule! ecce hæc anima superba, non est amplius talis; vide, ut sui humiliandi undique captat occasionem; vides ut se infra omnes deprimat, vides, ut vix reos audeat oculos in cœlum attollere. Veni mi Jesule, ecce hæc anima peccatrix tot annos immorata odiis, rixis, discordiis, jam non est amplius talis: mansueta est, pacifica est, spirat amorem, beneficia, benevolentiam! Sed alio jam me vocat egregia Davidis virtus.

Miror non rarò verba, quibus David Rex à Deo tam eximie fuit laudatus, *Inveni David filium Jesse, virum secundum cor meum. & faciet omnes voluntates meas.* Act. 13. v. 22. hæc cinè cum veritate de Davide dici potuerunt; qui uxorem concupivit alienam? qui incidit in adulterium? qui occidit Uriam? Sanctus Justinus M. q. 78. ad Orth. hanc quæstionem sic proponit, *si Deus Davidem esse virum secundum cor suum affirmavit, quomodo postea idem propheta, & adulterium & eadem commisit.* Respondet. *At enim per pœnitentiam David delicta sua correxit, ac proinde uti cor Dei inventus est.* Pœnitentia immutavit omnia; cor regium Davidis, elutum lacrymis doloris, factum est novum, mundum, principale: quod S. Petrus Dam. confirmat. ser. 56. *Grandia vulnera sic restrinxit, ut non solum vulneris, sed nec cicatricis vestigiare manerent. Translatum est & ablatum peccatum, quod dividebat inter Deum & David.* Sublato peccato David fuit idem qui prius. O efficaciam pœnitentiæ! O superbi! vultis parvulum Jesulum suscipere in cor humile? pœnitentiam agite. Fuiſtis aliquando filii Dei pacifici, secundum cor vestri

§ 9.
Idem patet
in Davide.

Salvatoris; per iram, per odium incidistis in gravia peccata; si pacificum filium Dei iterum exspectatis, esse debetis, qui prius fuistis: itaque pœnitentiam agite, hæc grandia vulnera sic restringet. &c.

§. 10.
Tragica
historia ex
Thoma
Cantipra-
tano.

Rem Tragicam narrat Thomas Cantiprat. l. 2. apum. cap. 30. de adultero, cujus facies in pœnam, cum à commisso adulterio domum rediret, mutata fuit in monstrosam faciem alicujus turpissimi diaboli, cum horrore & clamore totius familiæ: cum pœnitentia ductus manè ad suburbanum sacellum vellet exire ad confitendum peccata sua, ipsa animalia, & pastores territi à tali monstro aufugerunt; aufugisset quoque sacerdos, quem quærebat, nisi intellexisset quis esset; & ubi miles cum mira contritione, & lacrymis est confessus, continuo larvalis illa confusio deterfa est, & propriam faciem cum integritate recepit. O si videremus, quibus larvis induti subinde peccatores ingrediantur sedem confessionalem! bufones! viperæ! hirci! sed ea est vis Pœnitentiæ, ubi cum verâ contritione sua odia, suas libidines, sua scelera confitentur; cum absolvuntur, continuo omnis larvalis confusio detergitur! utinam Angeli de Cœlis, his festis Natalitiis; utinam Parvulus de Bethleem, de præsepio, cum gaudio spectet talia spectacula!

§. 11.
Mutatio
qua fit per
pœnitentiam, de-
claratur
simili.

Immutationem, quæ per pœnitentiam fit in anima peccatoris, alio elogio, & simul pulchro simili declarat Sanctus Ephrem Syrus hom. de pœnit. *Pœnitentia, salutis est arbor, propterea quod multos in peccatis mortuos resuscitavit; inseritur in ipsa omnis cœlestis conditio, ac status, quia Divinitatis est consors.* Arbores malæ, arbores Sylvestres sunt peccatores, in tali arbore Caro plantat furculos luxuriæ; in alio ramo Mundus inoculat ramum avaritiæ, his arboribus minatur Christus Dominus radicem, & ignes sempiternos. Pœnitentia verò, est sapientissima hortulana; tales arbores scit radicitus evellere; imò mortuas, per mortem peccati, resuscitat ad vitam gratiæ. Surculos vitiorum commutat in ramos virtutum; redditque nos iterum consortes Divinitatis.

§. 12.
Erepticio.

Idem Sanctus Ephrem deinde per alia similia, immutationem

nem de quâ agit, fufius fic exponit; *feipsum, ex ferro, aurum facit, qui verè pœnitentiam agit, rursusque ex ligno petram; & quando legitimè resipuerit, se ipsum ex mortuis excitat, & è tenebris lux efficitur: In cordibus aureis, in cordibus gemmeis, in cordibus vivis, in cordibus lucidis, inter radios gratia, inter flammæ Sancti amoris vale nasci Parvulus de Bethleem; O peccatores agite igitur poenitentiam, ut hæc ex ferro in aurum vos convertat. Pœnitentia Petrum propria dignitati restituit, sua negatione collapsum: Pœnitentia Saulum Apostolum creavit; quoniam ipsum persecutorem, ut Christi servus fieret, compunxit. O artificiosam pœnitentia gratiam! Excitavit urbes Pœnitentia, & gentes concidentem erexit, unicoque impetu Niniven civitatem permagnam restauravit! S. Ambr. ser. 30. in verba illa Prov. 30. v. 20. Talis est via mulieris adulteræ, quæ comedit & tergit os suum, dicit, non sum operata mala. Sic loqui solent adulteræ, quæ immerse profundo malitiæ contemnunt scelera sua. Sed S. Ambrosius advertit, adulteram verè poenitentem sanissimo sensu hæc eadem dicere posse; hæc enim est virtus Christi Domini, ut quisvis peccator, qui eius unda se laverit, denuo in virginitatem (vel integritatem) reparatus, non meminit, ante quod fecerit, & rediviva nativitate (instar Phœnicis) infantia innocentiam præferat; juventutis scelera non agnoscat, sitque virgo fidei Christi, qui fueras adulter corruptionis peccati.*

Sanctus Henricus Suso, cum magnam peccatricem convertisset; illi scripsit affectuosissimas literas, ex quibus hæc paucula excerptis; soror amantissima, ex tua conversione sentio jubilum, quod explicare non possum: affectuosissimo affectu ago gratias Cœli Regina, quæ radiis suæ misericordiæ tuas tenebras, in quibus vivebas, illuminavit & dissipavit; O Cygni celestis paradisi gaudete & cantate mecum! annuntio vobis gaudium magnū! in terris conversa est magna peccatrix. Filia mortis, resuscitata est ad vitam! Vas corruptionis, factum est, vas electionis! hortus plenus spinis, conversus est in rosetum! Stella eclipsata recepit splendorem suum! Carbo niger factus est igneus! Æthiopissa, super nivem est dealbata! Quæ abiit post

S. 13.
Gaudium
Henrici
Susonis de
conversione
magna peccatrice.

vestigia hircorum; rediit, & cum dilecto suo pascitur inter lilia. Advertitis haud dubiè miram vim pœnitentiæ; miram ejus virtutem atque efficaciam. Sic est Auditor, ejus dextera operatur has mutationes. hæc à morte fœtentem jam animam resuscitat ad vitam; hæc ex vase corruptionis, vas facit æternæ gloriæ; hæc spinas transmutat in rosas, lolia in lilia, vepres in virtutes; hæc fugat tenebras, reducit lucem, stellis suum restituit splendorem, hæc carbones nigros convertit in ignem lucidissimum. Et cur non pœnitentiam amplectimur? cur ad eam non illico confugimus?

Super verba illa Isaïæ cap. i. v. 18. *si fuerint peccata vestra ut coccinum, quasi nix dealbabuntur: & si fuerint rubra quasi vermiculus, velut lana alba erunt;* ait Lyranus; nominat hos duos colores coccini, & vermiculi, qui sunt valde tenaces & mansivi; ex instinctu scilicet Spiritus Sancti Pœnitentiam nihilominus tantæ esse efficaciam, tam esse forte lixivium, ut & illas eluat maculas tenacissimas.

§. 14.
Pœnitentia
delet tenaci-
ssima pec-
cata.

Nabuchodonosor Rex ejectus è regiâ, septem annis cum bestiis vixit, in squalore, fame, & siti. Et post septennium levavit oculos in cœlum, pœnitentiam egit, & ait, Dan. cap. 4. v. 33. *In ipso tempore sensus meus reversus est ad me, & ad honorem, decoremque regni mei perveni.* D. Cyrillus Hier. Catech. 2. *Cum devenit ad eorum, quæ patraverat, pœnitentiam, ac infirmitatem suam agnovit, tunc restituit illi Deus regni honorem.* Huic accedit egregium S. Bonaventuræ dictum 3. p. stim. Div. amoris cap. 17. *Ego fœdissimus sumus, & abominabilis peccatorum latrina, valeo esse ex immensa clementia Dei mei, tabernaculum ejus; & qui sum plenus sanie & fœtore, ero sanctum Dei templum, sapientiæ sedes, & habitaculum Spiritus Sancti.* O Auditores ô si, quemadmodum ad Nabuchodonosorem olim, ita ad nos noster quoque sensus reverteretur! ô si ex brutis multi iterum transformarentur in homines! ô si ex fœtidissimo scelerum fimeto, corda nostra transirent denuo in tabernaculum Dei! Jesu, pœnitet tuam offendisse clementiam, agnosco infirmitatem meam, agnosco ingratitude, agnosco infelicem vitæ meæ statum, restitui cu-

§. 15.
Pœnitentia
suo honori
restituit
Nabuchodonosorem.

pio in

pio in numerum hominum, imò in numerum filiorum tuorum, volo cor meum reparari habitaculum Spiritus Sancti, tu pœnitentem ne despice, tu qui dedisti velle placere tibi, da & posse; decretum est, sincera meraque exomologesi conscientia meræ sordes eluere, decretum est cum Magdalenâ lacrymis atque suspiriis indulgere, decretum est in pœnitentiâ vivere & mori: tu modò pœnitentem ne despice, Jesu, Jesu!

CONCIO IV.

DOMINICA IV. ADVENTUS.

Vox clamantis in deserto.

Luc. 3. cap. Vers. 4.

SYNOPSIS CONCIONIS.

Agit de digno fructu pœnitentia, qui est, firma & stabilis emendatio vitæ. Ostendit præterea, in quàm periculoso statu vivant, quàm irritent iram & vindictam Dei, qui pœnitentiam facile abijciunt, & redeunt ad priora scelera.

- | | |
|---|--|
| <p>§. 1. <i>Verâ pœnitentia, est fons veræ salutis.</i></p> <p>§. 2. <i>Pœnitentia suavis est, licet multi non agnoscant. Propositio Concionis.</i></p> <p>§. 3. <i>Pœnitentia Pharaonis gravem habuit defectum, ideo punitus fuit à Deo.</i></p> <p>§. 4. <i>Ninivita per veram pœnitentiam obtinuerunt veniam, reciderunt in priora scelera, puniti sunt.</i></p> | <p>§. 5. <i>Modus, quo tandem excisus fuit, urbs Ninive.</i></p> <p>§. 6. <i>Quid sit abjicere pœnitentiam. Quo sensu reviviscant peccata semel dimissa.</i></p> <p>§. 7. <i>Testimonia aliqua B. PP. de gravitate recidivæ.</i></p> <p>§. 8. <i>Tales pœnitentes imitantur Saulen, qui psallentem David voluit lancea confodere.</i></p> <p>§. 9. <i>Sunt canes revertentes ad vomitum, & fues. &c.</i></p> |
|---|--|

§.10. Super tales pœnitentes Deus
tandem effundit iram suam.

§.11. Sunt inimici mentientes
Domino: quid sit tempus eo-
rum fore in secula.

§.12. Tragicum exemplum divi-
na vindictæ.

§.13. Seria adhortatio, ne cum ma-
gno periculo, post actam pœni-
tentiam, iterum peccemus.

§.1.
Vera Pœ-
nitentia,
est fons ve-
ra lachrymæ.

Angelicus Doct̃or S. Thomas in Pf. 6. poenit. hoc ad-
vertit. Omnes psalmi pœnitentiales incipiunt à luctu, &
terminantur in lætitiâ. Qui frequenter & devotè il-
los recitant, affirmabunt id verissimum esse. Addit

Ang. Doct̃or hanc causam. Quia per planctum pœnitentiæ, per-
venitur ad regnum cœlorum: beati qui lugent, quoniam ipsi consolabuntur: Matth. 5. v. 5. quod in se ipso regius psalter expertus fuit, unde ait Pf. 29. v. 12. Convertisti planctum meum, in gaudium mihi. Pf. 93. 19. Secundum multitudinem dolorum meorum consolationes tue laetificaverunt animam meam. De quo gaudio S. Basilius in Pf. 29. ait: Non cui libet anima gaudium hoc tribuitur à Deo, sed ei, quæ peccatum suum vehementi luctu, & assidua lamentatione ploraverit. S. August. in Pf. 93. Hoc est: quoties egi pœnitentiâ, toties me consolatus es; unam fudi lacrymam; unam merui consolationem; decem fudi lacrymas, decem consolationes merui; quantumcunq; fuit pondus lacrymarum, & pœnitentiæ, tantus fuit & consolationum numerus.

§.2.
Pœnitentia
suavis est,
& levis
Crux, licet
multi non
agnoscant.
Propositio
Concionis.

Sed quare multi abominantur & fugiunt pœnitentiâ, quærit S. Bern. ser. 2. dedic. Eccl. & respondet. Vident Crucem, sed non unctionem. Vos, fratres dilectissimi, qui experti estis, ecce scitis, quia vere crux nostra inuncta est, & per gratiam spiritus adjuvantis suavis & delectabilis est pœnitentia nostra, & ut ita dicam amaritudo nostra dulcissima. Multum interest, quibus oculis aliquis aspi-
ciat Poenitentiam Teste Æliano l. 14. de variis hist. Xeuxis depinxerat Helenam; cum illam vidit Nicostratus celeberrimus etiam pictor tam attonitus, tam fixis oculis, tanta attentione fuit illam intuitus, ut ex astantibus nonnemo illum interroga-
verit: Quidnam usque adeo artem eam admiraretur? Respondit Xeuxis, Amice non me rogares, si meos haberes oculos: si ve si intelli-
geres tantum artificium quo hæc imago Helena est depicta. Idem dicere

dicere possumus de virtute poenitentiae; horridis vestibus est induta sacco cilicino tecta, aspersa caput cineribus velut eam poenitentiae Concionator S. Joannes Baptista depingit. Facies tamen poenitentiae est formosa, laeta, amoena; sed mundani & sensuales homines, molles, delicatuli, non habent oculos, nec mentem, ut agnoscant & intelligant precium & excellentiam hujus virtutis. Cum non dubitem, vos post paucos dies in Nativitate Christi, à nato Infantulo expectare coelestes consolationes, ostendi ante octiduum per admirabiles poenitentiae operationes, virtutem hanc esse verissimam praeparationem, ad lætissimum illud festum. Poenitentia nobis & praesertim peccatoribus parat viam, quâ ad Christum D. pervenire possumus. Afferam hac concione, aliquas circumstantias & perfectiones, quas vera Poenitentia necessario requirit: De benevola interim attentione vestrâ non dubito.

Vera poenitentia debet esse stabilis & firma; poenitentia mutabilis, variabilis, infirma, temporanea, displicet Deo, & est periculosa! ficti & simulati poenitentes, sunt in periculo aeternae damnationis. Talis poenitens fuit Pharaos ^{§ 3.} *Pharaonis* ^{Poenitentia} *Pharaonis* ^{gravem} *habuit defectum, adeo* ^{punitus} *fuit à Deo.* *Pharao impius Deum timere incipit, sed serviliter, & intercessionem postulat (Moyſis ad Dominum) non sincere, simulator poenitentiae, quam statim abjicit, dum liberatur à malo.* Tales simulatores poenitentiae, in majoribus solennitatibus per annum, subinde reperiuntur in Ecclesia; confitentur, communicant cum aliis; promittunt vitae & morum emendationem; post paucos dies poenitentes rursus abjiciunt; & majori audaciâ in pristina ruunt scelera: tam diu, donec cum impio Pharaone praecipitentur in rubrum & igneum mare aeternae damnationis.

Certum est, Ninivitas ob minas Jonæ veram egisse poenitentiam, adeo ut illa poenitentibus proponatur pro speculo, in quo videre possint quid agendum sit, ut convertantur ad Dominum. Vidit Deus opera eorum, & placatus fuit, ut sententiam à Jona latam executioni non dederit; Matth. 12. ait Christus D. *Viri Ninivite poenitentiam egerunt in predicatione Jonæ.* ^{§ 4.} *Ninivite* ^{per veram} *poenitentiam, obtinuerunt veniam.* ^{Recidivi in}

Alveus Tertius.

E

lices,

lices, quod per poenitentiam misericordiam obtinuerint; infelicissimi, quod poenitentiam deinde rursus abjecerint. Quia post abitum Prophetæ, in bono non perseverarunt, sed ad pristinos mores redierunt, ad idololatriam, tyrannidem, horrendas libidines, aliaque scelera, iratus Deus ipsorum inconstantia, & quod ejus misericordia ita abuterentur; tandem destruxit sceleratam urbem, ut plerique Ninivitæ miserè perierint. S. Hieronymus in prologo in Jonam hoc probat ex cap. 14. v. 6. Tobia, in quo senior Tobias, qui in Ninive habitabat in agone filio Tobia dicit, *filie ego morior; post meam mortem in urbe hac ne remaneas, Prope erit interitus Ninivæ; Non excidit verbum Domini*, (quod locutus fuerat per Jonam,) *video enim, quia iniquitas ejus finem dabis ei*; Scilicet scelestæ civitati, ut destruat; & simul divinæ misericordiæ, ut non amplius parcat. Adducit S. Hieronymus testimonium Herodoti; *Ex quo intelligimus primo tempore ad lonæ prædicationem, acta pœnitentia Ninivitas veniam consecutos: postea verò in pristinis vitiis perseverantes Dei in se provocasse sententiam*, non tantum quoad urbis destructionem, sed æternam damnationem; prout S. Thomas ait super verba Christi D. superius citata: *Condemnabunt comparatione, non auctoritate; quia inter condemnandos resurgent Ninivita.*

S. S.
Modus, quo
tandem ex-
cisa fuit
urbs Nini-
væ.

Post destructionem ab Arbace illatam, reffloruit rursus Ninive, sub potentissimis Regib⁹ qui fuerunt Teglatthalasar, Salmanatar, Sennacherib, Araddon, sub his ducibus Ninivitæ fuerunt fortissimi bellatores, & Israelitis gravia intulerunt bella, ut legimus l. 4. regum. sed hi posteri Ninivitarum, parentibus & majoribus fuerunt longè peiores; ut tandem iratus Dominus post 96. annos illis miserit novum Jonam, Prophetam Naum, qui de novo ruinam urbis fuit minatus & prophetia ipsius impleta fuit, modo, quem refert S. Epiphanius in vitâ Naum, ubi ait; Hic est propheta ille; qui post Jonam, ostentum ac prodigium dedit super Ninive, quod ab aquis igneque olim vastaretur. Id, quod tandem contigit, quippe eam terræ motu unquam ambiente, mox etiam aqua, de solitudine superveniens, superiores omnes urbis locos occupavit. & S. Dorotheus in vita ejus-

ta ejus-

tâ ejusdem Prophetæ. *Nam stagnum, quo civitas illa circumdabatur, facta terra motu submersit eam, ac perdidit; & ignis è solitudine ortus, superiorem illius partem consumpsit.* Triplicis legis fuerunt transgressores, Divinæ, naturalis, humanæ, tria itaque elementa, Ignis, aqua, terra conspirarunt, & Deo sic volente de impiis, quod pœnitentiam aliquoties abjecissent, vindictam sumpsērunt.

Sed magis in particulari advertere oportet pœnitentiam abjicere vel illam simulare, nihil aliud esse, quàm rursus committere præterita & deleta per lacrymas peccata, forte etiam prioribus graviora. Patres vocare solent Recidivam, planè periculosa. Quærit S. Thomas, utrum peccata remissa, per novum peccatum mortale reviviscant ad reatum æternæ damnationis? Responso est negativa. nam *sine pœnitentia sunt dona & vocatio Dei.* ad Rom. *Nunquid incredulitas illorum, fidelitatem Dei evacuavit? absit: sed doctrinæ S. Thomæ videtur contradicere parabola, in quâ, servo à domino, dimittitur omne debitum decem millium talentorum; qui tamen, mox traditus fuit tortoribus quoadusque redderet universum debitum; eo quod ipse à debito absolutus aliud debitum conservo dimittere noluisse.* Angelicus Doctor bene advertit objectionem, ideo p. respondet. 3. p. q. 88. art. 1. Contingit, quod sequens actus peccati virtualiter continet reatum prioris peccati. in quantum scilicet, aliquis homo secundo peccans, ex hoc ipso videtur gravius peccare, quàm prius peccaverat juxta illud Rom. 2. v. 5. *Secundum duritiem tuam, & impœnitens cor; thesaurizas tibi iram in die ira;* ex hoc scilicet solo, quod contemnitur Dei bonitas, quæ ad pœnitentiam expectat. Multò autem magis contemnitur Dei bonitas, si post remissionem prioris peccati, secundo peccatum iteretur (quid si 3. 4. &c.) quanto majus est beneficium, peccatum remittere quam peccatorem sustinere; sic igitur per peccatum, sequens pœnitentiam, redit quodammodo reatus priorum peccatorum non in quantum causatur ex illis peccatis prius dimissis; sed in quantum causatur ex peccato ultimo perpetrato, quod aggravatur ex peccatis prioribus.

S. G.

Quid sit abjicere pœnitentiam.

Quo sensu reviviscant scelerata scelera.

mel dimis-

lices, quod per poenitentiam misericordiam obtinuerint; infelicissimi, quod poenitentiam deinde rursum abjecerint. Quia post abitum Prophetæ, in bono non perseverarunt, sed ad pristinos mores redierunt, ad idololatriam, tyrannidem, horrendas libidines, aliaque scelera, iratus Deus ipsorum inconstantia, & quod ejus misericordia ita abuterentur; tandem destruxit sceleratam urbem, ut plerique Ninivitæ miserè perierint. S. Hieronymus in prologo in Jonam hoc probat ex cap. 14. v. 6. Tobia, in quo senior Tobias, qui in Ninive habitabat in agone filio Tobia dixit, *fili ego morior; post meam mortem in urbe hac ne remaneas, Prope erit interitus Niniva; Non excidit verbum Domini*, (quod locutus fuerat per Jonam,) *video enim, quia iniquitas ejus finem dabit ei*; Scilicet scelestæ civitati, ut destruat; & simul divinæ misericordiæ, ut non amplius parcat. Adducit S. Hieronymus testimonium Herodoti; *Ex quo intelligimus primo tempore ad Iona predicationem, acta poenitentia Ninivitas veniam consecutos: postea verò in pristinis vitiis perseverantes Dei in se provocasse sententiam*, non tantum quoad urbis destructionem, sed æternam damnationem; prout S. Thomas ait super verba Christi D. superius citata: *Condemnabunt comparatione, non auctoritate; quia inter condemnandos resurgent Ninivita.*

S. S.
Modus, quo
tandem ex-
cisa fuit
urbs Nini-
ve.

Post destructionem ab Arbace illatam, reffloruit rursum Ninive, sub potentissimis Regib⁹ qui fuerunt Teglatthalasar, Salmanatar, Sennacherib, Araddon, sub his ducibus Ninivitæ fuerunt fortissimi bellatores, & Israelitis gravia intulerunt bella, ut legimus l. 4. regum. sed hi posteri Ninivitarum, parentibus & majoribus fuerunt longè peiores; ut tandem iratus Dominus post 96. annos illis miserit novum Jonam, Prophetam Naum, qui de novo ruinam urbis fuit minatus & prophetia ipsius impleta fuit, modo, quem refert S. Epiphanius in vitâ Naum, ubi ait; Hic est propheta ille; qui post Jonam, ostentum ac prodigium dedit super Ninive, quod ab aquis igneque olim vastaretur. Id, quod tandem contigit, quippe eam terræ motu unquam ambiente, mox etiam aqua, de solitudine superveniens, superiores omnes urbis locos occupavit. & S. Dorothæus in vita ejus-

tâ ejusdem Prophetæ. *Nam stagnum, quo civitas illa circumdabatur, facta terra motu submersit eam, ac perdidit; & ignis è solitudine ortus, superiorem illius partem consumpsit.* Triplicis legis fuerunt transgressores, Divinæ, naturalis, humanæ, tria itaque elementa, Ignis, aqua, terra conspirarunt, & Deo sic volente de impiis, quod pœnitentiam aliquoties abjecissent, vindictam sumpserunt.

Sed magis in particulari advertere oportet pœnitentiam abjicere vel illam simulare, nihil aliud esse, quàm rursus committere præterita & deleta per lacrymas peccata, forte etiam prioribus graviora. Patres vocare solent Recidivam, planè periculofam. Quærit S. Thomas, utrum peccata remissa, per novum peccatum mortale reviviscant ad reatum æternæ damnationis? Responsio est negativa. nam *sine pœnitentia sunt dona & vocatio Dei.* ad Rom. *Nunquid incredulitas illorum, fidelitatem Dei evacuavit? absit:* sed doctrinæ S. Thomæ videtur contradicere parabola, in quâ, servo à domino, dimittitur omne debitum decem millium talentorum; qui tamen, mox traditus fuit tortoribus quoadusque redderet universum debitum; eo quod ipse à debito absolutus aliud debitum conservo dimittere noluisse. Angelicus Doctor bene advertit objectionem, ideo p. respondet. 3. p. q. 88. art. 1. Contingit, quod sequens actus peccati virtualiter continet reatum prioris peccati. in quantum scilicet, aliquis homo secundo peccans, ex hoc ipso videtur gravius peccare, quàm prius peccaverat juxta illud Rom. 2. v. 5. *Secundum duritiem tuam, & impœnitens cor; thesaurizas tibi iram in die iræ;* ex hoc scilicet solo, quod contemnitur Dei bonitas, quæ ad pœnitentiam expectat. Multo autem magis contemnitur Dei bonitas, si post remissionem prioris peccati, secundo peccatum iteretur (quid si 3. 4. &c.) quanto majus est beneficium, peccatum remittere quam peccatorem sustinere; sic igitur per peccatum, sequens pœnitentiam, reddit quodammodo reatus priorum peccatorum non in quantum causatur ex illis peccatis prius dimissis; sed in quantum causatur ex peccato ultimo perpetrato, quod aggravatur ex peccatis prioribus.

§.7.
Testimonia
B. PP. de
gravitate
recidivæ.

Varias pulcherrimas sententias invenio apud B. Patres quibus conantur ostendere, quanta sit illorum malitia, qui commissa peccata sæpius quidem confitentur, sed in eadem relabuntur. Salvianus l. 4. de provid. ait; Taliter fermè omnia agunt, ut eos, non tam pudeat, pœnitentiam criminum ante egisse, quàm postea ipsius pœnitentiæ pœnitere: nec tam prius pœnituisse, quod ante malè vixerint, quàm postea, quod se promiserint bene victuros. Tertullianus l. de poenit. c. 5. Nonne (quod dicere quoque periculosum est, sed ad ædificationem proferendum est) diabolus Domino (talis inconstans poenitens) præponit? Comparationem enim videtur egisse, qui utrumque cognoverit; & judicato, promuntiasse eum meliorem, cujus se rursus esse maluerit. Ita qui per delictorum pœnitentiam, instituerat Domino satisfacere, diabolo per aliam pœnitentiam pœnitentiæ satisfaciât. Per illam sacramentalem absolutionem, immunda peccatoris anima, lota fuit in purissimo sanguine agni Immaculati; absterse sunt scelerum sordes; revocatus fuit pristinus animi decor; sed heu! post paucos dies, itur in antiquam sylvam, iterum ruitur in sordes, iterum contaminatur decor animæ. Infelix anima! quid juvat recepiſſe candidam divinæ gratiæ vestem, si illam mox exuas? quid juvat, è luto surrexisse, si in illud mox iterum te proster nas? quid juvat rupisse vincula dæmonum, si iis mox sponte col lum submittas?

§.8.
Tales pœ-
nitentes
imitantur
Saulen,
qui psallon-
tem David
voluit lan-
cea confon-
dere.

1. Reg. 19. cum Saul vexaretur à maligno Spiritu, & magis ab invidia erga Davidem, David formosissimus juvenis, astitit lateri Regis, & tam suavi manu psallebat cythara ut Rex sibi redditus fuerit. Sed, O ingratum caput! v. 10. *Nisus fuit Saul conficere David lancea in pariete.* S. Basilii de Seleucia orat. 15. *Paululum à demonis exitu levatus Saul, medicina precium, cadem obtulit quasi ad mentem sobriam se recepisset, ut iterum serviret invidia.* Quot videmus Saulen in fictè pœnitentibus? servi sunt superbiæ iræ, libidinum, invidiæ, & quod inde sequitur, mancipia diaboli; sed cœlestis David, per pœnitentiam, offert illis gratiam, ut per pœnitentiam, se liberent ab hac servitu-
te. Pro

te. Pro medicinâ offert preciosissimum sanguinem; fiunt rursum filii Dei; de tenebris educuntur in admirabilem lucē (pro ut ante octiduum fusius ostendi) sed quod offerunt ipsi precium pro tanto amore, pro tanto beneficio, pro tam salutari medicina, infiniti precii? hoc, ut de novo, lancea superbiæ, avaritiæ, luxuriæ, &c. nitantur transfigere dulcissimum cor Salvatoris. Hoc offerunt precium; ut novam cædem, novam rebellionem moliantur; Paululum, à diaboli exitu levati, per paucos dies quasi ad sobriam mentem se receperunt, ut iterum serviant prioribus peccatis; ut iterum fiant mancipia diaboli; Verbo, ut S. Paulus loquitur, sibi iterum crucifigant Filium Dei!

S. Petrus ep. 2. c. 2. illos vocat, canes revertentes ad vomitum, & sues lotas in volutabro luti. S. Gaudentius tr. de Machabæis, sues semper immundi sunt & de fonte, vel de fluvio exeuntes, iterum volvuntur in cœnum. - Idcirco Dominus Matth. 8. legionem dæmonum in gregem permisit ire porcorum, id est, in eorum gregem, qui immunditiis semper dediti, & cœno involuti sunt vitiorum. Hoc paucis diebus ante festum Nativitatis agunt prædicatores Verbi D. ut invitent peccatores ad fontem pœnitentiæ; ad roseos fontes Christi Salvatoris, ut ibi se lavent, ut mudentur, & sic corde mundo & novo recipiant Christum Salvatorem in Eucharistia, &c. Ut spero facient plerique; sed hoc quoque meneo, ut solliciti sint, veram agere pœnitentiam, firmam, constantem: hoc rogo, ne de his fontibus ne de profluvio preciosi sanguinis Christi Salvatoris, iterum, veluti sues, & porci, volvantur in cœnum ullius peccati mortalis; quod si fiat, necessarium est, ut immundus quoq; spiritus, redeat ad prius habitaculum, & posteriora fiant peiora prioribus.

Oseæ. 5. 10. ait Dominus illi. *Facti sunt Principes Iudæ, quasi affumentes terminum: super eoseffundam, quasi aquam, iram meam.* ^{§. 10. Super tales penitentes. Deo effundit iram suam.} ad literam sermo est, de avaris, qui sine termino sunt insatiabiles, septuaginta vertunt; *Transferentes terminos.* In sensu tropologico, Deus de illis conqueritur, qui suæ malitiæ non ponunt certum terminum, ut tandem serio resipiscant, sed trans-

ferunt terminos, de mense in mensem, de anno in annum; & si fortassis semel in anno confiteantur, &c. deinde tamen de novo cogitent termino seriæ emendationis, & ita iterum in priora scelera relabuntur Theophylacti verba sic sonant. Quando verò quibus Princeps Juda, confessus fuerit ac promiserit, se non eisdem pravis studiis admoturum mentem, idque secum decreverit, & iterum transmoverit tales fines, ac decretum suum fecerit irritum; ac reversus fuerit instar canis ad proprium vomitum, ira Dei super talem prorsus effunditur: perinde ac rubri maris aqua, supra Pharaonem, quia sæpius fuerat mentitus: Multi puniuntur, ut illi hebræi, qui cogitarunt de reditu in Ægyptum, contra quos Numer. ii. concitatus furor Domini; percussit eos plagâ magnâ; illorum gerentes typum, qui virtutis iter ingressi, ad præteritæ vitæ tenebras pedem retro ferre laborant. S. Cyrillus Alexand. l. 9. in Joannem. *Inde sumenda nobis sunt exempla, ne ad deploratas revertamur peccatorum illecebras.* Cap. 2. v. 6. ait Dominus per os Prophetæ Amos; *Hac dicit Dominus, supra tribus sceleribus Gaza, & super quatuor, non convertam eum.* Gaza fuit civitas Philistæorum; sonat autem fortitudinem, ait Rupertus Abbas, & Judæorum designat rebellionem adversus veritatem. quo posito, Glossa & S. Hieronymus ait, Deum hoc voluisse dicere! Expectavi multo tempore, ut agerent pœnitentiam, & ideo volui punire peccantes, ut aliquando conversi reciperent sanitatem. *Verum quia tertio, & quarto eadem faciunt, cogor mutare sententiam, & plagis corripere delinquentes.* Si conversus justus, à justitia sua fecerit iniquitatem ponam offendiculum coram eo, ipse morietur. Ezech. 3. v. 20. S. Greg. hom. ii. in Ezech. id est, iusto cum iudicio deferens, ponit ei offendiculum, ubi gravius impingat. Hoc autem non est ad peccatum impellere; sed à peccato non liberare; in pœnam, quod conversi, quod post pœnitentiam, iterum peccent: & in æternum deinde non pœniteant.

§. II. Juxta prophetiam Regii psaltis ps. 80. v. 16. *Inimici Domini mentiti sunt ei, & erit tempus eorum in sacula.* De quibus loquitur, vel quos vocet inimicos Dei, intelligito ex ore S. Augustin.

Canis

Canis reversus ad vomitum, & sus lota in volutabro luti, hoc est inimici Domini mentis sunt ei. ^{mino; quid sit tempus eorum fore in saecula.} Venit aliquis pœnitens ad Confessarium, qui sedet loco Christi; & ipsius nomine interrogat; Fili! promittisne vitæ emendationem? Ita Pater! deseresne hanc malam consuetudinem, blasphemandi? &c. Ita, Pater. Remittes, nuntium huic praviæ tuæ societati, quæ te ad malum sollicitat? Ita Pater! excludes ædibus tuis concubinam? Ita Pater! Obscenas imagines removebis ab oculis? obscenos libros depones è manibus? Ita, ita mi Pater! Rursumne linguam tuam solves in blasphemias, in Dei tui contemptus? Non. Rursumne suspectam frequentabis domum, domum castitati tuæ inimicam? Non. Rursumne in multam usque noctem, compotando, vociferando, ludendo, pergræcaberis? Non. Rursum verba in proximum tuum contumeliosa, verba detractoria, verba odii atque iræ effundes? absit mi pater, absit bene habet; video mentem, laudo propositum, ego te absolvo; vade in pace fili mi, noli amplius peccare. Hæc quidem ita fieri solent: at ecce vix una aut altera dies abit; hic iterum, quæ nuper placuerent, placent; placet antiqua mala societas, placet concubina, placent obsceni libri, turpes imagines, sermones incasti, placet antiqua cum sociis compotatio, placet vindicta, rixa, odium. Verbo, placent iterum scelera; aurea virtus, propositum sanctum, Deus ipse Opt. Max. displicent. S. Augustinus; *Et erit tempus eorum in æternum:* non accipio nisi ignem æternum, de quo dicit, *Ignis eorum non extinguetur, & vermis eorum non morietur.*

Inimicus mendax fuit ille fictus pœnitens, apud Thomam Cantipr. qui ut paschalem absolutionem, quæ illi ob notoria scelera ab Episcopo negabatur, obtineret, seriam spondit emendationem, imprecatus sibi vindictam de cœlo, si rursus peccaret; peccavit rursus feria. 3. vel 4. paschalis, & mortuus, corruens in terram horribili voce exclamavit, *Vindicta Dei super me.* ^{§ 12. Tragicum exemplum divini vindictæ.}

Auditores si cogitatis his diebus de pœnitentiâ, videte ut deinceps non peccetis iterum. Fili, ait S. Joannes Chryl. ser. de lapsu ^{§ 13. Seria adhortatio ne post.}

nam pœ-
nitentiam
cum magno
periculo
iterum pec-
centis.

lapsu primi hominis, *Noli peccare post veniam noli vulnerari post curam; noli sordidari post gratiam. Cogita; graviolem culpam esse post veniam; renovatum vulnus magis dolere post curam; periculosius hominem sordidari post gratiam.* S. Th. sicut enim in corporalibus, nullus status ita periculosus est, sicut recidivantium; ita in spiritualibus qui post gratiam cadit in peccatum, difficile resurgit ad bonum. S. Petrus Chrysost. *Recidiva, letalis sepius agritudo.* Iterum S. Joannes Chrys. Indulgentiæ ingratus est, qui post veniam peccat; sanitate indignus est, qui semetipsum postquam curatus est, vulnerat; nec mundari meretur, qui se ipsum post gratiam sordidat. Grave est, hominem instructum delinquere; gravius *absolutum peccare, pessimus est qui Patronum post datam libertatem offendit.* Quale scelus esse putatis, si servus ab herol libertati restitutus, variis affectus beneficiis; nihilominus sit ingratus, & vitæ ejus insidias struat. Auditores amantissimi, prolapsus in genua, cum lacrymis, cum gemitu cordis mei, per viscera misericordiæ nostræ supplico; & oro, per preciosum sanguinem Jesu Christi, per ejus Vulnera per mortem illius; per amorem, quo amatis Matrem misericordiæ, Virginem Mariam; pœnitentiam agite; sed non peccate iterum; perseverate in dolore de peccatis præteritis; permaneant firma Sancta proposita; aderit nobis bonus JESUS, & perducet nos ad regnum cœlorum. Amen!

CON-



CONCIO V.

DOMINICA INFRA OCTAVAM NATIVITATIS CHRISTI.

Ecce hic positus est in ruinam.

• Luc. 2. cap. Vers. 34.

SYNOPSIS CONCIONIS.

Variè explicat citatum thèma.

- | | |
|--|---|
| <p>§. 1. <i>Vi solem, sic Christum Dominum, diversi, diversimodè intuentur.</i></p> <p>§. 2. <i>Iudæi noluerunt illum agnoscere.</i></p> <p>§. 3. <i>Primus sensus horum verborum; hic positus est in ruinam.</i></p> <p>§. 4. <i>Alius sensus.</i></p> <p>§. 5. <i>Alius.</i></p> <p>§. 6. <i>Explicatur ex l. i. reg. c. 5.</i></p> <p>§. 7. <i>Quomodo Salvator mundi, poni possit in ruinam.</i></p> | <p>§. 8. <i>Et hac questio hereticorum; sed afferuntur variæ causæ huius ruinae. Volunt aliqui cadere.</i></p> <p>§. 9. <i>Probatur ex B. Patribus.</i></p> <p>§. 10. <i>Cum tremore oportet operari salutem.</i></p> <p>§. 11. <i>Vaticinium Simeonis, plurimos concernit.</i></p> <p>§. 12. <i>Semper illud habendum est præ oculis.</i></p> <p>§. 13. <i>Ruinam quisque sibi ascribat.</i></p> |
|--|---|

Solem Orientem, diversi diversimodè pro diversa organi dispositione aspiciunt. Oculi sani, fortes, clari, puri, aquilini, pulcherrimis solis radiis delectantur; gaudent videre solem. juxta illud Eccles. 11. v. 7. *dulce lumen & delectabile est oculis, videre solem.* Oculis lippientibus, claritas solis est contraria & molesta. S. Aug. *oculis agris odiosa est lux* S. Chrysost. *Sol oculos debiles ladir, sanos delectat.* Ideo aliqui veluti

Alveus Tertius.

F

noctua,

§. 1.
*Vi solem,
sic Christi-
um Domi-
num di-
versi, di-
versimodè
intuentur.*

noctuar, sunt hostes solis, delectantur magis tenebris, quàm luce. De die claudunt fenestras, ne solis radios intueri cogantur. In sensu mystico per solem cum Malachia. c. ultimo, v. 2. intelligo Christum Salvatorem nostrum; *Et orietur vobis timentibus nomen meum, Sol iustitia.* Ortus fuit hic sol, cum ante paucos dies in stabulo Bethlemitico parvulus infans de utero Virginis Matris prodiit. Orientem hunc solem prima fuit intuita Virgo Mater & gavisâ fuit gaudio magno, quia oculos habuit longè purissimos. Intuitus fuit Sanctus Joseph, intuiti fuerunt pastores, & magno simul gaudio repleti sunt, quia oculi illis erant mundi ac simplices. Intuiti sunt Angeli cum gaudio, quia celestes habuerunt oculos. Dulce & delectabile fuit illis oculis, solem sive Jesulum natum conspiciere.

§. 2.
Indaïno-
luerunt il-
lum agno-
scere.

Impia verò Synagoga, rebelles & obstinati Judæi, impius Rex Herodes, cum audivissent aliquid de orto hoc sole, de nova luce, quæ venit in hunc mundum, contristati sunt. Matth. 2. v. 3. *audiens autem Herodes Rex turbatus est, &c.* Nimirum excacatos habuerunt oculos Judæi, sub panniculis, sub fœno & stramine, in præsepio positum suum aspicere Messiam noluerunt. Dilexerunt magis tenebras quàm lucem. ob quam causam justus Simeon in hodierno Evangelio dixit; *Ecce hic &c.* Idem sol, sive parvulus de Bethlehem, his festis Natalitiis omnium oculis aspiciendus proponitur. Oculis puris, mundis, simplicibus dulce & delectabile est, videre hunc solem, sive puerum etiam in paupertate, in humilitate, in stabulo, in præsepio. Oculi arrogantes, sublimes, avari, turpes, incasti, hanc lucem averfantur; grave illis est illum intueri. Nimirum sunt noctuar, quæ quia *malè agunt, oderunt lucem.* Joannis. 3. v. 20. Sunt noctuar, quæ cum mundo; licet Salvator sit lux vera; tamen eum non cognoscunt. Noctuar, quæ lucem venientem in hunc mundum non receperunt. His Salvator mundi positus est in ruinam. Illis verò qui lucem non fugiunt, sed ut genuini aquilæ pulli, ad conspectum solis exhilarantur, positus est in resurrectionem. A desdum Auditores, videtis, quanta hujus sit materię dignitas, quanta item necessitas, animos proinde dicenti, atque aures advertite. Primò

Primò positus est Christus Salvator noster, & multis in ruinam, & multis in resurrectionem. id est, filius Dei est resurrectio omnium humilium, quos exaltrat & elevat; & est ruina omnium superborum, quos deprimit. juxta. v. Cantici B. V. Luc. i. v. 52. *Deposuit potentes de sede & exaltavit humiles.* Est humilium erectòr, & superborum debellator. Eccl. 10. v. 17. *sedes ducum superborum destruxit Deus, & sedere fecit milites pro eis.* Josephos & Davides constituit Reges; Pharaones & Nabuchodonosores dejecit è solio. Prov. 17. v. 16. *qui altam facit domum, suam querit ruinam.* hoc itaque sensu citati thematis, Christus humilibus est causa salutis, sive resurrectionis; superbis causa damnationis, sive ruinæ. Vel, humiles à Christo salvantur, superbi damnantur.

Secundò. Positus est in ruinam & resurrectionem multorum; nam est resurrectio bene credentium, quorum multi sunt; & est ruina omnium infidelium, quorum innumerabilis est numerus; hic ergo fuit sensus verborum Simeonis; multi ex Judæis & gentilibus videbunt Messiam, in paupertate, in qua natus est; tamen credent esse filium Dei, videbunt jacentem in præsepio & panniculis, tamen intellectum suum captivabunt in obsequium fidei, *hi salvabuntur*; plurimi non credent, *hi damnabuntur*. His erit Christus ruina, illis resurrectio. Pari ratione hodie veri fideles à Christo salvabuntur, plurimi, atque adeo omnes infideles, gentiles, Turcæ, Judæi, Schismatici, hæretici omnes, qui non credunt, prout oportet: damnabuntur.

Tertiò. Parvulus natus in Bethlehem, positus fuit in ruinam vitiorum, & resurrectionem virtutum. Nam per vitam novam, sanctam, cœlestem, per exempla heroicarum virtutum, destruxit regnum peccati, & plantavit regnum virtutum in ejus humilitate ruit superbia, in paupertate avaritia, in castitate luxus, in mortificatione sensualitas, in benignitate ira & odium; juxta vaticinium Isaïæ c. 19. v. 1. *Ecce Dominus ascendet super nubem levem* (id est, assumet carnem à peccatis immunem, nascetur parvulus puer, symbolico scilicet ita poëtæ, ut celeritatem & cœlestem Majestatem, robur, pugnam, & victo-

riam Dei significant, dicere, Deum nubibus vehi, nubibus insidere, & inequitare, quasi inde procellas, ventos, grandines, & tonitrua in hostes jaculetur, quæ omnia Christo Domino conveniunt.) & *ingredietur Ægyptum* (sive hunc mundum vitiis tenebrosus.) & *movebuntur simulacra Ægypti*, sive ruent scelera & vitia. Neque enim idola tantum, cum Christus puer illam ingressus est, corruerunt, sed postmodum Ægyptum, imò totum mundum (superstitionis & maledictionis elogio, ut Tertullianus loquitur) debellavit Christus; cum deinde per Apostolos ejus errores & vitia dejecit & contrivit.

§. 6.
*Explicatur
ex l. 1. reg.
4. 3.*

Ut quondam l. 1. reg. c. 5. v. 3. ad præsentiam arcæ Dagon pronus in terram prolapsus est, ita dum in nube levi, sive brachiis B. V. veluti Cherubico throno delatus fuit in Ægyptum Divinus Infans, plurima simulacra Deorum confracta in terram dejecta ceciderunt. Quare Christus Dominus fuit ruina idololatriæ, & resurrectio veræ fidei. Ruina scelerum, resurrectio virtutum. Itaque Auditores, si his diebus Parvulus de Bethlehem, in cordibus vestris per gratiam iterum natus, destruxit regnum peccati; si humilitas parvuli vobis placuit, si prostrata jacet vestra superbia; si reliquæ placuere virtutes, si contra vitiorum, gulæ, avaritiæ, luxuriæ, odii simulacra contrita corruerunt, ruinam hanc debetis Christo, ipse in vobis est resurrectio virtutum, consequenter multis causa salutis, plurimis ruina & causa æternæ damnationis.

§. 7.
*Quomodo
Salvator
mundi pos-
sit poni in
omniam.*

Plerique sancti Patres & interpretes conveniunt in hoc sensu verborum Simeonis, sed meritò præbet hæc interpretatio causam huic quæstioni: Nunquid Christus venit in hunc mundum, nunquid natus est homo, nunquid jacet parvulus in præsepio, ut omnes homines vitam habeant, & abundantius habeant? qua ergo ratione potest dici ruina, sive causa mortis æternæ? imò passus est, mortuus est in cruce, sanguinem fudit, non propter se, sed propter nos homines, & propter nostram salutem, cum ergò non omnes salvabuntur, saltem illi, qui in illum credunt, qui sperant in Christi meritis; certè videtur ad Dei bonitatem & misericordiam spectare, ut vel omnes, vel plurimi

plurimi saltem fidelium salventur. videtur hoc dandum passioni, sanguini, morti, valori infinito meritorum Christi, ut pauci æternis inferorum suppliciis addicantur.

Hæc nimirum est trita & suavis illa cantilena multarum sectarum, quarum asseclæ certi & securi sunt de sua salute, non ob meritâ propria, sed sola merita Christi, licet mandata non servant, licet legi Divinæ sint inobedientes, contra clara verba S. Scripturæ. Esdras. c. 8. v. 26. qui cùm in consideratione hujus veritatis, fundatæ in sacris literis, plurimos damnandos, ardentè oraret, dixit. *Non irascaris super nos, sed parce populo tuo, & miserearis hereditati tuæ; tu autem creatura tua miserearis.* Respondit illi Dominus. *Noli adjicere de multitudine eorum qui pereunt, nam & ipsi accipientes libertatem, spreverunt altissimum, & leges ejus contempserunt, & vias ejus dereliquerunt.* Ecce causas spirituales ruinæ: quotquot etiam credentes in Christum, tamen ipsum & ejus legem spernunt, mandata non servant, damnantur; illis omnibus Salvator positus est in ruinam, quod tamen Christo Domino non est ascribendum, sed ipsorum malitiæ & perversæ voluntatis. Fecit Salvator noster, quod ab ipso exigere possumus. Natus est homo, in sudore & laboribus prædicavit Evangelium, mortuus est pro omnibus; nullius damnatio illi imputari potest, sed ipsi potius peccatori, de quo conqueritur Matth. 23. v. 37. *quoties volui congregare filios tuos, quemadmodum gallina congregat pullos suos sub alas, sed noluisti.* Ecce causam ruinæ, nolle vocanti gratiæ cooperari. H. 65. v. 2. *Expandi manus meas tota die ad populum incredulum.* in hebraico est, *rebellem & contumacem.* Apostolus vertit Rom. 10. v. 21. *non credentem & contradicentem.* Expandi manus meas, quasi diceret ad Judæos, jam ab initio sinum & manus expandi, quasi profundens in eos munera & charismata, ac præsertim manus expandi in cruce, ut eos ad me etiam moriens, licet ab eis occisus, allicerem, & amplecterer; Expansa vident brachia, & rident. Advertunt paratum me in amoris amplexus, & contemnunt. Omnia sentiunt benevolentis signa, & rejiciunt. Quid ergo mirum si pereant; quid mirum si illis positus sim in ruinam: cum

§ 8.
Est questio
Hæretico-
rum. Sed
afferuntur
varia cau-
sa. Volunt
cadere.

ultro illi quærant præcipitium. Perditio tua ex te Israel, ex me autem tantummodo salus, amor, bonitas, clementia. Tua hæc est ingrata popule culpa, tua est ingratitude, cæcitas, vecordia, durities. In tuo horto nascuntur hi fructus pestiferi; ego autem sum arbor vitæ, rami mei, rami honoris, rami charitatis. quis hoc non agnoscit? ob incredulitatem, ob rebellio- nem, ob tantam contumaciam illis justus Judex Salvator pos- tus est in ruinam.

§.9.
Probat
ex sanctis
patribus
supra
Maiani.

Citatum versum Is. omnibus reprobis applicat S. August. l. de Virg. *Inspice vulnera ejus, qui pro te pependit in Cruce.* (patent scilicet impiis quavis horâ ad pœnitentiam, sed nolunt ingre- di.) *Inspice sanguinem, quem pro te fudit.* (hunc offert in ablutio- nem peccatorum, sed spernunt.) *Inspice brachia ejus extensa ad te amplexandum* (sed respuunt.) *Inspice cor apertum ad te reci- piendum,* sed hærent, tardant, morantur, differunt, donec ob- ruantur à morte, in agone ab eodem Salvatore deturbantur in inferos. Sed quis causam ipsi Christo ascribere jure possit? ex te perditio tua est impie. Ob tua scelera Jesus est tibi positus in ruinam. Absit, absit, ut hoc suavissimo & amantissimo cor- di Christi Salvatoris imputemus. De impio ait Ps. 108. v. 18. *dilexit maledictionem, & veniet illi, noluit benedictionem, & elon- gabitur ab eo.* Job. 24. v. 13. *Ipsi fuerunt rebelles lumini, nescierunt vias ejus, nec reversi sunt per semitas illius; propter quod intrant te- nebras damnationis aeternæ,* Eccl. 19. v. 14. *Deus enim ab initio reli- quit hominem in manu consilii sui, & posuit ante eum bonum & ma- lum, vitam & mortem, benedictionem & maledictionem, ut eligat.* Si mortem eligat, & proinde Christus sit ipsi in ruinam, non Christo sed sibi ascribat; Deus bonitati & misericordiæ suæ ab- undè satis fecit, ut per Is. c. 5. v. 3. dixerit, *judicate inter me & vi- neam meam, quid est quod debui ultra facere vinea mea, & non feci?* Vites, palmites innumerabiles hætenus excisæ sunt, & ardent in inferno, sed judicate inter illas & Christum Salvatorem, an aridis lignis, an Cœlesti agricolæ causa damnationis sit impu- tanda? Infelix lolium, quid quereris te in ignem conjici? an putas injuriam tibi irrogat hortulanus? minimè verò! lolium, si nescis,

nescis, pabulum est ignium; non est, mihi crede, hortulani vitium, quod te evellat, dissipet, confringat, comburat. Tu hortulum illius scdare non debueras; tu inter flores ac fructus non succrescere: tu terram illam ab ipso Deo benedictam, rosis ac lilis debitam, non debueras occupare. Noli proinde de tua infelicitate conqueri, noli in iudicium vocare prudentem hortulanum, malignitati potius tuæ, tuæ sterilitati, si quid asperius pateris, adscribe.

Ideo sollicitè S. Apostolus monuit Philippenfes. c. 2. v. 12. *Cum metu & tremore vestram salutem operamini.* quibus gaudiis, quibus solatiis, quibus affectibus! quo amore his diebus excepi-
§. 10. Cum tremore operatur operari salutem.
 mus in corda nostra parvulum de Bethlehem, dum eundem puerum hodie conspicio in ulnis & brachiis Simeonis, & audio, illum plurimis positum esse in ruinam, frustra pro illis natum, passum, crucifixum, toto corpore contremisco, quem non perterreat hoc funestum vaticinium optimi senis, plurimos scilicet damnandos. Si diceretur, ex omnibus hominibus unus damnabitur, si saperemus, nullus esset qui non timeret & diceret, *Nunquid ego sum?* Christus Dominus dixit, Matth. 26. v. 24. *unus vestrum me traditurus est; veruntamen va homini illi,* & omnes Apostoli trepidarunt, omnes dixerunt, *Nunquid ego sum?* omnes invasit ingens parvor ob atroces minas Christi, in unum caput.

Ad plures, ad innumerabiles se extendit atrox vaticinium, *ecce positus est hic in ruinam multorum.* Nunquid ego, nunquid vos Auditores estis ex illis? quis scit? cum metu & tremore operemur nostram salutem. O si subinde hæc nostra esset cogitatio! nunquid & ego sum infelicissimus homo, qui damnandus est? nunquid & mihi parvulus de Bethlehem, amabilissimus ille puer natus est, positus in præsepio, involutus pannis in ruinam? an fortè & pro me sanguinem sudavit sed in ruinam? an fortè in virgineum ejus corpus inhumana carnificum flagella sævierunt, ad meam ruinam? O ruina funesta! O averte a me hanc ruinæ infelicis catastrophem mitissime Jesu! Quid si in ruinam meam penetrant benedictum Jesu caput ac cerebrum:
 spinæ?

spinæ? O spinæ! O aculei! parcite, parcite; nolite lædere amantissimum meum Salvatorem; si in ruinam id meam, non ad salutem cedat. O Crux ponderosa! Crux immanis, dura, fatalis! quàm tu acerbè fatigas sponsum animæ meæ Jesum, quàm inclementer premis virginales ejus humeros! O utinam non ad ruinam meam! avertite hoc boni superi! Vos Sancti Angeli eam potius crucem in me conjicite, illa meos onerate humeros, manus ac brachia, ut vel sic in salutem, non in ruinam convertatur. Ita! Ita auditores mei, cogitandum, ita loquendum, ita sentiendum est; utinam saperent mortales, & provida mente ejusmodi eventus prospicerent! aliam profecto vivendi rationem inirent.

S. 12.
Semper il-
lud habent
dum est pra-
sumus.
oculis.

Ecce positus est hic in ruinam. . Severa hac prædicatio est, (inquit Didacus Stella in hunc locum) quam omnes, qui Christiani sumus, sapè contemplari debemus, ut videamus quid in nobis operetur agnitio Christi, an ad meliora pergamus, an verò ad deteriora ruamus. Severa prædicatio! auditu enim horribile est, quod Christus (ah ille Jesus!) sit futurus in ruinam. horribilius quod non uni vel alteri, sed multis; horribilissimum, quod hoc non tantum prædicetur gentilibus, Judæis, hæreticis, sed & Catholicis; Videtur Simeon hanc prophetiam sumpsisse ex Is. cap. 8. v. 14. Dominus, in lapidem offensionis, & in petram scandali domibus Israel, in laqueum & ruinam habitantibus Ierusalem. Et offendent ex eis plurimi, & cadent, & conterentur, & irretientur, & capientur. Non intentione Christi, sed malitia propria.

S. 13.
Ruinam
quique sibi
ipji adfer-
bat.

Stat in via publicâ columna, vel crux, quæ viam tibi monstrat; si tu oculos claudens in illam impingas & corruas, quis in causa, nisi tu? venit Christus in mundum, venit ut viam in cælum nobis monstret. Stat præ nostris oculis sanctissima ejus crux, veluti ignea columna, nos oculos avertimus, imò claudimus, & dum in crucem impingimus, necesse est nos ruere in scœtera, ex scelerum voragine in abyssum damnationis, sed his meritò Christus Salvator occinit, quod dixit de Judæis, Joannis. 15. si non venissem, & locutus fuisset eis, peccatum non haberent, nunc autem excusationem non habent. Audite super-

superbi, humilitas Christi posita est vobis in ruinam, ob superbiam in inferno ardebitis æternum, sed non habetis excusationem. Audite delicata Veneris mancipia; nuditas Jesu Christi in crucem suffixi posita vobis est in ruinam, ob scelera vestra nefanda; & quo velo turpitudines illas vestras contegetis, eo potissimum die, quo Sol justitiæ abominanda tenebrarum opera suis radiis perstringet; audite invidi, audite, qui odia atque inimicitias fovetis in cordibus! mansuetudo Jesu mei posita vobis est in ruinam: causam non ignoratis; terribilis illa erit ruina, quæ vos simul æternum miseros, æternum inimicos, invidos Cacodæmonum socios involvet. Audite peccatores omnes, quibus acerba sunt virtutum nomina, vita ac mors Salvatoris vestri posita vobis est in ruinam. Sed vestra culpa hæc acciderunt, vos ipsi foveam, in quam prolabimini, effoditis miserandi mortales; vos ipsi ultro! mortem quæritis, non vitam: non salutem, sed perniciem: non cælum, sed cœnum; non resurrectionem, sed ruinam: Lumen candelæ comburit papilio-nes, qui involant in illud; & vos ardebitis impii; cui adscriberis causam, num Christo? qui velut lux ad illuminandas mundi tenebras venit: an vestræ cæcitati, & impudentiæ, quâ velut noctuæ & vespertilioes lucem odistis, & involare audetis?

Statuam Theogenis, quidam ejus obtrektor, singulis pœnè noctibus tam diu flagris cecidit, donec tandem super ipsum corruit, eumque oppressit. (Pausanias.) Et cui adscribenda hæc strages, hæc ruina? an statuæ, an obtrektori? Vos ferte sententiam. Vos impii! timete magis terribilem lapsum & ruinam, quam jam jam, sacrosancta crux Salvatoris Jesu minatur, in quam impias manus injicitis! illa crux, quam scelerati vestri mores concutere, labefactare, & in terram dejicere moliantur: Cadet crux! sed in vestram ruinam! cadet de cruce Jesus! in ruinam vestram! cadent cum eo infiniti ponderis merita, in ruinam vestram! cadet augustus crucis titulus in ruinam vestram! cadet salutis vestræ statua!

O miseri, revocate pedem, revocate scelestas

Impia turba manus! jam, jam minitatur acerbas

Alycus Tertius.

G

CRUX

S. 14.
Profecutio,
& Epilo-
gum.

spinæ? O spinæ! O aculei! parcite, parcite; nolite lædere amantissimum meum Salvatorem; si in ruinam id meam, non ad salutem cedat. O Crux ponderosa! Crux immanis, dura, fatalis! quàm tu acerbè fatigas sponsum animæ meæ Jesum, quàm inclementer premis virginales ejus humeros! O utinam non ad ruinam meam! avertite hoc boni superi! Vos Sancti Angeli eam potius crucem in me conjicite, illa meos onerate humeros, manus ac brachia, ut vel sic in salutem, non in ruinam convertatur. Ita! Ita auditores mei, cogitandum, ita loquendum, ita sentiendum est; utinam saperent mortales, & provida mente ejusmodi eventus prospicerent! aliam profecto vivendi rationem inirent.

§. 12.
Semper illud habendum est praecul.

Ecce positus est hic in ruinam. . Severa hac predicatio est, (inquit Didacus Stella in hunc locum) quam omnes, qui Christiani sumus, sæpè contemplari debemus, ut videamus quid in nobis operetur agnitio Christi, an ad meliora pergamus, an verò ad deteriora ruamus. Severa prædicatio! auditu enim horribile est, quod Christus (ah ille Jesulus!) sit futurus in ruinam. horribilius quod non uni vel alteri, sed multis; horribilissimum, quod hoc non tantum prædicetur gentilibus, Judæis, hæreticis, sed & Catholicis; Videtur Simeon hanc prophetiam sumpsisse ex Is. cap. 8. v. 14. Dominus, in lapidem offensionis, & in petram scandali domibus Israel, in laqueum & ruinam habitantibus Ierusalem. Et offendent ex eis plurimi, & cadent, & conterentur, & irruentur, & capientur. Non intentione Christi, sed malitia propria.

§. 13.
Ruinam quique sibi ipsi adferat.

Stat in via publica columna, vel crux, quæ viam tibi monstrat; si tu oculos claudens in illam impingas & corruas, quis in causa, nisi tu? venit Christus in mundum, venit ut viam in cælum nobis monstret. Stat præ nostris oculis sanctissima ejus crux, veluti ignea columna, nos oculos avertimus, imò claudimus, & dum in crucem impingimus, necesse est nos ruere in scelera, ex scelerum voragine in abyssum damnationis, sed his meritò Christus Salvator occinit, quod dixit de Judæis, Joannis. 15. si non venissem, & locutus fuisset eis, peccatum non haberent, nunc autem excusationem non habent. Audite super-

superbi, humilitas Christi posita est vobis in ruinam, ob superbiam in inferno ardebitis æternum, sed non habetis excusationem. Audite delicata Veneris mancipia; nuditas Jesu Christi in crucem suffixi posita vobis est in ruinam, ob scelera vestra nefanda; & quo velo turpitudines illas vestras contegeris, eo potissimum die, quo Sol justitiæ abominanda tenebrarum opera suis radiis perstringet; audite invidi, audite, qui odia atque inimicitias foveris in cordibus! mansuetudo Jesu mei posita vobis est in ruinam: causam non ignoratis; terribilis illa erit ruina, quæ vos simul æternum miseros, æternum inimicos, invidos Cacodæmonum socios involvet. Audite peccatores omnes, quibus acerba sunt virtutum nomina, vita ac mors Salvatoris vestri posita vobis est in ruinam. Sed vestra culpa hæc acciderunt, vos ipsi foveam, in quam prolabimini, effoditis miserandi mortales; vos ipsi ultro! mortem quæritis, non vitam: non salutem, sed perniciem: non cælum, sed cœnum; non resurrectionem, sed ruinam: Lumen candelæ comburit papilionēs, qui involant in illud; & vos ardebitis impii; cui adscribetis causam, num Christo? qui velut lux ad illuminandas mundi tenebras venit? an vestræ cæcitati, & impudentiæ, quæ velut noctuæ & vespertiliones lucem odistis, & involare audetis?

Statuam Theogenis, quidam ejus obtrektor, singulis pœnè noctibus tam diu flagris cecidit, donec tandem super ipsum corruit, eumque oppressit. (Pausanias.) Et cui adscribenda hæc strages, hæc ruina? an statuæ, an obtrektori? Vos ferte sententiam. Vos impii! timete magis terribilem lapsum & ruinam, quam jam jam, sacrosancta crux Salvatoris Jesu minatur, in quam impias manus injicitis! illa crux, quam scelera vestri mores concutere, labefactare, & in terram dejicere moliuntur: Cadet crux: sed in vestram ruinam! cadet de cruce Jesus: in ruinam vestram! cadent cum eo infiniti ponderis merita, in ruinam vestram! cadet augustus crucis titulus in ruinam vestram! cadet salutis vestræ statua!

*O miseri, revocate pedem, revocate scelestas
impia turba manus: jam, jam minitatur acerbas*

Alycus Tertius.

G

Crux

S. 14.
Profecutio.
& Epilogus.

*CruX ruitur aneces; quid enim nisi vasta ruina
Ponderetam vasto, tracto, fractoque sequatur.*

Amabo vos Auditores mei, hoc consideremus attentius, operemur singuli cum tremore salutem quisque suam; & an Christus in ruinam nobis sit positus; ex vitæ nostræ, morumque cursu despiciamus.



CONCIO VI.

DOMINICA INFRA OCTAVAM EPIPHANIÆ.

Remansit Puer Iesus in Ierusalem.

Luc. 2. cap. v. 36.

SYNOPSIS CONCIONIS.

Commendat omnibus pietatem, Religionem & Cultum Dei, in quibus virtutibus, quales sumus erga Deum; talis ipse est erga nos.

- | | |
|--|---|
| §. 1. <i>Aliqua causa ob quas Iesus duodennis, in scitis parentibus mansit in Ierusalem.</i> | <i>animus Abrahami erga Deum: dum ipse suis manibus voluit immolare Filium.</i> |
| §. 2. <i>Prosecutio, & propositio Concionis.</i> | §. 6. <i>Qualem verò Deus se exhibuerit erga Abrahamum.</i> |
| §. 3. <i>Qualis est homo erga Deum; talis est Deus erga hominem: proinde confertur cum speculo.</i> | §. 7. <i>Fundamentum huius concionis, contrahitur ad pietatem & Religionem, quæ est via ad cælum.</i> |
| §. 4. <i>Speculum hominis iusti erga Deum fuit Abraham; quàm grave Deus illi imposueris præceptum.</i> | §. 8. <i>Regum & Principum prosperitas, pendet ab hac virtute.</i> |
| §. 5. <i>Adamantinus & liberalis</i> | §. 9. <i>Encomium Nepotiani.</i> |
| | §. 10. <i>Quàm Religio sit eximia virtus.</i> |

virtus. Honorius fuit felicissimus Imperator.

§.II. *Pietas & Religio sunt bases & columna regnorum, illis corruentibus, ruunt cetera.*

§.12. *Vnde interitus & devastatio Samaria? Digressio ad Germaniam.*

§.13. *Religio punit publica peccata contra cultum divinum.*

§.14. *Qualis quisque in particulari, in pietate est erga Deum vel Christum. D. talis ipse est erga quemvis in particulari.*

§.15. *Id experiuntur anime Sancta.*

R Emansit puer Iesus in Ierusalem. Didacus Stella: Fuit hoc factum divino consilio & providentia, ob varias causas: ^{§.1. Alique causa ob} citatus auctor ait: *Filius à Matre discedit per parvum tempus, clam, sine matris culpa, ut majus desiderium & ferventius in matre exardesceret.* Ita super verba sponsæ Cant. 2. ^{§.2. scilicet parentibus remanserit in Ierusalem.} *Revertere dilectè mi.* ait S. Bern. ser. 74. in Cant. *Fortè se subtraxit sponsus, quo avidius revocaretur, teneretur fortius.* Hoc hodie fecit Christus duodennis, respectu Matris suæ. Respectu nostri, divino consilio hoc factum est, ut si aliquando Deus nobis subtrahat suam præsentiam, sive internam animi consolationem, tum discamus, commendare nos in manus Domini, parati, ad tempus ferre, quidquid voluerit, nec propterea ab eo discedamus; sed potius toto hoc tempore cum magna cura & diligentia incedamus, *inquirentes quod perdidimus.* Ipsa B. Virgo per aliquod tempus caruit hoc tanto thesauro, in nostrum solatium; postea verò quæsit, ut nobis relinqueret exemplum & denique illum invenit, ut animum nostrum ad simile opus corroboraret. Pergit Didacus Stella. *Neque enim patiebatur viscera piissimi Iesu, Beatissima Virginis angustias, & dolores longius protendi: ne acerrimi doloris cruciatu tabescens amplius cruciaretur. Nec voluit statim inveniri, quia maius gaudium afferunt illa, quæ carius emuntur.* Vix explicari ullo pacto potest, ingens illud Virginis gaudium, quando suum filium suis oculis præsentem aspexit. Ex quo elicies, non esse perpetuam tristitiam servorum Dei: nam etiam si labores & ærumnas hic patiantur, postea spiritus consolationes & gaudia immittit.

§. 2.
*Prosecutio,
 & concio
 nia Propo-
 sita.*

Remansit præterea in templo inter Doctores; & ad ostendendum quod homo erat; ideo homines Magistros humiliter audiebat: ad probandum verò, quia Deus erat, eisdem loquentibus sublimiter respondebat: ut omnes stuperent super prudentia ejus. Iterum cogitate, quo gaudio sanctissimi Parentes, Maria & Joseph post triduum hoc loco illum reperirent; quibus interrogantibus Luc. 2. v. 48. *Fili quid fecisti nobis sic? genuinam exposuit causam, ob quam ipsis inlciis remansisset in templo; Nesciebatis, quia in his, quæ Patris mei sunt, oportet me esse?* Pietatem & religionem erga Deum, verumque ejus cultum nos voluit docere; de eximia hac virtute soleo agere in meis Concionibus hujus Dominicæ. Hodiernam dividam in tria puncta. In primo, pro fundamento ponam hanc sanctorum Patrum maximam, quales nos exhibemus erga Deum; talem se nobis ostendit, si per virtutem religionis illum colamus, mille nobis exhibet beneficia. Maxima secundi puncti hæc erit; à pietate & virtute religionis, maximè Regum & Principum, pendet regnorum incolumitas. Si tempus patiatur in tertio puncto, primam maximam applicabo Christo Domino, & piis ejus amatoribus. Verum ut ego utilissimam materiam pro dignitate tractem, ut vos cum fructu audiatis, necessariam gratiam peto & spero, à duodenni Jesulo, cui sit honor & gloria in sæcula, Amen!!

§. 3.
*Qualis est
 homo erga
 Deum; ta-
 lis est Deus
 erga homi-
 nem. Pro-
 inde Deus
 confertur
 cum specu-
 lo.*

Fundamentum hujus Concionis multi sancti Patres his verbis proponunt; qualis est homo erga Deum, talis est Deus erga hominem. Declaratur simili ex Sacra Script. Sap. 17. v. 6. Vocatur Deus *speculum sine macula* non tantum propterea, quod *quæcunque fiunt, vel fieri possunt, in Deo resplendeant, sicut in quodam speculo*, ut loquitur S. Thom. 1. p. q. 13. art. 8. Sed quia, sicut in speculo omnibus motibus, atque actibus, quibus, qui speculum intuetur, movetur, vel agitur; iisdem ipsis, etiam imago, quæ per speculum formatur, actibus & motibus commovetur; vel agitur, in nullo prorsus declinans. Ita & Deus &c. ideo ait Proverb. 8. v. 17. *Ego diligentes me diligo*. contra verò per Oseam 4. v. 6. *Oblita es mei; ego quoque obliviscar tui*. Idem de Deo affir-

affirmant alii. Jac. 4. v. 8. *Appropinquate Deo, & appropinquabis vobis.* 2. Paral. c. 15. v. 2. *Si dereliqueritis Dominum, derelinquet vos.* Luc. 6. v. 38. *Date, & dabitur vobis.* Ne cogitemus dici hæc de justis tantum, de peccatoribus ait Jeremias c. 18. v. 8. *Si pœnitentiam egerit gens illa à malo suo; agam & ego pœnitentiam super malo, quod cogitavi ut facerem eis.* In Maria Magdalena veluti speculo intueri possumus, quid agendum sit animæ pœnitenti; in eadem contemplari possumus, quomodo Deus, *accedentem ad se pœnitentem suscipiat, quomodo obediat supplicanti, sedes lacrymantem, lamentantis condoleat.* S. Aug. *Qualis apparueris Deo, talis oportet, ut tibi appareat Deus; suavis, & mitis, & multa misericordia, suaves, mites, humiles, & misericordes requirit Dominus.* Pl. 72. v. 1. *Quam bonus Israel Deus his, qui recto sunt corde.* pl. 144. v. 19. *Voluntatem timentium se faciet:*

Speculum pulcherrimum viri justī, Deo addictissimi, timentis eum, & facientis omnem voluntatem ejus fuit Abraham, cum immolare voluit filium suum Isaac; S. Paulus ait ad Hebr. 11. v. 19. *Eum in parabolam accepit.* S. Joan. Chrysoſt. id est, *in Exemplum.* Nota est historia ex c. 22. Gen. Sed nunquam sine affectu narrari, legi, vel audiri potest, quæ dicturus sum, heri cum lacrymis consideravi & scripsi. Ait illi Dominus; Abraham volo ut mihi offeras sacrificium: libentissimè, respondit Abraham; habeo armenta boum, vitulorum, aliorumque animalium; tua Majestas illa mihi dedit, reddam & immolabo omnia. Non, inquit Dominus; volo animalia, volo occidi aliquem hominem, in sacrificium, quod desidero. Et hunc facile inveniam, reponit Abraham, sunt in vicinia Cananæi, Pharisæi, sunt ii inimici tui; indicam illis bellum, & occidam plurimos, si ita jubes: de victoria, te adjuvante non dubito. Abraham mi; hominem desidero ex tua domo. Sit ita; habeo supra trecentos famulos, immolabo, quem volet Dominus. Audi Abraham! Volo immolari hominem, iterum ait Dominus, qui sit tibi sanguine junctus. Mihi sanguine junctum? Domine! habeo duos filios, Ismaelem ex ancilla mea Agar; Isaacum ex Sara; filium tam dilectum, tam charum, tam diu expecta-

5.4.
Speculum
hominis ju-
sti erga
Deum fuit
Abraham;
quàm gra-
ve Deum
illi im-
pœnitentis præ-
ceptum.

tum, de quo mihi promissisti, quod in semine ejus benedicentur gentes terræ; sicut stellæ cœli.

Hunc volo tandem ait Dominus v. 2. *Tolle filium tuum Unigenitum, quem diligis Isaac, & vade in terram visionis; atq; ibi eum offeres in holocaustum super unum montium, quem monstravero tibi.* S. Joannes Chrysof. hom. 47. in gen. *Vnumquodque verbum sufficiens erat, ad sauciandam animam justī. Tolle; occide, perime; Filium, non arietem; tuum, non alienum; quem diligis, scio hoc, tamen tolle. Unigenitum ex Sara, non Ismaelem. Isaac, risum tuum, gaudium tuum, solatium tuum; in holocaustum volo totum comburi, non statim, sed super montem, quem post tri-duum tibi ostendam; O infelicem patrem! O quantum formidabiles erant illa cogitationes! nulla hasta tam acuta esse queat, quàm cogitationum istarum aculei, qui ab intimis visceribus acuebantur.* S. Joan. Chrysof. hom. 3. in 2. ep. Cor. fortè Abraham quæsit ex Domino, Domine mi! & quis erit sacerdos, qui hanc victimam immolabit, qui filii mei jugulo cultrum immittet? Te, te, respondit Dominus, volo esse Sacerdotem, tu gladium stringes, tu accedes focum, tuis manibus combures filium tuum, ut nec capillus remaneat.

S. S. Audistis gravitatem præcepti; jam audite, qualis fuerit
Adamanti- Abraham erga Deum. Ipse suis manibus vult immolare filium.
 Abraham erga Deum suum; quàm obediens, quàm humilis, quàm liberalis, quàm unitus cum sanctissima ejus voluntate, summo manè cum filio, & duobus servis abijt ex domo, vadit in sylvam, quærit aliquot ligna, colligat in fasciculum, imponit humeris Isaac; pergit uno, altero, tertio die; & ideo Deus tempus sacrificii protraxit, ut Patris cor cruciaretur magis. O martyrium paterni cordis! vespere tertii dici, ait illi Dominus, ecce verticem hujus montis, in hoc volo mihi immolari filium tuum. Statim, sine mora, relictis ad radicem montis famulis & jumento, cum solo Isaac scandit montem. Refert Sacra Scriptura, Genes. 22. v. 8, Isaacum in via dixisse, *Pater mi! O Pugionem in corde patris! Quid vis, fili! O Spinam! Pater, si sacrificare volumus, ubi victima? O lanceam! O lanienam viscerum in pectore Patris! Miratur S. Joannes Chrysof. Cor Abrahami*

hami ad has voces non dissiliisse in mille partes. Sed Abraham intrepidus respondit, *Dominus providebit sibi victimam holocausti*, fili mi! S. Joan. Chrysof. hom. 47. in Gen. *Quasi adamas manebat invictus*, tandem cum in monte construxisset altare, composuisset ligna, ait, fili, tu eris sacrificium, ego his manibus te immolare debeo, ecce gladium, quo jubeor te occidere, ecce ignem, quo te debeo comburere. Fili sic imperat Dominus. Miramur obedientiam Abrahami, non miremur minus obedientiam Isaaci. Qualis fuit Pater erga Deum, talis fuit filius: Fingite Auditores, interesse vos huic tragœdiæ; fingite, videre vos mœstum cum patre filium; fingite, videre vos innocentem Isaaci vultum; quin etiam fingite, percipere vos aureum ejus ad patrem responsum, hunc ferè vel similem in modum, Pater! ah Pater mi! quid est, quod mea te fata affligunt? libenter morior; libenter cado victima Dei mei; libenter vitam offero cum sanguine. qui jubet, Deus est! ille Deus, à quo vitam habemus & omnia; ille Deus, cui non parere, nefas; ille Deus, ex cujus Dominio & potestate universi pendemus. Quid caput vertis Pater mi! quid mœstos in sidera oculos erigis? age, quod agis. Et tibi gloriosum erit mactare; mihi mactari. Utrumque in mandatis est Dei; utrumque faciendum. En cervicem meam, feri Pater mi, feri; Deus jubet. Tibi verò æterne Deus! tibi inquam, gratias ago immensas, quod me dignam gloria tua victimam selegeris. Tibi, quam mihi dedisti, lubens restituo vitam, cor, sanguinem, animam. Suscipe me in sacrificium. Dixit; ecce jam capulo manum admovet Abraham Pater, jam fatale stringit ferrum, jam librat ictum; cum ecce tibi adest Angelus, inclamat Abrahamum, jubet retrahi dexteram, recondi gladium; Isaacum illæsum discedere.

En Auditores; vidimus in primâ parte hujus historiæ, qualis fuerit Abraham erga Deum, restat altera ut videamus, qualis fuerit Deus erga Abrahamum. Sic ait Dominus; Gen. 22. v. 15. 6. *Per memetipsum juravi, quia fecisti hanc rem, & non peperisti filio tuo unigenito propter me, benedicam tibi. benedicentur in semine tuo omnes gentes terra.* S. C.
Qualem vero se Deus exhibuerit erga Abrahamum. Conveniunt sancti Patres, Deum

lus verbis Abrahamo promississe Messiam, Salvatorem mundi, quasi diceret, Abraham dedisti mihi filium tuum, dabo tibi meum. Filius tuus fuit unigenitus de Sara; meus unigenitus est, ab æterno, de mea substantia & essentia. Immolare voluisti filium, quem diligis; ego meum diligo amore infinito. Non pepercisti, fuisti paratus illum occidere, neque ego parcam. Tu onerasti humeros Isaac lignis; ego ponam supra dorsum filii mei, iniquitatem totius generis humani cum ponderosa Cruce. ipse in altari crucis erit victima. Meministis adhuc vocularum, quas protulit Isaac, Pater mi! Pater mi! scandite montem Oliveti; ecce offert se ad mortem Christus Dominus, sed quàm affectuose hic tristis & sanguineas fundens Lachrymas Jesus, petit sententiam Luc. 22.v.42. *Pater mi! si possibile est, &c. transeat*, In hoc est ingens differentia, Isaaco parcitum fuit, non filio Dei. De quo Mysterio pulchrè ait Lippomannus, *Deus ait, Abraham, quia non pepercisti filio tuo, propter me; vicissim tibi tradam filium meum, & non parcam ei. Ut enim melior sum, sic tibi amoris signum majus prastabo.* Non permittit Deus se vinci ab homine; quales nos sumus erga Deum, talis est erga nos, & modo longè perfectiori.

§.7.
Fundamen-
tum Con-
cionis con-
trahitur,
ad virtutem Reli-
gionis &
Pietatis:
quæ est via
ad Cælum.

Fundamentum hujus meæ Concionis, nimium arenæ ex-
hausit ex mea clepsydra; murus, quem volo superstruere, est
Religio & pietas: quales præcipuè in hac virtute sumus, talis
erga nos est Deus, S. Joannes Chrysof. hom. 14. in gen. *Si vo-
bis cura fuerint divina, & ipse quoque Deus pro nobis sollicitus erit,
ut magna securitate per pelagus hujus vita navigemus.* Christus
Dominus ait Matth. 6.v.33. *querite primum regnum Dei, & justiti-
am ejus.* S. Joannes Chrysof. *Iustitia autem ejus est via pietatis,
per quam itur ad regnum; ad cælum.* in hac autem vita omnia
adjicientur vobis; scilicet necessaria ad victum, & juxta promif-
sionem à Moyse factam Deuter. 11. cap. v. 13. *Si ergo obedieritis
mandatis meis, & diligatis Dominum Deum vestrum, & serviat ei*
(Ecce religionem, pietatem, cultum divinum!) *in toto corde ve-
stro, & in tota anima vestra, dabit pluviam terræ. Qua in re pul-
chrè docemur, tanto melius nobis esse, quanto fuerimus magis ad oculos
Domini*

Domini suspensi. Præclare illud à pluvia, tempore siccitatis, simile, rem nostram explicat: Enimverò cum omnia in campis torrent æstu, cum Sirius ardor, lethalem quendam quasi languorem, frondibus ac floribus, fructibusque inducit, cum à multis hebdomadis aut mensibus, cælum quasi ferreum aut erefufum, omnem negat imbrem ac pluviam; O quàm piis, quàm sollicitis cælum oculis identidem aspiciamus! O quoties volantes per aëra nubes intuemur; an fortè suos aquarum thesauros in aridam terræ faciem velint effundere. Ita, ita, Auditores mei, ita suspensos ad oculos Domini nos esse convenit! si obedierimus mandatis Domini; si ejus religionem, cultumque pro viribus promoveamus, si oculos in cælum ac cœlestia converterimus, tum cœlestium in nos consolationum imbres descendent, cum arida cordis nostri terra, saluari de cœlo pluvia refocillabitur.

Neque putandum est, cujusque in particulari felicitatem dependere ab hac virtute; regnorum, imperiorum prosperitas comès est pietatis & religionis. Lib. 7. Polit. c. 8. monet Arist. in aliqua Rep. *Primum est curatio rerum divinarum.* l. 5. c. 11. oportet Principem res divinas curare seriò, & ante omnes. addit pulchram rationem: nam & minus injustum aliquid sperant ab eo Principe pati, quem religiosum, Deorumque verentem existimant; & minus ei insidiantur, adjutores habenti Deos. alibi ait, Deos proniores esse in eos, qui maximè illos colunt. Livius. l. 5. *Omnia prospera eveniunt sequentibus Deos, adversa autem spernentibus.* Cicero gloriatur orat. de arusp. resp. Romanos non calliditate aut robore, sed pietate ac religione omnes gentes superavisse. De Scipione Africano refert Livius l. 26. Ex quo togam virilem sumpsit, nullo die prius ullam publicam, privatamque rem egit, quàm in Capitolium iret, ingressusque ædem consideret, & plerumque tempus solus in secreto ibi tereret: atque hoc illi ad hominum commendationem, & imperia maxima valuit.

§. 8.
Principum
& Regum
prosperitas
pendet ab
hac virtute.

Nepotianum hoc elogio maectat S. Hier. Erat sollicitus si niteret altare, si parietes absque fuligine, si pavimenta tersa, si Alveus Tertius.

§. 9.
Nepotianum
Nepotiani.

H

jani-

janitor creber in porta, si sacrarium mundum, si vasa nitida: in omnes cæremonias pia sollicitudo disposita; Qui Martyrum reliquias, diversis floribus & arborum comis adumbravit. Ma-
 ãte virtute: cujus talia principia, qualis finis erit. Egesippus.
 Quo attentior circa templum cura exercetur, eo magis succe-
 scit, sui imperii vigor.

§. 10.
*Quare Re-
 ligio sis
 aximia
 virtut. Ho-
 noris fuit
 felicissimum
 imperator.*

Religio est illa virtus, quæ magis de propinquo accedit ad Deum, quàm aliæ virtutes morales, in quantum operatur ea, quæ directè & immediatè ordinantur in honorem divinum. Et ideo religio præminet inter alias virtutes morales; in aliquo regno vel communitate ingentis utilitatis. Orosius l. 7. cap. 24. Baronius. t. 5. referunt de Honorio Imperatore, quod plurimos vicerit tyrannos, Alaticum, Constantem, Maximum, & alios, *ut tandem pax & unitas per universam Africam Ecclesie Catholica reddita fuerit, & corpus Christi, quod nos sumus, integrata disscissione sanatum fuerit:* verbo, Honorius fuit felicissimus Imperator, & apparuit, quàm verissimum, atque certissimum sit, tunc Deum curare, atque tueri Principum regna; cum ipsi Principes pro Religione laborant. S. Aug. l. 5. de civit. Dei. c. 24. Illos felices reges, & beatos judicat Christiana religio, qui suam potestatem ad Dei cultum, maximè dilatandum Majestati ejus famulam faciunt, qui Deum timent, diligunt, colunt; hos enim appellat felices. non autem qui diutius imperarunt, vel filios reliquerunt, vel hostes damnarunt:

§. 11.
*Pietas &
 religio sunt
 basis & co-
 lumba re-
 gnorum.
 Illa ruente
 ruunt re-
 gna.*

Econtra autem ubi jacet religio, jacet quoque felicitas regnorum. Cum Daniel prædicare voluit ruinam Synagogæ, dixit cap. 9. v. 27. *Deficiet hostia & sacrificium.* S. Isidorus Pelusio-
 tal. 3. ep. 249: *ac maximè quidem, per sacerdotii extinctionem, regni quoque & altarum rerum eversionem simul demonstravit; nam regni basis est Pietas erga Deum.* Nunquam hætenus legi de piissimo & felicissimo Rege Hisp. Phil. II. quod refert Bovenius in annalibus PP. Capuc. ad annum 1590. Religiosissimum ex Ordine illo Patrem in raptu vidisse in coelis illustrissimum thronum, radiantem gemmis, juxta illum pulcherrimam, columnam, coronatam regiadiademate; cogitanti, cujus foret hæc sedes, dixit illi.

illi vox cœlestis, Eam Philippo II. Hisp. Regi, qui etiamnum superstes erat, servari. Columnæ verò mysterio, ipsius in fide Catholica tuenda, ac propaganda pietatem, & constantiam significari. Corruente in aliquo imperio hac columna, omnia ruunt in deterius. 1. Reg. 19. ait Dominus ad Samuelem, usquequo tu luges Saul, cum ego projecerim eum, ne regnet super Israel. S. Hier. in c. 8. Oseæ. *Quia radicem pietatis non habuit.* Glossa ait, *Saul reprobatus est à Deo, & ab incircumcisis viliter occisus;* quia contra religionem peccavit; quia fuit impius in Deum.

Cum regnum florentissimum Samariæ, incidisset in idolatriam, & proinde devastatum fuisset ab hostibus, ait Oseas c. 8, v. 5. *Projectus est vitulus tuus Samaria.* legunt alii. *Projecit te vitulus tuus Samaria.* Arias Montanus. Significat Israellem, cuius regia fuit Samaria, cornu petatum & projectum esse ab eo vitulo, quem ipse sibi aluerat. Significat autem abductionem & captivitatem Israelitarum, qui propria idolomanie culpa à suis sedibus ejecti sunt, perinde ac si cornibus vituli, quem nutrierant (quem adorant) expulsi & exturbati fuerint. O florens olim Germania! Germania, terror quondam hostium! Germania, invicta in adversis Regina! ubi nunc tua fortitudo? ubi Majestas? ubi decus, & gloria? ubi victoriæ, & triumphus? heu! mutatus est color optimus, squallida tibi modò est facies, color luridus ac mortualis. Quid mirum? projecit te neglectus cultus divini. O Sacrum Imperium Romanum! quis tuas, quibus expositum es, calamitates sine lacrymis commemoret? quàm enervatæ tibi sunt vires antiquæ! quàm fractum robur! quàm labefactata Majestas! Nimirum eo miseriæ, tua te projecit impietas, hi sunt fructus neglectæ Religionis; sic usu venit, cum cultus Divinus incipit desipere.

Exigit vera Religio, ut peccata publica contra Religionem in aliqua urbe à Magistratu serio puniantur. Fieri potest, ut in aliqua urbe aliqui etiam diebus festis rarò compareant in templo, ut palam diebus prohibitis comedantur carnes (est locus pro invectiva, quæ loco, ubi dices, debet accommodari,

§. 12.
Vnde intro-
itus & de-
volutio
Samaria.
Digressio
ad Germaniam.

§. 13.
Religio puni-
t publicæ
peccata
contra cul-
tum Divi-
num.

V. G. si venderentur publicè libri heretici) si pacem, si unionem speramus, in hoc vigil esse debet Magistratus. Rex Clodovæus oppressurus Arianos, cum Turonensem agrum deberet transire cum exercitu, prohibuit in honorem S. Martini ne aliquis militum Rusticis ullum damnum inferret; legis transgressorem statim iussit capite plecti dicens; *Et ubi eris spes victoria, si beatus Martinus offenditur?* Muto nonnihil hoc dictum, & dico; si cultus Dei negligitur, ubi spes pacis? si vera Dei Religio non est in amoribus, ubi spes victoriarum in bello? si honor Dei non habetur præ oculis, ubi vera poterit pedem figere felicitas?


§. 14.
Qualis
quisque in
particulari
pietate est
erga Chri-
stum Domi-
num, talis
est ipse er-
ga quem vis-
itatur in par-
ticulari.

In tertia parte Concionis, illa quæ dixi, accommodare vo-
lui Christo Domino. Talem enim & ipse se erga nos ostendit,
quales nos sumus erga ipsum. Testis est sponsa, cum ait; Cant.
7. v. 10. *Ego dilecto meo, & ad me conversio eius.* Hugo Carth. sic
explicat hæc verba; *Ego dilecto meo*, id est, *ei me ipsam devotè of-
fero*. S. Gregorius ait, sponsam voluisse dicere, *unum Deum con-
cupisco; respectu ejus suavitatem, visitationis ejus benignitatem,
conversacionis dulcedinem, gaudenter experior.* Et talis erga il-
lam fuit sponsus, benignus, dulcis. Cant. 3. Sponsa quærit spon-
sum, addit Rich. de S. Viç. *Multo labore, instantia, & oratione
sponsa dilectum invenit, & tandem in cubiculum introducit, dignum
enim est, ut post fatigationem tandem requiescat, & dilecto, tot sudo-
ribus & discursionibus apprehenso fruatur, nec faciliè ab ejus amore
avellatur.* Monet ergo sponsus, *ne filia Ierusalem suscitent à suavi-
somno, id est, quiete Divini amoris.* Sic sponsus remunerare vo-
luit sollicitudinem sponsæ, amorem cum amore.

§. 15.
Id experi-
antur ani-
ma sancta.

Cant. 2. ait sponsa, v. 5. *fulcite me floribus, quia amore lan-
gueo.* talis fuit sponsa; amavit. Qualem experta fuerit spon-
sum, mox addit. v. 6. *Lava eius sub capite meo, & dextera illius
amplexabitur me.* quasi diceret, quàm bonus, quàm dulcis est
sponsus meus! quia amo! amat me! quia libenter ipsi adsum,
deliciæ illius sunt conversari mecum. Orig. *Tam ingentia bona
inde consecuta est sponsa, quia vulnerata amore Dei fuit.* Teste
Blosio in monili spiritali cap. 18. Christus Dominus dixit per-
sonæ sanctæ, de S. Gertrude dum adhuc viveret. *Cum nemo-
hodie.*

hodie vivat, qui per puram intentionem, bonamque voluntatem, mihi vicinior atque conjunctior sit, quàm illa; Ego quoque ad nullam animam in carne degentem majori favore inclinor, quàm ad animam illius; unde & nusquam convenientius invenire me potes, quàm in Sacramento Altaris; ac deinde in corde & anima hujus sponsæ meæ. S. Catharinæ Senensi dixit, Cogita de me, & ego cogitabo de te. Ludovicus Granatensis mentionem facit fontis, quem si placidis oculis, & in eum semper fixis accesseris, aquam puram invenies. Si ab eo oculos alio deflectas, aut cum altero loquaris, turbidam. Talis fons est Salvator noster. Accedite mortales miseri, ad hunc inquam fontem accedite; bibite ex eo sitibundi; nunquam ab eo oculos, nunquam animos avertite: nihil nobis sit antiquius, nihil carius vero Dei cultu. Sic limpidas semper bibetis aquas, cum lætitia: Sic haurietis aquas cum gaudio ex fontibus Salvatoris. Vera quippe Religio, nil habet turbulenti, pacata sunt hic omnia, omnia tranquilla. Verus Dei Cultus fontem aperit, ex quo qui bibit, sereno semper vultu cælum aspiciet, nec opus habebit turbidis paludum aquis, nec salis Oceani fluctibus, nec olentibus stagnorum laticibus. Vera Dei Religio recreat, exhilarat; satiat:



CONCIO VII.

DOMINICA II. POST EPIPHANIAM.

Nuptiæ factæ sunt in Cana Galilææ.

Joan. 2. cap. Vers. 1.

SYNOPSIS CONCIONIS.

SUggerit tria media, Devotionem, hilarem patientiam, & Orationem, quibus amaritudo matrimonii, converti potest in dulcedinem; spinæ in rosas, aqua in vinum; ut conjugatii vivant vitam lætissimam, Deo acceptabilem.

H. R.

Sr.

§.1. *Sensus literalis horum verborum, Iesus venit ad nuptias.*

§.2. *Sensus mysticus, & Concionis ex illo propositio.*

§.3. *Conjugatos ipse Deus condemnavit ad varias miseras.*

§.4. *Quas S. Paulus vocavit, tribulationem. Tribulatio, v.g. viri, est mulier querula &c.*

§.5. *Item uxor pauper, dives, formosa, deformis.*

§.6. *Similis fiat inductio contra viros.*

§.7. *Non ideo debent terreri conjugati, amaritudinem matrimonii possunt convertere in dulcedinem, & primo quidem per devotionem.*

§.8. *Deinde per latam patientiā.*

§.9. *Quare Christus D. in nuptiis, aquam converterit in vinum.*

§.10. *Mulier lata & suavis, facile potest componere iras viri, & contra.*

§.11. *Matrimonium reddit sanctum praesentia Iesu, quam petere oportet per Orationem: huic conjugati debent esse dediti.*

§.12. *Alia causa propter quas conjugatis frequens debet esse oratio,*

§.13. *Symbolum. Cythara coronata.*

§.14. *Apostrophe ad Iesum.*

§ 1.
Sensus li-
teralis ho-
rum ver-
borum, Ie-
sus venit
ad nuptias.

AD litteram, scimus ex hodierno Evangelio Christum Dominum revera, & corporaliter cum sanctissima Matre sua venisse ad nuptias, quæ habitæ sunt in Cana Galilææ. Hugo Card. *Sed quomodo vocati sunt Iesus & Mater ejus, atque discipuli ejus ad nuptias, cum essent pauperes, quales non solent passim ad convivium vocari?* Respondet; *Credo quod sponsus & sponsa pauperes erant, & ideo pauperes invitavit, & comparuit Christus Dominus amator pauperum.* Beda ait hac Dominica. Quod ad nuptias venire dignatus est, juxta litteram rectè fidem credentium confirmat; & insinuat, quàm damnabilis sit hæresis illorum, qui nuptiis detrahunt. Si enim thoro immaculato, & nuptiis debita castitate celebratis, culpa inesset, nequaquam Dominus ad has venire voluisset; osor omnis iniquitatis, & amator Castitatis, etiam in conjugatis. Ad litteram, primo miraculo in nuptiis voluit manifestare gloriam suam.

In ten-

In sensu mystico pulchrè ait S. Augustinus tract. 7. in Joannem, *Quid autem mirum, si in illam domum ad nuptias venit, qui in hunc mundum ad nuptias venit: habet enim hic sponsam, quam reddemis sanguine suo; & cui pignus dedit, Spiritum Sanctum.* S. Hugo Card. ait, *Nuptia quoque sunt inter Deum & hominem, quæ quotidie celebrantur in hominis justificatione, & conversione peccatorum.* In istis nuptiis convertuntur aquæ tristitiæ, in vinum spiritualis lætitiæ; in his nuptiis sunt tria bona matrimonii. Scilicet fides, id est, fidelitas, ne Christo dimisso, adulter, id est, diabolus admittatur, ad thorum humani cordis. Item proles bonorum operum; gratia sanctificans, amicitia cum Deo, sed vae illis Matribus, quæ proprios filios occidunt, labendo in peccatum mortale, quod est destructio & eversio illius fidelitatis, & obedientiæ, & amoris, quem debemus Deo & sponso nostro Christo Jesu. Tertium bonum matrimonii est, inseparabilitas, ut sicut uxor & maritus separari non possunt, ita etiam anima nunquam separetur à Christo Domino. Hæc tria in statu matrimonii, fidelitas, fœcunditas, consequenter ordinatus amor prolium, cura & sollicitudo illas benè educandi, inseparabilitas mutui amoris; germinans ex amore pax & concordia; hæc & talia, pulcherrima mihi suggerunt documenta, quæ animo optimo, ex corde bono, conjugatis & iis qui matrimonium inire cogitant, proponam: Rogo, ut consuetam me benevolentiam dicentem audiat.

Experientia docet, in florido horto Matrimonii, inter lilia & rosas (utuntur hoc modo loquendi aliqui ex sanctis Patribus) crescere etiam spinas; id est, non carent conjugati tribulationibus & afflictionibus, defunt sæpè multa, etiam vinum in nuptiis. Quam primam conjugatam, ob lapsum in peccatum hac sententia condemnavit Dominus, Gen. 3. v. 16. *Multipl. cabo erumnas tuas, & conceptus tuos, in dolore paries filios, & sub viri potestate eris, & ipse dominabitur tui.* Gravissimæ hæc sunt pœnæ, quas sentiunt conjugati; amaritudines, miseriae, dolores, mutuam & gravem servitutem. S. Paulus has difficultates exponit his verbis. 1. Cor. 7. c. v. 33. *Qui cum uxore est, sollicitus*

S. 2.
Sensu mysticus, & Concionis ex illo, propositio.

S. 3.
Conjugatos, ipse Deus condemna-
vit ad multas miseria-
rias.

est, quæ sunt mundi, quomodo placeat uxori, & divisus est. Putat S. Doctor Angelicus Apostolum hac sententia proponere quatuor magna onera status matrimonialis. Primo. *Vinculum conjugale*, sive inseparabilitatem, quomodocunque vivant. *qui cum uxore est* maritus verbi gratia alligatus catto malæ mulieri, vel contra uxor alligata molosso, sive rixoso viro; & tamen necesse est ut simul vivant. Secundo *sollicitudinem*, quâ conjuges dies noctesque vexantur, circa negotia hujus mundi, circa temporalia, circa necessaria ad victum & vestitum, *sollicitus est quæ sunt mundi.* Tertio est *privatio libertatis*, sive mutua & necessaria subjectio, præsertim mulieris erga maritum, tanquam caput: sed & maritus obligatus est, ut conetur facere, quæ placeant uxori. O servitutem! Quarto *est divisio cordis & cogitationum*, est quædam interna inquietudo, ob plurima adversa, quæ cum patientia tolerare oportet. S. Augustinus propterea nuptias & matrimonium vocavit, *fluctivagam tempestatem*. l. ii. in gen. S. Thomas subdit explicationi verborum S. Pauli, quæ ante citavi, *Magna amaritudo in domo est uxor tristis.*

§. 4.
Miseria
matrimo-
nii S. Pau-
lus voca-
vit. Tribu-
lationem.
Tribula-
tio v. g.
viri est
mulier
querula.

Super verba S. Pauli 1. Cor. 7. 18. *Si autem acceperis uxorem non peccasti. Et si nupserit Virgo non peccavit. Tribulationem tamen carnis habebunt hujusmodi.* ait Theophylactus, *sollicitudines in matrimonio, & mærores obvenientes, tribulationem vocat.* S. Thomas in glossa, *Matrimonio conjuncti habebunt carnis tribulationem, quia imminet eis anxietas mentis; & labor corporis, circa provisionem domus & prolis.* Retinete bene has voculas, tribulatio, amaritudo, anxietas, mæror, sollicitudo, labor, afflictio. Est v. g. in domo mulier querula, die Dominica vel festo revertitur ex templo domum maritus, prima salutatio conjugis est, O te præclarum virum! Vidisti nostram vicinam in templo? Vidisti qualem Domina Caia capitis ornatum circumtulit? Vidisti, quàm eleganti togâ & damascenâ quidem illa alia vicina nostra, ad spectantium voluptatem gloriatur? quàm mihi vilis est, quàm attrita, quàm lacera togula? O mi marite! an non advertisti, quàm nitidè capita fœminarum ambient, vela illa ex holoserico nigra! quàm venusta sunt aliarum passim mulierum

rum collaria, quàm ampla, quàm honesta, quàm magnifica! Ego verò omnibus his carere cogor ornamentis, sat video, contemptui me potius à te haberi, quàm honori. pudet me prope-
modum prodire in publicum; ecquid enim peior mea esset, quàm aliarum, quæ in eodem statu versantur, mulierum conditio? Cogita, marite, an non causas habeam, & tristandi, & conquerendi, justissimas. Sic illa. Alias vix maritus redit domum; cum querula uxor lamentatur, & ubi fuisti? nunquid in illa domo? nunquid vidi te loquentem illi ancillæ? Testor conscientias vestras anxias, miseri in multis mariti; O quot devorare vos oportet fastidia, quot verba aspera, inepta, stulta: quot verbera & vulnera vobis infligit, una malæ conjugis lingua: nolo infandos renovare dolores; video vos vestro isto silentio, veritatem hujus orationis quasi tacitè comprobare. Status vester, status est tribulationum.

Terribilis sanè tribulatio! uxor, vel est pauper, vel dives, §. 5.
vel est formosa, vel deformis. alere pauperem est tribulatio; *Item uxor*
subjectum esse diviti, æquè magna afflictio: fœminæ divites non *pauper,*
rarò sunt superbæ, arrogantes, insolentes, ambulatrices, tales *dives, for-*
uxores nonnulli vocant *infernum viri*; mitius ego loquar; puto *mofa, de-*
saltem esse *purgatorium*. Fœminæ fœdæ non libenter conte- *forma.*
mnuntur: proinde taceo; ipsi mariti tacere coguntur. De pul-
chrâ ait S. Hier. *difficile custoditur, quod plures amant*; nihil tu-
tum est, cogitate, an uxores, qualescunque sint, non sint tribu-
latio viri?

Vertite folium; est v. g. maritus Zelotypus: & quid est, tri- §. 6.
bulatio, anxietas, mœror in corde uxoris. Maritus est com- *Simili fiat*
potator; hæret in multam usque noctem in popinis, dilapidat *induct o*
substantiam domus, patiuntur interim uxor & liberi famem; *contra vi-*
O anxietas bonæ conjugis! Maritus, addictus est chartarum *ros.*
lusui, addictus aleis, addictus omni levitatum generi. O tribu-
latio uxoris! maritus tauri instar indomiti, furit ac sævit, sus
deque vertit omnia; fulgurat, tonat, fulminat, sternit, proster-
nit obvia quæque, & obvios. Compatior tibi miseranda con-
jux! compatior & vobis miserandæ proles, quæ verè panem

Alveus Tertius.

I

vestrum

vestrum comeditis in angustiis, in tribulatione, in doloribus.

§. 7.
Non deo
debent ser-
vari conju-
giati. Ama-
ritudinem
matrimo-
nii possunt
convertere
in dulcedi-
nem. &
primo qui-
dam per de-
votionem.

Non est quod conjugati propterea terreantur; quod S. Bernardus ait ser. i. de Dedic. Eccl. *Vos qui experti estis, ecce sci- tis, quia verè suavis & delectabilis est pœnitentia nostra, & ut ita di- cam amaritudo nostra dulcissima*; idem verissimum est de statu ma- trimonii. Hoc imprimis fieri potest per veram devotionem; ut prima conjugatorum cura sit Deo servire. Pulchrè meo judi- cio S. Thomas hoc observavit 2. 2. q. 82. a. 4. *Hinc habes, quod non sunt devota persona, qua communiter tristes ac sylvestres nesciunt conversari cum aliis, nisi perturbentur aut dissolvantur. Nam de- vota persona sunt hilares, lata in animo suo.* Hoc monitum piis- simis aliis verbis sic explicat sapiens Ecclesiastes cap. 9. v. 7. *Vade & comede in letitia panem tuum, & bibe cum gaudio vinum tuum, quia Deo placent opera tua.* Hæc profectò non est parva tribula- tio viri, cum uxor aliis scit conversari, non marito; cum aliis se reddit affabilem atque amicam, torvam verò & quasi efferam marito: cum alios blandis intuetur oculis, cum iis grato oculo- rum nictu annuit, atque innuit; maritum verò tanquam amico indignum lumine averfatur. Quid hoc obsecro nisi tribula- tio, angustia, tormentum, calamitas? Laudat & vult sanctus Paulus, ut maritus placeat uxori, & contra, si complacentia hæc mutua germinet ex altiori radice, ut ante omnia simul place- ant Deo, ut proinde maritus caveat graviter offendere Deum; idem caveat uxor; ut procurent ne filii vel famuli id faciant: si deinde accedant opera pia, si comitetur sobrietas, si accedat humilis ac frequens oratio, næ talis vita erit longè dulcissima: nunquam ibi deerit vinum; talibus adsunt Jesus & Maria. Ante octiduum laudavi Scipionem Africanum; quod nunquam ive- rit ad Senatum; antequam sollicitus esset, ut ex Diis intellige- ret, quæ sibi agenda forent, & circa rempublicam, & rem do- mesticam. pulchrè applica.

§. 8.
Deinde per
letam pa-
scentiam.

Tribulationes, quæ necessariò occurrunt, invicem por- tandæ sunt in patientia & hilaritate; ut ait S. Paulus. De S. Ro- nualdo fuit dictum, *Vultu adeo lato semper erat, ut intuentes hila-*

retet.

raret. O si tales oculos, talem faciem haberent mariti, erga suas conjuges, & contra, quàm multa matrimonia forent alia. In communi dixit Spiritus Sanctus Ecclesiastici 30.v.22. *lucunditas cordis, hæc est vita hominis, & thesaurus sine defectione sanctitatis* (benedictionis, suavitatis) *& exultatio viri est longævitas; id est* (ait glossa) *humana vite conservativa*. hæc verissima sunt de matrimonio; ejus vita, & perfectio, & prosperitas, consistit in jucunditate cordis; quæ inde nascitur. Primò quod Deum ament. Secundò, quod amore sanctissimo ament se mutuo; cum fidelitate; hic amor, hæc fidelitas sunt thesaurus indeficiens; & conservant diu vitam, proinde gaudet maritus uxorem diu vivere, & contra. Nam, (ait glossa) *tristitia est passio mortificativa; letitia vivificativa*.

Proinde inter causas, ob quas Christus Dominus in hodiernis nuptiis aquam convertit in vinum, hanc numerant; Vinum in sacris literis est symbolum hilaritatis, lætificat cor hominis; ut itaque innueret, hoc gaudium conjugatis plane esse necessarium, recreavit illos optimo vino. Cap. Prov. 17.v.22. ait, *animus gaudens ætatem floridam facit; Spiritus tristis exsiccatur ossa*. in nuptiis aquam converterit in vinum. ^{§.9.} *Quare Christus Dominus in nuptiis aquam converterit in vinum.* cap. 25.v.20. *nocet cordi sicut vermis ligno*. S. Greg. l. 31. mor. c. 31. Tristis ex propinquo habet iram. Omnia hæc verissima sunt de statu matrimonii. Spiritus tristis, aufert omnes conjugii flosculos, decerpit rosas, solas in matrimonii hortulo spinas, solos relinquit aculeos. Spiritus tristis, omnia in partem explicat sinistram; mille suggerit suspensiones, mille curas injicit, omnem aufert quietem, consolationem, delicias. Sed iterum moneo cum S. Thoma, *Gaudium ex amore causatur*. Prima radix omnis boni in matrimonio est verus amor. Si hæc radix sit dulcis, fructus quoque dulces sunt; amari, si illa est amara.

Mulier suavis, læta, facillimè potest placare iram mariti; l. 1. Reg. c. 16. ait v. 23. *Igitur quancumque spiritus Domini malus arripiebat Saul, David tollebat citharam, & percutiebat manu sua, & refocillabatur Saul, & levius habebat, recedebat enim ab eo spiritus malus*: hoc faciunt uxores prudentes, cum subinde advertunt motus spiritus mali, apprehendunt cytharam, canunt, loquun-

^{§.10.} *Mulier læta & suavis, facit componit iras viri.*

tur suaviter, labia stillant melle, ita maritus mox componitur. Si nequam uxor apprehendat furcam, vel claves, vel cultrum, quid miramur, si furere pergat spiritus malus. Sed vertamus folium. sæpè uxores possidentur à spiritu malo, sæpè redivivæ videntur circumquaq; discurrere Furix infernales, ita tonant, jurant, execrantur, blasphemant; nectunt convitia convitiis, clamores clamoribus, imprecationibus juramenta. Quid hic factu opus? age, mi bone marite, cedendum est aliquid tempori, dandum nonnihil impudentiæ mulieris, quæ teste Paulo, vas est infirmius; non semper in meritos vibrat fulmen Jupiter; quandoque parcit, abit, dissimulat. Age, citharam prehende, sermo lenis, mansueta oratio, vox affabilis multas componit turbas: sæpè suavitas sermonis in fugam vertit spiritum illum nequam: tentanda hic ea primum, quæ blandiora sunt mediis; deinde, si nihil ea proficiunt, ad acerbiora licebit descendere.

§. II.
Matrimo-
nium red-
dit San-
ctum &
dulce Præ-
sentia Jesu,
quam oportet
impe-
trare per
orationem,
huic con-
jugati de-
bent esse de-
diti.

Ut amaritudo matrimonii vertatur in dulcedinem, opus est præsentia Jesu, quod fit per studium orationis; ut tantum onus, & jugum conjugati ferant in patientia, charitate & hilaritate, debent roborari & confortari à Deo, quod auxilium non experientur, nisi per orationem. Scimus! Jesum iturum in passionem prius ardentissimè orasse in horto, in monte Oliveti; *Quod nobis est documento, ut cum mens vult in crucem conscendere, multum incumbat orationi, & lacrymis, supplexque se prosternat in conspectu Dei, ut roboretur & custodiatur.* Inquit Elias Ab. orat.

13. Non puto ipsos conjugatos, plerosque saltem negare posse, matrimonii statum esse quandam crucem; fieri potest levissima, si dediti sint orationi, si devoti, si majoribus festis confireantur & communicent. Hoc didici experientia, cum subinde tristes & afflictæ uxores proferunt querelas justas contra maritos (dixi justas, neque enim facile in hac materia credendum est, vel enim rem augent, vel demunt, vel addunt, vel planè mentiuntur.) Tum interrogare soleo, age! estne maritus tuus devotioni addictus? estne orationis amans? an templi libenter frequentat? an matutinis juxta ac vespertinis precibus con-

constanter dat operam? Estne sodalis? Respondent; O Pater, de precibus quid interrogas? quid de cultu Dei? quid de frequentatione Ecclesiæ? vix intra quatuor aut quinque septimanas semel interest sacro Missæ sacrificio; vix unquam in anno audit concionem; nec manè nec vesperi debitas Deo preces persolvit; nulla hic devotio, pietas nulla, nulla religio. Ridet, si quid hac de re mentionis in sermonem incurrat, exsibilat, & quasi commenta aut aniles fabulas explodit, quæ passim à vobis Ecclesiasticis ex verbo Dei de inferni pœnis, de severo Dei judicio pro Concione dicuntur. Auditishoc mariti? crediderim ego, non esse omninò falsa omnia, quæ vestræ vobis passim uxores objiciunt. Ut ut sit, hoc mihi exploratum est, potissimas conjugii angustias ac tribulationes ex eo potissimum fonte promanare, quod vel maritus, vel uxor non sint prout oportet devotioni, orationique, ac rerum sacrarum studio addicti.

Plures alias rationes afferunt sancti Patres ob quas Christus Dominus tam ardentè oravit in hortu. S. Thomas ait, *Oravit ut daret nobis exemplum, ut in tribulatione recurramus ad Dominum.* S. Laur. Justinianus de triumph. Christi agone. c. 6. *ut suo nos exemplo in amaritudine positos, ad orationem, tanquam ad singulare præsidium, invitaret.* Meministisne adhuc vocularum, tribulationis, amaritudinis, doloris, miseriarum? ut conjugati illas supportare possint, debent in orationem incumbere. Super verba illa Davidis Ps. 108. v. 4. *Ego autem orabam.* cum retulisset quantas sentiret adversitates, pulchrè ait Dion. Carthus. *Hoc est scutum patientia famulorum Christi* (dicamus nos conjugatorum) *in omni injuriatione ad orationem recurrere, ne ad impatientiam moveamur, sed in omni adversitate constantes reddamur.* Conjugati semper præ oculis habeant exemplum B. Virginis, cum vinum defuit, accessit mox filium suum, eidemque necessitatem humili oratione proposuit.

Inter Symbola viri doctissimi vidi heri cytharam, coronatam pulcherrimo ferto ex floribus. lemma esse potest, *Victrix* *concordia.* Conjugati amantissimi; obtuli vobis nuper pro-

§. 12.

Alia causa, propter quas conjugati franguntur debet oratio.

§. 13.

Symbolum Cytharæ Coronatæ.

nio elegantem carbunculum, radiantem guttis pretiosissimi sanguinis Salvatoris; permittite, ut illi hodie inculpam hoc symbolum, Coronatam Citharam. Talis cithara est vera pietas & solida devotio. Talis cithara est, jucunditas cordis; chordæ sunt, hilaritas in oculis, lætitia in fronte, suavitas in linguâ. Talis cithara est hilaris patientia; talis cithara est devota Oratio, chordæ sunt, rosaria, pia suspiria cordis, his ludite citharis; & matrimonia vestra erunt coronata rosis & liliis; vitam vivetis jucundam, Deo acceptam & amabilem; vitam vivetis longævam, in amore, in pace, in concordia. Panem vestrum comedetis in lætitia, vinum vestrum bibetis cum gaudio, quia opera vestra placent Deo; in præsentia Jesu & Mariæ, qui delectantur sono hujus musicæ. Sed! ah! & diabolus inter quosdam conjugatos ludit citharis; tales citharæ sunt, ira, odium, rixæ, contentiones, maledictiones, blasphemix, adulteria, horrenda scelera, ad sonum talis musicæ, nunquam matrimonium aliquod erit coronatum rosis, sed spinis; non erit paradysus, sed infernus in hoc mundo, & præludium æternæ damnationis.

§. 14.
Apostrophe
ad Iesum
& Mariam

JESU amantissime! (ad te enim tandem se se mea convertit oratio) tu hodie nuptias in Cana Galilææ, benediçtâ tuâ præsentia, non honorâsti tantum, sed & lætificâsti; ah! honora quoque, visita, lætifica & nuptias & conjugia omnium, qui hâc in urbe vivunt, in tribulatione & angustia conjugum; vides ut desit illis vinum lætitiæ; O Maria! quæ causa nostræ lætitiæ diceris, age iterum advocatam miserorum, dic Filio tuo dilecto, Fili mi! mi Jesu! en isti conjuges, vinum non habent veræ lætitiæ; non coronantur rosis, sed spinis; Fili mi! tuâ iterum opus est gratiâ, tuâ benediçtione, tuâ clementiâ! Ita fiet, ut tribulationes, convertantur in delectationes, dolores in amores, tædia in gaudia, fastidia in solatia, ærumnæ in lætitiâ sempiternam. Amen!

CON-



CONCIO IIX.

DOMINICA III. POST EPIPHANIAM.

Domine, si vis, potes me mundare.

Matt. 8. cap. v. 2.

SYNOPSIS CONCIONIS.

Prima pars explicat sensum hujus orationis; Domine! si vis. Altera proponit causas, ob quas à B. Patribus, vocatur Oratiuncula perfectissima.

- | | |
|--|---|
| <p>§. 1. Breve Exordium, siue, propositio Concionis.</p> <p>§. 2. Oratiunculam hanc Christus D. nos docuit, & ipse fuit usus.</p> <p>§. 3. Utuntur eadem persona sancta, praesertim inter oscula crucifixi.</p> <p>§. 4. Pulchra dicta Senecæ, Macarii, & Ludovici Blosii.</p> <p>§. 5. Pia paraphrasis, particula, si.</p> <p>§. 6. Unde oriatur difficultas Resolutionis.</p> <p>§. 7. Iudicia Dei abyssus multa: ex hac abyssu clamar e oportet fiat.</p> | <p>§. 8. Variæ admirabunda questionis de iudiciis divinis.</p> <p>§. 9. Quid illis sit respondendum.</p> <p>§. 10. Periculosum est scrutari abyssum divinatorum iudiciorum. Talem curiositatem suggerit diabolus.</p> <p>§. 11. Nemo appropinquet huic monti.</p> <p>§. 12. Iudicia Dei sunt obvelata. Sunt nubes gravida tonitruis. Arca sancta.</p> <p>§. 13. Epilogus.</p> |
|--|---|

Materia præsentis Concionis, tam ampla & copiosa, tam utilis & proficua, tam suavis & jucunda, non permittit mihi, ut longiori præfatione præscripti temporis angustias fallam: moneo tantum, velle me prima.

§. 1.
Breve Exordium,
vel, propositio
Concionis.

prima.

primâ parte Concionis exponere vobis sensum brevissimæ orationis, quâ in hodierno Evangelio usus fuit leprosus, *Domine si vis*. In alterâ adducam causas, ob quas sancti Patres ejus precatationis excellentiam adeò extollunt: Necessitas me coget, ut & me & vos in profundam divinorum Judiciorum abyssum demergam, evademus tamen atque eluctabimur. Divina voluntas est regia stella & pulcherrima Cynolura, quæ orationis meæ cymbam, ad felicem & optatum portum deducet. Vos interim Auditores me sine timore sequimini.

§. 2.
Oratiunculam hanc
Christus
Dominus,
nos docuit,
& ipse fuit
usus.

Brevem, sed perfectissimam oratiunculam leprosi in hodierno Evangelio, *Domine si vis, potes me mundare*, varii aliis verbis & diversis phrasibus, atque loquendi modis variarunt. Ipse Christus Dominus in oratione Dominica ejus usum nobis commendavit, his verbis, Matt. 6. v. 10. *fiat voluntas tua sicut in cælo & in terra*; & certum est Christum Dominum continuo, toto vitæ tempore, omni momento, dies & noctes sic suspirasse ad Patrem; *Ita Pater! fiat voluntas tua*. Dum sacer textus Evangelistarum nobis refert, prolixam ejus orationem, quam iturus in mortem fecit ad Patrem in monte Oliveti, non alia exprimit verba Christi Domini, quàm hæc, Luc. 22. v. 42. *Pater! si possibile est, transcat à me calix iste; veruntamen non mea, sed tua fiat voluntas*; quid aliud significant verba leprosi, Domine si vis. S. Gertrudi, hæc oratiuncula, *Dulcissime Iesu in omnibus fiat sanctissima tua voluntas*, tam fuit familiaris, ut eam per diem ac noctem 363. & ore, & ex toto corde pronuntiaret; non habet alium sensum hæc oratio, quàm hunc; Mi Iesu sicut vis.

§. 3.
Eadem utitur
persona pia;
præsertim
inter oscula
crucifixi.

Incidi ante paucas septimanas in latinum libellum cujus titulus est, septem actus optimæ præparationis ad sanctam & felicem mortem. Spero meos sodales illum translatum in linguam germanicam habituros pro xenio, circa festum Virginis Purificatæ: supponit is pro fundamento illam devotionem, qua animæ sanctæ piis osculis dissuaviari consueverunt quinque rosea Vulnera Crucifixi, & præsertim vulneratum Caput spinis coronatum. Quodvis osculum exigit actus eximiæ alicujus virtutis; Verbi gratia, osculum capitis perfectam resignationem

tionem cum similibus suspiriis: Mi Jesu! adoro venerabundus sacrosanctum caput tuum! in obedientiam indictæ ab æterno Patre mortis inclinatum; & tuæ erga paternam voluntatem subjectioni adjungo meam: ego quoque caput meum inclino. Ita! ita! si vult Deus fiat; Salvatoris mei exemplo, sanctissimæ divinæ voluntati, sine ulla retractione me totum permitto. Adoranda illa, & summè amabilis voluntas, in me, & per me, nunc & in æternum expleatur Amen. S. Gertrudis sic solita fuit orare, l. 3. in fin. c. 30. Ecce Domine cor meum! abstrahere illud potens & bone Jesu ab omni Creatura, & ego offeram illud tibi integra voluntate, ut tu illud abluas in virtuosa aqua sanctissimi lateris tui, & decentissimè exornes illud in pretioso sanguine dulcissimi cordis tui, ac tibi convenientissimè coaptas in aromatico vapore divini amoris & cordis tui. Tales nimirum gratias à Deo petit, qui cum leproso ex toto corde ait, *Domine si vis*; ut cor suum, lotum & ornatum in sanguine D. N. Jesu Christi, totum uniatur cum divina voluntate; & hoc in evaporatione divini ejus amoris, & voluntatis, quâ Christus Salvator noster, se totum obtulit in manus, voluntatem & dispositionem Patris cœlestis. *Pater! si vis! transeat calix; sed non sicut ego volo &c.*

Semper cum voluptate lego aureum dictum gentilis Senecæ; *Omnium nobilissima, altissimaque res est, ita casus omnes excipere, ac si ad tuum nutum accidissent; & sane ad id obligatus est homo, sciens hanc esse voluntatem Dei.* S. Macarius rogatus, quinquam esset modus orandi perfectissimus, respondit, non est opus verborum copia, dicite sæpè, sed ex toto corde, *Domine Deus, quomodo vis, & sicuti tibi placet, ita fiat.* Ludovicus Blofius ait, plane super omnia Deus à nobis exigit, ut nostram voluntatem illi penitus offeramus; permittamus ipsam facere, quidquid volet. O perfectissimam sine dubio oratiunculam, *Domine si vis!* quisquis enim ex corde sic orat, suadente Seneca, ita casus omnes excipiet, ac si ad suum nutum contigissent. Talis cum Blofio voluntatem suam Deo ex asse totam transcribit: talis cum Macario, verbis non prolixis, sed admodum efficacibus

Alveus Tertius.

K

oran-

5. 4.
Pulchra di-
cta, Seneca,
Macarii,
Lud. Blofii.

orandi, & coram Deo perorandi methodum tenet. talis cum Seneca identidem, omnia sibi fluere è voto, fortunamque suis quasi obsequiis, in singula penè momenta, ancillari, cum gaudio experitur.

§ 5.
*Diapara
 p. r. a. j. s. p. a. r.
 13611. 6. j. i.*

In pio libello, qui dicitur Palma spiritualis, inter actus resignationis hunc invenio, qui particulam *si* ex hodierna oratiuncula leprosi non ineleganter exponit, sic enim ait anima sancta ad Christum Dominum. Totus in te resignatus offero me paratum, ad acceptandum à potentissima tua manu, quidquid mihi acciderit, in hac vita, sive prosperum, sive adversum fuerit; quare; si vis me vivere, placet vivere, si vis me mori, contentus sum. Si vis me sanum, accepto sanitatem, si infirmum, infirmitatem; si locupletem, divitias; si pauperem, volo paupertatem; si honorabilem, placet honor; si inhonoratum, non abhorreo ab ignominia; vis me habere consolationem, & illam volo; si desolationem, ea me non terret; si me vis esse in gratia apud homines, volo & ego; si vis in odio, orabo pro inimicis & in persecutionibus te laudabo. Refert Canadensis Hist. Neophytum M. talia dixisse. vide pulchrum locum de heroica resignatione l. 5. f. 409. in fine; & fine istius libri. Puto vos clarissimè intelligere, quis sit sensus hujus perfectissimæ oratiunculæ, *Domine si vis*, sive, *Domine fiat voluntas tua*; nunc altera Concionis parte laborabo ut intelligatis causas, ob quas, res tantæ perfectionis sit, velle in omnibus, quod vult Deus.

§ 6.
*Hnde oria-
 tur diffi-
 cultas Resi-
 gnationis ?*

Ingens est difficultas in hac subjectione; quæ inde nascitur, quod antequam voluntas id faciat, intellectus se debeat captivare; ut assentiatur rebus, quæ rationi humanæ sunt & inscrutabiles, & incomprehensibiles; certissimum est Deum esse admirabilem in consiliis suis; nihilominus dicere oportet, *Bene omnia fecit, facit, & faciet* in omnem æternitatem! Fundamentum discursus, quem exordior; est irrefragabile: posuit illud Spiritus Sanctus per sanctum Paulum ad Rom. II. v. 33. *O altitudo divitiarum sapientiæ & scientiæ Dei, quàm incomprehensibilia sunt iudicia eius, & investigabiles viæ eius*! Cajet. *Vritur exclamatione admiratoris, ut etiam ex modo loquendi, propriam fateatur ignorantiam.*

riam. & qui nos sumus, O homines, ut Dei consilia scrutemur? Sap. 9. v. 16. *Difficile est imamus, quæ in terra sunt, & quæ in prospectu nostro sunt* (id est, subjecta sensibus, & in aperto, ut legit Hugo Card.) *invenimus, id est, cognoscimus cum labore, quæ autem in cælo sunt, quis investigabit?* Ideo, regius Psaltes exclamavit Ps. 91. v. 5. *Quàm magnificata sunt opera tua Domine! nimis profunda sunt cogitationes tuae.* S. Augustinus hic. *Revera fratres mei, nullum mare tam profundum est, quàm est ista v. g. cogitatio Dei, ut mali florent, & boni laborent. Nihil tam profundum, nihil tam altum, ubi naufragat omnis infidelis, omnis curiosus scrutator divinæ voluntatis.* Eremita quidam in agone, post vitam sanctè transactam. *Sed O terribile Dei iudicium! & profundam summa distractionis abyssum!* In hoc verò mari, in hoc profundo, in hac altitudine exclamare, Domine si vis! quomodo vis! ut malis in hoc mundo fors bona foveat? bonis autem invidet? *Fiat!* ut innocentes premantur ærumnis, vexentur calumniis, injuriis, ceu pane quotidiano pascantur; cum interim scelerati quique optatis potiantur honoribus! *Fiat!* enim verò, talis intellectus captivatio, talis demissio in Majestatis Divinæ arbitrium, voluntatis affectio, non potest non Deo ter Optimo Maximo mirum in modum placere.

Ps. 35. v. 7. ait David, *iudicia tua abyssus multa.* Ps. 32. v. 7. variat phrasin, *Pones in thesauris abyssos.* S. Basilus fatetur se modum loquendi non intelligere, *Communi sententia congruere magis videbatur, si dixisset, ponens in abyssis thesauros.* mox tamen dubio suo his verbis satisfacit; *Hec omnia ubi inciderint menti tuæ, fac meminere, quod iudicia Dei sunt abyssus, & abyssus multa, & quod in divinis recondita sunt, & inclusa thesauris, nec quibusvis facile comprehensibilia.* S. Augustinus l. 2. de persev. fassus fuit, Fateor me non invenire, quid dicam & quid aliud in multis respondere poterimus, nisi hac ad divina iudicia pertinere! *Dei occulto, iusto tamen iudicio omnia contingunt, neque inscrutabilia scrutari, neque investigabilia vestigare conemur.* Fluctuare subinde, & jactari in alto, in profundo, in mari profundarum cogitationum de consiliis Dei, de mirabilibus eventibus, quos oculis cernimus,

& non submergi; sed apprehenso crucifixo, veluti aliqua tabula, osculari caput ejus; & inclinare caput suum, & dicere, ita mi Deus! ita mi Jesu! si vis! fiat! Ps. 118. v. 137. *Iustus es Domine, & rectum judicium tuum. cum* Cajet. *Occulta sunt nobis judicia Dei, quoad eorum rationes in specie; in genere autem scimus quod justa sunt.* A biennio vicinæ nobis regiones puniuntur peste! benè factum est. fortassis eodem & nos castigabimur flagello! fiat! Quis non advertit, rem arduam esse sic captivare intellectum, sic subicere voluntatem? ideo quoque hæc virtus est excellentissima, ideo summè perfecta est hæc oratio, *Domine si vis &c.*

§. 8.
*Varia ad-
 miranda
 quaestio
 nes de Di-
 vinis Judi-
 ciis.*

In abyssum dubiarum cogitationum de divinis judiciis iterum incidit S. Aug. quando cum lacrymis & piè querulis sic fuit allocutus Christum Salvatorem, quid igitur benedicte Domine Jesu? quod populus iste tibi tam devotus, pedum tuorum adorare volens vestigia, loca venerabilia, quæ tuâ præsentia corporali consecrasti, per manus eorum, qui te oderunt, passus es intrare, O mi Jesu! ut terra sancta sit captiva, ligata catenis miserrimæ servitutis sub Turcarum tyrannide. Innoc. IV. cum S. Ludovicus in terrâ sanctâ infeliciter pugnasset, scripsit illi epistolam consolatoriam anno 1250. inter alia habet apostrophem ad Christum Dominum, & quomodo, agebat, *mi Iesu, tam Severus esse potes in Regem tantum, tamque egregium honoris tui zelatorem? in Regem, cui ipsa sua corona regia, imò vita ac sanguine charior est gloria tua! in Regem! qui non pro acquirendis vani mundi opibus ferrum stringit, sed pro miseris hominum captivorum animis ex servitute Turcica, in verè auream, hoc est, Christianam libertatem asserendi?* O mi Deus, magna huic inest ænigmati obscuritas! ænigma tamen est, nobis tamen mortalibus non sat probè perspectum, suo tamen auctore dignum. Mira sunt judicia Dei; Minores sumus nos, viles terræ filii, quàm ut Regem Regum, Deum inquam altissimum, in judicium vocare ausimus. Sed! novæ me fatigant cogitationes. Æterne Deus! ut subinde in floridissimis regnis, verus Dei cultus, vera religio, Romanæ Ecclesiæ ritus funditus extirpentur; Mi Deus! ut aliquem Jacobum diligas, ut aliquem Esau odio persequaris! Ut aliquis Nabucho-

buchodonosor resipiscat, ut alius cum obstinato Pharaone in mari submergatur! ut aliqui flagellis emendentur, alii in malo indurentur! ut unica eademque medicina, ut pretiosum balsamum sanguinis crucifixi, uni infirmo profit ad vitam, alteri cedat in mortem! ut unus latronum ad latus Christi rapiat Paradisum, alter præcipitetur in infernum! Ut Judas se suspende-rit, Petrus amare fleverit. quis non exclamet cum regio psalte ex Ps. 65. v. 5. *Terribilis Deus in consiliis super filios hominum.*

Inter fluctus talium cogitationum hac se ratione fuit con-
solatus S. August. Verè *Domine, judicia tua abyssus multa, & non* ^{§. 9. Quid illis sit respon- sit dandum.} *est qui tua possit resistere voluntati.* Innoc. IV. Regi scripsit, *Quis dixerit judicium hoc quantumlibet durum, iniquum esse?* S. Bernard. l. 2. de confid. ausus fuit dicere; *Et quidem ludicia Dei vera, quis nesciat? at judicium hoc abyssus tanta, ut videar mihi non immerito pronuntiare boatum, qui non fuerit scandalizatus in eo. Quomodo tamen humana temeritas audeat reprehendere, quod minimè valet comprehendere?* Res hæc est periculosissima; hoc est tutum, hoc laudabile, hoc Deo gratum, hic est nucleus perfectionis & sanctitatis, in tali abyssu clausis oculis ambabus tamen ulnis stringere brachia Salvatoris, jungere cor suum cum corde crucifixi, inclinare cum illo caput, osculari spinas, & dicere, mi Jesu! si vis ut terra sancta in impiis juratorum tuorum hostium manibus versetur, *Fiat!* Vis etiamnum opprimi innocentes à perfidis? *Fiat!* Vis plura adhuc Christianorum millia in miserandam abduci servitutem? *Fiat!* Vis barbaras illas gentes vittricibus armis triumphare in terris fidelium? *Fiat!* Tu nosti Deus quid factu opus. Tu, quid fieri conveniat, quidve sit è re nostra intimè habes perspectum. *Fiat! fiat!* mi Deus! quod vis & sicut vis. Asseram millies, nos perfectiori oratione uti non posse, cum reliquas omnes virtutes, fidem, spem, charitatem, humilitatem, patientiam, obedientiam in excellentissimo gradu necessariò includat.

Hanc abyssum divinorum judiciorum velle curiosius scrutari est periculosum. Cum Eva in paradiso nollet gustare pomum pulcherrimæ arboris, eo quod Dominus illud prohibuisset, di-
^{§ 10. Periculoso- sum est scrutari abyssum d-}

vinorum
judiciorū.
Talem cu-
riositatem
suggerit
Diabolus.

set, dixit serpens Gen. c. 3. v. 1. *Cur praecepit vobis Deus, ut non comederetis de omni ligno paradisi?* S. Greg. M. l. 24. mor. *Idem quotidie agit hostis humani generis.* S. Petrus Dam. *Hac prima serpentis verba sunt ad mulierem; his sibilis Draco teterrimus in cor ejus venena stillavit.* Venenosa vocula est, *Cur? si in scrutandis Divinis judiciis illa utamur: discat homo* (ait S. Chrysost. hom. 22. in gen.) *non convenire humanis mentibus, curiosius ea, quae à Deo fiunt, explorare, sed credere his, quae dicuntur.* S. Bern. ep. 77. *Sacramentum Dei altissimum* (in quacunque dispositione) *suscipiendum, non discutiendum: venerandum, non dijudicandum: fide sortitum, non innata traditione sancitum, non adinventum ratione.*

§ 11.
Nemo ap-
propinquet
huic monti.

Super verba illa Exodi 19. v. 12. *Cavete ne ascendatis in montem, morte morietur &c.* eleganter ait Lippomaanus: Mandat Deus Israelitis severissimè, ne quis in montem ascendat, ut hoc praecepto avocet ipsos, à curiositate investigandæ essentiae & formæ Dei; & assuefaciat ipsos audire potius, quæ sint verba & mandata ejus, quàm scrutari, quæ sit forma ejus: & observare magis quod loquitur, quàm, quomodo loquatur. Ps. 67. v. 3. *David in curiosos hanc pronuntiavit maledictionem, sicut deficit fumus, deficiant.* S. Aug. ser. 109. *Quare fumo comparati sunt? quia fumus exigit se, extollit se tanquam in cælum, sed quanto sit superior, tanto facilius evanescit & disperit.* Ad Rom. I. v. 21. *evanuerunt in cogitationibus suis, & obscuratum est insipiens cor eorum, dicentes enim se esse sapientes stulti facti sunt.*

§ 12.
Iudicia Dei
sunt obve-
lata. Sunt
nubes gra-
vida toni-
trui. San-
ctæ arcæ.

Refert Plutarchus in curiosissimo libro de curiositate, portasse aliquem nescio quid in corbe, involutum panno; cum non nemo interrogaret, quidnam portaret? respondit, amice, *ideo obvelatum est, ut scilicet non scias.* Idem auctor cum egisset de secretis Principum, subdit, *fuge nigram istam, & condensantem se nubem: senties tonare ac fulgurare, simul atque eruperit quod nunc latet.* I. I. reg. c. 6. v. 19. *septuaginta millia hominum occisa sunt; Eo quod vidissent arcam Domini.* Cajet. *quia indigni erant, ut viderent arcam tam sanctam.* Talis cistula est abyssus divinorum judiciorum. Miramur vicinos nostros V. G. flagellari peste; occurrunt populi alii, de quibus cogitamus hos talia

talía flagella potius mereri; quare ergo? cur? quid est hoc? amice! ideo obvelatum est, ideo ænigma, ideo mysterium est. Obstupescimus, hæreticos sæpenumero præteriri à divinæ justitiæ gladio, cum is interim in Catholicis regnis, oppidis ac vicis, stringatur à Cherubino quopiam in miserorum mortalium exitium. Ecquid sibi vult hæc disparitas? annon Lutherani æque ac Catholici, annon æquè etiam Calvinistæ, an non etiam perfida gens Judæorum suos habent nævos, sua scelera, suas libidinum sordes, suas abominationes execrandas? habent profectò, atque utinam non plures essent nec fœdiores; Criminum maculæ, quibus omnes illi quotidie contaminantur. Et tamen his parcit vindex Dei manus, non Catholicis! Quale est hoc obsecro mysterium. Siste, mi homo, hic non Plato, sed ipse jubet Deus quiescere. Judicia Dei abyssus multa; noli in eam te temerè conjicere. Suo singula tempore, quæ nunc sunt tenebris involuta, & quasi ænigmatum velo contecta, in clarissimam Divinæ Veritatis justitiæque lucem ac laudem evadent. Abyssus judiciorum terribilis est nubes! solet tonare fulgurare! ego appropinquare non desidero, sed in talibus cogitationibus apprehendo crucifixum, ruo in ejus amplexus, & dico, si vis Domine. Arcas sanctorum Vulnerum non cupio intueri, ut ibi videam thesauros absconditos judiciorum Dei, sed amoris! sed bonitatis! sed misericordiæ! inter quas sanctissimas cogitationes, dico ex intimo corde, mi Jesu! fiat sanctissima tua voluntas. Seraphini stantes coram arca, sive throno Dei, duabus alis velarunt faciem suam, clamantes *Sanctus!* II. 6. v. 3. *Metuentes scilicet & erubescences ad vultum gloriæ magni Dei* ajunt interpretes. Cum ita nos præcipitamus in abyssum judiciorum Dei, clausis oculis; cum in consideratione mirabilium dispositionum magni Dei, clamamus, sanctus! dum cum leproso dicimus, *Domine si vis.* dum, cum Christo Salvatore, *fiat!* Seraphinos imitamur! & ad altissimum gradum sanctitatis, atque perfectionis ascendimus; imò immensæ gloriæ. hæc vocula mihi suggerit Epilogum.

§. 13.
Epilogus.

Justissimam timoris causam cuivis, qui amat salutem, incutere potest, hæc sententia S. Petri Dam. *Etsi enim videmus in presenti, quo gradimur, ignoramus tamen quo fine cursus noster claudatur, patet via, qua teritur. Sed occultum est quo pervenitur. Si securi velimus pervenire ad cœlum, adhæreamus divinæ voluntati. Finio Auditores, & dum finio, hoc unum denique vos rogo atque obsecro, ut, cum felicibus esse singulis nostrum liceat, modo libeat; hanc vitæ beatitudinem omni curâ ac studio consecremur. Dicamus indies, dicamus centies, dicamus millies, Domine si vis & sicut vis. Exclamemus sæpenumero, Fiat mi Jesu, fiat, non perversa mea, sed tua sanctissima voluntas. Cœca est mea, tua oculatissima. Obliqua est mea, tua rectissima, terrena est mea, tua cœlestis: mea denique imperfecta, misera, perversa, tua nobilissima, sapientissima, perfectissima. Sic loquar vivens, sic dicam vigilans, sic dormiens somniabo, sic tandem moriens aspirabo, mi Jesu fiat voluntas tua!*



CONCIO IX.

DOMINICA IV. POST EPIPHANIAM.

Ecce motus magnus factus est in mari.

Matt. 8. cap. v. 24.

SYNOPSIS CONCIONIS.

Sensu mystico, tempestuosum mare, est hoc sæculum, ut loquitur S. Augustinus.

§. 1. *Probatur hoc ex SS. Patribus.*

hujus mundi, v. g. S. Greg. M. Clemens VIII. Adrianus IV.

§. 2. *Summa aliqua Orbis Capita agnoverunt amaritudinem*

§. 3. *Carolus V. Antigonus Rex Macedonia.*

§. 4.

- §. 4. *Dictum Regis Sueciae Gusta- vi Adolphi.*
 §. 5. *Divitum corda sunt mare turbatum, quia divitia, non sinunt illos dormire vel quiescere, patet in divite Evangelico Luc. 12.*
 §. 6. *Christus D. ait illos suffocari inter spinas.*
 §. 7. *In tragica historia veluti speculo ostenditur, vita divitum, & impiorum.*
 §. 8. *Confirmatur ex cap. 24. lo bi, divitia, delicia, sunt ver-*
 §. 9. *S. Augustinus pro tali speculo ponit haeticum aliquem Donatistam, miserè afflictum.*
 §. 10. *Amaritudo in corde Divitis declaratur pulchro simili ex S. Ephrem.*
 §. 11. *Aliud, simili S. Ioannis Chrysostomi.*
 §. 12. *Speculum vitae impia, suis impius Saul.*
 §. 13. *Tragica mors scelesti Cle- rici.*
 §. 14. *Epilogus.*

TEmpestuosum mare, cuius hodiernum Evangelium meminit, symbolum est hujus mundi, in quo nos mortales vivimus. S. Aug. in pl. 39. *Hoc saeculum mare est. Habet amaritudinem noxiam! habet fluctus tribulationum: habet tempestates tentationum, habet homines velut pisces se mutuo devorantes; quam puto causam esse, quod primam vocem na- sciens homo emittat plorans, Sap. 7. v. 3. Nemo etiam ex Regibus aliud habuit nativitatis initium. Tertullianus l. de an. c. 19. Mentior si non statim infans, ut vitam vagitu salutavit, hoc ipsum testatur se sensisse, atque intellexisse, quod natus est. Seneca l. de consol. ad Polybium c. 23. Nonne vides qualem vitam nobis natura promiserit, quae primum nascentium omen fletum esse voluit. Elegantissimè S. Cyprianus l. de bono Pat. Unusquisque nostrum cum nascitur, & hospitio mundi hujus excipitur initium sumit à lacrymis; & quamvis adhuc omnium nescius, & ignarus, nihil aliud novit, in illa ipsa prima nativitate, quam flere. providentia naturali lamentatur vita mortalis anxietates & labores, & procellas mundi, quas ingreditur, in exordio statim suo ploratu & gemitu, rudis anima protestatur. S. Ambrosius l. 2. de voc. gent. c. 8. Vita principium, morbis exordium est; nec prius augeri incipit aetas, quam minui. Modi-*

Alveus Tertius.

L

cove-

§. 1.
*Saeculum
 hoc sive
 Mundus est
 tempestuo-
 sum mare.
 Probat
 ex SS. Pa-
 tribus.*

co, verò tempore quo vivimus in hoc mundo, quo jactamur in hoc mari, vita nostra non est nisi labor & miseria. Hom. 17. in Matth. S. Joannes Chrysostomus videtur mihi non posse invenire verba sat multa & satis significativa, quibus exprimat hunc mundum similem esse tempestuoso pelago. Sic ibi explicat verba illa Christi D. ad Apostolos; Marc. 1. v. 17. *Venite post me & faciam vos fieri piscatores hominum*, id est, *faciam vos Doctores, ut cum reti verbi divini comprehendatis homines de mundo, hoc falso, & fluctuabundo, & tempestuoso, & instabili, & perfido, & semper periculoso, & nemini unquam tuto, ubi homines non ambulant, sed feruntur quasi nolentes à fluctibus passionum.* Conabor hac concione magis in particulari declarare miseras, aliasque proprietates hujus mundi. Et quorum vita vel conscientia ita sit perturbata, ut continuò quasi jactentur in mari. Scopus dictionis erit, ut tempestive amores & affectus nostros ab illo abstrahere, eoque tutius naviculam nostram ad portum gloriæ æternæ dirigere laboremus.

§. 2.
Summa.
aliqua Or-
bis capita.
agnosce.
runt ama-
ritudinem
hujus mun-
di. v. g. S.
Greg. M.
Clemens.
11X. Adria-
nus IV.

Hoc ego in lectione historiarum non rarò admiror, etiam divites; etiam in magnis honoribus constitutos, etiam deliciis innutritos, imo Principes, reges, & summa Orbis capita, mundi hujus fallacias & amaritudinem agnovisse. S. Gregorio Magno, cum Deo ita volente, ad Pontificatum fuisset evehctus varii Archiepiscopi & Episcopi illi de tanto honore, magnificis literis fuerunt aggratulati. Ille verò Patritio alicui Romano in hæc ferè verba respondit, l. 1. ep. c. 6. *Tanta autem me percussum mœrore agnoscite, ut vix loqui sufficiam. Oculos enim mentis meæ, doloris tenebrae obsident; triste est, quidquid aspicitur. Quidquid delectabile creditur, nihil lamentabile apparet.* Ruth. 1. v. 20. *Nolite ergo me vocare Noemi, id est, pulchrum (ob purpuram, ob tiaram triplicem, ob summam orbis prælaturam) sed vocate me maram, quia amaritudine plenus sum.* Anastasio Episcopo Antiocheno respondit loco cit. c. 7. *Me miserum! qualem quietem perdidisti ex tranquillissimo portu delatus sum in tempestuosum mare, in quo, multis causarum fluctibus quatior, & tumultuosa vitæ tempestatibus affligor, ita ut rectè dicam, ex ps. 68. v. 3. Veni in altitudinem maris, &*
tempe-

tempestas demersit me. Cum Clemens VIII. cum P. Hieronymo Xavier Generali Ordinis Prædicatorum, de miseriis hujus mundi ageret in sancto colloquio, dixit illi prudentissimus Pontifex, *Toto tempore mei pontificatus, non memini mihi fluxisse unicam horam, qua non aliqua amaritudine, vel sollicitudine fuerim, quasi in alto mari, jactatus.* Adrianus IV. teste Vincentio Belluaensi in spec. hist. l. 29. c. 3. dixit, *In sede pontificia tantas & tam varias inveni miseras, ut facta collatione præsentium, tota præterita amaritudo, jucunditas, & felicitas fuerit. Spinosa est cathedra summi Pontificis.* Talia nobis reliquerunt testimonia Orbis Monarchæ.

Carolus V. fortunatissimus fuit Imperator, & simul Rex Hispaniarum. Refert tamen Nicolaus Monardes illud illum tristitia sæpe obrutum, sæpe exclamare cum gemitu auditum fuisse, O mortales! & sæpe gemitu suspirasse, O mortales! si sciretis, quam misera sit Regum conditio. De aureis enim Regum catenis acute dixit Philo, *Cæterum torques aurea, non ad gloriam solum, sed & ad pœnam pertinere videtur; ornamentum in prosperitate, vinculum, & tormentum in adversitate.* Ita Antigonus Rex Macedoniæ, cum intellexisset filium ambire regnum, teste Æliano l. 2. de var. hist. illi dixit, *Ignoras fili, regnum nostrum esse quandam nobilem, auream & honorificam servitutem.* S. Aug. advertit in ps. 13. ideo Ægyptum sæpe ponit pro imagine hujus sæculi, *quoniam interpretatur afflictio, vel affligens, vel comprimens.* significat item locum tenebrosus sc. qualis est hic mundus. Et Regibus tandem, licet potentissimi sint, nihil magis timendum est quam infelix mors S. Petrus Dam. *Nunquid & ipsis Regibus, à quibus mundus iste diligitur, & quibus captiosa fraude blanditur, non quanto ocys in amaritudinem vertitur? Ut nimirum hodie, qui ex hostibus victoria signa reportet, triumphalis cum gloria pompa præcedat; & cras illum ignobiliter terga vertentem, hostilis mucro transfodiat.* Ante paucos annos toti terrarum orbi, qualem tragœdiam cum Rege suo exhibuit Anglia? Crudeles Turcæ, quot jugulaverunt Imperatorum filios & fratres. Crudelior tyrannus est mors, quæ nulli prorsus Re-

§. 3.
Carolus V.
Antigonus
Rex Maced.
donie.

gi vel Principi pareit. Omnes fatalis moriendi necessitas involvit. Omnes debent mori. Sui amatores non finit esse quietos.

§ 4.
D. H. H.
Regis Sue-
cia, Gusta-
vi Adol-
phi.

Rex Sueciæ, Carolus Gustavus, generosissimus heros sapientissimo dicto hanc veritatem confirmavit; Nam cum nobilem Germaniæ urbem victor fuisset ingressus, vidit & audivit civitatis incolas & cives demisso in plateis poplite fausta sibi omnia apprecari, id quod adeo Regi displicuit, ut belli ducibus dixerit: *Quid agunt? putantne me esse Deum aliquem? O quam decipiuntur! Omnes sumus mortales! animus q. meus ferrum est. Sed regium hoc corpus, vitrum est.* Timeo incipere fortunam! paucis post diebus in prælio ad Lipsiam, hoc vitrum duplici glande confractum fuit! Occubuit Rex fortissimus. Sic cum regibus ludit fallax hic mundus! sed relinquo reges qui vocem meam non audiunt.

§ 5.
Divitiam
corda jun-
maverunt-
batum,
quia divi-
tie, non si-
nunt illos
dormire
vel qui-
escere. Pa-
ter in Divi-
te Evange-
lico Luc. 12.

Divites in hoc mundo habentur beatissimi; in aureis enim naviculis videntur navigare per pelagus, hujus sæculi; sed Spiritus S. per Ecclesiastem c. 5. v. 11. ait, *saturitas divitis, non finit eum dormire* S. Cypr. ep. ad Donatum. *Suspirat ille in convivio, vigilat in pluma, nec intelligit miser speciosa sibi esse supplicia, auro se illic ligatum teneri, & possideri magis, quam possidere divitias.* Cor divitis plerumque est turbatum mare; ideo dives ille Luc. 12. v. 17. dixit; *Quid faciam, quia non habeo, quo congregem fructus meos?* S. Ambr. ser. 81. *Quis talem non misereatur? Angustatur abundantia, constringitur & coarctatur opulentia; ager ei, non tam redditus largiores, quam gemitus attulit graviores; terra, ei non fructuum copiam, sed curarum molestias germinavit. Egeni vox est ista, quid faciam? Dives in eisdem cruciatibus pro sollicitudine facultatum, quibus pauper pro egestate torquetur.* Cum Imperatori Sigismundo ex Hungaria allata essent 40. m. aureorum, præ cura & sollicitudine, quomodo ea impenderet dormire non potuit, advocatis itaque belli ducibus ait ecce hi crudelissimi hostes & carnifices somnum mihi eripiunt, accipite & inter vos dividite, ut mihi tranquille dormire liceat.

Curas

Curas divitum Christus D. Luc. 8. v. 7. propterea vocavit *Spinās*, & ut exprimat quàm misere, inter quas angustias vivant in hoc mundo, ait illos à *divitiis suffocari*. Explicat hoc verbum S. Greg. M. hom. 15. in Evang. *Suffocant enim, quia importunis cogitationibus suis guttur mentis strangulant, & possessores suos afflictos faciunt*. S. Bernardus utitur hoc verbo l. 5. de Consider. *Nonne hoc est, perpetuo tundi?* Experientia docet mille divitibus occurrere curas, & inquietudines, proinde bene dicunt sancti Patres, & hodierni Evangelii Interpretes, illos vivere in hoc mundo, veluti in tempestuoso pelago. O quot illos curarum stimuli torquent, vexant, exagitant! illos præsertim divites, qui & nummis, & vitiis sunt locupletes! jure illos martyres dixerim, qui per omnia tormentorum genera, internis cruciantur angustiiis. Ite miseri, non invideo vestras vobis opes; à quibus tamen, in curis, mœroribus, timoribus, nullam prorsus opem sperare potestis.

Narrat nobilis quidam Concionator, se anno 1640. in Italia vidisse senem, per cujus os patulum dum fortè dum dormiret in corpus subingressus est serpens, miserabilis deinde fuit ejus vita. Vultus pallidus, frons horribilis, suffusi oculi, labia distorta, nigri dentes, rauca vox, clamores horrendi præsertim dum sentiret interiora corrodi à serpente; aliquam sensit quietem, cum bibit lac, quo furia rodentis intus serpentis, non nihil fuit mitigata. Non addit historia, quam diu vixerit miserabilis hic homo; sed ita exclamat; O divites! O filii hominum; O amatores hujus sæculi! si divitias, si voluptates; si mundum hunc magis ametis, quàm Deum Creatorem vestrum; si ob varia peccata mortalia sitis hostes Dei! hoc scitote, vestræ divitiæ &c. illa peccata, sunt serpentes in cordibus vestris, qui non sinunt vos quiescere. Talis serpens dies noctesque rodit inquietam conscientiam; de adolescente ingrediente ædes impudicæ feminae ait cap. 9. v. 18. Proverb. *ignorat, quod ibi sint gigantes*. Clemens Alexandr. l. 3. pædag. c. 11. sic legit, *Miser autem nescit, quod serpentes apud illam habitent*. Simili ferè modo frequenter decipimur. Divites pronuntiamus beatos, & ne-

scimus, vel non cogitamus, quod in cordibus illorum habitent serpentes. Exclamamus beatos, qui excelsum dignitatis fastigium conscenderunt; & ignoramus, quod ceu solem umbra, ita honorem comitentur timores. nolim ego tantillos honorum fumos, tanto curarum, dolorum ac sollicitudinum præmio coemere. Gratulamur sæpius illis, quibus lautior fortuna opiparam quotidie mensam instruit, qui fruuntur hujus mundi deliciis, & non perpendimus, inter mensarum lautitias, etiam inferri animæ angustias; non cogitamus inter ferculorum apparatus etiam animorum consistere cruciatus.

§. 8.
Confirmatur ex c. 24. Jobi, divitiæ, deliciae, sunt vermes.

Videtur hoc voluisse insinuare S. Job. c. 24. 22. *Dulcedo illius vermes*, id est, divitiæ divitis in quibus delectatur sunt vermes; voluptates sunt vermes; præsertim si cum peccatis mortalibus connexæ sunt. Quia verò natura vermium est, inquit S. Greg. M. l. 16. mor. c. 29. *Momentis singulis incessanter moveri*, hinc fit ut cor impii instar maris, à ventis variarum cogitationum continuo moveatur & turbetur continuo. Hinc *non est pax impiis, dicit dominus*. Is. 57. v. 21. Septuaginta legunt, *Non est gaudere impiis*. S. Hieron. *Impiorum nullum est gaudium, & nulla parte requiescunt*. Hominem iracundum S. Joannes Chrysost. hom. 41. in acta, his verbis alloquitur. *O pœnas! cur perseveras in ira, ut semper te punias, semper te flagellas? Quare bestiam in viscera tua includis? melius esses viperam, vel serpentem in corde positum esse quam iram*. Quis prohibebit, quo minus utar his verbis & dicam, O filii hujus sæculi! O avari! quid perseveratis in amore inordinato divitiarum; Itane vosmetipsos odio prosequimini? itane vos in vastissimum curarum labyrinthum ex quo vix unquam licebit evadere, confertis? itane miseri in tenebricosos timorum, dolorum, ac suspicionum carceres vosmet ultro conjicitis? Quid vobis proderunt deliciae, tot inter angustias? quid una rosula, mille stipata spinis, mille dolorum aculeis circumdata?

§. 9.
S. Augustinus pro clausula

Super versum 20. psalmi 36, *quia peccatores peribunt*, S. Augustinus facit mentionem alicujus hæretici Donatistæ, qui tandem relictis sociis, venit ad Catholicos, cum magna spe, se pro-

mo-

movendum propterea ad magnas dignitates; sed quia id non contigit, in tantam incidit tristitiam, ut S. August. dicat, *Gemebat saucius, & non consolabatur, erant enim in conscientia ejus equulei horribiles, taciti, sive occulti. Videbamus & dolebamus vehementer, Deus scit, tantam pœnam animæ, tantas cruces, tantas gehennas, tanta tormenta.* Ostendite vos mihi Aud. aliquem hominem, qui, ut S. Paulus loquitur, vult dives fieri, quibuscunque mediis. Ostendite mihi aliquem arrogantem, vel adolescentem, qui ingreditur per semitam voluptatum; ostendam ego vobis hominem, qui sæpe gemit, quem sæpe nemo consolari potest; ostendam vobis adolescentem in cujus conscientia latent horribiles equulei, acutissimæ spinæ, tormenta acerbissima, vermes diu noctuque corrodescentes, &c. verbo, ostendam vobis tempestuosum oceanum. His adjungo pulcrum dictum ejusdem S. Aug. l. 3. contra literas Petiliani. *Si conscientiam mordet veritas criminis, quid illi prodest, si laudetur à mundo, si sit dives &c. Hac enim merè externum est, illud intimum.* In corde habitant serpentes.

Pulcherrimum simile reperi apud S. Ephrem Syrum quo explicat miseram vitam alicujus mundani hominis. *Omnis mundana & profana voluptas ait in amarā conscientiam conjecta quasi parva mellis stilla est, in absynthis dolium refusa.* Quid quæso sunt divitiæ; quid voluptates in homine, cujus conscientia est plena felle & absynthio? sunt melleum aliquod, sed non pelagus, sunt guttulæ tantum mellis, quæ interiorem amaritudinem tollere non possunt. Ideo impius ille ait apud Jobum c. 7. v. 13. *Si dixerō, consolabitur me lectulus meus; terrebis me per somnia, & per visiones horrore concuties;* quia, ut ait S. Joannes Chrysost. hom. 20. in gen. *Perpetua in animo ejus tempestas est, & reciprocantes ac contrarii fluctus.* Insuper neque somnus ei suavis, sed & terrore, & formidine plenus. Sic implentur minæ divinæ, propositæ populo, per Moysen Deuter. c. 28. v. 65. *Non quiesces. Dabit enim tibi Dominus cor pavidum, & deficientes oculos, & animum consumptum mœrore, & erit vita tua quasi pendens ante te (Glossa Interl. quasi in Cruce.) Timebis nocte & die, & non credes vita tua.* Mane dices;

proponit
Hæreticum
aliquem
Donati-
stam, mi-
serè affli-
ctum.

§. 10.
Amaritu-
do in corde
divitiū de-
claratur
pulcro si-
mili S.
Ephrem.

dices, quis mihi det vesperam? Et vesperi, quis mihi det mane? propter cordis tui formidinem qua terreberis.

§. 11.
*Aliud si-
mile S. Io-
annis Chry-
sostomi.*

Alio simili rem declarat S. Joannes Chrysof. hom. 69. in S. Matth. Supponit autem aphorismum medicorum, Galeni & Hippocratis; qui dicunt; Contingit aliquando, ut externo corpore ægrotantis mirifice temperato, intus exæstuet febris in medullis. Ita, inquit S. Chrysof. cit. *Et si multi, mille voluptatibus abundare videantur, quamvis delectationum flumina illis adesse credantur, multis tamen amarissimis telis perfossi, plerumque jacent.* Confirmat S. Ambr. l. 1. Off. c. 12. *Peccator quamvis foris abundet, deliciis diffuat, odoribus fragret, in amaritudine animæ vitam exigit.* Videtis gaudia & recreationes peccatoris &c. Interrogate conscientiam ejus. Nonne gravius fœtet omnibus sepulcris? Intueris lætitiā? introspecte Ulcera, & vibices animæ ejus, cordisque mœstitudinem. Nil invenies nisi turbatum, & inquietum mare, & scatens vermibus, inter quos, impossibile est, ut habeatur verum gaudium. Terribilis est phrasis S. Thomæ Aquin. l. 5. de erudit. Pr. c. 3. *Qui in mortali est, in statu latronis est, infernali patibulo adjudicatus.*

§. 12.
*Speculum
vite impie,
fuit impius
Saul.*

Impiissimus Saul fuit expertus; & quid deesse potuit ditissimo Regi ad exteriorem felicitatem? cui integri obediebant exercitus? in cujus ærario regii erant thesauri? cui aurea supellex? palatia pulcherrima, vina delicata, cibi exquisitissimi, verbo, Rex fuit Jerosolymæ: *Sed Spiritus Domini malus* identidem *arripiebat Saul.* 1. Reg. 16. v. 23. quem Cajetanus ita describit; Ubi interveniebat duplex passio; altera corporis in motu Spiritus melancholici, mali, id est, nocivi. Altera animi, quoniam ex motis spiritibus melancholicis formabantur in internis sensibus apparitiones extorrentes Saulem; ut tandem perierit animæ suæ, ut moreretur, imò se ipsum interemerit! Hoc subinde efficit spiritus malus sive malus dæmon, ut inordinatos amatores creaturarum, & peccatores illis timoribus exagitet, cogitationes eorum ita turbet, ita inquietet, ut, etiam ditissimi, felicissimi, nobilissimi violentas sibi inferant manus.

Tragi-

Tragicam historiam refert S. Petrus Dam. l. 2. ep. 15. Cum ^{§ 12.} piissimus aliquis Episcopus (non meminit nominis, locum quo- ^{Tragica mors Je-} que dissimulat) ad ripam fluminis expectaret cymbam, vidit ap- ^{lesi Cleri-} properantem in equo Clericum magno impetu ruentem in profundum aquæ. Is Jussu Episcopi, detentus à famulis, exclamavit, quiescite quæso, dimittite me, recedite, quia jussio Regis urget. non est res, quæ differri possit in posterum, Mysterium Regis instat, inevitabilis necessitas imperat. Violenter tamen detractus ab Episcopo deductus fuit in hospitium, in quo dum nocte agitated ab internis furiis, reperit dolium plenum aqua, *in illud caput immergens, suus ipse tortor effectus, se fataliter enecuit.* Bonus Jesus custodiat omnes à tam malo spiritu.

Nostrum est Auditores, ne nimio & inordinato amore erga creaturas, erga divitias, &c. demus occasionem talibus timoribus, talibus anxietatibus, talibus furiis. De Moyse puero refertur, quod cum Pharaon illi colludens regiam illi imposuisset coronam. Puer videns imaginem idoli in corona, eam ad pedes suos dejecerit & conculcaverit. Hoc faciamus Auditores, cogitemus, quod dum nobis mundus colludit, illudit; spernamus ejus blandimenta, quæ secum trahunt tot tormenta; honorum coronæ sunt ornatae idolis: injurius est Deo, injurius sibi metipsi, qui non cum Moyse hæc diademata contemnit, calcit execratur. De S. Martina V. M. cujus hodie festum, celebramus, dicitur, quod in agone voce cœlesti fuerit invitata ad cœlum. Vultis & vos eo evocari? terram dimittite, dimittite quidquid cœlum nobis auferre potest: dimittite, quidquid auream mentis quietem conturbare valet; dicite cum Psalte regio, mihi autem adhærere Deo bonum est, non mundi opibus, non cruentis illis sanguisugis, non illis barbaris animorum lictoribus, non curis mundi atque angustiis; sed soli, in quo solo, sola ac vera quies est, Deo soli, in quo solo est vera tranquillitas, amorì Divino.



CONCIO X.

DOMINICA SEPTUAGESIMÆ.

Exiit conducere operarios in vineam suam.

Matt. 20. cap. v. 1.

SYNOPSIS CONCIONIS.

Adducit graves aliquot rationes, & causas, ex parabola Evangelii, de Operariis in vinea, ob quas planè improbabile est, (imo erroneum & hæresis) solam fidem sine operibus sufficere, ad obtinendum denarium, sive mercedem æternæ gloriæ.

- | | |
|---|--|
| §. 1. Pestilentissima hæresi solam fidem sufficere ad salutem, opponitur Parabola hodierni Evangelii. | §. 7. Elegans testimonium S. Eugenii. |
| §. 2. Prosopopœia pigri operarii, ad herum suum. | §. 8. Alia Prosopopœia, non pigritantum, sed nequam operarii. |
| §. 3. Similis Prosopopœia alicujus Lutherani ad Christum D. Iudicem. | §. 9. Prosopopœia nequam Lutherani ad Christum D. |
| §. 4. Præcipua Adversariorum objectio S. Paulo. | §. 10. Pœnitentia Davidis, non fuit tantum verbalis, sed actiosa: talis debet esse fides nostra. |
| §. 5. Quæ post præiores bina Prosopopœia, alia tertia ex sacra pagina exornantur. | §. 11. Doctrina Lutheri tribuit sceleribus magnam impunitatem. |
| §. 6. Non soli flores, sed etiam fructus faciunt arborem bonam. | §. 12. Denarius æternæ gloriæ, non est purum donum, sed præmium. |
| | §. 13. Piissima adhortatio S. Hieronymi ad Demetriadem. |

Here--

Hæresis & error hoc tempore periculosissimus; & causa, origo atque noxia radix gravissimorum scelerum; & quod inde sequitur, ruina (heu dolor) plurimarum animarum, est illa doctrina, quæ docet, solam fidem in Christum, exclusis operibus bonis, sufficere ad salutem. Terte S. Aug. l. de fide & operibus cap. 14. hæc hæresis non est nova, sed incepit tempore Apostolorum, eo quod aliqui non intellexerint dicta aliqua S. Pauli; quæ causa fuit, cur aliqui Apostoli, S. Petrus, S. Joannes, S. Jacobus, S. Judas, contra tales interpretes scripserint suas epistolas, quas proinde etiam moderni hæretici ferre non possunt. Talis interpretes S. Pauli fuit Euphrosinus, de quo S. Aug. de hæresibus cap. 54. scribit; *Fertur usque adeo fuisse bonis moribus inimicus, ut asseveraret, quod nihil cuiquam obesset, quorumlibet perpetratio, & perseverantia peccatorum, si hujus quæ ab illo docebatur, fidei particeps esset.* De aliquibus hæreticis sui temporis ait S. Hieron. in c. 4. Osee. *Per dulces sermones decipiunt infelices. Cum enim viderint aliquos delinquentes, ajunt; Nihil aliud quarit Deus nisi fidei veritatem, quam si custodieritis, non curat quid agatis.* Hæc hæreses renovavit Lutherus in suo libro de capt. Babyl. *Non alia via potest cum Deo homo convenire, aut agere, nisi per fidem; opera ille nihil curat. Tam dives est Christianus, ut non possit perire, etiamsi velit, quantumcunque male vivat, nisi nolit credere.* Addit operando nos derogare gloriæ Dei & meritis Christi Salvatoris. Pestilentem & execrandam hanc doctrinam, ad cujus solummodo verba, multorum horrent aures, aliqui mitigant, dum dicunt, opera bona non quidem mereri vitam æternam, requiri tamen, ut testimonia & ornamentum veræ fidei in Christum D. His hæreticis semper acriter se opposuit Ecclesia Catholica, ut rupes immobilis, præsertim in ult. Concilio Trident. sess. 6. can. 9. *si quis dixerit sola fide impium justificari, ita ut intelligat, nihil aliud requiri, anathema sit.* can. 19. *Si quis dixerit nihil præceptum esse in Evang. præter fidem, cetera esse indifferentia, neque præcepta, neque prohibita, sed libera, anathema sit.* can. 20. *Si quis dixerit hominem tantum obligatum esse ad credendum &c. anathema sit.* Est ma-

§. i.
Pestilen-
tissima hæ-
resi solam
fidem suf-
ficere ad
vitam æt.
opponitur
parabola
hodierni
Evangelii.

teria latissima. Ego hac Conc. ex parabola hod. Evang. afferam graves aliquot rationes, quas si homo prudens absque tamen passionum præjudicio bene perpenderit spero me per Dei gratiam effecturum, ut saltem judicet, Rationi conformius esse, Eriam ad fidem pia opera requiri. Vos me id probantem tantisper attendite.

§ 2.
*Propheta
quia pigri
operarii ad
herum
suum.*

Quid putatis Auditores? si quis operarius ex vinea vespere rediret domum, & diceret Patri familias; Domine, ego tota hodierna die fui in vinea tua; sed fateor veritatem, nihil laboravi; ob ardores solis aliquot horis sub umbra delitui, quievi, dormivi; reliquum verò tempus fabulando consumpsi; proinde propter laborem meum, denarium sive mercedem exigere non possum. Nihilominus Domine mi! quia credo vineam hanc pertinere ad te, quia credo te illius esse Dominum & quod ipse magno labore, & magnis expensis illam plantaveris; præterea, quia dum vocasti me ad vineam tuam, saltem comparui, & tota die in illa mansi; potissimum verò, quia mitis, bonus & liberalis es Dominus; his titulis exigo mercedem. Si inter meos Auditores præsens est aliquis A catholicus, sine felle, sine bile, rogo, ut germano & candido pectore respondeat, quid tali operario vel famulo responderet. Ni fallor, dicet mecum, talis servus dignus est stipite, non mercede.

§ 3.
*Similis propheta
propheta
alienigenus
Luth. vni
ad Chri
stum D. Ju
dicem.*

Sed nisi etiam in hoc fallor, puto ego, aliquem A catholicum, qui credit, solam fidem in Ecclesia Christi sufficere ad salutem, sine alio labore, aliave cooperatione, similibus plane verbis aliquando dicturum in vespere vitæ, in agone supremo ad Christum D. Judicem: Domine Clementissime, annis viginti vel triginta vixi in vinea tuæ Ecclesiæ; fui Christianus; baptizatus sum in nomine Patris, Filii, & Spiritus S. magni deinde feci fidem & Verbum tuum Divinum: hoc tamen fateor, non laboravi; in ardoribus concupiscentiæ quievi sub Roseto Veneris & Vanitatis. De bonis operibus non fui sollicitus. non laboravi de jejunio; non de mortificatione carnis, non de observatione mandatorum Dei; doctus fui, hanc humanæ sensualitati esse impossibilem, illa non esse necessaria; proinde etiam hoc

hoc titulo non peto regnum cœlorum, sed Domine, quia in te credidi, fui vocatus, & veni ad vineam tuam; vixi in illa tot annis, in quâ tu triginta tribus annis laborasti, in laboribus & doloribus à juventute tua; fui in vinea, quam tu rigasti sanguine tuo; scio præterea, & credo, quia miscrator es, & multum misericors; misericordiarû tuarum non est numerus; Salvator mi, memento te pro me in Cruce esse mortuum; his titulis mi Jesu peto vitam æternam. Nunquid sum pius Lutheranus? sic Lutherus solitus fuit orare; sic hæc verba sonant, absit verum à me hæc infelicitas longissimè; refero tantum illorum verba; in corde aliter sentio; quia certus sum, Dominum dicturum, Matt. 20. v. 15. *Serve nequam &c.*

Binæ hæc pro popo pœciæ illustrari possunt alia, ex sacris literis; sed moneo prius de testimonio S. Pauli, quo A catholicici præcipuè gloriântur, sumptum esse illud ex epistola ad Rom. c. 4. v. 3. quod sic habet; *Si Abraham ex operibus justificatus est, habet gloriam, sed non apud Deum; quid enim dicit scriptura Gen. 15. v. 6. Credidit Abraham Deo, & reputatum est illi ad justitiam. v. 23. addit. Non est autem scriptum tantum propter ipsum, quia reputatum est illi ad justitiam, sed & propter nos, quibus reputabitur credentibus. Capite priori, id est 3. ad Rom. clarius adhuc fuit locutus, v. 24. Iustificati gratis per gratiam ipsius, per redemptionem, quæ est in Christo Iesu, &c. ex fide Iesu Christi.* & quis reprehendere poterit Lutheranos, quod utantur verbis S. Pauli, & sequantur ejus doctrinam? Postquam S. Augustinus in præf. super ps. 31. verbis S. Pauli opposuit verba S. Jacobi cap. 2. v. 20. *Vis autem scire, O homo inanis, quoniam fides sine operibus mortua est? Abraham Pater noster, nunquid ex operibus justificatus est, offerens Isaac filium suum super altare? his positis ait S. Aug. aliqui libenter malè intellexerunt S. Paulum, ne bona opera sequerentur. Fuerunt homines carnales, & sensuales, o fores arduæ virtutis, effeminati, brutalibus passionibus, qui ut sine fræno ruerent in omne scelus, doctrinam pessimam verbis S. Pauli palliarunt; Itaque hos voluit corrigere S. Jacobus, qui nolebant bene operari, de sola fide præsumentes, & ideo ejusdem Abraha opera commendavit, cujus Paulus fidem.*

§. 4.
Præcipua
Adversariorum
ob-
jectio ex S.
Paulo.

Et non sunt sibi adversi Apostoli. Nolo modo adducere plurima gravissima testimonia sacrae scripturae, quae de necessitate dilectionis, observationis mandatorum, & bonorum operum, aequè loquuntur clarè atque de necessitate fidei. Apud nos Catholicos utrumque requiritur. In quo saltem nos Romano-Catholici sumus feliciores, ditiores, & tutiores, quam sint Lutherani: habemus enim fidem, sed & insuper caritatem, fiducia in Christum ejusque merita gloriamur, sed non ideo nostras quoque virtutes aliaque bona opera negligimus. Jam ad alteram cujus ante memini prosopopœiam accedo.

§. 5.
Qua possum
prioris
duo profo.
populi alia
tertia ex
sacra pagi-
na exor-
manitur.

Si Abraham, cum Dominus in mandatis ei dedit ut immolaret sibi filium suum Isaac, si inquam Abraham dixisset in corde suo. Credo, quod Dominus hoc imperet; audiivi Verbum loquentis Domini, & veneror illud, quia servus illius sum. Sed ut hoc faciam, ut re ipsa obediam præcepto tam difficili, & arduo, ut re ipsa educam filium meum Isaac in montem, ut imponam illum altari, hæc omnia necessaria non sunt: jam ante Deus Gen. 22. v. 18. mihi promisit, in semine meo benedicendas omnes gentes, ab illo scilicet, quem missurus est, ut salvet populum suum: hoc credo, de reliquo vivat filius meus Isaac; salvabit nos Dominus etiam si ipso opere præcepto Domini non obediam, modo credam. Iterum quæro ex aliquo Acatolico, ut germano pectore sententiam ferat, utra fides præstet? Talis, si non voluisset offerre filiū suum, an vero illa, quam laudat sacra scriptura, quod re ipsa statim surrexerit, quod educerit filium suum, quod straverit asinam ad exitum in montem, quod viam una cum Isaaco famulisque inierit; quod ad tale ac tantum sacrificium se omnibus modis compararit; quod montem sibi, filioque fatalem futurum conscenderit, quod in eo lignorum struem composuerit, quod oculos Isaaci sindone obvelarit, quod ferrum strinxerit, quod feralem ictum etiam librarit! dicite, an non hæc universa præstent, sola in Deum, Dei-que mandatum fide; siueullo obsequundi decreto, sine ipso ad executionem præcepti apparatu? Huic similis fides Lutheranorum; nostra posteriori; id est, fidei Abrahami; Præter fidem requi-

requirimus opera; præter flores in arbore, fructus quoque expectamus.

Cap. 7. Cant. v. 12. Sponsa sponsum invitat ad vineam; *Veni dilecte mi, egrediamur in agrum, commoremur in villis. Mane surgamus ad vineas, videamus si floruit vinea, si flores fructus parturiunt.* s. 6.
Non soli
flores, sed
fructus fa-
ciunt ar-
borem bo-
nam. Ex hoc loco advertere possumus esse duplicis generis vites. quædam florent, sed flores decidunt, antequam mature-
scent in fructu. vel aduruntur pruina, vel nimio calore solis decoquuntur, vel corroduntur à vermibus, vel decutiuntur à ventis.

Alia vitis est, quæ non tantum floret; sed suo tempore parturit fructus. Contingit frequentissimè; ut dum mense Junio vineam aliquam ingredimur, innumeros videamus flores, in mense verò Septembri paucissimas uvas; non puto esse opus quærere, quænam vinea sit melior? dicent omnes; illa est sterilis, hæc fecunda, proinde melior. Ultra ergo fides etiam erit excellentior? Qui solâ innituntur fide, fateor, vineæ sunt Christi, sed vineæ steriles, vineæ florentes tantum. Sed quid sine fructu flores? crede mihi, ex floribus non extorquetur vinum, ex solâ fide, non exprimitur meritum. Et florere simul, & uvas proferre atque ad maturitatem perducere, necesse est. Breviter S. Bernardus ser. 51. in Cant. *Fides sine operibus mortua est; sicut inutiliter quoque flos apparet, ubi non sequitur fructus.*

Ut bene dixerit, S. Eugenius in l. 4. reg. *Fides & opera vinculo sibi quodam indissolubili connectuntur, ubi enim una defuerit, altera penitus non stabit.* s. 7.
Elegant te-
stimonium
S. Eugonii. Advertite vinculum. ad Eph. ait S. Paulus c. 3. 17. *Christum habitare per fidem in cordibus nostris.* 1. Joann. 4. v. 16. dicitur; *Qui manet in charitate, in Deo manet, & Deus in eo.* Ecce vinculum. 2. Petr. 1. v. 10. *satagite, ut per bona opera certam vestram vocationem & electionem faciatis; hæc enim facientes non peccabitis aliquando.* Ecce vinculum. de Maria Magd. ait Christus D. *remittuntur ei peccata multa, quoniam dilexit multum,* &c. Luc. 7. v. 47. & v. 50. *Fides tua te salvam fecit.* Adverte si placet Christus D. & ejus bonitas! ejus misericordia! ejus merita, Magdalena! & ejus fides! ejus dolor, ejus lacrymæ! ejus oscula! ejus balsamum, &c. omnia simul, colligata faciunt

scimus, vel non cogitamus, quod in cordibus illorum habitent serpentes. Exclamamus beatos, qui excelsum dignitatis fastigium conscenderunt; & ignoramus, quod ceu solem umbra, ita honorem comitentur timores. nolim ego tantillos honorum fumos, tanto curarum, dolorum ac sollicitudinum præmio coemere. Gratulamur sæpius illis, quibus lautior fortuna opiparam quotidie mensam instruit, qui fruuntur hujus mundi deliciis, & non perpendimus, inter mensarum lautitias, etiam inferri animæ angustias; non cogitamus inter ferculorum apparatus etiam animorum consistere cruciatus.

§. 8.
Confirmatur ex c. 24. Jobi, divitiæ, deliciae, sunt vermes.

Videtur hoc voluisse insinuare S. Job. c. 24. 22. *Dulcedo illius vermes*, id est, divitiæ divitis in quibus delectatur sunt vermes; voluptates sunt vermes; præsertim si cum peccatis mortalibus connexæ sunt. Quia verò natura vermium est, inquit S. Greg. M. l. 16. mor. c. 29. *Momentis singulis incessanter moveri*, hinc fit ut cor impii instar maris, à ventis variarum cogitationum continuo moveatur & turbetur continuo. Hinc *non est pax impiis, dicit dominus*. Is. 57. v. 21. Septuaginta legunt, *Non est gaudere impiis*. S. Hieron. *Impiorum nullum est gaudium, & nulla parte requiescunt*. Hominem iracundum S. Joannes Chrysost. hom. 41. in acta, his verbis alloquitur. *O pœnas! cur perseveras in ira, ut semper te punias, semper te flagellas? Quare bestiam in viscera tua includis? melius esses viperam, vel serpentem in corde positum esse quam iram*. Quis prohibebit, quo minus utar his verbis & dicam, O filii hujus sæculi! O avari! quid perseveratis in amore inordinato divitiarum; Itane vosmetiplos odio prosequimini? itane vos in vastissimum curarum labyrinthum ex quo vix unquam licebit evadere, confertis? itane miseri in tenebricosos timorum, dolorum, ac suspicionum carceres vosmet ultro conjicitis? Quid vobis proderunt, deliciae, tot inter angustias? quid una rosula, mille stipata spinis, mille dolorum aculeis circumdata?

§. 9.
S. Augustinus
num pro a-
liis:culo

Super versum 20. psalmi 36, *quia peccatores peribunt*, S. Augustinus facit mentionem alicujus hæretici Donatistæ, qui tandem relictis sociis, venit ad Catholicos, cum magna spe, se pro-

mo-

movendum propterea ad magnas dignitates; sed quia id non contigit, in tantam incidit tristitiam, ut S. August. dicat, *Gemebat saucius, & non consolabatur, erant enim in conscientia ejus equulei horribiles, taciti, sive occulti. Videbamus & dolebamus vehementer, Deus scit, tantam pœnam anima, tantas cruces, tantas gehennas, tanta tormenta.* Ostendite vos mihi Aud. aliquem hominem, qui, ut S. Paulus loquitur, vult dives fieri, quibuscunque mediis. Ostendite mihi aliquem arrogantem, vel adolescentem, qui ingreditur per semitam voluptatum; ostendam ego vobis hominem, qui sæpe gemit, quem sæpe nemo consolari potest; ostendam vobis adolescentem in cujus conscientia latent horribiles equulei, acutissimæ spinæ, tormenta acerbissima, vermes diu noctuque corrôdentes, &c. verbo, ostendam vobis tempestuosum oceanum. His adjungo pulcrum dictum ejusdem S. Aug. l. 3. contra literas Petiliani. *Si conscientiam mordet veritas criminis, quid illi prodest, si laudetur à mundo, si sit dives &c. Hac enim merè externum est, illud intimum.* In corde habitant serpentes.

Pulcherrimum simile reperi apud S. Ephrem Syrum quo explicat miseram vitam alicujus mundani hominis. *Omnis mundana & profana voluptas ait in amaram conscientiam conjecta quasi parva mellis stilla est, in absynthis dolium refusa.* Quid quæso sunt divitiæ, quid voluptates in homine, cujus conscientia est plena felle & absynthio? sunt melleum aliquod, sed non pelagus, sunt guttulæ tantum mellis, quæ interiorē amaritudinem tollere non possunt. Ideo impius ille ait apud Jobum c. 7. v. 13. *Si dixerō, consolabitur me lectulus meus; terrebis me per somnia, & per visiones horrore concuties;* quia, ut ait S. Joannes Chrysost. hom. 20. in gen. *Perpetua in animo ejus tempestas est, & reciprocantes ac contrarii fluctus. Insuper neque somnus ei suavis, sed & terrore, & formidine plenus.* Sic implentur minæ divinæ, propositæ populo, per Moysen Deuter. c. 28. v. 65. *Non quiesces. Dabit enim tibi Dominus cor pavidum, & deficientes oculos, & animum consumptum mœrore, & erit vita tua quasi pendens ante te (Glossa Interl. quasi in Cruce.) Timebis nocte & die, & non credes vita tua.* Mane dices,

proponit
Hereticum
aliquem
Donati-
stam, mi-
serè affli-
ctum.

S. 10.
Amaritan-
do in corde
divitiū de-
claratur
pulcro si-
mili S.
Ephrem.

dices, quis mihi det vesperam? Et vesperi, quis mihi det mane: propter cordis tui formidinem qua terreberis.

§. 11.
Aliud simile S. Ioannis Chrysostomi.

Alio simili rem declarat S. Joannes Chrysost. hom. 69. in S. Matth. Supponit autem aphorismum medicorum, Galeni & Hippocratis; qui dicunt; Contingit aliquando, ut externo corpore ægrotantis mirifice temperato, intus exæstuet febris in medullis. Ita, inquit S. Chrysost. cit. *Et si multi, mille voluptatibus abundare videantur, quamvis delectationum flumina illis adesse credantur, multis tamen amarissimis telis perfossi, plerumque jacent.* Confirmat S. Ambr. l. 1. Off. c. 12. *Peccator quamvis foris abundet, deliciis diffuat, odoribus fragret, in amaritudine animæ vitam exigit.* Videtis gaudia & recreationes peccatoris &c. Interrogate conscientiam ejus. Nonne gravius fœtet omnibus sepulcris? Intueris lætitiā? introspice Ulcera, & vibices animæ ejus, cordisque mœstitudinem. Nil invenies nisi turbatum, & inquietum mare, & scatens vermibus, inter quos, impossibile est, ut habeatur verum gaudium. Terribilis est phrasis S. Thomæ Aquin. l. 5. de erudit. Pr. c. 3. *Qui in mortali est, in statu latronis est, infernali patibulo adjudicatus.*


§. 12.
Speculum vitæ impiæ, fuit impius Saul.

Impiissimus Saul fuit expertus; & quid deesse potuit ditissimo Regi ad exteriorē felicitatem? cui integri obediebant exercitus? in cujus ærario regii erant thesauri? cui aurea supellex? palatia pulcherrima, vina delicata, cibi exquisitissimi, verbo, Rex fuit Jerosolymæ! *Sed Spiritus Domini malus* identidem *arripiebat Saul.* 1. Reg. 16. v. 23. quem Cajetanus ita describit; Ubi interveniebat duplex passio; altera corporis in motu Spiritus melancholici, mali, id est, nocivi. Altera animi, quoniam ex motis spiritibus melancholicis formabantur in internis sensibus apparitiones extorrentes Saulem; ut tandem perierit animæ suæ, ut moreretur, imò se ipsum interemerit! Hoc subinde efficit spiritus malus sive malus dæmon, ut inordinatos amatores creaturarum, & peccatores illis timoribus exagitet, cogitationes eorum ita turbet, ita inquietet, ut, etiam ditissimi, felicissimi, nobilissimi violentas sibi inferant manus.

Tragi-

Tragicam historiam refert S. Petrus Dam. l. 2. ep. 15. Cum § 13.
 piissimus aliquis Episcopus (non meminit nominis, locum quo- *Tragica*
 que dissimulat) ad ripam fluminis expectaret cymbam, vidit ap- *mors seu-*
 properantem in equo Clericum magno impetu ruentem in *lesti Cleri-*
 profundum aquæ. Is Jussu Episcopi, detentus à famulis, ex-
 clamavit, quiescite quæso, dimittite me, recedite, quia jussio
 Regis urget. non est res, quæ differri possit in posterum, My-
 sterium Regis instat, inevitabilis necessitas imperat. Violen-
 ter tamen detractus ab Episcopo deductus fuit in hospitium, in
 quo dum nocte agitatus ab internis furiis, reperit dolium ple-
 num aqua, *in illud caput immergens, suus ipse tortor effectus, se fe-*
raliter enecuit. Bonus Jesus custodiat omnes à tam malo spi-
 ritu.

Nostrum est Auditores, ne nimio & inordinato amore er- § 14.
 ga creaturas, erga divitias, &c. demus occasionem talibus timo- *Epilogus.*
 ribus, talibus anxietatibus, talibus furiis. De Moyse puero re-
 fertur, quod cum Pharaon illi colludens regiam illi imposuisset
 coronam. Puer videns imaginem idoli in corona, eam ad pedes
 suos dejecerit & conculcaverit. Hoc faciamus Auditores,
 cogitemus, quod dum nobis mundus colludit, illudit; sperna-
 mus ejus blandimenta, quæ secum trahunt tot tormenta; hono-
 rum coronæ sunt ornatae idolis: injurius est Deo, injurius sibi-
 metipsi, qui non cum Moyse hæc diademata contemnit, calcat
 execratur. De S. Martina V. M. cujus hodie festum, celebra-
 mus, dicitur, quod in agone voce cœlesti fuerit invitata ad cœ-
 lum. Vultis & vos eo evocari? terram dimittite, dimittite
 quidquid cœlum nobis auferre potest: dimittite, quidquid au-
 ream mentis quietem conturbare valet; dicite cum Psalte re-
 gio, mihi autem adhærere Deo bonum est, non mundi opibus,
 non cruentis illis sanguisugis, non illis barbaris animorum li-
 citoribus, non curis mundi atque angustiis; sed soli, in quo solo,
 sola ac vera quies est, Deo soli, in quo solo est vera tran-
 quillitas, amor Divino.



CONCIO X.

DOMINICA SEPTUAGESIMÆ.

Exiit conducere operarios in vineam suam.

Matt. 20. cap. v. 1.

SYNOPSIS CONCIONIS.

Adducit graves aliquot rationes, & causas, ex parabola Evangelii, de Operariis in vinea, ob quas planè improbabile est, (imo erroneum & hæresis) solam fidem sine operibus sufficere, ad obtinendum denarium, sive mercedem æternæ gloriæ.

- | | |
|--|--|
| §. 1. Pestilentissima hæresis solam fidem sufficere ad salutem, opponitur Parabola hodierni Evangelii. | §. 7. Elegans testimonium S. Eugenii. |
| §. 2. Prosopopœia pigri operarii, ad herum suum. | §. 8. Alia Prosopopœia, non pigritantum, sed nequam operarii. |
| §. 3. Similis Prosopopœia alicujus Lutherani ad Christum D. ludicem. | §. 9. Prosopopœia nequam Lutherani ad Christum D. |
| §. 4. Præcipua Adversariorum objectio ad S. Paulo. | §. 10. Pœnitentia Davidis, non fuit tantum verbalis, sed actiosa: talis debet esse fides nostra. |
| §. 5. Quæpositæ priores bina Prosopopœia, alia tertia ex sacra pagina exornantur. | §. 11. Doctrina Lutheri tribuit sceleribus magnam impunitatem. |
| §. 6. Non soli flores, sed etiam fructus faciunt arborem bonam. | §. 12. Denarius æternæ gloriæ, non est purum donum, sed præmium. |
| | §. 13. Piissima adhortatio S. Hieronymi ad Demetriadem. |

Here-

Hæresis & error hoc tempore periculosissimus; & cau-
 sa, origo atque noxia radix gravissimorum scelerum;
 & quod inde sequitur, ruina (heu dolor) plurimarum
 animarum, est illa doctrina, quæ docet, solam fidem
 in Christum, exclusis operibus bonis, sufficere ad salutem. Te-
 ste S. Aug. l. de fide & operibus cap. 14. hæc hæresis non est no-
 va, sed incepit tempore Apostolorum, eo quod aliqui non in-
 tellexerint dicta aliqua S. Pauli; quæ causa fuit, cur aliqui Apo-
 stoli, S. Petrus, S. Joannes, S. Jacobus, S. Judas, contra tales in-
 terpretes scripserint suas epistolas, quas proinde etiam moder-
 ni hæretici ferre non possunt. Talis interpres S. Pauli fuit Eu-
 nomius, de quo S. Aug. de hæresibus cap. 54. scribit; *Fertur*
usque adeo fuisse bonis moribus inimicus, ut asseveraret, quod nihil
cuiquam obesses, quorumlibet perpetratio, & perseverantia peccato-
rum, si hujus quæ ab illo docebatur, fidei particeps esset. De aliqui-
 bus hæreticis sui temporis ait S. Hieron. in c. 4. Osee. *Per dul-*
ces sermones decipiunt infelices. Cum enim viderint aliquos delin-
 quentes, ajunt; *Nihil aliud quarit Deus nisi fidei veritatem, quàm si*
custodieritis, non curat quid agatis. Has hæreses renovavit Lu-
 therus in suo libro de capt. Babyl. *Non alia via potest cum Deo*
homo convenire, aut agere, nisi per fidem; opera ille nihil curat.
Tam dives est Christianus, ut non possit perire, etiamsi velit, quan-
tumcunque male vivat, nisi nolit credere. Addit operando nos
 derogare gloriæ Dei & meritis Christi Salvatoris. Pestilen-
 tem & execrandam hanc doctrinam, ad cujus solummodo ver-
 ba, multorum horrent aures, aliqui mitigant, dum dicunt, ope-
 ra bona non quidem mereri vitam æternam, requiri tamen, ut
 testimonia & ornamentum veræ fidei in Christum D. His hæ-
 reticis semper acriter se opposuit Ecclesia Catholica, ut rupes
 immobilis, præsertim in ult. Concilio Trident. sess. 6. can. 9.
si quis dixerit sola fide impium justificari, ita ut intelligat, nihil aliud
requiri, anathema sit, can. 19. Si quis dixerit nihil præceptum esse in
Evang. præter fidem, cetera esse indifferentia, neque præcepta, neque
prohibita, sed libera, anathema sit. can. 20. Si quis dixerit homi-
nem tantum obligatum esse ad credendum &c. anathema sit. Est ma-

s. i.
 Pestilen-
 tissima hæ-
 resis solam
 fidem suffi-
 cere ad
 vitam æt.
 opponitur
 parabola
 hodierni
 Evangelii.

teria latissima. Ego hac Conc. ex parabola hod. Evang. afferam graves aliquot rationes, quas si homo prudens absque tamen passionum præjudicio bene perpenderit spero me per Dei gratiam effecturum, ut saltem judicet, Rationi conformius esse, Etiam ad fidem pia opera requiri. Vos me id probantem tantisper attendite.

§. 2.
*Pro popo
pœia pigri
operarii ad
herum
sum.*

Quid putatis Auditores? si quis operarius ex vinea vesperi rediret domum, & diceret Patri familias; Domine, ego tota hodierna die fui in vinea tua; sed fateor veritatem, nihil laboravi; ob ardores solis aliquot horis sub umbra delitui, quievi, dormivi; reliquum verò tempus fabulando consumpsi; proinde propter laborem meum, denarium sive mercedem exigere non possum. Nihilominus Domine mi! quia credo vineam hanc pertinere ad te, quia credo te illius esse Dominum & quod ipse magno labore, & magnis expensis illam plantaveris; præterea, quia dum vocasti me ad vineam tuam, saltem comparui, & tota die in illa mansi; potissimum verò, quia mitis, bonus & liberalis es Dominus; his titulis exigo mercedem. Si inter meos Auditores præsens est aliquis A catholicus, sine felle, sine bile, rogo, ut germano & candido pectore respondeat, quid tali operario vel famulo responderet. Ni fallor, dicet mecum, talis servus dignus est stipite, non mercede.

§. 3.
*Similis pro-
popo pœia
alicujus
Luth. rani
ad Chri-
stum D. Ju-
dicem.*

Sed nisi etiam in hoc fallor, puto ego, aliquem A catholicum, qui credit, solam fidem in Ecclesia Christi sufficere ad salutem, sine alio labore, aliave cooperatione, similibus plane verbis aliquando dicturum in vespere vitæ, in agone supremo ad Christum D. Judicem: Domine Clementissime, annis viginti vel triginta vixi in vinea tuæ Ecclesiæ; fui Christianus; baptizatus sum in nomine Patris, Filii, & Spiritus S. magni deinde feci fidem & Verbum tuum Divinum: hoc tamen fateor, non laboravi; in ardoribus concupiscentiæ quievi sub Roseto Veneris & Vanitatis. De bonis operibus non fui sollicitus. non laboravi de jejunio; non de mortificatione carnis, non de observatione mandatorum Dei; doctus fui, hanc humanæ sensualitati esse impossibilem, illa non esse necessaria; proinde etiam

hoc

hoc titulo non peto regnum cœlorum, sed Domine, quia in te credidi, fui vocatus, & veni ad vineam tuam; vixi in illa tot annis, in quâ tu triginta tribus annis laborasti, in laboribus & doloribus à juventute tua; fui in vinea, quam tu rigasti sanguine tuo; scio præterea, & credo, quia miserator es, & multum misericors; misericordiarum tuarum non est numerus; Salvator mi, memento te pro me in Cruce esse mortuum; his titulis mi Jesu! peto vitam æternam. Nunquid sum pius Lutheranus? sic Lutherus solitus fuit orare; sic hæc verba sonant, absit verum à me hæc infelicitas longissimè; refero tantum illorum verba; in corde aliter sentio; quia certus sum, Dominum dicturum, Matt. 20. v. 15. *Serve nequam &c.*

Binæ hæc pro populi illustrari possunt alia, ex sacris literis; sed moneo prius de testimonio S. Pauli, quo A catholici præcipuè gloriantur, sumptum esse illud ex epistola ad Rom. c. 4. v. 3. quod sic habet: *Si Abraham ex operibus justificatus est, habet gloriam, sed non apud Deum; quid enim dicit scriptura Gen. 15. v. 6. Credidit Abraham Deo, & reputatum est illi ad justitiam. v. 23. addit. Non est autem scriptum tantum propter ipsum, quia reputatum est illi ad justitiam, sed & propter nos, quibus reputabitur credentibus. Capite priori, id est 3. ad Rom. clarius adhuc fuit locutus, v. 24. Iustificati gratis per gratiam ipsius, per redemptionem, quæ est in Christo Iesu, &c. ex fide Iesu Christi.* & quis reprehendere poterit Lutheranos, quod utantur verbis S. Pauli, & sequantur ejus doctrinam? Postquam S. Augustinus in præf. super ps. 31. verbis S. Pauli opposuit verba S. Jacobi cap. 2. v. 20. *Vis autem scire, O homo inanis, quoniam fides sine operibus mortua est? Abraham Pater noster, nunquid ex operibus justificatus est, offerens Isaac filium suum super altare?* his positis ait S. Aug. *aliqui libenter malè intellexerunt S. Paulum, ne bona opera sequerentur.* Fuerunt homines carnales, & sensuales, ofores arduæ virtutis, effeminati, brutalibus passionibus, qui ut sine fræno ruerent in omne scelus, doctrinam pessimam verbis S. Pauli palliarunt; Itaque hos voluit corrigere S. Jacobus, qui volebant bene operari, de sola fide præsumentes, & ideo ejusdem Abraha opera commendavit, cujus Paulus fidem.

§. 4.
Præcipua
Adversariorum
ob-
jectio ex S.
Paulo.

Et non sunt sibi adversi Apostoli. Nolo modo adducere plurima gravissima testimonia sacræ scripturæ, quæ de necessitate dilectionis, observationis mandatorum, & bonorum operum, æquè loquuntur clarè atque de necessitate fidei. Apud nos Catholicos utrumque requiritur. In quo saltem nos Romano-Catholici sumus feliciores, ditiores, & tutiores, quam sint Lutherani: habemus enim fidem, sed & insuper caritatem, fiducia in Christum ejusque merita gloriamur, sed non ideo nostras quoque virtutes aliaque bona opera negligimus. Jam ad alteram cujus ante memini pro populi accedo.

§. 5.
*Quæ possem
 priore
 dñe profo.
 populi alia
 tertiam
 sacra pagi-
 nam exor-
 manit.*

Si Abraham, cum Dominus in mandatis ei dedit ut immolaret sibi filium suum Isaac, si inquam Abraham dixisset in corde suo. Credo, quod Dominus hoc imperet; audiivi Verbum loquentis Domini, & veneror illud, quia servus illius sum. Sed ut hoc faciam, ut re ipsa obediam præcepto tam difficili, & arduo, ut re ipsa educam filium meum Isaac in montem, ut imponam illum altari, hæc omnia necessaria non sunt: jam ante Deus Gen. 22. v. 18. mihi promisit, in semine meo benedicendas omnes gentes, ab illo scilicet, quem missurus est, ut salvet populum suum: hoc credo, de reliquo vivat filius meus Isaac; salvabit nos Dominus etiam si ipso opere præcepto Domini non obediam, modo credam. Iterum quæro ex aliquo Acatolico, ut germano pectore sententiam ferat, utra fides præstet? Talis, si non voluisset offerre filiū suum, an vero illa, quam laudat sacra scriptura, quod re ipsa statim surrexerit, quod educerit filium suum, quod straverit asinam ad exitum in montem, quod viam una cum Isaaco famulisque inierit; quod ad tale ac tantum sacrificium se omnibus modis compararit; quod montem sibi, filioque fatalem futurum conscenderit, quod in eo lignorum struem composuerit, quod oculos Isaaci sindone obvelarit, quod ferrum strinxerit, quod feralem ictum etiam librarit! dicite, an non hæc universa præstent, sola in Deum, Dei-que mandatum fide; siueullo obsequundi decreto, sine ipso ad executionem præcepti apparatu? Huic similis fides Lutheranorum; nostra posteriori; id est, fidei Abrahami; Præter fidem requi-

requirimus opera; præter flores in arbore, fructus quoque expectamus.

Cap. 7. Cant. v. 12. Sponsa sponsum invitat ad vineam; *Veni dilecte mi, egrediamur in agrum, commoremur in villis. Mane surgamus ad vineas, videamus si floruit vinea, si flores fructus parturiunt.* ^{s. 6. Non soli flores, sed fructum faciunt arboram bonam.} Ex hoc loco advertere possumus esse duplicis generis vites. quædam florent, sed flores decidunt, antequam mature-
scent in fructu. vel aduruntur pruina, vel nimio calore solis decoquuntur, vel corroduntur à vermibus, vel decutiuntur à ventis. Alia vitis est, quæ non tantum floret; sed suo tempore parturit fructus. Contingit frequentissimè; ut dum mense Junio vineam aliquam ingredimur, innumeros videamus flores, in mense verò Septembri paucissimas uvas; non puto esse opus quærere, quænam vinea sit melior? dicent omnes; illa est sterilis, hæc fecunda, proinde melior. Ultra ergo fides etiam erit excellentior? Qui solâ innituntur fide, fateor; vineæ sunt Christi, sed vineæ steriles, vineæ florentes tantum. Sed quid sine fructu flores? crede mihi; ex floribus non extorquetur vinum, ex solâ fide; non exprimitur meritum. Et florere simul, & uvas proferre atque ad maturitatem perducere, necesse est. Breviter S. Bernardus ser. 51. in Cant. *Fides sine operibus mortua est; sicut inutiliter quoque flos apparet, ubi non sequitur fructus.*

Ut bene dixerit, S. Eugenius in l. 4. reg. *Fides & opera vinculo sibi quodam indissolubili connectuntur, ubi enim una defuerit, altera penitus non stabit.* ^{s. 7. Elegans testimonium S. Eugenii.} Adverte vinculum. ad Eph. ait S. Paulus c. 3. 17. *Christum habitare per fidem in cordibus nostris* 1. Joann. 4. v. 16. dicitur; *Qui manet in charitate, in Deo manet, & Deus in eo.* Ecce vinculum. 2. Petr. 1. v. 10: *scitagite; ut per bona opera certam vestram vocationem & electionem faciatis; hac enim facientes non peccabitis aliquando.* Ecce vinculum. de Maria Magd. ait Christus D. *remittuntur ei peccata multa, quoniam dilexit multum,* &c. Luc. 7. v. 47: & v. 50. *Fides tua te salvam fecit.* Adverte si placet Christus D. & ejus bonitas! ejus misericordia! ejus merita, Magdalena! & ejus fides! ejus dolor, ejus lacrymæ! ejus oscula! ejus balsamum, &c. omnia simul, colligata faciunt

pulchrum compositum. Omnia requiruntur ad Justificationem non unum sine altero. S. Jac. ait 2.20. *Sicut corpus sine spiritu mortuum est, ita fides sine operibus mortua.* Ecce vinculum ex S. Paulo, cum nomen S. Jacobi non libenter audiant ad Gal. 5. v.6. *Nam in Christo Iesu, neque circumcisio aliquid valet, neque praputium: sed fides!* sile sanctissime Doctor, satis est, sufficit! non sufficit, nam addit, *sed fides, qua per charitatem operatur.* Charitas verò non potest esse sine operibus, connectuntur quodam vinculo: hoc bene; fides manere potest in homine sine charitate; sed non contra. Hæc est ociosa; illa actuosa. Et per utram obtinebimus regnum cœlorum? respondeant mihi prius adversarii ex parabola hœd. Evang. Uter operarius obtineat mercedem, an qui ocio per diem integrum somnoque indulgit, an qui in labores strenue fortiterque incubuit?

§. 8.
Alia Pro-
sopozia,
non tan-
tum pigri
sed nequam
operarii.

Quid dicetis Auditores de operario, qui vesperi redux domum ex vinea diceret hero; Domine, tota die fui in vinea tua, sed non tantum non laboravi; sed plantavi spinas, semina- vi tribulos & zizania; intuli multa saxa & petras, imò multas vitium radices infeci veneno, & scio propter hæc opera non sum meritis mercedem, exigo illam nihilominus aliis titulis. Domine credo vineam pertinere ad te; tu Dominus illius es; credo, quod me vocaveris ad illam, & veni, & comparui, & mansi integra die; credidi meo labore opus non esse, tu sæpius in illa laborasti; ideo da mihi mercedem; præterquam quod credam te esse optimum Dominum; quàm bonus es, ideo, à bonitate tua spero denarium. Iterum, voce quâ possum, compello germana pectora, & candidas linguas, ut proferant, quod sentiunt, an hi ultimi tituli sufficiant, ut ejusmodi mercenarius mercedem consequatur.

§. 9.
Prof. po-
peiane
quam Lu-
therani ad
Christum
D.

Ego verò candidè quæro, an aliquis Lutheranus, qui gravium scelerū reus est, ut fatentur se peccatores esse, imò omnia nostra esse sordida & peccata, & abominationem; cogitemus esse Lutheranū, qui est fornicator, adulter, avarus, superbus &c. Credit tamen in Deum & Christum D. cum hic sistetur supremo Judici, quæro an aliter loqui poterit, quàm hoc modo: Do-

mine

mine, venio ex vinea tuæ Ecclesiæ; fui Christianus, & baptizatus &c. sed quia fui assecla Lutheri, de proprio labore, de bonis operibus, de mortificatione carnis, de abnegatione concupiscentiarum, præsertim in corde, non fui sollicitus; imò negare non possum, cor meum laceratum est à variis spinis, agnosco, radicem fidei meæ esse infectam veneno variorum scelerum; fui scortator. Mandata tua, fateor, non observavi; neque enim potui; castitatem servare integram non potui, quia nullus potest; adulterium aliud ex alio commisi, saltem corde: corpori fœdas in voluptates largè admodum suas laxavi habenas: non illud jejuniis, non ciliciis, non flagellis, non humi cubationibus affixi, non illud castigavi cum Paulo, *nec in servitutem redegi*, 1. Cor. 9. v. 27. proinde peccatorem me fateor, & hoc quidem titulo, non est, quod cœlum à te exigam; imò sum, filius æt. damnationis. Sed Domine! Credidi me esse membrum tuæ Ecclesiæ; credidi te Deum meum; Credidi te laborasse & sudasse in vinea tua usque ad sanguinem, credidi te pro me esse mortuum. Scio præterea te esse Patrem misericordiarum &c. his titulis cupio intrare in regnum cœlorum. Quid putatis Auditores?

Si David Rex adulter & homicida, cum Nathan Prophe-
ta illū adduxisset in cognitionem scelerum, postquam verè pœ-
nituisse, postquam amaras & pias effudisset lacrymas, & post-
quam audivisset ex ore Nathan, *transtulit Dominus à te peccatum tuum*, 2. Reg. 12. v. 13. si deinde dixisset; Domine hoc credo, &
scio quia bonus es &c. proinde non est opus ut aliis operibus di-
vinæ Justitiæ satisfaciam, quid opus est, ut jejunem, ut mandu-
cem panem meum cum lacrymis, & in cinere quid opus ut tota
die contristatus incedam; quid opus ut affligens me affligam,
& precibus addam preces, lacrymas lacrymis, dolorem dolo-
ri; quid hisce opus est omnibus, nam si mihi clemens Dominus
per Nathan Prophetam, scelerum veniam adpromisit, occur-
vanis hisce mœroribus memet ultro conturbem? Advertis
credo qualis fuerit pœnitentia Davidis, seria, actuosa, severa,
opere ipso exercita. Advertitis credo qualis esse potuisset;

Alveus Tertius.

N

potuisset

5. 10.
Pœnitentia
Davidis,
non tan-
tum suis
verbalis
sed actuosa.
Taliter ef-
fectus debet ve-
ra fides.

potuisset dolere, at non respersum cineribus panem manducare; potuisset ingemiscere, at non aspero indui sacco pœnitentia; potuisset fragilitatem suam verbis appositis contestari, at nō jejunii corpus regium macerare: potuisset centies ingeminare, solenne illud suspirium, peccavi, iniquè egi, peccavi Domino; at non vigilare in multam noctem inter preces & lacrymas, inter gemitus & affectus, inter lamenta & suspiria. Verum ex vobis interrogo, Auditores, quid si ita doluisset David, eumne vos dolorem perfectiorem, intensiorem, Deo gratiorem, securioremque arbitramini, quo reapse usus est regius Psalter, cum tot ac tantis mortificationis, ac pœnitentiæ operibus? non existimo vos, si sanè mentis estis, ita judicatuross. Quid filetis? quid demittitis oculos? quid rubore suffundimini? timetis scilicet ne eandem sententiam ferre cogamini de fide vestra, & de fide Catholicorum. Ita! in hoc bene dixit Lutherus, Dives est Christianus, per fidem scilicet. Sed in hoc saltem nos Catholici cum Lutheranis sumus pares; in hoc sumus ditiores, quod præter fidem habeamus charitatem, & infinitos bonorum operum thesauros. S. Petrus Chrysost. ser. 18. *Qui maturitatis fructum quarit, despiciat amœna camporum. Viola, rosa, lilia, narcissus, grati flores, sed gratior panis.*

S. 11.
Doctrina:
Lutheri
tribuit
secularibus
magis
quam
spiritualibus


De illis qui negarunt carnis Resurrectionem eleganter dixit S. Greg. Naz. orat. 2. de resur. *Qui sibi conscii sunt turpissimarum, & foedissimarum actionum, quibus graves pœnas meriti sunt odio judicii, tollunt resurrectionem, & pro eo, quod cupiunt & optant, varias cogitationes sibi fingunt.* addit S. Augustinus lib. 1. de Civ. cap. 8. *Ut suis perditis moribus, hanc pollicerentur impunitatem.* Idem de adversariis fidei nostræ jure merito dici potest: tollunt bona opera, sed tollunt odio virtutis: tollunt, quæ sunt aspera carni, & quæ eidem blanda sunt, inducunt; tollunt amore nimium proprio execrati laborem, & tamen laboris præmium expectant; tollunt castitatis certamen, & tamen cum gloriosis heu in pugna athletis, cum liliato Virginum exercitu coronari in oculis desiderant. Scilicet, pro eo, quod cupiunt, & optant varias sibi cogitationes fingunt. Figmenta sunt hæc, non veritatis

ritatis argumenta; deliria sunt exorbitantis cerebri, non consilia amantis Deum animi.

Major esse debet æstimatio nostra denarii æternæ gloriæ; ^{§. 12.} eam scilicet illius esse magnitudinem & excellentiam, ut non ^{Denarius æternæ gloriæ non est purum donum, sed præmium.} detur otiosis. Aristoteles Philosophus gentilis dixit, l. i. Eth. c. 9. *Beatitudo est præmium virtuosarum operationum.* Itaque non satis est ut sciamus & credamus esse cælum, ut sciamus magnam nobis esse præparatam gloriam, ut sciamus Christum D. illam nobis promeruisse; quia non est purum donum, sed præmium, operari oportet. Quomodo loquitur Christus D. Joannis 13. 17. *Si hac scitis, beati eritis!* & idem Joan. 17. v. 13. *hac est vita æterna &c.* sed addit, *si feceritis ea.* S. Thomas ait ex S. Aug. *multis & diversis operationibus, & virtutibus indiget anima humana, ut assequatur beatitudinem.* Christus D. nobis declarat illas virtutes, Matt. 8. v. 3. *beati pauperes &c.*

Finiam Concionem piissima adhortatione S. Hieron. ep. ^{§. 13.} ad Demetriadem nobilissimam & Christo desponsatam Vir- ^{Piissima adhortatio} ginem: *Respice obsecro ad ipsam, qua apud Deum illustrata es* ^{S. Hieronymi ad Demetriadem} *dignitatem, qua per baptismum in Dei Filio renata es, rursusque per consecrationem Virginitatis sponsa Christi esse cœpisti. Ex utroque hic tuus honor te ad sollicitudinem tui propositi admoneat. Preciosior quaque vestis, timidius custoditur à macula. Multo quæsita auro gemma, majori sollicitudine possidetur: & generaliter, grandi cura, magna quaque servantur.* Dico ego, in similem fere sensum, *Respicite obsecro, amantissimi Auditores, respicite finem vestrum, ad quem vocati estis; respicite vineam, in quam inducti estis, à magno illo Patrefamilias, considerate, an non operando, laborando, rudando fructus in ea enascantur; cogitate ipsi, an quiescendo, suspirando, desiderando tantum, evellantur spinæ, eradicentur zizania, fodiatur tellus, putentur vites. Quid? ferte iudicium Auditores; Multo quæsita auro gemma majori sollicitudine possidetur. Gemmæ sunt animæ nostræ. & gemmæ, precioso Christi sanguine coemptæ, nullo sanè auro conquiritæ, non ideo tamen à furibus securæ, majori solli-*

citundine ex parte nostrâ, majori curâ, studio, precibus, virtutis ac caritatis operibus possidentur.



CONCIO XI.

DOMINICA SEXAGESIMÆ.

Deinde venit Diabolus, & tollit Verbum, de corde eorum, ne credentes salvi fiant.

Luc. 8. cap. Vers. 12.

SYNOPSIS CONCIONIS.

Est investiva in illos, qui sine fructu, audiunt Verbum Dei Conciones.

- | | |
|--|---|
| §. 1. <i>Verbum Divinum confertur cum speculo.</i> | <i>tem oportet afferre ad Conciones.</i> |
| §. 2. <i>Quinam ex mente S. Bernardi sine fructu audiant verbum Dei.</i> | §. 9. <i>Diabolus conatur impedire fructum verbi D. similis Holoforni.</i> |
| §. 3. <i>Quinam ex mente S. Gregorii M.</i> | §. 10. <i>Quare Damoniacus Matt. 12. fuerit surdus.</i> |
| §. 4. <i>In Saule veluti speculo videre possumus, quomodo aliqui audiant verbum Dei.</i> | §. 11. <i>Diabolus conatur statim sopire bonas cogitationes hauras in Concione.</i> |
| §. 5. <i>Præsertim Conciones de Passione Christi; quod simili declaratur.</i> | §. 12. <i>Magnum supplicium peccatoris est, non moveri à verbo Dei.</i> |
| §. 6. <i>Sic peris Seminantium labor.</i> | §. 13. <i>Quod Christus Dominus deflevit super Ierosolymam.</i> |
| §. 7. <i>Verbum Dei oportet custodire, tanquam thesaurum.</i> | §. 14. <i>S. Paulus, quàm potens concionator; non tamen convertit Fe-</i> |
| §. 8. <i>Non aures tantum, sed men-</i> | |

tit Felisem.

§.15. *Summum diaboli tormentum est si libenter audiamus verbum Dei.*

§.16. *Ardens zelus Concionatorum non sufficit, ut semen verbi Dei fructificet, nisi &c.*

DE Sacra Scriptura eleganter dixit S. Greg. M. l. 2. mor. c. 2. *Mentis nostra oculis illa quasi speculum quoddam proponitur, ut interna facies nostra in illa videatur. Ibi facta, ibi pulchra nostra cognoscimus.* Placuit S. Hieronymo hæc similitudo ep. l. ad Demetriadem, *Optimè uteris lectione divina, si eam tibi adhibeas speculi vice; ut ibi velut ad imaginem suam anima se respiciat, ut vel facta quaque corrigat, vel pulchra plus ornet.* In communi hoc verum est de omni virtute & vitio. v.g. in S. Scriptura videre possumus quam simus humiles, vel quàm e contra superbi, &c. In particulari autem hæc aptissimè affirmare possumus de hodierni Evangelii parabola; quam Christus D. ipse ore suo sacrosancto, tam clavis verbis exposuit ut ulteriori explicatione non egeat: Proposuit illam oculis nostris æterna veritas, ut in illo veluti speculo intueamur, quo fructu audiamus verbum Dei. Veluti in speculo cernimus, aliud semen cadere super petram, quod exarescit. Aliud inter spinas, quod suffocatur: aliud secus viam quod infernales volucres rapiunt; adeoque plurimi sine fructu excipiunt semen verbi divini. Erit hæc præsentis materia Concionis! Utinam Spiritus S. largiatur necessariam gratiam, ut quæ dicturus sum cadant in terram bonam & fertilem, vel ut B. Patres loquuntur, ut bonum semen, sit principium optimi fructus.

Ex mente S. Bernardi ser. l. in Sept. sine fructu audiunt verbum Dei, illi de quibus ait: *Nonnullos sic interdum audientes invenias, ac si nihil omnino ad illos pertineant, quæ dicuntur; non intrare cor suum, non discutere mores suos, non cogitare, ne forte quod audiunt, dictum sit propter eos.* In his salutis signa non video. Etenim ex mente S. Bernardi sine fructu audiunt verbum Dei. nit subinde, ut ad concionem veniant nonnulli, in qua Apostolicus concionator ferventer disputat de inevitabili mortis telo, de acerbis peccatorum suppliciis, de justissima irati Numinis ira

impios sententia, de inferorum tormentis, atque similibus. audiuntur ista. at quomodo? perinde ac si ad nos nihil pertineret; perinde ac si nos illa moriendi necessitas non attineret; perinde ac si Judex ille divinus nos esset præteriturus. Hoc est, sine fructu audire verbum Dei, hoc est, nobile illud semen in ventos aut mare dispergere.

§. 3.
*Quinam ex
mente S.
Gregorii
M.*

Ex mente S. Gregorii M. hom. 18. in Evangelia, sine fructu audivit verbum Dei, *qui libenter verba Dei suscipiunt* (libenter audiunt aliquam concionem de morte, de passione &c.) *ita ut etiam in fletibus compungantur, sed post lacrymarum tempus ad iniquitatem redeunt; hi profecto verba Dei non audiunt, quia ea perficere opere contemnunt.*

§. 4.
*In Saule,
veluti spe-
culo, vide-
re possumus
quomodo
aliqui au-
diant con-
ciones.*

In Saule veluti in speculo contemplemur hos Auditores verbi Dei. I. I. reg. cap. 24. fugit David à facie Saulis in desertum Engaddi, & ibi cum suis latuit in spelunca; in quam Deo ita volente Saul necessitate compulsus solus introivit, & ita David cum suis facillimè solum & suorum tum comitatu destitutum Regem potuisset occidere, sed noluit injicere manus in Unctum Domini, quin potius egredienti ex spelunca Regi acclamavit, vivat Rex! Quid tum non egit Saul? quomodo commota fuerunt viscera ejus ut exclamarit v. 17. 8. *Nunquid vox tua hæc est, fili mi David!* ut majorem exprimeret affectum suum, *levavit Saul vocem suam & flevit.* Liranus ait, *fuit verè pœnitens de persecutione David! sed hoc fuit tantum ad horam.* Tum iterum in ejus corde exarsit ignis invidiæ. Tales Saules veniunt frequenter ad templum ut audiant verbum Dei; dum v. g. audiunt, quàm benignus & longanimis sit Dominus Deus noster, quàm clemens quod hætenus à vindicta abstinuerit, exclamant, O miserationes Domini! imo levant voces suas, O fili David miserere! secundum exteriora, sunt verè pœnitentes! Sed ad horam!

§. 5.
*Præsertim
conciones
de passione
Christi.
Quod similis
declaratur.*

Compatior his iisdem auditoribus, quod eodem modo affectuosissimas conciones de passione Christi audiant cum motu cordis, sed non moveantur ad opus: quod eleganti simili declarat nobilis concionator. Forte matri alicui secatur vena, omit-

emittit sanguinem, dum interim filiulus, qui adest, quique hoc cernit, compatitur Matri, plorat, horret ad aspectum acuti cultelli. Idem infans habet fortassis in manu aliquod pomum, vel frustum saccari; dicunt astantes, fili offer hoc pomum dilectæ Matri, ecce! moritur! Verum hoc filiolo persuaderi non potest, ploratis quidem, sed pomum retinet. Tales infantes sunt multi auditores verbi Dei, dum audiant concionem v.g. De Clavis, qui perterebrarunt & manus, & pedes; de lancea, quæ benedictum Jesu latus & pectus penetravit; de felle & aceto, quod illi propinatum fuit, in cruce; commoventur non nihil animi in dolorem imò commoventur & oculi in lacrymas: jurares semen illud cecidisse in terram longè fecundissimam. Sed heus fili mi! habeo quod abs te petam.. amabo te, in gratiam Christi Salvatoris, ita vulnerati in corpore, ita cruentati in capite, ita transfixi in pectore, in illius inquam, favorem & gratiam, projice abs te pomum illud Sodomæ, quod manibus tenes; abjice pomum Veneris, pomum voluptatis illicitæ. Fili mi! quid renuis! habes in manu tua pomum aureum, habes bona non tua, sed aliena, habes pomum flammeum invidiæ, habes pomum Adami Protoparentis tui; dimitte in gratiam JESU tui hæc gaudia fluxa, remitte nuntium illis voluptatibus; qui petit, Jesus est! fili mi, quid renuis? O pudor! O probrum! renuimus tamen, in re tantilla nolumus gratificari optimo Patri nostro; hoc cine est amare Jesum? hoc cine commoveri audita ejus passione ac morte? sine fructu audiuntur hæc conciones..

Contra tales exclamat S. Bern. ser. de S. Bened. *O genus Adam! quàm multi seminarunt in te & quàm preciosum semen!* ^{S. 6. Sic perit seminandum labor..} *quàm male peribis & quàm merito! si perierit in te tantum semen simul & seminantium labor!* Seminatore præcipuus est Christus D. hic fuit primus Concionator, qui mundo prædicavit doctrinam novæ legis, ingenti labore! qui apud multos perit: quod diabolus intendit, dum huic semini in corde humano, veluti pretiosissimo thesauro omni modo insidiatur..

Quæ vocula, *thesauro*, nos monet ut sicut pretiola abscondimus, &c. ita in corde abscondas verbum Dei cum Davide, ^{S. 7. Verbum Dei oportet custodire..} qui de-

qui de se ait, Ps. 118. v. 11. *In corde meo abscondi eloquia tua, ut non peccem tibi.* Land. Carthuf. *Idest, in abscondito cordis mei, scilicet in memoria mea, retinui eloquia tua, sicut thesaurum preciosum in arca.* Sacra enim eloquia semper in corde retinere, magnum confert præsidium contra omne peccatum. Hoc sensu dixit v. 127. illius psal. *Dilexi mandata tua super aurum & topazios,* S. Hieron. *Sicut enim aurum cunctorum metallorum præcipuum, ita topazius omnium gemmarum.* Quare sicut gemmas tam preciosas studiosissime asservamus in cistis, eadem quoque cura pari diligentia custodire verbum Dei oportet, de his ait Christus D. *Beati, qui custodiunt illud!*

§ 8.
Non aures
tantum,
sed mentes
oportet af-
ferre ad
concionem.

Sed redeo ad eos, qui sine fructu audiunt Conciones. Philo hebræus de quibusdam discipulis fuit conquestus, *quod aures in auditorium, non mentes afferrent,* & proinde vox alicujus Magistri, *non fertur ad homines, sed ad statuas inanimatas, quæ aures habent, & non audiunt.* Patebit res clarius in exemplo. Dan. 2. vers. 3. Nabuchodonosor ait ad suos ariolos; *Vidi somnium & mente confusus ignoro quid viderim.* Impio huic Regi, similes sunt multi auditores verbi divini. Objiciuntur illis, non in somnio fabulantibus, sed in templo auscultantibus horrenda monstra, ibi repræsentantur illis terribilia morientium impiorum spectacula, ibi exhibetur illis quasi in theatro, ultima extremi Judicii tragœdia, ibi describuntur varia tormentorum genera, quæ à damnatis in omnem, quanta, quanta est, æternitatem exigunt divinæ Justitiæ ministri cacodæmones: quid? an non hæc horrenda sunt monstra? sed heu! quasi dormientibus recensentur; paulò post ignoramus, quod vidimus, non recordamur, quod audivimus. Somnus est vita nostra, ah utinam evigilaremus aliquando! dum audimus conciones, præsentem adsumus corpore, non animo.

§ 9.
Diabolus
conatur
impedire
fructum
verbi D.

Diabolus est, qui rapit semen, verbi divini ex cordibus eorum. Imitatur Sathan astutiam Holofernis Judith. 6. v. 6. *dum hic circuit civitatem, per gyrum, reperit fontem, qui urbi suppeditabat aquas, & incidi præcepit aquaductum eorum.* Glossa. *hoc enim diabolus maximè studet, ut doctrina fluens, auferat;* & sic nequitiam

tiam suam, in interitum servorum DEI, velociter ex-^{simili^{us} Ho-}
pleat. ^{loferni.}

Matt. 12. v. 22. *Oblatus est in demonium habens, cæcus & mu-* §. 10.
tus. S. Hieron. & S. Chrysost. addunt, fuisse *surdum.* Nam *da-* ^{Quare de-}
mon obstruxerat auditum, ne verbum fidei, vel doctrina Christi ca- ^{moniacus}
pesseret. S. Ambrosius, *sed Dominus ipse refundit auditum demon-* ^{Matt. 12.}
strans & ipsos (scilicet Judæos) *si convertantur posse salvari.* Ut ^{fuerit sur-}
nostram salutem diabolus impediatur, cum potest, ex cordibus ^{dam.}
nostris rapit semen verbum Dei; vel facit ut aliqui illud nun-
quam excipiant; de quibus Origenes ait hom. 9. *Tales sunt*
omnes, qui subtrahunt se & longe faciunt à verbo Dei, ne audientes
sermone divinos accendantur ad fidem, incallescant ad caritatem,
igniantur ad misericordiam. Tu ergo (qui nunquam interes con-
cioni, pergit Grego.) *unde ardebis? Unde invenientur in te carbo-*
nes ignis? qui nunquam Domini ignis eloquio? Nunquam verbis
Spiritus S. inflammari. Vel si subinde scintillulæ aliquæ talis
ignis excipiantur, & lucerna verbi divini modice accendatur,
ita exponatur ventis, ut diabolus, ut caro, ut amor divitiarum
illas statim possint extinguere! Hoc est diabolus rapere se-
men verbi D. ex cordibus nostris.

Hoc subinde contingit, ut audita pro aliqua concione, v. g. §. 11.
de morte, de æternitate, *efficiatur vermis* (Orig. hom. 7. in ^{Diabolus}
Exodum) *qui conscientiam fodiat, & arcana pectoris rodatur.* tales ^{conatur}
subinde vermes secum domum ferunt graves peccatores; & ^{statim so-}
rodunt isti vermes, illæ cogitationes, illi timores, illi metus de ^{pire bonas}
morte ad tempus. Si jacerent in terra bona, in corde optimo, ^{cogitatio-}
forte vivificarent semen verbi D. forte sequeretur vitæ muta- ^{nes haustum}
tio; sed diabolus habet lac, quod offerat, caro habet mel, quod ^{in concione}
offerat, Babylonica meretrix in aureo calice voluptatum ha-
bet vinum, vel potius venenum, quod propinet in quo illi ver-
mes cito suffocantur; & sic mox evanescunt cogitationes et-
iam sanctissimæ de morte, de judicio, &c. Hoc est, diabolus
rapere semen verbi divini, ex cordibus eorum.

Permittit hoc frequenter justus Deus in pœnam gra- §. 12.
vium peccatorum, ut per auditionem verbi divini non emen- ^{Magnum}
dentur ^{supplicium}
Dei. ^{peccatoris}
^{est non mo-}
^{veri verbo}

Alveus Tertius.

O

est, non
moveri à
verba Dei.

dentur; propter quod flagellum David ait ps. 75. v. 8. *Tu terribilis es! extunc iratus.* S. Augustinus super hæc verba; *Attendat caritas vestra rem tremendam. Increpatio* (concio aliqua de iustitia Dei, &c.) *strepitum habet; strepitus expurgisci facere solet homines; Increpat Deus, increpat Christus D. terribilibus minis, disceditis & dormitis O impii! & malleus verbi Dei corda vestra non conterit? hæc flamma vos non urit, nec ullus inde motus, nullæ cogitationes de pœnitentia, &c. Magna ira Dei super vos.*

§ 13.
Quod Chri-
stus D. de-
flevit super
Ierosoly-
mam.

Luc. 19. cap. v. 41. dicitur Christus D. flevisse super Ierosolymam. Et *flevit* (ait S. Greg. M. hom. 39. in Evang.) *ruinam perfida civitatis, quam ipsa sibi civitas* (licet Christus D. cum prædicaret, licet altissima voce clamaret, Jerusalem!) *non cognoscebat esse venturam. Cui à flente Domino recte dicitur. Quia si cognovisses & tu (subaudi) fleres! quomodo quia nescis, quod imminet, exultas.* Nam defunt subinde scelera, ob quæ concionatores urbibus minentur gravia supplicia, & cum lacrymis; O Bambergæ! in vicinis Provinciis ardet pestis, jam proximus ardet Ucalegon, attende! vide ut triduo Bacchanalium Deum tuum etiam graviter offendas; age & precibus insta ferventer, age & exacto jejunio quadragesimali dignos age fructus pœnitentiæ. Beata erit Bambergæ, si hæc audiat &c. Sin verò imminentem pœnam non velit cognoscere &c. timeo iram magnam. Solliciti estote auditores, ne diabolus rapiat hæc verba ex cordibus vestris.

§ 14.
S. Paulus
quam po-
tens, con-
cionator:
non tamen
convertit
Felicem.

Act. 24. cap. ait v. 25. *Disputante Paulo de iustitia, castitate, & de iudicio venturo, tremefactus Felix respondit &c.* S. Dion. Carth. ait, *Divini iudicii, memoriam, timoremque illi proposuit.* S. Joannes Chrysost. hom. 51. in acta. *Vide Paulum! quamvis cum Principe loqueretur, nihil dicere eorum, per quæ verosimile erat refocillari animam ejus, sed talia, à quibus terretur, & mente concutitur. Tanta erat verborum Pauli vis, ut & Principem terrent.* Apoc. 10. vidit Joannes descendentem Angelum de cœlis super mare, de quo ait; *Clamavit voce magna, quemadmodum cum leo rugit; & cum clamasset, locuti sunt septem tonitrua voces suas.* S. Th. *Super ma-
ximos*

ximos peccatores, qui sunt in majori amaritudine, & profunditate & fluxibilitate vitiorum addit, quia predicator vehementer debet animam excitare, terrendo per comminationem. Et Prædicatores dicuntur tonitrua, ratione terroris, quem inferunt comminando supplicia. S. Cyprianus l. de Lapsis concionatorem comparat cum Medico, & ait, Imperitus est Medicus, qui tumentes vulnerum sinus manu parcente contrectat & in altis recessibus viscerum virus, dum servat, exaggerat. Aperiendum vulnus & secandum, & putaminibus amputatis medela fortiore curandum. Vociferetur & clamet licet, & conqueratur æger impatiens per dolorem; gratias agat postmodum cum senserit sanitatem. De Jona prædicante Ninivitis pœnitentiam ait S. Ephrem Syrus, Medicus veritatis ad ægrotum ingrediens, veritatem prædicat. Chirurgia utendum, ignisque acerba esse cauteria adhibenda prædicit. Non veretur austeritatis pharmacum propinare. Talis Angelus, tale tonitru, talis vox, talis tuba, talis medicus fuit S. Paulus, erga Felicem. Talis vox fuit S. Joannes B. erga Herodem, tales voces hodie habent multi concionatores, erga graves peccatores. quo fructu? terrenatur, concutiuntur, sed ad sonum tantum, diabolus mox rapit, audiverunt ferventissimas conciones sine fructu. In hoc gaudent (si gaudere possint) diaboli.

E contra ait Orig. super omnia eis est tormentorum genera, & super omnes pœnas, si quem videant verbo Dei operam dare, scientiam divinæ legis intentis studiis perquirentem. *In hoc omnis eorum flamma est, in isto uruntur incendio.* Quæ putas in illos vindicta datur cum vident, lumine veritatis, cæcorum oculos aperiri, & fraudis suæ nebulas, per agnitionem legis divinæ reserari. Quale illis putatis tormentum, cum auditione verbi D. in concione gravis aliquis peccator convertitur? O Sancte Spiritus! veni, accende cor meum, accende linguam, accende omnia verba, accende meos affectus, ut instante quadragesima uram diabolos, ut convertam peccatores.

De S. Bernardo scribit Guillelmus Abbas l. 3. c. 3. in Isaiam *Summum ejus desiderium, summum gaudium erat animarū fructus,* & con-

§. 15.

Summum
Diaboli

In tormen-

tum est, si
libenter

audiamus

verbum
Dni.

§. 16.

Ardens zel.
conciona-

torum nro


sufficit, ut
semen D.
fructificet,
nisi &c.

& conversio peccatorum. De S. Donnolo Ep. ait Surius, *Toties in eam curam intentus erat, ne ad supernam illam civitatem solus ascenderet, sed socios eo, quam plurimos secum duceret.* De S. Demetrio M. Simon Metaphrastes: *Summum damnum reputabat, si non omnes ad quos verba instituebat, ab infelici servitute demonum, in Christi libertatem vindicaret.* De S. Dominico Annales Prædic. *Fuit tantus illius in animas amor, & commiseratio, ut non solum fideles omnes, sed etiam infideles, & eos, qui in inferno cruciarentur, amor illi tantus & commiseratio complecteretur, & multas pro illis effunderet lacrymas.* S. Paulus de se ait, ad Thess. 2. v. 19. *Quæ enim est nostras spes, aut gaudium aut corona gloria? Nonne vos ante D. nostrum Iesum Christum, in adventu ejus? Vos enim estis gloria nostra & gaudium.* O si tale mihi esset desiderium; O si cõ vires meas omnes intenderem, ut multos mecum ducam ad cœlum, O si ille labor, ut omnes Christo lucrificiam! sed meum denarium auditor. non sufficit, vestrum est ut verbum Dei recipiatis in terra bona; ut ita abscondatis, ne diabolus statim possit tollere, Christus D. quo labore, quo fervore non prædicavit Judæis? præsertim Pharisæis, sine fructu tamen; ob eorum malitiam. simul g. laboremus ut simul salvemur.

q. 17.

S. Bern. ser. 5. in adv. *Qui timet Deum, sermones Dei servabit. Vbi servandi sunt? Haud dubium, quia in corde sicut ait Propheta, in corde meo abscondi eloquia tua. Ergo trajiciatur verbum Dei in viscera quadam animæ tuæ, transeat in affectiones tuas, & in mores tuos; si sic verbum Dei servaveris, haud dubium quin serveris ab eo.* Pulcherrimè S. Thomas in Cat. aurea, de B. V. super illa verba; *Et mater ejus conservabat omnia verba hæc in corde suo. Sicut ipsum Verbum prius in visceribus, ita nunc ejusdem dicta concipiebat, & in corde suo quodammodo fovebat; & hæc quidem tanquam regula, & lege, per totam vitam utebatur.* S. Hier. de Fabiola, Jesu bone! quo illa fervore, quo studio intenta erat divinis voluminibus? & veluti quandam famem satiare desiderans, per Prophetas, Evangelia, psalmosque currebat, quæstiones & proponens, & solutas recondens in scrinio pectoris sui &c. Ille, ille conciones audiendi modus est, Audit. Finio, sic tamen; ut quæ

quæ dixi hætenus, brevi veluti periocha complectens repetam. Excipiendum est semen verbi divini, sed in terra fructifera; audiendæ sunt conciones sacræ, sed ingenti cum desiderio, cum fame spirituali, cum fructu bonorum operum, cum morum vitæque emendatione; verbo, in re tanti momenti, non dormiendum est, sed vigilandum; & audire, opus est, & facere. Sola corporis non sufficit, ipsa etiam animi, cordis, atque operum opus est præsentia.



CONCIO XII.

DOMINICA QUINQUAGESIMÆ.

Ecce ascendimus Ierosolymam.

Matt. 20. cap. v. 18.

SYNOPSIS CONCIONIS.

Prima pars Concionis, ostendit cæcitatem mentis, esse magnam pœnam peccati mortalis. Altera insinuat, unicum ejus pellendæ remedium esse Passionem & sanguinem Jesu Christi, ubi affectuosa aliqua miscentur, de infinito ejusdem amore erga peccatores.

§. 1. *Exordium.*

§. 2. *Cæcitatem mentis minatur
Dens impiis per Prophetam
Amos.*

§. 3. *Elegans similitudo.*

§. 4. *Qua explicatur immutatio,
qua per peccatum mortale,
fit in anima impii.*

§. 5. *Explicatur difficilis locus S.*

*Pauli, quomodo Deus excacet
peccatores.*

§. 6. *Utilis questio S. Augustini.*

§. 7. *Cacitas & stultitia Regis
Herodis, quod pro saltu obtulerit
puella dimidium regni
sui.*

§. 8. *Quam levi precio multi hoc
triduo*

- | | |
|---|---|
| <p><i>aviduo vendant suas animas, & regnum cælorum.</i></p> <p>§. 9. <i>Mortalium Sapientissimi Adamus & Salomon, per peccatum fuere excacati.</i></p> <p>§. 10. <i>Descriptio noctuæ ex S. Ambrosio.</i></p> <p>§. 11. <i>Suggerit Auctori gravem invec tivam contra peccatores.</i></p> | <p>§. 12. <i>In agone illuminantur impii, sed nimis sero!</i></p> <p>§. 13. <i>Passio, Mors, & sanguis Christi sanant cacitatem mentis.</i></p> <p>§. 14. <i>Pathetica historia declaratur infinitus Amor Christi erga peccatores.</i></p> <p>§. 15. <i>Epilogus ex suavissimo loco S. Bernardi ex ser. in Cæna Domini.</i></p> |
|---|---|

§. 1.
Enordinm.

PUlchrè de hodierno Evangelio loquitur S. Bonaventura, quando exponit factum admirabile, in illuminatione pauperis cæci. In quo simul manifestatur, & Christi potestas, & benignitas, & mendicantis paupertas. Hæc nimirum movit viscera misericordiæ ejus, ut miseriæ ejus subvenerit; ita tamen, ut humili oratione, prius peteret, quod requirebat; proinde Divina gratia mendici cæci cor ad ardentissimam orationem excitavit; S. Greg. Christus D. *peti hoc vult quod prænoscit se concessurum.* & hæc contigerunt, cum Christus Dominus ascenderet Jerosolymam, ut crucifigeretur. *Altum mysterium!* exclamat S. Joannes Chrysostomus; ut ostenderet, pergere se ad passionem & crucem, ad effundendum sanguinem, pro medicina, qua cæcitas totius humanæ naturæ sanari posset. S. Gregorius M. hom. 2. in Evang. *Iste cæcus, est genus humanum, quod in parente primo, claritatem superna lucis perdidit, & damnationis suæ tenebras patiebatur.* Alta mysteria! admiranda Dei judicia! inter quæ hoc est admirabile, quod Deus infinitæ misericordiæ, peccatum mortale tam horribili poenâ castiget, nimirum Cæcitate mentis, de quâ agam primâ parte Concionis. In altera, si qui tales cæci essent inter meos Auditores, ducam ad Jesum Crucifixum in montem Calvariæ, ut salvifico ejus sanguine sanentur, & videant.

§. 2.
*Pœnam
cacitatis*

Cæcitas mentis, est poena peccati mortalis: quam juravit se illaturum impiis, per Prophetam Amos c. 8. 9. *Occidet Sol in meri-*

meridie, & tenebrescere faciam terram in die luminis. Id est, quam diu homo per gratiam & dilectionem conjunctus est cum Deo suo, vivit in luce, & fruitur admirabili lumine: vivit in splendore solis, lucis infinitæ: quamprimum verò idem homo vertit dorsum, & à Deo recedens, incidet in peccatum mortale, per quod ab eodem separatur; occidit illi sol, & in anima ejus fiunt tenebræ horribiles. S. August. *Homo Deo suo sibi præfente illuminatur, absente autem continuo tenebratur, à quo non locorum intervallis, sed voluntatis aversione disceditur.*

*minatur
Deus im-
piu per Pro-
phetam
Amos.*

Lacrymabilis illa immutatio, quæ fit in anima justī per peccatum mortale explicari potest pulcro simili. In die aliquo solenni, v.g. quā Princeps desponsatur nobilissimæ Virgini; vel qua Regi alicui nascitur filius; præcipua palatii aula ornatur elegantissimè: parietes superbè vestiuntur aureis tape- tibus, pulcherrimis illustrantur picturis, decorantur floribus, ar- boribus, exornantur, aperiuntur fenestræ, & ex iis noctu lucent & ardent innumera ex cerâ candida faces. Quod si paulo post immaturo fato rapitur è vivis Sponsa, vel regius Princeps; mu- tantur omnia; parietes vestiuntur pannis nigris, amœnis pictu- ris substituuntur calvaria, & depicta ossa mortuorum; sternun- tur mensæ coronis ex cypresso & myrto, obserantur fenestræ, nigri aliqui accenduntur cerei; symphonia denique in tristem lessum ac ferale mortis canticum commutatur. Simile ali- quid hoc triduo cernitur in Templo Societatis Jesu; ob quadra- ginta horarum preces, in honorem Sacrosanctissimi sacramen- ti, quod exponitur. In memoriam & venerationem triumphī Amoris, quem cœlestis Amor, Christus Jesus egit in cruce, spe- ctantium oculis proponuntur mysteria Passionis præcipua, cum ornatu possibili, cum suavitate odorum; cum jucundo sono multiplicis harmoniæ; quæ omnia insolitam quandam præ se ferunt lætitiā. Verum in sequenti statim Mercurii die; quia Ecclesia cum memoria mortis triste tempus Passionis auspica- tur, quia recolere incipit cum gemitu & lacrymis mortem sui sponsi & Regis in Cruce; mutata reperietis omnia; nudos pa- rietes, tecta altaria, clausa organa; audietis que mane tristēm
lessum,

S. J.

*Elegans
miseria.*

lessum; *Memento homo, quia pulvis es &c.* vespere, lugubrem psalmum *Miserere mei Deus!*

§. 4.
Qua expli-
catur im-
mutatio,
qua per
peccatum
mortale
fit in ani-
ma impii.

Pari ratione, cum in baptismo, vel justificatione impii, anima hominis per gratiam desponsatur Deo suo, in fide & dilectione, quia renascitur ad vitam, cum jure ad hæreditatem cœlestis gloriæ, à Spiritu Sancto ita eadem anima ornatur, ut luceat instar solis, coronatur stellis, amicitur pulcherrima luce, tota pulcra! tota decora! tota in deliciis. Illustrationibus Spiritus S. patent valvæ cordis, ut jucundissimis radiis illuminetur! Peccatum verò mortale momento immutat omnia; dilacerat aureum habitum charitatis, spoliat illam gemmis virtutum, tollit illi jus ad cœlum &c. luctuosissimum est, quod densæ inducantur tenebræ, quod talis anima atrâ involvatur caligine, & vivo corpori, veluti obscuro includatur carceri & sepulcro.

§. 5.
Explicatur
difficili
locus S.
Pauli quo-
modo Deus
excacet
peccatores.

De hac pœna, sive cæcitate peccatoris loquitur S. Paulus 2. Cor. 4. v. 4. *Deus hujus sæculi excacavit mentes infidelium, ut non fulgeat illis illuminatio Evangelii gloriæ Christi.* Locum difficillimum variè explicant Interpretes S. Thomas ait sect. 2. super cit. locum. *Excacat mentes- non inducendo malitiam, sed merito, imo demerito præcedentium peccatorum subtrahit gratiam ne lumen gratia hic, & gloriæ in futuro videre possint.* Joannes Chrysost. quærit hom. 8. in ep. 2. Cor. *Quomodo excacavit? nunquid efficacia sua ad hoc impellens? absit! sed permittens & concedens.* Si cum aliquibus B. Patribus sano sensu, per Deum hujus sæculi, velimus intelligere diabolum, sive Principem tenebrarum harum, pulchre ait Hugo Card. *Excacat superbos fumo, avaros pulvere, luxuriosos luto, ebriosos vaporibus vini.* Proponit nobis hoc triduo Mater nostra Ecclesia in Evangelio, Societas Jesu in templis suis Christum D. v.g. flagellatum, spinis coronatum, &c. O fœdarum amasii voluptatum, O Veneris clientes, cur non conspectu harum imaginum, commoventur corda vestra ad pœnitentiam? sed cæci estis! sedetis secus viam. O fastu tumidi; O animi elati superbia; cur non templum hoc triduo frequentatis? videretis, coronati spinis Christi Salvatoris effigiem! fed

sed etsi frequentaretis templum, etsi spineum Jesu diadema vestros in oculos, non tamen in animos incurreret! quid mirum? cæci estis ad hæc mysteria; incussit superbix ventus nescio quem pulverem in aciem oculorum vestrorum. Ogulæ, ventrisque mancipia! O epulones divites! O mortales, omnium fere criminum voragine! ecquando cadent squamæ ab oculis vestris? hoc saltem triduo mentis vestræ lumina aperite, videte Jesum Crucem bajulantem; videte sub eodem durissimo Crucis ligno succumbentem; videte eundem suffixum in Crucem, videte manuum pedumque Vulnera, numerate, si potestis, vibices, plagas, cicatrices. ut convertantur? cæci sunt oculi eorum sunt pleni luto (hoc modo per alia mysteria, & diversa peccata poterit fieri pulchra inductio.)

Utilissimam quæstionem proponit S. Augustin. in ps. 57. si cum homo prima vice peccat mortaliter, statim illum Deus oculis, aut oculorum usu privaret, nunquid gravissimum esset supplicium? O filii hujus sæculi, quanto præstantius est internum lumen cordis & immortalis animæ, quam sint oculi mortalis corporis; sine visu corporeo salvari possumus; illo lumine sublato cæci ruimus in præcipitium & abyssum damnationis æternæ. S. Augustini verba hæc sunt! *Si quis furtum faciens, oculum perdidisset, omnes dicerent, Deum præsentem vindicasse. Oculum cordis amisit, & ei pepercisse putatur Deus.* Redeo ad Christum meum Crucifixum! plenus sum solatio! O innumeros actus amoris! O suspiria! O gemitus contriti cordis! O ardentes preces, quibus animæ piæ, ad lucrandas indulg. à Christo Crucifixo petent, ut exaltetur sancta Mater Ecclesia &c. O firma proposita, quibus jurabunt pii, & statuent, malle mori, quam hoc triduo Christum D. offendere letaliter. Ex altera parte timeo Jesu meo! timeo ne superbi sacrosanctum illius caput coronent novis spinis! ne miremini, perdiderunt oculos cordis; excæcati sunt fumo. Timeo ne luxuriosi parent novas virgas; perdiderunt oculos cordis. Timeo ne novum calicem præparent gulosi; non vident, quid agant &c.

S. B.
Vtilis quæ-
stio S. Au-
gustini.

§. 7.
Cæcitas &
stultitia
Regis He-
rodis, quod
pro saltu
obtulit
puellæ di-
midium
regni sui.

In his tenebris impii non sciunt quid agant; non intelli-
gent quam stulte progrediantur in multis. Si talem cæcum
& stultum videre desideretis, oculos conjicite in regem Hero-
dem. In convivio, ad quod annuo Nativitatis suæ die invoca-
verat primarios Proceres aulae suæ, filia infamis Herodiadis
choreas ducens ita arrisit excæcatis oculis Regis, luto scili-
cet nefandæ libidinis contra quam fulminarat S. Joannes Bapt.
Marc. 6. v. 19. *Non licet tibi &c.* ita inquam levicula puella pla-
cuit ut dixerit Herodes Rex ibidem v. 22. *Pete à me, quod vis,
& dabo tibi, & juravit illi, quia quidquid petieris, dabo tibi licet di-
midium regni mei. &c.* Joannes Chrysost. hom. 49. in S. Matth.
& ser. de virtut. & vitis graviter ponderat imprudentiam, stul-
titiā, cæcitatem, & præcipitatam promissionem tanti Regis,
& palpabiles tenebras infelicissimi Herodis. *Vides? quam atrox,
quam insensatus, quam vecor se est, qui, jurando se obnoxium fecit, &
illi petendi potestatem concedit. Miser & infelix! itane tibi men-
tis oculi cacutiunt? tantæ regnum facis? semel puella saltavit, & re-
gni dimidium tradis? Quid si secundo saltaverit? votis exopta, ne
secundo saltet, vel si saltaverit, ne denuo placeat? ne alteram partem
regni cogaris illi concedere, & tibi sit mendicandum. Verbo,
summa Herodis fuit stultitia, summa cæcitas, saltatriculæ pro
saltu offerre dimidium regni.*

§. 8.
Quam levi
precio hoc
triduo
multi ven-
dant suas
animas, &
regnum
cælorum.

Perpendite quæso, quo precio multi hoc triduo Baccha-
nalianum, diabolo vendant animas suas & regnum cælorum; imò
Vulnera & sanguinem sui Salvatoris. Herodiade longe astutior
& versipellior est infernalis serpens! itaque quid agit? præser-
tim hoc triduo invitat ad saltum; ad choreas; non loquor de ho-
nestis & licitis, sed illis choris, quos ducunt Venus & asmodæus,
in quibus gravissimis sceleribus Deus offënditur; O mi homo!
pro hac recreatione tuus hostis diabolus magnum exigit pre-
cium. petit non dimidium, sed integrum regnum cælorum;
sed ecce Jesum ad columnam; petit ut rursus flagelles; ecce
novam Crucem, vult ut filium Dei rursus Crucifigas, ut concul-
ces sanguinem ejus; ea est multorum cæcitas, ut dicant; Petat
à me, quidquid vult, & dabo illi, quidquid petierit. O cælum.

ut ma-

ut modica & momentanea fruatur homo voluptate, tui non dubitat jacturam facere! Quis non exclamet, cum Raperto, *O stultam! cecam! & impiam audaciam!*

Sapientissimi inter cunctos mortales fuerunt Adamus & Salomon; de utroque ait Ecclesiasticus cap. 17. 5. *Disciplina intellectus replevit illos; creavit illis scientiam Spiritus, sensu implevit cor illorum, mala & bona ostendit illis. Et magnalia honoris ejus vidit oculus eorum.* Salomoni ait Dominus l. 3. reg. c. 3. *Dedi tibi cor sapiens, & intelligens in tantum, ut nullus ante te similis tui fuerit, nec post te surrecturus sit.* Cap. 1. Ecclesiastes de se gloriatur, 16. *Eccem magnus effectus sum, & precessi omnes sapientia, qui fuerunt ante me in Ierusalē.* Sed in viris his etsi sapientissimis verissimum fuit, quod asserit S. Joannes Chrysost. hom. 18. in gen. *Nihil peccato peius, Dilecte! ipsum enim ut intraierit, non solum confusione, totos nos replet, sed insipientes facit eos, qui antea intellectu & sapientia praditi erant.* proinde Salomon tandem ruit in gravissima scelera, factus idololatra. Adamus, pro pomo vendidit paradysum, velut S. Bern. ait serpens *porrigit pomum; & surripit Paradysum.* & in illam momento incidit vesaniam, ut videns se nudum, confusione plenus putarit se posse fugere à facie ejus, ideoque se absconderit sub arbore in medio paradysi. Iterum considerate, quo precio, hoc triduo multi vendant cælum! quàm cæca audacia ruant in gravissima scelera.

Similes noctuis, de quibus ait S. Ambrosius lib. 5. Hexam. cap. 24. *Noctua, quemadmodum magnis & glaucis oculorum pupillis nocturnarum tenebrarum caligantem non sentit horrorem; & quo fuerit nox obscurior, eo contra usum avium cæterarum inoffensos exercet volatus. Exorto autem die, & circumfuso splendore solis, visus ejus hebetatur, quasi quibusdam errat in tenebris; quo indicio sui declarat, esse aliquos, qui cum oculos habeant ad videndum, videre non soleant, & visus sui officio, solis fungantur in tenebris.* De cordis oculis loquor, quos habent sapientes mundi & non vident, in luce nihil cernunt, in tenebris ambulant; aperiunt eos, quasi scientes omnia, acuti ad vana, hebetes ad æterna. Nihil iudicio addendum

§ 9.

*Metaphorice
Sapientissimi,
Adamus & Salomon per
peccatum
fuerunt ex-
citati.*

§ 10.

*Descriptio
noctue ex
S. Ambrosio.*

dum elegantissimis verbis S. Ambrosii; suggerunt illa tamen mihi acrem invecivam in filios Bacchi & Veneris, hoc triduo Bacchanalium.

§. 11.
Suggest
auctori
acrem in-
vecivam
in peccato-
res.

Noctuæ estis scelesti; immerfi scelerum vestrorum tenebris; Mater Ecclesia his diebus oculis vestris proponit Christum Salvatorem pendentem in cruce; & quo volatis? ad venerandum caput, ut scelestis pedibus & unguibus illi altius imprimatis spinas? scilicet, quia caligantem tenebrarum vestrarum non sentitis horrorem, quia cæci estis, liberrime & audacissimè volatis. Quo evolatis? nunquid ad sanctissimas manus, ut illas vestris sordibus, sordidissimæ volucres! conspurcetis? ut distrahendo illos benedictos clavos novos renovetis dolores. Noctuæ estis, inoffenso volatu in tantis tenebris, audetis involare in ipsum pectus & cor Jesu, ut scelesto rostro illud convellatis. Sed Mittamus infernales has noctuas; O mi Jesu! nos columbæ esse volumus; ita & nos evolabimus in benedictum caput, sed ut inter spinas ponamus nobis nidos. Ita! evolabimus ad brachia sanctissimæ Crucis, in cavernas sacrosanctarum manuum, ut in iis gemamus ut columbæ, vel turtures; uberem gemendi causam nobis subministrat, hinc tormentorum tuorum acerbitas; inde scelerum nostrorum, atque ingratitude iniquitas. A brachiis, inde devolabimus ad pedes, in illorum quoque maceris residebit affectus noster, & inter doloris simul ac amoris suspiria, nil nisi laudes tuas, concinemus dilecte Jesu! Quod si me materia cantus deficiat, tu S. Spiritus, suggeres affectus, tu inflammabis amorem, tu gemitus elicies, tu linguæ vocem, oculis aquas, cordi pium motum, intellectui discursum, voluntati sancta suppeditabis desideria. Hoc simul rogo, animæ piæ, & Deo dilectæ! in nidulo vestri amoris, in cavernis maceriæ, sub umbra sacrosanctæ Crucis, inter vestros ardores, inter ardentia suspiria; miseremini & mementote cæcorum, qui sedent ad vias hujus mundi, mendicantes aliqua solatiola à creaturis, cæci & miserabiles; orate Jesum vestrum, ut radiis lucis suæ illos illuminet; ut eorum oculos inungat, precioso suo sanguine:.

Fiet

Fiet id quidem in supremo agone, in particulari iudicio, cum ad lucernam divinæ Justitiæ, aperientur oculi eorum, & videbunt & agnoscent se errasse, sed, heu! nimis sero! ut quondam Lysimachus Rex dixit, *O quam brevis voluptatis causa regnum amisi.* S. Petrus Dam. l. 6. ep. 17. ait de quodam, qui confossus gladiis, non sacerdotes petiit, non de transactis confessionem, vel pœnitudinem gessit, sed usque ad ultimum spiritum hoc solum inclamare non desiit; *Heu quale damnum! heu! quale damnum!* si quid autem sibi, vel de confessione facienda, vel aliud quid dicebatur, ille jam alienatus hoc solummodo repetebat; *Heu! quale damnum!* Itaque ne quod multis, contingat nobis, sollicitos nos esse oportet de efficaci remedio, quo internos mentis oculos recuperemus.

Efficacissimum præscribit ipse Christus D. Joannis 8. 27. ait siquidem ibi textus de Judæis; *Et non cognoverunt, quod Patrem ejus dicebat Deum.* Dixit ergo eis Iesus, cum exaltaveritis filium hominis, tum cognoscetis, quia ego sum. quæ verba sic explicat S. Thomas; Prænuntiat Christus quod pervenire debeant ad fidem, quod est remedium contra mortem, per passionem ejus. Quasi dicat, modo non cognoscitis patrem meum esse Deum, sed cum exaltaveritis filium hominis, id est, cum me ligno Crucis affixeritis, tunc cognoscetis. S. Augustinus sic ait: Ideo autem crucis commemorat passionem, ut det spem peccatoribus, ut scilicet nullus desperet in quocunque scelere, & mali sibi conscius, quando ipsi crucifigentes Christum, per sanguinem Christi liberantur à peccatis. Nullus est enim adeo peccator, qui per sanguinem Christi liberari non possit. Et gaudet Christus D. cum petimus ab ipso ut liberemur à tenebris, & lucem videamus cœlestem.

Major enim fuit charitas Christi patientis, quàm fuerit malicia crucifigentium, ait S. Thomas; Et ideo plus potuit Christus satisfacere sua passione, quàm crucifixores offendere occidendo. Referunt historiæ Dionysium quendam Syracusanum aluisse domi suæ quendam ex nepotibus, quem veluti filium tenerrime amavit. Sed ingratus juvenis fugit ex ædibus Patruj, & vitæ ejus struxit insidias. Plerique judicarunt ne-

S. 12.
In agone illi
luminan-
tur impij,
sed nimis
sero.

S. 13.
Passio, mors
& sanguis
Christi cu-
rant caci-
tatem cor-
di.

S. 14.
Patheticæ
historia deo
claratur
infinitus
amor Chris-
ti erga
peccatores.

quisissimum adolescentem dignum esse supremo supplicio; plerique illum adjudicarunt morti. Solus Dionysius, (quod facere solet amor) illum excusabat, multa adscribens præcipiti adolescentiæ, multa levitati puerili, imò humanissimis literis illum invitabat ad reditū; redi fili! revertere, amo te! revertere, condono omnia non tam, quia sanguine mihi junctus es, sed quia ardentissimè te amo. Fili! *sanguinem meum ex venis facile detrhere à me possum; amorem verò meum in te, nequaquam! quia radicitus hic cordi meo adharet.* In Dionysio agnoscite Christum Salvatorem patientem; ingrati filii sunt omnes peccatores, digni damnatione æterna. Flagella spinæ, clavi ex sacrosanctissimo corpore, imo corde, potuerunt extrahere preciosissimum ejus sanguinem, sed non amorem erga peccatores; hic radicitus adhæsit cordi. hæc causa est quod etiam de Cruce exclamat, Matt. II. V. 28. *Venite ad me omnes &c.* suavissimè S. Joannes Chrysost. *Adversis probatur amor, affectio pensatur periculus, pœnis examinatur dilectio, morte perfecta innuitur charitas. Hinc est, quod Christus carnis intrat injuriam, subit contumelias passionum, pœnarum genera percurrit (p. ex hod. Ev.) mortem suscipit per amaram. Damnari noluit, qui quod fecerat, sic amavit.* Et qui propter nimiam charitatem, quâ dilexit nos, voluit mori pro nobis, quare non idem nobis condonabit & remittet peccata nostra? quare non volet, ut effusum sanguinis sui pretium animis nostris conducat. Conducet profecto; modo cum cæco hominiano, ardens recipiendi visus nostri desiderium ostendamus; modò illum qui transit Salvatorem nostrum, firma cum fide inclamemus; modo ex toto cordis affectu exclamemus, Jesu fili David miserere mei! S. Paulus ad Eph. c. 2. v. 4. ait. *Quia cum adhuc peccatores essemus, Christus pro nobis mortuus est. Deus qui dives est in misericordia, propter nimiam caritatem suam qua dilexit nos; cum essemus mortui peccatis, convivificavit nos in Christo; Quid faciet, si veros pœnitentiæ fructus agamus; si verâ ac sincera exomologesi peccatorum nostrorum sarcinas deponamus; si humiliemus nos in conspectu Altissimi; si ad quadragesimale, rite perfectèque suscipiendum nos comparemus; si pravas pec-*

peccandi consuetudines, societatesque omni quo licet studio devitemus.

Finiam hanc Concionem eleganti exclamatione S. Bern. ser. in Cœnam Domini; cum verba illa Christi ad Judam, Joannis. 13. 27. *Quod facis fac citius*, expendisset, ait; Domine Jesu vita mea! decus Angelorum; quantum eos diligebas, pro quibus mori cupiebas; nobis vitam, tibi mortem affectabas. O amor interminabilis! O Charitas inæstimabilis! O dilectio inscrutabilis! *Quod facis, fac citius*; illud cupio, illud desidero, illud quero, ad hoc veni in hunc mundum! *Quod facis, fac citius*. Vis me vendere Judæis? volo vendi: vis tradere? volo tradi? Vis ut crucifigat? Volo crucifigi; Vis ut occidar? volo occidi. hoc amo! hoc desidero! *quod facis, fac citius*. (ad clavos? *cito!* ad columnam! *cito!* ad Crucem? *cito!*) Tandem mellifluus Doctor Bernardus hanc subjungit exclamationem; *Considerate sedulo, quantum est diligendus, qui se tradentem ad mortem sic hortabatur*. Vultis scire quantum? Tantum, ut in ejus gratiam, abnegemus nosmetipsos. Tantum! ut cum ipso humerus ad portantam SS. Crucem submittamus. Tantum! ut nunquam hujus beneficii memoriam deponamus. Tantum! ut dura quæque, acerba, tristia, horrida, æquo animo toleremus. Tantum denique, ut cum ipso, & pro ipso, opes, honorem, sanguinem, vitam, & si quid vita nobis est antiquius, profundere non dubitemus.

S. 115.
Epilogus
ex suavis-
simo loco
S. Bernardi
ex ser. in
Cena Do-
mini,

CON-



CONCIO XIII.

DOMINICA I. QUADRAGESIMÆ.

Cum jejunasset, quadraginta diebus, & quadraginta noctibus.

Matt. 4. cap. Vers. 2.

SYNOPSIS CONCIONIS.

EXponit hostem animarum nostrarum potentissimum, astutissimum & avidissimum damnationis nostræ, qui est Diabolus; à nobis vinci & superari posse per jejunium.

- | | |
|--|--|
| §. 1. <i>Permittit Deus, in hoc mundo versari daemones.</i> | §. 9. <i>Quod simili ex S. Ambrosio declaratur.</i> |
| §. 2. <i>Diabolus est hostis potens & astutus.</i> | §. 10. <i>Digressio ad pœnam pestis.</i> |
| §. 3. <i>Prosecutio.</i> | §. 11. <i>Certa daemones non possunt vinci nisi per jejunium.</i> |
| §. 4. <i>Diaboli odium & invidia erga genus humanum.</i> | §. 12. <i>Per hoc Iudith triumphavit de Holoferne. Esther, de Amano.</i> |
| §. 5. <i>Sape multi diaboli uni animæ insidiantur.</i> | §. 13. <i>Ut à triplici nocivo igne liberemur, jejunemus.</i> |
| §. 6. <i>Aviditas demonis ut perdat animas.</i> | §. 14. <i>Quo tempore Sathan nocere potuerit filiis Iob.</i> |
| §. 7. <i>Nihilominus vinci potest.</i> | |
| §. 8. <i>Et quidem jejunio.</i> | |

§. 1.
Permittit
Deus in
hoc mundo
versari da-
emones.

UT in omnibus, ita in hoc puncto, admirabile est Dei consilium, & investigabilis ejus Providentia, vel illa voluntas, qua permittit, ut diaboli semel præcipitati in infernum, ut nihilominus versentur in hoc mundo, ut scelesti

ſceleſti & crudeles ſpiritus continuo lateribus noſtris adhæ-
reant, ut moleſtiſſimis tentationibus conentur nos adducere
in malum, in peccatum, in barathrum deſperationis æternæ.
Quæ divina permiſſio multis videtur dura, & non ita confor-
mis infinitæ ejus bonitati, paternoque erga genus humanum
amori. Quis Pater permittit, ut in domo, aut cubiculo, in
quo dormit vel ludit dilectiſſimus filius, ſimul commorentur
ſcorpiones & ſerpentes; an non timet, ne cara proles ferali ictu
aut veneno inficiatur? Quis paſtor, in ſtabulum, in quod de
nocte vult inducere ſuas oviculas, prius inducit & abſcondit
lupos vel leonem? nunquid hæ voraces beſtiæ devorabunt
agnellos? Quis agricola in ſuos agros, in quibus ſeminavit ſe-
men bonum, diſpergit ſemina ex quibus naſcantur vermes, ori-
antur locuſtæ, prodeant erucæ? nunquid deſtruent ſegetem?
Tota hæc mundi univerſitas nil aliud eſt, quàm quædam do-
mus ædificata pro habitatione hominum: quid agunt in hac
domo infernales ſerpentes? Mundus hic, eſt quoddam Ovile,
nos ſumus oviculæ, cur inter nos vagantur infernales lupi, ter-
ribiles Urſi, Leones Tartarei? Mundus hic eſt quidam ager,
ut nos in illo ſeminemus ſemen bonum gratiæ & gloriæ; per-
mittit ſimul Deus, ut hic ager plenus ſit infernalibus erucis!
quod cum pius Job conſideraſſet dixit ad Dominum cap. 30.
v. 21. *Mutatus es mihi in crudelem.* Sed reſpondit illi Dominus
cap. 41. v. 1. *Non quaſi crudelis ſuſcitabo eum; quis enim reſi-
ſtere poteſt vultui meo?* Id eſt, Providentiæ meæ, ait S. Thomas,
quaſi dicat; quantumcunque Leviathan ſit potens, non tamen
poteſt Providentiæ meæ reſiſtere, ut potentia ſua utatur, niſi
quantum mihi placuerit; & mea voluntas, non ad perniciem
hominis, ſed ad ſalutem hominis dirigitur. Convincor ego, ut
fidem huic addicam, ex hſtoria hodierni Evangelii. Permi-
ſitne cœleſtis Pater, Unicum, Unigenitum Filium ſuum in ere-
mo tentari ab infernali ſerpente immunem? Quid? conceſ-
ſumne fuit huic infernali lupo, inſidias ſtruere Agno, *qui tollit*
peccata mundi? Joan. 1. v. 29. ſine dubio, ad ſummam Chriſti D.
gloriam; non itaque miremur ab iſdem & nos tentari; licet

Alveus Tertius.

Q

enim

enim hoc Deus permittat, facillimè tamen de illo subjugato canere possumus Victoriā. Ostendam hac Concione, potentem, astutum, versipellem hunc hostem, facillimè à nobis prosterni jejunio & memoria Passiōis Christi D. quæ duo media initio hujus quadragesimæ nobis suggerit sancta Mater Ecclesia.

§. 2.
Diabolus
est hostis
potens &
astutus.

Hostis noster diabolus est potentissimus. Job. 41. 24. *Non est super terram potestas, quæ comparetur ei; quia factus est, ut nulum timeret.* Septuaginta legunt: *Nihil est super terram simile illi.* S. Thomas advertit naturalem causam hujus potentiae, quod scilicet proveniat, à natura spiritali, cui nulla virtus corporalis potest comparari. Ita S. Paulus ait ad Eph. 6. v. 12. *Non est nobis colluctatio adversus carnem & sanguinem, sed adversus Principes, & potestates, adversus mundi rectores tenebrarum harum, contra spiritualia nequitiae in caelestibus.* De Balena ait Job. 41. cap. 22. *Fervescere faciet quasi ollam, profundum mare:* terribilior adhuc est diabolus, in tempestuoso mari hujus sæculi. Potentia Satanæ, eo est periculosior, quo astutior; ideo quæ non tantum per violentiam, sed per insidias, & fallacias impugnat Deum diabolus, in membris suis, non in se. Ideo primam tentationem peragit in forma serpentis de quo ait script. gen. 3. v. 1. *Serpens erat callidior cunctis animantibus terræ.* Septuaginta. *Serpens prudentissimus.* Aquila, *Sapientissimus.* Alii. *Versipellis nequam.* Ob quam causam cit. S. Paulus nō dixit, nempe, *Induite armaturam Dei,* ut possitis stare adversus pugnas, & adversus bella; neque enim incautè & aperte & palam bellum gerit nobiscum inimicus, sed ex insidiis. Nō aperta proponit peccata; sed agens compendiaria via, & ex insidiis probabilem reddit orationem, *utens prætexitibus* v. g. initio statim hujus quadragesimæ, illius observationem alicui vult reddere difficilem; certè non ait *apertè*; Noli jejunare; etiamsi hoc præceptum transgrediaris, quid interest? Non; *Utitur prætexitibus,* prætendit periculum famitatis, variorum morborum pericula, egestatem & inopiam, labores, ætatem &c. verbo, astutus est, *mille utitur prætexitibus.*

S. Leo Papa, ser. 7. de Nat. Domini hanc astutiam infernalis serpentis sic descripsit. *Novit diabolus, cui adhibeat astus cupiditatis; cui illecebras gula ingerat, cui apponat incitamenta luxuria, cui infundat virus invidia; novit quem mœrore conturbet, quem metu obruat, quam admiratione seducat.* Quia omnium discutit consuetudines, ventilat curas, scrutatur affectus, & ibi causas quærit nocendi, ubicunque viderit hominem studiosius occupari. Ut bene dixerit S. Thomas; *Quando aliquis hostis imminet, si sit debilis & stultus, non est multum timendum, sed quando est potens, nequam, & callidus, tunc est timendus: quæ tria in diabolo sunt.* Ideo monet S. Greg. M. lib. 32. mor. c. 19. *ut cognoscamus, cum quanto hoste pugnamus, ut simul scias, quis tu? quis ille? Quid nos, nisi pulvis? quis vero ille, nisi unus ex cælestibus spiritibus, & quod majus est, summus.* Vnde quis de propria virtute audeat, quando contra Angelorum Principem, pulvis pugnat. Cum I. I. reg. cap. 17. v. 36. diceret David; *Nunc vadam & auferam opprobrium Israhel populi.* dixit illi Saul: *Non vales resistere Philisthæo isti nec pugnare quia puer es; hic autem vir bellator ab adolescentia sua.* Sed David eo animosior ait eod. vers. *Leonem & ursum interfeci, erit Philisthæus hic incircumcissus, quasi unus ex illis.* Sic est, confortati divina gratia non habemus cur valde timeamus; sed quatenus vires humanæ naturæ considerare velimus. memores nos esse oportet glossæ super citatum locum, *Philistæi demones: Goliath caput eorum, demonum Lucifer: altitudo Goliæ diaboli superbia; arma Goliæ, Diaboli ad nocendum versutia.* & dicti S. Joan. Chrysost. hom. 22. super istum locum S. Pauli. *Sitales instructæ sunt acies, si incorporalis Principatus; si mundi Domini; si spirituales nequitie adversus nos sunt, quomodo deliciamur, quomodo tam incauti vivimus?*

Potentia & astutia hujus serpentis accedit implacabile odium & invidia erga genus humanum. Sapientia 2. v. 24. *Invidia diaboli, mors intravit in orbem terrarum.* Neque satis illi fuit, quod per peccatum hominem fecisset mortalem, sed mox cum Caino Gen. 4. v. 8. belli ducem egit & ipso mortis genere

enifus est; & enitur quotidie. Juxta verba Christi D. Joannis 8.44. *Homicida fuit ab initio, & talis est in hodiernum usque diem; crudelis leo circumiens & quærens quem devoret; Super verba S. Matthæi c.8.28. Occurrerunt ei duo habentes demonia de monumentis exeuntes, sævi nimis, ait S. Petrus Chrysologus ser.16. Attendite, quæ savitia, quis furor, quæ rabies demonum, erga genus humanum: contenti non sunt mori homines, sed vivos homines gestiunt sepelire: se se sepulcris mandant, ut homines redigant in sepulcra: pascuntur cadaveribus, putredine saginantur, deliciantur fætores; quibus tota voluptas est interire.*

S. 5. Cum diabolus à Deo accepisset potestatem, vexandi & probandi patientiam Jobi. cap.1.12. *Repente ventus vehemens irruit à regione deserti, & concussit quatuor angulos domus, quæ corruens oppressit liberos ejus & mortui sunt, quærit Origenes l. r. in Job. Si per unum angulum domus poterat cadere, cur omnes quatuor angulos convellere voluit? Respondet, ut ostenderet ferociam, atque animum suum homicida: Ex omnibus partibus irruerunt, festinantes in domum, atque adversus murum rapientes, quis primum hanc iniquitatem inciperet, quis primum hoc homicidium perpetrasset; ingentem unusquisque eorum reputans dolorem, si prior illo, alter procederet ad ruinam. Addit Jansenius ad nostram institutionem voluit Dominus multitudinem dæmonum unum hominem possidentium innotescere, ut agnosceremus, non esse nobis singulis negotium cum singulis dæmonibus, sed multos simul dæmones, frequenter unius saluti insidiari.*

S. 6. Lib.6. revel. S. Brigittæ refertur cap.31. Christum D. cum in præsentia diaboli Animam quandam adjudicasset æternæ beatitudini illi dixisse, *quid faceres, si hanc animam posses tecum rapere in infernum;* Respondit diabolus, *si corporeus essem & totum spatium quod est inter cælum & infernum, esset plenum lanceis & acutissimis cultris; inter hac libenter transirem à summo cæli usq; ad infernum, ut illa daretur in potestate mea. Ideo sanctis personis magna cura omni hora & momento insidiatur. Quemadmodum enim pirata (S. Joannes Chrysost. hom.31. in gen.) quando vident*

vident navim multis mercibus oneratam, & plurimas adducentem divitias, tunc potissimum variis moliuntur insidiis ut possint mercibus omnibus navigantes illos spoliare; ita sane diabolus cum videt spirituales divitias coacervatas, alacritatem fervidam, mentem vigilem (præsertim sancto tempore Quadrag.) cruciatur, & dentibus frendet, & quasi pirata circuit, & innumeras machinatur artes & insidias, ut si quem, vel exiguum inveniat aditum, per quem semen callide insinuet, & quidquid nobis est spiritualium divitiarum, deprædetur, illisque spoliet.

Nihilominus laudanda est Providentia Divina, tantoque magis prædicanda, tanto amanda ferventius, utpote quæ malum quod nobis, aut à Lucifero, aut ab aliquo sociorum ejus paratur, semper si volumus in bonum vertit, semper nobis præsto est, semper nobis vires animosque ad luctam necessarios subministrat. S. Aug. Intendat charitas vestra, ne fortè dicatis: hæc mihi diabolus fecit; prorsus ad Deum tuum refer flagellum tuum, quia nec diabolus tibi aliquid facit, nisi ille permittat, qui desuper habet potestatem aut ad pœnam, aut ad disciplinam. Ad pœnam impiis, ad disciplinam Filiis. Præterquam, quod efficacissima habeamus media, quibus tantum hostem facillimè superare possumus: unum ex efficacissimis sacrosancto suo exemplo nos docuit Christus Dominus, nimirum Jejunium.

Hic fuit sensus Angelici Doctoris, *quod per jejunium nos oportet contratentiones diaboli armari.* Et S. Joan. Chrysostomus hom. 13. in Matth. *Vt discas, quàm magnum bonum est jejunium, & qualiter scutum est adversus diabolum; ideo Christus jejunavit; non jejunio indiget, sed nos instruens.* S. Ephrem. Syrus putat Regem Ninivitarum cum Jonas prædicasset pœnitentiam, in ardentissima adhortatione ad populum suum, inter alia, hæc dixisse: *Nunc precibus Satanam vincere studete; egrediamur & fortè cum illo bellum committamus. Exuite thoraces, & induite sacos; pharetras abjicite, & ad preces confugite, relinquitte enses, & quarite fidem, rela confringite, & jejunium suscipite.* Non sine mysterio dixit Christus D: Matt. 17. 20. *Hoc genus demoniorum non*

ejicitur, nisi in oratione & jejunio. S. Hilar. id est; *Acriora demonia.* Cajetanus hic: *Perpende hinc, quanti à Deo fiat jejunium, ex hoc, quod opera ardua, jejunii concursus requirere* explicavit. S. Aug. fer. 65. de temp. *Videte charissimi, quanta sit jejunii virtus, ut id facere jejunium valeat, quod Apostoli nequiverunt.* Tertullianus l. de jejun. c. 8. *Adversus diriora demonia jejunii praliandum. Quid enim mirum si eadem operatione spiritus iniquus educitur, quo Sanctus inducitur.*

§. 9.
*Declaratur
similitudi-
ne ex S.
Ambrosio.*

Valde mihi placet simile S. Ambrosii lib. 6. Hexam. c. 4. *Jejuni hominis sputum si serpens gustaverit, moritur.* Vide quanta vis jejunii sit, ut & sputo suo homo terrenum serpentem interficiat, & merito, spiritualement. S. Athanasius proinde hoc suadet l. de Virginit. dum ait: *Quisquis ab immundo spiritu vexatur, si hoc animadvertat hoc pharmaco utatur, jejunio inquam; & statim spiritus malus oppressus abscedet, vim jejunii metuens.* Pro ut S. Antonius suis fratribus dicere solitus fuit; *Mihi credite fratres pertimescit Sathanas piorum vigilias, orationes, jejunia.*

§. 10.
*Digressio
ad penam
pestis.*

Mirabilem visionem refert Tursellinus in Epitoma hist. l. 6. In urbe Roma, Visus fuit à multis diabolus cum hasta urbem obiens, is ad Angeli imperium, cuspe domorum feriebat januas, & postero die mortuorum numerus hasta ictus æquabat. Sed! cum in templo S. Petri ad Vine. in honorem S. Sebastiani erectum fuisset altare sava illa lues confestim populi precibus atque jejunii quasi extincta cessavit. Quis nostrum est Auditores, qui hunc Angelum malum, hunc imitem Justitiæ divinæ satellitem non summopere expavescat. Vidimus profecto, quot in vicinia strages ediderit annis nuper elapsis! quid consilii? en suggero; piam Romanorum imitemur industriam, ad discamus in salutis nostræ Patronum D. Sebastianum Athletam: imploremus validum ejus subsidium; tum, quod alterum industriæ hujus caput est, jejunii insistamus. Etenim exploratum longâ habemus experientia, hoc infestum demoniorum genus, non nisi in oratione, atque jejunio expelli. Hæc, & non alia arma hosti nostro infernali terrorem incutiunt. An-
geli

geli verò boni nos defendent. S. Basilius hom. 2. de laud. Jejun. Angeli diligentius adsunt his, qui jejunio purgatam animam habent. S. Athan. Jejunium Angelorum cibus est.

Repeto; certa dæmonia debent superari Jejunio. Celeberrima heroina fuit Juditha, & propter admirabilem pulchritudinem, & propter plurimas excellentes virtutes, ob quas ab omnibus incolis Bethulix diligebatur; sed præsertim ob inauditam victoriam quam de Holoferne reportavit. Modum describit Sacer textus, inter alia ait cap. 8. illius historix v. 6. *Et habens super lumbos suos ciliciū ieiunabat omnibus diebus vita sua; Et ita Judith* (inquit Ambr.) *solo titulo sobrietatis, desperatū reportavit triumphum.* Terribilis Holofernes imago quædam est diabolorum, præsertim illorum qui jacent in molli humani cordis lectulo, decumbunt inter rosas & pulvinaria Veneris; sunt Cacodæmones qui omni arte insidiantur pudicitix cujusdam Judithæ, cujusdam animæ sanctæ, præsertim hoc tempore quadragesimo quo sanguis in humano corpore rursus accenditur, quo furere solet stimulus carnis (sic loquitur S. Paulus) O Judithæ! O animæ piæ! non superabitis nisi per jejunium. Hic est ille gladius, quo caput tartarei Holofernus resecatur. Hic est ille clypeus, longè validior Ajacis, aut Agamemnonis scuto. Hæc est illa lorica eorum, qui cælos non armis, sed precibus, virtutibus, atque jejniis expugnare nituntur; gigantum. Hæc est illa armatura fortium, cui cedere cogitur, ipsemet infernalis princeps legionis Lucifer.

Cum scelestus Aman à Rege Assvero obtinuisset mandatum & edictum quo Rex jubebat ut omnes hebræi occiderentur; Esther sollicita de remedio & de tanto populi totius periculo attonita jussit Judæis dici, cap. 4. *Non comedatis & non bibatis tribus diebus, & tribus noctibus. Et ego cum ancillis meis similiter ieiunabo.* Quo effectu? plane admirabili. Esther invenit gratiam coram oculis Assveri; Mardocheus fuit honoratus, populus ab excidio liberatus, Rex revocavit sententiam, Judæorum hostem Amanum jussit in malam crucem agi, unà cum filiis suis. S. Ambr. lib. de Elia & Jejun. c. 9. *Itaque illa quæ exiduo*

§ II.
Certa dæmonia, non possunt vinci nisi per jejunium. Per hoc laudith triumphantem de Holoferne.

§ III.
Esther de Amano.

triduo jejunavit continuo, plus placuit & vindictam retulit. Est ergo jejunium, reconciliationis sacrificium, virtutis incrementum, quod fecit etiam feminas fortiores augmento gratia. Hoc tempore verno incipit præcipuè furere infernalis Aman, ut ad ruinam spiritualem in gravia scelera plurimas animas detrudat. Cœlestis Esther Christi Dei sponsa, Ecclesia inquam Catholica, sollicita est de remedio, ideo duo præstat; Erigit crucem Salvatoris, ut illi affigamus & crucifigamus diabolum; pro fune, præscribit Jejunium, hoc veluti fune jugulatur infernalis serpens. Non sine causa superius insinuavi cum Amamo etiam filios fuisse suspensos, in patibulo. Iisdem omnino armis hoc potissimum tempore expugnandus est diabolus; fraudium parens, una cum scelerata sua cohorte. Quid enim? Progenies & Soboles illius est, impurus amor; jugulandus hic est, in facie crucifixi! sed funis, quo jugulatur, est jejunium. Soboles illius est, gula. Jugulate gulam, funem afferte, jejunium adhibete. Soboles illius est negligentia cultus divini, desidia in rebus sacris, torpor & languor animi ad cœlestia; jugulate has proles tartareas, date operam precibus, sed & jejunium non omitrite. Non possum, quin repetam duas vocolas, quibus S. Amb. superius citatus clausit pulcerrimam periodum; quod scilicet jejunium nos fortes faciat, cum *augmento gratia.* Hic est utilissimus effectus Jejunii; ex meis auditoribus neminem puto esse tam frigide pium, tam remisse Catholicum ut tempore quadragesimæ non plus temporis orationi, non plus devotioni in templis, non plus meditationi in cubiculis, quam reliquo per annum tempore addicat. Ut omnia vestra opera bona fiant cum augmento gratiæ; jejunate! ut preces vestræ Deo gratæ atque acceptæ, fragrantissimi thuris instar ascendant in odorem suavitatis; jejunate! ut opera pœnitentiæ mortificationes, flagellationes, cilicia in bonum animarum vestrarum, & non in vanæ gloriolæ auram evadant, Jejunate! ut sacræ exomologeses quæ frequentiores hoc tempore institui à vobis solent, citius meritas, debitasque sceleribus pœnas expungant, Jejunate! ut maiori cum devotionis gustu sacræ Eucharistiæ epulo

epulo accumbatis, Jejunate. Verbo, sit omnium vestrorum operum, veluti condimentum, Jejunium.

Terribilis est sententia Tertulliani, adv. Psych. c. 7. *Sodomæ quoque & Gomorrhæ evasissent si jejunassent.* De tribus pueris in fornace babylonica ait c. 3. v. 94. Danielis; *Non tetigit eos omni-
no ignis, neque contristavit, nec quidquam molestiæ intulit.* Unde <sup>5.13. ut tripli-
ci nocere
igni libe-
remur, te-
junemus.</sup> tantum miraculum? Resp. S. Joannes Chryf. hom. 1. de pœnit. *Quomodo? leiunium interroga, & respondebit, & solvet tibi anigma.* *Vidisti pugnam admiratione dignam? Vidisti novam & inauditam victoriam? leiunium mirare, quoniam quidem in camino fert opem.* Ignis Sodomæ, sulphur Gomorrhæ, fornax babylonica, ardens caminus, erumpentes inde flammæ & scintillæ triplicem ignem oculis nostris proponunt. 1. materialem, quo hoc tempore tot Provincias punit Deus, nimirum pestem, quid diceret Tertullianus si revivisceret; fortassis evasissent, si jejunassent, si superiori quadrages. non tam avidè vorassent carnes, &c. 2. Ignem spiritualem sive animarum; id est, gravium scelerum præsertim luxurias, fortassis non arderent, si jejunarent. 3. Ignem inferni; fortassis plurimæ clamant inter illos ignes: Non arderemus si jejunassemus. Quæso simus solliciti Aud. ut ab hoc triplici igne liberemur, & Jejunii corpora nostra maceremus. S. Aug. ser. 130. de temp. Jejunium purgat animam, mentem sublevat, propriam carnem spiritui subicit, cor facit contritum, & humiliatum, concupiscentiæ nebulas dispergit, libidinum ardores extinguit, castitatis verum lumen accendit.

Redeo ad cap. 1. Jobi, quod superius citavi. Versus 18. ait <sup>5.14. Quo tem-
pore Satan
nocere po-
tuerit filiis
Job.</sup> *Filiis tuis & filiabus tuis vefcentibus & bibentibus, repente ventus irruit, & concussit quatuor angulos domus, quæ corruens oppressit li-
beros tuos, & mortui sunt.* Ex hoc loco superius ostendi fero-
ciam diaboli; sed ex iisdem verbis advertite circumstantiam temporis, quando istam ferociam exercere potuerit. Origenes in Cat. græca ait: *Si precantes eos diabolus invenisset, nihil contra eos efficere potuisset; Verum cum ei oblata fuit occasio, tunc demum potuit.* Sed quale tempus fuit opportunum? qualisque op-

Alveus Tertius.

R

portu-

portunitas? potius fuit. Tanti refert Auditores mei, omnem demoni viam atque accessum ad nos præcludere, omnem nos superandi occasionem præscindere. Præcidisset profecto incauta Jobi soboles, si jejunio potius, quàm ventri ac gulæ studuisset. O fortis sanctorum armatura, Jejunium. O re- te diaboli! O certa animarum perniciēs, gula! absit à me, ab- sit à nobis omnibus, qui veri Ecclesiæ Catholicæ filii nomina- ri atque esse volumus, absit ut per transgressionem huius de- ieiunio præcepti aditum ad nos atque accessum faciamus dia- bolo. Jesu! qui quadraginta dies, totidemque noctes strictissi- mo in ieiunio exegisti, aperi mentis nostræ oculos, ut cum forte idem, qui te tentare non dubitavit, in deserto inimicus, in nos per gulæ, ventrisque ingluviem, insultum fe- cerit, videamus eius fraudes, cognoscamus pericula, impe- tum repellamus, & tandem per Jejunium, tanto ab hoste glo- riosi victores evadamus. Finio, cum S. Th. in ep. ad Gal. 5. *leiu- nantes dum carnem suam affligunt Passioni Christi conformantur.* Pa- lamon Eremita: *Dominus meus Crucifixus felle & aceto potatus est, & ego oleum addam?*



CONCIO XIV.

DOMINICA II. QUADRAGESIMÆ.

Filiamea, male vexatur à demonio.

Matt. 15. cap. v. 22.

SYNOPSIS CONCIONIS.

PRima pars, suadet devotam & frequentem Orationem, tanquam potens & efficax medium, ad vincendas tentatio- nes Dæmonum. Altera pars monet, ad perfectionem Jejunii, & Ora-

& Orationis, necessario requiri hanc conditionem, ut Deum graviter non offendamus.

- | | |
|--|--|
| <p>§. 1. <i>Oratione vincitur demon.</i>
 §. 2. <i>Proinde pii Christiani dediti sunt Orationi, praesertim per Quadragesimam.</i>
 §. 3. <i>Quanam sint potentes orationes, & ad deprecandum composita ex cap. 41. Job.</i>
 §. 4. <i>Suavissimus fructus talis orationis, & suavis locus de Misericordia Christi erga penitentem peccatorem.</i>
 §. 5. <i>Pia oratio per quadragesimam requirit aliquam solitudinem.</i>
 §. 6. <i>Digressio ad stationes Crucis erectas Bambergae, & seria adhortatio, ut visitentur.</i></p> | <p>§. 7. <i>Suadet frequentes orationes iaculatorias.</i>
 §. 8. <i>Prosecutio.</i>
 §. 9. <i>Digressio ad Sodales Agonia.</i>
 §. 10. <i>Perfectio Ieiunii & orationis, requirit, ut abstinemus à vitiis.</i>
 §. 11. <i>Probat ex Isaia & SS. Patribus.</i>
 §. 12. <i>Prosecutio.</i>
 §. 13. <i>Eadem res declaratur simili.</i>
 §. 14. <i>Epilogus, transgressoribus Ieiunii minatur igneos serpentes.</i></p> |
|--|--|

ANte octiduum in Evangelio audivimus Diabolum tantæ fuisse audaciæ, tantæ impudentiæ, ut Christum D. Filium Dei, gravissimis tentationibus aggredi non dubitaverit: unde mirum non est, si potens, astutus, & malignus ille hostis nobis mille struat insidias, mille laqueos pedicæque injiciat. Sed, ostendi, per Jejunium facillimè posse etiam primaria & atrocia dæmonia superari: Quandoquidem verò Evangelium hodiernum alium nobis dæmonem iterum proponit; cum nempe qui miserandum in modum cruciavit filiam Cananæ, ut iterum memores simus, qua astutia, qua malitia malus dæmon nobis insidietur; cogito hac concione aliud quoque auditoribus meis insinuare remedium, quo astuto hosti & fortiter & efficaciter resistere possimus; ut nimirum cum Cananæa confugiamus ad Christum, & ardentibus

§. 1.
*Oratione
 vincitur
 demon.*

precibus misericordiam ejus sollicitemus! Dixi nuper Regem Ninivitarum, post prædicationem Jonæ statim indixisse Jejunium, de eodem ait S. Ephrem Syrus ser. de pœnit. Ninivitarum. *Vocans adduxit omnem suum populum ad orationem; & illius adminiculo scutum liberationis concessit. Festinavit, ut in urbe proclamaret pœnitentiam prophætra; cuius sagitta (scilicet orationes) ad cælos perveniunt, & dum mittuntur vincunt.* Nunc scopus, in quem collimo, est, ut efficiam, ut mei auditores, per S. Quadrag. frequenter & diligenter in orationem incumbant; tum aliquod apponam monitum, quo orationes & jeiunia nostra reddi possint fructuosa.

§. 2.
Proinde
pii Chri-
stiani, per
quadrage-
simam præ-
cipue in-
stant Ora-
tioni.

Si unquam, certe in quadregesima, locum habet aureum monitum S. Ambrosii ser. 19. *Divide saltem Deo, & saculo tempora tua. Mane festina ad Ecclesias, defer primitias pii voti; & postea si vocat secularis necessitas, poteris dicere, Prævenere oculi mei mane, meditari verba tua, sic securus procedes ad tuos actus. Quàm incundum inchoare diem, ab hymnis & canticis!* ante octiduum valde commendavi jejunium, & præcipit illud nobis Mater Ecclesia sub peccato mortali, sed super verba illa, *levate manus vestras* &c. bene monet S. Bernardus ser. 4. de quadrag. *Fratres omnino solliciti estote, ut duas manus habeat Ieiunium Vestrum, sanctimoniam scilicet, & orationem! hoc est sanctificare Ieiunium, ut pura intentio & devota oratio divina illud offerat Maieitati.* Job de se ait cap. 41 3. *Non parcam ei* (id est, importunus ero Deo meo, ut ardentissimis precibus, implorem misericordiam ejus, & illud faciam.) *Verbis potentibus, & ad deprecandum compositis.*

§. 3.
Quenam
sinc pose-
ras oratio-
nes, ad de-
precandum
composita,
ex cap. 41.
Job.

Idem nobis agendum est hac quadregesima, ut contra dæmones, qui nobis molesti sunt, instruamus nos armatura precum; & gratiam necessariam ad obtinendam victoriam imploremus; *Verba potentia*, & ad deprecandum composita non desunt; primum locum obtinet Oratio Dominica, quam quia Christus D. ipse composuit, nulla ad deprecandum esse potest potentior. Cum oratione Dominica, in Rosario B. V. veluti rosæ cum liliis, miscentur salutationes Angelica, in varias decades di-

des distinctæ; v.g. in Rosario Doloroso, una decas recitatur in honorem sanguinei sudoris; altera in memoriam flagellationis, &c. Animæ piæ, omnia in tali oratione verba sunt potentia, sunt scuta, sunt clypei, sunt verba, partim à sacrosancta Trinitate; partim à Christo D. partim à S. Angelis, aliisque sanctissimis personis composita. Non parcite divinæ misericordiæ; instate orationi. Sacerdotes, alique ministri Ecclesiæ tenentur quotidie certos psalmos, cum aliis antiphonis atque orationibus quæ omnia officii divini nomine comprehenduntur, persolvere; in quo omnia verba sunt potentia & ad commovendam Dei misericordiam accommodata, atque à Spiritu S. directæ, sentiunt alii per quadrag. cœlestem gustum, in piis Litanis & orationibus de Passione Christi D. de quinque sacrosanctis Vulneribus, de effusionibus sanguinis, quæ plerumque plenæ sunt affectuosissimis obtestationibus ad Christum D. ut per sua Vulnera, cicatrices, dolores, mortem sit nobis pius, sit clemens, sit misericors; Hoc agite, animæ piæ; non est idoneum magis pietati vestræ tempus, quàm hoc quadragesimale; hic vobis orandum est, hic instandum opportune, importune, hic ignita precum tela ejaculanda in cœlum. O quàm uberem orandi materiam, vobis hisce diebus subministrant psalmi septem, quos pœnitentiales passim nuncupamus. O quàm nobiles virtutum affectus suggerit ille contriti cordis, regius Psalmus: Miserere! hic potestis Audire. ingemiscere cum Davide, hic potestis cum eodem Dei misericordiam inclamare, cordis munditiem implorare &c. Quot verba hic oratis, tot in cœlum ardentes virtutum sagittas evibratis.

Ita placatur Christus D. his orationibus; tam gratæ & acceptæ sunt illi ejusmodi preces, præsertim pœnitentis alicujus Animæ, si coram Crucifixo, effundat cor suum, ut fassus fuerit S. Mechtildi, teste Lud. Blofio in Mon. Spirit. c. i. *Si, peccator, mox per pœnitentiam redierit ad me, confidens in mea misericordia, paratus tum ad omnem ejus gemitum (& deprecationem) omnem culpam ei remittere.* Teneriori affectu plena sunt verba, quæ sequuntur; *Nullus est adeo magnus peccator, cui si verè pœnitueris*

9.4.
Suavissimi
mihi fructus
potentis
Orationis
et piissi-
mi locus
de infinitis
Misericor-
dia Christi
D. erga
pœnitentes
non orantem.

non mox omnia peccata plene remittere paratus sum, & cor meum tanta clementia, atque dulcedine super ipsum reclinare, ac si nunquam peccasset. O felices meos sodales Agoniæ Christi in cruce Agonizantis! quæ congregatio nil aliud est, quam illorum conventus, qui potentibus precibus à Christo Crucifixo mediante Rosario quinque SS. Vulnerum impetrare volunt felicem mortem. Sodales Amantissimi, Devotæ Deo animæ, non parcite Jesu Vostro; sub recitatione hujus Rosarii, petite à Spiritu S. potentia verba, &c. effundite corda vestra in igneas preces; procumbite cum pœnitente Magdalena ad pedes Salvatoris; promite potentia caritatis verba, nec parcite lacrymis: laxate frænum piis suspiriis, dicite verba! sed verba efficacia, verba ignea, verba ad commovenda piissimi Jesu viscera, composita.

§. 5.
Pia Oratio
per qua-
dragesi-
mam re-
quiris ali-
quam soli-
tudinem,
& loca pia.

De tali oratione pulchre ait Oleaster super c. 32. gen. ubi dicitur de Jacobo, quod, dum cum Angelo fuit luctatus manserit solus, in quodam colle, & prout illa historia depingi solet, sub quadam arbore; talis inquam oratio, quæ Deo non vult parcere, quæ divinæ misericordiæ vult vim inferre; *Requiris locum secretum, & qui orat, debet secretiora loca quarere*; ita de S. Dominico refert historia Vitæ ejus. In itineribus jubebat socios se antecedere, dicens: *Interim cogitemus de Salvatore nostro.* S. Francisco Seraphico in monte impressa sunt signa Vulnerum Salvatoris. Sic Moyses dixit ad Pharaonem Exodi 9. v. 13. *Cum egressus fuero de urbe, extendam palmas meas ad Dominum.* De Christo Salvatore nostro ait S. Joan. c. 18. v. 2. *Sciebat autem & Iudas locum, quia frequenter convenerat illuc Iesus cum discipulis suis, ut ibi oraret, scilicet in monte Oliveti* Marc. 1. v. 35. *Et diluculo valde surgens, egressus abiit in desertum locum, ibique orabat.* Matt. 14. v. 23. *Dimissa turba ascendit in montem solus, orare.* Animæ piæ! fixumne vobis est, hac quadr. frequenter cogitare de Christo D. de ejus cruciatibus, de morte ejus acerbissima, quærite aliquam solitudinem; abstrahite vos non nihil à sæcularibus curis, à vanitate hujus mundi vosmet ipsi subducite, soli, vel in cubiculis, vel in aliquo templo, piis desideriis & cogitationi-

tionibus conscendite montem Calvariae, quarite palinam, sacrosanctae Crucis; Ibi conijcite vos in brachia Salvatoris, ibi cum illo luctam illam extremam auspicamini, ibi cum illo oculos levate in coelum; ibi cum illo ignoscite inimicis vestris, quia nesciunt, quid faciunt; ibi cum illo inter gemitus, cum clamore valido exclamate, Pater in manus tuas commendo spiritum meum, corpus meum, vitam meam, sanguinem meum, omnia mea, interiora atque exteriora, caduca & perennia, corporalia & spiritualia. Sic orandum est, Aud. cum Jesu nostro; haec sunt illa, de quibus egi haecenus, verba potentia; sed in solitudine, in recessu, in latebris pronuntianda. Et quales illae latebrae? quinam illi recessus? An non vos estis, O rosea Jesu Vulnera? Ita! ita! in his latebris orandum, in his vivendum, in his denique moriendum est nobis: O beata Christi Vulnerum solitudo! O sola Christi Vulnerum beatitudo..

Alius locus est in civitate hac Bambergensi, quo vos invito; auditores mei Amantissimi, ut in honorem acerbae Christi Passionis, per has quadragesimales ferias subinde sacras patientis Jesu stationes obeatis. Ecquid sancto hoc exercitio pulchrius? quid utilius? O quam sanctae vos cogitationes afflabunt cum prima vice lapsum sub duro crucis pondere Jesum vestrum spectabitis! Quis tam durus est, ut sibi temperet à lacrymis, cum ad secundam stationem tristissimam Domini Matrem, dum bajulanti crucem Filio occurrit, intuebitur? quis non intimis animi visceribus commovebitur, si tertio loco fatiscentem sub Cruce Jesum, spectet? ubi Simon Cyrenaeus, ad portandam cum eo crucem compellitur. Quid dicam de maeſto Veronicæ sudario? O sudarium! O viva divini amoris effigies! O quàm tuus me commovet aspectus ad detestationem scelerum, ad patientiam, ad Crucem. Quid si quinto loco occursum filiarum Sion considerem? an non illarum lacrymis, meas quoque jure meritissimo, commisceam? Jam si in ascensu montis Calvariae consistam, & cum Jesu meo gustem, amaro cum felle acetum acerbissimum? Quid si denique ultimum in Crucem lapsum advertam? O anima mea, quomodo ama-

bo. fie-

§. 6.
Digressio
ad Stationes Crucis.
erectas
Bambergae.
& seriem
adhortationum
ut visitentur.

bo, fieri potest, ut has septem Jesu Patientis tui stationes obeas sine lacrymis, precibus, suspiriis? Videte jam Auditores mei Bambergenses, quid à vobis sacro hoc tempore, fieri par sit, videte, quā devotione sacras has stationes, singulis ut minimum semel septimanis, & potissimum die Veneris obeatis.

S. 7.
Sundet frequenter
orationes
jaculatorias.

Jam verò dum ad frequentem per hanc quadragesimam, orationis usum vos adhortor auditores, advertere vos cupio, nō exigere me ut longæ illæ sint; ut vestris laboribus & negotiis multum temporis detrahatis; non expedit sæpe familiæ, ut mater familias integris horis hæreat in templis, nec ut aliquis Officialis, omnibus quæ hinc inde instituuntur processionibus, ut vocant, intersit. Sed opto, ut inter labores, inter negotia, frequenter & breviter mentes vestras eleve-
tis ad Deum, ut per breves, pias cogitationes, per amorosa suspiria, per teneros affectus, cogiteris de amantissimo D. qui tanta pro nobis passus est Salvatore. De Anna Matre Samuelis ait l. i. reg. c. i. v. 12. *cum illa multiplicaret preces coram Domino*, quæ verba S. Joan. Chrysost. hom. i. de Anna sic explicat. *Affidue sonabat eadem, nec destitit iisdem verbis iterandis, multum temporis absumere. Non sermone proliso, sed crebris ac frequentibus precibus adiit Deum.* Angelicus Doctor has preces vocat orationes *quas sancti faciunt in puritate cordis*; sic Seraphicus S. Franciscus totis noctibus nihil oravit aliud, quàm hæc verba, Deus meus & omnia. De ipso Christo D. orante in horto ait v. 44. cap. 26. S. Matt. *Eundem sermonem dicens*, Pater &c. Pulchrè S. Joannes Chrysostomus hom. 79. ad pop. *Ubique sis potes altare tuum constituere; nihil enim prohibet locus, neque impedit tempus.*

S. 8.
Prosecutio.

Quam suaves & utiles orandi praxes nobis suggerit hic discursus, hoc potissimum sacro tempore quadragesimæ. O amatores Jesu sint rogo corda vestra, viva Numinis altaria, sint aræ patientis Jesu historiam repræsentantes. Sic in quorundam corde, velut altari erecta est pia imago Christi D. sudantis sanguinem. Certè cor S. Theresiæ fuit altare, cum imagine Christi flagellati ad columnam &c. puto vos hunc loquendi modum

modum penetrare; S. Joannes Chrysoftomus vult dicere, pias animas per quadragesimam frequenter esse memores horum mysteriorum. Hoc concernit memoriam & intellectum, voluntatis verò sive cordis officium & operatio est, ut v.g. cum Anna, multiplicet assidue coram illis imaginibus piissima aliqua verba, v.g. Benedictus Jesus meus sudans sanguinem, Jesus Amor meus! flagellis acerrimè cæsus! Benedictus sit Jesus Rex cordis mei, spinis coronatus! Benedictus sit Jesus Redemptor meus ponderosam crucis trabem bajulans; Benedictus sit Deus meus, pro me in cruce moriens! Easdem has voces tales animæ assidue ingeminant millies; non desistunt eadem iterare; frequentissimis suspiriis; invitunt Christum D. non tantum in templis, sed & in campis, in hortis; in culina, &c. sic eosdem sermones dicunt, sic millies repetunt.

Ita sodalium congregationis Christi in cruce Agonizantis officium & pietas est, ut in corde suo, velut altari, habeant vivam imaginem sive memoriam Christi D. pendentis in cruce, & Astantis Matris Dolorosæ; quem alium in finem, nisi ut multiplicent ardentia suspiria, ut millies iterent hunc præcipuè sermonem, Jesu per rosea tua Vulnere, per angustias mortis tuæ, per dolores Matris, largire nobis sanctam mortem.

§. 9.
Digressio
ad sodales
Agonia.

Nolo modo amplissimæ materiæ de oratione diutius inhærere; bina concione, hodierna, & illa quam dixi ante octiduum, ostendi duo efficacia remedia contra tentationes diaboli esse Jejunium cum Oratione. Et cum non dubitem multos ex meis auditoribus utrique huic sancto operi insistere; ad illud modò progredior, cujus vos hac altera concionis meæ parte monendos duxi; estque illud ex S. Hieronymo in cap. 17. Match. desumptum. *Jejunium non est solum ab escis, sed à cunctis illecebris abstinere. Vel dici potest, inquit S. Thomas, quod etiam Jejunium proprie dictum est abstinentia ab omnibus illecebris; quia per qualibet vitia adjuncta, definit esse actus virtuosus.* Idem dicendum est de oratione. S. Greg. M. 3. p. Pastor. c. 20. *In cassum per abstinentiam caro atteritur, si inordinatis moribus dimissa mens vitis dissipatur.* Idem intelligo de oratione. Nini vitas laudat

§. 10.
Perfectio
Jejunii &
Orationis
requirit, ut
abstineamus à
vitiis.

S. Chrysoſt. non tantum quod vulneribus ſuis adhibuerint remedia, Jejunium, orationem, lacrymas &c. ſed quod *adjunxerint quoque vitæ mutationem.* & Jonas cap. 3. v. 10. *Vidit Deus opera eorum, quia converſi ſunt de via ſua mala, & miſertus eſt Dominus.* Notate, ait citatus S. Chryſoſt. *Non dixit, vidit jejunium, cilicium, & cineres &c.* Nec tamen hæc eo dico, ut jejunium tollam, (avertat hoc Deus) *ſed ut vos ad id, quod jejunio præſtantius eſt, (& oratione) faciendum horter, hoc eſt, omni vitio abſtineatis.* In hoc tota pœnitentiæ viſ atque virtus conſiſtit.

§. 11.
Probat
ex iſaiâ &
ſſ. p. p.

Cap. 58. ait Iſaias ad Dominum, *Quare jejunavimus & non aſpexiſti?* Et ecce Dominus fuit dignatus in hunc modum reſpondere: *Ecce ad lites & contentiones jejunatis &c. Nonne hoc eſt magis jejunium, quod elegi? diſſolve colligationes impietatis &c.* S. Hieron. Qui ergo jejunat, & vult jejunium ſuum reſpici, jejunet ab omnibus malis. Quid prodeſt, attenuati abſtinentia corpus, ſi animus intumeſcat ſuperbia? quam laudem merebimur pallore jejunii, ſi invidia lividi ſimus? quid virtutis habet, vinum non bibere, & ira atque odio inebriari? Eccleſiaſtici 34. v. 31. *Qui jejunat in peccatis ſuis, iterum eadem faciens, quid proficiſt humilitando ſe? orationem ejus quis exaudiet?* S. Baſilius hom. 8. hexam. *Quid prodeſt quaſo corpore jejunare, animam verò mille vitiis, mille malis eſſe refertam?* Elegantiffime S. Maximus hom. 3. de jejun. *Sic caſtigemus membra jejunii, ut animas virtutibus ſaginemus, jejunet in nobis pernicioſa luxuries, jejunet odioſa contentio, jejunet omnis iniquitas. Abſtineamus ab epulis, magis abſtineamus à vitiis, ſic nos temperemus, ſic ſobrii ſimus à vino, ut nulla nobis voluptatum dominetur ebrietas.* Quid enim prodeſt obſervatione quadraginta dierum jejunandi nos tempora cuſtodire, & legem non tenere Jejunii? Quid prodeſt gulam refrænare, & laxare habenas luxuriæ? Quid prodeſt, ventrem habere famelicum, & animum ſimul vitiorum cœno oppletum? verbo dicam, quid prodeſt jejunium à cibis vetitis; ſi non adſit jejunium à vitiis? utrumque conjungere oportet; diſplicet Deo unius ſine altero facta oblatio.

Tale

Tale debet esse jejunium nostrum, tales sint orationes nostræ, ut assumantur (loquar cum S. Th.) principaliter ad concupiscentias carnis reprimendas, ut per jejunia & preces, castitas conservetur, ut frigeat Venus, ut tepescat luxuria. S. Ambrosii l. de El. & Jejun. phrasis est ejusmodi. Jejunia & preces nostræ per quadrag. debent esse, *Mors culpa*, id est, cum memoria mortis Christi, moriatur nostra superbia &c. affigatur cruci, &c. (O binas preciosas occupationes hoc sacrosanctissimo tempore, memorem esse mortis Christi, & mori vitiis) excidium delictorum, remedia salutis, radix gratiæ, fundamenta castitatis, aliarumque virtutum. Oratione casta, pura, humili, patienti delectatur altissimus. Eloquentia melliflui S. Bernardi in hoc discursu nemini poterit displicere, ser. 4. de quadrag. *Jejunium* (idem dicendum est, de oratione) *debet esse abolitio peccatorum, extirpatio vitiorum*; debet delere peccata præterita, quæ commisimus; sed, & repellere futura, quæ committere possumus. Item S. Basilius h. 2. de Jejun. illud laudat jejunium, *per quod peccata, iam ad immodestiam diffusa compescuntur, ac præveniuntur per jejunium*. (O si talis nobis hoc anno fluere quadragesima! O si finirentur vitia nostra, utinam finis esset blasphemiarum &c.)

Subdit S. Basilius pulcrum simile: *Velut per causticam aestionem aut sectionem, mali progressu ampliori intercepto*. Sed ad sectionem acuta requiruntur instrumenta, cultri, ferræ &c. ad *fissionem* necessarius est ignis. Neque ad sectionem spiritua-lem talia desunt instrumenta, ecce clavos, ecce spinas, ecce flagra, quibus Christus D. Salvator noster in corpore vulneratus est; illis nos vulneremus animas & corda nostra; ut fluant lacrymæ contritionis ob peccata præterita; sed ita, ut iisdem instrumentis sistamus impetum peccatorum futurorum. Loquar clarius audit. per clavos, per spinas &c. vos obtestor audit. per hanc quadrag. Salvatorem vestrum non offendatis graviter. Necessarios ignes, invenimus in Vulneribus Salvatoris.

Dum ego in toto discursu puncti secundi hujus Concionis suppono meos audit. diligenter & orationi & jejunio vacare, *videor*


§. 12.
Profecutio.

§. 13.
Eadem res
declaratur
simili.

§. 14.
Transgres-
sionibus præ-

capiti de je-
junio mi-
natur
ignaros ser-
pentes.

videor mihi tamen audire aliquos murmurantes; O mi Pater: sunt qui non tantum non jejunant, sed rident jejunium, explo- dunt, contemnunt &c. Si ita sit, timeo audit. ne revocetur pœ- na olim cap. 21. v. 6. Numer. inflicta ut Deus in nos immittat *ignitos serpentes*. Igneus serpens est pestis; ignei serpentes, varii sunt morbi &c. dysenteria, catarrhi apoplectici, febres ma- lignæ &c. Sed quare Deus punit serpentibus? R. S. Ephrem. ser. de pœnit. *In serpentibus correpsi fuere, Quondam primorum parentum sensum consiliumque resumserant.* Serpens illis suasit esum pomi; idem serpens suadet comestionem carniū, idem serpens suadet transgressionem præcepti de jejunio, sed jugu- landus est &c.



CONCIO XV.

DOMINICA III. QUADRAGESIMÆ.

Erat Iesus ejiciens demonium.

Luc. II. cap. v. 14.

SYNOPSIS CONCIONIS.

Agit de necessitate & utilitate Sacramentalis Confessio- nis; quâ peccator insidiantem dæmonem facillimè potest vincere.

§. 1. *Diabolus est iuratus hostis Sacramentalis Confessionis.*

§. 2. *Confessio signum vera Ecclē- sia.*

§. 3. *Sublata Confessione aperitur ostium omni iniquitati.*

§. 4. *Testimonium Lutheri.*

§. 5. *Confessionis Sacramentalis necessitas probatur ex verbis Christi D. qui illam instituit.*

§. 6. *Prosecutio.*

§. 7. *Probatur eadem necessitas ex cap. 10. S. Luca, & S. Au- gustino.*

§. 8. *Suscitatio Lazari fuit figura Sacramenti Confessionis.*

§. 9. *Alia signum ex cap. 21. S. Matthæi.*

§. 10. *Aureum dictum S. Chryso- stomi de necessitate Confessio- nis.*

§. 11. *Alia similis sententia Origenis.*

§. 12.

§.12. *Confessio peccatoribus aperit cælum.*

§.13. *Per Confessionem superantur demones.*

§.14. *Acquiritur vera quies ani-*

ma.

§.15. *Apostrophe ad Christum Dominum.*

§.16. *A Confessione solatium.*

§.17. *Alia utilitas Confessionis.*

Tertia labitur Dominica quadrag. qua iterum mihi negotium est cum maligno Satana; quia iterum novas ^{§.1. Diabolus est juratus hostis Sacramentalis Confessionis.} struit mortalibus infidias, Dei & hominis adversarius juratus. Cum enim astutissimus serpens non nesciat, quam certa & facilis medicina sit relapsis in peccatum, Sacramentalis Confessio, omnes adhibet machinas, ut per suos ministros, per falsos prophetas sive hæresiarchas, illam penitus tollat, quod fit dum proficitur non esse necessariam ad salutem, multò minus esse sacramentum à Christo D. institutum; adeò ut Calvinus ausus fuerit scribere l.3. Inst. c.4. §.19. *Auricularem istam Confessionem, rem adeo pestilentem, totque nominibus Ecclesia noxiam damnamus ac sublatam ex Ecclesia cupimus.* Alibi docet, Confessionem, & absolutionem privatam, è fœtidis Antichristi Romani lacunis originem suam habere, & ab ipso diabolo invecam esse in Ecclesiam. Verum quia hæ & similes aliorum quoque hæresiarcharum horribiles blasphemie aliorum Catholicæ Ecclesiæ filios parum movent, astutus serpens binas alias ingreditur vias; ut confessionem vel reddat valde gravem, difficilem & odiosam, vel certe labefactet aut mutilet, id est, ut impediat ne peccator candidè & integrè omnia gravia peccata confiteatur: sive, ut S. Paschasius loquitur, *Satan obfudet peccatoris linguam, ne vocem Confessionis emitat.* De Confessionis integritate agam Deo volente post dies quatuordecim; modò utilia quædam puncta de ejus excellentiâ atque utilitate, proponam.

Lactantius Firmianus, qui vixit Anno Christi 320. contra Novatianos de confessione dixit l.4. Inst. c.4. ^{§.2. Confessio est signum vere Ecclesiæ.} *Sed tamen quia singuli quique hæreticorum se potissimum Christianos, & suam esse Catholicam Ecclesiam putant; sciendum est illam esse veram, in-*

quæ est Confessio & Pœnitentia, quæ peccata & vulnera, quibus subiecta est imbecillitas carnis, salubriter curet: & proinde impedit, quantum potest, ne fideles in nova ruant scelera præcipientes.

§. 3.
Sublata
confessione
aperitur
ostium
omni ne-
quitia.

Sicut è contra Diabolus Lutherò, ut aperiret ostium omni iniquitati, suggessit & persuasit, ut tolleretur auricularis confessio; adèd ut ipsi Norinbergenfes per Legatos suos conquesti fuerint apud Augustissimum Imperatorem Carolum V. p. m. se usu & more intellexisse, Rempublicam suam, postquam confessio cessavisset, vitiis contranaturam, atque alias virtutes, scaturire, & ejusmodi quidem vitiis quæ illis antea fuerunt incognita; petieruntque auctoritate Cæsareâ usum auricularis confessionis restitui. Dominicus Soto id temporis Imperatoris Confessarius propterea ait in ep. S. Pauli, *Verecundia confitendi vehementissime à perversis moribus arceat.* Id quod me teste, Germani ipsi publicè, dum inter eos agerem, confitebantur.

§. 4.
Testimo-
nium Lu-
theri.

Confessionem ipsiusmet Lutheri legere potestis in ejus concionibus Dom. I. Adv. conc. II. *Mundus ex hac doctrina quotidie redditur deterior; iam homines singuli septenis diabolis obsidentur, cum antea (in Papatu) unico tantum diabolo obsessi essent. Diabolus iam catervatim in homines ingreditur, ut nunc in tam splendida Evangelii luce, sint arvariores, callidiores, crudeliores, multo denique deteriores, quam ante in Papatu fuerunt.* Sic ille. Eadem fateatur Calvinus.

§. 5.
Confessio
nisi Sacra-
mentalium
necessaria.

Ecclesia Romano-Catholica docet & credit Confessionem esse Sacramentum ab ipso Christo Domino institutum relapsis in mortalia peccata, ad salutem absolute necessarium. Clara sunt verba Christi D. ad S. Petrum Matt. 16. 19. *Tibi dabo claves regni cælorum; & quodcunque ligaveris super terram, erit ligatum & in cælis; & quodcunque solveris super terram, erit solutum & in cælis.* S. Maximus hom. 5. in festo BB. Ap. Petri & Pauli. *Clavis dicenda est, qua ad fidem, peccatorum duracorda referantur, mensium secreta panduntur, & quidquid intrinsecus clausum tenetur, in palam, rationabili manifestatione producitur.* Clavis, inquam,

quam, quæ, & conscientiam ad confessionem peccati aperit, & gratiam ad æternitatem mysteriorum salutaris includit. Addit Rabanus. *Hæc autem ligandi, atque solvendi potestas, quamvis soli Petro data videatur à Domino, tamen & cæteris Apostolis datur; nec non etiam Episcopis, & Presbyteris Ecclesia.*

Joannis 20. 22. Christus D. *insufflavit & dixit eis, Accipite Spiritum S. quorum remisistis peccata, remittuntur eis, & quorum retinueritis, retenta sunt.* Super quæ verba ait Conc. Trident. sess. 14. c. 1. de pœnit. *Dominus Sacramentum Pœnitentiæ tum præcipue instituit, cum à mortuis excitatus, insufflavit in discipulos suos dicens, Accipite Spiritum S. &c.* Quo tam insigni facto, & verbis tam perspicuis potestatem remittendi, & retinendi peccata, ad reconciliandos fideles post Baptismum lapsos, Apostolis, & eorum legitimis successoribus, fuisse communicatam, universorum Patrum consensus semper affirmavit. Canone 6. *Si quis negaverit Confessionem sacramentalem, vel institutam, vel ad salutem necessariam esse iure divino; aut dixerit modum secretè confitendi soli sacerdoti, quem Ecclesia Catholica semper observavit, & observat, alienum esse ab institutione & mandato Christi, & inventum esse humanum, anathema sit.*

Luc. 17. v. 13. decem leprosi clamarunt, Iesu *Præceptor miserere nostri; & ardentes preces pro sua clementia & bonitate exaudivit Dominus, antequam tamen sanentur ait illis v. 14. Ite & ostendite vos sacerdotibus.* His verbis S. August. utitur contra quosdam de quibus ait, *sunt quidam, qui ad salutem sibi sufficere autumant, si soli Deo cui nihil occultum est, sua confiteantur crimina.* Nolunt enim, aut erubescunt, sive, dedignantur se ostendere sacerdotibus, quos tamen inter lepram & lepram discernendi, per legislatorem Dominus constituit; sed nolo, ut ista decipiaris opinione, quatenus confundaris confiteri coram Domini Vicario. Deinde pergit. *Non abnegamus quin sit ad Deum frequenter referenda confessio peccatorum; sed testamur, & testatur illud sana doctrina, quia prius eges sacerdotis, qui mediator sit ad Deum tuum, salubri indicio: Alioquin & sub lege, & sub gratia, ite, ostendite vos sacerdotibus responsum divinum quomodo consummaretur?*

Cum

§.8.
Suscitatio
Lazarus fuit
figura Sa-
cramenti
Confessio-
nis.

Cùm Christus D. Joannis II. v. 44. in Bethania, aperto se-
pulcro suscitasset Lazarum, dicit eis Jesus, *solvite eum, & sinite*
abire. Quæstio est, quibus Christus D. hæc verba dixerit, an
Marthæ & Magdalenæ, aliisque fœminis, quæ tristes sorores
consolabantur, an ingenti multitudini populi, quæ ad specta-
culum concurrebat, an Apostolis, qui aderant præsentibus? His ex
mente S. Thomæ Aquin. dixit Salvator, *solvite eum.* Nam *Con-*
fessio præfiguratur in Lazari mortui vivificatione; sed Dominus solis
discipulis præcepit, ut solverent Lazarum. Eadem ferè fuit mens
S. Gregorii M. hom. 36. in Evang. dum impium sic alloquitur:
Tu scelestè, es quatrduanus Lazarus, qui perdendo gratiam &
vitam animæ, incurristi mortem; mortuus jaces in fœrido se-
pulcro turpissimorum scelerum; saxum, quod te tegit, est indu-
ratum cor tuum, & pessima consuetudo in omni scelerum ge-
nere. Vinculum est tua superbia, avaritia, luxuria &c. putrida
tua conscientia scatet mordentibus vermibus; sed audi, super
te intonat Vox Christi, *Lazare veni foras.* eod. cap. v. 43. quasi
diceret, cur reatum tuum intra conscientiam abscondis? *foras*
jam (hoc sacro tempore quadragesimæ) *per Confessionem egrede-*
re, qui apud te interius per negationem lates. Veniat itaque *foras*
mortuus, id est, culpam confiteatur peccator. Venientem vero *foras*
solvant discipuli; ut Pastores Ecclesiæ pœnam ei debitam amovere,
quam meruit, qui non erubuit confiteri, quod fecit. O quot hodie
dum in profundis scelerum sepulcris tumulati Lazari delite-
scunt? Venite foras Lazari, prodite è vestris latebris, non cru-
bescite confiteri peccata, quæ patrare non puduit. Eia venite
foras, non pudeat exponere scelera sacerdoti, qui vincula non
solvit, nisi quæ videt. Venite foras; excutite intimas consci-
entiæ latebras, nihil clausum pectore, nihil quod animam gra-
vat, tam noxio maneat silentio involutum. Hoc est venire
foras cum Lazaro, surgere è tumulo, prodire è latebris.

§.9.
Alia figura
ex c. 21. S.
Matthæi.

Pari sensu Salvator noster discipulis dixit Matth. 21. v. 3.
ite in castellum, quod contra vos est, & statim invenietis asinam alli-
gatam; solvite & adducite mihi. S. Athanasius ser. super hæc ver-
ba. *Quod si nondum soluta sunt vincula, tradas te ipsum discipulis*
Iesu;

Iesu, adfunt enim qui te solvant, pro ea potestate, quam à Salvatore acceperunt; quacunq[ue] solveritis super terram, &c. S. Clemens, tertius successor S. Petri ejusque discipulus anno Christi 93. clarissimis quoque verbis loquitur de confessione facienda sacerdoti; si forte alicujus vellivor, vel infidelitas, vel aliquod malum latenter irrepsit, non erubescat, qui animæ suæ curam gerit confiteri hoc huic, qui præest, ut ab ipso per verbum Dei, & consilium salubre curetur, quo possit integrâ fide, & operibus bonis pœnas æterni ignis effugere.

Ecce necessitatem & utilitatem Sacramentalis Confessionis; ut relapsus liberetur à pœnis inferni, confessione opus est. § 10.
Aureum dictum S. Chrysostomi de necessitate Confessionis Liberat à gehenna.
Aurea est sententia S. Chrysostomi; *Ninivita consentunt, & vivunt; Sodomita obdurantur, & percutiunt, illos impendens supplicium provocat confiteri, hos vicinus interitus, non confitendo efficit aboleri* (deleri ignibus de cœlo. *Filii Israël, quoties peccant, hostibus traduntur, quoties se peccasse fatentur, de eorum manibus liberantur.* Certissima sunt ita, Audit. nempe ex mente D. Chrysostomi, synonyma sunt illa cœlestis Grammaticæ. Confiteri & vivere, non confiteri & mori; Huc adeste, qui vultis cum Ninivitis severam Dei Vindicis sententiam evadere! quid eos à præsentissimo excidii periculo eripuit? scelerum confessio. Quid iram Numinis placavit? Confessio. Quid urbem ab incendio, cives ab interitu vendicavit? Confessio. Quid filiis Israël propitium reddidit Deum, sive dimicandum erat cum hostibus, sive debitum peccatis supplicium subeundum? Confessio. Hanc qui negligit, se ipsum, animam suam, salutem suam, Deum suum negligit, contemnit, amittit.

Elegans hic mihi occurrit discursus Origenis super v. 26. cap. 43. Isaïæ. *Narra si quid habes ut justificeris.* 70. legunt; *Dic tu iniquitates tuas prius, ut justificeris.* (hom. 3. in Levit.) *Vt ostendat, quia praevenire illum debeas, qui paratus est ad accusandum. Tu ergo, inquit, dic prior, ne te ille praeveniat; pronuntiare peccatum, remissionem peccati meretur; praeventus enim diabolus in accusatione, nos accusare non poterit. & si ipsi, nostri fuerimus accusatores, proficis nobis ad salutem. Si vero expectemus, ut à diabolo accusemur,*

Alveus Tertius.

T

accu-

accusatio illa nobis cedit ad pœnam; habebit enim socios in gehenna, quos convicerit criminum socios. Itaque alterutrum impio est necessarium, aut cito confiteri, aut in agone accusari à diabolo, coram tremendo Iudice, & ab illo condemnari.

§. 12.
*Confessio
peccatori-
bus aperit
cœlum.*

Seria Confessio gravissimis peccatoribus aperit cœlum; cap. 10. lib. 2. Vitæ S. Catharinæ Senensis refert, sanctissimam Virginem ardentibus precibus obtinuisse à Christo D. ne anima magnæ peccatricis sine confessione discederet ex hoc mundo. Et ecce eo momento, ob perfectam contritionem & confessionem, anima illa fuit justificata, eo ilam Dominus ostendit S. Catharinæ, radiantem instar solis; tam pulchram & formosam, ut exclamarit. *O bene impensum & effusum sanguinem mei Salvatoris! O fructum ejus Passionis! bene sit Iesu meo, quod in Cruce mori voluerit! O felicem aperturam lateris & cordis Salvatoris, ex quo fonte canales SS. Sacramentorum defluerunt! O excellentissimum sacramentum pœnitentia, quod in animabus nostris tam admirabilem causat pulcritudinem! O sacerdotes properate ad sacra pœnitentiæ tribunalia; facite ut bene impensus sit preciosissimus Salvatoris nostri sanguis; facite, ut absterfa scelerum multitudo, & turpitudine, pœnitentes animæ, solis instar resplendeant. O verbi divini prædicatores, hic se aperit Christianæ campus facundia; pœnitentiam, pœnitentiam prædicat. frequens sit in ore vestro, nobile hoc verbum, Confessio, Confessio! elevate quasi tubæ voces vestras, insonet sacrum confessionis nomen, in auribus omnium; dicite, quàm sit confessio utilis, quàm Deo grata, quàm honesta, quàm necessaria.*

§. 13.
*Per confes-
sionem su-
perantur
tentatio-
nes.*

Per seriam confessionem multi vicerunt gravissimas diaboli tentationes. Astioni Eremitæ, ita confessus fuit Satan: Confessio tua Astion, magras meas hodie contrivit vires, & oratio tua me inermem in omnibus reddidit & desolatum. Cassiano teste, collat. 2. c. 11. Serapioni juveni, confitenti aliquod peccatum, dixit Theon Abbas valde religiosus, *Confide fili, quia liberavis te à captivitate ista, confessio tua, validius enim tua*

confessione elidens, quam ipse fueras ab eo, tuat aciturnitate dejectus.
 Vix senex hæc dixerat, contremuit cella, & ex pectore Serapionis quædam erupit flamma; & cum illa omnis vis Satanæ; cunctæque tentationes evanuerunt; & ita, ait Serapion, *in me virtute confessionis, dominatio diabolica fuit prorsus extincta.*

Et hinc in conscientia pœnitentis magna nascitur quies & tranquillitas, quod eleganti similitudine declarat S. Gregorius hom. 40. in Evang. *Quid est peccatorum confessio, nisi quædam vulnerum ruptio? quia peccati virus salubriter aperitur in confessione, quod pestiferè latebat in mente.* Er quis non cum ingenti gaudio liberatur à peste? majoris lætitiæ mater in nobis est vera Confessio. S. Augustinus in ps. 66. *Dum conscientia saniem collegerat, & apostema tumuerat, & cruciabat se, & quiescere non sinebat. Confitere, exeat in confessione, & defluat omnis sanies, jam exulta, jam latere.* hoc simile supponit pias & tristes querelas pœnitentis Davidis ps. 37. v. 5. *Putruerunt & corruptæ sunt cicatrices meæ, Miser factus sum, & curvatus usque in finem, tota die contristatus ingrediebar. Quoniam lumbi mei impleti sunt illusionibus, & non est sanitas in carne meâ. Afflictus sum & humiliatus nimis, rugiebam à gemitu cordis mei.* Regius psaltes vix potuit aptioribus similitudinibus nobis exponere miserum statum hominis, qui vivit in statu peccati mortalis: putredo est, pecc. mortale corruptio, & cicatrix est, pondus est, quo peccator depressus incurvatur. Et quid obsecro factu opus, ut rescetur hæc putredo, ut tollatur corruptio, ut vulnus sanetur, ut obducatur cicatrix, ut elevetur pondus? nonne vera ac seria confessio? quid incurvatum erigit spiritum? quid facit, ut qui contristatus ingrediebatur, gaudeat, atque exultet? quid exhilarat impletos illusionibus lumbos? quid sanitatem in carnem reducit? quid mutat afflictionem in lætitiâ? gemitum in risum? Nonne confessio? Aliud non superest, quàm ut quivis cum eodem pœnitente Davide, corde contrito & humiliato dicat ps. 31. v. 5. *Confitebor adversum me injustitiam meam Domino* (NB. & non tantum Domino, sed Prophetæ Nathan, quo-

S. 14.
 Ex confes-
 sione vera
 oritur
 quies ani-
 mi.

que dicam, peccavi; sum adulter! occidi Uriam!) & tu remissi-
sti impietatem peccati mei Psalmo 37. v. 3. dixit; *Non est sanitas in*
carne mea, à facie iræ tuæ; non est pax ossibus meis à facie peccatorum
meorum. pulchrè hic S. Thomas; *Commemorat multiplicem mi-*
seriam suam, quam patitur à superiori, Deo scilicet infligente; & ab
interiori, scilicet conscientia remordente; & hoc à facie peccatorum
meorum, id est, pro multitudine & gravitate peccatorum, non pos-
sum habere pacem mentis. Sed recepit & reperit, postquam sce-
 lera sua confessus fuit & pœnitentiam egit, ut ps. 31. v. 11. excla-
 marit, *Letamini in Domino, & exultate justi, & gloriamini omnes*
recti corde; psal. 4. vers. 9. *In pace, id ipsum dormiam & re-*
quiescam &c.

§. 15.
 Apostre-
 ghe ad
 Christum
 D.

Æterne Deus! justissime cœli terræque Imperator; cum
 non defint, qui atrocibus sceleribus ab aliquo tempore infini-
 tam tuam majestatem ausi fuerunt offendere; hac quadragesi-
 ma, extende omnipotentem dexteram, intende arcum, feri,
 emitte sagittas iræ tuæ, ut turbentur, ut timere incipiant, ut
 pœnitentiam agant &c. Mi Jesu! conscientia aliquorum sunt
 plenæ putredine; *non sentiunt.* Undique turpis fluit sanies,
non sentiunt. Roduntur à vermibus; *non sentiunt;* O si hac qua-
 dragesima resipiscerent! &c. sed tua gratia opus est, mi Jesu, ac-
 cipe spinas ex benedicto Vertice tuos; infige illas his conscien-
 tiis, ut sentiant &c. Arripe sanguineos clavos, apprehende
 lanceam vulnera vulnerata jam corda, novis sed salutaribus vul-
 neribus, ut turbentur, ut doleant, ut hac quadragesima cogi-
 tent de seria confessione, ut cæci, muti, surdi liberentur ab his
 dæmoniis.


§. 16.
 A confes-
 sione sola-
 tum.

Fateor difficilis est confessio; sed solari nos debent suavis-
 simæ sententiæ SS. Patrum, v.g. S. Joannis Chrysof. *In mun-*
danis ac forensibus judiciis, post accusationem, & criminum confes-
sionem sequitur mors: caserum apud divinum judicium & tribunal,
post accusationem & confessionem, datur corona. Et illa S. Aug.
 lib. 50. homil. hom. 12. *Vult diabolus, ut magis defendere quam ac-*
cusare peccata velimus. *Econtrario autem Deus noster, quia pius*
est &

est, & misericors, vult ut ea confiteamur in hoc saculo, ne pro illis confundamur postmodum in futuro. Si enim nos confiteamur, ille parcit, si nos agnoscimus, ille ignoscit. Ecclesiastici 4. v. 24. Pro anima tua ne confundaris, dicere verum; est enim confusio adducens peccatum (& mortem) & est confusio adducens gloriam, & gratiam.

S. Gertrudi l. 4. div. infin. c. 34. dixit S. Joannes Evangelista, *Noli timere filia, quia quanclocunque voluntate integra te præparas ad confitendum peccata tua, omnia propter quæ confunderis, effulgebunt coram Domino in anima tua tanquam gemmæ preciosæ, unde mirum in modum gratiosa cœlestium conspectui civium apparebis.* O animæ peccatrices! animæ tam fœdæ, in gravissimorum scelerum luto sordidatæ! animæ turpes, viles, miserabiles! discite, quàm facili ratione amissam possitis pulcritudinem recuperare; si vultis, maculæ vestræ evadent in gemmas; non nocebit peccatorum iniquitas, si subsequatur Confessionis sinceritas. Videte quid agatis; qui vos procatur Sponsus, Carissimus est, speciosus est forma præ filiis hominum, Jesus est, Deus est. Ite nunc, & quibus vos exornetis quærite margaritas. quærite gemmas S. Gertrudis, D. Magdalenæ, gemmas confessionis, gemmas pœnitentiæ; sine illis sponso non placebitis; cum illis inferno terribiles, Cœlo verò, atque omnibus Cœlestium choris, amabiles evadetis.

S. 17.
Alia utilis
cas Confes-
sionis.



CONCIO XVI.

DOMINICA IV. QUADRAGESIMÆ.

Abiit Iesus trans mare.

Joann. 6. cap. v. 1.

SYNOPSIS CONCIONIS.

Ostendit de essentia Confessionis Paschalis esse integritatem; cum acerbis invecivis in sacrilege Confiterentes.

- | | |
|--|---|
| §. 1. Peccatum punitur, vel in hoc, vel altero mundo. | §. 10. Diabolus operit faciem sacrilege confitentium. |
| §. 2. Ut sanetur lethale Vulnus, debet detegi chirurgo, idem fieri debet in confessione. | §. 11. Sunt similes scurris, qui Christo D. in nocturno carcere velarunt oculos. |
| §. 3. Alio simili declaratur necessitas integra Confessionis. | §. 12. Prosecutio. |
| §. 4. Prosecutio. | §. 13. Pathetica inveciva in tales pœnitentes. |
| §. 5. Cur Servus non habens vestem nuptialem, projectus fuerit in tenebras exteriores. | §. 14. Sacrilega Confessio, est gaudium Demonum. Probatur ex Historia Passionis. |
| §. 6. Cur aliqui peccatores horrendum fuerint puniti. | §. 15. In timoribus conscientia sanctus Bonaventura. |
| §. 7. Miser status sacrilege confitentium. | §. 16. Confugit ad Passionem Christi, quod impius sine integra Confessione facere non potest. |
| §. 8. Dolose agunt cum Deo. | §. 17. Aut integre confitendum, aut ardendum. |
| §. 9. Sed confunduntur tandem. | |

Si pla-

SI placuit nonnullis concio, quam ante octiduum dñi de necessitate & utilitate Confessionis; si propterea cogitarunt, de Confessione Paschali, ad quam post paucos dies obligabimur, serio peragenda, in eos in sancto hoc proposito confirmare potest pulcherrima sententia S. Aug. in lib. sent. *Peccata, siue parva, siue magna, impunita esse non possunt, quia aut ab homine pœnitente, aut in iudicio à Deo iudicante puniuntur. Cessat autem vindicta divina, si conversio præcurrat humana. Amat enim Deus confitentibus parcere, & eos, qui semetipsos iudicant, non iudicare. Juxta illud S. Pauli 1. Cor. ii. v. 31. Si nos ipsos iudicaremus, non utique iudicaremur. S. Athanasius hic. Hoc est, si ipsi nos propter prava facinora damnaveremus, haud quidem in terris à Deo damnationi addiceremur; sed evaderemus, ut præsentia, sic & futura supplicia.* Hoc non ignoravit David, cum psal. 94. v. 2. dixit; *Præoccupemus faciem eius in confessione*, Rupertus Ab. l. i. de sap. c. 16. *Præoccupare faciem Domini Dei, antequam v. g. peccator vocetur ad iudicium, ultronee Confessione loqui. Hoc sapiens est consilium, quo nullum melius homo peccator reperire potest. Si tamen Confessio vel pœnitentia impiis talis sit; qualem exigit rigor divinæ Justitiæ. S. Eucherius hom. 5. ad Monachos. Non putemus tam facile remitti posse, inusta semel crimina, & profundo vulnere in anima ipsius impressa visceribus. Multo opus est fletu, multo gemitu, multo dolore cordis, ad sanandos ipsius cordis dolores. Tota incumbendum est spiritus contritione, ut vetusta mala, tanquam sagittæ quædam de conscientia depellantur, non sufficit dicere summis labiis, peccavi, parce, remitte. Et Saul dixit, peccavi; sed non obtinuit illam veniam, quam David veræ pœnitentiæ voce promeruit; & hoc quare? quia confessionem illam nuda magis verba, quam veri gemitus exprimebant. Aureum est illud monitum pro peccatoribus dum Paschale appropinquat tempus, ut attendant qualis debeat esse Confessio paschalis. hoc præcipuè inculcabo hac Concione, Confessio enim integra sit necesse est, & profunda vulnera, visceribus animæ dudum impressa sunt detegenda. Antiqua mala, scelera putrida à joro,*

§ 1.
Peccatum
punitur,
vel in hoc,
vel alio
mundo.

à joro, aut pluribus etiam annis sunt revelanda &c. id est, poenitens nullum prorsus grave scelus in confessione debet silentio involvere. Integra confessio erit nobis mare per quod evehemur ad portum illum Eucharisticum, in quo participes reddimur mensæ illius cœlestis, cui non nisi mundos, puros, innocentes, ac veste nuptiali condecoratos hospites, accumbere oportet. Vos auditores mei, in materia tantopere necessaria, tantisper benevolè attendite. Pulcris similibus meum thema exponi potest.

§ 2.
*Ut sanetur
 letale vul-
 nus debet
 detegi chi-
 rurgo. Idem
 fieri debet
 in Confes-
 sione.*

Si videritis hominem, gravissimè læsum, qui lethale vulnus medico vel chirurgo non veller ostendere; uno omnes ore diceretis sine dubio hic est filius mortis; huic nulla superest spes salutis: idem omnino ego cum SS. Patribus affirmo de illis, qui vulnera animæ, spirituali medico nolunt detegere: filii sunt mortis & damnationis æternæ. Super illa verba Ecclesiastæ c. 10. 11. *si mordeat serpens in silentio, vel in abscondito; hac ferè similitudine utitur S. Hieronymus; Si tacuerit qui percussus est, & non egerit poenitentiam, nec vulnus suum fratri & Magistro voluerit confiteri, Magister qui habet linguam ad curandum eum facile, ei prodesse non poterit. Si enim erubescat agrotus vulnus medico confiteri, quod ignorat medicina, non curat. Idem de confessario verissimum. Habet is siquidem linguam, quâ verbum salutis pronuntiet; habet inquam, quâ miserum ab æternæ damnationis sententia absolvat, habet linguam, quâ gravissima animæ vulnera velut in momento sanare possit: si tamen confessio præcedat; nam quod ignorat medicina, non curat; & Judex de quibus nihil ei constat, delictis, ferre sententiam prohibetur.*

§ 3.
*Alio simili
 declaratur
 nec fides
 integra
 Confessio-
 nis.*

Psalmo 68. v. 16. ait David. *Non me demergat tempestas aquæ, neque urgeat super me puteus os suum, neq. absorbeat me profundum.* In his verbis aliud pulchrum latet simile; Etenim si quis in profundum aliquod flumen vel puteum decidat, quam diu os ac fauces supra aquam extollit, quam diu opem inclamare potest, opem habet auxilii & liberationis: quod si capite & ore demergatur in profundum, actum est, nam cum respirare non possit, suffocatur. Eodem modo discurrere debemus de illis qui se-

met-

metipſos præcipitarunt in abyſſum alicujus peccati mortalis; ſi clamare, ſi loqui velint, poſſunt liberari; ſi verò os impii claudatur, actum & conclamatum eſt. S. Auguſtinus. *Magnus puteus eſt profunditas iniquitatis humana, illuc qui ceciderit in altum cadit, ſed tamen ibi poſitus, ſi confeſſetur peccata ſua, non ſuper eum claudis puteus os ſuum.* quam gratiam citato loco à Deo petiit S. David.

Si verò contingat, ut impius aliquis *veniat in profundum* §.4. (Proverb. 18.v.3.) & *conſemnat*, pergit S. Aug. *clauſis ſuper eum* Proſectio. *puteus os ſuum.* *Quare clauſit os ſuum? quia perdidit confeſſionem; vere mortuus eſt, quaeritur, non habet; Metuenda iſta res eſt vehementer.* Amiſſa enim confeſſione, nō erit miſericordiæ locus. *Tu factus es peccati tui deſenſor* (vel diſſimulatoꝝ) *quomodo erit Deus liberatoꝝ?*

Tragicam hſtoriam refert S. Matt. cap. 22.v.12. de illo ſer- §.5. vo cui Dominus in nuptiis dixit, *Amice, quomodo huc intraſti, non habens veſtem nuptialem?* verba hæc ſonant reprehensionem quandam, ſed amicam & humanam, puto Dominum ſine ira illa verba protuliſſe; ſed quia ſervus nihil illi reſpondit, mox iratus, tonat, fulminat, jubet, ut ligatis manibus projiciatur in tenebras exteriores. Quis hic modus procedendi? Verba ſua via, dulcia, momento mutantur in acerba & aſpera, Dominus ait, *amice*, & momento jubet præcipitari in ignes? Bene fecit Dominus; conforme hoc fuit ordini divinæ Juſtitie. Cum ſervum appellavit nomine amici, cum tam ſuaviter illum fuit allocutus, cum illi amice propoſuit, quod eſſet reus, quod peccaſſet, voluit ut culpam fateretur. Galfridus: *fuit amabilis ſignatio, qua ante judicium illum provocavit ad pœnitentiam; miſericorditer illum convenit, quem reum invenit;* ſed quia ſimul invenit taciturnum, nolentem loqui; tum ex amico, Severus Judex ad ſententiam & ſententie executionem proceſſit. S. Matthæus eod. cap. v. 13. *at ille obmutuit. Tunc dixit Rex miniſtris ligatis manibus & pedibus &c.* Perpendite particulam, *tunc*; ſive, quandonam Dominus illum condemnavit; an quando intravit nuptialem locum. An quando menſæ cœpit accumbere? ac quando ma-

num admove ad fercula, & appositis vesci cibis? an quando libare poculum? minime. Sed *tunc*, ait Gelfridus; *tunc* inquam, *postquam admonitus siluit, interrogatus obmutuit, & noluit confiteri*. O infelix silentium! O taciturnitas fatalis! infelix homo, cui tacuisse, idem fuit, ac periisse! advertite hoc auditores mei sit vobis cordi seria confessio; nolite moniti obmutescere; cogitate, in quem carcerem coniectus sit elinguis ille in nuptiis, in tenebras exteriores, in caliginem infernalem, ubi est fletus & stridor dentium.

§. 6.
*Cur aliqui
peccatores
horrendum
fuerint pun-
niti.*

Horrendas & tragicas habemus historias de atrocissimis pœnis, quibus puniti sunt sacrilege confitentes. Meministis haud dubie illius scœminæ, quæ post mortem Confessario apparuit insidens igneo draconi, &c. Meminerunt fortassis alii, infelicis Matris, quæ filiæ se stitit in forma excoriati porci, inter sulphur & ignes. Utraque falsa fuit se damnatam quod in confessione turpia celassent scelera & confessario non aperuissent. Utinam non aliqui hodie in simili vivant periculo. Momento, quo incidunt in grave scelus, merentur, ut diabolis daretur potestas illos ligatis manibus pedibusque, projiciendi in ignes inferni; sed parcit bonus Deus, imò pœnitentes recipit in gratiam, si modò confiteri velint &c. Si verò hoc facere erubescant; si confiteantur sacrilege, tunc demum irascitur, tunc misericordiæ velut oblitus iræ suæ satellites jubet adesse.

§. 7.
*Miser sta-
tim sacrile-
ge confiten-
tium.*

Miserrimum & periculosum statum talium confitentium descripsit Job cap. 36. 13. his verbis. *Simulatores, & callidi provocant iram Dei, nec clamabunt, cum vincti fuerint*. quorum verborum elegantissimus interpretes fuit S. Greg. M. lib. 26. mor. c. 28. *Vincti tanto clamamus altius, quanto in percussione positi peccata nostra veracius confitemur; apud aures quippe Dei, vox valida, devota confessio nostra est. Quia ergo simulatores, quamvis duci se ad aterna supplicia non ignorent, confessionem puram exercere negligunt, quasi vincti clamare contemnunt*. Et quis opem feret? relictum vel dissimulatum peccatum, funis est, quo certissimè suffocantur.

Pl. 32. 2. ait David, *Quoniam dolose egit in conspectu ejus, ut inveniatur iniquitas ejus ad odium.* Hugo Card. legit ad *vindictam sempiternam.* & *Dolose agit, qui peccatum suum defendit, vel conscientiam suam negligenter inquiri*, vel præ pudore de illo plane obmutescit. Qui v.g. coram sacerdote flectit, in conspectum Christi Salvatoris se contulit, cui nihil est incognitum. itaque ejus locum tenenti dicere, se non esse adulterum cum sit; hoc est dolose agere, sic quidem tegitur iniquitas; teguntur nefanda crimina juventutis, *sed ad vindictam sempiternam.* S. Joannes Chrysost. *Hæc est via præcipua interitus. Malum est quidem peccare, hoc peius, negare postquam peccaveris.* Hæc sunt arma diaboli potissima. Tunc ille sibi gratulatur de victoria, cum in primo conflictu hominem reddit elinguem; cum illi in tribunali sacro noxiam injicit verecundiam; tunc canit triumphum, tum certa reddit animarum spolia. O homo! itane juvat esse miserum, ut solo silentio victoriam ascribas jurato tuo hosti diabolo? Confusionem metuis? O miser! confusionem incurris tacendo, non confitendo. Et qualem putas confusionem? intellige illud ex figura,

Quam reperiō 1. 3. reg. c. 14. v. 4. Uxor Jeroboam ex propheta Ahia, de quo textus ait, *non poterat videre, quia caligaverant oculi ejus præ senectute*, libenter incognita intellexisset, nimirum an esset moriturus filiulus suus, nec ne? posuit itaque regias vestes, & aliam simulans, ingressa fuit ad Prophetam. Adverto vos jam cogitare, tales subinde venire ad sedem confessionalem; volunt esse incogniti: turpia commiserunt scelera, sed nolunt illa constare; ut tamen satisfaciant præcepto Ecclesiæ, ut habeantur pii, volunt confiteri. Uxor Jeroboam summo opere fuit confusa; nam Dominus aperuit oculos Ahia, ut illi dixerit, *Ingredere uxor Jeroboam, quare aliam te esse simulas? ego autem missus sum ad te durus nuntius.* Sic S. Petrus dixit Ananias Aët. 5. 4. *Cur tentavit Satanas cor tuum? Quare posuisti in corde tuo hanc rem? non es mentibus hominibus, sed Deo.* Cajetanus. *Tu irrogasti injuriam, non nobis hominibus, sed Deo in nobis, non astimando Deum in nobis habitantem.* (quis me reprehendit, si utar his

verbis contra sacrilege pœnitentes & dicam, O miseri! heus tu luxuriose! quare aliũ te esse simulas? quare mentiris? quare Deo omniscio facis injuriam, dum illi mentiris, quem sibi in tribunali pœnitentiæ substituit. Ego proinde cogor, durus tibi esse nuntius, confessio tua tibi erit ad odium, ad mortem, ad vindictam. Sanguis Christi, deberet te abluere, sed sordidaris magis; idem sanguis clamat vindictam.

§. 10.
Diabolus
aperit sa-
crilege con-
fitentium
faciem,

Cum Rex Assverus oculis, vultuque spiraret iras, contra Amanum fulminatricem pronuntiaturus sententiam, ut in patibulo suspenderetur; *necdum* tamen, (Esther c. 7. v. 8.) *verbum de ore regis exierat, & statim operuerunt faciem ejus*, ut nullus illi esset locus se defendendi, vel petendi gratiam & veniam à rege, & quanta hæc ministrorum crudelitas. Potuisset forte Assverus Rex commoveri ad gratiam, ex conspectu ipsius Amani, ex mœsta ipsius fronte, ex oculis in lacrymas diffluentibus, ex ipso vultu in mœrorem composito, ex collisis in planctum manibus: id ne fieret, statim operuerunt vultum ejus. O peccator! ex hoc liceat miserandum tuum statum, cognoscere, si idem tibi in sacro pœnitentiæ tribunali, coram Christi Vicario sacerdote, quod olim Amano, coram Assvero Rege contingat. Profecto auditores, nihil magis tremendum homini impio peccatori accidere potest aut horribilius, quam si à diabolis, coram Confessario in tribunali pœnitentiæ in quo sedet loco tremendi Judicis, Christi Jesu, sic illi velo pudoris operiatur facies, & os, ut nolit crimen suum fateri, nihil tali restat, nisi miserabile suspendium, nisi patibulum desperationis, & post hanc æternæ damnationis exitium.

§. 11.
Sunt simi-
les scurris
qui Chri-
sto D. in no-
cturno car-
cere vela-
runt ocn-
los.

Velum hoc in memoriam mihi revocat, illos pannos, quibus infames Judæi in nocturno carcere velarunt oculos Christi Salvatoris; existimantes utique, sic se ab illo non videri. O scelesti! O sacrilegi pœnitentes! hanc injuriam renovatis, quoties grave crimen in confessione tegitis; putatis enim vos divinissimos ejus oculos velare posse ut vestras libidines, nocturnas diurnasque vestras fornicationes, impudicitias, impura oscula, adulteria &c. non observet; ut non videat fraudes vestras

vestras, ac dolos, quibus innocentem pauperem, circumvenitis! ut non videant opera tenebrarum, opera injustitiæ, opera turpitudinum! O! hoc saltem tam sacro tempore parcite Jesu vestro, parcite Salvatori vestro, sponso vestro, patri vestro, Deo vestro! removete hoc velum, quo Diabolus cooperuit faciem vestram, & ora vestra; nolite illud injicere divinissimo vultui Salvatoris vestri: nolite illum amplius risui ac ludibrio exponere.

D. Lucas de hac injuria Christo illata ait c. 22. v. 64. *Et velaverunt eum, & percutiebant faciem ejus.* D. Thomas in Cat. *Velaverunt autem eum, ut faciem ejus, à se ipsis absconderent.* S. Matt. addit, c. 26. v. 67. *Tunc expuerunt in faciem ejus, & colaphis eum ceciderunt; alii autem palmas in faciem ejus dederunt, dicentes, Prophetiza nobis Christe, quis est qui te percussit?* S. Joannes Chrysost. hom. 86. in Matt. *Quid enim illi contumelia potest exaquari? in faciem illam, quam fluctus maris reveriti sunt, quam sol in Cruce videndo, radios occultuit, spuebant, cadebant &c.* D. Ephrem serm. de Pass. *Tunc contremuerunt cæli, fundamenta orbis terræ concussa sunt: expaverunt Angeli atque Archangeli, Gabriel & Michael, facies suas alis contexerunt, Seraphin illa hora alas ad invicem collisisse visa sunt, Cherubin tremantes sub rotis se abdiderunt, cum daret minister iniquitatis, alapam Domino Majestatis.*

Huc adeste ad tristissimum hoc spectaculum sacrilegè confidentes; agite cū ametis tenebras, tenebrosum carcerē ingredi-
mini, ut certissimas audiatis maximas! prodite ex nigro carcere
vestræ conscientiæ in quo diabolus à 20. annis vos tenet capti-
vos! cum letale crimē tegitis in confessione corā Jesu non tantū
velatis faciem ejus, sed eandem percutitis; velatum crimen est
alapa! ideo vultis vos abscondere. In juventute forte commisi-
stis nefanda crimina! hæc deberetis confiteri, hæc deberetis ex-
ponere coram oculis Jesu, sed quia vos pudet illa proferre in
medium. Ideo mutantur in sputa, quæ projicitis in faciem Jesu;
imò divinum ejus sanguinem & rosea vulnera conspuitis. Quid
his contumeliis potest exaquari? quomodo cæli non contremiscunt,
quomodo non concutiuntur fundamenta terræ? quomodo

§. 12.
Profectione.

§. 13.
Pathetica
in vestrum
in tales
paritanea.

modo hiatus suos non aperit, ut vos vivos in confessionalis deglutiat, & præcipitet in tartara? O si videretis! quomodo expavescant Angeli vestri Custodes, quomodo Cherubini collidant alas suas, quomodo Seraphini abscondant facies suas, dum scelestus aliquis, dum aliqua vetula, jacens ad pedes Confessarii; tam horribiles in Christum D. renovat injurias.

§. 14.
Confessio
sacrilega
est gaudi-
um demo-
num. Pro-
batur ex
historia
Passionis.

Contumelia Christo D. per alapam illata, inde fuit gravior, quod illa valde recrearit hostes Christi: quod ponderans P. Salmeron tr. 20. de Pass. ait. Tertio, alapa aliam habuit circumstantiam; quia insonuit per totam aulam, cum fortiter fuisset impressa; & ob risum & gaudium, quod tunc Pontifici & Judæis concitavit, qui omnes tanta contumeliæ irrogatione oblectati sunt. S. Joannes Chrysost. hom. 86. in Matt. ait de Judæis; *qui quasi venatores, fera inventa, sic violentia & furore ferebantur, solennitatem habere cupientes, & ingenti cum voluptate insilientes.* Nescio an in plurimis meis Concionibus contra sacrilege Confitentes, locus aliquis mihi occurrerit, ex quo ita exaggerare possim gravitatem sacrilegæ Confessionis & Com. sicut ex his circumstantiis, quod tale scelus in ipsis resonet cœlis, ad evocandam Dei Justitiam, & consequenter simul resonet per infernum, ad risum & tripudium dæmonum; nunquam illi oblectantur magis, quam cum homines peccatores eo malitiæ delabuntur, ut sacrilege confiteantur. Venatores sunt diaboli, quorum solennitas & gaudium esset iterum capere Christum, iterum habere ludibrio, iterum conspiceret &c. Sed quia per se id non possunt; id faciunt per ejusmodi nebulones; cum gemitu Angelorum, cum lacrymis sanctorum, cum gaudio, & tripudio totius inferni. Sed pergite scelerati! veniet hora, in quâ infernales hæ furia in vos insilient & cum eodem gaudio rapient in tartara. Per alapas Christi, vos obtestor, dum tempus est de integra, vera ac sincera Confessione cogitate.

§. 15.
In timorib.
confusien-
tia S. Bo-
naventura.

Cum Seraphicus S. Bonaventura subinde consideraret se reum mortis Christi, exclamare solebat. O Creaturæ! O S. Angeli; ego sum ille homo, qui filium Dei, & creatorem vestrum & meum Cruci affixi; Ego sum qui peccavi; qui rebellis fui

fui divinæ Majestati, ego sum, qui malui esse mancipium diaboli, quam servus Jesu Crucifixi! ego sum ingratus ille mortalium, pro sanguine, pro morte Salvatoris mei. Et audio clamores creaturarum, quæ vindictam contra peccatores spirant. Terra clamat, quare non absorbeo impios, ut vivi sepeliantur in inferno? aqua clamat quare scelesti capita non submergo? Aer clamat, quare pestes non exhalo? Ignis clamat, quare non depluo ignes. Clamat D. Justitia, mihi vindictam! Clamat sanguis Christi, damnationem æternam. Talia timuit vir sanctissimus! & vos sacrilegi, quid cogitatis. Nonne vos estis, adversum quos universa se creatura in arma comparat, ut illatam Deo injuriam vindicet? quid enim? dum vos in sacra Confessionis sede, mentimini Deo vestro, dum illi fucum facere vultis, dicendo aliqua, alia graviora tacendo; an non terra vos vivos immani suo rictu absorberet, nisi benignissimus Jesus adhuc pœnitentiæ spatium concederet? an non aquarum procellæ vos involverent ac suffocarent? an non flammæ etiam cœlo lapsarum ardores vos in cinerem redigerent? an non aër spirandi respirandi facultatem vobis jure merito, subtraheret? an non leones ac tigrides ex sylvis ac lustris prosilirent, & in vos fœde dilaniandos crudelem impetum facerent? Cogitate hæc miseri, perpendite ingrati.

S. Bonaventura tandem inter tales timores dixit, scio quid faciam, Domini mei Jesu Vulnera introibo, & in ejus dolores atque opprobria, quantum potero transformabor. Et ejus sanguineam Passionem induam tanquam vestimentum regale; Et Christi Passio pro me, prout necesse fuerit, contra omnia militabit. Non erit, qui contra me militare audeat, si Christi stigmatibus fuero consignatus. Hoc vobis quoque faciendum est impii, ut tuti sitis; introcunda sunt Vulnera Salvatoris; sed non est clavis, quæ vobis illas portas aperiat, nisi integra Confessio; itaque ut tandem finiam, Eligite alterutrum.

§. 16.
Confugit
ad Passio-
nem Christi.
quod im-
ptus sine
integra
confessione
facere non
potest.

S. Bernardus in communi dixit, aut pœnitendum vobis est, aut ardendum, ego in particulari assero audaçter, scelesti! sacrilege confitentes, aut, scelera vestra N.N.N. detegatis necesse est &c.

§. 17.
Aut in-
gre confi-
tendum
aut arden-
dum.

est &c. aut ut æternum ardeatis. O Jesu! en quotquot in hoc templo sumus; stamus ad sacrosancta Vulnerum tuorum ostia; supplices in ea admitti rogamus, in iis, & vivere, & mori volumus. Sed quoniam, non ignoramus ea, non nisi clave veræ ac sinceræ pœnitentiæ aperiri: vera autem pœnitentia, sine integrâ Confessione consistere non potest; ideo ex hoc momento decernimus, verè atque integrè scelera nostra suo in terris Vicario Sacerdoti confiteri; nihil hic intercurrent subdolum, nihil involutum latebit aut tectum, effundemus corda nostra velut aquam in conspectu tuo, ut tibi, Deo nostro constet honor, laus & gloria, in sæcula. Amen!



CONCIO XVII.

DOMINICA PASSIONIS.

Quis ex vobis arguet me de peccato.

Joann. 8. cap. v. 46.

SYNOPSIS CONCIONIS.

Concio hæc, duro & obstinato cordi peccatoris, præsertim sacrilegi confitentis & communicantis admovent crucem, malleum, clavos, spinas, vulnera & sanguinem Jesu crucifixi, ut tandem emolliatur ad seriam pœnitentiam, & integram Confessionem.

§. 1. *Brevis propositio Concionis.*

§. 2. *Querela S. Bernardi, de duritie obstinati cordis alicujus peccatoris.*

§. 3. *Conatur nihilominus illud emollire consideratione Pas-*

sonis.

§. 4. *Aliud simile S. Bernardi.*

§. 5. *Non moveri ad pœnitentiam, conspectu viri dolorum, sive Iesu patientis, est signum durissimi cordis.*

§. 6.

- | | |
|--|---|
| <p>§. 6. <i>Idem S. Bernardus conatur cor durum emollire sanguine Christi. Digressio ad sacrilege confitentes.</i></p> <p>§. 7. <i>Querela S. Leonis contra obstinatos peccatores.</i></p> <p>§. 8. <i>Conversio latronis in cruce, fuit maximum miraculum Crucifixi.</i></p> <p>§. 9. <i>Acri invecitiva in sacrilege Confitentes.</i></p> <p>§. 10. <i>Prosecutio.</i></p> <p>§. 11. <i>Durus silex quomodo emolliendus.</i></p> | <p>§. 12. <i>Efficacia Vulnerum Christi, ad emolliendum duracorda.</i></p> <p>§. 13. <i>Vulnera Christi nos debent deterrevēre à peccatis, præsertim sacrilega Confessione.</i></p> <p>§. 14. <i>Sacrilege confitentes sunt adversarii Iesu crucifixi, cum acri invecitiva.</i></p> <p>§. 15. <i>Affectuosus locus de inclinato capite Christi in cruce morientis.</i></p> <p>§. 16. <i>Prosecutio, cum affectuoso Epilogo ad tales pœnitentes.</i></p> |
|--|---|

B Inis Concionibus egi de seria & integra Confessione; §. 1. *Brevis propositio concionis.*
 Quod si fortassis aliquorum impietas adhuc bonis Spiritus S. instinctibus reluctaretur, si fortassis aliqui de novis induciis, & dilatione seriæ conversionis cogitant; illos conabor hac concione, aliquot considerationibus ex Passione Christi desumptis eo permovere, ut adhuc hac quadragesima convertantur ad Dominum suum. Canitur hodierna Dominica, *Vexilla Regis prodeunt, fulget crucis mysterium*, æquum itaque est, ut per seriam pœnitentiam, nos mysterii hujus quoque nos reddamus participes.

Obstinatum peccatorem in malo, de die in diem differentem pœnitentiam, etiam hoc sacro tempore Passionis, his verbis olim allocutus fuit S. Bernardus tr. de pass. cap. 33. §. 2. *Querela S. Bernardi de duricia obstinati cordis, aliqujus peccatoris.*
cor! non carneum, sed lapideum, illum magnum Iesum, & Optimum, in diebus carnis sue, quam pro te redimendo assumpserat, lacrymis immaduisse, & adhuc aridum permanes? O cor durum! audis commotum ad lacrymas, illum! qui æternum stat, & commoveri non potest cor tuum, nec tu adhuc ad lacrymas commoveris?

Post has querelas S. Bernardus sollicitus de modo emolliendi cor tam durum ait: §. 3. *Conatur nihilominus san-*
Addam ignem caritatis, & passionis
 Alveus Tertius. X

emollire,
considera-
tione pas-
sionis.

*sanguinem, si forte calefias, si emolliaris; & dulcissimo Iesu pro lacry-
mis suis, & sanguinis effusione solas saltem lacrymas rependas.* O S.
Bernarde! quid si scelestus aliquis peccator adhuc resistat? Ad-
dam, ait, *adhuc malleum gravem, & cuneos ferreos incutiam tibi, ut
scindaris.* loquitur vir Sanctus de tali corde, veluti de annosa &
sicca quercu, quæ ferreis cunis dirumpi, & in partes divelli de-
bet. Pergit mellifluus Doctor, & mentem suam his verbis cla-
rius explicat: *quia! O impie! à facie frigoris iniquitatum, indu-
ratum es in rigorem lapidis, addo instrumenta fortia, malleum crucis,
& cuneos clavorum ferreorum, ut illis tibi incussis scindaris, & fon-
tem lacrymarum salubrem, (atq; compunctionis,) effundas.* Qua-
lemcunque tandem peccatorem oculis nostris proponamus;
licet gravissimis & plurimis sceleribus sit oneratus, licet cor du-
rum sit instar marmoris; quamdiu tamen vivit, in tali silice la-
tent fonticuli lacrymarum; adhuc tempus est, quo talis agere
possit pœnitentiam; si verò spinæ infixæ capiti Christi, si clavi
quibus affixus est cruci, si lancea, quâ perforatum est pectus
ejus has venas non aperiant, hos fonticulos non eliciant, si hoc
tempore passionis viam lacrymarum non recludant; si hoc
tempore mallei crucis tale saxum non conterant; timeo, nun-
quam id futurum; Angustiæ mortis tandem expriment lacry-
mas, sed nimis seras.

S. 4.
Aliud simi-
le S. Bern-
ardi.

Alias S. Bernardus de duro corde peccatoris loquitur, vel-
uti de sicca & arida terra; quæ quantuincunque præ nimia sic-
citate, indurata sit, mox tamen, si aqua affundatur, potest emol-
liri; nunquid par esset, eodem modo induratum cor peccatoris
emolliri; *perfusum lacrymis, lacrymantis Iesu, & quidem in cruce.*
Sed iterum locum habet ejusdem S. Bernardi pia querela. O
*Cor durum & impœnitens! durius es silice, qui in deserto percussus à
Moysè virga, emisit aquas.* Et nunquid malleus crucis Domini
validior esse deberet ad feriendum tuum cor, quàm virga Moy-
sis? Nunquid, tres clavi ferrei, tibi incussi, efficaciores esse de-
berent, ad aquam lacrymarum eliciendam, quàm percussio et-
iam geminata, virgæ Moylis?

Veris-

Verissimè dixit S. Bernardus, si cor alicujus peccatoris vel illa audiat, vel eorum recorderetur, quæ Christus D. pro nobis passus est, & non moveatur, durius est silice! Quisquis, siccis oculis, & sine commotione animi, sine sanctis cogitationibus aspicere potest hunc *Virum dolorum*, II. 53. v. 3. in ejus capite spinas, vulnera, evulsionem capillorum, & signa ex tot percussio-
 nibus relicta; In facie, sputa, lacrymas, sanguinem; in linguâ, sitim, fel, acetum: In oculis, sanguineas lacrymas: in collo, fures & catenas; in dorso & humeris hiatus tot vulnerum; in brachiis & pedibus terribilem extensionem in cruce; in manibus clavos: in pectore lanceam, in toto corpore ignominiosam nuditatem; in nervis, convulsiones, in venis & arteriis siccitatem; quisquis talia siccis oculis intuetur, tigris est! leona est! Eheu! aspicere hunc virum dolorum, cujus omnes sensus terribilibus & tristibus cruciâtur objectis; oculi conspectu tot instrumentorum barbaræ crudelitatis, immanium Carnificum, afflictissimæ præsertim Matris: aures, blasphemias, contumelias, irrisionibus: nares, odore cadaverum & sputorum: gustus, siti, felle, aceto: tactus, per totum corpus dirâ dilaceratione; cujus anima tristis est, ad mortem, ob tristissimam agoniam; O scelestè! repeto! tigris es, leo es! si talia te non movent ad compassionem Eheu! intueri hunc virum dolorum, non tantum ab omnibus derelictum, sed omnium odiis expositum, quem Pilatus nomine Romani Cæsaris condemnavit ad mortem crucis; illudit Herodes, Pontifices, Annas & Caiphas pronuntiarunt blasphemum, quem scribæ & Pharisei accusarunt, ministri percusserunt alapis, expuerunt in faciem, quem gentiles flagellatû coronarunt spinis, contra quem omnis populus clamavit, Matth. 27. v. 25. *Crucifige! sanguis ejus super nos!* quem Judas vendidit, Petrus negavit, Apostoli deseruerunt; denique eundem intueri, in angustiis mortis ita derelictum, ut exclamet *Deus meus! Deus meus: ut quid dereliquisti me*, ibid. v. 46. tandem magnâ voce, expirantem: hæc videre, hæc cogitare, hæc credere, & non moveri ad seriam pœnitentiam, certissimum signum est, obstinati & saxeï cordis.

f. s.
 Non move-
 ri ad pœni-
 tentiam
 conspectu
 Viri dolo-
 rum sive
 lesu pa-
 tientis, est
 signum du-
 rissimi cor-
 dis.

§. 6.
Idem S.
Bernardus
cor durum
emolliatur
emollire
sanguine
Christi. Di-
gressio ad
sacrilego
confidentes.

Proinde pergit S. Bernardus; *Si vero & adhuc permanes incor-*
cussum, eo quod in adamantis duritiem sis conversum, qui solo sangui-
ne hædi potest emolliri, afferopariter tibi, Agni immaculati, optimi
Iesu sanguinem copiosum, calore incomparabilis caritatis ferventem,
qui sua fortitudine illum adamantinum parietem inimicitiarum po-
situm inter Deum & hominem omnino comminuit & dissolvit; O
miser! Omisera! inter te & Jesum tuum! & Deum tuum! jam
ab annis viginti talis adamantinus murus fuerunt peccata, quæ
in tot sacrilegis confessionibus dissimulasti. O si ego hac Con-
malleo crucis, ferreis clavis, spinis, columna, lancea, catenis;
O si guttis preciosi sanguinis Christi, hunc murum dejicere pos-
sem; hoc fiet, si Vulnere & sanguis Christi eo tandem hac qua-
dragesima te permoveant, ut seriam & integram peragas Con-
fessionem. Hoc fiet, si lacrymæ lacrymantis in cruce Jesu, ho-
die, durissimum cor tuum emolliant: hoc spero! hoc voveo!

§. 7.
Querela S.
Leonis con-
tra obstina-
tos pecca-
tores.

Si omnia hæc non sufficiant ad pias motus in obdurato ali-
quo corde, locum habet querela S. Leonis serm. 6. de pass. *Pen-*
dente in patibulo creatore, universa creatura congemuit, & crucis
clavos omnia simul elementa senserunt. Nihil ab illo supplicio libe-
rum fuit; hoc, in communionem sui, & terram traxit, & cælum; hoc,
petras rupit! monumenta aperuit! inferna reseravit! & densarum
horrore tenebrarum, radios solis abscondit: debebat hoc testimonium,
suo mundus auctori; ut in osculo creatoris & conditoris sui, vellent
universa sniri. Si verò cor alicujus impii, malleo crucis non
conteratur, si clavis Christi non scindatur, si non compunga-
tur spinis, si nec lacrymis, nec sanguine emolliatur; nunquid di-
cemus esse durius petra, durius terra, durius adamante, durius
ipso inferno. Ut talis convertatur, miraculo opus est.

§. 8.
Conversio
latronis in
cruce, fuit
miracu-
lum cruci-
fixi.

Quærit S. Chrysostomus, an Christus D. in cruce non ma-
jus aliquod perpetrarit miraculum, ad demonstrandam divi-
nam omnipotentiam, quàm illa fuerunt, quod terra mota sit,
quod petra scissæ, quod sol obscuratus, & respondet; *Omnino!*
Universam non tantum terruit terram, non petras & saxa tantum
disrupit, sed animam latronis omnium lapidum insensibilitate durio-
rem, ad se traxit, & ad meliora convertit. Utinam sanguinea cru-
cifixi

cifixi manus, inter meos Auditores, hæc miracula innovarent! ut ligno crucis ita feriant dura saxa, ut largissimas compunctionis aquas profundant.

O miseri! vos præcipuè sacrilege confitentes & communicantes vos compello! quo tandem ruitis, ut victas necdum ad sacrosanctam Crucem alligetis manus! ut necdum cogitetis, etiam turpissima in Confessione scelera & vulnera vos velle aperire atque detegere; quo inquam pergitis? Cogitatis fortasse, quid hæc ad te? supervacaneam prorsus esse meas curas atque sollicitudinem dicitis; cuius incumbere, ut de salute sua sit sollicitus. Mitius quæso, amice mihi dicam tibi, quid mea intersit talia quærere & quare ego de tua salute sollicitus laborem. Cum quidam religiosus ex monasterio fugam capeisset, vir gravis illi obviis dixit, *Quo tu miser?* respondente fugitivo, *Quid tibi mecum?* Vir ille, rejecta veste illi ostendit quis esset, scilicet Christus Jesus Salvator mundi, cujus Vulnera recenti stillabant sanguine, tum ait: *Poteris hisce Vulneribus testibus cognoscere, quam mea intersit, de tuo itinere interrogare, quæ ut te ab itinere æterna damnationis, quod ambulas, abducerem, in cruce pertuli.* Hæc dicens disparuit.

S. Ludgardi in eodem schemate, id est, vulnerato corpore, se sistens Christus D. dixit; *Vides mea Ludgardis, ut vulnera mea clament ad te, ne frustra fuderim sanguinem, mortemque sustinuerim.* Auditisne has voces scelesti! in juventute, anno ætatis forte decimo, duodecimo, muta, nefanda commisistis scelera; ab annis viginti centies estis confessi; centies mentiti estis Deo; centum gravissima commisistis peccata mortalia; ideoque vivitis in præsentissimo periculo æternæ damnationis; Vulnera, sanguis, mors Christi clamant, ut oculos tandem aperiatis; ne frustra Vulnera in Cruce susceperit, ne frustra sanguinem effuderit, ne frustra tam ignominiosam mortem sustinuerit. Vulnera sanctissima Jesu Crucifixi sunt testes, ex quibus potestis cognoscere, Concionatores hoc tempore habere gravissimas causas, ut auditores suos adhortentur ad seriam poenitentiam, & integram Confessionem; imò verò, & causas, & stimulos per-

quàm acres habent; Sanguis enim vester, requireretur è manibus eorum. Mi Jesu! protestor ego, etiam orbe terrarum univervo, me in adhortandis, ad seriam vitæ pœnitentiam Auditoribus, quos tu meæ curæ ab æterno decrevist, velle me, inquam muneri meo atque officio exactissime satisfacere. nolim ego, vel tacendo, vel adulatorie palpando, non tam Auditoribus meis, quàm mihi metipsi imponere, proinde vos duri sili-ces, vos saxea corda, vos peccatores obstinati, nunc saltem attentius, quàm alias, si non animos, saltem aures erigite.

§. 11.
Durus si-
lex, quo-
modo emol-
liendus.

Capite 28. v. 9. ait Job. *Ad silicem mittet manum suam, & subvertet à radicibus montes, in petris rivus exscindet.* Hæc prophetia impletur, cum sacro tempore Passionis Christus Crucifixus, vulneratas & sanguineas manus suas ita mittit ad cor durum & saxeam alicujus peccatoris, ut quod hætenus mors, quod timor judicii, quod infernus, quod Concionatores, quod Angeli Custodes efficere non potuerunt, viva memoria Jesu patientis talem petram subvertat, à radicibus discindat, atque ita emolliat, ut effluant rivi lacrymarum! O mi Jesu! age, mittere manum tuam sanguineam; tange hos montes, & fumigabunt, concepto utique doloris igniculo; tange has petras, & dissilient; tange hæc corda adamantina, & salutari mota pœnitentia conterentur. O mi Jesu amantissime! quid sine te, tuæque manu sanguinea, manus meæ inermes? quid mea vocis contentio? quid affectus? quid preces? quid minæ? manum, manum tuam exsere, momento videbimus prodigium, cum saxea peccatorum corda, quasi petræ, virga Moysis percussæ, in lacrymarum aquas liquefcent. Ita fiet;

§. 12.
Efficacia
Vulnorum
Christi ad
emollien-
dum dura
corda.

Ut gratulari mihi & Auditoribus meis possim, & dicere cum P. Vincentio Caraffa: *O Vulnera! quæ corda saxea vulneratis; & mentes congelatas inflammatis, quæ pectora adamantina liquefacitis præ amore!* Expertus v. g. fuit S. Thomas; cor ejus ob pertinacem infidelitatem erat saxum & marmor, quamprimum posuit digitos in Vulnera manuum, & manum in latus Christi, vulneratum fuit cor ejus, & ex illis rimis erupere ignea illa verba, Dominus meus! Deus meus! ex illo gelu profili-
erunt

erunt hæc scintillæ, tam subito amanti Deum animæ! ex illo adamante facta est illa animi, ad omnem Dei voluntatem, ad actus virtutum heroicos, ad ipsum quoque martyrium facilis ac prompta inflexio.

Cum magno mysterio dixit S. Paulus ad Rom. 3. vers. 25. *Quem proposuit Deus propitiatorem per fidem in sanguine ipsius, ad remissionem iniquitatis sue.* Eusebius & S. Eucherius ad rem meam hæc verba sic explicant; *Dominus noster Iesus Christus, non solum divinitatem, sed etiam crucem & mortem suam post futuris sæculis vult celebrari, ut à peccatis, propter quæ mortuus est, non solum nos Dei mandata revocent, sed illata illi pro nobis supplicia, & Vulnera deterreant.* Auditis impii! Vexilla Regis hodie prodeunt; cum sancta Cruce oculis vestris proponuntur, flagra, spinæ, clavi, mallei, lancea, non tantum ut impii suo Salvatori agant gratias; sed & ut etiam deterreantur à peccatis. Vobis sacrilegi Confitentes! vobis proponuntur Vulnera, sanguis, mors; ut à nova sacrilega participatione Sacramentorum deterreamini.

§ 13.
Vulnera
Christi nos
debent de-
terre à
peccatis. &
praferim à
sacrilega
Confessione.

Super verba illa Isaïæ c. 50. v. 8. *Stemus simul, quis est adversarius meus? Accedat:* ait Stephanus Cantuariensis; *accedat, qui peccat, vel qui in statu est peccati mortalis, accedat crucem, & videat propter se mulctatum morte, turpatum in cruce, sputis illitum, plagis lividum, spinis coronatum, lancea perforatum, & esse adversarius erubescat:* Et vos sacrilegi! nunquid erubescitis, ut hoc vel tale scelus in confessione aperiatis? & ubi pudor, ubi erubescencia, quod stetis adversarii Crucis & sanguinis Christi! S. Ephrem. ait de Pass. *Contemplaris, O homo, immaculatissimum Dominum in Cruce suspensum, audesque O impudens & infelix homo, in deliciis vitam tuam transigere; an nescis miser, quod de his omnibus rationem, à te exiget, qui pro te crucifixus est Dominus!* O vos sacrilegi, quomodo subsistetis, quando hic Iudex vester strictissimam à vobis exiget rationem, de tam gravibus peccatis, & aggravatis per tot annorum sacrilegas confessiones & communionem? *Mirum est, (ut loquar cum S. Bonaventura) quomodo talis nimio timore, non continuo tremat, coram Deo quem*

§ 14.
Sacrilega
Confessiones
sunt ad-
versarii
Iesu cruci-
fixi, cum
acri inva-
siva.

offen-

offendit (coram sacrosancto Sacramento, quod sacrilegè imponit linguæ). *sicut tremit folium in arbore, cum à magno vento movetur: deberet quasi in cinerem præ timore resolvi.*


S. 15.
Afflictuosus
locus de in-
clinato ca-
pite Christi
moriens in.

De inclinato capite, quo Jesus expiravit in cruce, Joannis 19.v.30. dixit S. Laur. Justin. *Caput hoc Dei, dum passionum ludibria & mortis supplicia pro hominibus pertulit, Patrem cælestem liquefecit ad misericordiam, flexit ad gratiam, inclinavit ad indulgentiam.* O sacrilegi! utinam ege hodie, vos ad misericordiam, quam Jesu Crucifixo & morienti debetis, colliquefacere possem: obtestor vos per illud caput spinis coronatum, & in agone ad pacis osculum, inclinatum, cogitate de integra scelearum exomologesi; cogitate de jejuniis, de precibus, de flagellis; cogitate de modo, tam amabilem, quem offendistis Dominum, reconciliandi. Hoc ingenuè fateor: quod si hæc morientis Jesu in Cruce, imago, vos non exstimulet ad veram ac seriam criminum confessionem, actum est; nam quid potentius est sanguine Agni immaculati? quid efficacius morte Christi? quid fortius eo amore quo nos tanta inter tormenta complexus est arctissimè. O Homo! si te, nec spinæ Christi Jesu, si nec flagella, si nec benedicta ejus, tota sanguine manans, facies; si nec pectus lancea resecratum, commovet ad pœnitentiam; vade miser, desperata est salus tua, actum est! periisti! O Jesu! absit ut ex hoc Auditorum meorum numero, quos omnes intimè diligo, vel unus aliquis tam ferreus reperiat: sed quod si reperiretur? age anime mi! age lingua, tentemus unum adhuc assultum; unum adhuc faciamus impetum contra induratum cor confitentis sacrilegi.

S. 16.
Prosecutio
cum aff-
luoso Epi-
logo ad ta-
les pœni-
tentes.

Taulerus ait, *Christus D. moriens in Cruce, inclinavit caput suum, ad dilectissimam Matrem; tum ad homines universos tanquam ultimum Vale dicens, extremamque petens copiam discedendi.* Tempus est Auditores amantissimi, ut mihi detis copiam & licentiam discedendi ex hac cathedra; vos præcipuè sacrilegi Confitentes; *Valete!* rogo vos per sanctissima Vulnèra Jesu, cogitate de integra confessione; Quid hoc est? quid sentio, videor mihi nomine Jesu hoc ultima vice à vobis exigere. *Valete!* rogo, oble-

obsecro, obtestor vos; fortassis intra octiduum in speratam cum vita mortem commutabitis, & tum id facere non potero, obtestor inquam, per sanguinem è sacris vulneribus Jesu fluxum: erigite oculos, aspiciate Salvatorem vestrum, ecce adhuc tempus est, adhuc inclinato capite offert pacem agite poenitentiam. *Valete interim;* si tamen hac Concione nihil profeci, scitote, aliquando vos coram supremo Judice de hoc ipso quam potero acerrimè accusabo!



CONCIO XVIII.

DOMINICA PALMARUM.

Eccce Rex tuus venit tibi mansuetus.

Matt. 21. cap. v. 5.

SYNOPSIS CONCIONIS.

Prima ejus pars, est invectiva, in ingratos peccatores pro amore tanti Regis, & præsertim pro beneficio Redemptionis. Altera pars, ostendit, in quibus nos nostro Redemptori, potissimum hoc sacro tempore Passionis nos exhibere gratos debeamus.

- | | |
|--|--|
| §. 1. <i>Christus D. in suo triumpho descevit ingratitude populi Iudaici.</i> | §. 4. <i>Hæc ingratitude fuit Christo D. in horto causa tanta tristitia.</i> |
| §. 2. <i>Christus D. conatus fuit, amore trahere ad se Ierosolymam, sed frustra.</i> | §. 5. <i>Sentit illam; dulcissimum Christi D. Cor.</i> |
| §. 3. <i>Sophonia & S. Augustini admirationes ob hominum re-</i> | §. 6. <i>Admiraciones & exclamaciones S. Bonaventura.</i> |
| Alveus Tertius. | Y §. 7. |

§.7. *Quæstiones varias super verba Psalmi, quæ utilitas in sanguine meo.*

§.8. *Labores in vanum adhibiti affligunt.*

§.9. *Iudas speculum ingratißimi mortalis.*

§.10. *Pius sensus verborum Christi, Iuda osculo Filium hominis tradis.*

§.11. *Piæ quæstiones hominis desiderantis, ut sit gratus probe-*

nescio Redemptionis.

§.12. *Responsiones ex sacra scriptura, & SS. PP. Gratitude hæc exigit. I. Amorem.*

§.13. *Cognitio amoris Christi nos provocat ad ejusdem amorem.*

§.14. *Illæ gratitudo exigit 2. Imitationem Christi.*

§.15. *Requirat quoq; illam Christus D.*

§.16. *Patiamur cum Christo.*

§.1.
*Christus
D in suo
triumpho
deservit in-
gratitudi-
nem Iudæi-
si populi.*

NOn inhærebo hodie augustissimo triumpho nostri Salvatoris! illa, quam hodie ordimur, hebdomas luctum exigit atque tristitiam; quorundam SS. PP. opinio est, ipsum Christum D. in hoc triumpho, dum urbem ingrederetur teneras & amaras effudisse lacrymas, inter illa suspiria Luc. 21. v. 41. *Ierusalem, Ierusalem &c.* Magna tristitiæ & lacrymarum causa fuit Judaici populi cæcitas & ingratitude. S. Hier. in c. 26. Matthæi, *Contristabatur Dominus propter rejectionem, & reprobationem populi Iudæorum, & everisionem miseræ Ierosolymæ.* Forte Christus D. interius questus fuit cum Jeremia c. 8. 20. *Transivit ætas, finita est ætas, & nos salvati non sumus.* Glossa S. Thomæ ait, *salvati non sumus à famis periculo, quia fructum non recollegimus.* Deplorat ad litteram Propheta illorum calamitatem, qui dum tempus est messis, necessarios fructus sibi non colligunt. Quamdiu Christus D. in terris cum Judæis fuit conversatus, fuit tempus gratiæ, tempus poenitentiae; quos labores non pertulit? quæ media non adhibuit? quæ miracula non perpetravit? &c. In vanum omnia! nullum recollegit fructum. Nimirum hoc contristavit Jesum; Cum Judæis deplorandi sunt illi Christiani, qui Passioni Christi, & beneficio S. Redemptionis sunt ingrati; &c. contra hos aget prima pars hujus Concionis; altera, meos Auditores adhorta-

portabitur ad debitam gratitudinem, ut passio Christi nobis in fructum atque salutem cedat.

In versum 4. Ps. 108. in quo Regius Psalter in persona Christi, justissimas querelas deponit, contra Judæos; *Pro eo, ut me diligere, detrahebant mihi*, pulcrè ait S. Augustinus. *Dilectionem* ^{Christus D. conatus} *fuit amorem* ^{fuit amor} *quippe debebant tantis Domini beneficiis, quam non solum minime* ^{trahere ad se Ierosolymam, sed} *reddiderunt, verum etiam pro bonis irrogarunt malum, &c. & ita ad* ^{frustra,} *quandam malignitatis profunditatem venerunt, retribuendo mala* ^{frustra,} *pro bonis.* S. Thomas ait, *Maximi inter omnia valet ad hoc, quod aliquis amittitur, si ipse prius amaverit.* Plato: *Magnes amoris, amor.* S. Augustinus; *Nulla est major ad amorem incitatio, quam prænire amando? Durus est animus, qui dilectionem, si nolit impendere, nolit rependere.* Seneca ep. 9. *Quaris? quomodo amicum facturus sis cito? Ego monstrabo tibi amatorium; sine medicamento, sine herba, sine ullius venesica carmine; Si vis amari, ama.* O ingrata Ierosolyma; quàm te amavit Christus tuus Salvator; ubi tuus amor? exterius hodie occurris obviam tuo Salvatori; cogit te ad hoc vis quædam superior, ut invita cogaris agnoscere Majestatem tui Messia; sed intus cor tuum est plenum odio & invidia. Quos magnetes non adhibuit Filius Dei; magnes fuit pulcherrima ejus facies, magnetes, lucidissimi illius oculi! magnes fuit melliflua lingua, O dura Ierosolyma; Christus D. tamen non fuit satis potens ut tuos illos amores ad se attraheret. Sed quid ego Ierosolymam reprehendo? forte inter meos Auditores sunt, qui etiamnum hodie, illi charitati Salvatoris nostri sunt ingrati. Diligit nos, noster Jesus; sunt qui illum oderunt; venit ille nobis mansuetus & humilis; nos e contra duri coram ipso apparemus, rigidi in proximum & austeri, superbi &c. Illius unica est cura, ac studium in salutem animarum intentum; heu! quo nostræ tendunt curæ, quo consilia, quo studia? nunquid ad malum, ad peccatum, ad infernum? Ille viso animæ nostræ statu, perquam miserabili, velut olim ad conspectum Ierosolymæ, lacrymatur; nos interim miseri, nos cæci, nos infelices effundimur in risum, in voluptates, in insaniam. Ingrate aortalis, quorsum tua te rapit ingratitudo?

§.3.
Sophonia
& S. Augu-
stini admi-
ratio, ob
hominum
Redemptio-
nem ingra-
titudinem.

Ingratos peccatores pro beneficio Redemptionis, pariter sed significatione plenius verbis, sub typo Jerosolymæ alloquitur Sophonias cap. 3. 1. *Va pravaricatrix! & redempta civitas!* q. d. O impii! O ingrati! estne possibile ut redempti, id est, liberati à Salvatore vestro ex potestate & servitute, & captivitate diaboli, huic tamen, relicto Redemptore, iterum, per nova peccata adherereatis. Redempti estis! id est, loti in sanguine agni, & super nivem dealbati; & nihilominus iterum vos maculis turpissimorum scelerum redditus abominabiles! Redempti; à Christo D. tantis pœnis, tot tormentis, tam ignominiosa morte; hæc omnia vilipenditis? Tilmannus. *Redempti sanguine Christi! O perverfitas! provocatores & redempti. Quid enim tam arguit malitiam nostram, quam Redemptionis nostræ modus & causa;* ex una parte, nostra scelera & intolerabilis ingratitude. Clarius rem explicat S. Augustinus ser. 250. de temp. *Quanta iniquitas est, & quam lugenda perverfitas, ut animam, quam Christus D. suo sanguine redemit, luxuriosus quisque pro momenti delectatione diabolo vendat! Vere nimium plangenda, & miseranda conditio est, ubi cito præterit, quod delectat, & manet sine fine, quod cruciat.* Bene Sophonias cap. 2. v. 5. addidit; *Va! Va!*

§.4.
Hæc ingra-
tutudo fuit
causa tri-
stitia in
hæro.

Ob hanc impiorum malitiam & ingratitude, ait; Lud. Granat. ser. 6. in Pasasc. dixit Christus D. *Tristis est anima mea. Gravissima enim doloris causa illi exiit, innumerabilium pene hominum socordia & ingratitude, qui hanc tantam salutem, tantam gratiam, tam efficacem & salutarem (ne exiguum laborem pœnitentiæ susciperent; ne v. g. hoc paschali tempore confiteantur &c.) erant repudiaturi; quam is tot laboribus, tot opprobriis & cruciatibus illis peperisset.* Magna emphasis latet in repudiare; dicitur hoc proprie qui aliquam adulteram; vel rem aliquam vilem à se abjicit, & quidem cum contemptu & alterius ignominia. Sic scelesti Judæi, elegerunt Barrabam ut viveret, Christum repudiaverunt, ut crucifigeretur. O malitiam! O ingratitude! quoties impius labitur in peccatum mortale, cogitur necessario repudiare! Vulnera & sanguinem Christi. Abjicit à se precium tam preciosæ Redemptionis. Quod fuit hoc,

hoc, fuit Christo Dom. causa summæ tristitiæ, qui proinde dicere potest cum Isaia c. 49. 4. *In vacuum laboravi: sine causa, & vanè fortitudinem meam consumpsi.* Eheu! tot labores Christi in vanum! sudor sanguineus in vanum! flagellatio, in vanum &c. O mi Jesu! ego pertineo ad numerum horum Redemptorum, & prævaricatorum. ah! quid egis doleo me unquam tibi fuisse ingratus, heu! cur tuum sanguinem, tua merita, tua vulnera tam parvi feci? cur tuos amores toties repudiavi. Dolco, sed statuo & juro, fore me imposterum gratum &c. Mi Jesu, concede mihi, & meis aud. hanc gratiam, ne redempti sumus in vanum; ne effuderis pro nobis preciosum, sanguinem, in vanum, &c. sed in gratiam, in vitam, in gaudium, in salutem æternam.

Sentit summopere Christus D. hanc ingratitudinem. Cum cives quidam in Cæsarea, amici S. Pauli cum lacrymis rogarent illum, ne Romam iret, dixit ad illos vas electionis: Act. 28. v. 13. *Quid facitis? flentes & affligentes cor meum,* alia versio habet; *di-*
 • *serpentes.* S. Chrysost. *Nihil Paulo in amore erga proximum indulgentius,* proinde aliorum afflictiones sensit cum intrinseco dolore cordis. Quæro vos impii! Mater Ecclesia his diebus, ut moveat vos ad pœnitentiam, exhibet oculis vestris spectaculum perquam triste imaginem nempe Crucifixi, ut hoc spectaculo moti, cogitetis de debita Redemptori vestro gratitudine; Sed *quid facitis?* dum nihilominus ingrati filii! pergitis peccare; affligitis cor Jesu! *Quid facitis?* dum de integra confessione nihil vultis audire &c. Dilaniatis viscera Salvatoris. *Quid facitis?* dum nihil vultis audire de pœnitentia. nam tempus est, ut hoc tempore condonetis injurias, deponaris odia; quia non facitis, dilaceratis viscera, & Vulnera crucifixi. *Quid facitis?* O sacrilegi pœnitentes, & communicantes? hoc facitis, discerpitis carnem Agni immaculati, satis afflictum est dulcissimum cor Christi, ob angustias mortis; sed ingrati affligunt adhuc magis! Avertat bonus Deus tantum malum à meis Auditoribus.

S. s.
Sensit il-
lam, dul-
cissimum
Christi
cor.

§. 6.
Admira-
tiones &
exclama-
tiones S.
Bonaven-
tura.

Sed timeo, ne iustas habeam causas, renovandi querelas devotissimi S. Bonaventuræ 2. p. stim. div. am. cap. 2. *Mirum est certe, quomodo pro amore Redemptoris erga genus humanum, corda filiorum hominum non scindantur.* Ponit deinde acrem exclamationem contra cor alicujus ingrati peccatoris, quod beneficio redemptionis non movetur ad amorem & gratitudinem; *O cor plus quam lapideum! O cor, non cor, cur non accenderis amore? O cor nequissimum! O cor immanissimum! O cor infidelissimum! O cor crudelissimum! O lapides & creatura insensibiles, flete;* causam lacrymarum & luctus hanc esse cupit, quia amor sive Deus non amatur. Eheu! sic est, Amor pendet pro homine totus nudus & sanguineus in cruce; non amatur. Ex Vulneribus Amoris defluit copiosus sanguis; eheu! non amatur. Amor in cruce, ex amore moritur; flete saxa, à multis non amatur!

§. 7.
Quaestiones
in v. 10. Pf. 29.
Quæ utilitas in sanguine meo, dum descendo in cor-
ruptio nem. Venit Dominus Iesus, suum pro nobis sanguinem ob-
lit; bonus servus deberet precium reparare Domino suo, & sangui-
nem reddere; sed, si non potest reddere, vel hoc faciet, ne precio videat-
ur indignus. Ergo & tu dignum te gere tali precio, ne veniat Christus,
qui te mundavit, qui te redemit; & si te in peccato invenerit, dicat
tibi, Quæ utilitas in sanguine meo? quid profeci tibi &c. Audi ami-
ce mi, si fortassis etiã hac septimana es in statu peccati mortalis
si actu es hostis Dei, & nihilominus de pœnitentia non cogitas,
audi me parum, alloquar te sine bile, verbis suavissimis, & cum
lacrymis afflicti mei cordis; Pro tua anima Christus sudavit san-
guinem! sed, in hoc sanguineo sudore, pro te, quæso, dic, quæ
utilitas? pro te flagellatus est, quæ utilitas? pro te coronatus
est spinis, quæ utilitas? (est locus pro affectuosa ind.) In cruce
orat pro te, quæ utilitas? offert tibi paradisum, quæ utilitas?
nulla! hoc Christus pendens in cruce vidit clarissimè; vidit tua
scelera, vidit tuas libidines vidit tuam ingratitude m; &
putas benedictum cor ejus, non fuisse afflictum, laceratum,
dilaniatum: locum hic habet elegans ille versus. Non dolor hic
ce meus,

Aureum monitum nobis reliquit S. Ambrosius l. de Virg. in v. 10. Pf. 29. *Quæ utilitas in sanguine meo, dum descendo in corruptionem. Venit Dominus Iesus, suum pro nobis sanguinem oblit; bonus servus deberet precium reparare Domino suo, & sanguinem reddere; sed, si non potest reddere, vel hoc faciet, ne precio videatur indignus. Ergo & tu dignum te gere tali precio, ne veniat Christus, qui te mundavit, qui te redemit; & si te in peccato invenerit, dicat tibi, Quæ utilitas in sanguine meo? quid profeci tibi &c. Audi amice mi, si fortassis etiã hac septimana es in statu peccati mortalis si actu es hostis Dei, & nihilominus de pœnitentia non cogitas, audi me parum, alloquar te sine bile, verbis suavissimis, & cum lacrymis afflicti mei cordis; Pro tua anima Christus sudavit sanguinem! sed, in hoc sanguineo sudore, pro te, quæso, dic, quæ utilitas? pro te flagellatus est, quæ utilitas? pro te coronatus est spinis, quæ utilitas? (est locus pro affectuosa ind.) In cruce orat pro te, quæ utilitas? offert tibi paradisum, quæ utilitas? nulla! hoc Christus pendens in cruce vidit clarissimè; vidit tua scelera, vidit tuas libidines vidit tuam ingratitude m; & putas benedictum cor ejus, non fuisse afflictum, laceratum, dilaniatum: locum hic habet elegans ille versus. Non dolor hic ce meus,*

ce meus, dolor; est amor, hoc doleo unum; quod labor hic multis nossest inanis erit.

Eccles. 2. 18. dixit Salomon; *Detestatus sum omnem indu-* §. 8.
Lab. res in
vanum ad-
hiberi, as-
figunt.
striam meam, qua sub sole studiosissime laboravi, habiturus heredem
post me, quem ignoro utrum sapiens an stultus futurus sit. Christus
D. in Cruce, tam divitem nobis relinquens hæreditatem cla-
rissimè vidit, quales esset habiturus hæredes, bonos, sed *paucos!*
dilapidatores, *innumeros*; hoc sensit dulcissimum ejus cor.
Ejusdem testamenti, quod in Cruce sanguine suo scripsit, & nos
sumus hæredes; Utinam grati & solliciti, ne relictum thesau-
rum in vanum dilapidemus, imo ne Satanæ vendamus. Ezech.
c. 24. v. 12. ait; *Multo labore sudatum est, & non exivit de eo rubigo*
ejus. Utinam non idem dicendum sit de Christo D. multo la-
bore sudavit, sed in vanum. Quid enim? an non copioso ille
labore sudavit? sed heu! in vanum! sudavit ut bonus Pastor, cur-
rendo per avia, per invia, per montes, per valles, per jugera, per
nemora, ut perditam quæreret oviculam; te, te inquam, ingrate
homo! sed heu! in vanum. Sudavit, peragrando provincias,
circumeundo vicos, atque oppida; sudavit in cathedris, in tem-
plis, in montibus. Sed heu! in vanum. Sudavit in monte Oli-
veti; nec ignoratis auditores, quis fuerit ille sudor, nempe san-
guineus, invisus atque inauditus alias. Sed heu! in vanum. Su-
davit dum raperetur ad vincula, dum duceretur ad Annam,
dum traheretur ad Herodem; dum in illum sævirent flagella,
dum fannis atque ludibriis afficeretur, dum coronaretur spinis
& ubi non sudavit Jesus meus? sed heu! in vanum. Ingrati ho-
mines, hos Dei vestri pro salute vestra labores considerate; hos
tantos in vestra causa sudores perpendite.

Talis ingrati speculum fuit Judas, de quo p. S. August. *Pro* §. 9.
Iudas. spe-
culum in-
grati. §. 10.
gratissimi
mortalis.
pignore amoris, suo amatori, & quidem cum osculo, vulnus infligit;
pacis argumento mortem immittit, servus Dominum tradit; disci-
pulus Magistrum prodit. Judas (S. Amb.) prodidit eum, cui co-
pulabatur suavitate convivii. S. Hier. Vendens Christum, quā-
li vile tradens mancipium, in potestate ementium posuit, quan-
tum vellent illi dare. S. Th. fraudulento osculo, osculatus est
Chri-

Christum. Putat S. Hier. Christum D. sub accepto osculo talia cogitasse in corde suo, Juda! ego mea clementia volo te salvare, & osculum tibi porrigo; & volo vincere malum tuum (puto hoc) & tu permanes ad male faciendum, ut me tradas. Pergit S. Hier. Videris, quanta clementia Domini est! ille venit ad prodendum & Dominus porrigit ei osculum, ut qui Magistrum non timuit, vel clementia vinceretur. S. Bernardus de Pass. *Innocens Agne Dei, quid tibi & lupo illi? quæ conventio tui ad Belial? sed & hoc, benignitatis tuæ Domine fuit, ut omnia illi exhiberes, quæ pravi cordis pertinaciam emollire possent.* O dura peccatorum corda! Jesus omnia nobis exhibuit, atque etiamnum exhibet, quæ pravi cordis duritiem emollire possunt. Exhibuit Sacramentorum usum, exhibuit vitam suam, exhibuit sanguinis sui precium, exhibuit præsentiam in augustissima Eucharistia; exhibuit, conscientia stimulos, exhibuit concionatorum voces, vires, conatus. Denique, quem non exhibuisti laborem, mi Jesu! ut pravi cordis pertinaciam posses emollire? O homo ingratus! O reprobe Juda! O ferreum pectus! Jesus exhibuit quæcunque caritatis argumenta, tu ea negligis, rides, despicias, contemnis. Lamentatur S. Ambrosius pro Juda: *Perisse beneficium Redemptionis, hoc lugent pii animarum zelatores.*

S. 10.
Plus sensus
verborum,
Christi, in
das, osculo
filium ho-
minis tra-
dit?

Idem S. Ambrosius, putat, verborum illorum Christi D. ad Judam, Luc. 22. v. 48. *Osculo filium hominis tradis*, hunc fuisse sensum; *Amice sed ingratus! propter te suscept, quod tradis!* hoc de vobis queror ingrati & obstinati peccatores, corpus, quod pro vobis Christus D. assumpsit, quod pro vobis vulneratum est, traditis diabolo! sanguinem pro vobis effusum, traditis jurato hosti Salvatoris vestri, & vestro, cum anima vestra, quam Christus suo sanguine redemit! utinam hic in vos irrueret timor & pavor in quo dixit S. Bernardus ser. fer. 4. hebd. f. Sequar vestigia ejus; amabo Christum Red. &c. *Alioquin etiam exquiretur à me sanguis justus qui effusus est super terram, nec immunis ero ab illo tam singulari scelere Iudeorum; quod videlicet tanta charitati ingratus fuerim, quod spiritui gratia contumeliam fecerim, quod sanguis.*

sanguinem testamenti pollutum duxerim, quod conculcaverim Filium Dei.

Sed venio in altera parte concionis, ad illos, qui hac sancta sept. solliciti sunt, quomodo Christo Salvatori pro beneficio Redemptionis sint grāti. Pl. 115. quæsiuit Regius Psalter ps. 115. v. 17. *Quid retribuam Domino pro omnibus quæ retribuit mihi?* Th. de K. de pass. *si ille tanta pro nobis pertulit quid nos faciemus, & quid illi digne referemus?* S. Euthymius ait ep. 4. ad Sever. *Quid ergo illi pro malis, quæ pertulit, quæ pro bonis suis, quæ contulit referam? quid pro suscepta carne? quid pro alapis, pro opprobriis? quid pro flagellis, pro cruce, obitu, rependam?* Plurimæ tales interrogationes passim inveniuntur apud SS. Patres; quos audivimus interrogantes audiamus etiam respondentes.

David ait; *Calicem salutaris accipiam.* id ex mente Hugonis Card. *Passionem Salvatoris imitabor,* & Euthymius respondet. *Cum multa & magna beneficia à te acceperim & respondere illis nequeam, quod valeo id faciam, Diligam te. & Reddamus ergo amorem pro debito, charitatem pro munere.* Cum S. Bonaventura Stim. d. am. p. 2. c. 18. considerasset illum versum Thren. 1. v. 12. *O vos omnes, &c. quoniam de excelsis misit ignem in ossibus meis.* Vide-
tur mihi hic versus supponere emblemata, in quo mons Ætna evomit flammæ, inter quas legitur hoc lemma, *quod latet, hinc patet.* Voluit hac pictura quidam amator exprimere latentes flammæ amoris, in suo corde. Mons hic igneus amoris est Christus crucifixus! patentia Vulnera sunt rimæ, ex quibus erumpunt flammæ, indices, latentis intus in corde amoris. O vos omnes, qui hac septimana videbitis & transibitis imaginem crucifixi, attendite & videte, si est talis dolor, & talis amor: jam audite ardentia verba Seraphici Bonaventuræ; *Imo Domine, attendam & videbo, si est amor, sicut amor tuus! imo, si est amor, nisi amor tuus! & ideo nihil, nisi te, & propter te volo amare!* Taulerus de pass. *Attende nunc, O anima mea interioribus oculis immensum amorem Salvatoris tui; Vide quantopere sitiat te redimere! O Clementissime Deus! quem non hac tanta charitas incendat?*

Alveus Tertius.

Z

S. Tho-

§. 13.
Cognitio
amoris.
Christi nos
provocat
ad ejusdem
amorem.

S. Thomas ait p. 3. q. 46. 2. 3. *Qui cognoscit, quantum Deus hominem dilexerit & diligit, provocatur ad eum diligendum, in quo perfectio humana salutis consistit.* addo ego, & gratitudo quam illi debemus. Ex hac cognitione dixit David, adhæsit anima mea post te. Ex hac cognitione dixit Petrus, Joan. 21. v. 16. *Tu nosti, quoniam diligo te, & S. Paulus, Rom. 8. v. 35. Quis nos separabit à caritate Christi.* S. Bonav. stim d. am. *O bone Iesu, quid fecisti, quod me tantum amasti? Quare Domine? quare? quare Domine Iesu? quid sum ego? postquam similes quæstiones formasset* S. Aug. cap. 10. in Man. respondet, *Amo te Deus meus! amo te! & magis atque magis amare volo. Da mihi Domine Deus, speciose præ filiis hominum, ut desiderem te, ut amem te quantum volo, quantum debeo.* Seraphicus S. Franciscus; *Da mihi Domine mori, amare amoris tui, qui amore, amoris mei, dignatus es mori.* S. Petrus Martyr. *Da Domine mihi mori pro te, qui mori voluisti pro me.* Finio hunc discursum, Gratus animus amat & diligit Christum Redemptorem.

§. 14.
Magna grati-
tudo exigit
secundo
imitatio-
nem Chri-
sti.

Sed bene monet Cicero l. de amicit. *Duo sunt quæ amantem produunt, amata bene facere, & ejus causa cruciatus ferre; & hoc majus est.* Itaque pati aliquid debemus pro Christo, quod fiet, si quod primo loco exegit Hugo Card. si Christum D. passum imitemur, quod sine mortificatione non faciemus. S. Gregorius Naz. in particulari proponit, in quo Christo Passio debeamus conformari. v. g. *Si ad Herodem deductus fueris, ne verbum unum responde. Silentium tuum pluris faciet, quàm prælixas aliorum orationes, Si flagello cæsus fueris; quæ supersunt, require. Fel gustata, aceto utere, sputa flagita, alapas & colaphos accipe; spinea corona, hoc est, pia vitæ austeritate, cingere, coccinum indue, arundinem accipe, ab iis qui tibi detrahunt &c. Denique simul in crucem suffigere, simul morere, simul etiam libenter inhumare; ut simul quoque reviviscas, & gloria fruaris, ac regnes. O si hac sancta septimana Passionis Christi, ut grati simus tanto beneficio; ut grati simus, ejus flagellationi, ita viveremus!*

§. 15.
Requiris
illam Chri-
sti D.

Henricus Suso ex Ord. S. Dom. in dialogo inducit Christum D. de sua Passione alicui Religioso sic loquentem; *Siquidem acerbissima mortis perpeffione (non tantum volui hominem redime-*

dimere, sed hoc potissimum spectavi, & volui, ut me homines imitarentur, 1. Petr. i. v. 3. passus est pro nobis vobis relinquens exemplum, ut sequamini vestigia eius. S. August. Lignum illud ubi erant fixa membra morientis, etiam cathedra fuit Magistri docentis. S. Th. In cruce invenitur exemplum omnis virtutis. Subjunxit tamen Christus D. quamquam & pia lacryma mihi cum primis accepta sint. Sed ne quis putet, in his lacrymis consistere veram devotionem, & debitam gratitudinem, dixit ulterius Christus D. qui me imitabitur &c. p. locus, qui v. g. fel meum gustaverit; Non minus gratum mihi praestiterit obsequium, quam aliis, qui praelacrymis, dulcedine totus colliquescit. Forte haec verba oculis vestris proponunt, Mariam Magd. ad pedes crucifixi solutam in lacrymas: gratulor aliis, qui simili torrente inebriantur; mihi Auditores, & forte quibusdam ex vobis gratia haec non conceditur; non sumus tam pii & devoti; hanc tamen gratitudinem, hoc obsequium Christo Redemptori exhibere possumus, nimirum licebit amarum ejus calicem; calicem illum felle atque aceto plenum, calicem Passionis acerbissimae, supremis saltem labiis degustare; licebit cum eodem Salvatore nostro, mæsto corde, dejectis oculis, mente in Dei nutum defixa, concedere trans torrentem Cedron; licebit cum eo in genua procumbere, licebit supplices ad Deum palmas protendere, & exclamare! Pater! Pater mi! Licebit cum eodem rapi, ab uno tribunali ad aliud, ab uno cruciatu ad alium, à vinculis atque catenis ad carcerem, à carcere ad Judicem à Judice ad flagella, à flagellis ad spinas, à spinis ad crucem, à cruce ad mortem. Ecce hoc non liceat, Auditores, devota nempe consideratione comitantibus, non filiabus Sion, sed ardentibus cordis suspiriis, precibus, affectibus? Hæc nostra obsequia, non possunt non esse Patienti Deo nostro, hoc tempore gratissima.

Piè S. Bern. c. 3. medit. Fudit Christus lacrymas, funde & tu. §. 16. Fudit sanguinem suum, funde & tu quotidiana corporis afflictione, quem si semel ponere pro Christo non potes, saltem mitiori quodam, sed longiore martyrio pone. S. Cyrillus Catech. 13. Prote Iesus Rex

tuus crucifixus est & tu pro crucifixo non crucifigeris? de hoc sibi applaudit S. Paulus ad Col. i. v. 24. *Adimpleo ea, quæ defunt Passioni ipsius in carne mea.* Cajet. hæc dicendo, *apparenter significat, aliquid diminutionis in Passione Christi;* sed quid Christo deest, quid ejus sanguini? &c. Respondet Cajet. *Secundum veritatem non significatur diminuta Passio Christi, sed significatur, quod illi deest, conjunctio ipsius cum afflictionibus nostris.* O Jesu! te enim mea, in fine, potissimum respicit oratio, O Jesu! O Amor cordis mei; O unica mea Voluptas! sine obsecro, sine me crucem meam conjungere cruci tuæ; sine me afflictiones meas tuis miscere angustiis; sine me mortificationes meas tuis adjungere injuriis. Volo quippe cum Apostolo tuo adimplere ea, quæ defunt Passioni tuæ in carne mea; Volo tecum prodire, in hortum, non ut rosas voluptatum legam, sed ut spinas afflictionum decerpam. Volo tecum gustare calicem, non ut vino me ingurgitem, sed ut fellis tui atque aceti reddar particeps; Volo tecum ad Judicum tribunalia, ad Regum solia prorepere; non ut honoribus ab iisdem mañter, sed ut afficiar injuriis. O mi Jesu! hæc mea, hæc etiam Auditorum meorum sunt vota; hæc desideria, tu tantum annue, tu admitte imperfectum nostrum, tu nostram passionis guttulam, in tormentorum tuorum oceanum infundi clementer permitte.

CON-



CONCIO XIX.

DE HISTORIA PASSIONIS ORDINE TERTIA.

Apprehendit ergo Pilatus Iesum, & flagellavit.

Joann. 19. cap. v. i.

SYNOPSIS CONCIONIS.

Agit de quatuor præcipuis mysteriis, Passionis. I. De accusatione coram Pilato. II. De Illusione in aula Herodis. III. De flagellatione. IV. De spinea Coronatione.

- | | |
|---|---|
| §. 1. <i>Exordium.</i> | <i>quaestiones.</i> |
| §. 2. <i>Iesus mane Parasceves ducitur ad Pilatum.</i> | §. 12. <i>Vna ex præcipuis; Quid fecisti? nobis quoque proponetur.</i> |
| §. 3. <i>Quod videns Iudas, agnovit magnitudinem sui sceleris.</i> | §. 13. <i>Quaerit Pilatus, modum liberandi Christum D. Itaque proponit Iudaeis, electionem inter illum, & Barrabam.</i> |
| §. 4. <i>Apostrophe ad impios, ut intueantur hoc speculum.</i> | §. 14. <i>Qualis & quanta, inter utrumque differentia.</i> |
| §. 5. <i>Iudas desperans laqueo se suspendit.</i> | §. 15. <i>Barrabas praenititur Iesu, electione detestanda quam committit quisquis letaliter peccat.</i> |
| §. 6. <i>Affectus timoris.</i> | §. 16. <i>Quaerit Pilatus, quid debeat facere cum Iesu.</i> |
| §. 7. <i>Sistitur Pilato.</i> | §. 17. <i>Apostrophe ad impios, quid velint facere cum Iesu.</i> |
| §. 8. <i>Coram illo accusatur.</i> | §. 18. <i>Pilatus mittit Christum</i> |
| §. 9. <i>Pilatus cognovit Christi innocentiam.</i> | |
| §. 10. <i>Magna virtus est, inter contumelias filere.</i> | |
| §. 11. <i>In pratorio, Pilatus, alias Christo Domino, proposuit</i> | |

ad Herodem.

§. 19. De quo Herodes valde fuit gavisus. Digressio. In cælis & in terris, summum gaudium esse, videre Iesum.

§. 20. Multa ex illo interrogavit Herodes, sed Iesus iterum siluit.

§. 21. Itaque ab Herode, & ejus aula fuit illusum.

§. 22. Pia ad Iesum illusum Apostrophe.

§. 23. Pilatus tradit Christum D. ut flagelletur.

§. 24. De modo flagellationis: & imprimis de denudatione.

§. 25. Prosecutio.

§. 26. Denudatus fortissime fuit alligatus ad columnam.

§. 27. Quibus instrumentis fuerit flagellatus.

§. 28. De multitudine & gravitate Vulnerum.

§. 29. Affectuosa dua circumstantia, crudelissima flagellationis.

§. 30. De copiosa effusione sanguinis.

§. 31. Christi Domini lapsus ante columnam. Iterata flagellatio.

§. 32. Varia devotiones erga Christum flagellatum.

§. 33. Pium Votum Auctoris ad columnam.

§. 34. Descriptio Coronationis ex Evangelistis.

§. 35. Preparatoria ad eandem.

§. 36. Crudelissimus modus Coronationis.

§. 37. Aliæ circumstantiæ augentes dolorem Coronationis.

§. 38. De forma spinæ Coronæ.

§. 39. Quanam præsertim Spina laniarint caput Salvatoris.

§. 40. Quam copiosum sanguinem effuderit Christus D. in spinæ coronatione.

§. 41. Tres causæ, ob quas filius Dei fuit coronatus Spinis.

§. 42. Aliæ septendecim causæ.

§. 43. Ultima causa.

§. 44. De aliis injuriis Christo D. in coronatione illatis.

§. 45. Gravis obtestatio S. Thomæ de Villa Nova, ad gravem peccatorem.

§. 46. Et Auctoris ad Auditores; cum exhibitione crucifixi & Epilogo.

§. 3.
Exordium.

INter pia desideria, dicendi ferventer; & cum fructu, hanc præsertim de Passione Christi concionem, hodiernâ die Parasceves; incidit mihi id, quod de S. Francisco de Paula, narrat ejus vita; fuisse ipsum, tam ardentem Amatorem Dei, & Christi crucifixi, ut aliquando, visibiliter de cælo, in ejus cor descen-

ascenderit igneus globus, cui hæc vocula flammeis literis fuit inscripta; CARITAS; Et illis ignibus non ipse tantum exardescere solebat, præsertim in meditatione Passionis; sed omnes, cum quibus agebat, eisdem ignibus & simili amore, erga Deum & Christum crucifixum inflammabat. Si potuisset, (tantus, tam accensus erat illius amor) totum mundum his flammis accendisset. O si ego, hac concione, tales igneos globos, o si has facces & flammæ injicere possem cordibus meorum Auditorum! O sancte Spiritus! veni; accende imprimis cor meum, accende linguam, accende omnia verba; ut per me indignissimum peccatorem excitetur ignis amoris erga Christum patientem! sed agnosco me indignum, per quem hoc fiat. Vos imploro, O cælestes Seraphini! Vos sub dictione mea, igneos de cælo inter meos auditores spargite globos! ego saltem conabor ut igneis literis uni inscribam; Jesu coram Pilato, accusaro; alteri, Jesu! in aula Herodis illuso; tertio, Jesu flagellato; quarto, Jesu! Spinis coronato; ardet nostra caritas, & flagrat amor. Qui Jesum crucifixum hodierna die, non amat ardentem, anathema sit; O me felicem! non è Seraphinorum thronis tantum; sed ex ardenti clibano pectoris Jesu crucifixi, jam sentio evibrari has flammæ, quas desidero.. In nomine ergo ejusdem crucifixi; do initium huic concioni. De accusatione coram Pilato &c.

Punctum I.

De mane Parasceves.

SUmme mane die Parasceves in domo Caiphæ comparuerunt Concilii majoris Senatores, Sacerdotes, scribæ, & Pharisei; exultantes præ gaudio, cum audiverunt, teneri Christum. §. 2:
Jesum, mane
Parasceves
à Judæis
ducitur ad
Pilatum.
De etiamnum captivum; & multo magis, cum è carcere ad Concilium eductum videre, ob copiam colaphorum & alaparum facie intumescens; sanguine livida, sputis oppleta, non sine laude, commendatione, & præmio satellitum qui benignissimum Dominum ita tractassent. Repetita breviter à Caipha, senten-

sententia mortis, quæ præcedente vespera in illum prolata fuerat, omnium suffragiis statutum est, tradendum eum Pilato Romanorum præfidi, accusandum veluti seductorem populi, reum læsæ Cæsar. Majestatis, ob regni judaici ambitum, & tanquam blasphemum, quod se Filium Dei appellaret; proinde meritum, ut crucifigatur. Antequam magno tumultu, inconditis clamoribus, illum ex domo Caiphæ per plateas ad palatium Pilati raptarent, manus & brachia, de novo arctius ligarunt, & collo immanem catenam, veluti perduelli, & mortis infamis reo iniecerunt-- & surgens omnis multitudo eorum; Summi Sacerdotes cum senioribus & scribis & universo concilio adduxerunt eum, & tradiderunt Pontio Pilato præfidi.

§. 3.
Quod videns Judas
agnovit
magnitudinem sui
celeris.

Tunc videns Judas, qui eum tradidit, quod damnatus esset, penitentia ductus retulit triginta argenteos, dicens peccavi &c. antequam aliquid dicam de Juda, merito dicere possum ex ps. 65. v. 5. *Venite & videte opera Dei, terribilis in consiliis super filios hominum.* Nocte S. Petrus liquefit ad lacrymas, de die Judas induratur! vere in utroque terribilis Dominus in consiliis suis, magna emphasis latet in illis particulis, *tunc videns*, id est, cum Judas peccavit, cum fuit in ardore avaritiæ, non vidit, non agnovit, quid esset vendere Christum, nihil vidit; fuit perfidus in Magistrum, non vidit, fuit Simoniacus; non vidit &c. Peracta prodicione, cum vidit, Christum tradi Pilato, tunc Dæmon illi oculos aperuit, & simul ac semel immanem cumulum tot peccatorum objecit, & abyssum malorum in quem se præcipitarat; tum diabolus admovit stimulos & faces inquietæ conscientiæ; tum terruit monstris; tum ad desperationem adegit, clamando: *quid fecisti?* vox innocentis sanguinis contra te clamat; tu Deum vendidisti pro triginta argenteis; & quæ spes veniæ esse potest? quo fugies? peccatum tuum grande est, mitte te deorsum & morere! hæc & talia Dæmon; hæc sæva conscientia; hæc ipse sibi Judas &c.

§. 4.
Apostrophe
ad impios, &
acintuean.

O impii! hanc Tragædiam vobiscum ludit Diabolus; cum ad peccatum instigat; cum voluptas invitat, cum libido provocat; Nihil videtis! in publicis plateis audetis peccare; scitis quo

quo scandalo? Nimirum diabolus tegit fœditatem peccati, ne ^{sur hoc spe-} ejus enormitas appareat; nihil occurrit, quod terreat oculos, ^{culum.} nihil quod aures offendat; omnia sunt amœna, omnia jucunda. At vero in articulo mortis, tum ex inferis irruunt furia, tunc vident impii; tum lectum circumstant ferales umbræ, & larvæ cum facibus, flagellis, armatæ spinis; tunc vident, tunc conscientia latrat, tum rodit vermis & vultur &c. hinc ille impiorum pavor, terror, tremor &c. Ita fit, cum laqueos desperationis injicit Cacodæmon. Ita diabolus excæcat, ut pecces, oculos apperit, ut desperes!

Judam eo Satan adegit, ut abiens laqueo se suspenderit. ^{S.S.} O tristem abitum, à luce ad tenebras, à gaudio ad luctum, à so- ^{Judas de-} latio ad mœrorem, à tempore ad æternitatem, à mundo ad in- ^{spicans, se} feros, ab hominibus, ad Dæmones, à Christo ad luciferum, à ^{laqueo} summo bono, ad summum malum; plenus timidissimis cogitationibus. Antequam laqueum collo injecit, forte aspexit cœlum, sed visum illi fuit tonare, fulgurare, fulminare, igne pluerre. Fortè despexit in terram, sed videbatur sub pedibus dehisce- & aperiri. Forte inspexit conscientiam, seu simul mille scelerum furias, ibidem latentes animadvertit. Forte circumtulit oculos per aëra, sed videbatur plenus Dæmonibus. Forte respexit Christum, sed ille videbatur severissimus judex, acerrimus vindex, ita nullibi solatium! Scelus perpetratum, visum fuit inexpressibile. Credebat impossibile, impetrare veniam; & tamen sic vivere, etiam durum fuit visum. Ergo domi quærit laqueum, eo invento egreditur foras in campum, forte in via murmuravit, ex Job. c.3. v.3. *Pereat dies in qua natus sum & nox in qua dictum est, conceptus est homo. Dies ille vertatur in tenebras, obscurant eum tenebræ, & umbra mortis.* Occupet eum caligo, & involvatur amaritudine, noctem illam tenebrosus turbo possideat. Hæc inter murmura filius perditionis ascendit arborem, laqueum collo inserit, sui ipsius carnifex, infamis Judas. Quis hæc videns non interroget cum Is. c.66. v.8. *quis auditit unquam tale, quis vidit huic simile?* O Angeli; O homines, O inferi; Clamate cum S. Paulo ad Romanos. 11.33. *O al-*

titudo divitiarum sapientia & scientia Dei: quam incomprehensibilia sunt iudicia ejus &c. Cavete impii! talis vobis mors paratur qualis fuit vita: sic impleta sunt verba & minæ Christi Matthæi 26.v.25. Bonumerat ei, si natus non fuisset homo ille.

§.6.
Aff. huius
moris.

O bone Jesu! Estne aliquis in hoc cœtu, de quo, in tuo & Patris arcano concilio dictum est ab æterno, *bonumerat ei &c.* qui æternum planget; *Pereat dies &c.* O Jesu! timore & tremore concutis omnia ossa mea, dum tonas fulminatrice illa sententia; *Nescit homo utrum odio an amore dignus sit, sed omnia in futurum servantur incerta*, dicit Ecclesiast. 9.v.1. hoc est, *Nescit homo, utrum bonum ei sit, quod natus sit vel non.* Iterum, Christe, tua voce, tanquam rugitu leonis mihi terrorem incutis; *multi sunt vocati, pauci electi* Matt. 20.v.16. Vocatus fuit Judas, at non electus: & ego vocatus sum, sed an electus sim nescio, & non paveam? non totis artibus contremiscam? egone adhuc Deum meum offendam? Judas semel te vendidit, ego, peccando, heu quoties! sic est mi Jesu, non tamen desperabo, sed cum Petro in antrum me abdam, in illo plorabo, in illo gemam, in illo exclamabo: *peccavi tradens sanguinem justum*, sed hic sanguis super me & super animam meam, ut clamet, non justitiam sed misericordiam &c. Nunc ad textum.

Punctum II.

Sistitur, & accusatur coram Pilato.

Vincientes Iesum, duxerunt, & tradiderunt Pilato
Marc. 15. v.1.

§.7.
Sistitur Pi-
lato.

QUamprimum Christus Dominus summo mane Parasceves coram magno concilio rursus professus fuit, se esse Christum Filium Dei, unanimi voce conclamarunt; *reus est mortis*. Tertium hoc fit consilium, pejus prioribus. In primo non omnes consensere: in secundo dubitatum est; in tertio, in unam mortis sententiam conspirant omnes. Sic eunt per gradus

us scelera. Et confestim summi sacerdotes, cum senioribus & scribis & universo concilio surgentes cucurrerunt ad prætorium Pilati. In medio, inter lictores, milites & nequissimos famulos Judæorum ductus fuit Christus Salvator, ligatis manibus & brachiis, collo injecta ingenti catena, in signum à Senatu Ecclesiastico esse judicatum reum mortis; tradi proinde seculari potestati: facile cogitare possumus, quis populi in tanta urbe fuerit concursus. Miratus fuit præses die à Judæis tam sancto coram se sisti reum, & quia prætorium ingredi noluerunt, exivit ipse, *tunc ceperunt illum accusare in multis*, id est, *exacerunt ut gladium linguas suas* ps. 63. v. 4. impletus fuit. v. 14. ps. 21. *aperuerunt super me os suum sicut leo rapiens & rugiens* & v. 1. Ps. 48. *Os peccatoris, & os dolosi super me apertum est, locuti sunt adversum me lingua dolosa & sermonibus odii circumdederunt me.* Audite quæ dixerint venenatæ linguæ.

Primus, accusationem sic orsus est. *Hunc invenimus subvertentem gentem nostram.* Jesus autem nihil respondit: alius pro innocente dicere potuisset, quod Daniel dixit pro Susanna ad seniore: *Recte mentiris in caput tuum.* Dan. 13. v. 55. vel ex ps. 9. v. 7. *maledictione os tuum plenum est, & amaritudine & dolo;* hic enim est, qui non perfidam vestram gentem, sed vestros hostes, Pharaonem submersit in mari rubro. Exod. 14. v. 28. Hic est, qui vos duxit per desertum, qui interdiu vobis in columna de nubibus, noctu autem, in columna ignea præluxit Exod. 13. v. 21. hic est qui non coturnicibus solum, sed & manna, pane illo cœlesti, vos pavit; hic est, qui in tot præliis Patribus vestris atque majoribus, in brachio fortitudinis suæ adstitit, qui tot illis victorias adversum omnifarios hostes concessit. Dicite nunc; hoccine est seditionem movere in populo? hoccine est, O scelerati, vestram gentem pervertere? Sed Christus Dominus nihil respondit; alter itaque accusator erupit; *hunc invenimus prohibentem tributa dari Casari.* Rursum Christus siluit, sed si Daniel aliquis, si quis exsurrexisset advocatus, veritatis amans, dicere potuisset pro Christo, recte; *& tu mentiris in caput tuum*, nam Matthæi 22. v. 21. disertis verbis dixit. *Reddite quæ Cesaris Cesari.*

S. 8.
Coram illo
accusatur.

Tertii accufatoris vox fuit; *invenimus hunc dicentem se Christum Regem esse*, addidit alius, *Filium Dei*, vociferati sunt ista, clamore incondito, spe pleni fore, ut statim à Pilato fatalis sententia proferatur.

§.9.
Pilatus
agnovit
Christi in-
nocentiam

Sed noluit præses judicium præcipitare; consideravit potius accusationes, expendit testimonia, examinavit ipsum accusatum, & in accusationibus reperit invidiam, in testimoniis mendacium, in testibus nequitiam; in solo reo innocentiam, in vultu miram quandam Majestatem. Hinc dispares illæ voces inter synagogam & gentilitatem. Vox gentilis fuit, *quid mali fecit?* vox Judaica fuit, *si non esset hic malefactor non tibi tradidissemus eum.* Malefactor! non unum sceleris genus, sed omne complectitur. Et hoc Dei filius! O injuria inaudita! Vox Pilati fuit; *Nihil invenio causa in hoc homine.* Vox Judæi fuit *commovet populum.* Vox præsidis fuit, *nullam causam mortis invenio in eo, dimittam.* Vox Judæi; *debet mori!*

§.10.
Magna vir-
tus est; in-
ter contum-
elias file-
ra.

Itaque cum Pilatus videret, audiretque omnium clamorem contra Christum, concurrere, & neminem unum esse qui vel verbulum pro illo diceret, dixit illi Pilatus; Matth. 27. v. 13. *Non audis quanta adversum te dicunt testimonia? Iesus non respondit ad ullum verbum, ita ut miraretur præses vehementer.* Hoc Dei mei silentium magni est mysterii argumentum. Enimverò injuriis lacessi & non animo commoveri; affici contumeliis, & non bile pariter suffundi, falsas audire accusationes, & non in sui defensionem erumpere, percipere tot maledicta; & adhuc conticescere cum Christo; hanc ego sane virtutem duco longè nobilissimam, hoc opus maximè heroicum, ac præ cæteris illustre censeo. Hanc itaque virtutem, hanc sui ipsiusmet victoriam docere nos modò voluit suo illo silentio amantissimus Præceptor noster Jesus; gravissima innocentiae defensio, est silentium, cum vita loquitur, & perorat. Jam verò propter nimios clamores Judæorum, & vociferantium tumultus

§.11.
In pratorio
Pilatus
alias Chri-

Pilatus Jesum solum in pratorium duxit; ubi sine arbitris, de binis rebus magni momenti illum interrogavit. Primò. *Tu es Rex Iudæorum?* Respondet Jesus, *regnum meum non est de hoc mundo*

mundo. Væ huic mundo, si Christus non est illius Rex. *Væ Re* *Ro Di. pro-*
posuit qua-
siones.
gno, cujus Rex non est Rex regum; Vale munde, valete divitiæ, si
in vobis non est regnum Christi; non cupio vos. Et quomodo
Christus Dominus filius Dei posset esse Rex hujus mundi; cu-
jus si spectes locum non est nisi punctum, quid angustius? si tem-
pus; non est nisi momentum; quid contractius? si incolas; est
divisum. Si regem, est Tyrannus; si finem; ignis & combustio!
Ideo regnum Christi est regnum immortalitatis, non vanitatis:
regnum est, omnium temporum injuria superius, non quod in-
reritum spectat, ut jam spectarunt Persarum Monarchia, Assy-
riorum dominatus, fastus Macedonum. Regnum est, cujus fun-
damentum ipsa construxit divinitas, non quod humana jecit
mortalitas, regnum est, non quod terrestris nititur fulcro po-
tentia, sed quod majestate constat cælesti, hoc est, verè augu-
sta, verè solida, vere inconcussa! Altera quæstio Pilati hæc fuit,
Quid fecisti? O Pilate paucis huic quæstioni responderi non
potest; per hunc facta sunt omnia; vide cuncta quæ fecit, & in-
venies valde bona. audi quid fecerit? In principio creavit cœ-
lum & terram, formavit hominem de limo terræ, creavit illum
cœli oculum longè venustissimum solem, lunam præfecit nocti,
cœlum condecoravit stellis, terram vestivit floribus, ditavit fru-
ctibus, distinxit fluminibus, fœcundavit plantis, exornavit ar-
boribus, animalibus replevit. Et tu adhuc ex Jesu meo inter-
rogas Pilate, *quid fecisti?* flecte quocunque lubet oculorum
aciem, cœlum suspice, montes considera, intueri terram, hor-
tos, urbes, oppida, agros, specta volantes per aëra volucres, na-
tantes in undis pisces, repentes in terra serpentes, latentes in
sylvis feras, ambulantes in urbibus homines; hæc universa sunt
opera manuum ejus; hic hic Jesus omnium est author, opifex,
artifex. Et tu quæris, quid fecisti? merito nil tibi responder
Salvator meus, qui silentio sustinet hoc examen. Arbitror
tamen ego cuivis ex nobis permissum esse, Christo hanc quæ-
stionem proponere in meditatione passionis; jure optimo &
ego quærere possum: Mi Jesu, *quid fecisti,* quod me ex abyssu
nihil mei in hanc mundi lucem eduxisti? *quid fecisti,* quod me:

anima tam nobili, anima inquam rationali dicasti? *quid fecisti*, quod me non claudum, non orbatum oculis, non gibbosum, non mutilum, ut sunt innumeri alii, creasti? *quid fecisti*, quod me ab incunabulis hucusque tam clementer tolerasti, conservasti, honorasti? *quid fecisti*, quod me à tot corporis, animæque periculis tam sollicitè custodisti? O Jesu *quid fecisti*? Respondet *amavi*. Ita est, mi Jesu, hoc fecisti, amasti me!

§. 12.
Vnde ex præ-
cipuis, no-
bis quoque
proponitur.

Sed advertite à Pilato Christo hanc quæstionem fuisse propositam, & nobis aliquando proponendam; cum in judicio supremo iudex quæret: dic impie; *quid fecisti*, quod me tam vili pretio, tam levi voluptatula vendidisti? *quid fecisti* tu ô superbe, quod honori tuo amplificando majorem dedisti operam, quam meo? audi quid feceris, fumum quæxivisti. *Quid fecisti* tu Veneris Trossule, quod ut placeres mulierculæ, tot impenderis horas, tot dies, tot annos? audi quid feceris: collegisti vermes qui tuam rodant conscientiam. Quid vos denique fecistis peccatores, quicunque derelicto creatore, ad creaturas vos inconsultè convertistis? audite quid feceritis, animas vestras in summum damnationis æternæ discrimen coniecistis. Ita jure merito verbis Pilati ad nos retortis uti potest Jesus noster. --- Sed regredior ad propositum.

§. 13.
Quæsit
Pilatus
modum li-
berandi
Christum
D. Itaque
proponis il-
lus electio-
num inter
Christum
& Barab-
bam.

Quia Pilatus clarè advertit Christum per invidiam sibi traditum, conatus fuit Christum liberare; sic tamen ut ipse non excideret sua dignitate, & Judæorum animos non nimium offenderet. Et speravit, se hac ratione, hoc obtenturum. Per diem solennem consueverat præses dimittere populo unum vinctum, quem voluissent. *Habebat autem tunc vinctum insignem, qui dicebatur Barabbas. Congregatis ergo illis dixit Pilatus: quem vultis dimittam vobis, Barabbam an Iesum?* Matthæi 27. 17. hic necessario ponderare debemus, inter quos & quales offeratur electio, inter impietatem & sanctitatem: scelus & innocentiam, peccatorem, & Deum. Barabbam sic depinxerunt Evangelistæ.

§. 14.
Qualis
&
quantitas

Teste Marco, in seditione fecerat homicidium. Teste Joanne; erat latro, teste sancto Matthæo, insignis latro: fuit ergo homo

per mirum.
que differ-
rentia.

homo barbarus, ferox, crudelis; omnes ejus nomen abominantur; ideo conjectus fuit in vincula, reus mortis. Hunc nebulonem è carcere eduxit Pilatus, & in omnium conspectum produxit, nullus dubitans quin dimisso Jesu eum ad necem postularent. Christus verò, melior est cunctis preciosissimis; cui omne desiderabile non potest comparari. Proverb. 8. 11. si quid in mundo est preciosum, ideo est, quia Jesus illud condidit. Si quid est pulchrum, ideo est, quia filius Mariæ id ornavit; si quid amabile, dulce, suave, ex eo solum fonte dimanat. Cur tam pulchrum est cælum? quia Jesus illic regnat in gloria; cur terra adeo speciosa? quia est scabellum pedum Christi; satiusne capitis quis, qualis, quantus sit Jesus! plura accipite. Congregate omnes homines quotquot à prima mundi origine nati fuere stemmate aut majestate illustres, congregate omnes ab orbe condito principes, Reges, Cæsares; apponite illorum nobilitatem, potentiam, opulentiam, thesauros, vires, gloriam, honorem; adde mundi regna, insulas, urbes: adde omnia ornamenta quibus eas ornavit natura & gratia. Sapientiam Salomonis, robur Samsonis, victorias, triumphos Davidis, pulchritudinem Absalonis, scientiam Aristotelis, eloquentiam Tullii: Ponite omnes angelos, omnes creaturas, quas Dei potentia in cælo & in terra produxit: Deus bone! qualis cumulus creaturarum! Et quid sunt si comparentur cum Jesu? Respondet Isaias c. 40. 17. *quasi non sint; sic sunt coram eo; & quasi nihilum & inane reputata sunt ei.* Angeli, Archangeli sunt administratorii Spiritus; & talem esse, scimus ex figuris, prophetiis &c. Quem jam vultis, O impii Judæi? rem miram! ô odium! indignati, Jesum etiam cum Barabba conferri, tanquam rabidi præ invidia canes, exclamant, *tolle hunc, & dimitte nobis Barrabam.*

O detestandam electionem! cum homine Deus; cum vermiculo omnium rerum Dominus; cum latrone Rex, cum reo innocentia, cum seditioso charitas, cum impio pietas, cum per-duelli, obedientia componitur! O dedecus! O opprobrium! & postponitur. Acerbo laconismo Judæos pupugit Divus Chrysostomus. *latrones petierunt latronem, Dominum autem crucifixemissum, quisquid*

S. 15.
Barrabas
proponitur
Jesu, ele-
ctione de-
testanda,
quam com-
missis,
quisqui

mortaliter ~~peccas.~~ *runt.* Divus Anselmus. *O iniquum iudicium! bonus despicitur.*

& malus præponitur, justus punitur, & peccator liberatur: agnus occiditur, & lupus acceptatur. vita deseritur & mors reservatur. Jeremiæ res hæc visa fuit tam indigna ut dixerit c. 2. v. 12. *obstupescite cæli super hoc, & porta ejus desolamini vehementer, duo enim mala fecit populus meus, me dereliquerunt fontem aquæ vivæ, & foderunt sibi cisternas;* quis non stupeat; quis non irascatur? sed convertamus in nos hanc iram & indignationem. Aurum Deo præponere; est Barabbam præponere Jesu. præferre æternis bonis peritura, spurcam, fluxam, vilem voluptatem magis æstimare, quàm amicitiam Dei; est, Barabbam præponere Jesu, sic imitamur Judæos; verbo, peccatum mortale committere, est Jesum postponere Barabbæ; quisquis mavult Deum offendere, quàm hominem, hic præponit Barabbam Jesu: par est iniquitas, eadem injuria, æquale flagitium; Judæi præponentis Christo Barabbam, & Christiani præponentis creatori creaturam; quisquis mortaliter peccat, à Deo se convertit ad creaturam, id est, à potentia ad fragilitatem, à fortitudine ad infirmitatem, à scientia ad ignorantiam, à sapientia ad stultitiam, à gloria ad ignominiam, à majestate ad vilitatem, à bonitate ad malitiam, à justitia ad iniquitatem, à misericordia ad miseras, à pane ad famem, à fonte ad sitim, ab opulentia ad egestatem, à toto ad nihilum, à summo bono ad summum malum. hoc est Jesum postponere Barabbæ, & hoc fit in quovis peccato mortali. Bene habet; satisfecit Pilatus Judæis, dimisit illis Barabbam; nec dum tamen innocentem voluit condemnare. Itaque ulterius ex Judæis quæsit; *Quid igitur faciam de Iesu?*

§. 16.
*Quærit Pi-
latus, quid
debeat fa-
cere cum
Iesu,*

O peregrinam quæstionem! adeone res vilis & abjecta est Iesus, ut quasi inutilis sit ad omnia, quærat proinde & nesciatur, quid oporteat facere de Iesu? de putrido cadavere, de mortuo cane, de re nanci dicere solemus quid faciam de hac re? sed agite Iudæi, respondete Pilato, quid debet facere cum Iesu? alii clamaverunt, *tolle, tolle,* indignus est, qui sit in rerum natura. Alii; *ad nihilum valet ultra nisi ut mittatur foras, & conculcetur ab hominibus.* Alii: *suspendatur ad collum ejus mola asinaria* Matt. 18.

v.16.&c. Alii, *ligatis manibus & pedibus &c.* Matt.22.v.13. Alii *dirumpatur terra sub pedibus ejus, & aperiens os suum devoret eum, & descendat vivus in infernum.* Num.16.v.32. Major pars, *crucifigatur.* At ecce Pilatus instat: *quid mali fecit nullam causam mortis invenio in eo;* tum veluti latrantes canes, rugientes leones, ululantes lupi clamarunt, & vocibus magnis, ex omni parte, inferius, superius, ad dextram, ad sinistram institerunt postulant-
tes, ut crucifigeretur, tanta furia, ut nemo fuerit, qui si potuisset, Christum non lacerasset unguibus, non dilacerasset dentibus, non conculcasset pedibus; hoc Judæi voluerunt fieri cum Christo.

Et vos impij & peccatores, respondete quid vultis facere de Jesu? audio impium tuum responsum avare: tribus obolis *§.17. Apostrophe ad impios, quid velint facere cum Jesu.* cum Juda volo eum vendere: audio tuum responsum detractor: volo expuere in faciem ejus. Scio quid cum Jesu facias, tu iracunde; colaphis eum cædam ais; scio quid faciatis vos politici; velabimus dicunt, faciem ejus. Et vos impudici quid facietis: flagellabimus; quid vos superbi? plectemus coronas de spinis: Et vos ambitiosi? ponemus in dextera arundinem. Vos ebriosi? felle & aceto potabimus. Vos invidi? clavis eum affigemus. Vos blasphemæ? linguis crucifigemus. Verbo quid impie ages cum Christo tuo? per quodcunque peccatum mortale rursus crucifigam.

Punctum III.

De illusione coram Herode.

Ut cognovit quod de Herodis potestate esset, remisit eum ad Herodem Lucæ 23. 7.

Sequitur in mea materia, ut vobis explicem, quare vel quomodo Christus Dominus raptus fuerit ad quintum Judicem, scilicet ab Anna, à Caïpha, à magno Concilio Judæorum, à Pilato ad impium Herodem. Offendere Judæos, liberando *§.18. Pilatus mittit Christum ad Herodem.*

Alveus Tertius.

Bb

Chri-

sententia mortis, quæ præcedente vespere in illum prolata fuerat, omnium suffragiis statutum est, tradendum eum Pilato Romanorum præfidi, accusandum veluti seductorem populi, reum læsæ Cæsar. Majestatis, ob regni judaici ambitum, & tanquam blasphemum, quod se Filium Dei appellaret; proinde meritum, ut crucifigatur. Antequam magno tumultu, inconditis clamoribus, illum ex domo Caiphæ per plateas ad palatium Pilati raptarent, manus & brachia, de novo arctius ligarunt, & collo immanem catenam, veluti perduelli, & mortis infamis reo iniecerunt--*& surgens omnis multitudo eorum; Summi Sacerdotes cum senioribus & scribis & universo concilio adduxerunt eum, & tradiderunt Pontio Pilato præfidi.*

§. 3.
Quod videns Judas
agnovit
magnitudinem sui
celeris.

Tunc videns Judas, qui eum tradidit, quod damnatus esset, penitentia ductus retulit triginta argenteos, dicens peccavi &c. antequam aliquid dicam de Juda, merito dicere possum ex pl. 65. v. 5. *Venite & videte opera Dei, terribilis in consiliis super filios hominum.* Nocte S. Petrus liquefit ad lacrymas, de die Judas induratur! vere in utroque terribilis Dominus in consiliis suis, magna emphasis latet in illis particulis, *tunc videns*, id est, cum Judas peccavit, cum fuit in ardore avaritiæ, non vidit, non agnovit, quid esset vendere Christum, nihil vidit; fuit perfidus in Magistrum, non vidit, fuit Simoniacus; non vidit &c. Peracta proditione, cum vidit, Christum tradi Pilato, tunc Dæmon illi oculos aperuit, & simul ac semel immanem cumulum tot peccatorum objecit, & abyssum malorum in quem se præcipitavit; tum diabolus admovit stimulos & faces inquietæ conscientiae; tum terruit monstris; tum ad desperationem adegit, clamando: *quid fecisti?* vox innocentis sanguinis contra te clamat; tu Deum vendidisti pro triginta argenteis; & quæ spes veniæ esse potest? quo fugies? peccatum tuum grande est, mitte te deorsum & morere! hæc & talia Dæmon; hæc sæva conscientia; hæc ipse sibi Judas &c.

§. 4.
Apostrophe
ad impios,
ut intueantur.

O impii! hanc Tragœdiam vobiscum ludit Diabolus; cum ad peccatum instigat; cum voluptas invitat, cum libido provocat; Nihil videtis! in publicis plateis audetis peccare; scitis quo

quo scandalo? Nimirum diabolus tegit foeditatem peccati, ne ^{in hoc spec-} eius enormitas appareat; nihil occurrit, quod terreat oculos, ^{culum.} nihil quod aures offendat; omnia sunt amœna, omnia jucunda. At vero in articulo mortis, tum ex inferis irruunt furia, tunc vident impii; tum lectum circumstant ferales umbræ, & larvæ cum facibus, flagellis, armatæ spinis; tunc vident, tunc conscientia latrat, tum rodit vermis & vultur &c. hinc ille impiorum pavor, terror, tremor &c. Ita fit, cum laqueos desperationis injicit Cacodæmon. Ita diabolus excæcat, ut pecces, oculos apperit, ut desperes!

Judam eo Satan adegit, ut abiens laqueo se suspenderit. ^{S. s.} O tristem abitum, à luce ad tenebras, à gaudio ad luctum, à solatio ad mœrorem, à tempore ad æternitatem, à mundo ad in- ^{Judas de-} feros, ab hominibus, ad Dæmones, à Christo ad luciferum, à ^{sperans, se} summo bono, ad summum malum; plenus timidissimis cogitationibus. Antequam laqueum collo iniecit, forte aspexit cœlum, ^{laqueo} sed visum illi fuit tonare, fulgurare, fulminare, igne plueret. Fortè despexit in terram, sed videbatur sub pedibus dehiscere & aperiri. Fortè inspexit conscientiam, seu simul mille scelerum furias, ibidem latentes animadvertit. Fortè circumtulit oculos per aëra, sed videbatur plenus Dæmonibus. Fortè respexit Christum, sed ille videbatur severissimus judex, acerrimus vindex, ita nullibi solatium! Scelus perpetratum, visum fuit inexpiabile. Credebat impossibile, impetrare veniam; & tamen sic vivere, etiam durum fuit visum. Ergo domi quarit laqueum, eo invento egreditur foras in campum, forte in via murmuravit, ex Job. c. 3. v. 3. *Pereat dies in qua natus sum & nox in qua dictum est, conceptus est homo. Dies ille vertatur in tenebras, obscorent eum tenebrae, & umbra mortis.* Occupet eum caligo, & involvatur amaritudine, noctem illam tenebrosus turbo possideat. Hæc inter murmura filius perditionis ascendit arborem, laqueum collo inserit, sui ipsius carnifex, infamis Judas. Quis hæc videns non interroget cum Il. c. 66. v. 8. *quis audivit unquam tale, quis vidit huic simile?* O Angeli; O homines, O inferi; Clamate cum S. Paulo ad Romanos. II. 33. *O al-*

ritudo divitiarum sapientia & scientia Dei: quam incomprehensibilia sunt iudicia ejus &c. Cavete impii! talis vobis mors paratur qualis fuit vita: sic impleta sunt verba & minæ Christi Matthæi 26.v.25. Bonumerat ei, si natus non fuisset homo ille.

S.6.
Aff. dñs ti.
m. oris.

O bone Jesu! Estne aliquis in hoc cœtu, de quo, in tuo & Patris arcano concilio dictum est ab æterno, *bonumerat ei &c.* qui æternum planget; *Pereat dies &c.* O Jesu! timore & tremore concutis omnia ossa mea, dum tonas fulminatrice illa sententia; *Nescit homo utrum odio an amore dignus sit, sed omnia in futurum servantur incerta*, dicit Ecclesiast. 9.v.1. hoc est, *Nescit homo, utrum bonum ei sit, quod natus sit vel non.* Iterum, Christe, tua voce, tanquam rugitu leonis mihi terrorem incutis; *multi sunt vocati, pauci electi* Matt. 20.v.16. Vocatus fuit Judas, at non electus: & ego vocatus sum, sed an electus sim nescio, & non paveam? non totis artibus contremiscam? egone adhuc Deum meum offendam? Judas semel te vendidit, ego, peccando, heu quoties! sic est mi Jesu, non tamen desperabo, sed cum Petro in antrum me abdam, in illo plorabo, in illo gemam, in illo exclamabo: *peccavi tradens sanguinem justum*, sed hic sanguis super me & super animam meam, ut clamet, non justitiam sed misericordiam &c. Nunc ad textum.

Punctum II.

Sistitur, & accusatur coram Pilato.

Vincientes Iesum, duxerunt, & tradiderunt Pilato
Marc. 15. v.1.

S.7.
Sistitur Pi-
lato.

QUamprimum Christus Dominus summo mane Parasceves coram magno concilio rursus professus fuit, se esse Christum Filium Dei, unanimi voce conclamarunt; *reus est mortis.* Tertium hoc fit consilium, pejus prioribus. In primo non omnes consensere: in secundo dubitatum est; in tertio, in unam mortis sententiam conspirant omnes. Sic eunt per gradus

us scelera. Et confestim summi sacerdotes, cum senioribus & scribis & universo concilio surgentes cucurrerunt ad prætorium Pilati. In medio, inter lictores, milites & nequissimos famulos Judæorum ductus fuit Christus Salvator, ligatis manibus & brachiis, collo injecta ingenti catena, in signum à Senatu Ecclesiastico esse judicatum reum mortis; tradi proinde sæculari potestati: facile cogitare possumus, quis populi in tanta urbe fuerit concursus. Miratus fuit præses die à Judæis tam sancto coram se sisti reum, & quia prætorium ingredi noluerunt, exivit ipse, *tunc ceperunt illum accusare in multis, id est, exacerunt ut gladium linguas suas* pl. 63. v. 4. impletus fuit. v. 14. pl. 21. *aperuerunt super me os suum sicut leo rapiens & rugiens* & v. 1. Pl. 48. *Os peccatoris, & os dolosi super me apertum est, locuti sunt adversum me lingua dolosa & sermonibus odii circumdederunt me.* Audite quæ dixerint venenatæ linguæ.

Primus, accusationem sic orsus est. *Hunc invenimus subvertentem gentem nostram.* Jesus autem nihil respondit: alius 5. 8.
Coram illis
accusavit. pro innocente dicere potuisset, quod Daniel dixit pro Susanna ad seniore: *Recte mentiris in caput tuum.* Dan. 13. v. 55. vel ex pl. 9. v. 7. *maledictione os tuum plenum est, & amaritudine & dolo;* hic enim est, qui non perfidam vestram gentem, sed vestros hostes, Pharaonem submersit in mari rubro. Exod. 14. v. 28. Hic est, qui vos duxit per desertum, qui interdum vobis in columna de nubibus, noctu autem, in columna ignea præluxit Exod. 13. v. 21. hic est qui non coturnicibus solum, sed & manna, pane illo cœlesti, vos pavit; hic est, qui in tot præliis Patribus vestris atque majoribus, in brachio fortitudinis suæ adstitit, qui tot illis victorias adversum omnifarios hostes concessit. Dicite nunc; hocce est seditionem movere in populo? hocce est, O lacerati, vestram gentem pervertere? Sed Christus Dominus nihil respondit; alter itaque accusator erupit; *hunc invenimus prohibentem tributum dari Casari.* Rursum Christus siluit, sed si Daniel aliquis, si quis exsurrexisset advocatus, veritatis amans, dicere potuisset pro Christo, recte; *& tu mentiris in caput tuum*, nam Matthæi 22. v. 21. disertis verbis dixit. *Reddite quæ Cesaris Cesari.*

Tertii accufatoris vox fuit; *invenimus hunc dicentem se Christum Regem esse*, addidit alius, *Filium Dei*, vociferati sunt ista, clamore incondito, spe pleni fore, ut statim à Pilato fatalis sententia proferatur.

§.9.
Pilatus
agnovit
Christi in-
nocentiam

Sed noluit præses judicium præcipitare; consideravit potius accusationes, expendit testimonia, examinavit ipsum accusatum, & in accusationibus reperit invidiam, in testimoniis mendacium, in testibus nequitiam; in solo reo innocentiam, in vultu miram quandam Majestatem. Hinc dispares illæ voces inter synagogam & gentilitatem. Vox gentilis fuit, *quid mali fecit?* vox Judaica fuit, *si non esset hic malefactor non tibi tradidissimus eum*. Malefactor! non unum sceleris genus, sed omne complectitur. Et hoc Dei filius! O injuria inaudita! Vox Pilati fuit; *Nihil invenio causa in hoc homine*. Vox Judæi fuit *commoveret populum*. Vox præsidis fuit, *nullam causam mortis invenio in eo, dimittam*. Vox Judæi; *debet mori*!

§.10.
Magnavir-
tum est; in-
ter contu-
melias file-
re.

Itaque cum Pilatus videret, audiretque omnium clamorem contra Christum, concurrere, & neminem unum esse qui vel verbulum pro illo diceret, dixit illi Pilatus; Matth. 27. v. 13. *Non audis quanta adversum te dicunt testimonia? Iesus non respondit ad ullum verbum, ita ut miraretur præses vehementer*. Hoc Dei mei silentium magni est mysterii argumentum. Enimverò injuriis laceffi & non animo commoveri; affici contumeliis, & non bile pariter suffundi, falsas audire accusationes, & non in sui defensionem erumpere; percipere tot maledicta; & adhuc conticescere cum Christo; hanc ego sane virtutem duco longè nobilissimam, hoc opus maximè heroicum, ac præ cæteris illustre censeo. Hanc itaque virtutem, hanc sui ipsiusmet victoriam docere nos modò voluit suo illo silentio amantissimus Præceptor noster Iesus; gravissima innocentiae defensio, est silentium, cum vita loquitur, & perorat. Jam verò propter nimios clamores Judæorum, & vociferantium tumultus

§.11.
In pratorio
Pilatus
alias Chri-

Pilatus Jesum solum in pratorium duxit; ubi sine arbitris, de binis rebus magni momenti illum interrogavit. Primò. *Tu es Rex Judæorum?* Respondet Iesus, *regnum meum non est de hoc mundo*

mundo. Væ huic mundo, si Christus non est illius Rex. *Væ Re* *Ro D. pro-*
posuit qua-
stiones.
gno, cujus Rex non est Rex regum; Vale munde, valete divitiæ, si
in vobis non est regnum Christi; non cupio vos. Et quomodo
Christus Dominus filius Dei posset esse Rex hujus mundi; cu-
jus si spectes locum non est nisi punctum, quid angustius? si tem-
pus; non est nisi momentum; quid contractius? si incolas; est
divisum. Si regem, est Tyrannus; si finem; ignis & combustio!
Ideo regnum Christi est regnum immortalitatis, non vanitatis:
regnum est, omnium temporum injuria superius, non quod in-
reritum spectat, ut jam spectarunt Persarum Monarchia, Assy-
riorum dominatus, fastus Macedonum. Regnum est, cujus fun-
damentum ipsa construxit divinitas, non quod humana jecit
mortalitas, regnum est, non quod terrestris nititur fulcro po-
rentiæ, sed quod majestate constat cælesti, hoc est, verè augu-
sta; verè solida, vere inconcussa! Altera quæstio Pilati hæc fuit,
Quid fecisti? O Pilate paucis huic quæstioni responderi non
potest; per hunc facta sunt omnia; vide cuncta quæ fecit, & in-
venies valde bona. audi quid fecerit? In principio creavit cœ-
lum & terram, formavit hominem de limo terræ, creavit illum
cœli oculum longè venustissimum solem, lunam præfecit nocti,
cœlum condecoravit stellis, terram vestivit floribus, ditavit fru-
ctibus, distinxit fluminibus, fecundavit plantis, exornavit ar-
boribus, animalibus replevit. Et tu adhuc ex Jesu meo inter-
rogas Pilate, *quid fecisti?* flecte quocunque lubet oculorum
aciem, cœlum suspice, montes considera, intueri terram, hor-
tos, urbes, oppida, agros, specta volantes per aëra volucres, na-
tantes in undis pisces, repentes in terra serpentes, latentes in
sylvis feras, ambulantes in urbibus homines; hæc universa sunt
opera manuum ejus; hic hic Jesus omnium est author, opifex,
artifex. Et tu quæris, quid fecisti? merito nil tibi respondet
Salvator meus, quia mentio sustinet hoc examen. Arbitror
tamen ego cuivis ex nobis permissum esse, Christo hanc quæ-
stionem proponere in meditatione passionis; jure optimo &
ego quærere possum: Mi Jesu, *quid fecisti*, quod me ex abyssu
nihil mei in hanc mundi lucem eduxisti? *quid fecisti*, quod me:

anima tam nobili, anima inquam rationali ditasti? *quid fecisti*, quod me non claudum, non orbatum oculis, non gibbosum, non mutilum, ut sunt innumerii alii, creasti? *quid fecisti*, quod me ab incunabulis hucusque tam clementer tolerasti, conservasti, honorasti? *quid fecisti*; quod me à tot corporis, animæque periculis tam sollicitè custodisti? O Jesu *quid fecisti*? Respondet *amavi*. Ita est, mi Jesu, hoc fecisti, amasti me!

§. 12.
Una ex pra-
cipuis no-
tis quoque
proponitur.

Sed advertite à Pilato Christo hanc quæstionem fuisse propositam, & nobis aliquando proponendam; cum in judicio supremo iudex quæret; dic impie; *quid fecisti*, quod me tam vili pretio, tam levi voluptatula vendidisti? *quid fecisti* tu ô superbe, quod honori tuo amplificando majorem dedisti operam, quam meo? audi quid feceris, fumum quæxivisti. *Quid fecisti* tu Veneris Trossule, quod ut placeres mulierculæ, tot impenderis horas, tot dies, tot annos? audi quid feceris: collegisti vermes qui tuam rodant conscientiam. Quid vos denique fecistis peccatores, quicunque derelicto creatore, ad creaturas vos inconsultè convertistis? audite quid feceritis, animas vestras in summum damnationis æternæ discrimen coniecistis. Ita jure merito verbis Pilati ad nos retortis uti potest Jesus noster.--- Sed regredior ad propositum.

§. 13.
Quæsit
Pilatus
modum li-
berandi
Christum
D. Itaque
proponit il-
lus electio-
nem inter
Christum
& Barab-
bam.

Quia Pilatus clarè advertit Christum per invidiam sibi traditum, conatus fuit Christum liberare; sic tamen ut ipse non excideret sua dignitate, & Judæorum animos non nimium offenderet. Et speravit, se hac ratione, hoc obtenturum. Per diem solennem consueverat præses dimittere populo unum vinctum, quem voluissent. *Habebat autem tunc vinctum insignem, qui dicebatur Barabbas. Congregatis ergo illis dixit Pilatus; quem vultis dimittam vobis, Barabbam an Iesum?* Matthæi 27. 17. hic necessario ponderare debemus, inter quos & quales offeratur electio, inter impietatem & sanctitatem: scelus & innocentiam, peccatorem, & Deum. Barabbam sic depinxerunt Evangelistæ.

§. 14.
Qualis
&
quantitas

Teste Marco, in seditione fecerat homicidium. Teste Joanne; erat latro, teste sancto Matthæo, insignis latro: fuit ergo homo

homo barbarus, sævus, crudelis; omnes ejus nomen abominabantur; ideo conjectus fuit in vincula, reus mortis. *ter utrum- que differe- rentia.* Hunc nebulonem è carcere eduxit Pilatus, & in omnium conspectum produxit, nullus dubitans quin dimisso Jesu eum ad necem postularent. Christus verò, melior est cunctis preciosissimis; cui omne desiderabile non potest comparari. Proverb. 8. 11. si quid in mundo est preciosum, ideo est, quia Jesus illud condidit. Si quid est pulchrum, ideo est, quia filius Mariæ id ornavit; si quid amabile, dulce, suave, ex eo solum fonte dimanat. Cur tam pulchrum est cælum? quia Jesus illic regnat in gloria; cur terra adeo speciosa? quia est scabellum pedum Christi; satisne capitis quis, qualis, quantus sit Jesus! plura accipite. Congregate omnes homines quotquot à prima mundi origine nati fuere stemmate aut majestate illustres, congregate omnes ab orbe condito principes, Reges, Cæsares; apponite illorum nobilitatem, potentiam, opulentiam, thesauros, vires, gloriam, honorem; adde mundi regna, insulas, urbes: adde omnia ornamenta quibus eas ornavit natura & gratia. Sapientiam Salomonis, robur Samsonis, victorias, triumphos Davidis, pulchritudinem Absalonis, scientiam Aristotelis, eloquentiam Tullii: Ponite omnes angelos, omnes creaturas, quas Dei potentia in cælo & in terra produxit: Deus bone! qualis cumulus creaturarum! Et quid sunt si comparentur cum Jesu? Respondet Isaïas c. 40. 17. *quasi non sint; sic sunt coram eo; & quasi nihilum & inane reputata sunt ei.* Angeli, Archangeli sunt administratorii Spiritus; & talem esse, scimus ex figuris, prophetiis &c. Quem jam vultis, O impii Judæi? rem miram! ô odium! indignati, Jesum etiam cum Barabba conferri, tanquam rabidi præ invidia canes, exclamant, *tolle hunc, & dimitte nobis Barrabam.*

O detestandam electionem! cum homine Deus; cum vermiculo omnium rerum Dominus; cum latrone Rex, cum reo innocentia, cum seditioso charitas, cum impio pietas, cum per-duelli, obedientia componitur! O dedecus! O opprobrium! & postponitur. Acerbo laconismo Judæos pupugit Divus Chrysostomus. *latrones petierunt latronem, Dominum autem crucifixerunt.* *Sic: Barrabas praponitur Iesu, electione detestanda, quam commisit, quisquis*

mortaliter
peccat.

*run*t. Divus Anselmus. *O iniquum judicium! bonus despicitur, & malus præponitur, justus punitur, & peccator liberatur: agnus occiditur, & lupus acceptatur. vita deseritur & mors reservatur.* Jeremiæ res hæc visa fuit tam indigna ut dixerit c. 2. v. 12. *obstupescite cæli super hoc, & portæ ejus desolamini vehementer, duo enim mala fecit populus meus, me dereliquerunt fontem aquæ vivæ, & foderunt sibi cisternas; quis non stupeat; quis non irascatur? sed convertamus in nos hanc iram & indignationem.* Aurum Deo præponere; est Barabbam præponere Jesu. præferre æternis bonis peritura, spurcam, fluxam, vilem voluptatem magis æstimare, quàm amicitiam Dei; est, Barabbam præponere Jesu, sic imitamur Judæos; verbo, peccatum mortale committere, est Jesum postponere Barabbæ; quisquis mavult Deum offendere, quàm hominem, hic præponit Barabbam Jesu: par est iniquitas, eadem injuria, æquale flagitium; Judæi præponentis Christo Barabbam, & Christiani præponentis creatori creaturam; quisquis mortaliter peccat, à Deo se convertit ad creaturam, id est, à potentia ad fragilitatem, à fortitudine ad infirmitatem, à scientia ad ignorantiam, à sapientia ad stultitiam, à gloria ad ignominiam, à majestate ad vilitatem, à bonitate ad malitiam, à justitia ad iniquitatem, à misericordia ad miseras, à pane ad famem, à fonte ad sitim, ab opulentia ad egestatem, à toto ad nihilum, à summo bono ad summum malum. hoc est Jesum postponere Barabbæ, & hoc fit in quovis peccato mortali. Bene habet; satisfecit Pilatus Judæis, dimisit illis Barabbam; nec dum tamen innocentem voluit condemnare. Itaque ulterius ex Judæis quæsit; *Quid igitur faciam de Iesu?*

§. 16.
Quærit Pi-
latus, quid
debeat fa-
cere cum
Iesu,

O peregrinam quæstionem! adeone res vilis & abjecta est Jesus, ut quasi inutilis sit ad omnia, quærat proinde & nesciatur, quid oporteat facere de Iesu? de putrido cadavere, de mortuo cane, de re nanci dicere solemus quid faciam de hac re? sed agite Judæi, respondete Pilato, quid debet facere cum Iesu? alii clamarunt, *tolle, tolle*, indignus est, qui sit in rerum natura. Alii; *ad nihilum valet ultra nisi ut mittatur foras, & conculcetur ab hominibus.* Alii: *suspendatur ad collum ejus mola asinaria* Matt. 18.

v.16.&c. Alii, *ligatis manibus & pedibus &c.* Matt.22.v.13. Alii *dirumpatur terra sub pedibus ejus, & aperiens os suum devoret eum, & descendat vivus in infernum.* Num.16.v.32. Major pars, *crucifigatur.* At ecce Pilatus instat: *quid mali fecit: nullam causam mortis invenio in eo:* tum veluti latrantes canes, rugientes leones, ululantes lupi clamarunt, & vocibus magnis, ex omni parte, inferius, superius, ad dextram, ad sinistram institerunt postulant, *ut crucifigeretur,* tanta furia, ut nemo fuerit, qui si potuisset, Christum non lacerasset unguibus, non dilacerasset dentibus, non conculcasset pedibus: hoc Judæi voluerunt fieri cum Christo.

Et vos impii & peccatores, respondete quid vultis facere de Jesu? audio impium tuum responsum avare: tribus obolis cum Juda volo eum vendere: audio tuum responsum detractor: volo expuere in faciem ejus. Scio quid cum Jesu facias, tu ira cunde; colaphis eum cædam ais; scio quid faciatis vos politici; velabimus dicunt, faciem ejus. Et vos impudici quid facietis: flagellabimus; quid vos superbi? plectemus coronas de spinis: Et vos ambitiosi? ponemus in dextera arundinem. Vos ebriosi? felle & aceto potabimus. Vos invidi? clavis eum affigemus. Vos blasphemii? linguis crucifigemus. Verbo quid impie ages cum Christo tuo? per quodcunque peccatum mortale rursus crucifigam.

§.17.

*Apostrophe
ad impios,
quid velint
facere cum
Jesu.*

Punctum III.

De illusione coram Herode.

Ut cognovit quod de Herodis potestate esset, remisit eum ad Herodem Luca 23. 7.

Sequitur in mea materia, ut vobis explicem, quare vel quomodo Christus Dominus raptus fuerit ad quintum Judicem, scilicet ab Anna, à Caipha, a magno Concilio Judæorum, à Pilato ad impium Herodem. Offendere Judæos, liberando

§.18.

*Pilatus
mittit
Christum
ad Herodem.*

Alveus Tertius.

Bb

Chri-

Christum, Pilato fuit visum durum, & periculosum! sed tamen, innocentem etiam condemnare non voluit. Quia ergo electio inter Jesum & Barabbam ad votum non successerat, hoc medium excogitavit, à sanguinario in innocentem iudicio, sese expediendis inter accusationes audiverat, quod Galilæus esset, est ideo potestati Herodis qui in Galilæa Rex erat, subjectus; cum itaque tempore Paschali esset Jerosolymis, statuit Christum Dominum mittere ad Herodem. Neque displicuit hoc Judæis, spes enim magna illis affulgebat, crucifigendi Christi. Extorsuros se facilius sperabant omnes, ab Herode notæ crudelitatis homine, Christi necem, quam à Pilato, cujus menti videbant inharere hunc scrupulum, Christum esse innocentem. Herodes hic, fuit interfector sancti Joannis Baptiste, filius Herodis infanticidæ. Nec hoc factum est sine ordine divinæ providentiæ, ut tot essent Judices profani, quot sacri innocentia ejus testes. Sacri duo, Annas & Caiphas, profani duo, Pilatus & Herodes, ut in ore duorum vel trium testium, stet omne verbum. Ut ubique pateat Christi innocentia. Magno itaque tumultu rapitur ad Herodem, Deus immortalis! quam variè Christus intra horas octodecim exagitur! extrahitur ex hortu, raptatur ad Annam, protruditur ad Caipham, detruditur in nocturnum carcerem, agitur, traditur, percutitur, vexatur, quinque horarum spatio; trahitur mane ad concilium, inde ad Pilatum, hinc ad Herodem, ab Herode rursus ad Pilatum; imponitur crux, illam bajulat, cadit, surgit &c. tandem crucifigitur. Et hæc omnia toleravit, ut Agnus; cum solo nutu omnes suos carnifices momento potuisset una in infernum præcipitare. Sanctus Petrus Chrysol. ferm. 170. *Vadit, redit, descendit, ascendit, propter te, Homo, Deus* (hæc patitur) *qui te nimis diligit, nimis amat.*

S. 19.
De quo Herodes valde
fuit gavisus; Digressio, in calis
& in terris

Quid actum sit coram Herode, paucis, sed eleganter describit Textus. *Herodes autem viso Iesu gavisus est valde.* Non miror illum gavisum fuisse, quis non gaudeat, qui Jesum videt. Ipse (qui vinctus stat coram Herode) est gaudium universa terra. Thren. 2. v. 15. Ipsum cum lateret in utero, Joannes in utero

vix

vix advertit, & exultavit in gaudio infans in utero matris; Luc. i. ^{summum} v. 41. Ipse cum natus fuit, Angeli de cœlo descenderunt, & annuntiarunt gaudium universo mundo. Tres magi viso illo gaudio ^{gaudium esse videre Iesum.} visi sunt gaudio magno valde. Quisquis hodie videt Iesum (videmus per fidem, spem & charitatem) gaudeat! Si in cœlo gaudium est Patriarchis, (ita discurre poteris per omnes choros Sanctorum) gaudium, super omne gaudium est *videre Iesum*. Ut sponsa in aqua, plena est aqua; sic anima beati plena est gaudio, magnitudine immensa, tempore infinito, sed a Iesu. Et ob hunc finem nos omnes creati sumus, ut aliquando gaudeamus viso Iesu. Quod expectamus, est, videre aliquando faciem Iesu. Itaque mirum non est, quod Herodes fuerit gavisus illo viso; mihi mirabilem, hodie mirabilissimum est gaudere homines in divitiis, non in Iesu; in honoribus, non in Iesu. Hoc adhuc magis est admirabile, Herodes, homo impius, adulter, sanguinarius &c. gavisus est viso Iesu, nos, quare non gaudemus? sed quomodo ego me hoc tristi tempore in ipsum gaudiorum mare demergo? Revertor ad tristitia.

Sanctus Lucas ait c. 21. v. 7. *Interrogabat eum multis sermonibus*, id est, urfit illum, ut loqueretur; hortatus fuit, supplicavit, blanditus fuit, minatus fuit, egit promissis &c. ^{5. 20. Multa ex illo interrogavit Herodes. Sed Christus D. iterum siluit.} Caulam innuit textus, *sperabat se signa visurum*. v. g. audiverat, suscitasse Lazarum, à mortuis. Tale aliquid libenter corā vidisset Herodes; (est locus pro pulchra ind.) Et quid Iesus ad tot verba, tot quæstiones, tot interrogationes, tot obtestationes, tot minas, tot promissa? *At ipse nihil ei respondebat*. grande rursum mysterium; ubi Verbum æternum rursum tacet. Inter viles pisces, cum stiparetur à populo, à cæcis, claudis &c. *tunc hic aperuit os suum, & eructavit abscondita à constitutione mundi* Matthæi 13. v. 35. tunc fuit *potens in verbo*. Lucæ 24. v. 19. tunc docuit, tunc clamavit; In palatio, coram Rege, in conspectu tot procerum, tacuit. In aula siluit, præcipue in aula Herodis, in qua paulo ante sanctus Joannes Baptista perdidit caput suum. Interrogatus fuit ab Herode, accusatus à Judæis, repetitæ omnes querelæ: *stabant principes Sacerdotum, & scriba constanter*

accusantes eum. Sed Agnus ille, patientia & silentio se involvens tacuit. Defensio Christi, fuit constans silentium. Miraculum petitur; editur; non cognoscitur. Inter calumnias & criminationes tacet Jesus! S. Ambr. ser. 17. in ps. 118. *Calumniis appetitus, silentium detulit triumphale.* Expuerunt rursus venenata viperæ omne fel, quod erat sub linguâ earum, sed Christus silet! Sanctus Ambrosius libro 10. in Lucam. *Quid enim cum compelleret ad loquendum, cum silentium suffecerit ad vincendum.* O quam aliter agimus nos cum illis qui nobis maledicunt; est lingua adversarii gladius acutus; & nostra talis est; (hoc modo fac pulchram inductionem.) Inter nos, pauci exemplo Christi silent, dum dictis hostium vexantur.

S. 21.
Itaque ab
Herodo &
ejus aula
fuit illusus.

Quia Christus Dominus constanter Herodi nihil voluit respondere, *sprevit illum cum exercitu suo*: in signum eximii contemptus, quod haberet pro fatuo, illulit, indutum veste alba, & remisit ad Pilatum: hoc signo, veluti acceptâ à Rege licentia, milites atque lictores, effuderunt in Christum scommata, dicteria, contumelias, opprobria. Nuncupatur Christus, fanaticus, amens, stultus, bardus; truserunt illum impii, traxerunt, dejecerunt in terram, hic manibus, ille pedibus, dederunt colaphos, in faciem; tandem, magno tumultu in hac veste, per compita Jerosolymæ, reduxerunt ad Pilatum. Qualis concursus populi ad hoc spectaculum? qualis risus? qualis plausus? audaces aliqui impetierunt illum sordibus; O Angeli, Regis æterni milites, magni Dei famuli, hæc inulti cernitis? hæc de cælo spectatis? nempe Regem gloriæ, quem adoratis, ita tractari in terris, ab impiis, à vilissimis terræ filiis? à mancipiis diaboli? & taceris? O Pater, en illusum filium tuum! jam tempus est, ut apertis cælorum catacæctis novum inducas cataclisimum absorbendo huic sceleri &c. & deleas omnem substantiam viventem Jerosolymæ: O justitia! jam tempus est ut pluas igneam pluviam &c. sed quid ego rursus Herodi & Herodianis irascor? Parcite auditores, si hic stringam gladium spiritus, quod est verbum Dei: sunt inter vos, qui Christum spernunt! in templis, ante aram, in qua Rex gloriæ sub candido latet amictus; ridere,

dere, nugari, fabulari de rebus terrenis, subinde etiam de lascivis; an non hoc est spernere Christum? Christo in Venerabili presenti debetur omnis honor, in nomine ipsius flectitur omne genu, cœlestium, terrestrium, infernorum. Tu stas veluti truncus, aut annosa è quercu stipes, nunquid hoc est spernere, illudere, deridere Jesum tuum?

O mi Salvator! audi meum in hac tua illusione sensum. In hac veste contemptus es sed agnosco te verum Deum; scio te esse sapientiam Patris, splendorem ejus claritatis, speculum ejus pulchritudinis; agnosco te verum, vivum characterem ejus substantiæ, & aliud facere non possum, quam te mirari, substernere me pedibus tuis; laudare, adorare, te sine fine & incomprehensam magnitudinem tuam, ingeminando millies; *Tues Deus, & non est alius prater te.* Judith. 9. 19. Sed non possum solus honorem Christo ablatum restituere, itaque vos ô Cœli, O terræ, O inferi! O reges &c. concurrите mecum, vestras meæ voci conjungite; Omnes creaturæ, prostratæ ante pedes Christi, maxima cum animi submissione pronunciate, Jesu Christo regi sæculorum immortalis, invisibili, soli Deo sit honor & gloria, & benedictio, & gratiarum actio, in sæcula sæculorum Amen.

Punctum IV.

De Flagellatione.

Quandoquidem Herodes Christum Dominum ad Pilatum remisit, inter alia media quæ excogitavit ut Judæis satisfaceret, atque ita Jesum à morte liberaret, ex timore, ne esset filius alicujus Dei, fuit crudelissimum, ignominiosissimumque flagellationis tormentum, de quo S. Textus ait: *Apprehendit ergo Pilatus Jesum & Flagellavit* Joannis 19. v. 1. Breve verbum, *flagellavit*: sed quod multa nobis considerata proponit. Illum qui flagellatur, illos, qui flagellarunt, modum & crudelia instrumenta, quibus flagellarunt, multitudinem, latitudinem

9. 25.
Pilatus
tradit
Christum
D. ut fla-
gellaretur.

& profunditatem Vulnerum, quibus totum corpus ejus fuit dilaceratum; inter actus nobilissimarum virtutum, amoris erga Deum & humanum genus, humilitatis & patientiæ, obedienciæ, denique copiam sanguinis, quem in flagellatione profudit; omnia hæc mysteria comprehendit unica illa vocula vel verbum *flagellavit*, id est Pilatus Christum D. à Judæis accusatum, tradidit militibus & liëtoribus flagellandum. Fuit hoc supplicium, præcipuè apud Romanos prorsus infame & plenum ignominia, quo solum afficiebantur mancipia, scurræ, fures, latrones; condemnati ad mortem crucis, ut vulneribus & sanguine cruenti, spectantibus vel terrorem incuterent, vel ad commiserationem aliquam facilius commoverent. Hodierna verò die mutatur scena: hominum omnium nobilissimus, Rex Regum & Dominus Dominantium, Filius Dei & Mariæ, Messias & Salvator humani generis, à scurris, à projectissimis hominibus, à liëtoribus fuit flagellatus. Civem Romanum virgis cædi, inexpressibile apud Romanos erat crimen, quale putatis fuisse crimen, quale facinus, quantam injuriam & ignominiam, Regem & hominum Deum ab hominibus fuisse flagris dirissimè casum. Act. 22. 25. cum centurio jussisset S. Paulum cædi, hic dixit, *si hominem Romanum licet vobis flagellare*: & tribunus timuit, postquam rescivit, quod civis Romanus esset, & quod alligasset eum. Et vos, ô scelerati liëtores hunc hominem alligatis columnæ? Rex Regum est, Filius Dei est, si illum licet vobis sic tractare? Hunc hominem spoliatis vestibus? Filius Dei est. Hunc hominem cæditis virgis? tacet ipse & os non aperit instar mitissimi agni, sed est Filius Dei. Hujus hominis corpus ita vulneratis & laceratis? est Rex majestatis. Timete quod alligaveritis, timete quod denudaveritis, timete quod flagella ac virgas in illum expedieritis. &c. Exod. 5. v. 16. Hebræi dixerunt Pharaoni, *en famuli tui flagellis cadimur, & injuste agitur contra populum tuum*: hodie dicamus nos, O mortales! O angeli! cur Filius Dei flagellis cæditur? cur adeo barbarè in Virgineum illius corpus sævitis?

Modum flagellationis ego ex sacris literis, SS. PP. & piis libellis sic soleo meditari: In aula, coram columna aliqua petulantissimi quidam ministri, coram cohorte militum, & plurimorum qui accurrerant ad spectaculum, omnibus illum vestibus spoliarunt: horrent quidem castæ aures, refugiunt oculi talia spectare, sed probabilissima est sententia, Salvatorem nostrum toto corpore nudum fuisse alligatum columnæ: sic impleta fuit figura Noë, qui vino inebriatus, in tabernaculo suo denudatus, à proprio filio fuit irrisus: sic adimpletæ sunt prophetiæ Davidis, ex ps. 21. v. 13. *Circumdederunt me canes multi- consideraverunt & conspexerunt me.* Pl. 43. v. 16. *Tota die verecundia mea contra me est, & confusio faciei meæ operuit me.* nam S. Brigittæ dixit B. V. de filio suo lib. 1. revel. c. 10. Alligatus autem ad columnam nihil operimenti habebat, sed sicut natus est, sic stetit; & patiebatur erubescerentiam suæ nudidatis; sensit quidem benignissimus Salvator Virgas & flagra, sed multò magis flagella oculorum, quibus infames scurræ illum flagellarunt. *Seabat illic speciosissimus, (Taulerus,) & elegantissimus mortalium omnium, virgineo affectus pudore in innocentia simplici; O quanta crux erat honestissimo cordi illius, quod tam turpiter nudatus coram vilibus illis scurris assistere cogebatur.*

Verum quis in consideratione hujus mysterii non exclamet; O cœlum! O terra! Jesus Dei Filius nudus alligatur columnæ: qui cœlum ornat stellis, qui terram gramine & floribus vestit! O Paradise voluptatis! ubi sunt folia ficuum, quæ texerunt nuditatem primorum parentum? O sidera! an non habetis radios, O horti an non habetis flores, quibus nuditatem creatoris vestri oculis impudentissimorum hominum abscondatis? O tristis & afflicta Virgo, ubi sunt panniculi, quibus nudum in præsepio quondam involvisti? in monte Thabor illum illum texerunt nubes aureæ, sed ad columnam nulla comparuit, ut de illo dici possit, quod Michol 1. 2. Reg. c. 6. v. 20. Davidi objecit: *Quam gloriosus fuit hodie Rex Israel, discooperiens se, & nudatus est quasi unus de scurris.* Sed dicamus quoque de nobis, quod Theodoretus dixit de Michol, *Nesciebat Michol* (cum

§. 24.
De modo
flagella-
tionis, &
imprimis
de denuda-
tione.

§. 25.
Prosecutio.

(cum Davidem rideret) *divini amoris stimulos, quibus Rex urgebatur, ut omni modo Deum laudaret, & nos nescimus divini amoris stimulos, qui Christum Dominum eo incitarunt, ut modo hoc ignominiosissimo Divinæ Justitiæ satisfaceret, pro gravissimis peccatis, quibus oculi curiosi & libidinosi, tum in abscondito, tum palam & præsertim in Ecclesiis coram SS. Sacramento Deum gravissimè offendunt. Tanta confusione & ignominia satisfacere pro nobis voluit, tanquam noster fideiussor, juxta illud Proverb. 20. 16. Tolle vestimentum ejus, qui fideiussor extitit alieni, & pro extraneis aufer pignus ab eo. Septuaginta, & pro extranea oppigneravit se.* O mi Jesu! hoc fecisti ex infinita charitate. Divinæ Justitiæ promisisti, te soluturum ingens debitum nostrum; factus es noster fideiussor, pro nobis te oppignerasti; tu, benignissime Domine, suscepisti peccatum nostrum, ne Justitia perderet peccatores, in te illa sententiam suam rector sit, ut proderet bonitas se amasse peccatores; ut idem proderet misericordia, te nobis dedit fideiussorem; ita satellites, pergite lictores, tollite illi omnia vestimenta, auferte togam, denudate totum Jesum meum. Fideiussor extitit alieni, pro debito se oppigneravit, cui aliter satisfieri non potest, nisi ut antequam crucifigatur, nudus alligetur ad columnam, & flagelletur.

§ 26.
Denudatus
fortissimè
suis alliga-
tus colu-
mnæ.

Jam verò postquam magna lictorum inclementia denudatus fuisset, satellites duo ejus brachia fortissimis vinculis alligant columnæ: alii duo, pedes; alius dorso injecto fune divinū pectus constringit; ex aliquorum etiam opinione, toto corpore, collo, pectore, brachiis, pedibus tam crudeliter alligatus fuit columnæ, ut nullo membri alicujus motu crudeles posset ictus evitare. Vide ut feroces milites alligent Jesu manus tam fortiter, ut lacerata tenerrima pelle, preciosus sanguis de columna defluat, etiam antequam ullum à virgis ictum excipiat. Animæ piæ! egistisne aliquando gratias Salvatori pro hoc sanguine? O benedictæ manus, quid peccastis? O manus potentissimæ; O divinissime Samson! quæ Dalila te prodidit; & quis paravit fudes, qui vos tenere possunt ad columnam? O manus liberalissi-

mæ!

niæ! hæccine nostra gratiarum actio, pro thesauris gratiarum, quibus nos benedixistis? O miraculosæ manus! quæ cæcis aperuistis oculos, surdis aures. O manus quæ clauditis infernum & cælum aperitis; O manus in quibus positæ sunt sortes omnis nostræ felicitatis; O manus quæ libratīs fontes aquarum, & tribus digitis universam mundi machinam sustinetis: quis vobis vincula potuit injicere? Laurentius Justinianus id adscribit non tam ferociæ & crudelitati lictorum, quàm amoris & charitati, dum ait, *O charitas! quam magnū est vinculum tuum! quod Deus ligari potuit! nullum vinculum Dei Filium ad columnam tenere potuisset, si charitatis vinculum defuisset.* O si ego hodie gravissimorum peccatorum dura corda & manus cum Christo ad columnam veræ pœnitentiæ alligare possem: Neque arbitrandum est, Christum Dominum veluti invitum & renitentem fuisse tractum ad columnam; denudatus, ultrò fuit amplexatus columnam, & flexis genibus cum ardentissimo cordis suspirio dixit ex ps. 37. v. 18. *Ego in flagella paratus sum.* S. Brigittæ hæc revelavit B. Virgo l. i. c. 10. Ductus ad columnam personaliter se vestibis exiit; personaliter ad columnam manus applicuit, quas inimici sine misericordia alligaverunt, ipse tamen simul columnam spontè amplexus fuit. Advertite animæ piæ, cum subinde Deus vinculis paupertatis, morborum vel cujuscunque afflictionis vos constringit ad columnam patientiæ, ad columnam sponsi vestri flagellati; qua humilitate, qua obedientia, qua conformatione vestræ cum Divina voluntate, manus vestras ultro debeatis offerre, hisce aureis vinculis, ut animo forti cum Christo, & aliquid pro ipso patiamini. His funibus Christo suo colligatus fuit S. Paulus, cum animo imperterritus ausus fuit dicere, *quis nos separabit à charitate Christi?* &c. Rom. 8. vers. 35.

Alligatum columnæ, modo quo dixi, primum duo robustissimi milites flagellarunt funiculis ex loris; quorum ictibus delicatissima Christi caro mox tota rubuit & intumuit, præsertim dorsum, humeri, & lumbi, in quæ membra primum verberum crudelium tempestas descevit.

S. 27.
Quibus instrumentis fueris flagellatus.

Alveus Tertius.

Cc

tumen-

tumentia jam Christi Domini membra, & disposita ad vulnera, ceciderunt bacillis & virgis, quibus ex aliquorum opinione, rami de rubo & spinis fuerunt alligati, qui cutem & carnem Christi undique miserè convulnerarunt. Post innumeros ictus spinearum virgarum, alii crudelissimi milites mitissimum agnum flagellarunt ferreis catenis, ex quibus pendebant retorti hami & ungues, qui immania in corpore Christi fecerunt vulnera. Referunt pii auctores, cæsum quoque fuisse nervis & caudis bouum, ad majus tormentum & majorem ignominiam. Subinde omnes simul immani rabie, hi virgis, hi loris, hi catenis, hi aliis instrumentis irruerunt in Christum, & hi brachia, hi humeros, hi dorsum, hi lumbos, hi pedes, qua data porta, crudelissimè flagellant.

§. 28.
De multi-
tudine &
gravitate
Vulnorum.

Proinde vulnera in SS. Corpore fuerunt innumera: quod colligimus ex modo loquendi sacræ scripturæ, Jobi c. 16. v. 15. *Concidit me vulnere super vulnus.* alii legunt: *ita me vulnerarunt ut continuum vulnus sit.* Clarus est versus cap. 1. Is. *A planta pedis usque ad verticem capitis non est in me sanitas.* Pl. 34. v. 15. *Congregata sunt super me flagella.* Symmachus. *Congregati sunt super me percutientes.* Proinde juxta pias revelationes ictuum, quos Christus Dominus in flagellatione excepit, fuerunt quinque millia quadringenti, sexaginta quinque, vel sexaginta sex. S. Bonav. putat fuisse 5000. S. Gertrudis 5400. Alii, 5500. S. Bernardo dicunt fuisse revelatum numerum, 6666. Landolphus & P. Salmeron, centum quinque millia. Cutis autem & caro Christi fuit tenerrima; flagellatores fortissimi, quis numerare proinde potuit numerum vulnorum? Fuerunt eadem adeo magna, lata, profunda, hiantia & patula, ut in humeris apparuerint ossa humerorum, juxta prophetiam Jobi, cap. 33. v. 21. *Tabescet caro ejus, & ossa quæ tecta fuerunt, nudabuntur.* S. Brigittæ revelavit B. Virgo, *vidi corpus ejus perforatum usque ad costas, ita ut costæ ejus viderentur.* De pectore ait S. Hieron. in cap. 27. S. Matth. *Traditus est Iesus militibus verberandus, & illud sacratissimum corpus, pectusque Dei capax, flagella secernerunt:* hoc autem factum est, quia scriptum erat, *multa flagella peccatorum:* illo flagellato nos à flagel-

Flagellis & verberibus liberati sumus. Landspergius de Passione: Caro tenerrima non modo vulnerabatur, sed discerpebatur etiam, lacerabatur, fulcabatur, ut ossa quoque nuda apparerent. De Martyribus dixit sanctus Cyprianus: *Rupta compage viscerum torquebantur in servis Dei, non membra, sed Vulnera.* Sanctus Laurentius Justinianus de triumph. Christi agone c. 14. *Ita ut membrorum compages visibiles fierent.* Omnia, quæ de immanitate Vulnerum Christi & flagellatione, dici possunt, fundamentum habent in ps. 128. v. 3. ubi David ait in persona Christi: *supra dorsum meum fabricaverunt peccatores*; alia lectio habet, *Araverunt supra dorsum meum.* Sicut itaque ferrum aratri proscindit terram, & in sulcos dividit, ita flagra consciderunt corpus Christi innumeris & gravissimis Vulneribus, cum hæc considero, horreo! timeo! compatio Jesu meo, execror, detestor scelera mea, propter quæ ita cæsus fuit. Sola me solantur verba Thomæ de Kempis, quibus refert revelatum fuisse personæ sanctæ, quod quoties Christus unum ictum verberantis accepit, mox illum Patri pro nobis ex amore obtulit, petens, ut delictis nostris ignosceret. Arbitror ego illum hoc idem ex infinito desiderio nostræ salutis, fecisse ad quodvis vulnus; ex 5475. ictibus spero unum fuisse quem ad columnam obtulit cœlesti Patri, pro me & hoc meo auditorio, ut omnibus nobis ejus flagellatio ad animarum salutem conducatur.

Binæ adhuc circumstantiæ peculiare in verberibus flagellationis ponderandæ sunt! O mi Jesu! sine ingenti compassione, sine tribulatione animæ meæ, sine distillatione cordis, sine lacrymis enarrare non possum! Prima est, ob nimiam vehementiam & fortitudinem brachiorum robustissimorum militum, qui omni virium contentione illum flagellarunt, fracti sunt apices spinearum Virgarum, & aculei illi inhærentes carni, nova percussione ad quosvis ictus, altius & profundius impressi fuerunt vulneribus jam factis cum miserabili laniena & dolore delicatissimi corporis Christi. O stimulos amoris! O si ego has spinas hac concione in auditorum meorum corda possem defigere. Altera circumstantia est, virgas, bacillos, spinas, catenas,

§. 29.

Affectuosa
duo cir-
cumstan-
tia, crude-
lissima fla-
gellationis.

tenas, ungues, nervos boum, omnia instrumenta passionis, non sanguine tantum fuisse cruenta, sed adhæsisse illis particulas cutis, pellis & carnis de corpore Salvatoris, quas magna vi à Divinis membris avulserunt. Beata Virgo sanctæ Brigittæ: *Quod amarius erat, cum retraherentur flagella, carnes ipsis flagellis sulcabantur & simul* (sanctus Bonaventura) *quanto delicatior, & tenerior caro illa erat, tanto acerbior imprimebatur dolor.* Ah mi Jesu! ah! ah dolores! quos pro nobis, in uno hoc mysterio flagellationis sustinuiſti! Meretur infernum, qui ingratus est. Cavete impii, ne Salvatorem vestrum iterum flagelletis. Ecclesiastici cap. 40. v. 9. *Super peccatores enim septuplum;* (scilicet in die Judicii) *ad hæc mors, sanguis & romphæa, oppressiones, contritio & flagella ignea, horrenda! in omnem æternitatem, super iniquos creata sunt.*

§. 30.
De copiosa
affusione
sanguinis.

Ex tot vulneribus, tam copiosus effluxit sanguis, ut totum corpus, omnia membra, à capite usque ad soleas pedum; imò columna, virgæ, catenæ, vestes, facies, brachia, manus flagellantium militum, saxa parietum, fuerint respersa sanguine. Sanctus Bernardus ait *Divinum cruorem saltasse per aera.* Divus Bonaventura. *Fluit undique regius sanguis de omnibus partibus corporis.* Sanctus Gregorius Naziancænus orat. de Christo patiente. *Fluebat sanguis, & de Paradiso illo, cælestis cruoris flumina manabant. In pavimento circa columnam fluxerunt rivuli sanguinis.* Cogitate animæ piæ, quomodo Divinus sanguis, impiorum pedibus fuerit conculcatus. Sancto Anselmo dixit beata Virgo. *Momento temporis totalis corporis ejus superficies ita sanguine perfundebatur, ac si purpura circumdatus, & in stuporem ac deformitatem transformatus esset:* omnibus apparuit quasi lepra percussus. Piè sanctus Bernardus sermone 4. hebd. pass. *O impii! (O tigrides, leones!) lapides estis, & lapidem percutitis, sed molliorem, de quo resonat rinnitus pietatis, & ebullit oleum charitatis!* Multa Millia fuerunt guttarum preciosi sanguinis, quas in flagellatione effudit. Cum volo corroborare spem meam; cogito, quod Salvator noster quamvis guttam ardentissimis suspiriis, & iteratis actibus nobilissimarum virtutum obtulerit patri cœlesti pro redem-

redemptione generis humani; unicam confido profuturam animæ meæ ad salutem æternam!

Inter hæc tormenta, post tot verbera, post tot vulnera; post tantam sanguinis effusionem, solutis vinculis Christus Dominus ante columnam prolabitur in terram; sic prolapsus necdum parcit ferox crudelitas. Vidi aliquando (ingemisco, & suspiro quoties recordor) pictam flagellationis imaginem, in qua nequam miles pedem imponit dorso & lateribus jacentis humi Salvatoris, & elevatis capillis sanctissimum ejus collum flagellat; Probabile est Christum Dominum jacentem in hoc deliquio, & sanguine suo, inter novam grandinem ictuum suaviter ingemuisset; sed eo percusserunt fortius: puto illum mæsto oculorum obtutu suos quandoque carnifices aspexisse, sed sævierunt magis: probabile est, mitissimum agnum dixisse in corde suo ex Isa. 63. 5. *Circumspexi, & non erat auxiliator; quasi vi & non fuit qui adjuvaret.* Sanctus Augustinus & sanctus Thomas in catena aurea; *ecce Dominus aptatur ad verbera! ecce jam caditur, rupit sanctam cutem violentia flagellorum, repetitis ictibus crudelia verbera scapularum terga conscindunt.* Prò dolor! jacet extensus ante hominem Deus, & supplicium patitur rei, in quo nullum peccati vestigium potuit reperiri. Meditantur alii Christum Dominum bis fuisse flagellatum, primò alligatum ad columnam, facie & pectore, sive parte corporis anteriori, deinde vero sauciatis humeris & dorso solutum, altera vice saxo fuisse alligatum, & æquè crudeliter in divino pectore fuisse cæsum; cui sententiæ favent verba Divi Hieronymi superius citati, *Pectus Dei capax flagella secuerunt.* Ita quoque sensisse videtur Divus Bonaventura cap. 76. de medit. pass. *Ligatur & diversimode flagellatur; stat nudus coram omnibus elegans juvenis, & verecundus, speciosus præ filijs hominum; suscipit spurcissimorum flagella dura & dolorosa: Caro illa innocentissima, tenerima, mundissima & pulcherrima, flosque omnis carnis & natura humana, repletur laboribus & fracturis; superadditur, reiteratur, & spissatur livor super livorem, & fractura super fracturam.* Ex quibus patet: Primò lictores flagellantes non fuisse tantum crudeles, atque

S. 31.
Christi de
lapsus ante
columnam
litterata fla-
gellatio.

immites; non fuisse tantū similes ursis & leonibus, sed à Dæmonibus & infernalibus furiis obsessos. Patet *secundo* dolores, quos Christus Dominus in flagellatione sustinuit, fuisse tam immanes, ut benè dixerit beatus Laurentius Justinian. l. de triumph. Christi agone cap. 4. *Debuisset plane mori, tanto dolore transfixus; se tamen reservavit ad vitam, ut his etiam graviora pateretur.* P. Cornelius à Lapide, in cap. 27. Sancti Matthæi. *Naturaliter ex tot verberibus, mori debuisset Christus; sed Deitas carnem sustentabat, ut plura pati, & tandem crucifigi posset.*

§. 32.
Varia devotiones
erga Christum flagellatum.

Antequam illa, quæ deinde passus est, narrare aggrediar, rogo meos Auditores, atque obtestor, ut præcipuo semper affectu ferantur erga hoc mysterium; sunt, qui in tribulationibus mox piis desideriis se conferunt ad columnam; & ibidem vinculis amoris se alligant, cum ardenti desiderio dicentes: Ego autem cum Christo meo in flagella paratus sum. Idem faciemus impoſterum. Sunt, qui in piis meditationibus sibi imaginantur, se esse præſentes flagellationi, & suavibus affectibus, veluti mundo strophio extergunt ejus vulnera, & sanguinem excipiunt; in his cogitationibus cum profundissima reverentia se prosternunt ad sanguineos pedes Christi, & terram eodem sanguine rigatam piis osculis quasi lambentes venerantur; vos, si miserando huic spectaculo interfuiſſetis, an non idem feciſſetis? facitè id hodie ferventibus desideriis. Sunt qui jacenti Christo Domino ante columnam in deliquio, cor contritum subſternunt, veluti pulvinar, quid impedit quominus idem faciamus? Sancta Theresia de se hunc in modum narrat; Quodam die ingrediens oratorium; erat ibi noviter alligata imago, repræſentans Jesum totum vulneratum, & plagis opertum; statim ac eam vidi, tota in me turbata fui, videns Dominum meum tam crudeliter flagellatum, & sensi tantum dolorem, ut videretur cor in duas partes findi; tunc projecì me ad pedes ejus, cum magna lacrymarum copia, supplicans ejus pietati, ut placeret illi ex tunc, tanta me fortitudine corroborare, ut amplius eum non offendam. Videor quoque mihi tunc dixiſſe, me à pedibus ejus non surrecturam, nisi daret quod obsecrabam. Hoc mihi val-

hi valde profuit; ex tunc cœpi me emendare, esse fortior &c. Hi fuerunt affectus Sanctæ Theresiæ, & vos hodie, O filiæ Sion! O animæ piæ! cum Jesus flagellatus animis vestris spectandus proponitur; cur non turbamini? quomodo non finduntur corda vestra! Ubi serius dolor? cur non & vos ad ejus pedes pro-
volvimini cum lacrymis? cur non supplicatis ejus pietati, ut placeat illi ex hoc momento vos ita corroborare, ut non peccetis amplius, cur non proponitis non surgere à pedibus ejus, nisi det, quod obsecratis? Talia facite, & sentietis id vobis inprimis profuturum, ex tunc incipietis vitam emendare & sanctè vivere. Cogor pergere ad mysterium coronationis; sed prius tamen;

O mitissime Jesu, coram infinita tua Majestate ego quoque ^{S. 13:} me prosterno, profundissima reverentia adoro vulneratum & ^{Piam Vo-} laceratum tuum corpus, adoro tua vulnera, exosculor terram ^{tum Au-} tuo sanguine rigatam! virgas, flagella, catenas, quibus laniatus ^{Horis ad} es, includam cordi meo, ut dicere possim cum afflictis civibus ^{columnam.} in Bethulia, Judith. 7. v. 19. *Peccavi, injuste egi, iniquitatem feci, tu quia pius es; miserere mei, in tuo flagello, vindica iniquitates meas;* (potest ex his verbis fieri pia deprecatio.) Electe puer Dei mei (sanctus Bernardus) quid tanta amaritudine, tanta confusione dignum commisisti? prorsus nihil. Ego, ego homo perditus totius perditionis tuæ causa extiti. Ego Domine uvam acerbam comedi, & dentes tui obstupuerunt. Ego sum qui peccavi, iste, qui agnus est, quid fecit? O Pater æternæ! vertatur obsecro in me manus tua. Amplector columnam, & suspiro, O felix columna! cui alligatus fuit, qui est columna mundi, & fortitudo totius universi! O columna aspersa sanguine Christi! suscipe me servum illius, qui ad te ligatus, fuit flagellatus; ecce vincula, ecce meos affectus, mea desideria, mea proposita, his me tecum ita colligabo, ut nec mundus, nec caro, nec peccatum, nec diabolus, nec mors, nec infernus separet à Charitate, quæ est in Christo Jesu.

Punctum V.

De Spinea Christi Domini Coronatione.

§. 34.
Descriptio
Coronatio-
nis ex
Evangelii-
stis.

Venio ad spineam coronationem, quam Evangelistæ his verbis describunt. *Et milites praesidis suscipientes Iesum in pratorio, congregaverunt ad eum universam cohortem, & exuentes eum chlamidem coccineam circumdederunt ei, & plectentes coronam de spinis, posuerunt super caput ejus, & posuerunt arundinem in dextera ejus, & genu flexo ante eum, illudebant ei dicentes, Ave Rex Iudeorum, & expuentes in eum, acceperunt arundinem, & percusserunt caput ejus.* Hoc novum tormentum, in quo cum dolore certat pudor & ignominia, sæva excogitavit crudelitas! Dolorosissimum mysterium iterum ex sacra scriptura, sanctis Patribus & piis libellis ego sic soleo meditari.

§. 35.
Præparatio
via ad ean-
dem.

Sub flagellatione vestis Christi in angulum aliquem abjecta fuerat, quam dum à columna solutus quærit Iesus, per aulam incedit, sanguinem manans (Taulerus) *adeo, ut singula quaque vestigia roseo suo signaret sanguine;* interim dum Iesus flagellatus vestes suas rursus induit, furia quædam ait, sibi videri, reduendum illum esse ad præsidem in schemate ludicri Regis, quandoquidem talem se nominasset; videri sibi, coronandum spinis, induendum purpura, dandam illi arundinem pro scepro; placuit ex tempore consilium: itaque conquiruntur instrumenta regiae coronationis, affert unus dêtritum ex purpura pallium, alius arundinem, alii densos ramos de acutissimis spinis, ex quibus in conspectu Salvatoris coronam plexuerunt. Aspice dulcissime Jesu! Rex dolorum, quale sertum regio tuo capiti præpareret Synagoga! Interim alii altera vice Christum sua veste, quæ vix se induerat, spoliant, & circumdant ei purpuram; tunc in humili scabello, veluti regio throno illum collocant.

§. 36.
Crudelissi-
mi modus

Hoc ubi factum; mox spineam coronam sanctissimo imponunt vertici; primò quidem manibus tantum, non nimia ve-
hemen-

hementia, ne sceleratas pungerent manus. Ut autem fortius coronari-
 coronæ aculeos capiti inprimerent; secundo, spinis implica-
 runt duos baculos, per modum crucis, quibus magnavi spinas
 in caput Christi adegerunt. Tertio, ex mente Tauleri de pas-
 sione cap. 10. baculis horribiles ictus in caput ejus dederunt,
 quibus spinarum aculei altius sancto illius cerebro infigeban-
 tur, adeo ut hæc pœna etiam cor illius attingeret. Cum bene-
 dicto capite dulcissimum cor Christi fuit spinis coronatum. Spi-
 næ transfigentes & pungentes cutem, carnem, nervos, cere-
 brum Divini capitis transfixerunt & pupugerunt etiam cor (est
 locus pro piissima descriptione.) Quarto. Sceptro, sive cala-
 mo, quem deinde pro sceptro illi portexerunt, qui in illis terris
 sunt fortissimi & durissimi, caput Christi jam spinis coronatum,
 percusserunt. Sanctus Bernardus asserit, contigisse illud tan-
 ta vi, ut arundo dissilierit in partes. Quinto. crudelis quidam
 miles (ah animæ piæ! audite rem Tragicam!) ut spinas capiti
 profundius immergeret, induit ferreas chirothecas, & ita co-
 ronam fortius impressit. Ad fletum & lacrymas olim me movit
 imago coronationis, in qua barbarus licetor ferrea manu coro-
 natum Christi caput in gyrum torquet, ex qua contorsione co-
 rona loco primo fuit mota, & spinæ aperuerunt nova vulnera,
 novas vias in caput Jesu. Quædam spinæ crassiores dilatarunt
 plagas priores. O immanes tuos mi Jesu dolores! (subsiste hic
 non nihil in silentio, ut auditores tempus habeant id ruminan-
 di.) O animæ piæ! quid cogitatis dum auditis hoc tormentum
 (iterum non nihil file, ad majorem motum concitandum.) Sexto.
 omnium luctuosissimum est quod sequitur (pete lacrymas à
 Spiritu Sancto, ut præ illis vox non commode pergat.) O cœli,
 O Angeli, videte hoc spectaculum! scabellum vel sedem, cui
 Christus Dominus insedit, data opera retraxerunt Judæi, ut
 magno impetu piissimus Salvator corruerit in terram, in quo
 lapsu caput plenum spinis fortiter allisit solo; ah mi Jesu quo do-
 lore? huic tamen acerbior accessit, cum barbari aliqui sic jacen-
 tem humi, præsertim divinum ejus caput, pedibus conculca-
 runt, & sic spinas illi iterum profundius immerferunt. Silex,

Alveus Tertius.

Dd

saxum,

saxum, leo, leæna, tigris est! quisquis Christo Salvatori in hoc mysterio non compatitur. Corda habetis ex petris, si vos corona illa spinea non pungit.

§ 37.
Alia cir-
cumstantia
augentes
dolorem
coronatio-
nis.

Gravitatem doloris immensum augent hæ circumstantiæ. Primo. Theocritus ait, *Quantula est punctura spina? & quantum hominem domat?* quos causat dolores, vel in uno digito, in uno præsertim nervo, vel unica junctura membrorum. Sanctus Vincentius Ferrer. in S. Lucam: *Quis satis cogitare potest, quantus dolor venerandum illud caput, tot aculeis confixum affecerit, cum nos vel ad unius spina puncturam fere insolerabili dolore vexemur,* qua ratione ponderare poterimus dolorem capitis Christi, propter tantum numerum spinarum? Illæ, quæ profundissimè penetrarunt caput Christi, per pellem, per carnem, per nervos, per ossa, in ipsum cerebrum fuerunt triginta tres! videtis subinde rosariola cum tribus tantum. decadibus, sive triginta tribus granis; putavi hæcenus recitari toties orationem Dominicam, vel salutationem Angelicam in honorem triginta trium annorum, quibus Christus Dominus vixit in tectis; verùm legi hisce diebus non sine animi solatio in libro quopiam Italico, numerum granorum hujus rosarii sacrum esse numero triginta trium spinarum, quæ caput Christi crudeliter vulnerarunt. Filia Sion, cum hodie visitabitis stationes Christi patientis, in via orate hoc rosariolum; sive triginta tria Ave, in honorem tot spinarum. Affirmant alii, spinarum illarum fuisse sexaginta duas. Sanctus Bernardus de passione capite decimo ait: *Corona spinea, mille puncturis speciosum caput divulnerat;* sic sentit Taule-
rus, cum ait; & certe, ut Anselmus auctor est, *Christi venerandum caput vel mille aculeis compunctum est.* Secundo. Corona non fuit plexa ex obviis spinis, sed, vel ex rhamno, cujus rami pleni sunt acutissimis spinis, vel quod probabilius est, ex junco marino, de quo Virgilius canit, & acuta cuspide junci: & quævis cuspis in alios tres aculeos terminatur, & sunt simul longi, acutissimi & durissimi. Tales itaque spinæ divinum caput (sanctus Petrus Damianus sermone de exaltatione sanctæ crucis.) *multiplici densitate perforatum, usque ad cerebri teneitudinem confi-*

confixerunt. Sanctus Laurentius Justinianus de triumphantis Christi agone capite 14. *Spinarum punctione cerebrum perforarunt.* Thomas de Kempis de Passione Domini: *Ah! Domine Deus, quàm profunde culmina spinarum sanctissimum caput tuum intrarunt, quàm duriter tenacem carnis tue pellem, cum ossibus & nervis laferunt.* Sanctus Bonaventura in meditatione Passionis: *Figuntur spinae cuti preciosissima usque ad carnem & cerebrum penetrantes, perfoditur totum venerandum caput.* Vidistis fortassis imaginem Christi coronati, in qua spina quædam oblonga supra frontem caput ingreditur & infra frontem supra oculum dexterum immani cuspide egreditur: ex aculeis tot spinarum facile inire possumus numerum vulnerum, quibus sanctissimum caput fuit vulneratum.

Numerum & spinarum & vulnerum confirmat forma spinæ coronæ; de quâ bene monet sanctus Vincentius Ferr. fuisse illam contextam ad modum pilei, ita ut undique caput tegeret & tangeret. Sanctæ Brigittæ dixit beata Virgo, corona spinea capiti ejus arctissimè imposita fuit, quæ ad medium frontis descendebat. Innuunt hoc verba sancti Chrysostomi sermone tertio de passione: *Ambitur sacrum caput aculeis spinarum, & divinum verticem pænalis corona pompa circumdat.* id est, non tantum frons, latera, sed totum caput fuit circumdatum spinis. Hinc tot puncturæ; hinc tot vulnera!

Dolorem valde auxerunt spinæ illæ, Primo: quæ per juncturam nervorum, & compagem Ossium penetrarunt in cerebrum Jesu; in his juncturis fuit maximus dolor. Secundo. illæ, quarum subinde binæ vel tres in uno simul vulnere junctæ divinum caput horrendo cruciatu laniarunt. Tertio. illæ, quarum aculei fracti, ab aliis novis supervenientibus spinis ob contorsionem coronæ, profundius in caput Christi adacti fuerunt. Quarto. Cruciatum auxerunt spinæ illæ, quæ in sanguineis vulneribus, madidæ sanguine, & à cerebro Christi paulatim intumescences se dilatarunt. Filie Sion! dum sponsum vestrum in hoc spineo diademate, in doloribus hisce tam acutis, contemplantini, dicite, sentitisne teneram compassionem? Gera-

§. 38.
De forma
spinæ co-
ronæ.

§. 39.
Quarum
præsertim
spinae la-
niant
caput Sal-
vatoris.

fimo Abbati obambulanti ad ripas fluvii, occurrit leo, & ostendit illi pedem, ex infixâ spina vulneratum, flens quodammodo & obsecrans ut spinam extraheret. Filiæ Sion, videtis leonem de Juda, spinis coronatum? videtis, quam benignis oculis, quam calidis lacrymis à vobis petat, ut spinas ex vulnerato capite extrahatis? extrahunt spinas, qui hodie suo Salvatori intimè compatiuntur (potest fieri affectuosa inductio.) Postquam Gerasimus leoni spinam extraxit, leo nunquam à suo medico voluit discedere, multo magis nobis bonus Jesus hanc præstabit gratiam, ut nunquam nos deserat, præsertim in horâ mortis. Mihi certum est illos, qui huic mysterio devoti sunt, morituros morte sanctorum pretiosa.

§. 40.
Quam copiosum
sanguinem
effuderit
Christus
D. in spinâ
coronatione.

Ob tot vulnera spinæ coronationis, ait beata Virgo sanctæ Brigittæ; *oculos, frontem, aures, genas, labia, ipsum os, totam faciem Domini à defluente sanguine adeo fuisse contextam ut nihil appareret nisi sanguis; capilli pleni sanguine, oculi pleni sanguine &c.* Taulerus de passione Domini sic describit; *Elegantissima Christi facies omni decore & specie destituta fuit, nec non recentis huius sanguinis (qui cerebro permixtus erat) profluvio irrigata.* Sanctus Bonaventura: *facies illa serenissima, sanguine rubricatur; ita ut non amplius facies Domini Iesu, sed excoriati hominis videretur.* Ob eandem copiam effusi sanguinis, non facies tantum, sed ipsa corona tota respersa, & tincta fuit ab ebullientibus rivulis sanguinis, ex profundis vulneribus. Taulerus; *viridem fert coronam, rubentibus ornatam rosas; id est, roseo suo tinctam sanguine; hoc ipso significans, pium se esse regem, ac mansuetum, verumq; Principem amaris.* Sponsus ut sponsæ amorem suum aperiret; illi dixit, *Amica mea quàm me hac nocte vigilem fecit amor, quote prosequor, tota nocte steti ante portas ostii tui, ecce, caput meum plenum est rore, & cincinni mei guttis nocturnis.* Cant. 5. v. 2. Filiæ Sion, hodie videte sponsum, qui tantum vos diligit, non rore, non guttis nocturnis, sed sanguine, sed sudore, sed lacrymis, sed sputis, sed vulneribus, sed puncturis plenum est caput ejus!

Monet

Monet me clepsydra, ut causas vobis proponam, ob quas ^{§. 41.} Patri cœlesti, & ipsi Filio, & Spiritui Sancto, sive toti sanctissimæ Trinitati placuerit, mundi redemptorem spinis coronari. ^{Tres causas, et quæ Filius Dei fuit coronatus spinis.} Prima. voluit Pater suum Filium & atrociter pati, & summa cum ignominia humiliari; Mors Christi debuit esse pœnosa & ignominiosa: aptius instrumentum reperiri non potuit, quàm spinea coronatio. Sanctus Bernardus libro de passione capite 39. *In corona spinea non leviter imposita, sed invide impressa, non solum opprobrium, sed supplicium quarunt.* Emphasis latet in vocola, *quarunt*; id est, intentio, carnificum fuit placere Judæis, proinde modum excogitarunt, quo crudelissimè illum torquerent, & contemptibilem redderent, nimirum spineam coronam, de qua Tertullianus ait, *Impietatis calumniosa corona! contumelia in promptu est; & turpitudine, & dedecoratio, & his implexa sevitia; quæ Domini tempora & fœdaverunt, & lancinaverunt.* Secunda causa fuit. *Peccatorum aculeus in spinis est*, ait sanctus Hilarius. Prædixit regius Psalter ps. 71. 17. *Convertetur dolor ejus, in caput ejus, & in verticem ipsius, iniquitas ejus descendet.* Adeste superbi! aculei vestræ superbiæ sunt in spinea corona! (fiat hoc modo pulchra invectiva in diversos peccatores.) Tertia causa omnibus peccatoribus magno est solatio. *Mysterium fuit spinea corona.* (Sanctus Cyrillus catechesi. 13.). *Solutio enim fuit peccatorum, & dissolutio maledictionis, lata super Adamum, tribulos & spinas terra germinabit tibi;* propterea Jesus accepit spinas, ut solvat hanc maledictionem. Tertullianus; *abstulit virtus crucis omnes aculeos mortis, in Domini capitis tolerantia illos obtundens.* Me hæc verba mirum in modum consolantur. Ita mi Jesu: peccavi! sed tu solutionem dedisti! tua corona tincta fuit sanguine, illæ spinæ capiti tuo fuerunt impressæ; has offeram Divinæ Justitiæ: hoc conabor, ut aliquando in agone, illas peccatis meis opponam; tum spero fore, ut vel unicum aliquod ex tanto numero mihi pateat vulnus, in quo me abscondam, donec transeat furor Domini.

Quarta. Sanctus Athanasius ait sermone de passione & cruce. *Spineam coronam gestare voluit, ut sollicitudines nostræ vitæ* ^{§. 42. Alia se prendimus} *extir-* ^{causa.}

extirparet, & spinarum gestatione omnes in securitatem affereret: ipse enim in doloribus & curis erat, ut nos doloribus careremus. Fert ipse coronam spineam, ut nos coronet in misericordia & miserationibus. *Quinta*: in tantis tormentis Christus Dominus indiguit aliqua refocillatione; refocillatio fuit plus pati; ideo (Tertullianus.) *Dominica Christi tempora lancinaverunt mortiferis vulneribus spina; sic novarum pœnarum ardore sustentabatur amans.* *Sexta*. Apud Romanos solenne fuit, victimas ornari coronis; victimæ Jovis esculo, Apollinis lauro, Minervæ Oliva, Veneris myrto, Herculis populo, Bacchi hederæ, Panis pino, Ditis cupressu; has superstitiones invenit gentilitas. Apud Judæos Agni Paschales ornabantur coronis ex floribus: Verus Agnus, immolandus in ara crucis, ut tolleretur peccata mundi, ornari debuit corona ex spinis. *Septima*. Sanctus Bernardus sermone sexto die Parasceves: *Coronatur spinis, ut videant eum peccatores, & compungantur.* O me felicem, si hac concione obtineam, ut sanguinæ spinæ pungant corda meorum auditorum, ut sentiant & doleant se unquam offendisse Deum; O immites spinæ! satis sæviistis in caput Christi, vertite aculeos; parcite Christo, nostra corda pungite. *Octava*. Coronatur spinis, quia luxuriosi abstulerunt omnes rosas. *Nona*. spinas quæ nos pun gere debuissent, in suo capite sepelivit; in sanctissimis illis vulneribus, veluti clibano amoris sunt combustæ. *Decima*. Spinæ irrogatæ sunt sanguine divini capitis, ut germinent rosas cœlestis gloriæ. *Undecima*. Peccata nostra clamant vindictam; ne audiat Judex noster, aures sepiit spinis. *Duodecima*. Coronatur spinis, ut dici possit, verbum *cecidit inter spinas.* *Decimatertia*. Coronatur spinis, ut sponsa dicere possit, Cant. 2. v. 1. *Sponsus meus sicut lilium inter spinas.* *Decima quarta*. Coronatur spinis, ut illarum aculei sint aureæ claves, quibus aperire possumus thesauros divinæ sapientiæ. Clavi aperuerunt manus & pedes, virgæ corpus, lancea pectus & cor, spinæ caput. *Decima quinta*. Coronatur spinis, quia in regno patientiæ, sive in hac vita nihil coronat nisi quod pungit. *Decima sexta*. Coronatur spinis, ut ostendat coronam regni sui habere

habere radices, quas non habent coronæ aureæ Regum & Imperatorum. *Decima septima.* Sanctus Ambrosius in Lucæ cap. 22. Corona de spinis, quæ capiti Christi imponitur, ostendit, quod de peccatoribus mundi, tanquam de sæculi spinis, triumphalis Deo corona plectatur. *Decima octava.* Hugo Cardinalis: *Fecit Dominus sicut canis venaticus, qui feram insequens caput intra spinarum aculeos mittit, non timens exulcerationem, ut feram capiat.* Ecclesiam quasi feram intra spinas latitantem extraxit: sed punctiones spinarum usque ad effusionem sanguinis sustinuit, in cuius signum spineam coronam portat in capite suo. *Decima nona.* Post paucas horas tanquam summus Sacerdos offert sacrificium crucis, pro tiara portat spineam coronam. *Vigesima* sponsum est sanguinis; qui alio ferto coronari non debuit, nisi spineo.

Denique pie monet Clemens Alexandrinus libro secundo de pædag. capite 8. A ratione alienum est, ut qui audierimus Dominum spinis coronatum esse, ipsi Venerabili Domini passioni per ludum insultantes, habeamus redimita floribus capita. Et Tertullianus ait: *Si ob hac caput tuum ei debes, tale ei, si potes, repende, quale suum pro tuo obtulit.* Sanctus Bernardus: *Pudeat, sub capite spinis coronato, membrum esse delicatum.* Godefridus Bullionius Dux Lotharingiæ, cum capta terra sancta Jerusalem Rex coronaretur, noluit id fieri corona aurea, sed spinea, memor in illa urbe Christum Dominum fuisse coronatum spinis. Cum sancta Elisabetha coram crucifixo ejus caput contemplaretur, abjecto mox ferto gemmeo, corona ex spinis se ornavit. Simile quid agamus, memores divi Agapiti invicti Martyris; *Parva res est, si caput coronandum in cælis, prius coronetur prunis vel spinis, in terra!*

Nunc enarrandæ essent aliæ injuriæ & cruciatus, quibus sub spinea coronatione Christum affecerunt. Sufficiat rextus sancti Evangelii initio hujus puncti citatus & verba Patris Delrio lectione nona de passione Domini: *Salutant cum clamore, Ave Rex Iudaorum, & cum dicto faciem conspuunt; & alapis faciem aspergunt; & ferreis manibus, ferreis frontibus, ferreis cordibus*

S. 43.
ultima
causa.

S. 44.
De alia in-
juria Chri-
sti D. in co-
ronatione
illata.

dibus colaphis alapas, alapis colaphos confuderunt: quidni credamus, si non excussos, saltem loco motos, & conquassatos dentes omnes tot ictibus, juxta verba Jeremiæ in Threnis, cap. 3. v. 16. fregit ad numerum dentes meos. Non invenio finem tormentorum Christi, & tamen adverto præstitutum concioni meæ tempus effluxisse.

§. 45.
Gravis ob-
testatio S.
Thomæ de
Villa Nova
ad gravem
peccato-
ram.

Si quis obstinatus peccator ex præsentibus meis auditoribus hætenus à me dicta, sine commotione cordis, sine contritione, sine proposito seriæ conversionis, audivisset, cum hoc mihi paucis agendum est. Sanctus Thomas de Villa Nova Archiep. Valentia in Hispania, postquam Canonicum aliquem malæ vitæ frustra monuisset, ad se vocatum hominem illum, induxit in intimum suum conclave. Obserata porta sanctus Episcopus depositis vestibus usque ad lumbos, peracri flagello tam horrendo in dorsum suum desæviit, ut copiosus sanguis effluerit. Subinde tristi gemitu, cum lacrymis dixit, *Domine convertere, convertere Domine*: tam insolitum spectaculum, tam crudeles ictus, vestes aspersæ sanguine, tam ardentia suspiria ita permoverunt obduratum cor, ut statim seriò sese converterit ad Dominum. Auditis hæc obstinati peccatores; en flagellatum, en vulneratum, en spinis coronatum usque in multum sanguinem oculis vestris hominem exhibeo!

§. 46.
Et Aus-
tin ad Au-
ditores
cum exhi-
bitione
crucifixi
& Epilogo.

Ecce illum, qui pro vobis pendet in ligno crucis; videtis toto corpore lacerum? convertimini. Videtis caput coronatum spinis pro vobis? Convertimini. Cernitis ex tot vulneribus ebullientem sanguinem? Convertimini, hæretis? relinquitamini? necdumne vestra libido N.N. vestra cupiditates sunt exsatiata sanguine? Naturale est, dicunt Philosophi, ut ira quiescat, si videat eum, contra quem irascitur, humiliatum & punitum; quid si vulneratus sit; & cur vestra rabies erga piissimum Jesum non quiescit? cur non quiescunt manus, ne iterum flagellent (est patheticus locus.) Scio quid sit, verificatur de vobis versus 16. cap. 12. Ecclesiastici. *Inimicus, si invenerit tempus, non Satiabitur sanguine.* Itane? videtis sanguinem ebullientem ex sanctissimis pedibus, & non satiamini? bibite ergo (fiat

(fiat hoc modo acerba Apostrophe.) Sed hoc tandem fiet (D. Clemens Alexandr.) *De rhamno egredietur ignis; ignis inquam ille, de quo Christus ait, Matth. 25. v. 41. Ite in ignem aeternum; in quo hodie ardent, & in aeternum ardebunt, qui Christum Dominum flagellarunt & spinis coronarunt. Igneis, sulphureis, ardentibus spinis & vos aliquando ibi coronabimini; nisi convertamini & poenitentiam agatis, quod iterum à vobis postulo, per divinissimā Jesu flagellationem; convertamini, (potest fieri suavis allocutio per præcipua tormenta, quorum in concione facta est mentio) Cavete impii, ne veniat Christus, & si in peccato vos invenerit, dicat, *Quæ utilitas in sanguine meo? quid profeci quod sim flagellatus &c.* O miseri; pedes Christi stillant sanguine, quæ utilitas? (hoc modo pulchra fiat inductio.) nisi hodie convertamini, quæ utilitas? &c. Nisi faciatis, *in vanum pro vobis laboravit bonus Iesus*, sine causa (II. 47. v. 13.) *& vane fortitudinem suam consumpsit.* Flagellatus est in vanum pro vobis &c. Implora gratiam peculiarem Spiritus S. ut hoc modo tibi suggerat affectuosum Epilogum; & denique amorosum colloquium ad Christum crucifixum.*



CONCIO XX.

DOMINICA RESURRECTIONIS CHRISTI D.

Iesum, qui crucifixus est, queritis, non est hic, surrexit enim.

Matth. 28. cap. v. 5.

SYNOPSIS CONCIONIS.

O Stendit, gloriosam Christi D. Resurrectionem esse fontem magni gaudii, & ut S. Bonaventura loquitur, medullarem nostram exultationem.

Alveus Tertius.

Ee

§. 1. 10

- | | |
|---|--|
| <p>§.1. In palæstina quadam avicula, hebdomada passionis moriuntur; in Paschate reviviscunt.</p> <p>§.2. Amara Christi D. Passio, hodie est fons veri gaudii.</p> <p>§.3. Electis & Passionis Christi D. amatoribus convenit, ut in resurrectione ejus gaudeant.</p> <p>§.4. Consolatio S. Dominici.</p> <p>§.5. Christus D. à mortuis resurgens, est medullaris exultatio.</p> | <p>§.6. Pulchra Prophetia Abacuc. de gloria & triumpho Christi Resurgentis.</p> <p>§.7. Alia circumstantia hujus triumphus ex l.1. Reg. c.2. sive ex Cantico Anna.</p> <p>§.8. Quæ connexio inter catenas & palmas in templo Salomonis.</p> <p>§.9. Resurrectio Christi Domini est terror demonum.</p> |
|---|--|

§.1.
In Palæsti-
na quadam
avicula
hebdomada
passionis
moriuntur,
in Pascha-
te revivi-
scunt.

Nobilis aliquis Anglus (sic rem narrat, speculum magnum exemplorum dist.9. exemplo 161.) cum in itinere in terram sanctam, transiret amœnissimam sylvulam, vel potius hortum; ob florum amœnissimarum, que arborum varietatem; advertit cum stupore, se videre plurimas in arboribus aviculas, quarum tamen nulla prorsus cantillaret, imo notavit, jacere illas in ramis arborum quasi emortuas, extensis alis in formam crucis. Admirabundo, & quærenti ex comitibus causam hujus quietis, & silentii, responderunt. *Reliquo tempore anni, resonare hunc amœnissimum locum suavissima Musica & harmonia, tot avicularum, sed in hebdomada passionis (quæ tunc erat, ajunt,) qua Christus, magnus Deus, passus est, omnes moriuntur, & Dominica Resurrectionis, reviviscunt.* Non disputo, an in rerum natura tales aviculæ existant; in paradiso terrestris Ecclesiæ in terris puto esse rem verissimam. Nos, nos auditores, his diebus fuimus & sumus tales aviculæ. Sicut passer solitarius sedimus sub tecto pulcherrimæ arboris sanctissimæ crucis, SSa. Crucifixi Vulnera fuerunt nidulus noster, in quo voluptas nostra fuit, flere, gemere, suspirare. Alæ & pennæ nostrarum cogitationum extensæ fuerunt cum sponso nostro, per arborem crucis; sedimus in tenebris, altissimo dolori & luctui insepulti: ad salicem crucis suspendimus orga-

nano-

na nostra, sedimus ad sanguineos rivulos, defluentes ex Vulneribus Christi, & flevimus. Hodie, reviviscente & resurgente Christo D. & nos reviviscimus; passeret & turtures optata metamorphosi conversæ sunt in philomelas, & aves paradisi: hodie voluptas nostra est, ut sub eodem tecto, sub umbra crucis cantilemus, non triste *Miserere*, sed lætissimum *Alleluja*. Totus Paradisus, totus hortus Ecclesiæ resonat, lætissimis vocibus Regina cœli lætare, Alleluja, quia &c. Quanta seges veri gaudii germinet ex mysterio lætissimæ Resurrectionis Christi Salvatoris nostri, vobis proponet hæc concio; benevolam vestram audientiam, quam spero, cupio cedere in honorem Christi gloriose à mortuis resurgentis.

Cap. 3. vers. 11. suæ Epistolæ, quærit S. Jacobus Apostolus: *Nunquid fons de eodem foramine emanat dulcem & amaram aquam?* putat ille hoc loco, linguam hominis esse talem fontem, ex quo fluunt, hinc verba sancta, casta, laus & benedictio Dei; alias ex eodem fonte, ab eadem lingua fluunt pestilentes rivi, blasphemiarum, detractionum &c. Si aliquibus historiis credimus, natura, in montibus, in saxis, variis locis tales posuit fontes, qui certis horis dulcibus fluunt aquis, quæ paulo post sunt falsæ & amaræ. Plinius, talia asserit, de quodam fonte, quem vocat, fontem solis: Verus fons solis est Christus D. gloriose à mortuis resurgens! Ante triduum in monte Calvariæ, sub arbore crucis, in fontibus sanctissimorum Vulnerum gustavimus falsas & amaras aquas, lacrymarum, doloris, compunctionis; Sed hodie lacrymæ nostræ conversæ sunt in dulcedinem, fel in mel; acetum in vinum lætitiæ, spinæ in rosas: ex iisdem canalibus pulcerrimi fontis solis, gustamus, quàm dulcis sit Jesus in Resurrectione. Torrens Cedron conversus est in torrentem ineffabilis voluptatis! De Christi Passione, de ejus morte his diebus doluimus! hodie gaudeamus de Resurrectione; doluimus de tanta Filii Dei ignominia! gaudeamus de tanto honore! doluimus de tantis tormentis, gaudeamus hodie de tanta gloria.

S. 2.
Amara
Christi D.
Passio, hodie est fons
veri gaudii.

83.
Blessis &
Passionis
Christi D.
amatoribus
convenit,
ut in ejus
Resurre-
ctione gau-
deant.

Super lætissimum illum versum cap. 3. v. 18. Abacuc, *Ego autem in Domino gaudebo, & exultabo in Deo Jesu meo*; Chaldaica versio sic habet: *In Deo factore Redemptionis meae*, bene advertit Dionysius Carthusianus. *Quilibet electus dicere potest, Ego autem &c. Convenit hoc cuilibet pugnatori ac militi Christi.* Vos, vos, Auditores, estis illi electi, qui his diebus patienti Salvatori tenerrimo affectu compansionis, condoluistis; hodie convenit, ut gaudeatis. His diebus corda vestra fuerunt plena absinthio & amaritudine; hodie convenit ut gaudeatis (fiat hoc modo pulcra inductio.) Causam advertit Regius Psaltes ps. 99. v. 10. *Latentur cœli, & exultet terra, commoveatur mare & plenitudo ejus; gaudebunt campis & omnia quæ in eis sunt; Tunc exultabunt omnia ligna sylvarum, à facie Domini.* A facie Domini pendens in cruce præ nimio dolore, & compassione tremuerunt elementa, fundamenta montium concussa sunt, columnæ cœli trepidarunt: hodie à pulcerrima facie ejusdem Christi D. à morte resurgentis, rident elementa, lætantur cœli, gaudet terra, gaudent omnes creaturæ, convenit plane, ut & nos clame-
mus, Gaudeamus & exultemus in Deo Jesu nostro: in factore nostræ Redemptionis! Pati debuit, sed resurrexit! mori debuit, sed resurrexit.

9.4
Consolatio
S. Domini.
ai.

S. Dominico, anhelanti ex hoc mundo ad cœlestem gloriam, apparuit formosissimus Angelus, qui illi dixit: *Veni dilecte, & in vera gaudia ingredi.* Probabile est, Viri Sanctissimi oculis objectam fuisse quandam speciem cœlestis beatitudinis, addit enim historia, *Quo nuntio summopere lætatus, certissimam concepit de sua salute fiduciam*, cum ingenti cordis jubilo. Venite, Venite dilecti Auditores mei; Spero fore, ut olim ejusdem gloriæ simus participes, hæc spes, reposita est in sinu nostro; sed etiam dum vivimus, ingredimini vera gaudia, oculos tantum cordis conijcite in Redemptorem vestrum gloriose resurgentem! Christus resurrexit! hoc nuntio interim lætemur in terris; hoc nuntio, gaudeamus; donec in cœlis in eodem Jesu nostro gaudeamus & exultemus.

In stimulo Divini amoris p. i. c. 4. monet Seraphicus Doctor S. Bonaventura, mysteria vitæ Christi, meditanda esse, *ad exultandum!* addit; *Hoc, id est Christus D. in omnibus mysteriis, debet esse cujuslibet contemplantis exultatio medullaris.* Ubinam verò, major materia gaudii & exultationis esse potest, quàm circa Christi D. gloriosam Resurrectionem! Resurrexit hodie Christus! ad exultandum; Prodit è sepulcro corpore glorioso! ad exultandum! radiant in illo quinque cicatrices Vulnerum veluti quinque soles ad exultandum. Resurgit victor mortis & inferni! ad exultandum. Arbori crucis alligatus tremit infernus! ad nostram exultationem! Medullaris nostra exultatio, ineffabile gaudium est gloriosa ejus Resurrectio. Ubinam quæso majorem materiam veri gaudii reperiemus? *qua ab omni potestate diaboli liberamur, à culpa & pœna absolvimur, in Dei filios adoptamur, & Christo in matrimonium jungimur. fuit ante triduum sponsus sanguinum, hodie est sponsus gloria. Egredimini filia Sion qua etiam gratia largitur, cælum aperitur, gloria offertur & datur.*

Prædixit omnia Abacuc cap. 3. v. 3. *Deus ab austro veniet, & Sanctus de monte Pharan.* Septuaginta legunt, *de monte umbroso.* intelligamus per montem hunc umbrosam, montem calvariae, & in illo umbram crucis, vel umbrosam sepulcrum in excavato saxo, in quo triduo quievit cadaver Christi D. de cruce depositi: tertio vero die, ex hoc loco Christus D. à mortuis resurgens, iterum veniet in hunc mundum; & quid fiet? *Splendor ejus, ut lux erit* ait Abacuc. Hugo Card. *Ipse lucerna super candelabrum crucis elevatus erit lux mundi.* S. Aug. *Splendor ejus, ut lux erit, quid est, nisi fama, qua per totum orbem divulgabitur gloria Resurrectionis:* quid est ille splendor, illa lux, nisi infinita pulcritudo gloriosi corporis. Propterea gaudemus & exultamus in Jesu nostro. Resurrectio ejus, est medullaris nostra exultatio; & consolatio. Addit Abacuc causam novæ lætitiæ, his verbis: *Cornua in manibus ejus.* S. Aug. *Cornua in manibus ejus, quid hoc est, nisi trophæum & vexillum crucis.* Hugo Card. sic explicat, *omnia nunc esse in potestate ejus;* de quo S. Hieronymus Christo D. his verbis gratulatur; *Ascendisti Domine palmam quia illud.*

Ec 3

crucis

§. 5.
Christus D.
à mortuis
resurgens
est medul-
laris exultatio.

§. 6.
Pulchra Prophetia Abacuc de gloria & triumpho Christi Resurgentis.

crucis tue lignum portendebat triumphum de diabolo, vel de principibus & potestatibus, vel nequitiiis spiritualibus victoriam: erantque in manibus tuis duo cornua, in quibus erat fortitudo tua abscondita, & per crucem, ut loquitur S. Paulus ad Coloss. 2. v. 15. Exspolians Principatus, & potestates, traduxit confidenter, palam triumphans illos in semetipso. S. Petrus Dam. id est, debellavit aerias potestates, & affixit eas cruci suae.

§ 7.
Alia circumstantia hujus triumphus ex l. 1. reg. c. 2. si ve, ex cantico Anna.

In hoc triumpho gloriosissimæ Resurrectionis, psallere possumus ex Cantico Annæ l. 1. reg. 1. v. 4. *Non est foris, sicut Deus noster. Arcus fortium superatus est; ipse solium gloria tenet, Domini sunt cardines terra. Impii in tenebris conticescunt; custodes sepulcri conticescunt, principes & Pharisei conticescunt; Dominum formidant adversarii ejus. Super ipsos terribili voce, terribilis leo, tonat. Regi Regum, datum est imperium cœli & terræ; sacrosancta Crux, per quam vicit, sublimata est in gloria. Nunquid convenit, ut nos, qui per hunc triumphum ab hostibus liberati sumus, gaudeamus, ut exultemus; ut gloriosus hic triumphus sit medullaris consolatio nostra.*

§ 8.
Qua connectio inter catenas & palmas, in templo Salomonis.

Inter ornamenta templi Salomonici, plena mysteriis, hoc quoque describit v. 5. c. 3. libri 2. Paralipo. *Sculpsit in ea palmas, & quasi catenulas se invicem complectentes.* Sed quid palmæ cum catenis? hæc sunt signa servitutis & captivitatis; illa symbola gloriæ & triumphus, sic est, sed hoc latet mysterium; catenæ quibus Christus D. ante triduum fuit captivus, flagella, quibus fuit flagellatus &c. in Resurrectione conversa sunt in palmam, de qua sponsus dixit Cant. 7. v. 8. *Ascendam in palmam, id est, in crucem, & apprehendam fructus ejus, id est, saluberrimos passionis & crucis meæ effectus obtinebo.* Hoc fecimus hoc triduo, ascendimus & nos in palmam, in crucem, per cruciformem imitationem, nos totos illi affiximus, & inseparabiliter cohesimus Christo crucifixo. Hodie ascendamus in eandem palmam, ut apprehendamus fructus ejus, ut copiose fiamus participes meritorum, ac gaudiorum Resurrectionis ejus. Ad exultandum, conscendamus hanc palmam. Quid mirabilius, (quærit S. Bonav. st. m. d. a. p. 1. c. 1.) quàm quod mors vivificet,

Vul-

Vulnera sanent, sanguis reddat formosum, & nimius dolor, nimium dulcorem inducat.

Ex mente Origenis in Christi Resurrectione impletus fuit §. 9.
 v. 14. cap. 15. Exodi. *Dolores obtinuerunt Philistiim; tunc conturbati sunt Principes Edom, robustos Moab obtinuit tremor; obriguerunt omnes habitatores Chanaan.* Orig. *Fremunt scilicet daemones,* Resurre-
tio Christi
D. est ter-
ror damo-
num.
cum vident regna sua, quae in inferno sunt, penetrata ab eo, qui descendit in inferiora terra. hinc eos comprehendit timor, & tremor, quia senserunt magnitudinem brachii ejus. S. Hier. statim ut crucifixus est Dominus senserunt virtutem crucis, & intellexerunt fractas vires suas. ideo egerunt per Judaeos, ut Rex Israel descenderet de cruce, sed sciens Dominus adversariorum insidias, permansit in patibulo, ut diabolum destrueret. In illa cruce, confossum quidem fuit latus innoxium, & ad horam crucifixus est innocens manibus & mundo corde. Terribilis ille latro, cujus manus plenae sunt sanguine, in hac item confossum est, & confectus; sed Christus aliter, aliter ipse. Christus ad momentum, ille in aeternum. Josue 8. v. 20. gloriosus victor, *Regem quoque Hai, suspendit in patibulo.* Christus D. diabolum suspendit in cruce. Hanc gloriosam victoriam, hunc triumphum gloriosae Resurrectionis, si consideremus, convenit, ut gaudeamus. Domino enim, Passio ista, deliciae sunt; dum portas aereas confringit, dum veetes ferreos conterit, dum omnem potestatem dispoliat, dum de his in se triumphat, dum eum quem. ad imaginem suam fecerat, redimit, dum deliciis. Paradisi restituit.

CON-



CONCIO XXI.

DOMINICA IN ALBIS.

Pax vobis.

Joann. 20. v. 27.

SYNOPSIS CONCIONIS.

Agit de pace, quam inter Deum & homines fecit Christus Dominus, & quam apprecatus fuit suis discipulis. De ejus essentia, fructibus, effectibus, & aliquibus mediis illam acquirendi. Miscentur varia de Paschali gaudio.

- | | |
|---|---|
| <p>§.1. <i>Felicitas S. Thoma, quod ex contactu SS. Vulnerum agnovit Christi Domini Resurrectionem: sic invenit veram pacem.</i></p> <p>§.2. <i>Descriptio pacis, quam fecit Christus D. ex S. Augustino.</i></p> <p>§.3. <i>Pace, & amore Iesu, nihil desiderabilius vel delectabilius.</i></p> <p>§.4. <i>Huic paci, amori Iesu, & paschali letitia adversatur peccatum mortale.</i></p> <p>§.3. <i>Pax Christi secum trahit, veram & solidam humanam vitam & felicitatem.</i></p> <p>§.6. <i>Requiratur ad hanc pacem,</i></p> | <p><i>inconcussa fiducia in Christum.</i></p> <p>§.7. <i>Elegans dictum Seneca, de animo despiciente fortunam.</i></p> <p>§.8. <i>Pax Christi, & paschalis letitia, excludunt inordinatum amorem creaturarum.</i></p> <p>§.9. <i>Quomodo mundus trahet suos amatores.</i></p> <p>§.10. <i>Modus acquirendi veram pacem.</i></p> <p>§.11. <i>Alius modus.</i></p> <p>§.12. <i>Effectus pacis, quam Christus fecit, & nobis apprecatur.</i></p> <p>§.13. <i>Prosecutio.</i></p> <p>§.14. <i>Prosecutio.</i></p> |
|---|---|

Felicem

Felicem manum D. Thomæ, quæ Dominici pectoris secreta rimata est; quas divitias; quos thesauros intus non invenit? Ab illo pectore arcana cœlestia hauserat D. Joannes Evang. dormiendo; S. Thomas vigilando, & scrutando, quas gratias inde hausisse putamus? Grandis schola, quæ subito tales discipulos facit. Evolans inde instar Aquilæ S. Joannes arcana illa eructavit; *In principio erat verbum &c.* Joan: i. v. 1. Alter radio veritatis tractus & irradiatus subtiliter exclamat: *Dominus meus, & Deus meus.* Altius, subita confessio increduli ante Thomæ, sonare nō potuit! quidquid fides habet, brevi elogio & paucis verbis cōprehendit. Hominē palpat, & Deum vocat. Vulnera crucifixi intuetur, & Divinitatem conjunctam Humanitati profitetur. Quam aperte, quam nude, quam fideliter Christum crucifixum & resurgentem vocat Deum! Ait illi propterea Dominus; *Quia vidisti me Thomas credidisti; beati qui non viderunt & crediderunt.* Grandis, hæc verba nobis sunt consolatio; nam quis non cogitat; O beati oculi! O dulcia tempora, O lætum diem, quo Thomas & Apostoli Christum à mortuis resurgentem, viderunt, palparunt & crediderunt! *Beati oculi qui vident, quæ vos videtis,* ait ipse Dominus Luc. 10. v. 23. *Sed & beati, qui non viderunt & crediderunt.* Fuit illud majoris solatii, hoc altioris est meriti. 1. Petri. i. c. v. 8. *Quem cum non videritis, diligitis, in quem nunc quoque non videntes creditis, credentes autem exultabitis lætitia inenarrabili & glorificata, reportantes finem fidei vestrae, salutem animarum vestrarum.* Id est, eadem fide & nos accedere possumus ad altum cor Christi & ibidem reperire pacem, quam reperit S. Thomas; de cujus effectibus, fructibus & mediis ager hæc concio.

Barnagasius Rex Æthiopiæ, ut ostenderet Prætori Indiarum, desiderare se, pacem quam cum Lusitanis facere cogitabat, desiderare, esse stabilem & firmā, arrepto crucifixo, ruit ingenua, & dixit; *Quam pacē Iesus Christus humani generis Redemptor discipulis reliquit, eadem esto inter nos.* Cum in consideratione hodierni Evangelii hæc historia mihi veniat in mentem, cogitavi.

Alveus Tertius.

Ff

tavi.

S. 1.

Felicitas 2.

Thoma,

quod ex

contactu

ss. Vulne-

rum agno-

verit Christi

si D. re-

surrectio-

nem. Sic in-

venit ve-

ram pacem

S. 2.

Descriptio

pacio quam

fecit Chri-

stus D. ex S.

Augustino.

tavi. Pax, quam Christus D. moriendo in cruce; & gloriose resurgendo à mortuis fecit, & quam discipulis suis reliquit; *est serenitas mentis, tranquillitas animi, simplicitas cordis, vinculum amoris.* Italoquitur S. Aug. ser. 52. de verbis Domini. omnia hæc expertus fuit S. Thomas. Ob pertinacem infidelitatem, mens ejus erat turbata, animus inquietus; cor ejus divisum in partes: credam, non credam; ideo separatus à Deo suo, sine amore erga mortuum Magistrum, sed, momento &c. (pulcrum describe immutationem S. Thomæ.) Auditores amantissimi, eadem pax sit inter nos, sive ut Christus D. ait, *Pax vobis.* Universalis in tota Europa oritur applausus & gaudium, cum inter Reges & Monarchas post diuturnum bellum pax concluditur; in omnium subditorum mentibus oritur quædam serenitas & tranquillitas. Pacis meditatoribus, omnes boni apprecantur mille benedictiones; digni sunt omnium amore, & eo majori, quo hostes devicti fuerunt potentiores. Totius generis humani, hostis terribilis fuit infernalis Lucifer; sed sub pedibus Christi resurgentis devictus gemit. (sic de morte, peccato &c.) *Pax vobis!* id est, gaudete, exultate, jubilate. Animæ piæ, certæ de hoc articulo fidei nostræ, de gloriosa Christi Resurrectione, ex aspectu gloriosissimorum Vulnerum; participes pacis, quam suo sanguine acquisivit, serenantur, tranquillantur, corde læto & simplici glorioso victori decantant lætum Alleluja, & millies ingeminant, victori agno, sit benedictio, laus, honor & gloria. In hoc mentis jubilo, unica illis voluptas est, & summa in terris consolatio, vinculo amoris alligari Christo, & amare Jesum. Auditores dilectissimi, eadem pax sit inter nos. Pax vobis. Vos quoque animo tranquillo &c. in pace amate Jesum gloriose à mortuis resurgentem.

S. 3.
Pax, &
amore te-
su nihil de-
siderabi-
lius, vel
delectabi-
lius.

De pace alicujus regni, ait idem S. Aug. l. 19. de civit. Dei cap. ii. *Tantum est pacis donum, ut etiam in rebus terreis atque mortalibus, nihil gratius soleat audiri; nihil desiderabilius concupisci, nihil melius inveniri.* Sicuti e contra, bello nihil est exosius. Salus, quies, prosperitas alicujus regni, est pax & concordia. Ruina, interitus, odia & discordiæ. Sic eadem dici possunt, & dici

& dici debent, de pace cujusvis animæ, quam nobis Christus D. comparavit, quod tantū sit ejus donum, ut nihil animæ sit grarius, nihil ab illa possit concupisci desiderabilius, nihil melius inveniri; si præterea hæc pax necessario involvit amorem Jesu, verissimi sunt illi versus ex júbilo S. Bernardi.

*Iesu dulcis memoria,
 Dans vera cordis gaudia,
 Sed super mel & omnia
 Ejus dulcis presentia.
 Nil canitur suavis,
 Nil audietur jucundius,
 Nil cogitatur dulcius,
 Quam Iesus Dei filius!*

Pax vobis, auditores! sit hæc pax inter nos; sit in cordibus nostris Iesus gloriose à mortuis resurgens, & jubilabimus, & cantabimus hoc paschali tempore, cum S. Bernardo;

*Iesus dulcedo cordium!
 Excedens omne gaudium
 Et omne desiderium!
 Nec lingua valet dicere,
 Nec litera exprimere.
 Expertus potest credere,
 Quid sit Iesum diligere!*

quàm dulcis, quàm suavis, quàm desiderabilis sit hæc pax! Pax hæc sit inter nos; & dicemus.

*Iesum omnes agnoscite,
 Amorem ejus poscite,
 Iesum ardentèr quarite, Iesus resurgens,
 In aure dulce canticum,
 In ore mēl mirificum,
 In corde nectar calicum.
 Ejus amor ardet suaviter,
 Dulcescit mirabiliter,
 Sapit delectabiliter,
 Delectat & feliciter.*

tavi. Pax, quam Christus D. moriendo in cruce; & gloriose resurgendo à mortuis fecit, & quam discipulis suis reliquit; *est serenitas mentis, tranquillitas animi, simplicitas cordis, vinculum amoris.* Italoquitur S. Aug. ser. 52. de verbis Domini. omnia hæc expertus fuit S. Thomas. Ob pertinacem infidelitatem, mens ejus erat turbata, animus inquietus; cor ejus divisum in partes: credam, non credam; ideo separatus à Deo suo, sine amore erga mortuum Magistrum, sed, momento &c. (pulcrum describe immutationem S. Thomæ.) Auditores amantiissimi, eadem pax sit inter nos, sive ut Christus D. ait, *Pax vobis.* Universalis in tota Europa oritur applausus & gaudium, cum inter Reges & Monarchas post diuturnum bellum pax concluditur; in omnium subditorum mentibus oritur quædam serenitas & tranquillitas. Pacis meditatoribus, omnes boni apprecantur mille benedictiones; digni sunt omnium amore, & eo majori, quo hostes deviæti fuerunt potentiores. Totius generis humani, hostis terribilis fuit infernalis Lucifer; sed sub pedibus Christi resurgentis deviætus gemit. (sic de morte, peccato &c.) *Pax vobis!* id est, gaudete, exultate, jubilate. Animæ piæ, certæ de hoc articulo fidei nostræ, de gloriosa Christi Resurrectione, ex aspectu gloriosissimorum Vulnerum; participes pacis, quam suo sanguine acquisivit, serenantur, tranquilluntur, corde læto & simplici glorioso victori decantant lætum Alleluja, & millies ingeminant, victori agno, sit benedictio, laus, honor & gloria. In hoc mentis jubilo, unica illis voluptas est, & summa in terris consolatio, vinculo amoris alligari Christo, & amare Jesum. Auditores dilectissimi, eadem pax sit inter nos. Pax vobis. Vos quoque animo tranquillo &c. in pace amate Jesum gloriose à mortuis resurgentem.

S. 3.
Pax, &
amore le-
su nihil de-
siderabi-
lius, vel
delectabili-
us,

De pace alicujus regni, ait idem S. Aug. l. 19. de civit. Dei cap. II. *Tantum est pacis donum, ut etiam in rebus terrenis atque mortalibus, nihil gratius soleat audiri, nihil desiderabilius concupisci, nihil melius inveniri.* Sicuti e contra, bello nihil est exosius. Salus, quies, prosperitas alicujus regni, est pax & concordia. Ruina, interitus, odia & discordiæ. Sic eadem dici possunt, & dici

& dici debent, de pace cujusvis animæ, quam nobis Christus D. comparavit, quod tantū sit ejus donum, ut nihil animæ sit gratius, nihil ab illa possit concupisci desiderabilius, nihil melius inveniri; si præterea hæc pax necessario involvit amorem Jesu, verissimi sunt illi versus ex jubilo S. Bernardi.

*Iesu dulcis memoria,
 Dans vera cordis gaudia,
 Sed super mel & omnia
 Ejus dulcis presentia.
 Nil canitur suavius,
 Nil auditur jucundius,
 Nil cogitatur dulcius,
 Quam Iesus Dei filius!*

Pax vobis, auditores! sit hæc pax inter nos; sit in cordibus nostris Iesus gloriose à mortuis resurgens, & jubilabimus, & cantabimus hoc paschali tempore, cum S. Bernardo;

*Iesus dulcedo cordium!
 Excedens omne gaudium
 Et omne desiderium!
 Nec lingua valet dicere,
 Nec litera exprimere.
 Expertus potest credere,
 Quid sit Iesum diligere!*

quàm dulcis, quàm suavis, quàm desiderabilis sit hæc pax! Pax hæc sit inter nos; & dicemus.

*Iesum omnes agnoscite,
 Amorem ejus poscite,
 Iesum ardentem querite, Iesus resurgens,
 In aure dulce canticum,
 In ore mell mirificum,
 In corde neētar calicum.
 Ejus amor ardet suaviter,
 Dulcescit mirabiliter,
 Sapit delectabiliter,
 Delectat & feliciter.*

Semper! sed præsertim paschali tempore. Sic tandem suum
Jubilum concludit, mellifluus S. Bernardus,

Iesus in pace imperat, (p. hoc)

Quæ omnem sensum superat,

Hanc mea mens desiderat,

Et ea frui properat;

Quem prosequamur laudibus,

Votis, hymnis & precibus,

Ut nos donet cælestibus,

Secum perfrui sedibus. Pax vobis!

S. 4.
Paci, pa-
schali la-
etitiae &
amori Iesu
adversa-
tur quod-
vis pecca-
tum mor-
tale.

Huic paci, huic amori, & lætitiæ inde exultanti; verbo, lætitiæ & consolationi paschali, directè adversatur quodvis peccatum mortale; nemo sperat se participem esse posse pacis, quam Christus fecit, si cor intus rodatur à verme, cujusvis gravis peccati; nascitur ex tali vulnere necessario dolor, inquietudo, & quædam amarities: quod cum magna emphasi declaravit S. Petrus ep. I. cap. I. v. 2. ad Rom. I. v. 7. dum enim Romanis pacem apprecantur, prius ajunt; *Gratia vobis! & pax.* Mentem Apostoli eleganter exponit elegans dictum Gregorii VII. à quo cum Henricus IV. hæreticus, hæres regni Galliarum, pacem & amicitiam peteret, dixit summus Pontifex; *Pacis conditiones non despexero, modo Henricus prius cum Deo pacem ineat.* Hæc est mens Christi D. resurgentis à morte. Omnino paratus est nobis communicare fructus sacrosanctæ suæ crucis, ideo pacem apprecatur: sed mei auditores; prius gratia Dei sit in cordibus vestris; oportet prius tollere semen & radicem inimicitarum inter nos & Deum, necesse est ut prius eradicemus malum germen, odii divini erga nos; hoc requiritur, ut prius per paschalem Confessionem tollamus omne peccatum mortale; hæc in nobis debet esse serenitas & tranquillitas, ut cum Deo fecerimus pacem. In pace, in tali pacifico corde est locus & habitatio Jesu resurgentis. ibi oritur & fluit ille dulcis fons paschalis lætitiæ. ut Joannes Climacus animam quietam, ornatam gratia, eleganter vocarit *Thronum Christi*; Sponsus, *suum lectulum*: sicut vice versa, anima inquieta, ob peccatum mortale est thronus & habitatio diaboli; pax Christi facit nos tranquillos & quietos.

Atto-

Attonitus hæreo, cum lego Senecam gentilem philosophum ausum fuisse scribere sequentia l. de vita beata, cap. 25. *Non ideo me dicam inter miserrima, miserum* (v. g. in fame, siti, nuditate &c.) *non ideo aliquem execrabor diem; provisum enim est à me, ne quis mihi ater dies esset! & quæ ratione? quo medio? Pace!* ait. Epictetus suis discipulis dicere fuit solitus; hanc auream cordibus vestris imprimite maximam, nil esse utilius, quàm studere paci. Agnoscitis me Magistrum? mea itaque intentio est, vos reddere, homines tranquillos, pacificos, constantes, liberos, felices; ut quivis dicere possit de se, *nihil mali exterius mihi accidere potest, pro me non est fur, non est alia calamitas, in omnibus sum in pace.* Umbram tantum aliquam veræ pacis agnoverunt hi gentiles philosophi, quid dixissent, si tam fuissent felices, ut Christum D. Principem pacis vidissent in terris. Postquam Filius Dei venit in hunc mundum, postquam mortuus est in cruce, postquam resurrexit, quisquis hoc credit, dicere potest, *Non ideo &c.* (fiat pl. repetitio) quo medio? In pace, quam Jesus fecit! Christus resurrexit! in hac pace, si volumus, sumus homines, tranquilli &c. Eadem pax sit inter nos auditores! *Pax vobis!*

Verùm, quomodo est possibile, ut mortalis homo in hac peregrinatione, in hac militia, in carcere hujus mundi, in tēpestuoso pelago, inter tot fluctus, inter tot labores, inter tot hostes, inter tot spinas, sit sine metu? sine sollicitudine? sine timoribus? in continua pace! respondeo objectioni, cū Seneca ep. 44. *Summa beata vita, est solida tranquillitas animi, & ejus inconcussa fiducia.* O si talem fiduciam collocarem in Christo D. resurgente! in qua viveremus pace! Tempore Justiniani Imperatoris Antiochia, celeberrima urbs, conquassata fuit terribilibus terræ motibus, corruebant muri, dejiciebantur turrets, solo æquata fueret palatia; ingens totius urbis terror, & consternatio, ut in repentinis his casibus fieri assolet; donec jussu Imperatoris residuarum ædium portis inscripta fuere hæc verba; *Christus nobiscum! state!* mox cessarunt terræ motus. Et quid timetis auditores? nova bella? si nobis est pax, si Christus resurgens no-

S. J.
Pax Christi,
scilicet, secum
trahit, veram humanam vitam
felicissimam.

S. S.
Requiritur
ad hanc pacem inconcussa fiducia in Christo.

biscum est, state! timeris pestem, si &c. Timetis fortassis diabolum! quem Christus vicit! qui nobiscum est, state. Summam habemus beatæ vitæ &c. inconcussa nostra in Jesu resurgente fiducia. Prov. 10. v. 30. *Iustus in æt. non commovebitur.* Prov. 12. 2. *Non contristabit iustum, quidquid ei acciderit.*

§. 7.
Elegans di-
ctum Sen-
cæ.

Illi, qui hanc pacem quærit, ait Seneca, *tantum opus est ani-
mo sano, & erecto, & despiciente fortunam.* addo ego, hoc pascha-
li tempore, & amante Jesum gloriose à mortuis resurgente.
Amatoribus Jesu, pax, quam fecit in cruce, quam stabilivit in
resurrectionum. Seneca ep. 20. vel. 10. *huc cogitationes tua ten-
dant, hoc cura, hoc opta, omnia alia vota Deo remissurus, ut contentus
sis te ipso, & ex te nascentibus bonis, quæ potest esse felicitas Deo pro-
prior: redige te ad parva, ex quibus cadere non possis.*

§ 8.
Pax Chri-
sti & pa-
schalis la-
etitiae ex-
cludunt in-
ordinatum
amorem
creatura-
rum.

Hic advertite; hunc amorem, hanc pacem, sive paschale
in corde jubilum, excludere inordinatum amorem creatura-
rum, & concupiscentiarum, quæ hanc pacem necessario inter-
turbant. In bonis hujus mundi non reperitur verum gaudium,
sed potius amaritudo. Pie quærit S. Chrysostomus hom. de
negat. Petri, t. 6. *Qua tandem de causa Dominus in cruce siti vexa-
batur, qui fecit ut prædura petra in stagnum abiret? quia nimirum
quod scriptum erat, oportebat impleri: dederunt in escam meam fel,
& in siti mea potaverunt me aceto. Talia sunt Iudaica vineæ torcu-
laria. Etenim ex vinea Sodomorum, vinea eorum. Illorum siquidem
torcularia, acetum, & amaritudo. Ideo noluit gustare Christus
D. Ite filii hominum; ite currite per prata hujus mundi, bibite
ex cisternis Babyloniarum; fel draconis invenietis. Non est pax,
neque gaudium impiis! Nostra vindemia, (ait S. Chrysost.) *dulcedo
& immortalitas. Nostrum torcular, est SS. Crux; noster botrus Cy-
pri, est Deus resurgens à mortuis, nostri fontes, sunt rosea ejus Vulne-
ra! Vinum nostrum, est pax, gaudium, cum vocibus exultationis;
propterea dixit David ps. 33. v. 9, Gustate & videte, quoniam sua-
vis est Dominus.**

§. 9.
Quomodo
mundus
trahet

L. 3. reg. c. 22. v. 27. ait Rex Israel de Michæa propheta.
*Mittite virum in carcerem, & sustentate eum pane tribulationis, &
aqua angustiae.* Talis scilicet est panis, tribulationis! talis est
aqua,

aqua, angustiae, talia sunt gaudia, quae provenire possunt de ^{suos ama-} manu hujus mundi. ^{lores.} Career est! locus est famis, egestatis & tribulationis. Omnia mundi hujus bona, quibus gaudent vani filii hominum, etsi splendida, etsi magna videantur, parva sunt, quae potius affligunt & angustiam creant famis atque sitis, quam ut veram afferant saturitatem. Ut ipsi fateantur! apud S. Greg. hom. 36. in Evang. *Fastidio ergo nostrae dulcedinis tabescimus, & longa inedia peste fatigamur. Et quia gustare intus nolumus paratam dulcedinem (à Deo) amamus, foris, miseri, famem nostram cum magna afflictione, juxta illud Jobi c. 20. v. 22. Cum satiatus fuerit, arctabitur, astuabit, & omnis dolor irruct super eum.* D. August. legit. *Cum putaverit, se repletum esse, coarctabitur: & S. Aug. ibi. Non tam satietas est, de plenitudine cupiditatum, quam pressura.* II. c. 48. v. 22. *Non est pax impiis.* Forerius: *Omnia in malum eis cedunt. Et considerandum est improbos à se pacem, & veram tranquillitatem repellere, sequuntur enim affectus suos, qui nunquam sibi constant: seminant iniquitates, metuunt dolores.*

Pax sit meis auditoribus! id est, si ad illam (sunt verba Richardi de S. Vict. ser. de Spiritu S.) ^{§. 10.} internam & supernam dulcedinem (adde ego ^{Modus ac-} cujus fons est gloriosa Christi D. Resurrectio) ^{quirendi.} inhias; si ad veram & aeternam suavitatem, ^{veram pa-} suspiras, audi quid tibi cem. *di vinitus promittitur & precipitur. Dilata os tuum, & implebo illud. Certe si terrena oblectamenta esuris, si carnales voluptates sitis, melius est tibi, os tuum contrahere, quam dilatare. desiderium tuum restringere, quam extendere: cum nusquam locorum invenias, unde illud satiare, & illi satisfacere valeas. In sola pace, quae est in Christo Jesu, est vera quies.*

Aliud medium acquirendi veram pacem nobis suggerit ^{§. 17.} saepius citatus Seneca l. 3. de ira c. 26. ^{Alium modum,} *Unum est levamen malorum ingentium, pati, & necessitatibus suis obsequi.* ep. 61. ait. *Itaque animum sic componamus, ut quidquid res exigit; (nos Christiani hanc rem vocamus, voluntatem Dei) id velimus.* Elegantissime locutus fuit Seneca, sed desunt illae voculae, exemplo Christi, sive versus: *Nonne haec oportuit pati Christum, & ita intrare in gloriam suam* Luc. 24. v. 26.

Pax vobis! ut in patientia vestra possideatis animas vestras. Hinc oritur paschale gaudium.

§. 12.
*Effectus
pactis. quam
Christus fe-
cit & no-
bis appre-
ciatur.*

Redeo ad prima mea verba, Pax, quam Christus fecit, sit internos. Pax, quam Christus D. nobis apprecatur, sive gratia ut Apostoli loquuntur, *gratia & pax sit vobis, in Christo Iesu*, non tantum est Christi D. erga nos benevolentia, & favor, sed omne illud, quod ex illo, utpote non inani, sed liberali, & efficaci, sequitur, scilicet, omne gratuitum Dei beneficium, quo homo dirigitur ad salutem, qualia sunt fides, spes, caritas, virtutes, earum augmenta, remissio peccatorum, illuminationes intellectus, impulsus voluntatis ad piam vitam, bona opera, in illis perseverentia; quies deinde conscientiae, ut quæ ante pascha cogitatione scelerum, & terrore Dei fuit perturbata, jam peccatis per sang. Christi remissis in quiete sit, & quieta Deo serviat; &c. Pax vobis auditores! hoc precor &c.

§. 13.
Prosecutio.

Hæc est illa pax, ait S. Hier. qua mens nullis passionibus perturbatur; sancta enim anima, sentiens his paschalibus feriis per Christi D. passionem & mortem, se liberatâ à terrore peccatorum, & poenarum, mira animi pace & tranquillitate perfruitur, ut in externas Dei laudes erumpat, cum Regio Psalte, *Confitemini Domino &c.* Hæc pax tantum est bonum, ut exuperet omnem sensum, ut Apostolus loquitur ad Philip. 4. 7. & hodie expertus fuit S. Thomas. Hæc pax, est illa reconciliatio, quam fecit Deus cum hominibus, quando olim eis iratus jam per Christum factus est placatus. Unde Christus dicitur, *pax nostra* id est, causa pacis. De qua cecinerunt Angeli in ejus Nativitate, Gloria in excelsis Deo, & in terra pax, hominibus bonæ voluntatis. Et hæc pax exuperat omnem sensum, id est, intelligi non potest, qualis & quanta sit hæc pax. Hæc sit inter nos!

§. 14.
Prosecutio.

Hæc pax magnam in justo inducit confidentiam, & ex ea magnanimitatem; qui enim scit se pacem habere cum Deo, se esse in Dei gratia, imo Dei amicum & filium, se Deum habere Patrem; Patrem, inquam, amantissimum, qui summam filiorum suorum curam & providentiam gerat; omniaque eis faciat cooperari in bonum, ad majus gratiæ & gloriæ meritum. Si præ-
terea

terea talis sit particeps paschalis gaudii, si memor sit gloriæ, qua Christus D. resurrexit à mortuis, cum spe se illi aliquando in gloria fore similem; quisquis inquam hæc serio cogitat, & perpendit, hic Deo totus confidit, illi se, suaque omnia committit; Hæc pax sit inter nos, firma & stabilis. Christus illam fecit II. 32. v. 27. *Et erit opus iustitiæ* (p. per Christi D. passionem) *Pax, cultus iustitiæ, & sedebit populus meus in pulchritudine pacis.* alia lectio. *in civitate pacis.* fac p. epilogum; ps. 118. v. 165. dixit psaltes, *pax multa diligentibus legem tuam.* Dico ego hodie pax multa diligentibus Jesum gloriose à mortuis resurgentem! triumphantem: meque è durissima Pharaonis infernalis servitute liberantem, & in promissam terram reducentem.



CONCIO XXII.

DOMINICA II. POST PASCHA.

Ego sum Pastor bonus.

Joann. 10. cap. v. 10.

SYNOPSIS CONCIONIS.

Christus D. est Pastor bonus, quia suas oviculas ereptas ex faucibus infernalis lupi, pascit & nutrit delicate!

- | | |
|---|--|
| §. 1. <i>Christus D. est Pastor bonus, qui suas oviculas eruit ex ore leonis.</i> | §. 4. <i>Vnde oriatur & scaturiat suavis potus Eucharistici.</i> |
| §. 2. <i>Erutas pascit delicate; cuius figura fuit convivium Aſveri.</i> | §. 5. <i>Quo fructu Ovicula Christi ita pascantur, & potantur.</i> |
| §. 3. <i>Pascit illas carne sua, & potat suo sanguine in Eucharistia.</i> | §. 6. <i>Quomodo bonus Pastor, Christus D. suas oviculas pascat adipe frumenti ex ps. 147.</i> |
| Alveus Tertius. | §. 7. <i>Ovicula, sic pascit roborantur,</i> |

*tur, ut non timeant inferna-
lem lupum.*

§.8. *Sed caveant, ne deserant bo-
num pastorem, cum magnis pe-
riculis.*

§.9. *Bonus Pastor Christus D. suas
oviculas deducit, ut quondam*

*Deus populum ex Aegypto in
terram promissionis.*

§.10. *Alia querela contra quas-
dam Oviculas.*

§.11. *Laus menstruae communio-
nis.*

§.1.
*Christus
D. est pa-
stor bonus,
qui suas
oviculas
eruit ex
faucibus
leonum.*

INter elogia, quibus Jesum gloriose à morte resurgentem magnificamus, non postremum est illud, quo in hodierno Evangelio se ipsum vocat bonum Pastorem. Figura fuit generosus David, qui adhuc pastor l. i. Reg. cap. 17. v. 34. dixit ad Saul, *pascibat servus tuus patris sui gregem, & veniebat leo, vel ursus, & tollebat arietem de medio gregis. Et persequabar eos, & percutiebam & eruebam de ore eorum.* Quanta fortitudo Davi- dis, & Pastoris in eruendis suis oviculis ex ipsis faucibus bestia- rum? Illam, in gloriosa Christi D. resurrectione; iterum *germi- nare fecit Dominus*, quod promiserat per Jeremiam cap. 33. v. 15. in Jesu Salvatore nostro: nam, ut D. Ephrem ait l. de poen. *Da- vid arietem de ore ursi eruit, ut divina in eo demonstretur bonitas. At quisnam hic ursus? Iniquitas? Et quis aries? latro in cruce propter iniquitatem affixus. Qui cum solum verbum loqueretur, sicut Da- vid arietem, ita & Christus ex mortis faucibus, latronem exemit & liberavit.* Et quisnam leo? nunquid diabolus? quis aries? an non totum genus humanum, sed David! sed Pastor bonus! sed fortis vir qui nos ex tartari faucibus eripuit, est Christus D. gloriose resurgens à mortuis. Quod Amos prædixit c. 3. v. 12. *Quomodo si eruat pastor de ore leonis arietem vel oviculam, sic eru- entur filii Israël.* D. Cyr. Al. ibi. Humanum genus Satanas ra- puerat ac devoraverat atrocius, quam immanes belluæ solent. Sed apparuit & occurrit Pastor bonus, qui posuit animam suam pro ovibus suis, & eripuit nos, qui jã eramus mortui, nã ut ait ps. 57. v. 7. *Molas leonum confregit.* Fortis Pastor ut ulterius probet se esse bonum pastorem, erutas & liberatas oviculas, pascit deli- cate. Quod hac concione vobis fufius exponam.

Chri-

Christus D. est pastor, qui oviculas suas ducit ad pascua pin-
 guia, & pascit eos suaviter. Figura fuit convivium Asveri, de quo ^{S. 2.} Ernas pa-
 ait c. 1. Esth. v. 3. *Fecit grande convivium ut ostenderet divitias gloria* ^{scit delica-}
regni sui. Et Christus D. gloriose à mortuis resurgens, ut osten- ^{te: cujus}
 dat divitias sui amoris, suæ liberalitatis &c. ut ostēdat se esse bo- ^{figura fuit}
 num pastorem, suaviori convivio delicatissime pascit suas oves. ^{convivi-}
 Conc. Trid. *Salvator discessurus ex hoc mundo, sacramentum hoc* ^{um Asveri}
instituit, in quo divitias divini sui erga homines amoris, velut effu-
dit. Delicatissime pascit enim oviculas. Suaviter D. Laur.
 Justin. opusc. de cont. mundi cap. 13. ait: *Sponsus, dico ego ho-*
die pastor bonus, se præbet benivolū; suos pascit, atque inter eos,
tanquam inter lilia, ipse potatur & pascitur. In mensa aliqua re-
 gia suavissime sapiunt illi cibi, quos Rex ipse gustat, & gustatos
 regia manu suis offert, hoc fecit Christus D. p. Versum illum c. 6.
 Cant. v. 16. *Qui pascitur inter lilia,* sic legit Symmachus. *Qui*
pascit flores. super quæ verba Theodoretus ait, *eos qui facti sunt*
lilia, pascit: dicamus ex hod. Eu. candidas oviculas, & eos qui di-
 gnisunt, pascit in liliis. Animæ piæ: estote oviculæ: estote lilia:
 candidi, immaculati &c. non deerunt pascua bona plena liliis,
 plena rosis, plena cœlestib. solatiis &c. Eleganter hic Guilh. Ab.
Lilia agri, electi homines sunt; lilia cæli, sancti Angeli: Virique ni-
zent & redolent: sed angeli purius nitent, & suavius redolent, do-
nec lilia agri, manu sponsi collecta cœlestibus liliis socientur. Erimus
 aliquando participes gloriæ resurr. Inter cæli lilia comitabi-
 mur agnum &c. Interim tamen dum remanere cogimur in
 hac valle lacrymarum, inter spinas, cœlestis sponsus, & pastor li-
 lia, sive oviculas delicatissime pascit.

Panem vel cibum, quo pastor bonus pascit suas oviculas, ^{S. 3.}
 potum, quo illas potat, super verba Christi D. *accipite & comedi-* ^{Pascit illas}
te &c. paucis verbis explicat D. August. ser. ad Neoph. *Hoc ac-* ^{carne sua}
cipite in pane, quod pendit in cruce; & hoc accipite in calice, quod ^{& potas}
effusum est de Christi latere. Quo cibo dulcius, quo potu sua- ^{sanguine}
 vius suas oviculas cibare & potare potest? de convivio Asveri ^{suo in Eu-}
 dicitur. *Vinum quoque magnificentia regia dignum erat abundans* ^{charistia.}
& præcipuum. Septuaginta legunt: *Vinum multum, & suave,*

quod ipse Rex bibeat. P. Serrarius putat fuisse vinum Chalibonium, hebraice dictum, Cheleb, id est, lacteum; ea enim erat suavitate, quæ lactis dulcedinem & pinguedinem referret. Quo spectans Isaias exclamavit, cap. 55. v. 1. *Omnes sitientes venite ad aquas, & qui non habetis argentum properate, emite & comedite, venite, emite absque argento, & absque ulla commutatione, vinum & lac.* Ad aquas invitat, & ecce statim offert vinum, & lac, sive suavissimum potum. Sic sponsus ait Cant. 5. v. 1. *Comedi favum meum, cum melle meo, bibi vinum meum cum lacte meo.* Græcus textus ait, *comedi panem meum cum melle meo.* Et quis non advertit in his locis, panem, favum, mel, lac, aquam, vinum, proponi tanquam symbola, dulcissimi panis, & suavissimi potus, quo bonus pastor, in Eucharistia, sive in Sacramento altaris, suas oviculas, quoties volunt, cibant & potant delicatissime: pane, favo, melle, vino, lacte.

§. 4.
Unde oriatur suavis
sui potus
Eucharistia
sua.

Scaturiginem tantæ dulcedinis in hoc potu subtiliter advertit Rupertus l. 2. cap. 29. super illa verba Genesis c. 2. v. 10. *Fluvius egrediebatur de loco voluptatis ad irrigandum Paradisum; qui inde dividitur in quatuor capita.* Insinuat sacra scriptura, aquas huius fluvii, antequam egrederentur ex paradiso, fuisse aquas maris, proinde amaras & salsas; unde ergo subito factæ sunt suaves & dulces, quales sunt aquæ paradisi. Respondet cit. Rupertus. *In hoc miram terra paradisiaca commendare intendit dulcedinem; quia videlicet aquarum natura salsa est, nec potui habilis: sicut in semetipso mare ostendit. Ascendens autem de abyssu in illam quasi terra mammam, id est, paradisi fontem, quodammodo lacteam assumit dulcedinem.* Venite oviculæ: illum sequimini pastorem, qui vos deducit ad fontem paradisi: imo ipse, est ipse fons omnis dulcedinis, dulcis terra paradisi est delicatissima ejus caro: terra est corpus ejus &c. Regiis mamillis, sanguine dulcissimo stillantibus, suos pascit. Pulcre D. Greg. Nicanus hom. 10. in Cant. *Ei, qui quarit nutrimentum, fit panis, qui non amplius comeditur cum lactucis agrestibus, ut lex jubet, sed ex se ipso mel efficitur. Ei autem qui sitit, fit vinum & lac, non spongia felle & aceto imbuta, quam Hebræi per amaritudinem porrexerunt suo benefactori.*

Terra

Terra paradisi fuit quasi mamma, in qua aquæ factæ sunt dulces. Mamma boni pastoris est dulcissimum ejus cor, & apertum latus, ex quo fonte in cruce, tam dulces effluerunt aquæ, quibus in Eucharistia à bono pastore suavissime lactamur.

Fructum advertit Paschasius l. de corp. & sang. Domini ^{S. 5.} c. 21. ^{Quo fructu} Legimus in Salomone, quod sapientiam miscuerit vinum suum, ^{ovicula} quod sane vinum est illud, quod refunditur ad altare. Ideo fit! (id christiana ^{pascitur} est ideo Christus D. instituit Eucharistiam) ut sanguis Christi, in- ^{& potum} de pro nostris exhauriendis quotidie peccatis, rursus in pretium nostra sumatur Redemptionis, & interior homo noster, per hoc plenius innovetur. Agnus Dei quotidie in missa rursum effundit suum sang. p. ideo cum subinde contingit ut oviculæ fiant scabiosæ, vel ut à lupo vulnerentur; tum boni pastoris officium est, ut tales oviculas lavet, & sanet. Oviculæ Christi scabiosæ, tot lethaliter vulneratæ, mundantur & sanantur, precioso sanguine Christi in Sacramento pœnitentiæ, sed plus ultra procedit amor optimi nostri pastoris; non sufficit ipsius caritati, ut munda sint oviculæ &c. sed vult ut eadem sibi conjungantur, non modo moribus & vita, verum etiam & unitate naturæ, per corpus & sanguinem ejus, per divinum, cœlestem & angelicum cibum quem in Eucharistia nobis reliquit. D. Leo ser. ii. de pass. Fudit sang. justum, qui reconciliando precium esset, & posulum. Inde fit, ut in illius forma inveniamur. O felices oviculas! quæ deliceate pastæ & potæ inveniuntur in forma pastoris. Pastor noster, mansuetus est & suavis; tales esse debemus oviculæ! Pastor noster, humilis est &c. Pastor noster bonus, tenerrimè amat suas oviculas; ut vicissim ardentissimè amemus tam bonum pastorem.

Psal. 147. v. 14. David ait de nostro pastore, quod suas oviculas ^{S. 6.} ^{Quomodo} satiet adipe frumenti. ubi Pasch. quærit l. de corp. Domini ^{pastor bonum} cap. 9. ^{suas} Quod hoc frumentum: corpus videlicet Christi adipem habet, & non solum adipem, sed & omnes delicias. Ita & potus sanguinis! Unde quod de petra typice manavit, nunc mel, nunc oleum, nunc ^{pasci} [&] ^{oviculas} ^{satiet adipe} ^{frumenti} aqua, nunc quoque potus dicitur; quia quidquid prægustare spiritualiter pœgneris, hoc totum ibidem invenies. Audivisti aliquando ex ^{ti exp. 147}

e. 32. Deuter. v. 13. *ut populus sugeret mel de petra, oleumque de saxo durissimo?* ex c. 8. Deuteron. v. 15. *eduxit rivus de petra.* ex I. Cor. c. 10. v. 1. *eundem potum spiritalem biberunt, consequente eos petra.* Sic petra, quæ figura fuit Christi D. & mel, & oleum, & aquam, & potum dicitur exhibuisse, ut innuatur, quàm delicate bonus pastor Christus Jesus pascat, nutriet, & potet suas oviculas. D. Zenol. 3. *Illis sitientibus petra fluxit in poculum. ad Christi fontem qui biberis, in at. sitire non novit. Illis in deserto suavitas lactis & mellis exhibita est: nobis vero quod plus est, melle dulcior & lacte candidior aeterna vita beatitudo Dei retribuetur in regno.* O felices oviculæ. monet Julius Firmicus; *Christi panem, Christi poculum quarite, ut immortalis pabulo saginemini:* quo verbo etiam usus est cit. D. Pasch. c. 10. *Ideo, speciem vini jure tenet in sensu, dum spiritualiter sanguis potatur in mysterio; quia hinc latificamur spirituali latitia ad gaudium; hinc vero de morte redimimur ad vitam, & preciosæ salutis nostræ interioris saginamur.* Cum in cruce à Longino lancea fuit apertum sanctissimum latus & cor Christi, continuo exiit sanguis & aqua. Joan. 19. vers. 34. *circa quæ idem Pasch. c. 11. Quod tunc de carne fluxit, hoc nunc credentes in calice bibunt, caro quidem datur in cibum; sanguis & aqua in potum; ut quod simul de latere manavit, hoc totum homo (vel ovicula) bibat; (causas advertite) ut si quam peccati maculam post fontem traxit, habeat in hoc undam veniam, qua diluatur: & precium suæ redemptionis, quo unusquisque redemptus de die in diem rursus renovetur, & simul cibum & potum, quo saginetur, lactetur & delicate pascatur.* D. Ambr. de instit. Virg. c. 14. *Hoc cibo, homines, perpetua cælestium munera esca saturantur.* D. Cyr. Alexand. in Is. c. 65. *Accedentes ad vivificam mensam, -- panem vitæ edentes, & divinum potum bibentes, vere deliciantur supernis benedictionibus saginantes corda sua, unde superna voluptatis fiunt participes.* D. Nyss. h. 10. in Cant. *Sic inebriantur ex ubertate domus, & potantur torrente deliciarum.* Ad tales torrentes bonus pastor ducit suas oviculas.

§ 7.
Ovicula sic
pasta robo-
rantur, ut

Eodem dulcissimo cibo, & suavissimo potu, ita roborantur, ut infernalem lupum non timeant, sed facillimè vincant. D. Ignatius M. ep. 11. ad Philip. *date operam, ut crebrius convenia-*

veniat ad Eucharistiam, cum enim assidue in idem conveni-
tis, destruuntur vires Satanæ & irritæ ejus revertuntur sagittæ
ignitæ ad peccatum. Nam certum est sanguinem Christi dia-
bolis esse terribilem. Exod. 12. v. 6. *Immolabitis cum universa mul-
titudine filiorum Israel ad vespeream. Et sument de sanguine ejus, &
ponent supra utrumque postem; transibit enim Dominus percutiens
Ægyptios, cumque videris sanguinem in utroque poste, transcendet
ostium &c.* D. Cypr. or. de pass. *Iam videmus quod sanguis Christi
efficacius, quam sanguis agni illius, quem in Aeg. Israel immolavit,
contrarias abigat potestates; cujus hodie tanta est auctoritas, & pote-
stas, ut solum sacramenti signum repellat demonia, & ubicunque con-
specta fueris, terribilis sis eis. Sacri nominis virtus, & sanguinis no-
ta.* Petrus Dam. ep. ad Blancam. c. 3. super verba sponsi Cant.
4. v. 11. *Favus distillans labia tua, mel & lac sub lingua tua. Hujus
corpus & sanguinem in ore carnis sapius suscipe, ut hanc ejus vocem
merito possis audire, Favus distillans labia tua. Terretur enim ad-
versarius, cum Christiani (dicamus hodie, oviculæ) labia, videt
Christi cruore rubentia. Agnoscit enim praesto, sua perditionis judi-
cium, & divina victoria, quæ captivatus est, & obtritrus, non tolerat
instrumentum. Christus ergo per mysterium suum tibi videatur in
ore. Oviculæ Christi, candidæ, ob vitæ innocentiam; rubi-
cundæ ob sanguinem ejus, infernalis lupus nocere non potest.*
Julius Firm. *O hydra--mortis tuæ viam didicimus: scimus quibus
remediis artis tuæ venena vincantur. Christi immortalem sangui-
nem bibimus: nostro sanguini Christi sanguis adjunctus est, hoc est
salutare remedium quo mortiferum virtus excluditur.*

Caveant verò oviculæ, ne deserant Christum. Relinquen-
tes suum pastorem, relinquunt securitatem; relinquunt vitam,
fugiunt in mortem; relinquunt lucem, & ingrediuntur tene-
bras; dulcedinem, & intrant amaritudinem; relinquunt fidum
amicum, & inveniunt hostem; infernalem lupum, à quo dila-
cerantur. De his oviculis conqueritur dominus per Jerem.
c. 2. v. 13. *Me dereliquerunt fontem aqua viva, & foderunt sibi
cisternas dissipatas, quæ continere non volunt aquas. Cum sponsa
de tali habitu cogitaret, dixit illi cœlestis pastor Cant. 1. v. 7. Si
ignoras*

§ 8.
Sed cave-
ant, ne de-
serant bo-
num pasto-
rem, cum
magni pe-
riculi.

ignoras te O pulcherrima mulierum, egredere, & abi post vestigia gregum tuorum; & pascere hædos tuos. Favus distillans labia voluptatis; novissima autem illius amara, quasi absynthium. Prov. 5. v. 3. Flores in pascuis hujus mundi, videntur stillare mel; in novissimis, amariore felle inveniuntur. S. Chrysof. hom. 3. de verbis Iſ. *Ne ſpectes ovicula temporariam voluptatem, nam illa inſtricto vulnere plerumque celeriter avolat, at vulnus non avolat, ſed plerumque manet & interficit.* O infelices oviculas, quod Chriſtum deſerunt; mutantur tandem in porcos, qui amplexantur ſtercora, quæ inſtar vermium in cœno & voraginibus, nempe, voluptatum fluentis volutati, ſtolidis paſcuntur deliciis; ſuilli homines: ſues enim cœno magis delectantur, quàm aqua munda &c. donec in ſordibus plane ſubmergantur, ut illi porci, in quos permittente Chriſto intraverat diabolus, ſe præcipitarunt in mare.


§. 9.
*Bonus pa-
 ſtor Chri-
 ſtus D ſuas
 oviculas
 deducit, ut
 quondam
 Deus popu-
 lum ex Æg.
 in terram
 promiſſio-
 nis.*

Sed redeo ad bonum paſtorem, & ejus oviculas. Dum regius Pſalter ps. 77. beneficia populo collata commemorat, in exitu ex Ægypto inter alia ait v. 13. *Interrupit mare & perduxit eos- interrumpit petram in eremo, & adaquavit eos, velut in abyſſo multa, & eduxit aquam de petra, & pluit illis manna ad manducandum.* Hi verſus myſtice nobis deſcribunt, quomodo bonus paſtor deducat ſuas oviculas. Ibant Iſraelitæ, & tres ingentes illis occurrerunt difficultates; ne ultra procedere poſſent. Paſſi ſunt imprimis impedimentum maris; ſed ad eorum conſpectum, fluctus diviſi expeditiſſimam illis præbuere viam. Rurſus patiebantur ardentiffimam ſitim; & ecce arida petra dulciſſimas illis propinavit aquas. Cum paulatim cibi deſicerent, ær incepit pluere manna. Sed unde mare, & petra, & ær, inanimatæ creaturæ, tam fuerunt promptæ, ut Iſraelitis in illis neceſſitatibus ſuccurrerent, myſterioſis verbis reſpondet Sedulius l. i. paſchali cap. 10. *In his tribus in mari, in petra, in manna, magna annuntiata fuerunt ſacramenta Myſterii, ſive ſacroſanctæ Eucharistiæ.* Chriſtus fuit in pelago, Chriſtus in ſaxo, Chriſtus in illo pane Angelorum. q. d. Non miremur dividi mare rubrum; non miremur petram fundere rivos, panem de cœlo cadere; figuræ

figuræ fuerunt hæ creaturæ optimi nostri pastoris Christi Jesu: Oviculæ: si in itinere per Ægyptum hujus mundi, vobis occurrat mare, si vos insequatur infernalis Pharaon, nolite timere, pastor bonus & fortis in eodem mari illum submerfit. Rubrum mare divini cruoris brevem & certam viam vobis præbet ad cælum. Oviculæ: nolite timere sitim; pastor vester, petra est, non aquas tantum stillans, sed sanguinem, cum sanguine oleum lac & mel. Minus timete famem; manna nobis reliquit in Eucharistia.

Iterum hic mihi occurrit quædam querela de certis oviculis, de quibus ait D. Cypr. ser. de cœna Domini: *Lambunt alie* §. 10. Alia querela contra quasdam oviculas. *que hunc petram; sed inde nec mel sugunt, nec oleum, que nec aliqua caritatis dulcedine, nec Spiritus S. pinguedine vegetantur* (tam delicate pastæ!) accedunt enim corde siccæ, & mente aridæ &c. In corde sicco & arido, etiam manna & sanguis Christi nihil proficiunt. Sicut enim aqua diffluens, quascunque reperit herbas virentes, eas irrigat & potat; quas autem aridas invenerit, iis nihil proderit. *Sic etiam hic est cogitandum.*

Restat, ut unum adhuc moneam. S. Basiliius l. 9. Exam. §. 11. Lani mensura communio. ait: *Oves accedente hyeme pabulum copiosius, affectuosiusque ventri ingerunt; perinde quasi viaticum providentes pro indigentia cibi futuræ; &c. non eandem O homo adhibebis diligentiam: non hoc præfenti tempore, fruges tibi recondis?* In hoc prudentissimæ Oviculæ meo iudicio sunt sodales Christi in cruce Agonizantis &c. excurrat Epilogus in laudem menstruæ communionis, & ad obtinendam felicem mortem, & ad succurrendum oviculis, quæ ardent in flammis purgatorii.



CONCIO XXIII.

DOMINICA III. POST PASCHA.

Modicum.

Joann. 16. v. 16.

SYNOPSIS CONCIONIS.

OMnia bona hujus mundi, sunt Modicum.

- | | |
|---|--|
| §. 1. <i>Aspectus florum suggerit nobis varias pias cogitationes; praesertim de Modico.</i> | §. 6. <i>Instabilitatem fortuna expertus fuit infelix Absalon.</i> |
| §. 2. <i>Honores, voluptates &c. sunt rota.</i> | §. 7. <i>Et Eutropius Romanus: ex S. Chrysostomo.</i> |
| §. 3. <i>Omnia in hoc mundo sunt in continuo motu.</i> | §. 8. <i>Agnovit Philippus II. Hispaniarum Rex.</i> |
| §. 4. <i>Sententia Copernici de motu terrae.</i> | §. 9. <i>S. Paulus declarat pulcherrimum.</i> |
| §. 5. <i>Filii hujus saeculi, mori ventur in modum trochi.</i> | §. 10. <i>Aliud simile, desumptum à mari, & navibus Tharsis.</i> |

§. 1.
*Aspectus
florum sug-
gerit nobis
varias pias
cogitationes
praesertim de
Modico.*

A More & benevolentia prosequor illos, qui hoc Majali, vel verno tempore, aspectu & intuitu pulcherrimorum florum oblectantur. Negare non possum me quoque in illis summam reperire recreationem. Flosculi, *germinantes de profundo nimio* (Sap. 19. v. 8.) divinae potentiae, & pulchritudinis, simul specula sunt, in quibus pulchritudinem creatoris, intuemur. Flosculi: licet irracionales sint, licet sensu careant, suo tamen colore, odore, forma, varietate; verbo, toti,

roti, quanti sunt, dies noctesque factorem suum laudant, & deprædicant, nosque monent, ut idem præstemus. Flosculi! animis nostris plurimas suggerunt sanctissimas cogitationes. Si v.g. regius aliquis hortus, plenus floribus, in terris, in hoc exilio, in hac valle lacrymarum, locus est tam amœnus, super rivos & flumina Babylonis; qualis locus erit cœlestis paradisus. Flosculi, vocem non habent, clamant nihilominus, pulcrius nobis est cœlum; longe pulcrior, qui nos fecit! Clamant, ipsum amate. Nolo inharere modo similibus cogitationibus: hoc adverto, hos flosculos hoc tempore clarissimè nobis exponere, veritatem doctrinæ, quam Salvator noster in hodierno Evangelio nos docuit, scilicet, omnia bona hujus mundi esse transitoria, & durare *Modicum*. Rubet rosa; *modicum*! floret viola, *modicum*! candicant lilia convallium. *Modicum* &c. In meis concionibus hodiernæ Dominicæ, soleo variis metaphoris hanc voculam, *Modicum*, elucidare; quod dum & modo, præsto, rogout me benevole audiat.

Psalmo 82. v.14. ait David; *Deus meus, pone illos ut rotam, & sicut stipulam ante faciem venti*. Continent hæc verba hanc maledictionem; vel pœnam super impios, & sceleratos ut illorum felicitas in hoc sæculo, ut divitiæ, ut honores, ut voluptates, quas amant, non diu durent, sed cito pereant, & transeant, simulque innuit metaphoris rotæ, & stipulæ, hunc mundum, esse globum, vel rotam quæ in continuo est motu, ascendit, descendit, currit, movetur: similis rotæ Fortunæ, cui felicitas & omnis prosperitas hujus mundi insistit. Soraestes Rex Ægypti (teste Nicephoro l.18. c.29.) domitis variis hostibus, triumphalem suum currum trahi voluit, non ab equis vel leonibus, aliisque animalibus, sed à quatuor captivis Regibus, insolito ad illum diem spectaculo. Advertit Soraestes, unum ex illis, fixis & immotis oculis aspicere rotam currus; causam interrogatus respondit; Rex potentissime, & felicissime; cum stupore admiror rotam, cum ea instabilitate perpetuo volui, nunc quidem sublimia demittentem rursus autem demissa sublimantem, conspicio: quo dicto arrogantem Regem monuit fortunæ

S.2.
Honores,
voluptates
&c. hujus
mundi
sunt, Rom.

prosperæ non nimium esse fidendum; nihil stabile & constans in hoc mundo.

S. 3.
Omnia in
hoc mundo,
sunt in con-
tinuo mo-
tu.

Cœli, dies noctesque moventur de Oriente in Occidentem; ex Occidente in Orientem: cum globis ecclestibus moventur sol, luna, stellæ. Elementa continuo inter se mutantur, per alterationes, generationes, mixtiones, ut loquuntur philosophi. Terra in aquam, aqua in aërem, aër in ignem. Fluvii currunt ex mari, simul eodem redeunt. Simili & majori mutationi subjecta sunt, regna, imperia & Monarchiæ hujus mundi. Coronæ, sceptræ, purpura, jacent in rota. Monarchia præcipua, à Medis instar globi vel rotæ, cucurrit ad Persas, à Persis ad Assyrios, ab his rursus ad Persas, deinde ad Græcos; à Græcis ad Romanos, à Romanis ad Gallos, à Gallis ad Germanos; apud hos subsistit hætenus; sed currens, de familia ad familiam; Archiduces, Duces, Principes, Comites, fuerunt Imperatores; utinam placeat superis, ut S. R. Imperii globus in augustissima Domo Austriaca, firmetur, & stet, usque ad consummationem sæculi.

S. 4.
Sententia
Copernici,
de motu
terre.

Communis & certa est Mathematicorum opinio, cœlos moveri, terram esse immobilem. Copernicus, docuit contrarium; videri nobis tantum, moveri cœlos, sicut qui in navi est, putat moveri littora, montes, valles, arbores, oppida, urbes, non ipsam navim. Doctrina hæc damnata est ab Ecclesia. Verum alio sensu est verissima. Cœlum, sive bona cœlestia, stabilia sunt & æterna, solida, & subsistentia; incorruptibilia, nulli mutationi subjecta, duratura Æternum! Terra verò & mundus, bona terrena, honores, divitiæ, voluptates, ipsa mutantur, currunt, instar rotæ, vel globi, nunquam consistunt, nisi modicum.

S. 5.
Filii hujus
sæculi mo-
ventur in
modum
trochi.

Deus meus, pone illos ut rotam. In græco à septuaginta interpretata est vocula τροχός, in hebraica, Galgal; quæ vocula significat illa omnia, quæ aguntur in circulum, v. g. trochus, palea, stipulæ, plumæ à vento impulsæ per aërem: proinde Rabbi Kimchii citatum versum sic legit, Turbins eos, pone eos sicut glumam, qua per aërem vento raptatur, vel, quam projicit ventus à facie terra, Ge-

re, Genebrardus sic vertit. *Torque eos in modum trochi, quomodo trochus solet torqueri à pueris. Iacta illos, ut super terram Sphæra, vel globus jactatur.* Virgilius l. 6. *Æn.* hoc simili fuit usus, dum vagabundam descripsit feminam

*Immensam sine more furie lymphata per urbem,
Ceu quondam torto volitans suo verberare turbo,
Curvatis fertur spatii &c.*

O Reges! O Principes! O Alexandri! O Cæsares! ubi estis? ubi vestra gloria? ubi pompa? turbinavit vos altissimus! *modicum* durarunt omnia: fuistis glumæ, trochi, rotæ, stipulæ! O divites! nolite fidere divitiis! fortassis post *modicum*, jactabit, torquebit, turbinabit vos Dominus. Cavete, rotæ insistitis, &c. pulchrè Boetius l. 2. de confell. profa. t. *Hunc continuo ludum ludimus; rotam volubili orbe versamus: infima summis; summa infimis, mutare gaudemus. Ascende si placet; sed ea lege, ne descendere injuriam putes.*

Aureum currum fortunæ, felicitatisque sibi ascendisse visus fuit Absalon. Rota una fuit, aurea juvenus floridissimi Adolescentis, & heroicus excelsusque ipsius animus. Altera rota fuit, populi, militumque favor. Tertia, ambitio; quarta, spes certa imperii; in hoc curru, cum his rotis, rectissima via videbatur sibi currere ad culmen imperii: Eheu! post *modicum* à volubili fortuna, hic currus, mutatus fuit in mulum, in quo, dum post infelicem pugnam fugit in sylvam, viridis & amœna quercus facta est patibulum, mulus scala, propius capillus, funis & laqueus, Ventus, licitor; id est, aureum festinantis capillum elevavit ventus & ramo arboris circumvolvitur tam fortiter, ut evadente bestia, pependit medius inter cælum & terram, donec accurrens Joab, triplici lancea transfixit pectus infelicissimi adolescentis. Qui infelicem arborem transibunt, fortassis in tabella pro epitaphio apponent has voculas, *Rebellio punita.* Fortassis alii, *Arrogantia humiliata, &c.* ego apponam hanc voculam; *Modicum.* Felicitas Absalonis non diu duravit. Justus Deus brevi illum posuit, ut rotam. Turbinavit illum fortuna, ut stipulam, vertit ut trochum, jactavit ut globum, percussit ut

§. 6.
Instabilitatem fortunæ experius fuit infelix Absalon.

pilam, fregit ut vitrum, contrivit ut testam. S. Augustinus tr. 7. in Joannem. Sic, *post modicum transseunt omnia, & volans omnia: va qui amant talia;*

§. 7.
Et Eutro-
pius Roma-
num. Ex S.
Chrysost.

Eadem metaphora celeris cursus, & prætentionis sive transitus, usus fuit Oleeas cap. 10. v. 7. *Transire fecit Samaria Regem suum, quasi spumam super faciem aquæ.* Hebræa lectio sic habet. *Sic evanuit Rex Samaria, sicut spuma super aquam.* id est, sicut bullæ sicuti globuli super mare vel aquas, quæ mox inflantur, mox evanescent. Quæ similia placuere S. Chrysostomo, cum Eutropio cuidam has quæstiones proposuit (fuerat summus apud Imperatorem Arcadium, sed paulo post de summo felicitatis apice dejectus in profundum miseriarum.) *Vbi nunc inclutus ille Consularis splendor? ubi applausus illi & choreæ, epuleque, & facti conventus? ubi corona & aula? ubi strepitus urbis? & illæ Circensium spectaculorum fausta acclamationes, & adulationes?* His quæstionibus à se propositis ipse S. Chrysostomus quasi cum risu, & vanitatis explosione in hunc modum respondit. *Omnia illa perierunt, procella vehemens folia dejecit, arborem spoliatam reddidit, jam radicitus vacillantem. Omnia illa nihil, nisi nocturnum somnium fuerunt. Flores fuerunt verni: Umbra erant & præterierunt, fumus erant, & soluta sunt; bullæ erant, & disrupta sunt, araneæ erant, & lacerata sunt.* Addo ego, ex citatis locis, Rotæ fuerunt, rotæ fortunæ, & fractæ sunt, vel alio cucurrerunt; honores &c. sunt pilæ, & trochi, quibus ludit fortuna. Proinde ex his metaphotis facile intelligere possumus sensum hujus voculæ, Modicum. Divitiæ sunt modicum, quia sunt nocturnum somnium. Honores, modicum; evanescent ut bulla (est locus prop. repetitione.)

§. 8.
Agnovit
Phil. II.
Hisp. Rex,

Agnovit sapientissimus Philippus II. Hispaniarum Monarcha. Cum videret se mori, mortuali tumbæ, quam exemplo Parentis Caroli V. dudum jusserat parari, ante regium lectum voluit imponi, veluti mensæ, hinc regiam Coronam & Sceptrum, hinc Calvariam; tum advocato Filio Primogenito Philippo III. tot regnorum Heredi dixit, astante corona Procerum Hispaniæ; *En! aspiciete in hoc afflictissimo corpusculo,*
quam

quam tenui filopendeat pompa & splendor magnitudinis humana, Vos ex me rerum humanarum instabilitatem, & miserrimam vite conditionem reputate. Et paulo post regiam animam tradidit in manus Regis æterni: qua suprema concione & valedictione astantium animis firmissimè impressit agnitionem hujus veritatis, vel voculæ, *Modicum*. Urinam & nos, dum oculos hinc conjicimus, in coronas, in sceptræ, in flores &c. ex altera parte respiciamus demortuorum Regum Calvarias, quæ muta & offealingua, vel potius, tristi spectaculo, altum inelamant, *Modicum*.

Bona si ve res hujus mundi, sunt similes vehementi fluento, quod ^{S. 9.} *nunquam vult consistere: sed fertur festinans ad declivem, ait S. Paulus* ^{S. Paulus declarat p.} *Chrysostomus; S. Gregorius in l. i. reg. c. 12. Vana sunt gaudia hu-* ^{similia.} *jus sæculi, quasi mentientia blandiuntur, sed amatores suos cito trans-*
eundo decipiunt. Bina hæc verba, transire & decipere sic explicat S. Paulus I. Cor. 7. cap. v. 31. *Præterit enim figura hujus mundi;* alia lectio habet, *Decipit*. Insinuat Apostolus duo pulcra similia. Instituitur v. g. in aliqua solennitate magnifica Processio; circumferuntur in illa, Vexilla, statuae, cerei, faces, sceptræ, coronæ, tumbæ reliquiarum ornata floribus. Comitantur terrestres Angeli, formosi Ephebi, ornati splendide, nihil dicam de Musicorum choris, de tubicinibus &c. De tali Processione propriissimè dicitur transit. Vexilla transeunt; statuae transeunt &c. Intra unam alteramve horam, post modicum tempus, dicimus, præteriit Processio. Idem verissimum est, de quavis jucundissima Comœdia, distributa in suas scenas. qualis sæpe apparatus? qualis splendor? qualis pompa? sed præterit prima scena; præterit altera &c. post modicum tempus, præteriit tota figura hujus Comœdiæ. Finiit. Similes Processiones, & Comœdias, quotidie ducit & ludit fallax hic mundus. Superbia, Voluptas, Plutus &c. apparent cum suis vexillis: Incurrunt oculos nostros aureæ statuæ Nabuchodonosoris. Progreditur Voluptas in suo splendido curru coronato rosis; Comitantur hanc Pompam Imperatores, Reges, Principes, Duces, Comites (est locus pro p. descriptione)
O qua-

O qualis pompa! Sed, *præterit*, ait S. Paulus. Ubi Alexandri M. præterierunt. Ubi Helenæ præterierunt. &c. Nihil est stabile in hoc mundo, *Modicum* durant omnia.

§. 10.
Aliud si-
mile do-
sumptum à
mari. &
navibus
Tharjis.

Proinde prudenter monet Seneca ep. 4. *Noli huic tranquillitati confidere, momento mare vertitur, eodem die ubi luserunt navigia, forbentur.* In maritimis urbibus, dum cælum serenum est, & mare pacatum, magno numero è portu solvunt elegantes naviculæ; in aquis, veluti hortis deambulaturæ. Non raro contingit, ut præter spem deprehensæ à tempestuoso vento, in extremas deveniant angustias: quæ sita & modica recreatio subito vertitur in timores, & tristitiam. Quod videtur innuere regius Psaltes ps. 47. v. 8. *In Spiritu vehementi conteres naves Tharjis.* Fuit hæc urbs nobilissima & ditissima, ad mare sita; pulcri figura hujus mundi. Prodit ecce navicula, superbe splendida; videtur in illa vehi superba Juno, cum suis assecclis: navigant per tempestuosum mare hujus sæculi, in eadem navi, superbi filii Vanitatis hujus mundi &c. O Navicula cave ne post modicum spiret vehemens ventus repentinæ mortis, & eadem conterat tuam naviculam. Quot naves superbiæ perierunt &c. (hoc modo describi potest, Navicula Voluptatis &c.) ego, dum illas curiosius intueor, reperio, in vexillis, & aureis scutis &c. scriptam hanc voculam, *Modicum*: & submerguntur.



CONCIO XXIV.

DOMINICA IV. POST PASCHA.

Quia hac locutus sum vobis, tristitia implevit cor vestrum.

Joann. 16. cap. v. 6.

SYNOPSIS CONCIONIS.

Christus D. suos electos, in hoc exilio, partim affligit, partim consolatur.

- | | |
|--|---|
| §. 1. <i>Exordium ex verbis Evangelii.</i> | <i>myrrham, & simul lac & mel.</i> |
| §. 2. <i>Quod Christus D. suos electos in hoc exilio, partim affligat, partim consoletur, ostenditur ex variis versibus Apocalypsis.</i> | §. 8. <i>Cur in horto sponsi, inter malapunica, creverint Noces.</i> |
| §. 3. <i>Et exemplo Noe latentis in arca, tempore diluvii.</i> | §. 9. <i>Iacob jacens humi, super saxa, in suavi somno recreatur latissima visione.</i> |
| §. 4. <i>Et populi Israelitici, in transitu maris rubri, atque in deserto.</i> | §. 10. <i>Cur in aurea arca, cum tabulis lapideis, asservatum fuerit manna, cum virga Aaronis, que floruerat.</i> |
| §. 5. <i>In ipsa accensa fornace, inter flammam, tres pueri, à suavi vento refrigerantur. Daniel inter leones fuit latus.</i> | §. 11. <i>Cur inter gloriosas circumstantias Transfigurationis fiat mentio nivis.</i> |
| §. 6. <i>Quid contigerit Elie in monte, ex libro 3. Regum c. 19.</i> | §. 12. <i>Ideo Electi inter tribulationes suavius quiescunt ut S. Petrus in carcere.</i> |
| §. 7. <i>Cur labia sponsi distillent</i> | §. 13. <i>David in persecutione Absalonis.</i> |
| | §. 14. <i>Iacob in ipsa morte.</i> |

§. 1.
Exordium
ex verbis
Evangelii.

Nucleus hodierni Eu. ad literam hic est, quod Christus D. ex una parte Apostolos & discipulos suos valde contristavit; ex altera, variis modis eosdem fuit consolatus; ait enim illis Joan. 16. v. 2. *absque Synagogis facient vos; & ego vado ad Patrem.* q.d. amantissimi filii, cogor vos relinquere in hoc mundo. Et quia hæc loquor vobis, *tristitia implevit cor vestrum.* Puto discipulos ideo adhuc magis fuisse contristatos, præcipuè S. Petrum & Joannem; puto illos amarè flevisse; ut commotus ad commiserationem Christus D. dixerit, ibid. v. 7. *Sed expedit vobis ut ego vadam; si enim non abiero, paracletus non veniet ad vos.* v. 20. ejusdem cap. 16. apud S. Joannem ait: *Amen, amen dico vobis, qui a plorabitis & flebitis vos, mundus autem gaudebit, vos autem contristabimini.* Sed iterum subdit, *Tristitia vestra vertetur in gaudium.* Et vos nunc quidem tristitiam habetis; iterum autem videbo vos, & gaudebit cor vestrum, & gaudium vestrum nemo tollet à vobis. Denique ultimam concionem, qua discipulis supremum dixit Vale, his verbis conclusit v. 33. ejusdem capituli. *Hæc locutus sum vobis ut in me pacem habeatis. In mundi pressuram habebitis; sed confidite, ego vici mundum; & iterum videbo vos,* nimirum in mansionibus patris mei, in cœlesti gloria, ubi æternum gaudebitis. Hoc modo Christus D. egit cum suis discipulis; cum, eundem videatur observare adhuc hodie cum suis electis, ut subinde illos contristet, ut mox consoletur; non injucundum vobis fore spero, id ipsum hac concione à me clarius intelligere.

§. 2.
Quod Christus D. in hoc exilio, suos electos partim affligat, partim sceleretur, ostenditur ex variis verbis Apocalypsis.

Hoc agit Christus D. suos electos, quibus in mansionibus patris cœlestis paravit locum gloriæ, ut ipse loquitur, in hac vita, mox contristare, mox solari consuevit. Sunt bona mixta malis. Id quod illi, qui Divinum Officium, quotidie recitant, his diebus, in lectionibus ex libro Apocalypsis desumptis, advertere potuerunt. Cap. 1. vidit S. Joannes filium hominis in mirabili forma. Caput & capillos, candidos sicut lanam albam; oculos igneos; pectus & ubera, procincta Zona aurea; pedes inflammatos instar aurichalci; in dextera septem stellas, in ore gladium acutum. Ex cingulo pependerunt claves mortis & infer-

infernī & vitæ. Cap. 5. vocatur nunc leo, nunc Agnus. In circuitu throni steterunt angeli, aliqui cum phialis aureis, plenis odoramentorum sanctorum; alii, cum phialis iræ & indignationis, plenis iracundiæ Dei viventis in sæcula sæculorum. Cap. 15. luserunt alii citharis; alii inflarunt tubas. In alia visione, idem filius hominis una manu gestavit arcum; in altera floridam virgam; in capite diadema; indutus, candida veste gloriæ, quæ simul resperfa fuit sanguine. Ex his omnibus colligite veritatem meæ propositionis; quod Christus D. suos affligat & soletur. Videtur subinde suos aspicere igneis oculis; mox iisdem ostendit aureum suum caput. Ignis urit, aurum recreat. Videtur suos conculcare ferreis pedibus; quibus mox præbet ubera turgida lacte cœlestium consolationum: pedes premunt, ubera delectant! Videtur ferire gladio, sed simul pro solatio, afflictis ostendit lucidissimas stellas: gladius terret, stellæ spem faciunt cœlestis gloriæ. Videtur aperire abyssos mortis & inferni; mox introducit in paradysum: infernum timemus, ad paradysum anhelamus! Videtur esse leo, ita rugit, ita terret; simul est agnus; tam suavis & mitis est; regit suos in virga ferrea, mox florida, ostendit arcum, non sine diademate gloriæ; in circuitu throni, audiuntur tubæ & citharæ; ut proinde non sit, cur in tribulatione, vel dum mundus ridet, nos vero flemus & tristamur, animos despondeamus; sed potius causas habemus, ob quas mox secuturam consolationem, à Christo D. promissam, sperare possumus. Iusti & electi, tantæ curæ sunt Deo Optimo Maximo, amantissimo patri nostro, & benignissimo Salvatore, ut mundus nullum modum illos vexandi excogitare possit, quia Deus habeat media eosdem consolandi, ut tristitia vertatur in gaudium. Ex historiis S. Scripturæ, rem clarè intelligetis.

Non dubito, piissimum Noë, inclusum in arca, toto tempore diluvii fuisse plenum timore, & tristitia, cum audivit miserabiles pereuntium voces, cum cœlum immugiit, cum murmurarunt nubes, cum fulminavit aër, cum pluriæ instar decidentium torrentium ex alto cecidere &c. ingens tamen illi fuit

§. 3.

*Et exemplo
Noë latentis in arca
tempore
diluvii.*

consolatio, natare tutū in arca &c. & quamdiu duravit afflictio quadraginta tantum diebus, cessante diluvio, redux columba, illi attulit ramum Olivæ, in signum pacis, & vitæ, cum ingenti piorum gaudio. tristitia conversa fuit in lætitiā, fletus in risum, luctus & planctus in gaudium. Talis est vita nostra in hoc mundo anima hominis inclusa est corpori, veluti arcæ, vel cymbæ, quæ continuo fluctuat & agitur in procelloso mari, inter ventos & fluctus tribulationum; ut frequenter videamur nobis habere causas clamandi cum S. Petro, Matth. 8. v. 25. *Domine salvanos, perimus!* exurge Domine in adiutorium! navicula nostra submergitur: cum minimè putamus, adest cœlestis columba, Spiritus S. Paracletus, cum pulcherrimis ramis cœlestium consolationum. Piissimus Redemptor noster, non permittit suos perire, vel submergi.

§ 4.
Et populi
Israelitici,
in transitu
maris rubri,
atque
in deserto.

Facile cogitare possumus, quanta fuerit consternatio populi Israelitici, vel Judæorum; cum fugitivi ex Ægypto, inclusi utrimque inter altissimos montes, pervenerunt ad mare rubrum, sine omni navigio, premente vestigia hostili exercitu, & potenti manu irati Pharaonis, sine omni spe evadendi. Sed! O suavem Dei Providentiam! quæ in gravissima tristitia, & suprema necessitate suos scit consolari; momento, mare, ad contactum virgæ Moysis, sese aperuit, & latissimam viā transeunti populo præbuit; ad majus solatium, *campus germinavit, de profundo nimio* (Sap. 19. 7.) *per quem omnis natio transivit*: in mari tribulationum, etiam crescunt rosæ! Longo tempore, quo Deus ductu columnæ illos circumduxit per desertum non defuere causæ tristitiæ, propter famem, propter sitim, propter metum circumiacentium hostium; neque solatia defuerunt: dedit illis ducem &c. pavit illos manna; petra dederunt aquas; protecti scuto D. Providentiæ hostes non timuerunt; Neque visa hominis aliud est, quàm navigatio, vel peregrinatio, per mare & desertum hujus mundi; sed in mari tribulationum, electi reperiunt gemmas & rosas cœlestium consolationum; in hoc deserto pascimur dulcissimo pane angelorum; ex petra quæ Christus est, sugimus, non aquas tantum, sed mel & lac, vinum & oleum.

Danie-

Danielis 3. v. 50. tres adolescentes, in fornace Babylonica videbantur submersi inter flammās, sed ecce, suscitavit Dominus lenem & suavem ventum, qui juvenes inter ignes refrigeravit, ut deambulantes per fornacem veluti hortum, benedicerint Dominum. Idem fecit Daniel cap. 14. v. 42. in lacu leonum. Et quid hic mundus est aliud, quam quædam accensa fornax, & lacus leonum. Experiantur pauperes, oppressi, viduæ &c. in quos incidant leones! in quos scorpiones & serpentes! scio hæc! sed etiam non ignoro, mittere Deum suos angelos, qui tales consolentur. Spiritus S. quem Christus D. nobis promisit, ventus est, qui inter ignes tribulationum, nos refrigerat; ut licet tristemur nos, licet mundus gaudeat, tamen Deum laudemus.

f. 2.
In ipsa accensa fornace, inter flammās tres pueri, à suavi vento refrigerantur. Daniel fuit lacus inter leones.

Pulcerrimam historiam, refert I. 3. reg. c. 19. Irata Jezabel, Eliæ minata fuit mortem. Præ timore Propheta fugit in quandam speluncam, ubi dum Dei opem implorat, audivit vocem, quæ illi dixit, v. 11. *Quid hic agis Elia? egredere & sta in monte coram Domino*: surrexit & abiit Propheta, in montem ubi mira contigere. 1. *flare incepit spiritus grandis & fortis, subvertens montes, & conterens petras* v. 9. ut Elias attonitus procubuerit super faciem suam, adorans Dominum. 2. Hunc ventum subsecutus fuit ingens terræ motus, adeò ut saxa trepidarint. *Et post Spiritum commotio.* 3. *Aperto cælo, descendit ignis, totum montem suis flammis involvens.* v. 12. *& post commotionem ignis.* Post hæc omnia tandem serenatum fuit cælum, siluere venti, quieverunt saxa, disparuerunt flammæ; tum flare & spirare cœpit sibilus auræ tenuis, & suavissimus ventus, quem dum sensit Elias, v. 13. *Operuit vultum suum pallio; & suavissimè sine metu, sine timore, oblitus minarum Jezabelis, quievit.* Talis est vita nostra auditores: non desunt Jezabeles, non furia, quæ justos frequenter cogunt, ut abscondant se in aliqua solitudine, ubi flent, ubi plorant, ubi tristes, cum gemitu & planctu suas misérias & angustias Numini exponunt. Quid agitis electi filii Dei? quid estis tristes, eia egredimini in montem Calvaria, & state coram Domino: irruet fortassis in vos spiritus grandis &

f. 6.
Quid contigeris Elia in monte I. 3. reg. c. 19.

fortis, subvertens montes, ab Aquilone? *non turbetur cor vestrum; mundus gaudebit, vos contristabimini*; hoc fieri oportet. Sed simul in capita vestra conjurant venti & ignes tribulationum: non turbentur corda vestra; hoc agite, inter has furias involvite vos pallio Divinæ Providentiæ; sub umbra sacrosanctæ crucis, sedete in pulcritudine pacis; ex cavernis maceræ, ex Vulneribus Christi Salvatoris mox aspirabit aura tenuis, & leves Zephyri cœlestium consolationum, mox aderit Spiritus S. paracletus &c. Venti, ignes, commotiones, timores, angustia, adversitates; Zephyri, gaudia, solatia, in hac vita separari non possunt, mixta inter se sunt, fel cum melle, lac cum absynthio. Christus D. suos affligit, & consolatur.

§ 7.
Cur labia
sponsa di-
stillent
myrrham,
& simul
lac & mel.

Videtur hoc nobis voluisse insinuare sponsa, dum in descriptione pulcritudinis, sponsi sui, de labiis ait cap. 5. 13. *labia illius lilia; distillantia myrrham primam.* & de lingua ait, *Mel & lac sub lingua illius.* Sed! cum labia & lingua in corpore humano membra sint adeo contigua, ut dum loquimur, lingua necessario contingat labia, & labia linguam; quomodo myrrha non destruxit dulcedinem mellis? an forte dicendum est, lingua & labia sponsi distillasse nunc mel, nunc myrrham. Hoc voluit sponsa innuere, suum dilectum illius esse naturæ, ut suis subinde propinet fel, mox mel; duplicem offert calicem; alterum passionis, alterum gloriæ; vinum, & absynthium; affligit & solatur. Sive mel, sive myrrham porrigat dicere oportet, *Dilectus meus mihi, & ego illi, Fasciculus myrrhæ est, nihilominus inter ubera commorabitur.*

§ 8.
Cur in hor-
to sponsi in-
ser mala
punica,
creverint
nuges?

Miror quoque sponsam in cap. 6. v. 10. dixisse, *Descendi in hortum nucum, ut viderem poma convallium, & inspicerem, si florisset vinea, & germinassent mala punica.* Itane? in regio hortu, inter mala punica, inter rosas & lilia, inter arbores tam amœnas, etiam stetit Nux? arbor, tam horrida? cujus vel umbra nociva est? Omnino! ut symbolum esset viri justi: truncus illius arboris est horridus; folia tamen sunt pulcra & amœna; cortex in quo latet fructus, durus est; sed nucleus tam dulcis est, ut antiqui illum vocaverint, *cibum Deorum.* Nux fuit lignum sacrosan-

crofanctæ crucis ; tempore passionis distillavit myrrham ; in Resurrectione protulit fructus honoris & gloriæ. Talis quoque est vita justorum in hoc mundo ; ridet illos mundus , ut S. Paulus dicat 1. Cor. 4. v. 13. *tanquam purgamenta hujus mundi facti sumus , omnium per ipsema usque adhuc.* Nihilominus intus in anima tanta perfruuntur dulcedine , tot abundant cœlestibus solatiis , tam suavibus fructibus illos pascit Christus D. ut glorientur cum eodem S. Paulo 2. Cor. 7. v. 4. *Repleti sumus consolatione , superabundamus gaudio in omni tribulatione nostra.* Rupertus Abbas hic ; *quia enim tribulationibus externis , interna consolationes copulantur , ideo repletur consolatione , & superabundat gaudio Apostolus.* In horto cœlestis sponsi , inter spinas crescunt rosæ , inter lilia , myrrha ; inter poma aurea , duræ nuces : & contra.

Hisce notissimam addo historiam ex cap. 28. v. 12. Genesis, sed quæ discursum meum eleganter explanat. Jacob , ut ^{§. 9. Jacob, jacens humi} evadat manus irati fratris Esau , fugitivus abit ad exterarum regio- ^{super saxa,} nes ; Ob varias causas , difficillimum hoc fuit iter. Vespere ^{in suavi somnare.} quodam obrutus à nocte , totus lassus , in campis sub arbore aliquot colligit lapides , quibus , veluti cervicali incumbens suavis- ^{tissima, visione.} simè indormivit. Licet in duro jacuerit lectulo , suavissimo tamen somnio fuit recreatus : vidit enim apertum cœlum , in illo , Dominum innixum scalæ , per quam Angeli de cœlis descendebant in terram ; alii , per easdem scalas e terris ascenderunt in cœlum , cum magna dormientis Jacobi voluptate. Mi Jacob in lectulo tam duro , tam suaviter dormis ? Non advertitis mysterium ? Talis est vita piorum in hoc exilio : non desunt impii Esau , qui illos persequantur ; ideo ad aliam anhelant patriam , ad cœlestem gloriam ; sed quàm multa interim sunt perferenda , exemplo cœlestis sponsi ; ipse est , qui nos ducit ad montem Calvariæ , ad arborem S. Crucis ; dum quiescere volumus , pro cervicali nobis offert spinas & lapides &c. Non turbentur propterea corda nostra ; sub umbra sacrosanctæ crucis iterum vos involvite pallio divinæ providentiæ ; permittite vos totos divinæ voluntati ; in hac quiete videbitis cœlum ; aderit vobis Christus D. aderunt angeli , ut vos consolentur. S. Augustinus

stinus in ps. 93. *Multi quidem dolores; sed multa consolationes; amara vulnera, sed suavia medicamenta!* Theodoretus de se ait, *Respondentem doloribus consolationem, à tua bonitate accipio.*

§ 10.
Cur in an-
tea arca
cum tabu-
lis lapideis
asservatum
fuerit man-
na, cum
virga Aa-
ron, qua
floruerat.

Lib. 3. reg. cap. 8. v. 9. dicitur; *In arca autem non erat aliud nisi dua tabule lapideae &c.* S. Paulus tamen addit, ad hebr. 9. v. 4. *Arcam testamenti circumtectam ex omni parte auro, in qua, urna aurea, habens manna: & virga Aaron, qua fronderat, & tabula testamenti.* Quæ iterum connexio inter lapides & flores & manna? quia iterum arca fuit & est figura Christi Domini, cujus natura est, subinde durescere instar lapidis; sæpius tamen fuit lacte & melle; quo spectat illud ps. 113. *Qui convertit petram in stagna aquarum, & rupem in fontes aquarum.* Quæ verba sic elucidat D. Guericus Abbas ser. 1. de S. Benedicto. *Erat quidem petra Christus, sed virtute, non duritie. Erat petra, sed quæ converti posset, imo & conversa est in stagna, vel fontes aquarum; ubi mollia & humilia, quibus influeret corda invenit corda fidelium.* Petra est Christus Dominus evomens subinde ignes, sæpius fons, stillans torrentes cælestium voluptatum.

§ 11.
Cur inter
gloriosas
circum-
stantias
transfigu-
rationis,
fiat mentio
nivis.

De Christo D. cum in monte Thabor Matth. 17. v. 2. *facies ejus resplenduit sicut sol, vestimenta autem ejus facta sunt alba sicut nix, vel ut alii legunt, sicut lux.* Dixit D. Ephrem; dicamus nos eadem de Christo D. gloriose resurgente à mortuis. *Ex toto corpore ejus, gloria divinitatis sua scaturiebat, & ex omnibus membris suis, lux ejus refulgebat.* Ex iisdem, scaturit infinita quædam dulcedo & suavitas, præsertim paschali tempore; hujus nos vult esse participes, sed meminerimus simul nivis, nive, frigore, aqua tribulationum subinde affligit, sæpius luce nos solatur. ad Eph. 1. v. 22. ait S. Paulus, *Omnia subiecit sub pedibus ejus, & ipsum dedit caput super omnem Ecclesiam, quæ est corpus ipsius.* q. d. Tota congregatio fidelium, est unum corpus cum Jesu, cui quasi membra adhærent, unum integrum corpus constituentia. Et quomodo quis adhæreere potest Jesu, quasi membrum corporis ejus? eo ipso quod Jesu doloribus & pressuris assimiletur; ex quo monet D. Chrysost. hom. 3. ibi. *Revereamur obsecro germanam hanc atque cognatam affinitatem nostra carnis, cum Christo capite*
contra-

contractam &c. de illo etiam dignum meminisse est, quod crucifixum, quod confossum clavis, quod immolatum est Patri. Si corpus Christi es, fer crucem, ille enim tulit: fer purulentas ac saniosas execrationes, fer alapas, fer denique claves; Tale erat Domini corpus in passione: sed scitis, quale fuerit in Resurrectione, quàm gloriosum, quàm formosum, quàm lucidum. Pati prius oportuit, deinde glorificatus est. Hoc habemus solatium, hanc spem atque fiduciam, nos fore gloriosos &c. non cessabit interim bonus Jesus nos affligere; ut utroq; modo, in passione & in gloria simus membra Christi.

Ex dictis hac concione hanc infero maximam; quisquis est in statu gratiæ, licet variis prematur adversitatibus, si ferat patienter, si Deo fidat; ab eodem non deseritur; imo in ipsa tribulatione constitutus, quiescet suaviter. Id quod à somno & quiete desumpta metaphora nobis ob oculos ponit S. Scriptura. Act. 12. Jacet Petrus in carcere, oneratus catena, inter vigilantes, clausus porta ferrea; non nescius, latam in se esse ab Herode sententiam mortis; nihilominus tam suaviter dormivit, ut dum venit Angelus, ipsum educturus ex carcere, ab eodem è somno excitandus fuerit. S. Augustinus ser. de Petro; *Admiror Petre, quietem tuam, in medio catenarum velut inter flores requiescis.* Talis est vita justorum in carcere hujus mundi (fiat pulchra applicatio) S. Hilarius in S. Matth. *Sancti nunquam dulcius requiescunt, quam dum laboribus fatigantur.* De S. Laurentio ait S. Petrus Chrysol. ser. 35. *B. Laurentius, craticulam supplicii, lectum quietis putavit.*

Psalmo 3. v. 6. gloriatur regius psaltes: *Ego dormivi, & soporatus sum.* Titulus psalmi ostendit, quando hæc cecinerit; sic enim habet, *Psalms David cum fugeret à facie Absalon:* vult dicere, in summis adversitatibus, cum desertus à suis &c. fugere debuit; nihilominus non fuit tristatus; certus de divino auxilio.

De Jacobo morituro, in cap. 47. ait glossa; *postquam valedixisset Ioseph, osculatus est virgam ejus, & convertit se ad lectuli caput, cum quiete mortem operiens.* (Ex hoc loco fieri poterit

Alveus Tertius.

Kk

affe-

§. 12.
Idem electi
inter tri-
bulationes
suaviter
quiescunt.
Vt Petrus
in carcere.

§. 13.
David in
persecutio-
ne Absalo-
nis.

§. 14.
Iacobus in
ipso lecto.

affectuosus epilogus', v. g. inter angustias mortis solatur suos Christus D. &c.)



CONCIO XXV.

DOMINICA V. POST PASCHA.

Petite & accipietis.

Joann. 16. v. 24.

SYNOPSIS CONCIONIS.

SUpposita necessitate, & unitate Orationis, pro omni statu hominum, tria proponit monita. Primum est: ut petamus utilia ad salutem. Secundum: Idque serio, ferventer, & frequenter. Tertium: In nomine Christi.

§. 1. *Gaudet Deus, si debito modo multa ab illo petantur.*

§. 2. *Sapiens dictum R. P. Bernardini Pallii, Generalis Capuc. de utilitate Orationis.*

§. 3. *Probat eadem dictis & exemplis gravissimorum virorum.*

§. 4. *Testimoniis SS. Patrum.*

§. 5. *Sed petenda sunt utilia ad salutem.*

§. 6. *Cum resignatione; exemplo B. P. Borgia.*

§. 7. *Quare oratio sit veluti Co-media.*

§. 8. *Orandum est serio, & ferventer, cum Davide.*

§. 9. *Et frequenter; ejusdem Regis exemplo.*

§. 10. *In nomine Christi. Quid hac verba significant.*

§. 11. *Alius horum verborum sensus.*

§. 12. *Qui per figuram quandam explicatur.*

§. 13. *Digressio ad Christum crucifixum; praesertim si in hodiernam Dominicam, incidat principale festum congregationis Agonia.*

Feria

Feria secunda Rogationum ser. 2. ait S. Augustinus; *Sua-
vis Dominus & mitis, fratres carissimi, habet janua[m] pietatis,
nec inde repellit pulsantes; sed culpat potius negligentes; neque
aliquid petitur, quod non habeat! dives est, & pius! affluens
& benignus, dat & non improperat; imo tunc* (adverte emphatica
verba) *thesauri domus ejus tristitiam patiuntur, quando desunt de-
lectabilia fastidia petitionum.* (NB. Si dicas in loco, v. g. Spiræ,
ubi hodierna Dominica celebratur primarium festum congrega-
tionis Christi in cruce Agonizantis, poterunt hæc verba af-
fectuosissimè applicari sanctissimis ejus Vulneribus) Pergit S.
Augustinus: *Hoc amat janua Salvatoris, ut pulsatoribus semper
abundet, opportunis, importunis: propterea ipse Dominus, videns
janua[m] suam à petitorum voce, à pulsantium clamore silere, invitat
omnes ad orationem, omnibus paratus tribuere pietatem.* Nulla
enim est pompa in janua ejus. Regum, Principumque pala-
tia, & aulas obsidet copia famulorum, atque satellitum, nec fa-
cilis ad illos est accessus. Janua verò, & aula summi Regis, pa-
tet semper, dies, noctesque. Pulcrioribus ego verbis, hodiernum
Evangelium; quantum ad infinitam Christi D. liberalita-
tem, & dandi promptitudinem, ego explicare non possum, pro-
inde si non obtineamus, quod petimus, certum est, defectum
non esse in Christo Domino, sed in nobis, qui vel non petimus,
quæ petere deberemus; vel petimus tepidè, vel non eo modo
quo orare deberemus. Cum itaque ars bene orandi, homini
Christiano sit utilissima, in illa hodie instrua[m] meos Auditores
triplici monito. Primum est, debemus petere nobis utilia.
Secundum, seriò & frequenter. Tertium; in nomine Christi,
cui sit honor & gloria in sæcula sæculorum.

Suppono, omni hominum statui, orationem esse utilem,
& necessariam. Cum R. Patri Bernardino Pallio, Generali
RR. PP. Capucinatorum hæc quæstio esset proposita; *Quisnam
esset bonus?* responder, *Qui orat.* Cum urgeretur, *Quis esset me-
lior?* dixit, *Qui melius orat.* Cum instarent, *Quis mortalium
omnium esset optimus?* reposuit, *Qui optime orat.* Placet mihi
judicium, & discursus, sapientissimi juxta, atque sanctissimi viri:

S. r.
Gaudet
Dom. si de-
bito modo,
multa ab
illo peti-
min.

S. 2.
Sapientis
dictum R.
P. Bernar-
dini Pallii
Generalis
capuc. de
utilitate
orationis.

proinde, si quis ex me quærat, Quis sit bonus Princeps, bonus Prælatas, bonus Pastor, bonus Consiliarius &c. respondeo; qui orat. adeo ut fortuna hominis, siue secundus rerum successus, imò sanctitas & perfectio illius, pendeat à perfectione & usu Orationis.

§.3.
*Probatum
 eadem di-
 ctis, & ex-
 emplis Gra-
 viſſimo-
 rum Viru-
 rum.*

Quod alii prudentissimi viri, in magnis dignitatibus constituti agnoverunt, Pius V. Summus Pontifex, qui precibus obtinuit celeberrimam illam victoriam Joannis Austriaci contra Turcas; factus est, sine orandi studio, neque Pontificatus, neque interiores animæ suæ rationes succedere, vel subsistere. Carolus V. quantus & qualis Imperator? sed tria in ejus vita observatu sunt dignissima. 1. Quotidie inter gravissimas occupationes unam horam impendit orationi. 2. Proceres sæpius audiverunt illum dicentem, Regnorum rationes constare non posse, nisi uni Deo, regnorum arbitro, quotidie in oratione redderentur. 3. Cum oranti nuntiaretur Legati, magni Regis, ad tractandum magni momenti negotium, urgereque audientiam; respondit, nec ego quidem nunc leviter sum occupatus, qui cum Deo ago. Propter hæc ego non miror, Carolum V. fuisse felicissimum Imperatorem. S. Carolus Borromæus qualis, quantus, quàm sanctus Archiepiscopus, & S. R. E. Cardinalis? sed bene monet scriptor ejus vitæ; Omnia dona cælitus in illum collata, à limpidissimo divinæ consuetudinis fonte, profluxisse. Quales concionatores non vidit Italia, Hispania, Germania? Verum suasit illis Avila, vir celeberrimus, studium Orandi, dicens: Orationem esse optimam dicendi Magistram. Non desunt mihi pulcra specula pro fœminis; de Catharina Austriaca conjuge Henrici 8. impiissimi Regis in Anglia, ait vita: *Orationibus ita se adversus iniquissimi Regis communiebat injuriis, ut ab hac orandi palestra, in amplissimum patientiæ theatrum prodians, post egregias pugnas ac pugnas, cælique plausum, rudem acciperet beatitatis.* In gravissimis tribulationibus, afflictæ Regina mansit in fide, religione erga Deum, fidelitate erga conjugem, in patientia constantissima, ob orationem cui assiduo vacabat.

Præter

Præter exempla, testimonia SS. Patrum non desunt. S. Augustinus ait ser. 14. de diversis. *Recte novit vivere, qui recte novit orare.* Et l. de Eccl. dign. cap. 56. *Nullum credimus ad salutem, nisi Deo invitante venire; nullum invitatum salutem suam, nisi Deo auxiliante operari, nullum, nisi orantem, auxilium promereri.* Bre- viter S. Ruffinus in psalmum 60. *Nihil utilius potest facere, ser- vus Dei, in hoc saculo, quam orare Deum.* Verum nolo modo in- hærere, similibus SS. PP. testimoniis.

§. 4.
Testimo-
nia SS. Pa-
trum.

Ut verò Oratio nostra talis sit, qualis esse debet; ut sit effi- cax; moneo, I. Oraturum debere scire, quid petat. In quo auream regulam nobis præscribit Isidorus Pelusiota, lib. 2. ep. 182. de oratione, quam Christus D. Apostolos & discipulos suos docuit; *Oratio ea, nihil terrenum habet, sed, omnia cælestia, & ad animæ salutem tendentia; non enim imperium, non opes, non robur, non pulcritudinem, non aliud quidpiam ex iis, quæ cito flac- cescent, postulare docet.* Sed multi in suis precibus à Deo flagi- tant opes & divitias; alii dignitates &c. non improbo, sed mo- neo, ut id faciant, cum conditione, si quod petunt cedat ad Dei gloriam, & profit ad animæ salutem. Quod aliis verbis itanos monet S. Bernardus; *sit ergo oratio. quæ pro temporalibus est, restricta, circa solum beneplacitum Dei: si animæ expediat.*

§. 5.
Sed peten-
da sunt ubi-
li ad sa-
lutem.

Vita B. Patris Borgiæ narrat, illum ferventissimis precibus à Deo petiisse sanitatem, dilectissimæ suæ conjugis, quæ in pe- riculosum inciderat morbum & ad mortem decumbebat. Ora- tio illius fuit tam fervens & tam ardens, ut vox cœlitus allapsa illi dixerit, *fiat quod vis, sed tibi non expedit.* Reposuit statim vir piissimus; *Tua voluntas fiat mi Deus, non mea.* Et paulo post uxor ejus expiravit. Idem nobis evenire solet; petimus sæpe sanitatem, sed Deus scit id nobis non expedire ad salutem æter- nam, petimus prosperum rei alicujus successum; sed Deo con- stant damna, quæ inde consequentur, via itaque tuta procedi- mus, si cum B. P. Borgia, orationi nostræ hanc clausulam sem- per annectamus, *Mi Deus! mi Jesu, non nostra, sed tua sanctis- sima fiat voluntas.* Si Deus nobis omnia, quæ petimus con- cederet, eveniret fortassis, quod evenisse ligimus Mydæ, petiit

§. 6.
Et cum re-
signatione.
Exempla
B. P. Borgiæ

à diis, omnia quæ contingeret, converti in aurum, fuit exauditus; sed fames illum occidit. Attendamus oportet ad ea; quæ petimus.

S. 7.
Quare Oratio
vocalur
Comedia.

S. Gregorius Nyffenus in exhort. ad orat. illam vocat *judicissimam comœdiam*. Spectavit illam S. Joannes in Apoc. 4. cap. v. 4. Theatrum fuit thronus gloriæ Dei. Personæ; viginti quatuor seniores, animalia, Seraphini, Angeli &c. non defuit suavissima Musica, non ornatus loci, non spectantium multitudo. Et placet mihi ratio, ob quam oratio vocatur Comœdia: quemadmodum enim unus Actor, sæpe multis & diversis fungitur personis, Regis, Militis, Rustici, pari ratione id facit Orans. Talis Orans & Actor fuit in suis Psalmis Rex David, jam enim agit personam timidi ps. 118. v. 120. *A judiciis tuis timui*. Jam Cursoris ps. 87. v. 32. *Viam mandatorum tuorum cucurri*. Jam mendici. ps. 24. v. 16. *Pauper sum ego*. Jam cæci, laucii, infirmi, nudi, tristis, afflicti; *Sana me Domine, quoniam conturbata sunt omnia ossa mea*. ps. 6. vers. 4. jam sitibundi Cervi. ps. 41. vers. 2. *Quemadmodum desiderat cervus ad fontes aquarum, ita desiderat anima mea ad Deum vivum*. Percurrite psalmos, & reperietis diversissimas personas, quas in theatro orationis egit Rex David, præclarissimus Actor. Verum & Christus D. procedit, & ascendit hoc theatrum, agitque varias personas. Consolatoris, ut tristes soletur; munificentissimi, & liberalissimi Regis, ut larga manu, regia sua dona distribuat; patris, ut excipiat filium prodigum; Medici, ut sanet vulnera; fortis militis, ut suos defendat, &c. Sed quorsum ego hæc? ut sciamus, quid petere debeamus, ut & nos in hac comœdia agamus personam jam pauperis, ut à Deo petamus opes cœlestes, jam infirmi, ut sanemur, jam nudi mendici, ut accipiamus vestem gratiæ, & gloriæ, jam sitibundi cervi, ut hauriamus aquas de fontibus Salvatoris &c. talia debemus petere in oratione, talia nobis expediunt, talia tendunt ad Dei gloriam & nostram salutem, talia Deo placent: *petite primum regnum Dei, & cætera adjicientur vobis*. (NB. Tales comœdiæ præcipuè ludi debent, coram SS. Sacramento, & Christo crucifixo, &c.)

Monco

Monco. 2. ut oraturus se totum, & omnes vires impendat orationi, ut oret serio. Totus homo requiritur ad negotium orationis, bene peragendum. Ideo David ait ps. 24. v. 1. *Ad te Domine levavi animam meam.* id est, memoriam, intellectum & voluntatem, sive potentias animæ, quæ juvantur à viribus corporis exterioribus, ideo addit v. 2. ps. 140. *Elevatio manuum mearum sacrificium vespertinum.* Et ps. 25. v. 12. *Pes meus stetit in directo, in Ecclesiis benedicam te Domine.* ps. 34. v. 10. *Omnia ossa mea dicent, Domine quis similis tibi.* ps. 118. v. 131. *Os meum aperui, & attraxi spiritum.* ps. 26. v. 8. *Tibi dixit cor meum, exquisivit te facies mea.* ps. 102. v. 1. conjungit simul, interiora animæ, & totum corpus.

Benedic anima mea Domino, & omnia, quæ intra me sunt (& omnia quæ extra me sunt) *nomini Sancto ejus.* Ex quibus omnibus facile advertere possumus, quinam ferventer, & serio orent. (habes locum pro acri invectiva in illos, qui orant tepidè, irreverenter, & perfunctorie.)

Insinuat præterea Regius Psalter, se tali modo, id est, tam serio, tam ferventer, tanta collectione, & attentione, cum tantæ piæ voluntatis devotione, orasse, non semel de die, sed frequentissime; & diversis temporibus. Qui deditus est orationi, debet posse dicere cum Davide ex ps. 21. v. 3. *Deus meus clamabo per diem.* Ex ps. 118. v. 55. *Memor fui nocte nominis tui Domine.* Ex ps. 140. v. 2, *Elevatio manuum mearum sacrificium vespertinum.* Ex ps. 54. v. 18. *Meridie narrabo & annuntiabo.* Ex ps. 118. v. 62. *Medianocte surgebam ad confitendum tibi.* Ex ps. 118. v. 146. *Septies in die laudem dixi tibi.* Ex ps. 144. v. 2. *Per singulos dies benedicam tibi.* Ex ps. 6. v. 7. *Laboravi in gemitu meo, lavabo per singulas noctes lectum meum;* scilicet illis lacrymis, quas piissimus Rex in oratione sua fundere fuit solitus. Ex ps. 34. v. 28. *Lingua mea meditabitur justitiam, tota die laudem tuam.* Ex ps. 70. v. 8. *Repleatur os meum laude, ut cantem gloriam tuam, tota die magnitudinem tuam.* Ex ps. 103. v. 23. *Cantabo Domino in vita mea, psallam Deo meo, quam diu sum.* Ex ps. 33. v. 2. *Benedicam Domino in omni tempore, semper laus ejus in ore meo.* Denique ex ps. 144. v. 1. *Benedicam nomini tuo in saculum, & in saculum seculi.* Declarant

§ 8.

Orandum
est serio, &
ferventer
cum Davi-
de.

§ 9.

Et frequen-
ter, exem-
plo ejusdem
Regis Da-
vidis.

clarant nobis hi versus, quod S. David & frequenter, diversisque temporibus, de die, de nocte, in meridie, vespere, in templo, in aula regia, in campis, in hortis, in exercitu inter aulicos, inter regias occupationes; nihilominus oraverit, non tantum obiter, sed cum tota corporis animique contentione, surgendo, ascendendo, narrando, nuntiando; confitendo, laudando, benedicendo, levando animam, elevando manus, aperiendo os, attrahendo spiritum, gemendo, lacrymando, meditando, cantando, psallendo; quæ omnia verba significant illum conatum, quem David adhibuit, ut omnes vires suas, animi & corporis impenderit orationi; totusque perageret tanti momenti negotium, quale est Oratio.

§. 10.
Et in nomine Christi.
Quid hæc verba significent.

Moneo. 3. Quæ frequenter & serio petimus, petere debemus in nomine Christi. quod ipse Christus D. nobis suavit Jo. 16. v. 23. *Amen, amen dico vobis, si quid petieritis Patrem in nomine meo, dabit vobis.* Sunt hæc verba, affectibus & mysteriis plena. *Amen, amen*, id est, in veritate, verissimè, certissimè; *Dico*, id est, promitto (secundum S. Augustinum) Juro, supple, *Ego*, Magister vester, pater vester, pastor vester, *Vobis*, meis discipulis, meis filiis, meis oviculis; *Si quid*, quod vobis sit utile *petieritis*, in græco est, *αἰτῶντες*, poposceritis contenderitis postulaveritis, mendicaveritis; &, ideo humiliter, reverenter, fiducialiter, ferventer, perseveranter; *Patrem*; qui vos amat, sicut ego, *dabit vobis.* Sed unum adhuc necesse est, ut *petatis in nomine meo.* Sed quid hoc est, petere in nomine Christi? S. Gregorius M. hom. 27. sic explicat. *Nomen filii, nomen Iesus est; Iesus autem, Salvator, vel etiam salutaris dicitur: ille ergo in nomine Salvatoris petit, qui illud petit, quod ad veram salutem pertinet; Videtur consentire S. Augustinus cum ait: Non petitur, in nomine Salvatoris, quidquid petitur, contra rationem salutis.* Sed de hoc egi, in primo monito hujus concionis.

§. 11.
Alium horum verborum sensum.

Alii itaque sic explicant. In nomine Christi aliquid petere, est illud postulare, per & propter magna & infinita merita Christi; quo tendit communis illa clausula omnium fere orationum, quibus utitur Ecclesia; *Per Iesum Christum Dominum nostrum,*

nostrum, Amen. Eo tendant illæ obsecrationes in Litanis, *per Nativitatem tuam, per mortem tuam &c. & ignita illa orantium suspiria, mi Jesu! per Vulnera tua, per sanguinem tuum &c.* Quæ omnia Theologico huic innituntur fundamento; Omnes gratiæ, & dona, quæ nobis communicantur, nobis non debentur aliquo titulo Justitiæ, qui in nobis fundetur, sed sunt gratiæ; Christo Domino verò, qui sua morte, & sanguine suo illas promeruit, debentur ex rigore Justitiæ; & proinde nos, illas à patre, necessario petere debemus per Filium. S. Augustinus lib. med. cap. 5. *Sic enim solent rei carceribus cripæ, sic commanipati vinculis liberari, sic tristem accipientes sententiam capitis, non solum absolvi, sed insuper nancisci insolitam gratiam; dummodo iratis principibus, dilectæ prolis intimaverint caritatem; sic delinquentes servuli, evadunt supplicia Dominorum, dum pro eis intervenit dulcedo filiorum.* Ob eandem prorsus causam pius Jesus in cœlis apud patrem Advocatus noster est; ubi ejus dulcedo, bonitas, clementia, misericordia, amor, pro nobis intercedunt.

Figuram habemus cap. 37. Genesis. Jacob à patre primam extorsit & obtinuit benedictionem, quia jubente & consulente matre Rebecca, preciosas, & odoratas induit vestes: pari ratione; si nos patrem cœlestem inflectere velimus ad dandam benedictionem; in conspectu ejus comparere debemus, induti vestimentis dilectissimi ejus Filii, Domini nostri Jesu Christi.

Addo piissimam explicationem, pro instructione & solatio sodalium congregationis Christi in cruce Agonizantis. In devotissimo libello, qui interibitur, Blanditiæ sanctæ, his diebus legis; Petere aliquid in nomine Christi, esse, id petere, in nomine crucifixi; id est, ea quæ instanter petimus, petere debemus per infinita merita Jesu, trihorio pendentis in cruce, & in illa expirantis. Titulus aliquis illius libelli, sic habet. Amanter Christum crucifixum alloqui; explicare & desideria, & per illum, illa cœlesti patri proponere, ut obtineamus, id quod petimus. Suspirium affectuosissimum est, Jesu! *ne permittas me damnari; addamus, per tuam agoniam, per mortem tuam, per Vulnera & sanguinem.* Verum, amanter, cum tenerrimo affectu, si fieri potest cum lacrymis, ita alloquere Christum crucifixum.

Alveus Tertius.

L I

Ab-

§ 12.
Idem explicatur
per figurā,

§. 13.
Digressio ad
crucifixum
& sodales,
præsertim
si in hodiernam Dom.
incidat
congrega-
tio.

Abfconde te, in fanctiffima illius Vulnera, & ibi in fancta folitudine illi propone tua defideria, de fancta morte; ibi geme, ibi clama, esto columba in foraminibus petrae, & in caverna maceriae; ibi sonet vox tua in auribus ejus: dicito, tenerè, amantè, piè, cum illo Religiofo ex Ordine Cifterciensì; *leſu mi amantiffime* (ta'ia dixit, quoties imaginem crucifixi, aspexit) *in hora mortis meae, miferere anima mea; per agoniam tuam* &c. (Ex his affectuofum poteris addere Epilogum.)



CONCIO XXVI.

DOMINICA VI. POST PASCHA.

Cum venerit Paracletus, quem ego mittam vobis à patre.

Joann. 15. cap. v. 26.

SYNOPSIS CONCIONIS.

VNio, Concordia, dilectio, reliquæque virtutes caritati proximi, connexæ, sunt fructus & effectus Spiritus Sancti; & simul difpofitiones ad tanti Hofpitis dignam fufceptionem.

§. 1. *In plerisque Evangelis, intra Pascha, & Pentecosten, fit mentio Spiritus Sancti.*

§. 2. *Encomia mutua dilectionis & Unionis.*

§. 3. *Quam Christus D. tam ardentèr à Patre fuo petivit.*

§. 4. *Quam Spiritus S. in nobis operatur, ficuti anima in humano corpore.*

§. 5. *Profectio.*

§. 6. *In quavis communitate.*

§. 7. *Varii effectus Spiritus S. ex Tertulliano; præfertim caritas.*

§. 8. *Pulchritudo interior anime, & fanctitas profluit à Spir. S.*

§. 9. *Quid in verſ. 14. pf. 44. intelligatur per ſimbrias aureas.*

§. 10. *Ut Spiritus S. nos vivificet, debemus eſſe uniti. Probatio ex Ezechiele, ex S. Auguſtino & S. Bernardo.*

§. 11. *Ex S. Baſilio, Hugone, D. Hilario, & Tertulliano.*

§. 1. *In omnibus Evangelis, intra Paſcha &*



Blervatu ſane dignum eſt, in omnibus fere Evangelis, quæ intra Paſcha & Pentecosten, diebus Dominicis leguntur, Chriſtum D. facere mentionem Spi-

ritus

ritus Sancti. Postquam Dominica prima post pascha, discipulis suis ostendisset manus & pedes, sive cicatrices sanctorum Vulnerum, ait ad illos Joannis 20. v. 23. *Accipite Spiritum Sanctum, quorum remiseritis peccata, remittuntur eis.* Postquam in Evangelio Dominicae secundae se comparavit bono pastori, promittit suum ovile fore unum, sive unam Ecclesiam; quae unitas vel unio, effectus est Spiritus Sancti. Dominica tertia ait ad Apostolos Joannis 16. cap. v. 20. *Tristitia vestra convertetur in gaudium. gaudebit cor vestrum, & gaudium vestrum nemo tollet à vobis.* Hoc gaudium est fructus Spiritus Sancti. In Evangelio Dominicae quartae discipulis suis hanc aperit causam sui discessus, Joann. 16. v. 8. *Si enim non abiero, paracletus non veniet ad vos; si autem abiero, mittam eum ad vos, & cum venerit, arguet mundum de peccato &c.* Dominica quinta, hortatur Christus Dominus discipulos suos ad ferventem & frequentem orationem dum ait, *petite & accipietis* Joan. 16. v. 24. ob hanc causam, ut gaudium cordis sit plenum; quae plenitudo gaudii, cum spiritu & dono orationis, prout SS. Patres loquuntur, spiritui sancto est ascribenda. Denique in hodierno Evangelio Dominicae sextae post pascha, claris verbis promittit Apostolis, missurum se de caelis spiritum sanctum. *Cum venerit paracletus &c.* Arbitror ego hoc contigisse, ad excitandum ingens desiderium in Apostolis, ad recipiendum tantum hospitem, & ad seriam praeparationem, quae spiritus sancti adventum in corda nostra, debet praecedere; de qua ait cap. 2. act. Ap. v. 1. *Erant omnes pariter in eodem loco, perseverantes unanimiter in oratione, cum Maria Matre Iesu, sedentes in communicatione fractionis panis, collaudantes Deum.* Hic versus, pulcras & diversas continet dispositiones ad recipiendum spiritum sanctum; de oratione egitante octiduum, & alias; particula unanimiter, innuit animorum inter Apostolos unionem, dilectionem, pacem & concordiam; quae virtutes nobis quoque plane sunt necessariae, si ad recipiendum spiritum sanctum sordida corda, animosque nostros velimus disponere; quod hac concione, favente gratia spiritus sancti, fufius ostendam.

§. 2.
Variationem
comia mu-
tua dile-
ctionis, &
unionis.

Oratione 16. eleganter ut solet, ait S. Gregorius Nazianzen. *Pulchra res est fraternus amor, ejusq. rei Iesum testem habemus, qui non modo frater noster vocari, sed etiam, salutis nostra causa, supplicio affici sustinuit. Pulchra res est benevolentia erga homines; ac testis est idem Iesus, qui nostra causa homo factus est.* S. Ambr. lib. 3. Offic. c. ult. *Servate igitur filii, in ita cum fratribus amicitiam: qua in rebus humanis nihil est pulchrius. Testis inquam, horum est idem Christus Dominus, dum toties gravissimis verbis, hanc amicitiam, hanc benevolentiam, hanc mutuam inter suos dilectionem, hunc fraternum amorem, gravissimis verbis toties & tam severe commendat, & inculcat.* Joan. 13. v. 35. *In hoc cognoscunt omnes, quod discipuli mei eritis, si dilectionem habueritis ad invicem.* Ubi S. Chrysost. ait hom. 71. *Dilectionis ejus signo (vel caractere, nota, symbolo, signaculo) notat. Quid tandem? quoniam vel hac maxime sanctorum hominum est indicium.* Testis est Iesus, cum ait Joan. 17. v. 22. *Et ego claritatem, quam dedisti mihi, dedi eis, ut sint unum, sicut & nos unum sumus.* Iterum S. Chrysost. hom. 72. in ep. ad Rom. *Non ex hoc potissima Deo gloria accedit, quod in unum complicamur & conjungimur.* Per claritatem, cujus Christus D. fecit mentionem P. Maldonatus intelligit *mortem* ejus, ut sensus illorum verborum sit, mortis meæ, quam ex tua voluntate, pro humano genere, sive pro illis quos diligo, sustinui, faciam illos participes, non tantum ut redimantur a peccatis, sed ut ipsi quoq. unum sint, & se invicem diligant. Videtur hic sensus placuisse S. Chrysost. hom. 33. in ep. 1. ad Corinth. *Sic Dominus noster mortuus est, ut nos essemus conjunctiores.* & S. Greg. Naz. orat. 42. postquam enarrasset varia prodigia crucis, ait, *nullum tamen cum salutis meæ miraculo, conferendum est, in quo exigua cruoris gutta, orbem universum instaurarunt, atq. idem, quod lacti coagulum, hominibus præstiterunt, in unum nos conjungentes & constringentes.* Quid pulchrius dici potest?

§. 3.
Quam
Christus
D. tam ar-
denter pe-
tivit à Pa-
tre suo.

Cum testis iterum sit Christus D. Salvator noster, in ferventissima illa oratione ad patrem Joa. 17. v. 8. *Non pro eis tantum rogo, sed pro eis, qui credituri sunt, per verbum eorum in me, ut omnes unum sint, sicut tu Pater in me, & ego in te; ut & ipsi in nobis unum sint, ut credat mundus, quia tu me misisti.* Magni sine dubio momenti

menti res est, quam Salvator noster, tam ardentem petit à patre suo, & ob quā se ait missum in mundū: ut nos mutuo diligamus.

Testimonium dēniq; præcipuum est, quod promiserit se Spiritum S. ut nos faciat unum: quæ unitas, unio, dilectio & benevolentia, fructus & effectus sunt efficacissimi Spir. S. imò dispositiones ad illius receptionem plane necessariae. Juxta mentem Apostoli, ad Philipp. 2. v. 1. *Si qua societas spiritus est*, quasi diceret; si invicem estis socii, fratres, amici, concordēs, unanimes; spiritus quoq; sanctus inter vos, & in vobis est: causans & efficiens illam unionem, & per eandem trahitur ad nos, sive, in corda nostra, Epist. 1. ad Cor. 12. v. 12. id explicat, hoc simili; *Sicut enim corpus unum est, & membra habet multa; omnia autem membra corporis cum sint multa, unum tamen corpus sunt; ita, (in Ecclesia quæ constituit corpus Christi, mysticum) in uno spiritu, omnes nos in unum corpus baptizati sumus; sive Iudæi, sive gentiles, sive servi, sine liberis; & omnes in uno spiritu potati sumus.* Ut unus ex primariis effectib⁹ Spir. S. ut, quod anima præstat corpori materiali, id ipse operetur in corpore mystico, omnia membra uniendo, & colligando.

Ad Ephes. 4. v. 3. ait S. Paulus. *Solliciti servare unitatem spiritus, in vinculo pacis*, & statim subdit, *unum corpus, & unus spiritus.* quasi diceret si unum corpus estis, si vos invicem diligitis, &c. Spir. S. id operatur. S. August. ser. 2. fer. 2. Pentec. *Quod est anima corpori hominis, hoc est, Spir. S. corpori Christi, quod est Ecclesia. Hoc agit Spir. S. in tota Ecclesia, quod agit anima in omnibus membris vivi corporis: quemadmodum una anima corpori vitam inspirat, illud animat, vivificat, & omnia membra inter se unit, & necit; ita & Spir. S. membra Ecclesiæ, licet diversissima sint, per vitam gratiæ, & calorem sancti & casti amoris, in vinculo pacis inter se connectit.* S. Cyrill. Hieros. Catech. 17. *Respice cujuslibet nationis Episcopos, Sacerdotes, Diaconos, monachos, Virgines, & reliquos laicos, & respice magnum hunc Prasulem, & gratiarum Parochum, seu exhibitorem, quomodo in universo mundo, aliis castitatem, aliis virginitatem, aliis studium paupertatis &c. omnibus, amorem, & pacē tribuat.* ex quo fructu vel effectu Spir. S. simul veluti signo colligere possumus, quænam sit vera Ecclesia Christi in terris, si nimirū inter membra sit unio, si unus spiritus, &c. (potest fieri digressio contrahæreses.)

S. 4.

Quam Spiritus S. in nobis operatur, sicut anima in corpore humano.

S. 5.
Profecatio.

§.6.
In qua
vni
communi-
tate.

Quod in communi de tota Christi Ecclesia dicitur, idem de quavis communitate, de domo patrisfamilias, de domo aliqua religiosa, verissimum est; si v. gr. inter maritum & uxorem, inter fratres & sorores, inter servos & famulas, dominantur rixæ, discordiæ, dissensiones; hanc faciamus consequentiam; abest spiritus sanctus neque in tales ædes descendet, nisi inter omnes Christiana sit unio, & dilectio.

§.7.
Varii effe-
ctus Spiritus
sancti,
ex Tertull.
præcipue
caritas.

Tertull. l. de Trin. *Hic est* (scilicet Spir. S.) *qui inexplēbiles cupiditates coercet, immoderatas libidines frangit, illicitos ardores extinguit, flagrantē impetū vincit, ebrietates rejicit; avaritias repellit, luxuriosas commessationes fugat; deniq̃, caritates necit, affectiones constringit, scētas repellit.* Deum bonum! quot Tertullianus conglobat causas, ut imploremus, & desideremus adventum Spiritus S. in quam multis æstuat inexplēbilis cupiditas opum, honorum? *Veni S. Spiritus*, ut coerceas hos appetitus. Multorum! quam est immoderata libido? quā illicitus ardor? inter Deo sacratas personas, inter conjugatos, in juventute, inter senes? *Veni S. Spiritus*, ut extingas hæc incendia! *Veni*, & alios suppone ignes, amoris casti & sancti. Qualia non cernimus odia, quæ gliscunt rixæ, & dissensiones? *Veni S. spiritus*, ut necas caritatem, ut affectiones constringas, ut scētas repellas.

§.8.
Pulcritudo
interior
animæ. &
sanctitas
profluit à
Spiritu S.

Ostendo alibi, quam eleganter regius psaltes ps. 44. describat pulcritudinem Christi & cujusvis animæ sanctæ in persona filiæ Regis; modo, cupio vos memores esse vers. 14. in quo ait; *Omnis gloria ejus, filiæ regis, ab intus, in simbriis aureis*: Duo commendat David 1. quod eximia exterior sponsi vel sponsæ pulcritudo promanarit ab intus: id est, ab anima, sive vita, quæ in corpore humano est fons pulcritudinis; illa enim recedente, cedit venustas, & omnis gratia, succedit pallor, putredo, fœtor: Pari ratione, interior, & supernaturalis pulcritudo animæ, quæ priorem in immensum excedit, consistit in vita interiori, quæ est gratia sive caritas Dei; hæc verò fluit à gratiarum & caritatis fonte, qui est Spir. S. ut clare loquitur S. Paulus ad Rom. c. 5. v. 5. *Caritas Dei diffusa est in cordibus vestris; per Spir. S. qui datus est nobis.* S. Paschasius super citata verba illud hoc simili declarat. *In qua Deus est* (& quod sequitur, spiritus sanctus) *sicut origo est*

go est

est virtutum, & fons bonitatis; ita omnis gloria exinde; & claritas fructificat & crescit foris; unde dicitur Cant. 6. c. v. 6. *Sicut cortex mali punice, ita gena tua; absq; eo, quod intrinsecus latet: quia in genis quod exterius rubet, ab intus nascitur, ut rubeat ex eo, quod interius vivit, & viget.* (fac digressionem ad flores, quod hoc tempore ita floreat, quia vivunt, decor illorum ab intus nascitur) pariratione, nisi intus in nobis sit spiritus sanctus non erit viror & elegantia virtutum; præsertim mutæ dilectionis.

In cujus laudem & commendationem addit David cit. ver-
su, quod sponsi vel sponsæ, Regis vel Regina pulcritudinem
multum auxerint, & ornarint, *fimbria aurea.* græcus textus sic
habet; *fibula & laqueoli aurei.* quibus variæ vestes solent colliga-
ri & constringi; unde alii sic legunt, *constrictoria aurea,* sive, *vit-*
ta & funiculi, ex auro, & serico contexti, quibus v. g. flores, vel
gemmæ alliguntur pectori; *Ex quibus,* fimbriis, fibulis, laqueo-
lis, constrictoriis, vittis, funiculis, ait Agellius, *fidelium inter se*
astrictam caritatem, per quam in vinculo pacis conjuncti sunt, con-
gruenter accipimus. Itaque, quemadmodum ante solennia festa,
solliciti sumus, ut pulcris vestibus, ornemus corpora; pari ratio-
ne satagamus, ut animas nostras vestiamus veste nuptiali divi-
næ gratiæ, ornemusque aureis fimbriis mutæ dilectionis: his
funiculis de cælo ad nos detrahare poterimus Spiritum S.

Repeto thema meæ concionis; unio, dilectio, vita ama-
bilis, sunt fructus & effectus illi efficacissimi Spir. S. & simul ne-
cessariæ ad illum recipiendum dispositiones. Figuram habe-
mus Ezech. cap. 37. v. 17. Fuit propheta in spiritu Domini edu-
ctus in campum, qui erat plenus ossibus, multis valde, siccisque
vehementer, videns hæc propheta ait; *Ossa arida, audite Verbum*
Domini, intramittam in vos spiritum, & vivetis &c. factus est soni-
tus, & ecce commotio; & accesserunt ossa ad ossa, unumquodque ad
juncturam suam, & ingressus est in ea spiritus; & vixerunt, stete-
runtque super pedes suos, exercitus nimis grandis valde. Alias utor
hoc loco ad declarandas alias operationes spiritus sancti, modo
afferam tantum aurea dicta quorundam sanctorum patrum,
quæ locus hic illis suggessit. S. Augustinus ser. 2. ad fratres ait,
Spiritus enim humanus, sicut nunquam vivificabit membra, nisi
fuerint

§. 9.
Quid in
v. 14 ps.
44 intelli-
gatur per
fimbrias
aureas,

§. 10.
Vi Spiri-
tus S. nos
vivificat,
debemus
esse uniti.
Probatur
ex c. 37.
Ezech. ex
S. Aug. &
S. Bern.

fuerint unita, sic spiritus sanctus nunquam nos vivificabit, nisi pace uniti fuerimus. Eadem ferme reperio apud S. Bernardum ser. 1. de S. Mich. Videre est animam hominis, quemadmodum unius corporis membra vivificet; sed coherentia sibi. Separat eam quodvis a iunctura ceterorum, & vide an de cetero vivificet illud. Sic est omnis, qui dicit anathema Iesu. (quod facit, qui scindit unionem, qui per odia, rixas, discordias inter se separat membra mystici corporis Christi) quod nemo dicit in spiritu Dei; quia anathema, separatio est; sic inquam omnis, qui ab unitate dividitur, non dubites, quin ab eo recesserit spiritus vita. Audite hæc, ossa arida, & sicca, quæ inter cineres vestros alitis & fovetis odia; ossa mortua, anathema dicitis Iesu; spiritus vita, spiritus unionis, spiritus amoris, spiritus sanctus recessit à vobis; si desideratis ut spiritus ille super vos veniat, ut vos vivificet & sanctificet; redite prius ad iuncturam, ad unionem & concordiam; & bonus Iesus, qui ante paucos dies gloriosus ascendit ad cælos, intromittet in vos spiritum sanctum, & vivetis. Veni & sancte spiritus? (habes locum pro pio affectu adhortatorio ad unionem.)

§ 11.
Ex S. Basilio.
Hugo.
no. Hilario,
& Ter.
in Iliano.

Confirmat hæc S. Basilii epist. 79. *Hinc certè probatur, quàm non ducantur spiritus sancto, qui falsas intra se suspiciones alunt, dico ego; qui fovent odia &c. [poteris hic facere acrem & severam in similes invektivam, y. g. sunt inter vos, qui illis quos oderunt, venenatis linguis detrahunt; non ducuntur tales spiritu sancto; talis lingua non est disposita ut post occiduum accendatur à flamma illius spiritus &c.] de his omnibus ait Iudas Apostolus in sua canonica. v. 19. qui sequebantur semetipsos, animales, spiritum non habentes, & Hugo l. de arca Noe. *Planum si capax celestis gratia* (consequenter spiritus S.) *preparet se in pace & tranquillitate.* nam quod de Christo Salvatore nostro mortuo in cruce, ait ps. 75. v. 3. & de eodem, prout per gratiam habitat in cordibus nostris, idem dici potest. *In pace factus est locus eius.* idem verissimum est de Spiritu S. non habitant nisi in cordibus quæ habent pacem & quæ diligunt proximum suum. D. Hilarius in S. Matthæum canon. 18. *Ipse enim qui pax atq; caritas est, sedem in bono ac pacifico voluntatis collocavit.* Eleganter deniq; Tertull. l. de spectac. c. 15. *Deus precipit nos Spiritu S. pro natura sua bono, tenerum & delicatum* (Deum amoris & dilectionis) *cum tranquillitate, & lenitate & quiete, & cum pace tractare. non furore, non bile, non ira, non dolore inquietare.* Hæc ego hodierna Dominica illis præsertim dicta volo, qui fortassis ob inveterata & tempore radicata multorumque annorum spat. o. conservata in cordibus odia; præceptis Ecclesiæ de paschali confessione, & communionem, needum satisfecerunt, nec satisfacere cupiunt, nisi de suis inimicis sumant vindictam, si vulnera, mors, crucus & sanguis Christi ad veram dilectionem permoveere non potuerunt, opto hodie, ut id faciat Spiritus S. propter quod, ut finiam verbis cum verbis S. Petri ep. 2. cap. 3. v. 14. *carissimi, hæc expectantes (scilicet deum) illam promissionem Christi, spiritum sanctum) satagate immaculati, & in pace.* laus ei inveni, in pace. Amen.*

FINIS PARTIS PRIMÆ.

Alvei Tertii

SIVE

CONCIONUM,

In omnes Dominicas à Pentecoste
usque ad Adventum

P A R S II.



CONCIO XXVII.

FESTO PENTECOSTES.

Paracletus autem Spiritus S. quem mittet Pater in nomine meo.

Joann. 14. v. 26.

SYNOPSIS CONCIONIS.

PRoponit binas potissimum causas, ob quas Spiritus S. supra Apostolos descendit in forma ignis.

- | | |
|--|---|
| §. 1. <i>Quid sit Spiritus S.</i> | §. 9. <i>Confirmatur ex S. Chrysostomo.</i> |
| §. 2. <i>Alias Spiritus S. descendit ut ventus & columba.</i> | §. 10. <i>Ut Deus in Veteri Test. Prophetas, sic in Novo Christus D. suos Apostolos, contra hostes armavit ignibus.</i> |
| §. 3. <i>Alias in forma Nubis.</i> | §. 11. <i>Quod ex profana eruditione confirmatur.</i> |
| §. 4. <i>Die Pentecostes in forma ignis.</i> | §. 12. <i>Et nos, nos similibus flammis armare debemus.</i> |
| §. 5. <i>Ignis de caelo in Veteri Testamento devorans holocaustum.</i> | §. 13. <i>Epilogus. Ut ardeamus ignibus spiritus sancti.</i> |
| §. 6. <i>Fuit figura spiritus sancti.</i> | |
| §. 7. <i>Qui Apostolorum corda in holocaustum accendit.</i> | |
| §. 8. <i>Paratus, nos quoque simili modo accendere.</i> | |

§. 1.
Quid sit spiritus sanctus.

CUm S. Paulus (ut referunt Acta Apostolorum) circa festum Pentecostes, venisset Ephesum, inter alia suis auditoribus, quibus prædicabat Evangelium, hanc proposuit questionem, *An acceperint spiritum sanctum?*
respon-

responderunt autem Ephesini: se non tantum, non accepisse spiritum sanctum, sed ignorare se, quis vel qualis sit ille spiritus. Aliter ego sentio, de meis presentibus auditoribus, saltem quoad alteram partem datæ responsionis. Arbitror vos scire, & credere firmiter, hunc articulum fidei Catholicæ quid spiritus sanctus sit; nimirum tertia persona sanctissimæ Trinitatis; in natura, in divinis attributis & perfectionibus, per omnia æqualem Patri & Filio, æternum, immensum, omnipotentem, bonum, sanctum, verbo Deum. Et hæc scientia, omnibus sufficit ad salutem. Magis illuminati & illustrati à lumine fidei, spiritum sanctum nil aliud esse, quàm infinitum illum amorem, quo pater ab æterno complectitur filium, & filius patrem, non ignorant. Qui amor cum ociosus non sit, neque tamen quoad intra alium amorem operari possit, effundit se ad extra, scilicet ad creaturas, & præsertim hominem tanquam nobiliorem creaturam lumine rationis præditum, cui, quia tantæ gratiæ & beneficia ex infinito amore & liberalitate Dei collata sunt, (cōprehendit omnia titulus sanctificationis) illa merito adscribimus spiritui S. qui amor est. Personalis hic amor in sacrosancta Trinitate, est veluti fœcunda radix & arbor, de qua omnes surculi, rami & fructus gratiarum proveniunt. Est veluti fons, vel immensum mare, ex quo fluunt rivuli tot beneficiorum. Quandoquidem hæc scimus & credimus de spiritu S. cum Seraphinis non solum lætis vocibus conclamamus *Sanctus Pater, Sanctus Filius*, sed addimus, *Sanctus Spiritus S.* Isaia 6. v. 3. Apocal. 4. v. 8. Non patri tantum & filio, sed sancto quoque spiritui, gloriam, honorem & benedictionem apprecamur. Cum S. Athanasio nos dicere oportet, *aternus Pater, aternus Filius, aternus spiritus S. Non tamen tres aterni, sed unus aternus Deus &c.* Itaque cum supponam vos hæc scire & credere: non inhærebo hac concione huic quæstioni, quid sit spiritus sanctus, sed alteri, à S. Paulo propositæ, an acceperimus spiritum sanctum, cum aliquot causas vobis proposuero, ob quas in terras hodierna die descenderit in forma ignis, facile respondere poterimus. O sancte spiritus! cum sine tuo lumine, sine tuo numine, sine tuistra-

diis, sine tua gratia, quod intendo præstare non possim, veni, O lux beatissima, & meum, auditorumque meorum corda, amoris tui igne accende.

§. 2.
Alias Spiritus S. de
scendit, ut
canis &
columba.

Spiritus S. variis modis, diversis temporibus de cælis in hunc mundum descendit. In veteri testamento, lib. 3. Reg. c. 9. v. 12. afflavit Eliam, in sibilo auræ tenuis & suaviter murmurantis venti. Non sine mysteriis; Divinus enim hic spiritus, ventus est, ab æterno productus *de thesauris divinitatis*. pl. 134. v. 7. Est *ventus egrediens à Domino*, Numeror. 11. v. 31. Est *ventus urens*, ob ardores flammarum æternarum, Job. 27. 21. *Ventus calidus*, Jonæ 4. v. 8. *Ventus vehemens*, qui Exod. 14. 21. aperuit & clausit mare rubrum. Est *ventus amoris*, Jeremiæ 2. 24. Est *ventus roris*, ob quem Dan. 3. 50. tres pueri in fornace Babylonica ardores flammarum non senserunt. Idem ventus ab Evangelistis vocatur *aspiratio*, ad denotandam spiritualem vitam gratiæ, qua nos vivificat. In novo testamento, super divinissimum caput Salvatoris, cum baptizaretur in Jordane, apparuit in forma columbæ, ad significandam innocentiam, puritatem, candorem, sanctimoniam & fecunditatem bonorum operum, ad quæ animas fidelium impellit. Columba! una, ut una fuit sponsa sponsi. Unus Spiritus S. Columba! formosa immaculata ut formosus est, spiritus sanctus. Columba convallium, Ezech. 7. 16. requiescens super humiles corde; columba! gemens, Nahum. 2. v. 7. quia pios gemere facit.

§. 3.
Alias in
formam
bis.

In transfiguratione Domini, Regem gloriæ obumbravit tanquam aurea & lucida nubes, cujus umbra cujus pluviis electi proteguntur, & irrigantur. Exod. 16. cap. v. 4. gloria Domini apparuit in nube; in simili nube hodie mundo apparuit spiritus sanctus. Spiritus sanctus! *nubes plena aqua*. 4. Esdræ c. 4. 4. *Nubes! spargens lumen*, Job. 37. 11. *Nubes matutina, stillans rore*. Osee. 13. 3. *Nubes obumbrans*, Marc. 9. v. 6.

§. 4.
Die Pentecostes in
forma ignis

Hodierna verò solennitate, in Pentecoste, super beatissimam Dei Matrem, & Apostolos, Discipulos, sanctasque mulieres, decimo die post gloriosam Christi D. ascensionem de cælis descendit in forma ignis, in varias scintillas, veluti linguas,

guas, divisus, seditque supra singulos illorum. Act. 2. v. 32. Ignem elegit; nam ipse est ignis amoris, ab æternitate ardens in sinu patris. *Est ignis Dei*, Job. cap. 1. v. 17. *ignis comburens*. p. 104. v. 32. *Est flamma ignis devorantis*. Isaia 30. v. 30. Idem alligente S. Paulo ad Hebr. 12. 29. *Deus noster, ignis consumens est*. Alias multas rationes, ob quas spiritus sanctus in forma ignis descenderit, reperio in S. literis & apud S. Patres, inter quas, modo hæ mihi præcipuè placent.

Ex sacro codice scimus, in veteri testamento frequenter decidisse de cælo ignem, in altaria, super victimas, à quo accensæ & combustæ fuerunt. Genesis. 4. v. 4. *Abel obtulit Domino de primogenitis gregis sui, & respexit Dominus ad munera ejus*; id est ut nobiles interpretes affirmant, misit flammam de cælo, quæ impositum arcæ agnum, accendit, & in suave Domino holocaustum combussit. Judicum 13. c. v. 20. similis ignis absumfit panet Gedeonis. Lib. 3. reg. 18. v. 38. Elias ædificavit altare Domino, composuit ligna, divisumque bovem super illa imposuit, *ignis verò, orante propheta, cecidit de cælo, & voravit holocaustum, & ligna, & lapides, & aquam; quodcum vidisset omnis populus, cecidit in faciem suam, & ait: Dominus ipse est Deus, Dominus ipse est Deus!* Lev. 9. v. 24. Aaron præsentem fratrem Moysen, altaribus imposuit victimas & holocausta; dum è tabernaculo exeunt ut benedicant populo, ingens accidit prodigium. *Et ecce egressus ignis à Domino devoravit holocaustum, & adipem, qui erant super altare.* Non dubito omnem populum, cum ingenti admiratione, & reverentia exclamasse, Dominus est Deus noster!

Intervarias Interpretum sententias de cælesti hoc igne, placent mihi verba Rudolphi Flavii l. 7. in Lev. c. 1. ubi ait; *Ignis enim egressus à Domino, spiritus sanctus est, qui à patre filioque procedit, de quo ipse Dominus, ignem veni mittere in terram, hic ergo ignis in terram missus, id est, hominibus datus, holocausta vorat; quia perfectorum corda in suum amorem rapiens, & ab affectibus mundanis secernens, omnem eorum virtutem, & studia ad divinam transfert militiam &c.* Ex quibus pulcherrimis verbis, doctissi-

S. S.
ignis de
cælo, in v.
T. devo-
rans holo-
causta.

S. 6.
Eni figura
spiritus
sancti.

mi Interpretis hanc colligo causam, quare spiritus sanctus in forma ignis supra Apostolos descenderit.

S. 7.
Qui Apo-
stolorum
corda, in
holocaustum
accendit.

Pulcritudo & magnificentia Christi D. ascendentis in cœlos, latissimus aspectus tam gloriosi spectaculi, quale fuit admirabilis illa Ascensio; ultimus intuitus sui Magistri in suo decore, Oscula, ultimum impressa cicatricibus gloriosorum Vulnerum; dulcissima illa idea & imago, in mentibus omnium relicta, species aureæ nubis, quæ Dominum abstulerat ab oculis eorum; & amor præsertim, qui inde exarsit, ea in illorum cordibus excitavit desideria; accensa, inflammata desideria! ut per decem integros dies, unanimiter perseverantes in oratione, nil aliud desiderarint, quàm se totos, animas, corpora, linguas, affectus, offerre Domino, in holocaustum; Hodierna die, mane, ascendente sole, dum Virgo Mater suspirat, O fili dulcissime! sit cornu victima, quæ tuo honori comburatur! dum Apostoli orant, O Magister! adimple promissa, mitte paracletum, qui suis ignibus nos accendat; ecce corda nostra! ecce holocausta! utinam ardeant! Ecce, aperiuntur nubes, panditur cœlum! ecce de pulcerrimis tabernaculis, cœlestis Jerosolymæ, egressus est ignis; Spiritus S. qui Mariæ, omniumque præsentium corda, veluti holocausta devoravit; & momento, in sui amorem adeo rapuit, à terrenis desideriis adeo secrevit cœlestibus verò adeo accendit, ut omnes arserint, grata Deo victima, & holocaustum, in odorem suavitatis. O flammæ in Virgineo corde! Spiritus S. accendit. O ardores in corde S. Petri! Spiritus S. immisit. O prunas in omnium pectoribus! O desideria! O suspiria! O amores! his amoribus, his suspiriis, his desideriis, his ardoribus, his flammis, igneque hic spiritus, talia holocausta devorare solet. Rapit hominum corda in Dei amorem.

S. 8.
Paratus,
nos quoque
simili modo
accendere.

Video! ni fallor, adhuc hodie patent pulcerrima cœli tabernacula! pater, thronus, in quo ad dexteram patris sedet Rex gloriæ Christus Salvator noster, advocatus noster, ut & nobis à patre suo mittat spiritum sanctum. Video, formosissimam illam columbam explicare pennas, librare alas, ut devolet in terras. Video, lucidissimam illam nubem inclinantem se versus hanc

hanc vallem lacrymarum. Video cœlestem flammam, inclusam quidem in pectore patris, paratam ut egrediatur. hæc video in cœlis: sed ubi altaria in terris? ubi victimæ? ubi holocausta? ubi corda vestra auditores? ubi vestra desideria? ubi animæ? ubi aquæ contritionis, ut laventur prius victimæ? Ah! utinam multorum corda non jam aliis arderent ignibus, quos suscitavit Asinodæus! quos accendit ira! quos inflammavit invidia! Utinam multorum corda non essent victimæ Veneris, proinde Satanæ, ut infernalibus deinde flammis æternum ardeant. De vobis auditores, aliud spero; Ecce altare, & aram, in qua in Venerabili sacramento nobis præsens est Christus Jesus Salvator noster; hic ponite corda vestra, præsertim si pura sint, & in sacramento confessionis lota, in precioso sanguine immaculati Agni, pro nobis in cruce immolati, nec dubitate, Ignis Domini non deerit, ex aperto latere Christi, evolabit ardens illa columba, descendet super nos Spir. S. ut suavissimis & castissimis flammis in suave holocaustum nos accendat, & consumat.

Placuit hæc causa S. Gregorio M. hom. 30. in Evang. Nam §. 9.
dum repentino sonitu super discipulos venit, mentes carnalium in sui *Confron-*
amorem permusavit, & foris apparentibus linguis igneis, intus facta *tar ex S.*
sunt corda flammantia, quidum Deum in ignis visione susceperunt, *Chryso-*
intus suaviter per amorem arserunt. *mo.*
 Hæc considerate atque perpendite auditores; & si quæstio vobis proponatur, an acceperitis spiritum sanctum? facile poteritis respondere. Coguntur aliqui fateri, si veritatem loqui velint, se esse carnales, & animales, se nimium diligere mundum, rarò se cogitare de cœlestibus, de amando Deo. Tales necdum acceperunt spiritum sanctum. Alii, mortificant membra sua, ne Deus offendatur; ad hunc finem, bellum indicunt sensualitati: eundem Deum pius amant, quam creaturas; magis solliciti sunt de cœlestibus, quam de terrestribus; igne divini amoris ardent suaviter. Hi sunt, qui acceperunt spiritum sanctum.

Alteram quoque causam, ob quam Spir. S. descendit super Apostolos in specie ignis colligo ex Vet. Test. ex quo sci- §. 10.
 mus, Deum, Prophetas præcipuos, cum illos misit ad prædi- *Vi Deum in*
V. T. pro-
phetas, sic
 candum *in N. Grib-*

*flus D. suos
apostolos,
contra ho-
stes arma-
vit igni-
bus.*

candum impiis pœnitentiam, armasse quasi igne, vel fuisse igneos. Antequam Moyses mittitur ad impium Pharaonem, apparuit illi Deus in rubo ignis ardentis, deditque illi potestatem concitandi fulgura & fulmina &c. Cornua quæ deinde ex monte Sina secum detulit ad populum, fuerunt quædam flammæ vel radii, vel ardentes quasi comæ in illum erectæ Exod. 30. v. 1. 2. Ad prædicandam pœnitentiam impio populo missus fuit Isaias, verum c. 7. v. 11. igneus seraph prius labia ignito carbone adussit, ut igneo ore & lingua ardente deinde prædicaret. Jeremias de se ipso ait Thren. 1. v. 3. *de excelsis misit ignem in ossibus meis. & erudit me,* & c. 23. v. 29. prophetiæ; *Nunquid non verba mea quasi ignis.* c. 20. v. 9. *factus est in corde meo quasi ignis exarsuans, clausus q. in ossibus meis, & defeci ferre non sustinens.* de Elia dicitur Eccl. 48. v. 1. *Surrexit Elias quasi ignis, & verbum ejus quasi facula ardebat.* Ezechieli ante prædicationem ostensus fuit currus gloriæ divinæ Majestatis, sed totus igneus, rotæ erant igneæ, sedes ignea, animalia ipsum trahentia ignea, igneus leo, igneus taurus, ignea aquila, igneus homo; Ita habet textus. Et similitudo animalium, & aspectus eorum, quasi carbonum ignis ardentium, & quasi aspectus lampadarum; ibant & revertebantur in similitudinem fulguris coruscantis; præterea Ezech. 1. v. 13. Undique *Splendor ignis, & de igne fulgur egrediens &c.* Redeo ad meum thema. Hodierna dies ab æterno statuta fuit, ut Apostoli inciperent prædicare Evangelium, & magnalia Christi crucifixi; ut facerent ferventer, ut essent Eliæ, Isaiæ, Jeremiæ; Spiritus S. in forma linguarum ignearum super illos descendit, adeoque accendit, ut in momento cōversī fuerint, in leones, sed igneos, in tauros, sed igneos, in igneas aquilas, verbo, facti sunt ignei homines. A morte Christi latuerunt timidi, in solitudine, in silentio; momento verò quo hodie Jerosolyma, horrifono de cœlo tonitru excitata fuit, & repentino terræ motu, terra concussa, prodierunt in publicum igneis linguis loquentes magnalia Dei, libera voce dicentes, Act. 5. cap. v. 30. *Deus Patrum nostrorum suscitavit Iesum, quem vos interemistis, suspendentes in ligno, & nos (ego Petrus, qui illum negavi &c.) sumus testes, esse*
Filium

Filium Dei, esse Messiam &c. Dixerunt hæc tanta vi, voce tam ignea, ut die illa tria millia receperint sermonem Domini, crediderint, & baptizati sint. De S. Petro præcipue ait S. Chrysost. hom. 4. in acta. *Ut cognoscerent, Spiritus S. esse gratiam, cum qui vilis puella non tulerat percunctationem, nunc in medio populi tanta cum fiducia differeret.* Illos ignes, illos ardores, illum fervorem in Apostolorum animis, in oculis, in ore, in lingua, accendit Spiritus S.

Profana eruditio causam hanc confirmat. Cum olim belli duces hosti bellum vellent indicare, in hostilem terram injiciebant ignem. Persæ jam conflicturi, ardentem faculam vel hastam in aciem adversariorum contorquebant. Valerius Maximus, & Livius referunt, ex Lucii Marii strenui ducis, cum militem ad pugnam animaret, capite erupisse flammæ, quibus visis milites adeo fuerunt animati & accensi, ut licet essent paucissimi, tamen 37. millia trucidarint. Cum aliquando Alexander M. (recte Plutarcho) in hostem rueret, visus fuit circumdatus flammis, quibus territi hostes protinus fugerunt. Servii Tullii infantis caput, radiavit flammis in cunis, ex quibus augures prædixerunt, fore strenuum belli Imperatorem, & felicem triumphatorem, quod & contigit. Redeo ad ignes Spiritus S. Imperator cœli & terræ Christus Jesus ante dies 10. ut scitis, gloriosus ascendit ad cœlos inde à regno suo, hostili terræ, huic mundo, suisque hostibus, Satanæ, idololatriæ, peccato bellum indicit per Apostolos, sed per ignes in quorum specie Spiritus S. in hunc mundum descendit. In belli duces electi sunt Apostoli; cum omnium capita & vertices fulgidissimis radient ignibus & flammeis linguis, sive igne spiritus sancti, augurari possumus fore felicissimos expugnatores & triumphatores hostium Christi. Aggrediuntur hodie nequitie arcem Synagogam, sed circumdati flammis, quas Christi hostes ferre non poterunt. puto hic locum habere verba Cyrilli Alexandrini in homilia Ephesi habita; *descendit universorum Deus in monte Sinai, in specie ignis: & cur quæso in specie ignis? sane quando illis promulgaturus erat legem, tunc salubriter admodum in ignis specie descendisse*

Alveus Tertius.

Nn

visus

S. II.
Quod ex
profana
eruditione
confirmatur.

visus est, nempe quo hinc transgressores illius intelligerent, rem sibi cum igne fore. Cum itaque hodie quoque Spiritus S. descendat in forma ignis, legisque novæ prædicatores armet flammis, causam timendi habet Synagoga. Res illi est cum igneis viris (sic de idololatria & Satana &c.)

§. 12.
Et nos, nos
similibus
flammis ar-
mare de-
bemus.


Nos vero causam habemus, ut similes flammæ ardentibus precibus à cœlo & Christo D. efflagitemus, ut illis armati & circumdati, imò accensi strenuè pugnemus contra nostros hostes. Gratulor illis, quorum labia & linguas Spiritus S. ignito carbone divinæ caritatis accendit; tales acceperunt Spiritum S. Gratulor illis quorum capita & corda, radiant igneis cornibus Christianæ fortitudinis, quibus infernalibus hostibus sunt terribiles: tales acceperunt spiritum sanctum. Gratulor illis qui cum Jeremia hodie dicere possunt; de excelso misit ignem in ossibus nostris; vel, factus est spiritus Domini in cordibus nostris, quasi ignis exæstuans; tales acceperunt spiritum sanctum. Gratulor illis, qui cum ob fortitudinem sint quasi leones & tauri, ob cœlestia desideria quasi igneæ aquilæ, ob mansuetudinem quasi homines cum mysteriosis illis bestiis, visis ab Isaia, trahunt currum divinæ gloriæ; moventur ipsi ab igneo spiritu, acceperunt spiritum sanctum. Gratulor, inquam, omnibus, qui hodie facti sunt viri ignei.

§. 13.
Epilogus.
Et ardeamus
igni-
bus Spiritu
S.

Ignes vir fuit B. Felix ex S. Ordine Capucinorum, qui cum his feriis, hominibus obviabat, dicere fuit solitus, *ut ardeatis*; igne scilicet caritatis quam spiritus sanctus diffundit in cordibus nostris. Ignea virgo fuit B. Sibyllina ex ordine S. Domini, spiritui sancto devotissima. Nam festo Pentecostes sensit à suavi vento aperiri valvam sui cubiculi, audivitque vocem de cœlo, *Sibyllina! ut ardeas illo igne, qui hodierna die, delapsus de cœlo fuit super Apostolos.* Alias cœlestis genius illi apparuit, & flammæ coniecit in faciem? hinc tota ardere cœpit flammis divini amoris. (ex his accensum & affectuosum adde

Epilogum.)

CON-



CONCIO.

PRO FESTO SS. TRINITATIS.

Gloria Patri, & Filio, & Spiritui sancto.

SYNOPSIS CONCIONIS.

SEx-puncta proponit. 1. Fundamentum sive auream basia veri cultus & devotionis erga SS. Trinitatem, esse eximias tres Virtutes Theologicas, fidem, spem charitatem. 2. Has tres virtutes excitare in nobis ardens desiderium laudandi SS. Trinitatem, præsertim notissimo versiculo, *Gloria Patri, & Filio, & Spiritui S.* 3. Exponitur Versiculi hujus dignitas & excellentia. 4. Antiquitas, & ortus. 5. Usus. 6. Tempus, sive quando potissimum dici debeat.

- | | |
|---|--|
| <p>§. 1. <i>Exordium desumitur à versiculo, Gloria Patri, & Filio, & Spiritui S.</i></p> <p>§. 2. <i>Cultus SS. Trinitatis exigit eximiam fidem, spem, & charitatem.</i></p> <p>§. 3. <i>Aureum thuribulum, aurea campanula, &c. in veste summi sacerdotis, fuerunt symbola harum virtutum.</i></p> <p>§. 4. <i>Tres præcipue partes Templi Salomonis, Atrium, Sanctuarium, sancta Sanctorum, illuminata fuerunt triplici lumine. Quanam hic mysteria</i></p> | <p>§. 5. <i>Fides, Spes, Charitas, nos excitant ad laudandam SS. Trinitatem; præsertim notissimo hoc versiculo, Gloria Patri, & Filio, & Spiritui S.</i></p> <p>§. 6. <i>Quanta sit dignitas & excellentia hujus versiculi.</i></p> <p>§. 7. <i>Prosecutio.</i></p> <p>§. 8. <i>Oratiuncula hujus antiquitas in Ecclesiâ, à tempore S. Ignatii Martyris.</i></p> <p>§. 9. <i>Ecclesia usum hujus versiculi opposuit primis hæreticis circa mysterium SS. Trinitatis.</i></p> |
|---|--|

Alvei III. Pars II.

†

§. 10

C O N C I O.

§. 10. *Seraphini nos docent usum hujus versiculi.*

§. 11. *Nimirum, cum socia exultatione, ferventer, semper, continuè.*

§. 12. *Quando potissimum uti debeamus hoc versiculo.*

§. 13. *Prosecutio, cum affectuoso Epilogo.*

§. 1.
Exordium
desumitur à
versiculo,
Gloria Pa-
tri, & Filio,
& Spiritui
S.

EX vultuum vestrorum amœnitate, oculorumq; hilaritate conjicere mihi licet, venisse vos ut hodiernâ solennitate SS. Trinitatis, ut de hoc ineffabili, incomprehensibili, jucundissimo tamen mysterio aliquid à me audiat. Me quod attinet, fateor mihi quoque volupe esse de eodem perorare; itaque prius, simul & unanimiter, ex corde dicamus: *gloria Patri & Filio, & Spiritui S.* Referunt S. Damascenus & Nicephorus, in civitate Constantinopoli, inspectante toto populo, in præsentia Theodosij Imp. & Procli Patriarchæ, subvectum in aëra puerum, raptumque fuisse in cœlum; reducem deinde in terras retulisse; audivisse se sanctos Angelos & Cœlestes Spiritus suavissimâ melodiam cantantes hunc versiculum, *Gloria Patri & Filio, & Spiritui S.* Ego quidem hodierno die corporaliter in cœlis non fui; piis tamen cogitationibus Angelorum; Archangelorum, imo Cœlestium omnium Spirituum choros pertransivi; transivi Patriarcharum, Prophetarum & Apostolorum turmas; transivi cuneos Martyrum, transivi Virginum & Confessorum pulcherrimas cohortes, donec ad ipsum thronum SS. Trinitatis perveni; ibi vidi Seraphinos & Cherubinos, vidi mystica illa animalia, vidi 24. Seniores, &c. vidi omnia, quæ in Apocalypsi refert se vidisse S. Joannes, audivi quoque omnium voces, laudis, gratiarum actionis, benedictionis; sed præcipuè hunc versiculum, *Gloria Patri & Filio, & Spiritui S.* Itaque, illius originem, antiquitatem, excellentiam, & modum, quo pronuntiari debet hâc concione vobis proponam, in honorem, laudem, & gloriam sanctissimæ Trinitatis, ut laus, gratiarum actio, benedictio sit Patri, & Filio, & Spiritui S. Amen.

De

PRO FESTO SS. TRINITATIS.

De S. Sophia, nobili matronâ narrat Metaphrastes, quod tres habuerit filias, nobiles formæ elegantia, nobiliores pulcherrimarum virtutum ornamento. Prima annorum duodecim appellata fuit Fides, altera decennis, Spes; tertia annorum novem, Charitas. Omnium fides & constantia, à tyranno primum tentata fuit ardentibus prunis & accensis facibus, sed frustra; eò ardentius unam professæ fuerunt fidem. Conjectæ deinde fuere inter ardentem caminum; inter flammæ sillarum fides effloruit magis. Tentavit eas tyrannus aliis tormentis; in vanum! donec tandem iussæ omnes plecti capite; cum Mater amputata capita videret volutari in sanguine, læta exclamavit, *O me beatam! quæ tribus filiabus SS. Trinitatem honorare merui! O summum DEI beneficium, qui eas hodie martyrij gloriâ coronatas in suum transferre dignatus est regnum. Benedicamus Patrem & Filium cum S. Spiritu; laudemus & superexaltemus in sæcula.* Legioni in Hispania, alij tres pueri, cum propter fidem de SS. Trinitate, gravissimis excruciantur tormentis; aliud non dixerunt, quàm, *Benedicamus Patrem, &c.* Scio quàm eximiis encomiis à SS. Patribus extollantur, Cultores & Amatores SS. Trinitatis. Scio illos appellari Seraphinos, Cherubinos, Thronos, aulæ cœlestis procures, &c. Quis vetabit quominus ego cultorem SS. Triados appellem Fidem, vel Spem, vel Charitatem; cum hæ præcipuæ illæ sint virtutes, quarum exercitio & actibus potissimum adoratur, colitur & amatur SS. Trinitas. Fidem debemus Patri; Spem Filio, Charitatem & amorem Spiritui S.

§. 2.
Cultus SS.
Trinitatis
exigit exi-
mium Fi-
dem, Spem,
& Charita-
tem.

Cum summus Pontifex in Vet. Testamento Intraret sancta sanctorum, certis caeremoniis id fiebat; nam, in manu dexterâ portabat thuribulum, plenum fumigante thymiamate, ut esset quasi circumdatus fumo. Deinde, ex primariâ & longâ togâ sacerdotis pendebant aureæ campanulæ sive cymbala, quæ inter ambulandum motæ & agitæ suavem causabant sonum, & dulcem harmoniam. Campanulas pulchro ordine distinxerunt

§. 3.
Aureum
thuribulū,
aurea cam-
panula, au-
rea malo-
granata in
veste sum-
mi sacerdo-
tis, fuerunt
malo-
grana fi-

CONCIO.

dei, spiritus & caritatis, quibus precipue colimus SS. Trinitatem.

malogranata ex optimo auro. Ad literam, fuerunt hæc ornamenta summi sacerdotis; sub cortice sensus mystici latet nucleus pulcherrimorum mysteriorum. Huc, ad sacratissimum hoc templum SS. Trinitatis vestra vos deduxit devotio (NB: Concio hæc habita fuit in Gosvvinstein, loco SS. Trinitati sacro, in diocæsi Bambergensi) Ut ostendatis vos Cultores & Amatores SS. hujus mysteriorum; Agite ergo aurea apprehendite thuribula, ardentes sufflate carbones, thura & thymiana inijcite; in fumo vos oportet accedere. Odoratus fumus significat veram fidem de SS. Triade; obscura illa quidem est, sed suaviter olet coram arâ SS. Trinitatis. Orationum, laudum, benedictionum vestrarum cymbala oportet esse ex auro. Aurea basis, est vera fiducia & spes, cujus aurea fundamenta sunt omnipotentia, sapientia, bonitas, misericordia, & suavissima DEI providentia. Omnipotens, sapiens, bonus, misericors est Pater. Tam amanti Patri, quis non fidat? Omnipotens, &c. (Sic de Filio & Spiritu sancto) Caritatis & amoris, ex toto corde, &c. quem præcipue debemus Spiritui sancto; Symbolum sunt, aurea malogranata. Hæc! sive vestrum amorem, affectum, inclinationem, cogitationes, desideria, vota; hodie in hoc templo, offerte sanctissimæ Trinitati. Omnis cultus erga SS. Tr. basis est fides.

§. 4.
Tres præcipue partes templi Salomonici, atrium, sanctuarium, sancta sanctorum, illuminata fuerunt triplici lumine. Quamvis hic mystificatur

Templum Salomonis in tres partes fuit divisum. Prima pars fuit atrium; quod Judæi & omnes populi, etiam gentiles poterant ingredi. Cogitate hodie, hoc templum esse atrium palatii SS. Trinitatis. Altera pars templi Salomonici appellata fuit locus sanctus sive sancta. Ad hæc non patuit aditus nisi sacerdotibus & ministris sacrificiorum. Iterum cogitate, hoc templum esse talem locum. Sacerdotes & ministri tremendi sacrificij sunt, quicumque in hoc templo in honorem SS. Trinitatis intersunt sacrificio; quicumque huc venerunt, ut immolent DEO victimas labiorum. Tertius locus, dictus fuit, sancta sanctorum; quem locum solus sacerdos summus poterat ingredi. Advertite præterea, quemvis locum ex his

PRO FESTO SS. TRINITATIS.

his tribus diverso lumine fuisse illustratum. Atrium lumine solis, per pulcherrimas fenestras. Locum sanctum à lumine septem lampadum, quæ ibi jugiter ardebant; In aureo candelabro. In sanctis sanctorum, nulla fuit lux, nisi subobscura, vel per aliquas rimas à luce istarum lampadum, vel à gemmis, quæ radiabant in rationali summi sacerdotis, cum sanctissimum illum locum ingrederetur. In Cultoribus SS. Trinitatis in sensu mystico requiro triplex hoc lumen. Lumen solis, sive lucem illam nostri intellectus, quâ cognoscere possumus esse unum DEum, principium rerum omnium. Requiro insuper lucem clarissimæ lampadis, quæ est sacra scriptura, cujus figuræ, umbræ, testimonia cum infallibili certitudine nos deducunt in SS. Trinitatis cognitionem. Verùm super omnia, opus est lumine lucidissimæ & pulcherrimæ gemmæ, quæ vocatur Fides. Sine hac ambulamus in tenebris. Advertitis, puto Auditores, quid ego hodierno festo, in hoc celeberrimo loco, præcipuè desiderem ad venerationem SS. Trinitatis. Fidem! fidem! Publicam ab omnibus hujus fidei cuperem audire Professionem. Vellem omnes dicere mecum & cum S. Augustino. *O Trinitas superenarrabilis! superinsecurabilis! superinaccessibilis! superincomprehensibilis! superintelligibilis! ex superans omnem sensum, omnem rationem, omnem intellectum, omnem intelligentiam.* Fatemini vos non posse capere tantum mysterium, tamen quivis dicat *Credo! Credo! Patrē, &c.*

Fides, Spes, Charitas erga SS. Trinitatem; necessariò nos impellunt, ut ex toto corde, desideremus, dies & noctes repetere illos hymnos & tythmos, quibus sancti in cælis, & Viatores in terris laudant & benedicunt SS. Trinitatem. Omnium laudum & benedictionum, & gratiarum nucleum in se continet, notissimus Ecclesiæ versiculus, *Gloria Patri, & Filio, & Spiritui S.* S. Chrysostomus hæc verba appellat, *Hymnum Angelicum.* S. Basilii. *Latum & triumphalem;* Alij. *Doxologiam, sive, Canticum gloria, Cælesti carmen.* Alij, *Trisagion.* Alij, *Jubilum cordis,* id est, Verba hæc in jubilantium cordibus ingens cantant gaudium & jubilum. Conc. Vasense sub Leone I. *Tam dulcis & desiderabilis*

§. 5.
Fides, Spes,
Charitas nos
excitant ad
laudandam
SS. Trini-
tatem: Præ-
sertim no-
tissimo illo
versiculo:
Gloria Pa-
tri.

C O N C I O.

est hac vox, ut etiam si die noctuq; dicatur, fastidium non possit generare. Addo verbis Magni Concionatoris in laudem brevis hujus or. O gloriosissimum hymnum, O dulcissimam cantionem! qua brevissimo verborum circuitu supremam Trinitatē adorat, & immēsa aternitatis recordatur. (p. duo ineffabilia, Trinitas, æternitas utrumq; tamē includit brevis oratio) propter illam enim dicit Gloria, &c. propter hanc subjungit, sicut erat, &c. hinc gloriosē inclinatur Patri, F.S.S. illinc suavis principij saculorum & sempiternitatis meminit. Hinc de fonte unitatis essentia signato distinctione Trinitatis Personarum diserit, illinc magnum aternitatis flumen derivat, quod in multa sacula tanquam diversa capita distinguit. Trinitati laudem annuntiat, laudatione aternitatem pronuntiat. (O felicem æternitatem! p.) De DEO unitatem gloria predicat, homini multitudinem felicitum saculorum pradicat, & brevis fidei unica Trinitatis copulas spem unitæ aternitatis, &c. Verbo, est Laudum compendium. Ex Isaia dicere possumus hæc verba, Gloria, patri, &c. esse voces Seraphicas cum Idem sint, quod Sanctus, Sanctus, Sanctus. Placet aliis, si hunc versiculum appellem, Hymnum Eucharisticum, sive, Canticum actionis gratiarum. v.g. gloria, sive gratiarum actio sit Patri, quod nos creaverit; gloria, sive gratiarum actio Filio, quod nos redemerit. Spiritui S. quod nos sanctificaverit. Placebit aliis si dicam, hunc versiculum esse materiam illius harmoniæ, sive Musicæ, quā novem celestium Spirituum ordines, Seraphini, Cherubini, &c. quā Omnium SS. chori in cœlis, sine quiete cantant gloriam Patri, & Filio, & Spiritui S. Amplius ait S. Joannes in Apoc. cap. 5. v. 13. Omnem creaturam, quæ in cœlo est, & super terram, & sub terrâ, & quæ sunt in mari, omnes audiui dicentes; Sedenti in throno benedictio, & honor, & gloria, & potestas in sacula saculorum.

§. 6.
*Quanta sit
dignitas &
excellencia
hujus ver-
suli, decla-
ratur ex*

Dignitatem & excellentiam hujus oratiunculæ demonstrat ipsa hæc vocula, Gloria; de quâ S. Thomas ait, esse generosum partum & dignam prolem vel filiam, nobilissimæ patris, qui dicitur Laus, & pulcherrimæ Matris, quæ appellatur honor. Ex laude enim & honore nascitur, ut quis vocetur gloriosus. Vel di-

camus

PRO FESTO SS. TRINITATIS.

camus hæc tria, Laudem, Honorem, Gloriam esse tres sorores, ^{vacula,}
inter quas excellentissima est unio & connexio. Laus enim, est ^{Gloria,}
testimonium, siue publica demonstratio, quâ honorificis verbis,
aliquem v.g. Regem, esse dignissimū qui honoretur. Esse sapien-
tem, pium, benignum, &c. quatenus tale testimonium sistit in
verbis, vocatur Laus, si verbis accedat reverentia exterior, quæ
v.g. declaratur in flexione genuum; Inclinatione corporis, obla-
tione munerum, &c. Laus insuper est honor; ex quibus lau-
datoris verbis, siue encomiis & actibus honoris, dum Regis
alicujus fama undique diffunditur, & dilatatur, vocatur glorio-
sus. Et hoc significat vacula Gloria; aliquem scilicet esse di-
gnum, qui laudetur & honoretur. Sive est, Vox publica,
de alicujus excellentia & præstantia. Unde colligimus, tria
concurrere ad veram gloriam. Primum est virtus, valor,
quævis excellentia, vel illud, quod meretur laudem. Ex
his sequitur alterum, ut honorificis vocibus, titulis, clamo-
ribus; illa prædicemus. Cassiodorus: *Gloria est laus, fa-
cta celebratione multorum.* Quam plerumque tertio sequun-
tur actus reverentiæ & honoris exterioris: ex quibus omni-
bus veluti surculis crescit Oliva, de quâ Oseas ait cap. 14. v. 7.
Et erit quasi Oliva gloriæ ejus.

Ex his puto vos advertere versiculum hunc: Gloria Pa-
tri & Filio, & Spiritui sancto nihil aliud esse, quam trium §. 7.
Professio.
phalem, lætum, Angelicum, Seraphicum canticum, quo
*in*primis ore & linguâ profitemur, esse in DEO & in san-
ctissima Trinitate excellentissimas & Infinitas perfectiones,
ob quas verbis & ore à nobis debet laudari, prædicari & be-
nedici. Talis causa v.g. est omnipotentia, talis titulus, sa-
pientia, bonitas, misericordia, &c. Profitemur, sanctissi-
mam Trinitatem esse dignissimam omni laude. 2. Seraphini
cum timore stantes ante thronum; viginti quatuor Seniores,
in terram proiecipientes suas coronas; Cherubini, alis velantes
pedes & faciem nos docent, ut cum tremore & ingenti demis-
sione

C O N C I O.

sione coram hac arâ sanctissimæ Trinitatis procumbamus In genua, ut possibili reverentiâ illam adoremus; in his consistit honor. Dum sanctissimam Trinitatem ita verbis laudamus, dum actibus externis honoramus; ex corde, cum omni creaturâ dicere possumus: Gloria Patri & Filio, & Spiritui sancto. Hæc gloria est finis omnium operum, quæ ad extra fecit Dominus, v. g. in statu naturæ; quod DEUS creaverit cælum & terram; quod luceat sol, quod splendeat luna, quod rutilent stellæ, quod moveantur cæli, quod calefaciat ignis, quod refrigeret aër, quod iriget aqua, quod floreat terra, quod vireant arbores, &c. (est locus pro pulcherrima descriptione) omnium finis est gloria sanctissimæ Trinitatis. In statu gratiæ; Quod Verbum Patris sit factum caro; quod Christus passus, mortuus, quod sanguinem fuderit, ut nos redimeret, &c. Omnium finis est gloria sanctissimæ Trinitatis. In statu gloriæ; quod æternum felices, futuri sint Seraphini (discurre per omnium Sanctorum Ordines; præsertim de DEI matre) omnium finis est, ut in omnem æternitatem, Gloria sit Patri & Filio, & Spiritui sancto. Et quænam excellentior oratiuncula excogitari potest; quam ipse CHRISTUS Dominus in prima Dominicæ orationis petitione nos docuit, dum jubet, ut dicamus; Sanctificetur nomen tuum, Hæc breviter de versiculi hujus excellentiâ.

§. 8.
Oratiuncula
hujus antiquitas in
Ecclesiâ, à
tempore S.
Ignatii
Martyris,

Uſus excellentissimæ hujus oratiunculæ in Ecclesiâ est antiquissimus. Matth. cap. 19. vers. 3. advocans JESUS parvulum statuit eum in medio Apostolorum, & ait: *Amen dico vobis, nisi conversi fueritis, & efficiamini sicut parvuli, non intrabitis in regnum cælorum.* Pie aliqui meditantur, Christum Dominum hunc parvulum imposuisse brachio suo, cum suavissimo amplexu. Hic puer fuit deinde celeberrimus ille S. Ignatius, discipulus sancti Joannis Apostoli, condiscipulus sancti Polycarpi; ab Apostolis ordinatus, tertius post sanctum Petrum;

PRO FESTO SS. TRINITATIS.

Petrum Antiochiæ Episcopus; gloriosissimus Martyr, inter tormenta ausus dicere; Ignis, crux, bestia, confractio ossium, membrorum divisio, & totius corporis contritio, & tota tormenta diaboli in me veniant, tantum ut Christo fruatur. Felix ille Martyr, cujus pectus cum immani vulnere dilacerassent leones, in corde repertum fuit aureis literis descriptum, dulcissimum nomen JESUS. De hoc sancto Ignatio referunt historiae, eum raptum in cœlum, in pulcherrimâ visione in amœnissimo monte vidisse immensam Angelorum multitudinem, laudantium sanctissimam Trinitatem alternis choris; ob quam causam deinde instituit, ut Psalmi cantarentur per choros, & quivis Psalmus in fine offeretur DEO hoc versiculo: Gloria Patri, &c. Quod audiverat facere Angelos in cœlis.

Cum deinde exsurgerent inimici crucis Christi, & jurati hostes tremendi mysterii de SS. Trinitate; Cum Ariani, Macedoniani & alii scelestissimas contra illud spargerent hæreses; SS. Trinitatis cultores, & veræ fidelis zelatores usum hujus versiculi commendarunt populo, cecinerunt in templis; ut non tantum esset laus sanctissimæ Triados, sed brevis, publica & fervens professio veræ Catholicæ Romanæ fidei, circa hoc mysterium. Sic sanctus Chrysostomus, ad illudendum Arianis suo tempore solennissimam instituit processionem, in quâ argenteæ prælatæ fuerunt cruces, & accensæ faces; omnis verò populi multitudo in alternos divisa choros latissimis vocibus itendit hunc versiculum cantarunt: Gloria Patri, &c. Vos ego compello Auditores, qui hodie ad hunc locum convenistis. Miror planè DEUM inter hos montes, in viciniam tot adversariorum Romanæ fidei, elegisse sibi hunc locum, ut hic tantâ devotione, tanti populi accursu colatur sanctissima Trinitas. Nimirum, ut Ariani, ut Macedoniani, ut omnes hæretici, qui mysterium hoc oppugnant, confundantur; Locus hic sanctus est; est porta cœli; ut hodie ipsam

§. 9.
Ecclesia usum hujus versiculi opposuit primis hæreticis circa mysterium sanctissimæ Trinitatis. v. g. Ariani, Macedonii, &c.

CONCITO.

cœlestem Jerosolymam Ingrediamur. At quid? ob quam causam? Laudes! hymnos! cantica! quibus ibi audietis laudari sanctissimam Trinitatem; Illis vos hodie, hoc loco, eandem exaltate, superexaltate; præsertim hoc versiculo: Gloria Patri, &c.

§. 10.
Seraphini
nos docent,
quomodo
dicere vel
canere de-
beamus
hunc versi-
culum.

Quæ verba
Ecclesiæ in
certis præ-
fationibus
exponit per
sociam ex-
ultationem.

Modum, quo hic versiculus à nobis corde & ore ad summam laudem sanctissimæ Trinitatis pronuntiandus est, docuerunt nos Angelicæ Capellæ sive Musicæ in cœlis Magistri: Cœlestium spirituum supreni & perfectissimi Seraphini: cum Isaias cap. 6. vers. 1. *vidit Dominum sedentem super solium excelsum & elevatum*: - Seraphim (vers. 2.) *stabant super illud; sex ala uni, sex ala alteri; duabus velabant faciem, duabus pedes, duabus volabant.* Et (vers. 3.) *clamabant alter ad alterum.* Sanctus Jeronimus legit; *iste ad istum.* Vel, *Unus ad unum, & dicebant, sanctus, sanctus, sanctus Dominus Deus exercituum, plena est omnis terra gloriâ ejus. Et commota sunt superliminaria cardinum à voce clamantis, & domus repleta est fumo.* Cap. 4. vers. 8. Apoc. insinuat, non habere Seraphinos requiem, die ac nocte, in concinendis DEI laudibus. Ecclesiæ in præfationibus ait, Omnes in cœlis, sine fine, incessabili voce proclamare: *Sanctus! vel Gloria Patri, &c.*

§. 11.
Nimirum,
cum sociam
exultationem
serventer,
semper,
cantando, &c.

Nunc ex me quærite Auditores, quomodo laudare debetis sanctissimam Trinitatem. R. 1. Magno numero estis hic congregati, coram hac arâ, in hoc sacratissimo Templo sanctissimæ Trinitatis; itaque requiro sociam exultationem; ab omnibus cupio laudari sanctissimam Trinitatem; Unus ad unum; alter ad alterum, iste ad istum; simul omnes dicite: Gloria Patri & Filio, & Spiritui sancto. 2. Exigo à vobis clamorem: quæ vocula duo nobis inculcat; 1. ut oremus ardentem ex toto corde; quantum possumus. Causam dat Ecclesiasticus cap. 43. vers. 32. *Glorificantes Dominum quantumcunque potueritis; super valebit enim adhuc, est admirabilis*

PRO FESTO SS. TRINITATIS.

rabilis magnificentia ejus. Benedicentes Dominum, exaltate illum; quantum potestis; major enim est omni laude. Exaltantes cum replemini virtute; ne laboretis, non enim comprehendetis. Deinde vocula clamor innuit constantiam; quam sibi proposuit David Ps. 33. cum vers. 1. dixit: *Benedicam Dominum in omni tempore, semper laus ejus in ore meo.* Et quidem cum magnâ humilitate & reverentia cordis & corporis. Sed ingredior materiam nimis latam, proinde constringo; & pro Epilogo hujus concionis meis Auditoribus insinuo, quando præsertim cupiam ab illis laudari sanctissimam Trinitatem.

Dico 1. Hodie, hoc loco, qui ob tot miracula, ob tantum populi accursum & devotionem est celeberrimus. Agite Auditores, &c. 2. Versiculum hunc vobis reddite familiarem, cum estis constituti, in aliquâ necessitate. Nihil tum est utilius, quàm Invocare sanctissimam Trinitatem. Cùm virgo quædam patriam deserens alio pergeret ad quoddam monasterium, ut in illo DEO serviret, in via, ipsi & comiti, tam turpe & immane monstrum se illis objecit, ut præ timore corruerint in deliquium. Anna, (hoc erat nomen virginis) hoc unum ingeminabat, sanctissima Trinitas optulare nobis. Evanescente monstro, sibi redditæ, prosecutæ sunt iter; inter avia, devia, donec viri tres in candidissimo habitu illas ad vicinum pagum deduxerunt. Dum inter se quærunt, quales isti sint viri, momento disparuere, & utraque, Anna, & ancilla, sibi persuaserunt, fuisse tres Angelos, submissos à SS. Trinitate. Idem facite; nec dubitate, &c. est locus pro pulchro affectu.

Denique suadeo, ut frequenter, & ferventer dicatis hunc versiculum, hâc intentione, ut tandem in agone vobis adsit sanctissima Trinitas. Ipsa DEI mater quondam ita sanctam Mechtildem instituit; hæc enim curiosè semper modos inquirebat, sanctam mortem obcundi, cui DEI pa-

§. 12.
Quando,
potissimum
uti debeamus
hoc
versiculo.

§. 13.
Prosecutio;
cum affectu
nostro Epi-
logo.

rens



CONCIO XXIIIX.

DOMINICA I. POST SS. TRINIT,

Epulabatur quotidie splendide.

Luc. 16. cap. v. 9.

SYNOPSIS CONCIONIS.

VOcatur Eucharistia epulum sive Sacramentum gratiarum, quia Christus D. pro infinita sua liberalitate, in illo nobis offert simul collectum thesaurum omnium meritorum, & se totum, veluti fontem gratiarum.

§. 1. In epulo Eucharistico 16. nobis proponuntur fercula.

§. 2. Christus D. in Eucharistia nobis offert totum suum thesaurum simul collectum.

§. 3. Iesus in Eucharistia fons collectus.

§. 4. Fons novus.

§. 5. Quare sponsa dicat, se à sponso ductam fuisse in ipsam celam.

§. 6. A Christo D. in Eucharistia nobis offertur quinta essentia omnium meritorum.

§. 7. Gratiam in Eucharistia committantur virtutes, quas Christus D. nobis reddit dulces.

§. 8. Christus Dominus in Eucharistia abundantissime offert gratias

§. 9. Benè dispositis.

SCio, quam pulchram & copiosam, atque uberem materiam concionatoribus præbeat, Evangelicus epulo, sepultus in inferno. Scio, quàm hic miser homo vivè depictus inter flammæ gehennæ, terreat corda impiorum. Sed fateor, hodierna Dominica infra Octavam jucundissimi festi corporis Christi, ad se me rapit dulcissimus Jesus meus in

§. 1.
In epulo
Eucharistico
16. nobis
proponuntur
fercula.

SS. Eucharistia quid mihi lætissimis his feriis, cum inferno, cum flammis gehennæ, vel cum mensa & convivii epulonis? epulentur splendide in mensis mundi, bibant, ut putant, blande vinum & venenum ex aureo scypho meretricis babylonicæ, qui volent, ut aliquando sepeliantur in inferno. Ad alias epulas nos invitat Christus D. in sacrosancta Eucharistia, in qua epulamur splendide & bibimus, ut dixi, delicate. Verbum hoc epulari, ex hodierno Evangelio, in memoriam mihi revocat, titulum libri R. P. Claudii à Jesu ex Ord. S. Theresiæ, qui talis est. Epulum Eucharisticum, in quo 16. proponit fercula. 1. gratiæ. 2. Fidei. 3. Spei. 4. Amoris. 5. Vitæ. 6. Transformans. 7. Gloriæ. 8. Puritatis. 9. Suavitatis. 10. Passionis. 11. Fortitudinis. 12. Judicii. 13. Sapientiæ. 14. Immortalitatis. 15. Perseverantiæ. 16. Morientium. Fercula hæc nil aliud sunt, quam pulcherrima Elogia sacrosanctissimi Sacramenti Eucharistiæ, quæ ego in variis septem annorum concionibus de divinis hoc mysterio, explicare soleo. Hæc concio primum ferculum vobis proponet, & ostendet sacrosanctissimam Eucharistiam esse compendium omnium gratiarum, virtutum, & meritorum Christi. Iterum sit laus sacrosanctissimo sacramento.

*J. A.
Christus D.
in Eucha-
ristia nobis
offert co-
sum suum
thesaurum
simul colle-
ctum.*

Epulas ferculum, cibum, potum gratiæ, vocant B. Patres Eucharistiam, quia Jesus Salvator noster in illa nobis est fons ac scaturigo omnium gratiarum & virtutum, vastus quoque Oceanus omnium meritorum, ex quo fonte, ex quo mari vividas cœlestium charismatum aquas omnibus haurire licet, & abundanter secundum cujusvis dispositionem. Inter miracula Eucharistiæ hoc præcipue miror; in minima hostiæ consecratæ particula remanere totum Christum, sic de gutta sanguinis! O Christi D. inf. liberalitatem; In parva hostia, in guttula vini offert thesaurum tuorum meritorum, simul collectorum. Expulero simili intelligere poteritis, quid fecerit Christus Salvator noster dum Eucharisticas has epulas instituit. In amœnissimo aliquo horto, crystallinus scaturiens fons in varios scinditur rivulos; quorum aquas hortulanus optaret videre in uno alveo,

alveo, in uno fonte: quid ille? aditus rivulorum præcludit, scaturigines pulcris includit lapidibus, ut omnium rivulorum aqua in uno maneat fonte. Advertitis, ni fallor, duplicis generis fontes. Fons divisus in rivulos fuit Christus Salvator noster pendens in cruce; sanguineos rivulos fecerunt Vulnera manuum, alios Vulnera SS. pedum; rivulus præcipuus fluxit ex benedicto latere & corde, quod cum Longinus aperuit, *exiit sanguis & aqua*. Joannis. 19. v. 34. Cum his aquis cum hoc sanguine ex Vulnere Christi corpore simul fluxit aqua sacri baptismatis, & oleum fortitudinis quæ confertur in confirmatione, & salutare balsamum, quo curantur Vulnera animarum in sacramento poenitentiae propter gratias sacramentales ex illis scaturiginibus defluunt aquæ aliarum gratiarum, virtutum & infinitorum meritorum Christi. Sed fluxerunt q. per diversos rivulos; quid egit ecclestis hortulanus? hoc, Instituit sacramentum Eucharisticum & in illo veluti uno fonte conclusit omnes alios rivulos fecit omnium, gratiarum, virtutes, merita, dona spiritus sancti stare in suo fonte; conclusit omnia in una sua divina persona corpus sanguinem, Vulnera, virtutes, merita; se & omnia hæc conclusit in parvum circulum, consecratæ hostiæ, sub accidentibus panis & vini; ut in unico bolo corporis Christi, cum haustu uno sanguinis, integrum gratiarum ac meritorum fluvium, imo mare sorbeamus.

Duplicem hunc fontem sive Christum in cruce & in Eucharistia præ oculis videtur habuisse Eusebius Emisenus hom. ^{§. 3.} *lesus in Eucharistia* ^{fons colle-} *Am.* 55. de bapt. catechum; cum ait; *Vt coleretur jugiter* (scilicet ideo instituit Eucharistiam) *per mysterium, quod semel offerebatur*, (in cruce) *& quia quotidiana & indefessa currebat pro hominum salute redemptio* (quia quotidie nobis prodest sanguis in cruce effusus, dum in illo abluimur, mundamur, & sanamur, in remissionem peccatorum) *perpetua etiam esset redemptionis oblatio* (in sacrificio missæ) *& perennis illa victima viveret in memoria; præsens quoque nobis semper esset in gratia.* Ecce duplicem fontem, ex quo quotidie nobis haurire licet aquas salutis. Est fons sanguinis Christi fluens ex divinis pedibus per ferventia divinæ

puritatis, contritionis &c. Si simul omnia bibere vel comedere velimus, in uno q. bolo, vel unico haustu, manducate corpus, & bibite sanguinem Christi in sancta Eucharistia, in hac Jesus fons est quasi collectus & cōclusus in ipsa scaturigine. Eucharistia fons est omnium gratiarum. Merito B. Patres illam vocant, epulas vel ferculum gratiarum.

§. 4.
Fons no-
vus.

Nescio, an non S. Paulus duplicem hunc fontem habuerit præ oculis, cum dixit Heb. 9. v. 28. *Christus semel oblatus est, ad multorum exhauriendā peccata.* q. d. Christum filium Dei pendentem in cruce expansis brachijs fecisse, quod agit, qui puteum vult exhaurire; quod dum facit, efficit ut novus quasi fluat fons, purioribus aquis, sudavit ita & laboravit horrendum Christus D. in cruce, & sic ex foetidissimo puteo peccatorum totius generis humani exhausit aquas, & effudit in puteum sui sanguinis & meritorum, in quo perierunt & deleta sunt; *Oblatus est, ad multorum exhauriendā peccata;* Verum ut simul alium fontem nobis relinqueret, ex quo haurire possemus aquas gratiæ, vitæ & salutis; Sacramentum altaris instituit, in quod tanquam in exundantem puteum omnia sua merita effudit & gratias, ut qui dignè hoc sacramentum accipiunt, unico haustu, integrum puteum donorum cœlestium absorbeant. in quo Nyss. in Cant. cap. 4. v. 15. super illa verba *puteus aquarum viventium*, pulcrum advertit discrimen. *hoc est omnium maxime admirabile, nam cum omnes putei aquam simul habeant consistentem, sola sponsa in se habet aquam permeantem, adeo ut putei profundum, habeat fluvii perennem motionem.* hoc est discrimen inter puteum Eucharisticum, à puteis hujus mundi, & cisternis Ægypti; scatent hi quidem aquis, sed foetentibus, sed mortuis, sed verminosis. Puteus Eucharisticus, puteus gratiarum, scatent aquas vivas, quia in illum vividus gratiarum ac meritorum Christi fons effusus est; nec periculum est ut aquæ illæ deficient, sed abundabit semper & superabundabit, ut fideles Eucharisticum epulum sumentes omnem cœlestium donorum sumant in eo abundantiam. Duo præstitit Christus in fine vitæ.

vita. In cruce exhausit puteum nostrorum peccatorum, in Institutione Eucharistiæ aperuit fontem gratiam.

Hæc cumulo, abundantia & superabundantia gratiarum in sacrosancta Eucharistia dixit sponsa Cant. I. v. 3. *Introduxit me rex in cellaria sua, exultabimus & letabimur in te.* hilaris videtur fuisse sponsa hæc dicens, quod à regio sponso in cellam præstantissimi vini fuerit deducta, magnis recreata deliciis, ne dicam in ebriata. S. Ambrosius quærit, quænam sit hæc cella, & ait esse sacrosanctum sacramentum Eucharistiæ, in quo omnium gratiarum vina, & donorum spiritus S. cibi continentur. *Introduxit me rex in promptuarium suum, & in cellarium suum, ubi bona libamina, ubi boni odores, ubi mella suavia, ubi fructus diversi, ubi epula variae, ubi plurimis epulis tuum prandium condiatur.* hæc S. Ambros. Sed unum miror. Si sponsus sponsæ instruere voluit epulum, cur id non fecit in regia aula? cur non in aureo triclinio? cur non in amœnissimo horto? cur non inter flores? hæc fuit causa; ad tales mensas haustus ex cellis promitur cum mensura, in vasculis, in calicibus. Sponsus voluit ostendere regiam liberalitatem, & unica vice, in uno haustu illi propinare omnes suas divitias, omnes delicias, omnes suavitates, omnia merita, bona libamina, bonos odores, mella suavia, & quidquid sanctum est, in unum calicem effundere, ut sponsa gratiam non bibat guttatim & repetitis vicibus, sed unica vice deglutiens ipsum cellarium, & quidquid in eo gratiarum est. *Introduxit me Rex in cellaria sua.* p. Philo Carpath. hic. *Promptuarium Christi, est corpus illud, in quo domicilium sibi fabricavit.* O verè dignum divini amoris inventum! ut sponsam semel efficeret sanctam, corpus & sanguinem cum omnibus meritis ac charismatibus suis in Eucharistia, tanquam in cellarium conclusit, ut quisquis illud sumat, ea etiam omnia quæ in ipso comprehendantur, absorbeat. Gratulor vobis animæ piæ, dum per pia desideria fugitis SS. sanguinem, vel ex sacrosanctis pedibus, vel benedictis manibus. Gaudeo, lætor & exulto vobiscum cum pendetis ab uberibus sanguinei cordis. Ex his fontibus q. guttatim bibitis; hoc subinde agite, intrate in ipsa cellaria,

s. s.
Quare
sponsa di-
cat, se à
sponso fuisse
inductam
in cellam.

laria comedite corpus, bibite sanguinem dominicū in devota communione, ut uno dulcissimo bolo, uno suavissimo haustu totum Christum, totum thesaurum gratiarum comedatis ac bibatis. Jesus in Eucharistia est fons gratiarum. Corpus & sanguis Christi in Eucharistia sunt duæ scaturigines totius sanctimonix.

S. 6.
In Eucharistia à Christo D. nobis offertur, quinta essentia omnium ejus meritorum.

Ex alio simili colligere possumus, quid Christus D. egerit, dum instituit Eucharistiam, & quam liberalem ac suavem amorem nobis ostenderit. Chymista aliquis in vitreo vase, cinnamomum, flores, bonos odores, herbas odoriferas, usque ad quintam essentiam ita distillat, ut omnia illa vi ignis ita attenuentur, ut modicus remaneat haustus, sed præstans & salutaris. Idem fecit Christus in institutione sacrosanctæ Eucharistiæ in qua adeo sapienter, ardentissimo amoris sui igne, aurum caritatis, flores gratiarum, balsamum Spiritus S. herbas virtutum & limpidissimas sapientiæ aquas adeo distillavit, ut hæc omnia in Eucharistia reddiderit comestibilia & potabilia, ut digne communicans simul sumat omnium gratiarum quintam essentiam. S. Ambrosius propterea, super verba illa Cant. *Comedi favum meum, cum melle meo*, dixit, Eucharistiam idem esse, *quod mel, diversarum virtutum concretum floribus*. dum flores nomino, menti meæ occurrit Jesus Nazarenus pendens in cruce, vel floridus lectulus sacrosanctæ crucis; sed ubi rosæ, ubi violæ, ubi lilia &c. flos campi, viola, Narcissus est ipse Jesus in cruce; rosæ sunt rosea ejus Vulnera, gratulor animabus quæ pascuntur inter hos flores. Gratulor magis illis qui in Eucharistia manducant corpus, & bibunt sanguinem Christi. In hoc cibo, in hoc melle, in hoc sanguine, in hoc potu, omnes illi flores ita distillati sunt in quintam essentiam, ut in illo simul sint omnia, Vulnera, sanguis, merita, virtutes, deliciæ, divitiæ & gratiæ, Christi Domini.

S. 7.
Gratiam in Eucharistia comitantur

Gratiam comitantur virtutes. Ubi est gratia, ibi est humilitas, ibi est obedientia, ibi est patientia, ibi est mortificatio, &c. sed quia amaræ q. sunt, ut dulces illas nobis faceret, Christus D. instituit Eucharistiam. Iterum ex simili intelligite, quid

quid Christus D. fecerit dum instituit Eucharistiam. Astutus ^{virtutes,} fuit ille Magister filii regis, qui cum ne literas quidem ^{quas Chri-} vellent aspicere, iussit ille omnes alphabeti characteres confici ^{stus D. no-} ex dulcissimo saccaro, tunc conversus ad Principem, capiat, ait, ^{bis reddit} hunc characterem, vocatur, O, hæc litera perfecte sphaerica, ^{dulces.} ac meminerit nominis, sic porrexit v.g. M. N. &c. & sic animus cum magna suavitate didicit legere. Hoc Christus D. fecit in exercitio virtutum; quia scivit abhorre nos ab humilitate, à mortificatione &c. dixit, hoc faciam: Volo hominem unica vice cum gratia omnes virtutes sibi comparare; quod ut obtineam, illas bolo Eucharistico omnes concludam, & q. suavissimo saccaro liniam, ut cum in eo comederit, Jesum humillimum, Jesum obedientissimum &c. suavissimè simul ac facillime illas acquirat. Hoc diu ante petiit David ps. 118. v. 66. *bonitatem, & disciplinam, & scientiam doce me*, hebræus legit: *bonum gustum disciplina doco me*. S. Aug. *Suavitatem, & eruditionem, & scientiam doce me*. q. d. domine Deus quis mihi tribuat ut intuear optatissimum tempus gratiæ, quo virtutes omnes in saccaro Eucharistico præbebis homini comedendas, id est, carnem & sanguinè Christi, qui illos, à quibus manducabitur, faciet humiles, patientes, & hoc cum magna suavitate: fac ut ego cum iucunditate hâ Sanctus &c. S. Aug. in ps. 118. *quomodo dicit, suavitatem doce me: nisi ut ei gratia Dei magis magisque abundet, vel innotescat dulcedine bonitatis*, hoc est, rogat David sibi gratias & virtutes conferri, sed cum suavitate. Id cum saccaro, quod fit in altari, ubi Deus quasi in bolo mellito, virtutum & gratiarum omnium charismata conclusit, ut qui eo dignè reficiuntur suaviter & unica vice fiant sancti.

Quo alludere videntur illa verba Christi, Joannis c. 10. v. 10. *Ego veni, ut vitam habeant & abundantius habeant*. Theodoretus ait, vitam à Christo nobis datam esse in Incarnatione, in aliis mysteriis, sed præcipuè cum in cruce vitam suam pro nobis posuit. sua morte, nobis obtinuit vitam gratiæ. Abundantius ^{§. 8.} verò illam nobis dat in sacramento Eucharistiæ, modo expli- ^{Christus D.} ^{in Eucha-} ^{rística ab-} ^{undantissi-} ^{me offert} ^{gratias.}

Alveus Tertius.

Oo

cato,

cato, ut omnes scilicet agnoscant Eucharistiam esse ferculum gratiæ, quod omni cœlestium charismatum copia, cum vitæ abundantia, cum donis spiritus sancti, cum virtutibus, cum amore divino, uno momento ditat animum & impinguat.

§. 9.
Bene dispositum.

Illos tamen, qui ad susceptionem tanti sacramenti debita dispositione se parant. Notat Abulensis, antequam manna mane plueret, Deum semper præmisisse tenuem & suavem ventum, qui terram exsiccaret & mundaret, ut melius terreum elementum disponderetur, ad excipiendum panem Angelorum. Quorsum hoc? ut instruamur, quod ad dignam ferculi gratiæ & cœlestis manna manducationem, & susceptionem diligens præmitti debeat præparatio; sed est hæc materia pro aliis concionibus. O Jesu, fons & scaturigo omnium gratiarum in Eucharistia! O mare infinitorum meritorum! O cellarium sanctis spiritus multo exuberans! O fons melleæ! saccaræ! fac quæso ut eadem, qua sponsa dispositione, illa puritate &c. hanc cellam ingrediamur, ut pari devotione hoc pelago absorbeamur, ac denique in hoc fonte vividas cœlestium

charismatum aquas hauriamus, quæ omnem terrenum sensum extinguant, & ad sola æterna nos faciant aspirare.



CONCIO XXIX.

DOMINICA II. POST SS. TRINIT,

Homo quidam fecit cenam magnam.

Luc. 14. cap. v. 16.

SYNOPSIS CONCIONIS.

Sacrosancta Eucharistia, in epulo Eucharistico à SS. PP. vocatur ferculum spei, quod, supposita fide de tremendo mysterio, alteram virtutem Theologicam, spem scilicet & fiduciam in nobis nutriat, alat, & confortet.

- | | |
|---|--|
| §. 1. <i>Favor eximius Christi D. erga S. Ludgarden, qui idem nobis exhibetur in sacrosancta Eucharistia.</i> | lumba. |
| §. 2. <i>Eucharistia in nobis nutrit spem futura gloria.</i> | §. 5. 2. <i>Aquila.</i> |
| §. 3. <i>Qui vescuntur cibo Eucharistico, comparantur lilio, quod est symbolum spei.</i> | §. 6. <i>Eucharistia, quomodo sit pignus futura gloria.</i> |
| §. 4. <i>Quales aves à S. Ioanne in Apocalypsi evocentur ad cenam magnam Agni. 1. Co-</i> | §. 7. <i>Causa piissima, ob quam Christus D. instituit SS. Eucharistiam.</i> |
| | §. 8. 3. <i>Phœnix: cum digressione ad sodales Christi in cruce Agonizantis.</i> |
| | §. 9. <i>Cur Eucharistia vocetur testamentum.</i> |

Praeterita die Jovis, in octava festi corporis Christi, §. 1.
 memoriam simul egimus S. Ludgardis V. de qua vita ait, *Favor eximius Christi*
 ob formæ decus, aliaque dona, multos habuit procos; *si D. erga*
 sed corrivalis Christus, ut sibi eam desponderet, in pecto- *S. Ludgar-*
 den, qui

idem nobis
exhibetur
in SS. Eu-
charistia.

re cor suum faucium ei ostendit, & ejus Vulneris nectare potavit. ex quo omnia ei humana vilescere, & nulli præter crucifixi amores ei placere. Moritura, Jesum & Mariam habuit obvios, à quibus ad epulas æternæ gloriæ deducta fuit; quis non exclamet, O rarum! O eximium! O magnum favorem Christi Salvatoris erga hanc Virginem! Et cum in hodierno Evangelio ab eodem Christo D. vocemur ad cœnam, in qua faucium cor suum, & amabile pectus non tantum ostendit, neque aliquot guttis tantum divini sanguinis nos potet, sed totum sanguinem, & cum ipso corde totum suum corpus & carnem, nobis offerat in cibum, & potum; ut inde nobis vilescat mundus, ut manducantes panem illum in hac cœna, vivamus æternum, an non merito exclamamus, cum stupore & admiratione O magnam, O admirabilem cœnam! O Divinum epulum! O cœnam gratiarum! O mysterium fidei! hæc elogia hætenus exposui. Fidem, inter Theologicas virtutes, sequitur spes; quomodo hanc nutriat, alat & confortet sacrosancta Eucharistia, hac concione exponam, & patebit optimo jure eandem vocari, cœnam magnam.

§. 2.
Eucharistia in nobis nutrit spem æternæ gloriæ.

Hic est nobilissimus effectus cibi Eucharistici, ut cor hominis ab affectibus terrenis evacuet, ut cupiditates inordinatas extinguat; sic evacuatum in altum erigat, impleatque magna, & moraliter certissima spe obtinendi aliquando cœlestem gloriam, juxta Christi promissionem, Joann. 17. v. 59. *qui manducat hunc panem vivet in æternum.* Ovum evacuatum, & rore cœlesti plenum, si radiis solis exponatur, ad perticam, sursum elevatur. Ita anima plena rore Eucharistico, ad arborem sacrosanctæ crucis irradiata cœlestibus radiis solis Eucharistici, non potest non ferri ad superna. Surgit tale cor in altum, spe plenum, ascendendi in ipsum cœlum, ideo Christus D. ait per Oseam c. 14. v. 6. *Ero quasi ros, ut animos fidelium cœlesti rore perfundam & quid fiet? Israel germinabit sicut lilium, ibunt rami ejus, & erit quasi oliva gloria ejus & odor ejus ut libani.* Convertentur sedentes in umbra ejus, vivent tritico & germinabit quasi vinea, ut semper crescant in virtutibus, in gratia, in amore Dei;

re Dei; & quemadmodum crescens & germinans lilium, semper altius erigitur, ita suscepto rore Eucharistico animi, cum candorem lilii induerint, calcatis terrenis ad superna ferentur.

Paucula adhuc verba clarius explicant mentem Oseæ, addit enim prioribus, *Israel germinabit sicut lilium, erumpet radix ejus ut libani, vivent tritico.* Cyrillus & Turrianus intelligunt hæc verba de cibo Eucharistico, tanquam ferculo spei, & ajunt prophetam hoc voluisse prædicere. Cum Christus filius Dei instituit sacramentum Eucharistiæ cum fideles pascuntur cœlesti hoc pane & cibo, cum bibent hunc rorem cum sanguine Christi, cum vivent tritico Angelorum, fiet quoque ut fideles illi crescant sicut lilium, quod semper exitit symbolum spei, & quidem publicæ, vel magnæ spei, juxta nummum Rom. in quo lilii lemma fuerunt hæc voculæ: Spes publica, Rom. scilicet. *Mysterium symboli hoc est, lilium etiam abscissum à trunco non statim sui viroris deponit amœnitatem, aut foliorum candorem exuit, sed diutissimè viret. Ita fidelis, qui ob cibum Euch. lilium est, licet subinde vexetur, licet tribulationes instent, tamen confortatus cœlesti rore in Euch. pergit germinare, hoc est, non deponit amœnitatem spei, sed in Deo illam figit; dicens cum Jobo. c. 13. v. 15. Etiam si me occiderit in ipso sperabo.* Talia loquuntur, sic germinant, & c. qui vivunt tritico. Ab hoc loco Oseæ, à pulcerrimo hoc lilio discedere non possum, antequam vobis communicem verba Ruperti l. 6. in Oseam. *Tunc veraciter germinavit Israel sicut lilium, quando veri Israelitæ, scilicet Apostoli, non in carne, sed in spiritu fructificaverunt, nova conversatione imitantes lilium, id est, magistrum & præceptorem suum Christum, Virginea pulchritudinis filium.* de hoc sponsa dixit, Cant. 6. v. 2. quod amet lilia, quod pascatur inter lilia, quod faciat lilia illos, qui manducant carnem & bibunt sang. pulcherrimi Jesu. Ab hoc cibo, ab hoc potu perimuntur affectus terreni; ab hoc rore implentur corda, à radiis hujus solis in Eucharistia irradianrur, ut semper surgant sursum, ut sperent, se fore aliquando lilia in paradiso gloriæ.

S. 3.
Qui res-
cuntur
pane Eu-
charistico,
compara-
tur lilio,
quod est
symbolum
spei.

§. 4.
*Quales
 aves à S.
 Joanne in
 apoc. vo-
 centur ad
 cenam ma-
 gnam agni.
 2. Colum-
 bæ.*

Pulcerrimum mysterium continet visio S. Joannis cap. 19. Apoc. in qua vidit illam cœnam gloriæ, quam Deus suis electis præparavit. Sed de electis, sive vocatis ad hanc cœnam sive hospitibus loquitur modo mirabili dum ait, v. 17. *Et vidi unum Angelum stantem in sole, & clamavit voce magna, dicens omnibus avibus quæ volabant per medium cæli, venite & congregamini ad cœnam magnam, ut manducetis carnes regum, carnes fortium & magnorum.* Angelus in sole, est Christus D. in sole Eucharistico; clamavit cum dixit Matt. 11. v. 28. *Venite ad me omnes &c.* Sed qui comparere volunt, sciant se debere esse aves, debere se relinquere terrena, evolare ad cœlestia ut ibi sit nostra conversatio &c. Quæri hic potest quænam præcipuè sint aves, quæ invitentur ad epulas Euchar. vel si placet, quales aves nos faciat cibus Eucharisticus. S. Ambrosio placuit columba, de qua ait in Hexaem. *Columba non mergit caput,* scilicet, dum bibit, sed rostri tantum acumine potat. Istæ sunt columbæ, quæ vocantur ad cœnam Eucharisticam, isti fideles, qui de terra, de caducis, de pane & cibus materialibus, de divitiis, sola necessaria capiunt, sed nullo modo se illis immergunt; ideo in hac lacrymarum valle gemunt ut turtures desiderii & alis spei evolantes in cœlum. ideo notavit S. Basilus in primitiva Ecclesia, hierothecas pro asservatione sacrosanctæ Eucharistiæ, fuisse formatas ut columbas, ut qui ad cœnam agni vult comparere, sciat sibi esse induendam indolem columbæ, in multis. sed præcipuè in hoc, ut affectus non immergat terrenis, sed ad perennia bona continuo gemitu aspiret, & alis spei evolet ad cœlum. Pulciores depingit alas Theodoretus in Is. *fidelibus Deus ingenerabit alas, & similes efficiet cœlestibus potestatibus Angelis & Archangelis, quibus alas dat S. Scriptura.* hic nimirum est effectus cibi Eucharistici, ut quos pascit faciat Angelos, licet corpore hære cogantur in terris spe tamen & cogitationibus sunt in cœlo. Quis me impediet, quo minus collo talis columbæ affigam auream tabelam, cum aureo hoc elogio sacrosancta Eucharistia est ferculum spei.

S. Chrysostomo placuit Aquila, huic enim avi similes esse debent, invitati ad epulas Eucharisticas. Vel dicamus Eucharistia facit aquilas, quos pascit, dum illis præbet alas magnæ spei, quibus evolant. Sic loquitur cit. Sanctus hom. 24. in ep. 1. ad Cor. *Ad hoc nos inducit sacrificium illud formidandum & admirabile quod jubet nobis, ut aquila in hac vita facti ad ipsum cælum evolemus, vel potius supra cælum, ibi enim cadaver, inquit, illic aquila.* Aquilas autem appellat, ut ostendat ad alta eum oportere contendere, qui ad hoc corpus accedit, & nihil cum terra debere ei esse commune, neque ad inferiora trahi & repere, sed ad superiora semper volare, & in solem justitiæ intueri. Satis constat, cadavera appeti ab aquilis, siue carnes, quibus ubi pasti sunt, celeri volatu se erigunt in æthera, & tam altè volant, ut oculis nostris ereptæ, per ipsas nubes cælum penetrare videantur. Itaque (vult dicere S. Chrysost.) quotquot ad Eucharisticum epulum accedunt, aquilæ sint necesse est; in hoc: ubi deliciis carnis & sanguinis Christi pastæ & nutritæ sunt, desideriis debent evolare in altum: nam cœlestis hic cibus non patitur nos adhærere terrenis, sed per vivam spem caput nostrum, & desideria nostra, etiam in hoc mundo, cœlestibus ingerere debemus, ut impleatur prophetia Il. c. 40. v. 31. *qui sperant in domino assument pennas ut aquila; volabunt & non deficient.* Aquilam vobis sisto in conspectu sacrosanctæ Eucharistiæ, quia & ipsa est symbolum regni spei; quemadmodum enim hæc avis, ipso solis re creatur intuitu, & in illum semper intenta, fertur in altum, & vastissimam aëris spheram regio volatu pervadit, oculorum nostrorum iudicio ad ipsum solem: ita spes, cujus objectum secundum Doct. Ang. est arduum, obscurum & futurum, suos intuitus & oculos in lucidissimum divinitatis solem defigit, ejus magnitudinem, immensitatem, gloriam assidua meditatione speculatur, ac se ipsam ferventi desiderio in illum erigit, sperat, & aspirat, se aliquando illo bono fructuram, quod fidei oculo intuetur in hoc sole. Et ne frustra speret, sed ut spes nostra alatur & confirmetur, advertite ad inventiones amoris, attendite causam, quare instituerit sacrosanctum sacramentum Eucharistiæ ut scilicet:

hæc

S. S.
Secundo.
Aquila.

hæc eadem nobis sit pignus futuræ gloriæ, & spei nostræ.

§. 6.
Eucharis-
tia quo-
modo fit pi-
gnus futu-
ræ gloriæ.

Sic intelligite hoc elogium, summum bonum, Deum Opt. M. etiam in hac vita possidemus per gratiam, per fidem, per caritatem, per actus divini amoris, sed in umbra & in ænigmate. Olim in cœlis videbimus illum gloriosum, de facie ad faciem. Ne tamen interim in hoc mundo, careremus actuali possessione tanti boni, instituit Eucharistiam, qua mediante, sicut Deus & Christus D. est veluti cibus beatorum; idem Deus, idem Christus D. eadem gloria in sacramento sit noster cibus & potus. Et simul pignus gloriæ deinde secuturæ. ut sic spes illius gloriæ, quam per fidem agnoscimus, & cujus nos participes futuros speramus magis acuat, & cœlesti cibo nutriatur & confortetur, dum sub sacramentalibus speciebus habemus, & oculis fidei intuemur, quem sancti in cœlis vident in lumine gloriæ. Et quis me impediet, quo minus & tali aquilæ auream appendam tabellam, cum eodem aureo elogio, Eucharistia ferculum est spei.

§. 7.
Causa piis-
sima ob
quam Chri-
stus D. in-
stituit Eu-
charistiam.

Fermè fuisset oblitus insignis conceptus, qui causam institutionis Eucharistiæ in hoc puncto eleganter declarat. Sic est, ea est felicitas hominis justi, ut affectu & desiderio, quando vult, evolare possit in altum ad Deum & de multis dici potest illud Job. c. 5. *Pulli vulturis altissimè volitant.* S. Aug. *Vultur est Dominus Iesus, quoniam sine viri commixtione de Virgine natus est.* Pulli sunt qui manducant carnem regis aquilæ, & bibunt ejus sanguinem & volant altissimè, jam alis fidei, jam alis amoris ad ipsum thronum sacrosanctæ Trinitatis. Pulli aquilini sunt mei sodales Christi in cruce agonizantis, hiant enim alis ignitorum desideriorum ad ipsum cor Christi in gloria sedentis ad dexteram patris. ibi habitant in altissimis. ibi pascuntur deliciis in consideratione tantæ gloriæ. Sed hæc nostra infelicitas; pars altera corpus, caro nostra cogitur remanere in terra; terrenis affectibus veluti vinculis detinetur humi. Corpus aggravat animam. Quid faceret Aquila divina quid inveniret remedium, ut pars remanens in terra, nihilominus cœlesti pascatur cibo, qui & corpus agat in sublimè? ad hoc instituit sacrosanctam

Eucha-

Eucharistiam, præparavit epulū Eucharist. hoc cibo, imo & potu domin. sanguinis, in hoc mundo, ipsum corpus, ipsa caro nostra pascitur corpore & sanguine Christi. *Tertull. Caro corpore & sanguine Christi vescitur, & Deo saginatur.* Si in hoc mundo, tam admirabili modo, in sacramento se nobis communicare voluit; si genuini simus pulli, si illa devotione, qua par est, comedamus ejus corpus, & bibamus ejus sanguinem; quomodo non ille idem liberalissimus Deus se nobis dabit in gloria. Hæc spes reposita est in sinu nostro. Sed nutriri, sed acui, sed cor fortari debet, illo cibo, qui est *serculum spei*. *Clemens Alex. l. i. prædag. c. 6. Caro Domini, quæ est panis cælorum eos qui ex hominibus sunt cælestes, ad incorruptionem enutrit. Et Prosper. Aquitanus sent. 339. qui manducat hunc panem, escam salutis accipit, & æternitatis poculum bibit.*

Ut hoc clarius intelligaris, Columbæ & Aquilæ in conspectu Eucharistie addo Phœnicem. Harum enim trium avium mentionem facit script. psal. 54. vers. 7. *Quis dabit mihi greffione ad pennas sicut columbæ, & volabo.* Il. 40. vers. 31. *qui sperant in domino assumunt pennas ut aquilæ.* & Job. 29. *In nidulo meo moriar, & sicut palma multiplicabo dies meos.* alis legunt: *Sicut phœnix &c.* Ostendi jam sacrosanctam Eucharistiam tribuere pennas col. & aquilæ. De phœnice hoc addo. Phœnix post annos quingentos exposita radiis solis consumitur, & mox in vitam redit vegetior, tum pernici volatu recipit se in vastas solitudines Arabiæ. Quid de illo qui sumit Eucharistiam, dicam, nisi quod Phœnix sit. qui sub accidentibus panis totum in se excipit solem Justitiæ, cujus ardoribus ita comburitur, ut vetus Adam resolvatur in cineres, ac novus qui secundum Deum & Christum creatus renascatur; S. August. tr. 25. in Jo. *qui manducat hunc panem, invisibiliter renascitur; intus infans est.* p. locus ut alas assumat sed phœnicis, ut fugiat mundum, &c. & in solitudinem se abscondat, ut sola cælestiæ contempletur. Non patitur tempus, ut dicam, meos præcipuè sodales in menstrua communionem esse tales phœnices; habitantes in solitudine Vulnerum Crucifixi, ut aliquan-

Alveus Tertius.

Pp

do in

3. 8.
3. Phœnix
cum di.
greffione ad
sodales
agonia.


do in his nidulis moriantur, & deinde in æternitatem multiplicent dies suos. hoc sperare nos facit, Eucharisticus cibus; non displicebit vobis, si & Phœnicis collo appendam auream tabellam, cum aureo hoc elogio *sacro sancta Eucharistia est ferculum & signum spei nostræ.*

§ 9.
Cur Eucharistia vocetur testamentum.

Ob eandem causam Christus Dominus in institutione Eucharistiæ calicem vocavit *testamentum, sanguis novi testamenti*, & S. Petrus ait secundum lectionem S. Augustini; *Exultabitis gaudio honorato, percipientes testamentum fidei, salutem animarum vestrarum!* quid enim sacramentum Eucharistiæ est aliud, nisi clausum testamentum, in quo nos hæredes constituit suæ gratiæ, suorum meritorum, & deinde hæredes æternæ gloriæ. Ratio est: quia qui in manibus habet clausum divitis alicujus testamentum, in quo instituitur hæres, hic jam spe certa & infallibili est in possessione hereditatis: ita qui dignè communicat, jam totam cœlestem hereditatem possidet tanquam in testamento obserato, aperiet illud mors sancta, & re ipsa erimus beati. Si contingat hanc dominicam esse dominicam congregationis, poterit fieri p. digressio ad sodales, quam sint felices, quod duplici modo habeant obseratum testamentum, arrham & pignus futuræ gloriæ. i. per peculiarem devotionem gratia Christum Crucifixum. Deinde perpiam & frequentem Communionem. Cum repetitione totius Concionis; vos estis Eucharisticæ,

Columbæ, Aquilæ, Phœnices &c.

CON-



CONCIO XXX.

DOMINICA III. POST SS. TRINIT.

Hic peccatores recipit.

Luc. 15. cap. v. 2.

SYNOPSIS CONCIONIS.

Pastor bonus erga suas oviculas est suavis & dulcis; talis sit Concionator, exemplo Christi, erga peccatores.

- | | |
|--|--|
| §. 1. Iniquissima murmuratio Pharisæorum erga Christum D. | §. 8. Cum Caino quam Deus egerit suaviter. |
| §. 2. Et adversus ipsos peccatores. | §. 9. Et Christus D. cum muliere Samaritana. |
| §. 3. Peccatores monendi sunt suaviter. | §. 10. Quam efficacia sint suavia verba. |
| §. 4. Non sunt percutiendi baculo. | §. 11. Qua ratione Philippus Rex Macedonum expugnavit Byzantium. |
| §. 5. Agendum potius est verbis. | §. 12. Bethsabæe, quibus verbis corripuerit filium Solomonem. |
| §. 6. Canes, sanant sua vulnera, lingua, lingendo; non dentibus, mordendo. | §. 13. Aceto miscendum est oleum. |
| §. 7. Aurifaber vas aureum tractat suaviter. | §. 14. Ipsa correptio sit dulcis. |
| | §. 15. Epilogus. |

Iniquissima fuit hæc murmuratio Pharisæorum, & ratione personæ ipsius Christi, & ratione peccatorum. Ite, invidiamuli benignissimi Salvatoris; ite, murmurate prius contra solem

§. 1.
Iniquissi-
ma mur-
muratio
Pharisæo-

solem quod luceat contra fontem, quod scaturiat aquis, contra Medicos, quod invisat ægrotos, contra Pastorem, quod amet & quærat perditas Oviculas. Christus sol est Justitiæ; quid murmuratis, quod cæcos cupiat illuminare. Fons est, quid murmuratis, quod offerat aquas vitæ; est cœlestis Medicus, quid ægrè fertis, quod invisat ægrotos; pastor est, an reprehendendus est, quod quærat oviculam, propter quam xcix. reliquit in pascuis æternæ gloriæ. Venit non vocare justos, sed peccatores.

§. 2.
Et adver-
sus ipsos
peccatores.

Neque hos reprehendere potestis, quod ipsi cum Christo D. libenter conversentur. Et quis cum ratione murmurat contra ægrotum qui advocat medicum; contra captivum, quod sollicitus sit de redemptore; contra illum qui sitit, quod accedat fontem; de graviter faucio quod anhelet ad medicinam; contra oviculam quod redux sequatur pastorem; quis unquam murmuravit contra filium prodigum; quod ruerit in amplexus patris? Peccatores sunt ægroti, sunt captivi, sunt sitibundi, sunt graviter faucii, sunt errabundi oviculæ; sunt fratres filii prodigi; iniquissima itaque contra illos est Phariseorum murmuratione, quod confugerint ad Christum Dominum. In meis concionibus super hoc. Evang. non soleo discedere à suavissima parabola de bono pastore & ovicula perdita pro huius solatio, ostendam hac concione, exemplo Christi animarum pastoribus & concionatoribus esse agendum suaviter & dulciter.

§. 3.
Peccatores
monendi
sunt suavi-
ter.

Pastor bonus cum errabundis oviculis agit suaviter; suavissimè Christus D. egit cum peccatoribus, & illius exemplo etiam pastores animarum, Prælati & concionatores pari benignitate illos tractare debent. Emphasim habet illa vocula Christi Domini Matt. 18. v. 18. *Si peccaverit frater tuus, vade, corripe eum. Corripere* autem, ait S. Bernardinus hom. 1. 4. idem est, quod corrapere, id est, ovicula errans vel peccator ita est corrigendus, ut loquendi suavitate cor ipsi rapiatur. Hac voce usus est Christus D. Alii corripiunt quos volunt arguere; sed differentiam in his

his oculis magnam advertit Albertus Patavinus; Correctio includit rigorem, & severitatem, correptio benevolentiam denotat & amorem. *Illud est auctoritatis, hoc charitatis.* Saules, Pharaones, Nabuchodonosores, peccatores duri & obstinati, corrigi possunt; Oviculae errantes, v. g. aliquis David, aliqua Magdalena corripui debent, suaviter cum illis est agendum; prout Nathan egit cum Davide; cor suaviter illis rapi debet.

Male videtur fecisse Moyses, & Aaron quod Num. 20. v. 11. 12. bis virga percusserint silicem, qui dare debuit aquas populo in potum, ideo enim dictum illis fuit. *Non introducetis hos populos in terram quam dabo illis.* Oforius advertit causam, Deus illis dixerat: *Loquimini ad petram, & illa dabit vobis aquas.* Virga in rigore, percutiendo peregit Moyses, quod suavibus verbis facere debuit, ideo erravit. Petra sine verberibus dedisset aquam. Sic nimium zelosi cum Moyse sunt aliqui praedicatores. Errat fortassis aliqua ovicula; revocanda est ad veram viam, non propterea semper opus virga & baculo pastoralis: fistula & suavi voce revocari potest. Loquere peccatori suaviter; licet cor aliquo modo durum sit, tamen suavitate mota flebit ovicula, fluent lacrymae doloris. Peccatores plane desperati rebelles, duri; percuti possunt; cum oviculis agendum est suaviter.

Sed, cum Virga illa Moysis fuerit figura sacrosanctae crucis, nunquid illa terri & percuti possunt? Nunquid spinis ex spinea corona Christi Derivantes oviculae compelli possunt, nunquid virgis & flagellis. Non prohibeo. Sic haec ipsa instrumenta adhiberi possunt suaviter. v. g. loquere prius oviculae ad cor; roga per crucem Christi, per spinas ut redeat. &c. Non statim necesse est, ut talem oviculam praecipites in barathrum desperationis: Ut statim trudas in infernum. Vel unica ovicula magni constitit Salvatori. Fuissem fere oblitus verborum Oforii celeberrimi concionatoris ser. 3. post Dom. 3. quadrages. *Similes Moysi sunt, qui quod verbis agere possent;*

§. 4.

Non sunt
percutien-
di baculo.

§. 5.

Agendum
potius est
verbis.

virga & percussione faciunt, caritate corrigere debemus; bonus pastor non facile utitur baculo.

§.6.
Canes san-
tiant sua
Vulnera
lingua, lin-
gendo non
dentibus.
mordendo.

Natura in bestiis videtur voluisse nos hoc docere. Canis ad curationem vulneris non utitur dentibus, sed lingua, leniter lingendo & lambendo. S. Greg. M. *Canum lingua dum vulnus lingit, sanat.* Ita, sunt morbidæ oviculæ; habent aliqua putrida ulcera; prædicatores sunt canes gregis, & debent illa curare. Sed quæso, non fiat hoc mordendo, pungendo &c. lingua suavi, mellea, multa Vulnera citius sanantur, quam dentibus. Magna differentia est inter canes qui vitulos latrando, mordendo cogunt ire ad macellum, & illos, qui oves & gregem custodiunt. Illis permittitur latrare, lacerare; horum est lupos arcere. Tales debent esse pastores animarum & concionatores. Certè si ego viderem pastorem, qui in errabundam oviculam dum illam reperit, irritaret canem, vel baculo egregiè delumbaret, vel lapidibus obrueret, cogitarem; hic laniator est, non pastor. Pastor cum ovibus suaviter agit. Et hoc fecit Christus D. humeris dum oviculam reperit, imposuit. Corripere licet, sed addit S. Vincentius Ferr. ser. 2. f. S. Jac. *Dulciter & suaviter.*

§.7.
Artifaber
vas aure-
um iras
suaviter.

Non possum omittere aliud p. simile, quod meum propositum pulcerrime declarat. Delabitur ex manibus aurifabri aureum & artificiosum vas in terram, cum aliquo damno decidat, iracundus sit necesse est, si apprehenso aliquo grandiori malleo concussum plane solo allidat & confringat. Prudens artifex potius ligneo malleolo, vasculum illud cum dexteritate & leniter percutiendo reparat, & sensim atque paulatim rursum accommodat. Lenitate non furore vas reparatur. Discit à tali aurifabro pastor animarum, ut placide & benevolè procedat cum oviculis sive animabus, quæ sunt pretiosissimum vas, quod pater cœlestis formavit, & Filius Dei sua morte reparavit. Cum oviculis pastor non debet semper minis & cum severitate procedere. Bonus pastor agit suaviter & dulciter & hoc exemplo pastoris Optimi & benignissimi Christi Jesu. Pallium, viatori Aquilo abripere non potuit, sol suo calore fecit ut omnes vestes abjiceret: eo quod facilius vincuntur & vinciuntur

tur hominum ingenia, clementia & beneficiorum calore, quam nimia severitatis violentia.

Cainus an non fuit errabunda ovicula, præcipuè cum eo devenit ut fratrem occiderit, Gen. 4. v. 8. tamen quid Deus bonus pastor non fecit ut illum ad viam reduceret? Alloqui fuit dignatus & quidem initio suaviter; Monuit illum dulciter, ut peccatum peccato non adderet, *peccasti*, ait, juxta septuaginta *quiesce*. q. d. inquit S. Chrysost. in gen. *Peccasti & graviter peccasti, sed non punio propter delictum; misericors enim sum & nolo mortem peccatoris, sed ut magis convertatur & vivat, igitur quiesce, ne addas priori peccato gravius aliud, neque consilium aliquod immedicabile arripias, ne te ipsum magno damoni captivum tradas.* An non hæc correptio Caino cor rapere debuisset? quid dulcius? imo addidit spem de obtinenda venia de priori peccato, de cæde fratris dum quælivit; *Vbi est Abel frater tuus, nam talis vox*, inquit S. Ambr. l. 5. de Cain. & Abel non judicis sed patris, sed pastoris extitit provocantis ad pœnitentiam. *Vult, inquit, te provocare ad pœnitentiam Deus, vult de se sperari indulgentiam.* Et quid egit Cain post tantam indulgentiam. periit, quia voluit; non quod Deus aspere cum illo egerit; sed quia mansit obstinatus. quod S. Chrysost. sic deploravit: *Post tantam curam & tanta remedia, nihil commodi inde sensit tantum valet mentis perversitas, & malitia excellentia.*

Felicior fuit alia ovicula perditæ, Muliercula Samaritana, inescata amoribus, verbo, adultera. Hanc juxta fontem in Sichem Christus D. aggreditur totus ex itinere fessus & fatigatus, at observate obsecro quàm delicate illam tractarit, ut oviculam reduceret. quia sitiebat ait Joan. 4. v. 7. *Mulier da mihi bibere.* Morose fœmina excepit illâ petitionem, & inurbane respondit ibid. v. 9. *Quomodo tu iudeus cû sis bibere à me poscis, quia sum mulier Samaritana?* non ideo asperius locutus fuit Christus D. sed aliis affectuosis verbis, & oblatione alterius potus mulierculæ captat benevolentiam. *Si scires donum Dei & quis est qui dicit tibi, da mihi bibere, tu forsitam petisses ab eo, & dedisset tibi aquam vivam.*

§ 8.
Cum Caino, quam Deus egerit suaviter.

§ 9.
Et Christus D. cum muliere Samaritana.

vam.

vani. quid non potest suavitas verborum etiam ad rapiendum cor peccatricis. Muliercula statim alia, honorifico illum compellat titulo, Domine, & humiliter ait, da mihi hanc aquam. Tum propius Christus D. oviculam aggressus, suaviter & dulciter corripit ejus scandalosam vitam, *quinque viros habuisti & nunc quem habes non est tuus vir.* fatetur se ream; Domine, ut video propheta es tu. Repente alia. Doctissimus Cajetanus hanc conversionem adscribit suavitati Domini, & blando modo quo illam corripuit. *Incipit adorare Iesum, quando? audit a placida responsione ejus, qua ferreum & obduratum cor emollierat.* Hoc modo bonus pastor Christus D. reperit oviculam perditam: hoc modo pastores animatum agere debent cum peccatoribus, præcipuè ad fontem Sichem; in sacramento penitentiae. Non debent confessarii irasci, non calumniari, non dare agnomina tu adultera &c. Meminerint se esse constitutos pastores, qui agere debet cum oviculis suaviter & dulciter.

§. 10.
Quam effi-
cacia sint
suavia
verba.

Oseas c. 2. veluti suavissimus pastor sic loquitur. Ecce ego lactabo eam (scilicet oviculam) & ducam in solitudinem & loquar ad cor ejus. q. d. sic reducam eam. nam (ut ait Salomon Proverb. 18. 24.) *favus mellis composita verba* (dulcia; suavia) *dulcedo anima, sanitas ossium.* In ore audientis sunt mel, in anima dulcedo, in ossibus sanitas; totum ergo hominem capiunt & reficiunt. Mel, reficit, quia cibus; delectat, quia dulce: sanat, quia medicina est. S. Ambr. *Blanditia hujusmodi, intimatorum tangunt viscerum sensum.* Talis quoque fuit lingua Christi, talis debet boni pastoris favus mellis.

§. 11.
Qua ratio-
ne Phil.
Rex Maced.
ex pugna-
vit Byzan-
tium.

Fistula boni pastoris in memoriam mihi revocat historiam parvam ex vita Philippi Macedonum Imperatoris. Cum ingenti exercitu oppugnaret Byzantium, hodie Constantinopolim, occurrit illi Leo philosophus, & causam rogavit tanti apparatus. addit Imperator, se captum amore tam pulcræ urbis, velle esse illius dominum. Respondit Leo; aliter urbs fortissima tibi est oppugnanda, Rex potentissime; Non bellicis, sed Musicis instrumentis; non tympanis & lituis, sed citharis; non arietibus & balistis, sed fidibus; non furore, sed amore: non ira, sed

sed benevolentia; sic vinces; & sic contigit. Pari planè modo concionator, cum cor alicujus peccatoris vult aggredi & oppugnare; non faciat id furore, sed amore. Pastor bonus advocat Oviculam, non tubis & lituis, sed fistula, & cithara; aggrediatur ejus cor suaviter & dulciter. Ducat in solitudinem & loquatur ad cor.

Nescio an ullibi pulcriorem historiam in hac materia reperire possim, quam reperiam in c. 31. Proverb. v. 2. illius cap. ait. *Quid dilecte mi, quid dilecte uteri mei, quid dilecte vororum meorum.* ^{S. 12. Bethsabee, quibus verbis corripuerit filium Salomonem.} Lyranus putat Bethsabeam Matrem Salomonis his verbis fuisse allocutam filium; & subjungit hæc verba: *Quæ hæc ignavia fili mi?* refert ille auctor, Bethsabeam habuisse causam corripiendi filium, eo quod mane ob diuturniorem regis somnum cultus D. fuisset impeditus, sed quam fecit hoc prudenter & suaviter? accessit mater regina conclave & lectum, subductis cortinis præ affectuosissimis verbis Salomonem alloqui, *mi fili, dilecte, suavissime fili, desideratissime. Favus mellis lingua ejus.* tum aliquem figit aculeum dulcis apis. *Quæ hæc ignavia fili mi?* quomodo tantopere somno te tradis, ut sacrificium & divinum cultum impediās &c. pulcre rem describit Phil. Diaz. serm. 3. Dom. quad. *Filium suum prudentissimè reprehendit, ne illum exasperet. nam etsi illa mater erat, filius tamen erat Rex, & ut talem mitissimis verbis alloquens, vocat filium viscerum suorum &c.* A prudentissima Bethsabea discant pastores, quomodo tractare debeant Oviculas, cum corripiendæ sunt, cum reduci debent in viam.

Certum est, quod reprehendi imo castigari quandoque debeant; cum scabiosæ vel vulneratæ sunt, Vulneribus infundendum est vinum sed cum oleo. Sic monuit Seneca. ^{S. 13. Vino mi. scendum est oleum.} Objurgationi semper blanditiæ aliquid admisce. Inter emblemata reperiuntur statuæ virorum, qui dextera tenent lanceam, sinistra verò citharam. Et pastores, ferunt baculum, & fistulam, Virgam & peram cum pane. Graviter & suaviter agendum est, cum iis quos corripere & convertere volumus.

Alveus Tertius.

Qq

S. Jo.

§. 14.
ipsa corre-
ptio sit dul-
cis.

S. Joannes Evang. antequam in Apoc. jussu Angeli arguit Episcopum Ephesinum, antequam illi scripsit; *Habeo adversum te &c.* vide c. 2. v. 5. Apoc. & *movebo candelabrum &c.* prius laudavit illum &c. Sed hoc habes, quia odisti facta Nicolaitarum. &c. Rupertus hic. *Ita reprehensionis amaritudinem ne nimis offenderet, atque exterreret, collaudationis dulcedine circumlivit.*

§. 15.
apilegus.

Adverto æquum esse, ut quæ hætenus dixi, mihi accomodem. Fateor itaque meam culpam; frequentius terreo meas oviculas, frequenter utor baculo, ut timorem incutiam. Eiamen oviculæ, dilectæ oviculæ, dilectissimæ viscerum meorum, aliter hodie vobiscum agam. Carissimæ, sequimini me, ducam vos ad solitudinem, ducam ad pascua optima, & fontes limpidissimos. imò si placet in Vulnera & cor Salvatoris. Adeste, lactabo vos, lac porrigunt suavissima ubera elementissimæ Matris, lac, imo latus Salvatoris offert sanguinem; hoc vos lactabo. Audite oviculæ, loquar ad cor, loquar suavia & dulcia bonus pastor nos vocat, eamus &c.



CONCIO XXXI.

DOMINICA IV. POST SS. TRINIT.

Eadem quippe mensura, qua mensi fueritis, remetietur vobis.

Luc. 6. cap. v. 38.

SYNOPSIS CONCIONIS.

Per quæ quis peccat, per illa punitur.

§. 1. *In nostra situm est potestate, | sentiam, quam volumus.*

ut aliquando obtineamus sen. | §. 2. Per quæ quis peccat, per illa puni-

- | | |
|--|---|
| punitur: quare Nilus fuerit
conversus in sanguinem. | §.9. Conglobatio pluvium qui pu-
niti sunt per ea, per qua pecca-
runt. |
| §.3. Quare Pharaon fuerit submer-
sus. | §.10. Cur pluerit ignis super So-
domam. |
| §.4. Quare obduratum fuerit
cor ejus. | §.11. Apostrophe ad Auditores. |
| §.5. Quomodo Absalon fuerit
punitus, per ea, per qua pecca-
vit. | §.12. Dives epulo clamat ex in-
ferno; per ea punior, per qua
peccavi. |
| §.6. Cur confossus tribus lanceis. | §.13. Quare Iudas se suspende-
rit. |
| §.7. Cur denique interfectus à
decem armigeris. | §.14. Prosecutio. |
| §.8. Cur Aman suspensus de pa-
ribulo. | §.15. Prosecutio. |

THema hoc ex hoc. Evangelio nos monet, in nostra es-
se potestate, quale iudicium aliquando in illa die subire
velimus. talem enim erga nos iustissimum experiemur
Judicem, quales nos modo alii homines experiuntur.
Non alia utetur Deus mensura: Si amicus, suavis, misericors,
fuiſti erga proximum; erit etiam Deus suavis, misericors & be-
nignus erga te. E contra, si fuiſti durus, asper, immisericors;
eundem erga te senties Deum. *Iudicium enim sine misericordia
ei, qui non fecit misericordiam. In quo iudicio iudicaveritis, iudi-
cabitur vobis.* Matth. 7. v. 1. Liberalis es erga egenos? liberalissimum
habebis Deum. *quia quis seminat, ea & metet, qui parce seminat,
parce & metet.* 2. Cor. 9. v. 6. Ergo mensura &c. Avertis fortas-
sis à paupere vultum tuum? suum à te Deus æternum avertet.
Tob. 4. v. 7. *Noli avertere faciem tuam ab ullo paupere, ita enim fiet,
ut nec à te avertatur facies Domini:* Obturaſne tuas aures, ut non
audiant gemitus & voces inopum; esto certus, neque te audiet
Deus Prov. 21. v. 13. *qui obturat aurem suam ad clamorem pauperis,
& ipse clamabit & non exaudietur.* Puto advertere materiam
hanc esse infinitam & theſim. contraham ad finitam & hypo-
thesin. Peccata suam quoque habent mensuram, id est, prout

§. 1.
In nostra
est potestate
ut aliquan-
do obtineamus
sententiam
quam vo-
luimus.

peccamus & Deum offendimus, ita etiam puniemur. Utilissimam materiam aggredior, & q. ut modo solis exemplis ex S Scriptura illam declarem ideo postulo, ut benevolas aures mihi præbeatis.

§. 2.

Per qua
quis peccat
per illa pu-
nitur. Quia
re Nilum
conversus
in sanguinem.

Sententiam Christi D. in hodi. Evang. de *Mensura &c.* si de malo & pœna peccati loquamur, clarè explicat v. 17. c. II. Sap. *Per ea qua homo peccat, per ea punietur.* Sacrae literæ plenæ sunt exemplis eorum, qui id suo damno sunt experti. In V. T. clarissimum speculum sit obstinatus Pharaon. Primum prodigium quo Thaumaturgus Moyses illum terruit, fuit hoc; Exiit ad ripam Nili, vix ejus fluctus sua virga percussit, & illico aquæ in ebullientem sanguinem sunt commutatae. Exod. 7. v. 19. *Percussit aquam fluminis, & versa est in sanguinem.* Itaque jam Ægyptiorum plaga fuit flumen. primum tormentum Nilus! scilicet, ex quo fonte scaturiunt scelera, ex eodem prodit pœna: Theodoretus. *Valde gloriabantur Ægyptii de flumine suo, & hoc pro Deo habebant.* Objectum idololatriæ, fuit prima punitio. *Per qua quis peccat &c.* Sed si per Nilum Deus punire fecit Ægyptios, cur non tumescens inundavit agros, cur non vastavit urbes, cur nō vertit ædificia solo præcipuè aulam nequissimi regis. cur Nilus mutatur in sanguinem? pœna talionis à D. Justitia id exegit; *Præcepit Pharaon omni suo populo dicens, quidquid masculini sexus natum fuerit in flumen projicite.* Exod. 1. v. 22. Ergo in flumine effudit innocentem sanguinem? ex eodem flumine non aquam, sed sanguinem bibat. S. Aug. hom. 9. in Exodum. *Iusto Dei iudicio factum est, ut de illo fluvio sanguinem biberet, in quo innocentium Hebraorum sanguinem fuderat.*

§. 3.

Pharaon
fuerit
submersus.

A ripa Nili, uno passu progrediamur ad mare rubrum, dedit illud transitum Israelitis, divisum in duas partes, sicco pede transierunt; Insequitur Pharaon cum exercitu, sed momento coeunt rursum fluctus, Pharaon cum suis submergitur. *Currus Pharaonis & exercitum ejus projecit in mare* Exodi. 15. v. 4. Quid hoc? tot prodigiosa plagæ; ranæ; cyniphes; gladius exterminatoris Angeli regi vitam non ademerunt; & periit in aquis? nunquid D. furor & fulmen in regium caput torquere potuisset?

non;

non, sic mori debuit! memores estote, quod Pharaon præceperit populo suo dicens, *quidquid masculini, &c.* Parvulos merfit in mari, peccatum ferox & barbarum! sed mergatur & ille, *per quæ quis peccat &c.*

Pœna ejus gravissima fuit, dum viveret, quod induratum fuerit cor ejus, ideo tot pœnis territus tamen ad pœnitentiam moveri non potuit: ut pœna peccato responderet. Origenes hom. 2. in Cant. *Talis erat materia cordis Pharaonis, quæ præsentiam solis iustitiæ non ea parte qua illuminat, sed ea qua adurit, & indurat, exceperit, propter hoc sine dubio, quia & ipse affligebat hebræos in operibus duris. Et sicut materiam luti sol iste visibilis stringit, & indurat, ita sol iustitiæ iis iisdem radiis quibus illuminabat hebræos, Pharaonis cor cui lutea inerant cogitationes, indurabat. mensura, quæ mensus fuit &c.* Mittamus Pharaonem (fiat applicatio ad illos, qui duri sunt erga pauperes.)

In infelicissimo Absalone veluti altero speculo cernite pœnam talionis per quæ peccavit, per illa punitus fuit. 2. Reg. 8. fugit exercitus & ipse solus. Adhæsit caput ejus quercui, & Joab tulit tres lanceas & infixit eas in corde. demum, *concurrerunt decem armigeri, & percutientes interfecerunt eum.* Insinuo tantum notissimam historiam. Mirabile fatum! Absalon moritur passis capillis, involutis ramo & foliis quercus! Suspenditur Regis filius! confoditur tribus lanceis! obtruncatur à 10 armigeris! omnia iuste ut per quæ peccavit, puniretur. superbivit capillis, suspendatur inauratis capillis. collegit exercitum; relinquatur ab exercitu. fugavit parentem, fugiat. pulcris verbis amplificat S. Chrysost. in ps. 3. v. 8. *Expilorum coma à coma arboris tenebatur, & coma tenebat comam, tyrannum illum contundens, ubi diadema paternum gestare contendebat.* Infelix adolescens pro corona laqueum, pro solio furcam, pro regno ambito mortem, quam meruerat reportavit.

Sed cur cor tribus lanceis configi debuit? ut pœna culpæ responderet. blandis verbis decipit cor patris, ut textus dicat. 2. Reg. 1. v. 1. *Cor regis versum erat ad Absalon.* Corda consiliorum distraxit in partes, cum Absalon iwerunt ducenti viri simplici corde.

S. 4.
Quare ob-
duratum
fuerit cor
ejus.

S. 5.
Quomodo
Absalon
punitus
fuerit per
ea, per quæ
peccavit.

S. 6.
Chr. confos-
sus tribus
lanceis..

corde. Corda quoque populi, ut se regem proclamaret, blande circumvenit. *toto corde universus populus sequitur Absalon.* Per-
eat totidem lanceis. sic ait Rabinus David. *Absalon furatus fuerat
primū cor regis. deinde cor Senatorum, tertio cor totius Israel.* Ergo
triplici ictu confossum est cor ejus. Vel dicamus. In eas angustias
redigi debuit illud cor, ita vulnerari, ita lancinari, quod cor dul-
cissimi patris mitissimi David, adeo afflixit.

§ 7. *Cur deni- que inter- festus à de- cem armi- geris.* Necdum pondus divinæ lancis peccato Absalonis adæqua-
tum est. Spiritum miser trahit; palpitant membra, anima mise-
ra & afflicta luctatur egredi, & ecce decem armigeri decem
gladiis eum feriunt & animam exturbant. 2. Reg. 18. v. 15. *cum
adhuc palpitaret, occurrerunt decem juvenes armigeri, & percutien-
tes interfecerunt eum.* Irata Nemesis illos misit; nequissimus ju-
venis decem concubinas regis ausus fuit cognoscere; decem
enormibus peccatis decem respondeant juvenes, decem gla-
dii, decem vulnera. ponderi culpæ, respondeat pondus pœnæ.
Culpa per pœnam ad justitiam elui debet.

§ 8. *Cur Aman suspensus ex patibulo.* A furca Absalonis conijcite oculos in patibulum, ex quo
pendet superbus Aman. & hæc historia est notissima. Josephus
Jud. 1. 2. antiq. c. 6. summam Dei justitiam & æquitatem his ver-
bis fuit admiratus. Hinc mihi continget admirari nomen Dei,
& sapientiam & justitiam ejus agnoscere, quod non solum ma-
levolentiam Aman punivit, sed quod excogitata contra alium
tormenta in eum convertit & cæteros hoc sentire permisit,
quoniam qui quædam contra alios molitus fuerit, hæc in se pri-
mum parata cognoscat, itaq; Aman honore quem à rege per-
ceperat; supra modum abusus, hujusmodi cruce confixus est;
quam paraverat Mardocheo.

§ 9. *Congloba- tio pluri- um qui pu- niti sunt, per ea, per qua pecca- runt.* Nihil dicam de Adonibezech Jud. 1. v. 7. tyrannus fuit cru-
delissimus, septuaginta reges iussit manibus & pedibus mutilari,
sic debuerunt reperire sub mēsa & micæ colligere. Demū & ipse
fuit captus, & eadem pœna affectus; ideo ait, *sicut feci, ita reddi-
dit mihi Deus.* Nihil dicam de Agag. 1. Reg. 15. nihil de Abime-
lech Jud. 9. nihil de Achab & Jezabele, illo loco quo canes gu-
starunt sanguinem occisi Naboth, eodem & regis sanguis à
cani-

canibus devoratus fuit. Nihil de Saul, nihil de Joab, nihil de ipso Davide; unicam adhuc historiam ex Veteri Testamento omittere non possum. deinde progrediar ad novum.

Genesis 19. v. 24. *Dominus pluit super quinque urbes, sulphur & ignem* de cælo. Mirabilis modus loquendi, pluit ignes, fulmina &c. de pluvia, de aquis dicere solemus, pluit, præterquam quod ignis, ascendere, non descendere soleat. calidus enim est & siccus, sed contra naturam descendit. inversus fuit ordo naturæ. Mensura &c. Inverterant nequam incolæ usum naturæ in turpissima libidine; S. Chrysostomo debeo conceptum. *Ignis eructans imbrem, imber caminum manans* flamma in flumen solvebatur, & pluvia flammâ reaccendebat. Retributionē erroris sui in se ipsis recipiebant. Erat autē iusta retributio his, qui naturæ subverterant leges, ut invertatur in eis naturæ ordo, & fiat eis naufragiū ex igne, quasi ex aqua. discurrite vobiscū, & perpendite, an malè dicam, quomodo quis peccat, ita punietur. ex hoc. *Evang. Mensura &c.* Hæsi nimis diu in V. T. antequam ad novum procedo, hæc vos moneo auditores.

Ægyptii quia amarunt Nilum fluvium per fluvium puniti sunt. Ah filii huius mundi, quid sedetis super flumina Babylonis nō flentes, sed ludentes citharas; quid sectamini voluptates, quæ instar fluvii currunt. Hæ aquæ aliquando vobis vertentur in tormentum. Pharaο innocentes in aquis oppressit pueros; Matrib⁹ viduis expressit lacrymas: Væ vobis qui opprimitis pupillos, qui contristatis viduas harum lacrymæ vestrum erunt tormentum. Pharaο submersus est in mari rubro, sanguineo, quia innocentē effudit sanguinem. O impii, quid vos sanguinem filii Dei rursum conculcatis; sanguinem? hic, hic vindictam vobis exigit. Quid affligitis pauperes? quid exercetis illos in operibus duris? hinc obdurantur corda vestra, & nulla spes veniæ affulget &c. Absalones, quid contristatis cor optimi patris, in agone cor vestrū præcipuè affligetur. O quibus lanceis lancinabitur. Lancea est tua luxuria, lanceæ sunt tuæ blasphemie &c. illis vulneras cor Christi; sed magis te vulnerabunt in agone. Instrumenta quibus Deum offendis, convertentur in instrumenta dolorum.

O va.

O vani quid superbitis in comis & vestibus? & hæc erunt instrumenta dolorum &c. per quæ quis peccat, per illa punitur. Hoc divina exigit Iustitia.

§. 12.
Dives epulo
loclamat
ex inferno;
per quæ
peccavi,
per enpui-
nior.

In hovo testamento, primo loco & quasi in speculo oculis nostris præponitur Luc. 16. v. 22. dives epulo ardens in inferno. Vestitus in hoc mundo fuit purpura; modo in inferno vestis ejus est ignis. Lingua ejus comedit delicata, bibit vina optima, jam cruciatur in flamma. In ejus picturis ad mensam pinguntur Musici & tubicines, sedet in medio diabolorum, qui aliud non canunt, quam blasphemias, & Væ, Væ, Æternum, æternum. Præcipua sunt hæc: fuit immisericors; & nullam in æternum obtinebit misericordiam. Negavit Lazaro cibum; inter ignes, inter flammæ, in siti ardentissima petit guttam aquæ, non obtinebit in æternum. Mensura qua mensus est Lazaro, illa dæmones remetientur in omnem æternitatem. Non permittit tempus ut materiam integræ concionis hic vobis proponam. Miserabiles Judæi, qui hanc veritatem ingenti suo damno experti sunt. Prout tractarunt D. in passione, sic deinde in Jerosolymæ eversione tractati sunt. pro dignitate hoc modo tractare non possum; quia tamen in meis concionibus libentissime memoriam facio mysteriorum passionis; rogo vos, ut jam oculos vestros convertatis non in Absalonem pendentem ex quercu, sed infamem proditorem Iudam pendulum quoq; ex arbore quo modo culpa patrat, illo quoque pœna & vindicta paratur.

§. 13.
Quare Iu-
das se su-
spenderit.
Prima ra-
tio.

Cur itaque Judas non cultro se interemit? cur non se submergit in aquis? cur non se præcipitem dedit ex turri? ut quid pendet in arbore, favet meis cogitationibus Vener. Beda. fauces Judæ, protulerunt proditorias illas voces, Matth. 26. v. 15. *Quid vultis mihi dare, & ego cum vobis tradam.* Justus est Dominus; claudantur hæc fauces laqueo; guttur lingua fuit prius instrumentum prodicionis, sit etiam instrumentum pœnæ. Beda. *Dignam sibi pœnam Iudas invenit, ut guttur, per quod vox prodicionis exierat, laquei nodus necaret.*

Subti-

Subtilius aliquid excogitavit, recens auctor. ait Judam fuisse staturæ parvæ, Christum D. oblongæ, itaque dum osculum genis dare voluit, debuit erigere pedes, & collum extendere debuit. *Operfide Iuda in altum qui ascendis & collum extendis ut osculum tradas. Cras ascendes arborem, & guttur quod hodie Christo extendis ad osculum, in crastinum illud, es extensus ad laqueum.* §. 14. *Altera ratio.*

Haberetis fortassis pro fabula quod dicturus sum, nisi esset fundatum in sacris literis; dicunt Judam denarios, dum traditi fuerunt à Judæis, ponderasse lance an boni essent. Christus D. de hoc conqueritur per Zachariam cap. 11. v. 13. *Appenderunt mercedem meam triginta argenteis.* O Juda tu tibi faber es tui exitii, dum Christum moneta trutinata vendis; ut culpæ poena respondeat, ut quomodo peccasti, puniaris, cras ex arbore appenderis; *malo tuo argentum didicisti librare. mori incipiens & corpus tuum in patibulo ponderabitur.* finio. Sanguinis Nilus, Mare rubrum, quercus Absalonis, lanceæ Joab, ignes Sodomæ, ignes inferni, laqueus Judæ clamant, *per qua quis peccat &c. Mensura.* §. 15. *Tertia ratio.*



CONCIO XXXII.

DOMINICA V. POST SS. TRINIT.

Cum turba irruerent in Iesum, ut audirent Verbum Dei.

Luc. 5. cap. v. 1.

SYNOPSIS CONCIONIS.

EX hac concione intelligent Auditores, quàm bene & utiliter faciant, qui frequenter & libenter audiunt Verbum Dei; e contra, in quam periculoso statu vivant illi, qui nunquam vel raro interfunt concionibus.

Alveus Tertius.

R r

§. 1. Bre-

§. 1. Breve exordium.

§. 2. Difficile est credere sine auditione verbi Dei; quod probatur ex S. Paulo.

§. 3. Cornelius, piissimus centurio, tamen instrui debuit à S. Petro, & ipse S. Paulus ab Anania.

§. 4. Varii fructus auditionis verbi Dei; ex illis verbis Christi D. Beati qui audiunt verbum Dei.

§. 5. Verbum Dei est sigillum &

speculum.

§. 6. Quanta sit efficacia verbi Divini, in conversione alicujus peccatoris.

§. 7. Apostoli Christo D. subjecerunt orbem per predicationem.

§. 8. Non audientes verbum Dei, ruunt in gravia scelera.

§. 9. Cur Iudas exiverit è cenaculo.

§. 10. Epilogus ex S. Thoma Aquinate.

§. 1.
Breve ex-
ordium.

IN præfenti concione super hod. Evangelium audient & intelligent mei auditores, quàm bene & utiliter faciant illi, qui veniunt ad Ecclesias, ut audiant verbum Dei; econtra verò in quàm periculoso statu, inter quas tentationes vivant illi, qui vel nunquam, vel rarissimè interfunt concionibus. Non præfabor modo pluribus, quia in intensis caloribus hujus anni 1666, non cogito vos detinere ultratres quadrantes. Neque immemor sum, celebrari quoque hod. Dominica festum S. Jacobi Apost. magni Hispaniarum Patroni; verum quia alibi occasio audiendi ejus laudes non deerit, præfertim in collegiata ejus apud Bambergenses, Ecclesia; ego hoc loco, ab Evangelio hod. Dominicæ non discedam.

§. 2.
Difficile est
credere si-
ne auditio-
ne verbi
Dei; quod
probatur
ex S. Pau-
lo.

Ut homo credenda sciat, & credat, itaque vivat prout fides exigit & hoc modo salvus fiat, necessarium est, ut audiat verbum Dei. Clarissima sunt verba S. Pauli ad Rom. 10. v. 13. *Omnis quicumq; invocaverit nomen Domini salvus erit; quomodo ergo invocabunt in quem non crediderunt? Quomodo credent ei, quem non audierunt? quomodo autem audient sine prædicante. Ergo fides ex auditu; auditus autem per verbum Christi, addit Cajet. secundum communem cursum, credere, præsupponit auditione corporalem. v. g. gentilis aliquis, quomodo credet myst. SS. Trinitatis, nisi audiat:*

diat &c. (sic per alia præcipua mysteria fidei) ideoque Christus D. desiderans omnium hominum salutem dixit Marc. 16. v. 15. *Euntes in mundum universum prædicate Evangelium omni creatura.* Verissimum q. est, quod idem Ap. ait ad Eph. 2. v. 8. *Dei enim donū est fides quomodo igitur fides ex auditu?* ad Philip. 1. v. 19. *Vobis donatum est pro Christo, ut in eum credatis.* Sed bene advertit Ang. Doctor utrumque esse verissimum; fides enim duo includit. 1. Inclinationem cordis & motum affectus ad credendum; hoc non est ex auditu, sed est gratia. 2. Explicationem credendorum; & hæc est ex auditu. Ut proinde alicui gentili & cuivis, qui vult credere, necessarium sit audire verbum Dei.

Cap. 10. v. 4. Actuum Ap. commendat Cornelium Centurionem, quod fuerit religiosus ac timens Deum, cum omni domo sua, faciens eleemosynas multas plebi, & deprecans Deum semper, nihilominus apparuit illi Angelus Domini, dicens; *rationes tuæ & eleemosyna tuæ, ascenderunt in memoriam tuam à S. cōspectu Dei, & nunc mitte viros in Ioppen, & accerse Simonem quem Petro. & ipsi S. Paulus ab Antiochia, dā qui cognominatur Petrus; hic dices tibi, quid te oporteat facere.* Vellem legi hoc caput ab illis, qui dicere solent, se Christianè & Catholicè posse vivere posse, se orare &c. licet nunquam veniant ad concionem. Dubito ego in primis an de his dici possit, quod timeant Deum, quod dent eleem. proinde majori ratione puto illis necessarium esse aliquem Angelum vel cœlestē inspirationem, ut mentem mutant, sciantque illud, quod super cit. locum ait S. Petrus Thomas, *Neceffe habuit* (Centurio) *ut ad eum mitteretur Petrus, qui sibi determinaret, quid esset credendum.* Etsi haberet affectum credibilitatis per Dei gratiam, etsi Deum timeret, etsi fuerit dignus, ut apparuerit illi angelus; tamen per Petrum debuit instrui. Ita ordinavit Deus, ut in credēdis homo instruatur ab homine. Mirabilem consequentiam ex his elicit S. Aug. *Non tentemus Deum, ut ad Evangelium discendum nolimus ire in Ecclesias, aut prædicantem hominem audire.* Quid respondent S. Augustino illi, qui verbum Dei & conciones contemnunt, quique &c. Sciant se implicitos laqueo gravissimæ tentationis, meminerint se tentari à diabolo. cujus 1.

cura est, abstrahere à concionibus. pergit S. August. *Caveamus tales tentationes superbissimas, & periculosissimas, magisq; cogitemus, & ipsum Apostolum Paulum, licet divina & cœlesti voce prostratum & instructum, ad hominem tamen missum esse, ut sacramenta perciperet, & copularetur Ecclesie.* Sic enim Saulo dixit vox de cœlo. Act. 9. v. 7. *Surge & ingredere civitatem, & ibi dicetur tibi, quid te oporteat facere.* Neque hodie gravibus peccatoribus deest, lux cœlestium inspirationum, non desunt subinde stimuli aliqujus timoris &c. neque tamen convertuntur, ob hanc unicam causam negligunt verbum Dei. Act. 16. 14. *Prædicante Paulo aperuit Dominus cor mulieris, ut intenderet his, quæ dicebantur à Paulo.* S. Aug. de se confessus fuit, l. 5. Conf. c. 15. *Et dum cor aperirem, ad excipiendum, quam diserte diceret, pariter intrabat, & quam vere diceret.*

§. 4.
Variis fructibus
auditionis verbi
Dei, ex illis verbis
Christi D. Beati qui
audiunt verbum
Dei.

Palam proinde clamavit Christus D. Luc. 11. v. 28. *Beati qui audiunt verbum Dei.* Nam (Alb. M.) *illuminat ad veritatem credendorum, & perficit affectum ad veram operandorum perfectionem.* Didacus Stella *Sic beatitudo æterna est in auditione verbi Dei, quia est initium, origo & radix beatitudinis.* quod idem Salvator noster innuit illis verbis Luc. 8. v. 11. *Semen est verbum Dei.* S. Petrus Chrysologus ser. III. *Nunquid non in semine tota arbor.* Aspicite parvulum granum seminis, v. g. Sinapi; inde crescit radix, inde truncus, inde rami, inde folia, inde flores, inde fructus, inde tota arbor. Idem dicite in præsentī materia. Primum est audire verbum Dei, inde fides, inde lumen intellectus, inde motus voluntatis, inde operatio, inde æternæ gloriæ fructus. Quæ omnia eleganter exposuit in particulari S. Bern. ser. 85. in Cant. *Quærit anima verbum (super illum versum Cant. 3. v. 1. In lectulo meo quasi vi, quem diligit anima mea) cui consentias ad correctionem quo illuminesur ad cognitionem, cui innitatur ad virtutem quo reformetur ad sapientiam, cui conformetur ad decorem, cui maritetur ad fecunditatem, quo fruatur ad jucunditatem.* V oculam, conformetur eleganti simili explicat S. Basilius, ut quemadmodum cera, sculpturæ typo mandata, figuram eam, quæ sculpturæ inest, diligenter exprimit; ita & nos typo Evangelicæ doctrinæ

doctrinæ, nos ipsos tradentes, secundum internum hominem figuremus. v.g. homo Christianus debet in se formare imaginem humilitatis secundum exemplar Christi D.&c. Sed audire debet, quomodo id debeat fieri &c.

Videtur hoc simile præ oculis habuisse S. Bernardus, cum ait de S. Paulo. *Prorsus pia mater, S. Paulus, cum diceret ad Gal. 4, v. 19. Filioli mei, quos iterum parturio, donec formetur Christus in vobis* scilicet per apostolicam prædicationem. ultima verba cit. ^{§ 5.} *versus sic explicat S. Th. donec formetur in vobis Christus (recipiat similitudinem ejus, quam vestro vitio perdidistis. Eleganter S. Ephrem Syrus inducit Regem Ninivitarum post auditam concionem Jonæ dixisse ad suos subditos, sermo ipsius (scilicet Jonæ) factus est nobis loco speculi, in quo Deum malis nostris actionibus comminantem vidimus.* idem hodie contingit, ut subinde gravis aliquis peccator convertatur causa sæpe est, quod audiverit aliquam cōcionem, quæ per Dei gratiam, facta est illi speculum in quo vidit, quid sit semel infelicitè mori. Aperuit loquenti cor suum &c. (hoc modo fiat p. inductio per 4. novissima) S. Leo fer. II. de quadr. *Splendidissimum nobis speculum Deus dedit (verbum suum) in quo homo faciem inspiceret mentis suæ, & quam conformis imagini Dei, vel quam dissimilis esset, agnosceret.* ^{Verbum Dei est similitudo & speculum.}

Ut peccator miserrimum suum statum agnoscat, ut moveatur ad pœnitentiam, ut vitia deponat, inde pendet, ut audiatur verbum Dei. Saul ardebat ira & invidia erga Davidem; omnibus modis quærens illius necem. Accidit, ut David loqui posset Sauli, cum admirabili effectu, ait enim textus I. Reg. c. 24, v. 7. *Cum autem compleisset David loquens sermones hujusmodi ad Saul, dixit Saul; Nunquid hæc est vox tua, fili mi David, at levavit Saul vocem suam, & flevit.* licet iratus Rex fuisset q. tigris, factus est ovicula. S. Chrysost. hom. 3. de Dav. & Saule; *Saul simul ut accepit verba David animum ingressa, abiicit inimicitiam, recepit affectum. posita ira recepit tranquillitatem; Non jam sustinuit hanc vocem audire, sine lacrymis, sed ploravit amare, animi sanitatem, quam David in se verat, lacrymis declarans.* Aliquot vocalia in hac aurea sententiâ ponderandæ sunt. 1. Verbum Dei, ^{§ 5.} *Quanta sit efficacia verbi Dei in conversione aliquis peccatoris.*

aliqua concio ut operetur suos effectus debet ingredi animum & cor. Multi audiunt conciones, sine fructu, quia &c. 2. Si verbum Dei cor ingreditur, v.g. concio aliqua de iudicio, impius illam ferre non potest; Palladius refert de abbate Moyse viro sancto, quod prius fuerit latro, beatus fuit, quod venerit ad conc. de iud. universali & pœnis inferni, de æternitate; & ait Palladius. *Compunctus corde cepit amarissime flere, cum gemitu & ejulatione.* Orig. h. 7. in Exodum. *Efficatur ei ipsum verbum vermis, qui ejus conscientiam fodiat, & arcana pectoris ejus rodant.* p. locus, rodant. 3. Verbum Dei inserit omnem virtutem: loliorum loco provenit messis bonorum operum. 4. Eradicantur vitia. 5. per verbum Dei convertuntur multi peccatores. ps. 18. v. 8. *Lex Domini immaculata convertens animas.* Immaculata.) omnia mala excludens.

§. 7.
Apostoli.
christo D.
subjecerunt orbem
per predicationem.

De Apostolis, post Pent. per totum orbem dispersis ait S. Chrysostomus ser. 3. de pœnit. *Peragrarunt pisces orbem terrarum, & infirmum eum inveniunt, ad sanitatem reduxerunt; & in ruina positum ad stabilitatem revocarunt; non scuta moventes, non arcus tendentes, non sagittas mittentes, non pecuniam largientes, non in eloquentia confidentes &c. Sed predicatione Evangelii, & verbi Dei. Verbum Dei sanat, verbum Dei confortat, illuminat &c. diruit regnum peccati.* ad Hebr. 11. v. 30. *fide muri Iericho corruerunt, circuitu dierum septem.* alludit Ap. ad c. 6. v. 20. Josuæ, ubi Deus mandavit, ut sacerdotes per 7. dies buccinando circumirent urbem; sic die septimo corruerunt muri. S. Thomas. *per quæ datur intelligi, quod omnia impedimenta mundi cadunt, ad continuam vocem predicatoris.*

§. 8.
Non audientes verbum Dei, ruunt in gravia scelera.

Unde mirari non debemus, plerumque illos, qui negligunt verbum Dei, præcipitari in gravia scelera. Origenes hom. 9. in Levit. *Tales sunt omnes, qui subtrahunt se, & longè faciunt à verbo Dei, ne audientes sermones divinos accendantur ad fidem, incallescant ad caritatem, igniantur ad misericordiam.* Jerem. 7. *Et non audierunt me, sed induraverunt cervicem suam & peius operati sunt.* De omnibus vitiis hoc verissimum est; est aliqua Magd. publica peccatrix, fugit conciones, ne audiat &c. (fiat p. inductio

ductio accommodata ad audit.) Item Orig. *Tu ergo unde ardebis? Vnde invenientur in te carbones ignis, qui nunquam Domini ignis eloquio? Nunquam verbis Spiritus S. inflammari?* Joannis 3. v. 19. postquam Christus D. egisset de multis non salvandis, subdit causam; *Hoc est autem iudicium.* Alcuinus in catena reddit causam, quare non crediderunt & quare iuste damnantur, dicens: *hoc est autem iudicium. Quia lux venit in mundum, & dilexerunt homines magis tenebras, quam lucem, erant enim opera illorum mala. Omnis enim qui male agit, odit lucem & non venit ad lucem, ut non arguantur opera eius.* Advertitisne causas, quare aliqui nunquam veniant ad conciones? male vivunt.

Superius insinuavi periculose tentari à diabolo illos, qui non audiunt verbum Dei; breviter addo, eodem tendere ejus curam, ut hoc obtineat à suis, ut &c. Ex S. Joanne scimus, Christum D. tria præcipue peregrisse in ultima cœna. 1. lavit pedes. 2. Instituit SS. Sacramentum. 3. affectuosam ad Ap. habuit concionem. De Juda verò dicitur, c. 13. 30. *cum accepisset buccellam exivit continuo*, instigante diabolo; *timuit enim* (ait S. Cyr. Alex.) *ut credo, ne morando locus penitentia daretur, & quasi homo à temulentia recte cogitans, mentem suam reciperet, hac de causa, festinat ac impellit, separavitque plane Iudam à Christo* D. Miseri quibus idem contingit. Judith. 9. Holofernes obsessis incidit & abstulit fontem. Glossa. *Hoc enim maxime diabolus studet, ut doctrina fluentia, & virtutum arma auferat: & sic nequitiam suam in interitum servorum Dei velociter explicat.* Eadem dicenda sunt illis, qui quidem veniunt ad concionem, sed garriunt, rident &c. Tales auditores habuit Jeremias, ad quos dixit c. 32. v. 33. *Et verterunt ad me terga, & non facies; cum docerem eos diluculo, & erudirem &c.* Et nunc propter ista, ecce ego eieci eos in furore meo, & in ira mea, & in indignatione grandi. Tales Aud. habuit Orig. cum dixit serm. x. in gen. Quid de absentibus conqueror? præsentibus etiam & in Ecclesia positi non estis: attenti, sed communes ex usu fabulas teritis, verbo Dei terga convertitis. Vereor, ne & vobis dicatur à domino, convertunt ad me dorsa &c. Quid igitur ego faciam? possumne surdis &c.

19. 2.
Cnr Iudas
exivit
ex cena
lo.

dis & averſis auribus, ingerere margaritas verbi Dei: quas mox diabolus auferet à cordibus eorum, ne credentes ſalvi fiant.

§. 10.
Epilogus ex
S. Thomæ.

De utriſque dixit Chriſtus D. Joannis 8. v. 47. tales non eſſe ex Deo. S. Thomas, eſt contra ſignum, quod homo ſit à Deo, ſi libenter audit verba Dei; ſed qui recuſant audire, affectu vel effectû, ex Deo non ſunt. Did. Stella ſuper verba Chriſti; *Beati &c.* Beatitudo eſt in verbo Dei tanquam in ſigno: maximum enim ſignum eſt, quod quis in beatitudinem ſit electus, & prædeſtinatus, quod audiat lib. verbum Dei. Magnum verò ſignum reprobationis eſt, nolle audire. S. Bern. ſer. i. in ſept. Inter ea quæ fiduciam & materiam ſpei præbent, unum illud maximum eſt, qui ex Deo eſt, verba Dei audit. In his (qui &c.) ego *ſigna ſalutis non video*: magis autem vereor, ne fortè propterea non audiant verbum Dei quia non ſunt ipſi ex Deo.



CONCIO XXXIII.

DOMINICA VI. POST SS. TRINIT.

Qui irasçitur fratri ſuo, reus erit iudicio.

Matt. 5. cap. v. 22.

SYNOPSIS CONCIONIS.

Quiſquis ex ira & odio, de hoſte ſuo vindictam quærit, neque vult ignoſcere; certus ſit, & ſibi paratam eſſe à Deo terribilem ultionem.

§. 1. In hodierno Evangelio Chriſtus D. præſertim agit, contra iram vindicativam.

§. 2. Homo eſt imago Dei; idem

vindex eſt, ſi illi inferatur injuria.

§. 3. Vindictam ſpirans, crudelior eſt quavis beſtia; qualis fuit Hero-

fuit Herodias; sed vindicta non emanat.

§. 4. Qui accipit gladium, gladio perit.

§. 5. Aliud simile de laqueo; cum tragica historia.

§. 6. Iustissima ultio Domini est, quod non dimittat, nisi dimittamus.

§. 7. Neque preces nostra exaudientur, nisi ignoscamus.

§. 8. Vindictam spirantes sunt si-

miles demonibus, proinde cum illis punientur.

§. 9. Prosecutio.

§. 10. Tragica historia ostenditur, vindictam sumentem sibi nocere.

§. 11. Diligendo inimicum, aeternum iudicem nobis placamus: vehemens apostrophe Robaldi, ad nolentem ignoscere.

§. 12. Brevis alia tragica historia.

IN consideratione hodie Evangelii advertere oportet, de quam ira præcipuè loquatur Christus D. Salvator noster; scilicet illa, quam interpretes ita describunt; Berchorius: *Ira est motus animi, & turbulentus appetitus vindictæ propter aliquod obstaculum voluntatis.* S. Paschasius l. 3. in Matt. *Ira nihil aliud est, quam motus animi, felle amaritudinis, contra quemlibet incitatus.* S. Th. 2. 2. q. 158. art. 7. *Ira est vitium capitale ex quo multa vitia oriuntur: iracundia enim mentem precipitat ad inordinata quæcunque agenda, ut se de hoste suo vindicet.* Tertull. *Iracundi, -- neq. jus, neq. bonum, neq. æquum sciunt; Melius, peius, profit, obfit, nihil vident, nisi quod libido vindictæ suggerit.* Propterea S. Greg. Nyss. de beatit. dixit, *Virum -- iracundum vindictæ avidum repente videre licet aprum, aut Pantheram, aut serpentem, ab ira factum esse.* S. Greg. M. l. 5. mor. p. describit, quali iræ in hodie. Eu. Christus D. tam terribiles minas intentet, cum ira stimulus cor palpitat, corpus tremit, lingua se impedit, facies ignescit, exasperantur oculi; cum scilicet quem oderunt, conspiciunt; P. Cornelius à Lap. putat sermonem esse, de ira quæ q. inflammatur à gehenna, ex qua nasci solent, perpetuæ, immortales, & irreconciliabiles lites atque inimicitia & exclamat, *Heu nimis vere!* Contra tales, hac concione hanc maximam proponam: Quisquis ex ira de hoste suo vindictam sumit, neque vult ignoscere, certus sit, & sibi paratam esse à justo Deo terribilem ultionem.

Alveus Tertius.

Si

Quis-

§. 1.
In hodie. Eu.
Christus D.
agit præci-
pue contra
iram vin-
dicativam.

§ 2.
Homo est
imago Dei
vindex est
Dominus
illi inferre
tur injuria.

Quisquis vindictam spirat contra suum proximum, eandem expectare debet ab irata manu Dei, neque enim illa emanabit. Gen. 9. v. 6. *Quicumque fuderit humanum sanguinem, fundetur sanguis illius; Ad imaginem quippe Dei factus est homo.* S. Joannes Chrysost. hom. 27. in gen. Ingens his verbis terror astruetus est. q. diceretur. *Si te non revocat à cade hominis (à vindicta) quod ejusdem tibi natura est, si adeo totus animo sceleratus & impius, ut fraternum sœdus violare pro nihilo habeas, omnemque compassionem & sensum humanitatis exueris; cogita tamen quod ille ad imaginem Dei factus est, & quantis eum dignatus sit prerogativis (quod redemptus sit sanguine Filii Dei.) Et hac cogitatio à tam immani consilio, & proposito te prohibebit. Si nihilominus vindictam quares, ne dubites, Divina Nemesis suas manus lavabit in sanguine tuo.*

§ 3.
Vindictam
spirans
crudelior
est, quam
bestia; quan-
tus fuit He-
rodiæ. Sed
vindicta
Dei, non
emanavit.

S. Thomas, *Si lupus, si leo, & serpens non exercent illam ferocitatem in animalia sua speciei, quam exercent in alia. Quid dicendum est de homine, qui servit in alium hominem? Nunquid ferocior est lupo, leone & serpente? Tales serpentes fuerunt Herodias & ejus filia, quæ non potuerunt satiari, nisi sanguine S. Joannis Baptistæ quem oderant. Saltando ita placuit Regi ut mediam partem regni obtulerit in mercedem; sed instinctu nequissimæ Matris ait filia Matt. 14. v. 8. *da mihi in disco caput Joannis Baptistæ.* Videte ait S. Chrysologus ser. 174. *fæminam mutatam in serpentem; serpens enim latebat in fæmina, quæ reptans gressibus flexuosis letale toto corpore virus effudit. ut discumbentium mentes furor, venenum corpora sauciaret: homines verterentur in bestias, nec vino jam tales sed sanguine potarentur, nec pane rabidi, sed carnibus vescerentur humanis.* Mors innocentissimi concionatoris extinguit iras. Herodes, Herodias, impiamater, & nequissima filia effuderunt ejus sanguinem, quem oderant; sed omnes tres divina vindicta miserabili morte à vita sublati sunt. Sanguinem Herodis ex putrido corpore biberant Vermes. Agite lupi! leones! serpentes! pleni veneno odii contravestros hostes! ire flexuosos gressibus per cuniculos quarite vindictam! saginate vos sanguine, quem sititis; petite caput inimici; gravior longe vos apprehendet vindicta.*

Matt.

Matth. enim 26. v. 52. ait Christus D. *Omnes qui acceperint* ^{5.4.}
gladium, gladio peribunt. S. Hilarius hic. *Recte ad necem eorum* ^{Qui accipit}
gladius eximitur, qui eo utitur ad facinus. Gladio tales peribunt, ^{gladium:}
id est, Dei sententia ait Hugo Card. S. Remigius sic explicat ver-^{rit.}
ba Christi. Qui gladio utitur ad occidendum hominem (ad vindi-
ctam) ipse sua prius malitia moritur gladio. Et quæ major vindi-
cta esse potest, quam mors æternæ animæ. Clarius Glossa Inter-
 lin. *Omnes qui exercuerint vindictam, ipsa vindicta erit eis causa*
damnationis. S. Hieron. in sua glossa quærit; *Quo ergo gladio per-*
ibit, quicumque gladium sumpserit? illo nempe qui igneus vertitur
ante Paradisum, qui in Dei describitur armatura. Intelligo ego
 per igneum hunc gladium, fatalem Judicis sententiam, illud
 fulmen, quod aliquando vibrabit in illos lupos, illos leones, il-
 los serpentes, qui de illis, quos oderunt, à quibus offensi fue-
 runt, gravem vindictam sumpserunt: hoc gladio ultionem su-
 met divina justitia. ps. 36. v. 15. *Gladius eorum intret in corda ipso-*
rum. ad Rom. c. 13. v. 3. *Vindex in iram ei, qui malum agit. & præ-*
sertim ei, qui irascitur fratri suo.

Alio simili utitur regius psaltes ps. 34. 8. *Veniat illi laqueus* ^{5.5.}
quem ignorat, & captio, quam abscondit, apprehendat eum, & in la- ^{Aliud si-}
queum cadat in ipsum, quæ verba videtur considerasse. S. Ambr. L. ^{mile de la-}
 de Noë & Arca c. 26. dum dixit, *Scientes prerogativam nostræ ul-* ^{quo, cum}
tionis apud Deum manere, neque in alios committamus, quod divino ^{tragicæ hi-}
judicio vindicandum sit, neq. mortem vel alia damna proximo opte- ^{storia.}
mus, cum sciamus, necati, vel offensi hominis innocentis apud Deum
non esse contemptum, quin etiam ultionem fore certissimam. Lucre-
 tius quidam iusserat strangulari matronam quandam; cujus
 umbra post mortem illi apparens dixit. *Audi Lucreti: occidisti;*
(q. d. voluisti te vindicare, voluisti in me iræ tuæ satisfacere) ita-
que datus es in manus inimici. Contremuit ad hæc verba Lu-
 cretius, & eodem momento invasit illum diabolus, quo per
 tres horas miserè tortus denique occisus fuit. Ita iracundi,
 vindicate injurias illatas, quantum vultis, dicite, Raso, occidi-
 te, effundite sanguinem. Sed veniet hora, qua justus Deus
 tradet vos in manus inimici, & tortoribus, qui, (ut alibi narrat

Christus D.) ligatis manibus vos projicient in tenebras exteriores. Ultio est certissima. Deuter. 32. v. 35. *Mea est ultio, & ego retribuam in tempore.*

§ 6.
Iustissima
ultio Do-
mini est,
quod non
dimittat,
nisi dimi-
serimus.

Clara sunt verba Christi D. Luc. 6. v. 37. *Si dimiseritis peccata hominibus, dimittet vobis, pater vester peccata vestra.* Matt. 6. v. 12. *Dimitte nobis debita nostra, sicut &c.* Deus hac lege & conditione, nostra gravissima & plura crimina vult remittere, ut & nos exiguas, & parvas offensas proximis condonemus. Si nolumus; cum illo servo qui 100. denarios noluit dimittere, trademur tortoribus, ut solvamus debitum 10000. talentorum quod in totam æternitatem facere non poterimus. S. August. in Matt. Induxit nobiscum Deus pactum, & placitum firmumque chirographum, ut dicamus, *Sicut & nos dimittimus &c.* Qui vult efficaciter dicere; *Dimitte &c.* oportet etiam dicere veraciter, *sicut dimittimus*; & S. Joannes Chrysost. super verba Christi; *Sic & pater meus cælestis faciet vobis, si non remiseritis de cordibus vestris.* -- *Anobis res hac tota sumit exordium, futurumque de nobis in nostra est potestate judicium: Si dimiseris conservis tuis* (ait Christus D. Judex) eundem à me quoque gratiam consequeris. Sin minus, rei eritis iudicio & gehenna ignis. Snaviter S. Joannes Chrysost. *Hoc nobis omnibus (scilicet inimicorum dilectio) in die illa terribili patrocinabitur, imò redemptio maxima erit peccatorum,* contra odium causa damnationis. S. Chrysost. hom. 2. de Dav. *Nihil tutius, quam parcere inimico: contra, nihil periculosius, quam velle ulcisci ac vindictam sumere.* S. Aug. *Vnusquisque talem indulgentiam accepturus est à Deo, qualem ipse dederit proximo suo. contra, talem & longe maiorem punitionem quam ipse petiit contra proximum.*

§ 7.
Neque pro-
ces nostra
exaudien-
tur, nisi
ignosca-
mus.

Neque necesse est, ut qui inimicum non diligit, orando petat veniam suorum peccatorum. p. simili rem declarat S. Bern. serm. 49. ad sor. *Sicut nullum proficit in vulnere medicamentum, si adhuc in eo est ferrum; ita nihil proficit oratio illius, qui odium habet in corde.* Quid iustius non audimus; non audimur &c.

Nolentes ignoscere, & vindictam spirantes, plane declinant ad naturam diaboli; & q. illorum dæmonum, de quibus ait cap. 8. v. 28. Matt. *Occurrerunt ei duo habentes demonia de monumētis exeuntes, sævi nimis.* S. Petrus Chrysol. ser. 16. *Attendite quæ savitia, qui furor, quæ rabies demonum erga humanum genus.* dicam pari ratione de iis, qui fovēt odia, qui vindictam spirant attendite &c. pascuntur cadaveribus, putredine saginantur, deliciantur fœtore, quibus tota voluptas est, homines interire; & illorum, de quibus loquor, quodnam majus gaudium quam si videant, suos hostes, interire, vel gravia pati; adderentque majora si possent: subinde tamen est rabies, tam sunt sævi, ut vellent adversarium corpore & anima æternum punire. Nec alii tales expectent, ut & ipsi æternum pereant & ardeant, inter tortores diabolos.

§. 8.

*Vindictam
spirantes,
sunt similes
demonibus
proinde
cum illis
punientur.*

Dæmoniāci illi Christo D. dixerunt Matt. 8. v. 31. *Sic jicis nos hinc, mitte nos in gregem porcorum.* Concessit hoc illis Filius Dei, & illi exeuntes, abierunt in porcos; & ecce impetu abiit totus grex præceps in mare, & mortui sunt in aquis. Eodem plane modo cæci in scelera & æternam perditionem ruunt, qui ab ira, quæ voluntarius quidam dæmon est, aguntur, & rapiuntur in ardentia desideria vindictæ; vellent si possent suos adversarios præcipitare in mare & ipsi involventur denique flammis æternis. Super verba Christi D. Matt. 25. v. 41. *discedite &c.* p. dixit Soto. *Hominibus autem qui per resipiscētiā & erratorum pœnitudinē evadere possunt illa tormenta, non est paratus ille ignis, nisi ad terrorem, ut cum caveamus, nisi nostra impœnitentia demonibus similes nos efficeret.* hoc inter alia gravia scelera facit Odiū & desiderium vindictæ; diaboli nihil aliud desiderāt, quàm ut pereant homines in contemptum Dei, quem infernales, spiritus oderunt, & in hoc odio perseverabunt in omnem æternitatem! pari ratione obstinati mortales in odio & desiderio ultionis, nil optant aliud, quam ut noceant inimico, licet id fiat cum gravissimo contemptu Numinis & proprio suo damno.

§. 9.

Prosecutio.

Mirabilem tragediam refert S. Greg. M. lib. 3. dialog. c. 5. de Sabino Episcopo, ejus Archidiaconus ex ambitione & de-

§. 10.

*Tragica
historia
ostenditur.*

invenit enim
vindicam
sibi nocere.

siderio Episcopatus per proditorem quendam curavit porrigi
venenum, dum vellet bibere arripuit Episcopus letale pocu-
lum animo intrepido, signavit signo S. Crucis, & servo suo dixit,
*Vade & dic illi, qui tibi scelus hoc persuasit, quod non sis futurus Epi-
scopus.* Hoc dicens ebibit calicem; nec venenum quidquam
illi nocuit; Eadem verò hora Archidiaconus ejus defunctus est,
ac si per os Episcopi ad Archidiaconi viscera venenum transiis-
set; cui tamen ad inferendam mortem, venenum quidem cor-
porale defuit, sed hunc in conspectu æterni Judicis, venenum
sue malitiæ occidit. Hunc Archidiaconum infelicissimum,
hunc hominem cupio esse speculum, ut in illo agnoscant, qui
veneno pleni & accensi hosti venenum parant, id est, quodcun-
que damnum inferre cogitant. Sæpe illi non nocere, sed sibi
proprium cor tangit malitia Odii. Si aliquando coram conspe-
ctu æterni Judicis subsistere velimus, ignoscamus.

S. II.
Diligendo
inimicum
æternum
judicem
nobis con-
ciliamus.
Vehemens
apostrophe
Robaldi ad
molentem
ignoscere.

Diligendo inimicos Christum Judicem infallibiliter no-
bis conciliamus. S. Chrysost. h. 1. de Anna. Quoties oppro-
briis, milleque malis affecti, convitiantes, excello ferimus ani-
mo, majorem nobis à Deo benevolentiam conciliamus. Æ-
quum est ut amoris Christi D. aliquid demus, & ignoscamus.
Mediolani ob commissum quoddam homicidium, ingens fuit
ortalis inter præcipuas quasdam familias, in quarum gratiam
ipsa plebs in diversa frui secta studia: periculum erat ne cives
infectis armis concurrerent. Robaldus relig. ex Ord. Præd.
vir m. doctrinæ & sanctitatis, magna eloquentia suasit illis pa-
cem; Cum frater occisi resisteret, nec quidem de pace sine vin-
dicta audire vellet, Robaldus plenus igneo quodam zelo illi
dixit, coram multitudine populi. *Præcipio tibi in nomine Dei
omnipotentis, qui fecit cælum & terram, qui in cruce pro nobis passus
est, & suis crucifixoribus pepercit, & pro eis oravit, quod antequam
pedes moveas, facias pacem.* Rem miram! pedes loco movere
non potuit, antequam hosti suo ignovit. Auditores mei; non
volo præcipere; sed per amorem Jesu crucifixi, per ejus vulne-
ra &c. vos rogo, oum S. Paulo ad Coloss. 3. v. 13. *Donate vobis-
metipsis, si quis adversum aliquem habet querelam, sicut Dominus
donavit vobis, ita & vos.*

Non

Non spero restitutum quenkum. Vixit Bregis in Flan-
 dria vir quidam exteriori cultu Christianus; sed immortales fo-
 mens odia. Sic fuit mortuus. Cum in solennibus exequiis pro
 illo dicerentur consuetae preces, grandis imago crucifixi, quæ
 stabat in altari, dextera de cruce soluta obturavit aures, & cla-
 ra voce exclamavit, *non pepercit, non parcam!* (fac vehemen-
 tem motum ad corda auditorum movenda.)

§. 12.
*Brevi alia:
 tragica bi-
 storia.*



CONCIO XXXIV.

DOMINICA VII. POST SS. TRINIT.

Misereor super turbam.

Marc. 8. cap. v. 1.

SYNOPSIS CONCIONIS.

PROBAT, divitibus utilem & necessariam esse virtutem Mi-
 sericordiæ, erga pauperes & egenos. Divitum salus æterna
 independet.

- | | |
|--|--|
| §. 1. Christus D. sapius subleva-
vit oculos ad nostram instru-
ctionem.. | §. 5. Divites immisericordes da-
mnantur. |
| §. 2. Misericordia, tum divina,
tum humana comparatur fonti. | §. 6. Per virtutem misericordiæ
satisfacere possunt pro peccatis,
in qua labuntur. |
| §. 3. Declaratur hoc. amplius ex
cap. 24. Genesis. | §. 7. Divites à neglectis pauperi-
bus ducuntur in infernum. |
| §. 4. An dives aliquis sperare
possit æternam salutem, an ti-
mere debeat damnationem. | §. 8. Quare angeli eripuerint Loth
ex incendio Sodoma. |
| | §. 9. Terribilis sententia S. Chry-
sostomi |

amantem
vindicatam
sibi nocere.

fiderio Episcopatus per proditorem quendam curavit porrigi venenum, dum vellet bibere arripuit Episcopus letale poculum animo intrepido, signavit signo S. Crucis, & servo suo dixit, *Vade & dic illi, qui tibi scelus hoc persuasit, quod non sit futurus Episcopus.* Hoc dicens ebibit calicem; nec venenum quidquam illi nocuit; Eadem verò hora Archidiaconus ejus defunctus est, ac si per os Episcopi ad Archidiaconi viscera venenum transiisset; cui tamen ad inferendam mortem, venenum quidem corporale defuit, sed hunc in conspectu æterni Judicis, venenum suæ malitiæ occidit. Hunc Archidiaconum infelicissimum, hunc hominem cupio esse speculum, ut in illo agnoscant, qui veneno pleni & accensi hosti venenum parant, id est, quodcunque damnum inferre cogitant. Sæpe illi non nocere, sed sibi proprium cor tangit malitia Odii. Si aliquando coram conspectu æterni Judicis subsistere velimus, ignoscamus.

§. II.
Diligendo
inimicum
æternum
Judicem
nobis con-
ciliamus.
Vehemens
apostrophe
Robaldi ad
volentem
ignoscere.

Diligendo inimicos Christum Judicem infallibiliter nobis conciliamus. S. Chrysof. h. i. de Anna. Quoties opprobriis, milleque malis affecti, convitiantes, excello ferimus animo, majorem nobis à Deo benevolentiam conciliamus. Æquum est ut amoris Christi D. aliquid demus, & ignoscamus. Mediolani ob commissum quoddam homicidium, ingens fuit orta lis inter præcipuas quasdam familias, in quarum gratiam ipsa plebs in diversa frui secta studia: periculum erat ne cives infestis armis concurrerent. Robaldus relig. ex Ord. Præd. vir m. doctrinæ & sanctitatis, magna eloquentia suasit illis pacem; Cum frater occisi resisteret, nec quidem de pace sine vindicta audire vellet, Robaldus plenus igneo quodam zelo illi dixit, coram multitudine populi. *Præcipio tibi in nomine Dei omnipotentis, qui fecit cælum & terram, qui in cruce pro nobis passus est, & suis crucifixoribus pepercit, & pro eis oravit, quod antequam pedes moveas, facias pacem.* Rem miram! pedes loco movere non potuit, antequam hosti suo ignovit. Auditores mei; non volo præcipere; sed per amorem Jesu crucifixi, per ejus vulnera &c. vos rogo, cum S. Paulo ad Coloss. 3. v. 13. *Donate vobismetipsis, si quis adversum aliquem habet querelam, sicut Dominus donavit vobis, ita & vos.* Non

Non spero restitutum quenkum. Vixit Bregis in Flan-
 dia vir quidam exteriori cultu Christianus; sed immortales fo-
 vens odia. Sic fuit mortuus. Cum in solennibus exequiis pro
 illo dicerentur consuetae preces, grandis imago crucifixi, quæ
 stabat in altari, dextera de cruce soluta obturavit aures, & cla-
 ra voce exclamavit, *non pepercit, non parcam!* (fac vehemen-
 tem motum ad corda auditorum movenda.)

§. 12.
 Brevi alia:
 tragica bi-
 storia.



CONCIO XXXIV.

DOMINICA VII. POST SS. TRINIT.

Misereor super turbam.

Marc. 8. cap. v. 1.

SYNOPSIS CONCIONIS.

Probat, divitibus utilem & necessariam esse virtutem Mi-
 sericordiæ, erga pauperes & egenos. Divitum salus æterna
 independet.

- | | |
|---|---|
| <p>§. 1. Christus D. sapius subleva-
 vit oculos ad nostram instru-
 ctionem..</p> <p>§. 2. Misericordia, tum divina,
 tum humana comparatur fonti.</p> <p>§. 3. Declaratur hoc amplius ex
 cap. 24. Genesis.</p> <p>§. 4. An dives aliquis sperare
 possit æternam salutem, an ti-
 mere debeat damnationem.</p> | <p>§. 5. Divites immisericordes da-
 mnantur.</p> <p>§. 6. Per virtutem misericordiæ
 satisfacere possunt pro peccatis,
 in qua labuntur.</p> <p>§. 7. Divites à neglectis pauperi-
 bus ducuntur in infernum.</p> <p>§. 8. Quare angeli eripuerint Loth
 ex incendio Sodoma.</p> <p>§. 9. Terribilis sententia S. Chry-
 sostomi</p> |
|---|---|

possumi contra divites immiseri-
sericordes.

§. 10. *Divites misericordes cer-*
tam spem habent obtinendi
cæli.

§. 11. *Conversio & salus divitum*
frequenter inde pendet, ut
dent eleemosynam, probatur
pulchra historia.

§. 12. *Epilogus.*

§. 1.
Christus
D. sapius
sublevavit
oculos, ad
nostram in-
structionem.

Historia Evangelii hodierni fere similis est illi, quam re- fert S. Joannes cap. 6. Unius circumstantiæ meminit hic, cujus mentionem non facit S. Marcus; quod ante tam illustre miraculum, Christus D. prius elevarit sanctissimos suos oculos. Toto enim illo tempore, quo Christus D. Salvator noster cum hominibus fuit conversatus in terris; præsertim ultimo vitæ triennio, quo Evangelium prædicavit, ea modestia compressit oculos, ut quoties illos notabiliter elevavit, Evangelistæ illud notarint. S. Lucas cap. 6. v. 20. antequam enumeret octo beatitudines, quas Christus D. prædicavit in monte, ait, *Elevatis oculis in discipulos docebat illos.* S. Marcus observavit cap. 7. 34. quod antequam sanaret surdum & mutum, *suspiciens in cælum ingemuerit &c.* cap. 19. v. 4. iterum ait S. Lucas. *Suspiciens Iesus vidit illum, & dixit ad illum, Zachæe festinans descende.* Teste S. Joanne cap. 11. v. 41. *elevatis in cælum oculis ingemuit,* antequam à mortuis suscitavit Lazarum In ultima cæna Joannis. 17. v. 1. cap. sublevatis in cælum oculis dixit, *pater venit hora, clarifica Filium tuum.* Idem in eodem loco fecit, antequam SS. instituit Eucharistiam. Figura fuit historia hodierni Evangelii, quod antequam tot millia hominum paucis panibus cibavit, (cujus circumstantiæ expressè meminit S. Joannes cap. 6.) sublevavit Iesus oculos, & viderit multitudinem populi, qui cum sequebatur. Piissima opinio est, Christum D. pendentem in cruce, non semel ad patrem in cælum elevasse oculos; præsertim ante verba illa, *pater! ignosce illis!* Pater in manus tuas commendo spiritum meum. Et hæc quidem publice; privatim in maternis ædibus, in abscondito, inter ardentia suspiria, & continuam orationem, puto Christum D. frequentissimè oculos suos sustulisse in cælum ad patrem. Cum itaque,

itaque, ex mente S. Greg. M. *Omnis Christi actio, nostra fuerit instructio*, videtur nos docere voluisse, quomodo & nos oculos nostros debeamus elevare; ut quivis cum regio psalte dicere possit, *Oculi mei semper ad Dominum*. ps. 24. v. 1. *Levavi oculos meos in montem*. ps. 122. v. 2. præsertim in tribulatione & adversitate. *Ecce sicut oculi servorum in manibus Domini sui* &c. ps. 140. v. 2. Signum aliquod ferventis orationis, & ardentis petitionis, est elevatio oculorum. Ante biduum celebravimus festum S. Magd. cum ejus imago mihi proponitur, qualis sedet in antro pœnitentiæ, moveor ego valde cum intueor, quomodo oculos ple-nos lacrymis elevet in cælum. Actio Christi D. subsecuta in hod. Eu. quod ex aspectu famelici populi, fuerit commotus ad misericordiam, ex qua tanto miraculo aliquot millia hominum cibavit paucis panibus, monet præsertim divites, ut benignis oculis intueantur pauperes, iisque, si possunt opere ipso succur-rant. Quàm hoc illis sit utile & necessarium, exponet hæc concio.

Quanta divitibus inde oriatur utilitas, si misereantur pau-
 porum eleganti & obvia similitudine declarat Isaïas c. 58. v. 10. *Cum effuderis esuriensi animam tuam, eris sicut fons aquarum, cujus non deficiunt aquæ*, Non miremur misericordiam alicujus ho-
 minis appellari fontem, cum SS. Patres misericordiam divi-
 nam eadem appellatione fontis extollant. Fontium venæ fre-
 quenter sunt investigabiles; magis inscrutabilis est D. miseri-
 cordia. ps. 144. v. 9. *miserationes ejus super omnia opera ejus*. Fon-
 tes diu ac noctu incessanter fluunt; & *Deus sive, misericordia ejus*,
 ut utar phrasi S. Augustini, *in fluxu suo non deficit*. Optimi fon-
 tes, salient de altissimis montibus; Domini misericordia sedem
 suam collocavit in altissimis, super cælos misericordia ejus.
 Oriuntur alii fontes in profundissimis vallibus; misericordia
 Domini descendit usque ad inferos. Fontes omnibus patent;
 multò magis Domini misericordia. Cur verò misericordia
 divitum præcipuè comparetur fonti ab Isaïa, doctè observavit
 S. Basilius hom. 8. in divites avaros. *Qui dando divina gratie
 confidunt, puteos imitantur, qui continuo exhausti, minime deficiunt*,
 Alveus Tertius. Tr sed

52.
 Misericor-
 dia cum
 divinitate
 humana, à
 SS. PP.
 compara-
 tur fonti.

sed duplo copiosiores evadunt. Nam, putei continuo exhausti, & copiosiore, & pulcriore continuo fluunt aqua: neglecti vero & quieti, facile putrefiunt. Sic & opes condite, quiescentesq; inutiles sunt, saepe putrefiunt, ob scitentia divitum avarorum vitia; Mosa autem & translata, publicum commodum & fructum pariunt. Eadem ferme verba invenio apud D. Ambrosium, in lib. Regum. Puteus, si nihil haurias, inertis ocio & degeneri situ, facile corrumpitur. Aqua stativa cito vermes facit. Exercitatus autem fons, nitescit ad speciem, dulcescit ad potum. Ita & acervus divitiarum, speciosus est usu, ocio autem inutilis habetur. Derivato igitur aliquid ex hoc puteo; ignem enim ardentem restinguit aqua, & eleemosyna resistit peccatis. An non bene SS. PP. misericordiam alicujus divitis vocarunt speciosum & utilissimum fontem? utilem pauperibus, utilem sibi metipsis. Si subinde videatis, aliquos divites esse liberales, si misereantur pauperum, si in illorum ædibus salit fons misericordiæ; si januæ illorum pateant pauperibus, verbo, si libenter egenis largiantur eleemosynas, cogitate illos esse filios Dei, cogitate illos esse electos & prædestinatos ad gloriam.

§. 33
Declaratur hoc
amplius
ex cap. 24.
Genesis.

Ut hoc problem elegantissimum mihi occurrit locus ex facris literis, qui hoc idem simile de fonte ulterius declarat. c. 24. v. 44. Geneseos nobis narrat, quod Abraham, unum ex servis suis fidelissimis miserit in Mesopotamiam, ad quærendam sponfam, pro suo dilecto filio. Valde probabile est, quod dum post dierum aliquot iter appropinquavit urbi Nachor, servus, apud se cogitasset, de signis, ex quibus colligere posset, quænam ex tot virginibus illius civitatis, Isaac à Deo præparata esset sponsa, & ait servus cum circa vesperum ad urbem accederet, jam tempus est ut veniant puellæ, ut hauriant aquas; (forte vidit jam aliquas ex porta prodeuntes) itaque cui dixero, inclina hydriam ut bibam; & si responderit, bibe, si statim mihi obtulerit potum; ipsa est, quam Dominus præparavit servo suo Isaac: per hoc intelligam quod feceris misericordiam cum Domino meo. his dictis considerat ad fontem; & ecce, inter primas puellas accurrit speciosissima Rebecca, quæ statim ejus oculis, summopere placuit, ait ergo servus, *puella da mihi bibere; bibe Domine mi* ait ipsa: imo

imo hausta nova aqua, effudit illam in appositos canales, ut & bestia peregrinorum possent bibere; ex qua liberalitate collegit servus, illam puellam fore sponsam Isaaci, prout & factum est.

Utilissimum est, ut hæc quaestio frequenter proponatur, an divites habeant aliqua signa salutis & prædestinationis, an verò reprobationis & æt. damnationis. An illorum animæ sint futurae sponsæ, quæ comparebunt in nuptiis agni; an verò titiones, qui æternum ardebunt; an præparati sint à Domino ad gloriam, an verò futura sint vasa ignominia. Eia! ad fontem misericordiae! si veniat pauper, & dicat, *amice da mihi panem &c.* (poterit hoc modo fieri p. inductio) & dives dicat, *Bibe, ecce panem &c.* Hic est, quem præparavit Dominus. Væ divitibus, si fons misericordiae sit clausus! parsimonia, tenacitas nimia in dandis eleemosynis est certum signum reprobationis. S. Basiliius ad divites avaros. *Non enim excipit illos regnum caelorum, sed tartarus, ubi eum divite illo, sepulto in inf. æternam famem & sitim patientur.* Divites mei, si salutem vestram amatis, estote solliciti, ut in ædibus vestris saliat fons misericordiae, qui pateat egenis. Aperite subinde fenestras, prospicite, sublevate oculos, an pauper aliquis stet ante ædes, an aliqua vidua &c. & miseremini, ut vestri misereatur bonus Iesus.

Cum S. Augustinus ser. 25. de divite & Lazaro multis de hac materia discurrisset, ait tandem; *Audiant ista divites, qui nolunt esse misericordes;* sic intelligo hæc ultima verba; habent aliqui divites oculos, si vellent possent illos sublevare, & videre proximi egestatem, sed nolunt! habent linguam, qua saltem possent dicere, misereor! nolunt! habent cor, quo possent interiorius saltem compati; nolunt! habent panem, de quo frustillum possent dare famelico &c. nolunt! tales *audiant*, ait S. Aug. cit. *irrogari supplicia eis, qui nolunt erogare subsidia; audiant pauperem refrigeratum, audiant divitem paenis gravioribus astantem. Da igitur petenti, ut ipse possis accipere, tribue pauperi, si non vis flamma exuri.* Ex S. Ambr. superius dixi, derivato aliquid ex hoc pu-

teo, ignem enim ardentem extinguit hæc aqua, & eleemosyna resistit peccatis.

§ 6.
Per virtutem misericordiam facere possumus pro peccatis, in quibus labimur.

Non sine causa S. Ambr. meminit peccatorum, ob gravissima pericula, & occasiones, in quibus vivunt divites, ut labantur in gravia scelera. Est hæc materia aliarum concionum: & quia revera frequenter opere ipso in gravia ruunt scelera, in usuras &c. indigent fontibus, in quibus laventur, talis fons est sacramentum pœnitentiæ, talis fons est contritio; talis fons sunt lacrymæ pœnitentis; talis fons est preciosus Christi sanguis. Dico hos fontes scelerato diviti non sufficere; opus est, ut laventur in fonte misericordiæ; probò ex cap. i. v. 18. If. *Si fuerint peccata vestra ut coccinum (talìa solent esse peccata divitum) quasi nix dealbabitur; & si fuerint rubra quasi vermiculus, velut lana alba erunt.* In quo fonte hæc fient: Itaias respondet, *subvenite oppresso, iudicate pupillo, defendite viduam &c.* Aqua fontis misericordiæ duplicem extinguit ignem vitiorum & flammam ignis æterni. Itaque derivato aliquid &c.

§ 7.
Divites à neglectu pauperibus ducuntur ad infernum.

Cassiodorus in illum versum ps. 40. *Beatus qui intelligit super egenum & pauperem, in die mala liberabit eum Dominus.* rogat divites, ut subinde recordentur diei illius malæ, scilicet, extremi iudicii; & præcipuè illius circumstantiæ, cujus fit mentio cap. 25. Matth. quod Iudex sententiam damnationis in damnatos laturus sit, propterea, quod eleemosynas non dederint, & ait: *Pauperes prætermissi in ignem dirigunt* scilicet divites, *& remunerati ad dexteram collocant.* est mirabile hoc, non ait Cassiod. superbia illos ducet in inf. vel odium &c. sed pauperes prætermissi: intelligit sine talia avari Eucliones; Venit aliquis familiaris ad vestras ædes, petit frustum panis, ob amorem Jesu &c. Sed clauditis oculos, aures, & fenestras; prætermittitis, ut loquar cum Cassiodoro; sed hic idem pauper te ducit in infernum (hoc modo poterit fieri acris invectiva, accommodata loco in quo dicis, &c.) Idem super prædictum caput S. Matth. observans Euthymius ait; *Vide quomodo de sola humanitate, sive amore*
erga

erga proximos differat; & ab hac sola justos honore dignos iudices, peccatores supplicio. Non quod cetera, vel bona opera, vel peccata sine discussione relinquenda sint; sed nunc de sola hac virtute differit; confirmare volens, quod hanc maximè requirat, utpote Christianis maxime necessariam; cuiusvis enim Christiani insigne, quo dignosci potest, dilectio est.

Scimus ex cap. 19. v. 16. Genesis, Lothum cum suis educum fuisse ab Angelis ex urbe Sodoma, antequam cœlestibus ignibus conflagraret. De quo Orig. ait hom. 5. in gen. *Missi sunt Angeli ad subversionem Sodomorum; & cum iunctum ceperent maturare negotium, curam prius egerunt hospitii sui Loth, ut cum de imminentis ignis incendio, contemplatione hospitalitatis, eriperent.* Hæc est voluntas & misericordia Dei, quod omnes, etiam divites velit salvos fieri; sed Sodoma est, malignus mundus, in quo vivunt; ne itaque miremini cum Deus ad vestras ædes mittat pauperes qui petant eleemosynam; sunt Angeli, qui veniunt ut contemplatione vestræ hospitalitatis, eleemosynarum & liberalitatis in pauperes, vos eripiant ex periculo æterni incendii, ut vos educant in montem, in quo salvari possitis. Sodomitæ impuri, avari, immisericordes omnes arserunt in ignibus; eadem fors manet illos, qui oculos & viscera misericordiæ claudunt erga pauperes.

§ 8.

Quare Angeli eripuerunt Loth ex incendio Sodoma.

Brevibus, sed verbis horrore plenis sententiam hanc protulit S. Chrysostomus hom. 8. in ep. ad Coloss. *Peribunt, peribunt, qui Christum non aluerunt. Eleemosyna neglecta in gehennam divites trudit, Dives hac de causa in inferno torquetur; & qui esurientem non cibaverunt, una cum diabolo condemnantur.* O mi Deus! si hæc vera sunt, quàm erit difficile divites salvari! satisfacit huic admirationi idem S. Chrysostomus: *Hoc ipsum est, quod etiam ego magna voce conclamo: Veruntamen si attendere voluerimus, non est impossibile salvari, præsertim si eleemosyna remedia mutuemur.* Misericordia divites debet comitari ad tribunal Iudicis; sine hoc comite non subsistent.

§ 9.

Terribilis sententia S. Chrysostomi contra divites immiseri- cordes,

§. 10.
*Divites
 misericor-
 des spem
 certam ha-
 bent obti-
 nendi celi.*

Divites misericordes de obtinendo cælo non dubitent. Cum Alexander M. totum oppugnaturus orbem, exercitum suum ex Macedonia educeret, omnem pecuniam inter duces & milites suos liberali manu distribuit: interrogatus, quid sibi reservaret, respondit, imò plurimum, reservo mihi Spem amplissimam ad principatum orbis. Hunc Ducum meorum ope obtinendum nihil diffido. Verbacedro digna. Agite divites; estote liberales; ne sitis solliciti, quid vobis reservetis; in hoc etiam mundo, nihil vobis deerit; spem alite amplissimam obtinendi cælis ope pauperum & mendicorum, quos pavistis, &c. tantum regnum infallibiliter obtinebitis.

§. 11.
*Conversio
 & salva-
 tio divi-
 sum, sepe
 inde pen-
 det, ut deus
 elemosy-
 nam. Pro-
 batur pul-
 cra historia*

Divites liberales posse salvari, intelligere poteritis ex pul-
 cra Historia, quam refert Vita S. Fr. Xaverii l. 5. cap. 3. In urbe
 Macao locuples fuit mercator, dictus, Petrus Vellius: de divi-
 tiis augendis sollicitus magis, quam salute animæ suæ; profuit
 ipsi amicitia cum S. Fr. Xaverio; contigit implorari hujus opem
 à quibusdam valde egenis, & in magna necessitate constitutis;
 itaque vir mitissimus, quæsit Vellium; reperit illum in domo
 aliena, ludentem latrunculis, & dixit, Velli, indigeo aliquibus
 nummis, ut distribuam inter pauperes. Excanduit nonnihil
 Vellius, cum variis excusationibus, non esse domi suæ, neque ad
 manum esse sibi nummos, fore alias occasionem benefaciendi
 pauperibus. Sed quia suavibus verbis institit Xaverius, Vel-
 lius tradidit ipsi clavem, ut ex nota cista acciperet nummos,
 quos vellet, abit Franciscus & 300. nummos aureos distribuit
 inter pauperes; reditque ad Vellium refert illi quantum acce-
 pisset. Tum ille, tua verecundia Francisce injuriam mihi fe-
 cit, utique minus sumpsisisti, quam volui; cum clavem dedi, di-
 midium concessi. Fuerunt autem in cista illa triginta millia
 nummorum aureorum. Intellexit Xaverius Vellium serio lo-
 qui, ergo divino instinctu afflatus dixit; *Hæc tua Velli tam libera-
 lis voluntas, grata & accepta est Deo; proinde polliceor ego, munifi-
 cam Dei liberalitatem nunquam tibi defuturam, quæ insuper & hoc
 addet, ut supremum vite diem tempori cognoscas.* Quod & con-
 tigit. Ex illo die Vellius fuit alius; post aliquot annos sanctè
 trans-

transactos intellexit, mortem sibi imminere, itaque &c. in agone rogatus, quo pergeret? *in cælum*, ait, *in cælum*, & sic exspiravit.

O divites hujus sæculi! estis mercatores; & vita vestralus est; permittite mihi ut cum S. Xaverio paucis vos interpelem; Quæso vos, per amorem Jesu! elevate oculos vestros, miseremini pauperum; ut vestri misereatur bonus Jesus, &c. Ni fallor, adverto ex vultibus vestris, cogitare vos; Bene habet, imposterum non ero tam tenax (siant p. proposita benefaciendi pauperibus &c.) Gaudeo, si hæc mea concio similes affectus in cordibus vestris concitavit, & cum S. Fr. Xaverio vobis dico: *Hæc liberalis vestra voluntas, grata & accepta est Deo &c.* adde reliqua; & ibitis in cælum! in cælum!

§. 12.
Epilogus.



CONCIO XXXV.

DOMINICA IIX. POST SS. TRINIT.

Omnis arbor, quæ non facit fructum bonum, excidetur, & in ignem mittetur.

Matt. 7. cap. v. 19.

SYNOPSIS CONCIONIS.

EXigit in homine Christiano, præter fidem & spem, fructus bonorum operum.

- | | |
|--|--|
| §. 1. <i>Vbiq; sterilitas damnatur; ita etiam in anima hominis.</i> | §. 3. <i>Quodnam sit spirituale lucrum, quod nostris talentis quarere debemus.</i> |
| §. 2. <i>Condemnatur à Domino servus, non sceleratus, sed ociosus.</i> | §. 4. <i>Falsa doctrina hæresiarum.</i> |
| | §. 5. <i>Opus.</i> |

§. 5. *Opponuntur verba clara S. Scriptura.*

§. 6. *S. Pauli, & aliorum SS. PP.*

§. 7. *Doctrina Christi D.*

§. 8. *Dæmones credunt, non tamen salvantur.*

§. 9. *Quam veritatem Christus*

Domin. suis discipulis proponit Matthæi 16. cap.

§. 10. *Acri invectiva in credentes, & excludentes opera.*

§. 11. *Epilogus, ex simili ab arbore, & pulcro dicto Christi Domini.*

§. 1.
Vbiq; sterilitas reprehenditur; ita etiam in anima.

PLacetne vobis auditores, cognoscere clare Christianam Maximam; non satis esse ad salutem, credere tantum, imò declinare à malo; sed requiri insuper, bene operari? advertite in omnibus damnari sterilitatem. Considerate terram. Quam speciosa est ejus facies, cum viret, cum floret, cum fructificat, in campis, in agris, in hortis! Bonam terram dicimus, cum est fertilis, quid speciosius campo, in quo rident messis, in quo arbores sunt plenæ pomis; quid pulcri⁹ vinea, in qua &c. Oliveto in quo &c. Econtrario, Terra, sterilis, saxosa, spinosa quam est horrida? sine gramine, sine floribus, sine arboribus; terra mala, sterilis & infœcunda! *Similis est causa animæ* (ait S. Ambr. l. de Isaac & anima c. 7.) *quia ea decora anima, quæ fecunda est: ea indecora quæ sterilis. Speciosa est fecunditas; contraria ergo speciositati sterilitas.* Notæ sunt maledictiones sacræ scripturæ super arbores, vites & ficus steriles; maximè illa S. Joannis Bapt. Matth. 3. v. 10. *Iam securis ad radicem arboris posita est. Omnis arbor, quæ non facit fructum bonum, excidetur & in ignem mittetur.* S. Isidorus orat. 69. de serm. Domini in monte, *Admonet, quis sit malarum arborum finis, hoc est, earum, quæ fructum non ferunt. Hoc enim est esse arborem malam, non ferre fructus bonos.* Similis est causa animæ, similis finis; excinditur tandem à morte, & à justo Judice projicitur in ignem æternum. S. Basilus: *Multa similia invenire est, ex quibus demonstratur, quod non solum ii, qui mala faciant, digni sunt morte, quibus inextinguibilis ignis paratus est; sed cum eis condemnantur etiam illi, qui à bonis operibus vacant.* Puto vos omnes in arbore requirere bonos fructus, & ego à vobis aud. exigo fructus bonorum

norum operum. Varias causas jamjam à me audietis.

Matt. 25. v. 25, 6, 7, homo dives, abiturus in regionem longinquam, suis famulis distribuit diversa talenta, uni quinque, alteri duo, tertio unum, ad negotiandum: hoc fecerunt duo priores, tertius sine lucro retinuit datam pecuniam in marsupio. Dominus redux, exegit rationes, & laudavit illos famulos qui insuper lucrati fuerant. Ultimus ait Domine ego quidem nihil lucratus sum, sed tamen, *Ecce habes, quod tuum est.* Restituo tibi, quod mihi dedisti. Sed Dominus non tantum asperis & acerbis verbis illum reprehendit, *serve male & piger*; sed aliis lictoribus mandat: *Tollite ab eo talentum, & inutilem servum ejicite in tenebras exteriores: illic erit fletus & stridor dentium.*

S. 2.
Cōdemna-
tur à Do-
mino ser-
vus non
sceleratus,
sed ociosus.

Dulcissime Domine! & cur dulcissima tua lingua tam terribilem fulminat sententiam? quid fecit miser? quod damnum tibi intulit? estne adulter? estne homicida? nihil tale illi objicitur. quid ergo fecit? ut tam diro & horrendo supplicio puniatur? respondet S. Chrysostomus hom. 79. in Matt. *Vides, quomodo non solum rapaces, & qui aliena invadunt, nec soli malefactores, Verum etiam & qui bona facere negligit, extremo cruciatur supplicio.* Talenta, quæ liberalis Deus nobis adultis largitur, sunt D. gratia, fides & spes in Christum D. ad negotiandum, ad operandum ut Deum ut summum bonum amemus & proximum; ut simus ferventes in oratione & misericordes &c. Qui si agunt aliquando Judici dicere poterunt, *Ecce tuis talentis, tua gratia, per fidem, per spem in Christum, eundem amavi &c. Euge servi boni &c.* Alicui Calvinistæ vel Lutherano qui dicit, *Ecce Domine talentum meum, Credidi in te &c.* quid dicitur, nisi *serve male &c.* applica dicta. S. Hildebertus. *Porro munera Dei, damno sunt possessoribus otiosis: quibus nolle negotiari ad salutem, probe negotiatur ad supplicium.*

In quo consistat spirituale lucrum, quod talentis fidei & D. gratiæ quærere debemus, sive, Quis Christianus dici possit bona & fecunda arbor, pulcre explicat versus 3. l. 2. Paral. c. 17. dum Josaphatum laudat, his verbis, *Fuit Dominus cum Josaphat, qui ambulavit in visis patris sui David primus. & perrexit in pre-*

S. 3.
Quod-
nam sit spi-
rituale lu-
crum, quod
nobis sa-
lutiis qua-
rere debe-
mus.

Alveus Tertius.

Vu

ceptis

ceptis illius, Joseph. l. 8. antiq. c. 9. hunc versum sic describit. Hic Rex perpetuo propitium & auxiliatorem Deum habuit, quod esset vir iustus ac pius, & per singulos dies dabat operam, ut aliquid gratum Deo faceret. De S. Praxede ait historia, ita amabat Deum & Christum D. ut nullum diem præterire sineret, quem novo pietatis opere non illustraret. Ignis D. amoris in altari cordis accensus, & semel ardens, deinde quotidie nutriri debet oleo bonorum operum. Inter Catholicos & A catholicos magna quæstio est, an sufficiat sola fides in Christum, vel an requiratur præterea opus: primum affirmant adversarii, nos dicimus, illos qui Deum propitium & auxiliatorem habere volunt, præsertim aliquando in agone, in tremendo illo iudicio, illi ambulare debent præterea vias, quas ambulavit cælestis David Christus Salvator noster, viam crucis, viam paupertatis, vias persecutionum. Christiani præter fidem, debent esse iusti & pii; per singulos dies debent dare operam, ut aliquid Deo gratum faciant: nullus dies præterire debet, quo ignem D. amoris non nutrant oleo bonorum operum. Itaque, quotidiana auditio missæ v.g. ut Deo facias novā gratiam, est fructus arboris bonæ.

§. 4.
Falsa doctrina Hæresiarcharum.

Scio aliam fuisse mentem Hæresiarcharum. Eunomius quidam fertur usque adeo fuisse bonis moribus inimicus, ut asseveraret, quod nihil cuiquam obesset quorumlibet perpetratio & perseverantia peccatorum, si hujus, quæ ab illo docebatur, fidei particeps esset. S. Hier. ait de quibusdam sui temporis falsis prophetis, supra. cap. 4. Osee. Per dulces sermones decipiunt infelices: cum enim viderint aliquos delinquentes, ajunt, Nihil aliud quærit Deus, nisi fidei veritatem, quam si custodieritis, non curat, quid agatis. Lutherus de capt. babylon. *Non alia via potest homo cum Deo convenire, aut agere nisi per fidem: opera ille nihil curat. Tam dives est Christianus, ut non possit perire, etiamsi velit, quantumcunque male vivat, nisi nolit credere &c.*

§. 5.
Opponuntur verba S. Scripturæ.

Sed quid sibi volunt verba S. Petri ep. 2. c. 1. v. 10. *Satagite ut per bona opera certam vestram vocationem & electionem faciatis.* Quid illa aurea Jacobi in sua Canonica. c. 2. v. 14. *Quid proderit fratres mei, si fidem quis dicat se habere, opera autem non habeat?*

namquid poterit fides eum salvare? v. 17. fides si non habeat opera; mortua est in semetipsa. Scio Lutherum hanc ep. rejicere; sed etiam scio apud SS. PP. illam esse Canonicam; his ego potius fidem adhibeo. v. 20. Vis autem scire, O homo inanis, quoniam fides sine operibus mortua est? Abraham Pater noster nonne ex operibus justificatus est, offerens Isaac filium suum super altare. Quid illa S. Pauli ad Gal. 5. 6. Nam in Christo Iesu, neque circumcisio aliquid valet, neque praputium, sed fides, quae per caritatem operatur. S. Athan. Perdisce autem, quomodo operatur fides per caritatem, hoc est, ut actiuosa & exercitata sit: caritate vero si caret ociosa & torpida sit futura. Simile illud est, fides sine operibus mortua est, sicut corpus sine anima.

Pulcrè S. Thomas 2. 2. q. 124. art. 5. ad 1. Christianus dicitur, qui Christi est, dicitur autem aliquis esse Christi non solum ex eo, ^{S. 6. S. Pauli & aliorum} quod habet fidem Christi, sed etiam ex eo, quod spiritu Christi ad opera SS. PP. virescens procedit secundum illud ad Rom. 8. 9. Si quis spiritum Christi non habet, hic non est ejus. Et etiam ex hoc, quod ad imitationem Christi peccatis moritur, secundum illud ad Gal. 5. Qui Christi sunt, carnem suam crucifixerunt, cum vitiis & concupiscentiis. Hæc & plura similia conferte cum verbis Lutheri superius allatis; luce clarius intelligetis, aliter loqui Lutherum aliter S. Paulum & Catholicos Patres. Multo difficilius adversarii nostri satisfacere possunt illis verbis S. Pauli ad Gal. 6. v. 9. Bonum autem facientes non desiciamus; tempore enim suo metemus non desicientes. Ergo dum tempus habemus operemur bonum ad omnes. ad Hebr. 10. v. 36. Patientia vobis necessaria est, ut facientes, voluntatem Dei, reportetis promissionem. Dion. Carthus. facientes voluntatem Dei: id est divina præcepta facientes, non cessando à bonis operibus, 1. ad Timoth. 2. v. 15. Mulier seducta in pravaricatione fuit. Salvabitur autem si permanserit in fide, & dilectione & sanctificatione, cum sobrietate. S. Th. hic: Quia fides nihil valet sine dilectione, ideo statim subdit dicens; Et dilectione & sanctificatione.

Doctrina ipsiusmet Christi D. doctrina Lutheri plane est ^{S. 7. Doctrina Christi.} contraria. Matth. 28. v. 19. dicit Ap. Euntes docete omnes gentes baptizantes eos in nomine P. F. & S. S. -- sed plus addit, docentes eos

servare omnia, quaecumq; mandavi vobis. S. Aug. hic. non dixit docentes eos, quod sim natus &c. sed ut mandata servant. Joann. 15. v. 14. Vos amici mei eritis, si feceritis quæ ego præcipio vobis. iterum S. Aug. Non dixit, si natum me credideritis. Matth. 5. v. 3. beati pauperes spiritu. S. Aug. non dixit, qui me confessi fuerint natum. Joann. 5. v. 28. Venit hora in qua omnes qui in monumentis sunt, audient vocem filii Dei, & procedent; qui bona fecerunt in resurrectionem vitæ, qui vero mala egerunt in resurrectionem iudicii. Et S. Aug. erit combustio eorum æterna, qui cum fide, bona opera non habuerunt quid hæc verba sonant aliud, quam quod inculcat hoc. Evang. Omnis arbor &c.

§. 8.
Dæmones
credunt,
non tamen
ideo sal-
vantur.

Nescio an unquam adverteritis aliud argumentum quo S. Jac. probat, fidem non sufficere ad vitam æternam dum. c. 2. v. 19. ait. *Tu credis quoniam unus est Deus? bene facis sed & Dæmones credunt & contremiscunt, non tamen ideo beati sunt. S. Aug. Quid verius, brevius, & vehementius dici potuit? cum & in Evangelio legamus, dixisse dæmonia, cum Christum filium Dei confiterentur. Pari ratione Lutheranus aliquis credere potest in Christum, potest illum confiteri & tamen quoad more sēsse quidam ex diabolis, qui nunquam salvabuntur.*

§. 9.
Quam ve-
ritatem
Christus
D. suis di-
scipulis
proponit
Matt. 16.

Matt. 16. 24. ait Christus D. *Si quis vult post me venire, abneget semetipsum, & tollat crucem suam & sequatur me.* Sed monet S. Chrysost. ut hæc verba connectamus cum illis quæ præcesserunt. Quæsi verat Christus D. ex discipulis, eodem capite v. 13. *Quem dicunt homines esse filium hominis:* Prævenit omnes S. Petrus & cum firmissima fide exclamat; *Tu es Christus filius Dei vivi* & Christus D. tradidit illi claves cælorum, dicens: *Ei tibi dabo claves regni cælorum.* Potuissent fortassis hic cogitare alii Apostoli, & circumstantes, sufficere ad salutem, sive placere Christo D. hanc confessionem, sed ut obviet Christus D. huic errori & deceptioni, addit hæc, si quis, qui in me credit, vult &c. S. Joannes Chrysost. *Confessus erat Petrus, & ceteri Apostoli, Christum Dei filium; ne autem ad salutem hoc sufficere putarent, adjunxit ad hoc opus esse sui abnegatione, & crucis portatione.* Laudo Lutheranos, quod credant in Christum D. laudo, quod aliquando

cum

eum illo esse velint in gloria: sed amici, portatisne etiam crucē? quomodo abnegatis vestra desideria? quomodo crucifigitis vos &c. & hæc Christus D. requirit ad vitam æternam obtinendam.

Sed bene dixit S. Greg. Nyss. or. 2. de resurr. *Qui sibi conscii sunt turpissimarum & fœdissimarum actionum, quibus graves pœnas meriti sunt, odio iudicii tollunt resurrectionem, vel saltem pro eo, quod cupiunt, & optant, varias sibi cogitationes fingunt.* v. g. cogitant, ut salvemur satis est Christū D. pro nobis passum: sanguis ipsius infiniti est valoris: Infiniti est Dei misericordia &c. pergit S. Greg. *Vt suis perditis moribus polliceantur impunitatem.* Acriter in tales invehitur S. Thom. Matt. 27. v. 29. Et genu flexo ante eū, illudebant ei dicentes: Ave Rex Iudaorum. Et expuentes in eum, acceperunt arundinem, & percutiebant caput ejus S. Thomas hic: *Significantur per istos illi, qui voce confitentur se nosse Deum, factis autem negant.* prout & S. Paulus loquitur ad Titum c. i. v. 6. Terribilem sententiam profert S. Paul. in peccatorem Christianum i. Cor. 5. 3. *jam judicavi ut præsens eum, qui sit operatus est, in nomine Domini nostri Iesu Christi, congregatis vobis, & meo spiritu, cum viriute D. nostri Iesu, tradere huiusmodi Satanae.* S. Joannes Chrysost. h. 15. in ep. ad Cor. verba hæc S. Pauli sic explicat. *Qui Christi nomini injuriatur, quod postquam factus fuerit fidelis, & illo nomine cognominatus, ejusmodi crimen facere fuerit ausus.* Quid ergo nos dicemus, de illis, qui gloriantur fide in Christum, & tamen audent esse adulteri: ob fornicationes, nullam timent pœnam, quia credunt &c. nullam ego super hos feram sententiam: sed repetito verba S. Thom. *Tales genua flectunt corā Christo, sed simul expuunt in ejus faciem &c.* p. repeto sententiam S. Pauli: *jam judicavi &c.* ad Tit. 2. v. 15. *Iesus Christus dedit semetipsum pro nobis, ut nos redimeret ab omni iniquitate, & mundaret sibi. pop. acceptabilem sectatorem bonorum operum.* hac loquere & exhortare, argue cum omni imperio. Cajet. Et si Christus redemit ac mundavit sibi populum, ea tamen lege illum redemit ac mundavit, ut se ipsum quoque populus servet, ac promoveat: vel sit æmulator bonorum operum: non vacet ocio, non tepestcat, sed velut æmulando incumbat bonis operibus.

S. 10.

Acrius inve-
stiva in
credentes,
& exclu-
dentes ope-
ra.

§. II.
Epilogus,
ex simili ab
arbore,
& pulcro
dicto Chri-
sti D.

Sed redeo ad arborem; quivis Christianus est arbor, vel bona vel mala. *Ex fructibus cognoscetis.* Fructus arboris bonæ sive spiritus S. sunt, *Caritas, gaudium, pax, patientia, benignitas, bonitas &c.* fructus arboris malæ S. Paulus vocat *Opera carnis, quæ sunt fornicatio, immunditia, impudicitia &c.* finis talis arboris, combustio. Joannis. 10. v. 25. dicunt Judæi; *Si tu es Christus, dic nobis palam.* Respondit illis: *Opera quæ ego facio in nomine Patris mei, hæc testimonium perhibent de me.* Et vos mei auditores, si vos estis Christiani, dicite palam &c. ex hac quæstione & responsione Christi, poterit fieri p. Epilogus &c. Et vos Lutherani, estisne Christiani? Ubi opera &c.



CONCIO XXXVI.

DOMINICA IX. POST SS. TRINIT.

Redde rationem villicationis tuæ.

Luc. 16. cap. v. 2.

SYNOPSIS CONCIONIS.

FRequerer nobis incutitur timor tremendi judicii, ut agamus poenitentiam, & tempestive nos præparemus ad reddendam rationem.

- | | |
|--|--|
| §. 1. Quatuor cause, ob quas parabola de villico iniquitatis nobis proponitur. | Probatur tragico exemplo. |
| §. 2. Minatur Christus D. petendas à nobis rationes, ut cito nos præparemus. | §. 4. Iesus Salvator sæpe poenitentibus est inimicus. |
| §. 3. Differre poenitentiam in horam judicii, est periculosum. | §. 5. Aliatragica historia. |
| | §. 6. Elegans dictum S. Cypriani, de præparatione ad mortem, applicatur, præparationi ad judicium. |

§. 7. Fru-

- §. 7. *Frustra in agone impii conabuntur fugere à facie irati iudicis. Expertus fuit Pharaó.* | *boli impediens seriam penitentiam.*
- §. 8. *Et Achan sub duce Iosua.* | §. 10. *Hora unius negotium est aternitas.*
- §. 9. *In agone coram Iudice, dia-*

B Revis sed elegans est glossa S. Bonav. super Villici quaestionem: *Quid faciam?* dum ait: *Timor iudicii sollicitavit mentem ad provocationem remedii, Vicens Villicus se esse judicandum, requirit remedium:* Ob hanc causam puto hod. die ab Ecclesia nobis proponi Evangelicam parabolam de Villico, à Christo D. olim suis auditoribus propositam. 1. Ut certo sciamus, & nos judicandos. 2. Ut proinde requiramus remedium, itaque vivamus, ut coram tremendo Iudice aliquando subsistamus. 3. Ut hoc faciamus *Cito*. S. Anselmus. *Quia incertum est, qua hora veniat, cito sedere, dum adhuc vacat, jubetur.* 4. Addit idem S. Anselmus. *In his omnibus est maxime predicanda piissima Iudicis nostri Misericordia, qui cum hunc antea vocasset, & iusto iudicio damnare potuisset, maluit eum indulto vivendi spatio, tolerare, ut emendatum possit inter amicos computare; Complevit enim, quod locutus fuerat, quia nolo mortem peccatoris, sed magis ut convertatur & vivat:* Dion. Carth. *Hec sunt verba clementissimi Dei ad peccatores, vitiis implicitos, quos ad penitentiam indefinenter invitat, eorum damnationi velut compatiens.* Timeo auditores, aliquos in illo vivere statu, ut si hodie ad Iudicium vocarentur, non subsisterent; timeo aliquos ob lethalia scelera ruere in æt. damnationem. Cum Jesu meo ex visceribus cordis ex animo compator. Hanc caritatem illis exhibere possum; ut post ardentes preces pro illorum salute (O mi Jesu per tua Vulnera, per tuam mortem, per tuum sanguinem non permittas me & meos audit. damnari.) post talia inquam suspiria hoc facere possint, ut ferventi concione de Jud. illis suadcam poenitentiam. Quod dum facio, ut me attente audiat, rogo.

§. 2.
Quare Chri-
stus D. mi-
neatur, pe-
tendam à
nobis ratio-
nem. Vt ci-
tos nos præ-
paremus.

Concionem meam ordior aureis verbis S. Petri Chrysol. ser. 125. super hæc verba, *redde &c. Rationem petis; non ut exigat, sed relaxet: petis, ut petatur* (& si aliquis advertat se hæctenus villicationi suæ non bene præfuisse, si sciat fore, ut nō subsistat, hoc remedii superest, ut talis confugiat, à tribunali Justitiæ, ad thronum misericordiæ, sive ut ardentissimis precibus, cum clamore, cum singultibus, cum lacrymis ex corde contrito, à clementissimo Judice, dum vacat, dum tempus est, veniam petat. *Petit hic, ne petat ibi; petit in seculo, ne petat in judicio: petit cito, ne pænarum tempus, tempus satisfactionis excludat.* Deinde super verba illa, *iam enim non poteris villicare*, addit: *Quare? quia venit finis vite, tempus mortis.* (O miser, qui pœnitentiam tot annis distulisti, &c. quid tum ages,) *iam te apparitio superna constringit, jam judicium vocat* (jam feralis tubæ intonat sonus.) *Festina ergo, ne satisfactionis tempus perdas, qui tempus operis perdidisti.* Festinate impii convertere vos ad Dominum Deum vestrum Jonæ 2. v. 9. *Qui custodiunt vanitates frustra* (qui differunt, qui perseverant in malo) *misericiordiam suam derelinquunt.* Lirani legit, *Reddunt se indignos divina misericordia.* quamquam villicus audivit hæc verba, *Redde &c.* ait; *Quid faciam?* & cito surrexit, abiit, quæsitque remedium.

§. 3.
Differre
pœnitenti-
am in ho-
ram judi-
cii est peri-
culosum.
Probat
tragico ex-
emplo.

Differre hanc sollicitudinem, ut nos præparemus ad reddendam rationem severo Judici est periculosum. Expertus fuit ille usurarius (cujus mentionem facit spec. M. ex. dist. 9. exempl. 215. qui licet sæpe monitus, pœnitentiam ad finem vitæ differre voluit. Sed in agone! cum jam expiraret, cum jam videret faciem tremendi judicis, exclamavit horribili voce: *O pœnitentia! ubi es? de cetero pœnitere non valeo, hoc judicante justo Iudice.* quid ais impie? quid murmuras? hoc Judice! nunquid hic Iudex est Salvator tuus? nunquid hic est, qui te redemit, suo pretioso sanguine? perge, festina, age pœnitentiam! frustra hæc ait; verum est, est Salvator meus; sed modo justus iudex, ante ejus conspectum sto, & tamen pœnitere non valeo. Addit causam: *quia dum pœnitentiam facere potui, non volui!* his dictis animam exhalavit. Sapite hujus damno auditores; surgite, festi-

festinate, citò remedia quærite, cito pœnitentiam agite, dum pius & misericors est Salvator noster: cum nobis apparebit ut Judex, non valebimus agere pœnitentiam: jam possumus, jam path. Jam possumus; jam vacat. faciamus. Frustra tum impii Dei misericordiam implorant.

In summis angustiis tandem impius Saul, confugit ad Sa-
muelem, patrocinium illius implorans, sed respondit illi Pro-
pheta l. i. c. 28. v. 16. reg. *Quid me interrogas? cum Dominus recess-*
serit à te. lectio hebraica sic habet, *cum Dominus sit inimicus tuus.*
In meditatione extremi Judicii his diebus, visus mihi fui, vide-
re stantem aliquem impium, gravissimorum scelerum reum
coram tremendo Judice, visus mihi fui audire dicentem; *O mi*
Jesu parce misero! tace miser, Jesu misericordia recessit à te, est
tuus inimicus. cum potuisti te præparare ad hoc judicium no-
luisti; jam vis sed non potes; jam te tenent angustia mortis. In-
stat scelestus; O misericordissime *fili David, miserere, propitius*
esto mihi peccatori. Sile sceleste! frustra clamas! mansuetissimus
filius David, modo est tuus hostis. Cajet. *Nec mireris Deum*
(Jesum) dici inimicū Saulis, quia scriptum est, quia altissimus odio ha-
bet peccatores, præsertim obstinatos. Audin' supremam senten-
tiam; *Discede maledicte in ignem æternum.* Matt. 25. v. 41. Audi-
tores, ne idem nobis contingat, cito surgamus, festinemus, di-
camus ex corde, & serio, quid faciemus?

Repeto. Differre vitæ conversionem, preces &c. usque
ad horam judicii, est periculosum. Expertus fuit ille dives,
cui, cum in agone, cum jam staret coram Judice, cum jam ape-
riretur liber rationum; clamaret, *Domine adjuva me,* responde-
runt illi dæmones: *Nunc memor factus es Dei tui, quando sol tibi*
obscuratus est? *Quare usque in hodie non exquisisti eum, dum*
adhuc tibi splendor erat diei? *Nunc autem, in hac hora (p. hoc) non est*
tibi portio spei, neq. consolationis. multo minus obtinenda misericor-
dia. Alii impio sic morienti, dictum fuit: *Nunc spatium pœniten-*
tia requiris, ubi vita tempus implesti? *Quid faciebas in omni hoc*
vita tua tempore? Vixisti annis 20. quid fecisti? *redde rationem?*
pauperes oppressisti N.N. sed hi 20. anni ab æterno tibi desti-

Alveus Tertius.

X x

nati

nati fuerunt, ut sanctè viyeres, fecisti contrarium: jam tranſſere; & novum petis tempus? in æt. non obtinebis! nec unicum quadrantem. Hæc est hora tua! age impie, hoc momento redde rationem! Quæſo Aud. ſi ſalutem noſtram amamus, ſtatim quæramus remedia, quibus æt. damnationem avertamus.

§. 6.
Elegans.
dictum S.
Cyprianus de
prepara-
tione ad
mortem,
applicatur
prepara-
tioni ad ju-
dicium.

S. Cyprianus ep. 52. auſus fuit dicere, *Nec dignus eſt in morte accipere ſolatium, qui ſe non cogitavit eſſe moriturum*, idem plane ego dicendum eſſe judico, qui q. ſciunt ſe judicandos, & à ſe-vero Judice; neque tamen cogitant, quomodo vivant, ut judicium hoc bene ſuccedat, ut Judicem habeant amicum, non inimicum. Qui dum ſanus eſt, non eſt ſollicitus ut fiat parti-ceps pretioſæ paſſionis D. N. Jeſu Chriſti, qui, dum tempus eſt, non ſæpe ſe proſternit coram Chriſto crucifixo ut petat ab eo ſuo tempore benignam ſententiam, non eſt dignus, ut in morte ut tempore Judicii, obtineat miſericordiam. Talibus, in tantis adverſatur Chriſtus D. ſive ut ante dixi, hoſtem & inimicum illorum ſe oſtendit: tum velle fugere, & evadere, eſt periculoſum.

§. 7.
Fruſtra in
agone im-
pii cona-
buntur fu-
gere, à ſa-
cie irati
Judicis. Ex-
perit ſcilicet
Pharao.

Pulcram figuram habemus Exodi 14. v. 24. Scitis quam audacter obſtinatus Pharao cum exercitu ſuo, intraverit mare rubrum, quia viderat populum Iſraelis ſiccis pedibus tranſiſſe: Cum vero vidit concurrere ruſum fluctus maris, probabile eſt, quod verterit faciem, & de fuga cogitarit. *Sed reſpexit Dominus ſuper caſtra Aegyptiorum per columnam nubis & ignis, & ſubvertit rotas curruum, ferebanturque in profundum. Dixerunt ergo Aegyptii; fugiamus Iſraelem, Dominus enim pugnat contra nos.* Sic eſt, ad unum omnes in mari rubro fuerunt ſubmerſi. Lip-pom. *Vide quomodo audacia impiorum, vertitur in cōturbationē; perfidia induata ad pœnitentiam inſructuoſam, perſecutio ad fugam. Tarde nimium ſapiunt impii.* Idem planè contingit obſtinatis peccatoribus, dum audacter peccant, adeſt mors, adeſt D. Numinis Nemeliſ, quæ vocat ad judicium: tum cogitant fugere, dum ajunt, fugiamus ad Vulneta Chriſti &c. fruſtra. Dominus pugnat contra illos: terret illos facies irati judicis, præpavore non poſſunt pœnitere. Actum eſt. fertur ſententia, *Discedite*

male-

maledicti. Pulcrè S. Greg. M. hom. II. in Evang. *Mementote, quid Veritas dicat, Orate, ut non fiat fuga vestra in hyeme- ac si aperte dicat, Videte ne tunc quaratis fugere, quando iam non licet ambulare* (p. quando fluctus maris vos operiunt.) *Illud g. tempus, quo fugere non licet* (tempus iudicii, tempus quo Iudex jam adest, & ait: redde rationem) *modo debet cogitari dum licet, illa hora nostri exitus semper est intuenda; ista redemptoris nostri admonitio ante mentis oculos semper est ponenda, qui ait, Vigilate, quia nescitis diem neq; horam.*

Dum Josuæ c. 7. v. 11. occupavit Jericho, sub pœna capitis jubente Domino prohibitum fuit, ne aliquis militum quidquam ex spoliis urbis sibi sumeret: unus Achan ausus fuit præceptum transgredi, hinc ira Domini supra exercitum Israelis, donec Josue intelligens ex Domino, commissum & absconditum esse furtum, jussit inquiri in furtum & reum statim occidi. O Achan nonne scis te reum? nonne tu furatus es? vade; rue in genua coram Josue, fatere culpam, &c. renuis? fuge saltem, dum potes &c. Nihil horum facit Achan; ideo mox deprehensus fuit trucidatus. Nam, ut ait Abulensis q. 42. in c. 7. Josue. *Permisse Deus ut imminentis periculi metu, consilium, ratio, vires ab eo fugerent, nec tentaret fuga morti se eximere.* Idem contingit obstinatis peccatoribus; rei sunt non unius furti, sed gravissimorum scelerum. Adest hora inquisitionis; minatur Christus D. reddendam rationem &c. O impii! quare non fugitis ad Christum D. ad sacrosancta ejus Vulnera. Nihil horum faciunt! Permittit justus Dominus, ut tandem, dum citantur ad judicem, consilium, ratio, vires fugiant. &c. non tentant saluari pœnitentia morti æternæ se eximere.

§. 8.
Et Achan
sub duce
Josue.

Dum vacat, rationes nostras bene disponere debemus; cum actu vocabimur ad judicem, tunc in illa hora diaboli non permittent nos id commode facere. Concil. Tridentin. dum agit de extr. unctione ait: *Nullum tempus est, quo impediens vehementius ille omnes versutia sua nervos intendat, ad perdendos nos penitus, & à fiducia etiam si possit, divine misericordiae deturbandos, quam cum impendere nobis vitæ exitum*

§. 9.
In agone co-
ram Iudice,
Diaboli
seriam pœ-
nitentiam.

nati fuerunt, ut sanctè viveres, fecisti contrarium: jam tranſſe-
re; & novum petis tempus? in æt. non obtinebis! nec unicum
quadrantem. Hæc est hora tua! age impie, hoc momento
redde rationem! Quæſo Aud. ſi ſalutem noſtram amamus, ſta-
tim quæramus remedia, quibus æt. damnationem avertamus.

§. 6.
*Elegans
dictum S.
Cyprianus
de prepara-
tione ad
mortem,
applicatur
prepara-
tioni ad ju-
dicium.*

S. Cyprianus ep. 52. auſus fuit dicere, *Nec dignus eſt in mor-
te accipere ſolacium, qui ſe non cogitavit eſſe moriturum*, idem plane
ego dicendum eſſe judico, qui q. ſciunt ſe judicandos, & à ſe-
vero Judice; neque tamen cogitant, quomodo vivant, ut judi-
cium hoc bene ſuccedat, ut Judicem habeant amicum, non
inimicum. Qui dum ſanus eſt, non eſt ſollicitus ut fiat parti-
ceps pretioſæ paſſionis D. N. Jeſu Chriſti, qui, dum tempus eſt,
non ſæpe ſe proſternit coram Chriſto crucifixo ut petat ab eo
ſuo tempore benignam ſententiam, non eſt dignus, ut in morte
ut tempore Judicii, obtineat miſericordiam. Talibus, in tan-
tis adverſatur Chriſtus D. ſive ut ante dixi, hoſtem & inimicum
illorum ſe oſtendit: tum velle fugere, & evadere, eſt periculo-
ſum.

§. 7.
*Fuſtra in
agone im-
pii cona-
buntur fu-
gere, à ſa-
cie irati
Judicis Ex-
pertus ſcit
Pharao.*

Pulcram figuram habemus Exodi 14. v. 24. Scitis quam au-
daçter obſtinatus Pharao cum exercitu ſuo, intraverit mare ru-
brum, quia viderat populum Iſraelis ſiccis pedibus tranſiſſiſſe:
Cum vero vidit concurrere ruruſum fluctus maris, probabile eſt,
quod verterit faciem, & de fuga cogitarit. *Sed reſpexit Domi-
nus ſuper caſtra Ægyptiorum per columnam nubis & ignis, & ſub-
vertit rotas curruum, ſerebanturque in profundum.* Dixerunt er-
go Ægyptii: *fugiamus Iſraelem, Dominus enim pugnat contra nos.*
Sic eſt, ad unum omnes in mari rubro fuerunt ſubmerſi. Lip-
pom. *Vide quomodo audacia impiorum, vertitur in cõturbatione; per-
fidia indurata ad pœnitentiam infructuoſam, perſecutio ad fugam.*
Tarde nimium ſapiunt impii. Idem planè contingit obſtinatis
peccatoribus, dum audaçter peccant, a deſt mors, a deſt D. Nu-
minis Nemeliſis, quæ vocat ad judicium: tum cogitant fugere,
dum ajunt, fugiamus ad Vulnera Chriſti &c. fruſtra. Dominus
pugnat contra illos: terrer illos facies irati judicis, præ pavore
non poſſunt pœnitere. Actum eſt. fertur ſententia, *Diſcedite*

maſ-

maledicti. Pulchrè S. Greg. M. hom. II. in Evang. *Mementote, quid Veritas dicat, Orate, ut non fiat fuga vestra in hyeme- ac si aperte dicat, Videte ne tunc queratis fugere, quando iam non licet ambulare* (p. quando fluctus maris vos operiunt.) *Illud g. tempus, quo fugere non licet* (tempus iudicii, tempus quo Iudex jam adest, & ait: redde rationem) *modo debet cogitari dum licet, illa hora nostri exitus semper est intuenda; ista redemptoris nostri admonitio ante mentis oculos semper est ponenda, qui ait, Vigilate, quia nescitis diem neq; horam.*

Dum Josuæ c. 7. v. 11. occupavit Jericho, sub pœna capitis jubente Domino prohibitum fuit, ne aliquis militum quidquam ex spoliis urbis sibi sumeret: unus Achan ausus fuit præceptum transgredi, hinc ira Domini supra exercitum Israelis, donec Josue intelligens ex Domino, commissum & absconditum esse furtum, jussit inquiri in furtum & reum statim occidi. O Achan nonne scis te reum? nonne tu furatus es? vade; rue in genua coram Josue, fatere culpam, &c. renuis? fuge saltem, dum potes &c. Nihil horum facit Achan; ideo mox deprehensus fuit trucidatus. Nam, ut ait Abulensis q. 42. in c. 7. Josue. *Permissit Deus ut imminenti periculi metu, consilium, ratio, vires ab eo fugerent, nec tentaret fugam morti se eximere.* Idem contingit obstinaris peccatoribus; rei sunt non unius furti, sed gravissimorum scelerum. Adest hora inquisitionis; minatur Christus D. reddendam rationem &c. O impii! quare non fugitis ad Christum D. ad sacrosancta ejus Vulnera. Nihil horum faciunt! Permittit justus Dominus, ut tandem, dum citantur ad judicem, consilium, ratio, vires fugiant. &c. non tentant salvari pœnitentia mortis æternæ se eximere.

Dum vacat, rationes nostras bene disponere debemus; cum actu vocabimur ad judicem, tunc in illa hora diaboli non permittent nos id commode facere. Concil. Tridentin. dum agit de extr. unctiōe ait: *Nullum tempus est, quo vehementius ille omnes versutia sua nervos intendat, ad per-* *§. 9. In agone coram Iudice, Diaboli seriam pœnitentiam.* *impediens* *feriam pœnitentiam.* *dedendos nos penitus, & à fiducia etiam si possit, divinæ misericordiae deturbandos, quam cum impendere nobis vitæ exitum*

perspicit, quam in agone coram tremendo Iudice. Angustias hujus horæ, qua miser peccator stabit in agone coram tremendo Iudice, sensit regius psalter ps. 17. v. 3. cum dixit: *Circumdederunt me dolores mortis, & pericula inferni invenerunt me.* S. Hier. legit. *Munitiones inferni circumd. me.* Cap. 2. v. 4. ait Jonas. *Omnes gurgites tui, & fluctus tui super me transierunt.* Chald: *omnis maris tempestas & fluctus ejus.* Id est diaboli in illa hora circumdabant animam morientis, sicut aliquis exercitus obsidet civitatem. Eo usque velle differre preparationem rationum, nunquid stolidum est; inter tentationes inferni, ut moribundus perdat fidem, ut desperet de Dei misericordia &c. ut illibentissime moriendo, resistat D. Voluntati, &c. ps. 17. v. 5. ait David, *Torrentes iniquitatis conturbaverunt me.* Nicephorus. *Subitas, temporaneas, & vehementes incursiones intelligit.* S. Bern. de inter. domo c. 38. *Multa peccata tunc prorueunt ex improviso, quasi ex insidiis, quæ modo non vides.* Quid tum agat miser moribundus, inter assultus tam potentum inimicorum? quid si contingat illos apparere visibiles, ut nigros molossos, ut dracones, ut igneos leones, quod D. Justitia non raro permittet; quid si hiet terra, pateatque infernus? auditores amantissimi tumne putatis fore tempus, ut talis cogitet de contritione de confessione &c.? Permittit justus Deus, ut nihil horum fiat. Vinc. Belluacensis refert l. 9. spec. hist. c. 105. Morientem quendam ad astantem locium exclamasse: *Mi. Pater Heli, congregati sunt ad devorandum me, seductores mei, scripta tenentes malorum quæ gessi, vociferantes, & dicentes: Deus dereliquit eum, persequimini, & comprehendite eum, quia non est qui liberet eum. Heli ne elongeris à me, Heli in adiutorium meum intende. Delicta juventutis meæ & ignorantias meas, ne memineris Adonai.* Cum alius in agone clamaret, *adjuvate adjuvate me, ne peream.* rogatus quid timeret, R. *Non videtis catervam demonum, hic in meam perniciem congregatam?* Ille qui præ cateris horrendus apparet, *compellis me ad blasphemiam, & tam dirus est ut contra tueri non audeam.* Terribilia sunt verba, quæ quidam damnatus, inter ignes socio apparens illi dixit: *Me miserum! sub ipsa mortis horam in rebus fidei, surpissimè à:*

me à Satana deceptus sum. Ita mors animum, qualem reperit, abduxit, & obtulit iudici, à quo at. sum damnatus. De morbis quibusdam ait Hypocrates, Ex his adeo fortiter pavere homines, ut delirent, & daemones quosdam se videre putent ipsis infestos. & ab eiusmodi spectris multos se strangulasse, & proficisse in puteos &c. applica p.

Ite impii! differte vestras rationes! pergite, cogitate in agone vos velle pœnitere! justo Dei iudicio diaboli id non permittent. Quales vos mors reperiet, tales vos sistet Iudici; ut tum mutemini, ut tum pœniteatis, non fiet. Hora mortis est hora iudicii, & Justitiæ, non misericordiæ. Cum Mater S. Symphoriani, filium suum adolescentem vellet animare ad martyrium, illi dixit: *Hora unius negotium est aternitas!* sic est! sed est hora periculosa, hora terribilis; necesse est, ut citò citò, ad illam nos præparemus.



CONCIO XXXVII.

DOMINICA X. POST SS. TRINIT.

Videns civitatem flevit super illam.

Luc. 19. cap. v. 41.

SYNOPSIS CONCIONIS.

Flendo & minando in hodierno Evangelio Christus D. demonstrat se esse bonum & iustum. Miscentur varia elogia lacrymarum.

§. 1. Christus D. ostendit in hoc Evangelio, se bonum & iustum | §. 2. Flendo minatur exemplo Prophetarum.

Xx. 3.

§. 3. Chri-

§.3. *Christus D. in hod. Eu. est flix:*
continet enim flammās, quia
justus est; aquas, quia bonus est.

§.4. *Pulcrum symbolum.*

§.5. *Iustus est, dum minatur: bonus*
& misericors dum flendo, mo-
dum ostendit, quo minas aver-
tere possimus.

§.6. *Alia causa ob quam flevit.*

§.7. *Iterum justus est, dum mina-*
tur: bonus, dum ex altera par-
te, veluti Iacob, lacrymis &
precibus pro nobis cum patre
luctatur.

§.8. *Lacryma delent latam à Deo*
sententiam.

§.9. *Elogia lacrymarum.*

§.10. *Prosecutio.*

§ 1.
Christus D.
in hod.
Evang.
ostendit se
justum &
bonum.

IN hodierno Evangelio uti possumus v. 11. ps. 84. *Misericordia*
& veritas obviiaverunt sibi, iustitia & pax osculata sunt. Iustitiā
 & veritatē, videmus in lingua & Ore Salvatoris nostri, miseri-
 cordiā & pacē benignissimis ejus oculis. Vox & lingua Christi
 D. instar fulguris, fulminis, fulgurat, tonat; fatali sententia super
 urbē ingratam! Oculi vero effundunt imbrē lacrymarū, ut flam-
 mas fulguris, fulminisq; atrocitatē mitigēt. Ex ore divino egre-
 ditur gladius acutus, micans ad internecionē, ex oculis cadunt
 lacrymæ, quibus urbis interitū deflet. Ore minax, oculis plorans
 cū Jerem. dicere potuit; c. 31. v. 20. *ex quo locutus sum* (terribilia)
de eo, adhuc recordabor ejus, idcirco conturbata sunt viscera mea super
eum, miserans miserebor ejus. quasi diceret, licet iustitia me cogat,
 ut in terribiles eruperim voces; *venient dies & circumdabunt te*
inimici tui vallo, coangustabit te, ad terrā prosterne te, nō relinquet
in te lapidem super lapidem &c. nihilominus si voluit, pœnitentiā
 agere &c. adhuc miserans miserebor ejus. Nos, cum de inimicis
 nostris vindictā sumere possumus, latamur & exultamus. 2. reg.
 16. dū David nudis pedib⁹, operto capite, plorans fugit Jerosol.
 per collē Obliveti, ejus hostis Semei verbis illū insequitur. *Egre-*
dere vir sanguinū, reddidit tibi Dominus universum sanguinē domus
Saul & ecce premunt te mala sua, qui vir sanguinū es. talibus verbis
 poterat Salvator noster uti contra impiā Jerosolymā, poruisset
 dicere, persecuti me estis &c. imo cruci affigetis &c. sed premēt
 vos mala (est pulcer locus) alius est Salvator noster ob infinitam
 suā clementiā & misericordiā. Minatus est impiis suaviter, quia
 justus est. Miscuit minis lacrymas, & flevit super urbē, quia mi-
 sericors est. bimembre hoc punctū erit materia præsentis con-
 cionis.

cionis. Lacrymis Jesu, conatus sum his diebus cor meum emol-
lire, & flere cum Jesu; utinam iisdem emolliantur corda vestra,
ut dum Christus Dominus peccata nostra deflet, & nos eadem
lacrymis, hinc amoris, hinc contritionis defleamus.

Si David rediviv⁹ vidisset Christū in carne, & hodie lacrymā-
tem, sine dubio arripuisset lyram, & alta voce cecinisset. Mife- §. 2.
Flens mi-
natur le-
jus, exem-
plo Prophe-
tarum.
ricors est Dominus, ideo dū iustitia illū cogit ut minetur dira &
atrocia, facit id cum lacrymis ut sint testes tenerrimæ compas-
sionis. figura fuit Isaias, qui prædicat⁹ strages populi, discalcea-
tus, flens, plorans per tridū obambulavit urbē, c. 20. & illo sche-
mate prædicavit pœnitentiā. figura fuit Jerem. qui c. 19. in con-
ventu seniorū, in ferventi cōcione, lagunculam figuli in omniū
oculis confregit dicens, v. 11. *Hæc dicit Dominus, sic conteram popu-
lum istum, & civitatem, sicut vas figuli, quod non potest ultra restau-
rari.* sed hæc dicens & faciens amarissimè flevit. cum 27. c. popu-
lo minatus fuit captivitatem sub iugo Nabuchodonosoris regis
Babylonis, imposuit collo funes de iugo boum, catenas ligneas,
compedes, in quibus flens & plorans obivit urbem. illæ lacrymæ
fuerunt testes alicujus compassionis. Figura Christi in hod. Ev.
fuit Ezech. c. 5. v. 12. sumpsit acutam novaculam, & ducens per
caput & barbam, rasit pilos, ex quibus tres partes faciens, unam
combussit igne, alterā cōscidit gladio, tertiā dispersit in ventos.
Illo factō, Dei iussu illis minatus fuit, partem populi interituram
fame; peste &c. partem gladio, partem in captivitatem quasi
ventum dispergendam. quod & contigit. Insinuat tamen sacer
textus Ezechielem illa fecisse magna animi compassione. Pro-
babile etiam & quorundam opinione, Jonam cum urbem Nini-
ve terruit terribilibus illis verbis, adhuc quadraginta dies, & Ni-
nive subvertetur, fecisse id voce lacrymabili, imò lacrymas in
conspectu urbis per plateas copiose effudisse, fecerunt hoc Pro-
phetæ, ut licet mandato Dei cogerentur talia minari; se tamen
ostenderent paratos, demonstrandi illis modū, quo Dei mise-
ricordiam possent placare, & paratas pœnas à se avertere. Pari
planè ratione in hod. Ev. Salvator noster dum impiæ urbi mina-
tur excidium flet, ut ostendat se illud sentire, & velle, si velint
ipsi, cœlestis patris justam iram suis lacrymis placare.

Augetur misericordia, quod ploravit super urbē ingratam. Sed o mi Salvator cur ploras super urbem tam ingratam? tu illam diligis velut sponsam, veluti vineā electam &c. urbs impia, scelestā Synagoga, te omnibus modis persequitur, struxit insidias, quas potest, injuriis affecit graviss. & intra paucos dies procedet ulterius. Tu mi Salvator patres eorum in deserto cibasti pane Angelorum de cœlo; ipsa post paucos dies tibi porriget fel & acetum, & tu ploras, eos deduxisti in columna ignis; ipsi cum te alligabunt ad columnam, tu ploras. Te flagellis, quibus flagellasti cor Pharaonis, multiplicabunt ipsi flagella super dorsum tuū & tu fles. Aperuisti illis mare rubrum, ipsi lancea aperient cor tuū, tu gemis. Tu electo populo dedisti regale sceptrū & coronā Israel; ipsi dabunt tibi coronam spineam, arundinem & crucem. Vah scelesti; Justus est, quem offenditis; ipse mittet exercitum qui vos obsidebit, ipse vos angustabit &c. ut tamen scia- tis esse quoque misericordem, flet super vos.

§. 3
Christus in
hoc. Eu. Si-
lex, conti-
net flam-
mas, quia
justus est;
fundit
aqua quia
misericors
est.

Pulcrā figurā Christi minantis & flentis in hoc. Evang. habemus Numer. 20. v. 10. historiam notā paucis verbis constringam. In defectu aquæ Moyses jussu Dei, congregata multitudinē stans ante petram dixit populo; *Audite rebelles & increduli, num de petra hac vobis aquam poterimus elicere. cumque elevasset manum, percutiens virga bis silicem, egressæ sunt aquæ largissimæ.* Alia lectio pro petra legit *silicem*; latet in silice pulcrum mysterium; Natum illi ignem inclusit, ut tamen erumpat, ut latentes scintillas ostendat, debet percuti. S. Basilii, *exilit ignis è silice ac frictionibus copiosis emergens elucet.* Poëta Symposius;

Semper inest intus, sed raro cernitur ignis,

Intus enim latitat, se solos prodit ad iectus.

& quo fortius percutitur, eo ignescit magis, & plures scintillas spargit. hæc est natura silicis; verum quia figura esse debuit Christi Domini, teste S. Paulo 1. Cor. 10. vers. 4. *bibebant de spiritali consequente eos petra.* Percussus virga Moysis insolito miraculo etiam aquas fudit. Jam redeo ad Evang. Videtur Christus Dominus esse petra, & silex, tales super obstinatam urbem emittit scintillas, scintilla, imo ardens fulmen est, *veniens dies*

inte

in te &c. scintilla, est, *circumdabunt te &c.* non miror; impii Judæi perculserunt hactenus suis linguis atrociter; post paucos dies percutient alapis, colaphis, virgis, spinis, clavis, malleis, lancea: ideo, quia justus est, spuit ignes; sed quia simul misericors est, ex oculis emittit copiosas lacrymas, flet amare super civitatem.

Notum sine dubio vobis est nomen Aurei velleris, fuit insigne Ducum Burgundiæ; hodie illo utuntur, & primos ministros illo ornant reges Hispaniæ. Est aurea catena; annuli habent figuram silicis, nectunturque igneis radiis; loco gemmæ ex illa catena pendet aureus Agniculus. Carolus V. hanc apposuit epigraphen Hispanicam: *A los humildes cordero, à mis inimigos tengo & pedernal; id est, humilibus & amicis sum Agnus, meis hostibus & inimicis silex.* Verissimum hoc est in hod. Evang. silex est Christus D. suis hostibus, ejaculatur ignes & flammæ, quia justus est; sed simul agnus est, id est, clemens, bonus, longanimis & misericors.

Quia justus est minatur, quia bonus est, miscet minis lacrymas, ut impios doceat, quomodo patris iram placare possint, paratasque pœnas à se avertere & latam sententiam mutare. Hanc vim inesse lacrymis; patet ex S. Script. Is. 38. Justitia per Itaiam, rege Ezechiæ denuntiat sententiam mortis; dispo-
S. 4.
Pulcrum
symbolum.
 ne domui tuæ, quia morieris & non vives mox tamen illa sententia revocatur à Misericordia per eundem Prophetam v. 4. *Vade & dic Ezechiæ, hac dicit Dominus, ecce ego adjiciam super dies tuos quindecim annos, & de manu regis Assyriorum eruam te, & civitatem istam, & protegam eam.* Causam habet cit. 2. Reg. 20. cap. v. 2. *Convertit Ezechias faciem suam ad parietem, & oravit ad Dominum.* & v. 4. *flevit Ezechias fletu magno.* ideo ait v. 5. *audivi orationem tuam & vidi lacrymas tuas.* Ecce adjiciam &c. S. Chrysostol. l. 39. *O quanta vis lacrymarum! delent latam divina promulgatione sententiam.* Galfridus in loc. cit. *Vides quam sit efficax oratio! quam festinus & fidelis legatus lacryma supplicantis; à maxilla ascendit in cælum, & Altissimus non despiciet eam, quid enim non poterit; quæ propheticum sic mutavit oraculum, divinam flexit sub omni celeritate sententiam.*
S. 5.
Iustus dum
minatur:
bonus &
misericors,
dum flet
modum
ostendit,
quo minus
avertere
possumus.

§.6.
Alia causa
ob quam
flevit.

Adverto ex hoc loco causam, quare in hod. Eu. Christus fleverit super Jerusalem. Clamabant scelera urbis impiae ad coelum: & audivit divina Nemesis voces sanguinis innocentis Abel; in Iustitiae tribunali decretum est excidium urbis: constituti sunt Romani ut sententiam exequantur. Christus D. quia justus est, illam promulgat, *Veniet &c.* Sed simul lacrymas fundit; nec dubito quia intus in corde, simul ferventissimas obtulerit preces coelesti Patri, clamans gemitibus inenarrabilibus! nec sine fructu; non quindecim, sed quadraginta integros annos dilata est executio sententiae; quo tempore si voluissent, poenitentiam agere potuissent. Merebatur urbs impia statim exscindi; merebatur flammis de coelis comburi, ut Sodomam, aquis submergi, ut totus mundus: sed piissimus & misericors Salvator suis precibus & lacrymis impedivit.

§.7.
Iustus dum
minatur,
bonus dum
ex aliorum
parte vel
ut Jacob
lacrymis
pro nobis
cum patre
luctatur.

Efficacissimus modus vincendi & placandi iratum Deum, est, orare & flere. gen. 32. luctatur Jacob cum Deo vel Angelo tota nocte; exoriente aurora (ait Oseas c. 12. v. 4.) invaluit ad angelum & confortatus est, ut quasi vi extorserit benedictionem. Sed quibus armis? *flevit & rogavit eum.* qualis modus pugnandi? victi, imbelles, subjecti solent flere; commodius dixisset Oseas, luctatus est, fortibus brachiis & lacertis, robusto corpore &c. haec cogitant, qui nesciunt vim lacrymarum: contra Deum omnipotentem, ea tanta est, ut dicat Hugo Card. *Lacryma tenet & cogit Deum.* S. Hier. lacrymas vocat, *fortes voces.* Iratus videtur in hod. Evang. Salvator noster, dum tam diraminatur; hoc facit, quia justus est; quia simul misericors est, quia misericordia ejus super omnia opera ejus, est Jacob, luctatur cum patre coelesti, ut teneat & cogat illum, ne statim puniat: flet & orat.

§.8.
Lacryma
delens de-
cretum seu-
tentiae à
D. Iustitia.

Suis lacrymis conatur delere sententiam de excidio urbis. c. 4. v. 1. dicit Dominus Ezechieli; *Sume tibi laterem, & pones eum coram te, & describes in eo civitatem Jerusalem -- ordinabis adversus eam obsidionem, & aedificabismunitiones, & comportabis aggerem, & dabis contra eam castra, & pones arietes in gyro.* Multa mysteria latent sub hoc latere; quod mihi modo servit, notavit Ly-

vit Lyranus, non fuisse ab igne coctum & durum, sed crudum & mollem, ut valla, aggeres, castra formari facile potuerint: sed quam facile formantur, tam facile diruuntur & æquantur. Modica aqua opus est, & omnia facillimè complanantur. Hoc ergo voluit Deus dicere Prophetæ Ezechieli, Urbis impiæ scelera sunt gravia, clamant ad me in cælum; & puniam terribili hostium obsidione; valla, castra, quibus urbs cingetur, mea Justitia jam delineavit. Annuntia hoc populo, minare urbi; pone illis ob oculos futuram obsidionem; ut oculis videant, delineatu in latere. hoc facies, ut simul intelligant se, si velint, facillimè posse delineationes Justitiæ destruere, & hostium castra destruere, verbo, obsidionem avertere modica scilicet aqua, si lacrymis scelera deßere velint; Ne totus discursus meus sit, do verba Lyrani: *Igitur Ierusalem obfessa, est anima posita in peccato, contra quam omnes divina justitiæ munitiones diriguntur. Verum hæc omnia in latere non decocto, sed crudo. qui facile aqua dissolvitur, describuntur: ut intelligamus omnes divina iræ munitiones, adversus peccatores dispositas, pænitentiae lacrymis posse dissolvi.* Aptissimè hæc ad hodiernum Evangel. Christus Dominus quia justus est, contra impiam urbem ordinat obsidionem, erigit valla &c. sed simul flet, ut suo fletu ad fletum provocet impios, ut hæ lacrymæ malum avertant. lacrymæ cordis contriti destruunt munitiones divinæ justitiæ cōtra nos directas, imò teste S. Chrysologo, *extinguunt gehennam. quia secundum Cassianum, lavacrum sunt culparum, secundum S. Greg. Naz. or. ii. Peccati diluvium, & mundi expiamentum.* D. Chrysost. in c. 16. Luc. h. i. de Laz. *Tales lacrymæ quales erant Davidis ipsum etiam gehenna ignem norunt extinguere.* quæ lacrymarum apud SS. PP. elogia novas causas suppeditant, quare Jesus super urbem fleverit.

Fructus hujus concionis sit, ut quia gravibus peccatis Deum offendimus, illa cum Salvatore nostro amaris lacrymis defleamus. Post sanguinem & merita Christi, in satisfactionem peccatorum nostrorum Deo offerre non possumus, quam cordis contriti lacrymas, nam ut ille ait, *sunt cordis particulae sunt cordis pellucidus sanguis, sunt Margaritæ preciosa.* flet Jesus


§. 2.
Elogia ali-
qua lacry-
marum.

super urbem, hoc est, cœlesti patri pro illa obtulit divinissimi cordis sui particulas, O bonum Jesum! obtulit cordis sui sanguinem, antequam fundat in passione, O bonitatem! obtulit margaritas preciosas. Eia peccator quid times? peccasti NN. minatur Justitia? noli timere. latet in corde tuo thesaurus, quo satisfacere potes: latent particulae &c. offer per oculos &c. (est pulcher locus) placatur his Deus.

§. 10.
Profectio.

Magna est vis harum lacrymarum. Vidit aliquando vir quidem sanctus hominem intrantem in templum ad concionem, oneratum gravissima catena. Egit concionator casu de contritione & lacrymis cordis pœnitentis, tam potenter ut homo ille præ cordis dolore inceperit amarissimè flere. Reminiram! lacrymæ decidebant in catenam, & quoties guttula anulum aliquem tangebatur, ruptus dissiliebat, donec tota catena evanuit. advertitque vir sanctus illum hominem incredibili animi lætitia redire ex templo. nam S. Bernardo teste, *in lacrymis est serenata conscientia suavitas*. Voluit Deus visione hac ostendere potentiam lacrymarum; itaque &c. fac. p. epilogum per brevem concionis repetitionem. D. Petrus Colli l. de panibus c. 12. *Satan tolerabilius sustinet flammam suam, quam lacrymam nostram, acriusque contriti cordis lacryma, quam flamma infernalis incendiis torquetur.* -- *Lacryma portas refringit inferni, carbones exstinguit ferrea fornacis. pulcre. O anima* meruisti infernum, ideoque es sollicita; pulcre, vade mecum, & Christus plorat, plora cum illo &c. hæ lacrymæ omnia peccata tua delebunt. D. Chrysost. in ps. 50. *In codice scripta sunt peccata tua. pulcre in conscientia in &c. Spongia peccatorum tuorum lacryma tua sunt. Effunde lacrymas & poteris ea delere*, maxime si miscere velis sanguini Christi, id est, O anima peccatrix, scande montem Oliveti collige unicam guttam sanguin. Christi adde unicam guttam lacry. & confide &c. D. Bern. in scala claustr. tit. de signis Spir. Sancti. -- *O felices lacryma, per quas macule interiores purgantur per quas peccatorum incendia extinguuntur.* -- D. Chrysost. in psal. 50. *Meretrix, illa non fudit sanguinem, sed fontes lacrymarum profudit, & delevis peccata sua.* pulcher locus. Non opus est &c. solli-

sollicitus es ut infernum evadas? bene habet, non opus est
&c: pulcre. qui martyria. fac quod Magd. hæc, &c.



CONCIO XXXVIII.

DOMINICA XI. POST SS. TRINIT.

Omnis, qui se exaltat, humiliabitur.

Luc. 18. cap. v. 14.

SYNOPSIS CONCIONIS.

DEus, subito & repente, præter spem & opinionem humiliat superbos.

- | | |
|--|--|
| §. 1. <i>Superbia in corde, est trabs in oculo.</i> | <i>via ruit scelera, & magnam confusionem.</i> |
| §. 2. <i>Superbia excacat hominem.</i> | §. 8. <i>Superbi proximi sunt ruina.</i> |
| §. 3. <i>Luciferum de cælo traxit ad inferos.</i> | §. 9. <i>Experti hoc sunt Alexander M. Pompeius Magnus & Marius.</i> |
| §. 4. <i>Oppressit & excidit Moabitæ, præter spem & opinionem.</i> | §. 10. <i>Superbia est ventus & turbo.</i> |
| §. 5. <i>Prostravit Goliath.</i> | §. 11. <i>Superbi, pereunt instar fumi.</i> |
| §. 6. <i>Superbi, multa, frustraco gitant, pereunt dum non putant.</i> | §. 12. <i>Superbia Nabuchodonosorem convertit in bestiam.</i> |
| §. 7. <i>Salomon ob superbiam in gra-</i> | §. 13. <i>Alii pestiferi effectus hujus vitii.</i> |

Super verba illa Christi D. Matt. 7. v. 5. *Ejice primum trabem de oculo tuo, pulcrè ait S. Bern. tr. de grad. hum. Trabs in Superbia* §. 1.
oculo grandis, & grossa, superbia in mente est; qua quadam cor- in corde est
pulentia sui vana, non sana, tumida, non solida; oculum men- trabs in
tris obscurat, veritatem obumbrat; ita ut si tuam occupaveris oculis.
mentem, jam tu te videre, talem, qualis es, vel qualis es-
se potes; non possis sentire; sed qualem te amas, talem te
putes.

putes esse. Vera dixisse S. Bernardum, nos docet Evangelicus Phariseus. Quia trabē habuit in oculis & corde quia fuit superbus; quia publicani defectus vidit, non suos. non potuit se videre, qualis fuit; fuit superbus, non putavit; fuit arrogans, non putavit; insuper contempsit publicanum; putavit se iustificatum, sed erravit! Publicanus jacet in angulo templi, percutit pectus, orat instanter, *Deus propitius esto mihi peccatori;* ob commissa peccata, timet iusta Dei judicia, & descendit ex templo iustificatus. Historiam vel parabolam æterna Veritas declarat, notissimo epiphonemate, omnis qui se exaltat humiliabitur, qui se humiliat exaltabitur. Primam propositæ maximæ partem, hac concione, ex sacris præsertim literis fusiùs demonstrabo. De humilium aurium benevola attentione non dubito. Superbi, audient inviti, talia, quæ iustum illis poterunt incutere terrorem. Ut utrumque cedat ad maiorem Dei gloriam; & animarum salutem, ex animo precor.

§. 2.
*Superbia
excacat
hominem.*

Inter alia hoc habet superbia, ut arrogantes excacēt ne videant, quid agant: neque agnoscant, quam facile à Deo humiliari possint: Estheris c. 6. v. 6. Assverus Rex superbo Amāno hanc proposuit quæstionem: *Quid debet fieri viro, quem Rex honorare desiderat? Et cogitavit in corde suo Aman, & reputavit quod nullum alium Rex honorare desideraret,* proinde ait &c. sed suam cæcitatem, suum errorem, mox advertit, cum hostem suum Mardochæum, splendide vestitum, mulæ regiæ impositum per urbem circumducere debuit; & adhuc magis se à superbia sua deceptum agnovit, cum post paucos dies suspensus fuit de patibulo. Hoc plerumque Deo ita disponente fieri assolet, ut superbi repentinis & inopinatis malis, obruantur: juxta versum ps. 122. v. 4. *Opprobrium abundantibus, & despectio superbis.* ubi D. Chrysostomus, *semper superba cogitantes, repentina humilitate obruuntur: nihil enim superbia detestabilius, nihil arrogantia crudelius reperitur.*

§. 3.
*Superbia
Luciferum
de calo de-*

Superba cogitavit, qui Is. cap. 14. v. 13. *dicebat in corde suo; in cælum conscendam, super astra Dei exaltabo solium meum, sedebo in monte testamenti, in lateribus aquilonis; ascendam super altitudinem nubium,*

nubium, similis ero altissimo. Veruntamen ad infernum detractus traxit ad
est &c. in græco. Nunc autem ad inferos descendes. quid est, Nunc?
Nimirum quando Lucifer meditatus fuit ascensiones, quando
nihil cogitavit de descensu: quando immemor inferni, nubes
voluit transcendere; tunc lapsus est, ut pateat, quam inopinato
superbo casus obtingat. D. Cyrillus Alex. l. 2. t. 1. in Il. ait: Inopi-
natis calamitatibus, involvendum esse, qui in malis (in sup. cogita-
tionibus &c.) versatur, prater spem & opinionem.

Superbissimi fuerunt Moabitæ, tam arrogantia cogita- § 4.
runt, ut Il. questus fuerit cap. 16. v. 6. *Audivimus superbiam* *Oppressi &*
Moab; superbus est valde; superbia ejus, & arrogantia ejus, & indi- *excidit*
gnatio ejus, plus quam fortitudo ejus. Quæ ex græco sic legun- *Moabitæ;*
tur apud D. Cyrillum. *Audivimus insolentiam Moab; valde in-* *prater*
solens est. Sed addit Isaias. *Non sic divinatio tua, non sic.* nam, *spem &*
agente Deo, à superbis cogitationibus, in ultimam miseriam *opinionem.*
devenerunt. Et in eam, qualem nunquam cogitaverunt. *Non*
sic divinatio tua. Præter spem & opinionem oppressi, & humi-
liati fuerunt ab hostibus. D. Cyr. Alex. l. 2. in Il. t. 3. *Sustuli in-*
quit ego superbiam, hoc est, excidi Moab: sed hæc tibi non prænutia-
runt vaticinia apud te. Annuntiarunt enim falsidici Vates, quod
bellicas incursiones superares, ac facile vinceret adversarios, neq. capi
posses ab hostibus. Verum hæc ita se non habent. ac plurimum abest,
imo in diversum evenit, & non pro voto ac spe, rerum erat exitus.
Superbi, cum minimè putant, mirabilibus & inopinatis casi-
bus humiliantur: dum se victores putant, superba cogitantes
vincuntur.

Lib. 1. Reg. c. 17. v. 44. Superbissima cogitavit & dixit Go- § 5.
riath ad David; *Nunquid ego canis sum, quod tu venis ad me cum* *Prostravit*
baculo? & maledixit Philistæus David in diis suis dixitq. ad David, *Goliath.*
Teni ad me, & dabo carnes tuas volatilibus cæli, & bestiis terræ.
Dum arrogans miles vidit sibi occurrere puerum sine armis,
sine gladio &c. putavit, non posse aliter accidere, quam ut vin-
ceret, D. Chrysost. hom. de David & Goliath. *Irrisit atatem, ir-*
risit arma, irrisit puerum. Irrisit inquam atatem, sed non intellexit
in Davide esse Dei virtutem; irrisit, & puerum; nec tamen servit in
puero

puero dimicare Dominum. Lapidem & fundam irrigit: sed uno se lapide moriturum nescivit. A puero, à lapide, præter spem & opinionem, non juxta divinationem suam, inopinato, victus & humiliatus fuit Goliath.

§.6.
*Superbi
multa, frustra
cogitant, per-
eunt dum
non putant*

Itaque Lucifer, Moabitæ, Goliath—*frustra hæc cogitarunt*, ait D. Cyr. Alex. *arguit sinistras incogitantias, rerum exitus.* De quo David ait ps. 36. v. 35. *Vidi impium superexaltatum, & elevatum sicut cedros Libani: transivi, & ecce non erat.* Ruffinus ibi. *Modo cernimus aliquos honoribus & divitiis florere, & ecce quasi in transitu, atque in momento videmus eosdem interire, (præter spem, non juxta vaticinia sua &c.) Unde dicimus, Vbi est ille: ubi tanta gloria? Heu! nihil est homo (præsertim superbus.) Sed imperfectorum est, gloriam morituri, in ipsa morte despicere! qui hoc quidem rectius agerent, si cum in gloria hominem cernerent, tunc ejus interitum cogitantes, transeuntem potentiam nihil esse sensissent (si tempestive agnovissent, superbos frustra talia & talia cogitasse &c.) Tunc humana elatio pensanda est, quam nihil sit, cum sese super ceteros, successibus extollit.*

§.7.
*Salomon ob
superbiam
in gravia
lapsus fuit
scelera, &
magnam
confusionem.*

Salomon, qualis quantusque Rex: dedit illi Dominus cor sapiens, super omnes reges prædecessores: fecitque, ut tanta esset abundantia argenti in Jerusalem, quanta lapidum; hinc tandem elevavit cor suum, cœpit Salomon paulatim cogitare superba: ut, præter spem suam & opinionem, humilietur, permisit Dominus illum adamare mulieres alienigenas, permisit illum labi in turpissima scelera luxuriæ, denique in idololatriam. O Salomon! superbos reges sic Deus humiliat! Minatus hoc illis fuit Amos cap. 6. v. 1. *Va, qui opulenti estis in Sion, & confiditis in monte Samaria; optimates, capita populorum, ingredientibus pompaticè domum Israel.* Subdit Ruffinus, *qui opulentiæ tumetis! luxuriæ diffunditis!* plerumque enim simul sunt, tumor superbiæ, & profusio luxuriæ; quasi nequeat superba elatio non sociari libidini. testante Osea c. 12. v. 1. *Ephraim pascit ventum, & sequitur æstum* eo enim ipso, quod quis ventosa elatione pascitur, quasi necessarium est, ut ardeat carnalium æstu voluptatum. Rupertus hic: *Ventum namque pascere est superbia spiritu inflari;*

flari;

flari; sequi vero aſtum, luxuria corrumpi; quæ peccata, vel vitia conſequentia ſunt, ita ut cum ſuperbia ſpiritus erexerit, carnem quoque corrumpat ſpiritus fornicationis. Ezech. 16. v. 49. *Ecce hæc ſunt iniquitates Sodomæ--divitiæ, ſuperbia, luxuria.* Non ſine cauſa prius ſuperbia nominatur, *Ex hoc enim malo opere* (D. Chryſoſt. in c. 6. gen.) *quaſi fonte quodam, multa etiam alia ſuboriuntur peccata,--nam ubi divitiæ, ſuperbia, ſcortatio, luxuria--verifimile eſt, ibi, & ebrietatem, & crapulam, & magnam injuſtitiam, & avaritiam, & innumera alia naſci mala--per quæ Deus ſcit etiam Salomones humiliare.*

Superba cogitavit Adonias, de quo 3. Reg. 1. v. 5. ait. *Elevabatur dicens, ego regnabo.* *Elevabatur* inquit, *ut ſolent elevari, qui ci* §. 8.
Superbi
proximi
ſunt ruine.
to ſunt deſiendi, juxta illud pf. 72. v. 18. Dejeciſti eos, dum alleverentur. Nescit enim ambitionis elatio aliam elevationem, niſi quæ properet & ruat in ruinam. Symbolum vidit Eſdras l. 4. c. 11. v. 20. *Vidi, & ecce in tempore, ſequentes pennæ erigebantur à dextera parte, ut tenerent & ipſa principatum; & ex his erant, quæ tenebant, ſed tamen ſtatim non comparebat.* O Imperatores! O Reges! O monarchæ: vos eſtis tam grandes volucres! pennæ veſtræ tenent principatum &c. ſub alis veſtris latent populi. heu! ne elevetis oculos & corda! ſtatim non comparebunt. Mors vos præter ſpem deſiit in ſepulcra, præter ſpem!

Tales pennas habuit Alex. M. de quo ait Seneca l. 14. ep. §. 9.
Experti
hoc ſunt
Alex.
Pomp. M.
Marius.
95. *Agebat infelicem Alexandrum furor aliena deſtandi, & ad ignota mittebat.* de furore hoc dixit S. Bern. ep. 126. *Quanam iſta præceps eſt, & frontoſa libido dominandi! O ardor! & pudenda ambitio!* Tales pennas habuit Pompeius M. de quo Seneca l. 14. ep. 95. *Nec Pompeio externa inire bella, aut domeſtica virtus aut ratio ſuadebat, ſed inſanus amore magnitudinis, modo in Hiſpaniam, & Sertoriana arma, modo ad colligendos piratas, ac maria pacanda vadebat.* Hæ prætexebantur cauſæ ad continuandam potenti-
am; Quid illum in Africam? quid in Septentrionem? quid in Mithridatem & Armeniam? & omnes Aſiæ angulos traxit? Infinita ſcilicet cupido creſcendi cum ſibi uni parum magnus videretur. Similibus pennis & alis volavit Marius, de quo idem

Alveus Tertius.

Z z

Sen.

Sen. *Quid tu Marium, cum Theutonicos, Cimbrosque concideret, cum Iugurtham per Africa desertam sequeretur, tot pericula putas appetivisse virtutis instinctu? Marius exercitum, Marium ducebat ambitio! Verum quo avolare hæ volucres? ad sepulcra: ubi Alexander, ubi Pompeius? ubi Marius? potentia, superbia illorum detracta est usque ad inferos, humiliati sunt, frustra talia cogitarunt.*

§ 10.
Superbia
est ventus
& turbo.

D. Cyprianus ser. de jejun. & tentatione. *Peremptoria est altitudo quasita* (hæc verba pulcerrimam suppeditant inductionem per varios gradus. v. g. ambit quis, ex ambitione, superbia cogitans primum locum inter aulicos; quæritur talis honor; O peremptoriam altitudinem &c. Quod Deus superbis fuit minatus per Ezech. cap. 13. v. 11. *Erit enim imber inundans, & dabo lapides praegrandes desuper irruentes, & ventum procella dissipantem.* D. Cyr. supra cit. *Repenteque & subito* (supra dixi, præter spem, præter opinionem, præter vaticinia propria) *quod multis erat partum sudoribus, ambitione irrutente, obliteratum est, & turbinis huius impetu avulsum est, quidquid antiquæ religionis labor meruerat.* Aquilo, ventus, turbo, procella est superbia, quo turbine Deus superbos detrudit ad inferos. Cap. 14. v. 12. plenus admiratione quærit Isaias; *Quomodo cecidisti de cælo Lucifer? Ah Isaias! turbo superbiæ miserum dejecit.* D. Isidorus l. 1. sent. c. 12. *Primum habuisse inter Angelos diabolum: constat excellentia pralationis; ex qua fiducia cecidit, ita ut sine reparatione laberetur.* Superbos, etiam Luciferos humiliat Dominus. Lucidissimas cæli stellas ob ambitionem de firmamento destruit in barathrum inferni.

§ 11.
Superbi
perunt in
fumo.

Eleganter David Regum superbiā & arrogantiam comparat cum fumo, pl. 36. v. 20. *Inimici Domini, mox ut honorificati fuerint, & exaltati, deficientes quemadmodum fumus deficient.* quæ verba opportune S. Augustin. sic elucidat. *Fumus à loco ignis erumpens in altum extollitur, & ipsa elatione in globum erumpens intumescit* (præsertim ex machina aliqua bellica) *sed quanto fuerit globus ille grandior, tanta sit vanior: & ab illa magnitudine non fundata & solidata, sed pendente & inflata, in auras, atque in*

ven-

ventos dilabitur, ut videas ipsam ei obfuisse magnitudinem: quanto enim plus erectus est, quanto extensus, quanto diffusus undiq. in majorem ambitum; tanto fit exilior, & deficiens, & non apparens. Ni fallor talis fumus, suis umbris veluti characteribus hæc format verba, *Dissipantur, pereunt, disparent superbi*. Vcl Deus humiliat arrogantes. Momento disparent, & amplius non sunt: frustra cogitarunt de felicitatis suæ perpetuitate.

Superba & sublimia cogitavit atque dixit Rex Nabuchodonosor Dan. 4. v. 27. Responditq. Rex & ait, *Nonne hæc est Babylon magna, quam ego ædificavi in domum regni, & robore fortitudinis meæ, & in gloria decoris mei*. Dixit hæc arrogans Rex cum magno fastu, cum oblivione & contemptu Dei; sed cui respondit? cum sacer textus nullam faciat mentionem, quidquam ab illo regi fuisse propositum. B. Petrus Dam. hic. *Cui quæso rogo, ventosus & arrogans ille respondit, per verba prolata superbia, nisi tumida cogitationi, quæ ante jam vociferabatur in mente*. Sed respondentem regi alia vox respondit de cælo, *Tibi dicitur Nabuchodonosor Rex, Regnum tuum transibit à te, & ab hominibus ejicient te*, quod factum est, dum mutatus fuit in bestiam, per montes, per valles, per campos, per agnos, exclamans, Deus superbos humiliat. Cave te quæso Auditores, tumidas cogitationes; confundit illas Dominus. Prov. 16. v. 18. *Contritionem præcedit superbia, & ante ruinam exaltatur spiritus*. Sententia satis perspicua, quam tamen cum majori energia vertit Tigurina, *Præit comminutionem fastus, & anteit ruinam superbia animi*. II. c. 2. v. 12. *Dies Domini super omnem superbum, & excelsum, & arrogantem, & humiliabitur*. Tob. 4. c. v. 14. *Superbiam nunquam in tuo sensu, aut in tuo verbo dominari permittas: in ipsa enim initium sumpsit omnis perditio*.

Alios pestiferos effectus hujus vitii variè describunt SS. Patres. S. Bern. in ps. 90. *Ambitio, subtile malum, secretum virus, pestis occulta, doli artifex, mater hypocrisis, livoris parens, vitiorum origo criminum fomes, excatrix cordium &c.* Vide pro dilata-
tione pulcra in Panario P. Bufæi tit. ambitio, §. II.

f. 6. & seq.

CONCIO XXXIX.

DOMINICA XII. POST SS. TRINIT.

Adducunt ei surdum & mutum.

Marc. 7. cap. v. 32.

SYNOPSIS CONCIONIS.

INvehitur in malas linguas.

- | | |
|--|--|
| <p>§. 1. <i>Quare Christus D. ante curationem muti ingemuerit.</i></p> <p>§. 2. <i>Optimum & pessimum in homine est lingua.</i></p> <p>§. 3. <i>Lingua, siue sermo indicat, qualis sit homo.</i></p> <p>§. 4. <i>Quare David dicat, cor suum eructasse verbum bonum.</i></p> <p>§. 5. <i>Quare Christus D. dixerit, ex abundantia cordis os loquitur.</i></p> <p>§. 6. <i>Vnde Ieremias collegerit, omnes incolas Ierosolyma esse malos.</i></p> <p>§. 7. <i>Lingua in homine est signum</i></p> | <p><i>prædestinationis, vel reprobationis.</i></p> <p>§. 8. <i>Vnde Iatro in cruce agnovit, Christum D. esse Filium Dei.</i></p> <p>§. 9. <i>Mala lingua plurimis est causa damnationis: & origo gravissimarum pœnarum.</i></p> <p>§. 10. <i>Quod qui amat, de illolibenter loquitur.</i></p> <p>§. 11. <i>Effectus mala lingue est accendere.</i></p> <p>§. 12. <i>Terribilis sententia S. Petri Damiani, siue, quare timere debeamus, ne Deus iratus nos puniat.</i></p> |
|--|--|

§. 1.
Quare Christus D. ante curationem muti ingemuit.

NOtabilis circumstantia hodie. Evangelicæ historiæ est, quod de Christo D. ante curationem muti dicatur, *ingemuit*. Syriacus textus legit; *Suspiravit* & q. tristibus oculis *aspiciens in cælum*. Varias causas advertunt SS. PP. Victor Antiochenus ait: *ingemuit! Scilicet humanæ naturæ causam* (sive statum) *dolore & commiseratione prosequens*. Surdus ille & mutus, Oculis Salvatoris ita repræsentavit miseriam

ram fortem alicujus peccatoris, cujus aures & linguam diabolus possidet, ut cum lacrymis cordis suspiraverit. Miser hic homo, illi repræsentavit imaginem peccatoris. Non potuit non Christus D. ingemiscere; cujus causam (S. Chrysostr.) *quia in se suscepit, ingemuit*. Quisquis se sentit ob peccatum aliquod mortale esse sub jugo diaboli, in cujus auribus, in cujus lingua residet aliquis dæmon, habet causam cur ingemiscat. Nihil est, quod magis nos contristare debet, quam summum malum peccati. Venerabilis Beda; cum gemitu suspexit in cœlum, *ut inde mutis loquelam, inde auditum surdis, inde cunctis infirmitatibus medelam, doceret esse querendam*, & q. cum gemitu & lacrymis. Advertat & discat, quisquis est in statu p. m. statim suspicere in cœlum & gemiscere ut sanetur. Cum admiratione legi causam, quam celeberrimus concionator ex Ordine Prædicatorum, à Nufa, affert, quod Christus Dom. redditurus huic misero homini usum linguæ, *ingemuerit*; ait enim prævidisse Christum, abuturum hunc hominem sua lingua, fore illū ingratum, fore ex illorum numero, qui tempore passionis clamarunt, Tolle, crucifige! ideoque prius profundum ex divino corde traxit suspirium: videamus hac concione Auditores, an & hodie aliqui ita abutantur sua lingua, ut viri pii habeant justissimas causas ingemiscendi cum Christo D. sed prius eundem Salvatorem meum, invocò in testem, non intendere me, ullum in particulari offendere: in communi agam contra pessimas linguas.

Anaxargus Philosophus rogatus, *Quid sit in homine pessimum, quid optimum?* statim respondit, *Lingua*. Voluit dicere, linguam in humano corpore esse membrum utilissimum, si cohibeatur, si compescatur & frenetur; nocivum verò valde, si frenum illi, veluti indomitæ bestię, non injiciatur. Ecclesiastici s. v. 15. *Lingua imprudentis, subversio ipsius est*. Eccles. 37. v. 21. *Verbum nequam immutabit cor, ex quo quatuor partes oriuntur, bonum & malum, vita & mors*. quæ verba P. Pinna sic exponit, *Est lingua instar fontis, ex quo dimanant quatuor capita, seu rivuli, nimirum bonum & malum, vita & mors*. Bonum & vita fluit de lingua optima; malum & mors de pessima.

§ 2.
Optimum
& pessimum
in homine
est
lingua.

§ 3.
Lingua si-
ue sermo
iudicat,
qualis sit
homo.

De utraque pulcre dixit Seneca. *Imago animi, sermo est, qualis est vir, talis oratio; & qualis est oratio, tales sunt & mores; lingua pessima fecit hominem pessimum, & contra.* Aristoteles vero ait, *Verba sunt notæ eorum, quæ sunt in mente*; ita enim natura formavit linguam, ut habeat duas venas, quarum una tendit ad cor, altera ad cerebrum; non solum ideo, quod linguæ officium sit, loqui, aperire, proferre cordis & mentis conceptus, sed ut simul verba prolata notæ sint, ex quibus colligere licet, quales intus sint cogitationes, an bonæ, an malæ. Proinde si cor & mens hominis, sive si ejus cogitationes, affectus vel desideria sunt inordinata; naturaliter necesse est, ut talia quoque proferantur à lingua: naturalis est connexio, v.g. inter cogitationes impuras, & verba impura: cogitationes de sumenda vindicta, & talia quoque verba. S. Maximus. *Cunctis sapientibus patet, nihil inesse sanitatis, ubi impia, ubi inhonesta, ubi turpia sunt verba.* Si verò cor sit mundum, si sanctum, si plenum cogitationibus de amando Deum, de illius cultu & servitio; talia quoque proferet lingua. S. Ambrosius l. 1. off. *Speculum mentis in verbis refulget.* S. Bern. *Sermo est index conscientie.* Clemens Alexand. l. 2. pæd. c. 5. *Sermo fructus est cogitationis.*

§ 4.
Quare Da-
vid dicat
cor suum
eructasse
verbum
bonum.

Ps. 44. v. 1. ait David. *Eructavit cor meum verbum bonum: dico ego opera mea Regi.* Primo loco regius psalter ponit cor, q. d. quia hoc plenum est desideriis & cogitationibus sanctis; talis quoque est lingua mea, quæ nil aliud profert quam laudes Dei, & hymnos sacros divinæ majestati. Verbum eructat innuit hoc simile. Cum stomachus hominis plenus est allio & cæpis; tales quoque eructat odores; spirat halitus odorem citrium, cum homo talia poma comedit: Unde sponsus dixit Cant. 4. vers. 13. *Emissiones tue sicut paradisus malorum punicorum.* Cur quæso quorundam linguæ tam tetram aspirant mephitis? talis mephitis latet in corde. Apoc. 16. v. 13. ait S. J. *Et vidi de ore draconis tres spiritus immundos exire in modum ranarum.* Sed unde ex corde? Rich. de S. V. *ideo in modum ranarum immundi sunt, quia quos per suggestionem corrumpunt, verborumitate loquaces, & luxuria lutosos efficiunt.* Tres potissimum ranæ, lingua blasphema, lasciva,

sciva, detractiva. Cur vero linguæ aliorum cruetant verbum bonum, odorem sanctum, laudando Deum &c. Cor plenum est tā sanctis odoribus. Quas veritates æterna Veritas Christus D. innuit illis verbis Matt. 12. v. 34. *Ex abundantia cordis os loquitur.* & Luc. 6. v. 45. *Bonus homo de thesauro cordis sui profert bonum: & malus homo de malo thesauro profert malum.* S. Chrysost. hom. 43. in Matt. *Naturalis consequentia est, ut cum intus abundat malitia, effluant verba nequam,* & contra.

Peculiaris emphasis latet in vocula *abundantia* ut nimirum cum audimus aliquem proferre aliquid mali, cum audivimus ab aliqua lingua fluere verba impura, detractiva non tantum cogitemus, talia illum quoque intus in corde volvere; Sed multo maiorem esse fontem conjice; quod enim extra proferatur, ex illo profluit, ejusque superfluum est, quod intus est. Major nequitia, major spurcicies, turpiores sordes latent intus in corde, quam lingua proferat. Loquela hominem manifestum facit. Curiosum quid narrat Aristot. l. 6. de anim. Si quis scire desideret cujus coloris futurus sit Agnellus; ille inspiciat venam quæ latet sub lingua gravidæ Ovis, si illa sit nigra nigrum pariet Agnum, candidum si vena illa albescat. (appl. p.)

Cum Deus iratus, ob gravissima scelera impiæ urbis Jerosolymæ Prophetæ Jeremiæ, proponeret terribiles plagas, quibus statuerat punire impium & sceleratum populum; ipse confugit ad preces, & cum suspiriis atque lacrymis petivit misericordiam; instando, urgendo, ut parceret: & respondit Dominus cap. 5. v. 1. Jeremiæ; *Circuite vias Ierusalem, & aspice, & considerate, & quarite in plateis ejus an inveniatis virum facientem judicium, & quarentem fidem, & propitius ero.* Jeremias totus hilaris & alacer, plenus consolatione, discurret per plateas, ingreditur ædes sacerdotum, opificum, mercatorum, nobilium, plebeiorum; non dubitans se inventurum multos bonos. Sed mox rediit ad Dominum, cum hac querela, c. 8. v. 6. *ah Domine nullus est qui agat pœnitentiam, super peccato suo omnes conversi sunt ad cursum suum, quasi equus impetu vadens ad prælium.* quasi dicere—

§ 5.

Quare
Christus D.
dicit ex
abund. cor-
dis os loqui-
tur.

§ 6.

Vnde Ieremias colligit omnes incolas Ierusalem malos.

diceret, Domine iussisti me ire per plateas Jerusalem, ingredi ædes, feci; iussisti me quærere unum, facientem iudicium &c. ah Domine nullum invenio &c. Sed quod signum prætulit Jeremias: ex quo collegit omnes esse impios? sic ait; cit. cap. v. 6. *Attendi & auscultavi, nemo quod bonum est loquitur.* ex impiis sermonibus, ex pessima lingua collegit omnes esse malos. Mihi afflictissimo hoc tempore, quo vicinæ nobis provinciæ sentiunt flagellum pestis, an nos quoque simus puniendi? an idem & vos cogitatis; certum est, si inter nos sint multi boni, &c. parcat nobis Dominus? cogitatisne ulterius an tales sint? Ite, circuite vias Jerusalem; ingredimini ædes; accedite mensas & convivia; intrate conclavia; Attendite, auscultate, quot sint qui bonum loquantur, qui loquantur quomodo juvandus proximus, verbo, qui loquantur bonum. Attendite etiam, an forte aliqui præferant verba detractoria; an alii impura &c. (est locus pro p. induc.) Ex sermonibus colligite, quales sint honesti, ex iisdem conijcite, an probabile sit, Deum nos non puniturum.

§. 7.
Lingua in
homine est
signum præ-
destinationis,
vel reprobationis.

Cum horrore his diebus legi, titulum alicujus sermonis, magni cōcionatoris, qui sic habet, lingua in homine est signum prædestinationis, vel reprobationis: linguam prodere, utrum quis sit filius Dei, an vero sit ex patre diabolo, prout Christus D. loquitur. Reprobatorum Princeps & caput est Diabolus; Electorum choros ducit Christus D. Salvator noster: attendite, quomodo & quid uterque loquatur. In Apoc. 13. v. 6. S. Joannes demonem depingit, veluti horribilem bestiam, de qua inter alia ait; *Aperuit os suum in blasphemias ad Deum, blasphemare nomen ejus, & tabernaculum ejus, & eos, qui in celo habitant.* Ecce apertio oris, ecce usus linguæ ponitur pro nota, ex qua agnoscere possumus principem reprobatorum; De Christo D. v. ait S. Matthæus c. 5. v. 2. *Aperiens os suum, docebat eos dicens, beati pauperes spiritu.* Sermo Christi fuit de lacrymis, de munditie cordis, de justitia, de pace, de regno cœlorum. Ecce apertio oris, ecce lingua Christi, ac sermones ejus, sunt notæ ex quibus concludimus, Christum esse Principem electorum. Si itaque audiant aliquem aperiens os in blasphemias, in maledictiones, in

nes, in iuramenta? habet talis proprietatem bestię, dicamus cum Christo D. Vos blasphemī &c. ex patre diabolo estis. (hoc modo fiat pulcra invec̃tiva in detractores, in mendaces, in impuros &c. lingua detractrix est nota reprobationis &c.) Orig. in Ex. *Nam qui loquitur mendacium, certum est, quia diabolus aperuit os ejus: qui dicit f. test. qui scurrilitates, turpitudines & cetera ejusmodi de ore suo proferunt, diabolus aperuit os eorum.* Qui verò cum Christo D. aperiunt os suum, ut loquantur sermones Dei (fiat iterum p. inductio) sciant se esse filios Dei, cohæredes Christi, hæredes æternæ gloriæ. ps. 14. v. 1. *quærit David, Domine quis habitabit in tabernaculo tuo, aut quis requiescet in monte sancto tuo?* & respondet. *Qui loquitur veritatem in corde suo, qui non egit dolum in lingua sua.* E contra lingua imprudentis subversio ejus.

De centurione, qui sub cruce in monte Calvariæ exclamavit: *Vere filius Dei erat iste*, quærit S. Bern. ser. 28. in Cant. *Vnde advertit, hanc divinam pulcritudinem crucifixi? & respondit. Certè agnovit non ex facie, sed ex voce, cognovit filium Dei, videns scilicet, quod sic clamans expirasset.* Unde nos cognoscemus esse aliquem filium Dei? ex facie, ex aliis signis id sæpius colligere non possumus; sed attendamus ad vocem. v.g. in præsentī materia de qua S. Bern. fuit locutus; Christus in cruce oravit pro inimicis; Quomodo loqueris, mi Christiane, de tuis inimicis (hic poterit fieri pulcerrima Apostrophe ad Aud.) ex voce ego cognoscam an sis filius Dei? Itaque, (sic monet S. Chrysost.) *Vbiq̃ fulgeamus ex ore & lingua, quia sicut noti ex sermone fiunt barbari, & scythæ, & graci; & nos cognoscibiles siemus, si loquamur sicut Apostoli, & sicut Angeli &c.*

Mala lingua plurimis est causa æternæ damnationis Apoc. 9. c. v. 18. S. Joannes vidit tres mirabiles equos, spirantes ex ore ignem & fumum & sulphur, & ab his tribus, occisa est tertia pars hominum, de igne à fumo & sulphure, quæ precedebant de ore ipso. Os, lingua, fuit velut fons ex quo processit tetra lues, quæ deinde per homines dispersa fuit, Richar. de S. Victore, quod præcedebant ignis, fumus & sulphur de ore ipsorum, ostendit, quia corrumpant

Alveus Tertius.

Aaa

pant

pant bonos mores colloquia prava. Os, lingua, est fons gravissimorum scelerum, contra Deum, consequenter poenarum. Pestilentia qua Deus modo multas urbes castigat, nil aliud est, quam quidam ignis, quidam fumus, quoddam sulphur quo tot millia hominum occiduntur; timeo ne pestilentes linguæ sint fontes. Si fortassis etiam Bamb. scaturiant tales fontes, si & hic discurrant tales equi, ex quorum ore nil procedit nisi ignis &c. nolite dubitare, non emanabit pestilens fumus gravium morborum &c. Bonus Deus vult, ut tandem discamus loqui rectè. Qualem linguam pulcro suspirio à Deo petiit S. Ephrem de pass. animi. *Digitus gratia tua Domine, semper moveat linguam meam, tanquam nervum citharæ ad gloriam tuam. Concede mihi Salvator, petitionem cordis mei, fiat q, lingua mea velut cithara ad resonandum jugiter laudes tuas.* Tales itaque linguæ quæ loquentur rectè &c. tanguntur à Spiritu S. tales linguæ sunt citharæ Christi D. &c. Lingua verò resonans blasphemias tangitur à diabolo, illius est cithara (est locus pro pulcra invektiva) &c. tales citharæ deinde inter ignes, in fumo inferni, aeternum resonabunt, *Va! Va!* & cruciabuntur in flamma.

§. 10.
*Quod quis
amat de il-
lo loquitur
libenter.*

Pulcram quandam sententiam Rich. de S. Viçt. supra cit. probat & confirmat quotidiana experientia. *Amantes enim de eo, quod amant libenter loquuntur;* (ex abundantia cordis os loquitur) *ideo solent pii convenire, de Deo locuturi; & ex mutua collatione, magis in ipsum Deum accenduntur.* ideo duo discipuli euntes in Emaus dixerunt Luc. 24. v. 32. *Nonne cor nostrum ardens erat in nobis.* Vultisne subinde advertere in conversatione cum hominibus, quid ament, an ament Deum, an Christum Salvatorem, an ejus passionem, an cælum &c. attendite an de his rebus subinde loquantur; Si non audiamus sermones nisi de vanitatibus &c. cogitate esse amatores mundi &c.

§. 11.
*Effectus
male lin-
guæ est ac-
cendere.*

Non notam tantum, ex qua diversitas hominum colligi potest, sed simul effectum posuit Rich. in prædicta sententia, loquelæ piæ vel impiæ. Lingua sancta in audientium cordibus excitat igniculos amoris Dei & sacrosanctarum cogitationum: lingua vero impia, audientium corda inflamat ignibus vario-

rum

rum scelerum. Græcorum adagium fuit, *Lingua quo vadis?* respondet lingua, *Urbem ut destruam, & incendam: urbem ut erigam.* hoc ultimum cadit in linguam bonam, erigit, ædificat; Linguae malæ proprietates est, ut excitet ignes. Lingua adulatoria quo vadis? nunquid ad palatia regum; ut excites ignes. Lingua detractoria, quo vadis, quo collimas? fatere, dic, ut excitem ignes. Lingua lasciva, quo vadis? fare, dic, ut excitem ignes &c. hi ignes involvunt fumum, qui ante Deum ita foetet, ut tales ignes aliis ignibus, tales fumi, aliis fumis castigentur.

Finem imponam terribilibus verbis S. Petri Dam. l. 2. ep. c. 18. postquam egisset de vitiis linguæ, quæ etiam inter religiosos committi solent, de inutilibus fabulis, de vaniloquiis, ait, *Fateor fratres mei, nihil ferè in monasteriis agitur, unde mens mea* ^{§. 12. Terribilis sententia S. Petri Damiani, sive Quare timere debemus ne Deus irascatur nos puniat.} *terribilius super Monachos, imminere Dei iudicium, suscipietur. nam continuo, quasi torrens per declivem devexa, procedens eorum lingua decurrit.* Applica p. his afflictis temporibus; timeo puniri linguas blasphem. detractorias, & turpes: præsertim si secum trahant ruinam innocentium animarum &c. Itaque fili ps. 33. v. 14. *Prohibe linguam tuam à malo.*



CONCIO XL.

DOMINICA XIII. POST SS. TRINIT.

Diliges Dominum Deum tuum, ex toto corde tuo.

Matt. 22. cap. v. 37.

SYNOPSIS CONCIONIS.

Proponit motiva, propter quæ Deum ex toto corde oportet amare.

- | | |
|--|---|
| §.1. <i>Affectuosa ruminatio divina liberalitatis.</i> | <i>sunt benevoli. g.</i> |
| §.2. <i>Pro qua Deus à nobis nihil exigit prater amorem.</i> | §.8. <i>Quanta divini amoris erga nos exsuperantia.</i> |
| §.3. <i>Filii amant parentes: amemus ergo Deum.</i> | §.9. <i>Digressio ad Auditores.</i> |
| §.4. <i>Quam dulce patris nomen.</i> | §.10. <i>Christus D. paratissimus est, ut quovis momento penitentes exaudiat.</i> |
| §.5. <i>Naturaliter amamus illum, qui ex magno periculo nos liberavit: amemus g. Deum.</i> | §.11. <i>Triumphans Dei misericordia.</i> |
| §.6. <i>Amamus benefactores. g.</i> | §.12. <i>Historia de ardenti Amatrice.</i> |
| §.7. <i>Amamus illos, qui erga nos</i> | §.13. <i>Alia.</i> |

§.1.
Affectuosa
ruminatio;
d. liberali-
tati.

IN consideratione divinæ & profusæ liberalitatis erga nos: homines, cum pio stupore exclamavit Guerricus Ab. ser. i. in Pent. *O Deum! si fas est dici, prodigum sui: spectemus non quoties dedit, sed quoties se dedit. In profusionem sui tota conspiravit Trinitas; sepe se dedit Deitas! O affluens liberalitas Dei! O indeficiens largitas divinæ bonitatis! Dedit filium in precium Redemptionis; dedit Spiritum in privilegium adoptionis! se denique totum servat hereditatem adoptionis.* O itaque Deum, si fas est dici, prodigum sui præ desiderio hominis, an non prodigum, qui sicut proprio Filio suo non pepercit sed pro nobis omnibus tradidit illum; sic nec Spiritui S. pepercit, ut ita loquar; sed nova & mira largitate super omnem carnem effudit illum. Ad Philip. 4. v. 7. ait Ap. *Exinanivit semetipsum &c.* Tertull. *O suavitatem! O gratiam, sed quis hoc fecit? Amor fecit! quis Dei thesauros effudit? Amor effudit &c.*

§.2.
Pro qua à
nobis nil
aliud exigit
quam amo-
rem.

Et pro tanto amore Deus nil aliud exigit ab homine quam amorem, ideo Christus D. in hodierno Eu. *Diliges &c.* S. Lucas addit, *in tota fortitudine tua.* Aethiopicus. *Ex tota virtute tua; & ex tota potentia; quæ tibi.* Perſicus. *Et ex tota nimietate mentis tuæ quia Christus nos dilexit nimia caritate* ad Eph. 2. v. 4. In hoc solum Deus deſtatur nostra immoderantia, cum nostri amoris affectio in ipsum sine modo intenditur; & mensura. S. Aug. cit. verba sic explicat. *Ex toto corde. (ex tota voluntate tua.*

Ex te-

Ex tota anima. (Ex toto intellectu ex tota mente) ex tota memoria tua. Victor Antioch. in Marci c. 16. homo tanto Dei amore flagrare debet, ut nihil prorsus in ullam animæ facultatem irrepere sinat, quod suam erga Deum dilectionem excludat, aut minuat, aut alio transferat, sed in omnibus illi soli magis magisque assidue placere satagat, nec alteri persona aut rei creatæ nisi propter Deum. Proponam hac C. rationes ob quas. Urgebo ultimam huic tempori accommodari.

Cum filii naturaliter ament Patres suos; à quibus vitam acceperunt; æquissimum est, ut ex toto corde &c. diligamus Deum, qui est *Pater miserationum & misericordia, & totius consolationis.* Card. Cajet. super initium orat. dom. Pater noster. *Magna dignitas cujuslibet hominis habere Patrem in cælo; ideo recurrere juberis ad Deum, non ut servus ad Dominum, sed ut filius ad Patrem, filiali affectu, filiali fiducia & securitate.* addere possum ex h. od. Evang. *& caritate, ex toto corde, ex tota mente &c.* De quo nobis gratulatur S. Paulus ad Rom. 8. v. 15. *Non accepistis spiritum servitutis iterum in timore, sed accepistis spiritum adoptionis filiorum Dei, in quo clamamus Abba Pater.* Advertit Card. Cajetan. Apostolum non dixisse, in quo dicimus, sed clamamus, scilicet, *magnitudine affectus, magnitudine amoris, ex toto corde &c. quod est proprium verè filiorum.* Et geminatur Pater, nomen Pater, Pater, iterum ad significandum, firmitatem ac certitudinem fiduciæ; item firmitatem nostri amoris. Ipsum dulce nomen Patris, in cordibus filiorum naturaliter excitat amorem.

Lucæ. 15. vers. 18. ait filius prodigus *surgam & ibo ad Patrem meum, & dicam ei, Pater peccavi;* quod dixit, fecit, abiit, rediit ad ædes optimi parentis, cum venit in conspectum procidens in terram dixit, Pater &c. quærit S. Chrysologus, ser. 2. *Quaspe? qua fiducia? qua confidentia? qua caritate?* puto ego, illos affectus filii prodigi processisse ex toto corde, ex tota anima &c. Citatus S. Chrysol. respondit. *Quaspe? illa qua Pater est; q. d. filius prodigus, Ego perdidi, quod erat filii; ille quod Patris est non amisit.* -- q. d. ideo ibo ad Patrem meum; quod hactenus hoc non

f. 3.
Filii amant
parentes:
amemus g.
Deum.

f. 4.
Quam dul-
ce Patri
nomen.

agnoverim; quod non amarim, quod ab illo abierim, hoc doleo, jam surgam, & ibo, & redibo, & adhærebo Patri meo, & instar filii amabo longe ardentius: neq; timeo repulsam. Apud patrem non intercedit extraneus, intus est in patris pectore ipse, qui intervenit, & exorat affectus. *Urgentur patris viscera, iterum genitura filium per veniam.* & contigit. Pater filium recepit in gratiam. Multos inter nos esse puto, qui causam habent dicendi, dicam ego primus, heu! quid feci, quid egi; quod toties Deum meum, dulcissimum patrem meum deseruerim! *surgam & ibo &c.* applica p. sed agamus hoc, diligamus Deum tanquam patrem nostrum ex toto corde, ex tota anima &c. S. Anselmus dixit; *Pater ipse misericordiarum, quia ex visceribus ejus proveniunt in nos misericordia ejus.* talis vicissim sit amor noster; ut proveniat ex toto corde &c.

S. 5.
Naturali-
ter ama-
mus illum
qui ex m.
per. nos li-
beravit.
Amamus. g.
Deum.

2. Cum naturaliter amemus, illos à quibus liberamur à magno periculo, ex gratuito amore æquū est, ut illum amemus, de quo S. Joannes ait cum admiratione c. 3. v. 16. *Sic Deus dilexit mundum*, scilicet pater æt. dando filium suum Unigenitum, quem pie S. Aug. his verbis alloquitur c. 13. solil. *Perieram, abieram, in peccatis venundatus eram; Venisti pro me, ut redimeres me, & tantum me dilexisti, ut sanguinem tuum in precium dares pro me. Dilexisti me Domine plus quam te, quia mori voluisti pro me.* S. Aug. solil. c. 13. *Tam caro precio reduxisti me de exitio, redemisti me de servitio, retraxisti me de supplicio, vocasti me nomine tuo, signasti me sang. tuo* (qualia signa amoris) *ut memoriale tuum semper esset apud me & nunquam recederet à corde meo, qui pro me non recessit à cruce.* Nos omnes sic Deus dilexit; pro omnibus dedit Filium suum; & filius pro nobis omnibus venit in hunc mundum, propter me, pro te, propter vos omnes venit, ut redimeret nos; eramus miserrimi, sed venit. Tantum nos dilexit, applica reliqua d. p. Quid faciendo erimus grati? Et nos diligamus juxta reg. hodie à Christo D. præscriptam, toto corde &c.

S. 6.
Amamus
benefacto-
res. g.

3. Natura nos docet, ut amemus benefactores: & quomodo non Deum amamus, ex toto corde &c. S. Bern. de inter. domo c. 48. *Nullum est momentum, quo homo non fruatur aut utatur*

Dei

De pietate & misericordia. Nullū fluere deberet momētum, quo non, saltem habitualiter illum amemus. S. Th. in q. ad Rom. lect. 2. *Divitiæ bonitatis ejus, & misericordia, indeficiētes sunt.* talis esse deberet noster amor. Filius Dei, 2. Cor. 8. v. 9. *propter nos egenus factus est cum esset dives, ut illius inopia nos divites esse possemus.* Caj. legit. *Ut merito voluntarie paupertatis Christi nos ditesceremus divitiis spiritualibus.* In gratiarum actionē, requirit amorem ex toto corde. Dicere quemvis oportet cum S. Bern. in ps. *Fateor & fateor, nisi quia Dominus adjuvit me, paulo minus habitasset in inferno anima mea. Non sum ingratus, non sum oblitus. Misericordias Domini in æt. cantabo.* ait alius, *Deum tam misericordem tam liberalem in æternum amabo.* utamur verbis Christi ex hod. Eu. amabimus ex toto corde, ex tota anima &c. ad Col. 2. v. 17. ait S. Paulus: *Gratias agentes Deo & Patri, qui dignos nos fecit in partem sortis sanctorum, in lumine; qui eripuit nos de potestate tenebrarum, & transtulit in regnum filii dilectionis suæ. In partem sortis sanctorum, in notitiam sui.* Multa millia gentiliū, jacent in tenebris (fac hoc modo p. induc.) nihil dicam de hæreticis &c. Nos Deus dignos fecit, ut simus in vera religione &c. S. Greg. *Sancti viri quidquid in se aspiciunt accidentis gratia donum esse cognoscunt, eiq. de accepto munerum debitores fiunt, qui & præveniēdo dedit eis bonum velle, & subsequēdo dedit eis bonum posse. Non per electionem propriam, sed quia ipse Deus elegit nos.* Non est mea mens modo extollere magnitudinem & multitudinem beneficiorum Dei; moneo tantum ut illis fruendo obtineamus vitam æt. liberalissimum benefactorem diligere debemus ex toto corde &c.

4. Naturaliter amamus illos, qui, licet nos illis faciamus malè, tamen nobis omnem exhibent benevolentiam. Inter ^{§ 7. Amamus illos, qui erga nos sunt benevoli &} illos, qui alia judico ego hoc esse potentissimum motivum, ut Deum & Christum Salvator. nostrum ex toto corde amemus. Ex. 32. v. 7. ait Moyfi versanti in monte in oratione. *Vade, descende; peccavit populus tuus, quem eduxisti de terra Aegypti; recesserunt cito de via, quam ostendisti illis, fecerunt sibi vitulum &c.* Addit Dominus; *Dimitte me ut irascatur furor meus contra eos, & deleam eos.* Mox tamen Moyſes ardentissimis precibus Deum recon-

reconciliavit, & pœnam à populo avertit. Quod confiderans S. Cyrillus Hieros. Cathec. 2. dixit. *Etsi universus pop. peccet, non superabit divinam benignitatem, Vitulum populus fabricavit, sed non destitit Dominus Deus à benignitate. Negaverunt Deum homines, sed Deus se ipsum non negavit. Isti sunt Dii tui Israel, & tamen pro more suo Deus servavit illos.* Auditores amantissimi, verè talem habemus Deum, talem habemus Redemptorem. Licet graviter peccemus; licet nomen Domini blasphemetur &c. (est locus pro pulcra inventiva) non tamen superamus D. misericordiam. Sanguis scelerum nostrorum clamat in cœlos, clamat vindictam; sed sanguis Salvatoris fortius clamat indulgentiam: mirabiles nobis fabricamus vitulos. Vitulus aureus est luxuria &c. tales Deos adoramus; Deus tamen, Christus Salvator noster se non negant. Nos non desistimus peccare; Deus non desistit benefacere. Deus benignissimus, pro more suo, pro sua longanimitate servat gravissimos peccatores multis annis; O mortales; Nonne hunc Deum &c. ex toto corde super omnia amare & diligere nos oportet?

§. 8.
Quanta divini amoris erga nos exsuperantia.

Per 100. annos iratus Deus per Noë mundo fuerat minaturus diluvium: tam diu, quam diu vir justus laboravit in fabricatione arcæ: illa absoluta ait Dominus, Gen. 7. v. 4. *Adhuc enim, & post dies 7. ego pluam;* & cur adhuc concedit nova spatia temporis & pœnitentiæ? Respondet mihi D. Basilus. Seleuc. or. 5. *In tanta & tam justa ira, erat Deo amoris erga homines exsuperantia.* Inter tot & tanta hominum scelera, inter minas tamen opprimi non potuerunt divinus amor & divina misericordia. Jonæ dixit Dominus cap. 1. v. 2. *Surge & vade in Ninive, civitatem magnam, & prædica in ea, quia ascendit malitia ejus coram me. Adhuc 40. dies &c.* p. idem hic auctor orat. 12. *Suspicio equidem, comminationem in clementia matrem evasuram. Si punire vult, cur admonet periculi?* Novi Dei hominum amantissimi artes; iram simulat, studet eos ante exsolvere pœnas antequam experiantur. (Pre-me illa verba, Novi! Dei erga hominem &c.) Amat nos Deus; tolerat nos; vellet nos pœnitere, ut possit parcere.

O Bam-

O Bambergæ! Bambergæ! jam à biennio, quo longe à nobis incepit grassari sæva lues; toto illo tempore, quo paulatim ad nos serpit; adhuc tamen ad nos non appropinquavit; minatur tantum; spes est, adhuc per sept. aliquot forte per menses nos fore liberos. Cur expectat? ideo, in tanta & tam iusta ira, propter scelera nostra, tanta Deo est amoris erga nos exsuperantia! amat nos, expectat, ut convertamur ad pœnitentiam, ut non puniat. O Bambergæ! forte adhuc 40. dies, & in incolas sæva lues grassabitur. (potest fieri pulchra descriptio ab effectibus pestis) malitia tua ascendit coram Domino. Terreo q. vos his minis; sed suspicor, utinam fiat! comminationem fore clementiæ matrem; Videtur bonus Deus necdum velle punire quia nos admonet periculi. Novimus! experientia docet. Deus hominum amatissimus habet artes & suavissimas adinventiones; studet, ut convertamur, ut agamus pœnitentiam, ut illum amemus, ex toto corde &c. ut sic exsolvamus pœnas antequam experiamur.

Nota est momentanea latronis conversio, qui in cruce positus; cum festinaret ad mortem dixit Lucæ 23. v. 42. *Domine Christe memento mei.* cui Dominus, *Hodie &c.* Circa quæ p. D. Leo fer. 4. de pass. *Quis tanti muneris explicet sacramentum? Quis potentiam miræ commutationis exornet? Ex quo temporis puncto longorum scelerum reatus aboletur, inter luctantis animæ dira tormenta, hærens patibulo transit ad Christum, & cui propria impietas intulit pœnam, Christi gratia (& bonitas, & misericordia, & amor) dat coronam.* Talem hodie habemus Deum; talem Salvatorem. Quis infinitæ ejus misericordiæ explicet sacramenta? eo puncto temporis, quo etiam gravissimus peccator, abolet sua scelera, per pœnitentiam; etiam si fiat inter luctantis animæ dira tormenta in agone, dum adhuc tempus est; avertit pœnam, impertitur misericordiam, tribuit Paradisum. Audite cœli, testes estote Angeli, Deum meum, Christum meum ex hoc puncto temporis cupio diligere ex toto corde.

Ibi frequenter magis triumphat Dei misericordia, ubi magis offenditur. Cum Christus D. gloriosus ascendit ad cœlos, Alveus Tertius. Bbb qui

S. 9.

Digressio
ad Audito-
res.

S. 10.

Domine Christus D.
paratissi-
mus est; ut
pœnitentes
exaudiat.

S. 11.

Trium-
phans Dei

*miseri-
cor-
dia.*

qui non putasset dicturum apostolis, discedite ex maledicta ur-
be &c. p. locus. sed *præcepit illis ne ab Ierosolymis discederent.* Theo-
phyl. *Apud illos ipsos, qui eadem fecerant, qui crucifixerant, in ipsa ur-
be, in qua nefarium facinus committere ausierant*—ibi, & illis primis
volunt prædicari Evangelium, ut si vellent pœniterent. Gaude
Bamberga! licet ex incolis tuis sint, qui, &c. nihilominus non
desunt occasiones, ut convertamur. Modo Deum amemus, &c.
Plus saltem, quàm quamvis creaturam.


§. 12.
*Historia de
ardenti
amantis.*

Mirabilem hist. narrat S. Greg. Turon. l. 1. hist. fr. c. 47. In
Arvernina nobilissima Virgo nupta fuit juveni æquo, diviti, ac
nobili; ipsa die desponsationis, ex tristissima sponsa causâ roga-
vit tantæ afflictionis. Præ copia & abundantia lacrymarum atq;
singultuum respondere non potuit. Instat sponsus, amica mea,
per amorem Jesu rogo, dic cur ploras? ad quæ sponsa, dilecte mi,
plorabo Dies, & noctes, dum vixero, neque tamen meis lacry-
mis infelicitatem meam satis deplorare potero, & dolorem
cordis mei. A primis annis, statui me desponsare Christo meo,
sponso &c. heu, parentum & tuis: decepta blanditiis quid feci?
*Sponse mi: Horrent mihi terrena species, quia pro mundi vita trans-
fixas manus suspicio. Nec placent mihi diademata gemmis coruscan-
tia, cum illam spineam mente miror coronam. Respuo longe lateq; dis-
fusa spatia terra, quia amœnitatem concupisco Paradisi. Horrent
mihi tua solatia, cum memini Iesu mei, quem ardentius amo.* Protu-
lit Virgo talia, ut cor sponsi moverit ad lacrymas; inter quas ait,
sed dilecta mea: fruamur bonis mundi, &c. & tamen serviamus Deo
in malis. Sed ipsa: Nihil est mundus! nihil divitiæ: (pathetice)
sponse mi, omnia hæc finem habent &c. quæramus vitam sine
fine &c. amemus Jesum. Dedit sponsus victas manus; relicto
mundo &c. amarunt Deum super omnia; denique sancte mor-
tui &c. fac p. apostrophien ad audit.

§. 13.
Alia.

Luctanti alii Virgini, Utrum &c. apparuit Christus D. q.
plagis recentibus crucifixus, leni sermone illi dicens, *me diligas
qui suum formosus, bonus, dulcis, generosus.* Et cessavit lucta. Hoc
hodie est votum cordis mei. Deum dilexit patrem (fac p.
repetitionem Conc.) & sic de Christo D.

CON-



CONCIO XLI.

DOMINICA XIV. POST SS. TRINIT.

Occurrerunt ei decem viri leprosi.

Luc. 17. cap. v. 12.

SYNOPSIS CONCIONIS.

Agit de gratitudine, & ingratitude.

- | | |
|---|---|
| §. 1. <i>Multi Deo sunt ingrati.</i> | <i>beneficia.</i> |
| §. 2. <i>Deus exigit nostram gratitudinem.</i> | §. 7. <i>Cur tot millia satiata fuerint panibus.</i> |
| §. 3. <i>Prosecutio.</i> | §. 8. <i>Cur Iacob moriens benedixerit Ephraim, stantem ad latus sinistrum.</i> |
| §. 4. <i>Quare in arca V. T. assertum fuerit manna.</i> | §. 9. <i>Ingratitudo displicet Deo.</i> |
| §. 5. <i>Imitari debemus aviculas.</i> | |
| §. 6. <i>Gratitudo impetrat nova</i> | |

DE novem leprosis, qui mundati ad agendas gratias non redierunt, dicere possumus cum Jona cap. 2. v. 9. *Qui custodiunt vanitates frustra, misericordiam suam derelinquunt.* ^{§. 1. Multi Deo sunt ingrati.} Hæc verba ex textu hebraico sic exponit P. Corn. à Lap. *Qui custodiunt vanitates, non recordantur beneficiorum tanquam ingrati.* Versio Chaldaea sic habet, *qui, quo ex loco, illis conferatur beneficium, nesciunt.* Theophylactus ait: *Misericordiam à te consecuti, & liberati à calamitatibus, non celebrant, neque magnificant misericordiam, quam fecisti cum ipsis.* Tales omnino viri fuerunt novem leprosi, quibus Christus D. misericordiam,

diam, & magnum beneficium contulit, liberando illos à lepra erepti fuerunt ex magna calamitate; sed ingrati immemores fuerunt beneficii, neque cogitarunt, à quo beneficium accepissent; ex decem unus solus rediit, qui miraculum celebravit, & exhibitam misericordiam magnificavit. Forte hic alienigena dixit cum Jonac. 2. 10. *Ego autem in voce laudis immolabo tibi quaecunque voveris reddam pro salute Domino;* Pagninus, Vatablus. *Ipsa salus Domino* (laus & benedictio &c.) Theophyl. *Est ego servatus* (misericordiam meam non derelinquam) *tibi victimas & sacrificia adducam, cum gratiarum actione.* *Omnis virtus sancta est* (dixit Philo Jud. l. de plantat. Noë) *gratitudo vero sanctissima*, & Deo benefactori nostro acceptissima, quod concione hac fusius conabor ostendere. Primum punctum sit; proponit Deus oculis nostris beneficia, ut illa agnoscendo ipsi simus grati: quærit nostram gratitudinem.

9.2.
Dum exi-
git nostram
gratitudi-
nem.

In submersione Pharaonis & exercitus ejus sacer Historicus hanc quoque circumstantiam observavit Exod. c. 14. v. 31: *Et viderunt Aegyptios mortuos super litus maris, & manum magnam quam exerauerat Dominus contra eos.* Quid necesse fuit illos videre mortua cadavera? natantes inter maris fluctus Pharaonis currus & equos. Forte ante à longe audiverunt lamentabiles pereuntium ejulatus & lamenta. Elegans est responsio Oleastri, hic; *Ostendere solet Dominus Deus beneficia sua suis; ut cognoscant ea, & grati sint.* Hac etiam de causa ostendit eis mortuos Aegyptios, ut viderent à quibus eos liberaverit periculis. Cajetanus hanc habet rationem; *Objecit Deus Israelitarum oculis Aegyptios submersos-- ad recolenda Divina beneficia: par enim est, ut post accepta beneficia agnoscamus benefactorem.* Lippomannus advertit Deum in sacris literis frequentissimè gloriari, se esse creatorem nostrum; identidem fit mentio beneficii creationis, iterum, iterumque commendatur, & velut inculcatur, ut fiat homo, cui subsistentiam suam, & vivere acceptum referre debeat.

9.3.
Prospectio.

Mundatio leproforum nobis proponitur in hodierno
Evan-

Evangel. cum hac circumstantia, quod se debuerint ostendere sacerdoti. Quo clarius speculum nobis proponi potest sacramenti Pœnitentiæ, in quo per paucula verba sacerdotis vi & efficacia sanguis Christi mundamur à lepra peccati mortalis; & Quare hi leprosi mundati nobis ostenduntur; nisi ut memores simus, totum genus humanum fuisse leprosum; sed mundatum sanguine Christi; Quid inde? Vult Deus nobis ostendere hoc mare rubrum hoc balneum salutis; vult nos videre submersa peccata nostra &c. ut tantum benefactorem agnoscamus; & grati simus; ut videamus à quo è tantis periculis liberati simus. Dei beneficia identidem nobis inculcantur, ut sciamus, cui tanta dona naturæ & gratiæ debeamus.

In arca Deus voluit asservari urnam auream, plenam ^{§. 4.} manna, S. Thomæ hæc placuit causa. 1. 2. q. 102. art. 4. ad 6. ^{Quare in arca V. T. fuerit, aservatum manna.} Quia manna ex D. misericordia datum fuit populo. Ideo in memoriam divinæ misericordiæ conservabatur. Levitici 6. v. 12. præcepit Dominus. *Ignis in altari semper ardebit.* Philo. Jud. Merito, ut equidem arbitror, Nam quia perennes Dei gratiæ, nec deficiunt, nec intermittuntur, sed interdiu, noctuque fruendas se præbent nobis hominibus, gratiarum actionem hæc flamma figurat, semper instaurandam, ne quando extinguatur. Agar, puteum ostensum ab Angelo, appellavit puteum *Viveniis & videntis me*, & sic (ait Oleaster) non fuit immemor accepti beneficii, sed ut ejus recordaretur, puteo, nomen beneficii imposuit. Ecce quam velit Dominus sua beneficia nostra memoria commendari. Ex libro gen. scimus Abrahamum sæpius & pluribus locis crexisse altaria; causam advertit S. Joannes Chrysost. In singulis locis altaria candens, & Domino gratias agens; sciebat enim; quod nihil aliud requirat, ab humano genere Dominus universi, post innumera & ineffabilia munera sua, quàm animam gratiarum actioni studentem, & scientem habere gratiam pro iis, quæ jam accepit. Et h. 34. in gen. In singulis locis ubi tabernaculum fixit, invenies hoc: precibus ei cura fuisse ut instructo altari preces offerret.

§.5.
Imitari de-
bemus avi-
culu.

S. Ambrosius cum aures suas oblectasset suavi cantu cantantium avicularum, p. dixit, aves, propter vilissimas escas gratias agunt, tu preciosissimis epulis pascaris, & ingratus es? imitare ergo frater aves, mane & vespere creatori gratias referendo. Et si es devotior, imitare lusciniam, quæ & nocturna spatia pervigili cantilena decurrit. addit Procopius. *Nihil enim prius habere debet homo, gratiarum actione, qua ostendat, se non esse ingratum Deo.* S. Bern. in h. de cœna Domini, attende ut nulla Dei munera debita gratiarum actione frustrentur, non grandia, non mediocria, non modica: nec minima beneficia debemus oblivisci. Hoc Deus, nobis benefaciendo, intendit.

§ 6.
Gratitudo
impetrat
nova bene-
ficia.

Altera propositio Concionis sit hæc; Gratitudo, siue gratiarum actio impetrat nova beneficia. S. Paulus ad Coloss. 3. v. 14. *Super omnia autem hæc, caritatem habete-- & estote grati.* S. Chryl. hom. 26. in Matth. *Optima quippe beneficiorum custos, est ipsa memoria, & perpetua gratiarum confessio.* Infallibilis est connexio inter hæc duo; Perpetua gratiarum actio, ex parte nostræ; & perpetua beneficia ex parte Dei. S. Dion. Carth. *Grati estote Deo pro universis beneficiis ejus; qui enim gratias agit donis potioribus meretur impleri, juxta illud Matth. 25. v. 29. Omni habenti dabitur, id est, grato.* Lippomannus. Testari gratitudinem est opus acceptissimum Deo, & invitat Deum ad majorem liberalitatem: *quare qui ex fide obtulerunt primogenita.* (juxta mandatum Dei, Exodi 23.) *consecuti sunt, parvo sumptu magna beneficia.* S. Joannes Chrysof. h. 18. in gen. *Talis est Dominus noster, quando in primis, gratitudinem declaramus, largius nobis sua dona erogat.*

§.7.
Cur tot
millia sa-
tiata fue-
rint paucis
panibus.

Non sine mysterio ait S. Joannes c. 6. v. 11. *Accepit ergo Iesus panes, & cum gratias egisset, distribuit discumbentibus.* Nam tanta post gratiarum actionem secuta est ubertas benedictionis, [Franco Abbas] *ut de paucis panibus, tot millibus satiatis, fragmenta aqua superfuerant, duodecim cophinos exuberarent.* S. Alb. M. in parad. animæ c. 25. *Gratitudo aperit fontem divine bonitatis, vocem misericordie, flumen gratie: quanto enim major est gratitudo in anima, tanto sit habilior ad gratiam recipiendam, & tanto amplius largissimus*

mus Deus cogitur ad largiendum. Aliis verbis hoc idem eleganter proponit Theodorus Angranus hom. 2. de Nat. Solet autem uberior gratia illis obvenire, qui grato animo gratiam accipiunt; tantum enim plerumque donorum praestatur, quantum eorum est gratitudo, qui huiusmodi donis potiuntur. Quare cum de accepto dono, donatoris benignitatem, grata recordatione agnoscit, non modo pro accepto fecisti satis, Verum ad maiorem quoque beneficiorum elargitionem donatorum astrinxisti. & S. Bonav. Nihil est quod hominem reddat, ita dignum divinis muneribus, sicut, semper Deo gratias reddere, & agere pro acceptis beneficiis. S. Chrysost. h. 1. ad pop. Magnus thesaurus gratiarum actio! magna divitia! inconsumptum bonum! gratiarum actio, etiam pro parvis beneficiis à Deo collatis, [si tamen ullum parvum dici potest] ingentia bona conciliat. Sicut econtra [S. Bern. ser. de 7. misericord.] nihil ita displicet Deo, praferim in filiis gratia, quam ingratitude, Vias enim obstruit gratia, & ubi fuerit illa, jam gratia accessum non invenit, locum non habet.

Cum Joseph. gen. 48. cap. adverteret patrem suum Jacobum mori, ad ejus lectum adduxit duos suos filios, Manassem primo, & Ephraim secundo genitum ad perendam à moriente avo benedictionem. Manassem ideo Josephus statuit ad manum dexteram, ut hic primus acciperet benedictionem, deinde Ephraim ad latus sinistrum. Jacob nihilominus invertit benedictionem, v. 14. *Extendit enim manum dexteram super caput Ephraim, minoris fratris, sinistram autem super caput Manasse, qui major natus erat, commutans manus.* Adverterunt doctissimi aliqui Interpretes; manum dexteram esse symbolum divinae liberalitatis, in elargiendis gratiis & beneficiis, sinistram verò, minari maledictionem & poenas; ob quam etiam causam in die iudicii, Oves sive electi stabunt ad dexteram, haedi & reprobi ad sinistram. Sed quæ latet, vel quæ fuit causa, quod moriens Jacob juniore benedixit, non majori? ex significatione Nominum, illam advertere poterimus; Manasses idem est, quod *Oblitus vel Oblivio*. Ephraim verò sonat *memoriam, agnitionem*, sive gratitudinem! subinde Ephraim idem est quod, *Frugifer sive crescens*. Cum magno ergo mysterio Jacob manum dexte-

§. 8.

Cur Jacob
moriens
benedixe-
rit Ephra-
im, stan-
tem ad la-
tus sini-

ram imposuit capiti Ephraim, ad demonstrandum Deum Opt. Max. dexteram divinæ suæ liberalitatis extendere super illos, qui memores sunt beneficiorum, super gratos; hos esse frugiferos, hos crescere; his indies conferri nova beneficia; Ingrati vero, à Deo aliud non expectent, quam à sinistra D. Iustitiæ mille maledictiones. ps. 77. v. 11. *Obliti sunt benefactorum ejus & mirabilia ejus, quæ ostendit eis. - Non sunt recordati manus ejus, quæ redemit eos de manu tribulantis - & ideo tradidit in captivitatem virtutem eorum: & pulcritudinem eorum in manus inimici: hereditatem suam sprexit &c. abiecit à se populum ingratum.* S. Cyr. Alex. in c. 3. Osee. *Fratres mei beneficiorum Dei oblivio quam longissime repellatur à nobis; quoniam exitium parit, & Deum ea felicitatis nostræ auctorem, ad indignationem provocat.*

§. 9.
Ingratitudo
vero
displicet
Deo.

Sit hoc 3. Punctum. Ingratitudo displicet Deo: & proinde bene S. Bernardus ser. contra ingratos: *Fratres gratissimus Deo & Christo Iesu, ne contingat nobis, ut tanto gravius, de ingratitudine judicemur, quanto magis accumulatis beneficiis ingrati prolabimur extitisse.* Dixi superius Gratitude apertum fontem liberalitatis d. *Ingratitudo vero* (S. Bern. ser. 5. in Cant.) *est ventus urens, siccans sibi fontem pietatis, rorem misericordiae, fluentia gratia &c.* S. Bonavent. in medit. super verba Christi in cruce. præcipue illa, *Deus meus, &c.* p. ait: *Magnam patiebatur noster Iesus exterius amaritudinem, sed longe plus cruciabatur interius, propter nostram ingratitudinem: quo tendere videtur pia querela Christi crucifixi, sive ejus apostrophe ad peccatorem; à S. Antonino & S. Bernardo subscripta imaginibus Christi pendentis è cruce: Vide homo quæ pro te patior: ad te clamabo, qui pro te morior! Vide plagas, quibus afficior, Vide clavos, quibus confodior; Et cum sit tantus dolor exterior: Et interior, plus tamen crucior, Quod te tam ingratum experior.*



CONCIO XLII.

DOMINICA XV. POST SS. TRINIT.

Scit enim Pater vester, quia his omnibus indigetis.

Matt. 6 .cap. v. 32.

SYNOPSIS CONCIONIS.

Divina Providentia falli non potest.

- | | |
|--|--|
| <p>§.1. Christus D. per voculam, Pa-
ter, vult in nobis excitare ma-
gnam fiduciam.</p> <p>§.2. D. Providentiam falli non
posse, ostenditur exemplo Iaco-
bi, qui fratri praecepit bene-
dictionem.</p> <p>§.3. Testimonia SS. PP. supra hanc
historiam.</p> <p>§.4. S. Gregorius M. hanc veri-
tatem probat ex historia Iose-
phi, qui à renitentibus fratri-
bus fuit adoratus, quia id pla-</p> | <p>cuit Domino.</p> <p>§.5. Deo volente David vicit Go-
liath.</p> <p>§.6. Et Dei nutu, factus est Rex
Israel.</p> <p>§.7. De Holoferne & Amano.</p> <p>§.8. De Iona.</p> <p>§.9. Quid proinde nobis agen-
dum sit, ut in omnibus nos sub-
jiciamus D. Voluntati.</p> <p>§.10. Fructus hujus subjectionis.</p> <p>§.11. Epilogus ex dicto Livii.</p> |
|--|--|

Suavis vocula Pater affectuosum mihi suggerit exordi-
um. Nam acute super hoc meum thema observavit
S. Joannes Chrysost. Non dixit Christus D. scit Deus, sed scit
Pater vester, ut eos in maiorem spem ducat. Si enim pater est,
non potest, despicere filios, cum nec homines patres hoc sustineant; &
Alveus Tertius. Ccc

§.1.
Christus D.
per vocu-
lam Pater,
vult in no-
bis excitare
magnam
fiduciam;
quali.

qualiter pater est, qui sustinet, etiam necessaria filiis non dare. quomodo pater cœlestis vos deferet. S. Petr. Chrys. ser. 2. Vrgentur viscera patri, cum videt filii necessitatē. patet in hist. de filio prodigo &c. Card. Cajetanus æquē tenere locutus fuit de hac vocula, pater. Magna dignitas est--habere patrem in cœlo; recurrere enim jubemur ad Deum, non ut servi ad Dominum, sed ut filii ad patrem, filiali affectu, filiali fiducia, imo securitate. super cap. 8. ad Rom. addit ut clamemus ad hunc patrem, magnitudine affectus, quod est proprium vere filiorum: ut ex hoc quod clamamus, (hoc est affectu magno profiteamur) in Spiritu S. Pater; Pater! signum habere cognoscamus internum, quod accepimus Spiritum adoptionis. Nam si non esset in nobis adoptionis spiritus, non inspiraret nobis, tam confidenter appellare Deum Patrem. Et geminatur patris nomen ad significandum firmitatem, ac certitudinem fiducia. Quæ si in nobis sit, libenter & cum gaudio abjiciemus curam superfluum & præcipuè, timidam, turbatam, inordinatam, præcipuè illam, quæ versatur circa sustentationem corporis, & quoscunque alios casus. Quantumvis enim laboremus, quantumcunque simus solliciti, quanta etiam sit nostra prudentia; tamen fiet infallibiliter quod D. ordinavit providentia. Hæc maximum est fundamentum excellentissimarum virtutum, ut nos subijciamus D. voluntati, ut &c. spero proinde fore vobis gratissimum, si illud fufius hac Conc. vobis declarem.

§. 2.
D. Providentiam
falli non
posse, ostendit
exemplo
Iacobi, qui
fratri
præcipuit
benedicere.

Providentia Dei certa est & infallibilis, non est qui resistat voluntati eius, nec qui ejus ordinem dispositionem possit immutare. Id quod aud. mei intelligent ex pulcerrimis historiis, non profanis, sed haustis ex dulcissimo fonte sacrarum literarum. præludo tantum uno aut altero versu ex eodem fonte; pl. 134. v. 6. *omnia quacunque voluit Dominus fecit in cœlo, & in terra, in mari & in omnibus abyssis.* S. Bern. *In his omnibus voluntas Dei sine dubitatione completur.* Il. 46. v. 10. *Consilium meum stabit, & omnis voluntas mea fiet.* Rom. 9. v. 19. *Voluntati enim ejus, quis resistet?* Prov. 21. *non est sapientia, non est prudentia, non est consilium contra Dominum.* Isaac Patriarcha duos habuit filios, Elau & Jacob.

Jacob. Illum amabat tenerrimè, tanquam primogenitum; & hæredem omnium bonorum, Jacobum cogitabat fore ipsi servum: sed Deo volente, ipse Isaac occasionem dedit, ut contingerit plane contrarium. Jubet Esau exire foras in campos ad venationem, & (vide rextum.) audit omnia hæc Rebecca conjux, quæ magis diligebat Jacob, invigilabatque ut hic fratri majori præriperet benedictionem; in quem finem illum mittit ad gregem, jubet afferre hædum, coquit, & ad parentem mittit filium, optime instructum, quid diceret, quid ageret &c. O Rebecca prudentissima quid agis; an nescis benedictionem à patre promissam esse filio majori? qui astutus est, & homo truculentus? an nescis, affectum patris, ætatem, &c. omnia favere Esau foreque ob omnia hæc valde difficile, ut Jacob obtineat benedictionem. Audire mihi videor respondentem Rebeccam; sic est, sed pro filio meo Jacob stat Providentia Dei, quem scio dixisse, (Genesis 25.v.23.) *Major serviet minori.* Et hoc fiet; meum est, ut necessaria adhibeam remedia, quibus id efficiam, idem Deus me vult esse iustrumentum.

Jucundum fortassis erit pulcerrima verba Lippomanni in c.27.Gen. *Religiosa & prudens Rebecca, Jacob magis amabat, cui audierat subjiciendum ipsum Esau. Dei consilium didicerat; unde promoveri volebat, quod necessario futurum erat, Dei ordinatione.* <sup>§.3. Testimo-
nia PP. su-
pra hanc
hist.</sup> *Obedientia Esau, diligentia, opus, patris consilium, & ipse cæli influxus circa genituram, omnia hæc promotionē Jacob impedire non potuerunt. Ut pateat verissimū esse illud dictum, Contra Dei providentiam nihil proficitur. Cogitationes mortalium timida, & incerta providentia nostra.* ait Sap.c.9.v.14. talis fuit providentia Isaac erga Esau; deceptus fuit pater & filius Esau; mater & filius Jacob, obtinuerunt intentum, quia pro ipsis stabat voluntas altissimi. Ut dicere possimus, cum S. Joanne Chrysost. hom.1. de Prov. *Mirabile hoc est: sed verissimum: quæ enim sunt à Deo cum diversa videantur, & disjunctissima, uno tamen concordig, sine sibi invicem consentiunt.* Si nos audivissimus Isaacum dicentem ad Esau; *vade fili ad venationem, si aliquid capias redi, & para mihi cibum, ut comedam, & benedicam tibi;* si vidissemus Esau discurrentem

rentem per sylvas, capientem feram, mox reducem; parantem cibum, inferentem Patri (fiat p. descr.) cogitasset, hîc accipiet benedictionem. De Jacob, dixissemus, licet currat ad gregem, licet adferat hædum, licet Rebecca valde sit sollicita (p. descriptio) dixissemus, frustra agit; fortassis pro bened. in caput suum arcesset maledictionem; *sed mirabile hoc est*, (repete p. superiora) hom. 54. in acta. *Hoc enim mirabile est, quod non per ea quæ videntur securitatis esse, sed plane per contraria, omnia pro nobis fiunt.*

§. 4.
S. Grego-
rius hanc
veritatem
probat ex
historia Jo-
sephi; à re-
nitenti-
bus fratri-
bus suis
adoratus
quia id
placuerat
Domino.

Ex mente S. Greg. M. l. 6. mor. c. 12. subinde aliqui putant se humana industria prudentia & ingenio, velle q. cogere cœlum, ut fiat quod volunt. *Sed etiam inde voluntatem Dei peragunt, unde hanc immutare contendunt: atque omnipotentis consilio, dum resistere nituntur, obsequuntur: quia sape & hoc ejus dispositioni apte militat, quod ei per humanum studium frivole resultat. Sapientes g. Dominus in ipsa eorum astutia comprehendit, quando ejus consiliis humana facta etiam tunc congrue serviunt, cum resistunt.* Probat hoc dictum vir sanctus hac historia; somniarat Joseph se adorari ab 11. manipulis, & sole, luna, stellis; revelavit illi Deus his visionibus, fore illum Dominum fratrum; iisdem dum talia somnia retulit, ingens contra se excitavit odium, ut mortem illi fuerint machinati; Gen. 37. v. 19. *Ecce som. venit, venite occidamus eum &c. & tunc apparebit, quid illi prosint somnia sua.* Misericordia tandem moti, vendiderunt illum Ægyptiis. Quid contigit? Venit Josephus in Æg. servivit Domino suo fideliter & caste; innocens tamen projicitur in carcerem; mox inde eductus ob admirabile donū Prophetiæ constituitur præses totius Ægypti. Fames cogit fratres eo venire ad petendum frumenta; inscii adorant Josephum. *Nunquid hoc est mirabile? Ideo à fratribus venditus fuerat Joseph, ne adoraretur; sed ideo adoratus, quia venditus.* Sic divinum consilium, dum devitatur, impletur: sic humana sapientia, dum reluctatur comprehenditur. *Timuerunt fratres, ne Joseph super eos excreset; sed hoc, quod divinitus dispositum fuerat, cavendo factum est ut eveniret: Deus voluit Josephum exaltari, adorari; hoc fieri debuit, ut ipse ait non venturum &c.*

Totum

Totum exercitum Israelis sub Saule, terruit unus Goliath. Statuerat Dominus illum prosternere per David; & contigit, quantumvis fratres restiterunt; appellando puerum, curiosum, &c. Non dubito risisse plurimos milites, cum viderunt Davidem cum baculo exire ad prælium contra talem heroëm, qui erat terror totius exercitus; forte aliqui ex compassione cogitarunt, O puer! O David! quo vadis? non times te dilacerandum instar bestię. Sed p. ait S. Chrysost. in ps. 50. *Nutu Dei processit pastor ad pugnam. Et qui bello fuerant assueti, pavore tremebant; & iste qui arboribus, & umbra frondium delectabatur, cum vidisset alienigenam, irruit. Per Davidem juvenem prosterni debuit Goliath, jactu lapilli, ut triumphalis victoria laus, soli divina potentia, & non humanis viribus adscriberetur.* ait S. Petrus Dam. ser. de S. Andrea.

S. S.
Deo volente
David
vicit Goliathum.

Placitum præterea fuit Domino, ut David fieret Rex Israelis. Restitit Saul; modis omnibus fuit conatus id impedire; variis locis, temporibus diversis illum quærendo ad necem. 1. Reg. 18. v. 25. Porro Saul cogitabat tradere David in manus Philistinorum. Sed hæc fuit mirabile! Davidi [S. Chrys. hom. 46. in gen.] *Maxima securitas, & inexpugnabilis murus fuit gratia, & providentia Dei; videte! quomodo David de loco in locum transiens, & quasi erraticus vagans, manu superna munitus fuerit: Saul autem, cum esset in mediis civitatibus, & tantum secum duceret exercitum; & satellites habens, & armigeros, quotidie timebat, & tremebat inimicorum insidias. Donec miserabili fato occubuit in prælio, & Davidi contra suam voluntatem, contra sua consilia, sed volente Deo solum Israelis reliquit; Non est consilium, non est prudentia contra Domini voluntatem. S. Greg. Saul superna providentia in sapientia sua est consilio deprehensus, quia unde succrescentis militis vitam extinguere credidit, virtutis ejus gloriam inde cumulavit. v. 30. cit. cap. Et celebre factum est nomen eius nimis. Sic omnia solet Deus disponere ut humana astutia, ut politica hujus mundi, contra suam intentionem [Rupertus Ab. lib. 2. de vict. verb. c. 15.] semper bonum Dei circa electos, dum impedire nititur, magis expediat & adjuvet.*

S. 6.
Et Dei
in, factum
est Rex
Israel.

§ 7.
De Holo-
ferne &
Amano.

Nescio an non huc colliment verba S. Petri Chrysologi ser.
157. *Hostem proprio mucrone turbare, singulare est insigne virtutis--*
& *dispositio Providentia divina.* Intentio Goliathi fuit, suo ense
amputare caput Davidis, Deo placuit contrarium, & hoc fa-
ctum est; illo mucrone animosus juvenis præscidit barbarum
caput; Hoc idem petiit generosa Juditha à Domino, Judith. 9.
v. 12. *Fac Domine, ut gladio proprio ejus superbia amputetur.* Dion.
Carth. sic legit. *Superbum caput Holofernis amputetur manu mea*
ipsius mucrone. Quod Judith petiit, ab æterno sic ordinatum
fuerat à D. Providentia, & factum est. Nulla Holofernis po-
tentia illud impedire potuit. Amani intentio in aula Assveri
fuit, perdere Mardocheum. Dei voluntas fuit, hunc honora-
ri, illum deprimi, & factum est. Modo admirabili! Aman cu-
raverat erigi patibulum, ut de illo suspenderetur Mardocheus:
hoc Deus noluit; hoc D. Providentia non ordinavit; proinde
etiam non contigit. Sed cum dicitur Assvero Esther c. 7. v. 9.
Ex lignum quod paraverat Mardocheo, stat in domo Aman, & dixit
Rex; Appendite eum in eo. *Suspensus est itaque Aman in patibulo,*
quod paraverat Mardocheo. hæc fuit tragœdia, quam providen-
tia divina disposuit ab æterno; & in tempore, in aula tanti Re-
gis, ludi debuit. Non, non est; Mi Aman, consilium &c. S. Isi-
dorus Pel. l. 4. ep. 23. *Nec non fieri potest, ut effugiat sceleratus di-*
vinam animadversionem. *Hæc non eorum animos fallens qui ipsam*
fallere conabantur, efficit, ut volentes eam declinare, in suamet ipso-
rum retia, per ea, quæ moliuntur, incidant. Applica Amano.

§ 9.
De Iona.

Et Jonas ausus fuit resistere divinæ voluntati; noluit ire in
Niniven, quod illi imperaverat Dominus: itaq; ascendit mare
illa intentione, ut longissime, discederet ab illa urbe. Sed, ob
exortam tempestatem, projicitur in mare, devoratur à ceto:
&, quod est mirabile! *illuc gestante bellua pervenit, (S. Greg.) quo*
ire sponte contempsit, & quia auctori suo obedire renititur, ad locum;
quo missus fuerat, suo reus carcere portatur: donec--jubente Deo,
bellua Prophetam vomuit, & reddidit littori. S. Th. de V. N. ser.
fer. 4. Dom. i. quad. *Fugit ne iret, & quia fugit, citius ivit. Me-*
diū quod assumpsit, ut Domini beneplacitum impediret factum est
medi-


medium, ut impleret. Vade mi Jonas; puto te didicisse, non esse consilium &c. S. J. Chrysof. hom. 51. in gen. Vide quomodo varia sint via sapientiae Dei, & quomodo omnia juxta voluntatem suam faciat, & in invisi viam inveniat, per illa ipsa, quae maxime adversa videntur &c.. Plena est sacra scriptura hujusmodi historiis.

• Ex quibus cum S. Gregorio sic concludamus. *Restat ergo, § 9. Quid proinde nobis agendum sit, ut in omnibus subiciamus nos d. voluntati.*
in cunctis, quae agimus, vim supernae voluntatis inquiramus; cui videlicet cognita, debet nostra actio devote famulari, & quasi ducem sui itineris prosequi, ne ei etiam nolens serviat, si hanc superbiens declinat. Et solemur nos dicto S. Augustini, postquam enim agnovisset, in qua vixisset servitute & tyrannide peccatorum atque diaboli, dixit; *Manus enim tuae, Deus meus, in abdito providentiae tuae, non deferebant animam meam; Tu illud egisti Deus meus.* Vere sic est: habet D. Providentia suas abyssos, abdita & abscondita, quae nos perscrutari non possumus; sed in illis, manu forti, potenti, suavi nos dirigit; hoc restat, ut nos in cunctis &c..

S. Chrysof. hom. 14. in gen. *Si vobis cura fuerint divina, (si § 10. Frustrum huius ius subiectionis.*
 Deo vos subijciatis) & ipse quoque Deus pro nobis sollicitus erit, ut magna securitate per pelagus hujus vitae navigemus. Et tanto nobis erit melius (Oleaster) quanto fuerimus magis ad oculos Domini suspensi. Cant. 2. v. 5. applaudit sibi sponsa de suo amore erga sponsum, qui amor tam vehemens fuit, ut suspiraret; *pascite me floribus, stipate me malis, quia amore langueo.* alii legunt, *quia vulnerata caritate ego sum*) amo sponsum meum ex toto corde; & dilectus meus mihi id est, volo quod ipse vult &c. statimq; subdit, *Lavae jus sub capite meo & dextera illius amplexabitur me:* in quib. amplexibus secunda quiesco; haec manus me dirigunt suaviter fortis dextera sponsi mei me defendit fortes: liberales illius manus non permittunt me inopem. Orig. tam ingentia haec bona inde consecuta est sponsa, quia vulnerata caritate, & amore Dei erat. Hoc agite; animae pia; Jesum amate, illum diligite, illi adhaerete &c. & ne sitis solliciti, omnia necessaria adjicientur vobis. Si enim Dominus volatilia & corvos non deserit, quomodo nos derelinquere poterit; ipsum jugiter in mente habentes, eumque assidue orantes.

§.11.
Epilogus
ex quodam
disso Livii.

Finis hujus concionis sit dictum Titi Livii l. 5. *Omnia prospera eveniunt sequentibus Deos, adversa autem spernentibus.* Verissimum hoc est in hominibus Christianis, qui Deum sequuntur, qui illi adherent &c. potest fieri p.ep.



CONCIO XLIII.

DOMINICA XVI. POST SS. TRINIT.

Ecce defunctus efferebatur, filius unicus matris sue.

Luc. 7. cap. v. 12.

SYNOPSIS CONCIONIS.

MEmoria mortis est utilissima.

§. 1. *Adolescens in feretro elatus, defunctus ad populum loquitur.*

§. 2. *Qui memor est mortis, facile contemnit terrena.*

§. 3. *Quare Aegyptii non repetierint aurum & argentum, à ludais abeuntibus ex Aegypto.*

§. 4. *S. Paulus memor mortis, omnia arbitratus est, ut stercorea.*

§. 5. *Monitum S. Bernardi ad Eu-*

genium Papam.

§. 6. *Quare aliqui se diligenter praparent ad mortem.*

§. 7. *Prosecutio, à contrario, immemores Lethi miserè moriuntur.*

§. 8. *Quod declaratur simili.*

§. 9. *Qui mortem frequenter & pie meditantur, cum moriendum est, cum gaudio moriuntur.*

§.1.
Adolescens
in feretro
elatus ad



Miseri mortales! quantum pro cupiditate hujus saculi discurretis? quid superbitis? quid luxuria infelicia ossa subjacitis? S. Aug. ser. 66. ad fr. in ex. ait, talia clamare defunctos

functos ad viventes ex suis sepulcris; *Attendite*, pergit S. Aug. ^{popul. de-} *& intelligite, & considerate arida ossa mortuorum.* ^{functus lo-} *Hoc, quod vos* ^{quitur.} *estis, illi fuerunt, & quod jam sunt; esca vermium, pulvis, cinis, vos eritis!* De Abele primo mortuo in hoc mundo, ait S. Paulus ad Hebr. ii. v. 4. *Defunctus adhuc loquitur.* Post Abelem mortui sunt tot Patriarchæ; defuncti adhuc loquuntur. Mortui sunt hætenus tot potentissimi Monarchæ hujus mundi &c. defuncti adhuc loquuntur &c. Fœminæ formosissimæ, quas celebrat S. Script. Rebecca, Judithæ, Racheles; mortuæ sunt: defunctæ adhuc loquuntur. In pompa funebri, quam describit textus hod. Eu. ad sepulcrum offertur filius unicus matris suæ, juvenis, in florida ætate. Defunctus nobis loquitur; scilicet, statutum esse omnibus hominibus semel mori. Morte nihil certius! Brevis concio! sed *cogitanti illam vilescunt omnia.* quod lemma invenio inter Emblemata inscriptum supra calvariam; cujus aspectus, vanitatis hujus mundi, & brevitatis humanæ vitæ nos admonet: *ne cor apponamus rebus perituris, ne adhæreamus eis nimia delectatione*, Zeno ser. de pudic. *Non habet concupiscentia locum, ubi mors timetur.* præter innumeros alios fructus, quæ ex hac radice, quæ vocatur, memoria mortis, progerminant, aliquos præsens concio vobis proponet.

S. Ambrosius ser. in ob. Theodosii, piissimum hunc Imperatorē summis extollit laudibus quod se abdicarit imperio, illi- ^{S. S.} usque gubernationem diu ante mortem filiis commiserit. ^{Qui mem-} *Nil* ^{or est mor-} *gloriosius exitus tanti Principis habuit, qui omnia jam filiis tradidis-* ^{facile con-} *set, regnum, potestatem, nomen Augusti: nihil inquam, in illo specio-* ^{temuit cor-} *sus.* ^{rena.} Insinuat autem S. Ambrosius fecisse hoc Theodosium cum incepit meditari mortem. *Cogitanti mortem vilescunt omnia.* Gloriosissimum factum Caroli V. augustissimi Imperatoris fuit, quod biennio ante mortem Romanum imperium in fratrem Ferd. Regna vero Hisp. in filium Philippum transtulerit; scio varias rationes, ob quas Politici putant illum hoc fecisse; præcipuam refert vita in Medicum, qui Imperatorem candide monuit, probabiliter non restare illi longum tempus vitæ; quod ut credidit, accedente morte suæ matris, à qua quasi

sensit se vocari ad alteram vitam, ad aternitatem, statim serio de abdicatione imperiorum, non tantum cogitavit, sed quod dudum cogitaverat, dedit executioni; Hoc potest memoria mortis, ut etiam regibus vilescant omnia; & hoc est summum Dei beneficium, *ut memorem faciat hominem* (Rupertus Abb.) *sua conditionis, ut humiliatus corrigi possit & salvari.* Hominis salus aterna frequentissime pendet à memoria mortis.

S. 3.
quare Ægyptii non repetierunt auream & arg. suppellectilem à Iudeis, cum exiverunt ex Ægypto.

Quoties lego in capite 33.v.4. Numer. Profectos fuisse filios Israel ex Ægypto in manu excelsa palam; miror Ægyptios non repetiisse prius aurum & argentum, quod illis concesserunt, videntur plane non fuisse solliciti, de recipiendo mutuo; videtur inter illos. fuisse quædam oblivio thesaurorum. cessat mea admiratio, cum considero verba illa sacri textus v.4. *Profecti sunt quidem videntibus illis, sed, sepelientibus mortuos primogenitos.* Versabatur Ægyptiis funestum spectaculum tot mortuorum ante oculos una nocte, & ideo, Abulensis q.2. tanto illorum dolore, & sui timore Ægyptii tenebantur, *ut viderent Iudeos cum vasis auri & argenti, & vestibus recedentes, & tenere non curarent; sed potius ipsi eos ad velociter fugiendum incitarent dicentes; omnes morimur.* Cogitanti serio mortem, non occurrunt sollicitæ cogitationes de divitiis, sed ait cum illo gentili Philosopho, qui dicere solebat, *Morituro satis.* Hoc quoque fuit consilium Epicteti in Enchiridi. c.28. *Mors & exilium, & omnia quæ in malis versantur, ob oculos tibi quotidie versentur: omnium vero maxime mors.* Sic nihil unquam humile cogitabis, nec impense cupies, quicquam.

S. 4.
S. Paulus: memor mortis omnia abiciamus est, ut sermone.

Hoc expertus fuit S. Paulus. i. Cor. 15. 31. ait: *Quotidie morior:* quomodo Apostolus hoc potuit dicere, cum ad Hebr. c. 9.v.27. dicat, *statutum est hominibus semel mori.* dubio & quæstioni respondet S. Ambrosius orat. de fide resur. non fuisse priori loco locutum S. Paulum, de morte actuali, sive reali separatione corporis ab anima; sed de illis sanctis cogitationibus, quibus homo amans suæ salutis frequenter cogitat se moriturum *Quotidie morior, dicit Apostolus; melius quam illi, qui meditationem mortis, Philosophiam dixerunt; illi enim studium prædicarunt, hic ipsum*

ipsum mortis usum exercuit, qui mente sua se quotidie moriturum cogitabat. Effectum hujus exercitii mox subdit; ideo, *Omnia arbitror ut stercora, ut Christum lucifaciam; & mihi mundus crucifixus est, & ego mundo.* Iterum, quia morituus sum, quia mundum debebo deferere & pompam ejus, & div. &c. *absit mihi in illis gloriari; sed gloriabor in sola cruce D.N. Iesu Christi;* has & similes cogitationes suggessit S. Paulo memoria mortis. Monet S. Ambr. ut *& in nobis, sit quidam quotidianus usus moriendi.* & similiter nobis omnia vilescant. S. Hier. ad Paulinum. *Facile contemnit omnia qui semper cogitat, se esse moriturum.* Sed Deo debemus adscribere, & Spiritui S. si tales cogitationes nobis suggerat &c. Ut salvi fiamus.

Aurea documenta dedit S. Bernardus Papæ Eugenio III. § 5.
Monitum
S. Bernardi
ad Eug. Pa-
pam.
ep. 137. *In omnibus operibus tuis memento te hominem esse; & timor illius, qui aufert spiritum Principum semper sit ante oculos tuos.* *Quantorum in brevi Romanorum Pontificum mortes tuis oculis conspexisti: ipsi te praedecessores tui, tua & citissima decessione admonent & modicum tempus dominationis eorum, paucitatem dierum nuntiat tibi: lugiproinde meditatione, inter hujus transeuntis gloriae blandimenta, memorare novissima tua; quibus successisti in sedem, ipsos sine dubio sequeris ad mortem.* Tales cogitationes scilicet etiam principibus auferunt spiritum superbiae; jugis meditatio mortis extinguit flammam concupiscentiae &c. S. Godefridus (ut vita ejus refert,) quotidie sic agebat, quemadmodum in exequiis mortuorum membra componi solent, manus & brachia sua componebat dicens: *O si veniat hora illa nostri transitus! O si ad hanc horam aptare, & preparare me possem, Domine Deus meus!* His cogitationibus munitus sanctissime vixit.

Jugem meditationem mortis, & ejus fructum his verbis proponit Ecclesiasticus c. 41. v. 5. *Noli metueri judicium mortis.* § 6.
Quare aliqui diligenter se
preparant
ad mortem.
Verba obscura sic explicat Lyranus. *Noli metueri judicium mortis, id est, ponas te in tali statu, ut judicium mortis sit tibi in bonum.* Quod verò multi magna cura & diligentia continentur, se ponere in tali statu, ideo fit, quia memores sunt se morituros. Miramur singulis mensibus tantam devotionem sodalium in congr.

Agoniæ magno nobis solatio est, ipsorum fervor in orando; gaudemus de frequenti sacramentorum usu, de tam tenera devotione erga Christi D. passionem, mortem & sanctissima Vulnera &c. Omnium horum fructuum radix est, memoria mortis; cujus iudicium non metuunt, quia ita vivunt, ut ejusdem iudicium sit eis in bonum. Econtra multi, *de hora mortis nihil cogitantes, & multa secum statuentes ad crastinum non perveniunt,* (S. Ephrem. Syrus) *sed subito rapiuntur, sicut passercoli ab accipitre, & velut agni à lupo, & captivi à latrone, nec loqui prorsus valentes, nec vocem ullam edere.* Et repente, momento, hora qua minime putarunt, iudicium mortis est illis in malum. quod non contigisset si illam timuissent. S. Augustinus, l. de spiritu & anima. *Mors ubique te expectat, & tu si sapiens fueris ubique eam expectabis.* Sed ob quam rationem homini est absconditus dies mortis? quærit S. Chrysost. *Videlicet ut semper benefaciat, ut Deum timeat, ut fugiat peccatum, ut vigilet, -- semper timens mortem.* Memoria mortis facit nos vivere sobrie, piè, juste, & caste. S. Chryl. *Nos esse vult Dominus paratos, proptereaq; posuit incertum exitum nostrum, ut continuo vigilemus & pugnemus.*

7.
Prosecutio;
à contrario
immemo-
res lehi
miserere me-
runtur.

Aliam utilitatem memoriæ mortis proponit nobis S. Bern. ser. 5. in Vig. Nat. *In pasceve passus est Christus D. id est, in die preparationis: merito dicitur, sanctificamini hodie & estote parati, iis si quidem prodest Christi mors & passio, qui mortem propriam prævidentes (exemplo Christi) & prævidentes ad illam preparantur, ne inopinatos intercipiat mors.* itaq; memoria, prævisio, timor mortis, secum trahit diligentem præparationem ad mortem. proinde S. Aug. l. de van. sæc. c. 9.) *Illam horam fratres modo timete, ne non timeatis: illam nunc præcavete, ut tunc securi esse possitis.* S. Eusebius. hom. 2. de Epiph. *Per salutiferas ingredimur vias, quando anima damnatis voluptatibus, id potius cogitat, quādo sit positura tabernaculum sui corporis.* Alb. M. *Quicumq; mortis suæ efficaciter recordantur, student esse patientes, continentes, obediētes &c. & certe tales dignos se efficiunt, ut ad Christi nuptias introire mereantur.* Multoties verò contingit contrarium, ut qui diem suum ultimum putant abesse longissime; qui cogitant restare sibi longum

gum

guni spatium vivendi, ut illi repentina obruti morte, æterna mala inveniant, quæ vitare jam nequeunt. De quo pie questus fuit S. Hier. ep. ad Cyprianum. *Nihil ita decipit humanum genus, quam quod dum ignorant spatia vite sue, longiorem sibi sæculi huius possessionem repromittunt, cū illo divite, anima mea habes bona multa in annos plurimos, & dictum illi fuit, stulte hac nocte repetent à te animam tuam.* De tali morte sine dubio bene dixit Eccles. c. 41. v. 1. *O mors quàm amara est memoria tua, homini pacem habenti in substantiis suis.* Glossa. Nec mirum si mors est amara tali, quia de paradiso suo terrestri, vadit ad infernum. Luc. 16. v. 22. *Mortuus est dives, & sepultus est in inferno.*

Pulcrum est simile, quo utitur Hugo Card. super illa verba Jobi, precisa est velut à texente vita mea. *Vita nostra quasi tela est; Hanc telam orditur homo longam in animo suo: sed Dominus præsindit eam quando placet. Et hoc est quod valde timere debet homo procrastinans, ne cum orditur, id est, cum disponit se diu victurum, Dominus præsindat in momento.* §. 2. Quod declarat simili.

Denique, frequens & pia memoria mortis hoc efficit, ut cum illa adest, nō timeatur, qui didicerunt bene mori, moriuntur libenter imò cum gaudio. *Moriuntur quidem* (ait S. Chrysost. hom. 59. ad pop. etiam pii) *quia non sunt immortales corpore, sed morientes nesciunt mortem.* Suprema verba S. Antonii Archiep. Florentini, fuerunt, *servire Deo, regnare est. Et amplexus crucifixi imaginem, mortem latus aspexit.* B. Reginaldus Ord. S. Dominici in agone ausus fuit dicere, *Ego luctam istam non timeo, sed cum gaudio expecto.* S. Symphorosa dixit filiis suis in gravissimis tormentis, *Felicissima eris vita vestra, si felicissima pro Christo morte coronetur.* Tali morte plerumque coronantur, imo semper, qui agendo & patiēdo fortia, ad mortem se disponunt. Vox suaviter morientis fuit Dominae Teclæ, Matronæ nobilis, cum in Japonia, pro Christo cum filiis mori debuit; *Nati, sumus tandem morituri; sed in æternum victuri moriemur.* §. 3. Qui mortem frequenter & pie meditantur, cum moriendum est, cum gaudio moriuntur.



CONCIO XLIV.

DOMINICA XVII. POST SS. TRINIT.

Et ipsi observabant eum.

Luc. 14. cap. v. 1.

SYNOPSIS CONCIONIS.

Quomodo hodie multi imitentur summam malitiam Phariseorum, qui observarunt Christum.

- | | |
|--|---|
| §. 1. <i>Christus D. suos obrectatores non fugit, imo dilexit.</i> | §. 8. <i>Item serpens in paradiso; rana Aegyptiaca &c.</i> |
| §. 2. <i>Solest pulcerrimus, tamen à quibusdam observatur.</i> | §. 9. <i>Tales obrectatores sunt similes Longino.</i> |
| §. 3. <i>Quanta malitia Phariseorum erga Christum.</i> | §. 10. <i>Sunt similes Satanae Job. cap. 2.</i> |
| §. 4. <i>Figura fuerunt, duo senes, oppressores Susannae.</i> | §. 11. <i>Neque sanctis tales bestiae parcunt.</i> |
| §. 5. <i>Digressio ad Auditores.</i> | §. 12. <i>Duo similia.</i> |
| §. 6. <i>Malitia dissimulata.</i> | §. 13. <i>Christus D. tales toleravit: toleremus & nos.</i> |
| §. 7. <i>Symbolum huius malitiae est Pardus.</i> | |

§. 1.
Christus D.
obrectatores non
fugit, imo
dilexit illos.

DE Principe Phariseorum, qui Christum D. invitavit ad convivium ait Didacus Stella, quod proposito malo, & malitia inveterata, & recocta, invitavit in Sabbato, & studio hydropicum coram illo exposuerit, utsumeret occasionem accusandi, & posset calumniari. Nihilominus tanta fuit Christi D. bonitas, ut licet hoc cognosceret, tamen

men cum illis ageret, imo comederet &c. S. Ambr. in ps. 36. *Illos querulos, illos murmurantes, illos pravaricantes, tamen non deserebat Dominus, sed sequebatur.* Theophylactus putat Christum D. interius in benedicto corde dixisse; Etiam si me persecuti fueritis, -- ego adhuc vobiscum sum. hoc est, pro vobis curam gero, & loquor ea quæ ad salutem vestram pertinent. & Theodoretus in persona Christi sic loquitur in c. 55. II. v. 8. *Non enim cogitationes mea, cogitationes vestra, neq. via mea, via vestra; quia sicut exaltantur cæli à terra, exaltata sunt via mea, à viis vestris, & cogitationes mea à cog. vestris.* Hoc est, multum ab invicem distamus, toto cælo: Vos enim odistis me; ego amo vos. Vos fugitis, ego voco! vos bellatis adversum me; ego nihil aliud, quam beneficiis vos prosequor. S. Laur. Novariensis hom. de pœnit, *Manebat cum publicanis, manducabat cum peccatoribus, ut hac societate, quasi arte eos converteret ad salutem.* Misericordiam suam omnibus præbebat, ait S. Cyr. - S. Basilus or. 12. *solicita de peccatoribus fuit ejus comitas.* S. Thomas: *Familiariter cum hominibus conversando, conveniens fuit, ut omnibus fiduciam daret ad se accedendi.* Et factum est (Matt. 9. v. 10.) *discumbente eo in domo, ecce multi publicani & peccatores venientes discumbebant cum Iesu, & discipulis ejus.* Puto vos advertere ex hoc discursu duo præcipuè in hod. Eu. nobis proponi. primo; Bonitatem Christi &c. de hac fortassis agam post oct. deinde, Phariseorum malitiam, quod &c. hanc multi hodie imitantur, contra hos agam hac concione.

Solem grande illud luminare cæli & mundi, pulcritudinem & splendorem firmamenti, delicias universi, fontem luminis, Ægyptii nobis ob oculos posuerunt in symbolo, live imagine speciosissimi juvenis, formosa facie, amœnis oculis, serena fronte &c. non tamen cum duabus, sed centum manibus. ad exprimendos tam varios, tam diversos, tam multos & nobiles effectus, quos beneficus Sol operatur in cælo, in igne, in aere, in aquis, in penetralibus terræ: hinc Poëtis notum est illud epithetum, quo Phœbus vocatur, *Centimanus*. Sole infinitis partibus formosior fuit Christus D. filius Dei, verbum D. lumen æternum.

S. B.
Sole est pul-
cerrimus,
tamen à
quibusdam
observatur.

æternum, imago patris, pater gratiarū, & vivus fons omnis boni. Ad exprimendos admirabiles illius effectus, & beneficia liberalitatem & munificentiam, non sufficiunt 100. vel 1000. manus aureæ & tornabiles ex hyacintho, sed huic soli oportet addere pennas & alas, celeres, leves, veloces, quibus properat & advolat ut succurrat, ut ægros sanet: juxta illud Malach. c. 4. v. 2. *Orietur vobis timentibus nomen meum, Sol justitiæ, & sanitas in pennis ejus.* Expertus id fuit in hoc. Eu. hydropicus; ut in conspectum ejus fuit positus cœlestis ille sol, illum irradiavit, & super eum sparfit radios suæ omnipotentiae, bonitatis, & misericordiae; *sanavit eum, ac dimisit.* plenum gaudio & consolatione; Hodie post octiduum, si Deo placet, de pulcerrimis proprietatibus hujus solis acturus sum fusius; hac concione admiror malitiam, odium, invidiam Phariseorum, quod hunc solem observarint, quod conati sint invenire in pulcerrimo lumine maculas, in lucidissimo speculo nævos, ad reprehendendum. Ipsi *observabant eum*, addit glossa interl. *tanquam insidiosos observatores & cavillatores*, Hominesque malitiosissimi.

§. 3.
Quanta,
malitia
Phariseo-
rum erga
Christum.

Cap. 7. versu 1. ait Oseas, *Revelata est iniquitas Ephraim, & malitia Samaria, quia operati sunt mendacium;* Rupertus hæc verba sic explicat. *Veraciter malitia dici potest, quæ cuncta maliciosarum machinamenta cogitationum parit; maxime verò tunc iniquitas, quacunque sit, malitia meretur dici, quæ sic se exercet cum sapientia &c.* Tales fuerunt Pharisei & scribæ apud Jud. Cajet. de phariseis. *Machinabantur ad malum, ideo revelata fuit eorum iniquitas & malitia, in usuris, in libid. &c. in gravissimis sceleribus; adimpleta verò fuit illorum malitia, venit ad summum, cum ex odio, ex invidia erga Christum operati sunt mendacium, cum mille illum affecere injuriis; hoc odium, ira, rabies, indignatio erga Christum suggerit illis maliciosarum machinamenta cogitationum, de obscuranda ejus fama &c.* Et hæc cum sapientia scientes, volentes &c. Hæc quoque; hodie inter Christianos est summa malitia, sive, illi sunt pessimi Christiani, qui &c. repete p. dicta.

Tristissima Susanna; oppressa calumniis duorum senum, ^{5.4.} inter angustias cordis, ut cœlum ad compassionem commoveat, inter alia ait Dan. 13. v. 43. *Ecce morior, cum nihil horum fecerim, quæ isti malitiose composuerunt adversum me.* latet ^{Figura fuerunt senes oppressores Susanna.} emphasis in verbo composuerunt, quo exprimitur peculiaris malitia duorum senum, quod prius inter se convenerint, contulerint de modo accusandi Susannam, si libidini illorum resisteret; Carthus. *fuit enim mendacium callidissime fabricatum: nam senes isti in hoc expertissimi erant: quæ iniquitas eorum tantum Deo displicuit, ut fuscitaret Danielem, qui innocentem Susan. non tantum liberavit à morte, sed causa fuit, ut nequissimi senes fuerint lapidati, v. 62. Interfecerunt eos, & salvatus est sanguis innocentius in illa die;* Elegantius describere non possum nequissimos Phariseos, prævalente odio, hoc quærunt, ut Christus moriatur, ad hunc finem convenerunt Principes, advocati fuerunt scribæ, instigatores præcipui fuerunt Pharisei, summi pontifices instituere concilium; adhibita sunt opera famulorum, etiam Herodis. de quibus omnib⁹ dici potest, *observabant illum ad quem finem? ad componendum mendacium, ad opprimendum innocentem Jesum: aliqui observatores clamant, seducit populum. Mendacium artificiose compositum. Clamant famuli, prohibuit censum dari Cæsari; mendacium art. compositum à Phariseis, qui in arte illa fuerunt peritissimi; neque præ odio, præ rabie, præ malitia, quieverunt, donec innocens Jesus fuit affixus cruci.*

Nescio an non & hodie inter Christianos, tales celebrentur conventus! ut componantur mendacia &c. Est aliqua ^{5.5. Digressio ad auditores.} via, quæ Deo servit. sed, O quot observatores; hic ait in aliquo convivio, quid audio &c. & est mendacium artificiose compositum; sunt aliqui expertissimi Magistri in arte observandi & mentiendi &c. sic de conjugato, de aliqua Susanna &c. de famulis principum &c. sic sæpe opprimuntur innocentes! Plut. l. *De curios. Curiosus mens simul in locupletum domiciliis est, in casis pauperum, in aulis regum, in novarum conclavibus nuptiarum, omnia rimatur negotia hospitum, ac præsidum.*

Alveus Tertius.

Ecc

Hod.

§.6.
Malitia
dissimulata

Hod. Phariseus in hac summa fuit malitia, quod odium, & absconditam malitiam atque intentiones, cogitationum suarum machinamenta contra Christum, dissimulaverit; quod invitarit ad convivium, quod suavibus verbis salutavit, tractavit bene; sed insidiosus observator. Studio enim permittit jacere ad ostium, hydropicum, ut si illum die Sab. sanaret, haberet, quod reprehenderet, ipsi obs. eum, *an scilicet sabbatum solveret.* glossa. *An quicquam prohibitorum faceret in die Sabbathi.* Et non fuit solus hic Phariseus; plerique oderunt Christum, & propterea ait S. Matth. c. 26. v. 59. *Quarebant falsum testimonium adversus Iesum, si quarebant* insinuat sollicitudinem, conspirationem, ad nocendum Christo, quocunque modo, aperte vel occulte! Tantæ malitiæ Phariseorum sunt participes hod. insidiosi observatores; præsertim illi qui se simulant amicos, agunt familiariter, incipiunt ipsi, murmurant, queruntur, cavillant; Ut exprimant aliqua, quæ cavillare possint. S. Chrysost. h. 49. in acta. *Tales sunt venandi artes diabolo, qui prætexit pietatis laqueos tendit.* Drogo l. de sacr. pass. *Foris pietas: intus malitia: duplex iniquitas.*

§.7.
Symbolum
huius ma-
litiæ est
Pardus.

Inter varias bestias, quarum S. Joannes in Apoc. facit mentionem, de una ait, c. 13. 2. *Bestia quam vidi, similis erat pardo.* ad litteram agit de Antichristo, & prædicit fore similem huic animali. Pardus licet sit bestia ferocissima, sitiens sanguinis, crudelis, lacerans hominem, si deprehendat in 1000. partes, habet tamen exterius pulcerrimam pellem, ornatam formosis maculis, ut humani oculi cum lætitia aspiciant talem bestiam, formosa pelle tegit naturalem suam crudelitatem. Ita Antichristus, ait S. Cyr. Jerof. catech. 15. *Primum q. tanquam prudens aliquis, & intelligens, temperantiam & humanitatem simulabit; deinceps vero omnis generis inhumanitatis & iniquitatis, omnes circumscribet, ita ut omnes, qui ante illum improbi & impii fuerunt, excellat malitia.* Leo occisus à Samson in ore habuit mel; reliquo corpore fuit putrida bestia: Sic miseri Pharisei, Diez in dom. 16. conc. 1. (pardi, leones) in ore mel habebant, hoc est dulcia verba, quibus dominum invitabant; at viscera eorum, & corda eorum,

invis.

invidia & malitia penitus corrupta. Ex his fac pulcram digressionem, an & hodie Bambergæ inveniantur tales pardi & leones.

Non desunt aliæ bestiae, quarum proprietatibus Phariseorum malitia, & asseclarum depingi potuit. Gen. 3. vers. 14. dixit ^{§. 8.} Deus serpenti, *Maledictus es inter cuncta animantia, & bestias terrae.* ^{Item serpens, Rana,} hæc autem fuit maledictio: *Super pectus tuum gradieris; & terram comedes.* Eucherius. *Terram comedere, tertium genus tentationis figuratur, quod est curiositas: qui enim terram manducat, profunda & tenebrosa penetrat.* Quod quia serpens facit, symbolum est, curiosi qui intima cordium in proximo, rimatur, observat, scrutatur omnia; Venenosi serpentes, qui in occulto serpunt &c. Pharaoni pœna ranarum tam fuit molesta, ut statim Moyse & Aarone dixerit Exodi. 8. v. 8. *Orate Dominum, ut auferat ranas à me.* Rupertus in Exp. assignat causam. *Rana per molesta fuerunt, ascendentes & ingredientes domum Regis; & cubiculum lecti ejus, & super stratum ejus, & in furnos ejus, & in reliquias ciborum ejus.* Philo hebr. l. de Abraham. *Vir improbus per fora, theatra, tribunalia, curias, omnesque cœtus, atq; sodalitates hominum cursitat; quippe curiositati assuetus, linguam habens sine ullo fine, modog; & judicio volubilem, commiscens, confundens omnia, veris mendacia, dicendis celanda, privatis publica, sacris profana, seriis ridicula, ignorans silentium rem esse pro tempore, ac loco pulcerrimam.* proinde arrectis auribus (asininis) quo satisfaciat suæ curiositati, bonos & malos rumores captat.

Crudele facinus commisit Longinus dum lancea latus ^{§. 9.} Christi in cruce aperuit. In mortuum sæviit. Ex curiositate, ^{Tales observatores} Cyr. quia scilicet *an mortuus verè esset Iesus; miles hic dubitavit.* ^{scrutantur corda.} Hoc faciunt insidiosi Observatores, suis linguis veluti lanceis aperiunt cor proximi, ut sciant &c.

Job cap. i. v. 7. quærit Deus ex Satana, *unde venis?* resp. ^{§. 10.} circumivi terrā, & perambulavi eam, Orig. *Circumivi terram, circuitiombus iniquitatis, & speculans transitu subito, quid tractetur in animis.* ^{Sunt similes Satana. Job. 2.} Hoc scilicet est officiū diaboli, ut semper vigil intendat homini quid agat, quid loquatur &c. asseclæ diaboli sunt, *insidiosi observatores*, qui similes faciunt circuitiones. quærit subinde

vicina unde venis? illa, fui in foro audiui, ibi mira narrant NN. (poterunt hic fieri p. inductiones) Gen. 34. v. 1. dicitur de Dina, *Egressa est, ut videret mulieres regionis illius*; quæ curiositas ipsi fuit perniciosissima. Perdidit thesaurum Virginitatis. S. Bern. de gr. hum. S. Greg. M. *Dina est, quæ postpositis propriis, aliena negotia curat*. Egreditur anima quando sua studia negligens, & actiones alienas curans, extra proprium ordinem vagatur. S. Paulus 1. Tim. 1. tales mulieres vocat, *Verbosas & curiosas*, ut S. Th. explicat, *Investigantes aliorum facta, negligentes sua studentes semper aliquid audire, ut habeant, quod reprehendant*. Gliberush. 1. in Cant. *Tales multi sunt, qui omnes perscrutantur professiones* (sunt artifices, NN.) *& pauca plerunque inveniunt, quæ placeant, sed multa, quæ ipsi detrahant, calumniantes, quod districtio in aliis sit nimia, in aliis minima &c.*

§. II.
Neque san-
cti tales
bestia par-
ant.

Crescit horum malitia, quod etiam viris sanctis & iustis non parcant; imò hoc maxime observant; S. Zeno. *Invidi, si quid ab aliquo in hac vita bene gestum est, si quid praeclarum in actibus, in verbis laudabile, in moribus admirandum, nihil prorsus videant, nihil retractant*. Sicubi autem aut culpabiliter gestum aut incauto sermone prolatum, ut accidere hominibus solet, hoc loquuntur, hoc proferunt, hoc in publicum ventilant, ut res propaleatur. Quod SS. PP. declarant p. similibus. primum sumunt ex v. 17. psal. 21. *Circumdederunt me canes multi*, in sensu morali sermo est de loquacibus Phariseis. Quia sicut canes dentibus mordent, & lacerant, sic illi detractionibus mordendo, ejus famam dilacerabant. Sed & aliam proprietatem habet canis; ingredimur hortum, in quo p. flores, p. arbores; sed non curat canis; sed inter flores, quærit an invenire possit, putridum frustum carnis, vel os, ut rodatur; imprudentia bestialis canum est, ut flores suis foribus commaculent; De se ipso ait Christus D. Ego flos campi; sponsa, vocat hortum conclusum; canes fuerunt Pharisei: non curarunt Christi pulcritudinem, non odorem sanctitatis non miracula &c. Intentio fuit, si possent, hunc florem maculare. (facile advertitis, quinam hodie sint tales canes.)

Alia

Alia duo similia sumunt ex symbolo Ægyptiorum; qui sacerdotem depinxerunt, in una manu ejus, solem eclipsatum, in altera horologium; pectori affixa est lamina, cum his verbis. *Non nisi cum deficit, spectatorem habet*; id est, sol licet splendeat, & rutillet, vix est qui de hoc loquatur, pauci observant ejus pulcritudinem, effectus, beneficia: cum deficit, concurritur &c. pari ratione, Horologium, quam diu bene dirigitur vix de illo est sermo; cum turbatum est, qualia murmura? quales querelæ? quales calumniæ in directorem. Pari ratione justī, boni &c. non nisi cum deficiunt, spectatores habent. (fiat p. applicatio.)

Qui tolerare coguntur insidiosos observatores, solentur se exemplo Christi, sol fuit, speculum fuit sine macula, Imago patris, &c. Nihilominus Pharisei, maculas in illo quæsierunt; imitentur præterea Christum Dominum de quo p. P. Sylveria; Cum Christus optimè hoc cognosceret, quod Pharisei observabant eum, tamen intravit in convivium, contemnens ea, quæ de ipso dicebantur, & propter animarum lucrum, omnium murmurationes parvi faciebat. S. Cyr. in cat. aurea. Quamvis Dominus malitiam Phariseorum cognosceret, tamen eorum fiebat conviva, ut prodesset presentibus per verba & miracula.

§. 12.
Duo simi-
lia.

§. 13.
Christum Do-
minum sol-
talem sola-
ravit, so-
leremur &
nos.



CONCIO XLV.

DOMINICA XIIX. POST SS. TRINIT.

Ait illi Iesus: Diliges Dominum Deum tuum, ex toto corde tuo.

Matt. 22. cap. v. 37.

SYNOPSIS CONCIONIS.

Profert multa, de amore Dei ex toto corde: quæ altera parte, applicantur dilectioni erga Christum Dominum.

§. 1. *Omnes creatura clamant, ut amemus Deum.*

§. 2. *Deus diligendus est.*

§. 3. *Nihil potest diligere fructuosius.*

§. 4. *Diligenti, observatio divina legis est facilis.*

§. 5. *Probatur ex Canticis.*

§. 6. *Quanam sint tempora novissima ex S. Paulo.*

§. 7. *Amor est omnis virtus.*

§. 8. *Affectus est anima dile-*

ctionis.

§. 9. *Diversitas inter confessionem S. Petri & diabolorum.*

§. 10. *Quid sit diligere Deum ex toto corde.*

§. 11. *Ex ps. 17. Davidis.*

§. 12. *Dicta applicantur Christo Domino.*

§. 13. *Prosecutio.*

§. 14. *Prosecutio.*

§. 15. *Prosecutio.*

§. 1.
Omnes
creatura
clamant,
ut amemus
Deum.

Quoties legi, toties mihi placuit aurea quædam quaestio, aurei oris sive aurei S. Chrysost. in ps. 15. *Quo ergo amore prosequar illum, qui tanto amore persecutus est me? Cur non audiam creaturarum clamores? quæ sicut prædicant; ipse fecit nos, & non ipsi nos, ita etiam clamant, (O homo) dilige non nos propter nos, sed eum, qui propter te fecit nos.* Hæc v.g. clamat cælum, cum omnibus cœlestibus sphaeris cum sole, luna, stellis; O mortales! Deus nos fecit propter vos, itaque diligite illum. Idem v.g. clamat terra, cum omnibus creaturis quæ sunt super illam; clamant alia elementa & creaturæ universæ. Hugo de S. Victore

Victore. *Quocunq; se vertat homo, habet admonitionē amoris.* Multo adhuc magis ad hunc amorē nos excitare debent clamores, & verba Christi, in hod. Evang. *diliges &c.* non quovis amore: Sed qui procedat *ex toto corde.* Hoc amore David Deum suum dilexit cum dixit ps. 6. v. 15. *Holocausta medullata offeram tibi.* quasi vellet dicere ex mēte S. Aug. *Mi Deus, mea opera & precipue sacrificia, quæ imponam altari tuo, tuo honori offerre cupio non in superficie samen, sed & in medullis meis, id est in corde meo, quo te diligo; sive ut S. Chrysost. legit; ut sint viscerata cum corde & anima.* S. Paulus ad Rom. 3. v. 1. de tali sacrificio sic scribit. *Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem.* Tale cor à nobis petit Deus; cor vivens, sive amorem viventem; nam sicut homo vivere non potest sine corde; ita nec amor noster erga Deum talis esse potest, qualis esse debet, sine corde. S. Aug. *Vita cordis, amor est: ergo impossibilis est ut sine amore, sit cor, quod vivere cupit.* Refert Appianus l. 2. de Julio Cæsare; Ultimo die vitæ suæ, antequam iret ad Senatum, more suo venit ad templum, & altari imponi iussit pulcerrimū Agniculum; Cum illum mactarunt ad inspicienda viscera, non repperunt in illo cor: attoniti, alterum agnum mactarunt; neq; in hoc cor fuit inventum; pessimum id fuit Omen; paulo post Julius Cæsar in Senatu misere fuit trucidatus. Obsecrat nos S. Paulus *per misericordiam Dei*, ut nos Deo offeramus in hostiam: vā nobis si simus sine corde, sine amore Dei; est hoc omē mortis æternæ. E contra utilissimum nobis est, Deum diligere ex toto corde; hoc deducam, i. parte conc. In altera illa, quæ in primo puncto audietis, applicabo amorē erga Christū Dominum.

S. Bernardus cum incidisset in verba Moysis ad populum. Deuteron. 10. vers. 13. *Et nunc Israel, quid Dominus Deus tuus petit à te* (scilicet pro innumeris beneficiis, quod, quod &c.) *nisi ut diligas Dominum Deum tuum, & ambules in preceptis ejus ut bene sit tibi;* cum inquam, S. Petr. hæc verba expendisset, exclamavit; *O mortales! Ut quid diligitis vanitatem, & quaritis mendacium? sive illa quæ vos decipiunt; quid adhæretis creaturis?* Elevat deinde vocem & clamat altissime;

Deus

S. 2.
Deum diligendum est.

Deus diligendus est. subditque causam, *sive, quoniam nihil justius, sive quoniam nihil fructuosius diligipoteſt.* Picus de Mirandula, q. de homine; ſcire debemus, Deum eſſe hominis centrum, hæreditatem, & quietem: extra quod centrum, ſive punctum (ſi tamen Deus infinitus & immenſus punctum dici poteſt) inquietum eſt cor hominis, neque quietum eſſe poteſt donec quieſcat in Deo; ſoli diligenti Deum, bene eſt, quod ſi quærimus, nihil fructuoſius eſt, quam Deum amare.

§. 3.
Nihil poteſt
diligere fru-
ctuoſius.

Nihil fructuoſius diligipoteſt, quàm Deus ps. 80. v. 10. obſcuris verbis utitur David, *non erit in te Deus recens*, quæ tamen ad rem meam eleganter exponit S. Hier. *Cujus Deus venter eſt, Deus ei recens eſt*, quotcunque vitia habemus tot recentes, habemus Deos: unusquisque quod cupit, & veneratur, hoc illi Deus eſt; avarus, aurum Deum habet &c S. Aug. ſed ſunt abominabiles, ſicut ea quæ dilexerunt. -- ſi terram diligis, terra es! è contrario ait idem S. Aug. ſi Deum diligis O homo, quid dicam? quibus verbis ſatis de prædicare potero tuam felicitatem? *Deus es!* quicunque enim ſecundum regulam veræ dilectionis (quam Chriſtus D. in hod. Eu. præſcribit) *vivit, non homo, vel angelus, ſed Deus cenſendus eſt*: id eſt, feliciffimus, beatiffimus, Deo per amorem ſimilis, proinde particeps hæreditatis & gloriæ æt. Ariſtot. l. de regim. Pr. & l. 9. Ethic. *Simul conjuncta naturaliter gaudent & participant de eiſdem bonis. amicorum enim omnia ſunt communia.* Quid ergo fructuoſius diligipoteſt, quam Deus!

§. 4.
Diligenti
lex eſt ſa-
ciliſ.

Militia eſt vita hominis ſuper terram. Job. 7. v. 1. alia lectio habet, *Labor eſt vita hominis &c.* experiētia docet; præſertim ſi addamus, voculam, Chriſtiani; obſervanda ſunt varia præcepta; homini dura & ardua. Diligendus eſt Deus; & omnia erunt levia. ps. 118. v. 97. ait David; *Dilexi legem tuam Domine.* Oleaſter. *Nunquid non ſexcenta tredecim leges erant, quas ſervare tenebaris bone Rex? cur g. legem vocas 613. præcepta.* Reſpondet David, *quoniam dilexi legem tuam.* (dilexit David Deum, & omnia præcepta fuerunt levia, imo dulcia, ut dixerit eodem psal. verſ. 103. *Quam dulcia faucibus meis eloquia tua, ſuper mel ori meo.* Et legem tuam in medio cordis mei. S. Aug. l. de natura & gratia, c. 70. *Via Domi-*

Domini dura sunt timori, leves amori, ut amanti nihil sit difficile.

Quod ipsum testatur sponsa, quæ Cant. 4. v. 6. quidem ait: *Vadam ad montem myrrhæ* ut ibi quæram sponsum meum inter dolores, &c. Sed etiam in arbore myrrhæ, in cruce, *Dilectus meus mihi erit, q. fasciculus myrrhæ.* mirabilis modus loquendi, primū de dilecto loquitur, veluti monte; mox de eodem, tanquam parvo fasciculo? Monet S. Bern. ponderandam esse voculam, *Mihi!* sensus enim est, legem Christianam sive observationem mandatorum; vivere caste, diligere inimicos, fugere omnia gravia peccata; ferre patienter tribulationes; hæc & similia sunt quasi mons, vel ingens onus, quod hominibus carnalibus sensualibus videtur grave & importabile; sponsæ v. illi, quæ dilexit, mihi, ut illa ait, tale onus est fasciculus. S. Bern. in persona sponsæ ser. 43. in Cant. *Mihi qua diligo, fasciculus est; monstrans dilectionis verbum omnium amaritudinum superare molestias, quia fortis est, ut mors, dilectio.* S. Aug. *Omnia gravia & sava, dulcia, & levia & prope nihil facit amor.* Montem convertit in fasciculum; fel in mel, myrrham in lac; spinas in rosas; fletum in risum, lacrymas in jubilum cordis, facillima est observatio mand. amanti. Ab hac observatione mandatorum Dei, pendet salus nostra Joh. 14. *Si quis diligit me, sermonem meū servabit, qui non diligit me, sermones meos non servat.* Quid g. fructuosius esse potest, quam Deum diligere; cui dilectioni connexa est observatio legis, utrique vita æterna.

Econtra ait S. Paul. ad Tim. 3. v. 1. *In novissimis diebus instabunt tempora periculosa.* Si de malis pœnis, de bellis, de incendiis, de pestilentiis &c. hæc verba velimus intelligere vere videmur vivere novissimis temporib. S. Paulus verò clare loquitur de malis culpæ, sive gravibus peccatis; ait enim v. 2. *Erunt homines se ipsos amantes, cupidi, elati, superbi, blasphemæ, ingrati, scelesti sine affectione, sine pace, criminatores, incontinentes, immites sine benignitate.* Vos considerate, an Apostolici concionatores his temp. non uti possint tam acri invektiva, in homines se ipsos amantes &c. Denique S. Paulus ostendit fontem & radicem omnium horum malorum; *Erunt voluptatum* (sive creaturarum)

Alveus Tertius.

Fff

ama-

S. S.
Probatur
ex canticis.

S. 6.
Quam
sunt tempo-
ra novissi-
ma ex S.
Paulo.

amatores magis, quam Dei. hinc omne malum. ad Rom. I. v. 21. Cum cognovissent Deum non sicut Deum glorificaverunt; sed evanuerunt in cog. suis. S. Bonav. quod licet Deum universaliter rationabiliter agnoscerent, tamen in particulari eum contemnebant, proponendo amorem creaturae, amoris sui creatoris. Ex eodem præterea fonte fluunt omnia mala pœnæ: punit nos justus Deus pestilentia, quia non diligimus Deum &c. (fiat p. inductio) Gaudeo è contra inter meos auditores esse multos humiles, timentes Deum, benignos, misericordes &c. quia magis diligunt Deum quam creaturas; Diligite g. Deum, nihil est justius, si ipsius personam consideremus: nihil fructuosius, si perpendamus favores, quos amando Deum promeremur..

§. 7.
Amor est:
omnis vir-
tus,

Preciosissimum fructum divini amotis in homines S. Augustinus expressit his verbis, *amor est omnis virtus.* ego hæc verba sic intelligo, qui amat Deum, est humilis &c. sive, ut loquar cum S. Paulo, 1. Cor. 13. v. 4. *Caritas patiens est &c. Tanta enim est vis d. amoris* (S. August.) *ut si desit frustra habeantur cetera; sine Dei amore, nihil prodest humilitas &c. quidquid sine caritate fit, pro nihilo reputatur. Si autem adsit, recte & meritorie habeantur omnia.* Midas Rex, optavit omnia, quæ tangeret converti in aurum; quod quia factum est, periit fame. Soleo subinde paucis verbis insinuare tantum doctas fabulas. Amor tamen Dei, ex toto corde &c. habet hanc vim, ut omnia nostra opera vertantur in aurum, ut sint meritoria vitæ æternæ. ad Rom. 8. v. 28. *Scimus quoniam diligentibus Deum omnia comparantur in bonum.* Omnia, glossa. *tanta virtutis est Dei dilectio & amor, quod quidquid cogitat; quidquid loquitur, quidquid facit, & operatur habet vitam æternam.* ex amore &c. ideo sponsus dixit sponse, Cant. 4. v. 9. *Vulnerasti cor meum in uno crine colli tui. id est, in uno minimo opere ex amore Dei procedente* Minimum tale opus. v. g. fuit unicum suspirium Davidis: *Miserere mei Deus.* Vel illud filii prodigi, pater peccavi. Vel illud publicani: *propitius esto mihi peccatori.* sed quia processerunt ex caritate, & amore &c. momento Deo placuerunt. Ambr. 1. 1. off. c. 10. *Affectus tuus, nomen imponit operi tuo: quomodo à te proficiscitur, sic aestimatur* (premedum arcte hoc verbum,

bum; v.g. cum oras, ama, sic Oratio æstimatur &c.) Est qui pauperi dat eleemosynam, si affectus, si intentio sit, ut simul proficiatur ex corde, ex amore Dei; æstimatur &c.

Acute S. Augustinus observavit, modum sive verba quædam, quibus S. Scriptura loquitur de passione Christi. De patre cœlesti ait S. Paulus ad Rom. 8. v. 32. *Pro nobis omnibus tradidit filium suum.* De filio ad Eph. 5. v. 3. *Tradidit semetipsum pro nobis.* Et suo proditore, ait Christus D. Luc. 22. v. 49. *Juda, osculo filium hominis tradis.* Quærit S. Aug. tr. 6. in ep. S. Joannis. *Quæ res hæc discernit? Nisi quia hoc fecit pater, & filius in caritate: fecit autem Iudas in traditione. Videtis, quia non quid facit homo, considerandum est, sed quo animo & voluntate faciat. Cum sit una res, ex diversis se ammetiamur intentionibus, unum amandum, alterum damnandum; unum glorificandum, alterum detestandum invenimus.* Eadem prorsus regula mensuranda sunt omnes nostræ actiones; multi orant; multi dant eleemosynam &c. eadem actiones in aliquibus placent Deo; in aliis non. Quæ res hæc discernit: nisi quia aliqui hæc faciunt ex caritate. p. alii ut videantur &c. applica reliqua paulo ante dicta.

Idem S. August. advertit, non solum S. Petrum confessum fuisse divinitatem Christi D. scil. cum Matth. 16. v. 17. dixit: *Tu es Christus filius Dei vivi.* sed ipsos dæmonas huic veritati manifestum dedisse testimonium Luc. 4. v. 1. dæmonia enim, *exibant clamantia & dicentia. Quia tu es filius Dei.* Confessio autem S. Petri, sic Christo D. placuit, ut dixerit. *Beatus es Simon Bar Jona: & ego dico tibi &c.* altera dæmonum sic displicuit, ut S. Lucas dicat. *Increpans non sinebat ea loqui.* S. Aug. hom. 17. ex 50. *O Domine, quare & dæmones, sicut Petrus non sunt beati? Resp. quia dæmones hoc dixerunt ex timore, Petrus autem ex amore:-- affectus & amor hominis nomen imponit operi suo &c.* hinc pendet hominis beatitudo, sanctitas, & meritum; si operetur ex amore.

Itaque Deus est diligendus ex toto corde &c. Quærit auditor operis imperf. in Matth. *Quid est diligere Deum ex toto corde? Resp. id est, ut cor tuum non sit inclinatum ad ullius rei dilectionem amplius, quam ad Dei: nec delecteris in aliqua*

§. 8.

Affectus est
anima di-
lectionis.

§. 9.

Diversitas
inter con-
fessionem
Petri &
diabolorum

§. 10.

Quid sit di-
ligere Deū
ex toto cor-
de,

specie mundi amplius, quam in Deo: non in honoribus, non in auto &c. sed hæc omnia existimes tibi esse in Deo; ut præ his omnibus Deum ames. Sic anima, quæ est sponsa Christi Deum debet diligere. Quid est, in tota anima diligere Deum? Resp. id est, certissimum animum habere in veritate, & firmum esse in fide. Quid est in tota mente diligere Deum? &c. id est, ut omnes sensus tui qui pertinent ad te, Deo vacent, sic Deum amare voluit S. Ans. cum dixit: *Mi Deus--pedes meos nolo, nisi ut te quærant; nolo manus meas, nisi ut tibi servant, nolo genua nisi ut te adorent, nolo linguam nisi, ut te laudem. Nolo denique cor, nisi ut amantissime diligam.*

§. 11.
Ex ps. 17.
Davidis,

Idem fuit desiderium & propositum Davidis in ps. 17. quem his verbis orditur; *Diligam te Domine, fortitudo mea.* quasi diceret ex mente Euthymii, *Cum multa & magna beneficia à te receperim & respondere illis nequeam, quod valeo id faciam, diligam te.* hoc peto à vobis audit, ut quivis ex toto corde dicat, diligam Deum. Creavit me, diligam &c. (fiat hoc modo p. affectus. v.g. Deus est infinit. bonum, diligam; est inf. pulcritudo &c. diligam &c.)

§. 12.
Dicitur ap-
plicatur
Christo D.

Sed ut veniam ad alteram partem meæ concionis; Auditores amantissimi, *Quid videtur vobis de Christo:* Mihi videtur ut quæramus, cum S. Chrysostomo, Quo amore prosequemur eum, qui tanto amore nos fuit prosecutus? Cur non audimus, non clamores creaturarum in terris, sed illarum quæ in cælis sunt, Angelorum, Arch. &c. Cherub. Seraph. clamantium, O mortales! diligite Salvatorem vestrum; quocunque se vertat homo, admonitionem habet amoris erga Salvatorem. Vitæ sacrosanctæ mysteria, incarnatio, Nat. Circumcisio, adolescentia, vita ejus laboriosa, Passio, Mors, Resurr. Ascensio, infinita ejus gloria, pulcritudo, suavitas &c. quid inquam hæc omnia, clamant nisi ut Christum diligamus? illum, qui pro nostra salute venit in hunc mundum, illum! qui pro nobis natus est, pro nobis passus est &c. ut illum diligamus ex toto corde &c. *Quid vobis videtur de Christo;* mihi videtur, æquum esse ut dicamus, holocausta medullata illi offerem⁹, id est, omnia opera, omnia verba omnes cogitationes, illi offeremus non tamen in superficie, sed in me-

in medullis nostris, sed ex corde toto, quo diligimus illum. Preces, suspiria, quæ illi offerimus erunt viscerata cum corde & anima. Obsecro vos audit. per misericordiam Jesu, per ejus bonitatem, per ejus erga nos amorem &c. ut exhibeatis &c. Qui est sine corde, qui vivit sine amore Jesu, habeat hoc pro pessimo omine æt. mortis. Qui non diligit Christum Jesum, anathema sit.

Quid vobis videtur de Christo? mihi videtur, æquum esse ut §. 13.
vos alloquar verbis Moysis, & nunc audite, quid Christus pe- *Prosecutio.*
tat à vobis (pro omnibus quæ fecit nobis) nisi ut diligatis illum, & sic sit vobis bene. Mihi videtur, quod dicere possim cum S. Bern. *Diligendus est Iesus; quoniam sive dignius, sive fructuosius diligi nihil potest*; scire debemus, Jesum Christum, esse nostrum centrum, hæreditatem, quietem, imo vitam æternam. Amore Jesu abjicere debemus omnes Deos recentes ut illi soli adhæreamus. preme, si Jesum diligis, quid dicam &c.

Quid videtur &c. cum vita nostra sit laboriosa &c. judico §. 14.
diligendum esse Jesum & ejus SS. legem. Si ita diligamus, man- *Prosecutio.*
datorum observatio erit facillima. Cum Christo ascendere debemus montem myrrhæ. &c. ut tamen falciculus sit, diligendus est Jesus. *Quid videtur de Christo?* mihi videtur, quod ejus amor sit omnis virtus &c. est locus pro p. induct. Amor idem est plane meritorius.

Quid videtur vobis de Christo? mihi videtur, æquum esse, ut §. 15.
illius, qui tam immenso amore nos persecutus est nunquam ob- *Prosecutio.*
liviscamur. Cum Judithæ, post obtentam populorum victoriam Bethuliæ cives, ex spoliis ditissimi exercitus obtulissent, scutum, hastam & gladium occisi Holofernis, attulit illa Heroïna in templum, suspenditq; illa ex columna, non tamen ex gratitudine, sed ut scriptura ait Judith. 16. 23. *in anathema oblivionis.* id est, Voluit ut si aliquando etiam posteri obliviscerentur tanti beneficii, illa oblivio secum traheret omnem maledictionem.



CONCIO XLVI.

DOMINICA XIX. POST SS. TRINIT.

Confide fili.

Matt. 9. cap. v. 2.

SYNOPSIS CONCIONIS.

Proponit aliquot utilissima documenta ex hodierno Evangelio :

- | | |
|--|---|
| §. 1. <i>Benignitas Iesu erga paralyticum, & nos.</i> | <i>offendunt.</i> |
| §. 2. <i>Bonus Iesus paralytico fuit bonus amicus: & talis nobis est dum nos instruit.</i> | §. 7. <i>Et in illos, qui non servant bona proposita.</i> |
| §. 3. 1. <i>Quomodo nos gerere debeamus, in infirmitate, praesertim initio morbi.</i> | §. 8. 3. <i>Placet Christo D. si simus viri misericordes, proponuntur aliqui actus verae dilectionis erga proximum.</i> |
| §. 4. <i>Multi agri sunt stulti, ut leroboam.</i> | §. 9. <i>Alii actus huius virtutis.</i> |
| §. 5. 2. <i>Docet nos Christus D. quid post morbum iterum sani agere debeamus.</i> | §. 10. <i>Invektiva in viros immisericordes.</i> |
| §. 6. <i>Invektiva in illos, qui recuperata sanitate, Deum iterum</i> | §. 11. <i>Beati sunt misericordes: puniuntur immisericordes.</i> |
| | §. 12. 4. <i>Simus misericordes praesertim erga agros.</i> |

§. 1.
*Benignitas
Iesu erga
paralyti-
cum &
nos.*

O *Miram iterum Christi D. humilitatem! exclamat S. Hieronymus super hod. Evang. Addam ego; O iterum miram dilectionem! O bonitatem! O amabilitatem nostri Salvatoris! nam despectum ac debilem paralyticum,*

cum, quem sacerdotes non dignabantur attingere, filium vocat. duplicem conjecturam apud SS. PP. reperio; prima est, quod fuerit predestinatus, nam alias Christus Domin. illum filium non vocasset. Secunda est, quod fuerit valde afflictus, & miserimus, proinde, tantam hominis miseriam, tam blando atq. ineffabili nomine filis, Dominus voluit lenire & consolari. Atque, ut illum disponderet ad recipiendam salutem corporis & animi, altero verbo, *Confide*, ad perfectam & consummatam fidem; ad perfectam & consummatam fiduciam, aliasque virtutes ad justificationem necessarias, eum excitare voluit, quia iste homo adhuc erat in peccato. quod peius est omni paralyti. Sed quomodo vocari potuit filius, si fuit in statu peccati; cum P. Celada dicat; *Non sunt filii Dei, qui in sordibus peccatorum suorum volutantur, & urgent viscera Patris*: qualis filius fuit filius prodigus, affligens cor amantissimi Patris. quæstioni satisfacit, si dicemus, miserum paralyticum antequam peccata illi remitterent, fuisse filium Dei, titulo creationis; de quo ait Deut. 32. v. 18. *Deum qui te genuit reliquisti*. postquam verò credidit, speravit in Christum, postquam ob eximiam caritatem, humilitatem Christus D. illi peccata remisit, factus etiam fuit filius adoptivus, per spiritum sanctum per gratiam quæ est in Christo Jesu, ut & nos simus filii Dei advertere oportet 4. p. documenta, quæ Christus D. in h. Eu. proponit &c.

Paralyticus in hod. Eu. experientia didicit, bene & vere §. 2.
dixisse Ecclesiasticum c. 6. v. 14. *Amicus fidelis, protectio fortis* Bonus la-
Qui autem invenit illum, invenit thesaurum; amico fideli, nulla est cus, paraly-
comparatio; & non est digna ponderatio auri, & argenti contra bo- nus ami-
nitatem fidei illius; amicus fidelis medicamentum vite & immorta- cus, & ta-
litatis. li nobis est. Talem thesaurum, talem amicum, talem medicum, dum nos
miram bonitatem fidelis amici, & auxilium invenit in Chri- instruit.
sto D. miser paralyticus, cum oculis Christi D. in suo grabato
fuit propositus; vitam invenit, dum paralyti corporis fuit sana-
tus; immortalitatem, dum & anima è statu peccati liberata
fuit. Age paralytice, fateri veritatem, & dic, cum S. Chry-
sost. hom. 2. in ep. ad Thessal. *Revera vita pharmacum est, fidus*
amicus

amicus, multo magis Christus D. Revera, protectio fortis est talis amicus, multo magis optimus Jesus. Quantam utilitatem: quantam securitatem generat: si mille thesauros dixeris; nihil tamen germano correspondebunt amico, multo minus Christo D. sed bene monet Rabanus, si est verus amicus, agit etiam de his, quæ ad Deum ac salutem animæ pertinent. Hoc idem fecit Christus D. amicorum optimus; non corpore tantum sanavit paralyticum. Sed eidem animæ salutem procuravit; de illa fuit maximè sollicitus in variis punctis.

§.3. Primum advertit S. Anſ. super verba Christi D. *Confide fili, remittuntur tibi peccata tua*, dum ait: *Primum peccatorum vincula dissolvit, ut ostenderet, eum propter culpas dissolutionem membrorum meruisse.* Et S. Hier. hic. *Datur nobis intelligentia, propter peccata plerasq; evenire corporum debilitates.* Et idcirco forsitan dimittuntur prius peccata, ut causis debilitatis ablatis, sanitas restituatur. Idem confirmat Theophylactus: *Hoc fecit Iesus, declarans, quod paralyſis ex præteritis peccatis esset, & S. Basiliius, q.34. Morbi sæpe numero veluti flagella peccatorum sunt; quibus nihil aliud agitur, nisi ut vitam nostram in melius commutemus.* S. Ambrosius l. de Josue c.10. ait, Jesum, antequam Lazarum excitaret à mortuis, Joan. 11. v. 41. fuisse lacrymatum, & flevisse, ut prius lacrymis suis mortui delicta lavaret. ut ægri & infirmi discant, statim initio morbi inquirere, an in se inveniant aliquod peccatū, propter quod &c. fac p. repetitionem arg. an sit flagellum, ut deponatur odium &c. si hoc agnoscant, statim sint solliciti &c. ut bene confiteantur peccata sua, ut illa defleant lacrymis cordis: ut tollant causas morbi. Si æger aliquis ut plerumq; fit de pœnitentia non cogitet, & plus desideret salutem corporis, quam animæ, ut S. Hier. loquitur; tali dici potest cum Jeremia c.46. v. 11. *Frustra medicamina multiplicas. sanitas non erit tibi.* scilicet antequam convertaris ad Dominum Deum tuum.

§.4. Lib.3. Reg. c.13. scelestus Jeroboam offerebat incensum idolis; adest propheta, omnibus sacerdotibus comminatus mortem & combustionem, tanto Zelo ut iratus Rex contra illum extenderit manum suam, quæ momento exaruit. Tum humi-

*Multi ægri,
sunt pulti,
ut Jerobo-
am.*

humiliatus ait, ad Proph. v. 6. *Deprecare faciem Domini Dei tui, & ora pro me, ut restituatur manus mea mihi.* ubi p. Theodoretus. *Cum esset valde stultus supplex rogavit Prophetam, ut sibi peteret, non sceleris remissionem, sed manus curationem.* Tales stulti sunt hodie plurimi in suis infirmitatibus quam primum sentiunt se infirmari, cogitant de medico; stultè, prima cogitatio deberet esse de confessario. prima cura est, quætere omnis generis medicinas; stulte, prima cura esse deberet de medicina animæ, de confessione. Sedulo statim inquiritur unde causa naturalis morbi; an à malis humoribus &c. stulte, prima inquisitio fieri debet, an forte sit causa supernaturalis, an in nobis sint aliqua peccata, quæ Deus hoc modo vult punire. Nolo reprehendere illos, qui initio morborum confugiunt ad preces, ad vota &c. Neque ab his erit sanitas, nisi ante omnia tollantur peccata. Hoc est necessarium, & hoc est punctum pertinens ad salutem animæ cujus fidus noster amicus Christus Jesus nos monet in hod. Evang. ex Ecclesiastico c. 38. v. 8. *Fili in infirmitate tua ne despicias te ipsum, sed ora Deum. Averte te à delicto, & ab omni delicto munda cor tuum--tum--dirige manus & ipse curabit te.* Si non fiat, ob alias causas scio, utile tibi fore, si infirmeris. Concernit hæc fida monitio fidissimi amici, illos, qui à morbo periculoso subito obruuntur; in quibus facillime tollitur usus rationis &c. si tales non statim initio morbi confiteantur, si differant, si putent se propterea morituros &c. plerumque discedunt ex hac vita, in æternitatem, sine perceptione sacramentorum; reprehendendi hic sunt illi, qui ægros nolunt monere de instanti periculo: imo indignantur, si alii NN. etiamsi subinde ipse æger petat &c. tamen ipsi differunt &c.

Secundo Christus D. ut ostenderet se fidissimum amicum §. 3.
ut non sanationem corporis tantum largiretur, sed ut etiam de Docet nos 2
his, quæ ad salutem animæ pertinent, ageret, ostenderetque se Christum D.
de illa sollicitum, ait paralytico, v. 6. *surge, tolle lectum tuum, &* quid post
vade in domum tuam. S. Chrys. hom. 30. hanc dat causam, *Ne mi-* morbum
raculum videretur phantasticum. S. Paschasius. *Vt vera sanitas, ac* iterum sa-
robur corporis, omnibus constaret, & non phantastica ac apparens vi- ni agere
debeamus,
Alveus Tertius. Ggg dere-

deretur. Ex mente plurium SS. PP. Christus D. paralyticum voluisse monere, ut recuperata sanitate, deinceps bene viveret; prout etiam sanato cæco dixit, *Ecce sanus factus es, Vade & deinceps noli peccare.* De focru S. Petri, postquam Christus D. curasset illam à feбри, ait S. Lucas c. 4. v. 39. *Surgens ministrabat illis.* S. Hieronymus. *Illam ministrabat, quæ sanata fuerat, ut videlicet Dei dona in ipsius obsequium refunderet.* Et per hoc erudit nos (Victor. Antioch.) ne sanitatis beneficium frustra, aut prapostere à Deo expetamus, verum eo prapcipue animo ut sanitatem jam adepti, prapceptis illius accuratius parere valeamus. Plinius ep. ad Max. sic nos monet, *Tales esse sani per se veremus, quales nos futuros profitemur infirmi.* 4. Reg. 20. v. 1. Ezechias agrotavit usque ad mortem. ob seriā pœnitentiam & ardentes preces, curat Deus illi dici per Is. c. 38. v. 5. *Audi vi orationem tuam, & vidi lacrymas tuas, & ecce sanavi te.* Sed die tertia, ascendes in templum Domini. ut agas Deo gratias, ut deinceps sancte vivas.

§. 6.
In vestiva
in illos, qui
recuperata
sanitate.
Deum ite-
rum offen-
dunt.

Pauci hodie cum tali gratitudine recipiunt sanitatem; potius de multis dici potest illud S. Aug. in pl. 97. *Salvantur sibi, sed non Deo. Ecce enim, quam multi cupiunt sanitatem corporalem, & à Deo accipiunt, & ab ipso sanantur: & tamen non illi sanantur, quia lasciviunt; qui agroti casti erant, sanati, adulteri fiunt: qui cum agrotarent, neminem ledebant, receptis viribus invadunt & opprimunt innocentes.* de his ait David pl. 77. v. 34. *Et dilexerunt eum in ore suo (in infirmitate) & lingua sua mentiti sunt ei; nec fideles habiti sunt in testamento ejus.* S. Hier. legit, *Nec permanserunt in pacto suo: multa ægri promittunt Deo, quæ sani non servant.*

§. 7.
Et in illo:
qui non ser-
vant bona
proposita.

Isaias propheta illos depingit p. simili, quot ut intelligatur, meminisse oportet verborum Christi Joh. 16. v. 21. *Mulier cum parit, vana tristitiam habet: cum autem peperit puerum, iam non meminit pressuræ propter gaudium.* Is. sic ait c. 26. v. 18. *Sicut quæ concipit, cum appropinquaverit ad partum, dolens, clamat: in doloribus suis (hoc facimus ægri) & sic facti sumus à facie tua Domine: concepimus, & q. parturivimus, & peperimus spiritum: quam sancta proposita. &c. sed paulo post, non meminimus pressuræ &c. pl. 77. 34. de iisdem dixit David, cum occideret eos (scilicet Deus) quarebant eum.*

eum, & revertabantur, & diluculo veniebant ad eum, & rememora-
ti sunt, quia Deus adjutor est eorum, & Deus excelsus redemptor eo-
rum &c. sed &c. similes Pharaoni, de quo Lyranus ait in cap. 7.
Exodi. Sicut Pharaon ingravit cor suum, sic faciunt multi, qui cum
in afflictione positi sunt multa Deo promittunt; sed extra periculum
positi retractant. Aliud in hod. Eu. nos monet, fidissimus noster
amicus Christus Dominus.

3. Ait textus Eu. v. 2. *Videns Iesus fidem illorum, dixit para-* §. 8.
lytico, confide. insigni miraculo commendavit caritatem isto- *Placet*
rum hominum, qui ægrum portarunt in tectum domus, illud- *Christo D.*
que denudantes, & patefacientes submiserunt grabatum, in- *si finis vi-*
quo paralyticus jacebat. hæc caritas summopere placuit Chri- *ri miseri-*
sto D. si salutem animæ quærimus, & nos viri debemus esse *cordes. Pro-*
misericordes, benigni, præsertim erga ægros, & afflictos. Die *ponentur*
Jovis in f. BB. Ap. Sim. & Judæ multis in communi egi, de neces- *aliqui*
sitate & utilitate mutuæ dilectionis; nunc fuit tempus agendi de *actus vera*
quibusdā actibus talis caritatis in particulari; hod. Eu. vel caritas *dilectionis*
illorum virorum nos monet, ut compatiamur ægris, vel consti- *erga proxi-*
tutis in aliqua afflictione. De Joseph captivo refert scriptura, *mum.*
quod cum in eundem carcerem conjecti fuerunt pincerna &
pistor Pharaonis ipse q. ministravit illis; ad quos cum introisset
mane Joseph. Arias Mont. legit, *Venit ad eos diluculo.* Tanta enim
commiserationis erat Joseph circa incarceratos, ut singulis horis visi-
taret, sciendi gratia, an illis aliquid deesset, & si aliquo indigerent.
David de se ipso ait ps. 51. v. 10. *Ego autem sicut olea fructifera in*
domo Dei. (Corn. à L.) *semper pronus ero ad pietatem, & misericor-*
diam. quæ teste S. Th. nil aliud est, quam aliena miseria in nostro
corde compassio; qua utique si possumus, subvenire compellimur. Cum
Christus Dom. in cruce mortuus nil amplius nobis dare posset,
quod non dedisset, saltem ex corde cum guttis aquæ dedit resi-
duum sanguinem in precium. Vir misericors, cum ipso opere
juvare non potest, saltem habet cor plenum compassio-
ne &c.

De B. V. p. dixit Rich. de S. Laur. de laud. Virg. *Tanta libe-* §. 9.
ralitatis, & misericordia est Maria, quod à nulla creatura, quantum *alii actus*
huius vir-
Ggg 2 *vis fac. tui.*

vis fatente & sordida, radios avertit pietatis sua. Exemplo filii qui in h. Eu. nec à paralytico avertit oculos &c. S. Hilarius in S. Matth. *Nunquam homines propius ad similitudinem Dei accedunt quam cum benefici sunt amatores, sic enim imitantur Deum. Pinna. Deo proximè accedit ille qui Deum amat, & proximo benefacit, cui proprium est misereri semper. Clemens Alexandr. l. 3. pædag. c. 6. Violenti, qui rapiunt regnum cælorum sunt benefici in proximos, & afflictis veram quietem largientes. & S. Chrylost. in ps. i. Viscera misericordia qui non amisit, qui egenum sine tecto in domum suam induxerit, nudum vestierit, & esurienti panem dederit, sitienti potum, prodibit q. lux justitiæ ejus. Puto vos advertere, quoniam sint actus Christianæ caritatis. Inquirere, velle scire, ubi habitant pauperculæ viduæ; visitare ægros, sciendi causa, an aliquid illis desit; vel mittere famulos, qui illud faciant, quærere ex confess. hi sunt actus perfectæ caritatis. Christus D. accessit ad lectulum paralytici. Semper pronum esse ad misericordiam, habere semper cor, oculos, linguã, manus plenas oleo benignitatis; si opere succurere non possis, dare saltem sanguine cordis; compati; alloqui saltem tales suaviter &c. hi sunt actus caritatis; cum B. V. à nullo, nullo, quamvis mendicabulo avertere radios pietatis, & suaves oculos; esse amatorem proximi, beneficium; vestire nudos &c. hi sunt actus veræ caritatis.*

§. 10.
Inveſtiti
in viros
immiſer
cordes.

Sed quam timeo ne de multis dici possit, quod Amos ait de fratribus Josephi, cap. 6. v. 6. *Et nihil compatiiebantur super contritione Joseph. cum gemeret, cum fleret, cum esset in angustiis, quod veilent eum occidere. Videor mihi videre; (fiat p. descriptio) nihil compatiuntur &c. Prov. 12. v. 10. Viscera impiorum crudelia. ad Rom. 1. v. 31. pleni erant invidia, sine affectione, sine fædere, sine misericordia. Theophylactus, Imitantur immiseri cordes inhumanosq. diabolos, qui compassionis expertes sunt atque inimice erga nos affecti. quibus proinde etiam dicitur Matt. 25. v. 41. Discedite à me maledicti in at. &c.*

§. 11.
Beati sunt
miseri

Benedicti v. & beati viri misericordes. S. Greg. Nyss. *Beneficentia est omnium virtutum laudatarum, præstantissima felicitatis comes.*

comes. est hoc mirabile; Non leguntur alia Loth benefacta, ^{des: Pun-} quam hospitalitas; hæc illi hostia fuit, hoc sacrificio, sulphur & ^{untur im-} ignem evasit Sodomorum; rota servata est familia unius meri- ^{miserico-} ^{des.} tis. De divite ep. Luc. 16. v. 22. non referuntur alia scelera, quam quod fuerit immisericors erga Lazarum, & mortuus, sepultus in inf. De Jericho ait Josua. c. 6. v. 17. *Sit civitas hac anathema, & omnia quæ in ea sunt Domino.* Sola Rahab meretrix vivat. Quid egit? exploratoribus misericordiam exhibuit, è contra Jac. *Judicium sine misericordia ei, qui non facit misericordiam,* Pereat. timeo ne locum habeat querela Ezech. c. 2. v. 9. *lamentationis carmen, Va: tantum abundavit iniquitas & refriguit caritas: Virum fidelem & misericordem quis inveniet?* proinde multi, ps. 108. 26. pro eo quod non sunt recordati facere misericordiam, & persecuti sunt inopem & mend. & compunctum corde (mæstum) mortificare, induunt maledict. sicut vestimentum &c.

Sed alibi de his ago. In 4. Puncto hujus Conc. tanquam ^{S. 12.} ^{Simus &} ^{præcipue} ^{miserico-} ^{des ergo} ^{egros,} fidus amicus, moneo meos Auditores ut exemplo Christi sint misericordes erga infirmos præcipue. S. Gregor. Nyss. *Cum omnes pauperes, fovendi, adjuvandique sint, tamen illi qui agrotant præcipue sunt complectendi.* Ecclesiastici cap. 7. vers. 39. *Non te pigeat visitare agrotum. Ex his enim in dilectione firmaberis.* Tigurina nam gratiam ex illo colliges. Pie S. Bonaventur. in stim. d. amoris: *Cur O anima, tota die anxiaris post Christum? indicabo tibi quem diligit anima tua. Certe in infirmaria jacet (in hospite) & ibi angustiat, ibi torquetur (ibi nudus est &c. p.) curre g. & illi ministra, & compatere infirmitati.* Hic quivis cum S. Paulo dicere deberet ex epist. 2. ad Cor. cap. 11. vers. 29. *Quis infirmatur, & ego non infirmor? & ego non uxor igne scilicet compassionis.* S. Bernardus. *O pietas Apostoli, à regno cælorum descendit ad cubiculum infirmorum.* Actor. 21. v. 13. ait: *Quid facitis flentes, & affligentes cor meum?* S. Chrysostomus. *Quid dices Paule? dic quaso adamantinum tuum animum lacryma emollire potuit? Etiam.* Respondet nam omnibus resisto, una dempta dilectione & compassione 1. ad Thessal. cap. 2. versu 7. dixit, *factus sum in medio vestri sicut nutrix sedens,*

& nutriens filios suos. O si Bamb. haberet tales nutrices, beneficentia &c. Comes felicitatis! hoc modo fac p. Epilogum cum brevi repetitione concionis &c.



CONCIO XLVII.

DOMINICA XX. POST SS. TRINIT.

Ligatis manibus & pedibus, projicite in tenebras exteriores.

Matt. 22. cap. v. 13.

SYNOPSIS CONCIONIS.

Conatur Auditoribus incutere timorem Inferni.

- | | |
|---|--|
| <p>§. 1. Concionatores frequenter debent agere de pœnis inferni.</p> <p>§. 2. Damnati precipitabuntur in barathrum, veluti lapides molares in mare.</p> <p>§. 3. Pium colloquium aliquorum Anachoretarum.</p> <p>§. 4. Unde tantus terror in Isaac, cum intellexit se deceptum, dando benedictionem Iacobo.</p> <p>§. 5. Heu! Domine Deus, quid eris in inferno.</p> <p>§. 6. Non mirabimur hominem</p> | <p>aternum ardere in inferno, qui considerat filium Dei propter peccata aliena debuisse mori in cruce.</p> <p>§. 7. Memoria inferni convertit peccatores.</p> <p>§. 8. Deus punit ignibus in hoc mundo, ut timeamus ignes inferni.</p> <p>§. 9. Ex inferno nulla Redemptio.</p> <p>§. 10. Protopopæia anime damnata.</p> |
|---|--|

Ho-

Hodierna dominica, super lectum Eu. in quo Christus D. tam clavis verbis describit pœnas & æternitatem inferni, in plerisque meis concionibus de illis ago. §. I.
Concionatores frequenter agant de inferno,

Confirmat me in proposito meo S. Joannes Chrysoſt. hom. 31. in ep. ad Rom. *Vitam in prandis & cœnis, imo & ubique de gehenna disputaretur, nec enim mœrore affecti essemus in vita hujus malis, neque in bonis illius delictati & letati.* Quid enim mihi potes objicere incommodi, paupertatem, morbos, captivitatem corporis cæcitatem? Omnia hæc comparatione futuri judicii ridicula sunt! *Continuos itaque sermones de gehenna versemus, non enim sinet in gehennam incidere, gehenna recordatio.* S. Thomas dixit *consideratio pœne æternæ, materia est, sive occasio, patientia in adversis*, addere possumus, non patientiæ tantum, sed omnium virtutum, & vitæ sanctæ. Pari ratione eadem consideratio concionatoribus est materia & occasio ferventissimarum concionum; ut auditores, æternarum deinde memores pœnarum, & dolorum sine fine manentium, timore Dei defixi, declinent à malo, & faciant bonum. Iterum S. Chrysoſt. h. 32. in cit. ep. *Non sinet in gehennam incidere, gehenna meminisse. Ne fugiamus sermonem de gehenna: ut gehennam fugiamus, ne fugiamus pœna mentionem; si dives ille, illum ignem cogitasset, non peccasset: quoniam autem ejus nunquam meminuit, idcirco in eum incidit.* Arbitror hoc & hodie esse verissimum: multi non arderent actu in inferno, si dum vixerunt in hoc mundo, inferni fuissent memores. Plurimi qui sunt in lata via ad perditionem, statim hoc mom. agerent pœnitentiam, si pœnas inf. haberent ante oculos positas. Ea mihi mens est in præſenti concione, ut auditoribus meis incutiam horrorem inferni, si converti, & ab inferno liberari velint.

Apoc. 18. v. 21. ait S. Joannes, *Et sustulit unus Angelus fortis lapidem quasi molarem magnum, & misit in mare dicens; hoc impetu mittetur Babylon civitas illa magna, & ultra non invenietur.* §. 2.
Damnatæ precipitantur in inf. velut lapides mares in mare. S. Thomas hic; *In mare, id est, in infernum profundissimum, & pœnis amarissimum.* In visione hac S. Joannis, ille Angelus sustinuit personam tremendi judicis, hic est ille fortis, ille omnipotens, ille ira-

ille iratus Rex, qui post latam sententiam in valle Josaphat, discedite maledicti, omnes reprobos, veluti lapides, in profundam abyssum inferni præcipitabit, ut ibi æt. ardeant. Rupertus hic advertit causam hujus modi loquendi, quo utitur spiritus sanctus. *Veraciter universa civitas diabolici cum magno impetu in profundum mittetur, etenim sicut lapis magnus in mare missus, non supernatat, neque resilit ulterius, sic illa (sic damnati) præcipitata, de inferno non emerget amplius, sed at. bibent de vino ira Dei (apoc. 14. v. 9.) quod mixtum est mero in calice ira ipsius; ut crucientur ibi igne & sulphure in conspectu Angelorum sanctorum, & ante conspectum agni, & fumus tormentorum ascendit in secula seculorum non habentes requiem die ac nocte. Jer. 17. v. 4. Ignem succendit in furore suo, usque in æternum ardebit, in eo tot milliones damnatorum. Vere equidem nescio, cum celeberrimo Conc. Diez; quomodo hac (in particula hæc fiat p. præcedentium repetitio, Mitti in ignem instar lapidis, torqueri &c.) audientes non contremiscimus, & stupefacti atque attoniti remanemus. Utinam quivis Christianus diceret cum S. Euphemie, ad tempus q. est, O tyranne, ignis quem mihi nunc minaris, ideoque nequaquam eum extimesco, sed potius illam sane terribilem tota mento formido, qui omnibus impiis à Christo est constitutus in æternum.*

§. 3.
Pium colloqui aliorum
Anachoretarum.

Refert Rosveidus in vitis SS. PP. convenisse aliquando 12. Anachoretas, ad miscendos pios sermones de rebus ad salutem animæ pertinentibus. Convenerunt inter se ut quivis narraret, quod objectum sæpius animo revolveret, cum magno fructu, & cum magna devotione: postquam varii, varia, pia, sancta proposuissent, alii de morte, & jud. alii de misericordia Dei, alii de passione Christi, alii præsertim de gaudiis cœli; ultimus dixit; *Ego non judico me dignum, ut tam sublimia animo meo volvam; hoc ego frequenter ago, vivus descendo in infernum! videre mihi videor, ardentes animas, & cogito, istis fortassis post modicum annumeraberis! his dictis toto corpore tremens, cum gemitibus & lacrymis, cum suspiriis, tunctionibusque pectoris, se abjecit ad pedes crucifixi, alta voce inclamans, Domine ne in furore tuo arguas me (ps. 37. 2.) neque in ira tua corripas me. S. Aug. id est, non*
sim

sem inter illos, quibus dicturus es; Ite in ignem aeternum! Præter alia dixit, Certus sum me esse meritum infernum! & sapius! an peccata, quibus illum promerui mihi remissa sint, nescio! & quomodo poterò esse latus? spero q. quia amo Iesum meum &c. sed sine timore vivere non possum. Utinam cum piissimo hoc Anachoreta talia dicant mei auditores. Cogitationes sanctæ de inferno, non permittent nos incidere in infernum.

Gen. 7. v. 33. cum audisset Isaac, se fraude deceptum, Jacobo dedisse benedictionem. *Expavit stupore vehementi. & ul-* §. 4.
Unde tam-
tus terror
in Isaac,
cum intel-
lexit se Ia-
cobo dedis-
se benedi-
ctionem.
tra quàm credi potest admirans septuaginta legunt. *Expavit* Isaac pavore magno valde. Pagninus. *Expavit pavore magno ve-* cum intel-
lexit se Ia-
cobo dedis-
se benedi-
ctionem.
hementissimè. Arias Mont. Cajet. *Et tremuit Isaac tremore magno* valde. Oleaster. *Commotus est commotione magna vehementissi-* me.
me. Unde tantus metus? unde pavor? indignari potius potuisset Jacobo, quod fraude abstulisset benedictionem; contra Rebecca potuisset conqueri; vel condolere Esau &c. Tanti pavoris causam invenit Lyranus ex mente Rabbinorum, & est hæc. *Isaac auditis prædictis voluit retractare benedictionem Jacob;* §. 5.
Heu Do-
mine Deus,
quid erit
in inferno.
sed tunc ex voluntate Dei, vidit apertam gehennam, si retractaret. Viso illo igne expavit, tremuit! Videmus, audimus quam aliqui graviter, & tamen sine timore offendant Deum; O voluptuose! dum de fornicatione vel adulterio cogitas, utinam coram te se se aperiret infernus! O iracundi &c. Utinam; (hoc modo perge patheticè.) Sed veniet tamen hora, qua hoc fiet, cum veluti lapides in igneum mare præcipitabimini, tum expavescetis, tum stabitis tremebundi, tum ululabitis, tum stridebitis dentibus tum igneas fundetis lacrymas; sed nimis sero! Vivi descendite in infernum! vivi & cito procumbite ad pedes Christi &c.

Inter pœnas, quibus punitus fuit impius Pharaon hanc quoq; ponit c. 10. v. 22. *Ex facta sunt tenebra horribiles in universa terra Aegypti.* Hug. Card. hic. *Horribiles! quia Aegyptiis existentib. in tenebris, apparebant eis quadam horrenda imagines valde eos deterren-* §. 5.
Heu Do-
mine Deus,
quid erit
in inferno.
tes. tum subdit, *Heu Domine Deus quid erit in inferno? terrens* nos in hoc mundo feroces bestia, ursi, lupi, leones, serpentes!
heu Domine Deus, quid erit in inferno? quomodo terrebunt impios

Alveus Tertius.

Hhh

leones

*leones ignei &c. qui vivi descendunt in inf. vident atrociora. Eheu damnati jam illa patiuntur, & patientur in at. Terrent nos in hoc mundo dira pœnarum instrumenta, gladii, rota, equulei, catasta, candentes forcipes. Heu Domine Deus, quid erit in inferno; ubi catena ignea &c. Terrent nos in hoc mundo, horrendum vel unius domus incendium? qualem terrorem putatis fuisse nuper in urbe Londinensi, quando 4. dierum spatio, aliquot millia ædium conflagrarunt. Heu Domine Deus quid erit in inferno! cum B. Petrus Dam. ser. 60. de S. Nicolao talia consideravit, exclamavit: *Totus tremo! atque horreo ad memoriam istius regionis, & concussa sunt omnia ossa mea. Illic est ignis, qui non consumitur; illic est vermis qui non moritur, illic frigus horrendum, fœtor intolerabilis &c. hoc illic est miserabile & horribile!* ut S. Bern. l. 5. de consider. quærit: *Quid tam pœnale, quam semper velle, quod nunquam erit? vellent, & volent in at. liberari ab igne, sed hoc non erit in æternum.* (hoc modo potest fieri p. inductio) *& semper nolle, quod nunquam non erit, nolent ardere, semper ardebunt &c. In æternum non obtinebunt quod volent: & quod non volent, in at. nihilominus sustinebunt.* S. Cyr. ad Demetr. *Cremabit addictos ardens semper gehenna, & vivacibus flammis vorax pœna, nec erit unde tormenta vel requiem possint, vel finem habere.* Adolescens quidam cum hæc eadem considerasset cum magno fervore exclamavit ad obvios, *Quid ergo agimus, qui cum æternitate ludimus!* Imo non ludere nunc est, sed insanire: agedum, deinceps alius ero aut nullus ero: Moneo vos; superbi, alii estote, vel æternum ardebitis! luxuriosi, quid luditis cum æternitate? alii estote &c. (fiat p. inductio.)*

§. 6.
Non miratur, hominem ardere at. in inf. qui considerat, Filium Dei propter peccatum alienum.

Stupore defixus hæreo, cum considero tremenda Dei iudicia, quod velit tot milliones animarum æt. ardere. Origenes: talia non capiens incidit in: hæresin, quia putavit ob inf. Dei misericordiam, infernum tandem habiturum finem, omnesque damnatos salvandos, ut simul omnes rationabiles. creaturæ Deum æt. laudent. Hoc est diabolos, tam nobiles creaturas æternum ardere, videtur nimis crudele, & alienum à D. misericordia! In aliud prius objectum admiratione dignum oculos ve-

los ve-

los vestros conjicite, tum cessabit nostra admiratio. Aspicite ^{debuisset} Salvatorem vestrum pendentem in cruce (sile nonnihil, quasi ^{mortui in} admirabundus!) Qui pendet in cruce est Unigenitus Dei filius ^{cruce.} ab æterno; ejusdem naturæ cum patre omnipotens, sapiens, sanctus &c. Ex voluntate Patris venit in terras, factus est homo; Deus homo; Clarior sole, sanctior Seraphinis, impeccabilis, plenus gratiæ; Iste sanctus, iste innocens, capitur, ligatur ut latro, trahitur ad diversa tribunalia, flagellatus, coronatus spinis, damnatur ad mortem, nudus in facie Jerosolymæ suspenditur in cruce, in eadem moritur, morte acerbissima & indignissima. Inter plurimas causas, ob quas Deus hoc voluit, modo meo discursui de pœnis inferni servit illa, quam invenio apud S. Th. 2. p. q. 46. ar. 1. ad 8. *Conveniens fuit iustitiæ, quia per possessionem suam Christus satisfecit pro peccatis humani generis*: Tantum est odium Dei erga peccatum! Potuissent damnati si voluissent, se participes reddere hujus satisfactionis, ob merita Christi &c. quia sua culpa non fecerunt æt. damnati sunt. Scilicet, hoc est conveniens D. Justitiæ: cui, quia amplius satisfacere non possunt nisi patiendo & ardendo; æternum ardebunt, neque tamen unquam satisfacient. Imo S. Aug. teste, si Deus ex omni rigore justitiæ impios vellet punire, in duplici deberent ardere inferno, in uno, quod ingrati fuerint Deo creatori: in altero, quod injurii fuerint erga Christum redemptorem. Quod duos infernos Deus non fecerit, in hoc est Deus miserorum; ultionum verò Deus est, quod in uno inf. damnatos æternis puniat ignibus, ardent! cruciantur! quia justus est Dominus.

Pf. 54. ait v. 16. David: *Nequitia in habitaculo eorum in medio eorum*: vult dicere, sunt multi impii, qui graviter offendunt Deum. Rex piissime! an non superest aliquod efficax ^{§ 7. Memoria inferni contra virtutis peccatores.} remedium, ut convertantur? hoc suggerit eodem pf. v. 16. *Veniat mors, veniat mors super illos: & descendant in inf. viventes.* Ne putetis Davidem tam fuisse immitem, ut impiis optaverit repentinam mortem, vel pœnas inferni, sed optarit, ut meminerint se morituros, ut cogitent & timeant, ne forte damnentur. S. Bern. l. 1. de vita solit. *Ad infernum quippe descendit homo vivens*

vivens per considerationem. Cum scilicet aliquis se ipsum mortuum cogitat, & in sepulcro jam positum putredine & vermibus plenum omnibus nudatum - & insuper animam suam considerat divino iudicio infernalibus pœnis traditam, quomodo est possibile, ut talis non cogitet, quomodo se eruere possit è tanto periculo. Luc. 13. v. 8. ait Dominus horti ad hortulanum, succide illam, ut quid terram occupat? sed ait hortulanus, Domine dimitte illam & hoc anno, usq; dum fodiam circa illam. Id est, ait in sensu mystico Vener. Beda, in Luc. Horrorem perpetue damnationis incutiam. Hæc eadem mea mens est, in præsentī exhortatione, ut meis auditoribus, præsertim illis qui sunt in peccato mortali incutiam horrorem inferni! Multi gehenna multum debent, (S. Basilius) quia gehenna illos ducit ad paradysum.

§. 8.
Dei punit
ignibus in
hoc mundo.
ut timea-
mus flam-
mas acer-
nas.

Gen. 19. v. 24. Dominus pluit super Sodomam, & Gomorrhham, sulphur & ignem, & subvertit civitates has. ubi p. Salvianus l. 2. de Providentia. Cum enim ad supplicium malorum gehennam in futuro arsuram manifestum sit, Sodomam & vicinas ejus urbes cœlesti flamma consumpsit. (Contrigere sæpe etiam nostris temporibus talia incendia) sic. in præsentī Deus nobis vult proponere aliquam ideam saltem inferni &c. *Vi dum tempus est fugiamus. p.* Vidimus heri tristissimum spectaculum; pœnitentis peccatricis cadaver comburi flammis! ego à longe stans elevatis oculis dixi, O mi Jesu, quid erit in inferno! mortuum corpus ardere parum est, si sine sensu; durat damnum ad horam. O mi Jesu! animas & corpora ardere in inferno! hoc est terribile, & q. illo modo, quem describit D. Cypr. orat. de asc. Domini; *Ardebit purpuratus dives, nec erit, qui aestuanti lingua stillam aqua infundet. In proprio adipe frixa libidines ebullient, & (illi oculi, illæ manus &c.) intersartagines flammeas misera corpora cremabuntur. & omni tormento atrocius desperatio condemnatos affliget. Non miserabitur ultra Deus! & cum clausa fuerit janua, frustra carentes oleo, exclamabunt exclusi. Nullum ibi refrigerium, nullum remedium.*

§. 9.
Ex inferno,
nulla re-
demptio.


Talia videtur præ oculis habuisse regius psalter ps. 68. v. 16. in ardenti illo suspirio. *Ne quando urgeat super me puteus os suum. Lorinus legit, Claudat. quod ideo David dixit (S. Aug. hom. 16.*

ex 50.)

ex 50.) quia cum sine pœnitentia remedio infelices peccatores exceperit (ille puteus inferni) claudetur sursum, aperietur deorsum, & dilatabitur in profundum. Nullum spiramen, nullus liber anhelitus, claustris desuper urgentibus, relinquetur. Detrudentur illuc, valediscentes rerum natura, ultra nescientur à Deo, qui Deum nescire voluerunt, morituri vita, & morti sine fine victuri. ps. 20. v. 10. Pones eos ut clibanum ignis. Nutrimenta ignis non tantum lingua pl. 30. v. 33. sed ipsi damnati sunt pabulum. Es flatus Domini sicut torrens sulphurus succendens eos. ps. 20. v. 10. devorat eos ignis. O mors veni, veni, super auditores meos; O inferne ardens, ignee putee! aperi fauces tuas, ut modo vivi, per considerationem, per actum fidei, descendamus in infernum, & mox reduces per seriam pœnitentiam convertamur ad Dominum Deum nostrum, ut gehenna, id est, memoria & timor ejus nos ducat ad Paradisum: ut statim hac hora incipiamus esse solliciti de nuptiali veste &c.

O inferne! aperi fauces tuas, ut mei audit. videant infelicem illam matrem, quæ ante annos non multos apparuit filix, inter flammas igneis ligata catenis, igneis circumdata serpentibus, ignea amicta toga: aperi fauces ut illam audiant talia dicentem ad Filiam. *Hec me filia ecce propter parvam libidinem, propter superbiam &c. quantam recipio gehennam & quas sustineo pœnas; ecce, propter exiguas delicias quanta exsolvo tormenta! Apprehenderunt me universa immobilia mala! aeternum ardeo.* Et est ex præsentibus audit. pertinax aliquis pater, qui hæc non timet: Adesto mors, veni, succide arborem, ut mittatur in ignem! Non mi Jesu! sustine adhuc hoc anno, hoc mense, hac die usque dum faciam, usque dum horrorem damnationis incutiam.

§. 10.
Propheta
anima
ma dama
ta.



CONCIO XLIIX.

DOMINICA XXI. POST SS. TRINIT.

Erat quidam regulus, cujus filius infirmabatur.

Joan. 4. cap. v. 46.

SYNOPSIS CONCIONIS.

DEUS permittit tribulationes, ut ad illum recurremus.

§.1. Dolor filiorum, solet esse dolor parentum: ideo Regulus accurrit ad Christum D.

§.2. Absalon, quo medio coegerit ad se venire Ioabum.

§.3. Et Christus D. Gerasenos.

§.4. Antiochus vexatus dolore viscerum agnovit Dominum.

§.5. Ipse Lucifer, ne torqueretur, adoravit Christum.

§.6. Quomodo S. Bernard. duobus fratribus persuaserit ingressum in religionem.

§.7. Morbi &c. optimum sunt medium, ut qui Dei sunt obliti, illius meminerint. Deus est peritissimus Doctor.

§.8. Dictum S. Vincentii Ferrerii.

§.9. Declaratur similibus, quare Deus immittat morbos & dolores.

§.10. De quo gloriatur Isaias.

§.11. Fatetur idem Ieremias, & regius Psalter.

§.1. Dolor filiorum solet esse dolor parentum: ideo regulus accurrit ad Christum D.

NOta vobis est Audit. brevis sed affectuosissima orationcula Cananæ, qua usa fuit, prosternens se ad pedes Christi Matt. 15. v. 22. *Miserere mei Domine fili David: filia mea male à demonio vexatur.* Sed! si filia torquetur, si filia vexatur, si pro filia petit misericordiam, quâ ait *Miserere mei*, & non potius fili David, *miserere filiæ meæ*? Glossa cau-

causam advertit. *Non dicit, miserere filie, sed miserere mei: quia dolor filie, dolor erat Matris.* In hod. Evangelio, *quidam Regulus* id est, quidam progenitus de sanguine regio, quidam regius, quidam regalis; secundum alios, quidam gubernator illius civitatis, vel dux exercitus, audiens quia Jesus adveniret, abiit ad eum, & rogavit eum, ut descenderet, & sanaret filium suum; Quid hoc? talis & tantus Princeps se se humiliat coram Christo D. non miremur; *Dolor filis, dolor fuit patris;* tribulatio, periculum & metus mortis filii, illum traxit ad Christum D. Punit Deus frequenter filios, ut id sentiant parentes & convertantur ad Dominum. Cham fuit qui Gen. 9. irrisit nuditatem parentis Noë, quod cum deinde Noë intellexit, ait v. 25. *Maledictus Chanaan.* hic fuit filius Chami, sed quid hic peccavit, cur in filium pronuntiatur sententia maledictionis? Acute respondent S. Ambr. l. de Noë & arca c. 32. & S. Hier. hom. 29. in gen. *Neque hoc absque ratione factum est, quia pater non minorem penam accruciatum habuit, quam filius; gravius enim est videre filios supplicii affici, quam si ipsi parentes iis fiant obnoxii.* Hoc fuit expertus Regulus in hod. Evang. & ille dolor in causa fuit quod venerit ad Christum. Discursus hujus exordii nobis insinuat Deum permittere tribulationes &c. ut & nos veniamus ad Christum. Hoc &c.

Thema hujus concionis probabo clarissimè ex pulcris locis S. Scripturæ. I. 2. reg. c. 14. Absalon filius Davidis per diversos nuntios ad se vocavit Joabum, generalem exercitus parentis, sed noluit Joab venire. Puto ego cogitasse Absalonem, juvenem superbum, itane Joab immemor est reverentiæ & obedientiæ, quam debet filio Regis? ut vocatus ad me venire remuat? faciam, ut veniat: itaque ait suis famulis v. 30. *Scitis agrum: Idab juxta agrum meum, habentem messem hordei; Ite igitur & succendite eum igni. Succenderunt ergo servi Absalon segetem igni. Quamprimum Joab vidit ardere suos agros--surrexit & venit ad Absalon.* S. Eucherius hic. *Cur antea non venit rogatus, & postea venit invitus? nisi quia efficacior fuit ad trahendum damni pressura, quam urbana Absalonis supplicatio.* Talis est multorum conditio:

S. 2.
Absalon
quo medio
corripit ad
se venire
Joabum.

ditio; vocantur, rogantur quasi à Deo & Christo D. Infinita Dei misericordia innumera confert beneficia; promittit majora ut ad se veniant, ut Deo serviant; frustra omnia! Igni compelli debent; Iratus Deus immittit ignem pestilentiae; undique ardere incipiunt flammæ novorum bellorum, immittit Deus morbos; tum surgunt & q. inviti veniunt ad Dominum; Pressuræ damnorum &c. efficaciores sunt, ad trahendum, quam sint urbanæ obtestationes.

§.3.
Et Christum
D. Geraseni
nos.

Ex V. T. subinde libenter me confero ad historias N. T. præsertim cum inter utrasque pulchra est connexio, qualem mox audietis. Torus mundus ibat post Christum D. ob ejus admirabilem in conversatione suavitatem, ob sanctitatem, ob miracula, & præsertim inexplicabilem efficaciam in dicendo. Pauci aliqui Geraseni & illorum subulci noluerunt Christum sequi Luc. 8. v. 35. In transitu ex homine obsesso Christus D. expulit legionem demonum, qui obtenta licentia à Christo D. ingressi porcos, omnes præcipitarunt in mare; territi subulci, currunt ad civitatem, narrant incolis factam stragem porcorum, sive illatum damnum; *Et egressi sunt videre quid esset factum & venerunt ad Iesum.* S. Th. in catena aurea. *Illos autem ad Salvatorem adduxit damni necessitas; frequenter enim, cum Deus homines damnat in rebus possessis, confert beneficium animabus, ut convertantur &c.* Jonas de semet fatetur c. 2. v. 8. *Cum angustia-retur in me anima mea, Domini recordatus sum.* S. Hieronymus in Jonam. *Tempestate & totius mundi contra se saviente naufragio compulsus est sentire Deum.*

§.5.
Antiochus
toratus
dolore vi-
scerum
agnovit
Dominum.

De impio Antiocho ait l. 2. Machab. c. 9. v. 5. *Apprehendit eum dirus dolor viscerum, & amara internorum tormenti. Hinc igitur caput ex gravi superbia deductus ad agnitionē sui venire, divina admonitus plaga, &c. ait iustum est, subditum esse Deo.* ob defectum tamen veri doloris &c. cognitio sola illi non profuit. De aliis verò p. ait S. Bernardus, *Compelluntur multi variis necessitatibus, & oppressionibus afflicti, qui mihi a Dei providentia, dum temporalem penam si non libenter, tamen patienter sustinent, vitam consequuntur æternam.* quod non contigisset, nisi fortassis incidis-
sent

ſent in gravem morbum, vel aliud grave infortunium illos apprehendiſſet. pſal. 15. verſ. 4. *Multiplicate ſunt infirmitates illorum, poſtea acceleraverunt*, Hugo Card. *acceleraverunt, quia tribulationes ſunt quaſi compendium veniendi ad Deum*. S. Auguſtin. *Multiplicate ſunt infirmitates, non ad perniciem, ſed ut Medicum deſiderarent; Vnde poſt multiplicatas infirmitates, acceleraverunt, ut ſanarentur*. Graſſatur variis in locis peſtis! non ad perniciem, ſed ut Medicum deſideremus (ſic de aliis &c.)

Rem admiratione dignam advertit Origenes de ipſo ^{§.5.} Lucifero. If. 14. verſ. 14. ait, *Ascendam ſuper altitudinem nubium, ſimilis ero altiffimo*. Gravium Theologorum opinio eſt ^{Ipfè Lucifer, ne torqueretur, adoravit Chriſtum.} Luciferum & aſſectas talia dixiſſe, cum Deus illis propoſuit Deum hominem adorandum, quod facere recuſarunt, & ideo de cœlis dejecti ſunt in tartarum. Nihilominus poſtea cum filius Dei vixit in terris, S. Lucas cap. 8. verſ. 28. ait de uno qui miſerum hominem poſſederat; *Is, ut vidit Jeſum procidit ante illum, & exclamans voce magna dixit; Quid mihi & tibi Jeſu fili Dei altiffimi? obſecro te ne me torqueas*. Sanctus Marcus cap. 5. verſu 6. ait, *Videns IESUM à longe cucurrit, & adoravit eum*. Quomodo O ſuperbiſſime Spiritus? unde illa metamorphoſis? quod coram eo ita te humilies, quem ita odiſti? Pulcre Origenes, *Vide in Evangeliiſ, quomodo verberatus hanc vocem emendet; Vbi tormenta ſenſerunt, ſciunt Dominum*. Multo magis de hominibus hæc vera ſunt, verberati, admoniti divinis plagis, ſe emendant. Ubi tormenta, ubi morbi &c. ibi ſæ. cogitationes, ibi excellentiſſimi actus virtutum.

S. Bernardus non tantum ipſe mundum deſeruit, ſed ^{§.6.} voluit idem facere fratres ſuos. Alter erat Quido, nobili ^{Quomodo S. Bernardus duobus fratribus perſuaſit ingreſſum in Religionem} deſponſatus dominæ, quæ nullo modo voluit conſentire, ſed (ſic refert Guilh. Ab. in vita S. Bern. 1.1. cap. 3.) flagellatur infirmitate gravi, & cognoscens, quia durum ſibi eſſet contra ſtimulum calcitrare, accerſito Bernardo veniam deprecabatur,

Alveus Tertius.

Iii

& prior

& prior ipsa conversionis petiit assensum. Sic etiam muliebrem animum morbi possunt immutare. Alter frater S. Bernardi fuit Gerhardus insignis miles, videns salutaria consilia & exempla fratrum; ait itaque S. Bern. *Quod preces obtinere non possunt, extorquebant plagæ, & manum imponens pectori fratris inquit, Veniet dies, & cito veniet, cum lancea lateri huic infixæ, pervium iter ad cor tuum faciet, consilio salutis tuæ, quod aspernaris, & timebis q. sed minimè morieris.* post paucos dies Gerhardus incidit in manus hostium, à quibus lancea vulneratus fuit, eodem loco, quod S. Bernardus monstrarat; & subito pavidus & tremebundus exclamavit; *Monachus sum! Monachus sum, sequar consilium fratris;* quod etiam fecit. Simili plane modo hodie per lanceas, per vulnera, per morbos &c. compelli debent, ut cogitent de Deo & salute animæ.

§. 7.
Morbi &c.
optimum
sunt me-
dium, ut
qui Dei
sunt obli-
viti mi-
nuerint.
Deus peri-
tissimus
Dilectus.

Certum est, subinde aliquos, maxime illos, quos benigne fortunæ filios vocare solemus, ita vivere, ut *Deum qui servat illos, derelinquant; & obliuiscantur Domini creatoris sui.* Deuter. 32. v. 15. *Obluiscuntur benefactorum ejus, ps. 77. v. 11. Non sunt memores multitudinis misericordiae suæ. Obluiscuntur Deum qui salvavit eos.* ps. 105. 7. 11. S. Thomas Aquinas sic loquitur, *Cor totum habent in temporalibus defixum, & à Deo elongantur,* secundum quod dicitur, *populus hic labiis me honorat, cor autem eorum longe est à me.* Il. 29. v. 13. Deut. 32. v. 15. *Incrassatus est dilectus, & recalcitravit, incrassatus impinguatus, dilatus derelinquit Deum factorem suum ac recessit à Deo salutari suo.* Conciones Prophetarum plenæ sunt similibus querelis; Quid medii, ut tollatur hæc oblitio; ut tales recordentur Dei suæ igne, gladiis, sagittis, vulnerib. aliisq; plagis est opus. Peritissimus medicus est, Christus D. Salvator noster, ex illis, qui *asperas potiones propinant infirmis, ut conferant sanitatem* S. Aug. ser. 1. de temp. *Medicus noster omnipotens est* (adde, sapientissimus) *consuevit plagas nostras curare.* modo mirabili, per plagas, per morbos, per dolores &c. iterum S. Aug. in ps. 93. *Vere medicus fidelis, medicinali ferro instructus.* Procopius. *Tā est salutis nostræ peritus artifex Deus, ut vel plagas incutiens, nos ad pietatem provoces.* Job. c. 5. *Vulnerat & medetur, percutit &*

manus

manus ejus sanant. Elegantissimè hunc discursum pulcerrimis verbis exornat S. Greg. M. l. 6. mor. c. 14. *Omnipotens Deus vulnerat, quos reducere ad salutem curat: carnem percussit, & mentis duritiam, suo pavore tabefacit. Vulnerando g. ad salutem revocat, cum electos suos affligit exterius, ut interius vivant.* Paulò post. *Idcirco foris verbera admovet, ut intus vulnera delictorum sanet, - terrores suo jaculo, - vel gladio, ut per II. c. 1. v. 19. minatur, Quod si nolueritis, & ad iracundiam me provocaveritis, gladius devorabit vos,* tali inquam terrore, territos, & confixos ad sensum rectitudinis revocat: Itaque auditores, quæso ne miremur, cum subinde & nos Deus suis flagellis visitat, cum morbos immittit, cum a longè nos torret Virga, pestilentia, cum novorum bellorum flammæ videntur erumpere, Medicus est, Vulnera animæ vult curare &c. (poterit fieri priorum p. repetitio.)

Cum duo fratres, valde ægri peterent sanitatem à S. Vincentio Ferrerio, vir sanctus illis dixit; *Ite dicite matri, ut tria gravia peccata, in quibus vivit, confiteatur &c. mox eritis sani, quod & factum est.* §. 8.
Dicitur S.
Vincentii
Ferrerii, Fiunt in variis locis consultationes, quomodo possit averti pestis &c. in hunc finem adhibentur custodiæ, & verbera. Sederiam memini versus ps. 126. v. 1. *Nisi Dominus &c.* Ut custodiat, ante omnia illi, qui vivunt in statu peccati &c. confiteantur, agant pœnitentiam &c. Hoc intendit Dominus per morbos &c.

Deus Opt. Max. ad optimos fines utitur morbis & tribulationibus. §. 9.
Declara-
tur simili-
bus, qua-
re Deus
immittat
morbos &
doloris im-
pii per illos
convertantur. Pulcrum est simile S. Bernardini Jenen. ser. 8. fab. post cin. solent homines mente alienati ligari, atque in plantis pedum contundi (obruiri à lethargo uruntur laminis ignitis) ut per dolorem corporis, redeat sanitas mentis; sic utique qui à sui cognitione alienati sunt, à Deo qui flagella ad se ipsos recognoscendos misericorditer coarctantur. Thomas Ficinus in curioso & doctissimo opusculo de viribus imaginationis, refert, quandam fuisse illius phantasie se non habere caput: Insignis quidam medicus faciendo eam gerere magnam laminam plumbi super caput, sanavit eum. Hoc facit Deus &c. applica p. Lamina plumbi, est calculus &c. sic multi quoad

quoad animam sanantur & adducuntur ut memores sint Dei, quod Is c. 17. v. 7. prædixit. *In die illa (qua &c.) inclinabitur homo ad factorem suum, & oculi ejus ad sanctum Israel respicient.* S. Th. *Hic ponit pœna fructum.* Orig. hom. 5. in Ex. *Ecce Pharaon durissimus, tamen proficit verberatus, ante verbera Dominum negat, verberatus supplicari pro se dominum rogat.* Idem hodie multis contingit; sani duri sunt &c. ægri! quam pii! Eleganter Philo Judæus l. 17. antiq. c. 7. de impio Herode & scelerato Antiocho; *Is enim est mos malorum omnium, ut quoties nefarium aliquod facinus aggrediuntur, nihil non sibi permittant. Cum autem nihilominus inciderunt in periculum, tunc demum in mentem illis venit Deus.* De Nabuch. vide c. 4. Dan. v. 31. p. locus. De Manasse 2. Paral. c. 33. v. 6. fuit impius Rex &c. *Multa operatus coram Domino, ut irritaret eum. tamen postquam coangustatus est, oravit D. Deum suum, egit pœnitentiam valde.*

§. 10.
De quo
gloriatur
Isaias.

Cap. 26. v. 15. Isaias in conspectu Domini, quasi gloriatur de hoc, dum ad Deum ait, *Indulxisti genti Domine, indulxisti genti, nunquid glorificatus es? Domine in angustia requisierunt te.* O dilectissimi mei Bamberg. Verè indulget nobis hætenus Dominus, avertit hætenus pestem &c. anne ideo glorificatur. p. scilicet sic quidam terrentur à longe & currunt ad dominum, timeo fore ut aliqui non emendent vitam, nisi veniat pestis nisi corā &c. sic spero: quosdam puto id non facturos, nisi in angustia &c. de quibusdam ait S. Hier. *Sola formido, & tormentorum metus illos corrigit ad salutem, & mala intelligere faciet.* Idiota. l. 2. de pat. scio quod sicut in medicamentis, illa communiter sunt meliora, quæ amariora sunt: sic mundi attritio, correptio, & tribulatio quantumvis sensualitati & carni, sit medicina amara tamen anima & spiritui est utilis, & proficua medicina, & fructuosa.

§. 11.
De fatetur
Jeremias
& regius
Psalmos.

Thren. 3. de se ait Jerem. v. 15. *Replevit me amaritudinibus.* (S. Th.) copiosis angustiiis diversis. *inebriavit me absinthio* abundanter intulit. Quid inde? *Novi diluculo, pars mea Dominus, dixit anima mea: propterea expectabo eum.* Sani, quam parum de Deo cogitamus, præsertim nocte &c. Ægri, in doloribus; tum sæpius oculos & mentem elevamus ad cælum. David ps. 119. v. 1.

Ad Do-

Ad Dominum, cum tribulaber clamavi. S. Hier. in ps. 107. non dixit cum essem in deliciis, clamavi, aut dormiens clamavi: vis exaudiri à Domino (vis ferventer orare?) esto in tribulatione! clama! & exaudieris. ps. 84. v. 17. Tribulationes cordis mei multiplicata sunt; de necessitatibus meis erue me. S. Hier. ex hebraico. Tribulationes cor meum sursum ferri fecerunt. S. Joannes Fer. Quando adversa ingruunt, tunc cogitamus, & Deum & patriam cælestem; incipimus odisse & fastidire mundum, ut insidum & incertum. An non bene dixit Theodoretus. Hac ultio (per morbos &c.) misericordia plena est, qua impietatem facis cessare. S. Aug. in ps. 55. Ira videtur, sed paterna!



CONCIO XLIX.

DOMINICA XXII. POST SS. TRINIT.

Sic & Pater meus coelestis faciet vobis..

Matt. 18. cap. v. 35.

SYNOPSIS CONCIONIS.

DUO continet puncta. i. est; Quam eximium opus sit, quam perfecta Dei & Christi D. imitatio, dilectio inimicorum. alterum punctum proponit auream praxin, qua Christum D. in hac virtute imitari possumus.

- | | |
|---|---|
| <p>§. 1. <i>Arduum quidem est, diligere inimicos.</i></p> <p>§. 2. <i>Sed hoc faciendo, perfectissima Dei imitamur a tributa.</i></p> <p>§. 3. <i>Dei hac est propria virtus.</i></p> <p>§. 4. <i>Proinde, diligere inimicos, est opus divinum.</i></p> | <p>§. 5. <i>Qui illos diligunt sunt filii Dei.</i></p> <p>§. 6. <i>Ideo centurio sub cruce exclamavit; Vero filius Dei erat iste.</i></p> <p>§. 7. <i>Dilectio inimici, est victoria & triumphus.</i></p> |
|---|---|

§. 8. *Duo inculcat auditoribus; præsertim quomodo Christum D. in exercitio hujus virtutis imitari debeamus.*

§. 9. *Cum magno nostro solatio.*

§. 10. *Aliapulcra monita D. Nazian. &c.*

§. 11. *Epilogus.*

§. 1.
*Arduum q.
est diligere
inimicos.*

NON dubito, quin mei auditores, audita parabola hœd. Evangelii, cogitaturi sint, dicturum me hac Conc. de condonatione injuriarum & dilectione inimicorum, fateor: utilius nihil prædicare possum; præsertim cum in hac materia necesse sit prædicare simul Christum & hunc crucifixum, sed timeo ne mihi contingat, quod contigisse sibi refert, Marcellinus, discipulus S. Augustini, dum scribit. Instanter inter Ethnicos prædico Evangelium Christi; & audiunt avide; de ejus Humanitate, Deitate, Nativitate, Vita, morte, causa mortis &c. Verum cum hisce diebus illis proposui præceptum Christi, de diligendis inimicis &c. palam clamarunt, *Durus est hic sermo, quis potest eum audire?* hoc hodie clamat mundus, hoc clamat diabolus, hoc clamat corrupta nostra natura: adeo, ut teste S. Hieronymo, aliqui ausi fuerint dicere Christum D. hoc mandato præcepisse aliquid impossibile; ut alii judicarint illo everti naturam; prout enim ignis reluctatur aquæ, agnus lupo, leo gallo, ita contra naturam est, diligere inimicum. S. Aug. ait t. 8. in ps. 118. ser. 6. *Recole in omnibus justificationibus domini, nihil mirabilius & difficilius est, quam ut suos quisque diligat inimicos.* In V. T. gen. 9. nudatus Noë in ebrietate ridetur à filio, evigilans & rem audiens ait, v. 25. *Maledictus Canaan, servus servorum erit fratribus suis.* 4. Reg. 1. v. 12. missi à Rege milites captivum deducere voluerunt Eliam sed de cœlo evocavit flammæ, quibus statim fuerunt absumpti 4. Reg. 2. v. 24. Elisæus ridetur à pueris, sed è sylva advocavit ursos, qui illos dilacerarunt. In N. T. aliud docuit Christus D. verbo & exemplo; nudatus fuit, irrisus fuit, &c. sed siluit. Duo ostendā hac Conc. 1. quam eximium, quam divinum opus sit, quam perfecta Dei & Christi imitatio diligere inimicos. 2. auream praxin, qua in hac virtute Christum imitari poterimus.

Con-

Condonando injurias, perfectissima Dei attributa imitamur 2. Reg. 9. cap. vers. 3. David post devictos omnes hostes, & vim quietus in regno Israelis, ex proceribus & consiliariis suis quæsit; *Nunquid superest aliquis de domo Saul, ut faciam cum eo misericordiam Dei.* Vatablus legit. *Beneficiorum optimum & maximum, & quod erit Deo gratum.* Videtur hic modus loquendi sapere aliquam arrogantiam, quod se jactet David, non regiam tantum se posteris Saulis exhibiturum benevolentiam, sed misericordiam Dei. Videtur David velle esse Deus quidam in terris. Et quomodo homo, homini poterit facere misericordiam Dei? Modum advertit Oleaster in cap. 18. gen. *Expende, quare vocet misericordiam Dei, quam erga domum Saulis volebat exercere, nostra enim in hoc à divina distare videtur misericordia quod nostra ad nostros tantum se extendit, diligentes solum eos, qui nos diligunt, amicos, non inimicos. Misericordia verò Domini, præcipue est ad inimicos.* Itaque dum David posteris, capitalissimi sui hostis, Saulis, non tantum ignovit, sed benefacere voluit per maxima & regia beneficia, misericordiam Dei fecit, id est, perfectissimum illud Patris cœlestis attributum perfectissimè fuit imitatus, & nos imitatur, cum conservis nostris, à quibus fortassis offensi sumus ex animo ignoscimus. Dilectio inimicorum est divina virtus; nec misericordiæ tantum, sed ipsius divinæ omnipotentiae æmula & imitatrix.

Non in hoc, quod condonando injurias novum creemus mundum, vel alias creaturas ex nihilo producamus, sed in alio opere, quod adeo commendat cap. 11. v. 18, 9. Sapientiae. *Non enim impossibilis erat omnipotens manus tua, quæ creavit orbem terrarum, immittere in hostes tuos multitudine mursorum, aut audaces leones; spirantes ignem, aut horrendas ab oculis scintillas emittentes &c.* Virtuti brachii tui quis resistet? Et quia insuper, misereris omnium, quia omnia potes, & dissimulas peccata hominum propter poenitentiam & ob hoc quod omnium Dominus, omnibus se parcere facis. *Virtutem enim ostendis tu.* latet emphasis in particula *tu*, q. v. 3. dicat sapiens: Homines, præcipue Nobiles & Aulici, putant se fortes, vel existimant fortitudi-

§. 2.
Sed hoc faci-
ciendo per-
fectissima
Dei attri-
buta imi-
tamus.

§. 3.
Dei hæc est
propria
virtus.

rudinem in hoc consistere, ut se vindicent, ut adversarium exterminent; aliud de Deo nostro asserit sapiens, quod in hoc maximè ostendat potentiam & dominium suum, quod omnium etiam hostium misereatur. quod Ecclesia confirmat in notissima oratiuncula, Deus qui omnipotentiam tuam, parcendo maxime, & miserendo manifestas; & S. Paulus ad Rom. 9. v. 22.

Quod si volens Deus notam facere potentiam suam, sustinuit in multa patientia, vasa iræ apta in interitum &c. Addit c. 12. Sap. v. 1. spiritum Dei propterea simul esse suavem & bonum. Itaque ex hoc, quod Pater cælestis nobis remittat injurias, certo colligimus illum esse omnipotentem & bonum. Utrumque suo modo imitamur in terris, cum conservis nostris, licet injuria affecti simus, ignoscimus. Ostendimus, nos cooperante divina gratia posse operari opus maximè arduum atque difficile. In hoc, virtutem nostram, & bonitatem, & perfectionem maximè ostendimus, & notam facimus, si in patientia toleremus adversarios nostros, & adhuc multò magis, si illis beneficiamus, sæpe, cum possemus exterminare. Tum misereri, tum parcere, est divinum opus, & nobilissima virtus, qua Deo reddimur similes.

S. 4.
Proinde,
diligere
inimicos,
est opus di-
vinum.

Divinum opus est, sive, hoc solus Deus potest, & Christus D. Salvator noster, ut homini remittat peccata. unde Luc. 7. v. 48. tum Christus D. (quem Pharisei putabant purum hominem) Magdalene dixit, *remittuntur peccata tua*, murmura-
runt inter se, *Quis est hic, qui peccata dimittit?* tanti ponderis negotium est, peccata remittere. Nihilominus ipse filius Dei nos monet, ut per condonationem injuriarum in tam augusto opere imitemur. ait enim Luc. 17. v. 3. *Si peccaverit in te frater tuus, increpa illum, & si pœnitentiam egerit, dimitte illi.* Quæ verba eleganti periodo circumscribit S. Chrysologus ser. 139. *Age homo, mandante Deo dimitte; dimitte peccata: esto misericors ad delicta, in te commissa, tu remissor esto peccatorum: tu modo ne perdas in te divina infulas potestatis;* Eximia hominis excellentia est, quod condonando injurias, præcipua Dei attributa potuit imitari.

Si cu-

Si cupimus esse filii Dei, diligamus inimicos, cum dico, filii Dei, non dubito mentibus vestris occurrere illud testimonium centurionis sub cruce, quo altum exclamavit in monte Calvaria, astantibus adhuc Principibus sacerdotum, *Vere filius Dei erat iste.* & quid hominem militem inter tot blasphemias circumstantium crucem movere potuit ad confessionem Christo crucifixo tam honorificam? unde illi radii, quibus illuminatus venit in cognitionem divinitatis latentis in Christo, licet penderet in cruce? hoc respondent aliqui B. Patres. Cum primum Christus D. affixus in altum erectus fuit, cum jam staret & firmata esset elevata crux; *Omnis creatura* (ait S. Bern.) *armata fuit ad ulciscendam sui injuriam creatoris, horribiles tenebra facta sunt super faciem terra, terra tremuit &c.* tanto crucem circumstantium torpore, ut cogitare potuerint se vivos hiatu terræ absorbendos, & sine dubio ultæ se fuissent creaturæ, nisi Christus Dominus de cruce ad patrem orasset, Luc. 23. cap. v. 34. *Pater ignosce illis.* poterat Christus etiam de cruce se ulcisci, sed &c.

Cum centurio hæc audivit exclamavit, *Vere filius Dei est iste* q. d. tanta pati, & pro illis, qui causa sunt, orare, illis ignoscere, non posset nisi esset Deus: nisi esset potens, nisi esset misericors, nisi esset bonus & longanimis. Idem plane cogitare & dicere possumus si v. g. videamus aliquem graviter offensum, non cogitari de vindicta quam corrupta suadet natura, quam docent leges mundi; quæ in schola Satanæ prima est maxima, cui subscribunt aulæ, quam sequitur Nobilitas; sed loco vindictæ, ignoscere inimico, bene illi facere, honorifice de illo loqui, pro illo orare; si inquam hæc miracula gratiæ in aliquo videamus, dicamus libere; Vere filius Dei est iste: talia non posset homo, nisi per gratiam & amorem Dei, elevatus esset ad statum filiorum Dei.

Tam augustum opus est, hosti ignoscere, ut S. Cyprianus tr. de passione Christi, vocet eximiam victoriam, & gloriosissimum triumphum, ait enim. *De impietate & ma-*

Alyeus Tertius.

Kkk

§. 6.
Ideo Cen-
turio sub
cruce ex-
clamavit
Filius Dei
est iste.

§. 7.
Dilectio
inimici, est
victoria &
& ma- triumphus.

& malitia Iudeorum, suauitas, pietasq; Christi triumphat. placuerunt hæc verba S. Isidoro Pelusiotæ lib. ep. 169. *Ladendo vincere Satanicarum legum est, pietate vero vincere Christi & Christianorum est.* Modum verò quo Christus D. ita vicit & triumphavit potissimum in cruce affectuosissimè descripsit S. Petrus Dam. ser. 47. *Magnum quidem & ultra hominem est, asperitatem verborum & verberum, non solum pati, sed & non reddere; Illud verò magis est, & diuinum quidpiam sapit* (ut supra ostendi) *benefacite his qui oderunt vos. Magister noster, & Dominus Christus Filius Dei & ladentes, patienter pertulit, & benefecit ladentibus.* Jam notate verba quæ sequuntur. *Considera beneficium, dum felori, clavi manibus, lancea lateri apponerentur ab inimicis, os, & manus, & latus agebant pro inimicis.*

§. 8.
Duo incul-
cat audito-
ribus; præ-
sertim,
quomodo
Christum.
D. in exer-
citiis huius
virtutis
debeamus
imitari.

Auditores mei amantissimi, hæc duo cupio animis vestris hac concione inculcare. 1. ut advertatis, quam nobilis & excellens virtus sit dilectio inimicorum. diuinum quidpiam sapit. 2. praxin auream, qua Christum crucifixum in hac virtute imitari possumus & debemus. Tripliciter plerumque lædimur à conservis nostris. 1. interiori odio, quo adversarii nostri nobis pessimè volunt; (possunt describi aliqui effectus odii) sed est ne Christianum, tales vicissim odisse? hoc diabolus suadet, sed aliud Christus D. ore & exemplo nos docet; conijcite quæso oculos in Iudeos, qui crucem Christi in monte Calvæ circumstant; astantes ut viperæ, ut aspidēs, ut serpentes, corda illorum plena sunt veneno odii erga Christum, gaudent illi esse tam male, optant illi esse peius. O si vicissim cor Christi inspicere liceret; in amaritudine mortis fuit plenum melle, plenum dilectione erga suos hostes, plenum ardentissimis scintillis & suspiriis pro suis inimicis. Talia corda cordi Christi unire debemus, quod fit dum corde amamus illos, qui nos odio prosequuntur. 2. lædimur plerumque Ore & lingua, calumniis, convitiis, detractionibus (est locus pro pulcra descriptione) Estne Christianum vicissim calumniari? &c. Hoc suadet mundus; aliud docuit Christus D. in cathedra crucis. dum impii crucifixores ori applicant fel, mel fluit de lingua ejus; mellea illa verba, Pater igno-

igno-

ignosce. Christus D. pendens in cruce nihil audivit nisi blasphemias, & maledictiones; sed aliud non respondit, quam pater &c. sic pietas Christi triumphavit. discamus, quomodo de inimicis debeamus loqui. 3. Lædimur opere ipso, illatis damnis, concernentibus honorem, vel corpus vel divitias. Ad similia vindictam nos allicit diabolus. Christus in cruce passus extrema, horrenda, in fama, in honore, in corpore; patri cœlesti, pro illis à quibus patitur, obtulit non tantum verba sed vitam & sanguinem. Sic triumphavit. Nobilissimi triumphi reddimur participes, si ejus exemplo, opere ipso diligamus inimicum. Si faciamus bene illis, qui nobis faciunt male. Adeo subinde sentimus illatas injurias, ut illæ videantur clavi, qui molestissimæ cruci nos affigant, ut videamur potari felle, ut sentiamus quædam acutissima vulnera cordis; verba & opera adversariorum, videntur esse spinæ, quæ penetrant cerebrum & ipsa viscera; audiri solent gemitus, qui sanguineas optant fundere lacrymas, præ angustis videtur cor velle dissilire. Sic utique communicamus passionibus Christi; Dei voluntate hæc patimur, si triumphum cœlestis gloriæ obtinere volumus, in hac cruce, inter clavos & spinas, exemplo Christi pro illis oremus &c. hæc actiones sunt claves quæ paradisum aperiunt:


Hoc solatium promisit S. Petrus ep. 1. c. 4. v. 13. *Communicantes Christi passionibus gaudete, ut in revelatione gloriæ ejus gaudeatis exultantes.* S. Chrysostomus hom. 39. in c. 18. act. citata §. 9.
Cum magno nostro solatio. verba sic explicat; si inimicus aliquis te lædat, communica Christi passioni, ejus exemplo nihil tu contra illum molire; quod si feceritis, aliquando gaudebitis, exultabitis, nam eritis participes illius gloriæ, quam Christus in cruce tam nobili actione, sibi & nobis promeruit. in agone, ingens nobis erit solatium, dilexisse inimicos.

Finio hanc conc. pulcerrimo monito D. Nazianzeni, cum §. 10.
Pulchra monita. *tamen dolore laesus ardes maximo, Christi memor sis vulnere, pars & quota sint hæc dolorum, quos herus tulit tuis, sic nempe, ut undis obrutus, maror perit.* quibus aurea verba subjungit Nicetas Nazianzeni Scholiastes; *Cujuspiam in te consumelia effervescent,*

ingestam in te furoris flammam excitavit, animumque tuum ulcisciendi cupiditate incendit: fac protinus tibi Christus in mentem veniat; da operam ut contumelias, illusiones, flagra & vulnera ea, quæ ille salutis tuæ causa, in cruce pertulit, quamprimum recorderis. sic fiat ut huiusmodi cogitationibus, tanquam aquis, animum tuum leniens & irrigans, mærori atque iracundia astum extinguas.

§. II.
Epilogus.

Apoc. 9. ait S. Joannes. *Vidi subitus altare animas intersectorum & clamabant voce magna dicentes, usquequo Domine Sanctus & verus non iudicas & vindicas sanguinem nostrum &c.* Pauca illis repesuit vox quæpiam de cælis, & siluerunt. Hic est effectus corruptæ nostræ naturæ, ut facile clamemus vindictam; facillimè cor hominis effervesceat desideriis ultionis, ut ardeat instar fornacis, sed ecce altare sacrosanctæ crucis; hanc aram accedite &c. Sanguis Christi extinguit &c. potest fieri affectuosus Epilogus.



CONCIO L.

DOMINICA XXIII. POST SS. TRINIT.

Cujus est hæc imago, & superscriptio.

Matt. 22. cap. v. 20.

SYNOPSIS CONCIONIS.

Agit de diversis imaginibus, Virtutum & Vitiornum, in anima alicujus hominis.

§. 1. *Aurea catena cum numismate gratia, sunt dona*

Principum.

§. 2. *Anima hominis est nummus.*

§. 3. *Cu-*

§.3. Cujus imagines accurate inspiciuntur. Inprimis vitiorum.

§.4. Et virtutum.

§.5. Va! si in nummo anima inveniantur abominationes.

§.6. V.g. Superbia.

§.7. Avaritia, Invidia &c.

§.8. Amat Christus Dominus in suis nummis imaginem Mife-

ricordia.

§.9. Imago Babylonica meretricis, est turpissima: pulchra vero imago castitatis.

§.10. Digressio ad fœminas.

§.11. Statue diaboli sunt diruenda.

§.12. Id facit divina gratia.

§.13. Epilogus.

Solent reges & Imperatores, sibi caris, & fidis amicis donare aureas catenas, ex quibus plerumque pendent nummi cum Regis, vel Imperatoris imagine. Cum Pharaon Gen.41. verl.42. Josephum summo honore voluit afficere, tulit annulum de manu sua, & dedit eum in manu ejus, vesti-

§.1.
Aurea catena, sunt dona Principum.

vitque eum stola byssina, & collo torquem aureum circumposuit. Refert S. Scriptura alios ab aliis simili honore fuisse affectos. Longe excellentiori modo Dominus Dominantium, Deus hominem honoravit; dum illius animæ vivam & perfectissimam sui impressit imaginem, non tantum naturalem, per ipsum suum esse, sive per animæ potentias, per memoriam, intellectum & voluntatē, quibus Deo creatori in esse naturæ, reddimur similibus; sed etiam supernaturalem, per gratiam, per caritatem, per dona Spiritus Sancti, per excellentissimas virtutes, quæ imaginem DEI in nobis naturalem, admirabili pulcritudine & excellentia exornant, & augustiorem reddunt. Christo Salvatore, Regi Regum, hæc applicare volumus, memores simus sponsi, qui sponsæ, quam amat, præter alia dona, præter purpuram & byssum, gemmas & uniones &c. eidem offert sui imaginē. Sponsus animarū nostrarū est Christus D. in bapt. offert annulū fidei, ornat nos bysso. S. Agnes de illo dixit: *Dexteram meam &c.* (vide in horis) Ornamentū v. omnium pulcherrimum, est sui imago, quàm suo sanguine in nobis depinxit.

nummos & animas; scrutabitur in lucernis. quid si reperiatur imagines vituli per lasciviam, hinc & porci per luxuriam, tauri per arrogantiam, leonis & apri per iram, hyenæ per crudelitatem, aspidis per invidiam, vulpis per astutiam, cameli per onera rapinarum & usuræ; quod fiet in illis, quos regius psaltes ps. 31. 9. ait factos fuisse sicut equos & mulos, quibus non est intellectus. Dicit justus iudex, non sunt hæc meæ imagines, sed diaboli; ergo, discedite maledicti in ignem æternum, qui paratus est diabolo, & Angelis ejus, & vobis, vos superbi! vobis, vos avari &c. vobis omnibus, qui per vitiorum imagines estis numismata diaboli.

Diligentissime morientium nummos & animas examina-
bit strictus Iudex. Si reperiatur imaginem Agni, per humilitatem & mansuetudinem, columbæ per simplicitatem & puritatem, turturis per pœnitentiam, passeris per sanctam solitudinem & habitationem in cavernis maceriæ, in Vulneribus Salvatoris, Pelicani per misericordiam erga egenos, aquilæ per studium orationis, & elevationem mentis à terrenis ad cœlestia; Phœnicis per ardentem Dei amorem; tum Iudex agnoscet suas imagines, & dicet Matt. 25. v. 34. *Venite benedicti Venite humiles N. N. N.*

§. 4.
Et virtutem.

Auditores mei, sumus prudentes ut serpentes, præveniamus hoc strictum examen, modo inspiciamus nummos nostros, & videamus quales impressæ sint imagines. Leones, hirci &c. delendi sunt, & substituendi agni, turtures &c. ut sumus numismata Dei & Christi.

Bestiis bonis & malis, adjungo fœminas sive Virgines bonas & malas, ut illarum imagines discursum meum amplius declarent. Illas mihi suggerit *Vox de cælo*; quæ c. 8. v. 8. dixit Ezechieli: *fili hominis, fode parietem*, scilicet templi, *ingredere & vide abominationes pessimas, quas isti faciunt hic.* Has verò vidit abominationes. 1. in parietibus & muris similitudinem reptilium & animalium. 2. depicta idola. 3. peccata quæ domus Israel fecit in tenebris, dicens, *non videt nos Dominus.* 4. varias mulieres plangentes Adonidem. Scio me alibi alio modo uti hoc:

§. 5.
Vat. sin.
nummo
anima in-
veniantur
abomina-
tiones.

hoc loco; modo insinuo cum S. Paulo, animam cuiusvis hominis, quam Christus D. in hoc. Evangelio comparat nummo, esse etiam *templum Dei*, & q. *templum virum, & sanctum*. 1. Cor. 3. v. 17. O si (verba fere erunt S. Cypriani) possemus oculos inferre secretis cordium, si recludere obductas fores, si penetralia occulta conscientiarum referare, quas fortassis videremus abominaciones, quæ reptilia, vermes, serpentes, bufonès; quæ animalia, tigrides, leones, ursos, quæ idola, quæ peccata occulta, quas formas & imagines pessimarum Virginum & mulierum. Doctissimus Cæsar Ripa in suis emblematis & nummis aliquas eleganter depinxit.

§. 6.
Superbia.

Unam in aurea & purpurea veste, ornatam gemmis & lapidibus preciosis; dextera gestat illa pavonem, sinistra speculum v. g. in quo pulcritudinem & divitias suas admiratur. Ex ore pendet schedula, cui inscripta est superbissima Luciferi vox, ex Is. 14. c. v. 13. *Ascendam in cælum*. Facile agnoscere potestis, non esse hanc imaginem Christi, sed superbiæ, quam Lucifer imprimit suis nummis. O pavones! superbi juvenes, comptæ Virgines, aperite oculos, inter vestras gemmas, de vestris capillis, de illorum funiculis, de armillis, de murænilis, quibus superbitis, pendet imago diaboli. In vestris speculis, inspicite bene, eandem videbitis. Si strictum Christi examen evadere vultis in agone, diruite hanc statuam, aliam substituite Virginem, in vili sed mundo habitu; oculis illa respicit terram, pedibus calcatur coronas & sceptræ, dextera gestat Agnelum, e cuius collo hoc Christi lemma dependet, Matt. 11. v. 20. *Discite à me quia mitis sum & humilis corde*. Hæc scilicet est imago Humilitatis & mansuetudinis, quam Christus D. suis nummis imprimit. Omnes nos aliquando diligenter examinabit, an illam in nobis inveniat.

§. 7.
*Avaritia,
Invidia
&c.*

Videor in aliquorum cordibus videre quasdam vetulas, luridas, pallidas, macilentas. Ex unius collo pendet marsupium plenum auro, insidet lupo, ex cuius collo pendet tabella cum his vocibus, Affer Affer. Altera, cuius capilli sunt venenati serpentes, insidens leoni dextera gyrat gladium, cui inscripta

Scripta est hæc vocula, *Vindicta*; oculi ardent instar ignis. Tertia, priori tota similis, in hoc ejus crudelitatem superat, quod dentibus suis rodatur cor humanum. lateri assistit ingens molossus, cum immani rictu. Quales hæ sunt imagines? Diaboli. Una vetula est avaritia, altera ira, 3. Invidia. illos nummos, illas animas, in quibus in agone Christus inveniet has mulieres, hæc idola, has abominationes, illa peccata, quæ ab illis committuntur, projiciet in infernum. Citò citò in cordibus nostris hæ statuarum diruendæ sunt, ut alias substituamus.

v. g. Inter varias Virgines una formosior hilari vultu respicit, in dextera, corbæ plenum floribus, in sinistra, cistulam gravem gemmis. ex corbe & ex cistula varii decidunt flores & gemmæ. In pectore depictum præfert Pelicanum, cum hoc lemmate Christi, *misereor super turbam*. Marc. 8. v. 2. juxta pedes discurret gallina, quæ congregat pullos sub alas suas. Toga hujus Virginis est cærulea radians stellis. Sertum ejus ex olea, de labiis distillat favus mellis. Nomen hujus Virginis nunc est, misericordia, nunc liberalitas, nunc patientia, nunc Mansuetudo, nunc caritas proximi, nunc Modestia &c. In agone Christus D. agnoscet has esse suas imagines, nimirum pulcerrimarum virtutum, per quas nummi Christi, dignoscuntur à nummis diaboli.

Alterius fœminæ imago eo est periculosior, quo pulcrior exteriori aspectu; blandis arridet oculis, per aera volant capilli, vertex est coronatus rosis, dextera præfert telum igneum, sinistra arcum. Turpe est, quod insideat hirco vel draconi, S. Joannes Apoc. 17. v. 8. vocat illam meretricem magnam. *est circumdata purpura & cocino, & inaurata auro, & lapide precioso & margaritis, sed poculum aureum quod habet in manu sua, plenum est abominatione & immunditiis. Væ nummo, in quo in agone Christus judex inveniet hanc imaginem; est imago luxuriæ, &c. matris abominationum terræ! dicet enim, Apoc. 18. v. 8. Quantum glorificavit se, & in deliciis fuit, tantum date illi tormentum & luctum. In una die, una hora, venient plaga ejus, mors & luctus, & fames, & igne comburetur, quia fortis est Deus qui judicabit illam.*

Alveus Tertius.

LII

bit il-

*bit illam & flebunt & plangent quicum illa fornicati sunt, & in deliciis vixerunt, cum viderint fumum incendii ejus dicentes, Va, Va: ite formosæ Helenæ, ornate vos &c. lapides preciosi, aurum, purpura, byssus &c. vertentur in cinerem. Diruenda itaque est in cordibus nostris imago hujus meretricis, & substituatur statua castitatis, siye Virgo, in toga ex candido bysso, ornato aureis liliis, succincta lumbos suos, pedibus calcans cupidinem armata flagello, cui lemma addidit S. Paulus 1. Cor. 9. v. 27. *Castigo corpus meum &c.* Hanc imaginem Christus judex in agone quatet in nummis suis; bene si inveniatur.*

§. 10.
*Digressio
ad fami-
nas.*

Non dubito quin adverteritis ingens discrimen, inter has duas ultimas mulieres, quod una sit impudens, altera verecunda; illa projectis oculis, hæc, modesta &c. eandem differentiã hodie videmus inter fœminas & Virgines hujus urbis (possunt hic laudari p. fœminæ & Virgines modestæ, e contra acris potest fieri invectiva in superbas & petulantes.) Non possum absolvere hunc discursum per imagines reliquorum vitorum & virtutum; si vultis, facile adverteritis, quænam sint imagines Christi, & quænam imagines diaboli.

§. 11.
*Statua diaboli sunt
diruenda.*

Si quæ tales fortassis starent in cordibus nostris, diruamus illas nos ipsi, antequam severus Judex in agone nostro id faciat. Nicephorus refert hæmorrhoidiam, quæ tactu vestis Christi D. liberata fuit à diuturno fluxu sanguinis; in memoriam accepti beneficii in civitate Cæsareæ erexisse illius statuam velut animi grati monumentum. Et stetit illa imago usque ad tempore tyranni Juliani, cujus jussu caput Christi abscissum fuit, substituto alio, quod referret sceleratum Apostatam. Non tulit æther inultum hoc nefas, sed in fulgura, in tonitrua, in ultrices flammarum globos erumpens, disrupta nube emisit fulmen, in nefandum caput, soloque prostravit ut sciret posteritas, imagines Christi etiam ex ligno vel metallo, non esse violandas.

§. 12.
Id facit divina gratia.

Simile quid facit divina gratia in anima hominis; dum baptizaretur. per gratiam sanctificantem homo fit filius Dei, hæres cœli, coheres Christi, sponsa spiritus S. Per excellentissimas virtutes, fidem, spem, caritatem &c. in tali anima, veluti vivo Dei-

Deitatis templo, erigitur quasi statua & imago Christi; ut illam indies ornemus magis, sive ut Christo D. per imitationem virtutum reddamur simillimi. Et vivit in nobis Christus, ut loquitur S. Paulus, quam diu nos vivimus in gratia Dei. Non Julianus Apostata, sed Imperator inferni, Princeps tenebrarum, imaginem hanc ferre non potest, laborat ut suam substituatur, quod homo facit, cum sciens volens labitur in peccatum mortale. hoc diruit imaginem Christi. per hoc aula Dei convertitur in templum diaboli. inducuntur reptilia & bestię, fiunt abominationes pessimę. Verbo, gravibus injuriis afficitur imago Dei & Christi. Silet ad tempus cœlum, dissimulat æther. sed veniet hora, quā in agone iratus judex horribili fulmine tremendis verbis, discedite &c. imagines diaboli, vos inquam superbos, vos avaros &c. præcipitabit in æt. flammās. Imago Dei nobis semel impressa, & Christi Salv. non afficitur injuria, sine ultione & vindicta. Olim capitis fuit reus, qui tyranni alicujus imaginem apud se gestaret. Et tu O impia (verba sunt S. Ambr. l. 1. off. c. 49.) *Et tu deponis imaginem aeterni Imperatoris, & erigis in te imaginem mortis?* imò multi deturpant, conspuunt, conculant pedibus, & de ultione dubitatis?

Referunt historię Indicę, Brachmanes populorum illorum Sacerdotes induxisse aliquod signum sanctissimę Trinitatis. *In hoc.* Post annum ætatis septimum, parentes de filiorum collis suspendunt triplicem funem, ante pectus uno nodo colligatum. habetur hic funis pro magno ornamento, qui illum aliqua macula sordidant, vel lacerant, vel aliqua injuria afficiunt severe & acriter castigantur. Tres funiculi denotant P. F. & Sp. S. Unus nodus Unitatem. O Christiani! agnoscite excellentiam vestrę naturę! non propter aliquem funiculum &c. Triplex animę potentia memoria, intellectus, voluntas in nobis referunt P. F. & Sp. S. Unitas unitatem &c. verbo. Portamus imaginem SS. Trinitatis &c. Ex his verbis fiat p. affectus. Caveamus maculare &c. nisi.

S. 13.
Epilogum.



CONCIO LI.

DOMINICA XXIV. POST SS. TRINIT.

Domine, filia mea modo defuncta est.

Matt. 9. cap. v. 18.

SYNOPSIS CONCIONIS.

Hæmorrhoißam sanavit Christus D. Animam peccatricem idem solus sanare potest. Idem dicendum est, de suscitatione filię defunctę, & justificatione ejusdem animę. Affertur multa in laudem Christi Salvatoris.

- | | |
|---|---|
| <p>§. 1. <i>Christus D. hodie duplici miraculo manifestavit suam omnipotentiam.</i></p> <p>§. 2. <i>Propositio Concionis.</i></p> <p>§. 3. <i>Quemnam denotet hæmorrhoißa: quem defuncta filia.</i></p> <p>§. 4. <i>Christus D. est. Salvator gentium.</i></p> <p>§. 5. <i>Hæmorrhoißa est imago pec-</i></p> | <p><i>catricis anima, quam solus Christus Dominus curare potuit.</i></p> <p>§. 6. <i>Cur defunctam filiam tetigerit manu sua.</i></p> <p>§. 7. <i>Infinite Christi Domini bonitas.</i></p> <p>§. 8. <i>Pii affectus supra hodiernum Evangelium.</i></p> |
|---|---|

§. 1.
Christus D.
duplici mi-
raculo ma-
nifestavit
suam omni-
potentiam,

IN exordio hujus concionis cupio ut duo præcipue advertatis ex lecto Evangelio. Primum cedit ad magnam Christi Salvatoris nostri gloriam; alterum, magnæ nobis est causa consolationis. Ad gloriam Christi Domini cedit; quod duplici insigni miraculo; suam confirmavit omnipotentiam & divinitatem. Matth. 9. cap. vers. 29. 30. *Ecce, Mulier qua san-*
guinis

guinis fluxum patitur annis duodecim, accedit retro, tangit simbriam vestimenti Iesu, dicens, *intra se*, (id est, corde pleno fiducia) *si tetigero tantum simbriam vestimenti ejus, salva ero.* hæc dicens, tangit, & triplicis gratiæ facta est particeps. 1. Ex illa hora facta est salva; 2. recreata in super dulci Iesu aspectu, *videns eum*, 3. & suavissimis ejus verbis, *confide filia, fides tua te salvam fecit.* Cum verò Medicorum judicio hic morbus fluxus sanguinis præsertim diuturnitate temporis per annos duodecim firmatus naturaliter sit incurabilis, & tamen infelix mulier, erro; felix mulier ab illo à Christo D. liberata fuerit, non aliquo verbo vel facto; sed solum quod Christus D. permiserit tangi vestem suam; & hæc sanatio contigerit, ut S. Marcus addit, *confestim*, sine dilatione, uno q. momento; quæ omnia vires naturæ longè excedunt, sequitur, Christum D. talia operatum fuisse virtute altiore, & illa omnipotentia; qua Deus est, quæ Christi D. est summa gloria. Quam longè excellentiore modo manifestavit, cum paulo post filiam Archisynagogi mortuam ad vitam suscitavit, quod est solius Dei. Sapientia: 16. v. 13. *In cujus manu mors est & vita*, ad Rom. 4. v. 17. *qui solus vivificat mortuos.* Deuter. 32. *Ego occidam, & ego vivere faciam.* 1. Reg. 2. v. 6. *ducens ad inferos & reducens.* Ecce, filia Archisynagogi jacet in lecto spoliū mortis. Iesus fugat mortem; filiæ restituit vitam. O mi Salvator! ideo credo, credite & vos Audit. quia Deus est! Ecce, formosa filia jacet inferetro sine anima, sine motu, sine sensu! verbo; *mortua.* Momento Iesus illam vivificat. O mi Iesu; quam propterea gaudeo; gaudete & vos Audit. Christus Deus est! Ecce Audit. dives filia; mortua in florida adolescentia; jam jam deportanda est ad inferos; adsunt mortuales musici; ut lugubres decantent cantus, adest turba ut comitetur funebrem pompam; adest quoque Christus D. sed momento, duabus oculis; *surge puella*, mutat & invertit omnia; filiā quam mors occidit, facit vivere, & reducit ex sepulcro. Plaudite, gaudete, qui creditis, qui diligitis Christum; Deus est! Exeat hæc fama in universam terram, Iesus Salvator mundi est, Deus! hæc summa ipsius est gloria.

§.2.
Propositio.

Nimis longum erit exordium, si ostendere velim, quanto nobis sit solatio, duplex miraculum hodierni Evangelii; patebit id in fine concionis præsentis, quam in duas dividam partes in prima explicabo Evangelii sensum allegoricum, quid denotetur, per hæmorrhoißam, quid per filiam mortuam. Alterius partis materia erit, sensus moralis. Spero benevolam auditorum attentionem.

§.3.
Quidam
denotet du-
plex fami-
na, Hæmor-
rhoiða &
defuncta
filia,

Duas mulieres oculis nostris proponit hoc Evangelium. Unam ad Christum D. accurrere fecit gravis morbus, fluxus sanguinis, quo misera per annos 12. infirmata fuit. Altera fuit, filia Archisynagogi, non infirma, sed plane mortua. S. Hilarius, S. Ambrosius, S. Hieron. Eusebius & Vener. Beda fuse & doctè tractarunt, quid per utramque significetur. Hæmorrhoißam dicunt fuisse fœminam gentilem, unde gentilitatem, sive populos sine vera fide in Deum, & idololatrias, sive cultores falsorum Deorum nobis repræsentat. Filia vero defuncta Synagogam, sive populum Judæorum, quia ipsa fuit Judæa, utpote filia Archisynagogi. Utraque gentilitas & synagoga indiguerunt Christo Domino. Fundatur hæc explicatio SS. PP. in gravi ratione, fundata in sacris literis. Fluxus sanguinis, est morbus turpissimus! morbus fœtidissimus! morbus incurabilis! morbus abominabilis. Rem turpem, fœtidam, abominabilem cum proponere vult sacra scriptura, proponit nobis fœminam menstruatam. Proinde in eadem sacra scriptura idem hic morbus symbolum est vitii, omnium turpissimi, fœtidissimi, abominabilissimi, quod est idololatria; radix, mater, fons, cloaca turpissimorum scelestorum, quæ S. Paulus enumerat & describit. ad Rom. 1. *Tradidit illos Deus, secundum desideria cordis eorum in immunditiam, ut contumeliis afficiant corpora sua in semetipsis* (castam linguam pudet vel nominare sanguinea illa scelestera) *tradidit illos Deus in passiones ignominie, in reprobum sensum, -- repletos omni iniquitate, malitia, fornicatione, plenos invidia &c.* Itaque fœmina secundum literam hæmorrhoiða, turpis, fœtida ob abomi-

abominabilem morbum fœmina, in sensu allegorico, fuit gentilitas, sive omnes populi, qui tempore Christi in toto terrarum orbe vixerunt gravissimis sceleribus dediti. Vah! turpis fœmina; maledicta gentilitas; abominabilis idololatria, abominabilis bestia & quid accurris ad Christum? ecur ad pedes ejus te absternis? & tu tuis manibus, quæ sanguine stillant, fimbriam sacrosanctæ vestis purissimi JESU tangere cogitas? Inspice, manus tuæ plenæ sunt sanguine. quid intus in corde murmuras? tangam fimbriam & ero salva. tu impia, tu impura, tu scelerata? apage à sacrosanctis his pedibus. Ni fallor; imitiori vultu me respicit piissimus Salvator, quod afflictissimam fœminam, durius alloquar. aliter itaque alloquar. Afflictissima fœmina, miserabilis est conditio tua! abominabilis est morbus tuus! graviora & abominabiliora sunt scelera tua; sed confide; accede CHRISTUM, prosterne te ad ejus pedes; humilia te quantum potes, & clama intus in corde, elama lingua tua, ardentem, cum perseverantia & importunitate, dic, cum aliis, JESU fili David, Miserere mei. hic solus sanguinis fluxum sistere potest. hic te juvare potest. Ipse enim est Salvator gentium. Accede; manibus tange fimbriam vestimenti ejus; sed intus in corde tange illum viva fide, DEUS tuus est. tange illum tenera fiducia; Salvator tuus est. Tange illum caritate; advenit, ut de tenebris te & tuos populos ducat in lucem magnam & admirabilem; ut sanet vulnera, ut sistat fluxum sanguinis, ut te liberet ex captivitate scelerum, & quod inde sequitur, è tyrannide diaboli.

Hæc est illa gratia, quam à tot sæculis DEUS promissit gentibus per Patriarchas & Prophetas. Geneseos vi-
 gesimo secundo cap. vers. 18. dixit DEUS Abraham; *bene-*
dicentur in semine tuo omnes gentes terra. benedictum hoc se-
 men est Christus Dominus Geneseos 49. cap. versu. 10.
 ait Jacob. *Non auferetur sceptrum de Iuda, donec veniat*

S. 4.
 Christum D.
 estque Sal-
 vator gen-
 tium.

quæ

qui mittendus est, & ipse erit expectatio gentium. Accede afflicta mulier, procumbe in genua, tange fimbriam; hic est, qui missus est à Patre in hunc mundum, ut salvet mundum. hic est, quem tot sæculis expectarunt Patriarchæ & Proph. ps. 21, 28. ait David. *Et adorabunt in conspectu ejus universa familia gentium. quoniam Domini est regnum & ipse dominabitur gentium,* cogitate auditores prophetiam hanc Davidis etiam in hod. Evang. fuisse impletam. Ecce, mulier gentilis, mulier hæmorrhøissa, id est, gentilitas accedit Christum, inflectit se, tangit fimbriam, agnoscit Deum suum, adorat medium, & petit sanitatem: alii psalmi, prophetiæ Is. Ezech. Jerem. & reliquorum plenæ sunt illis promissionibus quibus Deus promittit missurum se Salvatorem gentium. Et venit cum in utero Virginis verbum Patris, Filius Dei factus est homo. Venit visibiliter cum parvulus natus est in stabulo; qua eadem hora lucidissima nova stella Magos, & per Magos totam gentilitatem vocavit ad præsepium ad adorandum Salvatorem mundi. Eundem in hod. Evangelio agnovit, adoravit, imploravit hæmorrhøissa gentilis, & salva facta est. Christus D. est Salvator gentium. Qui salvantur in Europa, salvi fiunt per Christum &c. hoc per reliquas partes mundi. Simili discursu modo deberem ostendere, filiam defunctam repræsentare nobis Synagogam Judæicam, quæ moriente Christo in cruce, ipsa immortua est gravissimis sceleribus, quibus pertinax, obstinata etiam nunc jacet insepulta (pauculis exceptis) & jacebit usque ad finem mundi, cum à Christo Domino eadem filia excitabitur, id est, plurimi Judæi convertentur ad Christum. Et hanc filiam, filiam miseram! filiam mortuam deberem vocare & adducere ad Christum, si sanari velit. Sed ne frustra clamem & tempus perdam, venio ad alteram partem meæ concionis, sive, sensum moralem hodierni Evangelii.

S. S.
Hæmorrhø-
issa est ima-
go pecca-
toris ani-

Hæmorrhøissa est quævis anima hominis impij, quæ variis concupiscentiis veluti sanguine diffluit, quæ variis sceleribus veluti turpi & foetido sanguine in oculis Dei maculatur: Ezechiel. 16. v. 6. *nuda, confusione plena, conculcata in sanguine suo.*
forni-

fornicatrix, adultera. hi enim sunt pestiferi effectus peccati mortalis in anima hominis, quod modo tantum insinuo. Imo peccatum m. est plane mors animæ; unde defuncta filia Archisynagogi in hod. die nil aliud est, quàm viva imago peccatoris, cujus anima, misera, infelix, abominabilis, filia sepulta jacet in sepulcro scelerum: Infelix mulier! misera filia, te appello, peccatrix anima, surge, accurre, ad Christum Salvatorem tuum, hic solus fluxum sanguinis tui sistere, hic solus te curare, hic solus ad vitam te revocare potest, & q. manu forti.

Ideo Christus D. antequam puellam ad vitam excitavit, sua manu tenuit & apprehendit manum puellæ! causam advertito ex pl. 88. v. 22. *Manus enim mea auxiliabitur ei.* q. d. alia manus auxiliari non poterit. Nisi Christus D. arripuisset manum puellæ, non surrexisset à mortuis; ideo frequentissime Incarnatio filii Dei & redemptio h. generis, justificatio impii, & familia vocantur Opera manuum Dei. teste B. Virgine, in his operibus, Luc. i. v. 51. *Fecit potentiam, fecit mirabilia, redimendo hominem, sed in brachio suo & in manu forti;* cum magno labore; ita est; sanavit fluxum sanguinis hæmorrhoidis, sed copiosissima effusione preciosi sui sanguinis. ita est, resuscitavit filiam mortuam, sed & ipse in cruce mori debuit. Turpissimus sanguis coram DEO est superbia? ab hoc sanguine liberat & mundat nos sanguis CHRISTI copiose fluens ex vulnerato CHRISTI capite. Advertite superbi, ubi debeatis quærere medicinam. Turpis sanguis, fluxus, morbus sanguinis est avaritia. Mundat nos Salvator noster, sed videte, ut expandit vulneratas in cruce manus, quam copiosus ex illis effluit sanguis, advertite &c. Turpissimus sanguis sunt sanguinea peccata luxuriæ. Eteheu! hic plerumque *sanguis sanguinem tangit.* Osee. 4. cap. vers. 2. Mundat nos Christus Salvator noster, sed videte illum alligatum ad columnam videte rivulos divini sanguinis ex toto vulnerato corpore defluentes, in emundationem nostrorum scelerum. Attendite luxuriosi, attendite hæmorrhoidis, fontem in quo

Alveus Tertius.

M m m

lavari

5.4.
Cur Chris-
tus D. re-
tigerit ma-
num puel-
la, iterum
vide.

lavari debetis. attendite cujus fimbriam debeatis tangere, sic discurrere possumus per alia crimina; de ira & sanguine cordis Christi. à quibus nemo nos liberare potest, nisi Christus. Bene g. fecit hæmorrhoiſſa, quod ad ipsum confugerit, bene, quod coram illo prociderit &c.

§. 7.
*Inſinita
Chriſti bo-
nitatis.*


Quod v. Christus D. tam cito illius preces exaudierit; quod illam sanarit, quod suaviter fuerit illam allocutus; quod benignis oculis respexerit; quod tantam de vestibus permiserit emanare virtutem, hæc gloriosa sunt signa infinitæ ejus omnipotentia & misericordia, & nobis motiva, ut similiter magna fide, fiducia & caritate opem ejus imploremus; Ingens nostrum debet esse solatium & gaudium, quod tam potentem & tam misericordem habeamus Salvatorem.

§. 8.
*Pii affectus
super hoc
Evangelio.*

Historia hoc Evangelii, prout modo, illam à me explicari audivistis, movere nos debet ad ferventes aspirationes & preces ad Christum Salvatorem nostrum, & ad salutaria quædam proposita v. g. mihi, in mea devotione Spiritus S. talia suggerere fuit dignatus. Mi Jesu, ex intimo corde ago tibi gratias, quod miseram sceminam liberaris à tam turpi morbo. Ago tibi gratias quod def. filiam excitaveris ad vitam. Multo magis ago tibi gratias, quod genus humanum tuo sanguine, tua passione, tua morte liberaris à morte æterna. ago tibi gratias quod quotidie hæc miracula renoves in conversione peccatorum. Sed ecce mi Salvator! vide iterum filiam tuam Ecclesiam tuam; quam in cruce peperisti, heu! quot ejus membra fluunt turpi sanguine vitiorum; Domine, miserere filia tuæ; munda & sana eam, lava illam in calido balneo sanguinis tui; Mi Salvator, nolo modo mundissimis tuis oculis objicere, membra plane putrida & mortua filia tuæ; Ecclesie tuæ. tu omnia intueris, sed miserere filia tuæ; cogita te redemisse tuo sanguine; surge, tange illa, sana & vivifica. Innuit Evangelii textus fuisse jam omnia parata, ad efferendum cadaver def. filia ad sepulcrum. Quid si aliqui sint ex præsentibus auditoribus in tam miserabili statu, in illo fluxu sang. in illo foetore, ut
proxi-

proximi sint, ut infelicitè etiam moriantur corpore, & à diab. portentur in inf. O mi Jesu horum miserere! his succurre, extende manus, apprehende illos, & reduc ex portis inferni ad vitam.

Finio: animæ piæ faciamus hodie, quod hæmorrhoida fecit: tetigit fimbriam & sanata fuit. Dixit, si tetigero &c. & si tam salutare illi fuit: tangere fimbriam, quid erit tangere ejus Vulnera? itaque cum hodie sit Dominica Congr. Agoniæ, sic dicam: Si tetigero Vulnera pedum, per &c. salva ero &c. facp. Epilogum.



CONCIO LII.

DOMINICA ULTIMA POST SS. TRINIT.

Cum videritis abominationem.

Matt. 24. cap. v. 15.

SYNOPSIS CONCIONIS.

PArs prima explicat triplicem abominationem: altera ostendit, Deum, etiam dum minatur, non oblivisci misericordiarum.

§. 1. De libris Ezechielis & Zachariae.

§. 2. Prosecutio.

§. 3. Triplex praefertim Ierosolymis fietis abominatio: 1. Im-

pietas zelotarum.

§. 4. Quam descripsit Iosephus l. 6. antiq.

§. 5. Similis hodie impietas est hæresis.

Mmm 2

§. 6.

§. 6. 2. *Gravia scelera, commissain templo.*

§. 7. *Digressio ad Auditores ex SS. Patribus.*

§. 8. *Aeris in vectiva S. Hieronymi.*

§. 9. 3. *Scelera impunita sunt abominatio.*

§. 10. *Ob talia scelera irascitur &*

minatur Deus, ut tamen memor sit misericordia: quod ostendit in diluvio.

§. 11. *Idem expertus fuit David.*

§. 12. *Et probatur pulcro loco ex ps. 74.*

§. 13. *Testimonia SS. Patrum.*

§. 14. *Epilogus.*

§. 1.
De libro
Ezechieli.

IN cap. 2. v. 9. prophetiæ Ezechielis, Deus illi ostendit mirabilem librum, ait enim: *Et vidi, & ecce manus missa ad me, in qua erat involutus liber, & expandit illum coram me, qui erat scriptus intus & foris, & scripta in eo erant lamentationes, & carmen & va.* Zacharias cap. 5. v. 2. ait se vidisse librum volan-tem: *longitudo ejus viginti cubitorum, & latitudo ejus decem cubitorum, & dixit ad me, hac est maledictio qua egredietur super faciem omnis terra.* Scio esse interpretes, qui dicunt agi hoc loco per spiritum sanctum de libro magno conscientiarum, in quo à divina Justitia, & à propria cujusque conscientia, stylo ferreo notantur omnes abominationes, omnes maledictiones, sive gravia scelera, quibus homo Deum suum offendit. Modo involutus est hic liber, aperietur aliquando in valle Josaphat, ut totus mundus possit inspicere, & sequentur lamentationes & Væ per vallem Josaphat. Scio alios putare, agi de libro mortis, cui inscripta sunt nomina improborum, qui opponitur libro vitæ, in quo Christus Dominus suo sanguine descripsit nomina electorum, quorum caput est, Rex & Princeps; Alibi ex his libris meis Auditoribus saluberrimas prælego lectiones.

§. 2.
Prosecutio.

Placent mihi modo illi interpretes, qui per hos libros intelligunt illas S. Scripturæ paginas, quæ plenæ sunt minis, maledictionibus, & væ, væ, quibus justus & iratus Dominus minatur se velle punire impios. Hoc sensu hod. Evang. est pagina hujus libri, plena horrendis minis super scelestam Jerosolimam. Aperuit illum Christus D. dum cum discipulis exiret ex templo: Elevans oculos, aspexit muros, superba illa saxa, cum admiratione,

tionem, videtis hæc omnia, & dum ait, quasi legeret illa ex libro iratæ Justitiæ, *amen dico vobis non relinquetur &c.* In urbe discipuli nō fuerunt ausi quærere ex magistro, de tempore quo hæc futura essent, extra urbem in monte Oliveti respicientes urbē, dixerunt, quando hæc erunt? tum Christus illis reposuit notissima hæc verba, *cum videritis &c.* His verbis Christus D. expressit gravia scelera, quibus tam graves minatur plagas. Ostendam prima parte, quænam illa sint, in altera, Deum, licet minetur, tamen esse misericordem. Minari ut pœniteamus.

Post crucifixionem & mortem Christi Domini triplex præcipuè desolatio & abominatio stetit Jerosolymis, ob quam urbs ^{§. 3. Triplex præsertim Jerosolymis stetit abominatio. Scelera zelotarum.} impia justo Dei judicio tam misere fuit devastata. hoc est propter immane illud scelus, quod filium Dei cruci affixissent, triplicis generis peccata justus Deus inter Judæos ulterius tolerare noluit, sed acriter punivit. Tempore Christi, & præcipuè post sanctissimam ejus mortem, fuerunt multi scelerati Judæi, homines scelestissimi, qui ex impio zelo patriæ & legis se nuncuparunt zelotas. Impii hi homines occupato templo, illud muniverunt instar castræ, ex quo in urbem contra concives, veluti hostes eruptione facta illos spoliarunt, multos multarunt, multos vi pertraxerunt ad templum, ut occiderent in loco sancto, ut ipsa altaria, ut parietes sacri, ut pavementum & saxa loci sancti ruberent sanguine peremptorum civium. In atriis templi stabant veluti stagna effusi sanguinis & fluentis ex tot cadaveribus; *Dei locus non erat, neque manere poterat, domesticorum funerum factus sepulcrum.*

Josephus Jud. postquam similia & atrocia alia scelera zelotarum descripsit, dixit l. 6. antiq. cap. 16. *Puto si Romani contra tam noxios nostræ gentis homines venire tardassent, aut hiatu terra devorandam fuisset urbem, aut diluvio peritura, aut fulminum, instar Sodome, incendia passuram. Multo enim magis impiam progeniem tulit, quam ea fuit, quæ illa supplicia postularat.* Tandem ergo justo D. E. I. judicio venerunt Romani, post arctam obsidionem occuparunt urbem, in templo trucidarunt hos impios homi-

nes, & in eodem Romana collocarunt vexilla, cum imaginibus Jovis, aliorumque Numinum, donec exusta urbe magnificentissimum etiam conflagravit templum, ut nec lapis manserit super lapidem. Et sic impleta fuit prophetia Christi in hodierno Evangelio de abominatione desolationis. Scelera Zelotarum Deus tandem punivit.

§. 5.
Hodie zelus
zelotarum est hæ-
resis.

Hodie (ex mente sanctorum Patrum & interpretum sacre scripturæ) Zelus Zelotarum est hæresis. hæc est idolum quoddam abominationis in conspectu Dei; hoc vitium est fecunda mater tot crudelium scelerum, causa tot bellorum, bestia, continuo humanum sitiens sanguinem, non contra homines tantum crudelis, sed audax & temeraria contra Deum & Christum, ut templa occupet, violet, polluat horrendis & innumeris sacrilegiis, ut crucifixi statuas comminuat, ut sanctissimo altaris sacramento non parcat. De illa loquor hæresi, quam sancti Patres dicunt *esse sedem Satana, collusionem errorum, seminarium discordiarum, Lernam omnium malorum, licentiam ad omne peccatum*, itaque hæresin tandem punit Deus. probatione non est opus. Anglia, Gallia, Germania, Polonia, regna amplissima, provinciæ ditissimæ suo damno id sunt expertæ. Tam terribilem abominationem bonus Deus ad tempus tolerat, tandem punit, quia justus est.

§. 6.
Secundo
gravia scelera
commissa in
templo.

Secundo in loco sancto, in templo Jeros. stetit abominatio desolationis, non tantum ob scelera zelotarum, verum, quia & alii Judæi in eodem loco sancto varia & gravia commiserunt crimina, sine ulla reverentia & cultu, qui loco tam sancto & habitationi Dei secundum legem debebatur. Ideo prophetiæ Jesaïæ, Ezechielis, Jeremiæ, aliorumque plenæ sunt gravibus querelis, quibus Deus deplorat scelera sui populi commissa in loco sancto, potissimum idololatriam. quam Judæorum impietatem etiam Deus tam diversis plagis & flagellis, fame, peste, bello, captivitatibus, & tandem totius urbis excidio castigavit. Si fortassis contingat, quibusdam locis, inter Christianos, imo Romano-Catholicos in loco sancto stare similem abominatio-

nem

nem desolationis; id est, si forte alicubi à Catholicis in templis gravia committantur scelera, gravida ob sanctitatem templorum sacrilegia; non dubitemus, justus Deus non fert has abominationes, sed gravissimis, & publicis poenis punit.

Felle sunt pleni sanctorum Patrum sermones, homiliae, conciones, & libri, quibus hanc in templis peccandi licentiam infectantur, nemini, nec aulis, nec Principibus, nec nobilibus, nec Clero, nec Sacerdotibus parcentes. Exemplar concionatoribus esse potest S. Hieronymus. Intellexerat vir sanctus quendam nomine Sabinianum venire in Ecclesiam intentione non ita pura, sed in gratiam alicujus feminae, quam deperibat. fortassis annumerandus fuit illis, de quibus ait S. Ambr. l. 3. de virgin. *Qui docti sunt in templo ludere oculis, rosare cervicem.* fortassis illis de quibus scribit Bellarminus in gem. col. l. 2. cap. 12. *Quis tolerandum putet, quod non desunt, qui in ipsa sacra ade, dum tremenda mysteria celebrantur, vel dum sacra concio habetur ad populum, laqueos oculis quarunt, & oculis ac corde machantur.* Vel illis, de quibus S. Cyprianus ausus fuit dicere, de singul. Cler. *Diabolo peiores sunt, qui in templo faminarum aspectibus feriantur.*

§. 7.
Digressio
ad Audire.
res ex san-
ctis Patri-
bus.

Tale aliquid de Sabiniano intellexerat. S. Hieron. itaque divini honoris zelo accensus, cathedram ascendit, & his cum verbis publicè fuit allocutus: *Infelicissime mortalium, tu speluncam illam in qua Dei filius natus est, de stupro condicturus ingrederis:* (O abominationem desolationis!) *non times ne de praesepe infans vagiat; ne puerpera Virgo te videat; ne mater Domini contempletur? pro nefas! non possum ultra progredi, prorumpunt lacrymae, antequam verba, & indignatione pariter ac dolore, in ipso meatu faucium spiritus coarctatur: Vbi mare illud eloquentia Tulliana? ubi torrens fluvius Demosthenis? nunc profecto muti essetis ambo, & vestra lingua torpesceret.* Inventa est res, repertum est facinus, quod nulla eloquentia explicare queat. Hæc fuit mens S. Hieronymi de hac abominatione. Commotior S. Hieronymo fuit S. Chrysost. hom. 24. in Matth. *Multi ad formas mulierum aspi-*

§. 8.
Acru in ve-
stra san-
cti Hiero-
nymi.

ciendas.

ciendas, ad adolescentulorum pulcritudinem curiosius intuemdam in Ecclesiam veniunt: mox ait: *Non miraris quomodo undique fulmina non deferuntur? quomodo cuncta funditus non evertuntur? hæc enim non fulminibus solum, sed etiam gehennæ supplicio dignissima sunt.* Itaque Auditores, cum in aliqua urbe gravia scelera committuntur in templis, cum (sunt verba Philonis Judæi l. de Cherub.) turpitudine torrentis in morem, populans omnia, vel sacratissima templa irrumpit, tum stat abominatio desolationis, tum Deus punire cogitur.

§.9.
Scelera im-
punita sunt
abomina-
tio.

Abominatio desolationis stat in loco sancto, cum in aliqua urbe inter Christianos & Catholicos abominabilia committuntur scelera, impune, ut à Magistratu, vel Ecclesiastico, vel Politico non puniantur. Cum tolerantur publica & gravia scandala, Deus solet minari & punire. Verum cum nihil sciam de hac urbe, ne tempus perdam, progredior ad alteram partem meæ concionis. Cum Deus minatur se puniturum; sæpe etiam dum jam punit, misericordiæ tamen non oblitiscitur.

§.10.
Ob talia
scelera mi-
natur Deus
ut tamen
sit memor
misericor-
diæ, quod
ostendit in
diluvio.

Abacuc. 3. v. 2. *Cum iratus fuerit, misericordiæ recordabitur.* Ps. 76. v. 10. *Nunquid obliviscetur misereri Deus, aut continebit in ira misericordias suas?* Diluvio, quo iratus Deus mundum delevit, quo omnes eradicavit arbores, non tamen eradicavit olivam, unde columba retulit, Gen. 8. v. 11. *Ramum olivæ virentibus foliis*, ut mysticè innueret, Deum plane iratum etiam in diluvio, misericordiæ non fuisse oblitum. Alium conceptum materiæ huic accommodum suggerunt illi, qui quærunt, ubi nam tempore diluvii Oliva hæc fuerit; an in terra fixa permanferit, & aquis fuerit tecta, an verò ab aquarum impetu fuerit eradicata; & aquis supernatarit, ut columba ramum decerpere potuerit. hæc opinio mihi placet: Diluvium Symbolum est iræ & Justitiæ Divinæ, quæ punit; Oliva, Symbolum misericordiæ; licet cœlum pluat, licet tonent nubes, licet fulmina decidant, hanc olivam demergere non possunt; inter aquas diluvii oliva permansit viridis; viret inter ignes Justitiæ misericordia.

Dum

Dum Deus punit, misericors est, præcipuè in hoc, quod diu ante minetur, ut si velimus, pœnam per pœnitentiam avertere possimus. ut si velimus esse columbæ, & volare ad Olivam sanctissimæ crucis, ramum virentem misericordiæ facillimè inveniamus.

Talis columba fuit David 1.2. reg. c.24. v.16. ex arrogantia quadam jussit numerari populum, & numerata sunt de Israel octingenta millia virorum. De Juda quingenta millia pugnatorum. adeo superbia & fastus hic regis Deum offendit, ut statim miserit prophetam Gad ad Davidem, jussitque in pœnam eligere, vel famem septem annorum, vel vim hostium per tres menses, vel pestem trium dierum. hanc elegit, & vidit Angelum cum gladio super civitatem, cecideruntque subito plurimi ex populo peste, sed vix medius dies transierat, & *miseratus est Dominus super afflictione, & ait, Angelo percutienti populum, sufficit, nunc contine manum tuam!* Sed cur triduum minatus est Deus, si per medium diem tantum punire voluit? cur Angelum tam iratum cum terribili gladio monstravit, si mox illum vaginæ immittere debuit? quæstioni ad rem nostram respondit S. August. Jubente Domino apparuit angelus, *non quod Dominus civitatem planè delere vellet, sed ut ostensus, in procinctu vindictæ Angelus, dignam videnti regi pœnitentiam inculceret.* & hoc contigit quamprimum David vidit angelum, ruens in terram, exclamat, *Ego sum, qui peccavi, ego inique egi.* O pulchrum cælo, terræque spectaculum! Angelus vibrat gladium in cælo, David plorat, gemit in terris, & statim misericordia involat in angelum sive Justitiam, & gladium in olivam commutat. O Auditores, quales gladios & flagella à multis annis Dei justitia ob scelera nostra super nos vibravit? vibrat etiamnum! itaque timete, cavete, justus, iratus est Dominus. Sed hoc agite cum Davide, ruite in genua, pœnitentiam agite, & misericordiæ suæ recordabitur. Dignam nobis pœnitentiam vult inculcere.

§.11.
Idem ex-
pressus fuit
David.

§. 12.
Pulchro
loco proba-
tur ex psal-
mo 74.

Psalm. 74. pro gladio ponitur calix v. 9. *Calix in manu Domini, vini meri plenus mixto; & inclinavit ex hoc in hoc; veruntamen fax ejus non est exinanita.* S. Ambrosius ait, Davidem loqui, de calice divinæ Justitiæ, quo impios punit. Talis calix est bellum, talis calix est pestilentia. Sed pulchrè ait citatus S. Ambrosius. *Ad terrendum plenus est calix, ad ferendum non est exinanitus. plenus erat calix cum mors per triduum mandaretur; sed occurrit misericordia Dei; tenuit manum Angeli, priusquam calicem istum exinaniret.* Sed quis misericordiam in cœlis ad hoc movit? Pœnitens David in terris. Et hodie super nos, Auditores, Calix in manu Domini; calix bellorum & in manibus irati Domini. Cavete, jam inclinatur, jam guttæ decidunt, succurre O misericordia, hoc faciet, sed & vos pœnitentiam facite. Calix hic iræ divinæ dignam nobis vult incutere pœnitentiam; quod magnæ est misericordiæ. *Nisi* (verò) *conversi fueritis* (ps. 7. v. 13.) *gladium suum vibrabit*, non per medium diem, sed triduum. Non inclinabitur tantum calix, sed planè everteretur, & exinanietur. Certum quidem est Deum æqualiter esse infinitum in omnibus attributis & perfectionibus, infinita est ejus omnipotentia, infinita sapientia; hoc tamen non impedit quo minus aliqua nobis, quoad extrinsecos effectus magis elucescant, potissimum Justitia & misericordia, toties inclamante sacra scriptura, *misericors miserator & justus.* Addo, inter hæc duo etiam eminere misericordiam, juxta illud Jacobi 2. vers. 13. *Super exultat misericordia judicium.* in græco est, *gloriatur, exultat misericordia adversus judicium.* in materia præsentis, in hoc, quod dum etiam iratus Dominus minatur se velle punire, hoc faciat, ut impii agant pœnitentiam, ne puniat. II. 30. vers. 18. *Expectat Dominus ut misereatur vestri*, hebraica lectio habet: *Suspirat, anhelat Dominus ut misereatur.* S. Chrysologus ser. de B. Philog. explicat hæc verba pulchro simili. *Benignus est, & quemadmodum parturiens cupit emitti fœtum, ita & ille cupit effundere misericordiam.* etiam super impios, dummodo pœniteant.

Finiam

DOMINICA ULTIMA POST SS. TRINIT. 467

Finiam hanc concionem aliquot pulchris dictis sancto-
rum Patrum, D. Basilius inquit, *clementia Dei hoc erga homines* §. 13. *est, non clamant silenter ingerit supplicia* (ideo in hodierno Evan-
gelio multis annis Jerosolymæ suam cladem prædixit) *sed in-* *Testimo-*
tendens comminationes ea prædicit affore, per hoc peccatores invi- *nia sancto-*
tans ad pœnitentiam. D. Cypr. Alexandr. *Hanc igitur ob causam* *rum Pa-*
vaticinationes gravium malorum instituit Dominus, ut timentes
eum offendere, ab illis periculis liberentur. D. Chrysostomus *in-*
ter minas--occasionem reis præstans, ut fugiendo malitiam, & ap-
prehendendo virtutem pœnas non experiantur. D. Ambrosius:
terret ut corrigit, admonet ut emendet, prævenit ut ignoscat. D.
Chrysostomus *propter minas non desperemus, sed mutemur.*
Propter minas Jonæ non desperavit Ninive, sed mutata est;
ideo (inquit S. Hieronymus) *Deus libenter mutavit sententiam,*
quia vidit opera commutata. hoc promisit per Jeremiam cap.
18. v. 8. *Si pœnitentiam egerit gens illa à malo suo, agam & ego pœni-*
tentiam super malo, quod cogitavi ut facerem ei.

Si verò impii de pœnitentia audire nōlint, & tamen per- §. 14. *Epilogus.*
gant vivere in suis abominationibus, tandem Deus punit &
improviso & celerrimè. Ideo S. Joannes. in Apocal. cap. 14.
vers. 18. in manu Christi Judicis vidit falcem acutam, & alii
prophetæ, volantem, ad denotandam vindictæ celeritatem.
Semper, omni hora, omni momento, supra caput impii volat
falx & gladius iræ divinæ. Diu detinetur à misericordia ne
puniat; cum adest præstitutus terminus, cum impleta est men-
sura malitiæ, tum volat, tum involat in peccatores, perinde ac
flamma ignis in horreum, quod momento stat in flammis. im-
pius in puncto sepelitur in inferno. perinde ac fulgura, fulmi-
na cœlestesque sagittæ, quæ altissimas turres momento ac-
cendunt & evertunt. Deuteron. 32. cap. vers. 41. *Si acvero ut*
fulgur gladium meum. Cavete impœnitentes, peccatores!
Habet Divina Justitia præter falcem, præter gladium, præ-
ter calicem, plenam maledictionibus clepsydram, ex qua tan-
dem effluit tempus misericordiæ; tandem nomen boni, mise-

ricordis Salvatoris, mutatur in nomen severi Judicis, cujus nomen est, *Absque misericordia.*

NB. Si esset Dominica Congregationis agoniae, poterit fieri pulchra digressio ad sodales, ex illis verbis; Benignus est JESUS Crucifixus, cupit effundere misericordiam ex sanctissimis Vulneribus &c. modo ferventer petamus.

F I N I S
P A R T I S S E C U N D A E.



Alvei


Alvei Tertii,

SIVE

CONCIONUM,

In Festa ab Adventu usque ad
Pentecosten.

P A R S III.



CONCIO LIII.

FESTO S. P. FRANCISCI XAVERII. INDIARUM APOSTOLI.

Sint lumbi vestri præcincti.

Luc. 12. cap. v. 35.

SYNOPSIS CONCIONIS.

INter septem conciones, de vita S. P. Francisci Xaverii, est hæc ordine quarta; & agit, de infatiabili ejus desiderio, ingrediendi in Chinas ad prædicandum Evangelium. Sed vix, amplissimum illud regnum fuit ingressus, cum per beatissimam mortem, ad cœleste brabeium, indefessus cursor & pugil, fuit evocatus.

- | | |
|---|--|
| §. 1. S. Xaverius fuit Apostolicus prædicator, succinctus lumbis. Varius verborum horum sensus ex sanctis Patribus. | §. 5. Fuit Aquila. Vnde indefessa ejus fortitudo? |
| §. 2. S. Xaverius confertur cum sphaera Archimedis. | §. 6. Magnafecit; ardua perussit: omnia tamen reputavit pro nihilo. |
| §. 3. Cordi suo, totum mundum inclusit. | §. 7. Sensit se evocari in Chinas. |
| §. 4. Circumtulit secum cælum. Fuit globus solis. | §. 8. Et constituit tentare adiuturum. Rediit ergo ex Iaponia in Indias. |
| | §. 9. Rediit in Iaponiam; ibi descendit |

*scendit scapham, & abiit in
Chinas.*

§. 10. *Sed in ingressu moritur.
Mors illius similis fuit morti
Moyfis.*

§. 11. *Quam fortunata illa fue-
rit.*

§. 12. *Erectio tumuli Sancti
Francisci, cum variis Epita-
phis.*

§. 13. *Pii erga illum affectus.*

§. 14. *Ardens petitio Auctoris
ad eundem.*

Sint lumbi vestri præcincti, id est, ex mente Theophylactis §. 1.
S. Xave-
rim fuit
apostolicus
predicator
succinctus
lumbis. Va-
rim verbo-
rum bonum
sensum ex
ss. Patri-
bus.
Semper estote proclives (vel parati) ad exequenda opera Do-
mini. Sint lumbi vestri præcincti, id est, estote prompti ad
quodcumque iter quod vobis imperaverit Dominus. S. Bern-
ardus, quis sicut David fidelis, ingrediens & egrediens ad præceptum
regis. Tob. 5. Invenit juvenem splendidum, stantem, præcinctum,
& quasi paratum ad ambulandum. Sint lumbi vestri præcincti, id
est, secundum Cyrillum, Prompti sitis ad sustinendas asperitates.
secundum S. Athanasium, Parati obedire voluntati ejus. S. Augu-
stinus sic explicat, lib. 2. qq. Evang. c. 25. Ille lumbos habet præ-
cinctos, qui amorem suum præcingit, à terrenisq. rebus arcet, ut to-
tum conferat in Deum. Sint lumbi vestri præcincti, id est (sic ait
S. Chrysologus ser. 22.) Cincti castitatis balteo, quod est insigne mi-
litia Christiana. De Jove ait Perianus, Ad pugnam accingitur, &
gigantes perimit fulmine. Omnibus his modis S. Franciscus Xa-
verius lumbos habuit præcinctos, semper enim paratus fuit ad
exequenda opera Domini; opus Domini prædicare Evangel.
opus Domini convertere animas &c. Opus Domini, peragra-
re varias regiones: opus Domini evertere idola plantare ubi-
que vexillum S. Crucis. Et quando adhuc non proclivis fuit
S. Xaverius. simul promptus ad quodcumque iter, ingrediens
& egrediens ad præceptum regis. Semper promptus ad susti-
nendas asperitates. Paratus in omnibus obedire voluntati
ejus. Amorem suum ita præcinxit, ut totum contulerit in
Deum. Pugnavit quoque feliciter, non contra gigantes, sed
idololatriam & Satanam in Oriente veluti fulmine prostravit.

Sed antequam præsentem panegyrim prosequar, moneo me totam historiam vitæ S. Xaverii divisisse in 7. partes (repeti possunt brevissime priorum trium propositiones.) Hodie ordine quarta insatiabile desiderium ingrediendi Chinam, & felicissimam ejus mortem vobis proponet.

§.2.
S. Fr. Xa-
verius con-
fertur cum
sphæra Ar-
chimedii.

Non dubito quin aliquid audiveritis de artificiosa & admirabili machina sive sphæra Archimedis. Serviet meæ panegyri de laudibus S. Francisci ejus descriptio, quàm invenio apud Cassiodorum l. i. ep. 45. *Parvam-machinam, gravidam mundo, cælum gestabile, compendium rerum* (solis, lunæ, stellarum, orbium cælestium, planetarum, elementorum &c.) *speculum naturæ ad speciem ætheris, incomprehensibili mobilitate volutavit.* Talis machina vel sphæra fuit S. Franciscus Xaverius. Parvus, ob profundissimam in heroico viro demissionem, parvus quia omnium servus. Franciscus parvus, inter parvulos & pusillos, quos in Christiana catechesi instruebat, parvus in hospitibus inter pauperes, parvus in navibus inter nautas quos omnes, oratione, verbis & exemplo, Christo lucrabatur. Machina parva S. Franciscus, quæ tamen diaboli & idololatriæ regnum in Oriente labefactavit & evertit.

§.3.
Corde suo
totum
mundum
inclusit.

Parvum mundum in se continuit sphæra Archimedis, eundem & meliorem partem omnes homines in corde suo intra se conclusit S. Franciscus; non tota Europa ejus desideriis satis ampla fuit Indias, Japoniâ, Chinas quæsit ut in amplissimis illis regnis innumerabiles Christo acquireret filios. gravid^o mundo, ut illum eidem pareret. Omnes incluserat visceribus ardentis caritatis. Quam grave illi fuerit hoc onus, patuit, cum in somniis sub pondere unius Æthiopis ingemuit & suspiravit, sed leve onus fuit, cum in vigiliis illos humeris suis tulit in ovile Christi. Sphæra itaque fuit cor S. Francisci, cui totum mundum desideriis suis inclusit.

§.4.
Circumtu-
lis secum
cælum: fuit
globus solis.

Nec solum mundum terrestrem, sed cælestem, sive cælum S. Xaverius in corde suo, imo & manibus per diversissima regna circumtulit. Cælum secum ferebat, quia conversatio ejus

ejus potius in cœlis quam terris fuit. Cœlum circumtulit, ob suavissimam animi pacem & tranquillitatem, qua continuo fruebatur. Cœlum circumtulit, ob salutes influxus, quibus innumeris profuit. Cœlum circumtulit, quia plurimis illud largiebatur, parvulis per baptismum, adultis per prædicationem, peccatoribus per pœnitentiam, ignorantibus per cognitionem Christi. Cœlum denique erat cor S. Xaverii, ob cœlestes delicias & voluptates, quibus ejus animus dies noctesque difflebat adeo, ut sæpius exclamarit, Domine satis est, Domine &c. Compendium creaturarum pulcerrimarum, solis, lunæ, stellarum, id est, sol fuit Xaverius, luna fuit, stella fuit, quæ dissipavit tenebras gentilitatis in Oriente. Sphæra Archimedis fuit speculum naturæ, & species ætheris. S. Fr. speculum fuit sanctitatis & virtutum. lucidus ut æther, sed luce divinarum illuminationum; ardens ut æther, sed ignibus & flammis divini amoris. purus ut æther, sed puritate illibata, & angelicæ virginitatis. Denique globi illius incomprehensibilis fuit mobilitas, sed major & incomprehensibilior ille motus & cursus fuit, quo globus Xaverianus seolvebat & movebat, de urbe in urbem, de provincia in provinciam, de regno in regnum, currens globus fuit, instar solis, qui sua luce & ardore omnia illuminavit calefecit & accendit.

Cursum & motum hujus sphæræ sub alia metaphora videtur prævidisse Isaias c. 40. v. 31. ubi de viris Apostolicis, per totum orbem prædicantibus Evangelium Christi, ait: *Mutabunt* (sive, ut est in hebraico *integrabunt*) *fortitudinem, assument pennas sicut aquila, current & non laborabunt, ambulabunt & non deficient.* Talis aquila fuit S. Xaverius. Roma ex Italia, evolavit Olyssiponem in Lusitaniam; nec defecit. Inde per maria avolavit Goam in Indias, nec defecit, fatigari non potuit. Goa, per oram piscariam, per regna Travancoridis per mille pericula alis incensi amoris avolavit Malacam, Malaca in Japonicam, ex Japonia rursus in Indias, neque defecit, sed quotidie de aliis provinciis & regnis, præcipue Chinensi, Christo acquirendis cogitabat. Aquila, sol, sphæra fuit Xaverius in-

Alveus Tertius.

Ooo

com-

S. S.
Fuit Aquila. Vnde in
defessa illius
forti-
tudo?

comprehenfibili mobilitate volubilis. Sed unde illa fortitudo hujus Aquilæ, five generosi & excelsi animi in S. Francisco? quæstioni respondet Emblema, in quo ex caverna petra, à specioso fonte, quo petra stillat, avolat aquila cum hac epigraphe *hinc fortior*, id est, quies in petra, & refrigerium fontis conferunt fortitudinem aquilæ. S. Francisco caverna petra fuerunt sacrosancta CHRISTI Vulnera, in quibus quotidie mysterium aliquod passionis meditabatur. ex his quotidie fortior evolabat; cum indies consideraret, animas Christi sanguine redemptas, indies illo sanguine accendebatur, ut plures juvaret &c. fons illi fuit oratio, cui vir Apostolicus adeo erat deditus, ut dies noctesque etiam inter gravissimos labores ardentibus suspiriis versaretur in cœlis. hæc vires illi novas addidit. Totis noctibus hærebat in oratione veluti cœlo; mane redibat ad labores; similis S. Paulo, de quo Cyr. Hieros. *descendit rursus* (ex tertio cœlo) *non quod dignus non esset conversatione cœli, sed ut gustatis supercœlestibus - Christum predicaret.* Fons præcipuè illi fuit sanctissimum sacramentum Eucharistiæ, à quo recedebat instar ignei leonis, vel igneæ aquilæ, quæ in via crucis quiescere non poterat. ut dici de illo possit, quod Eusebius Emyss. dixit de S. Maximo hom. de eodem: *Quanto amplius de ipso sapientia fonte libabat, tanto ardentius astuabas*, talia dicens: *O fragilitas humana! exiguum est quidquid agis propter spem æternorum. quantalibet acquisitione non desistas, quia adhuc superest quod requiras, ac totum ei videbatur parum, quidquid adhuc recipiebat augmentum.*

S. S.
Magna fecit
eis Xave-
rius: per-
tulit av-
dua: qua
omnia pro
nullo re-
putavit.

Talis fuit Maximus Xaverius! quidquid agebat pro gloria Dei, & salute animarum, erat illi exiguum. fecit magna: intra decennium confecit duodecim millia leucarum, nec tamen quiescere poterat. indies de aliis regnis cogitabat. Integra regna convertit ad Christum, in centum sexaginta provincieis illum prædicavit, Millionem & ducenta millia hominum convertit, reges, sed parum fuit, quia videbat plures, præcipuè Chinesensem pop. cōverti posse, baptizavit, in Indiis, in Molucis, in Japonia, sed totum hoc videbatur parum. plures in China deside-

desiderabat baptizare. Sustinuit ardua in via crucis; sed parum fuit; rogos, flammæ, cruces desiderabat in Japonia vel China pro Christo.

Genesis 12. v. 1. dixit Dominus ad Abraham, *Egrede de terrâ tua & domo patris tui, & veni in terram quam monstrabo tibi.* ^{S. Xaverius} ^{sensit se} terminum à quo Abraham egressus est, nominat sacer codex, ^{evocari in} ^{Chinam.} sed non terminum ad quem, sive terram, quæ illi erat parata. causam dat S. Basilius or. 7. *Locum occultat, ut animi constantiam exerceat; metam celat, ut cursum contendat.* hoc est mysterium. Zelus viri Apostolici non agnoscit terminos, velle totum mundum Christo lucrari. Eia Xaveri egredere Roma, & veni in Lusitaniam, quam tibi Deus monstrat. Egredere Lusitania, aliam terram, Indias monstrat Deus; Egredere ex Indiis, Malacam monstrat Dominus. Egredere, in Japoniam te vocat Deus. Egredere Xaveri, China opem tuam implorat. China regnum amplissimum, & florentissimum totius Orientis, civitates in eo plurimæ; O Franciscæ! animæ innumerabiles, pro quibus Christus tuus mortuus est, quibus tamen infernus ibi impletur, tuum adventum expectant! His internis vocationibus crescebat indies in animo S. Francisci ardor & desiderium penetrandi in Chinas, præcipue cum adverteret Japones facile accepturos legem Christi, si id Chineses facerent.

Sed iter hoc judicavit aptius ex Indiis adornari posse quam ex Japonia. Ergo alta hyeme reditum adornat; In via aliquando equiti se famulum obtulit; iter fuit difficillimum, per montes, per nives, per vepres; tanta tamen erat vis cœlestis dulcedinis, ut victis voluptate illa sensibus, subinde calcarer vepres, subinde pedes nudos illideret in saxa. sed nec spinas, nec vulnera, nec laxa, nec nives sentiebat amor. Injuriâ fecerunt amor, qui illum pinxerunt alatum, Xaverius sine alis quasi volabat, quia amabat. Sanguine & cruore ex vulneribus defluente ita pingebat, nives, ut purpureas rosas spargere videretur. ex his rosis deinde in Japonia creverunt tot rosæ Martyrum. Sed si inter has nives in Japonia hæsero, Chinesem portum cum Francisco, Oratio mea non attinget. Postquam M CCC.

S. 8.

Et constituit aditam ventam. Redit ergo ex lap, in Indiam.

leucas confecisset, incredibili omnium gaudio Goæ exceptus fuit; omnium vox erat; ah rediit sanctus pater, rediit magnus Xaverius; non tamen gaudium illud fuit diuturnum. Quamprimum legationem à Vice Rege obtinuit ad Regem Chinensem, nomine Regis Portugalliæ, cum legato abiit Malacam, cujus urbis Gubernator honorem tantum invidens Antonio Vega, totā illā legationē disturbavit; incredibili Francisci dolore.

§.9.
Rediit in
Japoniam
ibi conscen-
dit sca-
pham, &
abiit in
Chinam.

Postquam omnia frustra tentasset, Gubernatorem tanquam Legatus Apostolicus excommunicavit, nautæque Japonensi se credidit, rediitque Malaca in Japoniam. Ibi, totus anhelus ad Chinas, cū alia occasio se non offerret, Chinenſis nautæ scapham conscendit. dissuaserunt amici, sed nihil obtinuerunt, conjici advenas in carceres, spoliari vita, cremari, secari: &c. talia accendebant desideria Francisci. Navis illi fuit fiducia in Deum; remi, alacritas. Vela ventis inflata, pia desideria; malus, divina providentia; Vexillum Crux, Navarchus amor. In hac navi post mille labores & pericula, sed ingenti solatio, Xaverius attingit Sancianum Insulam & portum in conspectu regni Chinenſis. Ingenti gaudio & solatio!

§.10.
Sed in in-
gressu mo-
ritur mors
ejus simili
fuit morti
Moyſis.

Sed breve illud fuit: accidit illi quod accidit Moyſi Deut. 34. v. 4. In monte excelsio dixit illi Dominus; *Hæc est terra quam promisi Abraham & semini ejus; Vidisti eam oculis tuis, & non transibis ad illam. Mortuusque est ibi Moyſes servus Domini, jubente Domino*, vel ut alia habet lectio, *in osculo Domini*: O Francisce, gratulor tibi de adventu in hanc Insulam; ecce hæc est terra tot tuis votis expetita, ecce hoc est regnum, in quod legi Christi occluserunt Saran & idololatria, hæc est terra, in qua tot animæ pereunt; Vides tuis oculis Francisce; ingredi, aggredere arcem superstitionis, ingredi ut plantes vexillum crucis, sed aliud placitum fuit cælo. Non transivit ad illam; exigua febriacula virum sanctum affixit lecto, in quo intra paucos dies, solus, derelictus ab omnibus inter dulcissima nomina, Jesus Maria, oculis in vulnera crucifixi defixis mortuus est servus Domini, in osculo sui Salvatoris. O vile tugurium, O palmarum rami, qui morientis corpus obumbrastis, dicite, si potestis, inter quæ gaudia & cæli solatia vir piissimus expiravit. dicite, qua-

quales fuerunt flores, quibus emortui cadaver resperferunt, quæ poma, quibus cum sponsus, quia languebat amore, stipavit? dicite qualis odor, quem virgineum corpus exhalavit? dicite quales coronæ delapsæ sunt de cælo? dicite, qualis fuit musica, qua cælestes spiritus Francisci animam è corpore ad cælum deduxerunt? Musica Francisci fuit, *Iesu fili David misere mei, Maria memento mei.* puto accinuisse Angelos, *Francisce satis, satis est; Veni de libano veni coronaberis,* ad aliud regnum te vocat Dominus. Et moritur S. Xav. geme China, obiit Xaverius qui cogitabat te Christo lucrari. geme India, occubuit &c. plange Oriens &c.

Sic mortuus est Xaverius. sic sol ortus in Occidente, occubuit in Oriente. Sic tandem navicula Xaverii plena mercibus in portu passa est naufragium, & per naufragium attigit portum cælestis gloriæ. Sic tandem illa columba, quæ tot millibus portavit ramum Olivæ, ex ergastulo corporis evolavit ad montes gloriæ. Sic tandem combustus & Phœnix, inter flammæ amoris, redivivus in gloria. hic Deus Indiarum Herculi posuit columnas, quibus ejus amor & zelus inscribere debuerunt, non plus ultra. hic tandem Indianus Atlas oneri succubuit; hic invenit laborum finem, & felicitatis initium, Sancianum insula fuit ager, in quo vir Apost. preciosa morte invenit preciosam margaritam, quam tot inexhaustis laboribus & gravibus itineribus quæsit. Ut gratus sit, aliam preciosam margaritam terræ illius agri vel insulæ restituit, scilicet sanctū suū corpus & cadaver, quod Lusitani Mercatores magno fletu & luctu, piisque lacrymis ibi sepelierunt. Meum est ut meo Xaverio piissimo parenti & patrono mortuale mausolæum erigam, eique epitaphium inscribam. Sed quis faxa, quis colores, quis calamus in deserta insula mihi dabit? Auxilium variis aliunde spero.

Quæso vos O felices fluctus & undæ quæ toties exultantes vexistis Xaver. conchas, sed pulcerrimas, sed candidissimas advolvite, ex illis conficiam tumulum, illisque inscribam, *Hic jacet Franciscus Xaverius, magnus Orientis Apostolus.* eia fluvii, vel China, vel Japoniæ, vel Indiæ, huc fluite, ut vobiscum fluant aureæ arenæ; illis regam tumulum Francisci

§. II.
Quam fortunata ejus mors.

§. 12.
Erectio tumuli S. Francisci Epitaphio.

& hanc epigraphen inscribam; *Hic jacet Xaverius, cujus generosamentis* (locus floridus & Rhetoricus in laudem S. Fr.) *amplitudinem, cujus virtutis ardorem nec Europa, nec Africa, nec Asia, claudere potuisset, hic triumphalis mors brevi urna conclusit.* Commode adestis divites undæ ex ora piscaria, video quos advehitis nitidissimos uniones, ut illis ornem tumulum Xaverii; iisdem hos characteres efformabo: *Quot uniones Indicum numerat mare, tot mira, tot magna patravit Xaverius, tot animas intulit cælo; tot centenorum millium pater & pastor, hoc tumulo sepultus jacet.* Eia Indici maris Nymphæ vos gemmas afferte, Smaragdos, pyropos, adamantes, sed lucidissimos ut luceant in tumulo Xaverii, in illis hoc elogium; *hic jacet Fr. cujus potentia elementa omnia, cujus integritati mors ipsa victa cesserunt.* Eia Indici montes, per sylvestres deas, mittite frustra marmoris, de optimo, frustra auri, de optimo, frustra argenti, de optimo, ego inde Francisco erigam monumentum, & hoc lemma insculpam: *hic vir ille jacet, cujus virtuti nihil fuit arduum, magnitudini nihil amplum, animo nihil magnum, labori nihil impervium, nil onerosum constantia, nil difficile caritati, qui tranavit maria, adivit incognita, penetravit inaccessa, vicit laponia frigora, India superavit ardores, ut animas Christo lucraretur.* Eia Chinenſes palmæ, folia, ramos, elatas pulcerrimas dejicite, inter illas, hæ gemmæ, hi uniones radiabunt clarius. Tu cælum radiantes deplue stellas, ut veluti lampades luceant coram hoc tumulo, ego illas ita disponam, ut hæc forment verba, *hic jacet sanctus pater, magnus Xaverius.*

§ 13.
*Pis erga S.
 Xaverium
 affectum.*

Revoco omnia mea desideria, non cupio conchas, concha cor meum erit; unio amor Xaverii. Non cupio uniones, unio cor meum erit, inscribam, cor servi Xaverii. Non cupio gemmas, cor meum gemma erit, imperabo amorì, ut insculpat, filius Francisci. Non cupio folia vel flores. flos, cor meum erit; floris venustas, nomen Xaverii. Non desidero stellas, stella cor meum erit, ut luceat, ut ardeat radiis amoris, Deo & S. Francisco Xaverio.

Finis

Finio O S. Franciscæ, sed ardenti desiderio. Aquilam ante te vocavi, & merito, aquila es, quæ suis alis totum Orientem inumbravit; &c. ego pullus tuus sum, cia Xaveri, me tuis humeris impone, & perduc ad solem &c. est locus pro pulcro epilogo.

§. 14.
Ardens petitio auctoris ad S. Xaverium.



CONCIO LIV.

FESTO IMMACULATÆ CONCEPTIONIS B.M. VIRGINIS.

De qua natus est Iesus, qui vocatur Christus.

Matt. i. cap. v. 16.

SYNOPSIS CONCIONIS.

Prima pars proponit insignes aliquas congruentias, sumptas ex diversis locis S. Scripturæ, pro Immaculata Virginis Conceptione. Altera, ex SS. Patribus aureum colligit Alphabetum eximiorum elogiorum. in favorem ejusdem immaculatæ conceptionis.

- | | |
|---|---|
| <p>§. 1. Secundum axioma juris, in dubio, potius favendum est reo, quam actori.</p> <p>§. 2. David liberatus à gladio Goliath, fuit figura liberata & preservata Virginis à peccato Originali.</p> <p>§. 3. Prosecutio. David potius, scilicet prius à Goliath vulnerari,</p> | <p>deinde sanari, sed alterum fuit: gloriosius.</p> <p>§. 4. Quod commendat, tanquam peculiare beneficium.</p> <p>§. 5. Sic aliqui sentiunt, B. Virginem in conceptione fuisse quidem vulneratam, sed sanatam.</p> <p>§. 6. Nos asserimus contrarium: gloriosius.</p> |
|---|---|

gloriosius enim est Virgini
nunquam fuisse laesam.

§. 7. Aliud axioma iuridicum,
in favorem B. Virginis.

§. 8. Prosecutio.

§. 9. Debetur eidem gloria mon-
tis Libani. Quenam illa sit.

§. 10. Quare Maria, à sponso ter
dicatur pulchra.

§. 11. Quare sponsa lectulum suum
vocet floridum.

§. 12. In prima conceptione, B. V.

fuit thronus, custoditus à for-
tissimis leonibus.

§. 13. Alphabetum excellentia-
rum B. Virginis, respectu SS.
Trinitatis, ex quibus confirma-
tur Immaculata conceptio.

§. 14. In A. B. C.

§. 15. In reliquis literis.

§. 16. Epilogus ex hoc Chronogra-
phico. TV spe CVLVM es
DEI para.

§. 1.
Secundum
axioma ju-
ris in dubio
potius fa-
vendum
est reo,
quam acto-
ri. ¶

EST ex Jurisconsultorum & Canonistarum regulis, una,
quæ hodierno immaculatæ conceptionis festo, mihi
cum primis placet. sic autem habet. *Cum de alicujus li-
bertate judicatur, semper in libertatis favorem sententia
proferenda est.* Si de quopiam. v.g. promovendo ad dignita-
tem, vocetur in dubium, an sit natus liber, nec ne, an servus,
& mancipium, tum si rationes contra reum allatæ, non conclu-
dant evidenter, volunt Jurisperiti in ejus favorem pronuntian-
dam sententiam; nam, *cum jura partium sunt obscura, reo potius
favendum est, quàm actori, ut ait glossa.* Post tot pontificum de-
creta, ut ultimam Bullam Alexandri VII. vix opus est, amplius
revocare in dubium; an Beata Virgo, concepta fuerit in pecca-
to Originali, nec ne; sive, an concepta fuerit in utero Annæ, li-
bera ab omni noxa, an verò serva & mancipium infernalis ser-
pentis; si tamen alicui placeret, mihi nihilominus quæstionem
illam proponere, libere respondeo cum Jureconsultis, in favo-
rem Virginis, & Dominæ, & Regina, & Matris Dei dicendum
esse, illam in primo conceptionis momento, ab omni cujuscun-
que peccati servitute fuisse liberrimam. Præterquam, quod
etsi verum esset, jura partium esse obscura, (quod tamen non
concedimus) reæ nihilominus favendum sit potius, quam acto-
ribus. Novi animos vestros Auditores; novi non injucundum
fore

fore pietati vestræ, si Virginis patrocinium suscipiam, afferendo, eximia aliqua argumenta ex sacris literis, & copiosum numerum elogiorum Magnæ Matris, ex quibus clare patebit, Mariam fuisse immaculatè conceptam; itaque dum illud hac panegyri facio, ut me benevolè audiat, enixè rogo.

In eum finem, ut dixi, mea hæc dictio collimabit, ut re-creem vos pulcerrimis, tum rationibus & congruentiis ex sacra scriptura, desumptis, tum eximiis magnæ Matris elogiis, in favorem Virginis immaculatè conceptæ. Et imprimis, illius protectionis, custodiæ, sive, ut scholæ loquuntur, præservationis, qua Maria à lue peccati originalis in primo conceptionis momento liberata & præservata fuit, figura fuit David, dum psalmo 143. ob peculiare beneficium DEO gratias egit, his verbis: versu 1. *Benedictus Deus meus, qui docet manus meas ad prælum, & digitos meos ad bellum.* Versu 2. *Misericordia mea, & refugium meum, susceptor meus, & liberator meus.* Versu 3. *Protektor meus, qui subdit populum meum sub me.* & tandem versu. 10. ait; *Qui redemisti servum tuum, de gladio maligno.* Quis non cogitat, de quo gladio locutus fuerit regius Paltres; sed dudum dixerunt varii Interpretes, locutum Davidem de gladio Goliath. Nimirum malignus fuit ille gladius, quem adeo maligna sustinuit dextera. maligna profecto arma, quæ innocentis Pastorculi sanguinem furiabant. Sed vicit malignitatem Bonitas, prostratus jacet Goliath, David victor triumphat; hinc DEO laudes meditatur, hinc concinit gratiarum actiones, hinc erumpit in voces lætitiæ, hinc gaudens exclamat, *Redemisti servum tuum O Deus, de gladio maligno.*

Cum verò David nunquam fuerit læsus ab illo gladio, cum à Goliatho vulneratus non fuerit, multò minus lethale vulnus inflictum illi fuerit, quare agit gratias, quomodo se ait redemptum? Subtilius latet mysterium, quàm primo intuitu perspiciamus. Enimverò, nunquid fieri potuisset,

Alveus Tertius.

Ppp

ut Da-

§. 2.
David, li-
beratus à
gladio Go-
liath, fuit
figura li-
berata &
præservata
Virginis à
peccato
Originali.

§. 3.
Profectus
David po-
tuisse à
Goliath
primò vul-
nerari, de-
inde sanari
sed alterum
fuit glorio-
sum.

ut David, licet vincere hostem oportebat, & Goliathum prosternere, tamen prius ipse læsus fuisset? nunquid contingere poterat, ut Goliath prius sua lancea, vel gladio, Davidi vulnus infligeret; ut tum eximius pugil & athleta viso suo sanguine, factus animosior, arrepta funda projecisset lapidem in frontem Goliathi? Certe hoc connaturalius videbatur; Erat siquidem Goliath armatus, David inermis; erat exercitatus in præliis, versatus in duellis, dexter in conflictibus Goliath, inter arma enutritus; rudis è contra David, imperitus, ignarus; Erant Goliatho arma ejusmodi, quæ vel solum eminus visa terrorem heroi cuicunque incuterent; Davidi, præter fundam pastoritiam, & pauculos lapides, nihil. Goliath erat statura grandis, & ut loquitur S. Chrysostomus, *turris carnea*; pusillus David, verbo, nulla hujus erat, ad illum comparatio. Itaque nemini mirum videri poterat, si David à Goliatho læsus fuisset. Præterea, si vulnus illi inflictum fuisset, an non id ipsum arte medica curari potuisset? an non hoc ipsi gloriosius extitisset, certè vulnera in bello ab hoste accepta sunt honoris & gloriæ, fortitudinisque symbola. Hic noster est discursus Auditores.

§. 4.
Quod commendat,
tanquam
peculiare
beneficium.

Verum David agnovit longè majus beneficium sibi præstitum fuisse, quod plane à vulnere & periculo mortis fuerit præservatus; quod nullum à maligno Goliathi gladio, vulnus fuerit inflictum, & hanc gratiam vocat redemptionem, dum ait *Benedictus Deus, -- qui redemit me.* Cassiodorus super hæc verba; *Intelligendus est, de gladio Goliath, non quod vulneraverit illum prius gladio suo Goliath, sed quia præservavit eum Dominus de tali gladio, ait, Redemisti servum tuum.*

§. 5.
Sic aliqui
sentiant,
B. V. in
conceptione
fuisse
quidem
vulneratam,
sed
sanatam.

Ecce, pulcerrimam historiam, ex qua cognoscere possumus, qua ratione beatissima Virgo, à Filio suo, ab omni peccato, etiam originali fuerit redempta. Vulneratus! acutus! penetrans! devorans gladius est peccatum Originale; hoc gladio infernalis Goliath aggreditur, ferit, lædit, dejicit omnes, qui de Adamo descendunt. Putant aliqui, etiam Mariæ, in primo conceptionis momēto hunc gladium, lethale vulnus infixisse; sed mox oleo & balsamo divinæ gratiæ illud fuisse sanatum; &

hoc

FESTO IMMACULATÆ CONCEPTIONIS B.M. VIRGIN. 48;

hoc titulo Redemptionem B. Virginis fuisse singularem; potuisset enim usque ad nativitatem, more aliorum hominum per novem menses, relinqui sauciam, veneno infectam, turpi macula turpem, servam, mancipium, captivam, in manibus Goliath. Sed per eximiam prærogativam placuisse Deo, statim illam redimere, & sanare.

Nos verò asserimus, talem & tantam Virginem, non debuisse esse peioris conditionis, quàm fuerit David. §.6.
Nos asserimus contrarium. Gloriosius est Virginis, nunquam fuisse laesam. Alio modo hic fuit redemptus & liberatus à gladio Goliathi, custoditus enim fuit sub scuto altissimi, ne unquam læderetur, & ideo gloriatur de illa protectione, tanquam de beneficio plane singularis; potiori jure idem dicamus de Regina Orbis, de Matre Dei, ita fuisse redemptam, ut à peccato originali prorsus & semper, etiam primo conceptionis momento fuerit illæsa: dicamus, Benedicta sit sanctissima Trinitas, quæ filiam, Matrem, sponsam nobilissimo modo redemit, & sub pedibus ejus subdidit infernalem serpentem. Hoc fieri potuisse, quis dubitat obsecro? cur igitur factum non asseremus? Imò asserimus! primo conceptionis momento lethalis ille ictus, venenati gladii, vi sanguinis Christi, averfus ab illa fuit, & sic liberata atque redempta est, Maria! ideo Calliodorus in persona Virginis sic loquitur. Redemit me, non quod Goliath, sive, peccatum originale, vulneravit me prius, sed quia de hoc gladio, me Dominus præservavit.

Ne in hoc loco sacræ scripturæ, & iis quæ allaturus sum, §.7.
Aliud axioma ludi- cum in favorem B. Virginis. mihi continuo quispiam in aurem dicat; dici hoc potest in commendationem Virginis, sed & contrarium. Hactenus utraque opinio fuit probabilis; nihil enim ab Ecclesia est determinatum; concedam ego modo hæc omnia; sed tantum in memoriam his revoco, axioma hoc Juristarum, *Quod mihi prodest, & tibi non nocet, teneris id facere.* Cajus v.g. apud Judicem prætendit nobilitatem; Judex ob justas utrimque causas, cuique relinquit, liberum, an talem velit nobilem credere, nec ne; idque citra omnem obligationem. *Certè, qui eum non nobilem, sed ignobilem, vel plebeium nominat, signum dat inimi-*

citia, quia cum alteri prodesse possit, absq. proprio nocumēto, non facit.

§.8.
Profectus

Apud supremum Ecclesiæ tribunal multis jam annis litigatur, de suprema nobilitate B. Virginis; id est, an immaculatè concepta credenda sit Regina Virginum, decretoria super hac re, necdum est lata sententia; in favorem tamen illius, præludia facta non pauca; usque adeo, ut stantibus à parte immaculatæ conceptionis, sacri indulgentiarum thesauri à summis Pontificibus sint concessi. Quid agimus Auditores? quid? si contra eam, vel sentimus, vel loquimur Virginem, si eam primo conceptionis momento ignobilem, imò mancipium Cacodæmonis, dicimus, credimus, an non signum damus inimicitiae? Absit hoc à me, purissima semper Virgo, absit hoc à servo clementissima Domina, à cliente & filio tuo, amantissima Mater! amoris, affectus, benevolentiae, amicitiae, fidelitatis signa exhibere cupio; absit à me umbra alicujus malevolentiae. Alia mihi de te, mens est; alia sententia; nam cum mihi non obsit, imò verò plurimum expediat, tuam propugnare conceptionem immaculatam, ingratus omninò sim; ne dicam impius, si illud non faciam.

§.9.
*Dabitur ei
dem gloria
Montis Li-
bani Quæ
nam illi est*

Cum suavitate cructat cor meum, cum dulcedine labia mea pronuntiant, & calamus linguæ meæ scribit velociter, gloriosa, de virgine immaculate concepta, & magna, quæ illi fecit, qui potens est. Dicam ergo cum S. Isaia cap. 35. v. 2. *Gloria Libani data est ei.* id est, montis dealbati, vel candidissimi. Et quænam illa gloria hujus montis? quænam hæc eximia illius prærogativa, & eminentia supra reliquos colles? Gloria montis Sinai est, quod in illo Moyse data fuerit lex; gloria montis Horeb est, quod Deus in illo locutus sit Abraham; gloria montis Thabor, quod in illo fuerit transfiguratus Rex gloriæ. Gloria montis Sion, quod in eo Salomon exstruxerit regiam suam &c. Et quænam est illa gloria, ob quam B. Virgo comparatur cum monte Libani? fortassis illa, quod in hoc monte crescant nobilissimi Cedri, de quibus Salomon scripsit ad Regem Sidonis l. 3. reg. c. 5. v. 6. *Præcipe igitur, ut præscindant mihi servi tui Cedros de Libano, quia cogito adificare templum Domino;* adeo, ut Dei mater,

mater, sub typo nobilissimæ hujus arboris de se dicat Eccles. 24. v. 17. *quasi Cedrus exaltata sum in libano*. Sed mitto similia; inquirō montis Libani gloriam singularem, quæ mihi serviat pro stabilienda immaculata conceptione, ut cum jubilo dicere possim, Mariæ detur gloria montis Libani. Et est hæc: quod nulli serpenti, vel aspidi aut venenato bufoni, ad hunc montem patet aditus, neque patuit in primis ejus fundamentis, quæ Deus posuit, cum semine & radicibus Cedrorum, quas animalium venenum inficere non potest: solus harum radicum, Cedrorumq; odor pellit & fugat serpentes; his positis excipite verba S. Bon. ser. 4. de concept. *Ideo B. Vergo frequenter Cedris Libani comparatur, quia serpentes fugant & occidunt; quia ipsa statim in conceptione contrivit draconis caput.* Concipi, & conteri hunc serpentem, idem fuit. Prima Radix Cedrorum in monte Libano fuit sancta, plena odoribus cœlestibus quos ille bufo ferre non potuit; sed conversus est retrorsum, & fugit. Gratulor tibi, O Domina, quæ quasi Cedrus exaltata es in Libano, teste Spiritu S. procul proinde à te, omne serpentum genus, omne fel draconum, omne venenum aspidum, omne bufonum virus. Debetur, & ideo detur tibi gloria Libani:

Perge cor meum, eructa g'oriosa! pergite labia, pronuntiate magna; perge, calame linguæ meæ, scribe eximia, pro justa defensione, immaculatæ conceptionis. Id me facere docuit cœlestis Sponsus & sapientissimus Salomon, cum Cant. c. 4. v. 7. Sponsam, five Mariam his verbis cōpellavit. *Ecce tu pulcras; tu pulcras, & tota pulcra; & macula non est in te.* Non sine mysterio Maria ter dicitur pulcra, cum illud vobis exposuero, una meū exclamabitis, itaq; gloria & decus pulcritudinis absolutissimæ, detur Virgini immaculatè cōceptæ: subtilissimè advertit Idiotā triplici potissimum macula infici & maculari animas homin. peccato originali omnes; mortali, multas; veniali plerasq; illorū scilicet qui ad usum rationis pertingant; nisi gratia aliqua extraordinaria, qualis fuit in Apostolis & eximiiis sanctis, aliud operetur. Sola Maria, inter omnes puras creaturas pulcra fuit, quia macula peccati mortalis non fuit in illa. Iterum pulcra fuit,

fuit, & pulcrior, quia neque macula peccati venialis unquam illam infecit. Tertium pulcra est, & tota pulcra, & pulcerrima, quia nec peccati originalis labes, vel primo conceptionis momento pulcerrimam illam animam maculare potuit. Totum discursum paucis verbis Idiotæ vobis proponam. *Tota pulcra es Maria!* hoc est, *non in parte, sed in toto; & macula peccati, sive mortalis, sive venialis, sive, Originalis non est in te.* Pulcra est Maria, pulcra est, & tota pulcra. Ite Mariani Clientes, nescite coronam ex elatis Cedrorum; ego apponam lemma, *Detur pulcerrima*; ut corolla hæc sit symbolum gloriæ, quæ soli Mariæ debetur; si cui placet, signum inimicitiae erga illam ostendere; auferat illi hanc coronam. A me illud absit longissimè. amo, amo, amo, pulcram, pulcram, pulcerrimam Mariam.

§. II.
Quare sponsa lectulus
suum vocet
floridum.

Encomio sponsi, quo pulcra ab illo appellatur, ecce tu pulcra es, respondet illa Cant. I. v. 15. *Ecce tu pulcer es dilecte mi, & decorus.* Subdit statim, *Lectulus noster floridus est.* Quid pulcritudini cum lectulo, cum floribus? respondet Salatinus l. 7. cap. 8. Virginem voluisse dicere, *Lectulus noster, id est, conceptio nostra est florida, atque odorifera, absque peccati corruptione.* Hoc est, *verbum caro factum*, sive Deus homo & parvus infans, obumbrante virtute altissimi, in utero Virginis, in primo Incarnationis sive conceptionis momento, fuit purissimus, innocens, impollutus, sanctus, imò ipsa sanctitas, cui repugnat omnis macula etiam levissimi peccati, & talis fuit essentialiter, ex essentia, absolutè, necessario; Ex privilegio verò, & decreto benevolentiae singulis, Patris erga Filiam, Filii erga Matrem, Spiritus S. erga sponsam, ejusdem lectulus in prima conceptione fuit floridus; conceptio ejus fuit sancta. Debetur, proinde detur Mariæ hæc gloria.

§. II.
In prima
concept.
thronus,
custoditus
à leonibus.

Insisto Mariano meo affectui; atque ut adhuc semel loquar gloriose de immaculata Virginis conceptione, dico ex l. 3. reg. c. 10. v. 18. *Fecit Rex Salomon thronum de ebore grandem, vestivitque eum auro fulvo nimis; Sex habuit gradus, & duas exhibebat manus, hinc inde tenentes regium sedile; duo leones stabant*

stabant circa manus singulas; deinde duodecim alii minores ex quovis latere sex, juxta numerum graduum. Gloriosissima Virgo in prima conceptione fuit eburneus hic thronus; non Salomo, sed tota sanctissima Trinitas illam formavit; ex ebore, materia candidissima, vestivitque auro gratiæ preciosissimo; sed his circumstantiis modo non inhæreo: gaudeo ejus formationi adfuisse fortissimos leones, sive cœlestes spiritus ad custodiam regii throni. Quis dubitat? cum hodierna die, in utero Annæ hic thronus præparatus fuit, id est, cum creata fuit anima B. Virginis, unienda corpori; infernalis coluber per rimas peccati originalis, conatus fuit thronum illum conscendere; quod jam in cœlis tentaverat, cum thronum altissimi voluit conscendere; sed mox adfuere fortissimi leones, cœlestis militiæ archistrategus, qui ut exclamavit: *Quænam ut Maria, Mater Dei, instar fulguris venenatus draco in inferos dejectus fuit. Non! non! non permisere cœlestes leones, Angelici Spiritus, virginalis & regii throni Custodes, ut vel momento diabolus in illo consideret.* Piiſſimus Spinellus sic ait: *Sancti Michaelis, & Angelorum pralio, infernalis coluber, ne originaria labe tangeret Virginem, victus, captusque est.* Albertus M. *Cantum fuit, ne præparatum æterno Regi hospitium, (vel momento) alienus hospes, (& talis hospes) invaderet.* Detur hæc gloria Mariæ.

Non possum in una concione, innumeris similibus locis ex sacra scriptura, sanctorumque Patrum scriptis, diutius inhæ-
re; dixi innumeris, collegi enim plurima, & quidem integrum Alphabetum illarum excellentiarum B. Virginis; & quidem illarum tantum; quæ ad sanctissimam Trinitatem peculiarem dicunt Ordinem, ideoque, peculiare involvunt analogias, comparationes, & congruentias, ob quas audacter asserimus B. Virginem fuisse immaculate conceptam. Referam aliquas.

§. 13.
Alphabetum excellentiarum B. Virginis, respectu SS. Trinitatis, ex quibus confirmatur immaculata conceptio.

In A, v.g. Maria, dicitur, *Aula, Altare, Arca* SS. Trinitatis, Amica! Cogitet, qui volet, in illa *Aula* habitasse olim dæmonem; sub illo *Altari* delituisse infernalem colubrum; in illa *Arca* conclusum extitisse bufonem peccati Originalis: il-
lam

§. 14.
In A. B. C.

Jam Amicam fuisse Deo inimicam. Ego timeo signum inimicitiae; & proinde liberè, sine ullo timore pronuntio; in primo conceptionis momento, *aulam* illam fuisse sanctam; illud *altare* mundissimum; illam *arcam*, cui deinde includi debuit manna verbi incarnati, fuisse inductam auro caritatis, & plenam gratia amicam semper amicam. In *B.* dicitur Maria, *bona; bona filia Patris, bona Mater Filii, beata sponsa Spiritus Sancti*; par erat, ut primo conceptionis momento, ab illa bonitate abesset malitia peccati Originalis. In *C.* est *cælum, civitas Dei*, de qua dicta sunt gloriosa! & quæ gloriosa, si in eam infernalis Sennacherib, cum ab altissimo fundata fuit iniecit sagittam peccati originalis? quæ gloriosa, si isti serpenti, apertæ fuere portæ hujus urbis? ego eloquor gloriosa, dum assero, nunquam talia contigisse, sed Mariam in principio creatam fuisse veluti serenissimum cælum.

§. 15.
In reliquis
literis.

In litera *D.* Mariâ est, *Domus, domicilium, Dulcedo, Domina, Dilecta, Dilectissima Trinitatis, Dominatrix, Debellatrix, Delicia Orbis*. Cogitet iterum qui volet, in illa *domo & domicilio* habitasse infernalem tyrannum; illam *dulcedinem* fuisse mixtam tam amaro felle; illam *Dominam, Dominatricem, Debellatricem* ingemuisse sub turpi jugo, illam *Dilectissimam* jacuisse in utero matris dignam odio; illas delicias potuisse cadere inter spinas. Ego timeo signa inimicitiae; quia mihi non obest, assero contraria &c. In *E.* est *Evacælestis, est exaltata* super omnes Angelorum choros. In *F.* *Ferculum, flos, fons, forma, SS. Trinitatis*. In *G.* illius amœnissimum *gaudium, & gloria*. In *H.* *habitaculum, hospitium, honor, hortus SS. Trinitatis*. In *I.* illius *idea, & imago perfectissima*. In *L.* *Trinitatis Laus, latitia, liber, lectulus*. In *M.* *Mediatrix inter Deum & homines, miraculum miraculorum miraculosissimum*. In *O.* *ornamentum, oblectamentum*. In *P.* *Paradisus, Palatium, prodigium, Pulcerrima*. In *Q.* *quies*. In *R.* *radius, Rosa, Reclinatorium Verbi Incarnati*. In *S.* *Sacellum, soror, sacrarium, sigillum, simulacrum, splendor, statua, sponsa SS. Trinitatis*. In *T.* *tabernaculum, templum, Thronus, Thalamus, Thesaurus*. In *V.* *Vas, Vallis, Vmbra*. In *Z.* *Zelatrix Patris, Fili,*

Filii, & Spiritus S. Ecce sexaginta quatuor elogia in aureo alphabeto excellentiarum B. Virginis ob quas mihi certissimum est, imò, tam certum, ut animam, vitam, & sanguinem ausim certando deponere, B. Virginem fuisse immaculatè conceptam, quod modo fufius explicare non possum; sufficiat piis cogitationibus & affectibus erga B. Virginem illas insinuasfe.;

Unum titulum ex litera S. pro Epilogo mihi reservavi, ut ^{§ 16.} eleganti Chronographiæ, immaculatæ Virgini applaudam, & ^{Epilogus in hoc Chronographi-} dicam, *TV, spe CVLV M es Delpara!* & quidem sine omni macula etiam peccati Originalis. Ita, una mecum dicite hodie ^{ed. T F} millies, ut dicere possim cum S. Anselmo, Celebrantibus festum conceptionis Virginis, datur à Filio suo Domino nostro ^{spe CV- L V M es, DElpara,} Jesu Christo, pax & longa salus. Amen!



CONCIO LV.

FESTO S. THOMÆ APOSTOLI.

Affer manum tuam, & mitte in latus meum.

Joan. 20. cap. v. 27.

SYNOPSIS CONCIONIS.

PROBAT S. Thomam fuisse Apostolum sapientissimum, ditissimum, pulcerrimum, fortissimum. Afferuntur deinde varia emblemata in honorem lanceæ, qua occubuit.

§. 1. Breve exordium conglobat
eximia elogia S. Thomæ.

§. 2. Ioannes unde sapiens, Petrus
unde dives, Stephanus pulcer,
Alveus Tertius.

Magdalena ardens, Simeon
fortis, latro felix.

§. 3. Thomas fuit sapientissimus,
quia tetigit Vulnera Salvatoris.

Qqq

§. 4.

§. 4. *Iesus, gloriosus fuit Sol, illuminans omnes Apostolos; multo magis S. Thomam.*

§. 5. *Admirabilis fons Epiri.*

§. 6. *S. Thomas in vulneribus Christi invenit magnas divitias.*

§. 7. *S. Thomas fuit pulcherrimus, ob divinum amorem, quem ibidem reperit.*

§. 8. *S. Thomas fortissimus: Unde?*

§. 9. *Cur S. Thomas occubuerit perfoßus lancea.*

§. 10. *Varia emblemata in laudem S. Thomae, praesertim quod lancea occubuerit.*

§. 11. *Alia.*

§. 12. *Alia.*

§. 13. *Alia.*

§. 1.
*Breve Exordium
conglobat
sex eximia
elogia S.
Thomae.*

Benedictus Fidelis, eximius concionator, in suo Paradiso sanctorum, S. Thomam vocat, Apostolum sapientissimum, ditissimum, pulcherrimum, ardentissimum, fortissimum, felicissimum. Sex eximia sunt isthæc elogia. Ego mecum constitui auditores, thesauros, fontes, venas, scaturigines, in quibus S. Thomas tantam sapientiam, tantas divitias, tantam pulcritudinem, talem ardorem, fortitudinem & felicitatem invenerit, brevi hac panegyri ostendere; ut si velimus eadem omnia ibidem inveniamus. De vestra interim attentione, piusque erga ea, quæ audituri estis affectibus, nullus dubito.

§. 2.
*Joannes un-
de sapiens,
Petrus un-
de dives,
Stephanus
pulcher,
Magdalena
ardens, Si-
meon for-
tis, lacru-
felix.*

S. Joannes Evangelista, Joan. 21. v. 20. vocari solet sapientissimus, eo quod supra pectus Domini in ultima cœna recumbens hauserit inde fontes sapientiæ; præcipuè altissimam cognitionem, altissimi mysterii SS. Trinitatis, *In principio erat verbum, & verbum erat apud Deum.* Item, incarnationis, verbum caro factum est. S. Petrus Apostolus, dici potest ditissimus, quia à Christo D. accepit claves regni cœlorum Matt. 16. v. 18. Stephanus in suo agone inter saxa & lapides, visus fuit pulcherrimus velut Angelus, quia vidit Christum D. sedentem ad dexteram Patris in gloria sua Act. 7. v. 55. Magdalena pœnitens in conversione fuit ardentissima in amore, quia tetigit & lacrymis rigavit pedes Magistri sui; Luc. 7. v. 42. Simeon senex, accipiens Jesum in ulnas suas, tactus est adeo fortis, ut mortem non timens dixe-

dixerit, *nunc dimittis servum tuum in pace.* Luc. 2. v. 29. Bonus latro fuit felicissimus, quia jam morti vicinus Jesum aggressus, ex manibus ejus rapuit paradysum. De S. Thoma, qui sanctissima vulnera, benedictum latus, & dulcissimum cor Jesu, tetigit atque palpavit, quid dicemus?

Dico fuisse sapientissimum; nam (S. Thomas de Villa Nova) *ab illo pectore arcana cœlestia hausit loannes dormiendo; in illo, Thomas grandes thesauros reperit, scrutando.* Itaque si felicem dicimus virgineum illum Mariæ filium, & dilectum Christi discipulum, qui supra Domini pectus recubuit in cœna; quid ni & felicem dicamus D. Thomam, cui amplius aliquid indulgit divina clementia; si Joanni de singulari sua prærogativa, quod in gremio, ut ita loquar, divinitatis dormiverit, & quieverit, congratulamur; quidni & hodie D. Thomæ congratulemur, qui in ipsa divinitatis Christi adyta manum immerisit? si Joannes thesauros sapientiæ & pulcerrimarum cognitionum invenit quiescendo, quid invenerit palpando D. Thomas? si etiam ex clausis portis, cœlestes eruit opes Joannes, quid ex apertis extraxerit Thomas noster? præ omnibus Apostolis, sanctissimis Christi Domini vulneribus, & ipso cordi vicinior, atque conjunctior.

Cum Christus D. se sisteret in medio Apostolorum, apparuit splendor in corpore ejus glorioso, quantum oculi poterunt ferre mortales. Stetit Jesus in medio velut fons luminis, veluti sol Justitiæ. Radiarunt præsertim quinque SS. Vulnera, veluti totidem radiantia sidera; & ideo discipuli, viso Domino, omnes illuminati fuerunt non radiis tantum gloriosis, à radioso corpore evibratis exterius; sed intrinsecus, radii fidei, spei, caritatis, sapientiæ &c. O quid igitur de tuo dicemus splendore, beatissime Thoma! Tu, tu, divinissimum illum solem non aspexisti tantum oculis aquilinis, ut Joannes; tu, tu! non evolasti solum ad lucidissimam solis illius sphaerā; sed, ut ita loquar, etiā in illā involasti, quādo man⁹ immisisti in benedictū latus. Et quis porro dubitet de radiis tuæ sapientiæ, de radiis virtutū, de radiis fidei, spei, caritatis, de radiis altissimarum cognitionū, ob quas radiosa tua

§ 3.

Thomas
fuit sapien-
tissimus,
quia teti-
git vulne-
ra salvan-
torum.

§ 4.

Jesus glo-
riosus fuit
sol, illumi-
nans omnes
Apostolos.
multo ma-
gis S. Tho-
mam: qui
ros

lingua in illas voces mox erupit, Dominus meus & Deus meus! Quomodo potuit non luere totus, & ardere, qui semet ipsi lucis atque ardoris fonti immerfit?

§.5.
Mirabilis
fons Epiri.

In Epiro dicitur esse fons, qui flammeis scaturit & fluit aquis, in quas si extinctas immergas faces accenduntur. Fax extincta in fide erat Thomas; extinxerat illam, mors tam ignominiosa sui Magistri. extinxerat furor & rabies Judæorum; extinxerat incredulitas; sed momento quo hæc fax admota fuit ad fontem solis, quamprimum Thomas manum immerfit in ardentem fornacem benedicti lateris, ita exarsit, ut ex ardenti pectore, flammeas illas voces expresse- rit, Dominus meus, Deus meus! S. Antonius de Padua Dominica prima Adventus, cor Christi vocat *civitatem solis*, per quam effulsit splendor æternæ lucis, Tali splendore, ejusmodi radiis hodie illustratus fuit S. Thomas, præsertim dum solem hunc, non solum aspiceret, sed veluti alter cœlestis Prometheus contingeret, ut factus fuerit illuminatissimus & sapientissimus Apostolus, sive, ut S. Petrus Damianus loquitur, *Thoma digitus factus est magister mundi*; vel alter Joannes Baptista, digito suo, non tantum monstrans Christum, sed contingens, & dicens, ecce Agnus Dei, qui tollit peccata mundi! Ecce Deum! Ecce hominem! Fons hujus sapientiæ, fuerunt Vulnera Christi.

§.6.
S. Thomas
in Vulneri-
bus Christi
invenit
magnas di-
vitiæ.

In quibus præter altissimam sapientiam ingentes quoque invenit divitiæ. S. Bernardus cor Christi vocavit, Arcam totius boni, vas dives. S. Chrysostomus, Marsupium Divinitatis. Dum ergo liberalissimus Salvator Thomæ dicendo, Affer manum tuam, infer digitos in latus & cor meum, illi arcam istam, & cistam thesaurorum quasi aperuerit, quod miramur, si Thomas inde rapuit ditissimos virtutum, & gratiæ thesauros. Quam similitudinem præ oculis videtur habuisse S. Bonaventura ser. 3. Dom. 1. post Pascha, ubi ait: *O Thoma! felicem habes licentiam à Salvatore tuo, ut manum mittas in latus, cujus beneficio in gratia & gloria sublimaris*, manus Christi resurgentis sponsa vocavit tornatiles, id est perforatas in cruce; sed addit nihilominus esse aureas & plenas hyacinthis. O rutilos hyacinthos, quibus

quibus cœlestis sponſus ornavit coronam gloriæ, qua coronatus est Thomas; ut ipſe Chriſtus Dom. dixerit S. Brigittæ lib. 7. revel. c. 4. *S. Thomas Apostolus meus est theſaurus*, q. d. credi vix poteſt, quales divitias Thomas hauserit ex benediſtis meis vulneribus. Ut piè ſuſpiraverit idem S. Bonaventura, *O bone Ieſu! quàm mihi vileſcunt omnes creatura! Domine, tollo univerſa, omnia tibi reſtituo; tu mihi da vulnera tua.*

Hyacinthi vel carbunculi, qui S. Thomam eximia ornarunt pulcritudine, fuerunt guttæ precioſiſſimi languinis, ex cuius contactu in SS. Vulneribus, à lepra incredulitatis mundatus, eodem momento ardere cœpit flammis pulcerrimi amoris erga Deum & Dominum ſuum. Non occurrunt mihi modo nomina illorum SS. Patrum, apud quos legi, cor Chriſti fuiſſe & eſſe Regiam, Sedem, ſive Domicilium amoris: idem elo-gium merentur manuum, pedumque ſacroſancta vulnera; cer-tè S. Thomas hic ſubito reperit amorem. De cicatricibus S. Seraphici Patris Franciſci ait S. Bonav. cum quidem illas tetigit, tantus in eum intus & extra calor advenit ac ſi quædam in eum vis flammæ, ex fornacis ſpiraculo proceſſiſſet. Historia vitæ S. Franciſci ait: frigefcente mundo, in corpore S. Franciſci ſacra ſtigmata Chriſtus D. renovavit, ad inflammandum corda noſtra igne divini amoris. Nimium frige-bat cor Thomæ Apoſtoli; extincta in eo erat fidei lucerna; frigefcebat focus divini amoris; at quamprimum ſol ille divinus, ſua in reſurrecciónē redivivus, non ſolum ſpectandum, ſed palpandum etiam ſe præbuit, conſeſtim exardescere cœpit divini amoris flamma: conſeſtim ignis ille, quem mittere venit in terras Salvator, flavit. O S. Thoma, gratulamur tibi de, & magis adhuc, de illa prærogativa, quod Chriſtus D. quaſi de novo aperuerit latus ſuum, ut tibi demonſtraret, *quod tibi tribuit cor ſuum.* ut loquitur S. Bonaventura, O cœleſte & pulcrum munus.

Divinus amor, timidum antea & pavidum apoſtolum, mox reddidit fortem, magnanimum & impavidum. ſer. 61. in Cant. ait S. Bernardus. *Vbi tuta, firmag, ſecuritas & requies niſi in Vul-*

neribus Salvatoris? tanto illic ſecurius habito, quanto ille potentior eſt

§. 7.

S. Thomæ
fuit pul-
cerrimus,
ob D. amo-
rem, quam
reperit in
SS. Vulne-
ribus.

§. 8.

S. Thomæ
fortiſſimus.
Vnde l.

ad salvandum. Tremet mundus, premit corpus, diabolus insidiatur, non cedo. Prô! quanta persecutionum moles adversum D. Thomam concitavit infernus? non cecidit. Quantis illum laboribus animarum zelus obruit? nox cecidit. Quot illum periculis barbarorum crudelitas objecit? stetit. Quot illum ærumnis, vita in periculis, in itineribus, in tormentis exacta contecit? perseveravit! Ajunt Achillem ex fortissimorum fuisse heroum numero, ut qui lædi non potuerit, eo quod stygiis fuisset aquis immersus. Sed apage fabula: clarius emicat Evangelicæ lux veritatis; Achilles ille est D. Thomas noster; ille heros Christi Jesu, ille constans in adversitatibus discipulus; ille fortis in ærumnis athleta, ille invictus Dei Apostolus, ille tyrannorum victor; ille novi Orbis salus; ille Martyr Christi generosus. At unde hæc illi universa? eo quod cœlestis fuit Achilles, eo quod non stygiis aquis, sed sanguineo Jesu Christi lateri, immersus fuit. O Achillem! O heroem! O athletam! non ego jam miror illius robur, non constantiam & fortitudinem, non laborum tolerantium; non pericula quæ subiit, non tormenta quæ sustinuit; non mortem, quam exanthlavit; in promptu ratio est; fuit novus Achilles, divino sanguini immersus: & denique suo proprio cruore purpuratus & gloriosus Martyr.

§.9.
Cur S. Thomas occu-
buerit per-
fossus lan-
cea.

Verum cur S. Thomas perfossus lancea occumbere debuit? erro, si hoc genus lethi & martyrii caret mysterio; ecce illud. Nimirum quia lancea divinum Christi latus in cruce referavit, lanceam quoque sentire debuit S. Thomas, ut qui ante manus in sanctissimum lanceæ vulnus, jubente Christo immiserat. Proдите in medium purpurata capita; prodite & si quæ vobis sunt de lanceis symbola, conferre; explicate emblemata vestra, adducite insignia; adducam & ego D. Thomæ mei decora perquam gloriosa.

§.10.
Varia Em-
blemata in
lancem S.
Thomæ.

Age tu, totius ductor agminis, Scotiæ Rex Joannes Secundus, ediffere, quod tibi fuit symbolum? Corona, quam sua cuspide pervadit lancea, cum lemmate, *Hæc ornari, aut mori.* Rectè. Etruriæ Rex Renatus, quid affers? Brachium armatum

matum cum lancea, adjecta in super epigraphe, *Fecit potentiam præsertim in brachio suo.* Tu verò, Carole Borboni, quem illustre Navar- ^{quod lan-}
ræ regnum extollit, quid præ te fers? Palladem, una manu ha- ^{cea occu-}
stam, altera ramum olivæ portantem; cum hemistichio, *Re-*
quies hæc certa laborum. Bellissimè! sed tamen, nemo mihi suc-
censeat, obsecro, si hisce vestris ornamentis divum quoque
Thomam Apostolum condecorem. Illius honori, & lancea de-
betur, & corona; nam hisce ornari voluit, & mori. Illius fortitu-
dinem, & brachium juvat armatum, & lancea; fecit siquidem
gloriosa in brachio suo, mirapatravit apud Indos & Brachma-
nas, ubique dedit suæ specimen virtutis. Denique gloriosa ejus
certamina coronavit Olivæ ramus cum hasta, & requiem cer-
tam laborum in illustri morte invenit.

Sed ecce alii adsunt Heroes, qui suas & ipsi lanceas cum ^{S. R.}
symbolis suis in præsidium D. Thomæ adducunt. Adest fortissi- ^{Alia.}
mus Austriæ Dux, Gidelbertus, & leonem exhibet, qui lanceam
confringit, cum lemmate, *Va illi!* Quis non expavescat? Adest
Rex Neapolitanus Robertus, qui dum regia manu lanceam vi-
brat, serpens, cui in ore corona est, adrepit cum epigrapha, *Hic*
ducibus. Quis non horreat? Adest Rex Angliæ Wilhelmus, dex-
tera lanceam tenens, adversum quam in pedes erectus, stat ani-
malium princeps Leo, cum lemmate, *Fortiter resistendum.* Quis
hic iterum non contremiscat. Ita hi duces & Reges hostes
suos terrere voluerunt. Sed tamen nihil est, quod hic metua-
mus adversi. Sunt hæ lanceæ honoris potius, quam furoris in-
strumenta. Exponunt D. Thomæ mortem; leones ejusdem re-
præsentant fortitudinem, serpentes, vel prudentiam, vel ho-
stium quos vicit insidias; coronæ, illud quod reportavit bravi-
um. Sed necdum finis.


Superfunt adhuc coronata capita, superfunt Archiduces, ^{S. R.}
Marchiones, Comites, & invicti heroes, atque belli duces, qui ^{Alia.}
sua quoque symbola conferent, è quibus D. Thomæ virtus
& gloria elucescit. Testatur hoc Petrus Rex Legionis & Ca-
stellæ, cujus emblemata fuit, dextera cum hasta, & lemmate
sequenti, *Hoc opus est.* Testatur & Philippus Rex Catholicus,
Equi-

Equitem exhibens lancea instructum, & veluti ad ludicrū certamen equestre instructissimum, quod colligo ex binis adjunctis voculis, *Qui volet*. Testatur Galliarum Rex Capetus, qui sepositis liliis, maluit præferre armatum lancea brachium, cum his voculis, *Labor viris convenit*. En quot Regibus symbola lancearum placuerunt. Tua sunt hæc quoque emblemata, O gloriosissime Apostole Thoma! tua hæc insignia, tua decora; accipe quæ tibi Reges offerunt symbola, accipe, quæ tuis virtutibus laudibusque instruuntur elogia. Lanceam tibi suam offert Castellæ Rex Petrus, *quia hoc opus est*, Opus ad gloriam, Opus ad virtutem, ad fortitudinem. Lanceam donat suam Rex Catholicus, quia *qui volet*, vincet; Voluisti, vicisti! Lanceam tibi suam dedicat Rex Christianissimus, quia *labor viris convenit*. Hic vir, hic est! Vir eras, hinc stetisti in adversis. Vir eras! hinc animo semper invicto injurias tolerasti. Vir eras! hinc nulla tyrannorum tormenta formidasti. Vir eras! hinc viriliter fortiterque ipsa cum lancea, mortem excepisti. O egregium decus lanceæ tuæ! hæc tuas loquitur laudes, virtutes commendat, fortitudinem extollit. O lancea! nobile Principum Regumque insigne! O lancea, Apostoli gloriosi, gloriosus honor, imo ipsius etiam Filii Dei, dum ea latus suum, post mortem in cruce aperiri voluit, instrumentum!

§. 14.
Alia.

Ad finem jam decurrimus Auditores, & tamen adhuc plurima in lanceæ laudem dicenda supersunt. Nihil enim hætenus adhuc dictum de Jacobo Trevirensium Archipræsule, qui palum cum vite florida cum inscriptione, *semper fertilis*, habuit in emblemate. Ego pali loco lanceam defigo, honori D. Thomæ; & semper, atque in omne ævum fertilissimam hanc lanceam pronuntio. Nihil commemoratum de Maximiliano Serenissimo Austriæ Archiduce: nam is Ducem medio in exercitu spectabilem propoluit, cum lemmate, *Militemus, pugnemus*. Ego spectandum vobis offero D. Thomam Ap. cum sua lancea, illustrem, triumphantem, gloriosum! ut nos Auditores, ejus fortissimo incitati exemplo pariter in hac vita militemus & pugnemus, ut pariter in altera cum eodem coronemur.

mur. Nihil allatum in medium de milite quodam anonymo; nam is cum lancea in pectore defixam hanc habuit insignem epigrapham, *Honestum pro patria*. nimirum, sic occumbere. Ego defixam vobis alteram ostendo lanceam; lanceam qua confusus cecidit nobilis Christi victima Thomas; an non hoc est, honestum pro patria, pro salute animarum, pro cœlo, pro veritate, pro fide, pro Deo mori? Nihil denique ut finem dicendi faciam, de Petro Ernesto Comite Mansfeldiæ; nam ejus symbolum fuit eques lancea draconem interimens, adjuncto lemma-
te: *In hac forsitudo*. In hac quoque lancea, tua eluxit fortitudo, S. Thoma! in hac tuus in Christum amor, probatus fuit fidelis; in ejus cuspide stetit tua virtus immota, constans, illustris, admiranda.



CONCIO LVI.

FESTO NATIVITATIS CHRISTI DOMINI.

Hoc vobis signum: invenietis infantem, positum in præsepio.

Luc. 2. cap. v. 12.

SYNOPSIS CONCIONIS.

HÆc, & binæ sequentes conciones Natalitiæ, nectunt catenam auream, suavissimarum cogitationum de excellentia parvuli de Bethleem. Miscentur varii affectus devotionis, amoris, admirationis, erga beatissimum infantem.

- | | |
|--|---|
| §. 1. <i>Filius Dei, ex Virgine matre, sic nasci voluit, ut plus amaretur.</i> | §. 2. <i>In parvulo de Bethleem, duæ natura diversissima sunt conjuncta, divina & humana.</i> |
|--|---|

Alveus Tertius.

Rrr

§. 3.

- §. 3. *Creata & increata; passibilis & impassibilis.*
- §. 4. *Communicati illi sunt omnes thesauri divinitatis.*
- §. 5. *Possidet ejusdem plenitudinem corporaliter.*
- §. 6. *Vivit vita divina; operatur actiones divinas.*
- §. 7. *Ob communicationem divina natura.*
- §. 8. *Affectus admirationis, de magnificentia Dei, inclinatus & humiliatus in hoc puero.*
- §. 9. *Similes affectus de pueri humanitatis.*
- §. 10. *De aliis attributis.*
- §. 11. *Parvulus de Bethleem, majoris est excellentia, quam omnes sancti simul sumpti.*
- §. 12. *Affectus aggratulationis, & complacentia.*
- §. 13. *Triginta elogia parvuli de Bethleem; objecta totidem suavissimarum de eo cogitationum.*
- §. 14. *Alia viginti quatuor, cum pio Epilogo.*

§. 1.
Filius Dei
ex virgine,
sic nasci
voluit, ut
plus ama-
retur.

B Reviter & suaviter dixit S. Chrysologus ser. 158. *Sic nasci voluit, qui amari voluit.* Sic id est, in stabulo: in præsepio! inter bovem & asinum. Sic à tota pulcra, formosa & amabili Virgine ac Matre. Sic! parvus puer, totus, pulcher formosus & amabilis. O parvulum! cujus facies inter paleas, in panniculis, rutilat, ut sol! capillos pexit aurora, genas pingunt rosæ, corallum labia, lilia frontem. Sic inquam, nasci voluit, parvulus de Bethleem, quia vult à nobis amari. Potuisset nasci inter delicias regie aule. Potuisset venire ut leo &c. Sed bene dixit Guaricus Abbas ser. 1. de Nativ. *Puerum se maluit exhibere, magisq. amabilis, quam terribilis videri.* Potuisset venire in hunc mundum, qualis veniet in vallem Josaphat; potuisset præmittere signa in sole & luna & stellis. Sed maluit magis venire amabilis, quam terribilis; Nihil est in tota Nativitate, quoad omnes circumstantias, loci & personarum præsentium, quod nos terreat; omnia, stabulum, præsepium, pastores, angeli, S. Joseph, Virgo Mater, & super omnia, ipse parvulus, involutus panniculis, jacens super fœnum & paleas, omnia hæc inquam, magnum in nobis excitant gaudium, & alliciunt, trahuntque ad amorem, favent gaudio & amoris; mira signa

signa & portenta; sol coronatus, serenitas cœli; illuminatio noctis, florida vinea Engaddi, fons fluens oleo: hæc inquam omnia nos recreant & alliciunt ad amorem nostri parvuli. Hinc de eodem puero, idem Guarricus Abbas dixit: *Dulce prorsus & sapidum est, cogitare, & recogitare puerum Deum.* Hoc an verum esset, conatus sum experiri; ab aliquot diebus multa legi, scripsi, multa cogitavi, recogitavi de parvulo nato in Bethleem; & reperi, piissimum Guarricum dixisse veritatem, dulce prorsus, & sapidum est illud facere. Dulcissimæ & sapidissimæ cogitationes de excellentia hujus pueri, ejusque Nativitate, mihi occurrerunt. Ut ejusdem suavitatis participes reddam meos auditores, ex multis aliquas communicabo. Quæ suaviter ego cogitavi, vos suaviter audite.

O sanctissima humanitas nati pueri! O beatissime infans, tu ergo es ille puer, in quo duæ naturæ, tam dissimiles, divina §. 2. & humana; increata, creata, æterna, temporaria, immortalis, In parvulo de Bethl. dua natura mortalis, admirabili vinculo admirandæ unionis in puero, sine diversissima sunt conjuncta. ulla naturarum confusione, ita sunt conjunctæ, ut Deus sit puer & puer Deus! Hoc magnum, hoc admirandum opus, quod Divina & Humana. omnipotentissimus, sapientissimus, optimus, misericordissimus, liberalissimus, justissimus Deus in puero fecit, omnis intellectualis creatura, non poterit satis admirari! nec comprehendere, sed credere.

Hic est certissimus articulus fidei nostræ; caro, corpus, §. 3. natura humana, in humano corpusculo, quod cernitis in puero creata & increata: passibilis & impassibilis qui jacet in præsepio, in stramine, in sinu matris, inter brachia S. Josephi, pertinet ad ordinem creaturarum; anima parvuli creata est, cum suis potentiis, corpus in tempore formatum est à Spiritu S. Parvulus in Bethleem carnem habet, qualem nos homines habemus; corpus, quale nos: naturam, qualem nos. Sed quod illa caro ita sit elevata, ut possideat simul esse divinum, & increatum; ut puer hic simul sit persona divina, ut sit verbum, & proinde dicamus bene, puer hic habet carnem divinam, sanguinem divinum, corpus divinum, animam divinam; ut asseramus, puer hic Deus est; puer hic tam nobilis & emi-

nens est, quàm sit Pater & Filius, & Spiritus S. in mysterio SS. Trinitatis. hæc & talia sunt illa mysteria, altissima & profundissima, quæ stupent Seraphini & Cherubini, & omnes chori cælestium spirituum, qui, ob hanc elevationem naturæ humanæ ad esse divinum, coram hoc puero, genua flectunt, proni adorant, facies suis alis tegunt, clamantes; sanctus Pater! sanctus Filius! sanctus Spiritus Sanctus; sancta sanctissima Trinitas; sed sanctus puer jacens in præsepio! sanctus! puer involutus fasciis! sanctus! puer vagiens in cunis! sanctus Sanctus Jesulus! sanctus, parvulus de Bethleem. Talia cogitate & vos, talia recogitate, talia canite, & experti poteritis dicere, quàm sapidæ, & prorsus dulces sint hæc cogitationes.

9.4.
Communi-
cati illi
sunt omnes
thesauri
divinitatis

Ulterius, verissimum est, quod ex vi ineffabilis unionis, quæ naturam humanam pueri, substantialiter conjunxit cum verbo, & ita ex natura humana pueri, & divina verbi unum fecit compositum, ut scholæ loquuntur, quod simul est Deus & homo! Deus & puer! Deus æternus, & natus in tempore! Deus immensus ubique, & conclusus intra stabulum, intra angustias præsepîi; Deus immortalis, & homo mortalis! &c. ex vi inquam hujus unionis sequitur, quod Deus hujus pueri humanitati, vel huic puero cum natura verbi, communicaverit omnes thesauros divinitatis. Hic puer, auditores, videte qualis jaceat inter bovem & asinum medius, in stramine, in præsepio; nihilominus, est particeps omnium radiorum gloriæ divinæ; illa luce, illis radiis, illis splendoribus, illis ardoribus, quibus radiavit & arsit ab æterno in sinu patris, ante Luciferum genitus, in splendoribus sanctorum, splendor gloriæ, figura & imago substantiæ patris, iisdem inquam, radiis, in stabulo, in præsepio radiat & ardet natus parvulus de Bethleem. Ex vi illius unionis hypostatice, eadem reverentia, iisdem adorationibus quibus angeli & omnes creaturæ adorant SS. Trinitatem, honorari & adorari debet parvulus de Bethleem. Tam puer hic meretur & dignus est, qui in cælis & in terris accipiat, *gloriam & honorem* (Apoc. 4. v. 11.) & *virtutem* (Apoc. 5. v. 12.) & *sapientiam, & fortitudinem, & benedictionem*; quàm illa merentur, & digni sunt, Pater & Filius

Filius & Spiritus Sanctus. Nunquid in prima & sola radice excellentiarum in nostro puero invenimus suavissimas cogitationes? O cœlestes favonii! O suaves Zephyri, inflate dictionis meæ vela, ut ejusdem cymba pergat plus ultra, in dulcium & suavissimarum cogitationum Oceano.

Hæc iterum est suavis cogitatio. Parvulus noster possidet plenitudinē divinitatis corporaliter, sive, ut utar phrasi S. Pauli, plenitudo illa, in hoc puero habitat substantialiter. Divinitas nulli unquam ab æterno fuit communicata, nisi solis personis divinis, à Patre, Filio; à Patre & Filio, Spiritui Sancto; intra sphæram adorandæ & sanctissimæ Trinitatis; in favorem verò nostri parvuli, ruptæ sunt quasi catarractæ, & rupti aggeres, intra quos, quasi quoddam mare immensum, conclusa fuit communicatio divinitatis; cum Deus factus est homo! verus Filius Dei, & verus filius Mariæ! Quem titulum meritò obstupuit S. Paulus ad Hebr. cap. 1. vers. 5. *Cui dixit aliquando angelorum; (ex ps. 2. 7.) filius meus es tu, ego hodie genui te.* Et, rursum (ex l. 1. reg. 7. vers. 14.) *ego ero ipsi in patrem, & ipse erit mihi in filium.* De Angelis dixit David psal. 103. versu 4. *Qui facis angelos suos Spiritus, & ministros suos flammam ignis;* sed cedite Angeli! huic parvulo dicit, *Filius meus es!* ad Cherubinos dixit, vos honoratiores estis aulici mei; ad Seraphinos, vos cœlestium ministri flammarum; sed iterum cedite, angelicæ seu Seraphinorum, seu Cherubinatorum mentes; hic puer non Dei minister, sed ipse Deus existit. Ad solem dixit, dum orbem conderet Deus, Tu Rex planetarum es, ad lunam, tu præses noctis; ad stellas, vos ornamentum firmamenti; ad Cedrum, tu arborum sublimissima; ad Rosam, tu inter flores pulcerrima; ad mare, tu inter fontes ac fluvios vastissimum, ad leonem, tu inter animalia fortissimum; ad luliniam, tu pennatas inter volucres, suavissima &c. ad sponsam sponsus, tu pulcra es. At cui dixit, *Filius meus es tu!* Huic parvulo dixit, huic infantulo de Bethleem! Jesu nostro.

*S. r.
Possidet
plenitudi-
nem divi-
nitatis cor-
poraliter;
tandem
Filius Dei.*

§.6.
vixit vita
divina:
operatur
actiones di-
vinae.

Plus ultra! perge navicula, per melleos fluctus in Oceano suavissimarum cogitationum de hoc parvulo. Ex vi unionis hypostaticæ, egressus ex utero matris, vitam vivere cœpit humano-divinam, & divino-humanam. O felix initium, vitæ felicissimæ! cujus quodvis momentum preciosius est, quam sit tota beatissima æternitas & vita jucundissima omnium sanctorum in omnem æternitatem. Ex radice tam beatæ & excellentis vitæ, alia necessario pullulat excellentia in hoc puero, quod ejus actiones etiam minimæ, sint divinæ, & proinde, precii, valoris, meriti & excellentiæ infinitæ. v.g. aperit suavissimus infans lucidissimos ocellos, aspicit matrem, videt Josephum, pastores intuetur. Sunt oculi divini, aspectus divini, & visio divina. Ex pulcerrimis oculis gemmæ defluunt lacrymæ, quibus peccata nostra deflet; sunt lacrymæ divinæ, flet Deus homo! Deus puer gemit & plorat. Movet divinus pulsio manus & pedes, movet corpusculum, sentit fœnum, sentit frigus, anhelat ad amplexus matris! sunt motiones divinæ, Deus puer sentit illa incommoda! Deus puer se applicat uberibus matris, Deus puer lacte lactatur. Quidquid puer agit atque operatur in præsepio, Deus agit, Deus operatur. Quæ omnia, ut ante insinuavi sunt actiones valoris & meriti infiniti; præter actiones internas nobilissimarum virtutum, humilitatis, obedientiæ, amoris Dei &c.

§.7.
Ob commun-
icationem
divinæ na-
turæ.

Radix tantæ excellentiæ, in operibus & actionibus parvuli de Bethleem, eadem est, quam jam aliquoties proposui. Verbuni, sive secunda persona sacrosanctæ Trinitatis, suam essentiam substantialiter bis tradidit, & communicavit; semel necessario & ab æterno, spiritui sancto, tanquam unum cum patre, in unitate Principii; in productione amoris communis, qui est spiritus sanctus. Altera vice in tempore puræ creaturæ, huic innocentissimo agnello, humanitati parvuli pueri; qui instar regalis aquilæ evolavit usque ad gloriam divinitatis, per admirabilem mutationem personalitatis humanæ, in divinam & increatam verbi, in qua hic puer subsistit; cum radiis planè divinis, cum divinis splendoribus, cum divinis perfectionibus; O myste-

mysterium sanctum! mysterium altum! mysterium admirabile! O stupendam communicationem! O! fluxum maris divini in parvum puerum, totum Deificatum, Deo plenum; manente tamen natura humana. Parvulus de Bethleem homo est! parvulus de Bethleem Deus est!

Permittite auditores, ut filium dulcissimarum cogitationum, rumpat nonnihil Regius Psaltes, vel ut ego id faciam, & cum eodem exclamem ex ps. 8. v. 2. *Domine Deus noster quàm admirabile est nomen tuum in universa terra.* S. Hier. legit, *quàm grande nomen!* Chaldaeus, *quàm excelsum & laudabile.* Causa, ob quam David verba hæc protulit, ista fuit, *Quoniam elevata est magnificentia tua super cælos.* Chaldaeus. *quia constituisti splendorem tuum super cælos.* Vel. *Est major cæli magnificentia tua.* Causam planè contrariam habemus hodie, cur dicamus, Domine Deus! quàm admirabile est nomen tuum! quàm grande! quàm excelsum! quàm laudabile! sed ideo, quoniam inclinata, quoniam depressa, quoniam humiliata est illa magnificentia, usque ad terram, usque ad stabulum, usque in præsepe! majestas Dei depressa est, divina dignitas ad humanæ conditionis miseriam abjecta: infinita potentia, conjuncta cum infirmitate; magnitudo immensa in pusillos infantuli artus contracta; rerum omnium, imò totius terrarum orbis opulentia, in summam conversa inopiam atque egestatem. Et quid desideravis præterea ad humiliandum Numinis magnificentiam? dixit præterea David, *quoniam videbo cælos tuos, opera digitorum tuorum, lunam & stellas, quæ tu fundasti.* q. d. ideo de prædicabo magnum, grande, & excelsum nomen Domini, quia cælos creavit. O Domine Deus noster, idem nos faciemus his feriis Natalitiis; laudabimus nomen sanctum tuum; sed ideo, quoniam intuemur, infantulum Deum pendentem ab uberibus benedictæ Virginis, Matris suæ MARIÆ! quoniam aspiciamus parvulum de Bethleem, nostri amore jacentem in fæno, tolerantem aëris injurias, lacrymantem! quoniam videmus divini artificium amoris, opus gratiæ, misericordiæ pignus, caritatis monumentum! O Domine! quid est homo, non quod

O exoptate puer! quàm propterea gaudeo, quod tu majoris §. 11.
 sis excellentiæ, quàm mille mundi & cœli, licet repleti essent *Parvulus*
 omnes perfectissimis Seraphinis. Deum immortalem! qualis, *de Bethl.*
 quantaque gratiarum in hoc puero est collectio! quales quan- *majoris est*
 tosque in parvulo thesauros comprehendimus! Intelligite *excellentiæ,*
 nunc, quid dicturus sim, auditores! statuite ab una parte mil- *quàm*
 liones & myriades angelorû & sanctorum; ab altera vero, unum, *omnes san-*
 unum parvulum de Bethleem! unum infantulum! unum Jesu- *cti simul*
 lum! quid existimatis de hoc thesauro? O quantus! O quàm
 preciosus, quàm divinus, quàm est hic infinitus thesaurus,
 quam immensis parafangis hujus unius parvuli gratia, pulcri-
 tudo, sanctitas, superat omnium angelorum atque Archange-
 lorum, omnium confessorum & virginum &c. thesauros. Ita
 est auditores, ita ego, & una mecum universa sentit Ecclesia
 Orthodoxa. Est enim hic puer Deus! En fons, en origo, hu-
 jus, quam commemoro, veritatis.

O dulcissime puer! coram præsepio, in præsentia Virginis §. 12.
 Matris, S. Josephi, Angelorum & Pastorum, protestor hodie, *Affectus*
 majus non esse in corde meo gaudium, quam quod cum firma, *aggravula-*
 & ardenti caritate, dicam hæc verba: O Jesule! O parvule, mi *tionu.*
 Deus, præter te nihil volo, nihil amo. Ille honor, illa reve-
 rentia, illæ adorationes, quæ hodie offeruntur, in cœlis & in
 terris, parvulo de Bethleem, plus me recreant, quàm omnes
 divitiæ hujus mundi. Magis æstimo, ut sim servus & amator
 Jesuli, quàm si essem Rex Hispaniarum. Majorem mihi con-
 tingere honorem non posse arbitror, quàm si me amet parvu-
 lus de Bethleem; neque majorem opto felicitatem, quàm ut vi-
 vam & moriar, amator, servus, mancipium Jesuli. Festum
 heri fuit S. Tharsillæ V. Cum in agone à Salvatore suo invise-
 retur, ad circumstantes dixit, *Recedite, recedite, Iesus venit.* Cum
 solatio hac nocte his verbis hoc modo sum usus, recedite divi-
 tiæ, natus est Jesulus, quem amo supra divitias; recedite volu-
 ptates &c. recede munde &c. (poterit fieri suavis affectus.)

Permittite tandem Audit. meo amor, ut coram præsepio, §. 13.
 suavibus cogitationibus, veluti alis evolet per cœlos, per aëra, *Triginta*
 Alveus Tertius. Sff *elogia par-*
per *vuli de*

Bethleem, per campos, per montes, per valles, per hortos, per maria, per
objecta tot- fontes, ut quæram cum sponsa, quem diligit anima mea,
idem sua- parvulum de Bethleem. O filium meum amorem! O me bea-
vissimarum tum! jacet meus Jesulus in præsepio, & nihilominus ubique il-
cogitatio- lum reperio. Nam, in paradiso est arbor vitæ; in campis flos,
nam. in convallibus lilium; in agris frumentum electorum; in colli-
 bus vinea, in vinea vitis, in vite botrus, in botro caritatis vinum.

Jesulus! in rubo est rosa; in rosa, odor vitæ. In areolis Narcissus,
 in terra radix; in radice culmus, in culmo flos, in flore fructus, in
 fructu suavitas & sapor. In alveari favus, in favo mel, in melle
 dulcedo; in sylva malus, in malo pomum; In montibus Bethor
 hinnulus, in Libano Cedrus, in Gades palma, in monte Sion
 Cypressus; in foraminibus petrae, turtur: ad rivulos columba.
 In horto fons; in fonte aqua vitæ.

§. 14.
Alia vi-
ginti qua-
tuor, cum
pio epilo-
go.

Necdum est fatigatus meus amor; altius evolat; plura co-
 gitat de Jesulo: nondum exhaustæ sunt suavissimæ meæ de illo
 cogitationes. Ubique reperio meum thesaurum! parvulus de
 Bethleem in cælo & de die, sol est: nocte luna; in tenebris, stel-
 la: in nubibus iris: In templo est altare, in altari hostia; ad al-
 tare sacerdos. In mari navis, in navi anchora; in diluvio arca;
 in bibliothecis liber vitæ; in nuptiis sponsus, in conviviiis cibus,
 in cellis potus; in concha unio, in annulo gemma, in regno
 Rex, in aula princeps; in deserto mamma; in fodina aurum; ma-
 nero, diluculo aurora; post auroram sol Justitiæ! Quid non
 est meus Jesulus? Clepsydra me monet, ut demittam alas; &
 faciam, sed coram præsepio; hic millies & millies ingeminabo,
 quæ ingeniosus amor de parvulo meo invenit elogia: O arbor
 vitæ, tuis me fructibus refice; O floscule tua me pulcritudine
 delecta; O altare aureum, tua me sanctitas consecret: O liber
 vitæ, tua me sapientia illuminet; O cibus nobilissimus, tuus
 me sapor suaviter afficiat; O gemma preciosa: tuus me decor
 exornet; O stella matutina, tuus me fulgor in hujus vitæ flucti-
 bus errantem ducat, O parvule de Bethleem, O amor, amoris
 mei, tuus sum totus, quantus, quantus sum, O Jesu Le, eX

Cor De a Mo te! tibi vivo! tibi morior. Amen.

CON-



CONCIO LVII.

FESTO S. STEPHANI PROTO-
MARTYRIS.

*Hoc vobis signum: invenietis infantem, positum in
presepio.*

Luc. 2. cap. v. 12.

SYNOPSIS CONCIONIS.

EST continuatio concionis hesternæ; communicat enim auditoribus varias sanctissimas cogitationes de parvulo in Bethleem, cum variis affectibus laudis, amoris, gaudii, aliarumque virtutum erga Jesulum.

§. 1. *Exordium est brevis repetitio hesternæ concionis.*

§. 2. *Quinam sint flosculi, quibus cunas parvuli de Bethleem exornare possumus.*

§. 3. *Parvulus de Bethleem dupliciter à nobis potest considerari.*

§. 4. *Cogitationes sanctæ de ejus anima.*

§. 5. *Alia ejus elogia.*

§. 6. *Cogitationes suaves de pueri corpore.*

§. 7. *Anima & corpus non sunt separanda à divinitate; varii*

affectus erga puerum Deum.

§. 8. *Affectibus nostris, & cogitationibus sanctis, oblectatur Iesulus.*

§. 9. *Prosecutio; sive, desideria oblectandi Iesulum.*

§. 10. *Vicissim ille oblectat & recreat se amantes. Adducuntur varia exempla.*

§. 11. *Alii favores Iesuli, erga animas pias.*

§. 12. *Præsertim, si flagrent sanctis desideriis.*

§. 13. *Felicitas S. Mechtildis. Ejus erga Iesulum affectus.*

S. 1.
Exordium
est brevis
repetitio
hæsterna
concionis.

Quia tantus plerumque est amor, quanta est, qua ducitur, cognitio. ut parvulus de Bethleem, amore tanto, quantum meretur, à nobis ametur; ejusdem clara & exacta cognitio, atque æstimatio, in primis est necessaria. Primum autem, præcipuumque cognitionis hujus objectum esse debet, quod hic puer Deus sit; quod in una illius persona, duplex natura, valde diversa utraque ab altera, divina, & humana, admirabili quadam unione invicem inter se conjunctæ sint, per quam unionem natura humana, ad esse divinum atque infinitum, adeo est elevata, ut hic puer tanti valeat, quanti valet Pater, vel Verbum, vel Spiritus S. ut proinde eadem adoratione, quâ colimus SS. Trinitatem, adorare debeamus parvulum de Bethleem. Illi hymni gloriæ, quos coram throno divinæ Majestatis canunt, vel Seraphini, vel viginti quatuor seniores, vel mysteriosa animalia, vel millia millium omnium sanctorum, vel clarissima tuba & echo, resonans in cœlis & in terris, *Sanctus! Sanctus! Sanctus! Laus, honor, gloria, virtus, fortitudo, sapientia, benedictio sit sedenti in throno*, II. 6. v. 4. Apoc. 4. v. 8. omnes inquam hos hymnos, hæc cantica, hos psalmos coram præsepio accinere possumus, & debemus, parvulo de Bethleem. Unde excellentia & dignitas hujus pueri, per quæcunq; encomia & elogia, quæ ingeniosus Amor invenire & excogitare potest, pro dignitate tamen satis explicari non potest. De quo discursu varias & suaves cogitationes in hæsterna mea concione vobis communicavi. Verum cum hic divinus puer sit fœcundus ager, in quo crescit copiosa messis talium cogitationum; fons & mare inexhaustum talium cōsiderationum; aurifodina, in qua quot aureæ venæ, tot occurrunt suavissimi affectus; egor hodie plures de eadem materia proferre in mediū; & quidem de sanctissima Jesuli anima, de formosissimo corpore, de aliis infinitæ in puero excellentiæ circumstantiis. Non mihi succensabit D. Protomartyr Stephanus, si cō relicto, hodie id faciam; intendendo enim honorem & amorem parvuli de Bethleem.

S. 2.
Quinam
sunt Jesuli.

Memini me à puero cum tenera devotione, & piis oculis aspexisse sæpe, in Oratorio Congregationis B. M. V. Fuldæ, illam

FESTO S. STEPHANI PROTO-MARTYRIS. §II

lam imaginem sive picturam; in qua ante gremium Virginis, in ^{quibus ex-} molli & eleganti lectulo, jacet Jesulus, suavissimo somno sopi- ^{nas parvu-} tus; inscriptio imaginationis desumpta fuit ex Cant. i. v. 15. ^{li de Bethl.} *Lectulus noster floridus est.* utpote, variis & pulcerrimis floribus ^{exornare} conspersus. Cum verò nocte præterita, vidi parvulum meum, ^{possumus.} jacentē in duro præsepio, in fœno, in stramine, nudum, & hyeme sæviante, tacitus sic mecum ipse cogitavi. Hiccine est lectulus ille floridus, quem sponsa præparavit suo sponso? mundus, suo Redemptori? & quis flores commutavit in paleas? O Flora! O hortenses Nymphæ! ubinam sunt vestræ rosæ? ubi violæ? ubi lilia? ubi narcissi, ut illis ornetur & tegatur, dulcis & suavissimus ille puerulus? ah si ego, vel mea mater, essem Flora! quibus non flosculis tam amabilem puerum ornarem, ac tegerem? Inter hæc vota & desideria, nescio, quis ex astantibus circa præsepe geniis mihi insusurravit, non desiderare parvulum de Bethleem flores materiales & naturales; sed cœlestes, flores paradisi, quales sunt sanctæ cogitationes, pii affectus, excelsæ imaginationes, dulces phantasiæ & species, suaves discursus, de infinita excellentia nati pueri. Addidit cœlestis ille genius paucula hæc verba: cogitationes sanctæ de parvulo de Bethleem, delicatum in humano corde illi parant lectulum, in quo suavissimè dormit & quiescit. Tales affectus, sunt rosæ, violæ, lilia, Narcissi, & flosculi, inter quos pascitur. Itane mi Angele? hæccine fovendi Jesuli ars est, & methodus? O me terque quaterque beatum! In meo horto, in meo corde, in mea anima crescunt hi flores; ego per Dei gratiam possum viva fide credere, hunc puerum esse Deum; ego unicam spem meam & omnem fiduciam, possum collocare in hoc puero. O me felicissimum! per me stat, ut amem Jesulum ex toto corde. Felicem me, habeo linguam, quâ possum illum laudare & benedicere. habeo oculos, quibus possum intueri; habeo labia, quæ ejus genis possum admoveere, habeo brachia, quibus possum amplecti, habeo cor, cui possum includere; habeo manus, quibus possum agitare ejus cunas &c. Si hæc officia, hi affectus, hæc cogitationes, hæc opera, hi actus teneræ devotionis erga

parvulum, sunt flores; non sum sollicitus, parabo Jesulo meo lectulum floridum, lectulum amantissimum.

§. 3.
*Parvulus
de B. dupli-
citer à no-
bis potest
considerari.*

Sed, advertite auditores; parvulum de Bethleem duplici modo à nobis posse considerari. Vel; prout est, infinitum illud compositum, in quo omnia hæc includuntur, natura divina, humana, & hypostasis. Vel secundum partes, quod est, divinitas, Christi, sanctissima ejus anima, corpus, caro, sanguis, dulcissimum ejus cor; dulcissimum ejus nomen Jesus, gratia, sanctitas, virtutes, merita infiniti precii &c. Omnia hæc, utroque modo, suavissimas instillare apta sunt cogitationes. Heri, dulcia cogitavi, recogitavi de pueri divinitate.

§. 4.
*Cogitatio-
nes sanctæ
de ejus ani-
ma.*

Enimvero hodie, de pueri hujus anima, sanctissima, quam possumus suavia, quam corde meo perpendere mysteria! Talia ego cogito. O parvule de Bethleem! agnosco tuam animam, gemmam esse preciosissimam, qua preciosiorem divina non produxit omnipotentia, quam gaudeo, quod inuncta sit baltamo infinitæ & increatæ sanctitatis; quæ per animam Jesuli, per mirabiles fluxus, transfusiones & exundationes, instar fontis, imo maris ita se infundit, & dilatat, & illam inundat, ut tota sit sancta, & sanctissima; Juxta mensuram sanctitatis, communicata eidem animæ fuit gratia; juxta mensuram gratiæ eandem irradiarunt radii & splendores sapientiæ, scientiæ, & altissimarum cognitionum; juxta mensuram sanctitatis, gratiæ, sapientiæ, datæ quoque sunt illi, omnes virtutes in gradu excellentissimo, cum infinita perfectione; Itaque in præsepio jacer puer sanctissimus, puer plenus gratia & sapientia, puer humillimus, puer patientissimus, puer obedientissimus, puer secundum cor Dei, puer benignissimus &c. Hæc cogitationes faciunt me gaudere & exultare in Jesulo meo: faciunt, ut anima mea magnificet Deum, qui ex millionibus animarum hanc elegit, ut in Christo uniretur divinitati.

§. 5.
*Alia ejus-
dem elogia.*

Grandis & generosa anima! domicilium Dei, habitaculum Spiritus S. Imago omnium virtutum, fons gratiæ, Regia Solis, Ornamentum terræ, gaudium cœli, O sancta & gloriosa anima parvuli de Bethleem: in qua Deus posuit inestimabiles divitias

FESTO S. STEPHANI PROTÓ-MARTYRIS. 515

divitias gratiæ & gloriæ. Has excellentias hujus animæ dum intellectus meus considerat, cogitur voluntas, ut gaudeat, ut applaudat, parvulo, ut eidem aggratuletur. Cogitur voluntas ab his suavissimis cogitationibus, ut patri cœlesti agat gratias, ut cum multitudine militiæ cœlestis, canat, gloria in altissimis Deo; Cogitur, sed violentia suavi, ut animam tam nobilem & excellentem amet atque diligat.

Quid de formosissimo corpusculo; cui anima illa benedicta fuit infusa, cogitabimus? quid dicemus? Dum divinum puerum intueor, vel jacentem in præsepio, vel quiescentem in sinu matris, vel recumbentem inter brachia S. Josephi, aut pastorum, talia ego cogito. O os aureum formosissimi pueri! quis mihi det, ut osculer te, osculo oris mei! O labia dulcissima! utinam de vobis, cum lacte & melle, quod sub lingua latet, in cor meum dulcis stillat, & fluat amor. O caput adorandum! coronatum corona divinitatis, corona gloriæ, corona immortalitatis, utinam quoque illud meus coronarit amor, conversus in pulcerrimam coronam, ornatam lucidissimis gemmis intensissimæ caritatis. O aureæ manus, plenæ hyacinthis! ah dulcis Virgo & Mater, permitte, ut tuus filiulus his sanctis & regiis manibus mihi benedicat. O pedes divini! hæc mea felicitas, si vos stringam ulnis dilectionis. Obelluli ocelli; quomodo vos possum intueri, ut non suspirem, O si illorum lucidissimis radiis ureretur cor meum, ut nunc dicam ex rythmo hispanico; Mi Jesule! oculi tui, dulcis sunt labyrinthus, illi, qui in illo se perdidit. O aurei capilli! non desidero alios funiculos fortissimæ caritatis; non desidero alias sagittas, quibus vulneretur cor meum. O nivea frons; non desidero intueri aliud cœlum. O guttur & collum suavissimum; hunc cupio canalem, per quem in me gratia & sanctitas deriveretur: Tui oblivisci non possum, O dulcissimum corculum Jesuli; præter hoc, neque in cœlis neque in terris alium quæro thesaurum.

Fontes tantum vobis ostendo auditores, ex quibus fluunt cogitationes sanctæ & suaves de anima & corpore parvuli de Bethleem; sed iterum moneo, non esse illa separanda à divini-

§. 6.
Cogitationes
suaves
de pueri
corpore.

§. 8.
Anima &
corpus non
sunt sepa-

tate;

*randa à di-
vinitate.
Varii affe-
ctus ad
puerum
Deum.*

tate; hoc cogitare & recogitare debemus, beatissimam hanc animam, pulcerrimum hoc corpusculum, esse corpus & animam pueri, qui Deus est. Utinam quasi tuba, iterum possem exaltare vocem meam, ut omnes creaturæ audiant puerum hunc esse Deum! O nos felices! quod illi possimus servire, quod nostris illum complecti amoribus. Ne miremini auditores, me rursum facere mentionem hujus servitutis, & amoris. Neque in cœlis, neque in terris, major est beatitudo, quàm huic parvulo, huic grandi Deo servire, & illum amare. Ego prostratus eram augustas & ineffabili ejus Majestate, qui jacet quidem in præsepio, in stabulo, in fœno, sed facit præterea tremere columnas cœli, adoro illum omni possibili submissione animæ & corporis; & reddere cupio laudes & gratiarum actiones, quæ à corde meo produci possunt; cum sincera recognitione, quod puer hic sit Deus meus. Dignum & justum est Auditores, ut idem mecum faciatis. Si ex semine harum cogitationum in cordibus vestris crescunt rosæ suavissimorum affectuum, spargite illas liberali ac florida manu in pueri hujus præsepe. Si ex eo nascuntur lilia, ea tanquam puritatis pulcerrimæ symbola, conjicite in hunc parvulum de B. tanquam sponsum amoris, qui pascitur inter lilia. Si violæ humilitatis succrescunt, illis ornate cunas hujus infantuli; si heliotropia obedientiæ exsurgunt, ea ad stabuli Bethlemitici fores affigite, verbo dicam omnia, si qui natalitiis hîsce feriis pii affectus mentes vestras ad amorem rapiunt, si quæ suspiria, ex pulcerri-
mi Jesuli aspectu de pectore vestro erumpunt, si quæ bona virtutum proposita, vestros animos subeunt, ea omnia substernite huic parvulo, illis flosculis ornate ejus lectulum; auferte acutæ paleas, tollite stramen, & rosas caritatis, demissionis violas, lilia puritatis, aliarumque ornamenta virtutum, ad ornamentum & gaudium Jesuli afferte.

*§. 8.
Affectibus
nostris, &
sanctis co-
gitationi-*

Cum S. Joannes Evangelista, suo festo, quod cras celebra-
bimus, S. Franciscum Romanum, ad altare duxisset, in quo po-
situs fuit JESULUS, agni candidi speciei; & verba illa, *In prin-*
cipio erat verbum; ac ingens in illis divini amoris mysterium ex-
plicuif-

plicuisset, illam ad amorem, cordis munditiem, humilitatem- ^{bus oble-}
 que fuit hortatus. Alias eidem sanctæ, obtulit pulcerrimum ^{statu te-}
 fasciculum, ex rubis, candidis, omnisque generis rosis; qui ob- ^{salus.}
 latus infanti Jesulo, in ejus manibus, in monile preciosissimum
 fuit conversus. S. Gertrudi apparuit aliquando B. Virgo, in hor-
 to inter rosas sine spinis, & lilia; fassaque fuit, purissimo S. Joan-
 nis corde se unice delectari. Christus D. verò, qui adesse vide-
 batur, S. Gertrudi dixit, suum quoque cor erga Joannem eo ef-
 se propensius, quo ille majora obsequia exhibuit Matri suæ;
 Auctor qui hæc refert subdit hoc suspirium, O Maria! fac ut &
 ego cum Joanne ita amem & colam te, & simul tuum Jesulum,
 ut ille meo corde, & meis obsequiis delectetur. Idem aga-
 mus auditores, quis scit an fasciculus sanctarum cogitationum
 quam offerimus parvulo de Bethleem; an nostræ rosæ, an no-
 stra lilia &c. non sint convertenda in gemmeum monile? Quid
 si hoc fiat? & illud statim offeremus Jesulo! & simul corda no-
 stra, hac sola intentione, ut illis delectetur Jesulus. Offeremus
 mille obsequia; illum laudando, adorando &c. sed aliam nō de-
 sideremus mercedem, quā ut parvulus de Bethl. illis oblectetur.

In ejusdem sanctæ Francisæ sinu positus Jesulus, nocte Na- ^{§. 9.}
 tivitatis, illi dixit. *Tanquam parvulū dedi tibi me, in quem: Seraphi-* ^{Prosecutio,}
ni designant oculos. Latere! & respice me, & matrem meam dulcissimā ^{sive deside-}
Aspice nos cum amore. Nostrum quoq; est cœleste hoc donum, no- ^{ria oble-}
 bis parvulus natus & datus est. lætami animæ piæ! respicite Je- ^{sulum.}
 sulum & Mariam; aspiciate cum amore, ut nostri oculi eosdem
 oblectent. Alias ille parvulus deponens se inter brachia S.
 Francisæ dixit, ego sum amor! animæ piæ! amemus, ut dulcissi-
 mum amorem oblectemus. Hic, per ferias natalitias, fuit labor
 S. Catharinæ Senensis, in omnibus oblectare parvulū de Bethl.
 tanto amore, ut dicta fuerit illa Virgo, dilecta cordi Jesu! tanta
 amoris teneritudine, ut aliquando viderit cor suum intrare in
 apertum Christi latus, atq; ibi cum corde Christi conflare; tanto
 fervore, ut à B. Virg. filiolo suo Jesulo fuerit desponsata; ut deniq;
 præ amoris vehementia cor ipsi disruptum fuerit. O sanctas &
 suaves cogitationes; dulce prorsus & sapidum est hæc cogitare

Alveus Tertius.

T t t

& re-

&recogitare; amorem dulcissimum amplecti ulnis! Diligi & corde Jesuli: corda nostra intrare in corculum Jesuli & ibi cum illo conflari; desponsari pulcerrimo amori; O si! O si tandem in agone ultimo rumpantur corda nostra amore, ad oblectationem Jesuli.

§. 10.
*Vicissim:
 Iesulus ob-
 lestat &
 recreat se
 amantes
 Varie ad-
 ducuntur
 Exempla,*

De mutuo favore & amore Jesuli erga nos, non est cur dubitemus. Wallenus, piissimus sacerdos, in Natali Domini Missam celebrans, vidit puerum Jesum in suis manibus, corona aurea, gemmis stelliferis, rutilante redimitum. Talis adest nobis parvulus, ut simili corona, nostra exornet obsequia & pietatis officia. Visus est Iesulus, eundem sacerdotem suavissime exosculari! talis adest, ut & nobis præbeat amoris osculum. Cuidam Virgini, cum sub sacro teneram preciosi Jesu infantiam ruminaret dictum est à sancto quodam Religioso, *Ego ab Angelo cælitus demisso candidis rosis vidi cingi caput tuum.* Utinam tales rosæ, sint sanctæ nostræ de dulci parvulo Deo cogitationes; ut illi æternum in gloriam coronemur. P. Sebastianus à Campo, illas ex ejusmodi considerationibus hausit delicias: ut identidem exclamaret, O nobilis parvule! O dulcis Jesule! quàm dulcis es amantibus te! O Domine satis est, jam cor non est ferendo. Cogitate & vos, & recogitate hunc parvulum, si cœlestes quæritis voluptates. Alias visus est Iesulus, quibusdam suaviter arridere, ab aliis vero vultum avertere. Talis adest infantulus, ut & nos benignis aspiciat oculis, nisi forte ab aliquibus avertat. Causas facile potestis excogitare. Humilis puer, oculos suos avertit à superbis. Ab impuris, quia purissimus est &c. Obligite eadem gratia S. Catharinæ Senensis, ut hostia oblata à sacerdote conversa fuerit, in speciosissimum pusionem, qui visus fuit ingredi cor ejus: quo tempore scintillarum è cœlo in caput decidentium imbre, fuit illustrata & accensa. Animæ devotæ, cogitate dulcia de dulci Jesulo, talis adest, speciosus puer! ut corda nostra ingrediatur, ut scintillis divini amoris eadem accendat! Utinam! Heu! quàm nos frigemus inter incendia, quæ parvulus hic accendit, cum illum ex toto corde diligimus.

Cum

FESTO S. STEPHANI PROTO-MARTYRIS. 517

Cum nocte Nativitatis Christi, Idæ Moniali sacra Hostia ^{S. 11.}
in communione porrigeretur, eadem conversa fuit in parvu- <sup>Alii favo-
res Iesuli
erga ani-
mā piā.</sup>
lum, qui dixit, *En ego me tibi, dilectissima, panis involucro sectum*
delego; non quod fidem tuam in dubium revocem, sed ut amorem er-
ga te meum, hoc notum faciam argumento. Rogatus ab innocen-
te puella puer, ut etiam divinitatem suam dignaretur ostende-
re, evanuit; & Ida sacramento refecta, est, tanto sensu intimæ
pietatis, ut per dies quadraginta senserit se tenerrimè afficien-
te quadam intimorum animi motuum amœnitate, inexplica-
biliter delectari. Hæ sunt illæ deliciae, quibus in natali suo con-
vivio suo tractat Iesus, ac æterno illi præludit. Hæ sunt illæ
voluptates, ex quibus suavissimæ pullulant cogitationes; & de-
sideria, ut puero pendenti ab uberibus benedictæ matris sit glo-
ria; puero brutas inter pecudes reclinato, gloria. Puero sum-
ma in paupertate, ac rerum omnium inopia, in hanc lucem edi-
to, gloria! puero, quem pauperculi pastores rusticanis affe-
ctum muneribus, ut Dominum suum ac Regem honorarunt,
gloria. Denique puero, parvulo, imbecilli, tenello, fasciis
involuto, vagienti, lacrymanti, gloria, laus, honor, benedictio,
gratiarum actio in sæcula. Amen.

Non dubito, quin in hoc discursu, in cordibus vestris sen- <sup>S. 12.
Præsertim,
si flagrant
sancti desi-
deriis.</sup>
tatis suavem hanc cogitationem, sive amabile desiderium, O
si hodie ita cor meum ingrederetur Iesulus! O si mihi ostende-
ret pulcerrimam suam humanitatem; vel cum S. Aug. *Quis*
mihi dabit (l. 1. confess. c. 1.) *ut ventas in cor meum, & inebries il-*
lud. His desideriis flagrabat Joanna, Religiosa ex Ordine S.
Dominici, & apparens illi parvulus, in amabilissimo Matris si-
nu, illam solata dixit, voce suavissima, ut refert Balinghen 24.
Julii: Sponsa! me semper habes intus in animo, per gratiam, &
amorem eximium, quo me persequeris. Ama ergo, & desi-
dera, & habes Iesum. Ita Iesum in corde suo habuit S. Bern-
ardus suspirans, Quocunque loco fuero, mecum Iesum deside-
ro. & ser. de Nat. Surgamus! nec cordibus parcentes, nec
vocibus, ad honorem pueri, qui natus est nobis. His deside-
riis arsit illa Virgo 14. annorum, quæ ingenua simplicitate, tota

septem annorum constantia importunis quasi obsecrationibus rogavit Virgam Dei Matrem, ut parvulum Jesum sibi videri liceret; ergo in vigilia Christi nascituri, in suo oratorio, inexpectato perculsa spectaculo, Matrem cum filiolo vidit, & audivit dicentem, en filius meus tantopere à te desideratus! habe illum in ulnis, amplectere, osculare. Prò! quanta fuit felicitas B. Bernardini Realini, è Soc. Jesu! Puerum Jesum ardentissimis aspirationibus anhelantis! Dum nocte vigil cœlo inhiat, & totum sursum ejaculatur cor, per sacra quædam devoti cordis jacula, ecce videt præsentem una cum puero Jesu Matrem Dei; porrexit illa Bernardino parvulum ad lectum, & tum cum illo de rebus egit, quæ admirabilis tantæ, dulcedine perculsum Bernardini cor, in inexplicabiles suavitates eliquarunt; oculos vero lacrymis dulci ubertate manantibus inebriarunt. Ita nimirum suos vulnerat sanctis illis cordis jaculis laceratus puer Jesus. Philippo Macedoni puero, stellas sagittis configerentanti, redux ex alto sagitta exhausit oculum. Quid suavius cogitare possumus, quàm ut & nos cœlestium aspirationum jacula, contra Jesulum expediamus? quid dulcius, quàm ab aurea amoris sagitta, quæ Jesulus est vulneremur.

§. 15.
Felicitas S.
Melchitildis
Ejus erga
Jesulum
falsum.

Melchitildi, datus à Matre in amplexus Jesus, ita illam accendit, ut illa cum ineffabili amore puerum suscipiens, cordique suo illum imprimens, verbis nunquam antea ab illa cogitatis, sed extemporali Jesuli dictamine inspiratis illum salutarit, dicens: Salve paterni cordis medulla dulcissima, languentis animæ sagina & refectio, beatissima! *Tibi offero cordis & anima mea medullam, in aeternam tuam laudem & gloriam. Item, Dei Patris unicus, & tui, Maria, Virginei cordis unicus amicus, & sponsus dulcissimus.* Denique; Jesu, corona Virginum, amor! dulcedo! & osculum! Accinentium interim Angelorum voces hæ fuerunt. Te DEUM laudamus in sæculum, quem amor fecit Virginis Filium. Tempus est, ut concionem finiam suavi epilogo, ex S. Augustin. ser. 5. de Nat. *O delectabiles vagitus, per quos stridores dentium, aternosque ploratus evasimus! O felices panni, quibus peccatorum sordes exterisimus! O præsepe*

*præsepe splendidum, in quo non solum jacuit fœnum animalium, sed
eibus inventus est Angelorum. Coram hoc præsepio volo qui-
escere, & considerare cogitationes alias sanctissimas, quas cra-
stina die vobis proponam.*



CONCIO LIIX.

FESTO S. JOANNIS EVANGELISTÆ.

*Hoc vobis signum: invenietis infantem, positum in
præsepio.*

Luc. 2. cap. v. 12.

SYNOPSIS CONCIONIS.

EST continuatio duarum concionum, de aliis sanctissimis
cogitationibus de parvulo de Bethleem, cum variis affecti-
bus erga eundem.

- | | |
|---|---|
| §. 1. <i>Stabulum Bethlemiticum
potest dici cælum.</i> | <i>stinationis.</i> |
| §. 2. <i>Parvulus de Bethleem est
noster Salvator.</i> | §. 6. <i>Parvulus de Bethleem; fons
olei & balsami.</i> |
| §. 3. <i>A quo omnis gratia, omni-
bus sanctis concessa est.</i> | §. 7. <i>Suavissima cogitationes, de
ejus lacrymis.</i> |
| §. 4. <i>Qui proinde in omnem
aternitatem laudabunt Chri-
stum.</i> | §. 8. <i>Iesulus tenerrimè nos
amat.</i> |
| §. 5. <i>Parvulus de Bethleem com-
posuit librum vite & prade-</i> | §. 9. <i>Vt à nobis ametur. Affectua-
sa Historia.</i> |
| | §. 10. <i>Quaritur, quantum nos
illum amemus.</i> |

§. II. *Responsum & desideria au-*
toris.§. 12. *Apostrophe, & piuni-*
um ad Iesulum.§. 1.
Stabulum
Bethl. po-
test dici cœ-
lum.

NEscio, quâ fiat, quod cogitationes amatorum parvuli de Bethleem, his diebus potius habitent in stabulo, apud præsepe, quàm in cœlis. Fortassis hæc est causa, quod stabulum sit quidam paradysus, vel cœlum in terris. Si enim cœlum sit ille locus, in quo innumerabiles angeli, in suos distincti choros, suavissima Musica & harmonia laudant Deum; cur stabulum non erit cœlum, in quo coram præsepio jacet multitudo militiæ cœlestis, concinens illum hymnum gloriæ, *Gloria in excelsis Deo*. Si cœlum est ille locus, in quo est affluentia omnis gaudii; cur hoc stabulum, non poterit dici cœlum, in quo Mater, Joseph, Pastores gaudent illo gaudio, de quo Angelus ait, *Evangelizato vobis gaudium magnum*. Si denique cœlum est, in quo Deus, infinita pulcritudo, faciem gloriæ suæ ostendit, Angelis & Beatis; quare stabulum non erit cœlum, in quo Deus puer mundo apparuit, & in hoc venustissimo puero nobis ostendit infinitam suam gloriam? Me quod attinet, alibi ego meis cogitationibus versari non cupio, quàm in hoc stabulo. Hoc me monet D. Basilius in reg. fus. *Omni custodia custodiendum est cor nostrum; neque patiendum, ut assidua de Deo cogitatio ex animis nostris elabatur; neve eorum, quæ mirabiliter ab eo facta sunt, -- ut ex perpetua ac purissima recordatione, impressam in animis nostris, piam de Deo cogitationem, veluti indelebile aliquod signum circumferamus*. Eadem ego assero de parvulo de B. opto, ut ex animis nostris non elabatur &c. Ad hunc finem jam in binis concionibus, vobis proposui ejus excellentiam, pulcritudinem, Majestatem &c. Objectum utique, & tempore isto, & loco, & denique vestra etiam pietate dignissimum. Adverti cogitationes illas, non mihi solum fuisse per jucundas, sed & vobis suavissimas juxta, atque utilissimas. Quare novas & alias, nunc iterum proponam; vos me vicissim vestra attentione, atque benevolentia dicentem prosequimini.

Sua-

Suavissimam & plenam solatio cogitationem mihi suggerunt paucula verba ex cantione, quam paulò ante cecini-
Were uns das Kindelein nicht gebohren etc. id est, nunquam
 fuisset nobis data & aperta Janua Regni cœlorum nisi hic par-
 vulus nobis natus & datus esset, probabiliter arderemus in in-
 ferno! dum hæc cogito, simul in animum admitto illum, qui
 inde exsurgit affectum. Benedictus ergo sit divinus ille, qui
 ille liberator meus, vindex meus, redemptor meus, ille, qui
 eruit de profundo lacu, & de tenebris abyssi salvavit animam
 meam. Auditores amantissimi, serione cupitis, ut salvemini,
 & æternum non ardeatis in inferno? amate parvulum de Beth-
 leem. Sine illius auxilio, hætenus salvari nemo potuit, nemo
 potest, nemo poterit. Itaque Patriarchæ, quod salvati sint,
 gratias agere debent huic infanulo. Apostoli, quod apostoli-
 cis in cœlo fulgeant honoribus, huic parvulo in acceptis refe-
 rant. Virgines, quod securæ sint Agnum præeuntem in cœ-
 lum: Confessores, quod cœlestibus fruantur deliciis, Marty-
 res, quod peculiati laureola in paradiso resplendeant: denique
 tota triumphantis Ecclesiæ curia, universos suos honores, feli-
 citatem, gaudia, delicias, visionem beatificam, à parvuli hujus
 eunis, semet obtinuisse, fateri debent, & verò fatentur prom-
 ptissimè. Non disputabo modo de Angelis, an & quomodo
 per Christum redempti & salvati sint: mihi certum est Sera-
 phinos beatitudinem suam debere ascribere meritis Christi.
 Idem dicendum est de Cherubinis, de Thronis &c. ob quam
 causam sancti universi, & omnes Angeli agnoscunt parvulum
 nostrum esse Regem hominum & Angelorum, & ut talem ad-
 orant atque venerantur. Quid itaque miramur, quod nocte
 felicissimæ hujus Nativitatis facta sit multitudo militiæ cœle-
 stis, & in terris cecinerit, Gloria in excelsis Deo.

Itaque, ab initio mundi, in Adamo, in Eva, in Abele; in
 Abrahamo Patriarcha, in Isaaco, in Moyse Propheta, in Davi-
 de Rege, in Petro Apostolorum Principe, in Joanne discipu-
 lorum intimo, in ipsa Virgine Beatissima, nullus fuit, vel devo-
 tionis splendor, vel sanctitatis titulus, vel pulcritudinis radius,
 vel vir-

§ 2.

Parvulus
de B. est no-
ster Salva-
tor.

§ 3.

A quo
omnia gra-
tia, omni-
bus sanctis
concessa est.

vel virtutum gemma, vel pietatis guttula, vel flosculus illius, qui in sanctificantem nominamus gratiæ; qui non aut ex Nazarethico hortulo, radicem traxerit; vel ex Bethlemitico Oceano originem derivarit. Quid multis: non fuit in omnibus, qui hactenus fuerunt; non est in illis, qui de facto existunt, non erit in illis, qui sequentur, decus ullum, aut gloriæ cœlestis, aut supernaturalis gratiæ splendor, qui non à sole Bethlemitico irradiante, ex stabuli tenebris refulserit. Ab æterno fuit ordinatum, ut hic puer esset caput omnium sanctorum. Origo, fons, radix omnis felicitatis, quam possident omnes sancti. In omnem æternitatem erit verissimum, quod omnis collectio, Angelorum & hominum in cœlis, suam beatitudinem debeant huic puero. Clarius loquar: supposito lapsu Adami, & decretis divinis, prout sunt, sine hoc puero nemo habuisset gratiam efficacem ad salutem. Complacere mihi, in his cogitationibus. Plane spero, me cœlesti quondam gloria potiturum. Credo in Jesulum! Spero in illum! amo illum ex toto corde; doleo, quod illum unquam offenderim! sed si potiar propterea cœlo, in omnem æternitatem fatebor, me id debere Christo Salvatori, qui pro me parvulus in stabulo nasci voluit.

S. 4.
Qui proinde in omni æternitate laudabunt Christum.

Iterum suavis sese mihi ingerit cogitatio; Nimirum: in omnem æternitatem Seraphini & Cherubini, cum omnibus beatorum spirituum choris laudabunt Patrem, Filium & Spiritum S. In æternum cantabunt hymnos divinæ Majestati, omnes sancti Apostoli; in æternum summa ac perfectissima Dei attributa de prædicabunt Beati Confessores; in æternum omnes sancti Patriarchæ & Prophetæ, una voce concinent Sanctus! Sanctus! Sanctus! in æternum omnes SS. Martyres Virginesque, divinæ pulcritudinis, quæ in Sacrosancta Triade relucet, splendorem laudabunt; sed simul in omnem æternitatem, omnes hæc laudes, benedictiones, affectus, dirigentur etiam ad SS. Humanitatem Christi tanquam causam & principium gratiæ, & sanctitatis, in terris, gloriæ verò & beatitudinis, in cœlis. Omnes prædestinati, electionem ad gratiam & gloriam debent Christo. Neque nos auditores, sine hoc puero

puero salvari poterimus; anne ergo fieri poterit, ut illum non amemus ex toto corde; ut non, frequenter de ejus erga nos amore, suavissimas foveamus cogitationes. Me quod attinet, palam profiteor, cupio fieri salvus, sed simul protestor, & libere assero; Hic puer me salvare potest; hic puer potest mihi remittere peccata mea: hic puer potest mihi largiri sanctitatem; denique sanctam mortem, & post hanc felicem æternitatem.

Ex sancta cogitatione una, veluti fecundo semine, nascitur altera & altera. Illa quam mox narrabo dulcis est, & terribilis. Dulcis electis! terribilis, reprobis. O sublimem cogitationem! Hic puer fecit, composuit & scripsit aureum librum vitæ, five Catalogum prædestinatorum. Initio scriptum est nomen B. V. Mariæ: scripserunt manus Jesuli. In hoc libro scripta sunt nomina Patriarcharum; Infantulus scripsit; In album Beatorum relata sunt nomina tot millium SS. Martyrum, retulit Infantulus! in cœtu triumphantis Ecclesiæ, in curia inquam cœlesti, aureis sunt characteribus exarati, labores SS. Confessorum; exaravit Infantulus! in capite libri scriptum est de omnibus SS. Virginibus, imo de prædestinatis omnibus, scriptum perpetuæ illorum beatitudinis mnenosynum; scripsit infantulus Jesus. O scriptor verè divinus, verè amabilis, ideo est caput, Princeps, Rex omnium Electorum. Advertite auditores, an non nobis sit utile, an non necessarium, amare, colere, benedicere parvulum de Bethleem, in cujus manibus est liber Vitæ & Prædestinationis? Nescio an pulcrior modò mihi possit occurrere cogitatio. Ita! Ita, libro vitæ quasi subscripsit Christus D. in cruce, suo sanguine; hoc plane fuit necessarium; tum liber illè fuit quasi impressus; sed in præsepio, in Incarnatione, in Nativitate, in sinu Virginis, Beatissimus

• Parvulus, illum quasi composuit & concepit; In præsepio cogitavit, huic, & huic, & isti, & tot aliis efficaciter proderit meus sanguis; hic salvus erit! Ite, currite animæ piæ ad montem Calvariæ, ad Crucem, quærite ibi bonam solatii vestri partem; intrate in hortum Gethsemani, & sanguineas amoris

§ 1.
Parvulus
de Bethl.
composuit
librum vi-
tæ, & præ-
destinatio-
nis.

vestriguttulas colligite; currite ad columnam, & tam animi, quam corporis oculos tristissimo spectaculo recreate (si tamen hæc dicenda est lætitiæ, & non tristiæ potius materia) considerate vulnera crucifixi, numerate plagas in cruento corpore; amorem in his omnibus perpendite; & demum firmam salutis vestræ spem, concipite; non ego vobis hanc felicitatem invideo hodie; si modo mihilicet ad præsepe nascentis Jesuli tanrisper commorari, O me beatum; si infantia Christi, spem magnam in me concitet, & solatium, nomen meum à Jesulo inscriptum esse in libro Vitæ. Si infantulus in præsepio hoc facere cogitavit, spero deinde idem scriptum esse à Christo in cruce, precioso suo sanguine. Ah audit. satis vobis explicare non possum, quam mihi sit bene in his cogitationibus; quam cupiam amare Jesulum, quam desiderem illum complecti brachiis, quam cupiam ita vivere, ut hic Jesulus sit meus Salvator, de quo cecinerunt Angeli, Evangelizo vobis gaudium magnum, quia &c.

§. 6.
Parvulus
de Beth.
fons olei, &
balsami.

Subsilire mihi videtur cor meum, præ sancta quadam lætitiæ; repletur anima mea, tenerrimo quodam gaudio, dum cogito & recogito Deum infantem! Inter alia miracula, quæ contigerunt nocte Nativitatis, fuit & hoc, quod Romæ fons fluxerit balsamo & oleo. Ego illud considerans mox cogito; parvulus noster est fons olei & balsami, quo animarum nostrarum vulnera sanantur. O superbe! quam turpe ulcus & vulnus est tua superbia. Humillimus infantulus offert tibi oleum gratiæ; si vis, potes sanari. O lascive, quam periculosa sunt vulnera, quibus te venenatis suis sagittis læsit impurus amor. En hodie stillat tibi balsamum salutis, en hodie Virginis Filius, castissimus Jesulus, pristinam animæ tuæ sanitatem, si modo illum confidenter accedas, restituet. O invide, tuæ eo periculosiora sunt vulnera, quo occultiora sunt odia, quibus eos, à quibus te læsum existimas, prosequeris. Age, prope ad Medicum vitæ; fuit tibi oleum in officina Bethlemitea; offert & tibi suam gratiam, is qui amore tui, in hunc mundum venit, Jesulus. O sanctas cogitationes. Ponam ergo
fastum,

Oleo misericordiæ, addit lacrymas: de quibus variæ sub-
to sese offerunt considerationes. Lacrymæ, ut ajunt, præse-
tim amoris, sunt delicatissimæ particulæ cordis, quæ à flamma
latentis caritatis eliquatæ elewantur in altum, in oculos, à qui-
bus stillant. Itaque dum Jesulum in præsepio plorantem in-
tueor, cogito; cum his lacrymis effluit corculum Jesuli, O uti-
nam! in corda nostra! Lacrymæ solent esse testes, subinde do-
loris, alias amoris; sæpe utriusque; dum cor dolet, dum amat,
oculi plorant. Plorat noster parvulus in sinu Matris, ut cogi-
temus; quàm dolet propter peccata nostra; quàm nos amat! O
tristes lacrymas! O amorosæ lacrymas! Cum ad nos veniat
Salvator mundi, instar sponsi; sed pauper, nudus, egenus, sine
divitiis, sine gemmis; ut sit liberalis, offert saltem lacrymas, quæ
preciosissimi sunt uniones; & cogito! O me beatum, his gem-
mis emere possum regnum cælorum. Dum contemplor has
lacrymas cogito esse nubeculas, in quibus apparet pulcherrima
iris divinæ misericordiæ, signum pacis & reconciliationis cum
Deo. Ingens ornamentum Paradisi fuit fons aquarum viven-
tium. Hodie stabulum est Paradisus, ne desint fontes, oculi
Jesuli fluunt lacrymis, sed cogito, & suspiro cum Davide.
Quemadmodum desiderat cervus ad fontes aquarum; ita de-
siderat anima mea, ad te O Jesule! Lacrymæ refrigerant cor;
plorat ergo infantulus, ut id solatium percipiat suum corcu-
lum, quod ardet flammis amoris. Nisi iisdem aquis intendat
extinguere alios ignes, & quidem inferni. His lacrymis me-
ruit, ut non ardeamus illis in æternum. O mi Jesule! Amen!
hoc fiat! Adeste quoque peccatores, intuemini has lacrymas;
illis vos obrestatur, ut agatis pœnitentiam. His lacrymis vult
emollire dura corda vestra.

Dum denique cogito & recogito nostrum infantem, cum solatio hoc rumino, quàm tenerè, & quàm ardentè nos amet. §. 8.

Vuu 2 Tri-

Infans tenerrime nos amat.

Triplicem in illo reperiō amorem. 1. Divinum, æternum, infinitum, quo homo Deus, Deum amat: hic amor fuit illi communicatus cum ipsa natura divina. 2. Amor in illo procedit ex plenitudine gratiæ, quo Deum plus diligit, quàm illum diligit omnis collectio omnium Angelorum & Hominum. 3. Amor, respondet gratiæ capitis, quo Christus tanquam caput nostrum, nos diligit, ut membra, ut fratres, ut amicos, ut filios. Facile advertitis, non superesse in mea clepsydra tantum arenæ, ut hos amores fufius vobis exponam; itaque ut ad finem properem, tantum in sinu, parvulum prosequi nos tanto amore, ut & nos illum amemus & diligamus ex toto corde.

§. 9. Et ametur. Affettuosa Historia. Ideo, ex illa Virgine, in cujus brachia, ut heri narrabam, à Maria infantulus depositus fuit, quæsit; Diligisne me? Respondit illa, omnino diligo. Iesus: quantum diligis me? illa, plusquam corpus meum. Ille: An non plus me diligis? Illa: imo plus quàm cor meum. Necdum cessat examinando accendere innocentes calores parvulus. Pergit ergo quærere, P. Nada si in anno pueri Jesu. Sed quantum plus corde tuo diligis me? O examen inexplicatæ voluptatis! O omnia sciens & videns amor, quam dulci dolo se ignorantem fingit, ut pro sit, ut magis ametur. Respondit ergo puella jam conatu ipso respondendi colliquescens corde: Nescio id dicere: ipsum cor meum loquatur tibi. O responsum bene! quod quæstionem omnem, atque adeo vitam Vitginis exhaustit? Amoris enim vi cœlesti, discisso seu disrupto corde, quasi os ad respondendum amorì aperiret, concidit victima innocentissimæ felicitatis. Maria verò, quasi novo jam spolio triumphans, amantem illam animam, sacro sinu maternè excipere, & in celebri Angelorum panegyri cœlo inferre visa est. Adfuerunt Patres Prædicatores, & in aperto sacro illo pectusculo, dum mortis causam quæri jubent, illam in corde pulcro vulnere hiante, reperere aureo charactere in hæc verba conscriptam: Diligo te, plus quàm me, quia creasti, redemisti, dotasti me. O si ita aspiraremus ad Jesulum, ut aureo charactere nostris quoque cordibus inscriptus & suspirare aureis desideriis nos doceat, & domum suscipiat expirantes.

Cum

Cum parvulus noster in præsepio adhuc fileat, necdum loquatur, ego ipsius nomine meis auditoribus hanc quæstionem propono : Quantum diligitis Jesulum ? audivistis hac concione , sine pueri hujus auxilio neminem posse salvari; quantum propterea diligitis ? an plus , quam corpora vestra ? quid filetis ? audivistis, Omnem gratiam, salutarem, ad gloriam æternam dari nobis ab hoc infante; in manibus ejus esse aureum librum vitæ; nullius in illo reperiri nomen, quod ipse non scripserit; quantum propterea diligitis ? an plus, quam vestras divitias, quam honores ? Puer hic est fons misericordiæ. Puer hic, vos amat tenerrimè; quantum vos diligitis ? quàm timeo, ne aliqui cogantur fateri in corde suo, se plus amare creaturam aliquam, quam ament Jesum, à quo creati , redempti, dotati sunt. Si fortassis & vos ex me queratis, quantum amem Jesulum, non possum, quin paucis respondeam.

Ex doctissimo hujus ævi Poëta. Si amor ignis est, hoc igne uri cupio.

*Vre puer mihi corda, volo cinis esse: sed esto
Vrens; æternum ferveat igne cinis.*

S. 16.
Responsum
& desideria
Aucto-
ris.

Si amor flamma est, hujus flammæ amore depereo, & ad pedes Jesuli, coram præsepio prostratus, exclamo & suspiro :

*O ego! si migrem tennes pyrausta sub alas,
Hæc ut solam mihi pectora, flamma cremet.*

Si amor S. Augustino nodus, vel funiculus est, illo stringi exopto.

*Iesule; qui teneris stringis pia corda catenis,
Fac mea, Cælestis, viscera stringat amor.*

Si amor S. Nazianzeno magnes est, cogito & ingemisco :

*O mea si solido, durentur pectora ferro,
Vnus ut illa trahat, Magnes amoris, amor!*

Si amor telum est, & sagitta, ad illius vulnera anhelor.

*His moriar telis, his me confige sagittis,
Non potero fato nobiliore mori;*

Vuu 3

Si amor

Si amor aureum rete est, ah! quis me illo involvet?

Hæc, tibi, captivam teneant retinacula mentem,

His mea (sic moriar! viscera volve plagis,

Si amor flos est, flos esse desidero.

Flosculus ut fiam, dona mihi, floscule Iesu,

Non nisi florigeras, cor mihi, spiret opes.

Denique si amor, fons est, vel mare & Oceanus suavissimè cogito :

His opto pereat, mihi naufraga cymba sub undis,

illa meam pellent, flumina sola sitim.

§ 12.
Apostrophe
& primum
votum ad
Iesulum,

En dulcis Jesule! en animule mi! o CorDIVM VoLVptas!
vita mea! amor meus! en tibi hos meos ignes dedico; hos tibi
offero affectus; amorem dono, ut referam amorem: vulne-
rari cupio ut convalescam: mori exopto, ut vivam. O amor!
O Jesu! O! hoc ultimum meum, maximumque votum est,
O JesVLe eX CorDe aMo te! dum vivo, amo: amabo
dum moriar. Hoc unum obsecro, sit amoris mei præmium,
ut dum ex hac mortali vita aliquando, serius, ocyus, deceden-
dum erit, ultima hæc sit, tum cordis, tum oris mei, vox ac
sententia, mi Jesu! amo te! amo te, mi Jesu.



CONCIO LIX.

FESTO CIRCUMCISIONIS D.N.
JESU CHRISTI.

Et vocatum est nomen ejus Iesus.

Luc. 2. cap. v. 21.

SYNOPSIS CONCIONIS.

Offert diversis statibus & personis, varias cruculas, ex ga-
zophylacio, sive corde parvuli de Bethleem.

§. I. S.

- | | |
|--|---|
| <p>§. 1. <i>S. Agnes de monte Politiano, pio furto, lesulo surripuit Cruculam.</i></p> <p>§. 2. <i>Diversis statibus & personis apprecatur annum felicem.</i></p> <p>§. 3. <i>Crucula pectorales sunt ornamenta Archiepiscoporum & Episcoporum.</i></p> <p>§. 4. <i>Causa, ob quas illas gestant.</i></p> <p>§. 5. <i>Crucula aurea cum reliquiis S. Crucis, pro strena offertur Illustrissimo Principi.</i></p> <p>§. 6. <i>Crucula aurea cum suavissimis odoribus; Clero Bambergeni, & Ordinibus Religiosis.</i></p> <p>§. 7. <i>Crux Equitum Ordinis S. Iacobi in Hispania Nobilitati.</i></p> <p>§. 8. <i>Illustrissimi Principis Consiliariis, Crux Rudolphi I. Imperatoris.</i></p> <p>§. 9. <i>Magistratui Ecclesiastico & Politico, Crux aurea cum</i></p> | <p><i>horologio.</i></p> <p>§. 10. <i>Divitibus offeruntur preciosa Cruces ex thesauro Laurentano.</i></p> <p>§. 11. <i>Offert pauperibus Cruculam auream cum spinea corona.</i></p> <p>§. 12. <i>Conjugatis Cruculam cum binis columbis.</i></p> <p>§. 13. <i>Viduis Cruculam auream, in cuius basi sedet Mater Dolorosa.</i></p> <p>§. 14. <i>Crucem crystallinam, cum rubris maculis, & Crucifixo, inter lilia, inventuti.</i></p> <p>§. 15. <i>Piis, & sodalibus Agonia, Cruculam, veluti fasciculum myrrhae.</i></p> <p>§. 16. <i>Triplex Crux offertur illis, qui sunt in statu peccati mortalis.</i></p> <p>§. 17. <i>Morituris Crux mortalis triplex.</i></p> |
|--|---|

C

 Um his diebus coram praesepio parvuli de Bethleem, apud me perpenderem, quam spirituales strena, ut loqui solemus, distribuere inter meos auditores, pro Anno 1668. quem hodie ordimur; occurrit mihi illud mnenosynon singularissimi amoris, quo Beatissima Virgo Maria, S. Agneti de monte Politiano, dum ardentissimis flagraret affectibus erga filiolum suum Jesulum, eundem illi tradidit in ulnas, ad suaviandum & amplexandum. Nolo ego modo haerere inter illa gaudia & solatia, quibus sine dubio delibutum fuit pectus piissimae puellae; qui Jesulum ex toto corde amant, facile illa sibi possunt imaginari; summa felicitas est, ille ex-

§. 1.
S. Agnes de monte Politiano, pio furto, lesulo surripuit Cruculam.

la experiri: *Expertus potest credere*, (ut S. Bernardus cecinit in suo Jubilo) *quid sit Iesum diligere!* Piissima fraus, Agnetis, in illa visione, mihi servit pro presenti concione, & xenio, quod distribuere cogito. Pendebat è niveo parvuli collo, defluebatq; suprapectus gemmeum monile, cum preciosissima crucula; placuit illa oculis puellæ; & amor audacem fecit. Interim dum sinistra puerum apprimat pectori & cordi, inter oscula & amplexus, fracta catenula surripuit altera manu crucem. Evanuit momento puer, sed non crucula; illa enim mansit in manibus Agnetis; cœleste donum, cœlestis sponsi; peculiarissimi amoris arrha & monumentum. Similis mihi fors & felicitas obtigit auditores. In ipso corde benedicti mei infantuli, veluti regio & ditissimo gazophylacio reperi plurimas & preciosissimas cruculas, quarum aliquas piis suspiriis statim obtinui, à liberalissimo meo JESULO, ut illas, de hac cathedrâ liberali manu dispertiar illis, quibus singulis annis hodierna die, xenium distribuere solco. Antequam rem ipsam aggrediar.

§. 2.
Diversis
statibus &
personis,
apprecatur
annum fe-
licem.

O felicissime puer! O pacifice Princeps! O dives & auree Pusio! O Sancte Parvule! O nove Puer; O exspectate & desiderate Jesule! oro, obsecro, obtestor! SS. Domino N. Clementi, IX. omnibus Ecclesiæ tuæ Militantis, sub hoc capite membris, Augustissimo Imperatori N. Leopoldo; Augustissimæ ejus Conjugi, Margaritæ; recenter nato, Archiduci Ferdinando; Totius S. R. I. statibus & Principibus; inter illos, R^{mo} & Illustrissimo Principi nostro, Philippo Valentino, Bambergensi Episcopo, Domino nostro Clementissimo; R^{mo}, Admodum R^{do} Ecclesiæ Bambergensis Clero, Sanctissimorum Ordinum Religiosis, Sacerdotibus, Parochis; Nobilitati, Magistratui tum Ecclesiastico, tum Politico; civibus, conjugatis, Viduis, Juventuti, divitibus; Pauperibus, Peccatoribus, hoc anno morituris, denique mihi, largire, annum felicem, quia felicissimus es puer. Annum pacificum, quia pacificus es Princeps; annum aureum, quia aureus es: annum sanctum, quia fons es sanctitatis; annum, qualem desiderare & optare possu-

possumus; quia tu solus desideriis sanctis potes satisfacere. Verbo, omnibus annum hunc novum precor felicissimum.

Anno superiori concio mea, die hodierna fuit aurea cistula, plena cœlestibus carbunculis; modo vobis affero scrinium, quod parvulus de Bethleem mihi obtulit, refertum pulcherrimis cruculis. ^{§ 3. Crucule pectorales sunt ornamenta Arch. & Episcoporum.} Prima inter omnes, est preciosa, elegans, & sancta. Preciosa; propter materiam, ex auro, exornato pulcherrimis gemmis; elegans propter raritatem artificii, quo est elaborata. Sancta, propter inclusas reliquias; insignem particulam deligno S. Crucis. Tales cruces, solent esse dona Regum, & Principum. Tales cruces solent asservari inter thesauros & ornamenta Cathedralium Ecclesiarum. Tales cruces solent in pectore gestare, Archiepiscopi, & Episcopi, præsertim dum ad aram Deo offerunt sacrificium Agni immaculati in sanctissima Eucharistia. Quod in Veteri Testamento, summo Sacerdoti fuit in pectore lamina aurea & gemmea, hoc, in Novo Testamento Episcopis est aurea vel preciosa crucula, cui frequenter insculptum est augustissimum nomen Jesu; A græcis vocatur, σταυρός ἱεροπνεῦμα, crux pectoralis. ---Plerumque tales cruculæ, dici possunt sacre, vel sanctæ, ob reliquias S. Crucis, quæ in illis cum magna reverentia solent asservari.

Causæ, propter quas illas ferre solent, sunt pulchræ. S. Chrysost. orat. quod Christus sit Deus, ait: *Hinc valde honestati & magnifici, muniti & protecti sunt.* ^{§ 4. Causæ, ob quas Episcopi gerant cruces in pectore.} Orestes Christianus & strenuus miles, rogatus à Lyfia Duce, quare auream crucem in pectore gestaret, respondit, *sum servus crucifixi Domini mei, & gesto hoc signum ad omnia mala avertenda, quæ mihi ingruunt.* Cum D. Paulinus Theresiæ pro magno dono cruculam misit, addidit hanc epistolam: *Mittimus tibi crucem, idest, rem tanta benedictionis. Accipe magnum in modico munus. Summe monumentum presentis, & pignus æterna salutis.* Clienti alicui suavit Angelus Custos, Ama signum crucis, & omnia mala à te fugient.

Alveus Tertius.

XXX

Talia

§.5. Talia memorent, ut auream cruculam, cum reliquiis S.
Crucula aurea cum reliquiis de ligno S. Crucis, pro strena offertur illustrissimo Principi. Crucis pro strena offeram, demississimè, Reverendissimo & Illustrissimo Domino D. Philippo Valentino, Ecclesiæ Imperialis Bambergensis Episcopo, S.R.I. Principi, Domino N. Clementissimo; sanctissima Crux facit Principes, magnificos, felices, gloriosos. Hoc opto animitus, ut hoc novo anno Philippus Valentinus, sit Princeps magnificus, Princeps felix, Princeps gloriosus! Itane? Ss. Crux, munit, protegit, & avertit ab illis, hostes & omnia mala: hoc est votum cordis mei, ut superi hoc anno Illustrissimum Principem nostrum, muniant, protegant, defendant, ut omnia mala ab illo avertant. Itane? Crux est res, sive radix tantæ benedictionis, monumentum præsentis, pignus verò salutis æternæ? Illustrissime Princeps, gratiosis oculis respice meam strenam; *Magnum in modico munus*, cum illo, tuæ illustrissimæ Celsitudini, apprecor temporalem & æternam benedictionem atque felicitatem. Lege Clementissime Princeps; Inscripti cruculæ; felicem; lege, ecce, pacificum; aureum &c. tibi apprecor annum.

§.6. Reliquiis S. Crucis, in aureis cruculis apponi solent suavissimi odores; ut dici possint cruculæ odoratæ. Puto talem fuisse, illam auream cruculam; quâ Magnus quidem Hetruriae Dux ornari voluit, pulcerrimâ rosa ex preciosissimis gemmis, cum hoc lemmate, *A Cruce felicitas æterna*: cujus apud symbolicos, symbolum est, adorata Rosa. Debeo secundo loco strenam, Reverendissimo & Nobilissimo Ecclesiæ hujus Cathedralis Capitulo, Reverendissimis & Gratos Dominis Præposito Decano, Dominis Capitularibus omnibus; Debeo strenam, toti Bambergensi Clero; Ecclesiarum Collegiatarum, S. Jacobi & S. Stephani & S. Gangolphi Canonicis, Vicariis, Parochis, animarumq; Pastoribus. Clero adjungo, Religiosissimos Ordines, S. Benedicti, S. Dominici, Carmelitas, S. Francisci, & minimam Societatem Jesu. Omnibus pro strena; offero cruculam auream, divitem reliquiis S. Crucis, ornatam rosea gemmea & odoratam, ob suavissimos odores, quos illi aspiravit suavissimum cor Jesuli, in quo illam reperi. Uni lateri, lemma inscripsit

scripsit S. Paulus, *Bonus odor Christi*. Talis odor, si hoc anno, sit Clerus Bambergensis, in templis, in conversatione, in publico, domi, ubique; ego alteri lateri, odorata & S. hujus Crucis addere potero hanc Epigraphen; *ACruce felicitas*; Temporalis! hoc novo anno, quod omnibus opto; æterna, in altera vita. Rogo omnes, ut ubique pendentem e pectore gestent hanc Crucem; experientia discant, verissimè dixisse S. Leonem de Passione Christi; *Crux, omnium fons est benedictionum, omnium est causa gratiarum*: gestemus itaque hanc crucem, & annus hic novus, nobis erit plenus cœlestibus benedictionibus.

Nobilissimi Ordinis equestris, qui in Hispania vocatur, ^{S. 7.} Equitum S. Jacobi, quorum ipse Rex est magnus Magister, ^{Crux Equi-} in-^{tum Ordi-} signe, in pectore, & pallio ex dextero latere, est crux rubra, ^{nu S Jacobi} ex serico, aut etiam ex auro, & argento formata instar gladii. ^{in Hisp. No-} Lemma esse potest militaris tessera Christianorum, in prælio ^{bilitati.} contra Manichæos, *crux victi*. Lemma esse possunt verba illa quæ Constantinus M. in Vexillo Crucis, quod in nubibus, dum contra hostem iret, legit, *In hoc signo vinces*. Epigraphæ esse potest aurea sententia, S. Joan. Damasc. l. 4. Orth. fid. cap. 12. *Crux est clypeus, atque armatura & trophæum adversus hostes*. S. R. Imperii in Germania Nobilitatem, ego nil aliud esse arbitror, quam Nobilissimum fortium virorum Ordinem ab Imperatoribus institutum, ut avorum, proavorum & majorum exemplo pro Deo, pro fide Catholica, pro Cæsare, pro Patria, cum opus est fortiter pugnent & dimicent. Hunc scopum sibi propositum habent, veræ Nobilitatis candidati, generosi belli duces, Mavortia pectora, bellaces Heroes, animosi milites, Deo, Religioni, Cæsari, Patriæ fideles. Qui ex his præsentés sunt, illis pro strenua offero crucem auream, à guttis preciosi sanguinis, quem Jesus hodie effudit, rubram, formatam instar gladii. Eia generosi heroes, induite lorica Justitiæ, signatam aurea & sanguinea cruce, sumite scutum fidei, galeam assumite; apprehendite gladium crucis; state, pugnite, pro Deo, fide, & Cæsare. Crux vincet! vos vincetis, in hoc signo! Crux vobis

Xxx 2

erit

erit clypeus, & trophæum victoriæ, contra quoscunque hostes. Italic annus novus vobis erit felix & fortunatus.

§. 8.
Illustrissi-
mi Principi
Consiliarii;
crux
Rudolphi I.
Imper.

Peculiare aliquid contigit in coronatione Rudolphi I. Imper. cum primus ex augustissima Domo Austriaca in Romanum Imperatorem fuit electus. Dum jam coronato sceptrum offerri debuit, ut illud pro more tangendo fidelitatis diceret sacramentum, nullum fuit ad manum. In astantium turbatione Rudolphus ardenti manu arripuit crucem, quæ astabat in altari, & dixit, *Ecce signū, in quo nos, & totus mundus redemptus est, & hoc signo utamur loco sceptri.* Ita cruci fixit osculum; & similiter cruce contacta Principes Imperatori dixerunt sacramentum. Dum hæc legi, occurrit mihi elogium, quo Regum & Principum Consiliarii, & ipsi in regno Justitiæ vocantur Reges. Itaque pro strena illis offero non regium sceptrum, sed auream crucem Rudolphi I. ut cum illam è pectore pendentem aspiciant, memores sint illius fidelitatis, quam suis Principibus, consequenter Cæsari & toti S. R. Imperio jurarunt: ut memores sint illius sacramenti, quo obligati sunt, ut quibus debent, jus dicant, Justitiam admira strent, cuius tribuant, quod æquum est; & citò, quamprimum possunt, & sine omnibus respectibus. Memores, Justitiæ oculos esse obvelatos: pulcerrimo velo Veritatis & Sinceritatis.

§. 9.
Magistra-
ni Eccle-
siastico &
Politico
crux au-
rea, cum
Horologio.

Ingeniosi fuerunt Mathematici, in inventione diversorum horologiorum solarium. Inscribunt illa sphaeris, columnis, statibus. Laudo illum, qui primus lateribus crucis ita descripsit horas, ut extremitates, sive anguli, serviant pro stylo, per quem sol in crucem necessariam projicit umbram. Horologia rotata, ut annulis, ut turriculis, ut pyris &c. sic etiam cruculis ab artificiosis Magistris affabre includuntur. Talem cruculam, (vellem esse auream, preciosissimis gemmis ornata) pro strena offero utrique Magistratui, Ecclesiastico & Politico; cum respublica aliqua nil aliud sit quam magnum quoddam horologium, hæc crucula illos monebit sui officii ut cum magna cura, studio, attentione, & vigilantia attendant ut illud bene administretur; ne turbentur rotæ, per rixas, discordias,

cordias, sed potius illa inter omnes sit unio & concordia, qua respublicæ crescunt.

Pergo ulterius; non volo, ut quisquam sine pulchra crucula ^{§ 10. Divitibus offeruntur} ex meis Auditoribus redeat domum. Inter meos auditores, ^{preciosas cruces ex thesauro LAURETANO.} sunt alii divites, alii pauperes. Sunt conjugati, sunt viduæ, sunt Virgines. Sunt pii, sunt impii; timeo adesse aliquos, qui actu sunt in statu peccati mortalis. Puto multos ex præsentibus esse sodales congregationis Christi in cruce Agonizantis. Probabile est, aliquos ex nobis hoc anno morituros. Pro omnibus, ex arca ditissimi corculi Jesuli mecum sumpsi preciosas cruces. Laureti vidi cruculam auream, non magnam, sed ornatam 6. adamantibus inæstimabilis precii. Ex cingulo statuae in sacro illo sacello pendet alia, cum 9. adamantibus, & tribus margaritis, quorum valor dicitur esse 4. millium aureorum. Albertus Dux Baviaræ Virgini Lauretanæ misit cruculam ex Smaragdo, aliis gemmis ita divitem, ut precium sit 12. millium aureorum. Similes cruces, puto placere divitibus; per me liceat, habeant illas pro strena, sed rogo, & moneo illos, ut deinde sint memores, datas sibi esse divitias, ut erga pauperes, id est, pauperem Jesulum sint liberales. Huic datis, quidquid datis egenis. A misericordia vestra, & munificentia vestra, erga miseros, ab eleemosynis pendet, ut hic annus vobis sit felix & fortunatus.

Ex thesauro mei parvuli, aliam cruculam selegi, cujus medio affixa est spinea corona; sed ex auro. Ignoscite mihi pauperes; Jesulus vult & jussit, ut illam vobis offeram pro strena, spinea est paupertas, quæ vos premit: spinea est, nuditas, quæ affligit, spinæ sunt varia incommoda, quæ vos pungunt; sed hoc solatio vobis sit, patientia vestra spineam mutabit in auream coronam. ^{§ 11. Offeri pauperibus cruculam cum spinea corona.}

Lib. 2. de S. Cruce refert P. Gretserus fuisse olim in usu ut in utroq; brachio alicujus crucis pingeretur columba, ideo Paulinus cecinit; *Ardua florigera crux cingitur orbe corona, Et Domini fuso tineta cruore rubet. Quæq; super signum resident cæleste columba* ^{§ 12. Conjugatis cruculam cum binis columbis.} *Simplicibus produnt regna patere Dei.* Pictores imitati sunt aurifabri &c. Doctis nihil est notius, quam quod columba, pura, casta, fidelis, sine felle sit symbolum amoris conjugalis. Maritus sit

columba; sit talis uxor. uterque purus &c. Sed matrimonium crux est, sæpe non aurea, sed ex gravi ligno, imo ex ferro &c. ego precor ut sit aurea, & ideo auream offero cruculam, sed cum columbis, ut ab illis discant, quales in matrimonio esse debeant, si hic annus illis esse debeat faustus.

§. 13.
*Vidui cruce
aurea
in cuius
basi sedet
Mater Do-
lorosa.*

Sequitur crucula nuda in cuius basi sedet Mater dolorosa cum cadavere de cruce deposito. Vidi tales cruculas ex argento; ligneas videre potestis in variis Ecclesiis; adverto ex oculis & tristi vultu viduarum, quod dicere velint. Hæc crucula nostra erit strena. Sic est! dum crux vestra nimium est ponderosa, tristissima Virgo & Mater sit vobis speculum, in quo patientiam discere poteritis. Constantia in adversis, sub cruce Christi, aliquando coronabitur corona gloriæ æternæ.

§. 14.
*Crux cry-
stallina,
cum rubris
maculis,
crucifixa
inter lilia,
Juventuti.*

B. Aloysius Marchio depingi solet cum cruce, in qua pendet Salvator mundi inter lilia; lilia sunt ornata gemmis, imago crucifixi est aurea, crucem similem vidi ex purissima crystallo, in qua variæ apparent rubræ maculæ, veluti stellulæ. Elegans donum, quod pro xenio offero Juventuti Bambergensi, Adolescentibus & Puellis; lilia, inter quæ cœlestis sponsus libenter pascitur, & nitida crystallos sunt symbola Virginitatis & Puritatis; ut tantum thesaurum ament & custodiant; rogo, ne oculos conjiciant in vanitatem, & pulcritudinem creaturarum, sed illum à quo in cruce redempti sunt; sed illum qui delicias, & opes offert cœlestes, & guttas preciosissimi sui sanguinis qui lilia puritatis pulcerrime exornat. Cruculæ, liliis, crystallo inscripsi paucas voculas, ut Juventuti Bambergensi annus hic novus sit felix, faustus & fortunatus.

§. 15.
*Pin & so-
dalibus
Agonie,
Crux, vel-
uti fascicu-
lus myrrha
S. Bernar-
di.*

Omnes pios, & sodales Agoniæ colligabo in unum fasciculum, ut simul omnibus piissimam offeram cruculam, de illa Divus Paulinus hos cecinit versus:

*Sub Cruce sanguinea, niveo stat Christus in Agno,
Alite, quem placida, sanctus perfundit hiantem
Spiritus, & rutila Genitor de nube coronat.*

Nescio quis Aurifaber, huic cruculæ insculpserit cicatrices quinque SS. Vulnerum; S. Bernardus addidit lanceam, spon-
giam

giam, clavos, flagella, cum hoc lemmate, *fasciculus myrrhæ dilectus meus mihi inter ubera mea commorabitur*. Hanc crucem hunc agnum, quinque ejus Vulnera, roscum sanguinem, instrumenta reliqua Passionis; totum fasciculum myrrhæ, *in modum magnum donum* pro strena offero amatoribus Jesu, & amantissimis meis sodalibus congregationis Agoniæ; si sæpe edatis carnem hujus agni, si frequenter bibatis ejus sanguinem, si colere & venerari pergatis rosea ejus Vulnera, si erga Passionem Christi sitis devoti, si fasciculus hic myrrhæ inter ubera vestra commoretur, præsertim in ardentibus precibus pro obtinenda sancta morte, nihil dubito; annus hic novus erit faustus, & felix præludium anni beatissimi, qui in omnem durabit æternitatem.

Peccatores, sive illos, qui ex præsentibus Auditoribus actus sunt in peccato mortali (Deus avertat hoc malum!) nolo ego hodie terrere illo fulmine ardentis concionatoris, aut pœnitentiam agite, aut hoc anno infelici morte moriemini, & in inferno incipietis ardere in æternum. Ego tentabo an munuscula; an aureæ & sanctæ Cruculæ pœnitentiam illis persuadere possint. Aureæ cruculæ plerumque pendent ex aliquo annulo. Nihil est communius. Alicubi in templis ostenduntur aureæ cruces, cum signis miraculosi sanguinis ex corpore Christi. Celeberrima in hoc est miraculosa crux Moguntina. Apud antiquos moris fuit, ut qui à Rege gratiam aliquam obtinere voluerunt, præferrent crucem. S. Carolus Boromæus Arch. Mediolanensis, in publica Processione pro avertenda peste, ingentem prætulit crucem. De Chrotilde refert Gregorius Turo-nensis, quod multorum scelerum sibi conscia, cum cruce occurrerit Episcopis, ut illos ad veniam & misericordiam commoveret; unde originem traxit illud Elogium, crux gratiæ. Omnes advertunt has cruces pro strena deberi illis, qui sunt in statu peccati mortalis. Utinam hoc novo anno, ex intuitu annuli, sint memores æternitatis, quæ, nisi pœnitentiam agant, in inferno illos exspectat. Utinam hic sanguis Jesu Salvatoris dura illorum corda emolliat, ut tandem cedant vocanti Deo.

§. 16.
Triplex
Crux offer-
tur illis,
qui sunt in
statu pec-
cati mortali.

Deo. Utinam hæc mea strena, sit illis crux gratiæ; cum hac tuti, muniti, sine metu Christo Judici poterunt occurrere.

§. 17.
*Morituris ,
crux mor-
talis tri-
plex.*

Apud Catholicos consuetudo inolevit, ut defunctorum cadaveribus, dum efferuntur ad sepulcrum præferantur cruces ex ligno, ex cupro, vel argento. Ipsis tumulis lignæ & piæ cruces imponuntur; imo, depinguntur in ipsis tumbis, quas vocare possumus cruces mortuales. P. Vasquez t. 2. in 1. 2. disp. 162. refert moris fuisse in Hispania, ut equites S. Jacobi, de quibus ante feci mentionem, morituri in agone ex lecto deponerentur humi supra crucem formatam ex cineribus. Anima quædam pia inter pia suspiria, mentionem facit crucis, de qua in apice dependet solus titulus, illi affixus in monte Calvariæ, Jesus Nazarenus Rex Judæorum, & ita anhelat: Domine Jesu Nazarene Rex Jud. tu ipse, non nisi sub hoc tuo nomine Jesu, supra tuum caput collocato, voluisti inclinato capite exspirare; Miserere, ut sub, & in nomine tuo Jesu ultimum feliciter exspirem, & animam meam tradam in benedictas tuas manus. Quid cogitatis auditores? ego cogito: Probabile est aliquos ex hic præsentibus hoc anno morituros. Illis offero imprimis crucem mortualem, ut illius aspectu memores sint se morituros. Offero illis, crucem ex cineribus, & in illis agnoscat mundi vanitatem; Offero cruculam cum nomine Jesu, ut hic illis in supremo agone adsit, & confortet.

§. 18.
*Auctor pro
strena sibi
sumit cru-
cem, inter
cujus am-
plexus cu-
pit mori.*

Super sum ego solus. Non descendam ex cathedra sine strena. Illa sum contentus, quæ quotidie jacet ante meos oculos, quam amplectar hoc anno, illa devotione, illa teneritudine compassionis, illa contritione, illis virtutum affectibus, inter quos spiritum meum exhalare cupio in Vulnera Jesu Crucifixi.

CON-

CONCIO LX.

FESTO EPIPHANIÆ.

Obtulerunt ei munera: aurum, thus, & myrrham.

Matt. 2. cap. v. 11.

SYNOPSIS CONCIONIS.

EXponit aliqua grana thuris, & myrrhæ, quæ nos offerre possumus Jesulo. Id est, agit de variis devotionibus & affectibus erga Divinissimum Infantulum.

- | | |
|--|--|
| <p>§. 1. Sanctæ cogitationes, & pia desideria in hodierno festo.</p> <p>§. 2. Grana thuris & myrrhæ sunt, oratio matutina, & quotidiana auditio Missæ.</p> <p>§. 3. Quid intelligatur per stellam matutinam.</p> <p>§. 4. Nunquam melius, quam mane sub auditione Missæ, Christo loqui possumus.</p> <p>§. 5. Fragens thus est, bona intentio in omnibus actionibus. Sed vix erit bona, sine granis myrrhæ, sive, mortificationis.</p> <p>§. 6. Bona intentio facit, ut minimis nostris actionibus Iesulus oblectetur.</p> | <p>§. 7. Sollicitudo, ut peccata commissæ deprecemur, futura cavēamus; thus est, & myrrhæ.</p> <p>§. 8. Memoria præsentia Iesu Christi, promovet munditiem cordis.</p> <p>§. 9. Victoria per varios actus mortificationis, sunt grana myrrhæ.</p> <p>§. 10. Myrrhæ præciosa est afflictio corporis.</p> <p>§. 11. Mirabile patiendi desiderium in Magdalena de Ipris.</p> <p>§. 12. Alia quinque grana myrrhæ, sunt mortificatio quinque sensuum, in honorem Iesu Christi.</p> |
|--|--|

Alveus Tertius.

Yyy

Existi-

§. 1.
*Sancta cogitationes
 & pia desideria, in
 hodierno festo.*

EXistimo, hæere adhuc in animis vestris species sanctissimarum cogitationum, quas per ferias natalitias, in meis concionibus de parvulo de Bethleem, vobis communicavi. Hodierno Epiphaniæ festo, aliæ devotissimæ considerationes, inspirante divina gratia, mihi occurrunt. Cogitavi enim: Reges, qui venerunt ex Oriente in Bethleem, coram puero aperuerunt thesauros suos, & obtulerunt illi aurum, thus & myrrham; O si ita & nos aperiremus nostros thesauros, ut inde Jesulus rapiat, quo delectetur! Quis ille thesaurus sit, aperuit cœlestis sponsus S. Melchitildi; cum enim hac die esset sollicita, quid muneris sibi vellet offerri, iussit, offerri sibi cor, igne amoris purgandum, & inflammandum; Mi Jesule: cape corda nostra; tu illorum habes claves, claude illa omnibus creaturis, ut pateant tibi soli! Cogitavi; O utinam cœlestis amor, me faciat aurum ignitum, ut omnia opera mea sint aurea, ut illa consecrem Jesulo meo! utinam oratio mea esset suavissimum thus, ut ascendat in altum; ut illius suavitate redoleat stabulum parvuli de Bethl. & multò magis cor meum. Utinam cœlestis sponsus permittat me in horto suo, metere myrrham, ut & ipsa, Jesulo meo, sit gratum munus. Tres Reges, ad præsepe deduxit fulgidissima stella; utinam similis me hodie deduceret ad meum amorem. Visa iterum stella, magi gavisi sunt gaudio magno; utinam & ego hodie gaudeam & exultem in Deo Jesulo meo! Cogitavi: Tres Reges in stabulo, stante stella, prociderunt in genua sua, & adorarunt parvulum. Venite auditores, procidamus & nos in facies nostras, & adoremus eum. Cogitavi varia de cogitationibus Jesuli, de ejus erga reges affectu, de exhibita variis signis benevolentia; de cog. B. V. sancti Josephi, Regum &c. Sed nolo, ut Exordium sit prolixius. Exponam in particulari aliqua granathuris & myrrhæ quæ à nobis Jesulus desiderat. De auro ago alibi.

§. 2.
Granathuris & myrrhæ, sunt

Granum thuris fragrantissimi, & myrrhæ probatissimæ, sive, devotionis, & mortificationis, est oratio matutina, & quotidiana auditio sacrificii missæ, præsertim matutino tempore, ante alia

re alia omnia negotia. Inde pendet, ut diem transigamus sanctissime, si *ipse sol Christus* (D. Ambr. in ps. 118. ser. 19.) *primus in tui cordis illucescat arcano.* quod fit in oratione, & auditione missæ, in qua illum solem sub speciebus Eucharistiæ coram intuemur; & fieri non potest, quin suis radiis nos illuminet. Unde Ecclesia canit in hymno ser. 3. in Matutino; Lux lucis, & fons luminis, diem dies illuminans, verusque sol illabere. S. Melchirdi obrigit illa gratia, ut se viderit in quodā cœnobio, à Jesu, in decennis parvi amabili forma excitari è somno, ad matutinas preces. Si nobis mane preciosus ille deliciarum parvulus adesset ad lectulum, nosque renidente suaviter vultu, surgere actutum juberet, quàm promptè, quàm sanctè diem inchoaremus. Sed molestum est carni & sensualitati surgere tam mane, hyberno tempore, & ob alias multas circumstantias. Sic est: sed illæ mortificationes, sunt illa grana odoratæ myrrhæ, quam cum sanctibus Regibus Jesulo offerunt animæ piæ.

Super versum illum v. 16. cap. 22. in Apoc. S. Joannis, ubi Jesus de se ait; *Ego sum stella splendida & matutina*, pulcrè ait S. Laur. Justin. in Epiphania, *gratia est quædam stella matutina, præfulgida, quæ electum quemque præcedens, corde ducit ad Christum.* Talis fuit stella, quæ tres Magos duxit ad præsepium; quæro ex vobis animæ piæ; annon frequenter mane occurrant vobis similes cogitationes; surgam & ibo ad templum, ut audiam sacrum; die Dominica, in honorem SS. Trinitatis; Die Lunæ pro animabus detentis in purgatorio; die Martis in honorem SS. Angelorum Custodum; die Mercurii, in honorem S. Josephi, S. Barbaræ, aliorumque Patronorum; die Jovis, in peculiarem cultum SS. Sacramenti altaris; die Veneris, in memoriam Passionis & quinque SS. Vulnerum; die Sabathi, in venerationem B. Virginis? An non vobis suggerunt Angeli vestri custodes, ut cogitetis vos quotidie velle audire missam, ad Dei gloriam, in gratiarum actionem pro omnibus beneficiis, in satisfactionem pro peccatis, ad impetrandum novas gratias. Hæ cogitationes Auditores, hi motus, hæ suggestiones, hi affectus sunt quædam stellæ matutinæ, quæ electos præcedunt, ad Christum,

Oratio Matutina, & quotidiana auditio Missæ.

S. S. Quid intelligatur per stellam matutinam.

stum ducunt, qui in templo, in altari, sub speciebus Eucharistiæ nos vocat, & exspectat. Surgere, audire vocantē sequi, audire sacrum, orare sub illo devote, sunt grana fragrantissimi thuris, sive suavissimæ devotionis. Verum mi Pater! quot occurrunt impedimenta; alia nos vocant negotia, deficiet tempus; surgere verò tam mane, prævenire, vim inferre sensualitati, hæc sunt nimis dura & molesta. Amice mi! ideo talia grana, simul sunt grana optimæ myrrhæ, sive mortificationis, quàm quotidie debemus offerre Jesulo, si cum tribus Regibus erga illum velimus esse munifici, & liberales.

§. 4.
Nunquam
melius,
quam ma-
ne sub au-
dizione
missæ Chri-
sti D. loqui
possumus.

Olim in urbe Constantinopolitana, teste Curopalata, mane tubis clangebatur, omnibusque indicabatur facultas adeundi Imperatoris. Tales tubæ sunt illæ campanæ, quæ quotidie in variis templis, nos vocat ad sacrificium missæ, ibi facultas datur, coram alloquendi Imperatorem Jesum. Talis tuba fuit vox multitudinis cœlestis, quæ Pastores antelucanis, imò nocturnis horis ad adorandum amantissimum parvulum evocavit. Talis tuba, fuit fulgida stella, quæ excitavit Magos, ut surgerent, & venirent in Bethlehem. Tales tubæ nobis quoque sunt voces & admonitiones, ut in templo, visitemus quotidie Regem nostrum. Sponsus simul est, cujus capilli, pleni sunt rore matutino gratiæ, & benevolentiae ejus. Manna devotionis suavis, & teneræ, nunquam invenitur certius, quàm mane coram sacramento Altaris. Verum nolo ego modo inherere fructibus, qui nobis enascuntur ex quotidiana audizione missæ; intendo solummodo, paucis verbis vobis insinuare, hanc devotionem simul esse suavissimum thus, & myrrham, quam parvulo de Bethleem offerre debemus.

§. 5.
Fragrans
thus est bo-
na Intentio
in nostris
actionibus,
sed inten-
tio vix erit
bona, sine
granis

Granum suavissimi thuris est illa devotio, vel intentio, qua, omnia opera nostra facienda offerimus & consecramus Jesulo. Suavissimum holocaustum illi adolemus & incendimus, cum volumus illi, illa omnia esse sacra, quæ cogitatione, dicto, facto acturi sumus tota die, tota septimana, toto mense, toto anno, tota vita. Visus est aliquando infantulus S. Rosaliæ Virgini imponere auream coronam, rosas ornatam. Ditissimus quippe est coro-

coronarum, quas nobis offert, si ardenti ac pura divinæ gloriæ ^{myrrhæ} intentione, in unione preciosissimorum Dei Jesu meritorum, ^{sive, mortificationis.} in unione thuris, quod obtulerūt magi, ea, quæ molimur, omnia quotidie Deo offeramus. Pulcre S. Joan. Chryl. hom. 3. in Matt. Deus in hoc est totus, ut etiam pro exiguis te coronet; undique occasiones requirens, per quas te de gehennæ possit liberare supplicio--Ideo circa ferias Natalitias hæc fuit tessellaria vox S. Bernardi; ser. de Nat. *Surgamus! nec cordibus parcentes, nec vocibus, ad honorem pueri, qui natus est nobis.* Magdalena de Pasis dicere fuit solita: Omnes & singulas actiones, respirationes omnes, passus, cordis & oculorum motus, cum omni corporis, animiq; motu offerre SS. Trinitati per Christum, & unire illa cū ejus meritis; hæc devotio, ait, hoc holocaustū, hoc suaveolens thus, certissima est præparatio, ut per beatam mortem, sine purgatorio, recta via pergamus ad cælum. Ecce thus: quo delectatur Jesulus. Visus aliquando fuit Christus D. de cælis in pectus viri sancti lucidissimos evibrare radios, cum incredibili cordis gaudio, atque solatio; in præmium quod vir ille in suis actionibus, studiis, laboribus nihil spectasset, nisi unius Divinæ Majestatis cultum atque obsequium. Estne in votis vestris, animæ piæ, ut amabilis puer in sinu Matris suæ, è pulcerrimis oculis, è tenero suo pectore, & suavissimo corde, in corda nostra, in linguas, in manus, in potentias animæ, in omne corpus, in omnes internas, externasq; actiones, similes projiciat radios lucis; estne in votis, ut hodie oculis, nos respiciat, quibus respexit tres reges? procidamus cum illis in terram, adoremus illum, aperiamus thesaurum cordis, offeramus ex illo suavissimū thus, id est, oculum intentionis nostræ, ut ab illo toti fiamus lucidi, ut ille radius, ille amor, illa lux, qua solum Dei gloriam intuemur, sit anima & vigor omnium nostrarum actionum. Ut talis sit intentio nostra, necesse erit, ut quotidie, ut singulis horis mortificetur sensualitas, ut mortificetur amor proprius: mortificandi erunt oculi, mortificanda lingua &c. hi actus mortificationis, sunt grana myrrhæ probatissimæ, quæ thus devotionis faciunt longè suavius &

odoratus. Hac myrrha oblectatur Iesulus: ut proinde valde mihi placeat monitum Viri valde spiritualis; Iesulo tanquam verè, vero & unico Deo ac Regi offer quidquid agis. Orationem, tanquam aurum optimum: Intentiones, tanquam selectum thus; mortificationes corporis, animique tanquam myrrham regiam.

§.6.

Bona intentione facta, ut Iesulus, minimis nostris actionibus oblectetur.

Quod actiones minimæ factæ in honorem Iesuli illi placeant, cum magno solatio didicit Theresia de la Cerda ex Ord. S. Dominici Religiosa: tenero planè studio, lavabat linteæ, corporalia, & quidquid erat ad obsequia SS. Eucharistiæ. Ne verò importunæ muscæ aliquid illis labis aut sordium aspergerent, dum siccarentur à sole, adorat semper. Preciosum autem sanctissimæ operæ precium tulit, quando ipsum plenum deliciarum Iesulum, mundis linteolis insidere, ac demum ad majores cordi Theresiæ delicias faciendas, illi sese, tanquam suis linteolis, admirabili suavitatis significatione, involvere conspectus est. O si tales panniculi forent omnes nostræ actiones, omnes cogitationes, omnia verba, ad involvendum parvulum de Bethleem! erunt tales, si exhalent odores, hujus thuris, & myrrhæ, quam pii Reges illi obtulerunt.

§.7.

Sollicitudo, ut peccata commissæ deploramus; ut famam caveamus; thus est, & myrrha.

Cum verò illis à foetidis muscis per diem à cogitationibus vanis, ab amore proprio, à suggestionibus inimici &c. facile aliquid labis aspergatur, cum intentiones nostræ facile vitentur, præsertim per peccata venialia; sollicitos nos esse oportet, de thure illius devotionis, qua animæ teneræ, quas sibi in sponsas elegit pulcherrimus puer Iesus quotidie per actus amaræ penitentiae (quæ odorata est myrrha) minimas labeculas calidis lacrymis deplorent. His lacrymis, veluti odoratis granis de thure & myrrha iterum oblectatur parvulus de Bethleem. Nolite esse solliciti; quomodo cum Regibus hæc munera offeratis; crescunt illa in cordibus vestris. Recreat me, quoties de illo cogito, favor Iesuli erga penitentem Virginem. Lacrymas, quæ ex illius oculis, fluebant, parvulus Iesus, adhuc ab amore & dolore, amantis & dolentis cordis calidas, suis manibus excepit, in quibus, conversæ fuerunt in guttulas odorati balsami,

balsami, & unguenti optimi. Ubi odorato illo rore plenam manum collegit, (quasi cœleste balsamum collegisset,) illo sibi totum pectusculum, & cordis regionem perunxit, O quanta intimæ dulcitudinis significatione! quia ex corde contrito effusæ fuerunt, voluit parvulus illas refundi in cor suum. Tum deinde intellexit, felix hæc Virgo, preciosas esse in parvuli Jesu conspectu, lacrymas erumpentes è fonte odii peccatorum, & vocæ contritionis. Amatores Jesuli toti in eo sunt, ut per diem abstineant in gratiam illius ab illis omnibus, quæ displicent mundissimis illius oculis. Toti in eo sunt, ut malint mori, quam fœdari. Hæc cordis puritas & mundities, suavissimum thus est; mortificatio ad illam consecrandam, & promovendam necessaria, myrrha est. Ex utroque, ex thure & myrrha, ex cordis munditie & mortificatione preciosum componitur thymiamma, quo parvulus de B. oblectatur.

Medium aliud obtinendi, cordis munditiem, & agendi omnia ad honorem Jesuli didicit S. Melchitildis l. i. cap. 7. Vidit enim cœleste planè spectaculum! Vidit amorem divinum in forma pulcherrimi Juvenis, pulcherrimo splendore collucentem, Christo recens nato parvulo una cum Virgine Puerpera, & S. Josepho, ipsa Jesulo natali nocte assistentem; tum Melchitildis, *amor dulcissimè!* inquit, *doceme, quid faciam pro parvulo.* Dicere nos possumus hodie, amor dulcissime! doce nos, quid faciemus, ut cum Regibus Parvulo offeramus thus & myrrham? Respondit Melchitildi amor, & cum amore Jesulus; *accipe me in socium tuum, & quæcunque agis, mecum agas! Age cum Jesu, quidquid agis. Oras? ora cum Jesulo. Scribis? scribe cum Jesulo &c.* Tametsi nescias, tamen te aspicit, te juvat, te amat ubique Jesulus, quadum est. Hæc cogita, hæc memorare, & non facile offendes tuum amorem, etiam venialiter.

Grana myrrhæ probatissimæ sunt actus mortificationis, quibus nos vincimus, & ut loquimur mortificamus. Vellent oculi videre jucundâ, pulcra; curiosa; vince te, cogita in honorem Jesuli talia non videbo. Sic offeres myrrham. Vellent aures audire suavem musicam; cogita, in honorem Jesuli non volo

§. 8.

Memoria
præsentia
Jesuli, pro-
mover
munditiem
cordis.

§. 9.

Virtutis.
per varias
actus mor-
tificationis
sunt grana
myrrhæ.

volo audire. Hoc est se vincere; hæ victoriæ sunt grana myrrhæ. (hoc modo poteris discurrere per alia objecta mortificationis.) Devotæ cuidam personæ, petenti videre Christum infantem apparuit illi Iesulus, sed involutus in fasce spinarum. Sic spinis, non rosis te involve. Spina est paupertas: patere in honorem Iesuli. Spinæ sunt detractorum lingua. Patere! spinæ sunt morbi & dolores: vince te, patere: Victrix hæc patientia, & fervens patiendi desiderium, sunt myrrha, quam petit Iesulus. Melius est, esse inter spinas, in frigore, in siti, in nuditate, in laboribus, in periculis, cum Iesu, quam sine illo, inter rosas. Vince, vince spinas, & sic caput tuum para roseæ coronæ. Vincenti dabitur manna absconditum. Vince, quidquid carni molestum est. Affligit parvulus, sed ut reficiat. P. Bernardinus Realinus S. I. ipsa nascentis Dei Iesu nocte, multis horis hærendo in Confessionali, pene totus frigore diriguerat. Ad conclave reductus, mentem ad suavissimum Nativitatis mysterium elevavit, & ecce Cœlitum Regina inter Angelorum melodiam parvulum suum dilectum inter Bernardini brachia reposuit. Et adeo illum dulcis ille à Mariæ sinu igniculus illum calefecit, ut non solum corde toto arderet, verum ne corpore quidem frigus sentiret: O felices corporis afflictiones, quas adeo exaggeratis deliciis compensat dulcissime liberalis Deus. Ego satis perpendere non possum, quibus sine dubio deliciis, tres Reges, oblatum à Maria filiolum, fuerint amplexati; quibus illos parvulus recreavit voluptatibus: postquam illi preciosa illa munera, aurum, thus & myrrham obtulerunt. Si illarum deliciarum cupimus esse participes, si Iesulum velimus amplexari, vincamus prius nos ipsos, & myrrham offeramus.

§. 10.
Myrrha
preciosa
est afflictio
corporis.

Amor Crucis, sive afflictio sui corporis plane regia est myrrha. Rem admirabilem de Philipp. II. Hisp. Rege referunt historiæ. Paulo ante mortem ad se, advocavit regnorum hæredem Philippum III. allatoque eburneo scrinio, inde filio Crucifixum extractum dedit, & flagellum. Imperator, inquit, pater meus Carolus V. diem suum obiit manu tenens hoc simulacrum crucis; eadem significatione pietatis, mori mihi

mihi perdulce est; rogo enixè Deum, ut non ab simili religioso animi argumento, filio meo mori contingat. Cape fili, pia instrumentum laniens flagrum; & patris atque avi sanguini, quo respersum vides, adde tuum. Ita extinctus est. Cadaver, à morbis, doloribus, vermibus ferè corrosus, repertum est, indutum cilicio. In regio hoc speculo, discite, quid sit myrrha mortificationis: quocunque modo id fiat aliquo modo affligere corpus; Rex regum Christus, natus, non rosas, sed paleas voluit imponi; in cruce gustavit, non mel, sed fel. Patere pro Christo adversa, & redolentem offeres myrrham.

Magdalena de Ipris, ab anno ætatis septimo in honorem ^{S. 11.} Jesuli incepit corpus suum vexare spinis & urticis. Decennis ^{Mirabile} cum aliquando in crucifixum conjiceret oculos exclamavit, ^{patiendi} O Jesu! pro te nihil in rependenda vice hæcenus feci! ^{desiderium} ubertimque plorans, sola in sylvam concedens, ibi spineis virgis cum ^{in Magda-} copiosa sanguinis effusione verberavit. Idque sæpe in recor- ^{lena de} dationem Vulnerum Christi, cum lacrymis fecit. Teneritu- ^{Ipris.} dinem objicientibus dixit, Jam parata sum, omne tormentorum genus pro Christo pati, si se occasio offerret. Amatores mei Jesuli; non ego à vobis peto, ut spinis vos involvatis, non ut flammis pectori vestro nomen Jesus inuratis &c. Non! sed, offertne se occasio, quâ te lædit tuus proximus? hoc tormentum patere pro Christo. Permittit DEUS, ut te affligant morbi &c. hos patere pro CHRISTO (poterit fieri longa inductio) & talia, sunt grana probatissimæ myrrhæ.

Restant quinque grana myrrhæ probatissimæ, & sunt ^{S. 12.} mortificatio quinque sensuum. S. Gertrudis Virgo lauda- ^{Alia quin-} tur, quod nunquam verbis asperis vel aculeatis socias fue- ^{que grana} rit allocuta; additur hæc causa, ^{myrrhæ,} utpote ^{sunt, mor-} que linguam suam ^{tificatio} ante in sanguine Dilecti sui rinxerat. O si ita quoties loqui ^{quinque} volumus, ante linguas nostras conjungeremus cum lingua ^{sensuum;} JESULI, quot caveremus peccata! quot reportaremus vi- ^{in bono-} ctorias! quot grana myrrhæ offerremus JESULO! Quot ocu- ^{rem Jesuli.} los attinet de se ait S. Bonaventura in stim. amoris, capite 1.

Alycus Tertius.

Zzz

Cum

Cum quadam vice Vulnere mei Salvatoris oculis meis subintrarem apertis, *pratinus vivo & repenti sanguine, oculi mei fuerunt repleti*; Sicque ut nihil videns, cœpi ire, manu palpan, donec perveni ad intima suæ inexplicabilis caritatis, quibus undique circumplexis reverti nequivi: ideoque ibi habito, ibi quiesco, & quibus vescitur cibus, pascor, ibique delectabiliter inebrior suo potu. Ibi totus ardeo amoris fervore, ibi totus perfundor jucunditatis dulcore, ibi simpliciter fruor abundantia omnis boni. Felices sensus: qui à Christo ita sunt absconditi: O si ita in oculis nostris esset forma & species pulcherrimi Jesuli; O si ita semper in auribus nostris resonaret dulcissimum nomen ejus, Jesus. O si gustaremus quàm suavis sit; O si odor ejus nos traheret ad se, O si palpando illum cum Thoma, fieremus sani. His desideriis fieri satis non potest, nisi per seriam & vigilem mortificationem.

NB. Fiat pulcher affectus, O si ita ingredi possemus cor Jesuli.



CONCIO LXI.

FESTO PURIFICATIONIS B. VIRG.
MARIE.

Tulerunt illum in Ierusalem, ut sisterent eum Domino.

Luc. 2. cap. v. 22.

SYNOPSIS CONCIONIS.

Maria, tanquam Mater misericordiæ comparatur cum sole, & stellis.

§. 1. *Purificatur Maria: nobis hominibus tota pulchra est.* | §. 2. *Consensus ejus in Incarnationem Filii Dei, succurrit mundo.*

§. 3. *Quam*

- | | |
|--|---|
| §. 3. <i>Quàm atrociam illi pradi-</i>
<i>xerit Simeon.</i> | §. 9. <i>Et quidem in corde Filii sui,</i>
<i>sicut speculo.</i> |
| §. 4. <i>In cælo adhuc magis est mi-</i>
<i>sericors.</i> | §. 10. <i>Confirmatur ex S. An-</i>
<i>selmo.</i> |
| §. 5. <i>Misericordia ejus compa-</i>
<i>ratur soli.</i> | §. 11. <i>Pia petitio ad B. Virgi-</i>
<i>nem.</i> |
| §. 6. <i>Pulchra emblemata.</i> | §. 12. <i>Maria, stella maris.</i> |
| §. 7. <i>Mundi oculus, Maria.</i> | §. 13. <i>Sine Maria, sunt tenebrae</i>
<i>in mundo.</i> |
| §. 8. <i>Videt proinde omnes nostras</i>
<i>miserias.</i> | |

CUM subinde Sol in nostro horizonte nigra & tristi eclipsi obscuratur; in astronomia rudes, putant ipsum solem esse fuscum & nigrum. Cum lucidissimo alicui speculo, tenue, sed nigrum velum, instar telæ alicujus araneæ objicitur, qui illud à longe intuentur, putant speculum esse obscurum. Cum formosissimæ rosæ insidet apicula, dum fundo floris se planè immergit, aliqui timent, ne aculeo suo noccat flori. Omnes decipiuntur; sub eclipsi Sol est pulcherrimus; sub velo speculum est lucidissimum, rosam non vulnerat aculeus apicis. Idem plane accidere solet hodierno festo, quo Virgo Mater Dei, in templo purificatur: dum legi se subjicit, videtur illa obedientia, pulcherrimo soli, formosissimæ Virgini inducere aliquam nigredinem, vel maculam. Decipimur! Maria sub hac eclipsi est pulcherrimus Sol. Illa legis subjectio pulcherrimum speculum tegit aliquo velo, vel umbra alicujus immunditiei. Erramus! Maria est tota pulchra; sub hoc velo purificationis est nitidissimum speculum. Formosissima rosa est Mater Dei; cui videtur inhærere aliqua spina, vel aculeus alicujus impuritatis; iterum illudimur. Rosa est inter spinas, à quibus non læditur. Cur ergo hic Sol, hoc speculum, hæc rosa hodie purificatur? cur Virgo se subjicit legi? Præter varias causas mihi hodie satisfacit citatus versus ex Evangelio. *Tulerunt illum &c.* Venit Virgo ad templum ut filium suum pro humano genere offerat Patri. Solent plerumque concio-

§. 1.
Purifica-
tur Maria,
tamen tota
est pulchra.

natores festis B. Virginis quærere, quo titulo, festo conformi Maria laudari debeat; pro hodierno festo mihi placet resolutio sancti Bernardini. *Virgo Maria debet appellari Mater misericordie.* Hunc titulum selegi pro hac concione. Verum quia æquum videtur ut hodierno festo luminum B. Virgo compareretur luci, vel lucidissimo alicui sideri; itaque comparabo soli, ita ut sol misericordie, sit mater misericordie & contra. Nemo terreatur communissimo hoc titulo, conabor asserre aliqua, quibus non memini me esse usum alias.

§. 2.
Consensus
Maria in
Incarna-
tionem Fi-
lii Dei suc-
currit
mundo.

Digna sunt observatione verba sancti Bonaventuræ. *Magna fuit erga miseros misericordia Maria adhuc exulantis in mun-* do. Non libet mihi modo multis agere de hac matris misericordia; satis illam vel hodierna solum die ostendit, dum patri cœlesti in templo pro genere humano filium suum obtulit; filium Unigenitum, & tam dilectum; & ad tam ardua perferenda, imò mortem crucis. Cum solatio ego puto B. Virginem, dum hodie in templo Virgineis brachiis Filiolum suum altari imposuit, elevatis in cœlum oculis dixisse ad Patrem; *Eccce ancilla Domini, fiat mihi secundum verbum tuum.* Justissimam causam habuit repetendi hæc verba. In historia Annuntiationis ego observo, B. Virginem non statim dedisse responsum Gabrieli Archangelo. Ait hic, *Ave gratia plena, Dominus tecum,* territa Virgo siluit. Pergit Angelus. *Ecce concipies,* territa fuit adhuc magis, & siluit. Inquit cœlestis legatus; *Paries filium & vocabis nomen ejus Iesum,* quàm dulce mysterium later sub cortice dulcissimorum horum verborum, hoc enim Gabriel his verbis voluit dicere. O Virgo, Filius quem paries salvabit mundum, sed requiritur tuus consensus; tu debes imponere dulce nomen JESUS. Ille debet incarnari, ut misericordiam exhibeat mundo. Tu debes concipere, ut fias misericors Mater misericordissimi filii. Ille debet nasci; placet Patri cœlesti ut tu parias: debet nudus jacere in præsepio. tu debes pannis involvere; debet pati, tu

com-

compati. Ille debet fundere sanguinem, tu lacrymas: debet mori, ut ex infinita misericordia succurrat homini in tanta miseria; Ut tu fias mater, & filii Dei, & mater misericordie, debes consentire. Et statim respondit, *Ecce ancilla Domini fiat mihi secundum verbum tuum.* O beata Maria! exclamat sanctus Augustinus sermone 18. de sanctis; *Quis tibi digne valeat jura gratiarum, ac laudum præconia rependere, quæ singulari tuo assensu, mundo succurristi perditio.*

Clarius, & atrociora, hodierna die in templo beata Virgini prædixit Simeon. *Tuam ipsius animam pertransibit gladius doloris.* quasi diceret. O magna mater! erit cum hic filiolus tuus, jacens in meis brachiis, pro salute hominum, jacebit nudus in brachiis crucis, imò clavis illi affigetur! O quis gladius doloris pertransibit animam tuam! veniet dies; qua hunc filium tuum videbis alligatum columenæ, coronatum spinis. Ut sit JESUS; hæc pati debebit. O quis gladius! Tristitia nuntia! non tamen cogitate Virginem in corde aliud respondisse, quàm, *Ecce ancilla Domini*, ita Pater! verbo; Patri obtulit suum Filium ad atrocissimam mortem Crucis; & ideo *magna fuit erga miseros misericordia MARIAE adhuc exulantis in mundo.* Stans deinde juxta Crucem ostendit adhuc magis.

Pergit sanctus Bonaventura. *Sed multo major erga miseros est misericordia regnantis in cælo.* Ut, licet in illa gloria innumera illi debeantur elogia, magna, grandia, gloriosa! quod sit Regina Angelorum, Regina Patriarcharum, &c. præ omnibus pro nostro solatio, Virgo MARIA debeat appellari mater misericordie. Causam addit idem S. Bonaventura. *Majorem per beneficia innumerabilia nunc ostendit hominibus misericordiam, quia magis nunc videt innumerabilem hominum miseriam.* Unde pro splendore prioris misericordie fuit MARIA pulchra ut Luna, pro splendore verò posterioris misericordie, est electa

ut Sol. Confidite tristes & afflicti, confidite peccatores, qui jacetis in tenebris & umbra mortis, hodierno festo luminum; sol vobis est misericordia Mariæ!

§. 5.
Misericor-
dia Mariæ
compara-
tur soli.

Solem Deus oriri facit super bonos & malos. Bonis; Maria qualis sol? speciosus; calefaciens; Sol lætificans radiis lætitiæ! Sol illuminans! Malis, est Sol misericordiæ! Omnibus Maria se exhibet piam, Justos inflamat, peccatores illustrat; bonos recreat, perverlos justificat. Suaviter, ut solet, S. Bernardus. *Ea est qua veluti alterum solem sibi induit.* Dixit hoc S. Bernardus cum vidit mulierem amictam sole. *Quemadmodum enim sol super bonos & malos indifferenter oritur, sic Maria quoque præterita non discutit merita; sed omnibus sese exorabilem, omnibus clementissimam præbet; omnium denique necessitatibus amplissimo quodam misereatur affectu.*

§. 6.
Pulcræ Em-
blemata.

Placet mihi emblemata in quo lucidissimo soli, symbolo gloriosæ Virginis, in celerrimo suo cursu hoc lemma ascripsit, *Videns & festinans.* An ergo sol habet oculos, vel pedes & alas? lemmati occasionem dedit nomen Ruth, quæ vocula ex hebraico sic interpretatur, *videns & festinans.* Talis Sol est Mater misericordiæ; *videt nostram miseriam (N.N.N.) & festinat ad impendendam nobis suam misericordiam,* ait S. Bonaventura. Puto me aliquando legisse aliquos, qui solem vocant speculum; O lucidum speculum! Sed quomodo Mater misericordiæ speculum? Causam advertit S. Bernardinus Senensis, *ex Maria (ex hoc sole) tanquam ex speculo divinae bonitatis radii ad nos copiosius perveniunt.* In se hoc speculum est totum ardens; plenum radiis divinitatis. Sol justitiæ, Sol infinitæ Majestatis conclusus est in hoc speculo. Quoad nos ex hoc speculo decidunt primum radii pulcræ dilectionis, radii amoris, deinde radii pietatis; consolationis, & misericordiæ. Talis sol est Maria! In alio Emblemate super solem radiis totum mundum illuminantem addita est hæc epigraphe: *In altissimis*, scilicet, est sedes ejus; mihi placet subscribere. *In profundissimis*, ut hoc emblemata mihi referat Matrem misericordiæ. Item in altissimis, ante thronum Divinæ Majestatis est Regina; sed simul est in pro-

inprofundissimis, dum suis radiis, suo influxu penetrat etiam corda peccatorum.

Nihil est communius, quàm ut sol, mundi oculus, vocetur, quem suis radiis, veluti oculis circumquaque intuetur & illuminat. In aspectu horum radiorum, vel pulcherrimi hujus oculi, solis, memini ego oculorum, de quibus quotidie dicimus in salve Regina; Eia ergo advocata nostra illos tuos misericordes oculos ad nos converte; his nimirum oculis, nos de cœlo intuetur Mater misericordiæ, veluti pulcherrimus sol. Amor solet pingi cæcus, nihilominus est acutissimi visus; præcipuè erga objectum quod amat; quid dicam de amore Mariæ erga nos miseros; quæ est illuminatissima, cujus oculi Deum intuentur, quæ alterum induit solem, vestita sole, quæ tota est sol: sine dubio, quia simul tenerrimè nos amat, omnes nostras miseras clarissimè intuetur.

§. 7.
Mundus oculus
Mariæ.

Advertite aliquid quod affectu plenum est, & è corde tenero lacrymas facillimè potest elicere. Gen. 43. v. 29. Josephus remittit in patriam suos fratres, hac lege, ut germanum Benjaminum sibi sistant. Omitto plurima ex historia; cum redires ingressi fuerunt in conclave Josephi, ait textus, *Attollens Ioseph oculos vidit Benjamin fratrem suum uterinum.* Quærit S. Ambrosius; nunquid fuerunt undecim, quomodo dicitur vidisse unicum Benjamin? & respondet, *Naturale est ut quos diligimus eos videamus præ cæteris, & quos animi intentio tenet, priores eos obtutus offendat oculorum.* Vidit igitur Benjamin Ioseph, quem tenebat animo, quem oculis requirebat, quo absente pœne fratres non viderat. Gratulor vobis ô sancti Spiritus; O sancti Dei! gaudeo vos adesse vestræ reginæ in gloria. Sed hoc me solatur, quod nos in hac lacrymarum valle simus quasi Benjamin; quia nos valde diligit, quia nos tenet in dulcissimo corde suo, & animo, ideo pulcherrimis oculis quoque requirit, nostras miseras intuetur, ut opituletur. Nihil ejus visum fugit, omnia diligentissimè intuetur, ut opportunè opem ferre possit. Suaviter & subtiliter ait S. Amedæus hom. 8. de laud. Virg. *Quo enim sublimius immensi Regis cor aspicit, eo præ-*

§. 8.
Videt Maria
nostras
miserias.

profundius afflictorum, & misereri, & miseriis succurrere novit.

§.9.
*Et quidem
in corde fi-
lii sui sicut
in speculo.*

Affectuosam cogitationem mihi suggerunt hæc verba, diffluo gaudio cum videre mihi videor quam suavis oculis hodie in templo mater aspexerit suum filiolum? quam dulces in illum conjecerit radios? non miror. illum tenet animo, illum diligit, illum unum oculis requirit. Quis ibi coram B. Virgine murmurat, *Ei ergo advocata nostra &c.* O pia Domina ego modo hoc non peto; Perge dulcis Virgo, ad tuum filiolum converte tuos oculos; illum aspice! nam Auditores hoc me solatur, in lucidissimis illis speculis, in oculis filii, imò in divino ejus corde videt, intuetur omnes nostras miseras, & si velimus, succurrit, quia & nos tenet animo, & nos diligit, ut mater misericordiæ, nos aspicit ut sol, ut oculus misericordiæ. Idiota. *Beatissima Virgo Maria sicut est omnium Regina, sic & omnium patrona, & advocata, & cura illi est de omnibus. longè enim positos illuminat radiis misericordiæ suæ. Sibi propinquos, suos clientes, per specialem devotionem consolationis suavitatem præsentem sibi in patria, excellenti gloria, & sic non est, qui se abscondat à calore ejus, à charitate & dilectione ejus.* Sol est in tenebris, sol est in mundo, sol est in cælis, hodie pulcherrimus, lucidissimus sol, cum sole in brachiis. Sol Jesus! Sol Maria; uterque sol misericordiæ & clementiæ.

§.10.
*Confirmatur ex S.
Anselmo.*

De hoc oculo mundi, de oculis matris misericordissimæ flere non possum, nisi ante proferam verba S. Anselmi apud sanctum Antonium 4. tr. 18. *Impossibile est quod illi, à quibus Virgo Maria oculos misericordiæ avertit, salventur. Ita necessarium est quod hi ad quos oculos tuos convertis, pro eis advocans, justificentur & glorificentur.* Medium certissimum obtinendi hanc gratiam, ut misericordes oculos ad nos convertat, præscribit B. Petrus Chrysostomus. *Amor, non nisi amore rependitur.* Scio Domina, quia amas nos amore invincibili. Ergo, O fideles, eam amare pro viribus studeamus. Duo præstabit, primò oculos suos ad nos convertet. Secundò ostendet nobis benedictum fructum ventris sui Jesum. Sancto Simeoni non tan-

tum


tum ostendit, sed dedit in brachia, ut cœlesti gaudio delibutus dixerit, *Nunc dimittis* &c. quasi diceret, quam libenter jam moriar? eadem gratia nobis obtinget, si amemus Mariam. Si apud illam queramus nostrum Salvatorem.

Plane peculiare aliquid asserit S. Eusebius Emyss. in catena in sanctum Lucam de stella quæ tres Magos deduxit ad præseppe, *Ecce stella antecedebat eos, donec veniens staret supra ubi erat puer.* §. 11.
Pia peritio
ad B. Vir- Notate; non dixit textus, supra puerum, sed *supra, ubi erat puer*; Et ubi erat tum, cum venerunt Reges? non vidi ego ullam imaginem, quæ depingit historiam trium Regum, in quâ non viderim puerum in sinu vel in brachiis Virginis, probabile enim est, Virginem, cum audivit, cum vidit equites peregrinos, è præsepio in sinum accepisse puerum. Jam advertite mysterium stantis stellæ, ex verbis citati Eusebii. *Stat stella super stellam.* Maria enim est stella Maris. Stat supra ubi erat Puer, & ubi erat Puer nisi in sinu Matris? Stabat stella, & clamabat Magis: Hic est Mater, hic eum querite, hic eum invenietis! O pulcherrima Virgo! gratulor tibi ex medullis cordis! O dilecta, scis quod amem te, cur non gratularer? gratulor tibi de tuo filiolo! aspice illum millies! amplectere millies! quiescat hic fasciculus in sinu tuo: sed ecce Mater! ecce fratres tuos, ecce alios tuos filios! ecce clientes! O Virgo, & nos desideramus videre JESUM, & nos cupimus amplecti, præsertim in umbra & tenebris mortis; Eia ergo advocata nostra &c. (pulcre ex Salve Regina.)

Finio verbis Sancti Bonaventuræ Spec. Virg. *Naturum mos est, ut unum sidus eligant, cujus luce in eam partem, quam desiderant, possint adduci.* §. 12.
Maria stel-
la maris. Tale certè officium est stella nostra Maria, qua navigantes per mare mundi dirigit ad litus cœlestis patriæ. Itaque O Sol misericordiæ! O Maria te eligo, &c.

Jam statim volo finire. Sanctus Thomas de Villa Nova, abreptus amore erga B. Virginem, in quodam sermone dice- §. 13.
Sine Maria
tenebra
sunt in
Ma mundo. re fuit ausus, *Tolle solem, quid in mundo nisi tenebræ? Tolle* Alveus Tertius. Aaaa

Mariam, quid Ecclesia nificatio? Me quod attinet, libenter fateor, si quis mihi tollat Mariam; idem mihi tollet Dei misericordiam. Si quis mihi tollat Mariam, idem mihi tollet omnem felicitatem. Si quis mihi tollat Mariam, tollet mihi omne bonum & æternam beatitudinem. Sed quis ille est qui mihi tollet Mariam! Mariam teneo in intimo cordis mei; cor mihi tollat, scindat, aperiat, qui Mariam vult tollere. nec tamen tollet. In fibris, in venulis remanebit amor Mariæ. Quis mihi tollet Mariam? Inclusa illa est in pupilla oculi mei. hunc tollere debet, qui tollere vult Mariam. Ex sublata pupilla oculi ejus amor migrabit in guttulas mei sanguinis; si hæ auferantur, migrabit in animam; quàm nemo mihi tollere potest; neque Mariam. Nemo rapiet mihi hunc thesaurum; nec in vita, dum vivo amo Mariam; nec in morte, dum moriar amabo Mariam; nec in altera vita, in æternum amabo Mariam.



CONCIO LXII.

FESTO S. MATTHIÆ APOSTOLI.

Venite ad me omnes, qui laboratis, & onerati estis, & ego reficiam vos.

Matt. II. cap. v. 28.

SYNOPSIS CONCIONIS.

QUANTUS sit amor Christi, vocantis, omnes ad æternam salutem. Sola tamen vocatio ejus non sufficit, sed requiritur nostra cooperatio.

§. 1. Gaudium Christi D. de patris miraculis ab Apostolis, | ad gloriam æterni Patris.
§. 2. Christus D. inveniri potest, non

non praveniri.

§. 3. *Christus D. prius nos diligit, quam illum diligamus.*

§. 4. *Sollicitus est de nobis, si sollicitissimus; ut illum amemus; Prior amat, & plus amat.*

§. 5. *Raphael Socius Tobie in itinere.*

§. 6. *Figura fuit Christi D. qui in via Crucis, nobis fidissimus*

est comes.

§. 7. *Tanta est caritas Christi, ut à se fugientes insequatur, & vocet ad penitentiam.*

§. 8. *Revertentes eodem amore recipit.*

§. 9. *Vocantem oportet audire, & sequi.*

§. 10. *Christus D. variis modis pulsat ad ostium cordis.*


Miserat Christus D. suos discipulos ad disseminandum Dei verbum plenam illis tribuens potestatem faciendimiracula, curandi infirmos, mundandi leprosos, ejiciendi dæmones. Abierunt & præclara gesserunt opera, nominatim hoc ultimum ex quo non modice lætati sunt, & reversi ad Dominum illi dixerunt, Domine *in nomine tuo, etiam dæmonia subjiciuntur nobis*: Ex una parte monuit illos Christus D. ne propterea se offerrent. Eximia donata collata fuisse Lucifero, ob superbiam tamen detractum esse ad inferos. Ex altera parte ait textus, Christum D. *exultasse in spiritu*, dum vidit opera, quæ pauperculi piscatores operarentur ad gloriam Patris; & conversus ad illum elevatis in cælum oculis ait Luc. 10. v. 21. *Confiteor tibi Pater &c. Abscondisti enim hæc à sapientibus & prudentibus & revelasti ea parvulis.* Magna mysteria continet hæc unica particula, *Hæc*; nimirum altissima mysteria & articulos nostræ fidei. Scribæ v. g. & Pharisei noluerunt agnoscere divinitatem Christi; rudes piscatores agnoverunt &c. Scribæ Pharisei, etsi viderent tot, & tanta miracula, aliud tamen non dixerunt, quàm Elias est, Propheta est &c. imo major pars vocavit turbatorem populi &c. Petrus intrepidus ait, Matt. 16. v. 17. *Tu es Christus filii Dei vivi &c.* ideo Christus ait, *Confiteor &c.* Unum ex mysteriis altissimis, quæ absconduntur sapientibus & revelantur parvulis, & hodierna fors, quæ cecidit super Matthiam cur hic electus, alter rejectus ab Apostolatu.

§. 1.

Gaudia Christi D. de patris miraculis ab Apostolis ad gloriam Patri.

Cum quadam vice Vulnere mei Salvatoris oculis meis subintrarem apertis, *proptinus vivo & tepenti sanguine, oculi mei fuerunt repleti*; Sicque ut nihil videns, cœpi ire, manu palrans, donec perveni ad intima suæ inexplicabilis caritatis, quibus undique circumplexis reverti nequivi: ideoque ibi habito, ibi quiesco, & quibus vescitur cibus, pascor, ibique delectabiliter inebrior suo potu. Ibi totus ardeo amoris fervore, ibi totus perfundor jucunditatis dulcore, ibi simpliciter fruor abundantia omnis boni. Felices sensus! qui à Christo ita sunt absconditi! O si ita in oculis nostris esset forma & species pulcerrimi Jesuli; O si ita semper in auribus nostris resonaret dulcissimum nomen ejus, Jesus. O si gustaremus quàm suavis sit; O si odor ejus nos traheret ad se, O si palpando illum cum Thoma, fieremus fani. His desideriis fieri satis non potest, nisi per feriam & vigilem mortificationem.

NB. Fiat pulcer affectus, O si ita ingredi possemus cor Jesuli.



CONCIO LXI.

FESTO PURIFICATIONIS B. VIRG.
MARIAE.

Tulerunt illum in Ierusalem, ut sisterent eum Domino.

Luc. 2. cap. v. 22.

SYNOPSIS CONCIONIS.

Maria, tanquam Mater misericordiæ comparatur cum sole, & stellis.

§. 1. *Purificatur Maria: nihilominus tota pulchra est.* | §. 2. *Consensus ejus in Incarnationem Filii Dei, succurrit mundo.*

§. 3. *Quam*

- | | |
|--|---|
| §. 3. <i>Quàm atrociam illi pradi-</i>
<i>xit Simeon.</i> | §. 9. <i>Et quidem in corde Filii sui,</i>
<i>sicut speculo.</i> |
| §. 4. <i>In cælo adhuc magis est mi-</i>
<i>sericors.</i> | §. 10. <i>Confirmatur ex S. An-</i>
<i>selmo.</i> |
| §. 5. <i>Misericordia ejus compa-</i>
<i>ratur soli.</i> | §. 11. <i>Pia petitio ad B. Virgi-</i>
<i>nem.</i> |
| §. 6. <i>Pulcra emblemata.</i> | §. 12. <i>Maria, stella maris.</i> |
| §. 7. <i>Mundi oculus, Maria.</i> | §. 13. <i>Sine Maria, sunt senebra</i>
<i>in mundo.</i> |
| §. 8. <i>Videt proinde omnes nostras</i>
<i>miserias.</i> | |

CUm subinde Sol in nostro horizonte nigra & tristi eclipsi obscuratur; in astronomia rudes, putant ipsum solem esse fuscum & nigrum. Cum lucidissimo alicui speculo, tenue, sed nigrum velum, instar telæ alicujus aranæ objicitur, qui illud à longe intuentur, putant speculum esse obscurum. Cum formosissimæ rosæ insidet apicula, dum fundo floris se planè immergit, aliqui timent, ne aculeo suo noceat flori. Omnes decipiuntur; sub eclipsi Sol est pulcherrimus; sub velo speculum est lucidissimum, rosam non vulnerat aculeus apis. Idem plane accidere solet hodierno festo, quo Virgo Mater Dei, in templo purificatur: dum legi se subjicit, videtur illa obedientia, pulcherrimo soli, formosissimæ Virgini inducere aliquam nigredinem, vel maculam. Decipimur! Maria sub hac eclipsi est pulcherrimus Sol. Illa legis subjectio pulcherrimum speculum tegit aliquo velo, vel umbra alicujus immunditiei. Erramus! Maria est tota pulchra; sub hoc velo purificationis est nitidissimum speculum. Formosissima rosa est Mater Dei; cui videtur inhærere aliqua spina, vel aculeus alicujus impuritatis; iterum illudimur. Rosa est inter spinas, à quibus non læditur. Cur ergo hic Sol, hoc speculum, hæc rosa hodie purificatur? cur Virgo se subjicit legi? Præter varias causas mihi hodie satisfacit citatus versus ex Evangelio. *Tulerunt illum &c.* Venit Virgo ad templum ut filium suum pro humano genere offerat Patri. Solent plerumque concio-

§. 1.
Purifica-
tur Maria,
tamen tota
est pulchra.

natores festis B. Virginis quærere, quo titulo, festo conformi Maria laudari debeat; pro hodierno festo mihi placet resolutio sancti Bernardini. *Virgo Maria debet appellari Mater misericordiae.* Hunc titulum selegi pro hac concione. Verum quia æquum videtur ut hodierno festo luminum B. Virgo comparetur luci, vel lucidissimo alicui fideri; itaque comparabo soli, ita ut sol misericordiae, sit mater misericordiae & contra. Nemo terreatur communissimo hoc titulo, conabor asserre aliqua, quibus non memini me esse usum alias.

§. 2.
Consensus
Maria in
Incarnacionem
Fili
lii Dei sus-
cipit
mundo.

Digna sunt observatione verba sancti Bonaventurae. *Magna fuit erga miseros misericordia Maria adhuc exulantis in mun-*
do. Non libet mihi modo multis agere de hac matris misericordiae; satis illam vel hodierna solum die ostendit, dum patri cœlesti in templo pro genere humano filium suum obtulit; filium Unigenitum, & tam dilectum; & ad tam ardua perfrenda, imò mortem crucis. Cum solatio ego puto B. Virginem, dum hodie in templo Virgineis brachiis Filiolum suum altari imposuit, elevatis in cœlum oculis dixisse ad Patrem; *Ecce ancilla Domini, fiat mihi secundum verbum tuum.* Justissimam causam habuit repetendi hæc verba. In historia Anuntiationis ego observo, B. Virginem non statim dedisse responsum Gabrieli Archangelo. Ait hic, *Ave gratia plena, Dominus tecum*, territa Virgo siluit. Pergit Angelus. *Ecce concipies*, territa fuit adhuc magis, & siluit. Inquit cœlestis legatus; *Paries filium & vocabis nomen ejus Iesum.* quàm dulce mysterium later sub cortice dulcissimorum horum verborum, hoc enim Gabriel his verbis voluit dicere. O Virgo, Filius quem paries salvabit mundum, sed requiritur tuus consensus; tu debes imponere dulce nomen JESUS. Ille debet incarnari, ut misericordiam exhibeat mundo. Tu debes concipere, ut fias misericors Mater misericordissimi filii. Ille debet nasci; placet Patri cœlesti ut tu parias: debet nudus jacere in præsepio. tu debes pannis involvere; debet pati, tu com-

compati. Ille debet fundere sanguinem, tu lacrymas: debet mori, ut ex infinita misericordia succurrat homini in tanta miseria; Ut tu fias mater, & filii Dei, & mater misericordie, debes consentire. Et statim respondit, *Ecce ancilla Domini fiat mihi secundum verbum tuum.* O beata Maria! exclamat sanctus Augustinus sermone 18. de sanctis; *Quis tibi digne valeat jura gratiarum, ac laudum præconia rependere, qua singulari tuo assensu, mundo succurristi perditio.*

Clarius, & atrociora, hodierna die in templo beata ^{§. 3.} Virgini prædixit Simeon. *Tuam ipsius animam pertransibit* ^{quàm atroc-} *gladius doloris.* quasi diceret. O magna mater! erit cum ^{cia illi præ-} hic filiulus tuus, jacens in meis brachiis, pro salute hominum, jacebit nudus in brachiis crucis, imò clavis illi affigetur! O quis gladius doloris pertransibit animam tuam! ^{ditoris Si-} *veniet dies; qua hunc filium tuum videbis alligatum colum- meon.* næ, coronatum spinis. Ut sit JESUS; hæc pati debet. O quis gladius! Tristitia nuntia! non tamen cogitate Virginem in corde aliud respondisse, quàm, *Ecce ancilla Domini*, ita Pater! verbo; Patri obtulit suum Filium ad atrocissimam mortem Crucis; & ideo *magna fuit erga miseros misericordia MARIA adhuc exulantis in mundo.* Stans deinde juxta Crucem ostendit adhuc magis.

Pergit sanctus Bonaventura. *Sed multo major erga mi-* ^{§. 4.} *seros est misericordia regnantis in cælo.* Ut, licet in illa gloria innumera illi debeantur elogia, magna, grandia, ^{In cælo, est} gloriosa! quod sit Regina Angelorum, Regina Patriar- ^{magis mi-} charum, &c. præ omnibus pro nostro solatio, Virgo ^{seriora.} MARIA debeat appellari mater misericordie. Causam addit idem S. Bonaventura. *Majorem per beneficia innumera nunc ostendit hominibus misericordiam, quia magis nunc videt innumerabilem hominum miseriam.* Unde pro splendore prioris misericordie fuit MARIA pulchra ut Luna, pro splendore verò posterioris misericordie, est electa

ut Sol. Confidite tristes & afflicti, confidite peccatores, qui jacetis in tenebris & umbra mortis, hodierno festo luminum; sol vobis est misericordia Mariæ!

§. 5.
Misericor-
dia Mariæ
compara-
tur soli.

Solem Deus oriri facit super bonos & malos. Bonis; Maria qualis sol? speciosus; calefaciens; Sol lætificans radiis lætitiæ! Sol illuminans! Malis, est Sol misericordiæ! Omnibus Maria se exhibet piam, Justos inflamat, peccatores illustrat; bonos recreat, perversos justificat. Suaviter, ut solet, S. Bernardus. *Ea est qua veluti alterum solem sibi induit.* Dixit hoc S. Bernardus cum vidit mulierem amictam sole. *Quemadmodum enim sol super bonos & malos indifferenter oritur, sic Maria quoque præterita non discutit merita; sed omnibus sese exorabilem, omnibus clementissimam præbet; omnium denique necessitatibus amplissimo quodam misereatur affectu.*

§. 6.
Pulchra Em-
blemata.

Placet mihi emblemata in quo lucidissimo soli, symbolo gloriosæ Virginis, in celerrimo suo cursu hoc lemma ascripsit, *Videns & festinans.* An ergo sol habet oculos, vel pedes & alas? lemmati occasionem dedit nomen Ruth, quæ vocula ex hebraico sic interpretatur, *videns & festinans.* Talis Sol est Mater misericordiæ; *videt nostram miseriam* (N.N.N.) *& festinat ad impendendam nobis suam misericordiam*, ait S. Bonaventura. Puto me aliquando legisse aliquos, qui solem vocant speculum; O lucidum speculum! Sed quomodo Mater misericordiæ speculum? Causam advertit S. Bernardinus Senensis, *ex Maria (ex hoc sole) tanquam ex speculo divinae bonitatis radii ad nos copiosius perveniunt.* In se hoc speculum est totum ardens; plenum radiis divinitatis. Sol justitiæ, Sol infinitæ Majestatis conclusus est in hoc speculo. Quoad nos ex hoc speculo decidunt primum radii pulchræ dilectionis, radii amoris, deinde radii pietatis; consolationis, & misericordiæ. Talis sol est Maria! In alio Emblemate super solem radiis totum mundum illuminantem addita est hæc epigraphe: *In altissimis*, scilicet, est sedes ejus; mihi placet subscribere. *In profundissimis*, ut hoc emblemata mihi referat Matrem misericordiæ. Item in altissimis, ante thronum Divinæ Majestatis est Regina; sed simul est in pro-

in profundissimis, dum suis radiis, suo influxu penetrat etiam corda peccatorum.

Nihil est communius, quàm ut sol, mundi oculus, vocetur, quem suis radiis, veluti oculis circumquaque intuetur & illuminat. § 7.
Mundus
lucet Maria. In aspectu horum radiorum, vel pulcherrimi hujus oculi, solis, memini ego oculorum, de quibus quotidie dicimus in salve Regina; Eia ergo advocata nostra illos tuos misericordes oculos ad nos converte; his nimirum oculis, nos de cœlo intuetur Mater misericordiæ, veluti pulcherrimus sol. Amor solet pingi cæcus, nihilominus est acutissimi visus; præcipuè erga objectum quod amat; quid dicam de amore Mariæ erga nos miseros; quæ est illuminatissima, cujus oculi Deum intuentur, quæ alterum induit solem, vestita sole, quæ tota est sol! sine dubio, quia simul tenerrimè nos amat, omnes nostras misérias clarissimè intuetur.

Advertite aliquid quod affectu plenum est, & è corde tenero lacrymas facillimè potest elicere. Gen. 43. v. 29. Josephus remittit in patriam suos fratres, hac lege, ut germanum Benjaminum sibi sistant. Omitto plurima ex historia; cum redires ingressi fuerunt in conclave Josephi, ait textus, *Attollens Joseph oculos vidit Benjamin fratrem suum uterinum.* § 8.
Videt Maria nostras misérias. Quærit S. Ambrosius; nunquid fuerunt undecim, quomodo dicitur vidisse unicum Benjamin? & respondet, *Naturale est ut quos diligimus eos videamus præ cæteris, & quos animi intentio tenet, priores eos obtutus offendat oculorum.* Vidit igitur Benjamin Joseph, quem tenebat animo, quem oculis requirebat, quo absente pœne fratres non viderat. Gratulor vobis ô sancti Spiritus; O sancti Dei! gaudeo vos adesse vestræ reginæ in gloria. Sed hoc me solatur, quod nos in hac lacrymarum valle simus quasi Benjamin; quia nos valde diligit, quia nos tenet in dulcissimo corde suo, & animo, ideo pulcherrimis oculis quoque requirit, nostras misérias intuetur, ut opituletur. Nihil ejus visum fugit, omnia diligentissimè intuetur, ut opportunè opem ferre possit. Suaviter & subtiliter ait S. Amedæus hom. 8. de laud. Virg. *Quo enim sublimius immensi Regis cor aspicit, eo*
pro-

profundius afflictorum, & misereri, & miseris succurrere novit.

§. 9.

*Et quidem
in corde fi-
lii sui sicut
in speculo.*

Affectuosam cogitationem mihi suggerunt hæc verba, diffuso gaudio cum videre mihi videor quam suavis oculis hodie in templo mater aspexerit suum filiolum? quam dulces in illum conjecerit radios? non miror. illum tenet animo, illum diligit, illum unum oculis requirit. Quis ibi coram B. Virgine murmurat, *Ei: ergo advocata nostra &c.* O pia Domina ego modo hoc non peto; Perge dulcis Virgo, ad tuum filiolum converte tuos oculos; illum aspice! nam Auditores hoc me solatur, in lucidissimis illis speculis, in oculis filii, imò in divino ejus corde videt, intuetur omnes nostras miseras, & si velimus, succurrit, quia & nos tenet animo, & nos diligit, ut mater misericordiæ, nos aspicit ut sol, ut oculus misericordiæ. Idiota. *Beatissima Virgo Maria sicut est omnium Regina, sic & omnium patrona, & advocata, & cura illi est de omnibus. longè enim positis illuminat radiis misericordiæ suæ. Sibi propinquos, suos clientes, per specialem devotionem consolationis suavitatis præsentat sibi in patria, excellenti gloriæ, & sic non est; qui se abscondat à calore ejus, à charitate & dilectione ejus.* Sol est in tenebris, sol est in mundo, sol est in cælis, hodie pulcerrimus, lucidissimus sol, cum sole in brachiis. Sol Jesulus! Sol Maria; uterque sol misericordiæ & clementiæ.

§. 10.

*Confirmatur ex S.
Anselmo.*

De hoc oculo mundi, de oculis matris misericordissimæ flere non possum, nisi ante proferam verba S. Anselmi apud sanctum Antonium 4. tr. 18. *Impossibile est quod illi, à quibus Virgo Maria oculos misericordiæ avertit, salventur. Ita necessarium est quod hi ad quos oculos tuos convertis, pro eis advocans, iustificentur & glorificentur.* Medium certissimum obtinendi hanc gratiam, ut misericordes oculos ad nos convertat, præscribit B. Petrus Chrysostomus. *Amor, non nisi amore rependitur.* Scio Domina, quia amas nos amore invincibili. Ergo, O fideles, eam amare pro viribus studeamus. Duo præstabit, primò oculos suos ad nos convertet. Secundò ostendet nobis benedictum fructum ventris sui Jesum. Sancto Simeoni non tantum

tum ostendit, sed dedit in brachia, ut cœlesti gaudio delibutus dixerit, *Nunc dimittis &c.* quasi diceret, quàm libenter jam moriar? eadem gratia nobis obtinget, si amemus Mariam. Si apud illam quæramus nostrum Salvatorem.

Plane peculiare aliquid asserit S. Eusebius Emyss. in catena §. 11. in sanctum Lucam de stella quæ tres Magos deduxit ad præsepio, *Ecce stella antecedebat eos, donec veniens staret supra ubi erat puer.* *Pia pœnio ad B. Vir-* Notate; non dixit textus, supra puerum, sed *supra, ubi erat puer*; Et ubi erat tum, cum venerunt Reges? non vidi ego ullam imaginem, quæ depingit historiam trium Regum, in quâ non viderim puerum in sinu vel in brachiis Virginis, probabile enim est, Virginem, cum audivit, cum vidit equites peregrinos, è præsepio in sinum accepisse puerum. Jam advertite mysterium stantis stellæ, ex verbis citati Eusebii. *Stat stella super stellam.* Maria enim est stella Maris. Stat supra ubi erat Puer, & ubi erat Puer nisi in sinu Matris? Stabat stella, & clamabat Magis: Hic est Mater, hic eum quærite, hic eum invenietis! O pulcherrima Virgo! gratulor tibi ex medullis cordis! O dilecta, scis quod amem te, cur non gratularer? gratulor tibi de tuo filiolo! aspice illum millies! amplectere millies! quiescat hic fasciculus in sinu tuo: sed ecce Mater! ecce fratres tuos, ecce alios tuos filios! ecce clientes! O Virgo, & nos desideramus videre JESUM, & nos cupimus amplecti, præsertim in umbra & tenebris mortis; Eia ergo advocata nostra &c. (pulcre ex Salve Regina.)

Finio verbis Sancti Bonaventuræ Spec. Virg. *Nauta-* §. 12. *rum mos est, ut unum sidus eligant, cujus luce in eam partem, quam desiderant, possint adduci.* *Maria stel-* Tale certè officium est stellæ *la maris.* nostræ Mariæ, quæ navigantes per mare mundi dirigit ad litus cœlestis patriæ. Itaque O Sol misericordiæ! O Maria! te eligo, &c.

Jam statim volo finire. Sanctus Thomas de Villa Nova, §. 13. abreptus amore erga B. Virginem, in quodam sermone dice- *Sine Maria tenebra sunt in Ma mundo.* re fuit ausus, *Tolle solem, quid in mundo nisi tenebræ?* Tolle *sunt in Ma mundo.* Alveus Tertius. Aaaa

Mariam, quid Ecclesia nificatigo? Me quod attinet, libenter fateor, si quis mihi tollat Mariam; idem mihi tollet Dei misericordiam. Si quis mihi tollat Mariam, idem mihi tollet omnem felicitatem. Si quis mihi tollat Mariam, tollet mihi omne bonum & æternam beatitudinem. Sed quis ille est qui mihi tollet Mariam! Mariam teneo in intimo cordis mei; cor mihi tollat, scindat, aperiat, qui Mariam vult tollere. nec tamen tollet. In fibris, in venulis remanebit amor Mariæ. Quis mihi tollet Mariam? Includa illa est in pupilla oculi mei. hunc tollere debet, qui tollere vult Mariam. Ex sublata pupilla oculi ejus amor migrabit in guttulas mei sanguinis; si hæc auferantur, migrabit in animam; quam nemo mihi tollere potest; neque Mariam. Nemo rapiet mihi hunc thesaurum; nec in vita, dum vivo amo Mariam; nec in morte, dum moriar amabo Mariam! nec in altera vita, in æternum amabo Mariam.



CONCIO LXII.

FESTO S. MATTHIÆ APOSTOLI.

Venite ad me omnes, qui laboratis, & operati estis, & ego reficiam vos.

Matt. II. cap. v. 28.

SYNOPSIS CONCIONIS.

Quamvis sit amor Christi, vocantis, omnes ad æternam salutem. Sola tamen vocatio ejus non sufficit, sed requiritur nostra cooperatio.

§. 1. Gaudium Christi D. de patris miraculis ab Apostolis, | ad gloriam æterni Patris.
§. 2. Christus D. inveniri potest, non

non praeveniri.

§. 3. Christus D. prius nos diligit, quam illum diligamus.

§. 4. Sollicitus est de nobis, si sollicitissimus; ut illum amemus; Prior amat, & plus amat.

§. 5. Raphael Socius Tobiae in itinere.

§. 6. Figura fuit Christi D. qui in via Crucis, nobis fidissimus

est comes.

§. 7. Tanta est caritas Christi, ut à se fugientes insequatur, & vocet ad penitentiam.

§. 8. Revertentes eodem amore recipit.

§. 9. Vocantem oportet audire, & sequi.

§. 10. Christus D. variis modis pulsas ad ostium cordis.

Miserat Christus D. suos discipulos ad disseminandum Dei verbum plenam illis tribuens potestatem faciendimiracula, curandi infirmos, mundandi leprosos, ejiciendi dæmones. Abierunt & præclara gesserunt opera, nominatim hoc ultimum ex quo non modice letati sunt, & reversi ad Dominum illi dixerunt, Domine in nomine tuo, etiam dæmonia subjiciuntur nobis: Ex una parte monuit illos Christus D. ne propterea se offerrent. Eximia donata collata fuisse Lucifero, ob superbiam tamen detractum esse ad inferos. Ex altera parte ait textus, Christum D. exultasse in spiritu, dum vidit opera, quæ pauperculi piscatores operarentur ad gloriam Patris; & conversus ad illum elevatis in cælum oculis ait Luc. 10. v. 21. *Confiteor tibi Pater &c. Abscondisti enim hæc à sapientibus & prudentibus & revelasti ea parvulis.* Magna mysteria continet hæc unica particula, *Hæc*; nimirum altissima mysteria & articulos nostræ fidei. Scribæ v. g. & Pharisei noluerunt agnoscere divinitatem Christi; rudes piscatores agnoverunt &c. Scribæ Pharisei, etsi viderent tot, & tanta miracula, aliud tamen non dixerunt, quàm Elias est, Propheta est &c. imo major pars vocavit turbatorem populi &c. Petrus, intrepidus ait, Matt. 16. v. 17. *Tu es Christus filii Dei vivi &c.* ideo Christus ait, *Confiteor &c.* Unum ex mysteriis altissimis, quæ absconduntur sapientibus & revelantur parvulis, & hodierna sors, quæ cecidit super Matthiam cur hic electus, alter rejectus ab Apostolatu.

§. 1.
Gaudia
Christi D.
de patrati
miraculis
ab Apostolis
ad gloriam
Patris.

Hæc fors hod. festo Concionatoribus præbet occasionem agendi de mysterio prædestinationis. non scholasticè, sed accommodatè ad captum populi; non ad terrorem, sed ad solatium & moralem instructionem. Principium prædestinationis est Dei electio, sive vocatio. Duo de hac ostendam. 1. Christum D. vocare omnes ad salutem & ostendere in illa amorem infinitum. 2. hoc tamen non sufficere, sed requiri ut vocationi eo. peremur.

§. 2.
Christus D.
inveniri
potest, non
præveniri.

Breviter, sed pulcre dixit S. Bernardus ser. de gratia & libero arbitrio. *Inveniri potest, præveniri non potest*, scilicet Christus Salvator, sponsus animarum nostrarum. Surgite sponsæ, surgite filix Sion, querite sponsum in colle myrrhæ; inveniri potest; querite in monte thuris! ibi inveniri potest! querite inter lilia; ibi pascitur! hoc sacro tempore quadragesimæ querite inter spinas, ibi quoque inveniri potest. Querite in lætulo crucis, ibi quiescit in meridie amoris! ibi illum inveniunt; qui illum amant, & toto corde querunt. Inveniri potest; sed non præveniri. licet surgamus diluculos, ille tamen sua vocatione, suis inspirationibus prævenit, monet, rogat, stat ad ostium, pulsat, ut illum quæramus. Eo tenet suavissima invitatio hodierni Evangelii; *Venite ad me omnes &c.* Sapient. 6. cap. vers. 14. *Præoccupat qui se concupiscunt, ut illis se prior ostendat.* Nunquam ipse subsequitur, ipse prior stat, ipse prævenit; nos illum non expectamus; ipse nos expectat; talis est suus amor, sic nos diligit & amat. *Quasi diluvium preparatus est gressus ejus* ait Osee cap. 6. vers. 3. Pagninus legit, *Velut Aurora*; quia dormientibus nobis, ac in culparum cubili stertentibus, ipse luce sua prævenit, suis radius excitat, ut surgamus & veniamus. Lucidissimi radii, sunt suavissima illa verba, quibus in hod. Evang. omnes ad se invitat, *Venite ad me omnes &c.*

§. 3.
Christus D.
primus nos
diligit,
quam ut
nos diligamus.

Quantumcunque nos Christum Salvatorem nostrum diligamus, ut diligere obligamur innumeris titulis; tamen verissimum est, quod ait S. Paulus, *prior ipse dilexit nos*. Summa nostra felicitas, quæ in eo consistit in hac vita, quod Deum & Chri-

Christum amemus, ipsi est atcribenda; nisi ille præveniret, nisi prior ad se nos invitaret, nisi prior diligeret, nunquam nos diligeremus. Nemo ad illum veniet, nisi ipsi prius dicat, Veni; nemo diliget, nisi prior diligat. Agnovit hoc mysterium mutui amoris inter CHRISTUM & nos amans sponsa, cum dixit Cant. 1. vers. 12. *Dilectus meus mihi & ego illi.* q. d. dilectus meus prius cor suum & amorem suum mihi obtulit, deinde ego amavi. Ipse prior se mihi dulcissimi amoris vinculo colligavit, deinde ego. Prior se, & sua mihi donavit, modo ego me & omnia mea illi dono. Duo observavit sanctus Bernardus in hæc verba, sermone 69. in Cant. ---- 1. Prudens sponsa scivit se præventam à dilecto. 2. Non dubitavit se amari ab eo quem amat. Altissimè cupio mentibus nostris insculptam binam hanc veritatem. 1. dicamus in omnibus cum sancto Paulo; *Prior ipse dilexit nos.* 2. Amemus illum ex toto corde, &c. Et non dubitemus nos amari ab illo, quem amamus.

Naturam, proprietatem, vel potius amorem Christi Domini iterum suavissimè describit sanctus Bernardus super verba Proverbiorum capite 8. versu 17. *Ego diligentes me diligo, & qui mane vigilarerint ad me, invenient me;* sic ait. *Vides quomodo non solum de amore suo certum te reddat si quidem tu ames illum; sed etiam de sollicitudine sua quam pro te gerit, si te senserit sollicitum sui.* *Vigilas tu, vigilat & ille; con- surge in nocte in principio vigiliarum tuarum, accelera quantum vis- invenies eum non prævenies.* *Temerè in tali negotio, vel quid prius aliquid, tribuis tibi, vel plus. Et magis amat, & plus.* Libenter hoc sacratissimo tempore quadragesimæ utor hoc loco sancti Bernardi, quia proponit illos actus amoris, erga Christum quos desidero in meis Auditoribus. 1. Ut hoc tempore sollicitudo & cura nostra sit, ut amore prosequamur Christum. Ut sollicitudo & cura nostra sit, ut illi placeamus. Ut sollicitudo & cura nostra sit, ut aliquid cum illo & pro illo patiamur. Ut simus solliciti ut rigide & Christiano modo

9. 4. *Sollicitus est de nobis, si nos solliciti simus, ut illum amemus, Prior amat & nos amat.*

servemus jejunium. Ut simus solliciti, ut membranostra non nihil mortificemus. Ut vigilemus, ne forte offendamus. Ut si unquam, modo mane surgamus ad audiendum sacrum &c. Sed simus certi, nihil ex his fieret, nisi ipse nos praveniret, nisi vocaret, nisi prior diligeret, nisi ex hac dilectione gratiam suam adjuvatricem offerret. Posita autem hac vocatione, quæ nunquam deest, si solliciti simus, ipse magis sollicitus est de nobis. Si vigilemus, magis ipse vigilat pro nobis. Prior amat, & plus amat.

§.5.
Raphael,
socius To-
bia in iu-
nere.

Omnes norunt quam suavis fuerit Providentia D. erga utrumque Tobiam, & seniore & juniore cap. 5. v. 4. 5. Pater Senex moriturus filio proponit, ut prius pergat ad Gabelum exacturus debitam pecuniam; sed junior Tobias duo objecit, se ignorare, & Gabelum, & viam. *Ego cum ignoro, sed neque viam qua pergatur illuc, aliquando cognovi*, jussu parentis abit filius in forum quæsiturus hominem à quo deducatur. &—*juvenis juvenem splendidum stantem, praeinctum, & quasi paratum ad ambulandum*, singula habent emphasin. *juvenem*, fortem, valentem qui possit illum juvare. *Splendidum*) formosum, amabilem, qui possit illum consolari, si quando labor itineris hoc expetiisset. *Stantem*) alacrem, ad sustinendos labores. *praeinctum*, sive promptum ad ambulandum. Scio quam eleganter SS. PP. hoc loco utantur in materia de servitiis Angelorum erga suos clientes.

§.6.
Fuit figura
Christi D.
qui nobis
in via cru-
cis est si-
dissimus
comes,

Mihi hic juvenis videtur fuisse figura ipsiusmet Christi Domini, vocat nos in hod. Evang. ad se; hortatur ut tollamus super nos jugum suum, ait illud esse suave; & quomodo non esset suave, cum ipse se offerat in socium. Et qualis comes? fortissimus. qualis comes? splendidissimus, totus suavis, totus amabilis. in Societate Jesu, quod jugum potest esse grave. qualis comes? semper paratus ad ambulandum. Perge anima pone super te jugum humilitatis. Suave est, quia Jesus simul portavit, & portat tecum per suam gratiam. (hoc modo fac p. inductionem, de jugo obedientiae, & patientiae) sed hoc in superiori historia præcipue notate. Ille juvenis prior fuit in foro, quam Tobias

Tobias eo veniret. prior fuit præcinctus, prior stetit, paratus ad iter, quàm ille. Unde hoc, nisi quia *Magis amat, & ante? & inveniendus illum, sed non preveniendus*, ait S. Bern.

Talis est Deus noster, erga illos qui quærunt illum; talis est amor Christi erga illos qui solliciti sunt, ut inveniant illum. Sed major adhuc est hic amor, quod etiam à se fugientibus, dicat, *Venite ad me omnes &c.* quinam enim magis fugiunt, & elongant se à Christo, quàm qui quotidie se onerant novo pondere peccatorum. Hæc est infinita caritas Christi, erga hominem, quod non solum præoccupet, qui se concupiscunt, ut inquit sapiens, sed etiam ipsum non concupiscentes, imò ab illo elongantur, eos insequendo, vocando; quæ est illa misericordia quàm tanti fecit David, cum dixit ps. 22. *Et misericordia tua subsequetur me omnibus diebus vite meæ.* Theodoretus sic legit. *Persequetur me* scilicet noctu, diu, incessanter, perseveranter, palam, in abscondito, ut merito de hoc amore Christi D. dixerit S. Dion. Areop. de div. nominibus, *amor Christi est beneficus insidiator*, ut scilicet rapiat cor, & rapit, dum ad se trahit; neque unquam cessat, donec pertingat, et si millies obsurdescat homo suaque claudat aures, ne intelligat, fugiendo ab illo. Sed insequitur, persequitur, donec rapiat. figura fuit Jonas. fugit, Deus insequitur; ascendit navim, adest Deus in navi. Dormit Jonas, non dormit insequens illū Deus, projicitur in mare, sed præparatus à Deo cetus illum suscepit & deportavit ad litus; tum Jonas cessit Deo vocanti. fit hoc quotidie Audit. (applica p.) Hæc est infinita Christi caritas.

Sed non vocat tantum! Si tandem misericordia & D. providentia, si insidiator amor triumphet, ut Jonas, vel aliquis peccator, audiat vocantem, si tollat super se jugum pœnitentiæ; tam simul est socius in itinere solatur, juvat, ut jugum sit suave & onus lene. Ut anima pœnitens dicat cum gaudio, cum regio psalte ps. 58. v. 10. *Fortitudinem meam à te custodiam.* Campensis sic legit. *Robur meum tibi acceptum fero* quidquid sum, quidquid valeo, omnes vires meas Deo meo reservabo & impendam. Portabo jugum mihi impositum (addit causam)

Quia

§. 7.
Tanta est
caritas
Christi, ut
à se fugien-
tes in se-
quatur, &
vocet ad
pœnitenti-
am.

§. 8.
Reverten-
tes eodem
amore re-
cipit.

Quia Deus susceptor meus est. Campensis, propugnator meus est. Pratenfis, Protectio mea. D. Hier. Elevator meus est. Pagninus, Tu Deus elevatio mea. Frequenter admiror cum cogito, quam aliqui ferventer serviant Deo; quale jugum mortificationis super illos jaceat, quale jugum paupertatis &c. & pergunt in via crucis, cum gaudio &c. imò currunt viam mandatorum Dei; cessat admiratio cum audio Davidem. Deus, Christus Jesus vocavit ad jugum suum, Christus D. venientes excepit. Susceptor illorum est. Inter hostes protegit illos. Ita! grave est jugum paupertatis, sed elevat illud Jesus (hoc modo fac p. induct.) sed denique post omnia addit David, quod initio dixi. *Deus meus, misericordia ejus praeveniet me.* Prior & plus dilexit nos.

S. 9.
Vocantem
oportet au-
dire & se-
qui.


Ex nostra verò parte necesse est, vel requiritur, ut citò audiamus vocantem, & Christo D. dum se nobis prior ostendit mature occurramus: sive, ut vocationi cooperemur. Vocat nos Christus, ut salvemur, sed non vult nos salvare sine nobis. Joannis 7. in octavo die scenopegiae, solennissimi festi apud Judaeos, in concursu ingentis populi, ex eminenti loco Christus D. ut ab omnibus videretur, atque conspectus facilius intelligeretur, ut ait Maldonatus, alta voce clamavit, *Si quis sitit, veniat ad me & bibat.* Non tamen hæc dixit, *necessitate aut violentia attrahendo, sed desiderium multum habens, vocando.* inquit S. Chrysost. in catena D. Th. Itaque Christus D. (ait Maldon.) aperit & ostendit omnibus fontem gratiae suae, ex quo qui non biberit, salvus esse non poterit. Verum sicut sitis alicujus non sedatur, etsi scaturiat fons, etsi rivulus præterlabens invitet sitibundum ad bibendum, sed necesse est, ut manum applicet, ut hauriat, ut bibat &c. sic in re spirituali non sitis est Christum D. nobis aperire fontes salutis, non satis est nos invitari, sed re ipsa necesse est, ut bibamus, ut vocationi cooperemur. hoc verum est, quod in omni opere bono nos non incipimus (Christus sua gratia incipit) sed postea per Dei misericordiam adjuvamus. Ipse nobis nullis præcedentibus meritis fidem & amorem sui nobis inspirat, ut post cum ipsius adjutorio, quæ sibi sunt

sunt placita, adimplere possimus. S. Aug. p. simili declarat; si oculus corporis etiam plenissimè sanus nisi candore lucis adjutus, non potest cernere; sic etiam perfectissimè justificatus, nisi æterna luce justitiæ divinitus adjuvetur. Sed & hoc observandum est. Sicut non sufficit ut quis videat, si sol luceat; sed ipse quoque oculos debet aperire. S. Ambr. in pl. 118. *Nunquid si quis domus suæ ostia claudat solis est culpa, quod non illuminet domum illam*; ita, non satis est &c. applica. Sponsa petit à sponso ut trahatur; sed simul ait quod velit currere in odorem unguentorum ejus; Nos trahi volumus, & putamus hoc satis esse, et si curramus post vestigia, non Christi, sed hædorum, manifestus est hic error.

Nunquid illum ad cordis tui fores stantem, easque ut ingredi possit, pulsantem audis? Apoc. 3. v. 20. *Ecce sto ad ostium & pulso*. Et quomodo? Per excitationem, scilicet terrendo per considerationem pœnæ, vel immittendo dolorem de peccatis, vel vocando per prædicatores, inquit S. Th. At verò si tu ostium non aperias, imò obstes, quò minus ingredi possit, obsecrando fores, eique ingressum in cor tuum negando; sufficietne illum pulsasse? Quid si dum aperire reluctans, sponsus trans-eat, ut accidit sponsæ Cant. 5. At ille declinaverat, atque transierat &c.--Si quis ergo non aperuerit, nunquid non ingredientis, & non magis non aperientis est culpa, ait S. Ambros. Clarum est, Vocationem, præventionem, excitationem Christi; ex infinito amore, ex infinita misericordia, non sufficere. nisi gratiæ vocanti cooperemur, quæ duo hac concione volui ostendere. Salus hominis, negotium est, & divini operationis, & humanæ diligentia, dixit

S. Aug.

§. 10.
Christus
D. variis
modis pul-
sat ad osti-
um cordis.



CONCIO LXIII.

FESTO S. JOSEPHI SPONSI B. VIRG.

Nemo natus est in terris—ut Ioseph.

Ecclesiastici. 49. cap. v. 16.

SYNOPSIS: CONCIONIS.

PROponit radicem, sive causam, ingentis sanctitatis in S. Iosepho, ob excellentissimum ejus munus. Miscentur varia eximia elogia: posterior pars ostendit, quàm apud Deum sit potens & efficax ejus intercessio.

- | | |
|---|--|
| §. 1. <i>Elogia magnorum virorum ex Ecclesiastico.</i> | <i>Iosephi, quod fuerit sponsus & maritus Maria.</i> |
| §. 2. <i>Radix ingentis sanctitatis in S. Iosepho, fuit ejus munus & officium.</i> | §. 5. <i>Elogia S. Iosephi ex S. Bernardino superat omnes sanctos.</i> |
| §. 3. <i>Summa gloria Philippi fuit, quod filium habuerit Alexandrum: pariratione &c.</i> | §. 6. <i>S. Iosephus apud Deum potens est patronus.</i> |
| §. 4. <i>Summa quoque gloria S.</i> | §. 7. <i>Testimonia Sanctæ Theresiæ.</i> |

§. 1.
Elogia magnorum virorum.

Tertiam partem libri, qui dicitur Ecclesiasticus, à c. 44. usq; ad finem, codicis Græci, antiqui vocant, *Hymnum Patrum*, Tigurina, *Majorum laudes*. sicut enim ait Jesu filius, qui est auctor libri Sirach v. 1. cit. cap. *Laudemus viros gloriosos, & parentes nostros in generatione sua*. Scilicet Patriarchas, Prophetas, Duces, Reges. Vocat deinde illos magnos divites in virtute, præditos prudentia; viros misericordiæ, perfectos,

fectos, dilectos Deo, fideles quorum memoria est in benedictione, qui de omni corde suo laudarunt Dominum & in conspectu ejus ambularunt in timore & sanctitate. Alibi Virtutes illorum & zelus sapientiæ comparantur auroræ, soli, lunæ, stellis, auro, ardentibus faculis, argento, gemmis; pulcris & fecundis arboribus, cedro, cypresso, palmæ, rosæ, similibusque plantis. Tales viri fuerunt, illo ordine quem servat sacer textus, Henoch, Noe, Abraham, Isaac, Jacob, Moyses, Aaron, Phinees, Josue, Caleb, Samuel, Nathan, David, Elias, Eliaſus, Ezechias, Josias, Ezechiel, 12. Prophetæ, Zorobabel, Jesu filii Josedec, & Nehemias, tandem cap. 48. vers. 16. & 17. *Nemo natus est in terris, qualis Henoch, neque ut Joseph.* quibus verbis virum sanctissimum, Josephum, quem in ordine Siracides omiserat, comparat cum Enoch; hic sua pietate mirè placuit Deo; & Joseph. Enoch, idem est quod dedicatio, & Joseph; Enoch Nazareus, & Joseph: fuit totus dedicatus Deo. Enoch ob suam sanctitatem multa fuit passus, & Joseph. Unde Arabicus vertit, *None & genitus in mulieribus, ut Joseph, in præstanti patientia sua.* Enoch fuit magnus dives in sanctitate & omnibus virtutibus, talis fuit Joseph; & talis esse debuit, ut esset figura magni Josephi in N. T. Sponsi B. V. viri tantæ sanctitatis, tot beneficiis ornati, ut merito dicere possim. Nemo fuit in terris qualis Joseph. Ostendam breviter hod. ejus festo. fuisse virum sanctissimum; & esse hodie potentem, ut à Jesu filio suo quidvis impetret.

Fontem & radicem ingentis sanctitatis & perfectionis, quâ præditus fuit S. Josephus, invenio in principio quodam Theologico, Angelici Doctoris, S. Thomæ, super cap. 8. ep. S. Pauli ad Rom. ubi ait: *Deus unicuique sancto, confert sanctitatem, & gratiam ei muneri accommodatam, in quo illum constituit.* addit S. Bernardinus *ut patet in Abraham, Isaac, Jacob, Josepho, Moysè &c. officium,* patet etiam in N. T. in Virgine benedicta, in Apostolis, in religionum institutoribus. *Quod maxime verificatum est in S. Josepho, qui ab aeterno Patre electus est,* ut esset sponsus & maritus Mariæ, Nutritius Jesu, Comes, Solatium, Mariæ; ut ipsius Sp. S.

testimonio esset vir justus, cui Dominus dominantium in terris esset subditus, cui regina cœli ministravit, cui Iesulus diceret, Pater! in cuius brachiis & gremio tanquam in solio & throno resideret &c. ideo dubitare non possumus, tali viro, à Deo præparatum fuisse altissimum gradum sanctitatis. Proinde sicut dicere possumus cum veritate, nemo alius in terris fuit desponsus Mariæ, neque alius Dei in terris fuit Pater, nemo alius nutritivit & educavit filium Dei; ita dicere debemus, Nemo alius fuit in terris, sicut Ioseph, in gratia, in sanctitate, & cœlestium charismatum abundantia. Mihi certissima causa magnæ sanctitatis est, quod fuerit peculiari ratione, quali nemo alius, Pater Filii Dei.

§. 3.

*Summa
gloria Phi-
lippi fuit,
quod fili-
um habue-
rit Alexan-
dri; pari
ratione
&c.*

Cum Sabellicus laudavit Philippum Regem Macedoniæ, inter alia dixit: Rex potentissime, nihil dicam de tua potentia &c. *Hoc unum dixisse sufficiat, filium te habere Alexandrum.* O mi gloriosissime & amantissime Pater & Patrone, S. Iosephi; neque ego modo multa dicā de tua sanctitate, de tuis gratiis, de tuis laudibus. Iibri, Conc. homiliæ, &c. sunt illis plenæ; hoc unum dixisse sufficiat, *Filium te habere Iesum.* de quo non dubito, quod illam tibi dederit sanctitatem, ei muneri accomodatam, ad quod te ex millibus elegit. Justinus refert l. 10. hist. Regem Ptolemæum cum filio cederet regnum, dixisse. *Omni regno pulcrius est, Regis esse Patrem.* qualis gloria est S. Iosepho fuisse Patrem Regem Regum. Nemo alius in terris fuit Pater Christi &c. sicut Ioseph.

§. 4.

*Summa
gloria S.
Iosephi,
quod fuerit
sponsus &
maritus
Mariæ.*

Cum S. Gregorius Naz. in concione funebri laudare vellet maritum suæ sororis Gorgoniæ, tandem dixit: *Vultis uno verbo virum describam? Vir erat Gorgonie.* (tam sanctæ feminae) *nec enim scio, quid amplius dicere necesse sit.* Vultis à me hodie audire quanta fuerit sanctitas S. Iosephi? quàm pura ejus Virginitas &c. Vultis verbo describam? fuit sponsus & maritus Mariæ. Sponsa fuit Virgo, & sponsus. Sponsa humillima, & sponsus (fac p. inductionem) nec scio, quid amplius sit necesse dicere. Nemo alius hoc titulo fuit ejus sponsus. Solus ille fuit electus ad tantum munus. puto quoque in sanctitate, neminem alium fuisse in ter-

in terris, sicut fuit Joseph. Aliqui SS. Patres dixerunt, *Decuit ut Maria, tanta puritate niteret, quæ sub Deo major nequeat intelligi.* Addunt, Gerson & alii piissimi viri, *ita decuit ut Joseph tanta prærogativa polleret, quæ similitudinem & convenientiam exprimeret, talis sponsi ad talem sponsam, de qua natus est Iesus, qui vocatur Christus. Joseph fuit super omnes homines purus; similis Virgini gloriosa Vir fuit Maria; & nemo alius in terris illi similior, quam Joseph.*

Placuit hic discursus supra modum S. Bernardino, quem ^{§ 5. Elegia S. Josephi, ex S. Bernardino.} *Quomodo cogitare potest mens discreta, quod Sp. S. tanta unione (scilicet conjugii) uniret menti tanta Virginis aliquam animam nisi & virtutum operatione simillimam? Vnde credo Joseph fuisse mundissimum in Virginitate, profundissimum in humilitate, ardentissimum in caritate, altissimum in contemplatione, ut esset adiutorium simile Virgini.* Hac scilicet prærogativa S. Joseph supereminet, omnibus aliis sanctis. Memini alicujus exhortationis, quam ante annos 34. audiavi in Galliis, à viro amantissimo S. Josephi. Fuit illa exhortatio, quoddam iter, per cælum, per omnes sanctorum Angelorumq; Ordines inter quos quæsit S. Josephum. Quæsi, aiebat, inter Angelos, Arch. & Principatus, non inveni. Quæsi inter Potestates, Virtutes, Dominationes, non inveni. Quæsi inter Thronos, Cherubinos, Seraph. non inveni. Plus est Joseph, quàm Ang. quàm Archang. &c. Quæsi inter Virg. Confess. MM. Apost. Proph. Patriarchas; neminem inter omnes inveni, de quo dici potest, desponsatus Mariæ, Pater Jesu &c. In altissimo tandem throno gloriæ, apud conjugem sponsam, apud filiū Jesum, supra reliquos SS. invenit S. Josephum hoc titulo, plus est quàm Patr. plus quàm Prophetæ &c. quis dubitare potest, fuisse illi collatam sanctitatem, accommodatam huic muneri. Nemo natus est, qui pertineat ad hanc Trinitatem. &c. Gerson. sermone de Nativitate P. V. *Cuperem ut verba mihi suppeterent, ad explicandum tantum mysterium, tam admirandam, venerandamque Trinitatem, I E S V S, Maria, Joseph.*


§. 6.
S. Iosephus
apud Deum
potens est
patronus.

Prout S. Ioseph magnus est in sanctitate, gloriosus in gloria, vicinissimus Filio & sponsæ, ita potens est ejus intercessio apud eosdem pro illis à quibus amatur & colitur. Causam advertit Gerson. *Quanta fiducia Ioseph! quanta in eo vis imperandi: quia dum vir uxorem; dum Pater Filium orat, velut imperium deputatur.* Nemo natus est in terra, qui hoc titulo in cœlis aliquid petere possit à filio, vel à sponsa; Nemo etiam est in cœlis, vel in terris, qui hac prærogativa gaudeat, ut Ioseph. Ideo benedixit & scripsit S. Theresia: *In patronum & Dominum selegi gloriosum virum S. Iosephum ejusque me patrocinio unice commendavi. Liquido deinde perspexi sanctum hunc Patrem, & Dominum meum, tum ab hac me necessitate, aliisque majoribus, in quibus de anima mea & honore & perditione agebatur, liberasse;* subdit.

§. 7.
Testimonia
S. Theresia.

Neque memini me aliquid ab eo petiisse, cujus me compotem non fecerit. Nam aliis sanctis Deus gratiam dedisse videtur, ut in una necessitate invocantibus se opitulentur, sed hunc gloriosum virum ego experta sum in qualibet necessitate adjuvare, & adesse. *Adeo ut Dominus nobis indicare velle videatur, quod quemadmodum illi in terra viventi subditus fuit sic ei existenti in cœlo nil eorum qua petierit denegat.* Sunt hæc eadem verba Ang. D. S. Thomæ. Quod etiam alii, quibus ut in se commendarent, suam fore experti sunt. Ausa præterea fuit dicere, neminem novum cultorem S. Iosephi, qui ejus ope, in virtute non profecerit. Eidem fuit revelatum, quod tanta dona, tum mirabilem sanctitatem, flammæ seraphicas obtinuerit, intercessione S. Iosephi. Iterum fuit fassa; singulis annis ejus festo aliquid peculiare soleo petere; videoque adimpleri. *Denique hoc solum inquit, ex amore Dei peto, ut qua qui mihi dicenti non credit, experiri velit.* Idem hodie à vobis peto auditores. quod dum peto occurrunt mihi verba ex v. 55. c. 41. Genesis. *Ite ad Ioseph, & quidquid ipse dixerit, facite.* Ipsum quippe constituit dominum domus suæ, & principem omnis possessionis suæ. Suntne inter vos ægri &c. Ite ad Ioseph. hoc modo fac p. induc &c. Finio verbis Isidori Iscllem in hist. Orientali, Benedicite O populi S. Iosephum (scili-

FESTO ANNUNCIATIONIS B. V. MARIE. 569
(scilicet de PP. &c.) ut benedictionibus repleamini; qui enim
benedixerit illi, erit & ille benedictus.



CONCIO LXIV.

FESTO ANNUNCIATIONIS B. V. M A R I Æ.

Ave gratia plena : Dominus tecum.

Luc. i. cap. v. 28.

SYNOPSIS CONCIONIS.

Verbum Caro factum in utero Virginis, fuit suavissimus & dulcissimus infans, qui benedictæ Matris cor & animam ineffabili replevit gaudio; cujus & nos, per amorem Jesu & Mariæ possumus esse participes. Miscentur plurima, Jesuli & magnæ Matris Elogia.

- | | |
|---|---|
| §. 1. Festo Annuntiationis Maria facta est Mater Dei. | implevit cælestibus deliciis. |
| §. 2. Matre Dei, post Deum excellentior creatura dari non potest. | §. 6. Verbum caro factum reddit nobis Paradisum, siue, Iesus & Maria, sunt Paradisus. |
| §. 3. Verbum caro factum in utero Virginis, momento fuit infans, & simul vir perfectus. | §. 7. Alphabetum Elogiorum, quibus sancti Patres, expriment ineffabile gaudium Mariæ in incarnatione filii. |
| §. 4. Examina enim circumdedit virum. | §. 8. Cujus & nos possumus esse participes. Nobis quoque datus est Parvulus ille. |
| §. 5. Festum Annuntiationis fuit dies lætitiæ, qua dulcissimus infans in utero, matrem | §. 9. Iesulus liberalissimus effundit se instar aquæ. |

§. 10.

§. 10. *Verbum caro factum, ignis* | §. 11. *Ibi Iesus est, ibi sunt omnia*
est omnia accendens. | *bona.*

§. 1.
Festo An-
nuntiatio-
nis, Maria
est facta
Mater Dei.

Nullo die per annum, affectuosius & majori cum devotione ad Virginem cum Archangelo Gabriele dicendum nobis est, *Ave Maria Gratia plena, Dominus tecum*: quàm hodierno festo Annuntiationis Mariæ, & Incarnationis Filii Dei. Hodie enim, felix & verè beata Virgo, à sacrosancta Trinitate, ad divinissimum Incarnationis opus Mater Dei electa est: benedicta inter omnes mulieres, cui fecit magna, qui potens est; quam, super omnes creaturas elevatam, Angelis sublimiorem, sibi que proximam Deus esse voluit. *Hæc est enim* (S. Bernardus ser. 2. de Annunt.) *Virginis nostræ gloria singularis, & excellens prerogativa; quod filium unum, eundemque cum Deo Patre meruit habere communem.* Hom. 2. super Missus. *Quanta in terris gratia, in cælis gloria, quod Dei filius, factor hominum, ut homo fieret nasciturus de muliere talem ex omnibus sibi deligere debuit, imo condere matrem, qualem & se decere sciebat, & sibi noverat placituram. Voluit itaque virginem, de qua immaculata, immaculatus prodiret, omnium maculas purgaturus: voluit & humilem, de qua mitis & humilis corde procederet, harum virtutum in se necessarium omnibus saluberrimumque exemplum ostensurus.*

§. 2.
Mater Dei,
post Deum,
pura crea-
tura. excel-
lentior fieri
non potuit.

O admirabile opus! Dei Incarnatio: sive enim Deum spectes in humana carne, sive Virginem factam Dei Matrem, sive illam nostram, propter quam hæc facta sunt, salutem & gloriam, omnia reperies admiratione Deique sapientia, potentia, ac bonitate plenissima; Nam *Humanitas Christi ex hoc, quod est unita Deo; & beatitudo creata ex hoc, quod est ex fructuione Dei; & B. virgo ex hoc, quod est Mater Dei, habet quantam dignitatem infinitatem* (S. Th. 1. p. q. 15. art. 6.) *ex bono infinito, quod est Deus; & ex hac parte, non potest aliquid fieri melius eis, sicut non potest esse aliquid melius Deo.* Ave igitur millies, O Virgo, gratia plena; da mihi hodie de illa tua plenitudine, meis auditoribus aliqua de tua & filii tui Incarnati excellentia, bonitate & amore pro-

re proponam, quorum suavi recordatione impleatur memoria, illustretur cognitio, & cor inflammetur amore Jesu & Mariæ.

Placet, panegyrim hanc ordiri pulcerrimis & magnificis ^{93.} verbis Guarrici Abbatis ser. 1. de Annuntiat. *Regali siquidem* ^{Verbum ed- ro factum} *ex progenie Virgo electa est, generositatis quidem regia nobilis* ^{in utero v.} *proles, sed virtutis regia nobilior indoles, ut eterno Regi, Filio* ^{momento,} *Regis materna quoque nobilitas regium honorem defenderet, &* ^{fuit infa} *venientem à regali sede Patris, regalis etiam thronus in aula vi-* ^{& fir} *ginali Regina susceperet Matris. In ipsa quippe, & ex ipsa* ^{am.} *sapientia edificavit sibi domum; in qua die, prima miracula paradisi in creatione hominis, hodierna die renovata sunt. Vix Dominus dixerat, Genescos capite 1. versu 26. Faciamus hominem ad imaginem & similitudinem nostram, & temporis momento, Vidit, (ut D. Bas. Seleuc. orat. 2. loquitur) hominem immortali manu editum, & Dei digito ex tempore perfectum absolutumque simulacrum; vidit simul factum, simul Regem factum. Nam, præsens inquit piscibus maris &c. Uno eodemque momento Adamus perfectus fuit Rex & homo. In quo pulcerrimæ nobis delineata fuit incarnatio Filii Dei, in paradiso virginalis uteri, in quo, obumbrante virtute altissimi, secunda persona sanctissimæ Trinitatis, humanam naturam perfecti hominis. Et ita, quod prædixerat Jeremias cap. 23. vers. 5. uno momento, *Germinavit germen justum.* eodem momento, quod vaticinatus fuerat Isaias capite 2. vers. 1. *flos de radice ejus ascendit;* eodem momento ex prophetia psal. 66. vers. 7. *terra dedit fructum suum.* Et bene ait Guarricus Abbas. ser. 2. de Annuntiat. *simul vocatur germen, & flos, & fructus, qui sine gradu profectus ab initio conceptus sui omni virtute & gratia in se ipse extitit perfectus; novus Adam, non in paradiso, sed regia aula Virginalis uteri. Et hoc, (Aymon sermon. de Nativitat.) singulari gratia DE I Filio in homine, quem assumpsit, datum est à Patre, ut ex quo homo esse inciperet, perfectus esset DEVS, & perfectus homo.**

§ 4.
Femina
circumde-
dit virum.

Hoc hodierno festo, devotioni nostræ permissum est ut oculis mentis nostræ, in utero Virginis intueamur Deum factum hominem, in infantili specie; talis per novem menses in regia illa aula, inter lilia, cœlestis sponlus delitescibat; memonihilominus esse debemus versus cap. 31. v. 22. Jerem. *Creavit Dominus novum super terram: femina circumdabit virum.* S. Bern. hom. 2. super missus. *Vir fuit Iesus, necdum etiam natus; sed sapientia, non ætate; animi vigore, non viribus corporis; maturitate sensuum, non corpulentia membrorum: Nec enim minus habuit sapientia, vel potius, non minus fuit sapientia, Iesus conceptus, quàm natus, parvus quàm magnus. Sive latens in utero, sive vagiens in praesepio, sive jam grandiusculus interrogans Doctores in templo, sive jam perfecta ætatis docens in populo, æque perfecte plenus fuit Spir. S. ut merito dixerit sponsa Cant. 3. v. 11. Egredimini, & videte filia Sion regem Salomonem in diademate, quo coronavit eum Mater sua, in die desponsationis illius, & in die lætitiæ cordis ejus.* Dies hic lætitiæ Christo D. fuit dies hodierna; *Beatus verò est* (S. Ambr. de Virg. instit. c. 16.) *est Maria uterus, qui tantum Dominum coronavit, quando formavit. Coronavit eum, quando generavit; quia et si eum sine aliqua sui operatione formavit, quia Spir. S. supervenit in Virginem. tamen hoc ipso, quod ad omnium salutem, eum (hodie) concepit (deinde) peperit, coronam capiti ejus æterna pietatis imposuit; facta simul Dei Mater, & totius universi Domina ac Regina.*

§ 5.
Festum Annuntiationis, fuit dies lætitiæ, quæ dulcissimus infans in utero, matrem implevit celestibus deliciis.

Non sine causa dies Incarnationis, dies lætitiæ vocatur, ob abundantiam illius voluptatis, quæ cum plenitudine Divinitatis effusa est in viscera Matris. Carth. ser. 3. de annunt. *Cum Maria Dei filium concepisset, & portaret eum in utero, quis cogitare queat, quantis supernarum charismatibus gratiarum implebatur quotidie? Vere D. Ambrosius ait; Incomprehensibilis, incomprehensibiliter operabatur in matre. Implebat animam ejus sapientiæ salutaris splendoribus, caritatis divinæ ardoribus, divinæ contemplationum suavitatibus. Quod SS. Patres pulcris similibus exponunt. S. Ambr. ait, sol sapientiæ æternæ in mente genitricis suæ clarissime splenduit, calefecit-acceudit-gratiosissime & qua-*

& quasi continue! sol fuit Iesus. D. August. ser. 5. de Nativ. *Cœlestis propago germinabat in utero, & in eximio partu, viscera coruscabant;* illuminata scilicet à radiis solis Justitiæ, latentis in utero. Richardus Victor. l. 2. de Eman. p. 1. c. 23. Filii Dei ex quo cœpit homo esse, ab ipsa hora conceptionis suæ repletus est totius dulcedinis, totius suavitatis plenitudine, quasi torrente. *Iste parvulus-latens in utero-mellea quadam, & supercœlesti dulcedine* fuit plenus; quantum mellis, quantum suavitatis &c. exundasse putamus in beatissimam Virginem. Ut meritò Proclus orat. in conc. Ephes. habita dixerit, *Hæc spiritualis secundi Adam Paradisus.* & D. Bas. Seleuc. orat. de Annunt. *Ave, perpetua virens castimonia Paradisus; in qua vitæ lignum plantatum omnibus salutis fructum fundit. Ex qua itidem quadripartitus-gratiarum fons dimanans, mortalibus miserationum fluente uberrimè emittit.* Amedeus hom. 7. de laud. Mariæ; *Quo favens se verteret, Paradisus erat.* Proinde & hodie nemo est, qui colat & amet, Dei Matrem cui suavissima Virgo non sit paradisus; quem & ipsa non repleat cœlesti dulcedine.

Per peccatum Adamus perdidit humani generis vitam felicissimam; perdidit nobis deliciosissimum Paradisum, ut qui vixissemus sub suavissima umbra arboris vitæ, sedeamus & gemamus miseri filii Adæ, sub umbra mortis. O felicissimam diem hodiernam, qua f. ius Dei in utero Virginis factus est homo, & simul cœlestis Paradisus, aut locus incredibilis voluptatis; quidquid enim dulce, quidquid suave, quidquid delectabile, quidquid vitale habuit Paradisus, eminentiori modo in se cōtinet Deus infans in utero Virginis: Hinc Andreas Ep. ser. de annunt. suavissimis his verbis alloquitur Mariam: *Vere tu benedicta, viridi salutis nostræ ligni Paradisus, quæ ipsum horti Edem colonum, Christum in te habes.* (non possum quin filum horum verborum interrumpam, ut exclamem; audite cœli, Maria in utero concepit, & habet in se infantem Deum. Jubilate Seraphini cum omnibus cœlestium spirituum choris; Maria habet in se Christum; Exultate terrigenæ, psallite, cantate Ave Maria! quæ Deum infantem in te habes! quid inde? pergit cit. Auctor)

S. 6.
Verbum
caro factum
redidit nobis
Paradisum
sive Iesus
& Maria
sunt Paradisus.

Christum in te habes; qui ineffabili quadam potentia fluminis instar uterum tuum ingressus, illum irrigavit. Benedicta tu in mulieribus, & benedictus fructus ventris tui. Fructus, de quo comedens Adamus evomuit veterem illam devorationem, qua deceptionis escam sumpserat. Fructus, unde ceu ex fonte, defluit amarulenta ligni digestionis, quadam condultoratio. Ecce, ubi Jesus descendit in uterum Mariæ, totus uterus videtur factus Paradisus; & cur non sit Paradisus virgineus uterus, in quo est Jesus habens in se delicias Paradisi. In Jesu enim fons gratiarum est, Jesus vitæ lignum est; habens fructum qui venena fugat, & omnem amaritudinem expellit. Ut Deus infans cum sapientia dicere possit, ex c. 24. v. 40. Eccles. Ego sapientia effudi flumina. Ego quasi trames aqua immensa, defluo. Ego quasi fluvius Dorix. Et sicut aqua ductus exiit de Paradiso. Et quo nisi in uterum Virginis?

*§. 7.
Alphabe-
tum Ele-
giarum,
quibus SS.
PP. expri-
munt ineffabile gau-
dium Ma-
rie in In-
carnatione*

In hoc fluvio voluptatis, sancti Patres invenerunt tot lucidas Margaritas, sive elogia, quibus conati sunt saltem verbis exprimere, ineffabile illud gaudium; quo B. V. in Incarnatione filii Dei delibata fuit. Ideo vocant Mariam: Abyssum deliciarum. Januam Paradisi. Aquæ ductum fontis Dei Patris in nos. Areolam aromatum. Balsamum inæstimabiliter redolens. Clavem gemmeam, quæ referat paradisum. Cælum novum & totum gloriosum. Dapiferam deliciarum Dei. Dulcedo credentium animarum. Dulcedinem, dulcedinis. Dulcedo omnæ dulcedinem vincens. Exultatione cæli. Favum mellis, Florem veris; florem florum. Floram amœnissimam. Fluven & fluvium suavitatis. Fontem fontis vivi. Fontem inexhaustum aquæ viventis. Fontem uberrimum gratiarum. Fontem totius consolationis. Fontem dulcissimum miserationum. Fontem propensionis Jesuli infantis erga homines. Fontem ascendentem de terra, ad irrigandum & exhilarandum. Paradisum, sive cælum, sive terra paradisus sit. Gaudium commune mundi. Gaudium Angelorum. Gaudium plenum post Deum. Gaudium amœnissimum totius Trinitatis. Genitricem immensi gaudii. Hortum Patris. Hortum conclusum, virentem deli-
ciis

ciis cœlestibus. Incensum redolens. Lætitiâ indefinentem. Lætitiâ cordis nostri. Læctulum floridum pulcherrimi sponsi. Lilium cœlesti odore omnia perfundens. Mamillam parvulorum. Matrem Dei dulcissimam. Matrem amabilem & piarum consolationum. Nardum odoris. Oblectamentum terrigenarum omnium. Palatium animatum Regis Angelorum. Paradisum animatum, novum, cœlestem. Paradisum voluptatis. Pelagum gaudii inexhausti. Petram mellē, id est, Verbo fluentem. Promam lætitiæ. Quietem tranquillam & portum navigantium. Radicem omnium bonorum. Reclinatorium aureum, in quo Deus quietem invenit. Rorem divinum. Rosam vernantem cœlicæ amœnitatis. Rosam sine spinis. Sacellum spiritus sancti. Sacrarium plenitudinis totius Divinitatis solatium cordis nostri ineffabile. Templum divinitatis. Terram benedictam, germinantem Salvatorem. Vellus Gedeonis. Venam aquarum. Vineam, cujus botrus Christus. Violam fragrantissimam divinæ suavitatis. Virginem affluentissimam deliciis cœlorum. Vitem, quæ racemum aluit, stillantem vinum, quo exhilarantur animæ. Umbraculum amœnissimum Spiritus S. Ulnam gestantem manna cœli. Deum bonum! Quot SS. Patres deningunt symbola, quot adducunt similia, quot utuntur verbis, phrasibus, similibus, ut explicent illud gaudium, quo in Incarnatione filii Dei delibuta fuit. Hodie enim, fuit abyssus deliciarum; hodie est aquæductus æterni fontis in nos derivans aquas &c. Adeste iterum filie Sion, egredimini, videte &c. In hac die desponsationis, & lætitiæ cordis.

Sed inter hæc elogia cupio vos esse memores Moniti, quod S. S.
 reperio apud Jobium Monachum l. 3. de incar. c. 17. *Idco car-* Cujus &
nem Dominus induit, & in mari Deitatis sue, nostre conditionis gas- nos possu-
tam suscepit, ut mortale à vita absorberetur; atq; in universo genus mus esse
beneficium effunderes. Non Mariæ tantum, sed omnib; nobis da- Nam &
 tus est. Pro nobis quoq; patet cœlestis ille paradisus, illa abyssus nobis Chri-
 &c. (potest fieri pulcra repetitio per brevē cōglobationē priorū sui datus
 est. est.
 elogiorū) ideo S. Joh. dixit. i. v. 14. *Verbum caro factū est, & habita-*

vit in nobis. Theodotus hom. 2. de Nat. Si enim dignum Deo habitaculum, te ipsum constitueris, in te quoque habitatum descendet, etsi non ad eum modum, quo in Christum, (vel B. Virginem.) In Christo namq. omnis Divinitatis plenitudo inhabitat. Sed, O rei miraculum! tota Divinitatis pulcritudo, in uno inhabitat corporaliter; & nihilo tamen secius reliqua omnia adimplet; & ita implet, ut universam creaturam excedat. Totus existit in uno, & à nullain-terim creatura separatur. Deus infans omnes vult exhilarare.

§. 9.
Jesulus li-
beralissi-
mus. Effun-
dit se instar
aqua.


Ea est liberalitas & beneficentia filii Dei venientis in carne, in hunc mundum, ut non sistat in una Virgine Matre, sed ut effundat se instar aquæ, in abyssum, in fontem Mariani uteri; sed mox inde se etiam effundat *super omne semen, & super omnem stirpem suam.* II. 44. v. 3. Et hoc, inquit Eusebius, *maximum divinitatis insigne est, posse simul omnes effundere, & integrum nihilo minus permanere.* Juxta illud S. Pauli ad Coloss. 2. v. 9. *In ipso inhabitat omnis plenitudo Divinitatis corporaliter, & estis in illo repleti.* Pulcram figuram habemus Gen. 17. v. 9. De Isaaco ait Dominus ad Abraham, *Ecce constituam pactum meum illi in fœdus sempiternum, & semini ejus post eum.* Non tamen hic sistit divina benedictio. Ismael quoque ejus factus fuit particeps. addit enim Dominus. *Super Ismael quoque exaudivite; Ecce benedicam ei, & augebo, & multiplicabo eum hodie.* Idem quoque hodierno festo contingit. Maria primo loco benedicta est inter omnes mulieres; ipsa primogenita est in gratia & gloria inter omnes sanctos; sed simul est Rebecca, sollicita pro filiis & clientibus suis, ut & ipsi à filio suo benedicantur in lætitia & exultatione. Verùm quis est modus obtinendi hanc benedictionem & lætitiā hodierno jucundissimo festo? Jam dudum quæstioni respondit S. Paulus ad Philip. 4. v. 4. *Gaudete in Domino semper.* Ante ipsum Abacuc c. 3. v. 18. *gaudebo in Deo Iesu meo.* Particula Jesus, vel Dominus, insinuat (D. Chrysost. h. 18. ad pop.) *continua voluptatis causam. Deum sicut oportet timens, & in ipso confidens* (dicam ego hodie, amans Jesulum & Mariam.) *Voluptatis radicem lucratus est, & omnem habet lætitiæ fontem.*

§. 10.
Verbum

Jesulus qui fons est, ob donorum cœlestium abundantiam, & su-

& supereffluentiam, ob eandem causam ignis dici potest: quod ^{caro factum ignis est. omnia accendens.} observavit D. Isidorus Pelus. l. 4. ep. 66. *Deus ignis dicitur; existimo quod propter abundantias, atq; divitias; quandoquidem unus ignis, mille lampadas accendat, nec minuat; sed alias iterum totidem, imo plures accendere valeat.* Talem ignem venit Deus mittere in terram. Seraphinos in cœlis, quotquot sunt, ipse accendit ardoribus, sempiternis purissimi amoris. Sed plures potest accendere: (sic de Cherubinis &c.) hodierna die, in terris decidit in uterum Virginis; quibus putamus ignibus arsisse virgineum ejus cor; sed alios quoque potest accendere. O si & nos simus purissimæ lampades, ut accendamus, ut amemus & amemur.

Ab hoc amore pendet nostra felicitas: de qua regius Psaltes dixit, ps. 127. v. 5. *Benedicat tibi Dominus ex Sion, & videas bona Ierusalem omnibus diebus vite tue.* D. Augustinus sic legit, ^{§. 11. ubi Iesus est, ibi sunt omnia bona.} *consoletur ergo te Deus, ut videas bona Ierusalem. Illa enim bona sunt. Quare sunt? quia eterna sunt; quare sunt? quia ibi est Rex.* Sed quando illum videbimus? quam diu interim sedebimus & flebimus super flumina Babylonis, in hac miseriarum valle? quis interim benedicit nobis? quis consolabitur nos? quæ interim habebimus bona? Ite animæ piæ, ad Dei Matrem! quia hodie in ejus utero verbum caro factum est, ibi Rex est; ibi Christus est, ibi Iesus est: in Maria, summum bonum est. Dummodo amemus Jesum & Mariam! Matrem & dulcissimum Filium: dummodo dicamus cum S. Paschasio l. de corp. & sang. Christi. *Nullum præter Christum amare novimus; quoniam summum bonum nostrum Christus est, & summa pulcritudo.* (Applica eadem tuo amoris, & Mariæ.



CONCIO LXV.

FERIA II. PASCHATIS.

Nonne hæc oportuit pati Christum, & ita intrare in gloriam suam.

Luc. 24. cap. v. 26.

SYNOPSIS CONCIONIS.

SI cum Christo glorioso, glorificari desideremus, oportet nos cum eodem prius pati.

- | | |
|--|--|
| <p>§. 1. <i>Crux post Resurrectionem Christi D. non est amplius infamis, sed gloriosa.</i></p> <p>§. 2. <i>Magnos sanctos permittit Deus vexari, ut fiant gloriosi.</i></p> <p>§. 3. <i>Adamus percussus, magis splendet.</i></p> <p>§. 4. <i>Talis Adamus fuit S. Paulus.</i></p> <p>§. 5. <i>Et Tobias. Aliqua similia.</i></p> <p>§. 6. <i>Prædestinati, per tribulationem, fieri debent similes capite suo Christo D. in gratia, in hoc mundo.</i></p> | <p>§. 7. <i>In altera vita in gloria.</i></p> <p>§. 8. <i>Quomodo sumus cohæredes Christi.</i></p> <p>§. 9. <i>Per calicem pertingimus ad maiestatem.</i></p> <p>§. 10. <i>Sumus cohæredes Christi conditionate, si cum illo patiamur.</i></p> <p>§. 11. <i>Latro alter compendiosam tenuit viam ad Paradisum: Viam crucis.</i></p> <p>§. 12. <i>Quinam digni sunt consolatione Christi D. quinam indigni.</i></p> |
|--|--|

§. 1.
Crux post
Resurre-
ctionem

A

Udivistis heri, quam Christo Domino gloriose à mortuis resurgenti fuerit gloriosum, per lignum crucis devicisse mortem, jugulasse peccatum, spoliasse infernum.

num, debellasse diabolum, redemisse & liberasse genus huma- *Christi non*
 num è miserrima captivitate & servitute. Hodiernum Evan- *amplius est*
 gelium, dum meminit gloriæ, in quam Christus intravit, insi- *infamius,*
 nuat signum imperii & principatus, lignum crucis, quod in pas- *sed glorie-*
 sione jacuit super humeros ejus hodie, in triumpho gloriæ gesta-
 ri in manibus ejus, in qua est potestas & imperium. Crux in
 gloriosa resurrectione, mutata est in sceptrum, & auream vir-
 gam Assveri, coram quo humiles Estheres, sive animæ piæ ho-
 die sese incurvant, & profundissima humilitate ejus Majesta-
 tem adorant. Sacrosancta Crux novi Salomonis, in sua magni-
 ficentia regius thronus est, in quem cœlestis Pater exaltavit il-
 lum & dedit illi nomen, *quod est super omne nomen.* Nam in no-
 mine Jesu, resurgentis à morte, omne genu flectitur, cœlesti-
 um, terrestrium & infernorum. Sacrosancta Crux, infame li-
 gnum, hodie mutata est in arcum triumphalem, in speciosissi-
 mam iridem, cui insidet Rex Regum, cui cœlum & terra acci-
 nunt, Apoc. 5. v. 12. *Dignus est agnus qui occisus est, accipere hono-*
rem, gloriam & benedictionem. Ut bene dixerit S. Joh. Damasc. l.
 4. c. 12. fidei orthod. *Inter omnia mirabilia, crucem esse admirabi-*
lissimam. Addo ego. Et Christi resurrectionem præcipuè cum
 hac circumstantia; Quod Christus D. filius Dei per mortem
 crucis, per tot tribulationes debuerit intrare in gloriam suam;
 ut sciamus, quod & nos oporteat pati, si aliquando cum glorio-
 so capite nostro glorificari velimus. Quod hac concione
 ostendam, non tamen ero immemor gloriosæ Resurre-
 ctionis.

Innumera exempla S. Scripturæ manifestè ostendunt, §. 2.
 Deum viris magnis, quos ad eximiam dignitatem & gloriam *Magnos*
 destinavit, præparasse varias tentationes & tribulationes, per *sanctos per-*
 quas ad nominis claritatem pervenerunt. Magnus fuit Abra- *mittis*
 ham; sed primum quod illi indixit, fuit tribulatio & labor. Gen. *Deum vexa-*
 12. v. 1. ait *Egrederere è domo Patris &c. Immola filium tuum Isaac,*
ejice Ismaelem, & similia &c. Sed pro solatio hæc addidit. *ut fiant*
gloriosi,
Et faciam te in gentem magnam, & magnificabo nomen
tuum. Nota sunt, quæ dici solent de Jacobo, de Josepho,

Alveus Tertius.

Dddd

de Da-

de Davide & similibus. quorum exempla, præcipue S. Pauli in N. T. considerans D. Chrysost. hom. 3. in ep. S. Pauli ad Rom. p. dixit. *Paulus inclaruit ab iis, qui ei incommodum moliebantur, insidiasque struebant. Sic Iob à plagis, sic Ieremias à lacu cæni, sic Noe à diluvio, sic Abel ab insidiis, sic Moyses à Iudæorum invidentia, sic unusquisque magnorum illorum virorum, non à requie, non à deliciis, verum ab afflictione, à tentationibus clari effecti sunt, & insignes coronas reportarunt.* His diebus vidimus, hodie videmus, à quibus inclaruerit Christus D. à laboribus, à doloribus, à spinis, à cruce: infamis mors fecit illum gloriosum in gloriosa resurrectione. Per hæc instrumenta, & nos, nostras coronas reportare debemus.

§. 3.
*Adamus
permissus
magis
splendet.*

Adamus inquit Origenes hom. 3. in Jerem. *quanto plus cæsus fuerit, tanto plus ejus virtutem splendescere scias.* Talis adamas, talis petra, talis silex his diebus fuit Christus D. percussus spinis, percussus alapis, percussus clavis, percussus cruce & lancea! tanto plus hodie in resurr. splendet, tanto splendidiores vibrat radios, tanto hodie lucet magis & pulcrius. Adamantes fortissimi sunt, qui cum tribulationis probentur ictibus & quotidie inter malleum, incudemque sint tunc magis eorum splendet virtus, clarioreque ipsi fiunt, lucidissimi adamantes usque ad admirationem.

§. 4.
*Talis adamas fuit
S. Paulus.*

Talis adamas fuit S. Paulus, percussus, tentatus, probatus tot adversitatibus, tot laboribus, tot periculis; sed qualis scintillæ ex hoc adamante? *Gaudeo in tribulationibus. Græcias autem Deo &c. 2. Cor. 4. v. 8. In omnibus tribulationem patimur, sed non angustiamur; aporiamur sed non destituimur, persecutionem patimur, sed non derelinquimur, dejicimur sed non perimus.* causam dedit alibi. Momentaneum & leve tribulationis, æternum gloriæ pondus operatur in nobis. Proinde, ut bene Origenes l. 4. in c. 5. ep. ad Rom. *Tribulatio justis, non angustiat animi ejus virtutem, sed dilatat;* præsertim cum memor est gloriæ Christi resurgentis in quam non intravit, nisi per tribulationem.

§. 5.
As Tobias.

Sacra scriptura valde laudat Tobiam, quod cæcitatem æquissimo tulerit animo c. 2. v. 17. Tob. *Non est contristatus con-*

tra

tra Deum, quod plaga cecitatis eveniret ei, sed immobilis (velut ada-
 mas) in Dei timore permansit, agens gratias Deo omnibus diebus vi-
 ta sua. Et sibi insultantibus dixit. Nolite ita loqui, quoniam filii
 sanctorum sumus, & vitam illam expectamus, quam Deus daturus
 est iis, qui fidem suam nunquam mutant ab eo. q. d. quid arguitis ex
 tribulatione malum, recordamini quia aliam vitam expecto,
 ad quam eo certius perventurus sum, quod hic majores sunt
 meae tribulationes. Addit S. Greg. Naz. orat. ad 150. Episco-
 pos. Ex hyeme Deus facit ver, ex tempestate tranquillitatem, ex tri-
 bulatione gloriam, vitam miseram sequitur altera beatissima.
 Hyems his diebus fuit passio; hodie est ver latissimae resurre-
 ctionis. fuit passio quædam tempesta aut bellum, hodie est dies
 pacis & summæ tranquillitatis. Tribulatio est via ad paradi-
 sum. Ad regnum Christus D. tenuit viam crucis, eandem &
 nos debemus ambulare. Qui murmurant, non sunt memores
 & exempli Christi, & alterius vitæ, quam expectamus.

Hunc versum ex hoc Evangelio, *Nonne hac oportuit &c.* §. 6.
 ut scilicet & nos cum Christo patiendo, cum eodem resurga-
 mus in gloriam, pulcre explicavit S. Paulus ad Rom. 8. vers. 29. *Prædesti-*
 Quos Deus ad gloriam elegit, hos præscivit & prædestinavit, confor-
 mes fieri imaginis filii sui. Non dubito quin hic omnibus occur-
 rat duplex imago Christi. Meministisne v. g. Christi sudantis *tribulatio-*
 sang. quam fuit tristis imago? Meministisne flagellationis, *nes debent*
 coronationis, Bajulationis crucis? quis istas imagines siccis *fieri similes*
 oculis, & sine compassione cordis aspicere potuit; ultimam *capiti suo*
 præsertim, in qua vidimus illum morientem in cruce? Tristes *Christo D.*
 imagines! sed revera in illis agnovit cœlestis Pater, imaginem *In gratia*
 filii sui, de qua loquitur S. Paulus. *in hoc*
mundo. *Idea, imago, forma, species* in
 qua hodie nobis objicitur imago resurgentis à morte, in glo-
 riosissimo corpore, cum sacrosanctis Vulneribus, quæ radiant
 veluti soles; imago inquam hæc Christi in gloria, tam est pul-
 cra, tam speciosa, tam divina, ut satis aspicere, intueri & admi-
 rari non possimus. Sed his positis redeo ad verba Apostoli,
 quæ S. Cyrillus & Orig. sic explicant. Quos Deus præscivit,
 sibi amicos & dilectos futuros per gratiam, hos etiam prædesti-

navit ut patientur, & per patientiam fiant similes filio suo, qui in hac vita tot labores, ærumnas & dolores sustinuit; ut conformitas imagini Christi in hac vita nil aliud sit, quàm nostra patientia, si aliquid pati debeamus. Tota enim vita Christi 33. annorum nihil fuit aliud, quàm speculum continuæ patientiæ, cui nos conformare debemus. quod sit, si subinde alligamur ad columnam, si coronemur spinis, si affigamur cruci. Gaudet Pater cœlestis nos videre in tali imagine.

§ 7.
*In altera
vita in
gloria,*

Sed sequitur alterum intallibiliter. erimus aliquando etiam similes & conformes imagini filii in gloria. Resurgemus cum Christo; conglorificabimur cum illo; fuimus filii per gratiam, erimus etiam in gloria 1. Cor. 3. v. 18. *Nos vero omnes (qui tribulamur &c.) revelata facie gloriam Domini speculantes in eandem imaginem transformabimur.* -- erimus similes illi. Quam volupe nobis est, si hoc lætissimo Paschali tempore tantum imaginemur nos videre Christum resurgentem cum lucidissimo corpore instar solis &c. quale erit gaudium cum & nos in lucidissimis corporibus, nō oculis fidei, sed facie ad faciem illū videbimus. qualis voluptas cordis, videre amœnissima vulnera in immortali corpore &c. quæ erit voluptas &c. (hoc modo potest fieri pulchra inductio.) Sed bene monuit Apostolus, antequam Redemptori nostro simus conformes in gloria, prius per patientiam in tribulationibus similes illi esse debemus qualis fuit in hac vita, *Nonne hac oportuit &c.*

§ 8.
*Quomodo
simi co-
heredes
Christi.*

Solatio plena sunt pauca verba Apostoli, Rom. 8. v. 17. *Hæredes sumus Dei, cohæredes autem Christi;* id est, erimus aliquando participes æternæ gloriæ. Card. Tolerus advertit non sine magna causa nominari Christum. nam inter hæreditatem bonorum hujus mundi, & hæreditatem gloriæ cœlestis, magna est differentia. Nascitur Monarchæ Hispaniarum filius primogenitus, eo ipso quod genitus est, quod est filius regis, est hæres regni, sine omni labore, sine omni merito. Hæc lex civilis non habet locum in hæreditate regni cœlestis, omnes filii & hæredes Dei sumus, & cohæredes fratris nostri Christi, sed antequam hæreditatis possessionem adeamus, debemus primus laborare,
ut Chri-

ut Christus laboravit &c. ideo statim eodem versu subdit Apostolus: *Si compatimur & conglorificabimur.* Card. Toletus hic. Conditionem quandam apponit Apostolus, ut hæreditatis possessionem adire possimus si modo compatimur, nimirum tribulationes, persecutiones, afflictiones patientes, sicut etiam ipse Christus *passus est, cujus cohæredes sumus, ut una cum ipso etiam conglorificemur, & hæreditate Dei perfruamur.*

Alia adhuc pulchra emphasis latet in his verbis, *cohæredes Christi.* Cur Christum nominat? Matthæi 19. Matri petenti dexteram & sinistram Christi in regno suo pro filiis, Respondit; *Calicem &c. sedere non est meum dare vobis.* Sed quomodo, nunquid Pater omnia tradidit filio &c. Euthymius p. explicat. Mater hæc petebat ante labores, ante passionem filiorum &c. Christi autem non est, sive non solet dare mercedem sine labore, coronam sine certamine &c. *per calicem pertingitur ad maiestatem* ait S. Greg. §. 9.
Per calicem
pertingi-
mus ad ma-
iestatem.

Confirmat hunc locum Rupertus Abbas in cap. 5. Apoc. *Hoc jus legale est apud cælestem Regem, ut sicut ipsi disposuit Pater regnum, ita nobis disponat premium permanentibus cum illo in tentationibus ejus.* & S. Chrysost. in ps. 5. *Non enim reliquit nobis hæreditatem pure, sed sub quadam conditione, quam autem ea est? ut tollamus crucem nostram & sequamur eum.* Luc. 22. vers. 28. *ite-* §. 10.
Summi co-
hæredes
Christi,
conditio-
ne, si cum
illo patia-
mur.
rum promittit discipulis suis cælum, *Dispono vobis regnum. nam-- Vos estis qui permansistis mecum in tentationibus meis.* Exultate auditores, vos estis qui triduo passionis permansistis cum Christo in illis angustiis in monte Oliveti. Vos permansistis cum illo ad columnam. & etiamsi vos etiam alligemini, tamen libenter estis cum Christo, etiam inter spinas, imò in ipsa cruce. Euge servi boni! vult Salvator noster ut hodie etiam sitis participes gaudii. (est locus pro p. inductione) S. Bernardus. *Eodem cum Christo donantur regno, qui cum Christo tentationes tolerarunt.*

Mirantur plerique pium latronem tam cito pervenisse ad paradysum. ait; *Memento mei, cum veneris in regnum* §. 11.
Latro alter
compendi-
Dddd 3

asam te- *regnum tuum.* Mox statim, respondet Christus, *hodie mecum*
 unit viam *eris in paradiso.* Scio SS. Patres hoc ascribere perfectissimæ
 ad Paradi- *ejus conversioni, ejus fidei, dolori, publicæ professioni divini-*
 sum. viam *tatis Christi in tam misero statu.* Juvit intercessio B. V. servit
 crucis. *mihi modo ratio S. Bernardi ser. i. in ramis. Latro euntem Chri-*
stum vidit ad cælum, -- rogat ut sit sui memor, & secutus est euntem --
sed vis nosse, quàm compendiosa via? tam cito pervenit per crucem
& tormenta, quæ sunt via compendiosa, & initium beatitudinis pa-
trie. Obstupefcite effectum & fructum patientiæ in tribula-
 tione & cruce. Non latroni ut sic sed latroni tribulato. Non
 supplicanti tantum, sed simul patienti, paradisum donavit.
 Nam ut ait S. Bern. ser. i. de verbis Isaia. *Nunquam Christus*
socium tribulationis à communionem gloria patietur arceri, sicut la-
tronem, quem habuit crucis socium, habere voluit beatitudinis con-
sortium. O quam pauci, bone Iesu, post te ire volunt -- per crucem,
 cum cruce, vel in cruce; Omnes correignare cupiunt, sed non compati;
 non curant querere, quæ tamen desiderant invenire, cupientes con-
 sequi, sed non sequi.

§. 12. Finio cum S. Aug. *Qui hic consolantur Domine Iesu, indigni*
 Quinam di- *tua consolatione habentur, sed qui hic cruciantur, à te consolantur.*
 gni sint
 consolatio. O mi Iesu, ecce meos auditores, qui his diebus in tanta tristitia
 ne Christi, sunt compassi, Consolare illos hodie. Ecce illos, qui adhuc
 quinam
 indigni, in corde suo habent spineam tuam coronam. O gloriose
 Salvator, Consolare illos &c. hoc modo fac
 affectuosum Epilogum.

CON-



CONCIO LXVI.

FERIA III. PASCHATIS.

Pax vobis.

Joann. 20. cap. v. 27.

SYNOPSIS CONCIONIS.

Affert multa, de pace, quæ fuit fructus, arboris crucis.

- | | |
|--|--|
| §. 1. <i>Exordium de gloria crucis.</i>
<i>Fructus ejus, Pax est.</i> | <i>donorum.</i> |
| §. 2. <i>Nihil est delectabilius pace.</i> | §. 7. <i>Prosecutio.</i> |
| §. 3. <i>In Nativitate pacem annuntiat Angelus: in Resurrectione ipse Christus.</i> | §. 8. <i>Vbi pax; ibi dona charismatum, & abundantia.</i> |
| §. 4. <i>Quo sensu dicatur? per Resurrectionem confirmatam esse divinam misericordiam.</i> | §. 9. <i>Christi D. titulus gloriosissimus est, quod sit Princeps Pacis.</i> |
| §. 5. <i>Elogia pacis ex S. Augustino.</i> | §. 10. <i>Pax Apostolos fecit fortes, & testes Resurrectionis Christi.</i> |
| §. 6. <i>Pax est paraphrasis omnium</i> | §. 11. <i>Cur dicatur Pax Christi.</i> |
| | §. 12. <i>Aliqui sunt incapaces, ut fiant participes hujus pacis.</i> |

STetit in medio discipulorum, scilicet ille, de quo antebiduum dixit Angelus, *Iesum quaeritis Naz. Crucifixum; Resurrexit.* Nemo horreat, hoc latissimo tempore, inter paschalia gaudia toties nominari crucifixum & hunc titulum dari tam glorioso Victori & triumphatori. Eleganter enim

§. 1.
Exordium de gloria crucis. Fructus ejus, Pax est.

enim ait S. Chrysoſt. hom. II. in Joannem. *Neque miraculorum gratia Chriſtum duntaxat admiramur* (non tantum Reſurgentem.) *Sed etiam paſſiones, ut cum affixus eſt cruci, flagellis & alapis caſus*—ſiquidem in his ipſis, qua probri & ignominie plena eſſe videbantur ipſum rursus verbum clariffimum apparuit. Et Oecumenius in illud Pauli ad Hebr. 2. v. 9. *Vidimus Ieſum propter paſſionem mortis, gloria & honore coronatum*, ait, *Gloriam, & honorem* S. Paulus vocat crucem, neque tantum dignum, tamque glorioſum, feciſſe cælum & terram, ac hominem, ſupernasque virtutes, ſicut quod propter nos dignatus eſt crucifigi. addit deinde rationem citatus S. Chryſoſtomus; *Non enim id caritatis ſolum fuit, & amoris; (& miſericordie) ſed immenſa etiam virtutis* (& omnipotentie) *tunc enim mors abolita eſt, maledictum periit, demones confuſi ſunt, & de his triumphatum eſt, & chirographum cruci affixum.* addo. Inter Deum & homines poſt acres inimicitias, ſtabilita eſt pax, quam glorioſus Victor in prima ſua apparitione, diſcipulis apprecatus ait, *Pax vobis.* Nimirum illa, quæ eſt fructus meæ crucis; illa, quam ego per mortem conciliaui; illa, quam mundo ſecum affert, glorioſa mea Reſurrectio. De hac pace, aliqua affectuoſa & ſolatio plena, proponet hæc concio, ut hanc pacem omni ſtudio quæramus.

§. 2.
Nihil eſt
delectabili-
us pace.

Suavia ſunt verba S. Aug. de civ. Dei, apud S. Bern. ſer. de bono pacis ſer. 9. art. 1. *Tale donum eſt bonum pacis, ut in rebus creatis nihil gratioſius ſoleat audiri, nihil delectabilius concupiſci, nihil utilius poſſideri.* tali g. verbulo; ſuavi, dulci, gratioſo, in ſua reſurrectione, ſuavis, dulcis, gratioſus Jeſus, triſtiſſimos ſuos diſcipulos alloqui voluit, quo illis apprecaretur bonum, quo gratioſius & delectabilius audire non poſſunt; pacem! quæ continet in ſe omne felicitatis genus, & bona ſimul omnia. Nam mos erat antiquitus apud gentes, & præcipue apud Hebræos, dum ſalutando imprecabantur pacem, per illam ſignificare omnium bonorum appreciationem, & felicitatis. idem in hod. Evang. facit Chriſtus D.

§. 3.
In Nativitate,
pacem

Lætiffima die, qua natus fuit in hunc mundum, mundo pacem fuit apprecatus per Angelum Luc. 2. v. 14. *Gloria in excelsis*

excelsis Deo, & in terra pax hominibus bonæ voluntatis. Annuntio ^{annuntias}
 vobis gaudium magnum, quod erit omni populo, quia natus est Salva- ^{Angelus,}
 tor, à quo pax & omne bonum; Angelum misit, quia Nativitas ^{in Resurre-}
 fuit tantum quasi inchoatio Redemptionis nostræ, fuit prælu- ^{ctum D.}
 dium pacis quæ fieri debebat inter Deum & homines; ideo
 Angelus tantum mittitur boni nuntii bajulus. Postquam per
 mortem crucis ipsa redemptio data est executioni, postquam
 sanguine crucis sublata sunt inimicitia, Christus ipse pacem
 promulgat, *Pax vobis.* Ipse ait, mei discipuli nolite timere.
Gloria in excelsis Patri meo cœlesti, vobis in terra pax. Ponite
 tristitiam, annuntio vobis gaudium magnum, qui pro vobis
 mortuus fuit in cruce, Resurrexit. Resurrectio mea est vobis
 confirmatio pacis.

Puto Rupertum propterea hodierna festivitate præci- ^{s. 4.}
 pue usum versu illo ps. 116. v. 1. *Laudate Dominum omnes gentes,* ^{Quo sensu}
quoniam confirmata est super nos misericordia ejus, & veritas ^{dicitur,}
Domini manet in æternum. Videtur psaltes voluisse insinuare, ^{per Resur-}
 in Nativitate Christi, cœpisse quasi misericordiam, fuisse tan- ^{rectionem}
 tum initium tanti boni, sive Redemptionis nostræ; ideo An- ^{confirm-}
 gelus tantum mittitur, qui pacem & gaudium mundo annun- ^{tam esse}
 tiat; Continuata quodammodo fuit D. Misericordia in ope- ^{divinam}
 re & negotio nostræ redemptionis, quam diu Redemptor no- ^{miseri-}
 ster vixit in hoc mundo. Supremam manum operi impo- ^{cor-}
 suit, dum ex infinita misericordia in cruce mortuus fuit. Ve- ^{diam.}
 rùm quale fuisset gaudium, si mortuus in cruce, mortuus per-
 mansisset? Si non resurrexisset? Imperfectissimum fuisset
 opus, nostra redemptio; sed quia hoc in Deum infinitæ per-
 fectionis non cadit, Deus resuscitavit Filium suum à mortuis
 imò sua vi & potentia ipse resurrexit, & sic demum, confirma-
 ta fuit Dei misericordia; modo perfectissimo perfectissimum
 opus redemptionis absolutum fuit; ideo ipse ait, *Pax vobis.*
 q. d. Mei Apostoli & discipuli, annuntio vobis gaudium
 magnum, Salvator vester, non tantum natus est, non tantum
 mortuus, sed resurrexit, Ecce ego sum; nolite timere, Pax
 vobis. Resurrectio mea, erit vobis radix omnis felicitatis;

Alveus Tertius.

Eccc

& Ve-

& Veritas ejus manet in æternum! Hic est sensus verborum Christi. Pergo ad illa bona, quæ hæc Pax Christi in se continet.

§ 5.
Elogiæ pacis
ex S. Augu-
stino.

S. Augustinus l. de verb. Domini dixit, *pacem esse serenitatem mentis, tranquillitatem animi, vinculum amoris*. Stat pulcherrimus Jesus in medio discipulorum; corda eorum erant tristia, densis involuta nebulis, timoris, anxietatis, confusionis; Pauca verba Christi, *Pax vobis*, momento illa serenarunt, & pulsas tenebris amabilem lucem reddiderunt. Discipulorum corda, erant plene perturbata, vexata gravissimis dubiis de resurrectione Magistri; titubabat illorum fides. Paucis his verbis, suavissima hac appreciatione, pax vobis: momento illa tranquillavit, ademit dubia, fidem confirmavit. Frigida erant discipulorum corda, fervor amoris erga suum Magistrum valde intepuerat; suavissima apprecatio Christi; *Pax vobis* fuit veluti facula, quæ momento illorum corda calefecit, amorem accendit, & novis vinculis suavissimi amoris Christo D. illa colligavit. Bene habet, si aliquorum auditorum meorum corda sunt adhuc tristia, turbida; quid melius in Paschate apprecari possum, quam pacem Christi, ut Christus resurgens à mortuis illa serenet. Pax vobis. hoc vobis precor (sic de aliis.)

§ 6.
Pax, est pa-
raphrasis
omnium
donorum.

Christus D. tristissimos & timidos suos discipulos magis exhilarare, consolari, & corroborare non potuit, quam appreciatione suæ pacis. Sap. 3. v. 3. ait Salomon, justos, qui multum debent pati, videri oculis inscientium mori; sed addit, *Illi autem sunt in pace*. Hac unica vocula v. 3. Beatorum in cælis felicitatem voluit exprimere. quid? nunquid innumera illorum bona potuisset referre v. g. Illi sunt in æterna vita. in lætitia sempiterna, facie ad faciem Deum semper vident. Cur hoc tantum expressit, illi autem sunt in pace? acutissimè ad rem nostram respondet Franciscus Labata, verbo Pax. prop. 5. *Quia quidem tantum bonum est pax, ut periphrasis esse valeat omnium cælestium bonorum*. Ut pax idem sit, quæ beatitudo & omne bonum.

§ 7.
Profecutio.

Pax vobis, ait Christus D. ad suos discipulos. Nunquid potuif-

potuisset dicere, mei discipuli ecce resurrexi; Vici mortem, vici diabolum, spoliavi infernum, liberavi captivos. Nunquid potuisset dicere, mei discipuli gaudete de mea victoria; debellati sunt vestri hostes, aperui vobis cœlum; afferro vobis ingentes thesauros, gratiarum & virtutum. Mei Apostoli; jam apud Patrem sum vester advocatus; ibo ad illum, & inde mittam ad vos spiritum Paraclitum &c. Cur tantum ait, *Pax vobis.* nisi quia tot & tanta bona continet hæc vocula, ut illa sola sit paraphrasis, omnium bonorum, omnium gratiarum, & omnis felicitatis, quam discipuli à Christo Resurgente sperare poterant. Hæc pax supponit mortem esse jugulatam, devictum, diabolum, deletum chirographum peccati &c. Ubi pax est, ibi Deus est, ibi Christus est, ibi omne bonum est, ibi omnis felicitas est, ibi Paradisus est. *Et seminarium omnium bonorum*, ait Sylveira. Cum hac pace Christus D. suis discipulis attulit perfectissimum gaudium; propter ejus abundantiam, omnium præcedentium malorum sunt obliti; contentissimi, quod viderent suum Magistrum à mortuis resurrexisse.

Cum pace Resurrectionis, omnes pariter gratiæ & dona ^{§. 8.} charismatum venerunt super discipulos. prout David prædixit ^{Ubi pax, ibi dona charismatum, & abundantia.} *ps. 71. v. 7. Orietur in diebus ejus iustitia & abundantia pacis.* Nam, ut inquit S. Aug. *Ubi pax ibi omnium charismatum dona.* Pacem attulit Christus D. suis discipulis, cum illa abundantiam fidei, abundantiam spei, abundantiam caritatis, abundantiam zeli. Cum illa pace, abundantiam gaudii, abundantiam lætitiæ, abundantiam omnis solatii. Hæc fugavit ex discipulorum cordibus omnem timorem. Nam, *cedit omnis perturbatio, cunctaque pericula desinunt, cum Christus adest;* Hinc dicitur esse in medio Pacificorum; id est, ait Dion. Carth. art. 32. *inter eos, atque in cordibus singulorum per Spiritus S. directionem, piam gubernationem, & precum illorum gratiosam exauditionem. Tales g. Christus custodit, protegit & illustrat. Ecce fructus pacis.*

Aliquid observatione dignum advertit S. Bernar. ser. de ^{§. 9.} S. Benedicto. Quod filius Dei, verbum & imago patris, splendor gloriæ, fons vivus omnium bonorum, & in sinu patris & ab <sup>Christi D. simul glori-
osissimus</sup> eterno, ^{est, quod sit}

Eccc 2

*Princeps
pacis.*

æterno, & in utero matris, & quamdiu vixit, imò in ipsa cruce & morte, voluerit secum habere pacem, & nominari amator pacis. Sic ait cit. S. Bern. *Filius à Patre processit, & venit in mundum, & qui prius erat cogitatio pacis in corde Patris (ab æterno) fieret & ipse Pax in utero matris, voluitque sibi ab Isaiâ Propheta Principis pacis gloriosum titulum acclamari, pater futuri sæculi, princeps pacis.* Hactenus S. Bernardus. Addo ego; hoc eodem titulo honorari voluit pendens in cruce; ecquid enim illa verba, illud testimonium Pilati, Jesus N. R. J. aliud sonat, quàm Regem Pacificum, Amatorem Pacis, conciliatorem pacis, etiam per sanguinem suum, in quo per mortem ejus diu desiderata pax inter Deum & homines facta & stabilita est. Qui in corde patris ab æterno, qui in utero matris, qui in vita & in morte fuit Princeps pacis; talis quoque est in gloriosa Resurrect. ita, turbator est inferni, conturbator omnium hostium, sed suis discipulis, Princeps pacis. quapropter primam salutationem, primam allocutionem voluit esse pacificam, *Pax vobis.* & cum hac pace omne bonum.

§ 10.
*Pax, Apo-
stoli fecit
fortes, &
testes Re-
sur.*

Fructus eximius hujus pacis fuit, quod Apostoli statim deposito omni dubio de resurrectione audacter eam prædicarint, & testimonium illi perhibuerint præsertim postquam accessit virtus ex alto post adventum Spiritus S. Act. 2. v. 32. *Hunc Iesum resuscitavit Deus, cujus omnes nos testes sumus.* cap. 4. v. 10. *Auctorem vitæ interfecistis, quem Deus suscitavit à mortuis, cujus nos testes sumus. -- Notum sit omnibus vobis, & omni plebi Israel; quia in nomine Domini nostri Iesu Christi Nazareni, quem vos crucifixistis, quem Deus suscitavit à mortuis &c. licrum. Et virtute magna reddebant Apostoli testimonia Resurrectionis Domini nostri IESU CHRISTI, &c. Illi qui fugerant, qui negaverant, qui latuerant tam timidi, tam anxii &c. hoc fecit Pax CHRISTI. Solatur tristes, erigit debiles, confortat timidos.*

§ 11.
*Cur dica-
tur, Pax
Christi?*

Vocatur Pax Christi, quia Christus pacem hanc à cœlis ad terram detulit, unde Angeli cecinerunt, *Pax in terris &c.* Pacem sanxit præceptis; pacem legavit in testamento, Pacem relin-

relinquo vobis, pacem meam do vobis. Ex sepulcro ad nos redit cum pace. Unde p. dixit S. Paulus ad Coloss. 3. v. 15. *Et pax Christi exultet in cordibus vestris.* q. d. Gaudete & exultate ob pacem animi. in græco est. *Pax gubernet corda vestra.* ad Philip. 4. v. 7. hæc pax--*custodiat corda vestra in Christo Iesu.* loquitur hic Apostolus de pace, quasi inexpugnabili scuto, quia revera hæc pax elidit omnes suggestiones & tentationes dæmonis, per quas pacem nobis eripere conatur, sollicitando nos ad peccata, quæ pacem tollunt; vel certe eam turbare, immit-tendo scrupulos, diffidentias, mœrores &c. uti hoc tempore experti erant Apostoli, sed Iesus ait, Pax vobis, pax vos custo-diat &c. Vel, hæc mea pax vos confortet; quid enim timetis, si Patris mei, & mei sitis amici, dilecti, filii, Deum in me habetis. protectorem, imo vindicem, pro quibus Deus pugnat. pro qui-bus ego vici mundum & diabolum, pro quibus ego vitam posui. Advertitis credo auditores, quam varia & magna & multa bo-na Christus D. unica vocula suis Apostolis fuerit apprecatus. Eadem omnia ego vobis apprecor ex intimo corde. *Pax vobis.*

Sed quid ego omnibus precor pacem Christi, cum forte ex meis Auditoribus aliqui sint qui ejus capaces non sunt? Sunt-
 ne fortassis inter vos, qui necdum peregerunt paschalem con-
 fessionem, eo quod hostem vel inimicum habeant, cui nolunt
 ignoscere? Cum his non est Christus resurgens amator & prin-
 ceps pacis; sed diabolus pater & auctor inimicitiarum, hi pacis
 Christi capaces esse non possunt nisi ignorent. Hoc letale odi-
 um, & aliud quodvis peccatum mortale est quoque causa, ut ta-
 les pacem non habeant cum Deo, consequitur neq; cum Chri-
 sto. Et quæ lætitia hoc paschali tempore talibus esse potest.
 Quid medii? Severus Imperator moriturus, vocavit ad se filios
 suos, & ad concordiam adhortatus, auream hanc sententiam
 illis reliquit *Conveniat inter vos.* Hoc ante paucos dies Christus
 Pater noster moriturus in cruce fecit, verbis & exemplo pacem
 suasit. Date hoc quoque hodie resurgenti, conveniat inter vos.
 Deinde conveniat inter vos & Deum. fiat tandem pax, per seriâ
 Confessionem & vitæ emendationem, ut omnes pacis Christi

§. 12:
*Aliqui sunt
 incapaces,
 ut fiant
 participes
 pacis Chri-
 sti.*

simus capaces. Refert Maffeiſt. Indicæ l. 7. Barnagaſium Præfectum exercitus regis Abyſſinorum, cum Prætorè Luſitano fœdus initurum, apprehenſa cruce nixum genibus dixiſſe.

Quam pacem Ieſus Chriſtus humani generis Redemptor diſcipulis reliquit, eadem eſto inter nos, qui ejusdem profiteamur fidem & cultum.

Non loquamur nos aliter Aud. Omnes per crucem redempti ſumus, omnes cupimus eſſe participes ſanguinis Chriſti, itaque cedant odia (p. hoc.) *Quam pacem &c. p.* Qui pacem non vult; S. Aug. ſer. 57. de verbis Domini. Abdicatur à Patre, exhæreditatur à Filio, alienus efficitur à Spiritu S.



CONCIO LXVII.

FESTO SS. APOSTOLORUM, PHILIPPI, & JACOBI.

In domo Patris mee mansiones multe sunt.

Joan. 14. cap. v. 2.

SYNOPSIS CONCIONIS.

DUcit Auditores ad quatuor fontes, juxta quos crescunt flores & herbæ, quæ sunt symbola, bonæ conscientiæ, amoris Dei, Fiduciæ, & Orationis; ex quibus ceu quatuor fontibus fluit & promanat, verum Majale gaudium.

§. 1. *Felix ille, qui discit gaudere in hoc mundo.*

§. 2. *Mirabile animal Africa.*

§. 3. *Gaudent aliqui in nihilo.*

§. 4. *Testimonium Marci Aurelii Imperatoris; humanam mali-*

tiam, bonis hujus mundi non posse satiare.

§. 5. *Filii hujus sæculi, putant, v.g. se habere divitias, sed non habent.*

§. 6. *Primus fons est, juxta quem in am-*

- in amœna valle crescunt magnacopia liliaconvallium. Sive, prima causa veri gaudii, est bona conscientia.*
- §. 7. *Iustus vere latatur, non impius.*
- §. 8. *Elogia bonæ conscientia ex S. Bernardo.*
- §. 9. *Bona conscientia confertur cum scypho Iosephi.*
- §. 10. *Iuxta alterum fontem crescunt tulipa. Sive, causa veri gaudii est, amor Dei.*
- §. 11. *Cur David dicatur exultasse in Deo vivo.*
- §. 12. *In Deo sunt omnia delectabilia.*
- §. 13. *Gaudium hujus mundi, à loele dicitur confusum.*
- §. 14. *Iuxta tertium fontem crescunt herba & flosculi, qui sunt symbolum spei. Alia causa veri gaudii.*
- §. 15. *Iuxta fontem quartum, crescunt herba, qua sunt symbolum Orationis. Hac est anima solidi & perfecti gaudii.*

V Iridem, amœnum, lætum, Majum auditoribus meis ex animo precor. Lætissimum hoc tempus exigit lætam concionem. Materiam suggerit pulcra & brevis gnome viri sapientissimi; *Disce gaudere.* §. 1. Felix ille, qui discit gaudere in hoc mundo. Felix ille est, qui scit, quo gaudeat; æstimo doctorem qui in hoc axe positus est. Verum gaudium, est quasi majalis flosculus; beatus est, qui locum, hortum vel sylvam scit, in qua flosculus ille crescit. Neque enim omne gaudium pectus veraciter implet, & solidè beat, sed verum gaudium, de quo Christo D. in Evangeliiis hoc Paschali tempore sæpius loquitur. Gaudii homo naturaliter & semper est appetentissimus; sed nescio qui fiat, quod hoc tempore majali præcipuè gaudio quodam afficiatur, dum scilicet, terra, fluvii, aër, arbores, herbae, flores, prata, horti, novi gaudii dent occasionem. Sed ideo meritò monco. O mortales discite gaudere; discite, ubi vera sint gaudia. Salvator noster in hoc Evang. clare insinuat, non esse illa quærenda in terris, sed in cœlis. Non illa consistere in extrinsecis, in opibus, vel honoribus, vel deliciis, quæ sensus tantum afficiunt, sed intus in corde, & bona conscientia; ideo monuit S. Ambr. *In te ipso suavitatis tuae, gratia est, ex te pullulat, in te manet;*

manet; intus, id est, in te ipso quarenda jucunditas tua est conscientie. Plutarchus l. de virt. & vit. *Iucunde vivere & hilariter, non à foris est; sed contra homo rebus ipsis, in quibus versatur, lætitiā & oblectamentum ex moribus suis quasi ex fonte adit.* eleganter S. Chrysof. in illud ps. 4. v. 7. *dedisti lætitiā in corde meo; Non dixit, simpliciter & absolute, dedisti lætitiā, sed in corde meo, ostendens, quod nulla est in rebus externis lætitiā; hac enim non est cordis, sed oculorum tantum lætitiā.* Verūne diutius hæream in exordio, ordiar concionem, & rogo ut benevolas aures mihi præbeant. Docebo enim, quomodo lætissimo hoc tempore gaudere debeatis: sive, qui sint fontes veri gaudii; idque sub metaphora Potus majalis &c. Ostendam quatuor fontes, juxta quos crescunt flores & herbæ, quæ ego exigo pro haustu Majali.

§. 2.
Mirabile
animal
in Africa.

Africa calidissima est regio, quia perpetuis quasi radiis solis torretur, & quod incolis est molestissimum, carent aquis & fontibus. De remedio tamen præcipue in desertis pro peregrinis providit natura. nascuntur enim multa animalia, (Plinius l. 10. c. 73. vocat, *Oryges*.) quæ in corporibus suis habent vesicas plenas limpido, & sapido liquore, quo peregrinantes utuntur pro potu. circumferunt itaque illæ bestię veluti fontes in remedium sitientium, sed hoc est admiratione dignum, teste Plinio, illæ, perpetua & calidissima uruntur siti, & avidæ turbidas quærunt aquas, ut sitim sedent, cum intus in corporibus optimas circumferant aquas. His bestiis plurimi mortalium sunt simillimi; sitiunt opes, sitiunt honores, sitiunt voluptates, sed sitim sedare his aquis non possunt, imò quò plus sunt potæ, *plus sitiuntur aquæ*; & tamen intus in corde habent fontes veri gaudii, ex quibus sitim facillime sedare possent. Itaque veros fontes ostendam, & ut melius retineatis, offeram recepto more fasciculum ex floribus majalibus; in quo colligavi, lilium convallium, Tulipam, varios flores & herbas, ex quibus potus majalis solet confici.

§. 3.
Gaudet

Cap. 6. v. 14. *Filiis hujus mundi dixit Amos: qui latamini in nihilo.* Hebraica lectio sic habet, *qui latamini in non verbo.*

Pagni-

Tagninus, in eo quod non est aliquid. Symmachus, frustra si e-
 causa hæc vocata nihilum in memoriam dari revocat vers. 8.
 cap. 7. sapientiæ. *Venit in me spiritus sapientiæ, & auitas vi-*
bi esse dux in comparatione illius. Sed vitia, nihil sunt, si nihil
 honores, si nihil voluptates, clarum est in illis non consistere
 verum gaudium; alibi ergo quaerite, quo discatis gau-
 dere.

Marcus Aurelius Imperator mundialibus deliciis ab-
 unde satur, has de conscientia voces eructat (ut in ejus vitale
 gatur.) *Qua sum expertus libere proferam licet cum mei nominis*
nota, sed olim forsitan futuro saeculo profutura: per omnia me vitia
exercui, periculumque feci. possit se ipsam satiare humana mali-
ta; sed -deprehendi, -- quobis magis, ardentisorem sitim -quo plura
mibi sunt, adhuc his plura concupiscere, quo quæro diligentius mi-
nus invenire: nihil demum unquam obtinuisse, quod appetitum sa-
tiaret, ac non aliud habendi potius libidinem provocaret. - Sic est
 mundialis & humana voluptas, lætitiæ inops, exucca, falsa, po-
 tius doloris quàm gaudii causa, qui itaque discere volunt gau-
 dere scire debent, mundum suis non posse dare verum gau-
 dium.

Pulchrè S. Greg. ait l. 2. mor. c. 15. postquam delicias hujus
 mundi comparavit cum rosis, quæ spinis sunt septæ, ait: *Ma-*
nent sub sentibus & hoc ipsum delicias putant: quia dura quidem
ex presentis vitæ amore tolerant, & tamen ex affectu nimia cupidi-
tatis obligati, laborem ejusdem tolerantia, voluptatem putant
 Ingeniose dixit, putant, quia tales verum gaudium in divitiis
 non habent, sed putant se habere. Spinæ plus pungunt, quàm
 rosæ recreent. hujus opinionis fuit S. Bernardus cum dixit;
Quaecunque mundus reputat crucem, ego delicias reputo: & quæ
mundus delicias, ego reputo crucem (ser. 7 de quadrag.) *Omnia*
quæ mundus amat, crux mihi sunt, delectatio carnis, honores, divi-
tia &c. De talibus ait S. Paulus. 2. ad Cor. 6. vers. 10. *quasi tri-*
stes semper autem gaudentes. talis fuit ipse S. Paulus, in tot labori-
 bus, in tot persecutionibus, in carceribus, in fame, siti, nudi-

Alveus Tertius.

Ffff

tate

§. 4.
 Testimo-
 nium Mar-
 ci aurelii
 Imperato-
 ris, huma-
 nam mali-
 tiam, bonis
 hujus
 mundi non
 posse satia-
 ri.
 § 5.
 Filii hujus
 saeculi, pu-
 tant v. g.
 se habere
 divitias,
 sed non ha-
 bent.

rate, quasi tristis; sed revera intus gaudebat; ut auderet dicere, *Abundo gaudio* in tribulationibus. hoc modo discite gaudere.

§.6.
Primum fons
est, juxta
quem in
amena
valle ma-
gna copia
crescunt
lil: a cōval-
lium &c.
sive, prima
causa veri
gaudii, est
bona con-
scientia.

Lilium convallium ob suum candorem est symbolum innocentie, puritatis, sive bonæ conscientie. itaque discite gaudere, id est, habete corda pura, abstinete à malo, bonas habete conscientias, & verè gaudebitis. pulcrè S. Chrysost. hom. 25. ad pop. Antioch. *Nihil aliud est triste, nisi Deum offendere. quodcumq; aberit, non tribulationes, non insidie, non quidquam aliud sapientem animum poterit contristare.* S. Ambr. l. 2. de off. c. 1. *Visive, primam beatam efficiunt, tranquillitas conscientie, & securitas innocentie.* & sapiens Proverb. 14. vers. 26. *In timore Domini fiducia fortitudinis;* in timore Domini, id est, in illa conscientia, vel illo homine, qui timet Deum offendere, in illo est verum gaudium. S. Greg. l. 12. mor. cap. 21. *Nihil simplici corde felicius -- habet enim quasi arcem quandam fortitudinis simplicitatem suam.* Experientia commonstrat hoc verum esse. vita v. g. alicujus vinitoris est vita plane laboriosa (est locus pro pulcra descriptione) vesperi dum decubiturus se Deo commendat, meminit, se illo die Deum graviter non offendisse, servivit Deo, vel laboravit in timore Domini, &c. Hic vinitor est beatus. discite gaudere &c. (hoc modo potest fieri pulcra inductio.)

§.7.
Iustus verè
saturatur,
non impius.

Proverb. 13. v. 25. *Iustus comedit, & replet animam suam: venter autem impiorum insaturabilis.* Hebraicè sic locus describitur: *iustus comedit ad satietatem animæ suæ.* id est, desiderii sui: hoc est, ait Vatablus, *desiderium suum explet.* talis verè gaudet, sed debet esse iustus. pro altera parte verlus, *Venter &c.* hebraicè; *deficiet.* 70. *anima impiorum egena.* Dion. Carthuf. sic explicat: *venter &c.* id est, *cor eorum terrenis rebus non satiatur.* consentit illi Hugo Card. *Venter impiorum est cupiditas, quæ insatiabilis est.* ideo tales verè gaudere non possunt. *Non est pax impiis.* alia lectio, *Non est gaudium impiis.* D. Chrysost. *Non est gaudere impiis &c.* Sed iustis, qui bonæ sunt conscientie &c.

Elo-

Eloquenter S. Bern. l. de inter. domo cap. 23. *Premat corpus, trahat mundus, terreat diabolus, illa erit secura.* *Bona conscientia secura erit, cum corpus moritur, secura cum anima coram Deo presentabitur, secura, cum in die judicii ante tribunal terreſti- cum juſti judicis ſtatuetur.* (ex hoc loco reſpondere poſſum qua- ſtioni quam fortaliſis aliqui ſibi proponunt; Quod ergo eſt ve- rum gaudium de quo loquitur Evang. ſive, quis verè gaudet? &c. Reſpondeo enim, qui ex vobis ita ſunt conſtituti, vel iſtius conſcientiæ, ut ſi ſtatim mori deberent non curarent, ſi ſtatim juſto judicis ſiſtendi eſſent, non reformidarent, hi dico ſunt beati, hi verum & ſolidum habent gaudium, ſed fons eſt, bona conſcientia, fons eſt Deum non offendere. qui ſcit, ſc, ſi modo mori deberet, damnandum, quomodo hic gaudere poteſt? ta- liſ merito triſtatur, timet, angitur; fons eſt conſcientia mala) pergit S. Bernardus. *Cum mundus omni volubilitate circumro- tetur, ploret, videat, pereat, tranſeat, nunquam marceſcit bona con- ſcientia, ſubjiciatur corpus in pœna, in injuriis maceretur, verberi- bus lanietur, equuleo diſtendatur, gladio trucidetur, crucis patibulo affigatur, ſecura erit conſcientia.*

S. 8.

Elogia bo-
ne conſci-
entia ex S.
Bernardo.

Itaque lilium convallium quod offero projiciam in po- tum majalem, ut vos recreet, & ſapiat optime. Cum regius ſcyphus Joſephi, ut ſcitis ex cap. 44. verſ. 5. Genetiſ, inventus fuit in ſacco Benjamini, Oeconomus aulae fratribus objecit, *ſcyphus quem furati eſtis, ipſe eſt in quo bibit Dominus meus, & in quo augurari ſolet.* pro tò augurari, hebraice eſt, *nachas*, quod ſi- gnificat divinare, praſagire, vel ſomnia interpretari. paulo aliter locum explicat Petrus Ab. Cellenſis in l. de conſc. *Conſcien- tia bona eſt ſcyphus Joſeph, in quo augurari & inebriari ſolet animus.* Oeconomus dicere voluit, cum Joſephus meus Dominus eſt lætior, cum pluſculum bibit (ſi fuiſſet Germanus forte dixiſſet, cum bibit ſanitates. cum bibit majaliter) tum utitur hoc ſcy- pho. ethycè illo utitur, ſive lætus eſt, gaudet, qui bonæ eſt con- ſcientiæ. Permitto vobis Audit. ut hoc primo die Maji poſt divinum cultum redieritis domum, potu majali vos reficiatis,

S. 9.

Bona con-
ſcientia
conferatur
cum ſcypho
Joſephi.

sed inter alias herbas & flores, desidero li ium convallium, id est, cupio ut sitis Dei amici, ut illum non offendatis &c. hoc facile, & verè gaudebitis &c. discite, quomodo cum gaudio calicem majali, uti debeatis.

§ 10.
Iuxta al
rum
tem r sū
Tulpa, si
re veri
gaudet an
sa. si amor
Dei.

Bene Seneca. *Omnes tendunt ad gaudium, sed unde stabile magnumque & verum gaudium consequantur, ignorant.* Itaque vos, discite gaudere. & quidem à Majali flore, id est, tulipa; notus flos est: ejus folia miscui inter alios flores & herbas miscui pro majali potu. habet hic flos proprietatem heliotropii; cum oriente sole pandit folia, dum sol est altissimus, quantum potest illa explicat; cum sol occumbit, & tulipa occumbit, id est, claudit folia. adverterunt aliqui curiosi, quod secundum cursum solis se gyret; verbo & flos solis, amator solis. Estote tulipæ, Deum respicite, hunc amate, & scietis artem solide gaudendi. Hunc fontem veri gaudii gestatis in cordibus vestris, si vultis, gaudere potestis, quando vultis, quia, cum vultis Deum amare potestis, à quo solo verum gaudium procedit.

§ 11.
Cur David
dicit
exultasse in
Deo vivo.

Expertus fuit David cum præ gaudio exclamavit ps. 83. v. 3. *Cor meum & caro mea exultaverunt*, hoc est verum gaudium, nam gaudent aliqui secundum corpus, sed intus cor lancinatur (est locus pro pulcra induct.) David, non corpore tantum, sed corde exultavit. causam addit, quia exultavit *in Deum vivum*. eleganter S. Aug. l. 50. hom. hom. 33. *Non exultavit in hoc mundo, non in divitiis, non in honore, non in luxuria, non in ebrietate, non vanitatibus mortuis* (bestialia sunt gaudia) *& citò cum omni amore suo moriturus: sed in Deum vivum! ut ostenderet, quia totum quod non pertinet ad Dei cultum, deberemus habere quasi mortuum.*

§ 12.
In Deo sunt
omni
delectabi
lia.

Elegantius l. de diligendo Deo c. 18. *Si multe ac magna sunt delectationes in rebus delectabilibus* (ut mundani putant) *qualis & quanta est delectatio in illo qui fecit omnia delectabilia?* O, qui hoc bono fruatur, quid illi erit? & quid illi non erit? Cur ergo per multa vagamur, quarendo bona corporis & anima nostræ; Amemus unum bonum, in quo sunt omnia bona, & sufficit Discite gaudere, id est, amate Deum, & gaudete, & recreate vos potu

majali in lætitia cordis & corporis. De hoc gaudio loquitur David *ps. 81. v. 7. plebs tua lætabitur in te*, id est, *pulsi &c.* gaudebunt in Deo. S. August. apud Lorinum. *Malo suo lætabitur in se, bono suo lætabitur in te quando enim veluit habere gaudium de se, invenit plañctum in se.* Nunc ergo quia totum gaudium nostrum Deus est, qui vult securus gaudere, in illo gaudeat qui non potest perire &c.

Verum multi ita gaudium quærunt ut locum habeat quæ- §. 13.
rela Joëlis c. 1. v. 12. *Confusum est gaudium à filiis hominum*, id est Gaudium
(sic explicat Rupertus Tuitiensis) confuderunt gaudium, seu hujus
non servaverunt ordinem gaudii, filii hominum. primò enim mundi à
& principaliter gaudere debuerunt de Domino secundariò ve- tote die-
rò, non in bonis, sed de bonis Domini, super frumento, vino, tur, confu-
& oleo, & cæteris, quæ dantur à Domino. Hunc ordinem ita sum.
confuderunt filii hominum, ut in Domino gaudere negligere-
rent, in bonis autem Domini gaudere cuperent. Vos cum pri-
mis ante & super omnia amate Deum, projicite hodie in po-
tum folia tulipæ, & gaudete, *thut ein fröhigen Maytrank* in
lætitia cordis & exultatione animæ.

Potui majali solent alii etiam flores injici, *gelbe Näglen/* §. 14.
Ehrenpreis/ die Blümble von Lungenfraut/ & alii, qui sym- iuxta ter-
bolum sunt spei. Inter adversa fidite Deo, & gaudete in Domi- rum fon-
no. Sapienter Salomon, Prov. 16. v. 29. *Eruditus in verbo reperit* tem erefi-
bona; & qui sperat in domino, beatus est. 70. exscribunt ex hebrai- cunt herba,
co. *Intelligens in negotiis, inventor bonorum, & qui confidit in Do-* & flosculi,
mino, beatissimus. alia lectio sic habet: *intelligens super verbum* qui sunt
reperiet bonum, & confidens in Domino, beatitudines ejus. pulchrè symbolum
Cajet. *felix est sperans in summo Deo, quoniam ipse beatus, hic in spe,* spei. Hac
postea in re erit. Philo apud Corn. in c. 12. ad Rom. spem vocat est causa
gaudium ante gaudium (est p. locus) Eccles. cap. 2. v. 9. *qui time-* verigan-
tis Dominum, sperate in illum; & in oblectationem veniet vo- dii.
bis misericordia. è græco textu sic locum vertit Jansonius: *qui*
timetis dominum sperate in bona, & in lætitiā. Quibus verbis, in-
quit, significatur pios in rebus asperis & acerbis spem meliorum
suscipere debere, & animo præsumere illud solatium & gaudium,
quod à misericordia Domini profectum, nullum unquam finem

est habiturum, Discite gaudere, id est, animo præsumite cœli gaudia, & illa sperate. Spes est verum gaudium. S. Paulus ep. ad hebr. 6. v. 18. *qui confugimus ad tenendam propositam spem, quam sicut anchoram habemus animæ tutam ac firmam, & incedentem usque ad interiora velaminis, ubi præcursor pro nobis introiit Iesus.* alludit Apostolus ad sancta sanctorum in templo Salomonis, quod significat Ecclesiam triumphantem in cœlis; velamen verò cœlos; Interiora sunt Dei visio &c. Sensus ergo est, spes nos ducit ad cœlestem gloriam &c. S. Chrysost. *Cum adhuc sumus in mundo, & nondum exceßerimus, ostendit jam esse in promissis, nam per spem jam sumus in cœlis.* Itaque &c.

S. 15.
Iuxta son-
tem quar-
tum cre-
sunt her-
bæ, quæ
sunt sym-
bolum, ora-
tionis. Hæc
est anima
veri gau-
dii.

Præter flores, majali potui variæ injiciuntur herbæ; *Sunt genfraut / Leberfraut / Rosmarin / Isop / Melissen / Salben / Burschi* &c. odoriferæ hæ herbæ, ob odorem suum, symbolum sunt orationis. fundamentum est in sacris literis. Discite gaudere, id est, Orate, frequenter & ferventer; oratio est fons veri gaudii. expertus fuit David. ps. 76. v. 4. tam fuit tristis ut dixerit, *renuit consolari anima mea.* Apollinarius. *Recusabam consolantem audire.* S. Hier. *noluit se consolari anima mea.* Cassiodorus. *Negavi consolari animam meam.* quasi diceret, licet me persequatur Saul, licet profugus fugiam à facie Absolonis &c. tamen ab amicis nolo consolationem. nemo miretur; olim corde gaudebat David, solido gaudio, ideo subdit *delectatus sum,* addit causam, *in die tribulationis meæ Deum exquisivi manibus meis, nocte contra eum, & non sum deceptus.* -- Memor fui Dei & delectatus sum. Alibi hæc latius deduco; finio. Discite gaudere &c. fac p. repet. & p. Epilogum &c. has herbas injicite potui majali, & bibite in hilaritate &c.



CONCIO LXIIX.

FESTO ASCENSIONIS CHRISTI DOMINI.

*Dominus Iesus, postquam locutus est eis, assumptus est
in coelum.*

[Marc. 16. cap. v. 19.

SYNOPSIS CONCIONIS.

MEmoria Christi D. gloriose ascendentis ad cœlos; & viva
recordatio cœlestis gloriæ, sunt duæ preciosissimæ
gemmæ.

- | | |
|---|---|
| <p>§. 1. <i>Solennitas Ascensionis! Christi D. est gloriosa! nobis gaudiosa.</i></p> <p>§. 2. <i>S. Hieronymus appellat illos felices, qui frequenter sunt memores Christi D. Vocat hanc memoriam, preciosam gemmam.</i></p> <p>§. 3. <i>An Christus D. subito, an vero paulatim, & per moras fuerit raptus ex oculis Aposto-</i></p> | <p><i>lorum.</i></p> <p>§. 4. <i>Hanc gemmam sponsus vocat signaculum.</i></p> <p>§. 5. <i>Aurea praxis, ut Iesu, ascendentis ad cœlos, frequenter simus memores.</i></p> <p>§. 6. <i>Mysterium Ascensionis, est fons gaudii.</i></p> <p>§. 7. <i>Memoria Iesu, est mel & consolatio.</i></p> |
|---|---|

Solennitas ista (sic loquitur S. Bern. ser. 2. de Ascensione)
fratres carissimi, gloriosa est, & ut ita dicam gaudiosa. Glo-
riosa est Christo Domino. In clivo montis Oliveti, me-
dia.

§. 1.
Solennitas
Ascensionis
Christi D.

*est gloriosa,
nobis gau-
diofa.*

dia die, lucente sole, proprii virtute sese elevat, & instar glorio-
se Aquilæ ascendit in cælos; quanta gloria ipsi nobis verò
quanti gaudii fons est, hæc Christi gloria? Dies gloriosa? hris-
to salvatori! Ipse enim, valde gloriosus est in splendore suo;
gloria & honor sunt corona ipsius; hodie non in sole, in nubi-
bus tantum, sed super Seraphinos ad dexteram Patris posuit
tabernaculum suum ps. 18. vers. 7. *A summitate cæli ingressus est, &
occursus eius usque ad summum eius.* Regnat terræ propterea can-
tant, psallunt Domino, qui ascendit super cælos cælorum.
Omnes cælestium spirituum Ordines una voce conclamant.
Apoc. 5. v. 12. *Dignus est agnus, qui occisus est, accipere virtutem,
& divinitatem, & gloriam.* An non Christo Dom. hodierna
festivitas fuit gloriosa? B. Virgini verò, Apostolis piis fœmi-
nis, quàm fuit gaudiosa? Quantum illis fuit solatium, cum vi-
derunt eum tam gloriose discedere, ex hoc mundo; neque ho-
die pii & ardentes amatores Christi Domini meminisse pos-
sunt gloriose hujus ascensionis, sine peculiari solatio. Est
hodierna dies, dies gaudiosa! Pergit S. Bernardus & dat ratio-
nem tantæ gloriæ, tanti gaudii. *Consummatio enim est, & ad-
impletio reliquarum solennitatum & felix clausula totius itinerarii
Filii Dei.* Aurifaber aliquis magna cura & labore elaborat au-
reum anulum, vel catenam; postquam absolvit, addit precio-
sam aliquam gemmam à cujus luce & splendore anulus vel ca-
tena summopere exornatur. Talis catena fuit Vita Salvato-
ris nostri in hoc mundo. Aureus anulus fuit Incarnatio, au-
reus anulus, Nativitas &c. Absoluto opere, dum tempus est
ut vadat ad Patrem, addit gemmam pulcerrimam, admirabi-
lem ascensionem. Gemmam preciosissimam hæc concione
ego vocabo, Memoriam Christi D. gloriose ascendentis ad cæ-
lum, & cælestis gloriæ, in qua sedet ad dexteram Patris. Hæc
gemma nos faciet divites & beatos, etiam in terris, quod pi-
ribus ostendo.

*S. 2.
S. Hierony-
mum appel-*

Cur hodierna solennitate non exclamem cum S. Hieron.
in pl. 95. *Felix qui Bethleem habet in corde, in cuius scilicet corde*
Chri-

Christus quotidie nascitur. Hujus felicitatis spero nos fuisse ^{lat illor fe-} participes festis Natalitiis, in quibus hospes cordis nostri fuit ^{lices, qui} Parvulus de Bethleem. Tempore Passionis dicere potui- ^{frequenter} mus, Felix qui JESUM Crucifixum habet in corde. co- ^{sunt me-} tunc collimarunt nostri affectus & desideria; Crucifixum di- ^{mores} ligere ex toto corde. Per dies 40. à festo Resurrectionis in ^{Christi D.} cordibus nostris pulcerrimis coloribus depinximus pulcerri- ^{Vocat hanc} mam Imaginem Christi Domini gloriose à morte Resurgen- ^{memoriam} tis. Felices, gaudiosi, fuerunt, qui jucundissimæ illius Re- ^{gemmam.} surrectionis, frequenter fuerunt memores. Hodierna verò solennitate iterum cum gaudio exclamat S. Hieronymus: *Felix qui locum Ascensionis portat in pectore suo.* Verba hæc clarè insinuant sanctum Doctorem de memoria hujus mysterii loqui veluti de precioso monili vel gemma, qualem viri Principes in pectore gestare solent. Tali gemma ornatum esse, nihil aliud est, quam in corde, piis & affectuosis cogitationibus Christi frequenter meminisse. Quam memoriam necessario comitantur aliæ suavissimæ cogitationes; cum affluentia cœlestium solationum, unde sanctus Hieronymus addit; *Felix qui locum Ascensionis portat in pectore suo;* qui frequenter expatiatur in montem Oliveti, ut intersit jucundissimo spectacu'o Ascensionis; *Ibi sunt Olive Domini uberes.* Memoria Christi Domini Salvatoris nostri ascendentis in corde fidelium est velut fons vivus olei, ex quo fluit suave unguentum & balsamum divinæ consolationis. Imo CHRISTO Domino ipsi volupe est, cum ejus sumus memores.

Inter pias quæstiones de gloriosa Christi ascensione, hæc quoque à SS. Patribus proponitur. An Christus D. subito, & ^{S. 3.} quasi in ictu oculi fuerit elevatus in cœlum, sive motu velocissi- ^{An christu} mo; an verò lento, tardo, ut paulatim evanuerit ex oculis ^{D. subito,} aspicientium. Potuisse primum fieri, certum est; sed proba- ^{an verò} bilius est non contigisse. Itaque à terra elevatus paulatim ^{paulatim,} processit per regionem aëris, inde per elementum ignis, & ^{per mo-} ^{ras fuerit} ^{raptus ex} ^{oculu Apo-} ^{stolorum.} ita

Alveus Tertius.

Gggg

ita deinceps per omnes cœlestes globos; denique per cœlum empyreum, usque ad paratam sibi ab æterno patre mansionem & sedem. Verba S. Lucæ, quibus nobis descripsit historiam Ascensionis; Act. i. v. 9. *Videntibus illis elevatus est, & nubes suscepit eum ab oculis eorum: cumque intuerentur in cœlum euntem illum; & questio illa Angelorum; Quid statis aspicientes in cœlum? hic Iesus qui assumptus est à vobis &c.* hic inquam modus loquendi clarè videtur innuere, Christum Dominum non fuisse subito raptum ex illorum oculis; sed potuerunt videre, intueri, contemplari, erigi per caput, cum capite reliquum corpus: & sic paulatim elevari, quasi instar aquilæ suspensis alis subinde penderet in aëre; & quo tardius, simul tamen altius viderunt eum elevari, eo magis accensa fuere desideria amoris, eo major fuit voluptas oculorum. Arbitror verò Christum Dominum hoc modo se elevasse non sine mysterio, ut scilicet ita gloriosi corporis sui imaginem Apostolorum cordibus fortius imprimeret. Cum Iesus fuit paulatim elevatus, clarè, distinctè, diu adhuc potuerunt v.g. videre sacrosancta Vulnere. Vulnere pedum; sic memoria illorum Apostolis impressa fuit, ut deinde semper fuerint memores; O quam radiarunt illi pedes, cum gloriosus ascendit! Cum jam Iesus in aëre altius se elevaret, clarè, distinctè, diu adhuc viderunt illius manus, præsertim cum jam in altissimo aëre supremum illis benediceret. Memoria hujus dexteræ nunquam recessit à cordibus Apostolorum. Cum jam jam nubes aurea inciperet involvere sacrosanctum corpus, probabile est Apostolos cum ingenti gaudio, adhuc clare, distinctè cum mora vidisse amœnissimam ejus faciem, & præcipue lucidissimos oculos, quos adhuc de alto in sanctissimam Matrem & Apostolos conjiciebat. O quo jubilo! quo solatio, quo gaudio! hic Christus Dominus in Apostolorum cordibus reliquit preciosissimam gemmam, sive memoriam suæ imaginis. O felices & hodie, qui piis cogitationibus frequenter se sistant in monte Oliveti, & jucundissimum mysterium

ita li-

ita sibi imaginantur, quasi revera viderent, quomodo Christus Dominus à terris fuerit elevatus; quasi viderent gloriosa Vulnera; Stant, & ita aspiciunt in cælum, quasi viderent illum Antidem ex oculis evanescentem; pleni iubilo & gaudio. Omnino, talis memoria est preciosissima gemma, quam qui portant in pectore suo, felices sunt.

Gemmam hanc cœlestis sponsus Cant. 8. vers. 6. vocavit *signaculum*, & ut dilectæ insinuet, quam libenter videat sui memoriam in ejus corde; quam sibi complaceat in corde, quod hac gemma vel signaculo signatum est, ipse se offert, & cupit, ut sit sigillum. *Pone me ut signaculum super cor tuum.* Illis, quos amat cœlestis sponsus, & à quibus amatur, illis inquam infalibiliter donat hanc gemmam, tribuit hanc gratiam, ut sui frequenter meminerint, præsertim in solennioribus festis præcipuorum mysteriorum Vitæ Christi. Hoc signaculo signat suorum corda. Quod agnovit S. August. cap. 13. in solil. ubi cum ingenti gratiarum actione Salvatorem suum ita alloquitur. *Tam caro precio reduxisti me de exilio, redemisti me de servitio, extraxisti me de supplicio, vocasti me nomine tuo, signasti me sanguine tuo, ut memoriale tuum semper esset apud me, & nunquam recederet à corde meo, qui pro me non recessit à cruce.* Animæ piæ absolvit hodierna die Christus Dominus iter suum, in quo fuit in laboribus & doloribus. Hodie iter suum absolvit. Postquam nos reduxit de exilio, postquam devicit hostes &c. ascendit ad cœlos. Dulcissimum hoc mysterium, non recedat à cordibus nostris. Hodierna die ultima vice in monte Oliveti apparuit Matri & Apostolis; O quàm pulcer! quàm gloriosus in decore suo; non recedat hæc pulcritudo à cordibus nostris. Hodie, illorum osculis ultima, vice porrexit sacrosancta Vulnera, Matri præcipuè dulcissimum cor: non recedat hæc memoria à cordibus nostris. Narrare & verbis exprimere ego non possum suavissima verba, quibus Christus D. illos ultimum fuit allocutus; multò minus affectus Virginei cordis, quibus Mater Filio valedixit, cum copia suavissimarum lacrymarum.

rum. Non recedant hæc à cordibus nostris. Memoria hujus mysterii est signaculum & gemma, quàm semper debemus gestare.

S. S.
Aurea praxis, ut Iesu
ascendens in
celos, frequenter
suum memorem

Auream praxin signandi suum cor hac gemma, hoc signaculo, sive frequenter meminisse Christi D. mihi suggerit Spiritus S. & meus amor erga Christum D. in gloriosa sua ascensione. Antequam illam vobis communicem, duo monere debeo. primum est; sicut amatores B. V. præsertim S. Dominicus excogitarunt Rosarium, in quo certo numero salutationum Angelicarum, v. g. 50. vel 63. plurium vel pauciorum, secundum numerum diversorum mysteriorum Dominam nostram per salutamus; ita amatores aliqui Christi D. excogitarunt Rosarium amoris Jesu; quod nil aliud est, quàm ut aliquis in manus accipiat suam coronam, & quot in illa sunt globuli, toties corde & lingua dicat, *Iesu amo te*. In prima decade decies cum Ang. & Arch. *Iesu amo* (sic per reliquos Choros SS.) Seraphinum aliquem puto viris sanctis hunc orandi modum suggestisse. Alterum est; qui excellentiam Rosarii deprecant, dicunt salutationes, esse veluti rosas & lilia, quibus Virginis sceptrum ornamus; Vel totidem sagittas aureas, quibus cor ejus vulneramus; Vel totidem scutellas cum pulcerrimis fructibus, quas illi offerimus; Vel totidem stellas, ex quibus conficimus illi coronam; Vel totidem lucidissimas gemmas, quas projicimus in sinum Virginis. His positis; hodierna die & persequentem Octavam, in manus accipite vestra Rosaria; nolite terreri, non cupio, ut longa oratione vos occupetis, hæc duo verba eligit, *Benedictus Iesus*; quot sunt grana, toties has vocolas repetite; sed in memoriam gloriosæ ascensionis, corde saltem addite, *Benedictus Iesus* gloriose ascendens ad celos. Dum hæc dicitis, cogitate vos interesse jucundissimo spectaculo, cum videbitis, v. g. Magistrum osculantem pedes, dicite *Benedictus Iesus* (hoc modo fiat pia & elegans descriptio Ascensionis cum, affectibus laudis erga Jesum. Animæ piæ! si hodie gloriosis pedibus possetis

setis subternere, rosas & lilia, nunquid faceretis? Potestis facere, dicite 1000. Bened. Jesus. 1000. offeretis rosas, sic de aliis &c. Hoc erit offerre illi rosas & lilia. Hæ voces erunt aureæ sagittæ, quibus cor ejus Vulneribus &c. erunt gemmæ & signacula, quibus memoriam suavissimi hujus mysterii cordibus nostris altissimè imprimemus.

Cum S. Augustinus suum & Matris Monicæ desiderium vellet exprimere, quod habebant erga Christum D. & cœlestem patriam p. ait l. 9. Confess. c. 1. *Inhabitamus ore cordis, in superna fluentis fontis tui, fontis vita, qui est apud te, ut inde pro capitu nostro aspersi, quoquo modo rem tantam cogitaremus.* Talis fons hodie salit in clivo montis Oliveti; fons ingentis gaudii est mysterium ascensionis. Magna, gloriola hic cogitare possumus: qua gloria ascenderit. Magna; quali triumpho ingressus sit cœlos &c. Sed hæc cogitare, est respergi suavissimis guttis & rore cœlestium deliciarum. Scio benedixisse S. Theresiam in sua vita cap. 14. Aliqui proficiunt, vel sentiunt consolationem ex consideratione mortis; alii ex meditatione inferni vel cœli: alii ex continua memoria Passionis &c. Cum ego quærere volo peculiare aliquod solatium; ascendo clivum montis Oliveti, & mysterium ascensionis mihi imaginor. &c. Tam magna, tam suavia, tam jucunda &c. cogitare non possum sine magna consolatione. Scio dixisse Hug. Cardin. *Ut autem facilius & amplius accendi valeat ignis iste, id est, ardor caritatis in cordibus hominum, subjungit de Passione sua; Quia nihil est, quod adeo accendat ardorem caritatis in cordibus humanis, sicut mors sive Passio Christi.* hoc tempore Passionis experti sumus. Hodie montem Oliveti ascendite, cogitate magna! cogitate suavia! vos videte &c. sentietis an non accendatur ardor caritatis.

Scio aureum monitum S. Bernardi, in formula honestæ vitæ. *Sit tibi Iesus semper in corde, & nunquam imago crucifixi ab animo tuo recedat.* Sed hodie & per hanc Octavam cupio, ut idem JESUS sit in corde & in oculis & cogitationibus

§. 6.

Mysterium
ascensionis
est fons
gaudii.

§. 7.

Memoria
Iesu est mors
& consolatio.

nostris, sed qualis ascendit ad cœlos. Dulcis memoria hujus
 mysterii *sit tibi & potus, dulcedo & consolatio tua; mel tuum &
 desiderium tuum, lectio tua & meditatio tua; oratio & contempla-
 tio tua, vita & mors, & resurrectio tua & spes cœlestis gloria.* Scio
 & saepe rumino suavissima elogia Jubili S. Bernardi, de dulcis-
 simo nomine Jesu. (NB. percurrere illud jubileum & selige ali-
 qua pulcra dicta; v.g. Dulcis Jesu memoria; ego addo
 hodierna præsertim solennitate &c. hoc
 modo poterit fieri p. Epilogus.)

F I N I S
 P A R T I S T E R T I Æ.



Alvei

Alvei Tertii,

SIVE

CONCIONUM,

In Festa à Pentecoste usque ad
Adventum.

P A R S IV.



CONCIO LXVIII.

FERIA II. PENTECOSTES.


Sic Deus dilexit mundum , ut Filium suum unigenitum daret , Joan. 3. v. 16.

SYNOPSIS CONCIONIS.

Ostendit hæc Concio , quòd una ex præcipuis operationibus versetur potissimùm circa linguam hominis, ut loquatur sanctè.

- | | |
|--|--|
| <p>§. 1. <i>Verba hæc : Sic Deus dilexit mundum , &c. sunt ostensiva maximi amoris.</i></p> <p>§. 2. <i>Ignæ operatio Spiritus S. versatur potissimùm circa linguam.</i></p> <p>§. 3. <i>Quia hoc membrum valdè indiget auxilio Spiritus S. ut dometur. Qui linguam moderatur , vir est pretiosi spiritus.</i></p> <p>§. 4. <i>Sermonem sanctum accendit & acuit Spiritus S.</i></p> <p>§. 5. <i>Spiritus S. excitat in cordibus</i></p> | <p><i>nostris fontem , qui effluit. Pulcher locus de Samaritana.</i></p> <p>§. 6. <i>Spiritus sanctus facit nos loqui sanctè.</i></p> <p>§. 7. <i>Quare Spiritus S. descenderit in vento.</i></p> <p>§. 8. <i>Alia analogia inter ventum & Spiritum sanctum.</i></p> <p>§. 9. <i>Alia causa hujus comparationis.</i></p> <p>§. 10. <i>Generatio adamantis.</i></p> <p>§. 11. <i>Spiritus sanctus instar venti impellit nos ad cælum.</i></p> |
|--|--|

§.1.
Verba hæc: Sic
Deus dilexit
mundum, &c.
sunt ostensiva
maximi amo-
ris.



Cum S. Bernardus Serm. 64. in Cant. hæc verba expendit, exclamavit, *O suavitatem! O gratiam! O vim amoris!* quot in themate hoc sunt verba, quot voces, quot syllabæ; tot sunt ardentes flammæ, quibus ipse Christus Filius Dei mortalium corda conatus fuit accendere, & permoveere ad mutuum amorem, erga DEUM tam suavē, tam beneficum, tam liberalem, tam nostri amantem! Scio præclarè dixisse Richardum de S. Victore; *Quocumq; se vertat homo, habet admonitionem amoris.* Si respiciat cælum, si solem, si lunam, si stellas, si in cælo empyreo Cherub. & Seraphinos, &c. Omnia clamant, ama Deum tuum. Si discurrere velis per clementa, ignis & quæ in igne sunt, aer & quæ in aere sunt, terra, & quæ in ea sunt, mare, & quæ in illo sunt omnia clamant: Homo! ama Deum tuum! quot creaturas habet orbis universus, tot sunt monitores, quæ nobis suggerunt, ut DEUM amemus. Superat omnes ipse Filius DEI, his verbis, *sic Deus dilexit &c.* S. Thomas in Cant. *Certè ostensiva hæc sunt verba maximi amoris:* ut vicissim DEUM maximo amore prosequamur. Postquam autem Filius DEI in gloriosa ascensione nos, & hunc mundū deseruit, post decem dies festo Pentecostes in hunc mundum misit Spiritum S. Quis non exclamet? *ô suavitatem! ô gratiam! ô vim amoris!* Sic Deus dilexit mundum, &c. Præter Filium, dedit etiam Spiritum S. De tanto dono multa heri vobis proposui, hac concione in medium afferam. 1. Operationem Spiritus S. versari præcipuè circa linguas. 2. Præsertim cum loquendum est contra peccatores, 3. Spiritus S. facit nos loqui sanctè. &c.

§.2.
Ignis operatio
Spiritus S. ver-
satur potissi-
mum in creatu-
ris.

Apparuerunt dissipata lingue tanquam ignis. Act. 2. v. 3. Benè advertit Abbas Absolon, Spiritum S. in festo Pentecostes non descendisse de cælis absolutè in forma ignis, ut sciamus illum esse Spiritum, qui hominis intellectum illuminat, qui voluntatē accendit, qui scorias passionū consumit, similesq; effectus, de quibus alias actum est, producit: sed illum ignem arsisse, luxisse, instar ignearum & ardentium linguarū, ut sciamus:

mus: circa linguam fore operationem Spiritus S. Ideò aliquorum sententia est, igneas illas linguas non sedisse tantum supra capita Apostolorum, veluti novas spirituales coronas, ut loquitur S. Cyrillus, & prout depingi solent, sed quod ora Apostolorum penetrarint, & sederint illæ flammeæ lingulæ super eorum linguas, ut visæ fuerint quasi ardere.

Neq̃ sine causa hoc membrum humani corporis indiget peculiari assistentia Spiritus S. Jacob. 3. v. 6. *Lingua est universitas iniquitatis, & linguam nullus hominum domare potest.* S. August. l. de natura & gener. *Nullus hominum &c. Ut ostendas divinum auxilium necessarium esse ad domandam linguam: & sic cum domatur, Dei misericordiâ, Dei auxilio, Dei gratiâ fieri fateamur.* Peculiari Spiritus S. gratiâ opus est, ut dometur. Ipsorum Apostolorum linguæ, igne Spiritus S. debuerunt purificari & accendi, ut loquerentur magnalia Dei, ut Christum prædicarent: S. Gregor. *Ut ignea lingua igneam legem loquerentur.* Actor. 2. v. 4. *Ceperunt loqui, prout Spiritus S. dabat eloqui illis.* Proprietas linguæ est, ut plerunq̃ loquatur falsum, turpiter, procaciter, quæ non licet loqui: Itaq̃ Prov. 17. v. 27. *Qui moderatur sermones suos, doctus & prudens est, & pretiosi Spiritus vir eruditus.* Isa. 6. v. 7. Seraphinus igneo carbone tetigit labia prophetæ, & ablata est iniquitas) in plurima peccata Isaias non fuit lapsus. Carbo ille Seraphicus vel ignitus symbolum fuit illius ignis, quo Spiritus S. linguas nostras purificat, ut non loquantur malè, & accendit, ut ferventes loquantur de rebus divinis S. Chrysologus serm. 57. *Putamus etiam ut ad corda usq̃ nostra perveniat calor iste carbonis, ut de tanta suavitate mysterii, non solum labiis gustum, sed ipsius totam suavitatem sensibus, & mente capiamus.* Breviter S. Chrysostomus hom. 14. in Ep. ad Eph. *Sermo pius, signum est Spiritus sancti.* Labia sponsæ comparat sponsus Cant. 6. v. 3. *Vitis coccinea.* Talia autem labia sunt ex mente S. Bern. orat. de pass. cap. 21. *qua semper verbis ardentis caritatis abundant, quæ rubræ ab igne Spiritus S. loquuntur magnalia Dei.* S. Gregor. hom. 36. in Evang. *Quos replet Spiritus S. ardentes pariter, & loquentes facit.*

Præcipue cum pro honore Dei contra impios loquendum est. S. August. hom. 5. in Apoc. *Postquam Dominus ascendit in caelum, Spiritus S.*

S. 3.

Quia hoc membrum valde indiget auxilio Spiritus S. ut dometur. Qui linguam moderatur, vir est pretiosi Spiritus.

S. 4.

Sermonem sanctum accendit & acuat.

lum, misit Spiritum S. cujus verbo Prædicatores tanquam sagittæ ad corda hominum pertingerent, & vincerent incredulitatem, ad Hebr. 4. v. 12. Vivus est sermo Dei, & efficax, & penetrabilior omni gladio ancipiti, & pertingens usque ad divisionem animæ, ac spirituum, compagum quoque, ac medullarum. Sed unde illa vita, illa efficacia sermonis: nisi ab igne Spiritus S. Si lingua hominis ardeat, si ferveat, si feriat instar acutæ sagittæ, si penetret instar gladii ancipitis, instar ensis flammei, qualem habuit Cherub custodiens paradisum, si loquatur magnalia Dei, Digito Dei, Igneæ Lingue, Spiritui S. id oportet adscribere. De lingua v. g. ferventis alicujus Concionatoris verissimum est cum durius intonat, fulgurat, territat, & multa infert de inferorum pœnis, de damnatorum suppliciis, quòd id faciat Spiritus S. hic tonat, hic fulgurat, hic territat. Cum verò eadem lingua fluit melle ac lacte, cum profert dulcia de paradiso, Spiritus S. fons est, puteus est, ex quo tam dulces hauriuntur aquæ.

S. S.
Spiritus S. in
cordibus no-
stris excitat
fontem, qui
effluit Pulcher
locus de Sama-
ritana.

Joan. 4. v. 14. Christus Dominus dixit Samaritanæ ad fontem. *Qui biberit ex aqua, quam ego dabo ei, fiet in eo fons aquæ salientis in vitam æternam.* Emphasis latet in illa vocula, fons; quia Christus Dominus non fuit locutus de quavis aqua alicujus putei, vel cisternæ, sed de fonte: Hanc nos observamus differentiam, putei & cisternæ plerumque non effluunt, sed in se continent suas aquas: In fonte verò ex occultis venis & meatibus terræ tam copiosè scaturit aqua, ut fons eandem cum magna abundantia communicet latè adjacentibus campis. Hæc est proprietas Spiritus S. fons est, qui ex illo bibunt, aquas vitæ non tantum in se retinent, sed surgunt illi rivuli ex corde in os & linguam; etiam lingua dulces effundit aquas, cum sancta loquitur. Sic Pinna de lingua loquitur veluti de fonte: *Prodeat ad instar aquæ fontana, & utilitatem pariter, & voluptatem afferat spectantibus; præterea & sata riget, & segetes ad culmum spicamque perducant.* Aquæ haustæ ex fonte Spiritus S. non manent in corde, effluunt in linguas.

S. S.
Spiritus S. fa-
cit nos loqui
sanctè.

Spiritus S. facit nos loqui sanctè. In Samaritana hoc observatur; hauserat aquas dulcissimas, hauserat ex fonte verbi Domini fidem de Christo, hauserat amorem erga eundem; neque

neque factus fuit puteus vel cisterna, sed fons: Communicavit concivibus illas aquas, loqui cœpit, & ex civitate illa crediderunt multi, propter verbum mulieris testimonium perhibentis. S. Chrysostomus serm. 44. in Joan. *Videtur quomodo impleta illa mulier divino illo & spirituali fonte, non detinuit intra se flumina, sed superflaturiens, ut ita dicam, effudit, & super habitatores civitatis, concessit Domini gratiam, & praeconis officium egit mulier Samaritana & alienigena.* Ut finiam primum punctum, repeto breve dictum S. Chrysostomi superius jam allatum: *Sermo pius est signum Spiritus S.* Inspicite vestras linguas, attendite sermones, ex illis colligite, an gratia Spiritus S. habitet in vobis. Illis, qui in lingua non offendunt, gratulor: Signum habent Spiritus S. Illos, qui malè loquuntur, qui turpiter, &c. moneo cum S. Paulo ad Eph. 4. v. 29. *Omnis sermo malus, ex ore vestro non procedat.* Et subjungit: *Nolite contristare Spiritum S. in quo signati estis in diem redemptionis,* (fiat invektiva in illos, qui blasphemias, imprecationibus, turpiloiis, damnationibus contristant Spiritum S.) Ut redemptio nobis proffit, signari debemus à Spiritu S. præcipuè in lingua. S. Chrysologus serm. 6. *Mundate labia, sanctificate linguam.* S. Cyprianus de Apostolis: *De calore Spiritus fervebat sermo ignitus.*

Ostendi unam ex causis, ob quas Spiritus S. apparuit in linguis igneis: Nunc ad alteram Concionis partem progredior, quare idem Spiritus S. venerit in hunc mundum, veluti fortis ventus. Sic ait textus Act. 2. 2. *Factus est repente de caelo sonus, tanquam advenientis spiritus vehementis.* Elegans simile causam nobis explicabit: Contingit subinde, ut in portu Gaditano hæreant naves, rebus omnibus instructissimæ, paratæ in longissimum iter in Indias, exire tamen ex portu, & alto se committere non possunt, donec secundus aspiret ventus. Momento quo ventus Orientalis incipit flare, extrahuntur anchoræ, attrahuntur rudentes, expanduntur vela, expediuntur remi, & cū gaudio naves evolant in altum pelagus. Instar naviū hærebant Apostoli Jerosolymis in aula, in monte Sionis, parabant se ad illud iter, de quo illis dixerat Dominus, Marc. 16. v. 15. *Ite in universum mundum, predicate Evangelium omni creature.* Sed, quia nondum aspirabat necessarius ventus ad tam arduum iter, ad tam su-

5.7.
Quare Spiritus S. descendit in vento.

blimem negotiationem peragendam, perseverarunt unanimiter in oratione, suspirantes cum Sponsa, Cant. 4. v. 16. *Veni Auster, & perfla hortum meum.* Qui ventus cum calidus sit (S. Bernardus) *significat Spiritum sanctum.* Proinde quoque Festo Pentecostes circa sextam matutinam, factus est de cœlo sonus, tanquam advenientis spiritus vehementis, in quo Spiritus S. supra Apostolos descendit; subito Apostoli aperuerunt portas cœnaculi, & veluti ex portu solventes, explicuerunt vela divinæ prædicationis, ut mox dici potuerit, ex Psal. 18. v. 5. *In omnem terram exivit sonus eorum, & in fines orbis terræ verba eorum,* cum ingenti fructu animarum. Felicissima fuit illorum navigatio: Non miror; navicula, quæ per altum hujus mundi pergit, afflante Spiritu S. navigat feliciter.

§. 9.
Alia analogia
inter ventum
& Spiritum S.

Origine ventorum difficulter indagatur. Soli, mari, aeri, aliis causis multi ascribunt ventos. Puto ego benè dixisse Davidem, Psal. 134. v. 7. *Qui producit ventos de thesauris suis.* Proinde soli Deo cognita est causa ventorum. Æquè mirabiles sunt effectus ventorum. Job. 28. v. 25. *Qui facit ventis pondus,* qui facit illos fortes, ut convellant arbores, concutiant montes, diruant fundamenta terræ. Nota sunt mirabilia, quæ venti patrant in Oceano, &c. Heri insinuavi, quàm incomprehensibilis & ineffabilis sit emanatio Spiritus S. à Patre & Filio. Ventus est spirans ex thesauris Divinitatis! Insinuavi heri, quàm sit Spiritus validus ac fortis, quàm fortes fecerit Apostolos. Ventus est! Celerissimus quoque est Spiritus S. *Ambulat super pennas ventorum,* Psal. 103. v. 3. *Quia scilicet* (S. Augustinus hîc) *velociter currit sermo ejus, citò implens, quidquid vult.* Addit S. Ambrosius. *Et nescit tarda molimina Spiritus S. gratia.*

§. 10.
Alia causa
huius comparationis.

Philosophi agentes de proprietatibus venti, inter alia: ajunt: *Ventus omnia facundat & vivificat.* Ob hunc effectum puto dixisse, Joan. 6 v. 64. *Spiritus est, qui vivificat.* S. Cyprianus legit, *Spiritus S. est omnium viventium anima.* S. Petrus Dam. serm. 21. *Sicut anima est vita corporis, ita & vita animæ nostræ Spiritus S. est. Ut sicut corpus nostrum, animâ recedente collabitur, ita & eadem anima, si spiritus vivificator abscesserit, necesse est moriatur.* Ideò cum hodiernâ die Act. 2. 2. *factus est repente de cœlo sonus, tanquam advenientis spiritus vehementis,*

bementis, Apostoli de cœlo acceperunt quasi novas animas, novâ & cœlesti incepterunt vivere vitam hinc novi motus! hinc cœlestia desideria, hinc generosus & intrepidus animus. Vivificatus à Spiritu sancto.

Mirabilis est generatio adamantis, si credimus Alberto M. in montibus Aquilonaribus decidunt nives, non frigida, sed tenera. Post aliquot menses liquefiunt pleræque, plerumque tamen in profundis vallibus, quas radii solis non attingunt, remanent nivis massæ, quæ paulatim à frigidissimis & siccissimis ventis ita purgantur ab omni humiditate, & sordibus, ut denique reddantur duræ, veluti crystallus. Supervenientibus tandem & aspirantibus ventis longè siccioribus & frigidioribus certæ particulæ illarum massarum ita siccantur, purgantur, indurantur, ut tandem particulæ à natura transformantur in durissimos adamantes, tam duros ac fortes, ut omni chalybi, ferro, atque igni resistent. Videtur adhuc alludere v. 22. cap. 43. Eccl. *Frigidus ventus Aquilo flabit, & gelabit crystallus ab aquis.* Talis nix erant Apostoli, candida quidem, vos mundi estis, sed frigida & mollis; *relieto eo fugerunt.* Postquam Christus Dominus post gloriosam resurrectionem, *insufflavit in eis dicens*, Joan. 20. v. 22. *Accipite Spiritum sanctum*, facti sunt veluti crystallus, acceperunt aliquod robur; fragiles tamen adhuc erant & timidi. Sed ecce gloriosissimâ die Pentecostes, *fit de cœlo sonus*, &c. Hic ventus dissipavit ex illorum cordibus omnem timorem, hic ventus purgavit omnes sordes, hic ventus illos convertit in adamantes, &c.

Placuit metaphora venti Regio Psalti, Psal. 142. v. 10. *Spiritus tuus bonus deducit me in terram rectam.* Addit Genebrardus. *Quia sicut ventus impellit in cœlum.* Vel, ut ait S. Chrysostomus, sæpius citatus, *Spiritus Domini (instar venti) concupiscentias exinguit, & ad majora exercenda semper impellit.* Matth. 3. v. 16. *Cum Christus Dominus baptizaretur in Jordane, vidit Spiritum Dei descendentem, sicut columbam, & venientem super se, & confestim ascendit de aqua.* Statim Spiritus sanctus instar venti illum impulit, ut iret in desertum. Hunc ventum, hos impulsus petiit tam ardentem David, cum dixit, Psal. 54. v. 7. *Quis dabit mihi pennas*
sicut

s. 10.
Generatio
adamantis.

s. 11.
Spiritus S. in-
star venti im-
pellit animas
nostras in cœ-
lum.

Ingens fuit prodigium, quod zelosus Elias, ardenti oratione impetravit de cœlo l. 3. reg. c. 18. Erexerat altare, præparaverat victimam, imposuerat aræ, ut illam immolaret Deo. Prius tamen usus fuit mirabili cæremonia; Victimam non tantum asperfit & humectavit aqua sed circum altare iussit fudi canales sive rivulos, quos etiam implevit aqua; tum clamavit ad Dominum, ut ipse cœlestibus flammis præparatum sacrificium accenderet, quod & contigit, vers. 38. *Cecidit ignis Domini* tanto impetu, tanta copia, ut non tantum statim *devoravit holocaustum*, licet esset planè madidum, tum ob effluentem sanguinem, tum effusam aquam; sed fluentem quoque aquam in canalibus circum altare accendit, tanto circumstantis populi stupore, ut omnes exclamarint, vers. 39. ejusdem cap. *Dominus ipse est Deus, Dominus ipse est Deus.* Hæc fuit cura SS. Apostolorum à die gloriosæ Ascensionis, ut unanimiter, perseveranter, orando, suspirando, flendo se suæque corda disponerent ad immolandum holocaustum Domino. Festo Pentecostes cœlestis Elias, ardens pro amore Jesus Christus Filius Dei, Salvator mundi, de cœlo inter ventos, inter tonitrua, inter igneas linguas demisit ignem, cecidit spiritus sanctus, qui omnium præsentium corda, lacrymis madida accendit, devoravitque suavissimum Deo holocaustum. Circumstantia illa, quod ignis accenderit aquam, denotat præcipue admirabiles operationes spiritus sancti in cordibus nostris; multas vobis exposui hoc biduo; supersunt *nihilominus* aliæ, quas hac concione proponam.

Super verba illa Christi D. Joannis. 16. v. 7. *Expedi ut ego vadam, si enim non abiero, Paraclitus non venit ad vos*, ait S. Chrysostomus, *His verbis ostendit Christus, quæ sit necessitas & utilitas, advenientis spiritus sancti.* Necessitas in hoc videtur consistere, quod homini ad assequendam salutem non sufficiat quod sit creatus à Patre, neque quod Redemptus sit à Filio, sed debet insuper justificari à spiritu sancto ut servet mandata Dei, ut bene operetur, ut fugiat malum, & sic salvetur. SS. Patres hanc necessitatem explicant quibusdam similibus;

Alvei III. Pars IV.

b

for-

§. 1.
Ignis, qui
voravit
holocaustum
Elias,
fuit signum
spiritus S.

§. 2.
Spiritus S.
nobis utilis
& est & necessarius:
quod ostenditur per
similia.

formaverat Deus corpus Adami ex limo, Gen. 2. vers. 7. tum ait textus, *Inspiravit in eum spiraculum vite*. S. Chrysof. hom. 13. in Gen. *Quia corpus illud, quasi instrumentum erat, quod egebat aliquo se movente*. Clarius S. Aug. *Quod est anima corpori, & Spiritus S. anima*. Et sicut, ut cythara suaviter sonet, non satis est, ut sit instructa chordis, sed opus habet aliquo, qui ex arte illas tangat; eodem modo, ut nos vita nostra, veluti dulci sono cytharæ Deum oblectemus Digito opus est, qui nos dirigat, id est, Spiritu S. S. Greg. Naz. or. ad Patr. *Organum divinum, cythara divina ego sum; instrumentum ratione præditum! quod à Spiritu S. concinnatur atq; pulsatur*. Cum Moyses in Ægypto patraret mirabilia exclamabant Ægyptii, Exod. 8. v. 19. *Digitus Dei hic est*. Si contingat me videre aliquem hominem Christiana patrare miracula gratiæ, v. g. si mundum contemnat; cogito & dico, *Digitus Dei hic est*, Spiritus S. hoc facit. Contingit ut subinde aliquis, qui multos annos fovit gravissimum odium erga suum hostem, contingit, inquam ut hic subito mutetur, ut deponat odium &c. dicamus libere *digitus Dei hic est &c.* potest hoc modo fieri p. inductio.

S. 3.
Et ex histo-
ria Sam-
sonis.

Sacra scriptura multis celebrat fortitudinem Samsonis; Jud. 14. obviavit in via illi leo, *cum venisset ad vineas oppidi, apparuit catulus leonis, sevens. & dilaceravit illum quasi hadum*. Nunquid leo culex, quærit nobilis sacr. script. Interpres, *vel pulex erat, qui digitis comprimitur ac necatur?* Sic leonem compressit Samson; sed causam fortitudinis assignat sacer textus Jud. 14. v. 6. *Irruit spiritus Domini super Samson-- & dilaceravit leonem, quasi hadum*. Caput 13. v. 25. Jud. ait, de Samson, *cepit spiritus Domini esse cum illo, in castris Dan*. Sive ut S. Ambros. ait, l. 2. de Spiritu sancto: *Cepit spiritus Domini comitari eum in castra; meritoque fortior cæteris habebatur, quia eum spiritus Domini dirigebat; quo duce, solus, alienigenarum fugabat populos*. O Metamorphoses! hic fortissimus Samson à Dalila deceptus, ab eadem capillis & fortitudine sua spoliatus fuit! hic Samson denique captivus Philistæorum, imò, (cap. 16. vers. 21.) *eruerunt oculos ejus, & clausum in carcere molere fecerunt*. Non dubito Samsonem subinde

inde tentasse pristinas vires; non dubito fuisse conatum disrumpere vincula; non dubito extendisse lacertos; sed frustra. *Nesciens, quod recessisset ab eo Dominus. v. 20.* Proinde exclamavit S. Ambr. cit. *Sed utinam tam cautus fuisset Samson ad conservandam gratiam & spiritum Domini, fugiendo Dalilam, quam fortis ad superandam bestiam.* Similes operationes spiritus D. cernimus quotidie. Terribilis, sævus leo est Iracundia; subinde hanc bestiam dilaceramus ut hædum, superamus iram facillime: signum est nobiscum esse gratiam spiritus sancti, cum hic dux noster est, facilis est victoria: cur verò ab eodem leone frequenter dilaceramur? fidimus Dalilæ, causas ponimus ut recedat à nobis spiritus sanctus. Eruto hoc oculo, lervire, molere cogimur sub miserabili iugo Satanæ. (sic discurre per alia vitia.)

Non sine mysterio S. Matth. Evang. cap. 4. v. 1. antequam narraret tentationes diaboli contra Christum D. dixit, *Ductus est Iesus à spiritu in desertum*: quibus verbis nobis innuit, quod erat necessarium, cum Christo D. fuisse spiritum sanctum ut intelligamus ulterius; nobis, quia frequenter tentamur à diab. si vincere velimus, opus esse ut confortemur gratia spiritus sancti. *Talis enim illa est* (S. Chrysost. ser. 2. de asc.) *Ibi se manifestat, fugat agmina demonum, cunctasque potestates adversarias.* Mirantur subinde aliqui peccatores, quod toties & tam facile superentur à diabolo, quod tam facile & frequenter labantur in gravissima peccata, nescientes, quia erutos habent oculos: nescientes, quod extincta in illis sit lampas gratiæ spiritus sancti; nescientes, quoniam spiritus D. ab illis recessit: in cujus absentia difficillimum est bene vivere; non expedit tantum, sed necessarium est; ut ad nos veniat Paraclitus spiritus sanctus.

S. Bern. super verba illa sponsæ Cant. 3. v. 1. *Quasi vi quem diligit anima mea*, varias affert causas, ob quas id fecerit. Inter alia ser. 85. in Cant. ait; *Quaritur: cui consentiat ad correctionem, quo illuminetur ad cognitionem, cui innitatur ad virtutem, quo reformetur ad sapientiam, cui conformetur ad decorem, cui maritetur ad fecunditatem, quo fruatur ad iucunditatem.* Ego hæc verba

§. 4.
Quare Christi
fuit D. di-
catur in
desertum
ductum à
spiritu,

§. 5.
Ob quas
causas
sponsa opta-
verit pra-
sentiam
sponsi &
spiritus s.

sic intelligo, quod sponsa quæsit doctorem, instructorem, adiutorem, sponsum socium. Advertitisne causas, quas habemus, ut anhelemus ad spiritum sanctum? Christus D. dum vixit in hoc mundo, fuit noster Magister; postquam ad cœlos ascendit, misit nobis spiritum sanctum ut nos arguat, ut nos corrigat, ut nos illuminet &c. (hoc modo pergo per reliqua dicta S. Bernardi.)

§. 6.
Generosa
desideria
amoris er-
ga Deum
& proxi-
mum sug-
gerit spiri-
tus S.

De S. Joanne Evangelista dixit S. Petrus Damianus ser-
63. *Tanta cor ejus etiam circa fratres caritatis gratia replebatur, ut sacrosanctum corporis ejus templum, velut caminus quidam divini videretur incendii.* Hæc incendia excitat spiritus sanctus. In corde S. Pauli Apostoli, diffusa fuit caritas Dei, ut ipse gloriatur ad Rom. 5. v. 5. *Sed per spiritum sanctum qui datus est nobis.* Super illa verba ejusdem ad Rom. 9. v. 3. *Optabam ego ipse anathema esse à Christo D pro fratribus meis.* ait S. Chrys. *Optat separari à dilectione Dei, ut dilectionem adaugeat.* Vnum enim (S. Paulus) per omnia considerabat, nempe quomodo pulcrum hunc amorem expleret. Sed per gratiam spiritus sancti subinde, ardentius amantium, summum desiderium, summum gaudium est, animarum fructus, conversio peccatorum! Per gratiam spiritus sancti--S. Demetrius teste Simeone Metaphr. *Summum damnum reputabat, si non omnes, ad quos verba instituebat, ab infelici Daemonum servitute, in Christi libertatem vindicaret.* S. Dominici sanctissimi Ordinis Patriarchæ, fuit tantus in animas amor, & commiseratio, ut non solum fideles omnes, sed etiam infideles, & eos, qui in inferna cruciarentur, amor ille tantus & commiseratio complecteretur, & multis pro illis lacrymas effunderet. Tanta per cor S. Dominici diffusa fuit caritas, sed per spiritum S. hic fuit fons dulcissimarum lacrymarum. Ep. 1. ad Thess. c. 2. v. 19. iterum dixit S. Paulus; *Quæ est enim nostra spes, aut gaudium, aut corona gloriæ? Nonne vos ante Dominum nostrum Iesum Christum in adventu ejus. Vos enim estis gloria nostra & gaudium.* Hunc sensum S. Paulo præbuit, & hodie Apostolicis concionatoribus præbet gratia spiritus sancti cum tanto gustu, ut S. Th. dixerit, *Maxima est retributio concionatori ex his, quos convertit.*

Per-

Permittite mihi auditores, ut in materia amplissima de operationibus spiritus S. magnum numerum sine Ordine in unum accumulem acervum. Cumulus ille, ut sit dicam fuit B. V. De qua & spiritu S. ait S. Hildephonsus ser. 2. de ass. ut Spir. S. *eam replevit, simul ornavit immensis largitatis sue muneribus.* S. Petrus Dam. de annunt. *Mariam totam sibi rapuit Spiritus S. S. Anselm. 4. de virt. Mariæ. Huic puella, totum se infudit.* Spir. S. Et *Matrem suam Dei Filius penetrans, unxit eam oleo exultationis, id est, spiritu S.* De hoc oleo, Rich. de S. Viç. ser. de spir. S. loquitur veluti de melle; *Audacter affirmo, quod sola una huius mellis stilla potest, quod totus mundus non potest. Cor quidem copia mundi non satiat; una huius dulcedinis gutta, (sola spiritus S. præsentia) plene inebriat.* Hanc impletionem, hunc ornatum à spiritu S. hunc raptum, hanc infusionem, hanc penetrationem, hanc unionem, hoc oleum exultationis, hoc mel, hanc copiam dulcedinis, Archangelus Gabriel, vocavit Obumbrationem. Spir. S. obumbrabit tibi; (implebit te, ornabit te, rapiet te. Spir. S. se se tibi infundet, penetrabit potentias animæ tuæ &c. O sancte spiritus, Veni! Ecce mundavimus corda nostra per sacram exomologesin, Vasa nostra munda sunt, lota in sanguine Agni, infunde te illis, Orna illa! (fiat affectuosa imploratio spiritus sancti.)

Pergit cit. libro S. Anselmus cap. 8. *Plena fuit. Dei para, spiritu sancto, qui est amor Patris, & prolis amor suavis, & dulcis! Ipse spiritus Dei, ipse amor omnipotentis Patris & Filii; ipse per quem, & in quo amatur omne, quod bene amatur; ipse enim corporaliter venit in eam, &c. ideo, totis medullis, totis viribus in Dei amorem suspensa fuit; cum quadam amoris & exultationis immensitate.* S. Gregor. Thaumaturg. ser. de Annunt. asserit, spiritum S. in ea, totius gratiæ thesaurum recondisse. Cum Amedeo Laufam. hom. 3. B. V. testo Pentecostes sic alloqui possumus. O Domina! *Vbi erat tua, ubicor, ubi mens, ubi sensus, ubi ratio? Ardebas ut rubus, qui olim ostensus est Moysi, & non comburebaris! liquefuebas, & non consumebaris! Ardebas liquefacta supernis ignibus,*

liquefacta in igne vires resumebas ab igne, ut semper arderes, & interim liquefieres. Ignis ille rorem luminis exhibuit; Ros luminosus unctionem præbuit, unctio semen sanctum præstitit, &c. Numerastisne quas paucis lineis insinuavi operationes spiritus sancti. Amare Deum in spiritu sancto amore dulci, & suavi! Totis medullis, totis viribus suspensum hære amore Jesu; adhærere illi; cumulari thesauros gratiæ; ardere, non comburi; liquefieri animas sanctas, non consumi; resumere vires ab igne, ut semper ardeamus; irrigari, accendi, corda nostra luminoso rore dilectionis, simul inungi suavissimo oleo cœlestium deliciarum; Spargi in agris animarum nostrarum divinum semen sanctarum cogitationum, latissimorum affectuum &c. hæ sunt operationes spiritus sancti. Facile advertere potestis, an his teriis descenderit super vos spiritus sanctus! Vestras cogitationes, vestros affectus, vestros amores, vestros ignes examinate.

§. 9.
B. V. tota
accensa &
ignita à
spiritu san-
cto.

Unum adhuc addo locum S. Hildephonsi ser. i. de assumpt. *Beatam Mariam, velut ignis ferrum, spiritus sanctus totam decoxit, incanduit, & ignivit, ita ut in ea spiritus sanctus flamma videatur, nec sentiat, nisi tantum ignis amoris Dei.* Amed. Lauf. hom. 7. *Sic illa, divini ignis calore, vehementer accensa, & Verbi flammigerantis sparsa incendiis, odorem resultantis gratiæ, -- aliis, -- exhalabat.* Sed tempus est, ut hæc moneam.

§. 10.
Hæc opera-
tiones spi-
ritus san-
cti impe-
trare debe-
mus per in-
tercessio-
nem B. V.

Ut gratia spiritus sancti tam eximios in nobis operetur effectus, de quibus hoc triduo in meis concionibus egi, rogo meos auditores. Primo ut memores sint dicti S. Bonaventuræ, & S. Bernardi, quo asserunt, *Deum decrevisse, nihil nobis dare nisi per Mariam.* & quod in particulari, teste S. Brigitta l. 3. revel. c. 30. *Ipsa Deipara sit canalis spiritus sancti.* vel ut S. Ephrem loquitur, quod *Maria facta sit hominibus fons spiritus aterni.* Rogo omnes ut sibi persuadeant, cum Dion. Carthus. l. 4. de laud. V. art. 16. quod, *per Mariæ suspiria, & orationes, spiritu sancto repleti sunt Apostoli.* Spiritus Sanctus dicitur donum altissimi, sed, *Nemo est, (S. Germ.) cui donum concedatur, nisi, per te, O castissima!* Itaque accedamus ad thronum Mariæ, accedamus ad hunc canalem,

nalem, & fontem, imploremus Deiparam ferventi oratione, ut & nobis impetret spiritum sanctum; nobis tam utilem atque necessarium.

Rogo 2. meos audit. ut in se excitent magnum desiderium excipiendi, & recipiendi; tantum spiritum: Sap. 7. v. 7. ait Salomon, *Optavi, & venit in me spiritus sapientia.* id est, quia *optavi.* Et ideo Christus D. ante ascensionem suam sæpius Apostolis promisit spiritum sanctum *ut excitaret desiderium.* (S. Leo ser. 3. de quad.) *Ob eandem causam, etiam hodie Deus non statim largitur, quod petimus, ut sic differendo* (S. Aug. tract. 4. in ep. S. Joannis) *extendat desiderium, desiderando extendat animum, extendendo reddat capaciores.* Nam *desiderium* (S. Th.) *quodammodo facit desiderantem ad susceptionem desiderati, aptum & paratum &c.*

Rogo. 3. ut præcipuè per piam communionem se reddant participes gratiæ spiritus sancti. Neque enim sine illo Christus D. corda nostra ingreditur. Illos, qui fortassis non communicarunt cupio esse memores canonis Concilii Tolentani. *Seculares, qui in Natali Domini, Pascha, & Pentecoste non communicaverint, Catholici non credantur, nec inter Catholicos habeantur.* hoc superest remedii, ut id fiat proximo festo sacrosanctæ Trinitatis. fiat p. invitatio &c.



CONCIO LXXI.

FESTO CORPORIS CHRISTI.

Caro mea, vere est cibus.

Joan. 6. cap. v. 56.

SYNOPSIS CONCIONIS.

Agit de vera fide erga sanctissimum sacramentum Eucharistiæ; ejusque adoratione, atque veneratione.

§. I. Chri-

§. 1. *Christiani, mirabili modo in terris, habent sibi Deum suum præsentem.*

§. 2. *Vera fides debet custodiri, ut pupilla oculi.*

§. 3. *Præsertim circa mysterium SS. Eucharistia.*

§. 4. *Cavenda sunt curiosa questiones circa hoc mysterium.*

§. 5. *Figura hujus mysterii, quæ fidem nostram confirmant.*

§. 6. *Exercitium fidei; licet plerique sensus aliud judicent.*

§. 7. *Cur sanctissima Eucharistia, vocetur mysterium fi-*

dei.

§. 8. *Fides Christum præsentem in Eucharistia adorat.*

§. 9. *Antiqui, certas habuerunt formulas salutandi SS. Eucharistiam. Quales & hodie in usu sunt.*

§. 10. *Eximium factum, & dictum fortissimi Ducis.*

§. 11. *Quam devotionem erga Eucharistiam præscribant concilia.*

§. 12. *Et aliqui ex adversariis requirant.*

§. 9.
*Christiani,
mirabili
modo in
terris ha-
bent sibi
Deum
suum præ-
sentem.*

HÆc Judæorum, in V. T. erat gloriatio, quod Deum sibi haberent vicinum & præsentem in medio sui. didicerunt sic gloriari à suo legislatore Moyle, qui Deuter. 4. v. 7. dixit, *Non est alia natio tam grandis, quæ habeat Deos appropinquantés sibi, sicut adest nobis Deus noster.* ps. 75. v. 1. sic gloriatus fuit David. *Notus in Iudæa Deus, in Israel magnum nomen ejus. Dominus in Sion magnus, & excelsus super omnes populos.* q. d. Invocent Philistæi ficticium suum Dagon. laudent Syri Deum suum Remmon. prædicent Assyrii Deum suum Nes-roch. adorent Babylonii voracem suum Belum, glorientur alii multitudine Deorum; *non est natio tam grandis, quæ habeat Deos suos appropinquantés sibi, uti nobis adest Deus noster vivus, verus, æternus, omnipotens, Deus exercituum ut nos protegat, ut nobis loquatur, ut innumera exhibeat beneficia.* Sic olim gloriati sunt hebræi, & merito, gaudet bonus filius, dum penes se habet parentem, discipulus de præsentia magistri, miles de præsentia ducis, subditus de præsentia regis, sponsa de præsentia sponsi. Sed, O judicia Dei! natio illa quæ dixit Is. 12. v. 6. *O Sion lauda & exulta, quia magnus in medio tui sanctus Israel.* populus il-

Ius ille electus, populus Dei, hæreditas Dei, gens sancta, ille populus à quo Patr. Prophetæ, Reges, B. V. ipse Messias, descendunt, rejectus est, quia Deum suum rejecerunt. qui Deo fuerunt omnium proximi, facti sunt remotissimi. Ad nos translata est hæc dignitas, ut gloriari possimus (rep. cit. versus) præcipuè hodierna festivitate, qua tanta pompa Deum nobis in SS. S. præsentem per urbem circumferimus. Ut comitemur ea reverentia, quàm tantum exigit mysterium; necessaria nobis est viva fides. hæc nos movet ad dignam adorationem. De his duobus aget hæc concio. Laus sit sacro. sacramento.

Elegans est similitudo S. Drogonis l. de Sacram. Dom. Passionis. *Hilaris pupilla lucide speculatur; fides est pupilla oculi tui. quo modo pupilla oculi est subtilissima; nisi impigre ac solicite custodiatur à palpebris, levissimi ac tenuissimi pulveris tactu confunditur; sic acie fidei, nisi pervigilem semper habeat custodiam, nihil citius conturbatur.* Elegans ut dixi, est hæc comparatio; sicut enim pupillam custodiunt palpebræ & quasi tenent in carcere, ne ab extrinseco, pulvis adveniens lædat obtutū: ita & fides intellectum tenet in custodia, ne aliunde species advenientes, ne hæreticorum errores & opiniones in gravissimis articulis fidei nostræ, rationem confundant, ac infusum fidei lumen restinguant. Nisi enim hac custodia, sive carcere semper claudatur, grande subest periculum, ne amicus nativæ libertatis, fidei jugum excutiat, ac luxurians dicat, *non serviam*, vel cum Thoma incredulo, *non credam*. Joan. 20. v. 25.

Quæ custodia si ullibi in articulis fidei nostræ requiritur illa necessaria est, in sanctissimo sacramento Eucharistiæ. Hilaris pupilla, lætus oculus hominis Christiani lucidè speculatur; in sacrosancta Hostia veluti speculo, plurima mira & admiranda intuetur. Clarus oculus fidei post cancellos accidentium speculatur latentem sponsum. Oculus fidei sub his cortinis videt Corpus Christi, ejus sanguinem, Vulnera, Animam, imo divinitatem intuetur. hilaris, cum magno solatio & delectatione. Sed delicatissima hæc pupilla cum summa sollicitudine est observanda & custodienda.

Alvei III. Pars IV.

c

Den-

S. 2.
Vera fides,
debet custo-
diri, ut pu-
pilla oculi.

S. 3.
Præsertim
circa my-
sterium sa-
crof. Eu-
charistiæ.

denfos pulveres conatur aspergere Calvinus vel aliquis Bucerus. Nigrum fumum excitavit Berengarius; densas tenebras, alii hæresiarchæ. facillimè nocent intellectui, facillimè conturbatur ratio, citò excutiet jugum fidei, nisi ligetur, nisi contineatur, nisi *captivetur*, ut loquitur S. Paulus Rom. 7. v. 23. Hæc est hodierna festivitate vera devotio; lætis & puris oculis, in templis, in altari, in S. hierotheca, in processionibus, sub sacrificio missæ aspicere accidentia sacrosanctæ Eucharistiæ, & sub illis videre tot mirabilia; illam adorare, procumbere in genua, ut postmodum dicam; sed ne errent, vera fides illos debet regere, & dirigere, & custodire contra omnes errores..

§ 4.
Caveanda
sunt curio-
sa. questio-
nes circa
hoc myst.

Scio quosdam inter se disputare & quærere cum Judæis & illis auditoribus Christi; quomodo hic potest nobis dare carnem suam ad manducandum? quomodo panis potest mutari in carnem, quomodo vinum in sang. quomodo sub his accidentibus, postea nobis esse præsens Deus & Humanitas Christi? quomodo fieri potest tam admirabilis unio inter nos ac Deum, per materiam cibi & potus? Ex ipsis quæstionibus advertere potestis, quàm sint fugiendæ periculosæ disputationes. Lutum & vas figuli vult discutere admirabilia opera creatoris. Curiosi quærimus scire de mysterio Eucharistiæ quod in hac vita intelligere non possumus: quod sine periculo non licet perscrutari. Tutus incedit, qui simpliciter credit verbis Christi; *Hoc est &c.* qui credit Deum in hoc mysterio innovare opera sua mirabilia, juxta illud Davidis Ps. 110. v. 4. *fecit mirabilia suorum &c.*

§ 5.
Figura hu-
jus myste-
rii.

Creditis ex c. 2. v. 6. Gen. Deum omnipotenti sua virtute creasse primum hominem ex massa terræ; & terram illam, quæ neque vivebat, neque sentiebat, versam esse in carnem, sanguinem, ossa, venas, corpus &c. Credite SS. Eucharistiam esse memoriam mirabilis hujus operis, credite esse illius renovationem: nam materia panis & vini, quæ neque vivit, neque sentit, substantialiter convertitur in corpus & sanguinem Christi. Creditis ex eodem cap. in paradiso fuisse arborem, quam scriptura vocat arborem vitæ, quia fructus illius continuassent

nuassent & conservassent hominem in vita, si in eo permanisset statu, in quo Deus illum condidit. Admirabilis arbor! Credite memoriam ejus fieri in sacrosancta Eucharistia. Credite dignam sumptionem hoc præstare homini secundum animam, quod fructus arboris vitæ contulisse secundum corpus, juxta verba Christi, qui *manducat &c.* Creditis ex cap. 14. v. 18. Gen. Melchisedechum, velut sacerdotem Dei altissimi obtulisse illi panem & vinum. Credite fuisse figuram in re: commemoratio illius oblationis est Eucharistia quæ est vera oblatio. Et hæc q. opera admiranda & similia contigerunt tempore legis naturæ. Tempus legis Mosaicæ quod attinet, creditis filios Isr. in deserto miraculose pastos fuisse manna, pane cœlesti &c. Credite admirandi operis innovationem esse sacrosanctam Eucharistiam. Ecce panis Angelorum &c. Creditis Deum mirabilia fecisse in Æg. convertisse aquas Nili in sang. pulverem in muscas, virgas in serpentes. Credite Deum & hoc posse, ut &c. Nolo modo in hæc similibus figuris, creditis Deum immortalem in mysterio Incarnationis factum esse hominem, assumpsisse corpus & sang. nostri que amore se obtulisse in mortem crucis. Credite hujus præcipue mysterii memoriam & renovationem esse sacrosanctam Eucharistiam, in qua sub specie panis & vini sumimus idem illud corpus, & bibimus illum sang. & præsentem nobis adoramus Christum. Quæ dum spiritus sanctus objecit Davidi exclamavit, ps. 110. v. 5. *Dominus escam dedit timentibus se.* Christus D. instituit Eucharistiam, & istud agens, *memoriam fecit mirabilium suorum.*

Sed! est mirabile! nihil videmus præter accidentia hostiæ, sive panis & vini. Oculi dicunt, hic est panis, hoc est vinum, hoc dicit gustus! hoc odoratus! hoc tactus! ideo bene monuit. S. Th. Auditui solo in te creditur. Fides auditu sic ait; cogitate fidem in persona formosæ Virginis jacere prostatam ante SS. Hostiam; vel quamvis animam devotam Christiani hominis, fides hæc Deum lætis oculis aspicit hostiam; dum illa imponitur linguæ, dum manducat carnem & sang. filii Dei, ait: Credo fide viva, meum Salvatorem sub his speciebus esse nobis

f. c.
Exercit-
um fidei,
licet pluri-
que sensus
aliud judi-
cent.

præsentem secundum corpus, animam &c. sed tectum sub his accidentibus. Ita credo, & paratus sum mori pro hac veritate. Ita credo: ideo abjicio me humi, & Deum meum adoro. O mi Jesu! quantumvis lateas post hos cancellos! O cœlestis sponse, quantumvis te abscondas inter lilia; oculis fidei video tuam faciem, video tuas genas &c. (est locus pro p. descriptione,) Salvator meus es, Rex & Deus meus es.

97.
Cur SS.
Euchar.
sia voca-
tur myste-
rium fidei.

Ob innovationem & memoriam operum tot mirabilium sacros. Euchar. vocatur mysterium fidei. (nam ut ait S. Thomas opusc. 59. c. 1.) *Tot & tanta sunt ibi, supra & præter &c. etiam contra rationem, ut nisi per fidem tenerentur, & crederentur, nunquam intelligerentur.* Ad intelligendum, ad firmandum cor sincerum, sola fides sufficit, hæc præstat supplementum sensuum defectui. Credimus Davidem bene dixisse psal. 32. v. 6. *Verbo ejus cœli firmati sunt, & spiritu oris ejus omnis virtus eorum, ipse dixit, & facta sunt; ipse mandavit, & creata sunt.* Cum enim in magno creationis die & opere dixit, *facta lux, & facta est lux &c.* Gen. 1. v. 3. Cum deinde filius Dei in carne dixit moribido, *sanus esto, surge, surrexit: cum mortuo, Veni &c. ad vitam rediit &c.* Evolemus si licetbit altius, & discurramus paulò subtilius. Ab æterno de Deo generatur Deus, sed quomodo? Verbo suo. ps. 2. v. 7. *Ego dixi Domino, filius meus es tu, ego hodie genui te.* Ego dixi, his verbis æternum & increatum verbum designatur. clare S. Joann. c. 1. v. 1. *In principio &c.* Taliane in cœlo Deus facere potuit Verbo, cur non alia miranda Verbo facere poterit in terra. Cur David canat psal. 134. vers. 6. *Dominus est in cœlo & in terra, in mari & in omnibus abyssis, quæcunque voluerit, facit.* cum itaque in cœna sumpsit panem in manus, & dixit, *hoc est corpus meum*, voluit panem convertere in corpus suum, dixit, & fecit (sic de calice) postmodum dixit Apostolis *Hoc facite &c.* cum hæc dixit, voluit illis dare potestatem conficiendi corpus & sang. Christi dixit, & fecit. Sed hæc sola capit fides.

98.
Fides, præ-
sentem

Viva hæc fides nos movet, ut magna reverentia adoremus sanctissimam Hostiam. Kemnitius acerrimus hæreti-

cus:

cus tamen ait, parte 2. Exam. Concil. Trident. Constat Dei ^{christum} adorationem nec loco, nec tempore alligatam. semper g. & ^{in Eucharistia ad-} ^{orat.} ubique adorandum Christum. quem si in cœna sumis, peculiariter modo præsentiæ & gratiæ, adesse verè & ex animo credimus, fieri non potest, quin cum fides in ea actione præsentem veneretur & adoret. Alii dicunt. Sane posita Christi præsentia corporali in pane, tam non potest negari ei honos adorationis in pane, quam non poterat ei negari à Thoma stante coram oculis ipsius in conclavi, cum procidens acclamabat, Dominus meus & Deus meus. Subdunt. Si enim constaret ex verbo Christi, ipsum in pane, vel adhuc panem adesse corporaliter, necessario conversis illuc animis, & gestibus externis, reverentia DEO debita ipsi exhibenda foret, non minus quam si ipsum videremus coram nobis stantem, sicut Th. & Stephanus &c. Hæretici loquuntur, si, si &c. nos nos Catholici hac vocula non utimur, credimus corde, ore confitemur, revera adesse corporaliter, æquum ergo est ut omni reverentia interna & externa adoremus.

Antiqui Christiani non tantum adorarunt SS. hoc sacramentum, sed habuerunt certas formulas, quibus fuerunt usi ad ^{§. 9.} ^{Antiqui} ostensionem sacros. Eucharistiæ in sacris, vel processionibus; ^{certas habuerunt} S. enim Basilius ait l. de spiritu S. c. 27. contra illos, quibus semper in ore est, ^{formulas salutandi} *Vbi illud scribitur, mandatur in S. Script.* -- Invocationis verba, cum ostenditur panis Eucharistiæ, & poculum benedictionis, quis sanctorum nobis in scripto reliquit: ex quibus ^{SS. Eucharistiam,} ^{quales & modo sunt} ^{in usu.} vobis manifestum est, Christianos in Græcia id temporis aliquam habuisse verborum formulam, acceptam à majoribus quibus adorabant & invocabant Christum; quando SS. Sacramentum exhibebatur. Formula D. Anselmi hæc fuit. *Adoro te Christe, Rex Israel, lux gentium, Princeps regum terra &c.* D. Bernardi. *Ave salus mundi.* D. Guerrici Abb. *Domine ad te veniemus post mortem, & ante tribunal tuum iudicandi astabimus.* *Qui nobis ita familiaris esse dignaris in vita quod à nobis tractaris, conservaris, manducaris, noli nobis alienus*

omnis esse in morte, sed parce nobis in die malo. Confundantur demones, qui nos tum persequentur; destrue fortitudinem illorum virtute tua, quia non est qui pugnet pro nobis nisi tu Deus noster. Seraphicus S. Fr. hilaris, oculis aspiciens SS. Hostiam suspirabat, *Defensor noster &c.* D. Th. *O Salutaris hostia &c.* Ecclesia hodie toto fere orbe terrarum utitur verbis ejusdem S. Thomæ, *Tantum ergo &c.* Genitori &c. hoc cum festiva Musica, inter odores &c. Modus hic adorandi desumptus est ex c. 5. v. 13. Apoc. ubi ait S. Joannes: *omnem creaturam quæ in cælo est* (vide locum, additur autem Agno &c.) Christo in sacrosancto Sacram. Eucharistiæ nobis præsentî.

§ 10.
Eximium
factum &
dictum for-
tissimi.
Ducis.

Insignis fuit devotio fortissimi Ducis, Simonis Montfortii in exercitu Lud. XII. Gall. Regis. Viso sacros. Sacram. dicebat; *Nunc dimittis &c.* cum ante prælium aliquando interesset facto, monitus à suis, properare, hostem jam iniisse pugnam, &c. *Sinite me audire divina mysteria, & nostræ redemptionis intueri sacramentum.* Rursus monitus de periculo suorum militum, *Non egrediar, ajebar, quin prius videro Redemptorem meum.* & mox, elevata hostia dixit; *Nunc dimittis &c.* & addidit, *eamus, & si opus est, moriamur pro illo, qui pro nobis mori dignatus est.* Sic contra hostes ardenti spiritu abivit, & celeberrimam reportata victoria bello contra Albigenes finem imposuit. Non dubito meos Auditores hod. festivitate vidisse Salvatorem suum in sacrosancto S. hoc optarem, ut omnes sibi persuadeant, diem non bene successurum, nisi prius mane in parvo sacro videant suum Redemptorem in sanctissima Hostia. Cogitatis ire ad vineas &c. quæso, videte prius in templo in sacrosancta Hostia vestrum Redemptorem. Mei opifices, cogitatis mane, totis diebus hære in vestris officinis; facitis bene, hoc status vester exigit, quæso, mane prius, videte Salvatorem vestrum in sacrosancta Eucharistia &c. (hoc modo potest fieri inductio.)


§ 11.
Quam de-
votionem
argu. Euch.

Pulcrum modum adorandi reperio in diversis conciliis, in quibus hæc fuerunt sancita. In elevatione corporis & sang. Christi & post, usque dum cantatur agnus Dei, sileant organa, nulla

nulla cantetur Antiphona-sed silentio quisque per se, aut flexis ^{præfati}
 genibus aut prostratis humi corporibus, passionis ac mortis ^{bant con-}
 Christi commemorationem faciat, & Redemptori gratias ^{cilia.}
 agas, pro beneficiis per mortem ejus largissimè acquisitis. Pos-
 sem hic agere multis, contra sacramentarios, qui rident adora-
 tionem sacrosanctæ Eucharistiæ; sed scio plerosque ex meis au-
 ditoribus subscribere canoni 6. sess. 13. in Conc. Trid. *Si quis*
dixerit, in sancto Eucharistiæ sacramento Christum Unigenitum Dei
filium non esse cultu latria etiam externo adorandum, vel non publice
ut adoretur, populo proponendum, & ejus adoratores esse idololatrias,
anathema sit.

Fortassis non injucundum erit audire vobis, mentem & ^{S. 12.}
 verba celebris Lutherani, cit. ante Kemnitii. Ad veram con- ^{Et aliqui}
 fessionem (sic loquitur Lutheranus.) *Dico ego, ad veram Roma-
no-Cathol. fidem pertinet, ut fidem, & devotionem publica quoque ^{ex Adver-}
testemur voce, & externis significationibus, quibus ostendamus, quid ^{sarius re-}
de hujus cæna substantia, & fructu sentiamus-Tali externa confessio- ^{quirant.}
ne sejungimus nos à sacramentariis & epicureis, horum mysterio-
rum contemptoribus. excitamus alios ad veram reverentiam &c.---
Externa enim irreverentia signum est profana mentis, non dijudi-
cantis Corpus Domini &c. talia loquitur homo Lutheranus &c.
 quid g. dicemus de Catholicis, qui non tantum sacrosancto sa-
 cramento non exhibent reverentiam, sed irreverentiam (est
 locus pro pulcra & seria invectiva.) Ego hodie cum gaudio spe-
 ctavi meos Audit. qua devotione, qua reverentia, qua fide,
 qua adoratione comitati sint sacrosanctam Eu-
 charistiam. hoc faciemus per totam.
 Octavam &c..*

CON-



CONCIO LXXII.

FESTO S. JOANNIS BAPTISTÆ.

Ioannes est nomen ejus.

Luc. I. cap. v. 63.

SYNOPSIS CONCIONIS.

Ingentium & plurimarum gratiarum, quæ S. Joanni in utero matris, & in Nativitate, collatæ sunt, radix fuit præsentia Mariæ Virginis.

- | | |
|--|--|
| §. 1. <i>Nativitas tanti pueri fuit latissima.</i> | §. 6. <i>Sanctitas S. Ioannis, ex ejusdem Virginis præsentia fuit aucta.</i> |
| §. 2. <i>Præsentia Mariæ, fuit causa multarum gratiarum, quæ in illum collatæ fuerunt.</i> | §. 7. <i>Mariæ fuit bajula lucis, & ignis.</i> |
| §. 3. <i>Officia B. Virginis, veluti Matris, erga parvum Ioannem.</i> | §. 8. <i>Varia eologia S. Ioannis.</i> |
| §. 4. <i>Fuere illi utilissima.</i> | §. 9. <i>Prosecutio.</i> |
| §. 5. <i>Quam suaviter parvus Ioannes aspexerit Mariam.</i> | §. 10. <i>Alia eologia.</i> |
| | §. 11. <i>Alia.</i> |
| | §. 12. <i>Mariæ Mater gratiarum.</i> |

§. 1.
Nativitas
tanti pue-
ri, fuit la-
tissima.

Hodierno festo merito querere potest Concionator cum Patribus Concilii Basilienfis sess. 43. *Quis tanta mysteria condignis laudibus prosequatur? quis hac gaudia sufficienter exponat? dum Ioannes exultat, Elisabeth collatur, Mariæ in mysteriis gaudet, clausus in utero Salvator à suo recognoscitur præcurfore, latantur Angeli, cælum & terra jucundantur &*

pur & tota Trinitas novis laudibus glorificatur. Suavia sunt verba aurei Episcopi Ravennatis. *Patris, Matris, Filii* (addo ego B. Virginis, cognatorum vicinorum) *corda, unus atque idem implet spiritus S. ut uno sanctitatis organo resonet Nativitatis hujus cantilena.* ex ore Zachariæ Luc. i. v. 68. *Benedictus &c.* ex ore Elisabethæ vers. 42. *Benedicta tu &c.* ex ore B. Virginis v. 47. *Magnificat &c.* Ex ore cognatorum & vicinorum, *Magnificavit Dominus misericordiam suam. Manus Domini est cum puero hoc.* Et divulgata sunt hæc super omnia montana Judææ. Inter has Dei laudes, vicini & cognati, & B. Virgo *congratulati sunt* Zachariæ, & Elisabethæ, & Nato Infantulo. Quidni & nos Deum laudamus, & S. Joanni aggratulamur? Puer est: sed maximus sanctorum. Congratulamini! Puer est: sed gigas perfectionis, congratulamini! Puer est, sed æterni solis phosphorus & verbi incarnati præco atq; præcursor. Congratulamini! Puer est, homo! sed simul angelus. Puer est, sed suo modo primogenitus gratiæ. Congratulamini; laudate, magnificate Deum. Aggratulabor ego fortunatissimo puero hac præsentī panegyri, idēo præcipuē quod ejus Nativitati interfuerit B. V. Maria, cujus peculiari ratione Filium, Joannem B. vocat S. Chrysostomus; eo quod excellentiæ tam eximiæ à Deo illi collatæ sunt per Mariam. Quis nos impedit quo minus prius ex corde dicamus. Ave Maria! salve Joannes per gratiam filii tantæ Matris.

Eximias gratias S. Joanni adhuc in utero Matris existenti, collatas, ut quod per præsentiam verbi incarnati antequam nasceretur, liberatus fuerit à peccato originali, quod impletus gratia, quod repletus spiritu S. quod præsentem Dominum & creatorem suum agnoverit, & adorarit, quod præ nimio gaudio in utero exultarit; similes inquam gratias Joanni tum temporis collatas, jam alias vobis proposui. Modo pro introitu hujus concionis, insinuo tantum bene observasse S. Chrysost. cum dixisset contigisse hæc miracula. *Cum B. V. salutavit Elisab. vox enim salutationis per aures ejus ingrediens ad puerum descendit, virtute cujus salutationis puer spiritum sanctum accepit, sicut prædixerat Angelus Zachariæ.* Luc. i. *Spiritu S. replebitur adhuc*

S. 1.
Præsentia
Maria fuit
causa mul-
tarum gra-
tiarum,
quæ huic
puero fue-
runt colla-
ta.

ex utero Matris suæ. Itaque gemmas gratiarum, quibus in utero matris, amabilis puer mundatus à macula peccati originalis, ornatus fuit, attulit illi thesauraria gratiarum. Eadem intulit in domum Elisabethæ lumen & lucem, qua Joannes in carcere tenebrarum fuit illustratus. Pulcerrima Virgo fuit dulcis cythara, cujus sonus, fugato demone, parvulum Joannem in utero fecit exilire & exultare. & sic secundum naturam Joannes fuit filius Elisabethæ; secundum gratiam ait S. Chrysoft. *Joannes B. fuit filius Virginis.*

§. 3.
Officia B.
V. velui.
Matris, et
ga parvum
Joannem.

De uno eximio privilegio ego hodie gratulor S. Joanni quod illi soli collatum fuit, & nulli aliorum sanctorum; scilicet, quod ejus nativitati præsens fuerit Regina cœlorum; cum gaudio & peculiari solatio Festo Nativitatis Christi considerare solemus, quod B. V. dulcissimum suum infantulum exceperit in ulnas, quod imposuerit sinui, quod applicuerit pectori, quod suaviter suum infantulum fuerit osculata, quod pannis involverit, quod præsepio imposuerit, quod omnia reliqua Matris officia illi exhibuerit. O felicem infantulum! O fortunatum Joannem B. qui solus, præ omnibus reliquis sanctis, harum gratiarum, cum Filio Dei fuit particeps! Joannem, quamprimum fuit natus, brachiis excepit B. Virgo! B. Virgo Joannem. imposuit sinui, sub quo latebat filius Dei. O floridum lectulum! O sanctas cunas! O aureum reclinatorium! & quis putatis, puer iste, jacens in tali lectulo, inter flores gratiarum quis inquam erit? Joannem Virginum pulcerrima, Matrum dulcissima reclinavit super cor suum dulcissimum; & quos lætitarum rivulos putatis fluxisse ex suavissimo hoc fonte in parvulum Joannem, quis putas puer iste erit? B. Virgo natum Joannem ipsa, sanctissimis suis manibus involvit panniculis, & suavissimo alloquio somnum illi conciliavit. Et quæ Nativitas ullius sancti fuit felicior, quænam similior Nativitati ipsius Salvatoris? cum hac tamen differentia:

§. 4.
Pueri illi
antissima.

Amplexus, oscula, & alia officia Matris Virginis erga Jesulum non fuerunt illi causa alicuius gratiæ vel sanctificationis. Jesulus erat Sanctus sanctorum & fons omnium gratiarum; filio-

Filiolus potius matrem sanctificavit, & novis gratiis implevit. Aliter se res habet in Nativitate S. Joannis Baptistæ; dum enim v.g. B. Virgo Joannem fuit amplexata, ille amplexus fuit quasi canalis, per quam filius Dei latens in utero Joanni gratiam jam collatam auxerit; & majorem fecerit. Joannem jacentem in sinu B. Virginis simul adhuc magis obumbravit spiritus S. qui super Virginem illam quiescebat. Dum Joannes jacuit in brachiis auroræ, simul novis gratiarum radiis fuit ab eadem illustratus. Virginis amplexus fuit simul aurea catena, qua parvulus Joannes, parvulo Jesulo per ardentiorē caritatem magis fuit colligatus. Verbo præsentia B. Virginis Joanni in sua Nativitate fuit causa magnarum gratiarum.

Ideo (ut ait S. Bonav. c. 5.) *Parvulus ipsam, intelligens (quænam adesset, p. hoc) aspiciebat, & ad eam caput vertebat; & in ea solum delectabatur.* deinde exclamat, *O felicem infantem! quem cælorum regina natum excepit! quis possit explicare, quanta in Dei paræ, gremio, tum Virgini, tum Christo maximè conjunctus, letitia exilierit.* Considera magnificentiam Joannis; nullus unquam (præter Christum D.) *talem gerulam habuit.* & quia intellexit, quænam illa esset, quod esset Mater altissimi, libenter illam aspexit, libenter cum gaudio jacuit in ejus ulnis; libenter, cum gaudio quievit in ejus sinu.

Gratia collata in utero Matris; gratia Joanni collata est in Nativitate, magna sumpsit incrementa ex præsentia B. Virginis, ut probabiliter putant Patres, per tres integros menses. Sic ait S. Ambr. in Lucam. *Non sola familiaritas causa est, quod Virgo diu mansit, sed etiam tanti vatis profectus.* Nam si primo ingressu tantus profectus extitit (possunt breviter repeti collatæ tum gratiæ) --- quantum putamus usu temporis sancta Maria addidisse præsentiam. ideo S. Ambr. *quem tribus mensibus oleo quodam sue præsentia, & integritatis unguento Domini Mater exercuit.* Ludolphus de vita Christi Domini. *Neque enim B. Virgo alio sine in domo Elisabetha tanto est tempore commorata, quam ut tanto facilius & felicius progressum & exaltationem S. Joannis promoveret.* Suavissime ut solet S. Bernardus de Joanne B. *Ita nimirum no-*

S. s.
Quam suaviter parvulus Joannes B. Virginem aspexerit.

S. 6.
Sanctitas S. Joannis ex ejusdem B. V. præsentia fuit aucta.

vis ille ignis (verbum incarnatum) qui recens elapsus de cælo per os Gabrielis in aurem (& uterum) Virginis intraverat; per matris aurem introiit ad puerulum (Joannem) ut ab ea hora (aliquot adhuc mensibus in utero, & hodie in Nativitate, & deinde per aliquot menses, per præsentiam & in præsentia Dei Matris) spiritus sanctus vas electionis sue impleret, & lucernam Christo Domino pararet, in sinu B.V.

§. 7.
Maria fuit
bajula lu-
cis & ignis.

Pulchrè D. Greg. *Erat (scilicet Joannes) in utero matris lucerna Dei (erat stella matutina, quæ mox mundo prænuntiare debebat ortum solis Justitiæ) sed nec ardens, nec lucens. Divinus adventit ignis, & luce illam gratia inflammavit, lucentemque fecit & ardentem. Igne enim spiritus S. accensa, ardere cepit ac lucere. Sed ignis, sed lucis, sed solis bajula fuit Maria. In hujus utero latuit sol, cum Joannem illuminavit. in illius utero latuit lux quæ illustravit, latuit ignis, qui Joannem accendit & inflammavit.*

§. 8.
Maria elo-
gia S. Joann-
is.

Et quo ego nomine fortunatissimum hunc puerum appello, ut, prout teneor, illum laudem & extollam? Vocabo Margaritam? Omnis dos Margaritæ, ait Plinius, consistit in magnitudine, in lævore, in candore & pondere. De magnitudine S. Joannis B. ipse Christus ait, quod major inter natos mulierum non surrexerit. Preciosa est Margarita! Joannes B. in utero Matris fuit liberatus à peccato Originali, in utero fuit repletus gratia; Joannes B. mansit semper Virgo, Joannes B. in carne humana fuit Angelus! candida, terfa est Margarita. In pondere, in dignitate, in officio, in excellentiis omnes superat sanctos. Gravis, ponderosa, preciosa est Margarita. Sic est Audit. Sed cupio vos in hac concione advertere, BB. Virginem Dei Matrem fuisse quasi concham, in qua spir. S. & gratia hanc Margaritam efformarunt & præpararunt, ut tã pulchra sit, ut ita radiet in corona gloriæ. Vocabone Joannem in sua nativitate gemmam, præcipuè illã quæ dicitur Astrion: reperitur in Indiis, est similis crystallo, hoc habet peculiare, quod in ejus centro pulcerrima luceat stella, sed non nisi cum luna est plena. Talis gemma, talis Astrion, talis stella in sua nativitate fuit J. Baptista suo fulgore omnes Elis. vicinos & montana Judææ exhilaravit.

Sed

Sed in præsentia lunæ plenæ, in præsentia Mariæ. Stella est Joannes; sed firmamentum est Maria.

Vocabône Joannem B. in sua Nativitate Hyacinthum? nam hæc gemma tam peculiare habet influxus à sideribus, ut dicatur partus cœli. unde etiam hæc gemma præcipue lucet, & est quasi lætior, amœniorem ostendit frontem, cum cœlum serenum est, & innube. O fortunatum puerum jacentem hodie in brachiis Magnæ Matris & Reginæ cœlorum. quàm lætus est hic hyacinthus, quam ridet parvulus Joannes; non mirum, cœlum est serenum, jacet in sinu Matris, quæ plena est gaudiis. Jacet inter brachia Virginis formosissimæ. Partus cœli, partus Virginis est cœlestis hic hyacinthus.

Vocabône Joannem in sua Nativitate ardentem facem, & lucernam ardentem plenam oleo gratiæ? fax est, lucerna est, sed candelabrum aureum in quo lucet est B. Virgo. De cœlo, ab astris, amœno hoc tempore, descendo in amœnum hortum ad arcolas florum. Floremne vocabo Joannem B.? Rosa est & q. sine spinis peccati originalis. Viola est ob profundissimam humilitatem; narcissus est, ob virginitatis candorem, caryophillum est, ob ardorem caritatis, heliotropium est, in ipso enim utero, in Nativitate se vertens ad Solem & Lunam, ad Jesum & Mariam; lilium est Joannes B. ob causas plurimas, hæc est peculiaris. Fingunt Poëtæ pulcerrimum hunc florem esse sacrum Junoni, sponsæ Jovis, eo quod hæc dicatur Nutrix regii hujus floris. Apage cum ementita Junone, apage cū fabulis de sacro hoc pulpito; Cœlestis Juno, una est Maria, sponsa Sp. S. Dei filia & Mater. Huic sacrū est liliū, quod hodie floruit in horto gratiarū. huic sacer est, qui nascitur infans. lilii ortus, crescentia, succus, vita, viror, odor, pulcritudo, ascribitur influxibus cœli, solis & astrorum. Ortus, Nativit. sanctificatio, gratia J. Bapt. ejus in gratia profectus, crescentia, augmentū, succus, viror, vita pulcritudo omnia referenda sunt in Mariam. Lilium est, Joann. B. Rosa est, Viola est &c. Sed hortus cōclusus in quo crevit talis floscul. est Maria. Puteus cujus aquis rigatus est, est Maria. Sol, cujus calore fovetur, est Maria. Piëtrix, quæ pinxit, hanc rosam, hanc violam &c. est Maria.

§.9.

Profecutio.

§.10.

Alia, ch-
gia,

§. 11.
Alia.

Vocabóne S. Joannem B. formosam, fructiferam & fortem arborem? talem fuisse insinuavit Christus D. cum asseruit, non fuisse arundinem vento agitatam, sed q. bene radicatum quercum. per me licet, sic vocate S. Joannem, & talis fuit; sed ego addo, Radicem hujus arboris fuisse B. Virginem. Vultisne vocare inter arbores Cedrum. ut hæc inter illas, sic S. Joannes inter omnes sanctos est altissimus. sic vocate. Sed ego addo ex Plinio, cedri felicius crescunt in monte Libani. Ipsa autem (ait Rich. à S. Laur.) B. Virgo est mons libanus. Si tempus pateretur, per similia elogia discursus meus longe lateque evagari posset. In S. Joanne B. fuit verissimum, quod S. Bernardus de omnibus affirmavit ser. 3. de Virginis Nativ. *Nihil nos Deus habere voluit, quod per manus Mariæ non transiret.* Christum filium suum voluit esse fontem ex quo, Mariam canalem, per quem, omnes rivuli defluunt gratiarum.

§. 12.
Maria, Mater gratiarum.

Idem nos omnes experimur. Si invenimus Margaritam preciosam quæ est gratia, Maria est concha, in qua reperimus (hoc modo fieri potest brevis & pulcra repetitio totius concionis) Gratulor præcipue illis, qui vocantur Joannes; si advertere velint gratias, quas tota vita acceperunt, agnoscent & se esse filios B. Virginis &c. Æquum proinde est, ut laudemus Jesum & Mariam. Hoc pulcris verbis optavit Hugo Victorinus in præf. Magn. *Quis dubitet B. Mariam recens Spiritus S. in se superveniens tanta plenitudine, & gratiam repletam, non potuisse parvum aliquid, & quod supra terrenarum mentium capacitatem non esset, in laudem Salvatoris sui proferre? constat g. de tanta plenitudine eruantem, tantaque devotione novum illud, & humanis mentibus insolitum gaudium Iesu suo jubilantem, nova laude & singulari præconio, novam letitiam in novo adventu æterni Domini prædicasse. Sit in singulis Mariæ anima, ut magnificet Dom. sit in singulis spiritus Mariæ, ut exultet in Deo. p. locus.*

CON-



CONCIO LXXIII.

FESTO SS. APOSTOLORUM PETRI
& PAULI.*Tu es Petrus, & super hanc petram, edificabo Eccle-
siam meam.*

Marc. 16. cap. v. 17.

SYNOPSIS CONCIONIS.

Affert varia elogia sanctorum Apostolorum Petri & Pauli.

- | | |
|--|--|
| §. 1. <i>Varia elogia SS. Apostolorum.</i> | §. 6. <i>Contra hac propugnacula, hactenus nihil potuerunt tot adversarii.</i> |
| §. 2. <i>S. Chrysostomus dum illos laudavit, usus fuit variis similibus.</i> | §. 7. <i>Sunt Pastores.</i> |
| §. 3. <i>Sunt duæ lucidissima stella.</i> | §. 8. <i>Vinitores.</i> |
| §. 4. <i>Bina porta, & propugnacula: lapides preciosi.</i> | §. 9. <i>Montes & arbores.</i> |
| §. 5. <i>Dua sagitta, vel sagittarii.</i> | §. 10. <i>Conglobatio aliorum elogiorum.</i> |
| | §. 11. <i>Alia ex SS. Patribus.</i> |

Sacra Historia commemorat Exod. 25. v. 18. quod super propitiatorium arcæ, Moyses ex præcepto Dei collocavit duos Cherubinos ex solido & optimo auro, quæ extensis aureis alis arcam non solum ornabant, sed veluti tegebant & obumbrabant. Si illa arca, figura etiam fuit Ecclesiæ Christi, ob varias causas quibus hic non inhæreo, meo judi-

§. 1.
Varia elo-
gia SS. Ap-
petri &
Pauli.

judicio duo Cherubini aurei ob caritatem aliasque virtutes, extendentes alas potentiae & doctrinae per totum mundum, duo inquam Cherubini dici possunt gloriosi duo Apostoli, quorum hodie solennitatem solenni ritu celebramus. Alter est; Apostolorum Princeps, magnus Jesu Christi Vicarius, ac generalis totius Ecclesiae Rector atque naucerus, regni caelorum janitor, petra fidei, S. Petrus; his utitur elogiis Concilium Ephesinum cum agit de S. Petro. *hic fons est, reliqui Apostoli sunt rivuli. S. Petrus arbor est, reliqui Apostoli sunt rami. S. Petrus sol est, alii radii.* Alter Apostolus cujus hodie festum agimus est vas electionis, magnus gentium Doctor, Evangelii buccina S. Paulus. Ambo ob caelestem sapientiam Cherubini, ob inflammatum amorem erga Christum aurei, ambo dignitate Apostoli; ambo Martyres pro Christo, ille per crucem, hic per gladium, & quidem uno loco, in urbium domina Roma, uno die, & sub eodem tyranno. Quae causa est; ut utriusque festum simul eodem die celebret Ecclesia. Quos amor Christi & felix mors; quos gloriosum martyrium, quos Ecclesia conjunxit, non decet, ut separet mea panegyris. Proferam vobis illa virorum sanctorum elogia, quae meus in tantos patronos invenit amor & affectus, in sacris literis, in SS. Patribus, in aliis discursibus & comparisonibus. Venerationi illorum hoc date, ut exiguo tempore me benevolè audiat.

S. 2.
S. Chryso-
stomus.
dum illos
laudavit,
fuit usus
pulchris si-
milibus.

Modum discurrendi, quem observabo in hac panegyri per encomia Apostolorum, & praecipue SS. Petri & Pauli, me docuit S. Chrys. in homiliis de laudibus S. Pauli, dum ait. *Misit Christus Apostolos quasi sol radios suos; quasi rosa suavitates odoris sui; quasi ignis scintillas suas dispersit. Ut sicut sol in radiis apparet; sicut rosa in odoribus suis sentitur: sicut ignis in scintillis suis aspicitur; sic in illorum virtutibus Christi potentia-majestas & gloria-agnoscatur,* ecquis enim aspiciens solem, quis delibutus odore rosae, quis recreatus calore ignis, solem, rosam, ignem non laudat & extollit. Inter illos 12. radios, duo pulcherrimi; inter 12. rosas, duae odoratissimae; inter 12. ardentes faces, duae ardentissimae & lucidissimae sunt SS. Petrus & Paulus. prout de hoc, idem ait

S. Chry.

S. Chrysostomus. *Sicut enim missum in igne ferrum, totum profecto ignis efficitur; sic Paulus caritate succensus, totus effectus est caritas.* quod idem de S. Petro verissimè dici potest. Floridus inquam, hic modus discurrendi S. Chrysostomi de laudibus SS. Apostolorum plura similia elogia mihi suggessit.

V. g. si Ecclesia Christi, vel militans in terris, vel triumphans in cœlis, cœlum quoddam est, in quo sol inflammata pulchritudinis est Christus D. Luna pulcerrima, Maria; Apostoli sunt stellæ; inter quas maximè lucent S. Petrus & S. Paulus. Apoc. cap. 12. Ecclesia monstrata fuit sancto Joanni quasi mulier ornatissima. inter alia ornamenta in capite habuit coronam stellarum 12. scio amatores eximios B. V. integris libris, homiliis & sermonibus visionem hanc explicuisse de B. V. Dei Matre, & præcipue per 12. stellæ intellexisse 12. eximia privilegia, collata Deiparæ. SS. Patres, qui dicunt & bene, illam mulierem fuisse typum Ecclesiæ, per 12. stellæ intelligunt Ecclesiæ doctores, sanctitate & doctrina radiantes ut stellæ, & præcipuè 12. Apostolos. quæ comparatio placuit S. Chrysostomo hom. 1. de Pent. *Quæ sunt tales stellæ sicut Apostoli? stellæ in cælo, Apostoli super cælos.* - apud Christum D. sedentem ad dexteram Patris *stellæ ignes æterni* (ut Poëta loquitur ex mente Platonis) *de igne insensibili, Apostoli de igne intellectibili;* accensi ab illo qui dixit; *ignem veni mittere &c.* Stellæ in nocte lucent, in die obscurantur. Apostoli in die & nocte suis radiis, hoc est, virtutibus effulgent. - ideo quicumque eos luminaria vocaverit mundi, non peccabit, non solum dum essent in corpore, sed etiam magis nunc, quando de vita migrarunt; & dum sunt in gloria. Quæ S. Chrysost. dixit in communi de SS. Apostolis, hodierno festo ego præcipue assero de SS. Petro & Paulo. & dico, inter stellæ, quibus coronatur & ornatur Ecclesia pulcerrimas, lucidissimas, esse gloriosos hos Apostolos. Vel dicamus & ipsos in cœlis esse coronatos stellis; ubi lucebunt in perpetuas æternitates. Ornent alii Crucem S. Petri, gladium S. Pauli, quibus instrumentis pro Christo occubuerunt, rosis vel gemmis; ornabo ego corona & stellis &c.

§. 3.
Sunt duæ
lucidissimæ
stellæ.

Alvei III. Pars IV.

c

pul-

pulcerrimarum & Apostolicarum virtutum, quibus bravium æternæ gloriæ apprehenderunt.

§ 4.
Bina porta
& propu-
gnacula.
preciosi la-
pides &c.

Si Ecclesia vel militans in terris, vel triumphans in cœlis, civitas est, & quidem pulcerrima, posita in monte, ædificata ex auro & crystallo; dicam ego hodie 12. Apostolos esse civitatis illius 12. portas, vel valla & propugnacula, vel 12. munitissimas turres. Apoc. 21. Joannes ait, 12. lapides preciosos esse fundamenta hujus civitatis. Fundamenta sunt, quia super illos Christus suam Ecclesiam inædificavit, ut S. Petro præcipue dixit, *tu es Petrus &c.* Turres sunt & propugnacula à quibus Ecclesia Christi propugnatur & defenditur, juxta Christi promissionem *porta inferi non prævalebunt.* Portæ vero sunt, quia per illorum vitam atque doctrinam, intrat in eam multitudo credentium. In his fundamentis in his turribus, in his portis radiant præcipue SS. Petrus & Paulus veluti duo lucidissimi carbunculi, per sermonem doctrinæ ignitum, quo fugato errore tenebrarum, illuminant corda credentium. Radiant veluti duo Saphiri, per cœlestem vitam, veluti duo jaspides, per fortitudinem fidei, veluti duo adamantes per invictam patientiam, veluti duo Smaragdi per virorem puritatis. Sufficiat has gemmas nominasse; SS. Apostolis, SS. Petro & Paulo hoc tribuo elogium, quod in fundam. in turribus, in portis Ecclesiæ & militantis & triumphantis sint duo preciosissimi lapides, quorum fortitudine, pulcritudine, virtute, colore, splendore, magnorum virorum sanctitatem, doctrinam, virtutes, heroica opera &c. gloriolam pro Christo mortem, & in cœlis gloriam, spiritus sanctus in sacris literis solet explicare.

§ 5.
Dne sagittarius, vel sagittarii.

Si Ecclesia turris est, & quidem fortissima, ex qua pendunt mille clypei, & omnis armatura fortium; dicere possumus 12. Apostolos esse 12. electas sagittas, quibus Christus D. suos hostes vicit, & totius mundi regnum atque imperium, à solis ortu usque ad occasum, suavi jugo Ecclesiæ suæ subjecit. Apoc. c. 6. v. 7. ait S. Joannes; *Et vidi, & ecce equus albus, & qui sedebat super illum habebat arcum, & data est ei corona, & exivit vincens ut vinceret.* Talis equus, talis sagittarius, in Indiis v.g. fuit S. Tho-

Thomas, in Phrygia &c. Romæ in nido, in regia superstitionum & idololatriæ tales equi, tales sagittarii, victores errorum, victores demonum &c. fuerunt SS. Petrus & Paulus. Vox sagitta, ostendit quales fuerint Apostoli, & quales ipsorum exemplo debeant esse prædicatores Verbi D. 1. Debent mitti & quasi dirigì à Deo, cujus sunt instrumenta. 2. Debent esse conjuncti cum Deo, per orationem, ejus per omnia obedientes seque in omnibus illi conformantes. 3. Veloces. 4. efficaces & penetrantes; sic enim sagitta, dum magna vi fertur in scopum, illum configit & penetrat. 5. tersi à vitiis, & virtutum sanctitate politi atque fulgentes. 6. ut librentur directe in scopum, ut quærant solum Deum, & ut feriant animas hominum, illas vulnerando timore ac amore Dei. Tales sagittæ vocantur, sagittæ potentis (scilicet Christi Domini) acutæ; imo igneæ, ex arcu Christi crucifixi validissimè tenso ejaculatæ totum urbem ferientes & accendentes, juxta illud ps. 7. v. 14. *Sagittas suas ardentibus effecit* -- S. Aug. *sive ipse sagitta ardeant, sive ardere faciant.* sic in Apostolis impletus fuit vers. 4. ps. 96. *Illuxerunt coruscationes tuæ orbi terræ.* Volarunt quasi per orbem universum igneæ hæ sagittæ, & pulsas ubique tenebris idololatriæ, claram lucem Evangelii orbi intulerunt. Ipsa Roma vulnerata sagittis SS. Petri & Pauli humiliata & subjugata jacet ad pedes Christi & Ecclesiæ. Æquum est, ut hæ sagittæ, ut gloriosi duo Apostoli ornentur pulcherrima corona, quæ vocatur *Victoria*.

Vallis & propugnaculis, quibus urbes & turres muniuntur, solent certa nomina imponi, ut illi sciunt qui in munitis habitant urbibus. quia Ecclesia urbs est, quia turris est, quia 12. Apostoli sunt 12. valla & propugnacula; vocemus unum, S. Pauli &c. & fortissimum, S. Petri &c. contra quod portæ inferni non prævalebunt. Quos assultus non tentarunt Tyranni, contra hæc propugn. quos cuniculos non duxit hæresis? quas machinas, quæ tormenta non admoverunt hæresiarchæ &c. frustra! Stat arx Christi, stat turris Ecclesiæ, nihil timet urbs tam pulcre cincta, munita est propugnaculo S. Petri cincta, munita

§. 6.

Contra hac propugnacula, hæresis non nil potuit hærere.

est propugnaculo S. Pauli cincta, munita est vallis aliorum Apostolorum; nihil est, quod timeat.

S. 7.
Sunt Pastores.

Hæreo diutius in his elogiis, cum supersint plurima. Si Ecclesia Christi in terris, est Ovile; (ipse Christus D. sic appellavit) 12. Apostoli sunt 12. gregis duces & pastores; illorumque est Princeps S. Petrus ab ipso Christo D. ascensuro in cælos constitutus, Joan. 21. v. 18. *Pasce oves meas.* five, ut Salomon ait in Prov. c. 27. v. 23. *tuos greges considera.* Septuaginta vertunt. *applicabis cor tuum armentis tuis.* Aquila. *Pone cor tuum in armentis.* Per cor accipere possumus mentem & voluntatem. Mentem, ut pastor bene consideret, quid gregi utile sit atque proficuum. Voluntatem, ut illud illi singulari amore & cura procurer. Ob quam causam Christus D. antequam Petrum constitueret pastorem, tertio ab eo poposcit amorem, dicens, Petre amas me; ac cum tertio respondisset, Domine tu scis quia amo te, ei gregem tradidit. Si fortassis alicui placeat hæc comparatio in laudem Apost. ille occasionem habebit declarandi, quàm solliciti pastores & duces Dominici gregis fuerint SS. Petrus & Paulus.

S. 8.
Vinitores.

Si Ecclesia, vinea est, juxta v. 7. c. 5. II. *Vinea Domini exercituum, domus Israel est,* cui promisit Dominus per prophetam Oseam c. 2. v. 15. *Et dabo ei vinitores,* Qui vineæ curam habent &c. Dedit, cum dedit Ecclesiæ Apostolos, & inter illos vinitores vigilantissimos sanctum Petrum & S. Paulum, adeo ut suo sanguine vineam Domini irrigarint. Si illos in hac vinea vocare velitis, duas fructíferas vites, non errabitis.

S. 9.
Montes, &
arbores.

Ecclesia quæ cælum est, quæ civitas est, quæ turris est, quæ vinea est, est etiam hortus vel paradysus, vel pulcherrimus mons. in hoc monte, in hoc paradiso, in hoc horto arbores pulcherrimæ, & fructíferæ sunt 12. Apostoli, & inter illos duo altissimi cedri, duæ fortissimæ quercus, duo dilatati terebynthi, duæ gloriosæ palmæ, duæ pingues Olivæ fuerunt & sunt SS. Petrus & Paulus. Cedri (inquit S. Greg. hom. 20. in Evang.) quorum corda ita in æterno amore fuerunt solidata, ut nulla terreni amoris putredo illa corrumpere potuerit. Quercus ob invictam

victram patientiam, terebynthi ob dilatatos ramos caritatis, palmæ ob victorias de carne, peccato, mundo & diabolo, Olivæ per abundantiam fructuum in omni opere bono. Quibus metaphora hæc placet, invenient plurima in arboribus, quæ ducere poterunt in laudem horum Apostolorum.

In hoc horto, in hoc paradiso, in hoc monte invenient pulcerrimas arcolas, in illis omnis generis odoratissimos flores, in illis rursum plurima symbola Apostolicarum virtutum SS. Petri & Pauli. in illis iterum varia encomia & elogia quibus merito laudantur. Me monet tempus, ut similia tantum insinuem. Si Ecclesia fons est, Apostoli, inter hos SS. Petrus & Paulus fuerunt & sunt canales, per quos aqua Evangelicæ doctrinæ in totum orbem fuit derivata. Si Ecclesia Christi est castrorum acies ordinata, & terribilis dæmoni; SS. Petrus & Paulus fuerunt & sunt, duo fortissimi duces, milites & pugiles, vocati & electi ad prælia Domini. Latissimus iterum campus excurendi in laudem horum Apostolorum, si ostendere velis, quales fuerint milites & heroes. Si Ecclesia Christi est pulcrum ædificium, Apostoli fuerunt architecti. Si regius thronus, fuerunt & sunt leones, qui illum custodiunt.

His similia sunt alia elogia SS. Patrum, à quibus vocantur binæ luces vel duo lumina vel duæ faces mundi, duo specula sanctitatis, duo exemplaria virtutum, duo defensores Ecclesiæ, protectores fidelium. (duo Jaspides fidei, duo Smaragdi spei, duo carbunculi caritatis, duo adamantes constantiæ, duo putei & fontes sapientiæ,) duo Magistri theologiæ, duæ columnæ Ecclesiæ, duo scuta fidei, duo mallei hæreticorum, duo fontes exorientes è throno Dei, duæ tubæ mundi, duæ lampades orbis, duo fundatores Ecclesiæ, duo principes terræ, duo magistri innocentiae, duo oculi corporis mystici Christi; duo viri misericordiæ, sive quia misericordia pleni sunt sive quia misericorditer nobis à Deo donati sunt. Duo Atlantes, duæ aureæ & marmoreæ bases, quibus incumbit Ecclesia. His elogiis illos honoravit S. Bernardus & alii SS. PP. S. Chrysostomus in hom. de laud. S. Pauli illos vocat duos

§. 10.
Congloba-
tio alio-
rum elo-
giorum.

§. 12.
Alia ex SS.
Patribus.

cives cœli, duos Angelos terrestres, duos arduos Sera-
 phinos, duos cœlestes homines, duo flumina cœlestis doctrinæ
 duo tonitrua, quorum sonitu infernus tremit, tonuerunt ore,
 fulgurarunt vita, & sic divinis irradiationibus mentes homi-
 num perstrinxerunt, illuminarunt & inflammaverunt; duos nun-
 tios Evangelii; duos legatos altissimi; Vocantur ab aliis duæ
 roridæ nubes, cum copioso imbri sapientiæ & spiritus, duo
 venatores & piscatores animarum. Apoc. ii. v. 4. *duo candelabra
 in conspectu Domini terra stantia*, duo validi venti, qui evangeli-
 zando celerrimè percurrerunt per totum orbem, quasi duo
 Angeli Dei, de quibus ait David ps. 103. vers. 4. *Qui facit An-
 gelos suos spiritus (ventos) & ministros suos flammam ignis*. Duæ
 procellæ, quæ dum hominum corda terrore concusserunt,
 ac pondere minarum iræ Dei, iudicii & gehennæ, straverunt
 & contriverunt; duæ petreæ stillantes mel probonis. Denique
 duo gloriosi Martyres, & duæ coronæ in manu & diademate
 Domini. Cupio ego ut omnia quæ dixi, ut omnia elogia, ut
 omnes lineæ, ut omnia verba, omnes literæ quas pronuntiavi,
 sint totidem flores & gemmæ & stellæ; cupio ut efficiant pul-
 cerrimam coronam, ut ego illam abjiciam ad pedes tanto-
 rum Apostolorum, quorum humillimus sum servus & man-
 cipium. Interim imitabimur illos in terris, donec cum
 illis in cœlis æt. cantemus, gloria Patri & Filio
 & Spiritui S. sicut erat &c.

CON-



CONCIO LXXIV.

FESTO VISITATIONIS B. Mariæ VIRGINIS.

Exurgens Maria, abiit in montana, cum festinatione.

Luc. i. cap. v. 39.

SYNOPSIS CONCIONIS.

Preparat pulcerrimæ Virgini amœnam viam per montana
Judææ.

- | | |
|--|---|
| §. 1. <i>Cur Maria, cum tanta festinatione, abierit per montana.</i> | §. 9. <i>Apostrophe ad montes Iudææ, ut Virgini præparent viam.</i> |
| §. 2. <i>Desiderat Auctor illam comitari.</i> | §. 10. <i>Quanta nascentis mundi amœnitas.</i> |
| §. 3. <i>Vituperia pulcritudinis mulierum.</i> | §. 11. <i>Optat preparari Virgini viam auream, melleam, inter suavem Musicam.</i> |
| §. 4. <i>Encomia ejusdem.</i> | §. 12. <i>Alia auctoris, vel amoris vota.</i> |
| §. 5. <i>Præsertim in Maria, cujus pulcritudo, fuit rosa sine spinis, nemini nociva.</i> | §. 13. <i>Sub qua arbore Virgo quieverit in montanis Iudææ. Cui quæstioni miscentur varia: elogia Iesu & Mariæ.</i> |
| §. 6. <i>Maria sua pulcritudine vincit, omnes formosas feminas.</i> | §. 14. <i>Iesus & Mariæ, sunt dulcissimi amores.</i> |
| §. 7. <i>Pulcritudo faciei in B. Virgine, & oculorum.</i> | §. 15. <i>Epilogus.</i> |
| §. 8. <i>Genarum, capillorum, oris, & labiorum &c.</i> | |

Quam-

§. 1.
Cur Maria
cum tanta
festinatione
abierit per
montana.

QUamprimum pulcerrima Virgo, die incarnationis, se Deo gravidam sensit, surrexit & abiit in montana Judææ cum festinatione. Non miror! concipiendo Dei Filium, facta est luna, plena gratiarum; luna verò si Poëtis credimus, amat montes, monticultrix Luna. Abit in montana; dum enim solem divinitatis intra uterum suum comprehendit; à sole mutata est in solem, amicta sole; & ideo instar solis, in aureo & roseo caritatis curru, altissimos Judææ montes percurrit. Abit cum festinatione! quamprimum fecundo divinitatis illapsu, in virginali thalamo Deum suscepit, didicit, divinum esse, hinc, sese ad homines, ad cognatam præsertim Elisabeth, instar ancillæ demittere; hinc verò, ad alta, sublimia, ad cœlestia, ad Deum celeribus desideriis, veluti alis assurgere, & evolare. Abit cum festinatione! nam pusio, quem fert utero, est gigas, qui magnis passibus incipit currere vias suas; & cum suum infantem Virgo Mater amet, sequitur, currit, clamans cum sponsa Cant. i. v. 3. *Trahem post te.* Abit denique cum festinatione! quia vector, quia currus, quia rheda, quia alæ, quia calcar ipsi est *Amor*, qui nescit tarda molimina, sed cum festinatione pergit; ad montes sanctitatis, & ex illis ad amœnissimos colles æternæ gloriæ.

§. 2.
Desiderat
auctor il-
lam comi-
sari.

Anhelat meus amor, ut festinantem ad Elisabetham, Virginem pulcræ dilectionis, & Matrem amoris, per amœnos montes & colles, per valles, per prata, per sylvas, nunc insequatur, nunc prævolet, nunc comitetur. Si placet, sequimini vestigia; via nullo modo molesta vobis erit. Sternam illam rosis & liliis, aspergam rivulis ex fonte gratiarum, tegam aëra arborum ramis, ne sol urat; comitabuntur nos cantillantes luscinix, aspirabunt Zephyri; inter has amœnitates conabor, ut pulcerrimam hujus Virginis, per montana currentis ideam, oculis vestris contemplandam proponam. Subinde suavi suspirio mecum dicite, *Salve millies, O pulcerrima Virgo! O venustissima Mater.*

§. 3.
Vituperia
pulcritu-

Legi multa sapientissimorum virorum, & SS. Patrum dicta, de speciosa mulierum forma, quibus illam vel carpunt, vel laudant,

FESTO VISITATIONIS B.M. VIRGINIS. 651

laudant. Ovidius comparat *fragili vitro*, Boëtius *fallaci flori*; *divina ma-*
damnosam pronuntiat Seneca. Leucipes vocat *originem sup-* *liorum.*
pliciorum, Euripides, *venenatam sagittam*, (arcus sunt labia, fu-
 nes capilli, globuli oculi.) Salomon Proverb. 6. vers. 25. *peri-*
culosum rete, & extensum laqueum; cap. 31. v. 30. *Vanitatem*. Alii
 dicunt esse iniquitatis formam, nequitiae larvam, lasciviae Ma-
 trem, vanitatis nidum, superbiae fontem; pacis turbatricem,
 bellorum genitricem, mortis nuntium, invidiae nutrimentum,
 & sexcenta talia. Xenophon dixit: *pulcritudo ignis est, qui ab-*
sentes urit, praesentes inflamat; Socrates, appellat *tyrannidem*;
 Theophrastus, *deceptionem*; eleganter ille poëta: *fœmina formo-*
sa, dum ridet, rodit, & radit, non virgo, nec virago, sed vorago; &
 quod luctuosum est, non corporum tantum, sed anima-
 rum.

Sanctus verò Augustinus ait, *esse donum Dei*; Aristoteles § 4.
quoddam divinum, alii, bonorum paradisi vivum simulacrum; *Encomia*
 gratiae ornamentum, cœlestis amoris stimulum, prototypum *eiusdem.*
 divinae imaginis. Plato vocat, *divinae bonitatis radium*, *excellen-*
tisque animi, qui latet indicem. Similia elogia in variorum libris
 passim occurrunt.

Quæ ego præcipuè affirmo de admirabili pulcritudine § 5.
 venustissimæ Virginis, & matris Mariæ; quæ eo est commen- *Præsertim*
 danda magis, quo minus est periculosa, utpote quæ Rosa est si- *in Maria,*
 ne spinis. *Tanta enim erat ejus gratia,* (ait S. Ambrosius l. de *cujus pul-*
 instit. Virg. cap. 7.) *ut non solum in se Virginitatis gratiam ser-* *critudo*
varet; sed etiam his quos viseret, integritatis insigne conferret. *fuit rosa*
 Dion. Carthuf. in cap. 2. Cant. *Quamvis fuerint multa Vir-* *sine spinis;*
gines, formosa, & sancta, tamen respectu Virginis, videntur *nemini no-*
quasi spinae fuisse; quamvis enim in se fuerint munda, fuerunt
tamen altis spinae, qui ex earum intuitu concupiscentia compun-
gebantur. Porro Virgo Deipara, intuentium corda sic pe-
 netravit, sua inæstimabili castitate, & virginea, quod à nul-
 lo potuit concupisci; imò potius extinxit illorum libidinem;
 suavissimè sanctus Thomas de Villa Nova: *Sacra, pura, &*
immaculata Virgo! cui etiam præ aliis hoc erat Virgini-
tatis

tatis insigne, ut inspectores suos (ita loquillceat.) Virgines faceret. Et paulo post. Mirares, & admiranda gratia: cum esset sine comparatione pulcherrima, & facie decora nimis; insipientium oculos, non modo sua pulcritudine non ladebat, sed eo magis sua honestate & venustate honestabat, sanctificabatque. Gerson. de concept. Virg. *Physiognomia Virginis, movebat aspicientes ad omnem castitatem; & luxuriosas exstinguebat, mortificabatque cogitationes.* O Rosam sine spinis! Cum itaque vos, jam mentibus vestris, animisque & cogitationibus, in Judææ montanis inter amœnas arbores versari, & quiescere non nihil non dubitem; huc quæso vestros oculos, imò toti estote oculi, ut pulcherrimam Virginem sine omni periculo, transeuntem videatis. Videtis? quam pulcri sint gressus ejus, per montana Judææ, in calceamentis filia Principis.

§.6.
Maria, sua
pulcritu-
dine vici-
omnes for-
mosas fe-
minas.

De Rebecca dicitur Genesis 24.v.16. *Puella decora nimis, virgoque pulcherrima.* Pulcrior est Maria. De Rachele cap.29.v.17. Genes. *Rachel decora facie, & venusto aspectu.* Venustior est facies & vultus Mariæ. De Esthere cap.2.v.15. *Erat formosa valde, & incredibili pulcritudine, omnium oculis gratiosa & amabilis.* Formosior, gratiosior, amabilior est Maria! De Juditha cap.10.v.4. *Dominus in illa pulcritudinem ampliavit, ut incomparabili decore, omnium oculis appareret.* Longè amplius illam Deus ampliavit in Maria, in Matre filii sui. De Abisach. 1.3.Reg. c.1.v.4. *Erat autem puella, pulchra nimis.* Ubi Abulensis quæst.5. *Nimis pulchra Abisach fuisse memoratur, quæ in certamine pulcritudinis de pulcherrimis sæminis totius regni Israel, obtenta victoria, digna fuit, quæ præ aliis, ut Regina, pulcherrimis pulcrior coronaretur.* Mariam verò, ut Reginam cœli & terræ, ita coronavit ipsa SS. Trinitas, ut jure, obtineat victoriam, dicatur fœminis omnibus pulcherrimis pulcrior.

§.7.
Pulcritudo
faciei, in
B. Virgine,
& oculo-
rum.

Videtis faciem? id est, regiam pulcritudinis, palatium amoris, sedem gratiarum; hospitium cœlestium affectuum; thronum majestatis, amœnissimum calathum, in quo omnium florum suavitas ridet. In hac sponsæ, Virginis, & Matris facie, cœlestis sponsus, omnium amorum casta irritamenta, omnium
elegant-

elegantiarum lumina congeffit, & accumulavit. Amori meo temperare non possum, quia pergam ubi hoc loco, aurea eloquentia facundissimi & affectuosissimi hoc seculo Oratoris. Videtis transeuntis Virginis oculos? O portenta! simulacra! miracula pulcritudinis! sunt duæ sphæræ vel globuli castissimi amoris; sunt fenestræ gratiarum, duo sidera mei amoris; binæ rotæ meæ fortunæ; duo labyrinthi, in quibus dudum me perdidit; O formosos Virginis oculos! sunt duo fontes lætitiæ; gemini cœli, unde motum & influxum, hauriunt sanctæ cogitationes; sunt duo specula lucidissima! in quibus ipsa divinitas se considerat; in quibus rerum omnium amœnitas, & venustas relucet; Uistoria & inflammata specula! ex quibus in nostra corda, flagrantia se derivant incendia. Sunt duo Oceani purissimæ lucis, in quorum seu undosis radiis, seu radios undis, anima amans, felix & dulce subit naufragium.

Videtis venustissimæ Virginis genas? sunt duæ areolæ rosarum & liliorum; sunt duo horti, quos gratiæ, candido lactis, & sanguineo purpuræ liquore rigant; sunt duo campi æterno vere floridi, sunt duo erithræa littora, pyropis & adamantibus accensa; sunt duæ vineæ, candidis purpureisque racemis inclytæ; quorum vino cor meum amore est ebrium. Sunt duo circi, in quibus Candor & Rubor amica velitatione concurrunt; sunt duo pulvinaria, Austriacis coloribus, candido, & rubeo, in quibus amor dulciter quiescit. Videtis crines, & aureas comas? sunt solares radii; vitæ stamina; sylva aurea frondium, inter quos amor mille optata retia, & millies amatos laqueos tendit nostro amoris; sunt radices & fibræ spei meæ; sunt aureus telorum imber; sunt fila bombycina, inter quæ meus amor vitam quærit tumbam, ut ibi felici fato condatur. Sunt rubus ardens, in quo cor meum beata & immortalis flamma uritur, non comburitur. Sunt aureæ catenulæ & purpurei funiculi, ad colligandum corda nostra; Collum est via lactea, per quem aurei capillorum cincinni, & globuli, tanquam sparsa sidera rutilant. Quid dicam de suavissimo pulcerrimæ Virginis ore? & mellea ejus lingua? est scrinium, in quo candidissimæ den-

§. 8.
Genarum,
& capilla-
rum; colli-
orū, & la-
biorum
&c.

tium margaritæ includuntur; & phiala, in qua omnis Ambrosiæ, nectaris & mellis dulcedo, diffusa natat, labia sunt lilia & rosæ, quibus non apes, sed Angeli, & amantes animæ involitant, & nectar exsugunt. Sunt binæ portæ corallinæ & crystallinæ suavissimi alvearis. Sunt binæ scenæ & theatra, in quibus sancti & castissimi ludunt amores. Quid denique de manibus? sunt tornatiles, sunt aureæ, sunt plenæ hyacinthis, sunt candidum marmor, in quo cærulei venarum jaspides, interludunt, illarum lineæ, sunt lineæ nostræ felicitatis. Absolvam verbo, tota, tota pulcra est Maria! tota, tota pulcra Virgo! pulcra in facie; pulcra in oculis, pulcra in fronte, pulcra in genis, pulcra in labiis &c. pulcerrima Maria.

§. 9.
*Apostrophe
ad montes
Judææ, ut
Virgini
præparent
viam.*

Ecce, talis Virgo transit per montana Judææ! Eia amor meus, esto Mercurius; celeribus alis prævola; esto cervus & hinnulus, transi colles & valles; esto tuba, insona quantum potes, esto leo rugiens, ut exaudiant rugitum montes, talia clama: Audite montes, audite colles & valles, audite horti, nemora & prata; audite arbores, læta vobis nuntio, cœli Regina, Dei mater, Virgo pulcerrima vestras vias ingreditur, vestras appellit in oras: ubi ergo germina? ubi flores? ubi lilia? ut viam faciatis floridam: Citò montes, citò valles, cito prata, cito arbores, date folia, date flores, date ramos, protrudite rosas, germinate lilia, ut floridam incedenti Virgini ver substernatis.

§. 10.
*Quæritur
scenæ
mundi
amantiss.*

In mundi nascentis exordio, quando terra erat *inanis & vacua*, Gen. i. cap. v. ii. vel secundum 70. Interpretes, *invisibilis & incompressa*, ait Deus; *germinet terra herbam virentem*; & continuo, ex mente S. Ambrosii lib. 3. Exaëm. cap. 8. *parturiens tellus se novos fudit in partus; & induit se amictu viriditatis; gratiam fecunditatis assumpsit, diversisque compta germinibus, proprios suscepit ornatus*—quid describam purpureas violas, candida lilia, rutilantes rosas, depicta rura, nunc aureis, nunc variis, nunc luteis floribus, in quibus nescias, utrum species amplius florum, an vis odora delectet. Quamprimum vox Numinis operosa, super faciem abyssi insonuit, & alluvionem dispe-

dispelcuit aquarum, stuporemque brutæ telloris excessit, è vestigio tellus in mōtes discessit, excessit in valles, excurrit in planities, & cuncta simul in stirpes, flores, & arbores germinarunt. Talia miracula hodie meus desiderat amor; ut Judææ montes & valles amictum induant viriditatis, ut subito progerminent flores, verbo, ut via, per quam pulcerrima Virgo progreditur, tota sit florida, amœna, & pulcra.

Plus desidero. Audite Judææ montes! si in vestris thesauris & latebris latet aurum, si argentum, si absconditas habetis gemmas, si preciosa metalla: eia aurum date, date argentum, gemmas & metalla, ut via, quam aurea calcit Virgo, sit argentea, aurea, gemmea. Capite 3. v. 18. dixit Joël. *In illa die stillabunt montes dulcedinem; & colles fluent lacte, per omnes rivos Iudæibunt aqua, & fons egredietur.* Eia montes Judææ, ubi mellea stillicidia? ubi lactei rivuli? ubi dulces aquæ? ubi nectarei fonticuli? stillate, fluite, erumpite, ut gustet pulcerrima Virginum, quàm sint suaves. Quid filetis lusciniæ; acuite rostra, cantillate, lallate, concinite, salve pulcerrima Virginum! sibilate Zephyri, murmurate Favonii, salve venustissima inter mulieres. Choros jungite Nymphæ & Fauni, fistulis, cymbalis, citharis ludite, salve, speciosa inter omnes fœminas.

Sed alia sensim in me succrescunt desideria. O amor meus! si tu fuisses rosa vel lilium, quàm libenter te subjecissem Virginis pedibus. O amor meus! utinam fuisses arbor in montibus Judææ, quàm libenter inclinato vertice, & ramorum omnium, foliorumque demissa submissione Dei matrem salutassem, ejusque caput, suavi obumbrassem umbra. Utinam amor meus esset aurum, vel argentum, nemo calcaret, nisi Maria. Si gemma forem, nullibi lucerem, nisi sub pedibus Virginis. O si amor meus tum fuisset mel, vel nectar; fortassis illud delibasset dulcissima Maria! Utinam fuisset fons? O fontem felicem si eadem ex illo bibisset. Si contingat amorem meum dulci metamorphosi converti, in lusciniam, vel Nympham; hoc faciam; sequar Mariam, & sine fine vel quiete, cantabo, salve pulcerrima Virgo.

§.13.
Sub qua
arbore Vir-
go quie-
vit in mōra
nis Indæ.
Cui que-
stioni mi-
scentur
pulcra elo-
gia Iesu &
Maria,

Sed siste amor! sta! quiesce! en colliculum, in quo sub amœnissima arbore, nonnihil quiescit Maria! Accurrite Nymphæ, advolate Fauni, affluite rivuli, properate aviculæ; adeste cœlicolæ, terricolæ; si jucundissimum spectaculum, si Dei matrem sub umbra arboris quiescentem spectare vultis. Meus amor hic curiosus est, scire enim vellet, qualis illa fuerit arbor. An malus? de qua ait sponsa Cant.2.v.3. *Sicut malus inter ligna sylvarum, sic dilectus meus inter filios.* An palma? de qua ait Cant.7.v.8. *Ascendam in palmam, & apprehendam fructus ejus.* An malogranatum, cujus cortices, fragmenta, & carbunculos sponsa adeo commendat. An cedrus? qualis crescit in monte Libano; an rosetum? floridum rosis de Jericho. An arcola liliorum? inter quæ pascitur dilectus, & libenter commoratur. Quis, curiosis quæstionibus mei amoris satisfaciet? Perinde est; si malus fuit, sine dubio ultro pulcerrima poma dejecit, in sinum pulcerrimæ Virginis. Si fuit palma; sine dubio permisit decidere dulcissimos fructus; hoc fecisset meus amor, si fuisset illa palma. Si arbor illa, sub qua Virgo quievit, fuit malogranatum; sine dubio, matura poma mox scidit, aperuitque, ut pulcerrima quasi pluvia carbunculorum circa Virginem ex alto descenderit. Hoc fecisset meus amor, si fuisset malogranatum. Si fuit Cedrus; non dubito, quin ex ramis pulcerrimis inter se connexis efformavit tectum, vel umbraculum, supra caput Mariæ. Hoc ego fecissem. Si quievit sub roseto; puto conglobasse se rosas, in molle & roseum pulvinar; lilia aspirarunt odorem suavissimum.

§.14.
Iesus &
Maria,
sunt dul-
cissimi
amores,

Sed quid audio? dum amœnissimas nomino arbores, ex variis locis dulcis resonat echo; dico, Malus; respondet echo, Maria est malus; Jesulus in ejus utero est malus, sub cujus umbra Virgo quiescit. Dico? Palma; reponit Echo, Maria palma est. O quam dulces sunt fructus ejus! Cant.7. v.7. *statura ejus assimilata est Palma.* Inter hos suaves sonos, sonoras voculas, jungunt, Zephyri, Rivuli; Nymphæ, lusciniæ, unanimiter cantantes; Maria Rosa; Jesulus rosula! Maria lilium, Jesulus lilium; Maria Cedrus, Jesus Cedrus. Cur non addimus nostras

stras voces, dicentes; hæ duæ rosæ, hæ lilia, Jesus & Maria sunt dulcissimi nostri amores! Me quod attinet, amo, amo, amo! pulcerrimam Mariam; Amo, amo, amo Jesum meum! Vos quod attinet, quantum adverto, idem desideratis. Eia montes, colles, valles, prata, campi, agri Judææ, resonate millies: Jesus, Maria, sunt pulcerrimi nostri amores. Eia lusciniæ, infla pectora, protendite colla, solvite linguas, in dulce prorumpite melos. Jesus, Maria, sunt nostri amores. Eia Nymphæ, Satyri, Fauni; infla tubas, ludite fidibus, psallite cytharis, tangite tympana, animate cornua; sed aliud non desideramus audire melos, quàm hoc; Jesus, Maria, sunt nostri amores.

Verùm surgit Maria; pergit abire cùm festinatione; sequi volui. Verùm O Angeli, stipatè me malis, fulcite me floribus, quia amore langueo. Huic umbræ, ex qua excessit Maria, succedam ego, ut ibi quiescam, & dulcissimi mei amoris, erga pulcerrimam Mariam, indulgeam affectibus.

§. 15.
Epilogm-



CONCIO LXXV.

FESTO S. MARIE MAGDALENÆ.

Erat in civitate peccatrix.

Luc. 7. cap. v. 37.

SYNOPSIS CONCIONIS.

Agit de Mariæ Magdalenæ celeri pœnitentia; vitæ mutatione, dolore, lacrymis, amore erga Christum Dominum.

§. 1. Cur Magdalena à S. Luca | §. 2. Magdalena ad vocem Christi
dicatur peccatrix. | stit statim fuit conversa. Pulcer
apola-

apologus.

§. 3. *Ejusdem applicatio.*§. 4. *Mutatio Magdalena, cujus prima radix fuit cognitio.*§. 5. *Itaque mox remedium quaesivit apud Iesum.*§. 6. *Magdalena non distulit con-*

versionem.

§. 7. *Bene fecit Magdalena, prosternendo se ad pedes Christi.*§. 8. *Magdalena beatos habuit oculos.*§. 9. *Flevit ubertim, ob vim doloris.*§. 10. *Pia vota auctoris*

§. 1.
Cur Mag-
dalena à
S. Luca di-
catur pec-
catrix.

Nobilis pictor fuit S. Lucas, qui inter alia paucis verbis, veluti pulcherrimis coloribus nobis proponit Magdalenam & peccatricem & pœnitentem, primum facit paucis verbis, *Erat in civitate peccatrix.* Dicendo peccatrix, scelerum depingit multitudinem; dicendo, in civitate, exponit gravitatem, ob scandala, quibus malitia peccati valde aggravatur. Dicendo; *Erat*, exprimit consuetudinem quod longo tempore sordibus scelerum fuerit immersa peccavit firmiter deliberate incessanter. De primo ait, D. Gregor. hom. 33. in Evang. *Parum erat dicere vana, superba, immunda: unum nomen (peccatrix) est, quod exprimit omnia.* Ut peccatrix antonomastice idem sit quod peccatricum primiceria, peccatorum habitaculum, peccatrix infamis, notoria, scandalosa. Eadem voculâ in simili sensu usus fuit Is. c. i. v. 4. dum ait; *Va genti peccatrici.* explicat, quid intelligat per hanc voculam; *Populo gravi iniquitate, semini nequam, filiis sceleratis.* 70. legunt, *Populo pleno peccatis*, q. d. in hoc populo omnia genera peccatorum firmum habuerunt domicilium. D. Hieronymus in c. i. Is. *Ostendit nullam speciem peccatorum in populo non fuisse*, tales deinde sic descripsit S. Paulus ad Rom. i. v. 29. *Repletos omni iniquitate, fornicatione, avaritia, nequitia, plenos invidia, &c.* Verum, quid ago, si ego talia applicare velim S. Magd. putabunt mei Auditores, meam concionem non fore panegyrim, sed acrem investivam in Magd. quod non intendo. Moneo itaque, siue insinuo tantum Mariam Magd. fuisse peccatricem, & hoc nobis in Evangelio proponi; vel, ut loquar cum S. Petro Chrysol. ser. 93.

Exag-

Exaggerat Evangelista mulieris facinus, ut accumulet indulgentiam largitoris: & ut agnoscamus eo magis, quàm felix fuerit S. Magdalena, quod post vitam impiam duxerit vitam sanctissimam. Talia, & similia vobis proponet hæc concio. Cogitate vos cum Magd. sedere ad pedes Christi.

In hoc fuit felix & prudens S. Magdalena, quod quamprimum ^{s. 2.} *M. gdale- na ad vo- cam Christi* ^{statim fuit conversa. Pulc. r. apo- logus.} *audivit vocem Domini, ad eundem accurrerit, quæsitura vulnerum suorum remedium. In hoc primum Christus Salvator noster nobis illam proponit in exemplar: vides hanc mulierem, subito in prima concione Christi, quam audivit, cōversam. Ele- gans ad utilitatem nostram compositus apologus (vel ut S. Aug. loquitur, mendacium) subitam Magdalenæ conversionem ele- ganter exponit. Sol, sive Phœbus processit aliquādo ad venatio- nem (utitur hac fabula D. Cyr. Alex. l. 6. de adoratione in spirit.) imaginemini vobis solem, veluti speciosissimū juvenem; ad ve- nationem se contulit ex amore speciosissimæ Nymphæ, quam sciebat per illos montes insequi cervos. Jacula solis, fuerunt splendidissimi ac fulgentissimi radii, arcus, pulcerrima quædā lux, formata instar iridis. Contigit autem, ut Nympha insecu- ta cervam profundius intraverit sylvam, tanto ardore, ut in- gruente nocte, ignara viarum coacta fuerit intrare an- trum, in quo putabat se suaviter quiescere, sine omni cura & ti- more. O infelix puella! nisi antrum pertransiens Phœbus & mi- seram intuitus sagittam de pharetra sua in speluncam fuisset ejaculatus, radium scilicet clarissimæ lucis, qua excitata & illu- strata Nympha, vidit se jacere inter bufones, colubros & ser- pentes; quo putatis stupore? quo terrore? quàm attonita? sed sic attonita momento surrexit, fugit ex antro, & veluti vulne- rata cerva abiciens se ad pedes venatoris, quas potuit egit gratias.*

Sol hic, Phœbus hic, venator hic hodierna die fuit Christus ^{s. 3.} *applicatio Apologi.* *Salvator noster. flagrans desiderium venandi ac deprædandi animas de cœlo illum detraxit. Amor pulcerrimę nymphæ per- suasit illi deponere vestes gloriæ, & induere vestes venatorias. Amor animarū fecit illum per 33. annos divagari per desertum*

Alvei III. Pars IV.

g

hujus

hujus mundi Matt. 9. v. 35. *Circuibat Iesus omnes civitates & ca-
 stella. Sagittæ ejus fuerunt splendide & circumamictæ. Pul-
 cra Nympha erat Magdalena, inhians suis voluptatibus.
 Defectu gratiæ & lucis Spir. S. nesciens neque intelligens, am-
 bulabat in tenebris, donec malus ductor illam in antrum de-
 duxit plenum serpentibus, lacertis, pardis, quorum animalium
 symbolis Spir. S. gravissima scelera solet adumbrare. Onerata
 scelerum vinculis q. in tuto jacebat Magdalena, imo ipsa facta
 fuit habitatio Demoniorum Apoc. 18. v. 2. & custodia omnis spiri-
 tus immundi, & custodia omnis volucris immunda & odibilis. Fuit
 habitatio Draconum. Jeremiæ 31. v. 37. Requieverunt in illa be-
 stia ferocissimæ, repleta erat draconibus venenatissimis, habi-
 tabant in illa struthiones, & pilosi in illa saltitabant, erat blan-
 da Siren in delubris omnis voluptatis Isaïæ 13. v. 22. O mu-
 lier infelix! nisi bonus Jesus, nisi cœlestis Phoebus succurrisset.
 Lucidissimus hic venator in concione, in cor Magd. unicam
 intorsit sagittam, unum verbum, sed luce splendidum, & co-
 gnovit, & vidit ubi jaceret. eodem momento surrexit, & in do-
 mo Simonis se abiecit ad pedes Jesu. *Primum donum* (Dion.
 Areop.) *quod datum illi fuit ex respectu ad lumen, fuit cognitio sui.**

§. 4. Ad lucis hujus intuitum, in lumine, tam splendide sagittæ,
 in lumine verborum Christi, cognovit animam suam perdi-
 tam, Deum offensum, infernum dilatatum, dæmones rictibus
 leonum feroces, ut se sibi faciant prædam sempiternam. Quid
 putatis? qualis in hac luce fuerit Magdalena? quam turbata,
 quàm attonita, quàm anxia? quomodo palluerit, quomodo con-
 siderint oculi, quàm amarè fleverint, quàm atrociter in pectus
 contorserit palmas, in quos mox domi sola in conclavi eruperit
 gemitus? quos singultus, quæ suspiria? Abit mox in aulam
 interiorē, facta mare lacrymarum; ibi cuncta deposuit or-
 namenta, ibi confregit specula, ibi aureas laceravit catenas, pe-
 dibus conculcavit uniones, & nigrum induta saccum sedit in
 amaritudine animæ suæ.

§. 5. Sed ut miserrimum suum statum, sic quoque agnovit,
 non esse mali remedium apud alium, nisi illum, à quo læsa, à quo
 capta,

capta, à quo permota fuerat, scilicet apud Jesum Salvatorem, & *quasi vult*
quia audivit, quod in domo Simonis accumberet mensæ, sur- ^{apud Je-}
rexit & confestim eo evolavit; dicens cum sponsa, Cant. 3. v. 2. ^{sum.}

Surgam & ibo per civitatem, surgam, ibo per vicos & plateas, surgam & quæram quem diligit anima mea, dico propterea Magdalenam fuisse felicissimam, & prudentissimam magistram in schola pœnitentiæ, in qua nos docet, ut & nos statim confugiamus ad Christum. Sed quid si unus aut alter ex meis Auditoribus jaceat in antro gravissimorum scelerum, inter bufones & serpentes: in periculosissima quiete? O cœlestis Phæbe! O venator animarum nostrarum, unicam mihi, concede sagittam, sed fulgidam, ut intorqueam in has Magdalenas; ut tenebras pellam, ut videant Deum offensum, infernum apertum &c. ut una mecum ruant ad pedes tuos, ut dicamus cum ardenti gratiarum actione, vicisti Jesu, vulnerasti corda nostra, vulnerati sumus caritate, te unum quærimus, & statim, hoc momento. S. Paulus de se dixit, 1. Timoth. 1. c. v. 15. *Christus Iesus venit in hunc mundum peccatores salvos facere, quorum primus ego sum; sed ideo misericordiam consecutus sum, ut in me primo ostenderet Christus Iesus omnem patientiam ad informationem eorum qui credituri sunt.* Eadem hodie nobis loquitur S. Magdalena & ad quam informationem? hanc: momento quo S. Paulus paucis vocibus de cœlo fuit illustratus, quo cœlesti luce fuit circumdatus corruit in terram & clamavit Act. 9. v. 6. *Domine quid me vis facere?* Et S. M. Magd. momento quo in concione à Christo mota fuit, surrexit & pœnitentiâ egit. Et vos, hodie si vocem ejus audieritis, hodie festo S. Magd. pœnitentiâ agite, alibi ait S. Paulus. Cum autem placuit ei &c. & vocavit per gratiam suam, continuo, non acquievi carni & sanguini--sed gratiæ, & testimonium perhibet mihi conscientia mea in Spiritu S. *quoniam tristitia mihi magna est, & continens dolor cordi meo.* hæc hodie dicite, hæc agite, cum primis inter peccatores, sed pœnitentes, cum S. Paulo & cum S. Magdalena.

De Noë ingrediente arcam ait v. 13. c. 7. Gen. *In articulo diei illius ingressus est Noë-- arcam.* Cajetanus advertit in he-

*S. 6.
Magdalenam
non distulit*

conversio-
nem.

bræo legi, *in proprietate diei illius*. quo modo loquendi laudatur in Noë prompta executio D. voluntatis vocantis ad arcam: id est, illo die statim hoc fecit Noë, quo hoc illi à Deo fuit mandatum. alii legunt: *In puncto diei illius*. his verbis laudatur Noë obedientia promptissima, id est, ipso instanti illius diei hoc fecit. & bene, statim enim deinde, *Clausit à foris ostium Dominus*. Multa hodie in concionibus afferri solent in laudem conversionis & pœnitentiæ S. Magd. ego hoc laudo, quod in articulo concionis, quo à Christo illustrata fuit, ut cognovit, statim accurrerit ad Christum. In proprietate diei illius hoc fecit; dies illa ab æterno fuit à Deo ordinata, quod illo die à furore ducenda esset ad concionem Christi, quod illo die esset illustranda, felix fuit quod eadem die gratiæ vocanti acquieverit; felix quod q. illo momento, illo instanti accurrerit Christum. Opto ex visceribus cordis, ut uni aut alteri saltem peccatori hod. festum sit articulus diei felicissimæ quâ se recipiant ad arcam D. misericordiæ. Utinam & mihi hoc die, fluat instans, ut illo me convertam ad Jesum meum. O felicia instantia, puncta, articulos, quibus Magd. ad pedes Christi deflevit sua peccata. Animæ piæ, quærите hod. die talia aliquot puncta ut &c. sic de osculis & lacrymis Magdalenæ, & artibus amoris. Hæreo diutius in primo puncto.

§. 7.
Bene fecit
Magdala-
na, proster-
nendo se ad
pedes Chri-
sti.

Secundo; fuit Magdalena felicissima in hoc, quod plena sanctis desideriis ingressa fuerit ædes Simonis, & ibi ad pedes Christi in conspectu omnium hospitum, inter quos omnes scribæ & Pharisei, qui illam bene norant, ipse tamen coram illis ad pedes Christi, amare fleverit. Videris hanc mulierem; hæc nos instruit, in quibus consistat vera pœnitentia. p. dixit de primo D. Ephrem Syrus. *Cerno ferventis illius anima* (p. hoc) *magnitudinem; & pulchra illius mulieris honestam inverecundiam* vel ut loquitur D. Aug. *Quæ erat peccatrix; quasi vit pia impudentia sanita-rem*. Impudentiæ videbatur esse, ingredi domum Simonis, non invitata, non vocata, fuit impudentia; sed pia! sed amantis. Major impudentia videri potuit, ruere ad pedes viri, illos stringere & amplecti; fuit sed pia, sed ferventis animæ. Quale spec-
tacu-

etaculum videre scēminā, infamem &c. solvere capillos discriminare, dispergere comas, & iis se alligare pedibus tanti prophetæ. Non impudentia fuit, sed pietas, sed fervor & ardor dilectionis &c. talia opera operatur vera & seria pœnitentia.

Ante omnia Magd. felicissimos habuit oculos; erant piscinæ, ^{S. B. Magdalena} Cloacæ adulterii &c. sed &c. convertit in fontes lacrymarum, ^{beatos habuit oculos.} ex contrito corde profluentium! O adolescentes! O Virgines! videtis hanc mulierem! *lacrymis caput.* illa scilicet perfectæ est pœnitentia, quæ à lacrymis sumit initium. Dum David in diversis psalmis decantat magnalia Dei, ps. 77. v. 20. ps. 104. v. 41. ps. 106. v. 33. ps. 113. v. 8. ait; *Qui convertit petram in stagna aquarum, & rupem in fontes aquarum.* à variis, proprietatibus alibi petra describitur; Sap. 11. vers. 4. vocatur *altissima* (magna, eminens, ab omnibus conspicua. inscribite, Magd. peccatrix. Deut. 8. vocatur *lapis durus.* &c. — qui *eduxit rivus de petra durissima.* inscribite, Magd. *peccatrix.* consequenter fuit petra siccissima. & aptissima, ut percussa reddat scintillas & ignem. Nihilominus, percussa virga à Moyse, copiosas dedit aquas. ps. 77. v. 15. *Interrupit petram in cremo &c. & eduxit aquam de petra, & eduxit tanquam flumina aquarum* alia miracula hujus prodigiosi saxi videri possunt apud diversos interpretes. Majus hodie cernimus miraculum in Magdalena. Cor ejus erat durissimum, siccissimum, dispositum ad cōcipiendas flammæ inferni. Sed dum tangitur virga verbi divini, adeo, anima ejus fuit liquefacta ut non tantum fleverit, sed dirupit Jesus cor ejus, & lacrymas eduxit tam copiose, ut pedes ejus illarum copia potuerit irrigare. O felix Magdalena.

Ex lacrymarum copia, quæ cum impetu (Jobi. 38. v. 8.) ex ^{S. B. Fleuit} Magd. oculis decidunt, ego colligo vim doloris, qui illas in ejus ^{ubertim} corde concitavit. nō enim guttatim effluerunt, sed cū impetu ^{ob vim doloris.} vehementi veluti efficaciter expulsæ magnā vi doloris, quo cor illius premebatur, non effluerunt guttatim, sed ubertim & abundanter, pleno gurgite, nec minori impetu, quàm prodierunt aquæ de illo mirabili saxo. licet murmurarint Pharisæi, illa tamen lacrymas continere non potuit, nimium

enim fortis erat in corde dolor, qui eas mittebat de visceribus; veluti de arcu sagittas. Colligo 2. in Magd. fuisse perfectissimam contritionem quæ solet esse scaturigo talium lacrymarum, ideoque fuerunt lacrymæ selectæ & preciosæ, defluentes super pedes Christi, id est, effusæ ex dolore de peccatis propter Deum, propter Christum summè dilectum: lacrymæ Magdalena fluxerunt ex merissimo dolore, quod Deum offenderit, talem Dominum, talem Patrem, talem amicum; Videtis hanc mulierem pœnitentes? discite ab illa ex quibus motivis deflenda vobis sint vestra peccata ex magno dolore, ex ardenti amore, ob offensam Dei. Quod Christus ex tali saxo, ex tali petra, ex corde peccatricis, ex visceribus Magdalena tales produxerit aquas, fuit opus infinitæ ejus omnipotentia, & misericordia! de pluvia, de rore quæsiuit Deus ex Jobo. c. 38. 28. *Quis est pluvia Pater, aut quis genuit stillas roris.* Si hoc hodie quærere velimus de lacrymis Magdalena, quis est illarum Pater, quis genuit illas stillas, quis fecit Magdalenam tam amare flere? aliud respondere non possumus, quàm, Optimus, benignissimus Jesus id fecit. Interrupit primum Magdalena cor & pectus, deinde oculos; hinc lacrymæ. Primum, vivo & efficaci dolore pressit ejus cor; deinde oculos, veluti spongiam, hinc ille imber roris, quo rigavit pedes ejus. In diluvio illo magno, quo expiatus est mundus Gen. 7. v. 11. *Rupti sunt omnes fontes abyssi magna, & cataractæ cæli apertæ sunt.* In illo diluvio, quo submersa sunt peccata peccatricis magnæ, Rupti sunt fontes cordis ejus, & apertæ sunt cataractæ oculorum ejus. hinc copia & diluvium, preciosarum, selectarum lacrymarum.

§. 10.
Pia vota
auctoris.

O mi amabilis Jesu! quid si de corde alicujus ex meis Aud. dicere possim, quod sit petra altissima? quod sit saxum durissimum? quod siccissimum? tali inscripta hæc vocula, peccator, vel peccatrix. ah Salvator amantissime! timeo ne aliquorum corda ita sint sicca, ut proxime disposita sint (deest unicum momentum infelicis mortis) ad concipiendū igneū inferni! & quis emollire poterit hoc durum cor? quis rumpet? quis illud scindet? quis educat lacrymas ut cadant super pedestuos: Con-
siliū

filium mihi suggerit devota pictura Magdalenæ. Solet depingi sedens in obscuro antro, tenens in amplexibus crucem; in mensa vel colliculo jacet hinc spinea corona, hinc clavi, quibus dilutus sponsus fuit affixus cruci. O felicissima peccatrix: præbe mihi hanc crucem; cede mihi unum ex clavis, recenti sanguine Christi rubrum, concede vel unicam ex spinis ebriam divinissimo illo cruore. Quæris quare? hac cruce primum verberabo & percutiam cor meum; meo cordi infigam hunc clavum; meum pectus pungam hac spina, ut rumpatur, ut doleat, ut amet; his instrumentis aperiam, ut fluant lacrymæ super pedes Jesu mei crucifixi. Ah Aud. deinde vestra corda denudate; & illa cupio percutere, illa cupio dirumpere, illa cupio aperire, illa cupio premere vi magni doloris, vi magnæ contritionis, ut simul omnes doleamus, ut cum Magd. accurramus ad pedes Jesu, ut simul omnes illos rigemus lacrymis, &c. ut simul omnibus dici possit, dilexistis multum, ite, dimittuntur vobis peccata vestra.



CONCIO LXXVI.

FESTO S. JACOBI APOSTOLI.

Potestis bibere calicem.

Matt. 20. cap. v. 22.

SYNOPSIS CONCIONIS.

Est panegyris, invictæ Patientiæ in tribulationibus.

§. 1. *Varii symbolici leones, sunt* | §. 2. *Vita hominis Christiani, est*
symbola S. Jacobi Apostoli. | *continua mortificatio: mixta*
tamen

- | | |
|--|---|
| <p>ramen variis consolationibus.</p> <p>§. 3. Quod expertus fuit David.</p> <p>§. 4. Electi filii Dei magis amant labores, quàm delicias.</p> <p>§. 5. Deus magni aestimat nostras tribulationes.</p> <p>§. 6. De Christi verbo, in cruce: sitio.</p> <p>§. 7. Affectuosa causa, ob quam</p> | <p>apertum fuerit latus Christi, post mortem.</p> <p>§. 8. Dictum invicti Martyris in Iaponia.</p> <p>§. 9. Alterius pugilis.</p> <p>§. 10. Deus adest constitutis in tribulatione pro Deo.</p> <p>§. 11. Unde nascatur heroica patientia,</p> <p>§. 12. Tribulationes sunt rosei funiculi.</p> |
|--|---|

§. i.
Varii symbolici leones. sunt symbola S. Iacobi Apostoli.

Inter emblemata & mysteriosas picturas frequenter cernimus leones. Dum his diebus aspexi leonem, dextero pede tenentem galeam & gladiū cum hoc lemmate; *Hinc victoria*, apud me cogitavi, victoriosus hic Leo, est gloriosissimus Hispaniarum Apostolus, S. Iacobus. hic primus inter Apostolos percussus est gladio, & ab hoc, tam gloriosa illi victoria, tam nobilis triumphus, gladio apprehendit bravium gloriæ. Cum vidi alium leonem præter gladium gestare lauream Cyzici sive ramum lauri, in quo dulces creverunt ficus, cum hac inscriptione, *Et honor & fructus*. cogitavi, hic leo iterum est S. Iacobus; cui gladius, quo pro Christo percussus sanguinem fudit, fuit ramus lauri, ex quo creverunt dulcissima ficus, suavissimi fructus honoris & gloriæ; ubique terrarum, sed præcipuè in potentissimo regno Hispaniarum. In alio emblemate stat leo, ore micans, vibrans gladium, jactans sese his oculis, *nec stratus, nec sternar*. S. Iacobus fuit talis leo; gladius acutus illi fuit verbum Dei; quo hostibus Christi & Synagogæ tam fuit terribilis, ut invicta ejus patientia sterni non potuerit. forte vidistis illud emblemata strenui militis, in quo pugnax leo dextero pede tenet labarum crucis, cum his oculis, *Purpureum in signe cruentum*. Quam strenuus miles, qualis leo sub hoc labarò crucis fuerit S. Iacobus, ex vita ejus, sanctissima, & morte beatissima patet. Gladius S. Iacobi modo mihi erit symbolum invictæ & gene-

generosæ patientiæ. Fortis mucro strenui militis sitit sanguinem, invicta & generosa patientia pugilis Christiani sitit fundere sanguinem, non alienum sed proprium, id est, multa pati pro Christo! Vel, ut utar verbis Christi, patientia sitit bibere calicem passionis. Itaque excelsæ cogitationes, generosa desideria perferendi multa pro Christo & æterna gloria desiderio-
rum horum præmia & fructus erunt materia præsentis concio-
cionis, in honorem gloriosissimi Apostoli & Martyris S. Jacobi.

Suavissimis verbis alloquitur mellifluus Bernardus illos, qui bibunt calicem passionis cum S. Jacobo. postquam in præfat. in ps. 90. consideravit & obstupuit molestias, labores, & tribulationes justorum in hac vita, ait. *Mortificamini tota die in jejuniis multis, in laboribus frequenter, in vigiliis supra modum, præter ea quæ intrinsecus sunt, contritio cordium & multitudo tentationum. Mortificamini* (sive ut loquar cum Christo, Joan. 15. v. 19. *odit vos mundus, fletis, ploratis, &c. Mortificamini,* (ut loquar cum S. Paulo, *crucifixi estis cum Christo, aperiimini &c.) Sed propter eum, qui mortuus est pro vobis—bibitis amarum calicem, sed cum illo & pro illo, qui prior pro vobis bibit—idemque quod si abundat tribulatio vestra, pro eo; abundabit consolatio vestra per eum; apud ipsum namque ipsa quoque tribulatio, magna quedam consolatio poterit inveniri. Bene dixit apud ipsum & per ipsum, & cum ipso, quia solus Deus hoc efficit in animo, ut labores & tribulationes sint consolationes, ut in tormentis inveniat thesaurum.*

S. 2.
Vita homi-
nis Chri-
stiani est
continua
mortifica-
tio: mixta
tamen va-
riis conso-
lationibus,

Expertus fuit David cum dixit ps. 22. v. 4. *Virga tua, & baculus tuus* (si S. Jacobus nobis hodie loqueretur, diceret, O bone Jesu, dulcis Magister, Calix tuus quem præparasti mihi quem bibi) *ipsa me consolata sunt.* Et quodnam solatium à virga? sæpe ferrea. à baculo, à spinis? quæstioni acute respondit sanctus Hieronymus l. 1. in cap. 5. Jerem. t. 4. *ita omnis labor, omnis correctio, omnis tribulatio—amara quidem videtur, ad præsens, sed fructus parit dulcissimos.* S. Augustino ad psalmum 12. placuit metaphora rosæ; *sic est, labores, tribu-*
Alvei III. Pars IV. h *latio.*

S. 3.
Quod ex-
pertus fuit
David.

*lationes &c. sunt spina, sed - quo pungeris, nascitur rosa, qua coronē-
ris. magna in hoc differentia est inter mundum & Christum D.
Mundus offert absynthium amarissimum, sed exterius dulcorat
melle, lacte, voluptatibus; ut fallat. Quod subtiliter confide-
ravit S. Ambr. in pl. i. super illud Apoc. 17. v. 3. de meretrice ge-
stante aureum calicem abominatione plenum, *Vi potus placeret,
inquit metalli suffragia requisivit, ex se solo quia sufficiens non erat,
suffragium ab auro postulavit, ut per visus delectationem inescaret
gustum, saporem falleret.* Plane alia est conditio Christi Salva-
toris. Clare oculis proponit calicem passionis cum felle, cum
spinis &c. Claris verbis suos alloquitur, *potestis bibere calicem
&c.* Foris omnia apparent aspera, amara. Sed intus, tolerata
pro Christo, pro regno aeterno gloriæ sunt mellea & dulcia.*

9.4.
Illi filii
Dei magis
amant la-
bores,
quàm dili-
cias.

Hinc est, quod excelsi filii Dei magis ament labores, quam
delicias. hinc est, quod dura & aspera pati desiderent: Triste
Job. 2. v. 8. oculis meis obversatur spectaculum, dum mihi ima-
giner Jobum sedentem in fimo, plenum ulceribus, dignum
objectum nostræ compassionis, absorptum doloribus, contem-
ptum ab omnibus, irrisum à propria uxore. in tristissimo ta-
men spectaculo satis admirari non possum invictum ejus ani-
mum, generosam ejus patientiam, in doloribus gaudium & ar-
dens desiderium patiendi plura, & sic enim ait c. 6. v. 10. *Et hac
mihi sit consolatio, ut affligens me dolore non parcat.* Sed prioribus
malis addat nova & recentia. Rabi David advertit, affligere,
ob voculam hebræam Sabad, idem esse ac urere aut incendere,
ut hic verborum Jobi sit sensus, *Vnicatamen hac mihi erit consola-
tio, si me exurat & incendat.* Rabi Abraham ait, affligere idem
esse quod interficere. hoc sensu Job dixit, *Si interfeceris me Deus
subsiliam (exultabo pro lætitia)* Rabi Moyses sic legit cit. versum,
Roborabo me in infirmitate mea, scilicet, ut plura & majora bibam
ut largius bibam ex calice passionis. Alii legunt, *Et orabo in
dolore meo,* id est, laudabo Deum meum, Jesum meum, qui me
affligit, qui me urit, qui me incendit; benedicam nomini ejus.
imo deprecabor, obtestabor, obsecrabo ut affligat magis, pe-
tam doloris incrementa & acerbiores cruciatus. O virum ar-
matum

matum gladio heroicæ patientiæ! omnia amisit, unde quaque est pressus angustis, à planta pedis ad verticem capitis non est in eo sanitas, intus, exterius premitur doloribus & orat pro doloris incremento! patet in Jobo bene dixisse S. Gregorium l. 6. c. 17. *Si enim mens in Deum forti intentione dirigitur, quidquid sibi in hac vita amarum sit, dulce æstimat; omne quod affligit requiem putat; transire & per mortem appetit, ut obtinere plenius vitam possit; funditus extingui in infimis desiderat, quo verius ad summa conscendat.* In quibus verbis fons & origo aperitur, unde fiat quod justis amara sint tam dulcia, gravia tam levia, integri anni dolorum, tam breves, unde afflictio sit consolatio quare spinæ sint rosæ, quare scintillæ guttæ balsami, quare laquei, aureæ catenæ; quare labor sit quies; fons & origo est fortis in Deum & Jesum, quem qui semel ardenter amat, cujus mens in illum forti intentione dirigitur, pati desiderat, & multa pati, & plura & majora. quod ita verum est, ut aliquis ex antiquis Patribus in prato spirit. l. 2. c. 3. de perseverantia, dixerit: *Si locus, ubi nunc pater noster Abraham moratur, capax esset pœna & doloris, doleret (v.g. Lazarus) non plus pœna sustinuisse, quam sustinuit, videns illud multum, quod Deus meretur (vel quod Jesus crucifixus &c.) & dona quæ præbet diligentibus & videntibus illum.* Si sancti in cœlis, si S. Apostoli, si S. Jacobus; si tot inclyti Martyres sitire possent, sitirent bibere calicem passionis, sitirent plus pati pro illa indicibili ac ineffabili summi Dei majestate pro dilectissimo Jesu, pro incomprehensibili illa gloria & felicitate qua fruuntur.

Hic aliquid occurrit observatione dignissimum, frequenter in diversissimis concionibus de diversis sanctis præcipue Martyribus dico grandia, sublimia, excelsa in laudem tribulationis. quanta dignitas, qualis thesaurus lateat in afflictione. quanti Deus æstimet, quam delectetur, quàm honoretur & glorificetur si homo justus pro se aliquid patiat; ex verbis citatis antiqui Patris notate, sic præclarum altumque esse pro Deo pati, in gloria, (si fieri posset, vel fieri vellet Deus) ut hoc privilegium, hanc prærogativam, cœlestis Pater soli Filio, soli

S. S.
Deus magni æstimat nostras tribulationes.

Jesu Christo redemptori nostro concesserit, dispensans cum illo, & eximens illum à communi regula, scilicet ut etsi anima beatus esset, etsi clarè Deum videret, & illo frueretur, tamen in terris pati potuerit, mori potuerit, crucifigi potuerit, verbo, potuerit bibere calicem passionis, licet esset fons vitæ, & omnis perennis gaudii flumen. Quod privilegium apud SS. Trinitatem in tanta est æstimatione, ut nec Matris sacrosanctæ (ultra loqui non libet) voluerit cum Filio esse commune.

§. 6.
De Christi
verbo in
cruce sitio.

Ideoque etiam privilegium hoc à Filio sic fuit appreciatum, tanti que factum, ut jam morti in cruce appropinquans, in gravissimis doloribus petierit plus pati, alta voce exclamans, Sitio. ubi p. S. Bern. tr. de pass. dom. c. 3. *Quid est hoc, bone Iesu? antequam gustes, petis calicem omnino auferri, & postquam bibisti, sitis? mirabilis potator es tu. nunquid vino jucunditatis & non patius vino compunctionis, & summa amaritudinis repletus fuit calix tuus, imo vero compunctionis amarissima plenus est, qui non sitim, sed potius potandi fastidium generare deberet.* p. respondet sanctus, ideo ante passionem recusasse calicem passionis, non ut passionem declinaret, sed ne aliquis putaret Christum D. non sensisse passionis amaritudinem, ob unionem divinitatis, ob gloriam animæ beatissimæ. Omnino, his non obstantibus sensit Jesus spinas, sensit clavos &c. p. *Sed post dicens sitio (O bone Iesu) dilectionis erga nos tuæ magnitudinem commendasti, quasi diceret: quamvis passio mea tam acerbæ fuerit, ut quantum ad humanitatis sensum illam declinare potuerim; tamen tua homo, me caritate vincente, & ipsa tormenta crucis superante, adhuc plura & majora si necesse fuerit, sitio subire tormenta.* Si autem piissimus Iesus ex caritate erga hominem desideravit plus pati, quænam putatis desiderasse ex amore Patris pro ejus gloria, quem infinita amplius diligebat & amabat: cum verè diligenti nihil magis sit cordi, quàm pro amato pati.

§. 7.
Afflictio
causa, ob
quam per-
sum fuerit

Hic discursus doctissimo S. Scripturæ interpreti causam dedit dicendi, subtilissimè & affectuosissime, sanctissimum Vultus lateris & cordis Christi, post mortem corpori ejus illatum fuisse effectum hujus sitis & Orationis, Sitio. Cum enim Pater cœlestis & amantissimus genitor, dulcissimo Filio nollet am-

piora

pliora concedere tormenta, neque extendere tempus Passio-
nis, propter reverentiam tamen petentis, vehementissimæque
illius sitis patiendi, hoc illius indulsit amor, hoc ardentissimæ
concessit caritati, ut etiam mortuus, sine sensu, sine vita adhuc
sustineret Vulnus lateris & cordis, ut sicut per foramina ma-
nuum & pedum, in vita, in cruce testatum fecerint suum amo-
rem, & desiderium patiendi; ita post mortem adhuc in cruce,
per foramen cordis eandem dilectionem declararet. Tanti
ponderis est, tantæ excellentiæ, pro Deo posse pati. Hæ & ta-
les considerationes in sanctis M. M. excitant & hætenus exci-
tarunt illam sitim calicis passionis, illa desideria patiendi plura
etiam nostris temporibus.

Cum anno 1633. in Japonia, nobilis pugil, religiosus qui-
dam è Soc. Jesu jam in quartum diem penderet suspensus in
scrobe, inter immania tormenta, interrogatus fuit, *ecquid agre
sentires?* quid expectatis Aud. fortassis quod senserit laqueos,
quod contorsionem & divulsionem membrorum, quod conti-
nuam suffocationem, &c. non loquuntur talia in tormentis ex-
celsi filii Dei; hoc respondit: Sentire se, quod Imperatorem &
omnem longè lateq; Japoniam non posset, ut vehementer opta-
bat, quibuscunque tormentis, etiam novis, quacunque morte)
ad Christi sui cultum adducere.

Heroica fuit patientia inclyti pugilis, cujus in agone post
gravissimos dolores, hoc supremum fuit suspirium, hæc ultima
verba. *Iesus, Maria, mei dulcissimi amores: vobis vivo, vobis moriar,
moriar ad gloriam vestram. Utinam mille mortes, mi Iesu, amore tui
moriar. tantum doleo, quod tam parum amore tui fecerim, & passus
sim.* Et tamen inter hæc tentatus à demone, respondit, *nolo fa-
cere, nolo facere; malo mori milles, malo damnari mi Iesu: tuus sum,
non faciam.*

Talia, tam atrociâ patientes loqui non possent, nisi Iesus
esset cum illis, nisi hunc amarent, nisi hic illos confortaret, nisi
vires & gratiam tribueret. Amor & præsentia Jesu omnia amara
reddit mollia, & gravia levia. Cum magnus quidam operarius
in vinea Domini fessus & vexatus videretur sibi labori
succumbere, vidit coram se Christum gravi cruce onustum

latus Chri-
sti, post
mortem.

§ 8.

Dicitur in-
visi Mar-
tyris in Ja-
ponia.

§ 9.

Alterius
pugilis.

§ 10.

Iesum adeo
constituit
in tribu-
tione, pro
Deo.

& audivit dicentem: Fili, si tua tibi crux videtur gravis, meam aspice: neque tibi persuadeas, quod sine me sis in illa. Etenim tam sum tuus, ut me totum pro te tradiderim. Hinc ingens consolatio, & ardens desiderium patiendi. Et atrocissimi morbi per 5. menses illius patientiam exercuerunt.

§. 11.
*Vnde na-
scatur he-
roica Pa-
tientia,*

De quodam Joanne religioso Soc. Jesu ait ejus elogium. Christi dolores meditabatur tenerè & ardentè. inde illi heroica quædam Patientia inter dolores. Cum quædam pia Virgo in precibus illum Deo commendaret, vidit illa Christum D. trahentem Joannem in cælum quinque rubeis funiculis (quinque Vulnerum indicibus) & audivit dicentem: *Cum ipso sum in tribulatione: eripiam eum, & glorificabo eum.* Tandem in gravissimo morbo Joannis Christus D. eidem Virgini dixit, *In pace in idipsum dormiet & requiescet.* & ita factum est.

§. 12.
*Tribula-
tiones, sunt
rosei funi-
culi,*

Quæso vos Auditores carissimi; ne miremini si Deus subinde vobis mittat tribulationes, si vos affligat paupertate, si urat doloribus. Dolores, paupertas, morbi, omnes afflictiones, non sunt nisi rosei funiculi, intinèti precioso languini SS. Vulnerum quibus Christus D. vos cupit trahere ad cælum. Sed gravant vincula: urunt dolores; Crux vestra vobis est gravissima; sic est, sed aspiciate crucem Christi. longè est illa gravior. & hoc vobis persuadeate, sub hac cruce, bonus, dulcis Jesus est vobiscum. Non estis sine illo. Vobiscum est in tribulatione, eripiet vos, & glorificabit vos. Cum ipsi placitum fuerit, quiesce- tis, & dormietis. Utinam hæ & similes considerationes, quas hac concione proposui, in nobis excitent heroicam patientiam. Cum necessario in hoc exilio debeamus mortificari, crucifigi, affligi, uris; utinam cum mortificamur, id feramus propter eum qui pro nobis mortuus est, propter eum, qui cum

S. Jacobo glorificare nos vult æternum in
cœlis.

CON-



CONCIO LXXVII.

FESTO S. IGNATII FUNDATORIS SOCIETATIS JESU.

Laudemus viros gloriosos, & parentes nostros in generatione sua,

Ecclesiastici 44. cap. v. 1.

SYNOPSIS CONCIONIS.

Deprædicat intensissimum S. Ignatii amorem, erga Deum.

- | | |
|--|--|
| §. 1. <i>Vita sanctorum sunt pulcræ imagines.</i> | Deo. |
| §. 2. <i>Præsertim Vita gloriosissimi S. Ignatii.</i> | §. 8. <i>Testimonium ex bulla canonizationis.</i> |
| §. 3. <i>Deus glorificavit S. Ignatium, & induit illum vestibus preciosis.</i> | §. 9. <i>De continua & jugi oratione S. Ignatii.</i> |
| §. 4. <i>Quantum S. Ignatius amaverit Deum.</i> | §. 10. <i>Elevatio mentis ejus in Deum.</i> |
| §. 5. <i>Divinus amor fuit S. Ignatio suavis tyrannus, & tortor.</i> | §. 11. <i>Mirabiles affectus amoris in S. Ignatio.</i> |
| §. 6. <i>Qualis nubes fuerit S. Ignatius.</i> | §. 12. <i>Prosecutio.</i> |
| §. 7. <i>Studuit in omnibus placere</i> | §. 13. <i>Visiones admirabiles.</i> |
| | §. 14. <i>Deus glorificatur in S. Ignatio.</i> |

Sicut cæli luminaria (inquit Orig. l. i. in Job.) ac sidera cunctis indefinenter qua sub cælo sunt, fulgent: sic & sanctorum virtutis insignia, atque beatissimi contra agones omnibus singula
§. 2. Vita sanctorum, sunt pulcræ & mirabiles imagines.

riter luceat, omnibus bonorum fratrum tribuunt, omnibus sub solo pietatis exemplum, ostendunt, ex mente S. Basilii ep. i. ad Gregor. Nazian. Beatorum virorum vita literis tradita velut imagines quædam viva ad bonorum operum imitationem proposita sunt. Ob eandem causam sanctos vocat statuas spirantes & actuosas, quia ad sui imitationem nos rapiunt. Philo talium virorum vitas, vocavit, leges posteriorum. S. Basilus in Gordium Martyrem: Virorum qui bene in rep. versati sunt, historia, velut lux quædam his qui salvantur, ad vitæ viam præfulget. Et rursum; Exhortatio ad temperantiā est vita Ioseph. Invitatio ad virtutem est Samsonis historia. S. Isidorus Hispal. 2. sentent. c. ii. Exemplas sanctorum quibus edificatur homo, varias faciunt consecrari virtutes: humilitatis ex Christo, devotionis ex Petro, caritatis ex Ioanne, obedientia ex Abraham, patientia ex Isaac, tolerantia ex Iacob, castimonia ex Ioseph, mansuetudinis ex Moyse, constantia de Iosue, benignitatis de Samuel, misericordia de David &c.

*§. 2.
Præsertim
Vita gloriosissimi
S. Ignatii.*

Omnia hæc verissima sunt in sanctissimo Patre meo Ignatio cujus hodie festivitatem celebramus. Sidus fuit, cujus radii insignium virtutum, cujus beatissimus agon omnibus formam tribuunt excellentiæ perfectionis, & pietatis exemplum S. Ignatius aliud non est, quam viva quædam imago, ad bonorum operum imitationem proposita, & q. imago vel statua actiosa, quæ tot milia sanctissimorum virorum ad sui imitationem, veluti cælestis magnes attraxit. Historia S. Ignatii lux quædam est, ad vitæ viam aliis præfulgens. Vita S. Ignatii continua quædam est exhortatio & invitatio ad heroicas virtutes; humilitatem ab Ignatio discere possumus, tanquam à perfectissimo imitatore humilitatis Christi. Devotionem tanquam à devotissimo Petro, Obedientiam tanquam ab obedientissimo Abraham. Alter quidam Abraham est S. Ignatius (sic de rel.) Ardentissimam S. Ignatii caritatem, & erga Deum, & erga proximum ad imitationem hac panegyri proponam.

*§. 3.
Dei glorificavit
S. Ignatius*

Usitatissimum est in scriptura ut eximias magnorum virorum virtutes nobis proponat sub metaphoris pulcrarum vestium. quare in hac concione præcipuè intendam laudare heroicas

roicas virtutes S. Ignatii, inter illas ejus amorem erga Deum & ^{& induit illum ve-} proximum, utar illis verbis, quibus cit. Ecclesiasticus laudavit ^{stibus pre-} Aaronem. *Excelsum fecit Deus S. Ignatium; beatificavit illum in ciosis.* gloria. lectio græca ait, *Evexit vel exaltavit.* Syrus: *Extulit, super exaltavit.* Vel, *dedit super illum de honore suo & gloria, elegitq; illum in celsitudine honoris sui.* Nam, *circumcinxit eum zona gloria, & induit eum stola gloria. Stola sanctam, auro & hyacintho, & purpura opus textile, -- torto cocco opus artificis, gemmis preciosis figuratis in ligatura auri, corona aurea super mitram ejus expressa signo sanctitatis, & gloria honoris.* Sic pulchra ante ipsum non fuerunt talia. De omnibus his p. ait Tigurina & ego dico de S. Ignatio. Deus, -- *eleganti cultu illum beatum reddidit, & amicitia habitu glorioso,* Alii: *beavit illum præclaro ornatu, & induit eum stola gloriosa.* Syrus: *Induit eum vestibus hyacinthinis.* Ut tot metaphorarum sensum intelligamus, pauca oportet adducere ex sanctis Patribus. Rabanus ait: *Vestimenta hæc -- hæc zona, hæc stola (fiat. p. repetitio.) non alia sunt quam opera virtutum; quæ vere ornant sacerdotes Domini.* Sanctus Gregorius 2. p. pastor. cap. 3. *In Sacerdotis habitu aurum fulget, ut in eo intellectus sapientie principaliter emicet, cui hyacinthus adjungitur ut per omne quod intelligendo penetrat, non ad favores infimos, sed ad amorem cælestium surgat.* Purpura permiscetur, ut sacerdotale cor in semetipso suggestiones vitiorum reprimat, eisque veluti ex regia potestate contradicat. Quid per byssum, nisi candens decore munditie castitas designatur? Vel, ut loquitur Angelicus Doctor: Vir sanctus, aliquis Ignatius, debet habere jugem Dei memoriam in contemplatione, & hoc significat lamina aurea habens nomen Dei in fronte; vel nomen Jesus in corde; qualis subinde apparuit S. Ignatius; in veste sanctitatis radiante, in pectore, nomine Jesu; quæ fortassis causa est, quod pingatur in una manu cum libro & lemmate, ad majorem Dei gloriam, in altera, cum nomine JESU, cujus gloriam per terrarum orbem adeo dilatavit. Vir sanctus, aliquis Ignatius debet habere conversationem cœlestem per

operaperfectionis, quod significatur per tunicam hyacinthi-
nam, & coronam in capite, quæ significat honorificentiam di-
vinæ Majestatis, quam in arce status nostri, & super omnia sta-
tuere debemus. Ita ut in omnibus actibus nostris, sermoni-
bus & conversatione honorificetur Deus per Jesum Christum
D.N. Denique ut veniam ad caritatem S. Ignatii, bis intincto
cocco ornatur, ut omnia virtutum bona illa virtute caritatis de-
corentur, quæ quia Deum & proximum diligit, quasi ex dupli-
ci tinctura fulgescit.

§. 4
*Quantum
 S. Ignatius
 amaverit
 Deum.*

Hic mihi optarem linguam amoris, dum tentare volo lo-
qui de amore S. Ignatii erga Deum; utinam totus arderem, lo-
cuturus de ejus ardoribus. Meta caritatis perfectæ suprema
& ultima est, quæ hominem in Deum ita transformat, & eo per-
ducit, ut ducat magis vitam ex Deo & ejus amore, quam à na-
tura & se ipso. hoc aliquando Ignatius uni in paucis carissimo
fassus fuit, se minime victurum, si ad vivendum illas solum ha-
beret vires, quas sibi natura tribuebat; ex quo viri sapientissimi
colligerunt, Ignatii vitam potius amoris quam naturæ ascri-
bendam esse. Fit subinde ut vegetæ arbori, alia parvula adna-
scatur, & circumrepat; cui postquam adhæsit, imo inhæsit, una
videtur ex duabus arboribus facta, adeo vitali nexu illi est ag-
glutinata; & parvula illa arbuscula viget, crescit, edit fructus
quidem suos, sed de succo ductos alieno, aliaque radice. quod
de se affirmare voluisse videtur S. Paulus dicens ad Galatas c. 2.
v. 20. *Vivo ego, jam non ego, vivit vero in me Christus.* Talis ar-
buscula fuit S. Ignatius arbori amoris divini adeo adhærens, in-
hærens, agglutinatus; ut potius succo illius amoris, quam viri-
bus naturæ vixerit. Radix vitæ illi fuit divinus amor. Vivere
ipsius amare Deum. Vivere Ignatii fuit Deum glorificare. Vi-
vere ipsius, etiam in hac vita frui summo bono. S. Ignatius tan-
tam vim sibi impresserat, tantæ necessitatis acquisiverat habitum
ad Deum amandum, ut modo quodam inexplicabili, eo magis
amore quam anima viveret. Anima Ignatii erat Deum amare.
Ut Medici præstantissimi affirmarint, sine miraculo Ignatium
vivere non potuisse. Miraculum fuit, ardens ejus in Deum
amor. Quam.

Quamvis si naturam hujus amoris intimius velimus inspicere, dicere cogemur, hunc eundem amorem, quo vixit & spiravit, fuisse suavem illum tortorem, & amicum tyrannum qui frequenter illum adegit ad ea extrema, ut præ amoris vehementia, & propter cœlestium affectuum impetus & violentam contentionem & propter nimias cœli delicias videretur præfocari; & observatum fuit morbum ejus supremum ortum habuisse ex insolito calore & incendio corporis, sed quod inflammabat animus solito in Deum vehementius exardescens. Cum anno 1550. die Christi Natalis alterum sacrum consequenter fecisset, in eum languorem fuit solutus, ut de vita fuerit periclitatus. Aliis diebus frequentissime post sacrum celebratum alienis manibus in suum cubiculum fuit reportandus, adeo penitus exhaustus ab amore ut nec tres passus valeret procedere. Ignium in corde Ignatii latentium testes erant juges amoris lacrymæ, ex oculis per genas supra pectus & accensum cor defluentes.

S. I.
Divinus
amor fuit
S. Ignatio
suavi ty-
rannus &
tortor.

Sunt subinde nubes, quæ dum in aquas totæ diffluunt per copiosum imbrem, simul tamen fulgurant, quasi totæ essent igneæ. talis nubes erat Ignatius, solvebatur totus in lacrymas, & totus sic ardebat, ut ex facie, ex oculis, ex ore flamma emicaret: totumque corde incitatus palpitante concuteretur corpus, & rumpendum pectus, venæque laxandæ viderentur. Sic ipse loquitur in suis notatis. Viderunt viri graves non pauci cum fulgore quodam cœlesti undique cinctum, & coruscantem è terra ad aliquot cubitos in aëra sublimem elevari, atque ita suspensum in suavissimas hæc voces prorumpentem: *Mi Deus! amor cordis mei! utinam te homines nossent.* Cum quadam die staret ad altare, Nicolaus Lanoius vidit insidentem Ignatii capiti flammam & ardentem faciem; cumque trepidus ad periculum dispellendum accurreret, advertit sanctum ab alienatum à sensibus, & dulcibus lacrymis placidè diffluentem, damni ex ea flamma nihil pati; rem divinam esse credidit; si eidem Ignatii animum & pectus introspicere licuisset, sine dubio præter ignes nihil in illo vidisset.

S. I.
Qualis nu-
bes fuerit
S. Ignatius.

§. 2.
Testimo-
nium ex
Bulla Cano-
nizationis.

Ex hoc amore illud imprimis studuit, ut quæ placerent Deo, faceret semper. Nullum igitur vel minimum delictum in animo suo residere patiebatur. Examine particulari, ut loquimur, minimas etiã erratorũ fibras è mente extirpabat. Singulis horis in animum à rebus creatis advocatũ inquirebat, num quid contra numinis supremi voluntatem admisisset. Et his mediis ad summam profectus est puritatem, quæ certissima est dispositio, ad excipiendam flammam D. amoris. Jam sicut in se nihil tolerabat, quod displicere Domino posset; ita diu noctuque animo aliud non volvebat, nisi qua ratione ipsi maximè placere, ejusque omnem voluntatem explere, & gloriam quàm maximè augere posset. Quapropter in Constit. plus quàm ducenties hæc verba occurrunt, *Majus Dei obsequium, major Dei gloria, Major divina Majestatis honos.*

§. 3.
De conti-
nua & jugi
oratione
S. Ignatii.

Bulla Urb. I I X. in ejus Canoniz. ait. *Omnes suas cogitationes, verba & opera in Deum tanquam in finem referebat, & ad Deum & Dei gloriam & honorem destinabat. Atq; hæc verba, ad M. D. G. uti symbolum in ore semper habebat.* Tantus fuit hic zelus & ardor, ut ad Christi obsequium, & pro salute unius animæ, etiam Dei visione diu carere, imò ausus fuit dicere, inferni pœnas ex Dei voluntate tolerare, non fore sibi gravioras sed hoc, audire damnatorum blasphemias contra Deum. Talia loqui non potuit, nisi lingua ardentis amoris in Deum, qualem igneus Ignat. habuit.

Flammæ divini amoris in suo corde nutrieat & vehementer augebat, continua & jugi oratione, tum mentali, tum vocali, in qua facillime ad divinatum rerum notitias, revelationes, visiones & ecstases elevabatur. Præterea exemplo Christi certo tempore secedebat, & locum superiorem ascendens, ut sicut corpore, ita animo cœlo esset vicinior; Ibi vel stabat corpore immoto & fixis in cœlum oculis, vel flectebat genua, vel humili in scabello ob corporis imbecillitatē confidebat. Tum verò amore in Deum ita accendebatur, ut voces hæ late audirentur, Domine quid volo extra te, Vel. quàm sordet &c. fluebant interea perennes ex ejus oculis lacrymarum rivuli, incendii indices interni. Post peractum missæ sacrificium duas integras horas ita

tran-

transigebat, quibus ad illum nemini patebat aditus. Qui tum temporis illum observarunt, vultum ejus cernebant miro quodam splendore coruscare, eumque tanquam hominem cœlestem attoniti intuebantur. Moyſi illum comparabant, quod facie ad faciem Domino loqui videretur; & quod ex consortio Dei splendida esset ejus facies. Nocturnum tempus trifarium fuit partitus. Unam partem gubernationi, alteram quieti, tertiam tribuebat orationi; & coronam B. V. semper ad lectulum secum asportabat.

Hæc vero familiaritas Ignatii cum Deo nequaquam precandi & sacrificandi spatiis definiebatur; Deo se ubique, & quoties vellet, & quidquid ageret, præsentem sistebat; conclave q. suū fenestella jussit aperiri, qua in August. sacram. pateret prospectus, unde velut alter Daniel ex cubiculi secreto illuc intentos haberet oculos, ubi totus animo habitabat. Si Musicæ concentum audiret, si flosculū aspiceret &c. mentē illico ad Deum elevabat, agnoscebat laudabatq; bonitatem, sapientiā &c. Conditoris. Cum nomen benedictum Jesu audiret, velut in flammam insilisset, animo totius & vultu ardebat. Præcipuè singulis horis animum ad se revocabat, intentiones, dicta, factaq; coram Deo perfectionis sanctitatisq; trutina examinabat, ponderabat, præteritas actiones considerabat, futuras ordinabat, providens D. in conspectu suo semper. Orbes cœlestes, & astra errantia, tametsi varii agitentur motibus, solem tamen suum perpetuo intuentur, atq; qua parte illi obvertuntur, radiis ejus illustrantur. Tale sidus fuit S. Ignat. licet flamma D. amoris accensum varie moveretur, per occupationes innumeras solem tamen suum, Deum suum, Jesum suum, semper aspiciebat, & ab eodem accensus semper magis ardebat.

Hunc ardorem puto optimè explicari posse verbis quibus ipse usus fuit in suis notatis sic ait; *Totum vero me ad Dei amorem commoverunt, interior exteriorq; affatus, cujus mihi concessi divinitus tanta interior erat harmonia, ut eam non possim exponere.* Cœlestis, suavis, dulcis musica & harmonia fuit amor S. Ignatii. Item, cum me commendarem B. Virgini, ait, sensi me attolli in conspectū Patris, capillos erigi, commoveri universum corpus.

S. 10.
Elevatio
mentis ejus
in Deum.

S. 11.
Mirabilis
affectus
amoris in
S. Ign.

ingenti ardore, quam consecutæ lacrymæ, cum sensu pietatis vehementissimo. Ardor fuit amor S. Ignatii. Tantam expertus sum cognitionum, congressuum, gustuum divinorum exuberantiam, cum perpetuitate lacrymarum, & vocis deliquio, ut Deum & Dominum, quoties nominarem viderer mihi penetralia subire, cum obsequio & admirabili humilitatis reverentia, ut videatur inexplicabilis. Exuberantia, deliquium fuit amor S. Ignatii! Postorationem (sunt rursum verba S. Ign.) novi motus interiores, iique insoliti, singultus & lacrymæ, totus in amore Jesu: verbis votisque præoptando cum illo mori, quam cum ullo alio vivere. *Unio cum Jesu* fuit amor S. Ignatii! Dum paratur altare, & occurrit animo Jesus, sentiebam me agi ad sequendum illum; hoc consilio, ut imprimeretur mihi tam alte nomen Jesu, & tantopere confirmaretur; cum lacrymarum copia. Imitatio Jesu fuit amor S. Ignatii.

S. 12.
Prosecutio. Restant plurima, quæ sequuntur omittere non possum. Colloquenti mihi cum divina Majestate obortus est fletus ingens, amorq; tantus ut viderer mihi supra omnem modum conjungi; nec tam excellenti hætenus, tam rara, & amoris tam lucidi, dulcisque gratia potitum. Deinde ad altare, affluxus lacrymarum major, singultuum & intensissimi amoris. omnia erga SS. Trinit. Ad illa verba, placeat tibi S. Tr. &c. occupatus sum immenso amore, & exundatione ardentium lacrymarum, & hæ omnes de cælo gratiæ, tendebant in SS. Triadem, à qua deducebar, & in ejus amorem trahebar. Tanta erat amoris illius suavitas, ut non possem inde abscedere. Reliquo die, domi foris, in urbe redibant amoris impetus vehementes, repetita memoria sacrosanctæ Trinitat. Talis fuit amor S. Ignatii.

S. 13.
Visiones
admirabiles.

Qualis, quantusque fuerit, cum vidit spiritum S. & sensit in claritate expressa; & colore flammæ igneæ, modo insolito; cum vidit cœlestem Patriam, cum intuitus fuit SS. Trinitatem, & Jesum, cum magna amoris plenitudine cum nova accessione amoris; cum vidit essentiam divinam vel instar solis, vel instar sphaeræ, cum amoris cumulo, cum ingenti motu, cum profusissimis

simis lacrymis, vehementibus affectibus, cum varia multaque notitia sanctissimæ Tr. cum caritate ardenti, cum gustu divinorum, cum illa resolutione, prout dixit: Jesum videns, audiens, tanto amore incendebar, ut fore unquam tam potens aliquid non putarem, quod me posset ab eo sejungere. Aliæ phrasæ S. Ignatii sic sonant. Motus grandiores, suspiria ex imis proceduntia præcordiis: summa lætitia ex interno sermone cum Deo. Sermo quidam internus, Musica quædam admirabilis. Devotio vehementissima: Raptus usque ad conspectum Patris. Illustrationes, cognitiones de SS. Tr. frequentes, suaves, lucidæ, illarum superabundantia; quæ omnia præcordia penetrabantur. Omnia ex amore Jesu. Impressio nominis Jesu. Modus quidam excessivus, quo illi jungebatur. Copia amoris vehementissimi; Inundatio copiosarum lacrymarum. Tanta amoris suavitas, ut divelli non posset; ac res amoris impetus. &c.

Ex his colligite, qualis & quantus fuerit S. Ignat. in amore Dei. In laudem aliarum heroicarum virtutum, quibus pulcherrimum hoc sidus, hic ignis, hæc stella, hic sol caritatis, S. Ignatius radiat, & quidem Dilectionis erga proximum prout proposueram, modo excurrere non licet. Itaque ut hanc panegyrim finiam, moneo hunc sanctum variis de causis à me ita laudari, prout jubet Siracides, *laudemus &c.* Laus sanctorum, laus S. Ignatii est laus Dei. hic, ut in S. Ign. fuit laudabilis, mirabilis & gloriosus, sic in eodem laudatur. Gloria operis, & gloria artificis. Gloria picturæ, gloria pictoris; & gloria S. Ign. est gloria Dei. Eccles. 44. *Multam gloriam sibi fecit Dominus.* Tigurina. Dominus per hos multam gloriam sibi peperit. & præcipue per S. Ignat. Deinde, Eximia virtus, SS. eximia sanctitas S. Ignatii meretur laudari. Proprium virtutis præmium, est laudis elogium; præsertim in illis, qui omnem laudem humanam, quam merebantur, fugerunt, & sponte abdicarunt, omnemque mundi gloriam calcarunt, ut divinam promoverent. Celebrari jam vult Deus S. Ignatium, qui dum viveret, studuit humilitati, amavit latere, & nil quæsit in omnibus, nisi majorem Dei

§ 14.
Dei glori-
ficatur in
S. Ignatio

Dei gloriam. 3. Virtus laudata crescit. S. Bern. *Armantur filiorum animi, dum Patrem recensentur triumphi*, ait S. Eucherius. & teste Nysseno in encomio S. Basilii; Potior in nobis sanctorum laus, illa est, quæ per opera etiam præstatur & repræsentatur à nobis. Hoc verò quid est, nisi ut per memoriam v.g. Vitæ & virtutum S. Ignatii, quem celebramus, vita nostra etiam melior efficiatur. Sic igitur fratres etiam nos,--humilitate v.g. humilem Ignatium imitantes, vel amore Dei, ardentissimum hoc amore Ignatium &c. factis nostris virtutem ejus potissimum laudamus, & itidem in cæteris omnibus, præsertim zelus majoris Dei gloriæ, participatione illius zeli, repræsentetur. Laus paupertatis S. Ignatii, per hoc, ut etiam nos mundum contemnamus. Contemptus hujus testis sit vita nostra.

§. 15.
Epilogm.

Votum meum præcipuum est hoc, S. Ignatius, tradita pueris fidei elementa, brevi ad cæteros adhortatione solebat claudere, his fere verbis. Deum amate toto corde, tota anima tota voluntate; quæ ille dum diceret, sic incendebatur, ut illius igne etiam Auditores urerentur; ut illis igneis verbis plurimi velut hærente jaculo confixi, in Dei etiam amorem exardescerent. O S. Ignati, accende his flammis indignissimi filii tui pectus, accende linguam ut & ego totus ardens dicam meis Auditoribus, Amate Deum ex toto corde &c.

CON-



CONCIO LXXIIX.

FESTO S. LAURENTII.

Nisi granum frumenti, cadens in terram mortuum fuerit.

Joan. 12. cap. v. 24.

SYNOPSIS CONCIONIS.

DEprædicat heroicam & invictam S. Laurentii in tantis tormentis constantiam.

- | | |
|--|---|
| §. 1. <i>Vicit S. Laurentius heroes Antiquitatis.</i> | <i>Dei.</i> |
| §. 2. <i>S. Laurentius talia patiento, factus est gloriosus.</i> | §. 7. <i>Invicta ejus constantia.</i> |
| §. 3. <i>Quis dici possit animus invictus.</i> | §. 8. <i>S. Laurentii elogia ex SS. Patribus.</i> |
| §. 4. <i>Qualis fuit in S. Laurentio.</i> | §. 9. <i>Passio S. Laurentii fuit triumphus.</i> |
| §. 5. <i>Animus S. Laurentii, exemplo Tobia, fuit immobilis.</i> | §. 10. <i>S. Laurentius insultat tyranno.</i> |
| §. 6. <i>S. Laurentius, fuit filius</i> | §. 11. <i>Cum ingenti gaudio.</i> |
| | §. 12. <i>Tormentorum omnium Victor.</i> |

Tertullianus in Apologetico c. 50. contra gentes, dum admiranda facta heroum inter Ethnicos commendat, ait inter alia. *Apud vos quoque O gentes, Mutius Scævola dexteram suam libens in ara reliquit. O sublimitas animi!* Empedocles totum se Catanensium atneis incendiis donavit. O vigor mentis! Regulus, ne unus pro multis ho-

§. 1.
Vicit S. Laurentium Heroes antiquitatis.

Alveus III. Pars IV. k stibus

stibus viveret, toto corpore cruce patitur. O fortem virum, & in captivitate victorem! Anaxarchus cum pilo contunderetur, *tunde, tunde*, ait, *Anaxarchi follem, Anaxarchum enim non tundis*. Attica meretrix carnifice jam fatigato, postremo linguam suam comestam in tyranni sævientis faciem expuit, ut expuerit & vocem, ne conjurata confiteri posset, si etiam victa voluisset. Zeno Eleates, consultus à Dionysio, quidnam philosophia præstaret, cū respondisset, *contemptum mortis*: flagellis tyranni objectus, sententiam suam ad mortem usque signavit. O constantiam! pulcerrima elogia, quibus gloriosum Laurentium cujus hodie celebramus festivitatem commendare possum. Hic est inclytus ille Martyr qui non solum dexteram, sed totum corpus in ignea ara Deo obtulit in holocaustum. O sublimitas animi! hic est ille heros, qui se totum donavit incendiis. O vigor mentis! hic est ille pugil, qui toto corpore passus est flammam, ut viveret cœlo. Quid agitis lictores. Laurentii corpus, membra uritis & affatis, non Laurentium! O fortem virum! super prunas, in craticula, inter flammam victorem. Adustram linguam solvit in verba, non ut gemat, sed ut vobis insultet, ut vestram crudelitatem irritet magis. Amorem suum in Christum, contemptor mortis, sua morte consignat. Agite Auditores, præparate aures & corda, prosequar laudes gloriosissimi hujus martyris.

§. 2.
S. Laurentium talia
patiendi,
factum est
gloriosum.

Quod S. Chrysost. ser. 32. de patientia Job, eleganter de illo dixit. *Nisi* (malus dæmon) *corpus vulneribus perterebrasset interiores radii non emicuiissent; nisi in stercore constitisset, divitias ejus non noveramus*: illa mihi loqui lubet de gloriosissimo Martyre S. Laurentio. Nisi tyrannus jussisset, illum torqueri & craticulæ imponi; nisi carbonem & flammam ejus corpus undique perterebrasset; nisi ignis aperuisset undique hiantia vulnera in adusto corpore, radii invictæ patientiæ, radii generosæ constantiæ, radii amoris, qui latebant in corde, non emicuiissent. Nisi Laurentius fuisset affatus, non sciremus divitias gratiæ quibus illum prævenit Dominus. Nisi fuisset affatus, non sciremus, quam gloriosus fuerit pugil.

Libro

Libro 4. quod omnis probus sit liber, ait Philo. *Spektavi §. 3.*
aliquando certantes, alterum obtundentem pugnīs, totis viribus con- *Quid dici*
tendentem ad victoriam, tandem lassum & incoronatum discedere: *possit ani-*
alterum tanquam saxeum ferreumque nihil plagis cedere, sola que pa- *mm invi-*
tientia superare adversarium, & ad extremum adipisci victoriam. *Am.*
 Huic similem bonū virum censeo, qui valide confirmatus, cer-
 to animi proposito efficit, ut adversarius prius animo dilassetur
 inferendo injurias, quàm ipse quidquam agat præter animi sui
 sententiam.

Elegantius describi non potest certamen inter Laur. & §. 4.
 tyrannum. Jubet hic fortem pugilem tundi pugnīs, jubet di- *Præsertim*
 stendi in catasta, jubet torqueri in equuleo, jubet lacerari un- *in S. Lau-*
 gulis, jubet includi tenebricolo carceri; totis viribus contendit *rentio.*
 ad victoriam. conspirant tortores, conspirat orcus, conspirat
 idololatria ut unus vincatur Laurentius. Catastæ, equulei,
 ungularum victor tandem extenditur in craticula, alligatur ca-
 temis, subjiciuntur ligna & carbones, accenditur ignis, excita-
 tur incendium, affatur vivus Laurentius, ut vincat tyrannus.
 Non vicit, lassus & incoronatus fuit coactus discedere. S. Lau-
 rentius tanquam saxeus ferreusque vir non cessit tormentis;
 sola patientia vicit adversarium, & adeptus est victoriam. Lau-
 rentius validè confirmatus, à suo duce Jesu. valide confirma-
 tus, à spe cœlestis gloriæ; valide confirmatus à præsentia SS.
 Angelorum; valide confirmatus à superna gratia, valide con-
 firmatus ab ardore sui amoris, quo fragrabat in Christum, imò
 confirmatus validè, ab ipsis flammis, quibus pro Christo & glo-
 ria cœlesti urebatur corpus, certo animi proposito effecit, ut
 prius tyrannus & carnifices fuerint dilassati inferendo tormen-
 ta, quam ipse quidquam egerit, quod non fuerit conforme
 Christianæ & heroicæ patientiæ. Hac vicit, hac triumphavit,
 hac gloriosam obtinuit lauream cœlestis gloriæ.

S. Tobiam S. Scriptura valde commendat c. 2. v. 14. *quod §. 5.*
non sit contristatus contra Deum, quod plaga cecitatis evenerat ei, sed *Animus S.*
immobilis in Dei timore permansit, agens gratias Deo omnibus die- *Laurentii*
bus vita sua, & S. Job laudatur cap. 7. v. 22. quod in omnibus illis *exemplo*
Tobia, suis
immobile.

(scilicet tot tribulationibus) non peccarit labiis suis, neq; stultum quid contra Deum locutus sit, imò, quod benedixerit dicens: Dominus dedit &c. De quo p. S. Ambr. l. 2. de interpellatione Job c. 2. *In stercore sedens, in tantis vibicibus, & sævi doloris vulneribus, totum corpus diris perfusum ulceribus, mysteria loquebatur, fortiores itaque sermones agri hominis, quam illorum, qui non agrotabant, ideo quod non carnis gemitus, & corporis infirmitates, sed voces spiritus loquebatur, quibus urgeret, non quibus cederet.* Eximia hæc laus inter gloriosos Martyres, sancto Laurentio præcipuè debetur. multi plexi sunt capite, multi secti &c. quid tamen locuti sint, non ita referunt historiæ. de S. Laur. scimus, quod in gravissimis tormentis super prunas, non tantum non contristatus fuerit interius contra Deum, sed quod præterea manens immobilis, dixerit, *gratias tibi ago &c.* (vide vitam) super prunas jacens, in tantis vibicibus, in sævis vulneribus jam ustulatis à flamma, mysteria locutus est. Nulli auditi sunt gemitus carnis, quod assarentur brachia, quod caro vi flammarum deflueret de pectore, quod medulla ebulliret ex ossibus quod effluens sanguis accenderet carbones; Voces spiritus fuit locutus, quibus non cessit, sed urfit carnifices ut torquerent magis, tyranno ausus dicere, *assatum est &c.* O victoriam! O triumphum.

§ 6.
S. Laurentius, filius
Dei.

Cum Centurio sub cruce audivit Christum D. in tantis tormentis ad Patrem cœlestē pro suis crucifixoribus loqui tam suaviter *Pater ignosce illis &c.* exclamavit Matt. 27. v. 54. *Vere filius Dei erat iste.* Marc. 15. S. Bern. ser. 28. in Cant. *Ex voce agnovit filium Dei, & non ex facie.* Simile aliquid dicamus in laudem S. Laurentii; Positus super prunas, gratias agit Deo. *Vere est filius Dei;* verè est gloriosus Martyr. Assatus ait, versa &c. ut ostendat se desiderare pati longè plura; urget ad hoc tyrannū verbis fortibus; *Vere filius Dei.* Sic loqui in tormentis, in afflictionibus laudare Deum, non est opus humanum sed divinum. Fuit in hoc S. Laur. ut S. Paul. loquitur ad hebr. 11. v. 17. *in parabolam, h. e. in figuram Christi.* i. e. ut volunt S. Chrysost. & Vatabl. *in exemplum.* Theophylactus & Oecumenius, *in typum mortis Christi,* vel ut alii,

alii, in exemplum & prodigium omnium seculorum. Certe si hodie possem, florido sermo Laurentium jacentem in craticula, ornarem & circumvolverem scedulā cum aureis his voculis. Prodigium gratiæ! prodigiū patientiæ! prodigiū invictæ constantiæ.

Ut dicere cogar cum S. Chryl. l. 3. in Job; Non solum omnes homines, non solū tortores &c. sed puto, quod & audeo dicere (advertere potuistis me insinuassee S. Chryl. loqui de Job, ego illi⁹ verbis utar in laudē S. Laur.) puto & dico, etiam ipsos Angelos, atq; omnes dæmones perterrituit tolerantia Laurentii-atq; constantia; cum terra & lutū superavit omnē virtutem ac fortitudinem, atq; omnē versutiā malignissimi diaboli- qui per tyrannū Dec. hæc in eo exercuit, quæ omnia corda in pavorē deducunt, & omnem animam stupere faciunt Hominem nudum jam plenū vulneribus, laceratis omnibus membris, omnibus illis membris extendi & alligari igneæ craticulæ; hominem toto corpore assari! omnes nervos, muscūlos, arterias, ossa penetrari à flamma! quis ex vobis non horret! quis non stupet! quis non pavet? omnem hanc tyrannidem in S. Laurent. exercuit Satan & sæva crudelitas; sed virtutem, sed fortitudinem Satanæ, vicit, triumphavit, superavit, constantia & fortitudo S. Laurentii! prodigium gratiæ! vivum Jesu crucifixi exemplum.

S. 7.
Invisibilis
ejus constantia.

Latissimus panegyri meæ sese aperit campus, si S. Laur. invictum animum & generosam patientiam laudare velim illis verbis, quibus SS. Patres alios gloriosos Martyres deprædicarunt. Dicere potero cum S. Hier. *tenetur in carcere, vinculis stringitur* (& q. in ignea craticula) *pænalibus tenebris coarctatur- jam laceratus ungulis, eductus super imponitur prunis, sed non sentit injuriam, non dolore cruciatur, non novit aliud nisi de Christi Evangelio cogitare-- nisi Deo gratias agere, nisi aspirare ad Christum.* Dicere possem cum Tertulliano; *fortia agere docuerunt nos Romani. fortia pati nos docuerunt invicti Martyres, & inter illos hoc docet S. Laurentius.* Passus est atrociam! hæc fuit ipsius victoria, hæc palmata vestis, hic triumphalis currus. Alloqui possem S. Laurentium verbis, quibus S. Chrysostomus allocutus viros fortes illa super verba S. Pauli ad hebr. 10. vers. 37.

S. 8.
S. Laurentii
elogium
ex SS. PP.

*adhuc modicum, nam qui venturus est, veniet & non tardabit; Unum tibi adhuc deest, O gloriose Laurenti! ut scilicet perseveres, & expectes futura--ad ipsam jam coronam proximus factus es. certamina cuncta sustinuisti, vicisti tribulationes,--flamas. Quid ergo restat? Sta Laurenti, ut coroneris. hoc age, ut paululum expectes adventum coronæ. Vel ita loqui possum cum S. Jacobo ex c. 5. v. 7. *Patiens esto, Laurenti! usque ad adventum Domini; ecce agricola expectat preciosum fructum terræ, patienter ferens donec accipiat temporaneum & serotinum imbrem; patiens esto & tu, confirma cor tuum, quoniam adventus domini appropinquavit.* Fecit omnia S. Laurentius. Perleveravit; in tormento atrocissimo. expectavit futura. grave certamen sustinuit, stetit, expectavit adventum Domini; patiens fuit, & coronatus est; Venere SS. Angeli, adfuit Christus Jesus deducens insignem victorem ad triumphum gloriæ immortalis.*

§. 2.
*Passio S.
Laurentii
fuit trium-
phum.*

Sic Passio S. Laurentii fuit triumphus Dei pro Christi nomine cum enim Roma vidit illum tanta perseverantia jacere in craticula inter flamas, cum Roma audivit illum gloriari in suis cruciatibus; sine dubio odor notitiæ Dei fuit disseminatus inter cives Romanos; multos sine dubio subiit tacita cogitatio, quod nisi verum fuisset Evangelium, nunquam sic S. Laurentius suo sanguine defenderet. O eximios triumphos! in uno Laurentio fides vicit infidelitatem, veritas mendacium, Religio idololatriam, mansuetudo crudelitatem, caritas Christi tyranni furorem, Patientia carbones & flamas. Gratulor sancto de tam eximiis triumphis. S. Chrysostomus hom. 25. in Matth. ait de Apostolis, quod torrente totius urbis in se pariter irridente, tyrannorum scilicet atque pop. Judæorum atque gentium, pullata fluctibus rupe fortius steterint. Talis rupe in suis tormentis fuit S. Laurentius, non inter fluctus aquæ, sed inter flamas. S. Laur. caritate Christi ornatus tyrannos ipsumq; adeo Decium, velut quosdam culices æstimavit; hac, mortē, cruciatus, carbones accensos &c. & mille supplicia ludum putavit esse puerorum. libentius excepit verbera & vulnera, quam alii
bravia


bravia diripiunt. hac, labores non minus quàm requiem, dolores non minus, quàm præmia, quam triumphales pompas & trophæa dilexit.

Hâc caritate succensus S. Tiburtius M. ad Torquatum Judicem insultans & q. triumphans dixit; nos hodie cogitemus illa audire ex flammis, ex ore S. Laurentii ad tyrannum. *Applica equuleos, suspende Christianos, damna, percutte, incende, universa denique supplicia adhibe. Si ignes mineris, majora his in cupiditatibus incendia vincimus--decerne quicquid libet, omnis nobis vilis est pœna, ubi pura comes est consciëntia, ubi ardet amor Christi ubi viret spes futura gloria.* O Rupem inter flammâs! O virentem laurum inter ignes! O gloriosum S. Laurentium! tormentorum & cruciatuum victorem. §. 10.
S. Laurentium insultat tyrannus.

Marcus & Marcellianus fratres, cum pedes eorum clavis stipiti essent confixi psalluerunt, dicentes: cogitate vos audire psallentem S. Laurentium in craticula. *Ecce quam bonum & quam jucundum habitare fratres in unum. Nunquam tam bene epulati sumus, quia modo cepimus esse fixi in amore Christi. O me beatum? ferrea & ignea catena, quibus alligatus sum craticula, simul me ligant cum amore Christi. flamma qua urit & accendit corpus; simul in anima excitat & inflamat amorem Christi. Iam, dum uror, dum affor, servus sum Christi. Utinam O tyranne, me hic esse permittas, quamdiu hujus corporis tegor indumenta. Interim versa, manduca &c.* S. Agapetus Martyr, puer 15. annorum furori Aureliani se quasi adamantem objecit. Virgis, nervis, igne, fumo, aqua bulliente, aliisque gravissimis tormentis cruciatus & dilaceratus, cum in caput ejus congererentur carbones ardentes, gratias agens Deo dixit: Cogitate vos eadem audire ex ore S. Laurentii videte, ut lictores sufflant carbones, ut ignem sub craticula accendunt; sic locuti sunt SS. Martyres; Parva res est, si caput coronandum in cœlo, comburatur in terra! O quam decorabit corona gloriæ, plagas & vulnera excepta pro Christo. §. 11.
Cum ingentis gaudio.

Omnia tormenta risit miles Christi, manus cruentas intrepans, quod fixa non profundius intraret artus ungula. tormenta omnia. §. 12.
Tormentorum omnium victor.

menta, carcer, stridensque flammis lamina, atque ipsa pœnarum ultima, mors. S. Laurentio lucrum fuit. Finxerunt Poëtæ Herculem habuisse cor adamantinum, ideoque & laboribus & certaminibus tam heroicis fuisse invictum. Christianus Hercules fuit S. Laurent. &c. cujus cor adeo fuit adamantinum, ut nulli vi confringi potuerit. Ferri & ignis contemptor & victor fuit S. Laurentius. Species adamantis esse videtur lapis Amianthus, ex quo, quia ductilis & flexilis est, textores fila deducunt, ex iisque telas & vela contexunt, quæ si in ignem injiciantur, ardent q. sed flammis invicta splendida exeunt. Veste amianthina tectus videtur fuisse S. Laurentius pulcrum & aureum filū fuit ejus fides, aureum filum fortis ejus spes &c. Hoc S. Laurentii ingens privilegium, quod injectus in ignes vinci non potuerit &c. jacuit enim in craticula, non tanquam caro ardens, sed tanquam aurum & argentum in camino ignitum.



CONCIO LXXIX.

FESTO ASSUMPTIONIS B. VIRG.

Maria, optimam partem elegit.

Luc. 10. cap. v. 43.

SYNOPSIS CONCIONIS.

Agit de preciosa & suavissima morte Beatæ Virginis Mariæ.

§. 1. *Cur Mater cum Filio, non fuerat assumpta ad gloriam.*

§. 2. *Hæc Maria occubuit.*

§. 3. *Amor illam peremit ! non dolor.*

§. 4. *Vehementia amoris fecit animam*

<i>animam languere.</i>	<i>mitio.</i>
§. 5. <i>Expiratio amantis Virgini-</i>	§. 8. <i>Similis morti Moysis.</i>
<i>nis.</i>	§. 9. <i>Maria in morte fuit fasci-</i>
§. 6. <i>Mors B. Virginis fuit precio-</i>	<i>culum myrrha, & botrus Cy-</i>
<i>sa & suavissima.</i>	<i>pri.</i>
§. 7. <i>Mors ejus fuit suavis dor-</i>	§. 10. <i>Epilogus.</i>

IN hoc consistit hodierni festi solennitas. Potuisset Christus Salvator noster in gloriosa sua Ascensione, vel paulo post, sanctissimam suam Matrem deducere ad gloriam. ^{f. i.} *Cur Ma-*
 ministrisne jucundissimi speculi, quo festo Ascensionis vidi- ^{ter, cum}
 mus, Christum D. in monte Oliveti, postquam discipulis & ^{Filio, non}
 Apostolis, post pia pedum oscula supremum valedixisset, pro- ^{fuerit as-}
 pria virtute sese elevantem ascendere ad cœlos; ingenti cum ^{sumpta ad}
 Apostolorum lætitia donec lucida eum nubes abstulit oculis ^{gloriam.}
 eorum, accinentibus Angelis, *Tues Rex gloriæ.* An non alte-
 rum volupe fuisset spectaculum, si ad dexteram Filii, in alia au-
 rata nube benedicta ejus Mater, & pulcerrima Virgo assumpta
 fuisset ad cœlos? an nō suavior fuisset melodia, si in alternanti-
 bus Ange'orum choris alii cecinissent; *Tu Regina gloria!* Nun-
 quid majus in cœlo fuisset gaudium, si, cū sanctissima Huma-
 nitas Filii collocata fuit ad dexteram Patris in gloria, si ad sini-
 stram in pulcerrimo throno collocata fuisset sanctissima Ma-
 ter? Videtur hujus mentis fuisse S. Anselm. l. de excell. V. c. 7. *O bo-*
ne Iesu, istius dulcissima Matris Fili, quomodo potuisti pati, ut te in
regnum tue gloria remeante illam in miseriis mundi relinqueres?
 Sed aliud placuit D. providentiæ! ut scilicet Dei Mater post Fi-
 lii ascensionem, vel (secundum diversas opiniones) annis 14,
 vel 23, vel 24, remaneret in hac lacrymarum valle, & instar tur-
 turis per Oliveti Calvariæque colles, per loca passionis, volita-
 ret, memor Filii sui Passionis; plena tamen sacrosanctis deside-
 riis videndi Filium, suspirando, gemendo, nunc ad S. S. Ange-
 los cum sponsa ex Cant. c. 5. v. 8. *Adjuro vos ut nuntietis dilecto*
meo, quia amore languo, nunc ad sponsum, dilecte mi, fili mi, Jesu
mi-ostende mihi faciem tuam, donec tandem hod. die adfuit ex-

optata hora, qua ex hoc exilio, per sanctam mortem *ad æternam gloriam fuit* evocata. Quam sancta, quam preciosa, quam fortunata, quam suavis fuerit Virginis mors, ostendit hæc pænegyris. & hæc est una pars hodiernæ festivitatis. Ingens gloria ad quam B. Virgo corpore & anima assumpta fuit, est materia aliarum concionum.

§. 2.
*Hen Maria
occubuit.*

Fateor! tener quidam dolor lancinat meum pectus & quæ talis dolor! ob vehementiam refugit lingua ut loquatur; luctantur verba; ut vix aliud fari libeat, quam una vacula suspirare; *O Maria!* Sed per dulcissimi amoris nomen, violentus dolor & tristitia sumunt incrementum! suspiro; *O Maria!* cur nos deseruisti? & mallem flere, gemere, suspirare, quam loqui. Permittite mihi lacrymæ, permittite hoc mihi mei singultus & suspiria, permitte dolor, ut gemina vacula doloris causam exponam; Maria occubuit! O vulnus! O dolor! Maria occubuit; ergo à nobis omnibus, cor nostrum, fatali mortis violentia avulsum est! & quid superest nisi dolor, luctus & tristitia. Maria occubuit! ergo mundi solatium, orbis voluptas, delictum & gloria, universi pupilla & oculus, novæ Ecclesiæ columna, desideriorum omnium & affectuum nostrorum cynosura, & pulcritudinis universæ sol occubuit. Maria occubuit! sic rosa fuit, quæ deflexit, cujus pulcritudinē & folia mors clausit, sed eheu! rosa hæc pulcherrima quales mæroris spinas in cordibus nostris reliquit? Maria occubuit! Sic sol fuit, cujus aurora & ortus, cujus meridies, cujus pulcritudo, quo gratior nobis fuit, eo ejus umbra; & occasus est tristior. ut dolor noster, si loqui posset, fortassis in illas Romanorum, de Septimio voces erumperet, *Aut nunquam ausit, aut nunquam mori debuisset.* Minor noster esset dolor, si Mariam in hoc mundo nunquam vidissemus. Hoc superest ad aliquod doloris lenimentum ut ejus, cujus dulcissima nobis fuit præsentia suavi reficiamur memoria. Solet frequenter illud quod ex oculis nostris subductum est, non sine dulcedine animo repræsentari. Virgineæ mortis sic ego soleo recordari.

Inpri-

Inprimis, quod amantissima Virgo, non vi alicujus morbi ^{§. 3.}
 vel doloris, sed amore languens occubuerit. Amor erga Deum ^{Amor il-}
 & dilectissimum suum filium, sanguinis & vitæ officinam, virgi- ^{lam per-}
 neum cor tandem pleno impetu ingressus & occupans, sitibun- ^{omiss. non}
 dus; sanguinem omnem exfluxit, & cum sanguine vitam eri- ^{dolor.}
 puit. Amor, dulcissimum dulcissimæ Virginis pectus suavi
 vulnere, dulci arundine, ardenti sagitta, fauciat, ita accen-
 dit; ut mori debuerit. Dum sagittam amoris nomino, nolim
 in ea tela animos & oculos vestros convertatis, quæ cytheræis
 in ignibus fabricata, cyprius & cæcus puer, venenato furore in
 amantum corda torquet, sed in illas sagittas, quas sanctus & ca-
 stus inflammavit amor, in corde amantis & languentis Vir-
 ginis.

Amor cum magnus est in corde, cum, quantum fieri po- ^{§. 4.}
 test intenditur in pectore, animam languere facit. contigit, qui- ^{Vehemen-}
 busdam amantibus præ amoris vehementia præcordia rumpi. ^{tia amoris}
 Hoc accidit Virgini, dum tandem, summum bonum & Filium ^{facit ani-}
 suum amat, secundum ultimum & summum quod potest, quan- ^{mam lan-}
 tum potest; ita languit ut mori debuerit; ita arsit, ita fuit ac- ^{guere.}
 censa, ut tota veluti virgula fumi à tam beata flamma fuerit
 consumpta. O Maria! morere, aut potius vive in tam beato
 incendio! Vos O ardentes Seraphini! fulcite illam floribus, sti-
 pate malis, quia amore languet, & amore moritur! In tali lectu-
 lo, inter tales flores mori debet dulcis amor! dulcis Maria! O
 beatum deficere! O dulce languere! O suave mori! O divi-
 num incendium! Moriendum fuit Virgini, sed amore! Inter
 tot leti genera, omnium optatissimum illi apparavit amor & di-
 lectus Filii. Dum per januam mortis triumphans cælum in-
 gredi debuit, igneum adornavit illi currum, & flammeos junxit
 equos, ut non jam Elias, sed ardens & amans Virgo, ex hoc
 mortalis vitæ carcere evolveret in cælum in igneo effredo amo-
 ris, supra igneas alas, Seraphinorum. Sic ultimum vivere Vir-
 ginis suavissimum fuit holocaustum, dulcis victima, quam ama-
 biles de cælo flammæ devorarunt.

§ 5.
Exspiratio
amantis
Virginis.

Video! jam extremi halitus inter rosea labia trepidant, eorumque vestigia anima effugitura quærit, deficit vita, & fracta in florido lectulo in mortem se componit. video, cor palpitans ultimos capit impetus, contrahit postremas vires, ut amet Deū, & amando expiret. Halitus animæ efflantes, sunt halitus amoris, ultimū sentire, spirare, moveri, est amare. Jam Virginis hyacinthinæ manus, eburneiq; pedes letali gelu rigent. Jam crystallini oculi in morte natant! & amat! jam aures obsurdescunt! & amat. Jam rosea labia, corallina labra pallent, jam genæ concidunt, & amat! Jam mellea lingua ægre anhelitum, ne dum verba expectorat, & amat. Jam omnia virginis membra mortis frigus occupat, & amat! Jam cor, quod ex membris, ultimum est, obri- gescit, & amat! Dicite filiæ Sion, si hoc non est amore mori.

§ 6.
Mors B. V.
fuit sua-
vis-
sima:
& precio-
sa.

Ergo mortua est B. V. (ut reliqui omnes ab Adamo mortales). verum morte suavissima, qualem regius psaltes pl. 126. v. 3. vocat: somnum: *cum dederit dilectis suis somnū, ecce hæreditas D.* quasi diceret, illa mors suavis somnus est dicenda, per quam amicus & dilectus Dei filius, & cohæres Christi, præclarā ingreditur hæc. B. V. veluti dilecta filia Patris, veluti electa Mater filii hodie coronata est regina cœli & terræ, qualis hæreditas? constituta est Dom. cœlestium terrestrium & infernorum, qualis hæreditas? ingressa est gaudium Domini, facta est fons, imo mare lætitiæ, qualis hæreditas? in gloria & magnificentia exaltata est super omnes choros Angelorum ad dexteram filii! qualis hæreditas? hanc hodie ingressa est per mortem, O mortem felicem! O suavem! ô fortunatam! De morte sanctorum dixit S. Bern. super cit. psalmum: *Pessima quidem mors peccatorum, sed preciosa est mors sanctorum, preciosa valde tanquam finis laborum, tanquam victoriæ consummatio, tanquam vitæ janua, & perfecta securitatis ingressus.* verissima hæc sunt de morte B. V. mortua est, sed mors illi fuit finis laborum: mortua fuit, sed illa mors eximie victoriæ contra dæmonem & peccatū fuit consummatio, & janua vitæ, per quam perfecta gloriæ securitatem est ingressa, ut dicere possim cum S. August. *Si omnium sanctorum mors & preciosa, Maria sane est preciosissima.* ideoque fuit suavissima, dulcis fuit somnus.

Matt. 9. v. 18. Salvator. nostrum accedit unus princeps, & adorabat

orabat eum dicens; *Domine filia mea modo defuncta est, sed veni im- § 7.*
pone manum tuam super eam, & vires. Surgit Jesus, sequitur ^{Mors ejus}
 principem, ingreditur fatale cubile, ubi emortuæ filiæ cada- ^{fuit suavis}
 ver decumbebat, & suavibus oculis illud aspiciens dixit, ad cir- ^{dormitio.}
 cumstantes turbas: *Recedite, non est enim mortua puella sed dormit.*
tenuitq; manum ejus, & surrexit puella. Admirans hoc D. Chrys. in
 cat. ibi ait: *etenim eo accedente, jam mors somnus erat.* taliter mori-
 entem Dei Matrem, pulcerrimā Virgin. vobis imaginamini; in
 mortuali lectulo, elevatis in cœlū oculis, complicatis manibus,
 suavissime Jesu nomen ingeminans emoritur? quid ploras Petre,
 quid gemis Andrea, quid fletis Apostoli? *Nō mortua est puella, sed*
dormit. Videtur esse mortis spoliū sed error est, non est mortua,
 sed dormit. brevi adfuit filius, hic inter cœlestiū spirituum tur-
 mas tenuere dexterā matris, filio statim accedente, mors Virg.
 fuit somnus. momento deliciis affluens, innixa super dilectū, de
 deserto hujus mundi ascēdit ad montē Libani, ubi coronabitur
 regina cœli & terræ. O mortem felicem! O suavem somnum.

Vix quisquam sine tenero cordis motu, & suavibus lacrymis § 8.
 legere poterit mortē Moyſis, post difficillimum 40. annor. iter ^{Simile}
 per desertū, post gravissimos labores, in terræ benedictionis cō- ^{morti Mo-}
 ſpectu, jubetur à D. ascendere in montē Abarim, i.e. transituū,
 ut transeat ex hoc mundo ad patres suos. Vir sanctif. in altissima
 divinæ provid. abyſſo acquieſcens, migrationē suā populo pate-
 fecit in proximum diem; ingemuerunt omnes ad viri casum, &
 suam orbitatē. Mane factō, remisso populo cui benedixerat (re-
 fert Josephus in toto populo non fuisse unū, qui non amarissime
 fleverit) cū Pontif. & Imper. ejusq; senatu, Moſes ascendit mon-
 tem, ibi in vertice Phasga, ostendit illi Dom. hæred. Israel Deut.
 34. v. 4. *hac est terra, pro qua juravi Abraham, Isaac & Jacob, dicens, se-*
mini tuo dabo eā. Vidisti eam oculis tuis, & nō transibis ad illa: verum
 (hoc subintelligendum est) ad aliam longe præstantiorem sta-
 tim transiturus es, in qua illi iidem S. Patres, alique omnes justi
 in pace requiescunt; ut Doctor gentium ad Titum 2. cap. vers.
 13. loquitur *expectantes beatam spem & adventum gloria magni*
Dei. His auditis Moſes sese humi, componens suavissimè ex-
 piravit, nam sacer textus ait, eod. c. 34. v. 5. *Mortuus est ibi Moſes*
servus

servus Domini, jubente Domino-- alia lectio habet--*in osculo Domini.* O suavem mortem! taliter imaginamini vobis, obiisse B. Virginem. Hora à D. voluntate destinata, Filius per Angelum Matri nuntiavit, adesse tempus ut transeat ex hoc mundo. Mirabili Dei disponentis & omnia ordinantis providentia, ex variis mundi plagis convenerunt Apostoli, quibus horam transitus sui aperuit. facile est cogitare: quænam omnium fuerit comploratio, quæ lacrymæ, præcipuè cum viderunt, BB. Matrem in fatali lectulo agentem animam; probabile est, ruisse in genua, obsecrasseque ultimam benedictionem; & benedixit illis Virgo; tandemque apertis oculis, in aspectu cœli, in aspectu Filii, mortua est. jubente Domino, quia sic voluit Deus, mortua est, sed in osculo & amplexibus Filii, sic exspiravit. S. Damasc. ser. 2. de dorm. V. *Visio apparuit Angelica, & audita est psalmodia cœlestium potestatum-- & sic--in manus Dei sanctam tradidit animam.*

§. 9.
Maria in
suo obitu
fuit fasci-
culus myr-
rhæ, &
botrus cy-
pri.

Et quis dubitabit mortem B. Virginis fuisse somnum, fuisse quietem, fuisse suavissimam. Amor qui amoris telo Virginem lauciavit, potuit efficere, ut sponsa, ut dilecta, ut Mater, quia mori debuit, ut reliqui mortales omnes, moreretur suavissimè. Est scilicet stupendarum metamorphoseon architectus amor. Novit convertere, fel in mel, spinas in rosas, turbines in Zephyros, tempestatem in serenitatem, fulminum tonitruorumque fragorem in suavem Musicam, funera in festa, instrumenta mortis, in coronaria amoris arma, ipsam mortem in felicissimam sortem. Volo his omnibus dicere. Sponsus fecit, ut sponsa, Filius ut Mater occubuerit suavissime! Inter alios titulos, quos sponsa tribuit sponso, vocat fasciculum myrrhæ; & botrum cypri. Quid amaritudini myrrhæ, cum dulcedine uvæ? Ecce mysterium peractum in morte Virginis. Dum mori debuit, sponsus illi fuit myrrha & botrus. Myrrha, quia voluit illam mori, quod amarum est. botrus, quia paravit illi mortem dulcissimam: ex amaritudine fellis, distillavit dulcedinem mellis. ut ipsa deinde revelarit S. Brigittæ revelat. l. sexto. *Paravi me ad exitum* (p. sic me paravi ad mortem) *circumiciens omnia*

loc

liba more meo, in quibus filius meus passus fuerat (p.v.g. ivi prius ad montem Oliveti, ibi fui memor sudoris sanguinei & angustiarum mortis &c. inde ad montem Calvariae &c. est locus prop. affectu) *cumque quadam die animus meus suspensus esset in admiratione divina caritatis; tunc anima mea in ipsa contemplatione repleta fuit tanta exultatione, quod vix se capere poterat; & in ipsa consideratione* (inter affectus amoris, inter ardentissima desideria) *anima mea à corpore fuit soluta.* Meditantur aliqui pie, & est probabile ultima morientis Virginis verba fuisse, *Mi Iesu! Ecce ancilla Domini fiat mihi secundum verbum tuum.* Postrema suspiria fuerunt, *amo, amo, amo,* & simul hanc vocem, simul animam sanctissimam efflavit. Occubuit Maria! Sol jacet in umbra, rosa in languore mortis..

Agite Apostoli, vos fatali lectulo debitas lacrymas affundite, provoluti in genua virgineos pedes veneramini osculis, ungite preciosis unguentis, nitido limo involvite, incendite odores, aspergite flores, sacrum pignus virginei corporis inferre sepulcro, sepulchrali marmori inscribite; Maria! flamma & amor illius vita fuit; flamma, ignis & amor fuit mors. Ego interim instar Mercurii evolabo ad cœlos, & monebo ut ad instantem se parent triumphum. sic alloquar cœlites. Mortua in terris est Maria! mox aderit ut coronetur Regina cœli. Agite Seraphini, præparate coronam: & pulcram, qualis hactenus in cœlis non visa. Vos Cherubini parate sceptrum, Vos Throni, thronum. Vos Principatus, Dominationes, Virtutes, parate paludamentum & purpuram. Vos Archangeli afferte flores, gemmas, stellas, quibus corona, thronus, sceptrum, purpura exornentur. Afferte lunam ut sit scabellum; solem ut sit vestis, cogite nubes ut sint currus &c. Vestrum O Angeli! erit: parare organa, fistulas, cytharas, tympana, cymbala, ut Regina cœli latissimo acroamate excipiatur. Hunc.

textum cupit audire meus amor:.

Vivat Maria!

CON-

§. 10.
Epilogus.



CONCIO LXXX.

FESTO S. BARTHOLOMÆI APOSTOLI.

Elegit duodecim ex ipsis, quos & Apostolos nominavit.

Luc. 6. cap. v. 13.

SYNOPSIS CONCIONIS.

Spes victoriæ, & præmii animat pugiles.

§. 1. *Non conceditur triumphus sine pugna.*

§. 2. *S. Bartholomæus fuit prudens, ut serpens.*

§. 3. *Pugil, luctator.*

§. 4. *Amator cælestis sponsi.*

§. 5. *In rebus arduis nos erigit spes præmii.*

§. 6. *Pulcher locus ex S. Paulo.*

§. 7. *Alius locus de titulo Christi*

D. in cruce.

§. 8. *Spe præmii confortatus fuit Abraham, in immolatione Isaaci.*

§. 9. *Digressio ad S. Bartholomæum.*

§. 10. *Elegans locus ex Seneca.*

§. 11. *Spes præmii est anchora.*

§. 12. *Tria pulchra symbola.*

§. 1.
*Non conce-
ditur tri-
umphus si-
ne pugna.*

INter heroum symbola invenio pictum gladium, cujus apici insistit regia, vel imperatoria corona; gladium & coronam, per modum crucis dividunt & ornant bini rami palmarum, cum hoc lemmate, *Sic & non aliter*. Docet muta hæc pictura, non esse *triumphum sine pugna* (Tertull.) *neque sine labore palmam*, neque *sine cade victoriam*; in unico symbolum hoc immutabo, loco gladii statuo cultrum, & symbolum hoc S. Bartholomæi iconi appingo: nam, Inviētissimus hic heros, Martyr & Apostolus cœlestis bravii coronam, gloriæque palmam obtinuit;

tinuit, gaudet in cœlis cum reliquis sanctis; verum prius in stadio hujus vitæ per viam crucis decurrere debuit; sic & non aliter, nisi per crucem, coronam obtinuit. In hac vita laboravit & sudavit in prædicando Evangelio; sic & non aliter bravium est assecutus. S. Bartholomæus, vitam, sanguinem pro Christo dedit, cultro vivus fuit excoriatus. Sic & non aliter cœlestis gloriæ & hæreditatis factus est hæres. Sic & non aliter eandem coronam, & palmam nos obtinere poterimus & debemus. At via crucis est difficilis; sed in hoc stadio currendum & sudandum est: sed gladio & cultro mortificationis detrahenda est vetus pellis veteris Adami; hoc dolet, hoc cruciat, hoc affligit; sic est, interim certissima est maxima, sic & non aliter cœlum obtinere possumus. Hoc facite generosi Christiani pugiles & athletæ, ne succumbatis, ut pugnetis animose, in altum levate oculos, & coronam aspiciate; hujus intuitus & memoria nos animat, ut pugnemus generose. Ostendi hoc sæpius, idem tamen, sed novo modo hac concione præstabo.

Duo audiverat S. Barth. ex ore sui magistri; primum fuit, *estote prudentes sicut serpentes* Matt. 10. v. 16. in multis hoc animal prudens est, sed præcipuè in hoc quod per rimas acutæ petræ ingreditur, ^{S. 2. S. Barth. prudens ut serpens.} detrahens veterem pellem sibi detrahat, sicq; ingeniosa inventione renovet. Alterum fuit, cura intrare per angustam portam; *nam arcta est via quæ ducit ad vitam* Matt. 7. v. 14. advertit mysterium S. Bartholomæus, ut angustissimam portam cœlestis Jerusalem ingredi posset, non tantum divitiarum, honorum, & voluptatum onera abiecit, sed ipsam pellem dedit, prudens ut serpens! Multi gloriosi martyres ante hanc portam reliquerunt capita, vel manus, vel pedes, aliaque membra, S. Bartholomæus totius corporis pellem, deposuit, ut certius per angustam portam ad vitam ingrederetur.

1. Cor. 9. v. 25. dixit S. Paulus; *Omnis autem qui in agone contendit, ab omnibus abstinere, & illi quidem ut corruptibilem coronam accipiant.* pari ratione, qui ad metam pro bravio decurrit, omnia à se abiecit onera. idem facit pugil & athleta luctaturus cum adversario. fortis cursor, fortis pugil & luctator fuit S. Bartholo-

Alveus III. Pars IV.

m

mæus

S. 3.
Pugil, luctator.

maus, qui similia, non tantum onera, sed ipsam pellem abiecit. ut levius & citius decurreret ad metam, propositumq; bravium, sic vicit.

S. 4.
Amator
Sponsi.

Cant. 3. v. 4. Sponsa impatiens moræ, qua morabatur sponsus, surrexit nocte, discurret per plateas, inter vigilantes inquirens dilectum animæ suæ; in signum nimii amoris, ne tardetur, vestem reliquit vigilibus, & abiit. Majorem dilectionem erga suum Salvatorem ostendit Bartholomæus, qui inter manus tyranni & licitorum reliquit pro Christo non vestem, sed pellem corporis, imo sanguinem & vitam dedit. Quæso Auditores, estote prudentes sicut serpentes; angusta est porta ad cælum; contendite intrare, ut intretis cum S. Bartholomæo pelles veteris Adami deponite. Pellis est amor divitiarum, pellis est &c. has deponite. Cursores estis, pugiles estis, luctandum vobis est cum mundo, carne & Satana, deponite pelles quæ vos impedire possunt, imò estis sponsæ, quærite Jesum sed pro ejus amore vitiorum & pravorum affectuum vestes relinquit.

S. 5.
In rebus
arduis nos
erigit spes
præmii.

Verum hæc omnia sunt molesta carni & sanguini, & sensualitati; sic est, fateor; ut nihilominus pugnetis animose, cum S. Bartholom. oculos conjicite in coronam & mercedem; illius encomia summis angustiis vos solabitur, imò gaudere vos faciet. Bene Cassiod. 8. var. 22. *gloriosior efficitur, cui frequenter præmia referuntur. idem tribuenda est justis laboribus compensatio præmiorum: quia exprobrata militia creditur, qua irremunerata transi-
tur. Athletam populus palma designat esse victorem. Sudores bellicos civica corona testatur, expectant etiam equi præmia sua. Præmii spes omnia ardua reddit facilia.*

S. 6.
Pulcherrimum
ex S.
Paulo.

2. Cor. 11. v. 25. S. Paulus enarrat varios labores & pericula: *ter virgis casus sum, semel lapidatus sum, ter naufragium feci. in labore & ærumna, in vigiliis multis, in fame & siti in frigore & nuditate;* plura enarrat aliis locis, in immensum videtur augere suos labores 2. Cor. 4. v. 7. ait, *Id quod in presenti est, momentaneum & leve tribulationis nostræ.* quæ toties variis locis valde exaggeravit, duobus elevat verbis, dum momentanea & levia vocat. bene observarunt interpretes, sanctum Paulum exaggerare la-

re labores & pericula, cū nullam facit mentionem cœlestis gloriæ vel bravii; cum verò addit, tribulatio--*supra modum in sublimitate æternæ gloriæ pondus operatur in nobis*, eadem levia & momentanea dicit. hoc modo cit. locum exponit S. Hier. *licet corpus passionum injuriis corrumpatur, anima tamen spe futurorum quotidie confirmatur ad omnia sustinenda: præsens enim tribulatio, quantolibet tempore perseverans ad comparationem immensæ gloriæ brevis & facilis est.* nerveole Seneca l. 2. de ira cap. 21. *Crescit licentia (& animositas) spiritus, assurgit, si in spem bonam adducitur.* imaginamini vobis S. Bartholomæū in equuleo extensum, cogitate dolores quos sensit, dum membratim fuit excoriatus; nihilominus in tantis tormentis, crevit & assurrexit ejus spiritus, quia totus erat in spe bona cœlestis bravii.

Scitis omnes titulum, qui supra caput Salvatoris pendentis in cruce affixus fuit, Jesus Nazareus Rex Judæorum. gloriosus hic titulus adeo torisit oculos & corda Phariseorum, ut à Pilato petierint illum tolli, vel mutari; sed Deo sic disponente Præses respondit, quod scripsi, scripsi. *Titulus hic triumphalis* (inquit Hugo) *in cruce, veluti arcu vel fornice triumphali mansit inscriptus.* plures ingeniosas causas excogitarunt interpretes, ob quas cœlestis Pater hunc titulum supra caput Filii pendere voluit: utar modo paucissimis verbis Cajetani; *Super crucem sustentabatur titulus, ac per hoc crux terminabatur.* id est, crux esse desiit; hic est sensus; ignominiosa fuit mors filii Dei in cruce, verū sic & non aliter, regiam dignitatem supra cœlos & terram obtinere potuit. ex se crux fuit gravis & pœnosa; in conspectu verò tam gloriosi tituli fuit levis. sic & non aliter hunc titulum mereri potuit. Eia mi Christiane; scio, quia es filius cœlestis Patris, quandoque cruci te affigit; Crux est paupertas, cruces sunt morbi &c. sed vis illas terminare, ut non sint cruces, vel ut sint leves &c. in altum eleva oculos, regnum cœlorum contemplare, in illo paratam tibi coronam; hujus memoria ardua omnia reddit facilia, amaritudinem vertit in dulcedinem.

Arduum omnino fuit mandatum, quo Deus voluit, Abrahamum immolare unicum filium Isaacum: Abraham tamen

§. 7.
Pulcher locus de titulo Christi in cruce.

§. 8.
Spe præmii confortatus fuit tam Abra-

ham in im-
molatione
Isaaci.

fuit obedientissimus statim eduxit filium ad montem, cumq; al-
ligasset (Gen. 22. v. 10.) Isaac filium suum, posuit eum in altare super
struam lignorum, imo extendit manum, & arripuit gladium
ferali ictui destinatum. & hæc omnia peregit invictissimus
Patriarcha, ut SS. Patres observant animo generoso. ingemuit
sine dubio cor Patris, commota fuerunt viscera genitoris; nihi-
lominus cum gaudio Deo obtulit carissimum pignus, sic ait Ze-
no Veronensis ser. 1. de Abraham: *latatur Pater, filio quoque gau-
dente, & cum gaudio unici pignoris alligat manus, quas ille vincien-
das libentius offert: ecce sub oculis jacet filius vinculis astrictus! Vbi
sunt lacrymæ? ubi dolor, qui in humanis sensibus versari consuevit?
in tantis filii casibus latatur & gaudet? sed quæ fuit tandem causa
tanti gaudii, quæ radix tantæ lætitiæ? quis fons animi tam ex-
cellis? respondet cit. Zeno paucissimis verbis: *se Dominum pro-
meruisse triumphat.* Sciebat David hanc suam voluntatem place-
re Deo, quæ ingens nostrorum operum est merces, ideo in re
difficili fuit gavius. Sciebat se hoc facto promereri ingentem
gloriam, de hac in acerbissimo casu triumphat ejus animus. Ne-
que deceptus est, statim enim audivit vocem de cœlo v. 16. *quia
fecisti hanc rem, & non pepercisti filio tuo unigenito propter me; bene-
dicam tibi, & multiplicabo semen tuum sicut stellas cœli & velut are-
nam quæ est in litore maris-benedicentur in semine tuo omnes gentes
terra &c.**

§. 9.
Digressio
ad S. Bar-
tholomæum

Redeo ad S. Bartholomæum; jacet extensus in equuleo in-
ter manus carnificum in crudelissimis tormentis; vivus toto
corpore excoriatur; & tamen gaudet, lætatur, ipse manus, ipse
pedes porrigit? ubi quæso lacrymæ? ubi dolor? vincit omnia in-
victissimus ejus animus, quia gaudet & triumphat se sic prome-
reri Dominum; triumphat se insistere vestigiis sui Magistri, &
sanguinem pro sanguine dare, pro immarcessibili æternæ gloriæ
bravio. Dum anima intuetur coronam, dum scit se placere
Deo, corpus non curat dolores. Itaq; mi Christiane, cum & tu
extēderis in equuleo, cum scinderis cultro mortificationis &c.
in altum erige oculos, aspice coronam, cogita te sic placere Je-
su tuo, & omnia patienter, imò cum gaudio feres. Memoria

coronæ

coronæ omnia ardua reddit facilia, etiam si aliquis Isaacus etiam sit immolandus. Observavit S. Ambr. Christum Dominum plerumque cum suis fuit hortatus vel ad ferendam crucem, vel ad pugnandum, fecisse mentionem mercedis vel beatitudinis- ideo-ut unusquisq; presentium rerum sollicitudines ac labores corde transiliens, ademerendam beatitudinem futurorum avida festinatione contenderet. Nam-Imperator quoque cum progreditur ad bellum, donativum militi, & promotiones dignitatum numeris militaribus pollicetur, ut spes commodi furetur laborem, & metum abscondat periculi.

Elegantissime Seneca lib. de providentia. *Avida est periculi virtus- militares viri gloriantur vulneribus, lati fluentem sanguinem ostentant; ex acie magis spectatur, qui saucius redit-* §. 10. *Elegans locus ex Seneca.* sed cur virtus periculi tam est avida? cur generosus miles tam imperterritus pergit ad prælium? respondet Seneca, quo tendat, non quid passurus sit, cogitat. miles non cogitat vulnera, sed honores, athleta non labores animo versat, sed coronas. ideo, inquit Nazian. or. de laudibus Basilii; *Virtutis alipta* (hi erant athletarum Magistri, qui eos certaminibus inungebant, luctisque parabant)-*sunt-spirantes columna, vivi Martyres uruntur, secantur, excoriantur, nec tamen curant, quia cogitant, non quid patiantur, sed quo tendant.* rursus Seneca ep. 39. *Habet hoc in se generosus animus quod concitatur ad honesta: neminem excelsi ingenii virum humilia delectant & sordida.* magnarum rerum spe--quemadmodum flamma surgit in rectum, jacere ac deprimi non potest non magis quam quiescere, ita noster animus in motu eo est nobilior & actuosior, quo vehementior fuerit. Verum mi Seneca, unde generosus animus hoc habet, ut ita concitetur ad opera heroica, ut non delectetur humilibus? unde habet ut surgat in altum veluti flamma &c. respondet paucis: *Magnarum rerum species ad se vocat & extollit.* id est, corona, bravium, merces, præmia illos concitant Spiritus &c. talis heros fuit sanctus Bartholomæus, patitur gravia, majora pati desiderat, surgit ut flamma &c. p. quia &c. applica pulchrè.

idem Seneca l. de provid. *Gaudent magni viri aliquando rebus adversis, non aliter quam fortes milites belli triumpho &c.*

§ 11.
Spes pra
mi est au
ghora.

Finem huic concioni impone elegantissimis verbis S. Cypriani in illa verba S. Pauli ad hebr. 6. v. 19. *quam* (scilicet spem cœli) *sicut anchoram habemus animam tutam ac firmam.* Syrus sic vertit; *quæ nobis est velut anchora, quæ retinet animam nostram ne commoveatur;* addit P. Cornelius; unde Syri & Arabes spem vocant, *vataca*, id est, firmitatem, soliditatem, robur; *Vatac* enim significat, firmare, roborare, vincere. hoc itaque simile latet in verbis Apostoli: sicut anchora firma in mari fundat navim, ut inter vertices, ventos, fluctus, illam teneat firmam & inconcussam, victrici statione; in spes cœli inter tentationes, atque conflictus hujus sæculi animum firmat ac roborat, ut solidus & immobilis permaneat, victrixque adversa triumphet. his positis annecto verba S. Cypriani: *Vna placida & fida tranquillitas: una solida, & firma, & perpetua securitas; si quis ab his inquietantis sæculi turbibus extractus, salutaris portus statione fundatus, ad cælum oculos, tollat è terris &c.* præsertim cum sic, & non aliter cœlestis gloriæ coronam obtinere possimus.


§ 12.
Tria pul
era symbo
la.

Incepi concionem cum corona, aliquot coronas ejus coronidi imponam, vel coronis coronabo ex doctissimis heroum symbolis. in primo, in serico pulvinari jacet regia vel Imperatoria corona, plena gemmis, & unionibus; intus in corona latent aliquot spinosi rami. tale fere fuit sertum quod sponso apud Athenienses formosus puer præferebat, ex floribus, sed mixtis spinis. Docet hoc symbolum, mundi hujus honores & voluptates non carere spinis; ego per hanc coronam, cœlestem gloriam intelligo, sed antequam obtineamus, spinæ nos pungunt; sic non aliter illam obtinere possumus. sed dum spinæ mordent, coronam aspice, & feres leviter. In altero emblemate, jacet corona, in qua inter multas gemmas lucet præcipuè insigne Ordinis militaris S. Jacobi; est concha, in qua insculpta est crux, per modum gladii; epigraphæ est, *precium virtutis.* Pulcra corona, pulcerrima gemma est cœlestis gloria, sed est precium virtutis; gladio & cruce, sic non aliter, obtineri potest.

Sed

Sed non crucem tantum, sed coronam & gemmam aspiciate, & crux erit levis.

In tertio corona pendet inter duas pyramides, in quam eques concitato equo & aurata collimat lancea; adjecta epigraphæ, Legitimè certantibus &c. Applica pulchrè. Honorius Imperator pictus in icone, victorioso pede calcans devictos tyrannos, manu præferens labarum, in illo signum ✠, & nomen Christi, huic adjicio iconem Gallæ Placidie Augustæ, quæ cudit numisma notatum brachio, cui affixum est nomen Christi: ex adverso pulcherrima corona de cælo delabitur. I, Perge, sterne hostes, calca N.N. ferto in hostem signum Crucis, Christum sequere, exere brachium &c. sic non aliter coronæ cælicæ delabuntur. Devicta Lusitania, extincto Sebastiano, Philippus II. pingi jussit virum armis instructum, galea, lorica, reliquaque panoplia &c. erecta hasta ferebat coronam, cum his vocibus, *Qui vult.* quasi diceret: multi ambiunt coronam Lusitaniæ, sed qui eripere cogitat, sciat sibi prius cum Philippo Rege pugnandum Armis, non aliter est venalis &c. applica pulcre.



CONCIO LXXXI.

FESTO NATIVITATIS B.V. MARIÆ.

De qua natus est Iesus, qui vocatur Christus.

Matt. I. cap. v. 16.

SYNOPSIS CONCIONIS.

Agit de excellentiis gloriosissimi Nominis Mariæ, præsertim, quod significet stellam maris.

S. I. Quam-

- | | |
|---|---|
| <p>§. 1. <i>Quanta sit excellentia nominis Maria.</i></p> <p>§. 2. <i>Stella maris est indicium viarum, per maria.</i></p> <p>§. 3. <i>Duplex figura B. V. Prima Arca monstrans viam per Iordanem.</i></p> <p>§. 4. <i>Secunda figura, Igneacolumna monstrans viam per mare rubrum.</i></p> | <p>§. 5. <i>Maria navis est: Maria stella est.</i></p> <p>§. 6. <i>Pulchra historia.</i></p> <p>§. 7. <i>Figura Virginis fuit Esther.</i></p> <p>§. 8. <i>Prosecutio.</i></p> <p>§. 9. <i>Qualis stella sit Maria.</i></p> <p>§. 10. <i>Maria, dulce nomen.</i></p> <p>§. 11. <i>Optat Auctor, ut Auditorum corda, sint lilia cum aureo nomine Maria.</i></p> |
|---|---|

§. 1.
*Quanta sit
excellencia
nominis
Maria.*

Hodierna die nata est pulcherrima Virginum, nomen ejus est Maria. De quo nomine eleganter ait Idiota; *Ne timeas Maria, dedit enim tibi Virgini Maria, tota super sancta Trinitas nomen, quod post nomen Filii tui est super omne nomen, ut in nomine tuo omne genu flectatur, & omnis lingua confiteatur hujus sanctissimi nominis gratiam, gloriam & virtutem.* -- Non enim est in ullo alio nomine post nomen super benedicti filii tui tam potens adjutorium, nec est ullum aliud nomen, datum sub cælo hominibus post dulce nomen Jesu, ex quo tanta, salus hominibus refundatur. -- tantæ virtutis & excellentiæ est sanctissimum tuum nomen, Beatissima Virgo, quod ad invocationem ipsius cælum ridet, terra lætatur, Angeli congauident, dæmones contremiscunt, infernus turbatur. Æque pie Canisius. Si ullum aliud venustum præclarum & gratiosum nomen ulli contigit mortalium, quod scribi, legi, decantari, pingi, sculpique mereatur, id Mariæ nomen videri potest, dignum sane quod in omnium oculos, aures & mentes incurrat. paucis verbis complectitur multa S. Chrysologus l. 142. *Dignitas Virginis annuntiatur ex nomine.* Significat autem hoc nomen, Dominam, Exaltatam, Mare gratiarum, Myrrham, spem mundi; hæc alias explico, modo placet S. Hieron. l. de nom. hebr. Maria illuminatrix mea, vel illuminans, -vel illuminata, vel stella maris; significat etiam scaturiginem & fontem lucis, cujus radiis hodierna die totus mundus est illustratus. Hæc lux hæc stella, erit objectum hujus concionis.

No-

Nomen Mariæ præter alia significat stellam maris cuius ^{§. 2.}
munus est, nautas per maria ad portus deducere, talis stella est ^{Stella ma-}
Maria, sicut enim (Abbas Absolon ser. 31. de annunt.) ^{ris est indi-} *Stella illa*
^{cium via-} *navigantibus in mari recte via indicium est, sic est Maria in hoc*
^{rum, per} *mundo tortuose viventibus, aliis rectam viam bonæ operationis, aliis*
^{maria.} *rectam viam humilitatis, aliis viam castitatis ostendit.* S. Ambro- ^{Pari ratio-}
^{ne Maria,}
sius l. de Virg. *Maria interpretatur stella maris: nautis enim mare*
transeuntibus aspicere opus est maris stellam, & supremo cæli cardine
refulgentem, & ex respectu illius dirigere cursum, ut possint portum
destinatum apprehendere. Deinde sic pergit: Oportet universos
Christicolæ inter fluctus huius sæculi Mariam, quæ in supremo rerum
cardine Deo proxima est, respicere--quod qui fecerit, non jactabitur
vanagloria vento, nec frangetur scopulis adversorum, nec absorbebi-
tur voragine voluptatum, sed perveniet ad quietis portum.

Duplicem figuram habemus in sacris literis; Josue, c. 3. ^{§. 3.}
v. 3. ait ad Israelitas, ducturus illos per Jordanem: ^{Duplex fi-} *Quando vi-*
^{gura. Pri-} *deretis arcam fæderis Domini Dei vestri, & sacerdotes stirpis Levi-*
^{ma. Arca} *tae portantes eam, vos quoque confurgite, & sequimini--ut videre*
^{monstrans} *possitis, & nosse per quam viam ingrediamini. & ecce arca fæderis*
^{viam per} *Domini antecessit eos per Iordanem, (assurgentibus hinc inde flucti-*
^{Iord,} *bis veluti muris)--festinavitque populus & transiit.* Virguncula
hodie nata est vera arca fæderis; Hodie nascitur, ut (Andreas
Hieros. or. in Salve Reg.) sit *Arca Dei verissima, ut auro vestita* ^{B. V. arca}
mundissimo, virtutum gemmis ornata, ex imputribilibus lignis fa- ^{fæderis.}
cta, Testamenti tabulas, frondentem virgam, & suavissimum
manna contineat. hodie nascitur, Maria ut (S. Bern. ser. 2. de ass.)
sit arca novæ gloriæ, in qua Dei spiritus quiescet. Nascitur hodie Ma-
ria, ut (S. Bonav. in psal. min.) sit arca preciosissima, quæ excipiet to-
tius sanctificationis thesaurum. Buteo in Floril. *Arca Dei tutissima.*
Blosius in prec. *Arca viva & animata, & propitiatorium in terris.*
Sed præcipue ut per Iordanis undas, id est, tentationum fluctus, &
procellosi mundi huius undas nos deducat. Hanc arcam aspici-
te Auditores & videbitis per quam viam ad portum ingredi de-
beat.

Altera figura & ignea columna, Exodi 14. v. 24. quæ duo ^{§. 4.}
Alvei III. Pars IV. ^{præ-} ^{Secunda f-}

gura. Ignea
columna,
monstrans
viam per
mare ru-
brum.
Maria salu-
columna.

præcipuè præstitit hebræis beneficia. primo, *Respicens Dominus super castra Ægyptiorum per columnam ignis, & nubis interfecit exercitum eorum* Exodi 13. v. 21. Israelitis verò, 2. demonstravit viam per desertum. admirabilis hæc columna typus fuit Mariæ, S. Bonavent. in spec. *Maria columna nubis est, illuminata à Deo, & illuminans mundum, misericordia & charitatis suæ beneficiis &c.* *Quid nos miseri & obtenebrati ageremus in nocte hujus sæculi, si tam lucidam, tam luminosam columnam non haberemus.* Consonat Richardus Laurentinus l. 1. de laud. V. cap. 3. *Per Mariam tanquam per mare transeunt veri Israelitæ ad portum felicitatis æternæ, submersis Ægyptiis, id est, demonibus & vitiis.*

§. 5.
Mariana.
visi, Ma-
ria stella
est.

Rursum eleganter S. Bonav. quibus auxiliis possunt naves per tot pericula pertransire usque ad litus patriæ? per duo, scilicet per lignum & per stellam, id est, per fidem crucis, & per virtutem lucis, quam peperit nobis Maria, maris stella. Tale enim officium Mariæ est, quæ navigantes per mare mundi, in navi innocentia vel pœnitentia dirigit ad litus cœlestis patriæ. multa de hac stella duce eleganter dicta invenies apud S. Bernardum hom. 2. super missus. inter alia ait: *O quisquis intelligis in hujus sæculi profluvio magis inter procellas & tempestates te fluctuare, quam per terram ambulare, ne avertas oculos ab hujus sideris fulgore, si non vis obrui procellis. Si insurgant venti tentationum, si incurras scopulos tribulationum, respice stellam, voca Mariam-respice ad Mariam, cogita Mariam, in periculis, in angustiis, in rebus dubiis Mariam cogita, Mariam invoca, non recedat ab ore, non recedat à corde iterum tolle corpus solare, ubi erit dies? tolle Mariam hanc maris stellam, quid nisi caligo involvens, & umbra mortis, & densissima tenebra relinquentur.*

§. 6.
Pulchra hi-
storia.

Benevolum influxum hujus stellæ experta est illa tœmina, gravis sceleris rea, quod præ pudore multis annis in confessionibus sacrilegis celarat. In agone cum gravissime à diabolo coram Judice accusaretur, cum Judex jam vellet pronuntiare sententiam damnationis, cum dæmones igneis catenis vellent animam trahere in infernum, O tempestatem! O angustias! O pericula! in hac necessitate respexit hanc stellam, ex corde cogitavit Mariam, ferventissimis precibus

cibus ejus auxilium implorans; & fuit exaudita; mox enim ægra sibi reddita dixit: Matrem misericordiæ invocavi nec mora, eadem consolatrix, & protectio omnium ad se confugientium, tanquam stella matutina adveniens mihi adfuit, terruitque dæmones. hæc stella ut spero, brevi ad cœlos me deducet. Post seriam confessionem, & communionem, circumstantibus dixit, Valet & discite Beatam Virginem esse stellam maris, refugium peccatorum & Matrem misericordiæ. his dictis placidissimè expiravit. Eia Auditores amate Mariam, ut in supremis angustiis aliquando sit nobis stella, nobis serena & propitia, nostris hostibus terribilis. S. Barnardus ait: *Si criminum immanitate turbati, conscientia fœditate confusi, judicii horrere perterriti, barathro incipiat absorberi tristitia, & desperationis abyssò, cogitate Mariam.*

Cum graves peccatores ab hac stella ex gravissimis periculis eripiuntur, dici de illis potest quod dictum est de Judæis, Esther. 8. & 14. 16. *Judæis autem nova lux oriri visa est, gaudium honor & tripudium, apud omnes populos, urbes atque provincias mira exultatio, epula atque convivium, & festus dies.* Aman, Mardochæi & Judæorum hostis, obtinuerat ab Assvero literas, signatas sigillo regio, quibus mandabatur ut occiderentur atque delerentur omnes Judæi, à puero usque ad senem &c. Edictum jam pendebat in Susa, flentibus & ejulantibus Judæis. postquam verò Regina Esther animum regis immutavit, postquam edictum regium revocatum; cum Aman penderet in patibulo, cum Regina Esther se sisteret populo in vestibus regiis, coronam portans in capite &c. ait textus: *Omnis civitas exultavit, atque letata est, nova lux oriri visa est, hinc gaudium & lætitia,* cujus causa, nova stella, nova lux, formosissima Esther.

Cavete peccatores; infernalis Aman, sententiâ mortis æternæ urget apud Assverum, judicē Christum: edictum divinæ justitiæ, est, ut nisi pœnitentiam egeritis, æternū ardeatis! sed pœnitentiam agite & exultate. Nata est hodie Regina Esther, formosissima Virgo, quæ regiis pedibus conculcavit, caput Amani.

§ 7.

Figura Vir-
ginis fuit
Esther.

§ 8.

Prosecutio.

placet hæc adeo oculis cœlestis Assueri; ut terribile edictum mortis facile possit mutari, adeo est pulchra & decora, adeo nobis propitia & benevola, ut bene dicere possimus, lux nova oriri vita est, tam amœnis radiis, ut cœlum & terra exultent. ut ubique sit gaudium & lætitia.

§. 9.
*Qualis stella
laus Maria*

Novam stellam hodie exortam, Virginem hodie natam, S. Petrus Dam. vocat *stellam, quæ lucidum procreabit solem.* Andreas Cretenfis or. de B. V. -- *Stellam fulgentissimam pulcerrimorum radiorum, quæ universum mundo solem iustitiæ proferet.* Giselbus. *Stellam stellarum.* Hesychius. *Stellam vitæ.* S. Petrus Dam. ser. 40. de Maria. *Hæc est stella matutina in medio nebula, quæ in cœli cardine, summo splendore coruscans, orbem subditum, splendidioribus radiis incolorat. ista est ista stella, quæ unicuique promittitur Apoc. 2. v. 28. Vincenti dabo stellam matutinam, quia omnes sancti in patria de plenitudine felicitatis Virginis participant.*


§. 10.
*Maria dulce
nomen.*

Robertus Rex Franciæ Anno 1022. hoc festo instituit Ordinem Equitum, quorum habitus in pectore præferebat stellam, præter aureum torquem, è quo gemmea stellica dependebat. Si tales mihi essent stellæ, offerrem meis Auditoribus, sed offero meliorem, stellam lucidissimam, stellam serenissimam, Virginem hodie natam, nomine Mariam, sive stellam maris. Cum suavissimum hoc nomen Maria, stellam tam lucidam, tam nobis utilem, significet, concionem hanc merito finio cum S. Bonav. *O celeberrimi nominis Maria! quomodo posset nomen tuum non esse celebre, quod etiam devote nominari non potest sine nominantis utilitate.* confirmat S. Bern. mellifluis verbis: *O magna, O pia, O multum amabilis Maria! tu nec nominari potes, quin accendas; nec cogitari quin recrees affectus diligentium te; tu nunquam sine dulcedine divinitus tibi insita pia memoriæ portas ingrederis.* hoc ego hodie præcipuè opto, ut dulcissimum hoc nomen, amorem tam formosæ Virginis in cordibus vestris accendat, id est, opto ut ametis Mariam.

§. 11.
*Optat Au-
ditorum*

Ex ore, oculis, & auribus B. Josci post mortem germinarunt quinque candidissima lilia, quorum foliis, aureis literis inscriptum fuit nomen Mariæ. Audivistis sine dubio alias de venustis-

nustissima arbore, quæ ex tumulo devoti servi B.V. excrevit, ^{corda, sine} ^{lilia, cum} ^{aureo no-} ^{mine, Ma-} ^{ria.} cujus omnia folia hoc nomine ornata fuerunt. Utinam talis arbor, vel talia lilia sint corda nostra, utinam in illis impressum gestemus. dulcissimum hoc nomen: ut aliquando in agone sit nobis stella maris, & ad portum æternæ salutis navem nostram salvis & integris mercibus feliciter dirigat, ne à blandis Sirenū cantibus incantetur sicque ad scopulum infelicitèr allidat & æternaliter pereat. Quod benigne hæc lucidissima stella suo nitidissimo fulgore avertat. Amen.



CONCIO LXXXII.

FESTO S. MATTHÆI APOSTOLI.

Non veni vocare justos, sed peccatores.

Matt. 9. cap. v. 13.

SYNOPSIS CONCIONIS.

Circa Divinam Misericordiam, explicantur aliquæ ejus circumstantiæ, v.g. Quis, cui &c. sit misericors.

- | | |
|--|---|
| §. 1. <i>Admiratio S. Augustini de Dei misericordia.</i> | <i>fugientem peccatorem.</i> |
| §. 2. <i>Cognitio circumstantiarum explicat essentiam alicujus rei. v.g. quis sit homo, cui Deus est misericors.</i> | §. 6. <i>Querela Christi Domini.</i> |
| §. 3. <i>Quis sit peccator.</i> | §. 7. <i>Pulcher locus de petra fundente aquas.</i> |
| §. 4. <i>Prosecutio.</i> | §. 8. <i>Cur Deus, vel Iesus peccator sit tam misericors.</i> |
| §. 5. <i>Misericordia insequitur</i> | §. 9. <i>Miseratio Dei nobis est indebita.</i> |
| | §. 10. <i>Epilogus.</i> |

§. 1.
Admiratio
S. Augusti-
ni de Dei
misericor-
dia.

Postquam S. Augustinus suavissima hæc Christi verba profundius considerasset, in has voces prorupit: (rogo si qui peccatores præsentés sunt, si qui Matthæi in telonio, ut benevolis & attentis auribus illas excipiant; ni fallor, præcipuè si cum Matthæo hodierna die converti vellent, peculiare ex illis haurient solatium, sentientque se moveri ad redamandum eum, qui tam misericors est erga peccatores) sic ait S. Aug. *Venit pius Deus, venit pro pietate & bonitate sua, venit quærere, & saluum facere, quod perierat, quæsit & invenit, & humeris suis reportavit ad caulas gregis. Pius Dominus & verè multum pius pastor. O caritas! O pietas! quis audivit talia? quis super tanta misericordia viscera, non obstupeſcat?* hæc viscera misericordiæ expertus est S. Matthæus; sedebat in telonio, in domo iniquitatis, usurarius, fraudum Magister; in hoc periculoso statu, prior ad ipsum venit pius Jesus. Venit, non propter merita publicani, sed pro infinita pietate, & bonitate sua. Periisset Matthæus, hæssisset inter spinas avaritiæ, præda infernalis lupi. sed venit bonus Pastor, quæsit & invenit errabundam oviculam, humeris illam imposuit, id est, reduxit Matthæum ad viam salutis. Pius Jesus, & verè multum pius Salvator; quis talia prodigia gratiæ, & misericordiæ, quod Deus creaturam, Jesus peccatorem accedat, cum illo manducet &c. non miretur? sed dixi bene, sunt prodigia misericordiæ! O mi Jesu, quia peccator sum, quia misericordia tua, & magna quidem indigeo, libenter de illa in concionibus meis ago. lata est materia. modo incipiam examinare ejus circumstantias, quis, cui, cur, quomodo, quando &c. sit misericors. Exordiar à cui, & cur. Spero &c. Si hoc faciatis, exclamabitis sine dubio, Jesus noster, misericordia nostra.

§. 2.
Cognitio
circum-
stantia-
rum expli-
cat essen-
tiam ali-
cujus rei,

Ad penetrandam rei alicujus essentiam & naturam, multum prodest cognoscere ejus circumstantias. v.g. qui meditari vult Myſteria passionis, ponderare debet, quis, pro quo, quænam, quare, quomodo, quo fine &c. patiatur his perspectis illuminatur intellectus, accenditur animus, movetur voluntas ad varios & nobiles virtutum actus atque affectus. Pari ratione, ut quis

quis modo, quo fieri potest comprehendat immensitatem misericordiæ Salvatoris, præcipuè erga peccatores, necesse est ut consideret, quis tam sit misericors, cui, quomodo &c. Circumstantiam cui, (quam modo sclegi) expendit regius psalter ps. 8. v. 5. *Quid est homo quod memor es eius?* ps. 143. v. 3. *Quid est homo quia innotuisti ei, aut filius hominis, quia reputas eum?* alii legunt: *quia apponis erga eum cor tuum.* Circumstantiam eandem ponderavit Job c. 14. v. 3. *Et dignum ducis super huiusmodi aperire oculos tuos?* Objectum est dignum admiratione! nam quid est hic homo, cuius memor est Dominus, quem reputat, erga quem cor apponit, super quem oculos aperit? sapientissimus Aristoteles apud Stobæum respondebit, *est imbecillitatis exemplum, temporis spoliū, fortuna ludus, mutationis imago, invidia & calamitatis trutina, catera pituita & bilis.* huius creaturæ memor est Dominus, hanc reputat &c. Quid est hic homo? sapientissimus Solon, apud Clem. Alexandrinum respondebit; *homo nihil est aliud, quam calamitas &c.* & tamen Optimus Deus erga illum apponit cor suum. *Quid est homo,* (querit S. Greg. Nyss. or. 7. de beatitudine.) *Si cum divina natura comparetur? cuiusnam sanctorum proferam vocem, per quam genus humanum extenuetur? secundum Abrahamum, terra & cinis, secundum Isaiam fœnum, secundum Davidem, ne fœnum quidem, sed fœno similis, secundum Ecclesiastem, Vanitas; secundum Paulum, miseria: nihilominus, homo qui cinis est, qui vanitas &c. in locum filii assumitur. O divitis Domini magnificam largitionem! O largam & uberem palmam! O magnam manum*

v.g. Passio-
nis.
Similiter
Misericor-
dia.
Cui mis-
ericors le-
sus illam
exhibeat,
Homini.
Quid sit ho-
mo.

Sed inquires, hic homo Dei manibus formatus est; ita, sed diaboli manu destructus! hic homo, imago Dei est, sed per peccatorum corrupta & deturpata! Anima huius hominis est gemma preciosa. sed jacet sepulta in luto. hic homo est veluti Rex & Dominus in mundo; sed perfidus suo creatori. Est paterfamilias; sed prodigus & infidelis. Serviunt illi omnes creaturæ; sed ipse servus est suarum passionum, mancipium dæmonis! Homo nobilior est sole, luna, stellis, homo pollet memoria, intellectu, voluntate, verbo, est nobilissima creatura. Verbo elevabo omnia; sed est, peccator.

§. 2.
Quid sit
peccator.

Quid

§ 4. *Prosecutio.* Quid est esse peccatorem, sive, reum peccati mortalis? Peccator, est servus diaboli, est rebellis & proditor divinæ Majestatis, qui quovis momento meretur detrudi in infernum. Peccator, est inimicus & hostis Dei, est homicida Dei, contra quem omnes creaturæ clamant vindictam. Peccator est reus sanguinis, mortis & crucis Christi. &c. Nihilominus (in hoc consistit infinita Dei & Jesu Christi bonitas & misericordia) erga hanc creaturam divina bonitas apponit cor suum, hanc reputat &c. de hoc peccatore jurat per Ezech. cap. 33. v. 11. *Vivo ego dicit Dominus, quia nolo mortem peccatoris, sed magis ut convertatur & vivat.* S. Hier. hic: *Iurare se dicit, ut si non credimus promittenti Deo, credamus saltem pro salute nostra juranti.* bene hic exclamat S. Bernardus. *Mira Dei quærentis dignatio, magna dignitas quasiti.* v.g. creator amat creaturam! hæc est infinitas misericordiæ, ditissimus pauperem, (ut ante.) Omnipotens debilem! (ut ante;) infinitus, finitum! hæc est immensitas misericordiæ! est pulcher locus.

§ 5. *Misericordia infu-
gitur fugientem
peccatorem* Later aliud in hac circumstantia cui, quod immensitatem misericordiæ Salvatoris erga impium magnopere declarat, & extollit. nam peccator, cui Deus misericordiam suam offert, plerumque, sæpe saltem, illam respuit, & vocanti Deo ad gratiam, ad pœnitentiam in faciem resistit. neque tum tamen misericordia cessat instare, pulsare, & subsequi fugientem peccatorem. Pulcrum exemplum reluctantis animæ nobis proponit c. 4. S. Joannes: fatigatus Jesus ex itinere, juxta Samariam, consedit ad fontem; petrexere Apostoli in urbem ad afferenda necessaria; dispositione divinæ providentiæ eodem tempore ex urbe egreditur mulier Samaritana haustura aquam. Placuit illa, licet peccatrix, licet impura &c. suavissimis oculis Christi, ergo, rete expandit, ut illam capiat, ut trahat ad cognitionem Messia; verum quantum illa resistit. Petit v. 10. ab illa Jesus humanissimis verbis haustum aquæ, *mulier da mihi bibere;* negat illa, se id officii posse præstare Judæo. Inhumana muliercula, speciosissimo inter filios hominum negat haustum aquæ; ille nihilominus ipsi offert fontem salientem in vitam æter-

æternam: propterea, Samaritana illum arguit arrogantia, quod se majorem faciat, quàm fuerit Jacob. Instat Dominus, promittit illi aquam vivam, quæ sedat sitim; renuit, rejicit, contradicit domino, mentionem faciens sui mariti. Cessatne fortassis bonus Jesus, quin reluctanti fœminæ ulterius insidias, sed salutarestruat? non cessat, paucis verbis ipsam convincit mendacii; fateri cogitur se non esse conjugatam, sed fornicariam, dicente Domino, clarè, v. 18. *hic non est maritus tuus*. cogitur advertere latere in viro illo aliquid divinum, neque tamen dat manus, conatur evadere, injicit quæstionem de loco veri sacrificii, innuit se sperare adventum Messia; respondit Jesus suavissime, v. 27. *Ego sum qui & loquor tecum*. quæ verba, tandem aperuerunt oculos mulierculæ, expugnarunt duritiem cordis, ut cucurrerit ad urbem, nuntiaritque incolis adesse Messiam. Luceat hic mihi exclamare cum S. Greg. l. 28. mor. *Quantum nos diligit! qui nos, ne cum respuitur, relinquit*. Verè Auditores, sæpe & nos sumus filii hujus mulieris Samaritanæ; hæremus in statu peccati, sumus hostes Dei &c. nihilominus Christus D. nos insequitur, instat, urget, obtrudit quasi suam misericordiam, & tamen resistimus, reluctamur, respuimus gratiam.

De hoc conqueritur per Isa. c. 65. v. 2. *tota die expandi manus meas* (præcipuè affixus cruci) *sed ad populum incredulum, & contradicentem*. §. 6.
querela
Christi &c. Benedictus Justinianus in c. 2. ad Rom. pulcre explicat, quid sit expandere manus. 1. extendere manus, est opitulantis more præsto esse, & misero atque afflicto opem ferre. 2. manus extendit, qui liberales eleemosynas distribuit inter pauperes. Prov. 30. v. 20. *Manum suam aperuit inopi, & palmas suas extendit ad pauperem*. 3. (S. Hier. in Is.) *significant expansa manus, & parentis clementiam, suos filios in sinum recipere gestientis*. (est pulcher locus) hæc omnia exhibet Jesus peccatori. 1. præsto est miserabili peccatori offert opem. 2. est liberalissimus, manus habet tornatiles, offert sanguinem &c. 3. pater est, gestit peccatores recipere in sinum cordis. Sed eheu! quot sunt increduli? quot contradicunt, quot resistunt? dicere licet, quantum diligit, qui ne cum respuitur, miseros peccatores relinquit.

S. 7.
Pulcor lo-
cus de pe-
tra funden-
te aquas.

Notum est, S. Paulum 1. Cor. 10. v. 4. appellare Christum Dominum, petram; *petra autem erat Christus*; habuit S. Apostolus præ oculis prodigiola petram, quæ Numer. 20. baculo à Moyse percussa, crySTALLINAS effudit lymphas pro solatio sitientis populi; imò licet post ingens beneficium ingrati Israelitæ paulò post contra Deum murmurarint, tamen ingenti miraculo, hæc petra, hic saxeus fons populum fuit secutus per desertum. & (inquit cit. Apost. eod. v.) *bibebant omnes de consequente eos petra, petra autem erat Christus*. S. Hier. Ubique, figebant tentoria, volvebatur petra in medio castrorum, nullo horum impellente, emittens largissimos rivulos, in satietatem populi & jumentorum. O jucundum spectaculum! sed aliud æque volupe spectate Auditores, eia peccatores erigite oculos, aspiciate Jesum crucifixum, ipse est hæc prodigiosa & prodiga petra. vos percutitis! virgæ ferreæ sunt peccata vestra. vos clavis & spinis confoditis! Clavi & spinæ sunt linguæ vestræ, blasphemæ, maledicæ, scurriles. Vos lancea foditis! lancea est maligna voluntas. vos Jesum, in cruce vulneratis; nihilominus vobis largiter fundit, non tantum aquas gratiarum, non tantum lacrymas, sed sanguinem, toto corpore, ex omnibus vulneribus, præcipuè ex quinque fontibus, in manibus, pedibus, & ipso corde. Ex his vobis bibere licet. quot nihilominus murmurant? quot ingrati! plus ergo facit hæc petra, sive misericordia Jesu crucifixi, sequitur, insequitur peccatorem &c. quis non iterum cum S. Bernardo exclamet ser. 83. in Cant. *Domine quis similis tui? quis non stupeat caritatem Dei spreti, & revocantis.* vel cum S. Greg. hom. 23. in Evang. super illud Jer. 3. *tu autem fornicata & cum amatoribus multis, tamen revertere ad me, & ego suscipiam te. te adulteram, te perfidam &c.* -- *Pensate fratres pondus tantæ pietatis, ecce vocat, quos ingratos denuntiat.* Jesus autem misericors est peccatori, ob delicias quas ex conversione ejus percipit. Christus auceps est. itane? cur ergo non contentus est avibus paradisiacis, id est Angelis? quid quærit corvos &c. R. D. Hugo Card. in Prov. *Potius sunt ei delicia in filiis hominum, quàm in Angelis quia in his quæ aucupio aut venatione*

tionem capiuntur, fiunt delicia, non autem de domesticis. Angeli autem ad domesticas res pertinent, homines verò venatione predicationis, & aucupio crucis cepit. (est pulcher locus) hic suspiro cum Origine hom. 18. in Num. Vinam & me captivum habeat semper Christus Iesus, & me ducat in pradam suam, & ego tenear ejus vinculis alligatus, & ego dici merear, Vincetus Iesu Christi, sicut Paulus de semetipso gloriatur. Colligere ex hoc primo puncto facile potestis, cui, bonus Iesus sit tam misericors.

Sed cur illi est tam misericors? oriturne inde Deo aliquod commodum vel utilitas? dependetne inde, ut Deus sit Deus, ut immensus, ut bonus &c. additurne ideo divinæ essentiae aliqua perfectio? obstringiturne ad hoc aliquo titulo vel lege iustitiæ? Nihil horum; etsi cum Adamo omnes omnino mortales detruderentur ad inferos, (est pulcher locus) tamen esset Deus, immensus &c. Unicum ergo motivum, quod Deum & Jesum Christum ac nunc amorem erga peccatorem movet, est ipsa bonitas & misericordia. Suavissimè S. Paulus. Ephes. 2. v. 4. *Eramus natura filii iræ, Deus autem qui dives est in misericordia, propter nimiam caritatem suam, qua dilexit nos; & cum essemus mortui peccatis, convivificavit nos in Christo, cujus gratia estis salvati, ut ostenderet in saeculis supervenientibus abundantes divitias gratiæ suæ, in bonitate super nos, in Christo Iesu.* Eia peccatores, ad Jesum confugite, illum amate, dolete quod unquam offenderitis, ex toto corde, & bonitas super vos; divitiæ gratiæ super vos! misericordia super vos! salus super vos! sed omnia, in Christo, & per Christum, quia ipse bonus est, & misericordia ejus usque in æternum. Si doletis de peccatis, ejus gratia, non vestris meritis doletis! si gemitis! ejus gratia gemitis &c. (est locus pro pulcra inductione.)

Agnovit S. Bern. l. 1. de adv. *Profecto misericordia Dei est, quod non sumus consumpti. qui nos? nos perjuri, nos adulteri, nos homicidæ, nos raptores &c. Consulite conscientias vestras fratres, & videbitis, quia ubi abundavit delictum, superabundavit & gratia & misericordia; hæc motivum est, quod nobis Christus parcat &c. itaque Confitemini Domino, quia super omnia misericordia*

§. 8.

Cur Deus
vel Iesus
peccatori
sit tam mi-
sericors &

§. 9.

Miseratio
Dei nobis
est indebi-
ta.

ejus. Dicite cum S. Bern. ser. de 4dr. debito. O quam indebita misseratio! quàm gratuita, & sic probata dilectio! (latent pulchra emphases) quàm inopinata dignatio! quàm stupenda dulcedo! quàm invicta mansuetudo! Dicat quivis cum Gilibert. Abb. ser. 20. in Cant. O me impudentem & ingratum, si non ego te diligam-tanta circa me astrictum compassione-necessitate non obnoxium, sed pietate obnoxium. hic immergor pelago suavissimæ materiæ, emergere, pergere ultra non possum.

Finio itaque cum eodem Abbate: Diligam te dulcis Domine, ut tuo satisfaciam desiderio. ideo enim tu es misericors, ex misericordia, peccatori, quia vis ut amet te.



CONCIO LXXXIII.

FESTO S. MICHAELIS ARCHANGELI.

Angeli eorum semper vident faciem Patris mei qui in coelis est.

Matt. 18. cap. v. 20.

SYNOPSIS CONCIONIS.

NEcit coronam quatuor decadum, ex diversissimis sanctorum Angelorum erga nos beneficiis, & officiis, veluti rosis, aut gemmis.

§. 1. Sollicitudo Dei circa hominē.

§. 2. Ingressus in concionem.

§. 3. Prima Decas.

§. 4. Altera Decas.

§. 5. Tertia Decas.

§. 6. Quarta Decas.

§. 1.
Sollicitudo
Dei circa
hominem.

QUæstionem Jobi c. 7. v. 17. *Quid est homo, quia magnificas eum; aut quid apponis erga eum cor tuum.* bene explicuit S. Bern. ser. 12. in ps. 90. *Apponis erga eum cor tuum; geris pro eo sollicitudinem, curam illius habes (nimirum in hoc)*

En mi.

En mittis unigenitum tuum; immittis Spir. S. Promittis etiam vultum tuum. Et ne quid in cælestibus vacet ab opera sollicitudinis nostra, beatos illos spiritus propter nos mittis in ministerium; custodia deputas nostra; nostros jubes fieri pedagogos. Magnitudinem hujus beneficii agnovit S. Bonav. ser. in f. S. Mich. *Magna pietatis & benignitatis indicium est, deputare tales Ministros humana fragilitati sine quibus nullo modo esset tuta.* Quod cap. 3. v. 7. Cant. liberaliter asserit de lectulo Salomonis, *En lectulum Salomonis sexaginta fortes ambiunt, ex fortissimis Israel;* nos dicere possumus de humano genere; *En innumerabiles è cælo genii ambiunt; & qui sunt fortes illi? sive quæ est illa regia custodia?* R. S. Athanasius in l. quæst. 122. *Fortes hi angeli Dei sunt.* In eo autem quod lectum circumstant intelligi datur eximia eorum cura, & vigilantia qua nobis dormientibus illi excubant. Dum Princeps vel generalis exercitus se dat quieti, ante fores palatii vel tentorii miles pervigil excubias agit. Nos sumus illi reges, nobis bonus Deus has constituit excubias &c. Quanta hæc angelorum custodum erga nos sit cura, ex diversis eorum officiis & beneficiis intelligemus, quæ hujus concionis erunt objectum.

Ex diversissimis officiis angelorum erga genus humanum, & innumerabilibus beneficiis, quæ nobis exhibent, & exhibuerunt hætenus, cogito auream, vel roseam & floridamnectere S. 2.
Ingressus
in concionem. coronam, veluti ex totidem gemmis, aut pulcerrimis flosculis; ut illam angelis nostris custodibus, eorumque Principi & Duci, S. Archangelo Michaeli, cum demississimo affectu offeram & præsentem. selegi pro corona hujus concionis rosas & gemmas quadraginta, quas in quatuor composui decades, ut jucunda & amœna varietas, sed brevis, vos recreet & oblectet.

Angeli custodes, frequenter fuerunt Musici. Cum tortores immaniter sævirêt in corpus S. Martinæ Virginis, astiterunt illi quatuor cælestes genii, qui cum eadem suavissimè Dei laudes concinuerunt. Cum in Anglia, consecrata fuit Ecclesia in honorem Apostol. Principis S. Petri, chori Musici Præfæci fuerunt S. Angeli. Idem, animam S. Priscæ V. & M. cum suavissima melodia deduxerunt ad cœlû. Dum S. Conon M. inter dirissima.

S. 3.
Prima Domini
cas.

I.

- tormenta præ gaudio jubilet, & in dulcem erumperet cantum, voci illius, vocem cœlestem, omnibus audientibus miscuit angelus custos. S. Onuphrio, mortuo in eremo, tristem, sed suavem lessum accinuere angelici Spiritus. Angeli custodes, sunt Nuntii; præsertim ut ægris, & infirmis annuntient instantem diem obitus. S. Maximo agro, apparens angelus dixit, *Maxime! Maxime! & ipse: Quis es tu? cui Angelus. Ego sum angelus Domini; noli timere: crastina die videbis S. Michaellem, cum choro Angelorum ad te venientem, ut te suscipiat in paradysum.* Sanctum Ceaddam Episcopum in Anglia, septem continuis diebus ante mortem, angeli, suavissimis verbis ad cœlestia gaudia illum invitarunt.
3. Angeli custodes sunt nostri Magistri, & instructores; præsertim in arduis mysteriis fidei nostræ. Cum Gerhardus Cluniacensis sub sacrificio missæ videret selectissimæ pulcritudinis parvulum; & ad latus altaris, astantem formosissimam Virginem de parvulo valde sollicitam; vidit quoq; speciosissimum angelum, qui illi dixit; *Hic parvulus, quem præ oculis habes, cœlum & terram regit.*
4. Sunt ductores viarum. Stellam quæ Magos deduxit ad præsepium, angelus direxit. Idem illos monuit, ut per aliam viam reverterentur in regionem suam; ita eluserunt insidias Herodis. Ex nobis præsentibus non deerunt, qui testabuntur, se angelorum Tutelarium ope, & opera, in viis arduis, è gravissimis periculis fuisse liberatos.
5. Sunt Ministri, Sacerdotibus litantibus ad aram. S. Andreas Carmelita, Episcopus Fesulanus, cum primitias celebravit, cœtus illi astitit angelicus. S. Xisto Summo Pontifici, dicenti ad populum, *Dominus Vobiscum*, ipsi responderunt. *Et cum spiritu tuo.* Romæ in æde S. Mariæ Majoris, sub sacro, quod Christus D. celebravit, S. Henrico Imperatori, sancti angeli attulerunt librum ad osculum pacis.
6. Sunt visitatores carcerum ad solatium captivorum: præsertim SS. Martyrum; vel è vinculis liberando, ut S. Petrum, vel consolando.
7. Sunt Argonautæ. Cum S. Raymundus ex ordine

dine S. Dominici, à nautis rejectus fuit à navi, novus nauta, nova vela, mari suspendit, pallium suum, & aspirante cœlesti aura, intra sex horas centum sexaginta milliaria per mare mediterraneum feliciter emensus fuit. Navim, velum, pallium, S. Raymundum duxit & deduxit angelus ejus custos. In navi, in qua fugit S. Basilides, Christus Dominus sedit ad clavum, angeli functi fuerunt officio remigum. Fugerant duo Christiani ex captivitate barbarorum, cum pervenere ad litus maris, à duobus juvenibus incitati fuerunt ad parvam cymbam, in qua postquam deducti fuerunt ad locum tutum, angeli cum cymba ex oculis eorum evanuerunt.

Officium angelorum Tutelarium est, ut clientes suos mane excitent ad consuetas preces. Joannes Carrera eam cum suo angelo inierat familiaritatem, ut quotidie hic favor illi exhiberetur. Cum res dubia illi occurreret, ad tutelarem angelum, veluti Consiliarium confugiebat, & felici successu; eodem eventui id multi alii tentarunt. Eo se frequenter demisit angelorum caritas, ut Vespillonum officium in se susceperint. In obitu S. Laurentii Justiniani Patriarchæ Veneti; cum corpus terræ mandaretur, angeli cecinerunt requiem, alii, thus & thuribulum detulerunt. Defunctis quibusdam anachoretis in eremo, ipsi præpararunt sepulcrum. Sancto Hildephonso recluserunt tumbam S. Leocadiæ. Funus S. Georgiæ Virginis profecuti sunt, in specie nitidissimarum columbarum; ut similia multa præteream; puto vos advertere me jam absolvisse primam decadem; ecce decem rosas, ecce decem gemmas; ecce decem angelorum officia & beneficia. Sunt Musici, sunt Nuntii mortis, Magistri & Instructores; Ductores viarum, Ministri missæ, sunt Visitatores & Consolatores captivorum, Nautæ, Excitatores, Consiliarji & Vespillones.

Aggredior itaque alteram decadem. Tutelares angeli,
 1. sunt nostri adjutores in spiritali prælio, contra animarum
 nostrarum hostes. S. Theodosius Abbas de se narrat, & ait; in
 ecstasi astitit mihi juvenis formosus, qui manu me apprehen-
 dens dixit, Veni in arenam, dimicandum est tibi. Introductus
 fui in

8.

9.

10.

§. 4.

Alteri De-
ca.

fui in ingens theatrum; ex illo vidi, ex una parte ingentem multitudinem hominum, qui albis vestibus erant induti; ab altera parte, vidi milites innumerabiles in vestibus nigris; ex quorum numero prodiit terribilis gigas, cujus vertex, ipsas nubes videbatur penetrare, & dixit ad me Angelus Socius; *Theodosi, hoc cum Antagonista tibi pugnandum est; cum timerem, & trepidarem, cum dicerem, Quis cum ejusmodi adversario confligere presumat? imo, respondit, pugnare te volo, & jubeo; prestosis; succurram tibi, & confecto praelio, diademate te coronabo. Ut primum certamen auspiciatus fui, Vici: evanuit monstrum, & universa atratorum multitudo.*

2. Angeli custodes sunt instructores viarum. Vix sine lacrymis legitur historia, de Maximiliano I. Imperatore, in qua montium juga & præcipitia in Tyroli, illum deduxerit venerationis ardor. Cum desperata essent omnia, cum à longe aspiceret Venerabilem Eucharistiam, & ita ad mortem se disposeret infelix juvenis, audiit non procul à se strepitum; & circumspiciens vidit, erectæ per rupis costam, juvenem quendam ignotum, habitu rusticum, dimovere ingentia saxa, & viam parare. Idem Juvenis mox Principem per horrenda præcipitia reduxit ad suos.

3. Ne miremini sanctos Angelos sæpius functos esse officio factorum. S. Claram ex ordine S. Dominici quotidie sexaginta Angeli detulerunt in cælum, ibique coram Christo & B. Virgine, veste summi precii, gemmisque distincta induerunt. S. Bonitus, cum nocte à B. Virgine jussus fuisset celebrare, Angelos non tantum habuit ministros, sed candida veste ab eisdem fuit indutus. Sicut & S. Sebastianus, chlamyde anrea, & purpureo baltheo succinctus.

4. Vicarios egere in choro, cum frequenter cum viris sanctis psalmos alternatim concinuerunt. 5. Sacerdotes, cum in necessitate constitutis cœlestem attulerunt cibum. 6. Imò, coquos & pincernas. Christo D. straverunt mensam in deserto. S. Mutio singulis diebus Dominicis Angelus Custos præparavit mensam, cum per reliquos dies maneret impransus.

Sanctis

Sanctis Terentio, Aphricano & sociis angelus mensam appo-
suit dicens, ut cibo illo, quem Christus miserat, exhausta mem-
bra reficerent. Cum B. Michaël Magottus diutius hæreret in
templo, domum redux reperit cibos, præparatos ab Angelis.
7. Sunt quoque Medici; cum plurimis optatam restituerint sa-
nitatem; S. Rochus, læsus sagitta, ab illis fuit sanatus. 8. Sunt
defensores Virginum, præcipuè illarum, quæ heroicè thesau-
rum Virginitatis suæ propugnarunt. S. Agnetem Spoliata ve-
stibus, divina luce armarunt, & veste cœlesti ornarunt. S. Lu-
ciam fecerunt immobilem. S. Thomam Aquinatem cœlesti
cingulo præcinxerunt. 9. Paranympi & desponsatores Vir-
ginum; cum vox de cœlo invitasset S. Aldegundem, ut Agno
Christo desponsaretur, angeli arrhæ loco illi obtulerunt niti-
dissimam vestem. S. Hermannus dixit angelus in præsentia Vir-
ginis Mariæ; *oportet hanc illustrissimam puellam tibi desponderi*; &
apprehensam manum, cum dextera Virginis copulando ait,
Hanc ego Virginem tibi tradosponsam. Sunt 10. vigiles custodes
Deo dicatarum ædium; Monasterium, in quo vixit S. Gertru-
dis; angeli scuta scutis conjungentes, dies, noctesque texerunt.
Advertitis? jam alias vobis exposui rosas vel gemmas pro altera
decade; Sunt adjutores in prælio, sunt instructores viarum, sunt
factores, sunt vicarii, sunt sacerdotes, sunt coqui & pincernæ,
medici, defensores Virginum, illarum paranympi & despon-
satores, & vigiles excubitores pro custodia sacrarum ædium.

Exordior itaque decadem tertiam. 1. Fuerunt agricolæ; ^{S. r.} cum enim S. Isidorus iret ad audienda sacra in templum, ipsi ^{Tertia De-}
interim in agris duxerunt aratrum. 2. Fuerunt hortulani, per ^{cas,}
quos S. Dorothea è paradiso Theophilo misit pulcerrimos flo-
res, & suavissimos fructus. 3. Sunt monitores ad peragendam
confessionem, expertus id fuit septuagenarius rusticus, semel
per omnem vitam confessus. Monitus frequenter, restitit, do-
nec in via obvium habuit juvenem, qui ex eo quæsit, Num
vellet confiteri, an non? cum responderet, cras, modo se occu-
patum, dixit adolescens, nisi facis actutum, quod jubeo, ecce in
lacunam hanc præcipitem te ago. Percussus lenex in clamato

nomine Jesu confessionem promisit. Dum sine illa domum redit, eodem loco, in eandem cloacam à peregrino juvene perturbatus fuit; sed mox timore percussus porrecta manu extraxit, & ad sacrum pœnitentiæ tribunal deduxit. 4. Fuerunt frequenter Infirmarii, ægrotis cum magna caritate inservientes. 5. servi & bajuli facum. S. Francisæ Romanæ in tenebris oranti, assistere solitus fuit angelus custos, tam illustri facie, ut ad ejus splendorem minutissimos characteres legere posset. Venerabile sacramentum sæpius comitati sunt cum facibus. Cum B. Maria Ogniacensis nocte iret ad templum B. V. Angeli prætulerunt lumen. 6. sunt promotores devotionis erga Christi D. Passionem ideo S. Ludvvinæ lectulum ante communionem circumdederunt gestantes arma Passionis. B. Agneti de monte Politiano attulerunt terram de monte Calvariæ, irrigatam sanguine Christi. 7. sunt solliciti advocati pro animabus in purgatorio. Eidem B. Agneti ostenderunt illi ardentibus inflammis, ut ardentior esset ejus devotio. 8. Instructores concionatorum. 9. sunt milites, ut patet ex innumeris historiis, in quibus Christiani ope SS. Angelorum contra barbaros nobilissimas obtinuerunt victorias. (videri possunt libri Machab.) 10. Notum est, eosdem esse nostros disertissimos advocatos in cœlis. Absolvi decadem tertiam, sunt agricola &c.

§. 6.
Dici-
quarta.

Restat quarta. 1. sunt præsides fontium. Cum Ismael filius Agarisi præfuit expiraret, angelus sub arbore excitavit fontem. Cum baptizari deberet Pelagia, jam magnis torta tormentis, ante pedes Clinonis Episcopi, angelus ejus Tutelaris ex rupe eduxit fontem. 2. Præfecti carcerum, ex quibus pios captivos frequentissime liberarunt. 3. scribæ: cum electorum nomina aureis literis Libro Vitæ sunt inscribenda. 4. Pictores; dum novissimorum vivas species & imagines in clientum cordibus depingunt. 5. Induunt personas mendicorum, ut è divitum manibus extorqueant eleemosynas. Talem mendicum ad suam mensam admiserat S. Jvo, qui mox conversus fuit in lucidissimum angelum. 6. Libentissimè funguntur officio sacristanorum. S. Homobono nocte accedenti ad Ecclesiam ipsi

ape-

aperuerunt fores. Idem sanctus frequenter in templo vidit illos assistentes altari, cum aureis thuribulis. Cum Mediolani sacerdos celebraret ante imaginem B. Virginis, velo tectum, angeli illud removerunt. S. Constantinus M. tres æneas iussit erigi cruces, quibus separatim has voces inscripsit: JESUS. CHRISTUS. VINCIT. Multa hic patrata miracula, inter alia, ter quot annis intempesta nocte, de cœlis descendit angelus, ingenti splendore, qui cruces circumiens, cum suavissimo suffitu, Trisagion, sanctus, sanctus, sanctus! suavissimè decantavit. O cœlestes sacristanos.

7. Sunt ephœbi B. Virginis; ad majus solatium mortaliū; quoties ferme illa in historiis legitur apparuisse, vel magnos favores exhibuisse suis clientibus, id fecit in comitatu angelorum. Testis est S. Franciscus Seraphicus cum in sacello angelorum Assisiis à B. Virgine cœlestes accepit rosas, testes indulgentiarum, à Christo D. concessarum. Prætereo innumeras historias. 8. sunt Victores dæmonum, à quibus clientes tentantur. Inimūo tantum innumera illorum beneficia. 9. Gaudent, cum veluti locii, suos clientes comitantur ad S. Synaxin. S. Ludgardis visa fuit illam accedere, stipata integris choris angelorum. 10. Addo denique, fuisse frequenter Consolatores Martyrum, in diversissimis tormentis, diversissimis modis; quod illorum officium & beneficium innumeræ de SS. Martyribus Historiæ satis eloqui non possunt. Ex quibus omnibus facile colligemus, 1. quam SS. Angelorum indigeamus custodia. 2. Quem illis debeamus amorem, & devotionem.

Sunt nostri comites, sunt custodes &c.



CONCIO LXXXIV.

FESTO SS. APOSTOLOR. SIMONIS
& JUDÆ.*Hoc mando vobis, ut diligatis invicem.*

Joan. 15. cap. v. 17.

SYNOPSIS CONCIONIS.

QUàm seriò Christus Dominus nobis præceperit dilectionem proximi; quænam præcipua hujus virtutis opera; quamque nobis sit necessaria & utilis.

§. 1. *Caritas Dei, & dilectio proximi, sunt dua ala.*

§. 2. *Suprema verba parentum, filiorum mentibus altum solent inherere.*

§. 3. *Ideo Christus suis Apostolis in ultima cæna tam serio commendavit hanc caritatem.*

§. 4. *Prosecutio.*

§. 5. *Caritas est regalis purpura.*

§. 6. *Quare Christus Dominus caritatem vocaverit suum mandatum.*

§. 7. *Si à Christo Domino volu-*

mus diligere, debemus diligere proximum.

§. 8. *SS. Simon & Iudas fuerunt eximii in hac dilectione.*

§. 9. *Invigilat Christus Dominus, an hoc præceptum observemus.*

§. 10. *Quanam sint opera dilectionis.*

§. 11. *Alia ex S. Augustino.*

§. 12. *Caritas hac requirit cor unum, & animam unam.*

§. 13. *Similitudo.*

§. 14. *Epilogus.*

§. 1.
*Caritas
Dei & pro-
ximi sunt
bina ala.*

IUcundum nostris oculis spectaculum esse solet, elevare illos in aëra, & aspicere volatum avium. Videre, verbi gratia, accipitrem, altissimo volatu gyrantem se in aëre, ut insidietur co-

tur columbæ; vel aliquam aquilam librantem se in altissimos montes; vel hirundines & alaudas tenuibus plumis, rumpentes tamen & scindentes cæruleum æquor æris. Videtur Salomon hoc avium volatu fuisse delectatus, cum dixit Prov. 30. v. 18. *Tria sunt difficilia mihi.* Inter illa fuit via aquilæ. Instrumenta verò quæ naturæ auctor illis dedit, quorum opera, terram, arbores, montes deserunt, & altius in aëra se librant & sublevant, alia non sunt, quàm binæ alæ ex plumis, quibus grandis etiam aquila ad solem usque in altum sese elevat. Jucundius Deo & Angelis ejus est spectaculum, si videant cor hominis, quod tot vinculis à terra detinetur, si inquam videant, quod illis ruptis, mundum, vana, terrena deserat, & liberum volet, in altum ad cœlestia; non aliis instrumentis, quàm duplici ala, duplicis caritatis, erga Deum & proximum. Hujus mentis ante me fuit S. Augustinus, nam in ps. 121 ait; *Caritas tanquam extentis pen- nis, & duabus alis, id est, duobus præceptis dilectionis Dei & proximi volat, & D. Greg. l. 7. ep. 3. Penna singula, sive ala, sunt caritas Dei & proximi, per ipsas sancta Ecclesia evolat, per ipsas terrena omnia transcendit.* Loquuntur hi sancti Patres de tam eximia virtute, veluti de aliqua aquila, vel Pelicano, vel Phœnice. Ob eximiam & infinitam hanc caritatem grandis aquila, liberalis Pelicanus (dat enim sanguinem) & ardens Phœnix fuit Christus Salvator noster. Tales deinde aquilæ, tales Pelicani, tales phœnices fuerunt gloriosi ejus Apostoli, inter illos Simon & Judas, quorum hodie festum celebramus; bene habet, cogitemus nos esse pullos harum aquilarum: provocant nos ad volandum. Sumus pulli illius pelicani, qui suo sanguine nos pascit. Conemur & nos corda nostra cum illis elevare in altum; sed simus memores duplici ala nobis opus esse, caritate Dei & proximi, de illa ago alias, de posteriori hac concione dicam duo; primò: quàm serio Christus Dominus dilectionem proximi nobis præceperit; Secundò quænam sint opera hujus dilectionis, miscebo subinde aliqua de necessitate & utilitate hujus dilectionis.

§ 2.
Suprema
verba pa-
rentum fi-
liorum
mentibus
altum so-
lent inha-
rere.

Paterne, suaviter, sed serio Christus Salvator noster mandatum hoc dilectionis proximi nobis commendavit. Solent pii parentes, cum jacent in agone, vocare ad se filios suos, illis benedicere, bonis præceptis instruere, & ultimis ferè verbis id commendare, quod maximè desiderant. c. 48. & 49. Genesis; legere potestis quo affectu id fecerit moriens Jacob erga Joseph, reliquos filios, & nepotes. Senior Tobias, in hora mortis suæ vocavit ad se Tobiam filium suum, & septem Juvenes filios ejus, nepotes suos, dixitque eis c. 14. v. 10. *Audite filii patrem vestrum, servite Domino in veritate, & inquirete ut faciatis quæ placita sunt illi.* Non lubet mihi modo proferre profanas historias. Et boni filii, solent ultimorum verborum parentum diu meminisse, solent dicere, in hora mortis meus Pater hoc mihi mandavit: Cum amantissima mea mater ultimos traheret spiritus, ex morientis ore hæc verba excepi; his ultimò me fuit allocuta & tales filii simul sibi persuadent, peculiari titulo se obligari, ut ultimæ parentum voluntati satisfaciant.

§ 3.
Ideo Chri-
stus Domi-
nus suis
Apostolis
tam ser-
vo commenda-
vit cari-
tatem.

Ex Evangeliiis scimus Christum Salvatorem nostrum suis discipulis & auditoribus frequentissimè commendasse mandatum, dilectionis proximi. Euthymius. Frequenter Christus talia dixit. (*nimirum diliges proximum tuum; hac mando vobis ut diligatis invicem; præceptum primum est ut ametis Deum, secundum simile huic, ut diligatis proximum*) ut cordibus discipulorum caritatem indelebiter insculperet. Sed nunquã affectuosius, suavius id fecit, quàm postquam discessurus ex hoc mundo instituisset sanctissimum sacramentum Eucharistiæ, quasi in hora mortis suæ, in ultimo cum Apostolis colloquio, in suprema valedictione Joan. 15. v. 12. dixit: *Hoc est præceptum meum ut diligatis invicem, sicut dilexi vos, hac mando vobis ut diligatis invicem. Mementote sermonis mei, quem ego dixi vobis.* Deinde sublevatis in cælum oculis, in ferventissima oratione, inter ardentes preces dixit: Joan. 17. v. 11. *Pater sancte serva in nomine tuo, quos dedisti mihi, ut sint unum, sicut & nos. - ut omnes unum fiat, sicut tu Pater in me, & ego in te, ut & ipsi in nobis unum sint.* Videtur hæc orando ad Patrem simul obtestari discipulos & Apostolos per altis-
simum

simum mysterium sanctissimæ Trinitatis, per illum amorem & unionem, quæ est inter tres Personas, Patrem, Filium, & spiritum Sanctum, ut se invicem diligant, & unum inter se sint. Denique obtestationem hanc ad Apostolos, & simul orationem ad Patrem suum finit suavissimis illis verbis, v. 26. ejusd. cap. *Ut dilectio, qua dilexisti me, in ipsis sit, & ego in ipsis.* Hæc Christus Dominus dixit discessurus ex hoc mundo, in hora mortis: Cum nos simus filii amantiissimi hujus Patris, æquum est primò, ut ultimæ hujus valedictionis simus memores. Secundò; ut laboremus satisfacere ultimæ Christi morientis voluntati, diligendo proximum, ex intimo corde. Ut in honorem sanctissimæ Trinitatis simus unum in Christiana dilectione.

Quam serio velit, Christus Dominus, ut nos invicem diligamus, colligunt sancti Patres ex illis ejus verbis Joan. 13. v. 35. *In hoc cognoscent omnes quia discipuli mei estis, si dilectionem habueritis ad invicem.* Super quæ verba S. Chrys. ait hom. 71. *Dilectionis ejus signo notat quoniam vel hac maxime sanctorum hominum est indicium.* De hoc indicio dixit sponsa in Cant. c. 2. v. 4. *Ordinavit in me caritatem.* in hebraico habetur, *Vexillum ejus super me caritas.* quasi diceret sponsa, sequor vexillum mei sponsi. Ut sensum intelligamus advertere oportet, quod ex vexillis agnoscantur milites, cui militent Imperatori. Vexillum cum aquila præfertur militibus Imperatoris; lilia in vexillis, Gallis; leones Hispanis, Luna Turcis; sic de aliis populis. Sponsæ suæ ait sponsus, sive Christus Dominus Ecclesiæ, *pulchra es amica mea* (Cant. 6. v. 3.) *suavis & decora sicut Ierusalem, terribilis ut castrorum acies ordinata.* Vexillum est caritas; in hoc cognoscunt omnes nos esse milites Christianos, si dilectionem habuerimus ad invicem.

Pulcro id simili declarat S. Chrysost. hom. 32. in epist. 1. ad Corinth. *Quemadmodum (inquit) vestes licet aureæ sint, calceamenta aurea; aliud tamen indumentum requirimus, ut regem agnoscamus, ubi primum aut purpuram aut diadema intuemur, jam Regia Majestatis signum nullum aliud expectamus.* Ita
sane

§. 4
Prosecutio.

§. 5
Caritas est
regalis
purpura.

sane, cui caritatis diadema incumbit, jam nihil obstat; quo minus Christi discipulus verè existimari possit.

§. 6.
Hanc Christi
sui Domini
caritatem vo-
caverit
suum man-
datum.

Ob eandem causam puto Christum Dominum dixisse, *hoc est mandatum meum*, non quod plura non habuerit, sed ut innuat hoc esse præcipuum, sibi què maxime gratum. Quemadmodum pater aliquis qui plures habet filios, aliquando de uno dicit, hic est filius meus; non quod neget etiam alios esse suos, sed ut ostendat se hunc peculiariter æstimare & diligere. Ita Christus Dominus licet multa præcepta dederit, de præcepto tamen caritatis ait, *hoc est præceptum meum; hoc mando vobis, ut diligatis invicem*, non quod neget alia præcepta esse sua, sed vult indicare, sibi vehementer placere, esse sibi cordi, ut nos diligamus. Sine dubio, si perpenderemus, quàm placeat Christo Domino quàm rem gratam illi faciamus, cum proximum diligimus, cum benè illi volumus, cum in necessitate illi succurrimus, cum pauperi damus eleemosynam, cum consolamur mæstos, cum alia opera misericordiae exhibemus; sine dubio conaremur hoc mandatum Christi æstimare & exequi.

§. 7.
Si à Christo
Domino
volumus
diligere, de-
bemus dili-
gere proxi-
mum.

Certè si nos à Christo Domino diligere volumus, oportet ut nos diligamus proximum; Ex hac quoque circumstantia apparebit, quàm serio Christus velit, ut mandato hujus dilectionis satisfaciamus. Hi duo amores, Christi Domini erga nos; & noster erga proximum, pari quasi passu currunt; unus est mensura & regula alterius. Notavit id B. Petrus Damiani in discipulo de quo dicitur Joannis 21. v. 20. *Discipulus ille quem diligebat Iesus*. verbo; S. Joannes Evangelista fuit dilectissimus Christi Domini; in ejus festo hoc multis solet declarari. modo suppono; sed hoc advertite; qualis vicissim & S. Joannes fuerit in dilectione erga proximum. legite ejus epistolas. omnia capita, omnes periodi, omnes lineæ, omnia verba, omnes syllabæ, omnes literæ spirant fraternam dilectionem. pulchrè ait cit. Dam. ser. 1. de S. Joanne. *Vnde divinitus illi concessum est, ut tantacor ejus etiam circa fratres caritatis gratia repleretur, ut sacrosanctum pectoris ejus templum, velut caminus quidam divini videretur incendii*. certè dum suam epistolam scripsit, quot verba,

tot caritatis flammæ ex illo camino eruperunt, ut nimirum (pergit B. Damian.) *plus amaret* (scilicet proximum) qui plus amabatur (à Christo Domino) & *qui primus erat in Redemptoris amore, precipuus in fraterna ferebat caritate.* Auditores Carissimi, animæ piæ! Nunquid & vos primi esse vultis in amore Redemptoris? conamini esse primi in dilectione proximi: quantum hæc in vobis crescet, tantum erga vos augebitur amor redemptoris. Nunquid & vos recumbere vultis supra dulcissimum pectus & cor Christi? videte ut vestrum pateat proximo. Quantum hoc per dilectionem referatis & aperitis proximo, tantum vobis patet pectus & cor Jesu. Nunquid præterea amici esse vultis Christi Salvatoris? non dubito. Ejus amicitia nihil comparari potest, sed diligite proximum. Ipse Christus dixit, vos amici mei estis, si dilexeritis invicem.

Quæ de S. Joanne Evangelista dicta sunt, eadem in honorem sanctorum Apostolorum Simonis & Judæ hodie dici possunt. Magni fuerunt in amore Christi Salvatoris, & quia amarunt illum, ab eodem amati sunt, adeo ut digni habiti fuerint pro eodem vitam & sanguinem fundere. Sed simul magni & eximii fuerunt in dilectione proximi. nam postquam Simon magnis laboribus salutem proximi & animas quæsiisset in Mesopotamia, Judas in Ægypto, denique in Perside convenientes, postquam innumerabiles filios Christo Jesu peperissent, glorioso martyrio suum & erga Deum amorem, & dilectionem erga proximum sunt contestati.

Potentis & sapientis legislatoris est, non solum ferre legem, sed invigilare, & attendere ut observetur. Non tantum, ut dixi, dedit præceptum dilectionis proximi, sed vigiles habet oculos, an executioni detur. Ait S. Joannes cap. i. v. 16. & 2. v. 1. Apoc. vidisse se filium hominis; *qui tenet septem stellas in dextera sua, qui ambulat in medio candelabrorum aureorum, qui habet oculos tanquam flammam ignis.* Ecce lucidissimos oculos! hoc conjecit in Episcopum Ephesi; & ait illi, *scio opera tua, & laborem, & patientiam, sed habeo adversum te, quod caritatem tuam primam reliquisti.* Eosdem vigiles & splendidissimos oculos in

Alveus III. Pars IV.

q

alium

§. 2.

Sancti Simon & Judas fuerunt eximii in dilectione.

§. 3.

Invigilat Christus Dominus ut hoc præceptum observemus.

alium conjicit Episcopum Ecclesiæ Thyatiræ, huic ait, *Novi operatua, & fidem & caritatem.* Eisdem Christus Salvator noster in nos conjicit oculos, timeo ne videat, & quod habeat adversum aliquos, quod proximum non diligant. Timeo, ne aliquos videat, qui non tantum non diligunt, sed oderunt proximum, timeo ne aliquos ex meis auditoribus videat, qui proximo detrahunt (est locus pro pulcra inductione accommodanda auditoribus.) Christus Dominus tenet in dextera stellas septem, ambulat inter candelabra aurea, inter lampades, habet oculos tanquam flammam ignis, omnia videt, præcipue si caritatem relinquamus. Sed scio etiam inter vos esse qui diligitis proximum; sic pergite, videt vos Jesus! Sunt inter vos qui benefacitis pauperibus, pergite, videt vos Jesus; & diligit vos. (est rursus locus pro pulcra inductione.)

§ 10.
*Quænam
sint opera
dilectionis.*

Nominando hos actus caritatis de labor ad alterum punctum concionis, in quo dicere volui quænam sint opera dilectionis erga proximum. Describit illa eleganter S. Paulus ad Coloss. 3. v. 12. *Induite vos ergo sicut electi Dei, sancti & dilecti, viscera misericordie, benignitatem, humilitatem, modestiam, patientiam, supportantes invicem, & donantes vobismetipsis, si quis adversus aliquem habet querelam, sicut & Christus donavit vobis, ita & vos.* Descendit deinde ad varios gradus hominum, ad mulieres, ad viros, ad filios, ad parentes, ad servos, omnibus præcipit, *super omnia caritatem habere*; scitis quàm pulcrè describat caritatem, 1. Cor. 13. v. 4. *Caritas patiens est, caritas benigna est.* In citato ante capite ponit opera, caritati contraria, ut illa melius elucescant, *Nunc autem deponite & vos omnia, iram, indignationem, malitiam, blasphemiam, turpem sermonem de ore vestro.* Ad hunc sermonem pertinent imprecationes, calumniæ, quibus Christiana caritas læditur.

§ 11.
*Alia ex S.
Augustino.*

Sanctus Augustinus l. de vita Christiana hominem diligentem proximum his coloribus depingit. *Ille est Christianus, sive discipulus & amicus Christi.* Primò qui omnibus misericordiam facit. Secundo qui omninò non movetur injuria. Tertiò qui opprimi pauperem se præsentem non permittit. Quarto qui

qui miseris subvenit, qui indigentibus succurrit. Quintò qui cum mœrentibus mœret, qui dolorem alterius sicut proprium sentit, qui ad fletum fletibus alienis provocatur. Sextò cujus domus omnibus communis est, cujus janua nemini clauditur, cujus mensam pauper nullus ignorat. Septimò à quo nemo sentit injuriam. Hæc & similia continet mandatum Christi Domini de dilectione & caritate proximi.

Unum ex præcipuis est, ut internos sit cor unum & ani-
ma una, per Christianam unionem & concordiam, & carita-
tem, quam idem S. Paulus vocat ad Coloss. I. V. 14. *vinculum per-*
fectionis. id est, ut Vatablus legit; *vinculum perfectum*, quod per-
fecte hominum corda, & in quovis homine omnes virtutes unit
& necit. *Vinculum perfectionis*. quasi diceret. Omnes Chri-
stianæ virtutes & præcepta in caritate quasi in centro uniun-
tur, extra illud, si caritas & unio non adsit, dissolvuntur. Sicut
anima unit omnia corporis membra, totumque corpus inte-
grat, ut si anima cesset, membra dissolvantur & corpus per-
eat. Et sicut domus connectitur & consistit per suas colliga-
tiones & vincula, iisque sublati solvitur & corrui; ita caritas
inquit Theophylactus, unit omnes virtutes, completque to-
tum corpus & domum perfectionis Christianæ; caritate & unio-
ne sublata corruat necesse est.

D. Greg. hom. 27. in Evang. hoc explicat simili, ut multi
arboris rami ex una radice prodeunt, sic multæ virtutes ex una
caritate generantur & propullulant. Et sicut rami exsiccan-
tur & moriuntur, si separentur à radice, ita virtutes sine carita-
te languent. Et patet à contrario. Sicut enim, ubi non est
unio & caritas proximi, plurima regnant vitia, nam ubi non est
caritas, ibi est superbia, est arrogantia, est odium, qui caritatem
non habet, agit perperam, inflatur, irritatur (est locus pro pul-
cra inductione) ita e contra, ubi est caritas, sunt multæ aliæ vir-
tutes, adest humilitas, adest benignitas. Virtutes à caritate
separari non possunt, neque hæc ab illis. Puto vos advertere,
quod dum nominare volui opera caritatis, simul ejus necessi-
tatem & utilitatem paucis insinuarim, de quibus alibi agendum
est fusius.

§. 12.

Caritas
hæc requi-
rit cor
unum &
animam
unam.

§. 13.

Similitu-
do.

§. 14.
Epilogus.

Precor vobis auditores quod Abigail. 1. Reg. c. 25. 29. apprecata fuit, *Erit anima Domini mei custodita, quasi in fasciculo viventium, apud Dominum tuum. porro anima inimicorum tuorum rotabitur, quasi in impetu & circulo funde.* Tales lapides sunt experti, qui rotantur in inferno. Electi constituunt fasciculum viventium; ad hunc electorum fasciculum in coelis pertinet Beatissima Virgo, pertinent Apostoli. Ad hunc fasciculum in terris pertinent omnes qui colligati sunt vinculo caritatis; ut fasciculus viventium idem sit quod fasciculus diligentium; concede mi Jesu ut animæ omnes meorum auditorum in hoc fasciculo sint custoditæ.



CONCIO LXXXV.

FESTO OMNIUM SANCTORUM.

Gaudete & exultate, quoniam merces vestra copiosa est in coelis.

Matt. 5. cap. v. 12.

SYNOPSIS CONCIONIS.

Afferret varia, de vero gaudio cordis, quod nascitur ex spe futuræ gloriæ.

§. 1. Exordium,

§. 2. Spes futura beatitudinis est radix veri gaudii.

§. 3. Quodnam sit gaudium Sanctorum.

§. 4. Sancti gaudent in hoc mundo, etiam in tribulationibus.

§. 5. Prosecutio.

§. 6. Quid tollat verum gaudium.

§. 7. Unde verum gaudium.

§. 8. Gaudendum quia merces nostra est in coelis.

§. 9. Prosecutio.

§. 10. D-e

- §. 10. *Descriptio cælestis beatitudinis.* | *nos in tribulationibus.*
 §. 11. *Desiderium cæli, solatur* | §. 12. *Utilitas tribulationis.*

NI fallor, videor mihi aspicere meos auditores hodierna solennitate, lætos & hilares, ut dicere possim cum Salomone Prov. 15. v. 13. *Cor gaudens exhilarat faciem; corda vestra sunt plena cælesti quodam gaudio, hinc illa in vultibus vestris hilaritas.* c. 17. v. 22. dixit Salomon. *Animus gaudens aetatem floridam facit.* Animos autem vestros puto esse gaudentes, quia sperant se aliquando fore participes illius gloriæ, qua sancti omnes, quorum festivitatem hodie celebramus, fruuntur in cælis. Si hoc speratis, gaudete & exultate; &c. Si verò aliquis est inter meos Auditores; (ostendite mihi vestros oculos & vultus, aspiciate me irretortis oculis, facile advertam, quod volo dicere) qui scit in illo statu quo vivit, ob actuale odium, ob actualem luxuriam, ob quodvis peccatum mortale, in quo si moreretur, quod salvari non possit; hic, *si mœrore animi dejiciat spiritum suum.* Prov. 15. v. 13. non mirum, *si spiritus aliquis tristis exsiccat ossa.* c. 17. v. 22. O milerum! terquater infelicem! qui sperare non potest, se cum omnibus sanctis fore beatum! sed scio S. Chrysostomum dixisse hom. 18. ad pop. *Gaudere cupimus omnes, & propter hoc omnia facimus & dicimus, & negotiamur. Mercator ideo navigat, ut pecunias congreget, congregat autem, ut iis gaudeat. & exercitus dux ideo tractat arma, & agricola colit terram & quisque artem suam tractat, ut honore & lucro gaudeat.* S. Bern. *Non est qui gaudere non velit.* Et S. August. in confess. *Vnum est, quo pervenire omnes nituntur, ut gaudeant.* itaque & vos Audit. gaudete & exultate, in cælis aliquando merces nostra erit copiosa. De hoc gaudio, de sanctorum vita, siue illis mediis, quo meriti sunt in regnum cælorum, de illorum felicitate pluribus ager hæc concio: quia materia jucunda est, spero hilarem fore auditorum meorum in audiendo benevolentiam & attentionem.

Si bene dixit S. Aug. tunc maximè gaudendum esse, quan-

ra beatitu-
dinis est ra-
dix veri
gaudii.

do *beata vita nomen auditur*; puto hodierna solennitate gaudium nostrum ingens esse posse, qua audimus legi & cani, Gaudent & exultant sancti in cœlis; in vita jucundissima & beatissima. Sed idem S. Aug. bene advertit; Non esse hoc gaudium, quod datur impiis, sed eis, qui Deum colunt, quorum gaudium ipse Deus est. *Et ipsa est beata vita* (etiam in terris) gaudere ad Deum, de Deo, in Deo, & propter Deum. Gentilis Seneca hoc agnovit ad Lucilium ep. 59. *Omnes tendunt ad gaudium, sed unde stabile magnumque assequantur, ignorant.* Ille ex conviviis & luxuria, ille ex ambitione & circumfusa clientum turba, (alius aliunde gaudet) omnes istos oblectamenta illa decipiunt, sicut ebrietas quæ unius horæ hilarem insaniam, longe temporis tædio pensat. In his omnibus non est verum gaudium.

§. 3.
Quodnam
sit gaudi-
um san-
ctorum.

Aliter & ob alias causas lætati sunt sancti cum viverent in hoc mundo; fuerunt pauperes, sed beati; tristes & afflicti sed beati; lugentes, sed beati; in adversitatibus & tribulationibus, sed beati & gaudio pleni. prout Dominus iussit Matth. 5. vers. 11. *Cum persecuti vos fuerint, & dixerint omne malum adversum vos, mentientes, propter me, gaudete & exultate, quoniam merces vestra copiosa est in cœlis.* Quod & fecerunt teste B. Luca Act. 5. v. 41. *Ibant à conspectu concilii gaudentes, quod digni habiti essent pro nomine lesa contumeliā pati.* Hoc est gaudium sanctorum. hæc est via certa ad cœlum, quam sancti tenuerunt, Apostoli, Mart. Confessores &c. pati, vexari, tribulari propter Christum, & tamen gaudere & exultare. hanc viam tenere debemus, si volumus fieri beati.

§. 4.
Sancti gau-
dent in hoc
mundo et-
iam in tri-
bulationi-
bus.

S. Paulus de se ait Coloss. 2. 2. Cor. 12. v. 10. *Nunc gaudeo in passionibus meis. & propter quod placeo mihi in infirmitatibus, in contumeliis, in necessitatibus, in persecutionibus, in angustiis pro Christo.* Neque solum in his gavisus, sed gloriatus fuit ad Galat. 6. v. 14. *Absit mihi gloriari, nisi in cruce D. N. lesu Christi,* 2. Cor. 12. v. 9. *libenter gloriabor in infirmitatibus meis.* ad hebr. 10. v. 34. *Rapinam bonorum vestrorum cum gaudio suscepistis, cognoscentes vos habere meliorem & manentem substantiam.* Hac doctrina

S. Jaco-

S. Jacobus exorsus fuit suam epistolam primam v. 2. *Omne gaudium existimate fratres mei, cum in varias tentationes incideritis.* & S. Petrus ep. 1. c. 4. v. 13. *Communicantes Christi passionibus, gaudete, ut & in revelatione gloriae ejus, gaudeatis exultantes. ut merces vestra sit copiosa in cœlis -- si exprobramini in nomine Christi beatieritis.*

In his imitemur sanctos, si illorum gloriae cupimus fieri participes. Advertamus quinam fuerint gradus, per quos ad vitam beatam pervenerunt. In contumeliis gavisi sunt, quod essent digni aliquid pati pro nomine Jesu. Quid nos agimus Auditores, cum audimus dictam contra nos esse aliquam detractionem vel contumeliam; gaudemusne, patimurne libenter, an potius irascimur, excandescimus & fulmina imprecamur. Sancti, dum viverent in hoc mundo placuerunt sibi in suis necessitatibus & angustiis; &c. pro Christo. ideo hodie extant in cœlis, & copiosa est illorum merces. Imitamurne in hoc sanctos? placetne nobis paupertas? placentne morbi? dolores? pro Christo? gaudete & exultate, & vestra merces erit copiosa in cœlis. Sancti in hoc mundo gloriati sunt in cruce. Crux illis fuit scala ad paradysum. Clavis ad regnum cœlorum. Imitamurne in hoc sanctos; amamusne, gloriamurne in crucem Dei; gaudete & exultate &c. Si contingat damnum aliquod inferri vestris bonis, vineis, agris &c. Sulcipitisne cum gaudio, an cogitatis vos habere meliorem & manentem substantiam in cœlis? Hoc fecerunt sancti dum viverent, communicarunt Christi passionibus; cum eodem biberunt ex eodem calice, in flagella fuerunt parati, magis amarunt spinas quàm rosas, &c. & modo in revelatione gloriae ejus gaudent & exultant: quomodo imitamur sanctos; communicamusne passionibus Christi? hoc necessarium est, si & nos aliquando in revelatione gloriae gaudere & exultare velimus.

Ni fallor, placet vobis hoc gaudium. Cognoscitis, nihil esse melius, nihil beatius quàm ita lætari. teste Ecclesiastico c. 30. v. 16. *Non est oblectamentum super cordis gaudium.* Itaque attendite quænam sit prima radix, ex qua hoc gaudium in homine

S. s.
Prosecutio.

S. s.
Quid tollat
verum
gaudium.

mine pullulat. Unares est, quæ illud nobis tollit. S. Chrysost. ad pop. Antioch. hom. 25. *Nihil aliud est triste, nisi Deum offendere. Quod cum aberit, non tribulationes, non insidia, non quicquam aliud sapientem animum contristare poterit; sed quemadmodum si exiguum scintillam in lacum dejeceris profundum, statim extinxeris, itidem & omnis tristitia superabundantia in bonam missa conscientiam extinguatur.* S. Bernardus in l. de confid. *Quid diti-
tius, quid in corde dulcius, quid in terra quietius & securius bona conscientia; quam habemus, si Deum saltem graviter non offendamus.* Seneca ad Lucilium ep. 24. *Nolo tibi unquam deesse lætiti-
tiam. Volo illam tibi domi nasci. Nasitur, si modo intra te ipsum sit. Cetera hilaritates non implent pectus.*

§. 7.
Vnde vo-
rum gau-
dium.

Quid sit istud verum gaudium, interrogas? aut undo subeat?
Dicam, ex bona conscientia. quæ in hoc consistit, ut putet se ho-
mo liberum ab omni offensa Dei & ut timeat eum offendere
imposterum. Eccl. 3. v. 11. *Timor Domini, gloria & gloriatio, &
lætitia, & corona exultationis. Timor Domini delectabit cor, &
dabit lætitiā & gaudium.* S. Chrysost. hom. cit. *Deum enim sicut
oportet, timens, & in ipso confidens, voluptatis radicem lucratus est,
& omnem habet lætitiæ fontem.* Ex hoc fonte, ex innocentia, ex
iustitia, ex carentia peccati mortalis, ex illius odio, alii fluunt
rivuli; spes resurrectionis, fruitio multa angelicorum bonorum,
regnum cœleste, repromissa bona, mentis rationisque vim
omnem exuperantia. An non hæ causæ sunt sufficientes at-
que idoneæ; gaudii nunquam desituri, ac perpetis lætitiæ? Si à pec-
cato mortali estis incoinquinati, ut in terris fuerunt omnes
sancti, alioquin enim cœlum non fuissent ingressi, si timetis
Deum offendere &c. gaudete & exultate. Eccl. 2. v. 9. *Qui timetis
Dominum, sperate in illum, & in oblectationem veniet vobis mise-
ricordia.*

§. 8.
Gauden-
dum, quia
merces no-
stra in cœ-
lis est.

Fovebitur & augmentum capiet, hoc gaudium in cordi-
bus nostris, si in æternam felicitatem, qua sancti fruuntur in
cœlis, oculos conjiciamus. Patet ex verbis Christi, *gaudete
quoniam merces &c. & quod nomina vestra scripta sint in cœlis.* Cau-
sam hanc, sive modum, quo tale gaudium acquirere debemus,
pulcro

pulcro simili & pulcris verbis nobis præscribit S. Basilius hom. 4. Sicut qui minus acri sunt oculorum acie, eos avocant à contuitu rerum nimis splendidarum, & refocillandos defigunt in flores, aliaque viridantia. Sic anima non debet se dare contemplandis rebus præsentibus, quæ plenæ sunt mœroris, sed iis quæ verè bona sunt, (& in mercedem, quam Christus promisit, in gloriam SS.) Ita enim assequeris ut semper gaudeas, nempe si vitæ tuæ institutum, ratioque omnis in Deum collineet, ac spectet, & spes retributionis, quæ in hac vita tristitia sunt, leviora efficiat. Affecit te aliquis ignominia? quin tu ad eam suspice gloriam quæ reposita in cœlis est, tibi parandam merito patientiæ. (Sic suam gloriam obtinuerunt Patriarchæ & Apostoli.) Jacturam rerū tuarum adiisti? Oculos imprime fixius cœlestibus divitiis, & thesauro incomparabili parato in cœlis (hoc fecerunt sancti in hac vita. Job, reposita est hæc spes in sinu meo. David. *propter retributionem*, ut ait, cucurrit lætus per viam mandatorem Dei. Patrione solo exclusus es? agnoscis hunc mundum esse vallem lacrymarum. agnoscis vitam tuam esse difficilem peregrinationem; *At patriam habes, cœlestem Ierusalem.* Ad eum modum, si exemplo SS. iis quæ molestiam tibi nunc pariunt, opposueris, quæ sperantur bona, animam tuam ab omni anxietate servabis. Aurea plane est hæc regula, pro vita nostra instituenda; ut & hic in hoc mundo, etiam in miseriis & c. fimus beati, & deinde æternum felicissimi in cœlis.

Ingentem, si volumus, consolationem haurire possumus, ex intuitu cœlestis gloriæ, & pulcritudinis omnium sanctorum. Unde Christus D. S. Brigittæ dixit l. 2. revel. c. 2. Dum visiones tibi ostenduntur, si videres pulcritudinem sanctarum animarum, vel angelorum sicuti est, cor tuum præ gaudio rumpetur. Si item videres dæmonem sicuti est, non posses vitam horribilem sustinere visionem. Item. *Tanta est pulcritudo, etiam infimi civis, regni cœlestis, ut totius mundi sensibilis pulcritudo in unum collecta illi comparari nullatenus possit. claritas enim longissime excedit meridianam solis claritatem.*

O beata regio paradisi, exclamat S. Bern. ser. 3. in Cant. *O beatus Alveus III. Pars IV.*

§. 9.
Prosecutio.

§. 10.
*Descriptio
cœlestis
regio beatitudinis.*

ta regio deliciarum, ad quam suspiro de valle lacrymarum ! Regnum opulentissimum sine penuria. In hoc regno omnes sancti sunt ditissimi. regnum lucidum sine tenebris. in lucidissimo hoc regno omnes sancti, milliones sanctorum lucebunt ut soles. *Qualis lux ? qualis pulcritudo ? regnum gloriosum, sine omni infamia. regnum quietissimum sine omni labore. regnum præmiorum sine sudoribus. regnum pacis, sine omni discordia, regnum vitæ sine morte.* Si quis suos oculos conjiciat in hoc regnum, etiam in paupertate, in fletu & luctu, in persecutionibus quomodo non sentiet solatium ? *O beata regio paradisi ! O sancti millies beati, viventes in tali patria, in terra amœnissima, quoniam ipsi possidebunt terram ! beati sunt, quia habitant juxta fontem omnis solatii, quoniam ipsi consolabuntur.* Assident mensæ cui ministrant Angeli, fruuntur convivio cœlesti, & saturabuntur. pro fletu rident & lætantur, *Deus absterfis omnem lacrymam ab oculis eorum.* Misericordiæ sinus, est ipsis locus quietis; *quoniam misericordiam consequentur.* beatitudo est illis lucidissimum speculum, in quo Deum vident; sunt in honore summo, *fili Dei vocabuntur; verbo, ipsorum est regnum cœlorum.* O beata regio paradisi ! & quando portas tuas intrabimus, quando fruemur & nos tuis gaudiis, quando audiemus illos angelicos concentus, illa nova cantica, illas jubilationes filiorum Dei. quando spatiabimur in tuis pratis, quando gustabimus dulcissimos tuos fructus; quando gaudebimus tua visione? quando cum omnibus sanctis erimus in cœlis?

§ II.
Desiderium
cœli solatur
nos in
tribul.

Laudo hæc vestra desideria. Desiderium cœli, confortat nos in tribul. solatur in adversitatibus, erigit nos ne labori vel tentationi succumbamus, facit nos currere viam mandatorum Dei. Desiderium cœlestis gloriæ, facit ut nobis sordeat tellus, ut amaræ sint mundi voluptates, ut contemnamus divitias. Desiderium cœli nos excitat, ut statuamus tenere easdem semitas, quas sancti tenuerunt Ezech. 40. vidit Propheta sibi objici pulcherrimum templum; illud ingressuri debebant prius ascendere per octo gradus. Ad templum æternæ gloriæ, 8. gradus sunt *paupertas, humilitas, mansuetudo, luctus Pœnitentia, esuries & sitis*

& sitis Divinae gratiae, misericordiae, cordis mundities, pax, patientia.

S. Gertrudi aliquando dixit Christus D. *Tribulatio est quidam preciosus annulus, quo mihi animas despondeo.* Idem de singulis beatitudinibus dici potest. Suppono autem Gloriam coelestem S. Joanni in Apoc. fuisse representatam ut ornatissimam sponsam. Huic in gaudio desponsati sunt Patriarchae & Prophetae. Desponsati Apostoli &c. cum eadem cupimus & nos aliquando desponsari; omnes anhelamus ad istas nuptias, itaque solliciti simus de anulo desponsationis. talis anulus est paupertas. talis anulus est mansuetudo &c.

§. 12.
Vilitas tribulationis.



CONCIO LXXXVI.

FESTO ANIMARUM.

Sancta & salubris est cogitatio, pro defunctis exorare.

Machab. l. 2. c. 12. v. 46.

SYNOPSIS CONCIONIS.

- | | |
|--|--|
| <p>§. 1. <i>Apostrophe ad Auditores, an velint piis animabus succurrere.</i></p> <p>§. 2. <i>Ad succurrendum movere nos debet magnitudo tormentorum, quae patiuntur.</i></p> <p>§. 3. <i>Sancta praxis juvandi animas; offerendo pro illis sanguinem Christi v.g. in sacro.</i></p> <p>§. 4. <i>Item in Rosario Beata Vir-</i></p> | <p><i>ginis.</i></p> <p>§. 5. <i>Quantum inde solatium pro animabus in purgatorio.</i></p> <p>§. 6. <i>In purgatorio aliquod est refrigerium; non in inferno.</i></p> <p>§. 7. <i>Alia devota praxis sacerdotum sub sacrificio Missae.</i></p> <p>§. 8. <i>Epilogus.</i></p> |
|--|--|

§. 1.
Apostrophe
ad ill. an
velint ani-
mabus succu-
rere.

SI Aud. in vestra foret potestate bestiam aliquam jacen-
tem in profunda & tenebricosa cavea, inde educere,
nunquid ea foret vestra misericordia, ut extraheretis? Si
videritis in igne jacentem canem, nunquid veiletis li-
berare. *Si asinus tuus* (Christus Salv. noster utitur hoc simi-
li Luc. 14. v. 5.) *incidat in foveam*, nunquid affertis funes & scalas
ut educatis? Inhumanus homo est, qui etiam bestiis non com-
patitur. Quid si in tali fovea ignea videritis jacentem formo-
sum juvenem, vel venustissimam Virginem? quid si opem ve-
stram miserabilibus vocibus inclamarent? An manum auxilia-
tricem negaretis? O qualis cavea, qualis carcer, quale erga-
stulum, est purgatorium, in illo jacent non bestię, sed nostri fra-
tres, forte sorores, forte parentes, nec jacent solum, sed in illo
loco patiuntur horribilia tormenta; & ubi est nostra compassio?
ubi misericordia? cum possimus, cur non succurrimus. O qua-
lis fornax est purgatorium locus flagrantissimus? Inter illas ardent
animę Deo dilectę: cur, cum possimus, non conamur extin-
guere illas flammās? O qualis fovea est purgatorium! in illo ja-
cent animę tristissimę, afflictissimę; quare non laboramus, ut
illas consolemur? Brevi sermone conabor vobis persuadere, ut
concupiatis cogitationes sanctas, &c. pia desideria succurren-
di, & orandi pro his animabus.

§. 2.
Ad succu-
rendum
non vera
nos debet
magnitudo
tormento-
rum, quę
patiuntur.

S. Ludvvina piissima Virgo sæpius in spiritu deducta fuit ab
Angelo tutelari in locum purgatorii, ubi coram vidit & spe-
ctavit, quomodo arderent animę illę sanctę, quę paterentur
tormenta, quam sitim, quam desolationem, qualia tædia; hinc
deinde tantus in illa fervor & studium, per continuas & ferven-
tes orationes, per jugem mortificationē, per horrendos sibi il-
latos dolores, satisfaciendi divinę Justitię, & liberandi animas
ex purg. Aliquando in tale erupit desiderium; *O si possem Deus*
meus carnem & sanguinem meum dare, pro animabus illis quas tu
castigas. O si ego hodie pro animarum solatio in purgatorium
deducere possem meos Auditores! O si videritis quomodo
ardeant. attendite bene, inspicite igneas illas fornaces, an non
forte sint animę parentum vestrorum, vel fratrum aut sororum;
aut il-

aut illorum quibus variis titulis estis obligati. Tristis hic aspectus animarum gemitus & lacrymæ sine dubio moverent vos ad compassionem. Ferventibus precibus, eleemosynis, aliis operibus piis, præcipuè sacrificio illis succurrere potestis. Cogitatisne subinde; Hoc rosarium offeram B. V. pro fidelibus animabus. Hæc est sancta cogitatio, præsertim hodierna die, qua tota Ecclesia ad hoc auxilium conspirat. Cogitatisne subinde, pro animabus dabo hanc eleemosynam &c. Vel, O mi Jesu utinam tibi possem satisfacere hoc æctu mortificationis; hæ sunt sanctæ cogitationes, & salubres, utiles animabus, his operibus liberantur è flammis.

Ut proprium sanguinem, cum S. Ludvina, pro illis in ly-
trum detis, hoc non exigo. Sed hoc bene, ut alienum sangui-
nem, scilicet sanguinem filii Dei pro illis æterno Patri & D. Ju-
stitiæ offeratis. Sugeram hic vobis sanctam & salubrem de-
votionem pro refrigerio animarum. 2. Reg. 21. v. 10. Respha
uxor Saulis, cum septem ejus filii à Gabaonitis essent acti in
crucem, *-tollens illa cilicium substravit sibi supra petram ab initio
messis, donec stillaret aqua supra illos.* In cilicio, lacrymis, &
ardentibus precibus placavit iratum Deum, & obtinuit pluviam.
Non permittit brevissimum mihi præscriptum tempus,
inhærere literæ, vel aliis sensibus mysticis. Petra stillans aqua
repræsentat nobis Christum crucifixum fluentem sanguine.
Ab hoc pendet, ut refrigerentur ardentes animæ. sed hæc est
misera illarum conditio, quod suis precibus obtinere non
possint, ut illis stillet hæc aqua, ut super eas in purgatorium
decidant divinæ illæ guttæ, præsertim cum sacrificio missæ of-
fertur divinus calix, cum preciosissimo illo sanguine. Nos
vero sedere possumus juxta illam petram, nos ferventer pos-
sumus orare, nos Christum D. ad misericordiam possumus in-
clinare ut vel ex manibus, vel pedibus, vel benedicto Jesu cor-
de stillent aliquot guttæ sanguinis super illas animas.

Itaque animæ piæ, cogitatisne subinde, cum recitatis Ro-
sarium, hanc decadem recitabo in memoriam sanguinei sudo-
ris, hac intentione, cum hoc desiderio, cum hac obtestatione,

§. 3.
Sancta præ-
x juvan-
di animæ
offerendo
pro illis
sanguinem
Christi v. g.
in sacro.

§. 4.
V. g. in Ro-
sario B. V.

ut aliquot guttæ stillent in purgatorium. hæc est sancta & salubris cogitatio, potissimum hodie (sic perge affectuose per reliqua mysteria Rosarii dolorosi.) Sodales Agoniæ moneo, ut hoc modo pro animabus recitent Rosarium quinque sacros. Vulnerum. Ex his fontibus, ex cavernis hujus petrae, haurire possumus aquam, qua animæ ardentes refrigerantur in purgatorio.

§ 5.
Quantum
inde solatium pro
animabus
in purgatorio.

Ingens hinc illis solatium & auxilium. Anima defuncti sacerdotis apparuit cuidam religioso (teste Luca Episcopo Thudensi) & dixit. *Dominicis diebus propter gloriam dominice resurrectionis, & præcipuis solennitatibus, & quoties pro nobis immolatur Deo hostia salutaris, multi nostrum nulla pœna afficimur, & ad loca ubi corpora nostra quiescunt, venire permittimur, quasi incenso, vel aqua benedicta, invenimus aspersa, tanto perfundimur refrigerio, ut nobis quasi paradisi quadam requies videatur.* Itaque laudo illos, qui hodie sepulcra mortuorum ornant floribus; placent mihi quod accendatis cereos, quod aspergatis aqua benedicta, quod incendatis odoris. profunt hæc cæremoniæ; junctæ orationibus & aliis operibus bonis, animabus corporum quæ in his sepulcris jacent. Sed si desideretis, ut animæ hæc inveniant quietem paradisi, aspergite quoque guttas sanguinis Christi. per sanctas cogitationes, per pia desideria, per 7. effusiones sanguinis Christi, ut saltem pauca guttulæ stillent in purgatorium. In meo Rosariolo pro piis animabus una decas sic habet. Pie Jesu, per sanguinem in circumcisione effusum, dona eis requiem. Pie Jesu, per sanguin. sudorem, dona eis requiem. Pie Jesu per sanguinem flagellationis, per tot millia guttarum, dona eis requiem &c. Hæ sunt sanctæ cogitationes.

§ 6.
In purgatorio est
aliquod refrigerium:
non in inferno.

S. Lucas ex ore Christi ait c. 16. v. 24. cum dives esset in tormentis, flamma infernali cinctus, *elevans oculos suos, vidit Abraham à longè, & Lazarum in sinu ejus, & cœpit rogare aliquod saltem solatium, Mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma* Sed negatum illi fuit, quia in inferno, nullum ne minimum q. concedi-

conceditur solatium, nec guttula aquæ, licet horrendum torqueantur. Feliciores longè sunt animæ in purg. in iisdem q. ardent flammis, horrenda patiuntur tormenta nec possunt se juvare. ideo à nobis, qui juvare possumus, petunt auxilium, præcipuè ut intingamus nos corda nostra in fontes SS. Vulnerum Christi, in aquam benedicti lateris; fit hoc per peculiarem devotionem erga sang. Christi. Clamant verò è flammis, ut aliquas guttulas illis communicemus, quod fit in auditione missæ, in communione, in precibus quæ fiunt cum memoria Passionis & sanguinis Christi.

Novi pios sacerdotes, qui initio missæ, dum sub confiteor inclinant se, dum terram aspiciunt cogitant se videre apertum purgatorium, & in illo ardentes animas; Dum verò oculos elevant, ut aspiciant crucifixum, cogitant se videre distillantes guttas & decedentes super animas in flammis; hinc illa desideria, pie Jesu per tuum sang. dona eis requiem &c. Hæc est sancta & salubris cogitatio. Volui addere, quomodo sanctis cogitationibus B. V. potissimum, tanquam consolatrici illas animas debeamus commendare, sed effluxit media hora.

Scitote Audit. me serio petere à vobis, ut solliciti sitis, quomodo succurratis animabus in purgatorio; ne fortassis nobis dicant, quod defunctus dixit, qui debitam eleemosynam, & testamento legatam differebat dare. *Adeone perfide, meo sanguine pascere Christi, membra eleemosyna privas? quæ me ignibus ex-misset? pro Dei tribunali de injuria questus sum.* Et vos mei Au-

dit. tamne estis duri, ut ne rosarium velitis orare pro animabus defunctis &c. animæ piæ queruntur coram Christi tribunali &c. hoc modo poterit fieri

p. pathos.


§ 7.

Alia devota praxis sacerdotum sub sacrificio missæ.

§ 8.

Epilogus.

CON-



CONCIO LXXXVII.

FESTO PRÆSENTATIONIS B.V.

Beatus venter, qui te portavit.

Luc. II. cap. v. 27.

SYNOPSIS CONCIONIS.

EXponit triplex elogium B. Virginis ex Lauretanis Litanis, Quod sit Consolatrix, Auxiliatrix, sive Advocata, & refugium peccatorum; præsertim in hora mortis.

- | | |
|---|---|
| §. 1. <i>B. Virgo comparatur aureo surculo, & arbori.</i> | <i>B. Virginis.</i> |
| §. 2. <i>Præsertim illi quam Daniel 4. vidit Rex Nabuchodonosor. Sub qua bestius tutum fuit refugium.</i> | §. 8. <i>Intercessio illius est efficax. Delectatur illa Filius.</i> |
| §. 3. <i>Regina Esther, quo sensu fuerit fons, & petra.</i> | §. 9. <i>Maria, Filium suum nobis reddit suavem, & amabilem.</i> |
| §. 4. <i>Est figura B. Virginis, cujus ubera sunt turris, & murus; quia Consolatrix est, & Auxiliatrix.</i> | §. 10. <i>Filius non potest non exaudire preces Matris sue. Figura fuerunt Abigail, & Ruth.</i> |
| §. 5. <i>B. Virgo est Consolatrix oculata & misericors.</i> | §. 11. <i>B. Virgo, in hora mortis fidelissima adiutrix.</i> |
| §. 6. <i>Præsertim erga peccatores, quos peculiari titulo diligit.</i> | §. 12. <i>Sine ejus auxilio æternum pereunt peccatores.</i> |
| §. 7. <i>Cur diabolus impediatur, ne peccatores implorent auxilium</i> | §. 13. <i>Mors est terribile mysterium. Pa morientibus! si non adsit illis Maria.</i> |
| | §. 14. <i>Occasione Tragica Historia.</i> |

floria.
 §.15. *In Epilogo, Auctor deside-* | *rat colere & amare Ma-*
riam.

SI S. Paulus verè dixit, prout illum dixisse arbitror, ad §. 1.
 Rom. II. v. 16. *Si radix sancta, & rami.* Et aliunde certissi- *B. Virgo*
 mum sit, Mariam trimulam, imò dum in utero Matris *compa-*
 sine omni originaria labe concepta fuit, fuisse ramum *rar aureo*
 sanctissimum, non id adeo debemus mirari, nam radix S. Jo- *surculo, &*
 achimus, radix S. Anna! fuerunt sanctissimi parentes, à quibus *arbori.*
 felicissimus hic surculus progerminavit. Ramus aureus & di-
 tissimus, aureæ arboris, fructus & partus. Surculus hic plan-
 tatus fuit à Spiritu S. octava Decembris, in die sanctissimæ &
 purissimæ conceptionis; crevit in utero Matris per menses no-
 vem, donec octava Septembris, lætante cœlo, jubilante terra,
 prodiit in auras; cùm instar Orientis Auroræ lætissima sua Na-
 tivitate omnes exhilaravit. Per triennium surculus ille in ædi-
 bus paternis virere & florere cœpit, donec hodierna die ita vo-
 lentibus parentibus, transplantatus est in templo Domini;
 quam diem, nos vocamus festum Præsentationis B. Virg. In
 qualem deinde arborem excreverit, non cupio hac concione
 latius explicare. Analogia tamen à surculo, & arbore desum-
 pta, ansam mihi præbuit, ut cogitaverim, in hac mea dictione
 explicare vobis eximia illa magnæ Virginis elogia, quod sit
 consolatrix afflictorum, refugium peccatorum, auxilium Chri-
 stianorum; quod proinde sit advocata nostra, quod nos muniat,
 protegat, atque defendat, præsertim in agone nostro; Ex pri-
 mo statim elogio Virginis consolatricis advertere potestis, de-
 siderium meum esse, ut vobis persuadeam peculiarem cultum
 erga illam imaginem, quæ hic Bambergæ in templo Societatis
 Jesu, sub titulo Virginis & Matris Consolatricis, magna devo-
 tione colitur. Ut voto meo fiat satis; ut ego & vos obtinea-
 mus hanc gratiam, ardentissime amandi Dei Matrem, dica-
 mus una omnes in corde, cum S. Archangelo Gabriele, *Ave*
Maria! Ave Consolatrix nostra! Ave refugium nostrum! Ave
advocata.

Alveus III. Pars IV.

f

Non

§. 2.
*Præferim
 illi, quam
 Dan. 4.
 in somnio
 vidit Na-
 buchodono-
 sor Rex.
 Sub quas
 bestia tu-
 tum fuit
 refugium.*

Non sine causa antea dixi, analogiam ab arbore desumptam suggessisse mihi paulo ante nominata elogia magnæ Virginis. Dan. 4. v. 8. Regi Nabuchodonosori in somnio objecta fuit arbor, *magna & fortis, & proceritas ejus contingens cælum: aspectus illius erat usque ad terminos universa terra; folia ejus pulcherrima, & fructus ejus nimius.* Quæ sequuntur, notate; *Esca universorum in ea, subter ea habitabant animalia & bestia.* Et qualis hæc circumstantia, qualis laus tam formosæ arboris, quod protegat animalia, quod bestiis præbeat umbram, latibulum & refugium? ut illas ramis suis protegat? Respondet quæstioni D. Amedeus hom. 8. de laudibus Mariæ. *Virga elegantissima, orta de tribu leffæ, ramorum suorum mirabili extensione, sese ubique terrarum expandit, ubi dispersos filios Adæ, ab æstu, à turbine, & à pluvia, umbra desiderabili protegit, & fructu saluberrimo alit. O decus! O gloria! O magnificentia hujus arboris, cujus fructu indeficienti, cujus pastu immortalis, caligenis atque terrigenis, fit jugis epulatio, continua exultatio.* Quid timetis, O filii Adæ? sub hac saluberrima arbore: sub pallio Virginis consolatricis? in sinu, inter brachia Matris auxiliatricis? inter mœnia & muros civitatis refugii? ad latus potentissimæ advocatæ? sub clypeo Cœlestis Bellonæ, quæ terribilis est, ut acies castrorum ordinata. Sub umbra hujus arboris, habetis pastum, quo liberamini à malo famis: habetis protectionem, qua omnium hostium vires potestis ridere; habetis lætitiā, quæ omnes mœoris causas à vobis facit exulare. Non opus est, ut hanc arborem vobis ostendam; scitis bene, ubi peculiari cultu & fiducia colatur Imago Virginis Consolatricis. Premit vos paupertas? ibi quærite auxilium. Gravatur vos onus scelerum vestrorum, accusat vos infernalis hostis? eo currite, invenietis refugium, & patrocinium &c.

§. 3.
*Regina
 Esther, quo
 sensu sue-
 rit soni &
 petra.*

Suavissima Mater est Maria; ubera enim habet, quibus nos consoletur; sed simul potentissima Regina est, ut nobis auxilium & refugium præbeat: ut nos tueatur & defendat. Cum Esther cap. 11. v. 8. Assverus Rex, suāsu Amani, jussisset occidi omnes Judæos; in *die tenebrarum, & discriminis, tribulationis &*
angu-

angustia, & cum ingens esset formido, inter gentem conturbatam, & preparatam ad mortem, ait textus; *Clamaverunt ad Deum, & illis vociferantibus, fons parvus crevit in fluvium maximum-lux & Sol ortus est.* Parvus fons, qui crevit in fluvium, & in lucem solemque conversus est, Esther est, quam Rex voluit esse Reginam. Sed cur Esther illa heroina, illa potens Regina, illa propugnatrix populi Israelis vocatur fons? responsum mihi suggeret S. Scriptura, quæ de mammis & uberibus matrum loquitur, veluti de fontibus, Jerem. c. 18. v. 14. *Nunquid deficiet de petra agri, nix Libani?* his verbis exprimuntur perennes fontes, stillantes per petras orti & deducti à nivibus Libani. Unde 70. sic legunt, *Nunquid deficient de petra ubera?* Et Theodoretus, *Nunquid deficient de petra mammae stillantes.* Philo de opificio mundi. *Terra quoque, antiquissima Matrum, ac fecundissima, natura mammae dedit, amnium fluentia, fontiumque.* Itaque spiritus S. illud auxilium & solatium, quo populus Israelis ab Esthere Regina, ex periculo mortis, liberatus fuit, optimè expressit, per fontem & petram. Fons misericordiæ symbolum est, petra fortitudinis, suavitas, benigna, & potens, fortisque fuit Esther.

Sed figura. In Maria adimpletum est, ut inter illius ubera, solatium, auxilium, refugium, & protectionem inveniamus, ut ab ipsa ab æterna morte liberemur, ut à nobis avertat illud fulmen supremæ sententiæ, ab irato Assvero de æterna damnatione. Ideo cum sponsa ait Cant. c. 8. v. 10. *Ego murus, & ubera mea turris.* Circa quæ Wilh. Abbas apud Deltium. *Ubera mea, non tantum sunt ubera, sed etiam turris; non tantum nutriendi, sed & protegendæ vim habent.* Nullus me putet habere, quo nutriam, & non habere, quo muniam. *Materna pietas mea, quos nutrit, etiam munit.* Inter ubera hujus matris, qui moratur, hinc lætus vivit, quasi in horto, hinc ridet hostes, quasi in munitissima arce locatus. Prov. 9. v. 3. dum sapientia hospitibus offert mensam suam, & dulce propinat vinum, simul mittit ancillas, quæ eosdem vocent ad arcem, & ad mœnia civitatis. Quid crater cum arce, cum muris? adverto sermonem esse de B. V. & de illius uberibus; ex quibus fluit lac miserationis & dulcedinis,

S. 4.

Et figura,

B Virginie,

cujus ube-

ra turris

sunt, &

murus,

quia con-

solatrix est,

& auxi-

liatrix.

ta regio deliciarum, ad quam suspiro de valle lacrymarum ! Regnum opulentissimum sine penuria. In hoc regno omnes sancti sunt ditissimi. regnum lucidum sine tenebris. in lucidissimo hoc regno omnes sancti, milliones sanctorum lucebunt ut soles. Qualis lux ? qualis pulcritudo ? regnum gloriosum, sine omni infamia. regnum quietissimum sine omni labore. regnum præmiorum sine sudoribus. regnum pacis, sine omni discordia, regnum vitæ sine morte. Si quis suos oculos conjiciat in hoc regnum, etiam in paupertate, in fletu & luctu, in persecutionibus quomodo non sentiet solatium ? O beata regio paradisi ! O sancti millies beati, viventes in tali patria, in terra amœnissima, *quoniam ipsi possidebunt terram !* beati sunt, quia habitant juxta fontem omnis solatii, *quoniam ipsi consolabuntur.* Assident mensæ cui ministrant Angeli, fruuntur convivio cœlesti, & *saturabuntur.* pro fletu rident & lætantur, Deus *absterfit omnem lacrymam ab oculis eorum.* Misericordiæ sinus, est ipsis locus quietis ; *quoniam misericordiam consequentur.* beatitudo est illis lucidissimum speculum, in quo Deum vident ; sunt in honore summo, *fili Dei vocabuntur ;* verbo, *ipsorum est regnum cœlorum.* O beata regio paradisi ! & quando portas tuas intrabimus, quando fruemur & nos tuis gaudiis, quando audiemus illos angelicos concentus, illa nova cantica, illas jubilationes filiorum Dei. quando spatiabimur in tuis pratis, quando gustabimus dulcissimos tuos fructus ; quando gaudebimus tua visione ? quando cum omnibus sanctis erimus in cœlis ?

§ II.
Desiderium
cœli solat
ur nos in
tribul.

Laudo hæc vestra desideria. Desiderium cœli, confortat nos in tribul. solatur in adversitatibus, erigit nos ne labori vel tentationi succumbamus, facit nos currere viam mandatorum Dei. Desiderium cœlestis gloriæ, facit ut nobis sordeat tellus, ut amaræ sint mundi voluptates, ut contemnamus divitias. Desiderium cœli nos excitat, ut statuamus tenere easdem semitas, quas sancti tenuerunt Ezech. 40. vidit Propheta sibi objici pulcherrimum templum ; illud ingressuri debebant prius ascendere per octo gradus. Ad templum æternæ gloriæ, 8. gradus sunt *paupertas, humilitas, mansuetudo, luctus Pœnitentia, esuries & sitis*

& sitis Divinae gratiae, misericordiae, cordis mundities, pax, patientia.

S. Gertrudi aliquando dixit Christus D. *Tribulatio est quidam preciosus annulus, quo mihi animas despondeo.* Idem de singulis beatitudinibus dici potest. Suppono autem Gloriam coelestem S. Joanni in Apoc. fuisse repraesentatam ut ornatissimam sponsam. Huic in gaudio desponsati sunt Patriarchae & Prophetae. Desponsati Apostoli &c. cum eadem cupimus & nos aliquando desponsari; omnes anhelamus ad istas nuptias, itaque solliciti simus de anulo desponsationis. talis anulus est paupertas. talis anulus est mansuetudo &c.

§. 12.
Vultus tribulationis.



CONCIO LXXXVI.

FESTO ANIMARUM.

Sancta & salubris est cogitatio, pro defunctis exorare.

Machab. l. 2. c. 12. v. 46.

SYNOPSIS CONCIONIS.

- | | |
|--|---|
| §. 1. <i>Apostrophe ad Auditores, an velint piis animabus succurrere.</i> | §. 5. <i>Quantum inde solatium pro animabus in purgatorio.</i> |
| §. 2. <i>Ad succurrendum movere nos debet magnitudo tormentorum, quae patiuntur.</i> | §. 6. <i>In purgatorio aliquod est refrigerium, non in inferno.</i> |
| §. 3. <i>Sancta praxis juvandi animas; offerendo pro illis sanguinem Christi v. g. in sacro.</i> | §. 7. <i>Alia devota praxis sacerdotum sub sacrificio Missae.</i> |
| §. 4. <i>Item in Rosario Beata Vir-</i> | §. 8. <i>Epilogus.</i> |

ginis.

§. 1.
Apostrophe
ad Aud. an
velint ani-
mabus succu-
rere.

SI Aud. in vestra foret potestate bestiam aliquam jacen-
tem in profunda & tenebrosa cavea, inde educere,
nunquid ea foret vestra misericordia, ut extraheretis? Si
videritis in igne jacentem canem, nunquid velletis li-
berare. *Si asinus tuus* (Christus Salv. noster utitur hoc simi-
li Luc. 14. v. 5.) *incidat in foveam*, nunquid affertis funes & scalas
ut educatis? Inhumanus homo est, qui etiam bestiis non com-
patitur. Quid si in tali fovea ignea videritis jacentem formo-
sum juvenem, vel venustissimam Virginem? quid si opem ve-
stram miserabilibus vocibus inclamarent? An manum auxilia-
tricem negaretis? O qualis cavea, qualis carcer, quale erga-
stulum, est purgatorium, in illo jacent non bestia, sed nostri fra-
tres, forte sorores, forte parentes, nec jacent solum, sed in illo
loco patiuntur horribilia tormenta; & ubi est nostra compassio?
ubi misericordia? cum possimus, cur non succurrimus. O qua-
lis fornax est purgatorium locus flammarum? Inter illas ardent
animæ Deo dilectæ! cur, cum possimus, non conamur extin-
guere illas flammæ? O qualis fovea est purgatorium! in illo ja-
cent animæ tristissimæ, afflictissimæ; quare non laboramus, ut
illas consolemur? Brevi sermone conabor vobis persuadere, ut
concupiatis cogitationes sanctas, &c. pia desideria succurren-
di, & orandi pro his animabus.

§. 2.
Ad succur-
rendum
motus
nos debet
magnitudo
tormento-
rum, quæ
patiuntur.

S. Ludvvina piissima Virgo sæpius in spiritu deducta fuit ab
Angelo tutelari in locum purgatorii, ubi coram vidit & spe-
ctavit, quomodo arderent animæ illæ sanctæ, quæ paterentur
tormenta, quam sitim, quam desolationem, qualia tædia; hinc
deinde tantus in illa fervor & studium, per continuas & ferven-
tes orationes, per jugem mortificationem, per horrendos sibi il-
latos dolores, satisfaciendi divinæ Justitiæ, & liberandi animas
ex purg. Aliquando in tale erupit desiderium; *O si possem Deus
meus carnem & sanguinem meum dare, pro animabus illis quas tu
castigas.* O si ego hodie pro animarum solatio in purgatorium
deducere possem meos Auditores! O si videritis quomodo
ardeant. attendite bene, inspicite igneas illas fornaces, an non
forte sint animæ parentum vestrorum, vel fratrum aut sororum;
aut il-

aut illorum quibus variis titulis estis obligati. Tristis hic aspectus animarum gemitus & lacrymæ sine dubio moverent vos ad compassionem. Ferventibus precibus, eleemosynis, aliis operibus piis, præcipuè sacrificio illis succurrere potestis. Cogitatisne subinde; Hoc rosarium offeram B. V. pro fidelibus animabus. Hæc est sancta cogitatio, præsertim hodierna die, qua tota Ecclesia ad hoc auxilium conspirat. Cogitatisne subinde, pro animabus dabo hanc eleemosynam &c. Vel, O mi Jesu utinam tibi possem satisfacere hoc actu mortificationis; hæ sunt sanctæ cogitationes, & salubres, utiles animabus, his operibus liberantur è flammis.

Ut proprium sanguinem, cum S. Ludvina, pro illis in ly-
trum detis, hoc non exigo. Sed hoc bene, ut alienum sangui-
nem, scilicet sanguinem filii Dei pro illis æterno Patri & D. Ju-
stitiæ offeratis. Suggestam hic vobis sanctam & salubrem de-
votionem pro refrigerio animarum. 2. Reg. 21. v. 10. Respha
uxor Saulis, cum septem ejus filii à Gabaonitis essent acti in
crucem, *tollens illacilicium substravit sibi supra petram ab initio*
messis, donec stillaret aqua supra illos. In cilicio, lacrymis, &
ardentibus precibus placavit iratum Deum, & obtinuit plui-
am. Non permittit brevissimum mihi præscriptum tempus,
inherere literæ, vel aliis sensibus mysticis. Petra stillans aqua
repræsentat nobis Christum crucifixum fluentem sanguine.
Ab hoc pendet, ut refrigerentur ardentes animæ. sed hæc est
misera illarum conditio, quod suis precibus obtinere non
possint, ut illis stillet hæc aqua, ut super eas in purgatorium
decidant divinæ illæ guttæ, præsertim cum sacrificio missæ of-
fertur divinus calix, cum preciosissimo illo sanguine. Nos
vero sedere possumus juxta illam petram, nos ferventer pos-
sumus orare, nos Christum D. ad misericordiam possumus in-
clinare ut vel ex manibus, vel pedibus, vel benedicto Jesu cor-
de stillent aliquot guttæ sanguinis super illas animas.

Itaque animæ piæ, cogitatisne subinde, cum recitatis Ro-
sarium, hanc decadem recitabo in memoriam sanguinei sudo-
ris, hac intentione, cum hoc desiderio, cum hac obtestatione,

§. 3.
Sancta præ-
xi juven-
di animam
offerendo
pro illis
sanguinem
Christi v. g.
in sacro.

§. 4.
V. g. in Ro-
sario B. V.

ut aliquot guttæ stillent in purgatorium. hæc est sancta & salubris cogitatio, potissimum hodie (sic perge affectuose per reliqua mysteria Rosarii dolorosi.) Sodales Agoniæ moneo, ut hoc modo pro animabus recitent Rosarium quinque sacros. Vulnerum. Ex his fontibus, ex cavernis hujus petrae, haurire possumus aquam, qua animæ ardentes refrigerantur in purgatorio.

§ 5.
Quantum
inde solatium pro
animabus
in purgatorio.

Ingens hinc illis solatium & auxilium. Anima defuncti sacerdotis apparuit cuidam religioso (teste Luca Episcopo Thudensi) & dixit. *Dominicis diebus propter gloriam dominicæ resurrectionis, & præcipuis solennitatibus, & quoties pro nobis immolatur Deo hostia salutaris, multi nostrum nulla pæna afficimur, & ad loca ubi corpora nostra quiescunt, venire permittimur, quasi incenso, vel aqua benedicta, invenimus aspersa, tanto perfundimur refrigerio, ut nobis quasi paradisi quadam requies videatur.* Itaque laudo illos, qui hodie sepulcra mortuorum ornant floribus; placent mihi quod accendatis cereos, quod aspergatis aqua benedicta, quod incendatis odoris. profunt hæc cæremoniæ; junctæ orationibus & aliis operibus bonis, animabus corporum quæ in his sepulcris jacent. Sed si desideretis, ut animæ hæc inveniant quietem paradisi, aspergite quoque guttas sanguinis Christi. per sanctas cogitationes, per pia desideria, per 7. effusiones sanguinis Christi, ut saltem pauca guttulæ stillent in purgatorium. In meo Rosariolo pro piis animabus una decas sic habet. Pie Jesu, per sanguinem in circumcisione effusum, dona eis requiem. Pie Jesu, per sanguin. sudorem, dona eis requiem. Pie Jesu per sanguinem flagellationis, per tot millia guttarum, dona eis requiem &c. Hæ sunt sanctæ cogitationes.

§ 6.
In purgatorio est aliquod refrigerium: non in inferno.

S. Lucas ex ore Christi ait c. 16. v. 24. cum dives esset in tormentis, flamma infernali cinctus, *elevans oculos suos, vidit Abraham à longè, & Lazarum in sinu ejus, & cœpit rogare aliquod saltem solatium, Mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma.* Sed negatum illi fuit, quia in inferno, nullum ne minimum q. concedi-

conceditur solatium, nec guttula aquæ, licet horrendum torqueantur. Feliciores longè sunt animæ in purg. in iisdem q. ardent flammis, horrenda patiuntur tormenta nec possunt se juvare. ideo à nobis, qui juvare possumus, petunt auxilium, præcipuè ut intingamus nos corda nostra in fontes SS. Vulnerum Christi, in aquam benedicti lateris; fit hoc per peculiarem devotionem erga sang. Christi. Clamant verò è flammis, ut aliquas guttulas illis communicemus, quod fit in auditione missæ, in communione, in precibus quæ fiunt cum memoria Passionis & sanguinis Christi.

Novi pios sacerdotes, qui initio missæ, dum sub confiteor inclinant se, dum terram aspiciunt cogitant se videre apertum purgatorium, & in illo ardentes animas; Dum verò oculos elevant, ut aspiciant crucifixum, cogitant se videre distillantes guttas & decedentes super animas in flammis; hinc illa desideria, pie Jesu per tuum sang. dona eis requiem &c. Hæc est sancta & salubris cogitatio. Volui addere, quomodo sanctis cogitationibus B. V. potissimum, tanquam consolatrici illas animas debeamus commendare, sed effluxit media hora.

Scitote Audit. me serio petere à vobis, ut solliciti sitis, quomodo succurratis animabus in purgatorio; ne fortassis nobis dicant, quod defunctus dixit, qui debitam eleemosynam, & testamentum legatam differebat dare. *Adeone perfide, meo sanguine pascaris Christi; membra eleemosyna privas? quæ me ignibus ex-misset? pro Dei tribunali de injuria questus sum.* Et vos mei Audit. tamne estis duri, ut ne rosarium velitis orare pro animabus defunctis &c. animæ piæ queruntur coram Christi tribunali &c. hoc modo poterit fieri
p. pathos.


§ 7.

Alia devo-
ta praxis
sacerdotum
sub sacri-
ficio missæ.

§ 8.

Epilogus.

CON-



CONCIO LXXXVII.

FESTO PRÆSENTATIONIS B.V.

Beatus venter, qui te portavit.

Luc. II. cap. v. 27.

SYNOPSIS CONCIONIS.

EXponit triplex elogium B. Virginis ex Lauretanis Litanis, Quod sit Consolatrix, Auxiliatrix, sive Advocata, & refugium peccatorum; præsertim in hora mortis.

- | | |
|---|--|
| <p>§. 1. <i>B. Virgo comparatur aureo surculo, & arbori.</i></p> <p>§. 2. <i>Præsertim illi quam Danielis 4. vidit Rex Nabuchodonosor. Sub qua bestis tutum fuit refugium.</i></p> <p>§. 3. <i>Regina Esther, quo sensu fuerit fons, & petra.</i></p> <p>§. 4. <i>Est figura B. Virginis, cujus ubera sunt turris, & murus; quia Consolatrix est, & Auxiliatrix.</i></p> <p>§. 5. <i>B. Virgo est Consolatrix oculata & misericors.</i></p> <p>§. 6. <i>Præsertim erga peccatores, quos peculiari titulo diligit.</i></p> <p>§. 7. <i>Cur diabolus impediat, ne peccatores implorent auxilium</i></p> | <p><i>B. Virginis.</i></p> <p>§. 8. <i>Intercessio illius est efficax. Delectatur illa Filius.</i></p> <p>§. 9. <i>Maria, Filium suum nobis reddit suavem, & amabilem.</i></p> <p>§. 10. <i>Filius non potest non exaudire preces Matris sue. Figura fuerunt Abigail, & Ruth.</i></p> <p>§. 11. <i>B. Virgo, in hora mortis fidelissima adiutrix.</i></p> <p>§. 12. <i>Sine ejus auxilio æternum pereunt peccatores.</i></p> <p>§. 13. <i>Mors est terribile mysterium. Va morientibus! si non adsit illis Maria.</i></p> <p>§. 14. <i>Occasione Tragica Historia.</i></p> |
|---|--|

floria.

§.15. In Epilogo, Auctor deside-

rat colere & amare Ma-
riam.

SI S. Paulus verè dixit, prout illum dixisse arbitror, ad Rom. II. v. 16. *Siradix sancta, & rami.* Et aliunde certissimum sit, Mariam trimulam, imò dum in utero Matris sine omni originaria labe concepta fuit, fuisse ramum sanctissimum, non id adeo debemus mirari, nam radix S. Joachimus, radix S. Anna! fuerunt sanctissimi parentes, à quibus felicissimus hic surculus progerminavit. Ramus aureus & ditissimus, aureæ arboris, fructus & partus. Surculus hic plantatus fuit à Spiritu S. octava Decembris, in die sanctissimæ & purissimæ conceptionis; crevit in utero Matris per menses novem, donec octava Septembris, lætante cœlo, jubilante terra, prodiit in auras; cùm instar Orientis Auroræ lætissima sua Nativitate omnes exhilaravit. Per triennium surculus ille in ædibus paternis virere & florere cœpit, donec hodierna die ita volentibus parentibus, transplantatus est in templo Domini; quam diem, nos vocamus festum Præsentationis B. Virg. In qualem deinde arborem excreverit, non cupio hac concione latius explicare. Analogia tamen à surculo, & arbore desumpta, ansam mihi præbuit, ut cogitaverim, in hac mea dictione explicare vobis eximia illa magnæ Virginis elogia, quod sit consolatrix afflictorum, refugium peccatorum, auxilium Christianorum; quod proinde sit advocata nostra, quod nos muniat, protegat, atque defendat, præsertim in agone nostro; Ex primo statim elogio Virginis consolatricis advertere potestis, desiderium meum esse, ut vobis persuadeam peculiarem cultum erga illam imaginem, quæ hic Bambergæ in templo Societatis Jesu, sub titulo Virginis & Matris Consolatricis, magna devotione colitur. Ut voto meo fiat satis; ut ego & vos obtineamus hanc gratiam, ardentissime amandi Dei Matrem, dicamus una omnes in corde, cum S. Archangelo Gabriele, *Ave Maria! Ave Consolatrix nostra! Ave refugium nostrum! Ave advocata.*

Alveus III. Pars IV.

f

Non

§. 2.
*Præferimus
 illi, quam
 Dan. 4.
 in somnio
 vidit Na-
 buchodono-
 sor Rex.
 Sub qua
 bestius tu-
 tum fuit
 refugium.*

Non sine causa antea dixi, analogiam ab arbore desumptam suggessisse mihi paulo ante nominata elogia magnæ Virginis. Dan. 4. v. 8. Regi Nabuchodonosori in somnio objecta fuit arbor, magna & fortis, & proceritas ejus contingens cælum: aspectus illius erat usque ad terminos universa terra; folia ejus pulcherrima, & fructus ejus nimius. Quæ sequuntur, notate; *Esca universorum in ea, subter ea habitabant animalia & bestia.* Et qualis hæc circumstantia, qualis laus tam formosæ arboris, quod protegat animalia, quod bestiis præbeat umbram, latibulum & refugium? ut illas ramis suis protegat? Respondet quæstioni D. Amedeus hom. 8. de laudibus Mariæ. *Virga elegantissima, orta de tribu Jesse, ramorum suorum mirabili extensione, sese ubique terrarum expandit, ubi dispersos filios Adæ, ab aestu, à turbine, & à pluvia, umbra desiderabili protegit, & fructu saluberrimo alit.* O decus! O gloria! O magnificentia hujus arboris, cujus fructu indeficienti, cujus pastu immortalis, cæligenis atque terrigenis, fit jugis epulatio, continua exultatio. Quid timetis, O filii Adæ! sub hac saluberrima arbore! sub pallio Virginis consolatricis? in sinu, inter brachia Matris auxiliatricis? inter mœnia & muros civitatis refugii? ad latus potentissimæ advocatæ? sub clypeo Cœlestis Bellonæ, quæ terribilis est, ut acies castrorum ordinata. Sub umbra hujus arboris, habetis pastum, quo liberamini à malo famis: habetis protectionem, qua omnium hostium vires potestis ridere; habetis lætitiā, quæ omnes mœroris causas à vobis facit exulare. Non opus est, ut hanc arborem vobis ostendam; scitis bene, ubi peculiari cultu & fiducia colatur Imago Virginis Consolatricis. Premit vos paupertas? ibi quærite auxilium. Gravatur vos onus scelerum vestrorum, accusat vos infernalis hostis? eo currite, invenietis refugium, & patrocinium &c.

§. 3.
*Regina
 Esther, quo
 sensu fa-
 rit fons &
 petra.*

Suavissima Mater est Maria; ubera enim habet, quibus nos consoletur; sed simul potentissima Regina est, ut nobis auxilium & refugium præbeat: ut nos tueatur & defendat. Cum Esther cap. II. v. 8. Assverus Rex, suāsu Amani, jussisset occidi omnes Judæos; in die tenebrarum, & discriminis, tribulationis & angustie.

angustia, & cum ingens esset formido, inter gentem conturbatam, & preparatam ad mortem, ait textus; *Clamaverunt ad Deum, & illis vociferantibus, fons parvus crevit in fluvium maximum-lux & Sol ortus est.* Parvus fons, qui crevit in fluvium, & in lucem solemque conversus est, Esther est, quam Rex voluit esse Reginam. Sed cur Esther illa heroina, illa potens Regina, illa propugnatrix populi Israelis vocatur fons? responsum mihi suggeret S. Scriptura, quæ de mammis & uberibus matrum loquitur, veluti de fontibus, Jerem. c. 18. v. 14. *Nunquid deficiet de petra agri, nix Libani?* his verbis exprimuntur perennes fontes, stillantes per petras orti & deducti à nivibus Libani. Unde 70. sic legunt, *Nunquid deficient de petra ubera?* Et Theodoretus, *Nunquid deficient de petra mamma stillantes.* Philo de opificio mundi. *Terra quoque, antiquissima Matrum, ac fecundissima, natura mammas dedit, amnium fluentia, fontiumque.* Itaque spiritus S. illud auxilium & solatium, quo populus Israelis ab Esthere Regina, ex periculo mortis, liberatus fuit, optimè expressit, per fontem & petram. Fons misericordiæ symbolum est, petra fortitudinis, suavis, benigna, & potens, fortisque fuit Esther.

Sed figura. In Maria adimpletum est, ut inter illius ubera, solatium, auxilium, refugium, & protectionem inveniamus, ut ab ipsa ab æterna morte liberemur, ut à nobis avertat illud fulmen supremæ sententiæ, ab irato Assvero de æterna damnatione. Ideo cum sponsa ait Cant. c. 8. v. 10. *Ego murus, & ubera mea turris.* Circa quæ Wilh. Abbas apud Deltium. *Ubera mea, non tantum sunt ubera, sed etiam turris; non tantum nutriendi, sed & protegendæ vim habent.* Nullus me putet habere, quo nutriam, & non habere, quo muniam. *Materna pietas mea, quos nutrit, etiam munit.* Inter ubera hujus matris, qui moratur, hinc latus vivit, quasi in horto, hinc ridet hostes, quasi in munitissima arce locatus. Prov. 9. v. 3. dum sapientia hospitibus offert mensam suam, & dulce propinat vinum, simul mittit ancillas, quæ eosdem vocent ad arcem, & ad mœnia civitatis. Quid crater cum arce, cum muris? adverto sermonem esse de B. V. & de illius uberibus; ex quibus fuit lac miserationis & dulcedinis,

S. 4.
Et figura,
B Virginis,
cujus ubera
turris
sunt, &
murus,
quia con-
solatrix est,
& auxi-
liatrix.

ut filii lactentur, quia consolatrix est, & pro iisdem parat arcem, ut tuti sint; quia fortis est auxiliatrix. Fons est: petra est: ubera fluunt lacte, melle & vino; sed simul sunt muri. D. Germanus Constant. in theoria rerum Eccles. *Crateras interpreteris licet, mammæ Deiparæ, salutare latitæ poculum; & tutelare, ac conservatorium totius generis mortalium.*

§ 5.
B. Virgo est
Consola-
trix, Oc-
lata & mi-
sericors.

Hoc quoque ingens nobis debet esse solatium, quod consolatricem habeamus; quæ hinc, novit & scit nostras afflictiones & misérias; inde potest & vult juvare; facillimeque inclinatur ad maternam compassionem; De quibus circumstantiis D. Amedeus sup. citatus ait; *Astat beatissima Maria singulari merito, vultui conditoris, prece potentissima semper interpellans pro nobis. Sancta animalia Ezechielis licet ante & retro, intus & foris, atque in circuitu plena sunt oculis, labores tamen hominum, & dolores, extrema pericula, incertos exitus vite, & mala quæque humani generis, non æque ut Dei genitrix, valent examinare; examinando, cælesti auxilio diluere, & propulsare. Quo enim sublimius immensi cor Regis afficit, eo profundius, divina gratia pietatis afflictorum misereri, & miseris succurrere novit.*

§ 6.
Præsertim
erga pecca-
tores, quos
peculiari
oculo dili-
git.

Præsertim peccatoribus, erga quos peculiari fertur affectu benignitatis non sine peculiari causa, quam his diebus modo didici, vel legi, in S. Anselmo l. de excell. Mariæ c. i. *Cum recogito sanctum Mariæ Filium, ob hoc, ut peccatis hominum mederetur, factum esse filium ejus (juxta illud S. Pauli i. ad Timoth. cap. ii. v. 15. Fidelis sermo, & omni acceptione dignus, quod Christus Iesus venit in hunc mundum, peccatores salvos facere) non nihil spei concipio. Sciens, videlicet, illam magis propter peccatores, quam propter justos factam esse Dei Matrem. Si igitur ipsa propter peccatores facta est Dei Mater, quomodo immanitas peccatorum meorum cogere poterit desperare veniam eorum, cum tam ineffabile bonum, factum sit ex ea ob curationem eorum. Plane æquum est, ut Maria inclinetur ad peccatores, quando ii in causa fuerunt, quod ipsa Dei Mater fieret, & in Reginam cælorum assumeretur. Quis peccator, si velit non experiatur in se pia Mariæ viscera, quando ille in causa fuit, quod Mariæ viscera portaverint Dei Filium.*

Non

Non est, quod quamvis enormis peccator, timeat repulsam, si apud hanc auxiliatricem refugium quærat.

Ideo diabolus sollicitè allaborat, ne peccator id faciat. §. 7.
Cur diabo-
lus impe-
diat, ne
peccatores
implorent
auxilium
B.V.
Cum Amanus à Rege Assvero, obtinisset decretoriam mor-
tis sententiam in Judæos, simul & hoc mandatum publicari jus-
sit, Esther. 4. v. 11. *Omnes norint quod sive vir, sive mulier, non vo-*
catus, interius atrium Regis intraverit, absque ulla cunctatione sta-
tim interficiatur. Et quis scopus tam inhumanæ legis? Astus
fuit diaboli, qui id suggessit Amāno, ut Hebræi homines absque
ullo intercessore perirent. Rupertus l. 8. de Victor. c. 10. *Ea le-*
ge, diabolus, pro Aman abuti voluit, ut dum illi accusator tam fami-
liaris Regi immineret, & ad excusandum nullus aditus pateret (nec
Reginæ) ad exorandum nullus accessus fieret, emuncta Regis senten-
tia curreret irrevocabilis. Et cucurrisset, nisi urgente Mardo-
chæo Esther Regina, Regem accessisset. Feliciores nos su-
mus, qui habemus Mariam cœli Reginam, cujus tanta est au-
ctoritas apud Deum, ut nulla potentia creata, nullo astu diabo-
li, (dummodo nos velimus) nullis aliis legibus possit impediri,
ne pro nobis intercedat apud Filium; D. Methodius orat. in
Hypopantem. *Quamobrem te, O sanctissima Deipara, qua reli-*
quis omnibus & benignior es, & materno honore, ac cum Deo collo-
quendi libertate gloriosior, obnixè rogamus, ut nostri jugem, ac per-
petuam memoriam habere velis. Libera est Maria, ab omni im-
pedimento, libera ab omni lege & arte diaboli, ut ad Deum
pro clientibus suis introcat, quodocunque illi placuerit, sive,
quodocunque homo auxilium, solatium & refugium apud
ipsam quæsierit; tum enim benignissima Mater statim luccur-
rit. D. Aug. l. cur Deus homo. *Est quoddam singulare refugium*
post Deum, quod habemus Reginam sororem nostram, ac Dei genitri-
cem Virginem Mariam, que non cessit apud Deum pro hominibus in-
tervenire; Et nunquam sine fructu.

Nam Consolatricem, Auxiliatricem, Advocatam, Regi-
nam & Matrem habemus. De qua Hailgrinus ait in laudem § 8.
Intercesso-
B. Virginis
est efficax.
Delectatur
illa filius.
Mariæ. *Petitiones Maria Filius cum omni facilitate & delectatione*
admittit. Imo, cum placida dulcedine, in matris petitionibus Filius

specialiter delectatur. Cum sponsus Cant. 4. v. 9. Sponsæ innuere vellent, quod nihil ipsi posset negare ad illam dixit, *Vulnerasti cor meum.* vel, prout septuaginta legunt: *abstulisti mihi cor,* & cum corde meo, rapuisti omnem meum affectum & amorem, ut nihil tibi negare possim. Multo magis Maria vulneravit, & potentius rapuit cor Jesu, qui Matri nihil negat, facillimè ab illa inclinatur ad misericordiam; quod elegantissimi declaratur Rich. à S. Laur. l. 12. de laud. Mariæ, super illum vers. l. c. 11. Isaïæ. *Egredietur virga de radice Jesse, & flos de radice ejus ascendet. Virga florida vel fructifera, si deorsum flectitur, secum inclinat florem suum, vel fructum. Studeas igitur ad terram, id est, ad te, qui terræ es, amore & servitio flectere virgam illam, & securus esto, quia secum florem suum procul dubio, inclinabit.* Virga est Maria, in cujus summitate, maternæ & virginalis fecunditatis, albicat flos, & nitet fructus, Christus Jesus. Ad quem itaque inclinabitur Mater, inclinabitur & Filius; si Mariam habeamus benevolam consolatricem & advocatam, benevolum habebimus & Judicem. Alio simili vel symbolo idem exponit sponsa Cant. 7. v. 8. *Ascendam in palmam, & apprehendam fructum ejus.* bene dicit, ascendam, nisi enim prius id faciat, fructum, qui in alto crescit, non apprehendet. *Accedit, verò ad palmam* (Rich. à S. Laur. cit.) *qui fide per dilectionem operante, propinquat ad Mariam; Sed quasi ascendit in palmam, qui quomodo-
cunque potest, proficit in amorem & servitium ejus. Fructum vero palma, colligit mediante palma, qui precibus matris, à filio ejus veniam impetrat, & gratiam, & salutem.* Addamus, & solatium, & auxilium, & protectionem: dicamus itaque millies, Ave Maria! ave Consolatrix afflictorum, ave auxiliatrix, ave Refugium peccatorum, ave advocata nostra, & illos tuos &c.

S. 2.
Maria Fi-
lium suum
nobis red-
dit suavit-
er amabi-
lem.

Scio, Christum D. ob varias causas vocari petram vel saxum; afferunt aliqui & hanc, quod tanquam justus, rigidus & severus Judex, peccatoribus sit durus; sed memini etiam vers. 13. cap. 32. Deuter. *Constituit eum super excelsum terram, ut comederet fructus agrorum ut suggeret mel de petra, oleumque de saxo durissimo.* Sed quid significat, petram stillare mella & oleum; sive quod

quod idem est, quomodo fit, ut Christus D. severus Iudex, simul sit amabilis & misericors? Respondet Hugo Victor. ser. 22. de pop. Domini; *Petra & saxum Christum significant; saxum erit, cum apparebit in nubibus cæli, in iride Majestatis suæ, ubi nullus amplius erit locus misericordiæ. Petra-vero fluens melle & oleo est, in sinu matris.* Quàm diu consolatrix & advocata nostra, apud Judicem adhuc pro nobis intercedit; non timeamus Judicem, sed amemus Salvatorem. In sinu consolatricis nostræ, si volumus, invenire possumus mel, id est, solatium, auxilium &c.

Audacior quibusdam videbitur Rich. à S. Laur. l. 2. p. 1. in 1. Reg. c. 25. cum dixerit; *Tam prudens & diserta advocata est Maria quod non potest filius vindicare in eos, pro quibus ipsa allegat:* quod significat Abigail, quæ avertit iram David, à Nabal stulto, subtilitate verborum suorum: qui Nabal significat peccatorem. Tanta est Marianæ intercessionis omnipotentia. Arcana quadam vi Deus inhibet ultionem in eos, pro quibus orat Maria. Nempe sic filius Dei ad Matris preces iram justissimam, meritissimamque vindictam cohibet, ac si aliter non posset facere. cap. 3. v. 11. Rutha rem arduam postulaverat à Boozo, nihilominus placido ore incunctanter respondit. *Noli metuerè, quidquid dixeris mihi faciam tibi.* Et ideo- multo magis Maria, (D. Germ. Arch. Constant. or. 2. in M. dorm.) *quæ mater in Deum auctoritate pollet, etiam is qui enormiter peccant, eximiam remissionis gratiam conciliat, non enim potest non exaudiri; cum Deus, ut vera & intemerata Matri suæ, quoad omnia, & per omnia, & in omnibus morem gerat. Hinc meritò afflictus quisque ad illam confugit; infirmus tibi adhæret; bello petitus te hostibus opponit.* Ob eandem causam idem D. Germ. ausus fuit dicere, *Nemo salvus, nisi per te, O Deipara; nemo periculorum expers, nisi per te, Virgo parens; nemo redemptus, nisi per te, Dei Mater: nemo misericordiam consecutus, nisi per te. Quis enim peccatores, & suos clientes, tanto opere defendit, O Domina.*

Et præsertim in hora mortis; quod est ultimum punctum hujus concionis. O felices, quibus contingit, ut consolatrix, auxi-

§ 10.
Filius non
potest non
exaudire
preces Ma-
tris suæ. Fi-
gura sue-
runt Abi-
gail &
Ruth.

§ 11.
B. Virgo, in
hora mor-
tali in fidelis-

*fina adju-
vix.*

auxiliatrix & advocata Maria, morientibus assistat. Nam in illa est *gratia omnis via*, Ecclef. c. 24. v. 25. scilicet illius, *qua ducit ad filium* (Rich. à S. Laur. l. 2. de laud. Mar.) *qui est vita: ambulantes per has vias, ostendit Maria se ipsam, hilariter exeuntibus de hoc mundo, & in omni providentia, quem ipsa dat, ad conservandam animam, occurrit, illis quasi adiutrix fidelissima.*

*§. 12.
Sine illius
auxilio
eternum
perirent
peccatores.*

Putant aliqui de B. Virgine loqui v. 12. cap. 60. Isaia. *Gens & regnum, quod non servierit tibi, peribit, & gentes solitudine vastabuntur.* Dico ego in particulari de quovis peccatore, in agone constituto: nam *destitutus, tanta Matris auxilio* (Rich. à S. Laur. l. 2. de laud. M.) *per consequens destituitur auxilio filii & totius curia celestis.* Ex quo clamat D. Ildeph. l. de Virginit. Mar. c. 4. *Vnde jam veni mecum ad hanc Virginem, ne sine hac properes ad gehennam. Veni, abscondamur sub velamento virtutis ejus, ne induaris confusione, sicut Aspidochelone.* Non potest bene mori, destitutus auxilio Mariæ. nam loquentur illi inimici in porta &c. Clientibus verò suis est advocata, cum in conspectu Dei (coram tribunali Judicis) bonum pro illis loquitur, & contradicit adversariis nostris, ne obstrepere possint. Ideo peccatores multi (S. Germ. C. cit.) qui per Mariam Deum exquisiverunt, salvi facti sunt, dicuntque; nisi, quia Domina adjuvisset nos, paulò minus habitassent in inferno animæ nostræ.

*§. 13.
Mors est
terribile
mysterium.
Peccatores
si non
adfit Ma-
ria.*

Cum magno solatio sæpe lego, promissionem B. Virginis factam S. Mechtildi; *Ego omnibus, qui mihi pie & sancte deserviant, volo in morte, fidelissime, tanquam Mater piissima, adesse, eosque consolari, & protegere.* Vere, vere, terribile est mortis mysterium, dixit S. Nilus ad Agathiam: *trepidant, sudant, vociferantur in illo agone hilariores, & viri sanctissimi; quid nos faciemus.* Ad est enim tum diabolus, Apoc. 12. v. 12. *habens iram magnam, sciens, quod modicum tempus habet.* O si ex alta quapiam specula, omnes, quaque longe ac late patet orbis, in agone luctantes mortales conspiceremur, O si pericula videremus, & exquisita dæmonum studia, & apertum rictu immuni, atque hiatu, tartari, animas nunc hac hora migrantes glutientis os! quàm exardesceret in cordibus nostris accensum desiderium, dicendi quoti-

quotidie, omni possibili devotione, consolatrix afflictorum, in hora mortis nostræ, Ora pro nobis &c.

Tremefactum sibi cor & concussum fatetur l.i. ep. 10. B. Petrus Damiani, quando rem audivit, quam gemendæ calamitatis historiam vocat. Ex duobus viatoribus, in densa sylva, in unum horrendus serpens biceps subito insiliit; ut miser se defenderet, securi alterum serpentis caput amputavit. Sed ille, ferocior sinuosis eum spiris implicuit & involvit, totumque hominem suis viribus vendicans, in subterraneæ specus latebras asportavit, opem amici territi, nequidquam ultimis clamoribus implorantem. Tum subdit B. Petrus Dam. *Meditor spe: Ecce homo & bestia, duo pariter in spelunca, non mediator intervenit, non creptor accedit.*

§. 14.
*Occasione
tragica hi-
storia.*

Quæso Auditores dilectissimi, ex hac historia meditamini vos morientem impium, sine auxilio magnæ Matris. fateor, cor meum tremit, & concutitur. Mors, truculentissimi in Paradiso serpentis filia, sæpe subito, invadit hominem; adest si mul dæmon, ut trahat in speluncam æternitatis; superi! hinc mors, dæmon, furæ, serpentes, spectra, monstra! hinc homo solus, sine ullius auxilio. Facite vos, quod vultis Auditores; ego ex hoc momento, ita amabo Mariam; ita colam, toties ardentissimis precibus Matris fatigabo aures, ut in illo agone, sit mea consolatrix &c.

§. 15.
*In Epilogo
Auctor de-
siderat co-
lere, &
amare Ma-
riam.*

CONCIO LXXXIIX.

FESTO S. ANDRÆ APOSTOLI.

Salve O Crux preciosa: O bona Crux Salve.

SYNOPSIS CONCIONIS.

Affert plurima elogia SS. Crucis, desumpta potissimum ab Iride, veluti totidem causas, ob quas cum S. Andrea, Crucem appellare possumus preciosam.

Alveus III. Pars IV.

t

§. I. S.

- | | |
|--|---|
| <p>§. 1. <i>S. Andreas fuit stella, Saphyrus, Sardinus, Palma.</i></p> <p>§. 2. <i>Origo Iridis, & ejus descriptio.</i></p> <p>§. 3. <i>Iris est symbolum divina misericordia, SS. Eucharistia, B. Virginis; & praesertim S. Crucis.</i></p> <p>§. 4. <i>Elogia Iridis ex SS. Patribus.</i></p> <p>§. 5. <i>Applicantur sanctissima Crucis.</i></p> <p>§. 6. <i>Prosecutio.</i></p> <p>§. 7. <i>Prosecutio.</i></p> <p>§. 8. <i>S. Crux est signum, in quo est omnium rerum tuta prosperitas.</i></p> <p>§. 9. <i>Quam gaudenter debeamus amplecti crucem.</i></p> | <p>§. 10. <i>Repetita analogia inter Iridem & crucem.</i></p> <p>§. 11. <i>S. Andreas in cruce fuit caelestis Aspalathus.</i></p> <p>§. 12. <i>S. Andreas in cruce invenit favos caelestium deliciarum.</i></p> <p>§. 13. <i>Ramnus Rex arborum ex cap. 9. Indicum fuit figura crucis.</i></p> <p>§. 14. <i>Elogia crucis ex S. Athanasio.</i></p> <p>§. 15. <i>Crux in medio corona, contexta, ex stellis.</i></p> <p>§. 16. <i>A cruce gaudium, gloria, & regnum.</i></p> |
|--|---|

§. 1.
S. Andreas
fuit stella,
Saphirus,
Sardinus,
Palma.

SI gloriosissimi duodecim sancti Apostoli, sunt duodecim lucidissima stellæ, quibus S. Joannes in Apocalypsi c. 12. v. 1. vidit, coronatum verticem fœminæ, circumamictæ Sole, quæ ex mente S. Ambrosii fuit Typus sponsæ Christi, sive Ecclesiæ; stella pulcherrima, ordine secunda, fuit S. Andreas. Stella lucidissima, quæ suis radiis, & nova luce Evangelii remotissimas Asiæ regiones, illustravit. Si duodecim Apostoli, sint totidem preciosissimæ gemmæ, & lapides, quibus veluti basibus inædificata est civitas Ecclesiæ, (sic tensit Joachimus Abbas) S. Andreas, alter ordine Apostolus, fuit Saphirus, qui inter illas gemmas à S. Joanne secundo loco ponitur. Saphirus teste Plinio, aureis punctis & stellulis perlucens, cœruleo colore perspicuus, & serenus, quoddam parvum cœlum refert. Talis gemma fuit S. Andreas, præcipuè cum in cruce penderet, plenus cœlestibus deliciis. Si duodecim Apostoli sint duodecim columnæ, quibus incumbit domus Ecclesiæ; altera colu-

columna est S. Andreas, ex lapide Sadio, ob naturalē rationem planē peculiarem. Sicut enim magnes ferro, succinum paleę, sic Sadius ligno, occulta sed forti quadam vi, veluti glutine constringitur, ut ab eo separari & abstrahi difficulter possit; Refert Alb. M. lapidem hunc ita fortiter adhærere tabulis, ut avelli non possit, nisi abscindatur cum eo pars tabulæ, cui inhæserit. Talis Sadius fuit S. Andreas, postquam semel lignum crucis fuit amplexatus; semel affixus & funibus alligatus beatissimæ isti arbori, avelli, vel liberari ab illa non voluit, nec potuit, nisi mortuus: non sine miraculo, de quo ait Vita Apostoli; Mittentes manus ad crucem artifices, non poterant penitus contingere eum, & subinde alii & alii se ingerentes, ut solverent eum, non poterant; vi quadam altiori fuerunt impediti. S. Andreas, fortissimus Sadius usque ad mortem adhæsit cruci. Si denique duodecim Apostoli, sint totidem pulcerrimæ, fructiferæ arbores, in agro, vel horto Ecclesiæ, S. Andreas fuit pulcerrima palma, cujus fructus fuit peculiaris; arbor erga SS. Crucem in qua vitam pro Christo posuit. Scitis, piissimam oratiunculam, sive ignea verba, quibus erectam crucem, cum in conspectum ejus venit, S. Andreas, salutavit; *Salve crux preciosa: Salve, O bona Crux, diu desiderata, & jam concupiscenti animo preparata; gaudens venio ad te: ita & tu suscipe discipulum ejus, qui in te pependit.* Quare vir sanctus Crucem compellarit preciosam, bonam sive utilem, desideratam; quare gaudens crucem suscepit, & cum gaudio in illa mortuus fuerit; hac concione fusi exponam; ut in nostris quoque cordibus tener quidam amor erga SS. Crucem exoriatur.

Cum Noë finito diluvio cum suis ex arca in montibus Armeniæ fuit egressus, promisit illi Deus, non puniturum se amplius mundum, submersione aquarum. Verum quia bonus Deus videbat, eorum animos præteritæ calamitatis horrore confusos atque consternatos, non posse penitus metum & timorem abjicere; præsertim si forte cælum nubibus obducetur; ad solatium & fiduciam concipiendam de divina misericordia Deus factam promissionem confirmavit certo signo, de

5.2.
Origo tri-
dii, & ejus
descriptio.

quo ait cap. 9. Gen. v. 13. *Arcum meum ponam in nubibus, & eris signum fœderis inter me & inter terram: cumque obduxero nubibus cælum, apparebit arcus meus in nubibus, & recordabor fœderis mei.* Hic arcus, fuit pulcherrima iris, quæ inter toridas nubes oculis Noë se objecit; tam pulcra & decora, ut Ecclesiasticus deinde dixerit cap. 43. vers. 12. *Vide arcum, & benedic eum, qui fecit illum: valde speciosus est in splendore suo, gyravit cælum in circuitu gloriæ suæ, manus excelsi aperuerunt illum:* quibus verbis iris commendatur à decore, & pulcritudine, ob amœnissimos colores, quibus recreat aspectantium oculos, à forma & figura; est enim quasi pulcherrimus cœli baltheus & fascia; à magitudine & amplitudine, quæ ab Oriente in Occidentem, vel à meridie in Septentrionem protenditur, ideo Tigurina versio ait, *Manibus altissimi eum extendentibus.* Hæc ad litteram.

§. 3.
Iris, est sym-
bolum, di-
vine mis-
ericordiæ.
SS. Eucha-
ristiæ. B.
Virginis; &
præsertim
SS. Crucis,

In sensu symbolico & mystico, iris, signum est divinæ misericordiæ; cujus thronum S. Joannes in Apoc. vidit iride circumdatum, ut omnes cum magna sp̃e & fiducia illum accedant. Iris, pulcherrima quoque ista imago, vel sacros. Eucharistiæ, vel B. V. quæ modo tantum insinuo, quia cum S. Andrea propero ad crucem. Sacros. crux fuit speciosus & purpureus ille arcus, quem Christus D. dimensus est, dum in illo brachia Christi D. fuerunt extensa. Crux fuit ille arcus, quem Filius altissimi, non coloribus sed suo sanguine depinxit, & tot rosis, quot guttis sanguinis decorum fecit. Crux fuit ille arcus, quo armatus Salvator mundi, de suis hostibus, de diabolo, de morte, de peccato, de inferno, triumphavit. sacros. Crux, fuit arcus amoris, ex quo Redemptor noster, cum extensus esset in cruce, validissimas sagittas amoris, & ignea tela ardentis orationis, cum gemitu & lacrymis, cum clamore valido, tum erga cœlestem Patrem, tum erga nos fuit ejaculatus. Verbo iris est symbolum crucis, in qua Salvator mundi pependit in monte Calvariæ. O cœlestes spiritus! novem angelorum chori! O Patriarchæ & Prophetæ! O Apostoli; tu inter illos, gloriosissime Andrea! In-victi Martyres! O omnes sancti, procumbite coram hac iride, coram sanctissima cruce; Videte arcum! & benedicite eum, qui fecit illum; valde speciosus est in splendore suo; *Vide quantas sit excel-*

excellētia hujus signi, (D. Chrysoſt. hom. de cruce & latrone) illa die ſol obſcurabitur, luna non ſplendebit, aſtra cadent. Crux apparebit ut intelligas illam luna ſplendidiorē, ſole fulgentiorē, ſtellis clariorem. Manus excelsi aperuerunt illum; ſive, manus altiffimi in illo extenſæ fuerunt.

S. Chryſoſtomus iridem vocat, *Dei cum hominibus reconciliati chirographum.* S. Hieron. *Supernaclementia ſimulacrum.* S. ^{§ 4. Elogia tri-} Damascenus, *cæleſtium induciarum pignus.* S. Auguſtinus, *divi-* ^{da ex SS. Patribus.} *na amicitia teſſeram.* S. Bernardus. *Sempiterni fœderis obſidem.* S. Ambroſius. *Multiformis gratia ſpecimen.* S. Cyprianus. *Cæleſtis benignitatis typum.* S. Nazianzenus. *Benevolentiffimi Numinus teſtimonium,* S. Baſilius, *Pacis ſequeſtram.* Venerabilis Beda. *Divina propitiatiōis ſymbolum.* Anaxagoras; *Serenitatis præludium.* Macrobius. *Benigniſſimum cæli prodigium.* Ab aliis profanis auctōribus, vocatur, *divina quedam Aſtologia, ſuperum legata, felicitatis index, tranquillitatis præco, lætitiæ præambulatix.*

Dicite mihi auditores, ſi Principem aliquem graviter offendiſſetis; qui loco meritæ pœnæ, veniam & amorem vobis offerret; & in ſignum veræ benevolentix offerret chirographum ^{§ 5. Applican-} ſua manu ſcriptum: nunquid exclamaretis, O precioſam ſyngrapham; ideo S. Andreas crucem pronuntiavit *precioſam*, quæ ^{tar ſanctiſ-} chirographum eſt, ſive ſyngrapha, quam Chriſtus D. ſuo ſanguine ſcripſit; noſtrum chirographum de peccatis noſtris, eodem ^{ſima cruci.} cruore delevit, & affixit illud cruci, laceravit, combuſſit. Suam verò crucē ſubſtituit, ut ſit nobis teſſera, reconciliati Numinis. & *divina propitiatiōis ſymbolum.* Non miror S. Andream, jacentem ante crucē exclamaſſe; O precioſa crux! O bona crux.

Si Chriſtus D. nobis offerret gemmā; ut quibuſdam ſanctis ^{§ 6. Proſecutio.} obtulit, & diceret; fili, hæc gemma erit tibi teſſera meæ amicitie, benevolentix & amoris. Quamdiu hanc gemmam de collo tuo feres, habebis certiffimū pignus induciarū, quod te punire non velim; nō obrueris à repentina morte, nō eris in periculo æternæ damnationis. Hæc gemma erit tibi obſes confirmati fœderis, quod olim pepigi tecum, in ſanguine meo, cū pependi in cruce; volo deniq; ait Chriſtus D. ut hæc gemma ſit tibi teſtimonium benevolentiffimi amoris! ſi Chriſtam amamus! ſi amari

ab illo volumus! si amicitiam ejus desideramus! si optamus felicem mortem! si timemus æternam damnationem! si nobis est in animo, ut firmum fixumque maneat fœdus inter nos & Christum D. initum in cruce; cui subscripsit sanguine suo! nunquid æstimabimus hanc gemmam, nunquid exclamabimus; O preciosam gemmam! Non miremur S. Andream adeo æstimasse & amasse crucem, ut, etiam dum illi affigi, dum in illa inter atrocia tormenta mori debuit, exclamarit, *O Preciosa! O bona crux!* hæc est tessera divinæ amicitiae, & cœlestis amoris; hæc est pignus tam utilium induciarum; si crucem amamus, moriemur sancte! si crucem diligimus stabile manebit nostrum fœdus cum Christo crucifixo.

§ 7. *Profecutio.* Conglobate reliqua encomia Iridis; & dicetis de sacros. Cruce; hæc est, supernæ clementiæ simulacrum! Crux sacros. est specimen multiformis gratiæ. Sacrosancta Crux est typus cœlestis benignitatis! est pacis sequestra! est symbolum divinæ propitiationis! est præludium serenitatis æternæ! est prodigium amoris & divinæ misericordiæ! est index felicitatis, præco tranquillitatis, lætitiæ sempiternæ præambulatorix. ☉ animæ piæ, procumbite hodie in genua coram sanctissimo ligno; videte hunc arcum; videte arborem, in qua pendet salus & vita mundi. Videte, & benedicite eum, qui hunc arcum posuit in nubibus; benedicite eum, qui in hac arbore suspendi & mori voluit! valde speciosus est in fulgore suo, decore & splendore suo; de cruce, si est simulacrum divinæ clementiæ, si est index nostræ felicitatis, si nuntia æternæ beatitudinis, merito cum S. Andrea exclamare possumus, *Salve O Crux preciosa! O bona crux Salve.*

§ 8. Pulchrè dixit S. Ambrosius ser. 43. ad conversum & baptizatum gentilem; *Nonne cum adhuc gentilis esses, solebas signa perquirere; qua signa quibus rebus essent prospera, magna inquisitione colligere? jam nunc nolo erres in numero! Scito, quia in uno signo Christi, omnium rerum est tuta prosperitas.* Fortassis dum gentilis ille hoc agnovit, exclamavit, O nobile! O preciosum! O carum signum! S. Andreas agnovit, hoc signum esse crucem; In cru-

S. Crux
est signum
in quo
omnium
verum est
sua pro-
speritas.

In cruce omnium rerum est tuta prosperitas! alii SS. PP. Bonorum omnium summa. in hoc signo fulget divinus amor! in hoc signo radiat divina misericordia! in hoc signo nobis promittitur cœlestis benedictio! Cum Octavianus Augustus electus Imperator, urbem Romam fuit ingressus, medio die, solem einxit & circumdedit pulcherrima Iris, instar aureæ coronæ, quæ auguribus fuit prælagium pacis & magnæ felicitatis, sub imperio hujus Imperatoris. Nolite errare auditores! si signum veræ felicitatis quæritis; iridem sive sacros. Crucem quærite cum S. Andrea, & dicite, O preciosa! O bona crux..

Ex his iisdem elogiis sacros. Crucis colligere possumus causas, ob quas cum S. Andrea gaudentes debemus amplecti crucem, & cum lætitia in illa perseverare. Crux est paupertas! cruces sunt merbi! cruces sunt malevolæ linguæ. Clarius loquar: quoties adversitas aliqua vel tribulatio nos premit, & affligit; cogitemus illum afflictionem offerri nobis, à Deo vel Christo D. veluti syngrapham, quod nos amet; S. Basilius or. de transfig. *affectionem probat crucis societas*, quod in altero mundo nos punire non velit. Aves scire fili mi! an Christus D. te diligat, an tibi bene velit, &c. ne dubites, cum S. Andrea te ducit ad crucem: agnosce tantum, & dic cum S. Andrea, salve &c.

Cœlum omnes exoptamus; ibi erit serenitas æterna! sed in terris, ejus præludium debet esse Iris sanctiss. Crucis. Cœlum quærimus! ibi est æterna felicitas & beatitudo! in terris dum vivimus, ejus index est Iris sanctiss. Crucis. O preciosa crux! Ad cœlum tendimus! veluti cervi anhelamus ad illos fontes lætitiæ sempiternæ! ad torrentes voluptatis! ut ibi æternum lætemur & exultemus. Sed prius in hac lacrymarum valle, per spinas, per tribulos, per saxa, præambulatoria nostra esse debet, Iris sanctiss. Crucis.

Dolerem, si sanctissimam Crucem, non comparassem Iridi; inter alia hoc habet iris mirabile. Teste Aristotele l. 3. Probl. 3. & Plinio, l. 12. c. 24. Iris, illas herbas, quibus ejus cornua incumbunt, reddit valde odoratas. Si, Aspalathus, sive spina candida, magnitudine modicæ arboris, parvulas germi-

nat:

§. 9.

Quare gaudentes debemus amplecti crucem.

§. 10.

Repetita analogia: inter Iridem & crucem.

§. 11.

S. Andreas in cruce fuit celebratus.

nat rosas, tum maxime odoratas, cum inenarrabili quadam suavitate, cum super hunc fruticem cœlestis arcus curvatur. Idem Plinius ait; Terra, cum à siccitate continua immaduit imbre, si in illam arcus cœlestis dejecerit capita sua, tum emittit quendam divinum halitum ex sole conceptum, cui comparari suavis nulla potest. Quidni vocem hodie S. Andream cœlestem Aspalathum, vel decorum flosculum; parvum ob humilitatem, spinosum ob tribulationes quas pertulit; sed, pendentem in cruce, plenum cœlestibus odoribus, & odoramentis, quæ fuerunt ardentissima ejus suspiria ad crucem & Christum Salvatorem. Unde tanta fragrantia? unde cœlestis odor nisi ab iride sacrosanctæ crucis; nisi a tole Christo Jesu, qui prior in cruce obiit. O preciosa crux.

S. 12.
S. Andreas
in cruce in-
venit favos
cœlestium
deliciarum

Addit Aristoteles; ad generationem aërii mellis, sive ad manna, multum conferre odoratas qualitates, quæ manserunt in floribus & herbis, quibus iris incubuit, & inde apiculæ colligunt mel suavissimum. Quidni apiculam vocem Andream, plenum melle? Dulce manna est cœlestis amor! suave mel est tenera devotio cordis. Dulces favi sunt cœlestes consolationes! his tam copiose de cœlo S. Andreas etiam pendens in cruce, quasi obrutus fuit, & inebriatus ab ubertate domus Domini, ut dulce, & summa suavis illi fuerit, pendere in cruce, ut noluerit ab illa separari, vel liberari. Sed unde illa solatia in corde S. Andree? nisi ab iride sacrosanctæ crucis, quam totis visceribus cordis complectebatur, & ut interna gaudia foris ostenderet, melleis verbis exclamavit, salve, O preciosa crux! O bona crux. Iris cum fulget, plerumque salubres generat pluvias; O animæ piæ, si corda vestra desiderant pluvias cœlestium consolationum, si favos quæritis suavissimarum deliciarum, hoc necesse est, ut vos tangant cornua crucis; hoc necessarium est, ut cœlestis hic arcus super vos curvetur; gustate, stringite cum S. Andrea crucem, mox in dulces prorumpetis voces, O preciosa crux.

S. 13.
Rhamnus
rex arborum

Cum Judicum cap. 9. v. 15. arbores elegissent rhamnum in regem, dixit ad illas. *Si verè me Regem constituis, venite & sub*

sub umbra mea requiescite. Et qualem umbram inveniemus sub spinosa arbore? qualem quietem inter spinas? Rhamnus ille fuit figura sacrosanctæ Crucis. Facta est arbor regia, cum Rex Regum illi fuit affixus: germinavit, floruit spinosa crux, cum rigata fuit sanguine filii Dei; sanctissimis membris divini corporis, vulneratis manibus & pedibus, fuit exornata, veluti rosis; rhamnus conversus fuit in therebynthum, latè expandentem suos ramos. Conversus fuit in pomum, de quo sponsa ait; Cant. 2. *Sicut malus inter ligna sylvarum, sic dilectus meus; sub umbra illius sedi.* Honorius. Scilicet, malus est crux: fructus ejus Christus: umbra, tutela. O animæ piæ, estote aviculæ, advo- late, hic umbram & nidos quærite. Dulcis lusciniæ in palma crucis fuit S. Andreas, suaviter cantillans, salve O Crux precio- sa! sponsum sedentem in palma habuit præ oculis, & sub umbra illius, quæsit, imò invenit quietem & æternam felicitatem. Ob delicias crucis S. Chrysost. & alii SS. PP. illam vocarunt, *Argumentum totius gratulationis spiritualis; Latitiam nostram & spem desperatorum; Clavem Paradisi, dulcem sarcinam; dulce lignum quod amaras aquas reddit dulcissimas.* Lignum plane pre- ciosum.

Præter alia innumera bona & ingentia beneficia, quæ de- bemus sacros. Cruci; nam (S. Athanasius q. 158. ad Antioch.) *Cruce de morte triumphavit: diabolus sustulit; Cruce con-* § 14.
Elogia cruce
ex S.
Athanasio
culcata est mors ejusque metus: & in exilium relegata legis maledictio: infernus celsit in prædam; peccatum & ejus reatus est abolitum; natura hominum à servitute Satanæ liberata, dia- bolus, ut invicto credentium animo nocere nequeat, est liga- tus; plantata est salus, resurrectio est patefacta; vita est orta. Quidni milles, in gratiarum actionem pro tantis beneficiis, cum Sancto Andrea exclamemus, *Salve O preciosa Crux! O bona Crux Salve;* gaudio gaudentes te amplectimur, & cum jubilo salutamus: quia bene gnari sumus nobis expedi- re, ut ad imitationem Sancti Andree simus amatores Crucis Christi.

Alveus III. Pars IV.

u

Glo-

§. 15.

Cruce in
medio Co-
rona con-
gesta ex
lucidissimis
stellis.

Gloriam denique, qua victrix anima S. Andreae in cœlis fruitur, & aliquando resumpto corpore æternum fruetur, reperit in cruce. Via crucis illum deduxit ad bravium immarcescibilis coronæ. Jucundissimum spectaculum videt Roma, in morte S. Eusebiæ Romanæ Virginis (teste Bollando 24. Jan.) Ipso in meridie, alto sole, sudoque aëre apparuit corona è micantibus stellis contexta, in cujus medio crux erat, miri candoris, ut cœlum nobis innueret, amatoribus crucis in cœlo parari tales coronas. Spinæ crucis aliquando convertentur in rosas & stellas. Ite pictores, si volupe vobis est ornare hodie crucem S. Andreae aliquo symbolo; pingite supra verticem invicti athletæ coronam è lucidissimis stellis; imò major longe favor gloriosissimo apostolo fuit exhibitus; nam, ut ait S. Vincentius ser. de S. Andrea, ipse Christus D. cum multitudine angelorum descendit in terras, ad locum Martyrii, & animam S. Apostoli secum deduxit in cœlum. O millies preciosam crucem! in qua S. Andreas tam preciosam invenit coronam! Neque nos alibi inveniemus nisi in cruce.

§. 16.

A cruce
gaudium,
gloria, &
regnum.

De triumphante Imperatore apud Romanos dixit S. Augustinus; *Triumphat victor Imperator, & quanto majus fuit periculum in prælio; tanto majus est gaudium in triumpho.* Idem nobis continget, & contigit S. Andreae. Quanto major est afflictio nostra in hoc mundo, quanto gravius est pondus crucis (si momentaneum pondus dici potest) tanto gravius erit pondus gloriæ. Neque dubitemus de ejus certitudine, si cum S. Andrea crucem amplectimur. Estheris cap. 15. vers. 15. *Assverus tulit auream virgam, & posuit super collum ejus.* Josephus ait l. II. cap. 6. *Sceptrum in manu ejus inseruit, & cervicem ejus virga permulcens aurea, à legis metu, omnino fecit liberam, & regiam dignitatem illi confirmavit.* Et miraris, amice mi, cur subinde Christus Dominus crucem humeris tuis imponat? sic offert sceptrum; sic mulcet te, sic tenerum monstrat amorem, sic te disponit ad regnum. O preciosum sceptrum! O preciosam Virgam! O preciosam crucem! O preciosam coronam.

CON



CONCIO LXXXIX.

FESTO DEDICATIONIS ECCLESIAE.

Hodie salus huic domui facta est.

Luc. 19. cap. v. 9.

SYNOPSIS CONCIONIS.

Agit de sanctitate & aliis elogiis Ecclesiarum.

- | | |
|--|---|
| <p>§. 1. <i>Ecclesia est domus aeterni Patris.</i></p> <p>§. 2. <i>Ecclesiae sunt Aula Dei.</i></p> <p>§. 3. <i>Sunt Paradisus in terris.</i></p> <p>§. 4. <i>Alia elogia.</i></p> <p>§. 5. <i>Deus habitat in Ecclesiis Christianorum.</i></p> <p>§. 6. <i>Quid hac verba significant.</i></p> <p>§. 7. <i>Affectus admirationis.</i></p> <p>§. 8. <i>Prosecutio.</i></p> <p>§. 9. <i>In Ecclesiis est terra sancta. Quare?</i></p> | <p>§. 10. <i>Prosecutio.</i></p> <p>§. 11. <i>Comparatur Ecclesia cum monte Sinai.</i></p> <p>§. 12. <i>Cur Moyses ante rubum iussus fuerit exuere calceos.</i></p> <p>§. 13. <i>Quare reverentia debeamus ingredi Ecclesias.</i></p> <p>§. 14. <i>Violatores Ecclesiarum graviter puniuntur.</i></p> <p>§. 15. <i>Sanguis Christi contra illos clamat vindictam.</i></p> |
|--|---|

Cum ipse Christus D. aeterna Veritas templum Iudaeorum Hierosolymis exstructum vocaverit Domum Patris sui, (Lucæ 2. v. 49. Matt. 21. v. 13.) merito & nos ^{§. 1. Ecclesia est Domus aeterni Patris.} templa Christianorum hac compellatione honorare

u 2

possu-

possumus. cum ad illum finem i. à Constantino M. deinde aliis Principibus, & Christianis exstructa sint ut verus Deus in illis peculiari cultu colatur & adoretur. Ad hunc eundem finem maiores nostri ante 8. & amplius sæcula in hac urbe templum hoc S. Martini magnificè exstruxerunt, liberaliter dotarunt, ut sit Domus Dei. Hodiernus, est dies annuus, quo Ecclesia hæc, æterno Patri, Christianis ritibus, primum est consecrata.

§. 2.
*Ecclesia
fuit aula
Dei.*

Si teste S. Joanne Chrysostomo quævis Ecclesia est aula Dei sive Palatium Regis æterni; Et hæc Ecclesia S. Martini talis erit aula, tale palatium. Ecce in altari sacros. Sacramentum, divinam Hostiam, in qua veluti regio throno apud nos in terris moratur & habitat, Rex Regum & Dominus Dominantium Christus Jesus. Verè non est hoc ædificium aliud; quàm aula Dei, & palatium Regis æterni. Hodie in lætitia & exultatione celebramus diem annum quo hæc aula magno Deo, & Regi fuit dedicata & consecrata.

§. 3.
*Sunt Para-
disi in ter-
ris.*

Si teste S. Bernardo quævis Ecclesia Christiana, sit parvulus Paradisus in terris, ob cœlestia solatia, quibus animæ sanctæ in templis præcipuè, coram Venerabili Eucharistia, in ferventibus precibus & preciosis occupationibus, perfunduntur; Permittite quoque mihi, ut portæ hujus Ecclesiæ palmaribus & aureis literis hoc elogium inscribam: Parvulus paradisi in terris. Ecce in altari arborem vitæ, ex cujus radicibus fons salit aquarum viventium & vitæ æternæ. Hodie memoriam agimus illius diei, quo hic paradisi sive hæc Ecclesia primum est fundata. Cum gaudio & lætitia paradisum hunc ingredi-
mini auditores.

§. 4.
*Alia elogia
Ecclesiæ.
rum.*

Majores nostri vocarunt Ecclesiam: *Asylum afflictorum* cap. 25. *Sanctuarium, tabernaculum*, cap. 12. vers. 11. Deuteron. *locum quem elegit Dominus*. cap. 56. *Domum orationis*. Omnia hæc elogia debentur huic Ecclesiæ S. Martini, cujus annuam dedicationem hodie celebramus; est sanctuarium, est tabernaculum, sub quo habitat Deus, est locus quem elegit Dominus, est

nus, est locus orationis. Quanta hæc sit gratia, quam eximium beneficium, quod Deus sive Christus Dominus tam admirabili modo in sacramento altaris nobiscum in terris habitare velit, prima parte hujus concionis ostendam. Discursus hujus puncti mihi suggeret corollarium, quo deducam, graviter illos puniri, qui Ecclesias violant & polluant. De benevola vestra attentione hodierno festo non dubito.

Cum Salomon lib. 3. Reg. cap. 8. vers. 10. exstructum & absolutum templum ingenti pompa, præsentem universam multitudinem Israel dedicaret Domino; cum sacerdotes intulissent arcam fœderis Domini in locum suum, in oraculum templi, in sanctum sanctorum subter alas Cherubim; *factum est, ut nebula impleret domum Domini, adeo ut sacerdotes non possent ministrare propter nebulam, impleverat enim gloria Domini domum Domini.* Tum ait Salomon, Dominus dixit ut habitaret in nebula; & ruens in genua exclamavit; *Ergone putandum est, quod verè Deus habitet super terram? si enim cælum & cæli cælorum te capere non possunt, quanto magis domus hac quàm adificavi* Unde tanta admiratio in sapientissimo Rege? nunquid structura templi est admirabilis! an non fundamenta posita sunt ex marmore & omni lapide precioso, nunquid omnia, intus & foris inducta sunt auro, argento, gemmis & lignis cedrinis. Et quid ad architecturæ inventionem, quid ad ornatum & elegantiam desiderari potest? nunquid regiones thesauros, & innumeros auri milliones effudit liberalissima Salomonis manus; quid ergo miratis Rex sapientissime, elegisse Dominum hanc domum ut ibi habitet? hoc promisit Exodi. 25. cap. vers. 8. *Faciant mihi sanctuarium, & habitabo in medio eorum.*

Sed advertere oportet, quid sacer textus intelligat per hanc phrasin, quod Deus habitaverit in templo vel sanct. Judæor. Illa nebula quæ implevit domum Salomonis, tandē condensata sedit super arcam D. sive thronum propitiatorii inter duos Cherubim

§ 5.

Deus habitat in Christianorum Ecclesia.

§ 6.

quid hæc verba significent.

ex auro purissimo; & cum deinde sacerdos in magnis necessitatibus intraret sanctum sanctorum ad consulendum damnum, aliquis angelus ex hac nebula loco Dei sacerdoti & populo dabat responsa; unde modus hic loquendi profluxit, Deus ex templo Salomonis, in arca, in nebula, habitavit cum populo suo. Præsertim quod oculi Domini fuerint aperti super domum hanc nocte ac die; super domum de qua dixit, *Erit nomen meum ibi, & sanctificavi domum hanc, & erunt oculi mei & cor meum ibi cunctis diebus.* Cit. c. 8. & 9. l. 3. reg. variæ numerantur gratiæ, quas Dominus Deus promisit populis, si orarent in templo, si offerrent sacrificia &c. ob quæ beneficia dictum fuit, Deum habitare in templo Jud. Et hanc habitationem Rex Salomon ita fuit miratus, ut exclamarit, *Ergone putandum est &c.*

§. 7.
Affectus
admiratio-
nis.

Si mihi modo umbram Salomonis, vel ex cælo vel inferno excitare liceret; si in hoc templo ducerem ad altare, & dicerem; Ecce Rex sapientissime, non in nebula, sed sub his accidentibus sacrosanctæ hostiæ Magnus Deus noster, altissimus Dei filius personaliter, realiter nobiscum habitat in terris; quid putatis audit. Nunquid plenus stupore diceret, ergone hoc putandum est. Si dicerem, quod nos Christiani & Catholici credimus, Qui in gloria sedit ad dexteram Patris; qui ante, ut nos redimeret pependit in cruce; idem ille hic in altari nobis præsens est, & erit usque in consummationem sæculi; nunquid exclamaret, Ergone putandum est? &c. Nos ut dixi non putamus, sed credimus, certi sumus, parati sumus morte & sanguine subscribere præsentiae Christi in Eucharistia.

§. 8.
Profecutio.

Si umbram Salomonis deducerem ad sedem aliquam confessionalem, & dicerem: Ecce Salomon, tua balnea, tui fontes, tuæ piscinæ, tuæ lotiones, tuæ aspersiones, quæ in templo tuo in usu fuerunt figura fuerunt fontis sanctiss. sacram. pœnitentiæ, quod in hac sede administratur. Hic, lavantur animæ in sanguine agni immaculati, hic super nivem dealbantur. Nunquid plena admiratione in hæc eadem verba prorumperet: Ergone putandum est &c. Nos non putamus, sed credimus; quem articulum si bene perciperemus, si viva fide perpende-

penderemus hunc infinitum Christi Domini amorem, quod die & nocte, in hoc v.g. templo sub speciebus sacram. adesse nobis velit, ut oculi ejus super nos in loco hoc sint aperti; ut cor ejus nobiscum sit ut preces vestras exaudiat, ut nobis concilietur &c. sine dubio quis diceret cum Davide Ps. 5. v. 8. *Introibo in domum tuam, adorabo ad templum sanctum tuum in timore tuo.* ex ps. 65. v. 13. *Introibo in Domum tuam in holocaustis.* ex ps. 131. v. 7. *Introibimus in tabernaculum ejus, adorabimus in loco* (non ubi steterunt pedes ejus) sed ubi est sanctissimum corpus ejus, ubi est anima ejus, ubi est preciosissimus ejus sanguis, ubi est totus Christus, ubi tam admirabili modo præsens est sacrosancta Trinitas, Pater, Filius & Spiritus S.

Exodi. 3. v. 3. Moyses pascebat oves in monte Dei Horeb, & apparuit illi Dominus in flamma ignis de medio rubi; & videbat quod rubus arderet & non combureretur; dixitq; Moyses, *Vadam & videbo visionem hanc magnam, quare non comburatur rubus.* cum iret audivit vocem de medio rubi; v. 5. *Ne appropies huc, solve calceamentum de pedibus tuis, locus enim in quo stas terra sancta est.* Inter innumera mysteria, quæ latent sub hoc rubo, hoc modo inquiri, quare locus, in quo rubus stetit, dictus fuerit ab angelo, qui ex rubo loquebatur, terra sancta. Sensus allegoricus dabit mihi causas. In illo 1. subtiliter dicunt aliqui interpretes. *Ignis in rubo, est Deus in carne; sive verbum caro factum.* Vilis, asper, spinosus rubus significat Christi Humanitatem; Ignis divinitatem. Ob tam excellentem figuram tanti mysterii incarnationis, locus ille, vel terra in qua stetit rubus, merito sancta dici potuit. 2. S. Greg. Nyss. ait. Ignis in rubo, est Deus conceptus & natus ex Virgine. nam, *ut frutex accendit ignem, & non crematur; itidem etiam Virgo parit & non corrumpitur.* Et cur locus in quo stetit rubus, figura tam sanctæ Virginis, non dicatur sanctus.

3. Alia mirabilia deinde contigerunt in hoc monte, ad ejus radices jacuit petra, quam cum Moyses sua virga percussit, aquam dedit populo in abundantia. Ecce figuram petrae, quæ deinde Christus fuit, ex quo in monte fluxerunt fontes sanguinis.

§. 9.

In Ecclesia
est terra
sancta. Quare

§. 10.

Profecution.

guinis. Quid sub sole, vel in cœlis & in terris est sanctius sanguine filii Dei. Vel ob figuram ejusdem, mons, in quo fuit illa petra, sanctus dici debuit. In illo monte, Moyſes orans expansis brachiis, obtinuit, ut Joſue vinceret Amelec; in quo fuit locus ille figura Montis Calvariae in quo Chriſtus D. expansis & affixis ad crucem brachiis orans, obtinuit victoriam contra diabolum. In hoc monte Moyſi deinde data fuit lex; in illo monte 3. Reg. 19. v. 12. Elias vidit Deum in ſibilo auræ tenuis. Quid miramur quod angelus de rubo locum illum vocaverit terram sanctam.

§. 11.
Comparatur
Ecclesia
cum monte
Sinai.

Ex monte Sinai redite mecum Auditores ad templum hoc S. Martini, ut intelligatis vos stare in loco sancto. Ecce in altari, non rubum aliquem, sed parvam Hostiam; non dicamus hic in fig. Ignis in rubo, est Deus in carne, vel, *verbum caro factum est*; Fides nostra dicit, in hac hostia realiter, personaliter est illud verbum, quod carnem assumpsit; in hac hostia realiter, personaliter modo sacramentali, est idem Deus, qui regnat in cœlis, æternus, immensus, omnipotens &c. Item Chriſtus qui sedet ad dexterum Patris. Idem qui conceptus & natus, ex Maria Virg. passus & mortuus pro nobis est: idem qui glorioſe reſurrexit à mortuis, idem qui judicaturus est vivos & mortuos. Hunc locum, hoc altare, hoc templum, nunquid appellare debemus sanctum. Profecto non est alia natio sub sole, quæ Deos suos ita habeat ſibi appropinquantem, ſicut nos habemus. Ecce petram, quæ non in figura dat aquas, ſed re ipsa, preciſiſſimum Chriſti ſanguinem, quo abluimur in remiſſionem peccatorum, imò quem bibimus. Ecce altare non holocauſti, non thymiamatum, non victimarum, ſed agni immaculati, qui tollit peccata mundi, qui nos ſanctificat. Verè locus hic ſanctus eſt, in quo ſanctus ſanctorum tam admirabili modo nobis præſens eſt.

§. 12.
Cur Moyſes
ante ru-
bum iuſſus

Cogitet quis ſibi dici, quod Angelus, vel Arch. Michaël ut quidam putant dixit Moyſi; *Ne appropies*, niſi prius ſolvas calceamentum de pedibus tuis probabile eſt Moyſem cum accedere

cedere voluit ad inspicendum rubum accessisse celeriter, audacter, sine timore & reverentia, ideo dixit angelus, qui secundum quosdam Patres, Filius Dei, Israelitas ex Ægypto liberaturus, & in terram promissionis deducturus erat: *Ne appropies &c.* Jussus est autem exuere calceos, ut sic reverentiam exhiberet divinæ Majestati, quæ in rubo, in igne, in persona angeli, suam præsentiam Moyfi exhibebat, jussus est exuere calceos, & accedere nudis pedibus sive cum magna reverentia cum abnegatione omnium inordinatorum affectuum, cum mortificatione passionum, quas corium sive fœtidæ animalium pelles significant. Pari ratione deinde jussu Moyfis sacerdotes Aaronici in tabernaculo nudis pedibus debuerunt offerre hostias; Exodi 30. vers. 20. hinc illud dictum Tarentini Philosophi primi Pythagoræ; *Nudis pedibus Sacrifica*, id est, exutis bestialis sensus affectibus, quod aliter expressit Cato in distichis:

Si Deus est animus nobis ut carmina dicunt

Hic is idem pura semper tibi mente colendus.

Berenice Regis Agrippæ soror cum venisset Jerosolymam, ante tribunal Flori præsidis, stetit nudis pedibus in signum submissionis: Seraphini & Cherubini astantes throno divinæ Majestatis pinguntur nudis pedibus. Ita etiam mancipia quondam apud Romanos incedebant, in signum reverentiæ quam debent suis Dominis.

Nisi fallor hodierno dedicationis festo nos hoc templum ingressi sumus, ut videamus visionem hanc magnam, Deum & Christum Salvatorem nostrum non in rubo, sed in altari; Venimus in hoc templum, ut adoremus Dominum, ut Deo offeramus sacrificia laudis; Venimus ut invocemus nomen Domini. Sed deponamus prius calceamenta, exuamus inordinatos affectus, mortificemus nostras passiones, ut accedamus cum magna reverentia. Ecce thronum & tribunal non Flori, non alicujus Principis, sed Regis Regum; attendite ut cum Berenice, ut cum Seraphinis & Cherubinis astemus nudis pedibus. Hunc timorem, hanc humilitatem, hanc

fig.

Quæ reverentia debetur in gradu Ecclesiarum.

nat rosas, tum maxime odoratas, cum inenarrabili quadam suavitate, cum super hunc fruticem cœlestis arcus curvatur. Idem Plinius ait; Terra, cum à siccitate continua immaduit imbre, si in illam arcus cœlestis dejecerit capita sua, tum emit-
tit quendam divinum halitum ex sole conceptum, cui comparari suavis nulla potest. Quidni vocem hodie S. Andream cœlestem Aspalathum, vel decorum flosculum; parvum ob humilitatem, spinosum ob tribulationes quas pertulit; sed, pendentem in cruce, plenum cœlestibus odoribus, & odoramentis, quæ fuerunt ardentissima ejus suspiria ad crucem & Christum Salvatorem. Unde tanta fragrantia? unde cœlestis odor nisi ab iride sacrosanctæ crucis; nisi à tole Christo Jesu, qui prior in cruce obiit. O preciosa crux.

S. 12.
S. Andreas
in cruce in-
venit favos
cœlestium
deliciarum

Addit Aristoteles; ad generationem aërii mellis, sive ad manna, multum conferre odoratas qualitates, quæ manserunt in floribus & herbis, quibus iris incubuit, & inde apiculæ colligunt mel suavissimum. Quidni apiculam vocem Andream, plenum melle? Dulce manna est cœlestis amor! suave mel est tenera devotio cordis. Dulces favi sunt cœlestes consolationes! his tam copiose de cœlo S. Andreas etiam pendens in cruce, quasi obrutus fuit, & inebriatus ab ubertate domus Domini, ut dulce, & summa suavisitas illi fuerit, pendere in cruce, ut noluerit ab illa separari, vel liberari. Sed unde illa solatia in corde S. Andree? nisi ab iride sacrosanctæ crucis, quam totis visceribus cordis complectebatur, & ut interna gaudia foris ostenderet, melleis verbis exclamavit, salve, O preciosa crux! O bona crux. Iris cum fulget, plerumque salutare generat pluvias; O animæ piæ, si corda vestra desiderant pluvias cœlestium consolationum, si favos quæritis suavissimarum deliciarum, hoc necesse est, ut vos tangant cornua crucis; hoc necessarium est, ut cœlestis hic arcus super vos curvetur; gustate, stringite cum S. Andrea crucem, mox in dulces prorumpetis voces, O preciosa crux.

S. 13.
Rhamnus
Rex arbor.

Cum Judicum cap. 9. v. 15. arbores elegissent rhamnum in regem, dixit ad illas. *Si verè me Regem constituis-
sub*

sub umbra mea requiescite. Et qualem umbram inveniemus ^{rum et c. 9.} sub spinosa arbore? qualem quietem inter spinas? Rhamnus ille fuit ^{Ind fuit fl- gum crucis.} figura sacrosanctæ Crucis. Facta est arbor regia, cum Rex Regum illi fuit affixus: germinavit, floruit spinosa crux, cum rigata fuit sanguine filii Dei; sanctissimis membris divini corporis, vulneratis manibus & pedibus, fuit exornata, veluti rosis; rhamnus conversus fuit in therebynthum, latè expandentem suos ramos. Conversus fuit in pomum, de quo sponsa ait; Cant. 2. *Sicut malus inter ligna sylvarum, sic dilectus meus; sub umbra illius sedi.* Honorius. Scilicet, malus est crux: fructus ejus Christus: umbra, tutela. O animæ piæ, estote aviculæ, adulate, hic umbram & nidos quarite. Dulcis luscinia in palma crucis fuit S. Andreas, suaviter cantillans, salve O Crux preciosa! sponsum sedentem in palma habuit præ oculis, & sub umbra illius, quæsit, imò invenit quietem & æternam felicitatem. Ob delicias crucis S. Chrysost. & alii SS. PP. illam vocarunt, *Argumentum totius gratulationis spiritualis; Latitiam nostram & spem desperatorum; Clavem Paradisi, dulcem sarcinam; dulce lignum quod amaras aquas reddit dulcissimas.* Lignum plane preciosum.

Præter alia innumera bona & ingentia beneficia, quæ debemus sacros. Crucis; nam (S. Athanasius q. 158. ad Antioch.) ^{§ 14. Elogia crucis ex S. Athanasio.} *Crux de morte triumphavit: diabolum sustulit; Cruce conculcata est mors ejusque metus: & in exilium relegata legis maledictio: infernus celsit in prædam; peccatum & ejus reatus est abolitum; natura hominum à servitute Satanæ liberata, diabolus, ut invicto credentium animo nocere nequeat, est ligatus; plantata est salus, resurrectio est patefacta; vita est orta. Quidni millies, in gratiarum actionem pro tantis beneficiis, cum Sancto Andica exclamemus, Salve O preciosa Crux! O bona Crux Salve; gaudio gaudentes te amplectimur, & cum jubilo salutamus: quia bene gnari sumus nobis expedire, ut ad imitationem Sancti Andreæ simus amatores Crucis Christi.*


§. 15.
Crux in
medio Co-
ronæ con-
textæ cu
lucidissim
stellis.

Gloriam denique, qua victrix anima S. Andreæ in cœlis fruitur, & aliquando resumpto corpore æternum fruetur, reperit in cruce. Via crucis illum deduxit ad bravium immarcescibilis coronæ. Jucundissimum spectaculum videt Roma, in morte S. Eusebiæ Romanæ Virginis (teste Bollandò 24. Jan.) Ipso in meridie, alto sole, sudoque aëre apparuit corona è micantibus stellis contexta, in cujus medio crux erat, miri candoris, ut cœlum nobis innueret, amatoribus crucis in cœlo parari tales coronas. Spinæ crucis aliquando convertentur in rosas & stellas. Ite pictores, si volupe vobis est ornare hodie crucem S. Andreæ aliquo symbolo; pingite supra verticem invicti athletæ coronam è lucidissimis stellis; imò major longe favor gloriosissimo apostolo fuit exhibitus; nam, ut ait S. Vincentius ser. de S. Andrea, ipse Christus D. cum multitudine angelorum descendit in terras, ad locum Martyrii, & animam S. Apostoli secum deduxit in cœlum. O millies preciosam crucem! in qua S. Andreas tam preciosam invenit coronam! Neque nos alibi inveniemus nisi in cruce.

§. 16.
A cruce
gaudium,
gloria, &
regnum.

De triumphante Imperatore apud Romanos dixit S. Augustinus; *Triumphat victor Imperator, & quanto majus fuit periculum in pralio; tanto majus est gaudium in triumpho.* Idem nobis continget, & contigit S. Andreæ. Quanto major est afflictio nostra in hoc mundo, quanto gravius est pondus crucis (si momentaneum pondus dici potest) tanto gravius erit pondus gloriæ. Neque dubitemus de ejus certitudine, si cum S. Andrea crucem amplectimur. Estheris cap. 15. vers. 15. *Assverus tulit auream virgam, & posuit super collum ejus.* Josephus ait l. II. cap. 6. *Sceptrum in manu ejus inseruit, & cervicem ejus virga per mulcens aurea, à legis metu, omnino fecit liberam, & regiam dignitatem illi confirmavit.* Et miraris, amice mi, cur subinde Christus Dominus crucem humeris tuis imponat? sic offert sceptrum; sic mulcet te, sic tenerum monstrat amorem, sic te disponit ad regnum. O preciosum sceptrum! O preciosam Virgam! O preciosam crucem! O preciosam coronam.

CON



CONCIO LXXXIX.

FESTO DEDICATIONIS ECCLESIAE.

Hodie salus huic domui facta est.

Luc. 19. cap. v. 9.

SYNOPSIS CONCIONIS.

Agit de sanctitate & aliis elogiis Ecclesiarum.

- | | |
|---|---|
| §. 1. <i>Ecclesia est domus aeterni Patris.</i> | §. 10. <i>Prosecutio.</i> |
| §. 2. <i>Ecclesia sunt Aula Dei.</i> | §. 11. <i>Comparatur Ecclesia cum monte Sinai.</i> |
| §. 3. <i>Sunt Paradisus in terris.</i> | §. 12. <i>Cur Moyses ante rubum iussus fuerit exuere calceos.</i> |
| §. 4. <i>Alia elogia.</i> | §. 13. <i>Quare reverentia debeamus ingredi Ecclesias.</i> |
| §. 5. <i>Deus habitat in Ecclesiis Christianorum.</i> | §. 14. <i>Violatores Ecclesiarum graviter puniuntur.</i> |
| §. 6. <i>Quid hac verba significant.</i> | §. 15. <i>Sanguis Christi contra illos clamat vindictam.</i> |
| §. 7. <i>Affectus admirationis.</i> | |
| §. 8. <i>Prosecutio.</i> | |
| §. 9. <i>In Ecclesiis est terra sancta. Quare?</i> | |

CUm ipse Christus D. æterna Veritas templum Judæorum Hierosolymis exstructum vocaverit Domum Patris sui, (Lucæ 2. v. 49. Matt. 21. v. 13.) merito & nos ^{§. 1. Ecclesia est Domus aeterni Patris.} templa Christianorum hac compellatione honorare

possumus. cum ad illum finem i. à Constantino M. deinde aliis Principibus, & Christianis exstructa sint ut verus Deus in illis peculiari cultu colatur & adoretur. Ad hunc eundem finem majores nostri ante 8. & amplius sæcula in hac urbe templum hoc S. Martini magnificè exstruxerunt, liberaliter dotarunt, ut sit Domus Dei. Hodiernus, est dies annuus, quo Ecclesia hæc, æterno Patri, Christianis ritibus, primum est consecrata.

§. 2.
*Ecclesia
sunt aula
Dei.*

Si teste S. Joanne Chrysostomo quævis Ecclesia est aula Dei sive Palatium Regis æterni; Et hæc Ecclesia S. Martini talis erit aula, tale palatium. Ecce in altari sacros. Sacramentum, divinam Hostiam, in qua veluti regio throno apud nos in terris moratur & habitat, Rex Regum & Dominus Dominantium Christus Jesus. Verè non est hoc ædificium aliud; quàm aula Dei, & palatium Regis æterni. Hodie in lætitia & exultatione celebramus diem annum quo hæc aula magno Deo, & Regi fuit dedicata & consecrata.

§. 3.
*Sunt Para-
disus in ter-
ris.*

Si teste S. Bernardo quævis Ecclesia Christiana, sit parvulus Paradisus in terris, ob cœlestia solatia, quibus animæ sanctæ in templis præcipuè, coram Venerabili Eucharistia, in ferventibus precibus & preciosis occupationibus, perfunduntur; Permittite quoque mihi, ut portæ hujus Ecclesiæ palmaribus & aureis literis hoc elogium inscribam: Parvulus paradisus in terris. Ecce in altari arborem vitæ, ex cujus radicibus fons salit aquarum viventium & vitæ æternæ. Hodie memoriam agimus illius diei, quo hic paradisus sive hæc Ecclesia primum est fundata. Cum gaudio & lætitia paradisum hunc ingredi-
mini auditores.

§. 4.
*Alia elogia
Ecclesiæ
rum.*

Majores nostri vocarunt Ecclesiam: *Asylum afflictorum* cap. 25. *Sanctuarium, tabernaculum*, cap. 12. vers. 11. Deuteron. *locum quem elegit Dominus*. cap. 56. *Domum orationis*. Omnia hæc elogia debentur huic Ecclesiæ S. Martini, cujus annuam dedicationem hodie celebramus; est sanctuarium, est tabernaculum, sub quo habitat Deus, est locus quem elegit Dominus, est

nus, est locus orationis. Quanta hæc sit gratia, quam eximium beneficium, quod Deus sive Christus Dominus tam admirabili modo in sacramento altaris nobiscum in terris habitare velit, prima parte hujus concionis ostendam. Discursus hujus puncti mihi suggeret corollarium, quo deducam, graviter illos puniri, qui Ecclesias violant & pollunt. De benevola vestra attentione hodierno festo non dubito.

Cum Salomon lib. 3. Reg. cap. 8. vers. 10. exstructum & absolutum templum ingenti pompa, præsentem universam multitudinem Israel dedicaret Domino; cum sacerdotes intulissent arcam fœderis Domini in locum suum, in oraculum templi, in sanctum sanctorum subter alas Cherubim; *Factum est, ut nebula impleret domum Domini, adeo ut sacerdotes non possent ministrare propter nebulam, impleverat enim gloria Domini domum Domini.* Tum ait Salomon, Dominus dixit ut habitaret in nebula; & ruens in genua exclamavit; *Ergone putandum est, quod verè Deus habitet super terram? si enim cælum & cæli cælorum te capere non possunt, quanto magis domus hæc quàm adificavi* Unde tanta admiratio in sapientissimo Rege? nunquid structura templi est admirabilis! an non fundamenta posita sunt ex marmore & omni lapide precioso, nunquid omnia, intus & foris inducta sunt auro, argento, gemmis & lignis cedrinis. Et quid ad architecturæ inventionem, quid ad ornatum & elegantiam desiderari potest? nunquid regiones thesauros, & innumeros auri milliones effudit liberalissima Salomonis manus; quid ergo miraris Rex sapientissime, elegisse Dominum hanc domum ut ibi habitet? hoc promisit Exodi. 25. cap. vers. 8. *Faciant mihi sanctuarium, & habitabo in medio eorum.*

Sed advertere oportet, quid sacer textus intelligat per hanc phrasin, quod Deus habitaverit in templo vel sanct. Judæor. Illa nebula quæ implevit domum Salomonis, tandè condensata sedit super arcam D. sive thronum propitiatorii inter duos Cherubim

§ 5.
Deus habitet in christianorum Ecclesia.

§ 6.
Quid hæc verba significent.

ex auro purissimo; & cum deinde sacerdos in magnis necessitatibus intraret sanctum sanctorum ad consulendum damnum, aliquis angelus ex hac nebula loco Dei sacerdoti & populo dabat responsa; unde modus hic loquendi profluxit, Deus ex templo Salomonis, in arca, in nebula, habitavit cum populo suo. Præsertim quod oculi Domini fuerint aperti super domum hanc nocte ac die; super domum de qua dixit, *Erit nomen meum ibi, & sanctificavi domum hanc, & erunt oculi mei & cor meum ibi cunctis diebus.* Cit. c. 8. & 9. l. 3. reg. variæ numerantur gratiæ, quas Dominus Deus promisit populis, si orarent in templo, si offerrent sacrificia &c. ob quæ beneficia dictum fuit, Deum habitare in templo Jud. Et hanc habitationem Rex Salomon ita fuit miratus, ut exclamarit, *Ergone putandum est &c.*

§. 7.
Affectus
admiratio-
nis.

Si mihi modo umbram Salomonis, vel ex cælo vel inferno excitare liceret; si in hoc templo ducerem ad altare, & dicerem; Ecce Rex sapientissime, non in nebula, sed sub his accidentibus sacrosanctæ hostiæ Magnus Deus noster, altissimus Dei filius personaliter, realiter nobiscum habitat in terris; quid putatis audit. Nunquid plenus stupore diceret, ergone hoc putandum est. Si dicerem, quod nos Christiani & Catholici credimus, Qui in gloria sedet ad dexteram Patris; qui ante, ut nos redimeret pependit in cruce; idem ille hic in altari nobis præsens est, & erit usque in consummationem sæculi; nunquid exclamaret, Ergone putandum est? &c. Nos ut dixi non putamus, sed credimus, certi sumus, parati sumus morte & sanguine subscribere præsentia Christi in Eucharistia.

§. 8.
Prosecutio.

Si umbram Salomonis deducerem ad sedem aliquam confessionalem, & dicerem: Ecce Salomon, tua balnea, tui fontes, tuæ piscinæ, tuæ lotiones, tuæ aspersiones, quæ in templo tuo in usu fuerunt figura fuerunt fontis sanctiss. sacram. pœnitentiæ, quod in hac sede administratur. Hic, lavantur animæ in sanguine agni immaculati, hic super nivem dealbantur. Nunquid plena admiratione in hæc eadem verba prorumperet: Ergone putandum est &c. Nos non putamus, sed credimus; quem articulum si bene perciperemus, si viva fide perpende-

penderemus hunc infinitum Christi Domini amorem, quod die & nocte, in hoc v.g. templo sub speciebus sacram. adesse nobis velit, ut oculi ejus super nos in loco hoc sint aperti; ut cor ejus nobiscum sit ut preces vestras exaudiat, ut nobis concilietur &c. sine dubio quis diceret cum Davide Pl. 5. v. 8. *Introibo in domum tuam, adorabo ad templum sanctum tuum in timore tuo.* ex pl. 65. v. 13. *Introibo in Domum tuam in holocaustis.* ex pl. 131. v. 7. *Introibimus in tabernaculum ejus, adorabimus in loco* (non ubi steterunt pedes ejus) sed ubi est sanctissimum corpus ejus, ubi est anima ejus, ubi est preciosissimus ejus sanguis, ubi est totus Christus, ubi tam admirabili modo præsens est sacrosancta Trinitas, Pater, Filius & Spiritus S.

Exodi. 3. v. 3. Moyses pascebat oves in monte Dei Horeb, & apparuit illi Dominus in flamma ignis de medio rubi; & videbat quod rubus arderet & non combureretur; dixitq; Moyses, *Vadam & videbo visionem hanc magnam, quare non comburatur rubus.* cum iret audivit vocem de medio rubi; v. 5. *Ne appropies huc, solve calceamentum de pedibus tuis, locus enim in quo stas terra sancta est.* Inter innumera mysteria, quæ latent sub hoc rubo, hoc modo inquiri, quare locus, in quo rubus stetit, dictus fuerit ab angelo, qui ex rubo loquebatur, terra sancta. Sensus allegoricus dabit mihi causas. In illo 1. subtiliter dicunt aliqui interpretes. *Ignis in rubo, est Deus in carne; sive verbum caro factum.* Vilis, asper, spinosus rubus significat Christi Humanitatem; Ignis divinitatem. Ob tam excellentem figuram tanti mysterii incarnationis, locus ille, vel terra in qua stetit rubus, merito sancta dici potuit. 2. S. Greg. Nyss. ait. *Ignis in rubo, est Deus conceptus & natus ex Virgine. nam, ut frutex accendit ignem, & non crematur; itidem etiam Virgo parit & non corrumpitur.* Et cur locus in quo stetit rubus, figura tam sanctæ Virginis, non dicatur sanctus.

3. Alia mirabilia deinde contigerunt in hoc monte, ad ejus radices jacuit petra, quam cum Moyses sua virga percussit, aquam dedit populo in abundantia. Ecce figuram petrae, quæ deinde Christus fuit, ex quo in monte fluxerunt fontes sanguinis.

6.9.
In Ecclesia
est terra
sancta. Quæ
re l

6.10.
Profecution

guinis. Quid sub sole, vel in cœlis & in terris est sanctius sanguine filii Dei. Vel ob figuram ejusdem, mons, in quo fuit illa petra, sanctus dici debuit. In illo monte, Moyſes orans expansis brachiis, obtinuit, ut Joſue vinceret Amelec; in quo fuit locus ille figura Montis Calvariae in quo Chriſtus D. expansis & affixis ad crucem brachiis orans, obtinuit victoriam contra diabolum. In hoc monte Moyſi deinde data fuit lex; in illo monte 3. Reg. 19. v. 12. Elias vidit Deum in ſibilo auræ tenuis. Quid miramur quod angelus de rubo locum illum vocaverit terram sanctam.

§. 11.
Comparatur
Ecclesia
cum monte
Sinai.

Ex monte Sinai redite mecum Auditores ad templum hoc S. Martini, ut intelligatis vos stare in loco sancto. Ecce in altari, non rubum aliquem, sed parvam Hostiam; non dicamus hic in fig. Ignis in rubo, est Deus in carne, vel, *verbum caro factum est*; Fides nostra dicit, in hac hostia realiter, personaliter est illud verbum, quod carnem assumpsit; in hac hostia realiter, personaliter modo sacramentali, est idem Deus, qui regnat in cœlis, æternus, immensus, omnipotens &c. Idem Chriſtus qui sedet ad dexterum Patris. Idem qui conceptus & natus, ex Maria Virg. passus & mortuus pro nobis est. idem qui glorioſe reſurrexit à mortuis, idem qui judicaturus est vivos & mortuos. Hunc locum, hoc altare, hoc templum, nunquid appellare debemus sanctum. Profecto non est alia natio sub sole, quæ Deos suos ita habeat ſibi appropinquantem, ſicut nos habemus. Ecce petram, quæ non in figura dat aquas, ſed re ipſa, precioliſſimum Chriſti ſanguinem, quo abluimur in remiſſionem peccatorum, imò quem bibimus. Ecce altare non holocauſti, non thymiamarum, non victimarum, ſed agni immaculati, qui tollit peccata mundi, qui nos ſanctificat. Verè locus hic ſanctus eſt, in quo ſanctus ſanctorum tam admirabili modo nobis præſens eſt.

§. 12.
Cur Moyſes
aperit
hum jussu

Cogitet quis ſibi dici, quod Angelus, vel Arch. Michaël ut quidam putant dixit Moyſi; *Næ appropies*, niſi prius ſolvas calceamentum de pedibus tuis probabile eſt Moyſem cum accedere

cedere voluit ad inspicendum rubum accessisse celeriter, audacter, sine timore & reverentia, ideo dixit angelus, qui secundum quosdam Patres, Filius Dei, Israelitas ex Ægypto liberaturus, & in terram promissionis deducturus erat: *Ne appropies &c.* Jussus est autem exuere calceos, ut sic reverentiam exhiberet divinæ Majestati, quæ in rubo, in igne, in persona angeli, suam præsentiam Moyfi exhibebat, jussus est exuere calceos, & accedere nudis pedibus sive cum magna reverentia cum abnegatione omnium inordinatorum affectuum, cum mortificatione passionum, quas corium sive foetidæ animalium pelles significant. Pari ratione deinde jussu Moyfis sacerdotes Aaronici in tabernaculo nudis pedibus debuerunt offerre hostias; Exodi 30. vers. 20. hinc illud dictum Tarentini Philosophi primi Pythagoræ; *Nudis pedibus Sacrifica*, id est, exutis bestialis sensus affectibus, quod aliter expressit Cato in distichis:

Si Deus est animus nobis ut carmina dicunt

Hic itidem pura semper tibi mente colendus.

Berenice Regis Agrippæ soror cum venisset Jerosolymam, ante tribunal Flori præsidis, stetit nudis pedibus in signum submissionis: Seraphini & Cherubini astantes throno divinæ Majestatis pinguntur nudis pedibus. Ita etiam mancipia quondam apud Romanos incedebant, in signum reverentiæ quam debent suis Dominis.

Nisi fallor hodierno dedicationis festo nos hoc templum ingressi sumus, ut videamus visionem hanc magnam, Deum & Christum Salvatorem nostrum non in rubo, sed in altari; Venimus in hoc templum, ut adoremus Dominum, ut Deo offeramus sacrificia laudis; Venimus ut invocemus nomen Domini. Sed deponamus prius calceamenta, exuamus inordinatos affectus, mortificemus nostras passiones, ut accedamus cum magna reverentia. Ecce thronum & tribunal non Flori, non alicujus Principis, sed Regis Regum; attendite ut cum Berenice, ut cum Seraphinis & Cherubinis astemus nudis pedibus. Hunc timorem, hanc humilitatem, hanc

Alveus III. Pars IV.

x

re-

f. 13.
Qua re-
verentia
debeamus in-
gredi Ec-
clesiam.

reverentiam debemus Deo nostro, & Christo Regi tam mirabili dignatione & modo nobis præsentī in sacrosancta Eucharistia.

§. 14.
Violatores
Ecclesiæ
pharisei
quæ per
minantur.

Qui secus faciunt, qui templa magnis peccatis & irreverentiis violant, graviter à Deo puniuntur, quod est corollarium quod ex primo puncto concionis meæ deduco. Mirabile est quod in vita Christi Domini adverto. Accerrimè detinuit verbis in varia scelera Phariseorum præcipuè publica & scandalosa, nunquam tamen legimus quod aliquem blasphemum, adulterum aliumve peccatorem sua manu percussit. Videntes verò & eementes in templo arrepto flagello suis manibus eiecit, cum accerrima exprobratione, domum Patris mei fecistis speluncam latronum. Hoc scelus sua manu punire voluit. Plenæ sunt historiæ horrendis pœnis in violatores templorum, clarissimo Baronio teste in annalibus ad annum Christi 840. cum quidam effringeret portas Ecclesiæ, pedes portæ impacti, in eadem immoti remanserunt, nec avelli potuerunt, nisi oratione S. Remigii exaudita esset à Deo rursum liberatus. In Hungar. milites voluerunt diruere altare S. Basilii, Sed unius manum impactam lapidi Deus mirabiliter quasi clavis affixit, neque ulla ratione abstrahere potuit. Anno 844, latrones quidam spoliantes Ecclesiam S. Germani Ep. Antisiod. ab eodem baculo ira excepti sunt, ut clamarint *S. Germanus nos baculo percussit*. Cambylen Regem Persarum reducem cum spoliis templorum, ipsum & ejus exercitum sepeliverunt arenosi montes, immani vento ad hunc finem condensati. De Pompeio M. ait S. Vincentius Ferrariens. Pompeius & Cæsar de imperio contendebant, ac Pompeius semper fuit victor: Jerosolymæ atrium templi convertit in stabulum, & deinceps semper fuit victus quia non dedit honorem templo Dei. Milites Theodorici Regis Gothorum à Dæmonibus fuerunt obsessi, cum spoliarent templum S. Juliani. Pyrrhus in Sicilia spoliavit templum Proserpinæ, sed nihil unquam postea propece illi evenit. Sic etiam Ethnicorum Tempora contra violatores vindicavit Deus, eosq; acriter punivit qui nefarias illis manus inferebant,